








24=f. 55=2

lit 209
m 99

THE SAVRVS
ANTIQVITATVM
HISTORIARVM
ITALIAE.
REGIONVM ET VRBIVM
IVRIS VENE TL
PARS QVINTA PARS QVARTA



THESAVRVS
ANTIQVITATVM
ET
HISTORIARVM
ITALIAE.
REGIONVM ET VRBIVM
JVRIS VENETI.
TOMI QVINTI PARS QVARTA



THESSALVS
ANTIQVITATVM
ET
HISTORIARVM
ITALICARVM
REGIONVM ET VRBIVM
HABITANTIVM
ET ALIVM



THESAVRVS
ANTIQVITATVM
ET
HISTORIARVM
ITALIAE.

Quo continentur

Optimi quique Scriptores,

Qui

REGIONVM ET VRBIVM
I VRIS VENETI

*Confiniumque Populorum ac Civitatum Res Antiquas, aliasque vario
tempore gestas, memoriae prodiderunt:*

Digeri olim coeptus Cura & Studio

JOANNIS GEORGII GRAEVII.

Accesserunt

Variae & accuratae Tabulae, tam Geographicae, quam aliae,
ut & Indices ad singulos Libros locupletissimi:

CVM PRAEFATIONIBVS

PETRI BURMANNI,

*J. U. D. Historiarum, Graecae Linguae, Eloquentiae & Historiae foederati Belgii,
in Academia Lugduno-Batava Professoris.*

TOMI QVINTI PARS QVARTA.



LVGDVNI BATAVORVM,
Excudit **PETRVS VANDER Aa,**

Bibliopola, Civitatis atque Academiae Typographus, MDCCXXII.

Cum speciali Privilegio Illustr. ac Praepotent. Ordinum Hollandiae & West-Frisiae.



THE UNIVERSITY OF CHICAGO

LIBRARY

OF THE

Optical

PHYSICS

DEPARTMENT

JOHANNIS GEORGI GRAY

OF THE

PHYSICS

DEPARTMENT

OF THE

PHYSICS

DEPARTMENT


OF THE

PHYSICS

DEPARTMENT

ANTONII STELLÆ,
Clerici Veneti,
ELOGIORUM
VENETORUM
NAVALI PUGNA ILLUSTRIMUM,
LIBER.

*Editio de novo edita, mendis emendata, Indiceque
copiosissimo aucta.*



LUGDUNI BATAVORUM,
Sumptibus **PETRI VANDER Aa,**
Bibliopolæ, & Typographi Academiæ atque Civitatis.

ANNO 1700

David Hume

ET GLORIAM VENERUM

REVERENDISSIMO

1700

Exemplum
Exemplum




EXEMPLUM

Exemplum
Exemplum

PRÆFATIO

HUJUS NOVÆ EDITIONIS.


LECTORI SALUTEM.

ON dubito, quin alacri vultu librum hunc sis accepturus; licet, secundum quantitatem, sit exiguus; Cum autem secundum qualitatem consideraveris, non inelegantem esse, reperies. Quia autem mos mihi non est, opera à me edenda prolixioribus præfationibus commendare, conquiesco ab his, & tantum ea, quæ te, Benevole Lector, ex plurimis scire volui, dico. Forma est, ut opera mea reliqua, typi elegantiores, cura præ cæteris tanta, ut nihil operi, aut ejus expectationi deesse videatur. Textum quod attinet, vix credo correctiorem dari posse. Numero insuper arithmetico paginas Editionis, opera Vincentii Valgriffii M. D. LVIII. Venetiis editæ ad marginem designavimus, quo Lector statim obviam haberet, si fortasse paginae editionis jamjam dictæ quodam in libro allegarentur. Indicemque, quo liber hic plane carebat, rerum, verborum, sententiarumque accuratius observatarum, locupletissimum adjecimus. Hoc meo, Benevole Lector, labore interim frui, pluraque indies meditati fave. Vale.

AD SERENISSIMUM ATQUE ILLUSTRISSIMUM PRINCIPEM,
LAURENTIUM PRIOLUM,
Venetæ Reipublicæ Ducem optimum,

IN
ELOGIA VENETORUM,
NAVALI PUGNA ILLUSTRIMUM,
ANTONII STELLÆ
Clerici Veneti,

PRÆFATIO.

I quantum in te est dignitatis atque splendoris, Princeps benignissime, tantum in me esset ingenii atque doctrinæ, sperarem profecto parem merito tuo, & desiderio meo, aliqua saltem ex parte, incultis meis lucubrationibus, operam præstare facile posse. Sed cum aliter in me esse perspiciam (quam enim exiguum in me sit ingenium optime sentio) vitam ipsam, & si quid est ipsa mihi jucundius, acerbissimam esse puto. Verum cogitanti mihi, ac memoria sæpissime re-

petenti, quanta semper humanitate, atque animi propensione, omnes foveas, & amplexeris, non possum non vehementer sperare, multaque de meipso, in præsentia polliceri. Enimvero quum ad scribendi studia, re-tenta quidem animo, sed intermissa curis, atque negotiis me contulissem, id ipsum quod datur otii, perlibenter in *Venetis* rebus consumere decre-vi. Verum si pro tuis in me meritis (quæ incredibilia pene extiterunt) parum cumulate gratias egero, quæso obtestorque, ne meæ naturæ po-tius, quam tuorum in me officiorum magnitudini,tribuendum putes. Tua enim in me beneficia, & perlibenter hodie fateor, & perpetuo præ-dicare non desinam; & nisi tibi gratias agam, ingratis-simus, nisi perpe-tuo habeam, inhumanus, nisi de referenda gratia, dies & noctes, quo-quo modo à me fieri potest, cogitarem, scelestus impiusque haberi meri-to possem. Quare operæ pretium me facturum existimavi, si cui fortu-nas omnes meas, acceptas referre debeo, eidem quoque lucubrationes meæ dicarentur. Sed quoniam (quod nunquam fieri posse arbitrabar) ad meritas tibi gratias referendas, mihi verba desunt, Deum Optimum Maximum precor, ut incolumi Principatu sis diu superstes, mihi que ea mens contingat, ut perpetuo cultu, & observantia, nec obscura grati ani-mi professione, te diutissime colam, observem, & venerer. Sed etsi non parum me suscepti negotii magnitudo, ab hujuscemodi instituto poterat avocare, fecit tamen præclara tua in me humanitas, ut hoc quicquid est oneris atque laboris, quod video quam sit difficile in primis, atque labo-rioso, magno animo suscipere non dubitem. Laudent itaque alii *Graecos*, *Romanos*, *Macedones*, *Persas*, & id genus multos, mihi certe pul-chrum, atque decorum est visum, patriæ stemmata, laudibus quibuscun-que potui, brevi ac conciso orationis genere conscribere, fideli certe sin-ceroque labore. Quid enim aut melius, aut ad inflammandos juvenum animos, efficacius erat? Impressa namque semper erit, adolescentum ani-mis, probatissimorum hominum memoria, primo etenim adversus exte-ros, arma pro libertate, tamquam pro aris & focus, corripuit civitas, mox pro finibus, deinde pro fociis, tum gloria, & Imperio, lacessenti-bus assidue usquequaque finitimis. Ego vero posui, quantum licuit in medio, multorum hominum vitam, mores; & res præclare ac prospere gestas, in quas omnis juvenus, tamquam in speculum intuens, ea inde documenta capere, & quasi à fonte haurire posset, quibus vel publicis vel privatis rationibus optime consuleretur. Nam & juniores, ex multiplici historia, quadam quasi exemplorum copia, ad vitam instructiores reddun-tur. quam utiliter enim sit comparatum, ut studiosi adolescentes, ex alie-na laude, alta & sublimia ingenia mirari assuescant, & ea quæ mirentur, omni cura, & diligentia, æmulari contendant, nemo est qui nesciat. In his vero nostris lucubrationibus id continetur, à quibus progressa princi-piis, hæc urbs paulatim adoleverit, quibus adulta viribus steterit, qua demum virtute, in multas gentes imperium propagaverit. Civitas nam-que libero jure, ad imperandum nata, continuo rei maritimæ studio, pollere cœpit, brevique illius opes, usque adeo sunt auctæ, ut toto mari terrori esset; nam *Veneti* *Pipinum* Regem, Regisque filium, *Rogerium Si-ciliæ*, ac *Viscardum* *Rogero* fortio-rem, bello vicere, tot gentes & populos debellarunt, numerosamque *Saracenorum* classem, nullis externis auxiliis adjuti, in ora *Syriæ* deleverunt. prætereo multa alia prælia, vel excitata fortiter vel gesta feliciter, in *Dalmatico* sinu, *Epeiro*, atque universa *Gra-cia*, quas provincias, felici admodum successu, suæ ditionis *Veneti* fece-runt, rursus & in ora *Pontici* maris, multa gessere, moxque ad *Tanaim* usque, arma *Veneta* sunt promota, item in *Syria* non pauca; nota sunt præ-

præterea toto orbe, *Friderici Ænobarbi* Imperatoris tempora, cujus filium *Ottobonem*, navali prælio victum, captumque ad Apostolicæ sedis obsequium traxere. per tot insuper bellorum motus, tot strepitus, totque rerum novitates, libertatem tutati, jam adultam & stabilem, nepotibus reliquerunt. quod commune bonum, quo majore est ab illis virtute quæsitum, eo vobis est magis adnitendum, ne deterius posteris relinquatis. Quis enim quæso est qui dubitet, quin belli duces ex hac una Civitate præstantissima, pene innumerabiles, semper extiterint, quæ una fere omnium, per millecentum, & eo amplius annos invicta, cæteris non obscure servientibus, in terra *Italia*, incorruptæ sinceræque libertatis decus tuetur, maris terrarumque ornamentum, & Christiani nominis (ne dicam orbis) lumen singulare? Sed qui mihi se per Deum immortalem campus? quæ seges? quam lata, amplaue ad scribendum via? cum præsertim tantæ res, tam memorabiles, tamque celebres sint, in hoc genere, ut minime mirari debeant, qui hæc ipsa fortasse legent. Etenim hujuscemodi facinora, quæ tum sua materia, quæ ardua est, & sublimis, tum etiam rerum copia, & amplitudine, eximium quoddam, ac prope divinum ingenium exigent, ut digne scribi possent, non autem, tenue & jejunum, quale mihi à natura datum esse hodie fateor; dignam tamen provinciam esse arbitrabar, in qua totis viribus elaborarem. Quantum vero ad historiæ fidem attinet, calumniam nullam pertimesco, publice enim testari possum, nullum in hisce meis Elogiis, locum esse, quem ex *Venetis* annalibus, & antiquis codicibus manuscriptis, non excerpserim, aut ex iis, qui ea de re, commentarios in lucem dedere. Quod si mihi tamquam domestico scriptori, fides esset abroganda, *Livius* lacteus eloquentiæ fons, qui *Romanos*, non *Punicos* annales, in texenda historia est secutus, fabulam non autem historiam, scripsisse diceretur. Quare sic hujusce mei ingenui laboris famam, improbe fugillantes despiciam, ut meorum recte, integreque scriptorum conscientia fretus, eos omnino contemnendos putem. Sunt autem, hæc nostratia Elogia, Laconica brevitate conscripta, eorum qui navali pugna, in civitate hac nostra, atque Republica per sexcentos & amplius annos, magna cum laude floruerunt. Inde ad nostram usque ætatem, veluti de eodem oleo, si hæc tibi placuisse cognovero, in aspectum lucemque proferre non verebor; Trecenti enim qui sequuntur anni, non minorem à me industriam exigent, quibus fere, cum *Turcis* fortiter est bellatum. Illud vero ab Amplitudine tua, studiosissime contendo, ne eo consilio existimes, hujuscemodi à me lucubrationes, ad te missas, quod te illis, aliqua ex parte indigere arbitrarer. essem enim ego vere stultus, ac demens, si Principi, omnium qui unquam fuerunt, prudentia & religione clarissimo, ac numeris omnibus absolutissimo domestica exempla, quæ ipse, jampridem, ad unguem singula novit, proponere, ac in medium afferre auderem. quin id potius feci, ut aliquid favoris, autoritate tua, quæ amplissima est, labori nostro accessisse videretur, etiamsi tibi omnia suppetere certo scio, quæ consequi ingenio, vel usu homines, aut diligentia possunt; quæque tanto Principe digna censentur, tamen non alienum fore, sum arbitratus, si sub tanti Principis nomine, quem exteræ quoque gentes admirantur, hæc in lucem darem. ut enim loca alioqui, sordida & obscena, reflexu solis illustrantur, ita ut hæc, qualescunque lucubrationes nostræ, virtutis tuæ luce, radiisque splendescant, magnopere spero. nihil enim mihi tui nominis celebritate dulcius, nihil jucundius, nihil charius. nam si quis unquam, qui virtutum cumulo, & admiratione, hominum sibi voluntatem devinxerit, quique omnium studia, & animi propensionem promeritus sit, est inventus, tu mihi unus ex omnibus semper es visus. cum enim omnium

disciplinarum genere animum excoluisses, omniumque virtutum præfidiis, esses undique septus, prudentia tamen, atque religione, cæteris plurimum excellis, quæ duæ in te virtutes, tantum omnium prædicatione eminent, quantum in eorum nullo, qui sunt hodie, in amplissimi Principatus fastigio collocati. Erunt autem Amplitudini tuæ, quemadmodum spero, nostra hæc non injucunda, non quod defint tibi, qui melius possint, & velint, res *Venetas* illustrare, sed quia vel pulchrius est à pluribus, vel ad nominis immortalitatem, famamque adipiscendam tutius, ex qua potissimum lectione, perspicere facile poteris, ad quam fortium, sapientiumque civium Rempubicam moderandam, omnium consensu, atque etiam acclamatione, quod nunquam antea contigisse, certo scimus, accesseris. Quæ vero sequentur, cum egregiis animi tui dotibus, tum ingenii felicitate, tam prospere succedent, ut nemo sit, qui non Rempubicam ipsam beatissimam, teque felicissimum fore arbitretur. quumque multa & ampla commoda, ex hac tua administratione, luce clarius appareant, majora tamen, atque feliciora in posterum expectantur. Accipies itaque tu, munusculum hoc nostrum, hilari animo, lætaque fronte, meæ erga te, familiamque tuam observantiæ, pignus non vulgare. Tuæ enim sapientiæ, magnitudinisque animi est, non quod tibi debeo, sed quod in præsentia, pro viribus persolvere possum, benigne candideque, & sincera animi propensione accipere. Quod si mihi à te tribui hoc, concedique sentiam, tunc forsan, me tibi cumulatè satisfecisse, facile credam. Vale *Venetae* Reipublicæ Decus eximium. *Venetis* Calen. Febr. M.D.LVII.

ELENCHUS ELOGIORUM.

A ndreas Barotius.	39	Marcus Ruzinius.	54
Andreas Basilus.	41	Marinus Gradonicus.	24
Andreas Dandulus.	46	Maurocenus ejusdem cognominis.	24
Andreas Teupulus.	32	Ordelaphus Faletrius.	18
Andreas Zenus.	36	Pancratius Justinianus.	51
Angelus Baduarius.	4	Petrus Gradonicus.	6
Belletus Justinianus.	48	Petrus Polanus.	22
Carolus Dandulus.	46	Petrus Rosulus.	11
Dominicus Contarenus.	15	Petrus Sanutus.	9
Dominicus Michael.	20	Petrus Sanutus.	10
Gilbertus Dandulus.	38	Petrus Tromus.	9
Henricus Contarenus.	17	Petrus Urseolus.	12
Henricus Dandulus.	28	Petrus Urseolus.	13
Horleus.	1	Petrus Zenus.	52
Joannes Baduarius.	8	Rainerius Dandulus.	30
Joannes Michael.	17	Rainerius Zenus.	33
Joannes Superantius.	44	Rogerus Maurocenus.	43
Justinianus ejusdem cognominis.	49	Rogerus Permarinus.	30
Laurentius Teupulus.	34	Sebastianus Cianus.	26
Leonardus Quirinus.	31	Victor Heraclianus.	2
Marcus Gradonicus.	40	Vitalis Michael.	24
Marcus Gussionius.	31	Ursus Baduarius.	7
Marcus Justinianus.	51	Ursus Baduarius.	11
Marcus Michael.	37		



ANTONII STELLÆ,

Clerici Veneti,

ELOGIA
VENETORUM
NAVALI PUGNA ILLUSTRUM.

HORLEI Elogium.



RIT equidem, hæc tibi, vix dum jactis civitatis nostræ fundamentis, prima bellandi laudis corona, qui christianæ pictatis veræque religionis studio incensus, octoginta omnis generis navium classe extructa, in gratiam D. Gre-

gorii Pontificis Maximi & Pauli Exarchi Raven-natis Ducis, ex urbe, ab Ildeprando, Luithpran-di, Longobardorum Regis nepote, & Prædeo Vin-centino homine, bellica virtute claro, vi pulsi, adversus gentes immanitate barbaras, multitudine innumerabiles, omnique copiarum genere abundantes, & in vestigio mori potius, quam vinci solitas, justissime arma sumpstisti, atque Prædeo prius, vita & regno spoliato, & Ildepran-do, qui vivus in Venetorum potestatem venerat, in triumphum ducto, Exarchum ipsum, in sedem, postliminio veluti jure, restituendum curasti. quo facto, Venetum nomen, animi robore, & rebus præclare gestis, tanto tamque excellenti rerum successu, primus illustrasti. Debet etiam

2 non tam utile, quam necessarium, hoc tibi civi-tas munus, quod militarem disciplinam, omnem-que bellandi artem condidisti. neque vero ullus unquam ex nostris est repertus, qui cum in aciem prodierit, aut ordinem, aut locum unquam deseruerit, nec dimicandi magis, quam vincendi finem imposuerit. Juvenes namque primo ætatis flore, dum per ætatem, militarem laborem, ferre possent, florentes robore, & viribus, ne turpi veluti otio torperent, neve militarium operum expertes, arma tractarent; novo, sed celebri quodam instituto, militarique disciplina, penes omnes gentes, & populos, semper celebra-ta, quæ ignavis, interdum animos addit, quaque Veneta postea res, in immensum crevit, imbuen-dos, instituendosque summo studio, & diligentia contendisti. Enimvero juvenus, mirum in modum exercitata, navali, terrestrique prælio as-fueta, solis & frigoris patiens, umbræ negligens, delictiarum ignara, parvo contenta cibo, labora-re, decurrere, cum agilibus saltu, cum veloci-bus cursu, cum validis lucta certare: arcu & sagittis, exactissima cura instruebantur, atque inter se, in dies singulos, militum quisque, tan-quam in procinctu positus, in modum justæ pu-gnæ concurrens, equitando, jaculando, omnia-que militari labore tolerando, animum simul & corpus, miro quodam studio exercebat. quando-que etiam belli simulachra agere, educere exer-citum, aciem instruere, disponere cornua sole-

A bant, turpe namque per soccordiam fenescere ar-bitrabantur. quo effectum est, ut miles, his ar-tibus apprime eruditus, non sibi solum, sed po-steris etiam, æternam gloriam compararit. In-gens enim egregiumque decus, Venetæ genti, Ravennæ urbis receptio præbuit. Sed Horleus, quam bellica re fortunatus, tam domi infelix. Nam cum in patriam, hac tanta famæ celebri-tate, ovans rediisset, domesticum odium evi-tare non potuit. Siquidem cum ortam inter He-racianos suos cives, & Equilinos, qui Jesulani postea sunt appellati, ob fines discordiam offen-disset, varioque ob id eventu, per biennium hinc inde, fuisset bellatum, undecimo sui principatus anno, suis ob nimiam animi elationem, tanquam domesticæ illius discordiæ præcipuus author in-visus, ab ipsis tandem in eo prælio interfectus occubuit. magno rerum humanarum documento, quam caducæ, fragilesque sint mortalium res, & quam minimum humanæ felicitati credendum, ut intelligat mortalitas, nihil esse inconstantius iis, quæ tantopere, ut æterna miramur. Nam usurpato veluti imperio, cuncta suo arbitratu re-4 gere, multa turbulenter, ac temere moliri, ple-bisque tantummodo commoda tueri, novis & fel-lulariis hominibus præsidio esse; contra vero no-bilitatem, asperrimis edictis, crebrius quam de-cebat persequi, & late undique summovere, ac perturbare Rempubicam seditionibus anhelans. C Ex quibus rebus, tantus in civitate tumultus, tanta perturbatio, sub ipsa prope nascentis urbis primordia, est orta, ut major etiam inde timor, quam ex hostium certamine, sit consequutus. à quo justæ tandem, & debitæ sunt temeritatis poenæ solutæ.

VICTORIS HERACLIANI Elogium.

A uctæ usque adeo, ad eam diem, erant Ve-netorum opes, validiorque in dies fiebat eorum potentia, ut cuilibet finitimarum insularum, & urbium, bello par, facile videretur. Invide-bant proximæ civitates, urbis nostræ amplitudi-ni, & successui, nec pati poterant, tam felicia incrementa, sperabantque facile contra eam mo-liri aliquid posse, si uno eodemque tempore, in-testinis seditionibus (quibus adhuc agitabatur) & bellis externis vexaretur. Quare non vicinæ so-lum urbes & populi; sed exteræ quoque gentes, Venetæ felicitati, & nascenti prope laudi, atque opibus, maxime invidebant. petit id vitium semper sublimia ut ignis, estque (ut dicitur) cœcum, quippe cum alienos successus, corrup-pere nititur, in suam cladem præceps, quam sæpissime ruit. parebat tunc Italia tota Gallorum dicto, Venetique soli omnium, libertatis suæ

A. Stella.

A me-

memores, patriæ jura tuebantur. Quamobrem *Carolus Francorum Rex*, ab amplitudine rerum gestarum, *Magnus* cognomento dictus, *Pipinum* filium spurium, virum tamen animi, corporisque robore strenuum, cum imperio mittit. Hic magnis coactis copiis, quibus ne *Italia* quidem tota, non modo *Venetie* partes, obfistere poterant, præterquam quod loca hæc omnia suburbana, subito barbarorum incurfu pene oppressit, *Venetos* quoque terra marique urget, prohibetque diligentius, ut omnis importandi commeatus facultas *Venetis* adimeretur. ad civitatem postea ipsam, quæ intra tutissima stagna, *Dei Optimi Maximi* munere est sita, atque contra aras & focos, contra libertatem, contra vitam, fortunasque nostras, animum adjecit, collectaque non parva suorum manu, anhelans ratibus, per æstuarium, cum tota mole, barbararum gentium, cruoris & prædæ avidus ferebatur, in flexuosum usque canalem, tam gravi, ancipitique bello, ut propius periculo fuerint, qui vicere. raro pugna ulla magis sæva est visa. tunc pro se quisque ex insulis, & suburbanis locis, in *Rivumaltum* demigrant (sic enim dicta est, pars urbis celeberrima) locumque ipsum, præfidiis muniunt. *Victor Heraclianus* tunc, homo & animi ferocia, & maritimarum rerum peritia edoctus, atque à *Venetis*, ad id potissimum delectus, placato prius de more civitatis Numine, constanti animi robore, præsto fuit; qui cum intrepide, ferocissimas gentes adoriretur, tam funestum, tamque atrox, hinc inde bellum est commissum, ut victi postea, profligatique à *Venetis* Divina ope barbari, terga dare, maximo cum gentis probro, sint coacti. qui vero audacter prælium conservant, partim ferro, partim aquis, ruptis arte & dolo ratibus occubuerunt, deditque nomen loco, ut à tam memorabili *Gallorum* cæde, insignique clade, *Canalis Orphanus* deinceps, ad nostram usque ætatem, sit appellatus. Sicque *Pipinus*, qui Labyrinthum fuerat sine filo ingressus, tam infeliciter pugnavit, quam impie tale facinus fuerat adortus. *Paulus Ciuranus*, à quo *Ciuranorum* familia originem habet, strenuam tunc patriæ operam navavit, qui civitati, classe rem frumentariam, quam celerrime potuit suppeditavit. quo auctore tanta frumenti copia exuberavit, ut non solum periculo hostili, sed fame quoque urbem liberasse videretur. Quare turbatus *Pipinus*, castrisque exutus, cum ignominia, tum ingenti etiam suorum strage, *Brundulum*, *Palesinam*, *Albiolam*, *Fossam Clodiam*, & *Heracliam*, quæ tum etiam *Venetæ* ditioni parebant capit. *Methamaucum*que desertum optimatum fuga, locum alioqui nobilem, quod ibi tunc Ducum sedes, ac regimen rerum paulo ante fuerat, occupat. quæ loca prius per deditionem acceperat, quæque non omnino perierant, tam foedè est populatus, ut non prophana solum loca, sed etiam sacra, donariis omnibus inde ablatis, temerario ausu, barbarorumque more, igni ferroque consumpsit. hinc postea cum discessisset, spretæ forsitan religionis causa, *Mediolani*, juvenis adhuc, eodem quo cum *Venetis*, parum prospere pugnaverant anno, supremum ætatis suæ diem obiit. Interea *Michael Curoplates* Imperator foedus cum *Carolo Gallorum Rege*, ita iniit, ut *Venetis* suis legibus, ac jure viverent, immunitate eis servata, quam ad eam diem, in terra *Italia* retinuerant. Sed *Venetis* victoria parta, ne formidolosus hostis, iterum viribus repetitis, subito improvise, audacter, tale facinus aggredi conaretur, autoritate & gloria adauctus, atque in optimam spem, quæ raro homines deserit, erectus, Ducariam sedem, quæ antehac *Heraclie*, & inde *Methamauci* eva-

gari passim videbatur, neque locum stabilem, aut domicilium certum habebat, felici, augustiniorique veluti omine, in *Rivumaltum* transtulit; anno salutis humanæ D. CCC. IX. à primis vero civitatis nostræ fundamentis. CCCLXXXVIII. Quod bonum, felix, fortunatumque *Veneto* nomini judicetur. Sintque *Venetæ* res perpetuo florentes, sint incolumes, sint beatæ.

ANGELI BADUARIJ Elogium.

Angelus Baduarius, quem *Particiacum* antiqui, à familiæ nomine sic appellabant, fuscipendi belli contra *Pipinum*, præcipuus hortator & author, & qui primus vel ob id in *Rivoalto*, Ducalem postea sedem, summo omnium studio, magnoque consensu est consecutus, solerti vir ingenio fuit, religiosæque gravitatis, atque justitiæ fama inclutus, & ad Rempublicam administrandam in primis idoneus. quippe Reipublicæ salutis initium, est ipsa rerum mediocritas, & mensura, super eaque, quasi super fundamento, firmissime est ædificandum, erigendumque summo opere, non tam ut auro, divitiisque opulentissima appareat, quam ut virtutibus prope infinitis imbuta, felicissima in primis, celeberrimaque habeatur. Hic relicta *Methamauco* urbe, in *Venetas* hæc insulas, faultissimo quidem, uti videmus, auspicio concessit; omniumque postea insularum assensu, & approbatione decrevit, ut hæc perpetua, æternaque *Venetorum* Principum sedes, in posterum haberetur. Magnus undique in hunc locum factus est concursus, ingens nobilium manus, veluti in novam civitatem evocati, cum liberis, conjugibus, sacris, pretiosissimisque rebus convenere. Sed cum novam civitatem, viribus & robore juvenum, affatim à se munitam cerneret, haud minoris momenti fore ratus est, si eandem consilii ope fulcisset. Quare *Baduarius*, præclaram legum institutionem ordinavit, qua longe aliarum Rempublicarum hæc una optima haberetur, concilia, cœtusque hominum, jure sociari, quæ civitates appellantur instituit, ut ab eo urbis visceribus, qui sunt cives, consultum optime videretur. Civibus namque ordine distributis, alios sacris præfecit, alios opificiis destinavit, alios rei militari vacare coëgit; existimans res necessarias & opes, ex opificiis suppeditari oportere. earum autem tutissimam custodiam esse, tum rei militaris exercitationem, tum pietatem in Deos. Omnes itaque numeros earum rerum, per quas optime Respublica constitui queat, absolvit. miserabilibus prospiciebat, pauperibus multa erogabat, parique discrimine procures, humilesque tractabat. Is plura consilio quam vi gerens, Principum auspiciis magis, conciliandisque per amicitiam Regum novis gentibus, quam bello, aut armis rem *Venetam* augere studuit. Verum debet etiam, plurimorum hominum judicio, *Baduariae* familiæ, longe de patria meritæ, non civitas tantum ipsa, quæ Ducaria, augustissimaque illa Principum sede, & foro, à te fuerit, amplissime, honorificentissimeque primo ornata; sed & Christiana Respublica, quæ templis non paucis, aucta honestataque fuerit. neque enim illud ignorabat, nullum diu Principem esse regnaturum, nisi justitia, & religione præpolleret, huc omnes ingenii nervos intendit, ut religione, atque justitia, Civitas per eum stabilita videretur. Siquidem *Olivolense* phanum, ubi nunc Patriarchalis est locus, Apostolorum principi, ab *Urso Particiaco*, *Angeli* perneccessario, qui tertio loco, eam sedem obtinuit, eo tempore erectum, annales fide digni, aperte testatum, posteris reliquerunt. Addo

Addo & *Laurentii* atque *Severi* *Ædes*, à *Parti-*
ciacis fuisse erectas. *Zacharie* quoque templum
 & Cœnobium, sub id tempus, conditum esse fa-
 tis constat, in quod ipsius prophetæ corpus, cum
 parte salutiferæ crucis, ac Dominicæ vestis, &
 alterius quæ *Deiparæ* virginis fuerat, sacris à *Leo-*
ne Imperatore dono acceptis, non minus religiose
 quam pie reponi curavit. his donariis *Veneti* sa-
 craria sua, & auxerunt, & adornarunt, quibus
 tum *Leo*, favere plurimum videbatur, cui *Veneti*
 vicissim contra *Saracenos*, aliosque hostes socia-
 lem classem sunt polliciti, missus tunc legati no-
 mine ad Imperatorem fuit, *Iustinianus Badua-*
rius Angeli filius. Sunt præterea qui affirmant
D. Joannis templum, eodem Principe ædifica-
 tum, quem locum hodie *Bragolam*, ab antiquo
 forsân, veterique loci cognomine, nuncupari cre-
 dimus, atque etiam *Danielis* Ecclesiam à *Braga-*
denis patricii sanguinis viris, eo tempore extru-
 ctam apparet. Sed verius vero est, omnia in hu-
 manis, diutius non posse feliciter consistere. nam
 12 etsi optimus esset princeps, inventi tamen sunt,
 qui invidia atque odio perciti, in eum conspira-
 rent; qua conjuratione detecta, fontes supplicio
 fuerunt affecti, atque sic iisdem è medio sublatis,
 motus ille paulopost resedit; civitatemque suspec-
 tis hominibus, protinus purgatam reddidit, ci-
 vilesque discordias, quæ adhuc, tanquam reli-
 quæ factionum durabant, penitus sedavit & fu-
 stulit. periti enim viri, ex urbibus pellendi sunt,
 quæ est civitatum perniciēs, & sentina dedecoris
 pergit interea *Baduarius*, patriam consilio & o-
 pera juvare, nam ad omnes hostium conatus op-
 primendos, classem contra *Utricum Aquilegiensem*
 Patriarcham, ambitiosum hominem, ac *Venetæ*
 libertatis inimicissimum, atque in publico concilio
 hæresis nomine antea damnatum parat. Quam-
 ubi milite, ac cæteris quæ ad usum navium per-
 tinent, instruxerat, contra *Utricum* educit, eum-
 que iusto prælio captum, cum nobilibus ex suis
 non paucis, *Venetias* in triumphum ducit. *Ve-*
neti Carnorum loca (stratis undique hostibus, mul-
 tisque oppidis, partim vi, partim deditione re-
 ceptis) hostiliter adorti, passim ferro & igni
 omnia populantur, diripiunt, incendunt, eos-
 que intra suos fines continuerunt. ob idque po-
 sterioris, tam egregii, tamque celeberrimi trium-
 phi, exemplum memorabile reliquit. Enimvero
 13 taurorum ludi, quibus princeps & patres, Bac-
 chanalicis diebus interfunt, ob eam sunt victo-
 riam instituti; quem morem ad nostram ætatem
 constantissime servari perspicimus, eo quoque
 die, sacra in aurea *D. Marci* *Æde*, solenni pom-
 pa, musicis non paucis adhibitis, operantur, ut
 debitæ gratiarum actiones, Deo Optimo Maxi-
 mo perfolvantur. *Heracleam* quoque, quam No-
 vam civitatem hodie appellamus, in qua natus
 altusque fuerat, *Gallorum* incurſu pene oppres-
 sam, labore & cura instauravit. Hic postea cum
 annis decem & octo Reipublicæ præfuisſet, senio
 potius quam morbo confectus obiit; urbemque
 belli gloria satis illustrem, quod deerat sanctissi-
 mis temperatam legibus, atque optima pace re-
 liquit. sicque urbem prius legibus, sanctissimis-
 que institutis, quam opibus aliove fortunæ præ-
 sidio munivit. neque enim aliunde magis florent
 Reipublicæ, quam si legum vigeat autoritas;
 nec ibi Tyrannus oriri potest, ubi ex legum ar-
 bitrio geruntur omnia. *Angeli* corpus ad sepul-
 turam, Ducali pompa est datum, in Cœnobio
 monachorum *D. Hilarii*, ab ipso antea, proprio
 ære extructo, amplissimisque donariis postea, à
Iustiniano filio, qui ei successit, simul cum *D.*
 14 *Zachariæ* templo locupletato; nam ex *Servuli*
 delubro monachos, *Joanne* Abbate suadente, eo

A loci tranſtulit, & collocavit. erat tum monaste-
 rium in extrema *Rivaltii* parte, nunc vix illius
 vestigia supersunt. *Patavini* enim cum de fini-
 bus, cum *Venetis* dimicarent, locum ipsum ho-
 stiliter solo æquarunt.

PETRI GRADONICI Elogium.

Q uum multa variaque bellorum genera, con-
 tra *Narentanos*, *Gradonicus* fuisset exper-
 tus, neque tamen inferior multo videretur,
Sclavos etiam qui omnem *Dalmatiam* atque *Illy-*
rium suæ ditionis fecerant, totamque eam maris
 B partem, infestam habebant bello domuit, atque
 intra suos fines stare coegit, quibus rebus bene
 optimeque pacatis, sexaginta triremium classem,
 in *Saracenos* ex *Africa* solventes, quique *Italiam*
 magna ex parte vastarent, postea movet, quæ
Theophilo, *Michaëlis Constantinopolitani* Imperato-
 ris filio, juncta, hostes acerrime, majorique spe
 adoriretur, ob idque est princeps, Protospatarii
 dignitate, quæ amplissima tunc habebatur, do-
 natus, cujus cohortatione, & suasu, ad id fue-
 rat concitatus. pugnatum est primo, cum *Sabba-*
 eorum Duce in magna *Græcia*, ad *Tarentum*, in-
 15 clytam *Calabriæ* urbem, in ultimo *Italiæ* loco
 C circa *Salentinorum* confinia ædificatam, à *Tara*
Neptuni (ut quidam volunt) filio, quæ deinde à
Laconibus, qui Duce *Palanto*, in ea venerunt
 loca, est aucta, dimicatumque est aliquantulum
 infelicitè. mox vero *Maurus*, ut hostem iterum
 ad certamen alliceret, fugitabundo similis, si-
 mulatoque in patriam reditu, *Crottonem* conces-
 sit præclarissimam urbem, in *Tarentino* situ posi-
 tam, athletarum olim multitudine memorabilem,
 ibique *Venetis*, qui constantissime pugnabat (de-
 generes enim animos timor arguit) vel quod esset
 numero inferior, vel quod à sociali *Græcorum*
 classe, inter primum pugnae ardorem sit destitu-
 tus, tumultuose à tergo, tam foedam cladem est
 D perpeſſus, ut ex numerosa illa classe, excepta
 Ducaria triremi, quæ salutis suæ, fuga consuluit,
 ne scalmus quidem unus evaserit. Ea victoria
 elati *Saraceni*, qui nulla antea laceſſiti injuria,
 humani generis otia turbare fuerant adorti, plu-
 nimio etiam invalescebant. Quare procaci velu-
 ti excursu, in *Dalmatiam*, magno impetu irrum-
 pere decreverant, omnemque maritimam illam
 oram, cum *Histria* ferme tota, in morem rapi-
 dæ procellæ, sese effundentes, cæde, incendiis,
 & rapinis, cuncta promiscue vastarunt, atque 16
 oppida multa, vi capta spoliantes, templa Deo-
 rum immortalium, tecta urbium, vitam denique
 E omnium civium, ad exitium, & vastitatem tra-
 hebant; *Venetas* postea onerarias naves, exoticis
 mercibus onustas, quæ *Maura* classe in altum
 conspecta, in *Tergesinum* sinum sese receperant
 adepti, diripiunt; negotiatores non paucos, na-
 valesque socios, ac remiges, ad unum trucidant
 (jam enim ex eo tempore, ob maris commer-
 cium, non incelebres erant *Venetorum* opes) *Na-*
rentani tunc, adversis *Venetorum* rebus, ferocio-
 res effecti, rupto violatoque foedere, *Histria* ali-
 quot loca, & præsertim *Caprulas* prædabundi
 proceſſerunt. Sub id ferme tempus, *Benedictum*
 F Pontificem Maximum ejus nominis tertium *Ve-*
netias, ut *D. Zachariæ* *Ædem*, & corpus invi-
 feret, venisse dicitur. quo *Pancratii*, & *Sabinæ*
 corpora, *Agnetis Maurocenæ* illius Cœnobii, ea-
 rumque Monialium primæ, precibus, & roga-
 tu, ex urbe paulopost misit. Sed ne à religione
 Ducem alienum fuisse credamus, satis constat,
 sub initia sui Ducatus, Ecclesiam *D. Paulo* con-
 ditam, locum hodie, ab aræ forsitan magnitu-
 dine, frequentique mercatu insignem, ab ipso
 A. Stella. A 2 met,

met, & filio, quem sibi collegam asciverat, ab
 17 *Urso Parriciaco, Olivolense* Antistite, inaugura-
 tam fuisse. qui & ipse senio jam confectus, *D. Laurentii* templo, vestales virgines adjungendas
 curavit. Sed & *Maurus* Antistes, qui *Urso* suc-
 cessor est datus, *D. Margaritæ* phanum, anno
 urbis circiter quadringentesimo erexit. Hæc *Petro Gradonico* Duce, in urbe gesta reperio; qui
 undetrigesimo sui principatus anno, cum *Ducarium* ex *D. Zachariæ* templo peteret, à quibus-
 dam, qui in eum conspiraverant, vulneratus oc-
 cubuit. nam quia virtute, prudentia, & felicita-
 te præstabat, gloria in invidiam, apud improbos
 eum vertit. Tumultus fuit in Cœnobio *Zachariæ*, quod crebro, pietatis studio invisibat.

URSI BADUARII Elogium.

Pacis dulcissimum, & pulcherrimum nomen,
 quæ vel injusta, utilior, quam justissimum
 bellum, sæpius est visa, ita studiosè primo est
 complexus, ut cum *Narentanis* & aliis, pirati-
 cam exercentibus, qui totius inferi maris oram,
 non mediocriter infestam habebant, honestissimis
 conditionibus jungenda, *Urso* auctore sit actum:
 18 quo etiam tempore, triumviri magistratus, tam
 nobilis, quam Reipublicæ necessarius, primo
 crearentur, sunt tamen qui affirmant magistra-
 tum illum, *Aureo Mastropetro* Duce excogita-
 tum, hos legum Tribunos, vel ne à communi
 usitatorique nomine recedam, advocatores in
 hunc usque diem appellari non ignoro. qui inter-
 fectioni *Gradonici* Ducis parricidium ulciscerentur,
 tumultuantemque civitatem, pacatam atque tran-
 quillam redderent. præcipuum enim eorum est
 munus, de criminibus judicare, atque tum hoc,
 tum illud, severa animadversione corrigere. tue-
 rique severissime Civitatis jura, atque ob id san-
 ctissimo cuique collegio, vel Decemvirali qui-
 dem, quod jure, omnium gravissimum habetur,
 interesse licet. hunc magistratum, summa cum
 Reipublicæ laude agebant, cum hæc commen-
 taremur *Joannes Baptista Contarentus, Petrus Lau-
 retanus, & Hieronymus Ferrus*, nemini postha-
 bendi, ob summam eorum integritatem, & in-
 nocentiam, quas in Senatoriis viris, statuo esse
 maximas. Sed ne transversum quidem unguem,
 ab *Urso* facinoribus, quæ pro patria, ut rem
 etiam Christianam juvaret, præclare gessit disce-
 dam; *Saracenos* vigesimo post anno, quam cum
 19 *Sabba* eorum Duce, à *Petro Gradonico Venetorum*
 Duce, apud *Tarentum*, rursusque apud *Crotto-
 nem*, infeliciter est pugnatum, non infausto omi-
 ne debellavit. Hi namque, posteaquam *Creta*
 Insula, multos annos sunt potiti, duplicique vi-
 ctoria de *Venetis* parta, superbe elati, plus nimio
 indies invalescebant. nam *Ionii* ora, celeri cursu
 enavigata, *Dalmatiam* duce *Galba* ferociter adori-
 ti, miserabili clade affecit. hinc progressi, *Gra-
 dum* dura obsidione circumfudere, contra quos,
Ursus vicinæ urbis periculo exterritus, triremi-
 bus triginta, optime instructis, classem movet,
 eosque subito accessu turbavit, ut navibus inde
 repente eductis, in altum abire sint coacti, quos
 cum *Ursus* strenue insequeretur (affuit etiam tum
 præcipue industriæ fortuna) insignem victoriam,
 paucissimis ex suis vulneratis est adeptus. *Sara-
 cent* vero partim cæsi, partim fluctibus merfi,
 totoque supero mari expulsi, ingentem cladem
 sunt perpeffi. plurimum tunc in ea pugna, *Joan-
 nis Baduarii, Urso* filii, & postea in *Salentinis* ad
Tarentum oppidum, militaris virtus, animique
 robur enituit, ob idque collega à populo, patri
 est datus. rursus etiam contra *Narentanos*, qui
 pacem à Duce oblatam, amplecti negligebant,

A sed loca prædabundi, continuo infestabant,
 aliquot navium classe, strenuam ab *Urso* expedi-
 tionem, magno felicitque rerum successu, nava-
 tam constat. Verum ob rem prospere feliciter-
 que, adversus *Saracenos* incursum gestam, à *Bas-
 lio* Constantinopolitano Imperatore Protospatarii
 dignitate, quæ tunc erat, omnium illius Imperii
 maxima, est insignitus. Ob idque Princeps, a-
 nimi gratitudine, atque ut cum Imperatore mu-
 neribus contendere, mutuisque officiis certare,
 invicem videretur, duodenas magni ponderis,
 maximique pretii campanas, ei dono misit, qui-
 bus tum primum, *Græci* sunt usi. In *Urso* qui-
 B dem tanta in donando, gratissimi animi magni-
 tudo enituit, ut in referenda gratia, pro levissi-
 mo etiam munusculo, tenuissimique officii gene-
 re, amplissimas quasque res sapissime reponeret.
 Instauratur eo Duce *Deiparæ* Phanum, quod
 vulgo *Sancta Maria Formosa* appellatur, quo e-
 tiam tempore, vetus quoddam, intestinumque
 odium, quod inter *Venetos, & Vulpertum Aqu-
 legiensem* Antistitem vigeat, hujus opera & con-
 C silio omnino resedit. Et quoniam exploratum cui-
 que facile est, *Venetam* urbem, in sex parteis,
 quas regiones vocant, esse divisam, eam tunc
 coli primo cœptam video, quam *Dorsum durum*,
 hodie dicimus, ab eo (ut arbitror) quod prius
 quam locus inhabitari cœpisset, prædurus esset
 21 illic scopulus, in dorsi forsan speciem productus.
Ursus itaque, belli pacisque artibus clarus, cum
 decem & septem annis Reipublicæ præfuisset,
 obiit. ejus cadaver ad *D. Zachariæ* est delatum.

JOANNIS BADUARII Elogium.

Urso Baduario vita functo, *Joannes* ejus filius,
 ex hac familia Dux tertius Rempublicam
 administravit, qui usque adeo magni & laudis a-
 more flagrantis ingenti aciem intendit, ut æmu-
 latione decoris, paterna gloria vehementissime
 D angeretur. hic ut à religione primo exordiar,
 Phano *D. Cornelio & Cypriano*, apud *Medoacum*,
 egregii ut tum res ferebant operis extructo, fra-
 tris necem ulturus, ingenti classe, adversus par-
 ricidas comparata, magno memorabilique prælio
 eos fudit. *Comaculum* itaque oppidum invadit,
 nam ab oppidanis illis scelus fuerat perpetratum.
 idque iusta acie diripit. Sævitus solum, contra
 injuriæ authores, tum constat. Cæteris tam-
 quam hominibus parcendum duxit. Sola enim
 laude *Veneti* contenti, nihil ex victis hostibus,
 præter victoriæ nomen sibi quæssere, inhumana-
 22 num credo rati, vel impium potius, nobile ani-
 mal, rationis, rerumque cœlestium capax, ser-
 vitio adigere. virtutem namque in bello, clemen-
 tiam in victoria, Imperatorem decere arbitra-
 tur. His ita gestis, cum diuturno, deplorato-
 que morbo laboraret, ne Respublica Principe,
 qui eam regeret, in aliquod discrimen incideret,
Petrum Candianum, sibi viventi surrogari, dili-
 gentissima cura postulavit. cui propria etiam ma-
 nu, lætaque fronte, Principis insignia, maxi-
 mo animi moderationis documento tradidit. Et
 ne ullum unquam laborem, pro patriæ charita-
 te, vitare videretur, quem civium periculis sub-
 levandis, impertire optimum duxit. Mortuo
Candiano, populi precibus victus, dum novus
 Princeps crearetur, iterum honoris insignia re-
 cepit, atque Principatum assumit, ne quam inte-
 rim cladem adiret Respublica, erexitque hortatu,
 & præsentia sua, cives mœrore affectos, quem pau-
 lo post deponendum, sponte semetipsum in ordi-
 nem redigens curavit. populo persuadens, ut suc-
 cessorem Ducem, omnino eligerent. Vetus illa
 magistra pudoris, & modestiæ continentia, nun-
 quam

quam antea, nec postea, in annalibus hujusmodi est visa. Obiit in propria domo, cum annis sex civitatem integerrime gubernasset, & in gentilitio suo sepulchro tumulatur.

23

PETRI SANUTI Elogium.

Petrus ex Candiana familia, quam *Sanutam* hodie appellant, bellicis quibusdam navibus primo, contra *Narentanos*, *Veneti* nominis hostes acerrimos, qui maria hæc nostratia, latrocinio foedabant, subitisque excursionibus de more suo infestabant, & deprædabantur, frustra instructis, mox suo ductu, duodecim navium classe, eos bello repetit. pugnatur hinc inde magno ardore, fuitque res *Veneta* diu superior, nam quinque hostium naves fractas emerfit. Sed variante fortuna (nunquam enim minus respondent eventus quam in bellis) Princeps qui aut moriendum, aut vincendum decreverat, *Narentanorum* Ducem, letaliter vulnerat, mox ipse dolo & astu, à tergo adortus, supervenientibus etiam auxiliariis copiis, undique barbaris, post atrocem pugnam, victus media suorum strage, fortiter dimicando, militibus multis, utrinque prius desideratis, in suo vestigio, duobus in pectore vulneribus acceptis occubuit. sicque vitam, quam à patria fuerat mutuatus, eam illi jure optimo reposcenti reddere voluit. ea namque mente, pro
24 Republica dimicabat, ut vinceret, aut si id iniqua fata non permisissent omnino inter confertissimos hostes, fortiter dimicando oppetere, nec incruentam barbaris victoriam relinquere, nec ullam unquam reliquisset, nisi iniqua mors prohibuisset. cecidit ea pugna, magnus *Venetorum* numerus, sed hostium duplo major, fregitque ea clades supra modum gentis animos, prosperis rebus assuetos, & ne ipsi caderentur in medio, ad fugam inclinarunt Ducis. qui fortissime pugnando mori maluit, quam salutem aliquam cum turpitudine sperare, animo secum reputans, ablata spe fugæ, nihil esse satius, quam cruentam hosti victoriam relinquere, mortem morte fugere; ex honesto interitu, gloriosam sibi vitam quaerere. fortunam enim sæpe virorum fortium esse amicam, Martem fugientem militem potius insequi, quam fortiter dimicantem. cuncta etiam Deorum numina, benignum æquumque victorem, fovere solita. contra vero insolentissimum perdere. Ducis autem cadaver, *Gradum* ab *Histris* delatum, ibi pro dignitate funus est celebratum.

25

PETRI TRONI Elogium.

In maxima, ingentique totius urbis trepidatione, quæ ex *Petri Candiani* Ducis nece, à *Narentanis* interfecti, ita cives omnes invaserat, ut Patres à minori cura, ad summum timorem traderet, uno omnium consensu, *Petrus* cognomento *Tribunus*, Ducis nuper interfecti nepos, quem recentiores forsan, *Tronum* paucissimis literis mutatis appellat, eligitur. Vir singulari virtute, constantia, gravitate, & justitia præditus, quibus rebus, is maxime excellit, qui plurimum præstat. fuit hic tanta animi integritate, & innocentia, ut illis etiam temporibus optimis, cum vix unum, aut alterum invenire ne quam in tam proba civitate posses, solus tum Reipublicæ præfici dignus sit judicatus; subitoque à *Leone* Imperatore protospatarius efficitur. hic ut bene merenti patriæ, & civibus consulere, mœnia construi voluit, ferreaque catena *Eurippum* majorem intercluserat, ad arcendos libero ingressu hostes, neve subito impetu, urbem turbare ali-

A qua ex parte possent. eo animo motus, quod *Hunnos*, quos hodie *Ungaros* vocamus, *Pannonia* recenti tunc fede, movisse præferat. Sunt *Hunni Scythicum* genus hominum, gens dira, 26 omnique ratione penitus carens, humanique cruoris fitiens. quibus & mos est, non solum mortaliū eadem, non abominari, immo humanum fitire sanguinem, sed ne parentibus quidem parcere, quos senio jam, & ætate confectos, frustillatim dissectos, avidissime devorant, itemque hospitali sanguine litare, infantium ora ferro discindere, cadaveribus hostium famem explere. hi *Venetarum* opum fama allecti, relicta antea *Macedonia*, *Myfia*, *Achaja*, ac utraque *Thracia*, quas provincias nullo resistente populantur, nihil non obvium corrumpunt, incendunt, ac in omnem sexum crudeliter sæviunt. per *Germaniam* postea, in *Illyrium* veniunt, brevique omnem illam regionem, & mox *Hisriam* ferme totam, atque *Venetiam* expugnant, impetum faciunt, prædam agunt, sese modo in unum, modo in alterum locum recipiunt, agros vastant, obvios sine alicujus ætatis discrimine interficiunt. progressi *Heraclæam*, *Equilium*, *Clodiam*, *Metbamau-*
B *cum*, aliaque oppida, lembis quibusdam, tumultuarie instructis, pari clade afficiunt. perque interiora hæc littora debacchati incendiis, & rapinis, cuncta vastarunt, regionem uberrimam & opulentam, suburbanasque omnes insulas, templis auro excultis, ac donariis refertis ditissimas, 27 sacrilega cupiditate spoliarunt, easque ædes, religionis odio evertere. In omnem sexum atque ætatem sævitum, pueri, virgines, matres ad stuprum raptæ. Stupra coedibus, coedes stupris additæ. Interim Princeps artis militaris scientificus, nihilo secius suos armis exercebat, vigiliis defatigabat, ne virtus per otium marcesceret animorum. Quamobrem in spem summam ingrediuntur *Veneti*, & libertatis finium recuperandæ, & patriæ, non fortunis solum, sed vita etiam ipsa defendendæ. Summo itaque ardore, contra *Ungaros* arma sumunt, fortiter invadunt, pugnatumque est, *Petro Trono*, Civitatis, & classis Duce, tanquam pro aris & focis, per dies aliquot. accensis utrinque animis, ancipiti fortuna pugna, contra hostes multitudine fretos, quæ bellicæ rei sæpius nocet. demum *Veneti* quos pudebat, Barbaros tam propinquos urbi, diutius ferre moderate, non minus religione, quam armis inclyti, Divina tum magis ope freti, minoribus multo ac pro tanto negotio opus esset copiis, hostem aggressi, qui per annum terram
E *Italiam*, omnium felicissimam everterant, *Petri* & *Pauli* Apostolorum principum die, illustri victoria sunt potiti. eodem ferme loco, quo fuerat cum *Pipino*, centesimo circiter anno, à *Ve-*
28 *netis* antea, felicissime dimicatum. Verum *Petrus* quod reliquum habuit vitæ, prudentissime circa Reipublicæ ornamenta, egit. Obiit undevigesimo sui Principatus anno. Corpus in Cœnobio *D. Zachariæ*, est reconditum.

PETRI SANUTI Elogium.

Hisri, qui centesimum ex illo annum, *Veneti* nominis hostes acerrimi fuerant, varioque eventu cum eis, de maris possessione certant, Februario mense, in *Ædem D. Petro* dicatam, quæ tunc *Olivolensis*, nunc vero *Castellana* nuncupatur, piraticis quibusdam navigiis, superato tacite nocturno cursu, fanatico, suburbanoque hoc sinu, clam virgines non paucas, quæ nuper fuerant matrimonio locatæ, atque in id templum, de vetere civitatis nostræ more, cum magno, pretiosissimoque corporis ornatu convenerant,

A 3

quo

quo omnis eorum supellex, ab omnibus publice spectaretur, essentque ipsæ populo spectaculo, vel etiam, ut eo loci, sponsalia celebrarentur, sacrilega rapacitate, secum abduxere, magna que inde præda, ac cæde perpetrata, *Caprulas* petiere. Qua re statim cognita, *Petri Sanuti* Ducis auspiciis, *Venetus* miles, tumultuarie tunc repertus, eos in dividenda præda occupatos, citra nostrorum occisionem oppressit. Omnibus ferme aut captis, aut ad unum cæsis. fuit is *Sanuti* filius, qui navali prælio, adversus *Narentanos* periiit. parta itaque victoria, omnique inde præda incolumi recepta, urbem triumphans ingreditur, ob idque ludos quosdam, tunc institutos, quidam scribunt, qui *Mariani* appellabantur, qui per quadringentos & amplius annos perseverarunt; Sed tertio *Ligustico* bello, *Clodiana* pugna, *Andrea Contareno* Duce, cum ita exhaustum ærarium esset, ut ne Deorum quidem cultui sufficeret, Patrum decreto, uno veluti edicto, penitus sunt sublati. mansit autem, tam celebris victoriæ, diuturna quædam memoria, quod Princeps & Senatus, *D. Mariæ Formosæ* templum, Calendis Februariis, solenni pompa, quotannis invisit, ob id forsitan, quod ab illius loci hominibus, qui præclarum in ea pugna specimen dedere, fortiter contra raptos sit pugnatum. est etiam *Comaclum* oppidum, ob injuriam *Venetis* illatam, atque quod oppidani illius loci, res quasdam ablatas, restituere neglexissent, hujus ductu, vi expugnatum. mansitque in conditione, atque pacto, publica fide adhibita, ut *Comaclini*, deinceps ab injuria perpetuo abstinerent. *Justinopolitani* vero, qui tantum facinus perpetrarant, ut virgines ex sacro loco, rapere essent ausi, veriti ne proprio sanguine poenas luerent, ultro se *Venetis* dediderunt. sicque pacem magis necessariam, quam speciosam, à nostris acceperunt. cum quibus nihil aliud actum reperio, nisi centum cadorum vini pactiones. qui ab *Histris*, Principi singulo quoque anno integre solverentur. Dux vero cum septennio civitatem rexisset, naturæ fatoque concessit & majorum sepulchro infertur.

URSI BADUARI, & PETRI ROSULI
Elogium.

Narentani à *Sclavis*, *Scythica* gente orti, præda tantum, & rapto viventes, atque latrociniiis, magis quam antea infesti, qui *Dalmatiae* littora, suis non contenti finibus, magno cum *Venetæ* gentis probro, diutius tenuerunt. Cum multo etiam infestiores essent, quam ut æquo animo moderateque ferri, ex civitatis dignitate possent, nam urbem ferme ipsam, quadam veluti obsidionis specie, premere jam videbantur, mala enim pravaque ingenia, quo meliore sunt fortuna, eo inclementius exercent ingenium in eos, quos injuriæ habent opportunos, premere namque *Venetorum* loca, media rerum quiete, crudeliterque vexare non destiterunt. Quare tribus & triginta navibus, quas *Gombarias* tunc appellari, nonnulli affirmant, cæterisque ad bellum necessariis, accuratius quam antea comparatis, totius belli administrandi summa *Urso Baduario*, & *Petro Rosulo*, constantis, maximique animi viris est demandata, qui ut eorum conatibus, obviam irent, ne deinceps *Narentani*, turbulenter, aut temere, turbas aliquas commoverent, seditionemve concitarent, classe faustissimo quidem omine, in altum educta hostes viriliter sunt aggressi cum quibus conflictare, & pro patriæ dignitate quotidie dimicare, erat omnino molestum; eos itaque latrociniiis magis quam bello

A affuetos, secunda pugna profligarunt, eorumque postea oppida non pauca, partim loci opportunitate, & natura, partim etiam humano opere munita, in *Venetorum* ditionem receperunt. sicque unde jus stetit, victoria inclinavit. fusi sunt fugatique hostes, ac multa cum strage eorum copiarum disjectæ. *Baduarius* & *Rosulus* ita strenue in acie sunt versati, ut omnes aperta prædicatione, post pugnam testati sint, utrius partis, hi Duces belli fuissent, eam haud dubie vincere oportuisse. *Narentani* autem, ea clade attriti, ægre se recipientes, pacem pretio redemerunt, nec postea *Venetum* otium perturbare sunt ausi. his ita gestis, *Ursus Baduarius*, & *Petrus Rosulus*, qui nullis civibus, ad eam diem, celebritate, & gloria fuerant inferiores, urbem ovantes repetunt.

PETRI URSEOLI Elogium.

Patriæ amor & charitas, cui nasci unumquemque, vel gravissimo *Platonis* testimonio, non ambigimus, hunc licet invitum, ac reluctantem, neque omnino se tantæ rerum moli, parem existimantem, Principis tamen sceptrum, in *D. Petri* Æde, ubi miro omnium ordinum consensu, ingentique gaudio fuerat electus, sumere coëgit. qui domi forisque longe clarissimus, ita vixit, ut omnes facile in sui admirationem traxerit: neque tamen conceptam de se hominum animis spem est frustratus. fuerat namque ea tempestate, *Petri Urseoli* probitas cunctis spectata. Quare sublato è medio *Petro Sanuto*, Ducarioque igne & flamma consumpto, atque aurea *D. Marci* Æde, magna ex parte conflagrata, hic unus pium illud opus, primo aggressus, studio & labore, proprioque ære, ampliori augustiorique quam antea forma, & apparatu restituit. Tabulam auream insuper, miro Græcanico opere, *Byzantii* confectam, ad aram maximam collocandam curavit. *D.* quoque *Marci* corpus ab incendio servatum honestissimo in loco condidit. mox Rempubicam ob *Sanuti* Principis necem, non parum tumultuantem, publicisque & privatis incendiis, magnopere consternatam, quæ totam urbis faciem, miserabili clade deformaverant, in veterem libertatem, ac dignitatem vindicavit. Etenim non solum *Marcianam Theodorique* Ædem, ac Ducarium, sed trecentas etiam privatas domos, quæ propinquitate, & vi ventorum incendium aluerant, tunc arsisse manifeste constat. in his tamen adversis, infelicissimisque rebus, *Urseolus* sic prudenter se gessit, ut pacatiora omnia postmodum reliquerit. ad Rempubicam namque augendam, militaribusque ornamentis honestandam, animum referens, *Saracenos* utramque *Italiæ* oram, bipartita classe foedantes, quique *Barium* *Damniæ* oppidum, terra marique obsidebant, & *Capuam*, *Campaniæ* urbem celeberrimam vastabant, memorabili navali prælio superavit, magna que strage fudit, qua acie, *Saracenorum* vires ita conciderunt, ut ab eo tempore, nunquam *Italiam*, tam valide petere sint ausi, quum *Barienses* prius, qui longa & acri obsidione fatigati, animum jam desponderant, commeatu juvisset. quo parto triumpho *Venetias* repetit, atque civitatem aliquantulum male affectam reperit, à Ducis interfecti pernecessariis, qui urbis otium turbare tentabant. à quibus tamen vim omnem abstinuit, & in confcios quæri vetuit, ne plures inventi odium augerent. mox cum *Ottbone* Imperatore illius nominis, i. i. qui *Veneto* nomini ob *Sanuti* mortem, infestior aliquantulum esse videbatur, in gratiam rediit. cum *Justinopolitanis* deinde foedus percussit, cum quibus recens

recens orta erat discordia, ut ipsi *Veneto* Principi quotannis centum amphoras vini persolverent, ab his postea, ad pietatem animum adjiciens, religionem sanctissime coluit, quam mortales, & magnam esse ducunt, & merito plurimi faciunt. Quare publicis privatisque rebus omnibus, ex animi sententia prius recte compositis, Principatu sponte se abdicavit, atque *Joanne Gradonico*, & *Joanne Mauroceno*, qui *Georgii Phano*, Tribuni *Memii Ducis* praerogativa *Urseolo* vita functo praefectus, locum plurimum auxit, ambobus generis, atque hujusce tam honesti, tamque religiosi facti consciis, secum abductis; relicta uxore & filio, quem Angelico nuntio, antequam uxor, ventrem gestaret, se suscepturum acceperat. quo in lucem postea edito, perpetuam (id annuente *Felicia* conjuge) deinde continentiam sincere servavit. *Venetis* occulte, ignoto habitu, altero sui principatus anno, nondum exacto profectus; in *Aquitania*, *Galliae* provincia, in Coenobio *D. Michaelis de Cussano*, sic enim locum appellant, reliquum vitae, sanctitate & religione clarus egit. celebrique *Petri Urseoli* nomen, in eo terrarum tractu, hodie viget. Verum antequam patria excederet, cum officia multa, ac prope infinita, erga pauperes, quorum cubicula, clanculum saepius adibat, & clericos, ac templa contulisset, tum illud mea quidem sententia, caetera vicit, quod privatas suas aedes, e regione fori, pium hospitium, sub *D. Marci* nomine perpetuo fore sanxit, multa pecunia partim tunc, partim quotannis numerari iussa. ascripsitque loco praedia paterna, in pauperum alimoniam, huic loco Sacerdotem *Venetum*, moribus & doctrina clarum Ducis autoritate solitum praesse accepimus. obtinuit paulo ante hoc munus, *Joannes Baptista Egnatius*, vir omnium iudicio doctissimus, praeceptor quondam meus, qui & domesticam historiam, *Valerium Maximum* hac in parte imitatus, felicissimo stylo conscripsit. ibi nunc publico decreto, literarum gymnasium est constitutum. Sed fuit tam optimi Ducis nostri propositi author praecipuus, *Romualdus Ravennas*, cui *Camaldulenses* Monachi, originem sui ordinis acceptam referunt. hic multos, pio hortatu, & vitae exemplo, ad monasticam solitudinis cultum traxit. *Urseolus* demum vita functus, inter coelicolas translatus, miraculis illustris ad nostram usque aetatem habetur. Sunt praeterea qui scriptum reliquere, *Petrum Urseolum*, qui aliquamdiu procul a patria peregrinatus abfuit, ad *Michaelis* Phanum, quod *Muriano* praefacet, monasticam vitam professum, ad supremum utque vitae tempus mansisse.

PETRI URSEOLI

Hujus nominis secundi Elogium.

Veneti qui plurimum semper inusitatae virtuti, tribuendum censuere, hunc *Petri Urseoli* prioris filium trigesimo aetatis suae anno, Ducem elegerunt, quippe exploratum habebant, neminem aut justius, quam gravem virum, aut prudentius quam doctum, imperare posse. ea causa fuit, cur Principatus illi maturius demandaretur. hanc dignitatem, ejus pater Divino quodam vaticinio multo ante nuntiavit. Sed *Urseolus* into principatu, nihil habuit potius, quam multos statim Reges ac Principes, quoad fieri poterat, sibi conciliare, missis ad haec *Joanne* filio, qui legatum apud *Ottobanem* Imperatorem hujus nominis III. ageret, persuasum enim habebat, nullum esse firmiorem statum, nullum praesidium tutius, hominum benevolentia, quae Principes & civitates, fortius quam armis munit.

Alegit postea cum *Basilio*, & *Constantino* Imperatoribus ut *Veneti* a portoriis, publicisque vectigalibus immunes perpetuo forent. mox patriam ab omni barbarorum metu, & incursionibus liberam reddere est aggressus, ob id debacchantibus per annos multos, infestissimis piratis, cum quibus variante saepius fortuna, per annos centum circiter & septuaginta, de maris possessione, fuerat pugnatum, indicto bello, magnam navium copiam instruxit. Erat tum vernum tempus, & ad navigandum aptissimum, quando *Urseolus*, non minus religione, quam armis inclytus, novo sed pio instituto, & in hunc usque diem, religiosissime servato, peractis sacris, in *Olivolensi* Aede, acceptisque Imperatoriis ornamentis, de manu, *Dominici Gradonici*, patritii *Veneti*, ac *Olivolensis* Ecclesiae Antistitis, qui rem Divinam antea fuerat operatus, *D. Marci* tutelaris numinis vexillo, in ipsa Christi servatoris nostri Ascensionis luce, septimo sui Principatus anno oram solvit, ut tam claro, & religioso principio, prospera cuncta, numinis favore succederent, ex quo non dubia praesensio, divinatioque rerum bellicarum, & longa infracti animi patientia, ac cuncta denique Iustitiae temperamenta profluerent. cui urbem, cives, lares, sacra, prophanaque omnia, tam sancte, quam pie commendavit. nec ignorabat vir egregius, rem *Venetam*, armis satis, sed multo plus religione posse proficere. felici itaque navigatione usus, phanaticoque sinu celeriter emenso, praeter *Aquilejam* & *Gradum*, *Parentium Histriae* urbem petiit. Sed tantum abfuit, ut hostes subita belli mole territi manum confererent, ut non solum ipsi, sed & aliis quoque, audita *Parentinorum* deditione, pacem magno auri pondere, redimere maluerint quam belli fortunam tentare. Quare *Narentanos*, contra quos *Veneti* classem praecipue movebant, caeterosque *Illyricos*, qui piraticam exercebant, sic e medio sustulit, ut pirata in toto mediterraneo mari quaereretur. *Liburnos* & *Dalmatas* inter sylvas, & paludes continere coegit. Demum *Iupidia*, *Histria*, *Liburnia*, *Illyrio*, *Dalmatia*que tota, cum insulis, viam fatis ad majora rerum incrementa aperientibus, mira celeritate est potitus; praeter *Gorcyram* nigram, & *Pharon* insulas, nam cum oppidani, pacem a *Veneto*, aequis conditionibus, nolent accipere, loca vi fuerunt expugnata, ac militi data in praedam, Ducis iussu. nec prius tamen est cum *Narentanis* bellari desitum, quam inter pacis conditiones quam petebant supplices, *Venectorum* etiam potentiam, magis quam antea formidantes, id praecipue cautum sit, ut non modo leges *Venetas* accepturos se sponderent, sed ut religionem augerent, mutatisque moribus pietatem colerent, Christum humani generis liberatorem, longe religiosius adorarent, illumque unicum & verum Deum, pio affectu exclamarent, quin etiam adderent, se nunquam imperata detrectaturos, mox *Venetis* omnia damna quaecunque ad diem intulissent, integre rependerent, nec deinceps maria incursionibus vexarent, sed a tam nefandis latrociniiis avidas, rapacissimasque manus amoverent. Nihil tum *Veneti*, per sexcentos fere annos, terra marique, suo Imperio adjecerant, continuerant namque sese, propriis aestuariis inclusi litibus, primus itaque fortunae felicius accessus, *Dalmatiae* receptio fuit, unde futuram maris potentiam, felicissima expeditione, sub *Petri Urseoli* ductu, sunt auspicati. quibus rebus foris feliciter gestis, *Gradum* munit, deinde domum, hoc tanto rerum successu, triumphans revertitur. publice tum decretum fuisse constat, ut cum ipse, tum posteris, non *Venetiarum* solum, sed

sed *Dalmatiae* quoque Principes, in posterum dicerentur; quo etiam nomine *Henricus* Imperator qui *Otthoni* successit, in publicis literis, *Urseolum* appellavit. missi tunc primum, ex patritio ordine, in singulas civitates & Insulas novi magistratus, qui rei praesent. parta pace, domi quoque pari studio, cuncta recte constituit, curavitque ut *Iustitia* in civitate, rerum omnium gubernatrix haberetur: sic ut nihil ad veram gloriam, viro strenuo, ac sapienti deesse videretur. hoc tempore *Ottho* Imperator hujus nominis III. *Roma* profectus, cum *Venetias* voti causa invisset, pallium aureum, quod annuum *Veneti*, ex foedere pendebant remisit; qui cum *Urseolus Venetiis* per dies aliquot, nonnulla de civitate, & *Repubblica* familiariter egit. multae tunc immunitates, mercati & portus celebrandi jura, ab *Otthone* fuerunt imperata; nam & Ducis filium *Verone* antea, lustrico die, primae unctionis sacramento, tamquam lustrator admoverat. Caeterum dum haec agerentur, *Saraceni Italicae* praedae assueti, *Capuam* instauratis animis, denuo invadunt, eamque occupant. *Barium* quoque longa obsidione premunt, quibus inedia laborantibus, *Urseolus* auxiliari *Graecorum* classe, in barbaros movet, quibus fugatis & caesis, iterum triumphans urbem ingreditur, quo anno *Turcae Hierosolymam* urbem, antiqua religionis claritate famosissimam, & ob Christi Servatoris nostri necem, apud posteros semper celeberrimam, magno cum Christiani nominis probro capiunt diripiuntque. Interim *Petrus Urseolus*, *Otthonem* filium, & *Joannem*, quem collegam sibi, id annuente populo, ob rem praecclare in *Illyricos* gesta asciverat, *Byzantium* ad *Basilium*, & *Constantinum* Imperatores fratres legatorum nomine misit. qui cum benigne fuissent excepti, *Mariam* ex sorore neptem, *Joanni Urseolo*, in matrimonium grandi dote collocant, cumque cum fratre, multis ornatum muneribus, *Venetias* remittunt. Talis erat tunc *Veneticorum* status, quum rerum humanarum fortuna domina, *Urseoli* felicitatem, deformare voluit. Enimvero

42-ro quintodecimo sui Ducatus anno plurimum in civitate est laboratum, fame primo, quia insolita frigoris vis, ita fruges retardavit, ut suo tempore, maturescere non potuerint. mox pestilentia quae famis comes, semper solet esse, haec usque adeo in homines, immanissime est grassata, ut multi passim inedia, foede morerentur. *Joannes* Ducis filius, & *Maria Constantinopolitana* ejus uxor, quae paulo ante e *Byzantio* fuerat profecta, continuatis quasi funeribus tunc obiere. Verum ad levandam Ducis molestiam, populus *Otthonem* filium, quartum & decimum tunc annum agentem, patri collegam constituit. hoc eodem tempore *Faletrii* viri patritii, *D. Benedicti Aedem*, & *Coenobium*, proprio aere condiderunt. Princeps vero cum Ducarium, ac *D. Marci* templum absolvisset, optime de pietate & religione meritis, fortunas omnes suas, dividendas testamento jussit. partem namque primam filiis dari voluit, alteram pauperibus elargiri, tertiam ad facta aedium sacrarum testata tuenda, quartam vero, & quicquid vel in nominibus reliquum habebat, in Marianis ludis impendi curavit. postremo cum duodeviginti annis, civitati praefuisset, coelum unde prius venerat, postliminio veluti jure revisit. Corpus ad *D. Zachariae* Ducali pompa est delatum.

43 DOMINICI CONTARENI Elogium.

Non incommode quidem, fortes Principes, & re bellica claros, *Dominicus* Dux sequitur qui per id temporis, omnibus sapientia, & eloquentia plurimum praestare putabatur, ex no-

A bili, & illustri *Contarenorum* familia, pietate insignis, nec armis ulli priorum Ducum inferior, cujus virtus, vel tum praecipue, praecclare est visa, quod septimo sui Ducatus anno, ingenti comparata classe, *Iaderam* munitissimam *Dalmatiae* urbem, quae *Urso Justiniano* urbis Praetore prius ejecto, a *Venetis* tunc, ad *Solomonem Pannoniae* Regem defecerat, in ditionem iterum cepit, & ad illius obsequium (multis licet conatibus) tandem retraxit, cum in ea pugna, nullum non optimi Ducis, & Principis officium praestitisset; consilio insuper ad vires, quibus hostis longe superior erat addito; caesoque praesidiario milite, ab omni

B alia in cives injuria temperatum. & ut eorum animi, ad meliorem in posterum spem excitarentur, si quid in ipso pugnae ardore, eversum esset, ad id instaurandum, animum mentemque adjecit. ut quantum antea irae, quae est inimica consilio, & praesertim in ipsa victoria, quae natura insolens, 44 & superba esse solet indulserat, tanto plus studii, in ornanda adhiberetur. cujus rei fama, & rumore, aliae urbes accensae, quae deditionem facere tentabant, in fide pristina mansere. quas Princeps optimus cum in suam amicitiam, & fidem denuo recepisset, semper eas, cives, liberosque suos, non modo tuendas sibi, sed etiam augendas, atque ornandas curavit; ut *Contareni* humanitate, levatae potius, quam acerbitate aliqua, violatae viderentur. Interim *Marco Contareno*, civitatis praetore relicto, cum *Venetias* versus Princeps vela daret, de *Gradensi* expugnatione, ab exploratoribus navigiis certior factus, *Peponem* Patriarcham, belli authorem, gravi impetu fuisset adortus; nisi *Benedicti* Pontificis Maximi illius nominis noni gravissima autoritas, quae plurimum semper apud *Venetos* valuit, tunc praecipue intercessisset. Sunt praeterea qui affirmant, socia arma pro *Graecis*, contra *Robertum*, *Viscardum* cognomento dictum, *Normannum* genere, 45 *Contareni* ductu, a *Venetis* sumpta. Nam *Viscardus*, cum longe lateque Imperii sui fines propagasset, *Apuliae*, Magnaeque *Graeciae* Ducatum occupavit. At *Contareno*, ne optimi Principis officio, ulla ex parte deesse, ullo unquam tempore videretur, singulo quoque sabbati die, Em-

porium in *Martiana* area, magno quidem civitatis usui accommodatum, memorabili plane instituto, ut vel in hoc patriae commoda tueretur, fieri perpetuo sanxit. ubi quamplures omnis generis merces, hinc inde etiam asportatae venales exponerentur. Immunitates praeterea non paucas, ab *Henrico* Imperatore ejus nominis III. saepius frustra tentatas *Bono Dandulo*, & *Dominico Sylvio*, qui ei in Ducariam sedem successit, ad id praecipue legatis, egregie obtinuit. ea praeterea omnia, quae e *Repubblica* esse arbitrabatur, statim a principio studere cepit. jus atque leges, & illas quidem salutare sanxit. viros bonos artibus incumbentes, consilio & opera plurimum juvit, ut suo exemplo, & caeteri Principes idem facerent, & juniores ad omne decus amplectendum accenderentur. Hujus quoque Principis aetate, *Leonem* Pontificem Maximum & ipsum ejusdem nominis nonum, quem *Platina* tam bene, de Christiana Republica meritum testatur, *Venetias* venisse repperio, ut *D. Marci* corpus inviseret, qui ducentis & amplius abhinc annis, civitati praerat; cujus Aedi, cum remissiones culpae, & errorum condonationes, aliaque privilegia dedisset, *Roman* ex re-

46 versus. Sed *Dominicus* cum Rempublicam ex animi sententia, bene optimeque compositam reliquisset & quae patriae utilia, & cuivis bono recta esse viderentur, fieri curasset, (erecto prius *D. Nicolao*, cognomento *Littoreo*, Coenobio; & inde versus continentem oram *D. Angelo* Vir-

ginio)

ginio) innocentissime sexto & vigesimo sui Principatus anno moritur, & in ipso *D. Nicolai* templo tumulatur. sed *Angeli* Phantum in monachorum Cœnobium (ut sunt res humanæ semper mutabiles) postea est translatum, eo nunc, quia pestilentia in urbe, multi languere cœperant, ad contagia tollenda, publico decreto deferuntur, ut cœli gravioris offensam excutiant, quo præsidio civitas tota contagione levare, facile possit. reliquit *Contarenius* liberos aliquot post se, à quibus *Jacobus Contarenius*, qui post Procuratoriam dignitatem, Ducariam est adeptus, longo ordine originem habuit.

HENRICI CONTARENI & JOANNIS MICHAELIS, Elogium.

47 Sacro bello, & rerum magnitudine, ac frequentia illustri, egregiis militibus, pro se quisque certatim nomina dantibus, *Venetos* qui contra *Saracenos* aliosque Christiani nominis hostes, in hoc congressu, tam pia quam decora contentione, magnum decus ingentemque operam attulisse, omnibus exploratum esse scio. maxime enim memorabilis illa expeditio, æternaque memoria consecranda videtur. Nam *Gallie* Principes, & major *Europæ* pars, *Urbani* 11. Pontificis Maximi monitis excitati de *Hierosolymis* recuperandis, communi omnium sententia, parique alacritate, consilium cœperant. Verum indicti belli famam secuta religiosa civitas, ducenarum navium classem quantam ad eam diem, nunquam emiserat, armasse traditur. quæ cum in *Dalmatiam* remigium prius explevisset, ex *Ionia* in *Aegeum* cursum tenuit: cui *Henricus Contarenius Dominici* Ducis nuper defuncti filius, qui primus repudiato veteris sui Sacerdotii titulo, pro *Olivolensi*, Castellanus Præsul voluit appellari, & *Joannes Michael Vitalis* Ducis filius, cum Imperio præfuerunt. Sed cum *Rhodium Veneta* classis petivisset, quæ aliquandiu, ob hyemis asperitatem, stationem illic habere voluerat; à *Pisanis Venetis* infensis, qui insulam prius non invadida classe occuparant, hostiliter fuit excepta. At *Veneti*, qui omnia prius experiri, quam ad arma concurrere mallebant, eos per legatos, 48 bello temperare, perbenigne monent. sed cum illi oblatam pacem negligerent, atrox hinc inde prælium committitur. nec dirimi, nisi noctis interventu, certamen potuit; Superiorque *Venetis* factus, duas de viginti triremes hostibus eripuit, in quibus quatuor milia hominum capta fuere, quos *Venetis*, restituta etiam classe, religiosi instituti haud immemor relaxavit. hinc transgressi, *Smyrnam* primo adventu capiunt, & reliquam *Syriæ* oram, *Turcis* subjectam occupant, atque inde *D. Nicolai* Episcopi, ac *Theodori* martyris corpora abstulerunt, mox *Lycii*, & *Pamphylii*, *Cilicique* maris littus legentes, *Joppensem* portum tenuere: atque novas semper copias, novosque commeatus, ad satietatem, ne quid hostile paterentur, & bellica instrumenta, quæ tum necessaria, atque usui opportuna esse videbantur, præclare in castris convecabant. ibique tandiu permanfit, quoad Christiani, *Hierosolymis* sub signis & auspiciis *Gotifredi Bolionii*, sunt potiti. Victoria itaque sacræ hujusce militiæ parta, & votis, quæ sacramento adhibito, antea nuncupaverant, ad Christi sepulchrum rite solutis, *Venetias* incredibili pene gaudio, & lætitia affecti, tam justæ victoriæ compotes rediere sexto Idus decembris, tertio ex quo *Venetiis* oram solverant anno. 49 *D. Nicolai* corpus, in Ecclesia ejusdem nominis,

A quam à *Dominico Contareno* Duce, in littore erectam superius est demonstratum, multa religione hodie visitur. Turrim non longe ab *Æde*, ne Sancti reliquiæ clam à piratis furriperentur extruxit, quæ nunc vetustatis exemplo conspicitur.

ORDELAPHI FALETRII Elogium.

B *Gotifredo Bolionio, Hierosolymitano* Rege, altero post adeptam victoriam anno, vita functo, *Baldwinus* ejus frater successit, qui cum adversis quibusdam præliis, fractus jam animo esset, certiorque de *Boemundi* captivitate factus, animum fere despondisset, *Venetorum* opem, & auxiliaria arma, implorare coactus. Quare *Ordelaaphus Faletrius, Veneti* Senatus Princeps, qui res longe maximas, pro vera religione, moliri studebat, cum christianam rem trepidantem, & labantem cerneret, instructa centum triremium classe, eam in *Syriam* suis auspiciis duxit. quæ tam felices rerum successus habuit, ut expugnata *Tyrus, Sydon, Berithus, & Ptolemais*, quæ à recentioribus *Accon*, novissimeque corrupto nomine *Acris* appellatur, urbes vetustate & opulentia, quondam clarissimæ. mox quoque ad *Nili* ostia, *Faranniam* tum maritimum oppidum, non expugnatum solum, sed eversum, atque in *Saracenorum* invidiam, ingenti opulentaque præda inde est abducta. quibus magnifice gestis, *Baldwinus* privilegia non pauca *Venetis* in *Syria* concessit. Sed *Ordelaaphus*, postliminio reversus, non parvam triumphi speciem retulisse est visus. nec diu tamen res *Veneta* quievit, nam cum *Patavinis* ad *Bebias*, bellum non incruentum est admissum. ob id credo, quod *Ravennates, & Taurisini*, socia arma, cum hostibus junxerant, ut tamen *Patavini* ea clade consternati, ad *Henricum* Imperatorem confugerent. qui rebus bene hinc inde compositis, eos dimisit, aderant forte, aliis quibusdam de causis *Vitalis Faletrius*, Ducis pernecessarius, *Stephanus Maurocenus* & *Ursus Justinianus* Legati. Sub id ferme tempus, duplex incendium, quod propinquas domos, *Ædesque* sacras depavit, magnam urbis partem consumpsit, nec opem, aqua comportanda, fundendaque aliave ratione, cives ferre poterant; quod vapor fumusque adversus, loco quemque suo, stare diutius non sinebat. Conflagravit & *D. Mosis* Phantum, quod non sine gravissimi animi moerore hoc repeto, nam quoties mihi in mentem venit, adversi aliquid, illi *Ædi* accidisse, 51 ferrum in latus meum stringi sentio. etsi quoniam adverso fato nescio, ingratus is mihi fuerit locus, cui cum integerrime, per tot lustra, atque ob omnium oculos, & tanquam in theatro positus servierim, nihil tamen aliquorum perfidia qui ad honores obrepserunt, vel ex minimis illis sacerdotiis sit datum, cum hoc ipsum tantum mihi vitio dederint, quod plus æquo (ut eorum interim utar vocabulo) in literis incubuerim. Omitto alias multas in me, vel actas aperte, vel occulte illatas injurias, ut tamen Dei Optimi Maximi ope, atque exemplo, præcipue fretus, omnia eorum in me scelera, quoad potui vici, totque ac tanta in me convicia sæpissime illata, æquo animo, moderateque tuli. hominum enim insolentium contumelias parvifeci, & ut sunt leves ejusmodi homines, a me facile despiciuntur. Sed illustrarunt tandem paulo ante innocentiam nostram, perditorum hominum injuriæ; nunc enim clarissimorum virorum quorundam beneficio, in puppi sedeo, cum vix mihi esset antea apud eos in sentina locus. Effetque hic fortasse locus deplorandi, vel nostri seculi calamitatem, vel religionis jacturam, quando qui literas, in 52

A. Stella. B nostro

nostro hoc ordine amplectuntur, agresti Vatinianoque odio, ab indoctis infectantur. Sed ut in multis eorum erroribus, ita in hoc præsertim conivendum esse duxi, redeoque ad historiam. Sexdecim quoque insulas, posteriore incendio continua clade arsisse, cum Ducarii parte, annales tradunt. quo etiam anno, *Metbamaucum* partim aquis, partim igne, duobus contrariis elementis, sit consumptum. Annales *Veneti*, quos *Blondus*, historiarum scriptor egregius hac in parte sequitur affirmant, *Henricum* Imperatorem ejus nominis IIII. quum forte apud *Taurisum* ageret, & paucos ante dies, *Faletrii* Ducis filia, sacri fontis præstitisset officium, *Venetias* venisse, ut *D. Marci* corpus inviseret, & vota jam nuncupata persolveret. testantur id ipsum præter *Bernardum Justinianum*, qui patriam historiam per annos cccc. luculentissime conscripsit, multa cum huic civitati, tum etiam monasteriis privilegia augusta beneficentia concessa. narrant præterea eo tempore, urbem ingenti terræ motu fuisse concussam. ex quo sulphureus quidam ignis, è terra scatens, *D. Hermacora* Phanum combussit. manus autem *Joannis Baptistæ*, qua Christum Deo genitum ostendit, atque ipsum unigenitum, ad *Jordanem* 53 amnem, baptismi lavacro resperfit, intra medias flammæ, illæsa est reperta. Sed quoniam ita fert plerumque fors, ut malum sæpius malo addatur; *Iadrenses*, *Joanne Mauroceno*, *Veneto* magistratu, ex urbe turpiter ejecto, oppidoque *Pannoniæ* Regi dato, à nostris desciscentes, *Calomani* Regis arma & trophæa, inani ab eo libertatis spe allecti, sequi maluerunt. quos cum Rex, contra fœdus, cum *Venetis* antea percussum, & à nostris sanctissime servatum, in fidem recepisset, cæterasque *Dalmatiæ* urbes, quæ tum *Veneto* parebant Imperio, aut ad defectionem sollicitasset, aut sua sponte deficientes, in ditionem suam, contra jus fasque traxisset, paulopost in *Pannoniam* reversus, diem suum obiit. Interim *Ordelaaphus*, his anxius curis, nec ulla re, quæ agenda, audendaque magno Duci esset prætermissa, tantam injuriam ulcisci anhelans, tertio-decimo sui Ducatus anno, augusto mense, parata classe, in *Dalmatas* movet, & *Iaderam* defectionis caput, terra marique obsidet; oppidum militibus cingit. *Hungari* qui ad levandam urbem obsidione, ex *Pannonia* venerant, fusi, fugati, tota *Dalmatia* cessere. Quare *Venetis* spem bene gerendæ rei facile concipiens, bellica omnia instrumenta, ad urbis mœnia admovit. Oppidani 54 contra, nihil minus quam victoriam sperantes, ultro se supplices, dediderunt. Inde *Siccum*, castra movens, omnium specelerius, vi capit, ac mœnibus nudat. ibique *Stephanum Justinianum* reliquit. quo metu percussæ reliquæ *Dalmatiæ* urbes, ad officium rediere. Dux itaque vindicta universa *Dalmatia*, finibusque propagatis, *Liburniam* quoque præsentis rerum successu, suo adjecit imperio. additumque *Croatiæ* titulum, Duci *Veneto* tunc primo constat. Quamobrem cum domum rediisset, captivis multis *Illyrici* regulis, secum in triumphum adductis, tanta lætitia, tantoque gaudio, est à suis exceptus, ut non *Græcorum* aut *Romanorum* triumphi speciem solum adæquasse, sed multo etiam longe superasse videretur. fuit victoriæ dies, pridie Calendarum Quintilis, qua luce, *D. Pauli* Apostoli, gentium doctoris commemoratio, à christicolis celebratur. Nec interim *Pannoniæ* segne otium terruerunt, sed collecta ingenti militum manu, repente ex *Pannonia* affuerunt, adeo sæpe minimis momentis, rerum mutationes fiunt. hujus rei fama, ut primum *Venetias* venit, Dux magno, & erecto animo, haud quaquam cessandum ratus, jussis

A confestim militibus naves conscendere, majorem quam antea classem parat, atque in *Dalmatiam*, Majo mense rediit, ne provincia ab hostibus, 55 præsidio vacua reperta succumberet. Itaque acrius de integro obortum est bellum, hinc spes, inde desperatio animos irritat. & quo fortius & confestim, magis utrinque pugnatur, eo plures vulnerantur. nullo inter arma, corporaque intercidente telo. par utrinque pertinacia, par virtus, par animus, eadem spes, similis fiducia. Cum ergo diu anceps fuisset certamen, ut in *Venetis* caltris, neque Dux militi, neque Ducis miles defuisset, & *Faletrius* strenui militis, & optimi B Ducis operam navaret, velletque phanaticum *Ungarorum* impetum sustinere, transfixus telo latus, dum in prima acie, ubi plurimum periculi, ac laboris ostendebatur, hortator re magis quam verbis adest, ante militum oculos concidit. Dignus certe Dux, qui diutius in humanis esse meruisset. hic *Veneti*, de Principis morte solliciti, acrius ad pugnam incubuerunt. incertus diu mars, dubiaque victoria fuit, multis utrinque cadentibus; sed tanta postea fuga, & trepidatio nostros invasit, ut parum minimumque abfuerit, quin omnes, aut capti, aut cæsi, in hostium potestatem venirent. Ducis corpus, à C suis ablatum, ne barbari, triumphum Ducis corpore honestarent, *Venetias* est delatum, atque magna funeris pompa, elatum, in ipso *Martiane* 56 ne *Ædis* vestibulo, quod à læva templi adjacet, marmoreo sepulchro est conditum undevigesimo sui Ducatus anno. affecta gravissimo luctu civitas, legatos quamprimum decernit, qui aut pacem, aut saltem inducias, à *Pannone* impetrarent. missi tum ad id fuerunt, *Vitalis Faletrius*, *Ursus Justinianus*, & *Marinus Maurocenus*: qui pacem in quinque proximos annos, cum hoste, id ipsum aliquamdiu renuente, tandem sanxerunt. D Templâ duo hujus tempore sunt erecta, unum salutiferæ Cruci, cum Virginio *Venetis*, alterum D. *Cypriano Muriani*, hoc à *Gradonicis*, illud à *Baduariis*. Tabulam præterea, auro gemmisque ornata, ad altare majus, *Auræ Martiane* *Ædis* positam, suo studio fuisse excultam, carmina quædam, aureis literis, in eadem tabula inscripta testantur. Sub quo pium illud quoque opus institutum reperio, ut Dux singulo quoque anno, D. *Georgii* Phanum, frequenti Senatu religionis causa petat.

DOMINICI MICHAELIS Elogium. 57

E Optimo Principi, melior successit, qui majorem exempla hac in parte præsertim, ardentissimo animo secutus, se suosque, pro patriæ dignitate tuenda, pro fide, & religione Christiana conservanda devovit. Nam cum intra paucissimos annos, *Gotifredus*, *Baldwinus*, *Boemundus*, alique Duces non pauci, qui fatali necessitati (cui nemo unquam repugnare potuit) concessissent; ita *Venetæ*, christianæque res omnes, in *Syria* faciem mutarant, ut retro sublapsæ pedem referre, in dies, magis ac magis viderentur. Quamobrem *Dominicus Michael*, vir impiger, haud cunctatior ad prælium factus, navibus ducentis è portu eductis inter quas erant onerariæ octoginta, magno studio & cura ornata, in *Calixti* Pontificis Maximi gratiam, difficillimis iisdem Reipublicæ temporibus, studium non vulgare impendit, quod à majoribus veluti hæreditarium acceptum, non tantum servare, sed enixe etiam augere, *Veneti* semper curarunt. Obfidebatur tunc terra marique, magna contentione, *Joppe* *Syriæ* urbs, aspero & importuoso littori, nostri maris imposita. præerant in continenti 58 *Gallorum* Duces, quibus *Veneta* classis, rerum

rum omnium bellicarum instructissima affuit. atque *Saracenica* classē, quæ *Joppem*, septingentarum navium classe, arctissima obsidione premebat, adeo improvise insultu disjecit, ut magna fere earum pars, mediis fluctibus sit oppressa, quædam naves captæ, paucæ fuga dilapsæ. ex *Turcis* desiderata septem millia fuere. ex quo & urbs obsidione levata, & *Joppe Venetorum* armis oppugnata, non sine magno labore est recepta. præda, quæ opulentissima fuit, inter milites, æquis partibus, Ducis jussu est divisa. Secuta paucis post diebus altera victoria, decem ex eodem hoste, navibus captis, cum prætoria, quæ pretiosissimis mercibus fuerant onustæ. Inde progressus *Venetus*, totam *Syriæ* oram legendo, res partim amissas recuperavit, partim etiam periclitantes tueri nitcbatur. Nec *Galli* interim, impigre rem agebant, sed *Tyrum* urbem, omnium præter *Hierosolymam* & *Antiochiam*, totius *Asiæ* potentissimam, antea frustra, per quatuor menses, immensis conatibus oppugnatam, à terra adorti, *Vencos* hortabantur, ut à mari oppidum, validissimis viribus oppugnant. tenuit dies aliquot
59 obsidio, urbemque ipsam, in fertilissimo solo positam, & frugum parentem (quis crederet?) obsidione ac fame, ad humanos cibos compulit. Verum cum *Galli* trepidi, mox in castris agerent, quod *Sultanum Aegyptium*, maximis copiis affuturum nuntiaretur, de fuga cogitare inceperant, quando ipsi soli, gravissimo discrimine, hostibus objicerentur. *Veneti* autem, quibus mare ad fugam pateret, facile relicta provincia, inde abitura. quod cum *Venetus* Dux rescisceret, ut majori clariorique animo rem inceptam christiani persequerentur, scirentque se à *Venetis*, si qua vis à barbaris ingrueret, nunquam deferri, classē primo propius terram adducit, deinde navium omnium gubernacula, in castris ad *Varinundum Hierosolymitanum* Antistitem, publico edicto deferri jussit. alii tabulas, ex singulis navium carinis revelli, aliave remigii instrumenta adempta, & in castris delata scribunt, quæ firmissima constantiæ signa haberentur. qua spe, cum diutius nostri, urbem obsidione cinxissent, dolo magis quam virtute, tandem & altu, quæ an recte fiant, in hoste non requiruntur, urbe non sine tamen *Venetorum* clade, pridie Calendarum *Julias* sunt potiti. populoque *Veneto* parere eos docuit & quas regiones, quasque gentes, nullæ nobis ante literæ, nulla vox, nulla fama notas fecerat, eas *Dominicus Michael*, & exercitus, *Venetaque* arma peragravit. fuit ea victoria Christianis admodum lata. Data tunc *Venetis* in *Syria* privilegia non pauca, sed quoniam fuerat obsidio illa, longa & laboriosa, & quia procul à patria, Dux pecunia, quæ bellorum nervi appellatur, indigens; ne milites stipendii causa, aut ad hostes deficerent, aut castra relinquerent, ex corio bubulo, ad tempus scorteos nummos, publica forma obsignari jussit, eamque classariis, ea conditione numeravit, ut domum reversis, aurea, argenteave pecunia, fide optima integraque daretur. Quare quandiu in *Syria* *Dominici Michaelis* ductu, & auspiciis, contra fidei & religionis hostes, à nostris est bellatum, imaginaria veluti pecunia, mutuo inter se utebantur. Restat adhuc in ea familia, tam clarum, tamque illustre autoritatis exemplum, nam in ejus gentis insignibus, aurei nummi, gentilibus suis signis videntur, jam tum à Duce illatis, cum antea aliud insigne *Michaëles* gestarent. Sed quum res *Veneta* à *Joanne Constantinop.* Imperatore (quem nostrorum quidam *Calojanem* appellant) ob rem præclare in *Syria* gestam, non mediocriter con-
61 citarentur, Dux inde abire est coactus. Quare

A *Rhodum* prius, celebrem *Carpathii* maris insulam, quæ *Venetis* multa, ad classē necessaria, præte alia denegarant, invadit, & diripit. mox *Chio* Mediterranei æquoris insula occupata, *Isidori* corpus, inde *Venetas* asportavit, quum tamen diutius in ea insula hybernasset, *Samum* postea, appetente jam vere, *Lesbum*, & *Andrum*, *Ægei* maris loca oppressit. quibus circa *Cycladas* gestis, *Metkonem Peloponesi* urbem, in ditionem receptam, opulenta ibi facta præda, atque inter suos divisa, militari præsidio munitam reliquit. inde prætervectus, *Iaderam Veneto* nomini infestam, memorabili apud cæteras rebelles urbes exemplo, magna ex parte diruit, ac præsidio nudat, ne locus alioqui natura munitus, sedes belli fieret hostibus. B *Spalato* deinde, ac *Tragurio Pannonum* urbibus, in ora *Dalmatiæ*, armis receptis, domum gloria & divitiis plenus, trigesimo ex qua discesserat mense est reversus. nobilissimo apud posteros, si ut mirari, ita & imitari in animum inducerent, virtutis & religionis exemplo. Verum quoniam, neque majus est aliquid, neque admirabilius, quam quod is qui multos vicerit, seipsum demum vincat: nihil enim unquam cum vera virtute, laudeque gesseris, nisi in ipsam animi modestiam, 62 oculos prius detorqueas. tanta quidem fuit *Dominici Michaelis*, vel animi moderatio, vel etiam in patriam charitas, ut *Siciliæ* Regnum sponte sibi oblatum, forti animo negligeret. Sed nihil magis decorum, *Dominicus Michael*, fecisse in ea expeditione est visus, quam quod summo honore in patriam attulit, lapidem illum, super quem *Abrahamus*, Dei jussu, *Isacium* filium voluit interimere. atque eum super quem *Moses* Deum est allocutus, & illum super quem *Christus* humani generis servator, apud *Tyrum* discipulos docens sedebat. quem, unum eundemque esse, multi affirmant. is spectatur hodie, super altare, in ædícula *Joannis Baptiste*, quæ nunc aurea æde comprehenditur, ea parte, qua ad fori portam, vel ad geminas columnas itur. attulit & veram quandam Christi imaginem, parieti affixam ad Januam ædiculæ *Joannis Baptiste*, in ipsa D. *Marci* Æde, ubi *Lampades* aliquot matutino tempore accenduntur. cum his etiam vehere curavit, lapidem ex porphyretico marmore, miro naturæ artificio cavatum, ubi nunc in eodem templo lustrantur infantes, adduxit postea secum ex *Pera* ablatam D. *Donati* corpus. Hujus Ducis tempore Cathedralis Ecclesia arsit, quam *Bonifacius Faletrius* Episcopus, *Vitalis Michaëlis* 62 successor, postmodum instauravit. *Marcus* præterea *Julianus*, patritii ordinis vir, publicam Charitatis Ædem, cum Canonicorum Cœnobio erexit, templum nunc splendidum, præcipuaque religione præditum, cui nobilissimum conclave, cum celeberrimo collegio accubat. Dux autem cum Rempublicam annos undecim, magni ac fortis animi judicio gubernasset, extremum vitæ diem morte confecit, & publico funere est elatus. ejus sepulchrum, in vestibulo D. *Georgii*, è regione fori, majoris cognomento dicti, hodie conspicitur.

PETRI POLANI Elogium.

F Non possum sine magno, gravique piaculo, memoriam tui *Petre Polane*, tacitus in præsentia præterire. nam *Dominici Michaëlis* Ducis foci tui secutus exemplum, belli pacisque artibus longe optimus, ac summis animi, corporisque dotibus ornatus, patriam legibus, ac præclarissimis institutis fundare, opera & consilio tutari, optimum factu, semper es arbitratus. Tradunt scriptores, quos sequi hac in parte duxi- 63

mus, sub prima hujus Principis initia, *Fanum Picensi*, seu *Umbriae* amoenissimam urbem, in *Adriatico* littore, inter *Pisaurum*, & *Sennogalliam* positam; quia diutius, à finitimis bello, & armis acerrime vexaretur, ultro sese, & civitatem, in *Venetorum* fidem, & amicitiam contulisse. ex quo nostri semper eos, non modo tuendos, sed etiam augendos, atque honestandos voluere. *Fanenenses* pecuniam, & mille olei libras, annui tributum nomine, ad aureæ *Martianæ* *Ædis* usum, sunt polliciti. Constat non multo post, arma à *Venetis* sumpta, contra *Pisanos*, veterem injuriam, sibi à *Joanne Michaeli* Ducis filio, & *Henrico Contareno* apud *Rhodum* illatam, ulcisci volentes; plus tamen cladis, quam intulerant acceperunt, gravioresque in dies calamitates subire videbantur, nisi *Eugenii* illius nominis III. Pontificis Maximi autoritas intercessisset, qui *Pisani* oriundus, iniquissimo ferebat animo civium suorum stragem. Sed *Polanus* interim, ut civibus, & patriæ consultum à se prudenti consilio, in posterum videretur, cum *Dalmatis* egit, ut quandocunque *Veneti* Principes, in hostes moverent, aut quindecim navium classis, sub *Venetis* signis in altum educeretur, singulae urbes, singulas triremes, aliave ad classem opportuna instruerent. *Patavinci* à *Venetis* hoc tempore, ob finium discordiam defecere, trecentique ex ipsis postea in pugna capti, atque aliquandiu custoditi, sine pretio postmodum dimissi fuere. quod ad clementiæ famam conciliandam, multum contulit. ex eo enim facile patet, *Venetos* tam clementia humanitateque, quam militari etiam virtute, multas gentes, & populos vicisse. Sed dum hæc in *Venetia* fierent, *Rogerus*, *Rogerii* comitis *Siciliæ* filius, mortuo *Gulielmo Apuliæ* Duce, non *Daunia* modo, sed magna *Græcia*, *Lucania*, *Campania*que potitus, *Italiae* Regem se dictitabat. atque inde devictis ingenti clade, in *Africa* *Saracenis*, & *Tunetis* Rege, sibi tributario effecto, ensis capulo, prospero felicitque rerum successu auctus inscripsit.

Apulus & *Calaber*, *Siculus* mihi servit & *Afer*.

Is *Hemanueli* etiam Imperatori bellum indixit, indictum fortiter gessit. vastata est omnis *Græcia* ora, & *Byzantium*; in cujus gratiam à *Venetis*, contra ipsum *Rogesium*, classem celeri studio, parari est decretum. hanc cum *Polanus* Dux, eo animo duceret, ut in *Rogesium* moveret, foedissima tempestate superveniente, triremes per aliquot dies, non parum jactatas, apud *Caprulas* continuit. ubi Princeps vel prægravante ætate, vel aëris intemperie gravi morbo conflictatus, in deploratam valetudinem incidit. placuitque ex Senatusconsulto, referente *Dominico Mauroceno*, qui *Polano* in sedem successit, ut Dux in patriam rediret: atque *Joannes Polanus* Ducis frater, & *Rhainerius* filius, classi præficerentur. qui accepto Imperio, cum ad *Corcyram* insulam *Adriatico* sinu, irrequieto cursu emenso devenissent, eam ferociter invadunt, modicoque negotio, ex hostium manu vi ereptam, militarique præsidio munitam, Imperatori restitunt. hinc solventes *Corinthus* *Achajæ* caput, totiusque *Græciæ* decus, atque nobilissimum quondam totius *Europæ* Emporium, & *Thebas* præclaram *Bæotiæ* urbem, in potestatem accipiunt. mox omnia *Rogerii* loca tumultuose invadunt, cum strage rerum omnium, quacunque irent. Postea Rex prælio à *Venetis* fusus fugatusque, navibus viginti amissis, trepidus & inglorius, fugam arripuit, inde nostri magno impetu aversi, *Siciliam* aggrediuntur, omnique injuriarum genere affligunt. Oppida munita, improvise adventu ca-

pta, & incensa, multarum ætatum opera, clarissimaque virorum monumenta, miserabiliter extinguunt. parum minimumque abfuit, quin insulam ferme omnem, suæ ditionis fecerint. fuit igitur eo tempore *Græcia*, à calamitoso prælio *Venetis* armis defensa. Ducis interitus, qui non multo victoriam præcesserat, in causa fuit, quo minus frater & filius, maritimi Duces, ob rem præclare gestam, gloriose triumpharent. hoc Duce *Bonfilii Michaeli*, qui in *Servatoris* phano, *Vicarium* agebat, cum cæteris qui ibi rem *Divinam* faciebant, *Canonicum* dogma susceperunt. nec multo post *Clementis* *Ædem*, inter almi *Spiritus*, & *Gratiarum* *Cœnobium*, *Petrus Gatilofus* construi fecit. quo etiam tempore inter *Murianum* & *Majurbium*, *Jacobi* cognomento *Palustris* diverforium, *Ursi* *Baduarii*, & *Joannis Troni* opera est erectum. quem locum *Cisterciæ* virgines olim tenuere; nunc sacrorum curam, ibi *Francisci* gymnopodes habent. Sed *Polanus* cum Ducatum annis unde viginti tenuisset, vitam deseruit. funus *Murianum*, ad *D. Cypriani* est elatum.

MAUROCENI ejusdem cognominis, & *MARI-68*
NI GRADONICI Elogium.

Non minorem triumphi speciem, retulisse videri possunt, *Maurocenus* ejusdem cognominis, *Dominici* Ducis filius, & *Marinus Gradonicus* collega, ex omni patritio ordine viri lectissimi, qui *Anconitanis*, navali prælio devictis, ac quinque eorum triremibus captis, contra *Hæstros*, maritimis latrociniiis diutius assuetos, quique omni tempore, in præda, & sanguine versabantur, triremes quinquaginta, felicissimis auspiciis educentes, *Polanos* primo oppugnare, atque armis aggredi tentant. Quare ubi literis & nuntiis, oppidani certiores sunt effecti, bellum maximum & formidolosum, contra eos per Duces decerni, atque parari, *Venetos* Imperatores, confestim per caduceatores monent, atque ad concordiam hortantur. nihil populare arbitrati, quam ut depositis utrinque ferocibus animis, æquis conditionibus, in suam amicitiam rursus recipiant. Assentiuntur *Veneti*, qui nihil unquam maluerunt quam pacem, quique sola laude contenti, nihil ex victis hostibus præter victoriæ nomen, sibi quæsiere. Quare post varias hinc inde conditiones oblatas, has postea libens uterque populus est complexus, ut bina millia pondi olei, *Martianæ* *Ædi*, quotannis persolverent. *Parentini* tunc suis viribus diffusi, auxilias copias, quoties Dux in aliquos movisset, sunt polliciti. hos *Hemonenses* secuti, non auxiliana tantum arma, sed annum olei tributum, daturos se constituerunt. quibus rebus compositis, *Maurocenus* & *Gradonicus*, absque ulla occisione aut strage, domum ovantes sunt reversi, atque à *Dominico Mauroceno* Duce, & civibus, benigne fuerunt excepti.

VITALIS MICHAELIS Elogium.

Hic à pace primum auspicatus, avitum inter *Venetos*, & *Pisanos* inflammatum odium, animi facilitate atque clementia lenivit. Sed tranquillo otio diutius perfrui, adversante præsertim fortuna, civitati non licuit. Nam *Hemanuel Constantinopolitanus* Princeps, homo haud miti ingenio, neque mansueto, sed qui multa in *Venetos*, per summam injuriam, & contumeliam perpetraret (ut *Græcum* hominem possis agnosce-70 re) indigne ferebat, *Venetos* noluisse contra *Gulielmum Siciliæ* Regem, qui *Rogerio* successor est datus, arma sumere. Quare oblitterata veteris beneficii memoria, à *Venetis* paulo ante accepti, qui

qui sociali bello, *Græcorum* fortunas, æque ac suas, contra *Rogerium Siciliae* Regem, impense fuerant tutari, contra eos subito impetu arma movit; *Venetosque* omnes, qui in tota *Græcia* mercaturam fecerant, custodiri jubet: percussio prius fœdere, cum *Stephano Pannoniæ* Rege, *Venetorum* hoste infestissimo, quo Duce, *Spalaturnum*, *Tragurium*, & *Ragusium Dalmatiæ* urbes, vafro callidoque *Græcanico* commento diripuit. mox negotiatores omnes, quos recenti decreto, totius *Græciæ* emporia, frequentari denuo iusserat, simulataque pace, per nuntios, fide publica evocarat, uno die, contra jus gentium, comprehendere jubet, eorumque bona in publicum redigi. *Sebastianus Cianus* interim, & *Aureus Mastropetrus*, qui spe renovandæ amicitiae, *Byzantium* legati nomine petierant, magnæ quidem inter *Venetos*, existimationis viri, qui Ducalem postea dignitatem sunt adepti, tantæ rei atrocitate vehementer commoti, *Venetias* subito itinere repetunt; cumque tam infandum facinus, in Senatu de more retulissent, *Vitalis Dux*, in quo summa clucebat virtus, & in periculis fortitudo, nihil in tam aperto rerum discrimine cunctatus, triremes centum, intra dies totidem, onerariæque viginti parari, omnibusque ad bellum necessariis instrui jubet, quibus *Histri*, ex pacto antea cum *Venetis* facto, decem addidere. statimque ipse oram solvens, *Leonardo* filio pro Duce relicto, urbes prius ab hoste vastatas in ditionem recepit. *Eubæam* deinde & *Chium*, *Aegei* maris, ac Imperii loca, hostiliter invadens, nec ætati, nec sexui parcendum duxit, in quo prælio maxima operis pars, *Vitalis Michaelis* fuit, qui cum pugnandi artem, & audaciam ostendisset, consilio etiam omneis anteibat. Quare *Hermanuel Venetis* armis oppressus, veritusque regno deturbari facile posse, Legatos iterum sibi mandari, avidissime postulat. missi *Antistes Equilinus*, *Græci* sermonis non ignarus, & *Manasses Baduarius*, vir Consularis, per quos *Græcus*, promissa tandem bonorum restitutione, æquis postea conditionibus pacem impetrat. nec quievit tamen, quin solita perfidia usus, adversi aliquid, contra *Venetos* strueret; nam dimissis legatis, cum exploratum haberet, Imperii vires, longe inferiores esse, quam *Venetorum*, nec ob id cum eis congredi auderet, fontes & flumina, unde *Veneti* aquam hauriebant, veneno infecit, ex quo pestilentia subito exorta, ex nostris quamplures absumpsit. periire tunc, adverso fato *Justiniani* omnes, cuncti enim pro charissimæ patriæ salute, & pro Reipublicæ incolumitate, arma sumpserant. ne autem *Justiniana* familia tam bene de patria merita, funditus interiret, Dux qui hoc unum præter alia civitatis incommoda permolestè ferebat, cum *Alexandro* Pontifice illius nominis III. per literas & nuntios egit, ut *Nicolaus* ejusdem familiæ, qui sacra Deo Optimo Maximo ad *D. Nicolai* littorei faciebat, à Canonibus ea in parte solveretur, liceretque ei ad suæ gentis sobolem restituendam, *Annam Vitalis* Ducis filiam, quam unicam habebat, uxorem ducere. concessit eam veniam impune *Alexander* Pontifex, dederat enim eodem exemplo paulo ante hujusmodi facultatem, *Constantiæ Gulielmi Siciliae* Regis filiae, ut soluto tunc religionis vinculo, ad prolem fuscitandam, *Henrico* Imperatori, *Friderici Aenobarbi* filio nuberet. Sed faustissimæ *Justinianæ* nuptiæ fuere. nam liberos mares sex, foeminas vero treis, ex eo tam felici conjugio susceperunt. quo pacto familiam pene lapsam, e tenebris in lucem restituere. mox *Nicolaus* pristina castitatis & religionis haud immemor, ad Coenobium rediit, ædificato prius non longe à

Torcello Virginio, quod *D. Adriano* dicatum esse voluit, in quo *Anna* uxor, monasticam vitam, ad supremum usque ætatis tempus, sanctissime egit. claruerunt ambo multis miraculis, perstititque ad patrum nostrorum ætatem, tabula quædam, in *Æde Nicolai* littorei, in qua utriusque imago, magna cum admiratione spectabatur. Civitas vero percussa, ob tam atrocem, tamque funestam rem, quæ urbem quoque ipsam, adeo sæviente morbo populabatur, ut animam agentium corpora, terra alte lateque effossa, miserabiliter obruerentur. In Ducem, totum id malum populus contulit, qui in summam civium invidiam adductus, septimo & decimo, sui Principatus anno, est interfectus. funus ad *D. Zachariæ* delatum. hoc duce, Procuratoria dignitas, quæ amplissima est, & Principi proxima, tunc primum in urbe fuit excogitata. obtinuit eam primo *Angelus Faletrius Ordelapbi*, Ducis filius, cui templi aurei cura, fuit demandata.

SĒBASTIANI CIANI Elogium. 74

Nullus certe priorum Ducum, ad hanc diem, nec contentionis magnitudine, nec celeritate conficiendi, *Ciani* trophea potuit adæquare. Siquidem gloria fuit illustris, ac pervagata multorum, amplissimorumque, vel in suos cives, vel in patriam, vel in omne genus hominum, fama meritorum, omnia enim decora, & insignia, quibus Imperii *Veneti* dignitas fulget, huic accepta sunt ferenda. Enimvero oblatrent licet multi, cæterique urbis amplitudini, atque splendori, improbe invideant, hæc quidem civitas, *Alexandrum* Pontificem *Friderici Aenobarbi* Imperatoris insidias fugientem, atque ideo *Venetis*, intra charitatis Coenobium, ignoto vilique habitu, multis jactatum fluctibus, totaque *Europa* exulem, atque inopem, quique totius *Italiæ* Principum fidem suspectam habebat, latenter excepit, & fovit. Qua re cognita ab Imperatore, *Venetis* bellum denuntiat, eosque imperii hostes appellat, minæ non vulgares legatis pro pace cum Pontifice missis adduntur, atque ira percitus, omnes suas vires in eos intendit, milites statim scribit, omniaque parat, quæ ad belli usum necessaria videbantur. Verum *Cianus* triginta longis navibus comparatis, accepto de manu Pontificis, qui rem Divinam fecerat, vexillo, his verbis; perge *Ciane*, & *Venetum* nomen invictum, juvantibus Diis, præsta. qui felicibus auspiciis oram solvens, *Friderici* Imperatoris filii classem, quam quinque & septuaginta triremium fuisse constat, juxta *Salbitorium Histriæ* promontorium est congressus: locum alioqui ignobilem, sed qui victoriæ magnitudine, clarior aliquanto sit effectus. quo in loco, extant adhuc carmina quædam, in antiquissimo marmore incisa, in pariete templi *D. Joannis Baptistæ*, quæ tantæ victoriæ monumentum, testatum relinquunt. Divina ope parata victoria, nulla cædes, nullus captivus ex *Venetis*, hostium tamen multi desiderati, longe etiam plures captivi sunt effecti. duabus præterea *Ottbonis* navibus, in ipsa pugna, mediis aquis obrutis, octo & quadraginta captis, in quibus Imperatoria fuit, cum *Ottbone* ipso, qui *Venetias* vivus ductus, magnam triumphi speciem exhibuit maximumque Principi, & patriæ decus præbuit. Unde *Alexander Venetorum* opera, longo post tempore, pristina suæ dignitati restitutus, pax inter ipsum, & Imperatorem mox conciliata, *Veneti* Principis majestatem, multis tropheis & fascibus, quibus Princeps hodie utitur excoluit. atque inde maris desponsationem, & culpam omnium veniam, cum *Marcianam* Ædem, tum cha-

charitatis, & *Jacobi de Rivoalto* invifentibus concessam, statis quibusdam diebus constat. quæ sunt & erunt (& si scriptorum hac in re variat fides) monumenta tantæ victoriæ fempiterna. Nihil enim in tanta rerum geftarum gloria contingere potuit, aut ad illud præfens decus pulchrius, aut ad nepotes memorabilius, quam ut is Princeps, fupplex *Venetias* peteret, quem plures olim gentes & populi flexo antea poplite adirent. nec ab re factum à patribus arbitror, qui totius belli feriem, in fuo comitio, celebri pictura, exprimi publice decreverunt, ut res latius in urbe vagata, manaret ad pofteros, edixit præterea, ut quoties Princeps in publicum prodiret, patres frequentes femp̄ adefſent, atque cærulea veſtimenta, eaque annua, ſub natalitia feſta præconibus, ſingulo quoque anno liberaliter donarentur. Multa inſuper extant huiſce Principis, in patriam ornamenta. nam geminæ etiam columnæ teretes, præſtanti forma, *Conſtantinopoli*, ad nos advectæ, in ea *Marcianæ* aræ parte, quæ ad meridiem ſpectat, eo Duce ſunt erectæ. ibi nunc fontes 77 capitali ſupplicio afficiuntur. Hic bipartitam majore *Eurippo* civitatem, ligneo ponte, omnium maximo, primus junxit, qui à *Germanorum* emporio, ad *Rivumaltum* excurrit. Inde exhauſtum ærarium, ea temporis novitate, quadam mutui ratione, à *Vitale Michaelæ* Duce, huius nominis II. fruſtra antea excogitata, in melius reſtituendum curavit. Splendidam quoque, aureamque *D. Marci* Ædem, in hanc ipſam, quam nunc aſpicimus formam, acceptam multi referunt. Tabulamque auream, dignitatis eximix, gemmis & margaritis inſtauravit & auxit, teſtes ſunt literæ, in ea exſculptæ. erat tunc *Angelus Faletrius* tantummodo procurator. Verum poſt ampliffimi *Ciani* Ducis legatum, quum ille duplici curæ impar eſſe crederetur, alter fuit ſuffragio creatus, ut hic ſacris Theſauris, ille recentioris legati procuratori præeſſet. fama que eſt, illam piam nummorum diſpenſationem per procuratores, pauperibus tunc primo inſtitutam. Is antiquata illa, ſimplici ſuffragiorum ratione, duodecim virorum ſuffragio, qui *Michaelis* Ducis parricidium fuerant ultri, Dux omnium, qui in civitate fuerant, locupletiffimus, incredibili omnium lætitia eſt declaratus. qui alium poſtea eligen- 78 gendi ordinem, aliquanto cautiorem, ſupremo ſui Ducatus anno inſtituit. Illam quoque pecuniæ largitionem, quam Principes, altero à ſuæ electionis die, per forum eveſti, in argumentum, vel lætitiæ, vel liberalitatis, profe effundunt, gratia ſimul & benevolentia multitudinem devincire cupientes, ab hoc ipſo excogitatum video. Hic prægravante ætate, & morbo, ſeipſum abdicans, ad *Georgii* Phanum, e regione fori conceſſit. ibique non multo poſt vitam deſeruit. octavo ſui Principatus anno, ejus ſepulchrum marmoreum, in ipſo Cœnobii veſtibulo conſpicitur, ubi omnium ſacerdotum collegia, quotannis ſuis manibus parentare, teſtamenti ſui tabulis ſanxit. urbe prius optimis inſtitutis ac legibus, magnificentiffimis que operibus illuſtrata. *Petrum* filium, qui poſt *Henricum Dandulum* Ducalem ſedem, omnium conſenſu eſt adeptus, hæredem ex aſſe reliquit, ea tamen lege, & quaſi divinaret, ut ſi abſque liberis è vita decederet, omnes familiæ ſuæ fortunæ, quæ omnium ampliffimæ habebantur, partim *D. Marci* Ædi, partim etiam *D. Georgii* Cœnobio aſcriberentur: ex ipſiſmet poſtea teſtamenti tabulis, in ima cæra illud addidit, ut ſingulis carceri *Marcianæ* mancipatis, duo panes & vini menſura, pietatis cauſa quotidie darentur.

Salve tu quoque heros magnanime, in hoc fortiffimorum Ducum albo, & gentis nobilitate, & animi robore, merito referende; qui niſi Reipublicæ præfuiffes, eam minime, tam claram tamque illuſtrem hodie videremus. In quo certe viro, neſcias quid prius laudes; nam cum in bello gerendo, fortunatiſſimus ſit viſus, in rebus etiam agendis, conſilio plurimum præſtitit, quippe cum *Byzantium*, pro pace cum *Hemenule* Imperatore impetranda petiſſet (qui præter incommoda multa *Venetis* data) *Anconitanos* ab eis alienavit, & *Stephanum Pannoniæ* Regem, callido, vaſtroque ingenio, contra eoſdem concitavit, adeo certe a *Græco*, ſceleſto alioqui, & perfido homine, indignis eſt habitus modis, quod conſtantius, liberiusque Rempublicam geſſiſſet, ut objecta ſibi, contra jus gentium, ante oculos, candenti lumine, ænea tabula, viſu pene fuerit captus. Hic poſtea eo in primis nomine, cum honoribus etiam ampliffimis & laboribus maximis, pro Reipublica perfunctus eſſet. Dux magnifico patrum ac populi conſenſu creatus, majorem quam antea operam patriæ optime de ſe merita, impendere accuratius contendit. Enimvero *Polam* & *Mugliam*, 80 *Hiſtriæ* civitates, quæ à *Piſanis* fuerant occupatæ, *Joannis Baſilii*, & *Thomæ Faletrii* ductu recipit, quarum magnam partem diripit, direptam incendit, earumque mœnia, haud uno loco diſjecta, ne hoſtis amplius ſe eo reciperet, ſolo æquat. Sic *Polanis* rebus acciſis, *Boniſacias Monſerratenſis*, & *Balduinus Flandriæ* comes, alique *Galli* Duces non pauci, *Venetias* venerunt, ut contra *Turcas Saracenoſque*, loca ſacra, temerario auſu, ac nefando proſuſ, execrabilique ſcelere infeſtantes, communi animo conſilioque moveret. Sacrum illud bellum pietatis cauſa ſuſceptum geſtumque perfici non poſſe videbatur, niſi *Græci* prius, inſida pernicioſaque gens, quæ aliquantulum à recto dogmate diſſentire videbatur, ad officium revocarentur. Sed ut facilior eis, ad rem tam opportunam, tamque Reipublicæ chriſtianæ neceſſariam peragendam, aditus pateret, *Venetorum* opem depolcunt. Quare *Henricus* publica privataque ira vehementer incenſus, ob violatum legatorum jus, quod penes cunctas nationes ſanctum habetur, opinione celerius claſſem parat, humanis ſtimulis eſt religio addita (huic enim non res *Veneta* ſolum, ſed religio ipſa omnium maxime curæ fuit, laboravitque plurimum, non tam ut maxima, opulentiffimaque civitas eſſet, argenti & auri poſſeſſione, quam ut feliciffima, & virtutum ornamentis celeberrima haberetur) Quamobrem *Gallorum* Ducibus ſociis, ſacriſque auſpiciis rite peractis, *Rhainerio* filio pro Duce relicto, Idibus Octobribus, *Venetis* profectus, omnem *Illyrici* oram recepit. nam *Hiſtri*, *Lyburni*, *Dalmatæque*, *Pyraticam* facitantes, & præſertim *Iadertini*, qui à *Venetis* quinto jam deſciverant, *Ungarorum* partes ſecuti, bello tunc à *Venetis* fuerunt domiti, atque ob ſuam perfidiam, ignominia affecti. *Pannoneque* hoſte, inde armis expulſo, leges acceperunt, ne quid poſtea turbulenter, temereve committerent. reliquas autem urbes, quæ adhuc in fide permanſerant, in officio prudentiffime continuit. *Hiſtris* etiam tributariis effectis, & præſertim *Tergeſtinis*. *Byzantium* mox ſuo ductu adnavigans, cum claſſe ducentarum, ac quadraginta navium, *Alexium* Juniorem, *Iſacii* filium, in Regnum reſtituit, quo poſtea per fraudem, à *Murcipbilo*, ſceleſtiſſimo homine, è medio ſublato, urbem ipſam *Veneta* felicitatis æmulam iſdem ſociis, *Græ-*

82 *Græcis* prius adeptam, *Latino* nomini asseruit, sicque male partum Imperium, cum vita simul, ignominiose *Murciphilus* amisit. Capta urbe, in quo pugnae ardore, *Dandulus* miram virtutem præstitit, omnia prius fuerunt emendata, quæ antea minus rite, secundum christianum dogma fiebant. deinde Duces in unum collecti, *Baldunum Flandriæ* comitem, Imperatorem eligunt. *Thomas* vero *Maurocenus*, *Veneti* patritiique sanguinis vir, primus Patriarcha est dictus (ita enim inter se prius convenerant) ut *Veneti* Antistitem, quem mallent eligere, si *Gallis* Imperium sorte cessisset, ne penes unam gentem, utraque essent dignitates. *Thomas* Patriarcha *Romam* profectus, ab *Innocentio III.* Pontifice Maximo sacris est initiatus, mitraque & lituo pastoralis insignitus, postea *Constantinopolim* reversus, *Baldunum* Imperiali stemmate inauguravit. præda ingens tunc parta, auri, argenti, gemmarum, margaritarum, pretiosæ vestis, & suppellectilis, multa Græcanica opera; & præsertim, quatuor illi ænei equi, qui in vestibuli supercilio templi à fronte alacri statu prominent, opus est illud *Lysippi*, à *Tivdate Armeniorum* Rege, *Neroni* primo donati, mox à *Constantini* Imperatore *Byzantium* advehi, inde postea *Danduli* opera *Venetias* adducti; magnam de se spectantibus admirationem præbent. eo enim gradu motuque corporis stant, ut jamjam desilire, in subiectam planitiem pariter omnes velle videantur. testatur *Bernardus Justinianus* historiæ scriptor gravissimus vidisse eos aliquando in gemma signatos, atque *Romæ*, dum ibi legatum ageret, in arcu triumphali *Constantini* sculptos. *Luciæ* præterea corpus, quod è *Sicilia Constantinopolim* fuerat allatum, *Venetias* cum classe vehi curavit. *Gallus* vero Princeps, *Henrico* Duci, quoniam in eo bello, clara egregiaque facinora edidisset, *Lilia* in suis insignibus deferenda in posterum concessit, edixitque ut in ea urbe *Venetus* magistratus perpetuo esset. Adjecit postea *Dandulus*, *Veneto* Imperio, quartam totius *Romanæ* Principatus partem, quo nomine deinceps *Veneti* Duces sunt appellati, atque Imperii nomen tunc primo sunt adepti. *Cretamque* insulam patriæ adjunxit, inde *Ragusum*, & *Dyrrhachium*, atque *Corcyram*, ubi *Jacobum Delphinum* præsidii loco relinquendum jussit, *Thomæ Mauroceni* Antistitis ductu, qui *Roma* discesserat, acquisivit. plura quoque, eum ad Reipublicæ statum, quam suo consilio stabilivit, tum ad religionem ipsam, Deique Optimi Maximi cultum spectantia, eo Duce sunt acta. & nisi inopportuna, ejusdem Principis mors contigisset, *Veneti* Imperii gloria, longe maxima, ejusque fines longius quoque, tanti viri auspiciis processissent; qui nonagenario major, tertiodécimo Ducatus sui anno *Byzantii* vitam naturæ reddidit, atque in atrio *D. Sophiæ* sepultus. fuerat ea *Ædes* à *Justiniano* Imperatore, multo antea condita. ejus cadaver postea effossum à *Maomethe*, secundo *Turcarum* Imperatore, *Amuratis* filio, qui *Constantino* Imperatore, civitate, & vita spoliato, urbeque totius Orientis nobilissima potitus, in qua Christiana pietas, millesimum ac centesimum, supra nonagesimum annum floruerat, sacram *Sophiæ* *Ædem*, prophanam fieri, impio jussu voluit. Imperatoria arma, quibus *Henricus* fuerat indutus, ensisque & clypeus, aliquandiu penes *Turcarum* Imperatores steterunt, mox vero à *Solymano Selymi* filio, *Gentili Belino*, pictori sui temporis egregio, qui è *Venetiis Byzantium* evocatus, regiam multis tabulis, rerum novarum, ad oblectationem, & *Maomethis* imaginem pinxerat, dono data fuerunt. atque *Venetias* ab eodem asportata, *Marco Dandulo*, Do-

A stori & Equiti præstantissimo, *Matthæi* Equitis Viri clarissimi, patri optimo atque integerrimo donata. Sed *Marcus* ut erat excelsio animo atque invicto, cum ab eo Principe, originem non habere affirmaret, ob idque sibi munus illud minus competere existimaret, ea fide Optimi *Henrici* Principis successoribus deferenda curavit. Duce vita functo, ne *Veneti*, qui in ea urbe, tamquam in novam coloniam, nominibus datis, veteris patriæ fere immemores habitabant, sine aliquo magistratu essent, *Marinum Zenum* Præterem, concordie electione crearent, fuitque primus, qui novum *Byzantii* magistratum gessit. B Inde *Zenæ* familiæ, bene optimeque postea cessit, ut si quando magni aliquid, inter Senatum *Venetum*, ac *Turcarum* Duces agi oporteret, per *Zenos* viros Patritios fatali quodam eventu, exequi semper videretur.

RAINERII DANDULI, & ROGERII PERMARINI Elogium.

Victoria contra *Græcos* parta, aliis peremptis, aliis bello subactis, ut Imperii loca, quæ ex foedere cum *Gallis* iæto, ad *Venetos* jure belli pertinere videbantur, melius commodiusque, *Venetæ* ditioni adjungerentur (quarta enim captorum oppidorum pars, *Venetis* cessit, omnesque *Aegæi* fere ac *Ionii* maris insulas, ea de causa sunt adepti) classis non parva, rebus omnibus est instructa *Rainerio Dandulo*, *Henrici* Ducis filio, & *Rogero Permarino*, Procuratoria tum dignitate illustri, egregiis propugnatoribus, omniaque præfenti animo administrantibus præfectis: egressa classis, in ipsis *Hadriatici* maris finibus, cujus nulla pars, à periculo, cæde, ac latrociniiis vacua erat, *Leonem Vetrarum Genuensem*, prædonem nefarium, piraticis incursionibus navigantes vexare, & rebus spoliare est aggressa: quem memorabili prælio, cum novem longis navibus captum, *Corcyram* adducunt. ibique publice laqueo, præpostera veluti morte, vitam finire jusserunt, eo prius ostentandi gratia, vivo per insulam à *Venetis* non multo ante receptam ducto. In quam Insulam, tanquam in Coloniam, vel in quam rem magis meus inclinât animus, *Petrus Michael*, *Stephanus Foscarenus*, & *Sigibertus Quirinus*, sunt missi. Mox classis *Veneta*, *Methonem* & *Coronem* Insulas, quæ tanquam piratarum domicilia videbantur, expugnat, quas *Raphael Zenus*, præsidio custodivit. Cæteras deinde *Aegæi* maris Insulas, quæ *Constantinopolitano* paruerant Imperio, partim patriæ, partim privatis hominibus vindicatas, ejectis prædonibus præsidio firmat. (erat enim ea profectio ex *Illyrico*, in *Ionium* & *Aegeum* euntibus, maxime pestifera, ac perniciofa) interim *Græcus* quidam Regulus, *Henricus* nomine, *Malliæ* comes, *Ligusticis* navibus fretus, *Cretam* Insulam, centum olim urbium fama clarissimam, ac omnium quæ sunt in *Aegæo*, *Cretico*, *Libyco*, *Aegyptio*, ac *Carpathio* mari celeberrimam, ausus aggredi, atque armis hostiliter tentare, eamque fere totam in ditionem receperat, nisi *Rainerius Dandulus*, cujus animum jampridem, paterna gloria vehementer incenderat, affuisset, cui duplicata classe, Imperium est demandatum, à quo adductis triremibus ad infestissimam Insulæ partem, hostis adeo fortiter est repulsus, ut non solum Insula *Venetis* armis sit defensa, sed quatuor etiam *Genuensium* naves, cum ipso *Henrico* captæ, in *Danduli* potestatem devenerint. Regulus ipse ultimo supplicio, Imperatoris jussu est affectus. Per id tempus grata patria, *Rainerium Dandulum*, in demortui *Gratiani Georgii* locum, procuratoria dignitate inter

88 *Venetis* augustissima, honestavit, & auxit. Verum ad *Cretensium* motus, in posterum compescendos, *Veneri*, patritii plebeique ordinis viros non paucos, pedites hos, illos equites, in eam Insulam, tanquam in novam Coloniam, publico decreto miserunt: cui Ducario nomine, *Jacobum Teupulum*, hac veluti prærogativa, quod *Byzantii* plura, integerrime innocentissimeque perfunctus erat; præficiendum curarunt. hunc ego fuisse arbitror, qui Ducalem dignitatem *Venetis*, post *Cianum* obtinuit. Neque tamen *Ligur*, quem nunquam *Venetis*, neque lacescendum bello, neque tentandum putavit, inceptam provinciam deseruit; quin dolo malo & astu, quibus gens ipsa, in *Venetos* semper est usa, *Cretam* seditione prius turbatam invadit, crebrisque incursionibus deturbat, atque Insulanos ad defectionem sollicitat, vel ob acre, præposterumque illius gentis ingenium, vel quod ægre ferebat hostis, binos Principes interceptos, ignominioso mortis genere fuisse affectos. ad eorum tamen insanos conatus reprimendos, *Dandulus* fortiter, strenueque obstitit. Brevique est tota ea Insula pacata, qui cum triumphum sibi decerni cuperet, *Creticique* agnomen adipisci, nihilque minus, quam insidias timens, ab hoste improvise prælio circumventus, venenato telo transfigitur, ut tamen dignam, virtute sua, mortem obierit. ejus corpus *Candaci* (est ea urbs hodie celeberrima, ac totius Insulæ emporium) funebri pompa sepultura datum. Fuit ea res origo, & quasi seminarium maximæ cladis, hinc inde acceptæ, & illatæ, inter *Venetos* & *Genuenses*, cum quibus usque ad ultimum suæ gentis, & libertatis interitum, est pugnatum.

LEONARDI QUIRINI, & MARCI GUS-
SONII Elogium.

Vix fuerant *Veneti*, *Cretensium* rerum negotio, & cura, quæ maxima certe fuerat, soluti, quum in majorem postea molem, majusque discrimen, urgentibus fati inciderant. Nam *Vatazus Græcanici* sanguinis vir, quia ea temporis novitate fretus, qua *Veneti* ad *Cretam*, in ditionem retinendam, totis viribus nitebantur, quasdam *Ægæi* insulas occupavit, quum ad *Cretæ* insulæ nobilissimæ imperium anhelaret; essetque, prævalentibus jam *Venetorum* armis, illius potiundæ deplorata spes, vafro ingenio, aliud iter 90 ingressus, cum *Exagonarum* Rege, foedus de *Byzantio* invadendo percussit. erat tum *Byzantii* Prætor ex jure jam antea, per *Henricum Dandulum* Ducem in ea urbe, jure belli quæsito, *Theophilus Zenus*, vir neutiquam negligendus. Cæterum & coloni ab initio missi eo aderant. Sed *Zenus* non impiger, cum imminentis belli apertum periculum cerneret, Senatui ea de re certiorum facere optimum arbitratus, Principem, & Patres, per nuntios, quo in discrimine res tanti Imperii, armis & virtute parti; in præsentia esse viderentur, monet. qui nec tardandi, nec differendi facultatem esse, mature perspicientes, *Leonardum Quirinum*, & *Marcum Gussonium*, lectissimos viros, validæ classis, ex Senatusconsulto præficiunt. qui nihilo segnius spartam ornare, omnique officio, ac potius pietate contententes, oram felicissimis auspiciis solverant; decreverantque communi consilio, in *Illyrico* ad ea oppida perlustranda, aliquantulum commorari, quando *Byzantium*, ab hoste jam obsideri, subitum nuntium est allatum. quare majori studio & diligentia, occasionem opportunissimam nacti, iter arripuerunt. quæ cum in cæteris rebus, tum in bellis, omnium

A gerendarum est mater, & opifex optima. Quamobrem inceptum jam iter perficientes, celeriter in *Hellepontum*, classem trajiciunt. imminet 91
bat ferociter barbarus *Constantinopolitanis*. Sed nostri non percussi erant metu, non consilium, non animus defuit. nam cum hoste congressi, magis animis, quam viribus freti, in certamen descendunt, omnia circumspicere, atque agitare coeperunt, summa sua prudentia, quæ vera est militaris fortitudinis parens. vicerunt egregie *Veneti*, præsentia & hortatione Ducum, estque tunc à *Marco Gussonio*, constantius quam audacius pugnatum, obiitque non solum optimi
B Imperatoris sed & militis strenui munera: victoriarque, quæ semper ad æquitatis partem inclinant, sunt potiti. præerat hostium classi, *Leo Gaval-la*, fama ea tempestate illustris, cum quo *Veneti* fortiter dimicantes, etsi viribus longe inferiores essent: rem tamen fortitudine & celeritate prospere gesserunt. quatuor & viginti hostium navibus, à *Venetis* interceptis, cæteris metu & infectione disjectis. præda militibus est concessa, addita est victis ignominia, captivis enim antennis religatis, triumphali velificatione, *Byzantium* urbem, adhuc trepidantem ingressi, obsidione levarunt. excipientibus magna cum lætitia
C & plausu oppidanis rebus ita pacatis, quibus nihil tum fieri potuit honoratius, cum paucis die- 92
bus ibi essent morati, in patriam felicissimo cursu reversi, ingenti lætitia & non minus illustri, quam celeri victoria, civitatem affecerunt. *Marcus Gussonium* vero, non minus armis, quam religione clarus, Phanum virginis, quod nunc *Crucigeri* tenent, & *Matthæi* ædem, templa à suis, proprio ære fundata, donariis non paucis ornavit.

ANDRÆ TEUPULI Elogium.

D Sunt & *Teupulis*, qui pro patriæ salute, in tot, ac tantas dimicationes, sese objecere, maxima suorum majorum decora, fortiaque & illustra ejusdem gentis facinora, quæ nequaquam fuerant à me silentio involvenda. nam ubi sublimis aliquid, & excelsum versabatur, ibi semper impigerrime sese, & præclare exercuerunt. ex qua familia veluti ex equo *Trojano*, viri bello, paceque clari, genuino splendore, in lucem non pauci prodire. Inter quos enituit *Andreas Teupulus*, *Jacobi* Ducis filius, qui non minus laude, & rerum gestarum gloria, quam Ducaria dignitate florebat; & *Petri* etiam frater qui *Mediolani* Præturam, magna sua cum laude egit; atque
E *Joannis*, qui in gratiam *Gregorii* ejus nominis IX. 93
Romani Pontificis (cujus preces aspernari, non minus impium est, quam ab officio alienum) quinque & viginti navium classem ad *Appuliæ* urbes oppugnandas contra *Fridericum* Imperatorem Pontificis *Romani* infestissimum hostem, Senatus decreto ductavit. Verum *Andreas* & corporis viribus, & animi magnitudine pariter insignis, sexaginta triremium præfectus, ferre opem patriæ, succurrere salutis, fortunisque communibus animum intendit, nec minus quicquam curæ habens, quam quod geri è Republica oportet; cum classe, frumento, stipendio, cæterisque rebus, satis probe ornata, primo in *Histriam* venit, atque *Polanos*, qui ex antiquo jam foedere, triremem dare neglexerant, fossa, vallo, propugnaculis, mœnibus, & omnifariam munitionibus nudat, ne præsidium aliqua ex parte haberent, quos ne ad internecionem daret, pecunia mulctandos curavit. Inde per *Hadriatici* sinuslævam enavigans, *Dyrrhachium* *Epiri* urbem, *Ciceronis* exilio celebrem appulit, ut triremes cum

cum *Genuensibus* conjungeret. Enimvero *Genuenses* qui inducias in annos ix. *Stephano Justiniano* & *Marino Mauroceno*, qui Ducalem sedem, post *Teupulum* tenuit, legatis ad id *Romam* missis, cum *Venetis* fuerant pacti, atque *Gregorii* Pontificis autoritate addito anathematis spiculo sancitas, ab iis per legatos petiere, ut sibi communi nomine contra *Pisanos*, magno *Friderici* favore fulcitos, auxilio esset, classem enim supra centum triremium contra *Genuenses* instruxerant; quippe id in foedere cautum videbatur, ut alter alteri, quandocunque opus foret, afferret opem, estque ob id à *Venetis*, tam valida classis, magno illuc cum dispendio missa. Sed *Ligur* in certamen ab hostibus provocatus, non expectatis amplius auxiliariis navibus, in eos movet atque trucidat. quo nuntio audito, *Teupulus* qui omnia, quæ ad militiam spectabant, optime noverat, iter retro flectere optimum duxit. nam cuncta *Agæi* loca, in officio manere, per id tempus sunt visa: Quamobrem classem iterum ad *Polam*, quæ reffectis viribus, denuo a *Venetis* defecerat, duxit, urbemque (multo acrius quam antea accensus) ferociter adortus diripit. victos ad internecionem persequitur. omnique injuriarum genere affligit, nec alicui parcat, non minus ipse optimi Ducis, quam fortissimi militis officio functus. denique nullum est cladis genus, quod tum ingrata civitas, non sit perpessa. His fortiter gestis, domum repetens, omnium ordinum consensu benigne excipitur.

95

RAINERII ZENI Elogium.

Vix fuerant ab *Andrea Teupulo*, exauctorati nautæ, quum aliud nefarium, omnique imbutum odio bellum subito oboritur. *Iadrenses* namque obliti, quæ vel secunda fortuna, à *Venetis* habuerant, vel adversa toties fuerant experti, pulso *Joanne Michaële*, tum urbis Prætorre, quinto à *Venetis*, ad *Ungaros* transire, atque *Bele* eorum Regis arma secuti illius vexilla, animose extulerunt. quam injuriam *Veneti* ulcisci cupientes, *Rainerium Zenum*, virum gravissimum, ex *Zena* familia, à *Zenone* Imperatore Augusto oriunda, cum quinque & viginti triremibus, ac onerariis viginti, toti bello præficiunt, qui ex quo Dux fuit declaratus, nihil prolatandum ratus, terra marique civitatem adortus, eam per menses duos, omni bellorum genere oppugnans, post non multas suorum strages, secundo Julii die prælio fregit, & domuit; nam oppidani oppugnationis artificio, & belli asperitate, vehementer deterriti, se urbemque dederunt; atque imperata facturos, tamquam ex syngrapha sunt polliciti. *Rainerius* vero in prima acie pugnans, nihil sibi reliqui, ad virtutem fecit, atque adversus hostes, non minori obstinatione, quam animi vigore dimicavit; ad quos prælio devincendos, non alio quam *Rainerio* Duce, fuerat opus. neque enim contra imbelles populos, arma movit, sed contra eam gentem, quæ & bellica olim virtute, celeberrima fuerit, & hodie quoque, à majorum suorum laude non degenerarit. recepta urbe, *Petrus Dandulus*, *Divi Marci* procurator & *Stephanus Justinianus* legati ad *Belam*, *Pannoniæ* Regem, pro componendis rebus sunt missi; qui sic prudenter negotium gessere, ut Rex ipse, jus omne, quod tam ipse, quam sui majores, in ea urbe, quocunque jure sibi antea vendicarant, *Venetis* libentissime condonarit. *Joannes Michaël*, qui à *Iadertinis*, urbe ignominiose fuerat ejectus, quoniam in ea obsidione, egregiam & ipse operam navarat, *Clodiensis* Prætor, statim est designa-

A tus. moxque Procuratoria dignitate auctus. Prætor tum in eam urbem missus (ut quidam volunt) *Stephanus Justinianus*, sed ut alii *Dominicus Maurocenus*, uterque tamen prudentia, & animi robore singularis; qui bellicosissimum alioqui populum, metu teneret, quem fides non tenuerat. *Rainerius* autem, in patriam reversus, quum inter cives pulcherrime staret, Procurator primum, mox *Mirino Mauroceno*, quem unus & quadraginta viri, primo crearunt, concordie electione, successor est datus. quo Duce bellum contra *Ligures*, crudele & perniciosum, hostium præsertim pertinacia est susceptum. in quos *Zenus* irruens, eos magno animi ardore aggressus, parique successu profligavit; captisque septuaginta triremibus, cum prætorie puppi, *Frisum Ligusticæ* classis præfectum, *Venetias* in triumphum duxit. ob tam singularem, tamque insignem victoriam, *Rainerius* Dux repudiato veteri suo gentilitio insigni, albas lineas duas, totidemque cæruleas, quas ex militari vexillo, jure belli erepto ademerat, posteris ad hanc usque diem, tamquam per manus acceptas, deferendas curavit. Urbem præterea majori quam antea sumptu instauravit. nam publicas vias, vicisque omnes, atque plateam lateritio lapide sterni fecit, & Pontem qui à *Germanico* emporio, ad *Rivum altum* excurrit, majorem amplioremque, quam antea à *Ciano* Principe fuerat extructus, fieri jussit. primusque ad capitis insigne, limbum aureum addendum curavit. Sed quum ex diuturnis belli calamitatibus, exhaustum jam esset ærarium, quædam fuere à Principe vectigalia excogitata. inter quæ, quum novum, atque in Civitate inusitatum, ex mola commentus, esset, in quandam civilis discordiæ flammam incidit, cui cum mederi studiosissime cuperet, in eum à nonnullis est conspiratum; adduxitque tumultus ille, Rempublicam in maximum discrimen; nam & Princeps qui populum verbis mitigare inceperat, ne quid detrimenti Respublica pateretur; ictu lapidis fuit violatus. insana plebs, quasdam nobilium domos, in ea trepidatione diripuit; in fontes postmodum est graviter animadversum. Procuratorius etiam numerus, eo Duce, bis est auctus, atque primo *Marcus Superantius*, mox *Jacobus Molinus*, dignitatem sunt adepti. demum *Rainerius*, decimo septimo sui Principatus anno, nonis Julii è vita decessit. Cadaver ad Gemellorum Ædem fuit delatum. Sub hoc tempus *Attilolimus Patavinorum* Tyrannus, quem multi *Ecelinum* vocant, humani generis portentum, ac quædam totius *Italiæ* fax, contra quem *Veneti*, ut *Patavinorum* rem adjuvarent, milites, arma, com meatus, & naves miserant, *Martini Turriani*, *Mediolanensis* Principis ductu debellatus; ignominie impatiens, præ nimia ira, omnium miserimus, est morte consumptus. quum Tyrannidem, omni flagitiorum genere, annos viginti exercuisset.

LAURENTII TEUPULI Elogium.

99

Duo per id tempus celeberrima erant, totius orbis emporia, Barbaris *Damiata*, nostris vero *Ptolemais*, colonia maritima, amæno montium jugo clausa, celebrisque ob arenas, quas tot retro seculis, vitrariis officinis exhibet, inter *Carmelum* montem, & *Sydonem* urbem posita, nunc *Accon* recentiori nomine appellatur, in confinibus *Armenie* & *Syriæ*, haud longe ab *Antiochia*, in qua urbe, quæ erat, conventu mercatorum frequentissima, non *Veneti* solum, sed *Genuenses*, & *Pisani*, jus antea, sibi quæsitum habebant. Demum orta est inter *Venetos*, &

A. Stella. C Li-

Ligures, veluti inter duos opulentissimos populos, maritimarum rerum gloriam sibi vendicantes discordia, quibusdam etiam simultatibus inter eos, tunc reviviscentibus. nam *Ædem D. Sabbe*, quæ *Venetis* antea per annos fere sexaginta cesserat, *Genuenses* temerario ausu, eam sibi vendicare conati, sacrum prophanantes, instar arcis communiunt, ibique omnis generis arma, ad pugnam necessaria attulere. tum quidem domus templa, & aræ, humana omnia, atque Divina jura, sunt violata. nihil est enim tam sanctum, quod non aliquando, hominum improbitas possit violare. Quare *Veneti*, rei indignatione accensi, cum insignem hanc contumeliam, & dedecus, ferre non possent, multis prius per caduceatores pro pace frustra tentatis, triremes tresdecim, opportune instructas, *Laurentio Teupulo*, *Jacobi Ducis* filio, viro prudenti consilio, nec bellicæ artis imperito committunt; qui eas celeriter, per *Ionium* *Ægeumque*, ac *Syriacum* mare eductas, *Accon* citato veluti agmine convexit; catenaque fracta, qua portus occludebatur, treis & viginti *Ligusticas* naves, onerariasque duas direptas, omnes ad unam incendio absumunt. *Ædem* ab hoste prophanatam, qua parte fuerat munita, diruunt; promiscuaque cæde, in *Genuenses* sævitum. erat tum in ea urbe *Prætor*, *Marcus Justinianus*, qui columnas duas quadratas evelli curavit, *Ligustico* marmore, cum epistylis: à basi, ad mediam fere columnæ partem, Crucis imago spectatur, inde supra, qui locus appellatur scapus, vario opere sunt incisæ. hæc ad præsidii januam adjacebant, vel quod facilius crediderim, ipsius portæ fuerant veluti antes. visuntur ipsæ hodie, inter auream *D. Marci* *Ædem*, & forum, ad meridiem erectæ. hujuscemodi etiam victoriæ monumentum, refert lapis ille, ex porphyretico marmore, ad templi angulum erectus. decreta ibi atque edicta, tam publica quam privata, multaque magistratuum jussa, per præcones publice recitantur. Sed illius epistylum, & spira, ex pario aut *Ligustico* marmore, res ad ornatum excogitatæ, nostri quidem sunt temporis. Sed *Genuenses* ea clade, magis irritati quam terri, instauratis aliquantulum viribus, cum classe, duarum & triginta triremium, nostris apud *Tyrum* denuo occurrunt: contra quos *Veneti*, pristinae virtutis memores, acriter instare, maximaque vi est hinc inde certatum. fuit vero res *Venetæ* semper superior. *Teupulus* autem, bis cum hoste signis collatis, bis re egregie gesta, *Byzantinis* *Græcorum* armis oppressis, opem tulit. mox prospere etiam contra eosdem *Ligures* cum *Andrea Zeno*, altero tum classis Imperatore pugnavit. his gestis in patriam vocatus, triumphans urbem iniit. seque usque adeo in omnibus, quæ excellenti civi sunt necessaria, exercuit, ut multis nominibus, patritiorum sibi favorem conciliaret. nec multo post, mortuo *Zeno*, cum inter Patres, genere, virtute, auctoritateque plurimum valeret, Dux creatur, in cujus electione, diversam quam antea rationem, ac longe cautiorem excogitatam constat. quæ in hunc usque diem, integra omnino perseverat. quo in loco, paternam gloriam æmulatus, egregia facta non pauca, ad patriæ commodum, & ornamentum effecit. ut qua virtute Rempublicam ab immanissimis hostibus, foris strenue defendisset, eandem ab omni tumultu & perturbatione, diutius tutaretur. Quare Civitatem ingenti, periculosissimaque fame laborantem, præsentem veluti ope, primo sui Ducatus anno levavit, mox induciis cum *Ligure* hoste, in annos quinque pactis, victricia arma, contra *Bononienses* convertit, cum quibus triennio fere, circa *Padi* ostia est bellatum. Sub hoc

A Principe, Cives *Cervie*, se & Civitatem, ultro *Venetis* dederunt. postremo cum patriam annos sex prudentissime gubernasset, obiit. atque ad Gemellorum *Ædem* delatus, in gentilitio suo sepulchro est conditus. Hic *Jacobum* filium reliquit, qui ut rem Christianam juvaret, in *Syriam* à *Venetis* missus, cum Pontificio legato, contra *Babylonium* Regem fortiter se gessit: postea vero *Joanne Dandulo* duce vita functo, cum universi cives, ipsum acclamarent, adeo temperatis moderatisque moribus fuit, & ab omni cupiditate remotus, ut clam ex urbe evolarit, donec certior de *Petri Gradonici* Ducis electione esset factus; vir natura ipsa moderatus, *Marochii* dissimulata persona latuit. est id rus, medio fere itinere inter *Taurisum*, & *Mestre* oppidum, loco satis amæno positum. *Stephanus* ejusdem familiæ *D. Marci* Procurator vir clarus, qui præclara tam domi, quam foris pro patria facinora gessit, hæreditario nomine, & veluti, per manus à suis acceptum, hodie possidet. Sunt qui scriptum reliquere, *Jacobum* præ nimia animi modestia, clam navem conscendisse, atque in *Africam* navigasse, utcunque tamen, summum eximiumque modestiæ exemplum posteris reliquit.

ANDREAE ZENI Elogium.

Debello uno atque altero prælio *Genuensibus*, *Veneti* ad *Byzantii* rem tutandam, animum & vires intenderant. quippe *Baldwinus Roberti* filius, *Byzantii* Imperator sub quo domestica prodicione regni auspiciis conciderant, trepidare cum multis, non mediocriter videbatur. *Ligur* interea, nullum vel diligentiam, vel labori locum relinquens, affectas opes, ingenti studio & celeritate reparat. Quare triremes quadraginta, & naves decem optime instructas in *Syriam* transmittit; quo nuntio *Venetias* allato, nostri erecto in primis animo, & minime perturbato, honestissimeque & magna cura dignitatem tuentes, non minori diligentia & opera, triremes. XV. & onerarias naves. X. ornant. his *Andreas Zenus* Patrum decreto (quibus illius integritas, & animi magnitudo satis fuerat perspecta) cum Imperio præfuit. qui sacris prius de more civitatis rite perfectis (maximum enim in rebus humanis momentum esse arbitramur, si quam propitio, aut quam adverso Numine res agantur) *Syriam* versus, occiduo vento flante navigans, classem cum *Laurentio Teupulo* junxit, atque ex duabus una effecta, ambo Imperatoria dignitate ornati, unanimes ad hostium impetus reprimendos insurgunt. quos *Zenus* parvo admodum negotio, suis auspiciis prius, mox auxiliari classe *Laurentii Teupuli* collegæ superavit. Quamobrem victis, & profligatis hostibus, ac multa cum strage, mediis undis oppressis, quinque & viginti eorum naves, fuerunt à *Venetis* interceptæ, & *Venetias* in triumphum adductæ. multas etiam media pugna corruptas, ac mari depressas constat. Duo millia & sexcenti, qui vivi in manum victoris venerant, liberalissime postea, ad unum sunt dimissi; inhumanum credo rati, vel impium potius, nobile animal, rationis rerumque cœlestium capax, servitio adigere. vix tamen temperare potuerunt, quin omnium hostium loca, tam publica, quam privata, quæ *Ptolemaidi* erant, funditus everterent, ac solo æquarent. fuit ea victoria XXV. Mensis Junii die, quo *D. Marci* Tutelariorum numinis apparitio, *Venetis* tam religiose, quam pie, à *Vitalis Faletri* Ducis tempore, ad hanc diem, multa cum religione celebratur. Est præterea à *Venetis*, contra *Ligures* non procul à *Tyro*, rursusque circa *Cretam*, feliciter pugnatum.

tum. Verum laborabatur vehementer à *Latinis*, per id tempus *Byzantii*, nam *Theodorus Joannis Diplobatacii* filius, tam difficile eis negotium exhibebat, ut *Venetos* per nuntios, semel atque iterum monere sint coacti, quatenus nisi eis prosperent suppetias ferre, maximo in discrimine eorum res sitæ viderentur. quamobrem maturato opus esse, si sociorum saluti consultum optime 106 vellent. scire se nullam veniæ spem, ab immanissimo hoste sperandam, celerarent itaque ob id auxilia, ne si segnius, tardiusve subveniretur, capta (quod nollent) urbe, *Latinum* nomen, in ea orbis parte, penitus aboleretur. *Venetus* autem cujus viribus maritimis, ad eam diem, res *Latina* in *Græcia* florebat, nihil moratus, in hostem cum maxima parte classis proficiscitur. Sed nuntiata in itinere *Theodori* morte, in *Syriam* priorem cursum remensus, ubi majus immincebat periculum rediit. Interim *Paleologus*, vehementis spiritus vir, *Joannis Theodori* filii, tutor fiduciarius, quem postea rerum potitum, cum tutelæ pertæderet, sacrilego parricidio, interficere non est veritus, magna coacta manu, ardentibusque animis, cupiditate veteris decoris recuperandi, *Byzantium* plurimum infestabat, eamque per insidias, partim cæsis, partim etiam per summum scelus corruptis custodibus, non legitimo pugnae genere, concubia nocte capit: ferentibus tum *Genuensibus*, ad tam infandum facinus, scelestumque flagitium opem. est ea clades eo facilius *Latinis* illata, quo minus fuerat tunc ab ipsis expectata. Insidiari certe id fuit, non bellare, opprimere non vincere. Capta est 107 itaque urbs, sexagesimo ferme anno, postquam à *Venetis* & *Gallis*, fuerat *Græcis* adempta. erat tum urbis Antistes, *Pantaleo Justinianus*, qui cum vehementer ea de re esset sollicitus; fiducia plenus, extremam belli aleam, auxiliariibus etiam quibusdam copiis, quas *Marcus Gradonicus*, urbis Prætor, tumultuarie fecerat, tentare intrepide fuisset aggressus, si satis exploratum habuisset, qui hominum, suis partibus faverent. Quare cum nequaquam resistere viribus potuisset, deploratis jam rebus, *Græcia* est coactus decedere. Revertitur interea *Zenus Venetias*, licetque ab omnium ordinum viris, ob victoriam partam, benignissime fuerit exceptus, *Byzantini* tamen Imperii amissio, non parvam illi triumphi partem ademit. Verum præmia postea amplissima, civitas ei liberaliter tribuit. nam *Leonardo Venerio* Procuratori vita functo, mox successor est datus.

MARCI MICHAELIS Elogium.

108 **V**ictoria quæ natura insolens est & superba, adeo *Paleologum*, ingenio ferocem, & quod *Venetos* & *Gallos*, metu cessisse credebatur, vehementer incenderat, ut explorato eorum itinere, in spem majoris victoriæ adductus, perinde ac si virtute prius, non dolo & astu vicisset, eorum loca, quæ olim *Byzantini* Imperii fuerant, infestare pararet. *Veneti* vero qui nunquam inimicis succubuerunt, nec fortunæ quidem, *M. Michaellem*, fortis & præpotentis animi virum, cum duodeviginti triremibus ad *Ionii* & *Ægei* Insularum præsidium decernunt, suntque paulopost, septem supra triginta additæ; totiusque belli administratio, ad *Michaellem* qui nuper fuerat Imperator electus, magna cum autoritate est delata. Sed erant inter eas nonnullæ, quæ pedites vehebant, tum sagittarios, tormentorum præterea, ac machinarum expugnandis urbibus copiam ingentem. Imperator autem qui sacramento adhibito, in verba juraverat, nullam se occa-

A sionem, in *Paleologi* rebus, quoquomodo infestandis, unquam prætermitturum, potuisset eum facile, Imperio deturbare, nisi *Genuenses* (quod id minus è re sua videretur) totis viribus, summisque conatibus obstitissent; quibus vel ob id, *Chios* celeberrima Mediterranei Insula, à *Græco* dono est data. Verum *Michael* classis Imperator fiducia plenus, quod intueretur, si qua necessitas instaret, suis tutum esse perfugium, locorum præfectos, per literas, & nuntios monet, ne quid timide temereve agant, acrius si opus sit, ad pugnam incumbant, se sciant eis nunquam defuturum, quando id in primis à Senatu fuerit demandatum, ut belli periculis circumventos, auxilio & opera levaret, tyrannicosque spiritus, nec inolescere gravius, nec diutius ferendos permitturum. Quamobrem præterquam quod ad omnes infanos hostium conatus inhibendos, nihil non profuit, *Gulielmum* etiam *Gallici* sanguinis virum, *Achajæ* & *Bithyniæ* Principem, quem *Paleologus* in vinculis diutius tenuerat, eaque conditione dimiserat, ut *Epidaurum* munitissimum oppidum, quod hodie *Malvassiam*, usitatori vocabulo nuncupamus, *Byzantinis* traderet, quique arma contra *Venetos*, sumere frustra tentarat, arte superavit. nam *Venetus*, quem nullum hostium consilium latebat, utque erat præsentis ingenio, sic *Gulielmum* postliminio reversum fovit, sic maxima liberalitate, & officio sibi conciliavit, atque familiarissimum reddidit: ut omnes vires, quasunque ad eam diem haberet, ad *Græcorum* damna, pernitentem converteret. Sed *Marcus*, ejectione postea ex *Eubœa* insula, *Fri-* 110 *derici III.* filio spurio, qui *Græcas* partes secutus, *Constantinopolitanis* in primis per id tempus favebat, non parva insula parte, est potitus. Verum cum classis ad *Eubœæ* expugnationem, intenta esset, tres *Venetæ* naves, quæ per *Helle-spontum*, & *Propontidem*, loca multa incursionibus vastabant, ad *Bosphorum* usque, prospero fortunæ cursu, erant progressæ, à decem *Genuensium* triremibus circumventæ, post non parvam hostium cladem, captæ remanserunt. atrox fuit pugna, desperatio cogit victos omnia audere, victores indignatio excitat. vicit tamen *Ligur*, victoriaque est abusus. nam captivi ad unum ferme, crudelissime fuerunt interfecti. nonnulli qui sortito in *Paleologi* ditionem venerant, debacchante impii Principis iniquitate, luminibus sunt privati. Inde sævientem hyeme, cum nihil aliud ab hoste moveretur, Imperator classem in urbem duxit. cumque in Senatu pulcherrime staret, Patres illum Procuratoria dignitate, in locum *Jacobi Contareni* qui Ducalem sedem, merito fuerat adeptus, illustrarunt.

GILBERTI DANDULI Elogium.

Ne suarum rerum *Veneti*, obliti aliqua ex parte viderentur, vere novo duas & triginta naves, contra *Ligures*, & *Græcos*, qui simul fœdere juncti, *Venetorum* loca, variis incursionibus, via sibi ferro facta, infestabant, educunt: cujus Imperium *Gilberto Dandulo*, viro utraque fortuna præstanti, demandare Patres, accurate contenderunt. qui animose ac viriliter provinciam sumens, sine mora, copias ad bellum comparat, atque Divina prius, humanaque omnia quæ assolent, cum perfecisset, præsentis admodum animo, commode diligenterque in *Græciam* venit, atque utramque hostium classem, non solum fortiter, & strenue, sed considerate etiam, atque sapienter est adortus. accensis utrinque animis, ad arma discurritur. *Dandulus* tum quid *Veneta* virtus, valeret in bello, constanter ostendit. In

A. Stella.

C 2

quo

quos facto impetu, quum irrupisset, anceps prius mars, atque ingens, irritatis hinc inde animis, oritur cædes. Suus enim cuique animus, virtutis memor, adhortator aderat. Instruuntur pariter utrinque acies, arti bellicæ, ac insidiis militariibus, utrinque ingenia intenduntur, hinc de gloria, inde de libertate, quæ omnium rerum est charissima, fuit dimicatum. Sed postquam impetum, aliquandiu fortiter hostes tulissent, ad ultimum, suis jam diffisi viribus, coacti sunt terga dare. quatuor *Genuensium* naves, media trepidatione captæ remanserunt. quæ acceptæ plagæ superfuerant, plus dimidio concussæ, multisque hominum vulneribus, male affectæ, rostraque plurimarum, validissimo conflictu detrita, dissipatæ abierunt; atque sese in *Epidauriensem* portum receperunt, cum multi prælio cæsi, nonnulli turpi fuga dilapsi fuissent, *Dandulus* mox, ut ea clade hostes affecerat, lætus re integra, domum revertitur, atque ut in bello, sic in toga illustris deinceps est habitus.

ANDREAE BAROTII Elogium.

In tanto, tamque incredibili bellorum ardore, & quasi turbine, cæteris vel metu perterritis, vel tædio pugnae affectis, *Andreas Barotius* unus est inventus, qui id auderet; quod omnium fugisset, & formidasset audacia. Enimvero quum *Gilbertus Dandulus*, insignem victoriam, de hostibus retulisset, nonnullæ aliæ *Ligusticæ* naves, quæ ab eodem disiectæ, veluti palantes, maria circuibant, quum circa *Aegæi* insulas, vela darent, treis *Venetorum* onerarias, commeatibus onustas, dum nihil minus, quam hostem expectarent, subito incurfu, modico sane certamine capiunt, abstractas secum protraxerunt, easque paulopost, subjecto igne incensas concremarunt. Verum ad ejusmodi injuriam vindicandam, *Veneti* ingenti stimulo adacti, *Barotium*, cum quinque, & quadraginta triremibus, maris Imperio, magno ordinum consensu præficiunt; qui votis rite nuncupatis, animose & viriliter, e portu proficiscitur, atque Mediterraneo prius mari transmissio, in *Siciliam*, mox ad *Melitham*, classem ducit (nihil enim virtuti suæ invium existimabat) quo hostes adesse, per actuaris quasdam naves, quas exploratorias appellamus, certior antea fuerat effectus. Sed perculit novæ classis fama, *Genuensium* animos, vehementerque fuerant, de tanta, ac tam numerosa classe solliciti: futurum nanque arbitrabantur, ut si ea navium multitudo, Duce *Barotio*, cum sua classe manum conseruisset, brevi de tota maris possessione pellerentur. Quare propriis tum finibus, timide ac muliebriter, in gynecæo inclusi, (graviori enim verbo uti non libet) pugnam detrectarunt. quod ægre ferens *Barotius*, *Ligusticæ* ditionis loca permulta, solo æquavit, nonnullis etiam ingentem vastitatem intulit, nullique rei pepercit, in quam ferrum, ignisque sævire posset. demum cum *Ligusticum* mare, totum perlustrasset, hoste nusquam reperto, cum classe in *Syriam* venit, atque non procul à *Tyro*, navem unam *Genuensium*, magnitudinis eximiae cui *Olivæ* nomen, milites imposuere, *Syriacæ* merce onustam conspicatus, in eam involat, captamque nautis in prædam donat. hoc præclaro successu excitati, *Tyrum* urbem *Genuensium*, natura, & arte munitissimam, frustra oppugnare contenderunt; nam oppidanis acius resistentibus, susceptam provinciam, deferere sunt coacti. majoris namque videbatur ei esse victoria, quæ minimo probro, quam quæ Christiano sanguine emeretur. *Barotius* cum Rempublicam præclare gessisset, patriam revisit,

atque cum in ea, diutius floruisset, liberis non paucis post se relictis, felicissime obiit. Sunt qui volunt, ex *Andrea Barotio*, tanquam à præclara, nobilissimaque arbore, omnes ex eadem familia propagatos, ex quibus cum multi antea extiterint, hi tamen (ut omittam cæteros) præcipui, omnium judicio, sunt habiti, *Benedictus Barotius*, qui cum quadraginta & eo amplius magistratus obisset, Consilarii demum honorem adeptus, immatura morte, fato concessit: liberis tribus post se relictis, ex his *Ioannes* & *Franciscus*, moribus & doctrina præstantes, sacris sunt initiati, hic *Tarvisina*, ille *Bergomensis* Ecclesiæ Antistes, Sed *Bergomensis*, quum post homines natos, præstantissimus haberetur, Senatus *Veneti* amplissimo judicio, Patriarchalem sedem, *Venetiis* magna cum laude est affectus. *Aloysius* deinde horum frater, cum honoribus amplissimis & laboribus maximis perfunctus esset, demum gravissimum Decemvirale munus adeptus, medio vitæ spatio, lucis usuram amisit. filiis non paucis relictis, inter quos, fuit *Petrus Patavinus* Antistes, patrum nostrorum ætate, præclaris moribus, excellentique virtute insignis, & sæculorum omnium memoria dignissimus.

MARCI GRADONICI Elogium.

Marcus Gradonicus, per omnem ætatem, bellicis quamplurimis assuetus, tam opimam tamque sublimem, pro patria operam navavit, ut multis præferendus, merito videatur. Namque cum Prætura *Byzantii* innocentissime fungeretur, ea temporum novitate, qua civitas per prodicionem, è *Latinorum* manibus erepta, *Lascaris* postea cessit, fortiter quoad potuit, cum *Pantbaleone Justiniano* illius urbis Antistite se gessit, ubi enim res aliqua præclara versabatur, ibi semper impigerrime se exercuit. aderant enim illi veluti comites, labor in negotiis, fortitudo in periculis, & industria in agendo, quod clarius demum est visum, quando contra *Ligures*, qui cum ingenti classe, *Venetæ* ditionis loca, in *Aegæo* infestabant, ei summa Imperii administrandi, bellicque gerendi, communi consilio, cum decem longis navibus est demandata: qui primo congressu, treis *Genuensium* naveis, quibus *Lanfrancus Borbonius* præerat oppressit; licet *Jacobus Dandulus*, qui ob rem præclare gestam, Procuratoriam postea dignitatem adeptus, septem triremium præfectus, bonam illius victoriæ partem, sibi tum jure quodam suo vendicavit. Sed ea quæ sequitur, est multo quam illa celebrior, nam *Gradonicus* magno constantique animo, suis auspiciis, adeo *Genuensium* vires fregit, & dissipavit, ut omnia sua, tum moritura arbitrarentur. Satis enim constat in *Siculorum* conspectu, ad *Drepanitanum* sinum, quatuor & viginti *Genuensium* triremes, aut captas, aut alto mari fuisse demersas. duo millia ac quingenti *Ligures*, vivi in manus victoris venerunt, mille & ducenti desiderati, longe plures vel undis, vel alia vi occubuerunt, nonnullis etiam signis amissis, quæ *Venetias*, magna cum laude, fuerunt asportata. reliqui qui cædem evaserant, ægre post multa accepta vulnera, cum quatuor tantum triremibus, quæ superfuerant, se receperunt. Sed inflammatus *Ligur* paulo post, classem reparat, quæ per *Aegæum*, atque *Myrtoum* mare ducta, navem unam *Venetam*, magnitudinis non vulgaris, pretiosissimis mercibus onustam, ad *Euboeæ Eurippum* aggrediuntur, eaque sunt potiti. mox in *Cretam* allati, insulamque populates, *Cydonem* urbem, fossa valloque munitam, quam *Caneam* ho-

118 hodie appellamus, diutius variis bellorum machinis vexantes, per prodicionem tandem recipiunt, eamque spoliatione penitus diruunt. nec id sustinuit *Venetus*, quin *Gradonicus*, tribus & viginti triremibus, probe ornatis, *Ptolemaidem* versus iter flectit, atque per *Carpathium* mare navigans, octo *Genuensium* onerarias, varia merce onustas, inter *Rhodum* & *Cyprum* repertas, modicoque negotio captas, *Venetias* celeriter misit. Inde inter *Tyrum*, & *Ptolemaidem*, *Phoeniciae* urbes, classes congressæ, acerrima pugna, ancipitique prælio, est aliquandiu pugnatum. Sed *Venetus* superior, quinque hostium naves, ex duo de triginta, quæ usque ad internecionem dimicare statuerant, cepit. Quare his rebus toto supero, inferoque mari, contra *Ligures* feliciter gestis, domum Republica ex animi sententia stabilita, revocatus, tanquam in triumphum duxit. Verum cum inter pugnacissimos Imperatores unus prope excellere videretur, paucis post annis, novum in *Cisalpinâ Gallia* oritur bellum, exorta enim inter *Venetos* & *Bononienses*, qui bonam *Flaminia* partem obsidebant, de finibus discordia, *Gradonicus* cum sex & viginti navibus, ad hoc ipsum instructis mittitur, qui cum obvia

119 cuncta prostravisset, eos tandem debellavit, pauloque post *Anconitanos*, qui legi de portoriis à *Venetis* latæ, fraudem facere sæpissime fuerant conati, ingenti occisione fudit fugavitque, legem enim tulerant *Veneti*, ut omnes qui intra *Phanaticum* sinum, & *Padi* fluminis ostia, negotiorum causa navigarent, vectigal Reipublicæ penderent. Plerique etiam fortissimi viri, clari in ea expeditione fuere, alii alio tempore, legati nomine missi, quorum opera eximia, in rebus gerendis potissimum extitit. non animose enim solum & fortiter, sed considerate etiam, sapienterque Rempublicam gessere. hi fuerunt *M. Baduarius*, novem triremium præfectus, cui *Panchratius Barbus*, successor est datus, transactoque pari termino, *Jacobus Dandulus* mittitur, qui cum *Gradonico*, *Lanfrancum Borbonium* antea oppresserat. fuitque ob hæc in patriam merita, Procuratoria dignitate donatus. hunc excipit *Joannes Teupulus*, postea *Gerardus Longus*, quem *Andreas Zenus*, & ipse, ob strenuam navatam operam, Procurator à patribus declaratus sequitur. huic *Andreas Canalis* succcessit, quo reverso, *Panchratius Maripetrus*, provinciam sumpsit, eamque cum *Joanne Mauroceno*, aliquandiu prudentissime rexit, atque simul cum *Marco Gradonico*,

120 qui toto belli tempore, Imperatoris munere, præclarissime fungebatur, totum negotium est confectum. Sed *Gradonicus* insigni hac victoria clarus, in patriam reversus, magnis laboribus fractus, diem obiit; *Petro* filio, gloriæ & fortunarum hærede relicto, qui magistratibus plurimis prudentissime, atque innocentissime functus, Procurator demum, in locum *Superantii* Principis successus moritur.

ANDREAE BASILII Elogium.

Annus ni fallor, alter ab undecimo tunc agébatur, ex quo perniciosissimum illud bellum, inter *Venetos* & *Genuenses*, fuerat *Ligurum* perfidia obortum: quando *Gregorii* Pontificis Maximi opera, sublati de medio armis, quinquennales induciæ, languentibus partium animis, quos cum periculorum, tum etiam laborum varietas plurimum fregerat, hinc inde sunt pactæ. neque enim eorum animi, ad diuturnam pacem, inclinari jam posse videbantur. Sed ne *Venetis*, terra marique diutius fatigatis, vacatio ab armis, interdum daretur, novum atque pene incredibile

A nascitur incommodum. *Justinopolitani* namque, qui in *Venetorum* fidem, tandiu quieverant, sollicitati à *Raimundo Turriano*, factioso alioqui homine, qui *Novocomensem* antea Episcopatum gerebat, moxque *Gregorii* ejus nominis XII. Pontificis Maximi judicio, *Aquilejensis* Antistes declaratus, animos ad defectionem parant, quibus cum *Aquilejensis* obnixæ, nimiumque faveret, subito signa invertunt. non tulit hoc æquo animo, *Joannes Dandulus*, Senatus Princeps, nam præterquam, quod multa in civitate moliri, præclare studebat, primusque auream monetam cudi jussit, atque hæreticorum bona, sub hasta vendi, Pontificis autoritate, lege perpetuo sanxit, audita quoque tam ingrata Civitatis defectione, statim *Andream Basilium*, *Joannis* Procuratoris filium, ad eum locum recipiendum, classe omnibus rebus paratissima mittit. fuit is gente Patria, à *Basilio Constantinopolitano* Imperatore, originem ducens; qui cum difficillimam hanc provinciam, intrepide suscepisset, optimeque sciret, verum decus in virtute positum esse, quæ maxime etiam illustratur, magnis in patriam meritis, non solum honestam mortem fugiendam, sed ultro etiam, pro civibus, conjugibus, filiis & libertate, rerum omnium charissima appetendam, pulchrum atque decorum existimavit. Quare 122 conscriptis nautis, datisque stipendiis, & classe ex omni parte extructa, non adverso usus vento, altero die, *Justinopolim* affuit. Tertia pars eorum, qui tunc fuerant in civitate, viribus & ætate potentes, Senatus edicto, classem conscendit. Infederant oppidani, denso armatorum agmine littus, ad nostrorum accessus resistendum parati. Sed nec *Venetus* fuit in otio, quippe proras ad littora vertens, sociosque pro temporis ratione allocutus, ad bellum hortatur, est eo loci, diu atque acriter dimicatum, *Venetis* è suis triremibus egredientibus, contra vero *Justinopolitanis* prohibentibus, atque ad naves interdum 123 occurrentibus. *Veneti* tandem triremibus egressi, positisque loco idoneo castris, hostem bello premere cœperunt, eumque aliquantum submoventes, castris ferme exuerunt, quos inconsultus pavor, fugam compescere compellebat. diremit prælium cæca nox, & Lunæ silentium. postero die *Basilius* cum insomnem noctem exegisset, pugnam inire ardentissime cupiens, machinis bellicis non paucis paratis, urbem circumquaque aggredditur, resistentibus acriter oppidanis. *Venetus* cum multa cæde, vel ob id quod adversum solem, intueri non poterat, est rejectus. Sed invalescentibus demum animis, ferro, igne, & machinis, civitatem durior quam antea obsidione cingunt. Nihil prætermisit Dux egregius, ob studium rei bene gerendæ, quod bello usui fore arbitraretur. *Justinopolitani* interim, quoniam vires longioris belli spatio affectas, *Goritanique* Comitissæ nepotem, virum non impigrum, in acie cecidisse cernebant, obstinatius resistere veriti, ne quid crudelius experirentur, (crescebat namque in dies singulos *Venetorum* numerus) se urbemque dediderunt; petuntque in Civitate qui præsit, urbemque in officio contineat. quo facto, illius ditionis oppida, quæ defectionem fuerant secuta, & in his *Tergestum*, *Romanorum* olim colonia, quæ ab *Henrico Dandulo*, Civitatis Principe, antea bello domita, tributum quotannis pendebat, nullo amplius expectato belli eventus, arma deposuere. *Jesulani* vero & *Piranenses*, qui etiam defecerant, ad *Venetos* rediere. Aderant tunc in castris, patritii viri, *Marinus Maurocenus*, *Beceda* cognomento dictus, terrestrium copiarum ductor. *M. Cornelius Marinus Maurus*. *Thomas Quirinus*. & *Peratius Gradonicus*, 3

cus, qui Procuratoriam postea dignitatem honorifice est adeptus. hi legatorum nomine à Senatu, ad *Aquilejensem* Antistitem confecto bello, sunt profecti, pacemque inter eum, & *Venetos*, æquissimis utrinque conditionibus firmarunt. Victoria parta de *Istria*, secundo postquam pugnare cum eis, inceptum fuerat anno, *Basilus*, relicto validissimo ad urbem præsidio, in patriam triumphans revertitur. Patres vero, *Iustinopolitanum* prætorem, *Rogesium Maurocenum*, tunc primo delegerunt.

ROGERII MAUROCENI Elogium.

Non possum non vehementer, Christianam calamitatem, hoc in loco deplorare, simulque *Genuensium* plusquam ferinos animos detestari. nam cum *Sultani Aegyptii* Imperatoris nefandi hominis ferociam, qui Christianum nomen, ex *Syria* postea sustulit, auxiliari *Venetorum* classe, procul ab ea regione arcere, modico quidem negotio potuissent, vires omnes suas, & nervos in *Venetos*, tam bene optimeque de Christiana pietate meritos concitarunt; eorumque otium & quietem, omni voluptatis genere gratiorem, alienissimo Reipublicæ Christianæ tempore, sceleratim everterunt; atque de legitima sua maris possessione dejicere, validissima classe tentarunt. his enim tantum inerat audaciæ, ut totius maris Imperium, tamquam sibi debitum asserere niterentur, neque belli causas quærere, neque id iuste indicere solebant. sed id duntaxat putabant legitimum, quod sæva eorum in *Venetos* libido iussisset. Enimvero inter hos populos, æmulatione Imperii atque virtutis, discordiæ jam pridem exortæ, manifeste nunc gliscere cœperunt. ad quorum impetus reprimendos, *Rogesium Maurocenus* mittitur, qui *Iustinopolitana* Prætura, integre innocentissimeque nuper erat functus, quique ex ea familia dignus censetur, ex qua *Andreas Pannoniæ* Rex, ortus natalesque maternos habuerit. erat hujus viri excellens belli, pacisque tempore virtus, qui parata classe, acceptoque ab Episcopo, more majorum militari vexillo, *Ligurica* classe nusquam reperta, trigesima postquam oram solverat luce, *Byzantium* affuit, subitoque *Perinthum*, *Genuensium* coloniam, non ignobilem quondam urbem aggreditur, *Liguriæ* à *Michaeli Paleologo* Imperatore, ob latum ei contra *Venetos* auxilium, dono datam, habet hæc peninsulae formam, estque duobus ferme 126 stadiis, à *Constantinopoli* dirempta; quæ in longum ad stadia aliquot protenta, circa medium devexa, cornibusque hinc inde paululum reductis, theatralem formam videtur exprimere. locus ad convehendas merces, ultro citroque peropportunus, utrique populo portum efficiens, quam olim *Galathæ* populi incolebant. ad quos *D. Paulus* fidei nostræ, heros magnanimus literas dedit. Peram nunc à brevi tractu, Græca voce dictam, *Sabellicus* scriptor gravissimus testatur, *Judaicæ* nostræ *Venetæ*, speciem quandam exhibere, *Antonius Ericius*, qui Præturam magna nominis celebritate *Byzantii* egit, sæpius me per literas monuit. hunc locum *Maurocenus* dissipat, & adæquat, ut ne loci quidem vestigium ullum extiterit, ne *Ligures* dirupta ædificia, restituere aliquando conarentur. Inde remenso *Helleponto*, per *Pamphylium* mare, *Phoceam Ioniæ* urbem devenit, *Micali* oppositam, *Phocensium Græcorum* olim coloniam prope *Aurei Hermi* fluminis ostium, qui *Aeoliæ* ab *Ionia* dividit, *Folia Vetera*, recentiores appellant, *Genuensium* conditionis; urbem ipsam vallo fossaque munitam, *Venetis* telis, tormentis, machinis oppugnans,

A primipilos, ac præfectos sæpius obtestans, arma capiant, hostem ulciscantur, hostiumque locum omnino deleant. Oppidani muris clausi, cum 127 se nihil segnius tutarentur, essetque anceps alea martis, *Rogesium* militaris scientiæ capax, cum armis, apertaque vi capere haud posse cerneret, formidaretque auxilia hostibus aliqua ex parte, brevi adesse, cuniculis suffodere, tam vastis specubus iussit, ut urbs ferme tota pensilis esset, ruituraque mox videretur. Quare *Ligures* perspecto aperto periculo, se dediderunt, pacti prius ut emigrarent; neque id difficile obtinuit *Ligur*; nam de gloria tantum, virtute duce, à *Venetis* est cum his dimicatum. *Maurocenus* habita urbe, nihil habuit potius, quam eam in hostium invidiam evertere, ignique consumere: sicque clarissimum olim oppidum, incendiis & ruinis interiit. *Paleologus* tum & *Genuenses*, cum posse jam *Venetis* armis resistere diffiderent, *Turcas* immanissimos Christiani nominis hostes, tunc primum, in *Europam* traduxere, qui Regem tamen summumve Imperatorem non habuere; nam divisi per Tetrarchas & Regulos, cum imbellibus populis, *Constantinopolitanisque* Imperatoribus, suo arbitrio, bella gerere consueverunt. Mox *Rogesium* in patriam reversus, nihil non semper egit, quod è Republica fore videretur. quo animo & consilio tandiu vixit, quoad præclarissimis honoribus optime functus, ad eum locum 128 evolarit, ad quem, optimo cuique facillimos aditus patere, nemo bonus, unquam dubitavit.

JOANNIS SUPERANTII Elogium.

Joannes ex nobilissima *Superantiorum* familia natus, ac per omnes dignitatis gradus, ad Ducatus apicem evectus, majorem nominis sui famam, ex maximis in Rempublicam meritis collatis, posteris relinquere, animose ac viriliter contendit. & quum nihil ex rebus humanis præclarius, aut præstantius esse arbitretur, quam de Republica & patria bene mereri, pro breviori vitæ spatio, diuturnam nominis, & famæ memoriam, sibi parare studuit. quippe cum *Patavinos*, intra suos fines stare coegisset, moxque *Ferrariam*, ad *Eridanum* sitam, à *Frisco Estense*, quem *Azzon*, ex Ancilla domestica, furtivo congressu susceperat, *Venetis* ex pacto concessam, probe administrasset, demum adversus *Ligures*, *Veneti* splendoris, hostes non vulgares, à Senatu, quinque & viginti triremibus instructissimis, inclinante vere missus, non parvum de victoria 129 triumphum retulisse est visus. Nam cum multa incommoda *Genuensibus* intulisset, illud memorabile præter alia videtur, quod longa quidem atque difficili admodum navigatione, per *Hellepontum*, *Bosphorum Thracium*, *Propontidem*, *Euxinumque* pontum usus, *Theodosiam* hodie *Capham*, *Tauricæ Chersonesi* urbem, tunc *Genuensium* Coloniam, soli fertilitate præstantem, aërisque clementia saluberrimam, ac portum vel centenis navibus accommodum, magna militum vi oppugnat; sinum commeatibus pervium præcludit, ne quis urbi aditus pateat, vineas adigit, nullum machinarum genus est prætermisum. urbs eodem ferme die, quo ad eam venire, imperante *Superantio* viro fortissimo, oppugnari est cœpta. Sed oppidani cum nullo præsidii genere, in urbe carerent, forti animo resistunt, pro mœnibus pugnant, fossa procul *Venetos* prohibent, neque commeatibus, neque aliis, ad belli usum necessariis diffidunt. Contra *Veneti* vincere assueti, urbem omni ex parte invadunt, cædes hinc inde maxima oritur, non interdiu, non noctu, quies dabatur. alii aliis in orbem succedebant.

130 bant. *Superantius* ejus illustris fama, nullo ævo confescescet, in prima acie, in hostes ferebatur: igneque missili, nonnulla urbis tecta incendit, eaque via, insanam quandam *Genuensibus* trepidationem injecit: demum ferro, audacia, viribus, & animi obstinatione, *Venetos* perumpit, urbeque potita, amotis *Genuensium* signis, *Martiana* vexilla in arce collocat. usus est in ea victoria *Superantius*, magno ferociæ, humanitatisque temperamento, humanitate enim plenus, in paucos sævit, & eos tantum qui acius pugnant: quos autem belli calamitas reliquos fecerat, armis spoliatos dimisit; suis vero ingentem prædam, pro dignitate donat, avitam patriæ & familiæ munificentiam, ac liberalitatem in primis secutus. Inde discedens *Venetus*, versus *Meotidem* paludem, ad *Propontidem*, & *Cymmerium Bosphorum* navigans, coactus est in ea Septentrionalis plaga tunc hybernare. ob idque milites, in eo cœli tractu parum affueti, gravissima incommoda, ob glaciale locum sunt perpeffi. Sed mox ut ei per cœlum licuit, *Venetias* classem vexit. noster enim exercitus, & si præliis usus erat secundis, tamen nimia longinquitate locorum, ac patriæ desiderio commovebatur. nec multo post cum aliquantum ex ea provincia, & Imperio, laudis fuisset adeptus: *Marino Contareno* Procuratorii ordinis viro, vita functo, cunctis ordinibus acclamantibus successit. cumque septennium munus illud, fide optima constantia, & dignitate obiisset, in locum *Marini Georgii*, Ducis defuncti, qui ob vitæ integritatem, atque innocentiam, Sancti cognomen est adeptus, fuit suffectus. quam vero moderate ac sapienter, in supremo illo Civitatis gradu se gesserit, quamque juste Rempublicam consilii & prudentiæ maturitate rexit, illud manifeste declarat, quod amplissimum, ac pene etiam dixerim, omnibus formidabile, Decemvirale collegium semper tamen Reipublicæ salutare, jam inde à *Petro Gradonico* Principe, ob quandam civilis discordiæ flammam, bimestre excogitatum, quod tum Civitatis ita conducere videretur, mox ob multa Civitatis commoda, annuum, ac deinde perpetuum, bonorum præsertim approbatione, prudenti consilio sanxit & ne aliqua ex parte, Civitati & patriæ, deesse unquam videretur, *Salinum caput*, sic à publici salis conclavibus dictum, extrui jussit. locus ille navalis rostri, speciem exhibere videtur. huc onerariæ naves, ac navigia omnia, peregre appulsa, ut publicanorum oculis subjiciant, neque vectigalibus, fraus aliqua fiat accedunt, mercesque in portum exonerant. & inde postea exportantur, & ad privata loca importantur. *Dovanam* hodie appellamus. Navale quoque ejusdem Principis opera, maxima ex parte auctum constat. hic præterea Procuratoriam majestatem ampliavit & auxit; ob idque triplex eorum magistratus, primo in urbe institutus, quorum supremus, sacris *Martianæ* Aedis Thefauris præest, alter citra *Rivumaltum*, tertius vero ultra, defunctorum legata procurat. Interim moritur *Superantius*, vir pacis bellicque artibus, & in primis clementia longe clarissimus, cum urbem pacatissimam, ac rebus omnibus abundantissimam, posteris tamquam per manus traditam reliquisset. atque in ædícula, aureæ *Martianæ* Aedi adjacente, quæ *Joanni* Christi prævio, & innocentibus pueris est dicata, sepulturæ traditur.

CAROLI & ANDRÆ DANDULI
Elogium.

Nescio certe, quonam adverso infelicissimoque Reipublicæ fato id acciderit, ut qui justissime, pro liberis, pro conjugibus, pro libertate denique ipsa, qua nihil censetur divinius, arma sumplerant, iniquo belli eventu succumbere, & labefactari pene viderentur. neque vero id Ducum inscitia factum certe scimus, sed adversante potius, rerum humanarum domina fortuna, quæ in attollendo, opprimendoque varia semper est habita. quum itaque non modo fracto, demissoque animo, fuisset *Ligur*, ob asperam in *Ponto* cladem, à *Venetis* justo prælio acceptam, sed multo etiam ferocior, de more suo effectus, *Lampadio Aurio*, duodenonaginta navium, ut scriptores gravissimi tradunt, Imperium decernunt, ut hujuscemodi injuriam quoquomodo ulcisceretur. Contra *Veneti* nihil cunctandum rati, in tanto belli apparatu, *Carolus* & *Andream Dandulos*, viros bellica virtute claros, adversus instructissimam hostium classem, Duces præficiunt. qui statim stipendiis militi datis (neque enim exauctorati nautæ erant, qui *Superantia* signa, auspicate fuerant secuti, præter paucissimos quosdam causarios milites, qui militari sacramento, fuerant paulo ante soluti) paratisque omnibus, ad belli præsertim usum necessariis, in altum veniunt, cumque hostem diu, nusquam vidissent, ac de reversione, jam cogitare inciperent, naves quasdam *Ligusticas*, orientali merce onustas, *Siciliam* versus navigantes, procul alto mari conspectas insequuntur, easque tandem interceptas, nullo negotio superant, nautis ad unum interfectis. naves deinde *Venetus*, in *Dalmatiam* secum abducit, spolia quæ legit, militibus æquissime distribuit. nec multo post, cum alia non pauca hostium navigia, quæ totam *Illyrici* non infestam habebant *Danduli* reperissent, omnia ad cæterorum formidinem, aquis demersunt. Lætus *Venetus*, ad *Corcyram* nigram, in portum, infausto omine, fatis ita trahentibus, se recipit, cum triremibus quinquaginta, quibus *Andreas Dandulus*, insana febre correptus præerat. *Carolus* vero qui plurimum formidabat, ne si uno loco, classis tota maneret, rei frumentariæ angustis premeretur, resecto milite, cum sex & quadraginta triremibus, quas ipse ducitabat, inde oram solvens, atque hostium latebras diligentissime perquirens, superum inferumque mare felici navigatione circuibat; nec persequi prædones, purgareque latrocinii infesta loca, & latebras excutere cessabat. demum à celo *Rhodio* navigio certior factus, decem *Genuensium* triremes, *Hydruntum* versus navigasse (est id oppidum magnæ *Græciæ*, juxta *Ionium* mare) ingenti cupiditate hostes infectatur, nullamque bene gerendi occasionem, prætermittere cupiens, *Apuliam* versus rostra vertit. Sed vana spe lusus, cum inde vellet discedere, restatu aliquandiu fuit jactatus, per *Ægeum* tandem, ad *Leucadis* promontorium, quod *Nerithos* olim, hodie *Sancta Maura* dicitur, fractis ob diuturnam pelagi tempestatem, & ventorum vim asperam, jam viribus devenit; ibique diutius permanere est coactus, donec triremes, quæ compagibus laterum laxis, mergi pene videbantur, in terram subductæ, denuo reficerentur. *Ligur* occasionem rei bene gerendæ nactus, quod probe sciret, classem in duas partes esse divisam (quæ res eum quoque aliquanto audaciorem fecit. quippe *Genuensibus* mos erat, hostem prius arte, quam armis oppugnare) è *Sicilia* solvens, in *Apuliam* primo, mox

felici admodum cursu, *Illyricum* ultro citroque perlegens, *Venetum* tandem, noctu dormientem repperit, hostiumque adventum, minime eo tempore expectantem, ac navium numero multo inferiorem. quo audito *Dandulus*, qui febris adhuc, non mediocriter laborabat, è lecto vix ægre revulsus, atque inopinato eventu contritus, raptim scuto & gladio assumptis, cætera inermis, 136 ad arma conclamat, tubas canere jubet, milites ac Duces hortatur, ut confestim arma capiant, ad ferocissimi hostis impetum (si id fieri posset maxime) reprimendum, neque enim terga vertere, neque pugnam detrectare licebat. Quare Dux in primam aciem (neque enim prudentia illi, aut fortitudo deerat) sua triremi consistens, atque inter confertissimos, hostes, sociis se ostendens, magna voce, suos hortabatur. qui tum his verbis, tum etiam Ducis præsentia, vehementer accensi, atque commoti, hostem incredibili alacritate feriunt; concitatissimis animis, prælium aliquantisper geritur. Quippe *Venetorum* animi, usque adeo fuerant succensi, ut nihil victoria, & Reipublicæ propugnatione, ducerent antiquius, nihilque si iniqua fata voluissent, gloriosa morte, præstantius reputarent. Sed quum multa in eo armorum conflictu, miseranda conspicerentur, nullum tamen tristius, aut miseratione majore dignius spectaculum, quam *Dandulus* ipse cernebatur, qui adversante præsertim morbo, incommoda multa, tolerare cogebatur. nam & ea quoque perferebat quæ ne robustissimis quidem corporibus, milites poterant tolerare. neque vero ille, tam sui causa movebatur, quam cladis, ignominiaque suæ classi imminens; quam ipse incolumem in patriam reducere, facile posse sperabat. pugnatum est per aliquot horas acriter, dubiaque victoria; tandem summo conatu, irruentibus undique hostibus, *Veneti* in fugam sunt conversi; ad extremum vero *Veneti*, hostium multitudine pressi, passim cadere coeperunt, paucissimi fugiendo evasere: naves fere omnes, cum *Andrea Dandulo* Duce, graviter in fronte & pectore vulnerato, captæ remanserunt. Capta tunc ad quatuor millia *Venetorum* constat, *Dandulum* victum, ad ludibrium, satietatemque, *Ligusticæ* superbiæ, *Lampadius* victor servaverat, ut de viro summæ virtutis clarissimo, deforme spectaculum ederetur. cum tamen diu in quæstione, indignis injuriis habitum, atrocissimisque suppliciis, acerbissime tortum se videret, ut tacita patriæ consilia detegeret, gravissimo animi mœrore, ad lætalia vulnera, ab hoste accepta addito, antequam *Genuam* perveniret, indigna morte periit. pars est fortitudinis, cum ab hoste vincaris, liberum animum servare atque integrum. Sed scio non deesse scriptores, qui hac in re, tanquam aliud agentes, *Dandulum* classis Imperatorem vitam finisse affirmare conantur, atque ejusmodi fuisse, 138 *Danduli* exitum demonstrare contendunt. qui ubi se in triumphum servari conspexit, declinandæ tantæ ignominia causa, caput adversæ navi, tandiu illidit, quoad animam exhalaret, quod vix credi posse arbitror, facile namque sperare poterat, in patriam, jure postliminii reverti, facta præsertim captivorum nobilium, qui *Venetis* publice custodiebantur permutatione. cur enim mortem sibi conscisceret, causa non videbatur, cur tamen vitam optaret multæ. Interim *Carolus*, audita suorum clade, non modo perterritus, sed etiam alacrior, ad rem fortiter peragendam factus, consilium de invadendo hoste, jam pridem iniisset, nisi subita Senatus denunciatione, *Venetias* reverti, fuisset coactus. qui tamen quoad vixit magistratibus multis est optime functus.

BELLETI JUSTINIANI Elogium.

Mutuaverant *Veneti* antea *Paleologo*, ingentem auri vim liberalissime, eique suppetias animose tulerant, eo præsertim tempore, quo bellum quinquennale, adversus *Joannem Cantacuzenum*, aliosque suæ felicitatis æmulos move- 139 rat, quorum calliditate & fraude, nuper in exilium fuerat trusus. illud tamen justissimum debium, cum repetere *Venetis*, atque jure quodam suo, vellet exigere, *Paleologus* homo ingratus (patet hoc malum tam late, tamque facile in hominum genere) dissimulans *Græcanico* quodam astu, ingens illud æs alienum, jamdiu conflatum, non esse solvendo, legatos ad id præcipue *Byzantium* missos, blandis alloquutionibus in dies trahebat, nam perinde ut solutus, omnia juris pacta, pudoris & officii perfregit, præceptaque in omnem licentiam abierat, honesta simul atque inhonesta, & humana pariter ac divina, sibi quæstui, prædæque esse constituit. At *Veneti* injuriæ impatientes, ad eam rem vindicandam, continuo classem decernunt. est id negotii *Belleto Justiniano*, viro militaris scientiæ gloria insignito, & multarum rerum usu, præcipue claro, à Patribus demandatum, simul ut *Græcorum* perfidiam coërceat, simul etiam ut maria, à prædonibus & piratis defendat. Hic majoribus perfimilis, cui ingens etiam, animi inerat magnitudo, indefatigabilis laborum tolerantia, exactissima rei bellicæ disciplina, consilii altitu- 140 do summa, haud infcius cum quanto, quamque vasto hoste, res sibi foret, habere delectum, milites cogere, nihil studii & diligentia prætermittere, ardentissimeque omnia sollicitare cœpit, ut gravius hosti, negotium exhiberet. milites contra etsi ita acceptæ cladis pudore perciti videbantur, *Venetæ* tamen virtutis & fortitudinis non immemores, nihil vehementius optabant, quam cum hoste congredi, suos animos ita obfirmant, *Belleti Justiniani* Imperatoris fortissimi hortatu, ut mori, quam cedere malint. quæ res alacritatem Imperatori attulit, & Reipublicæ defendendæ, & spem recuperandæ dignitatis. hoc bellico apparatu, oram solvit, atque irrequieta velificatione *Corcyram* venit, mox supplementis, ex *Eubœa* & *Creta* acceptis, septem & viginti triremes instructissimas habuit. quæ cum valida *Græcorum* classe congressæ, eam dissipat, atque totam fere in suam potestatem, cum remigum turmis, sociisque navalibus redigit, laqueo cunctis suffocatis. inde ad populationem conversi, omnia Imperii loca, igni ferroque vastant, cuncta diripiunt, cædibus omnia complent, urbes diruunt, incensa oppida cum vicis, quo pacto, perpetua ruinæ, ac incendii monumenta relique- 141 re. perterritus hostis, pecuniam quam debebat primo reddidit, mox pacem supplex ac humilis, à *Venetis* tandem impetravit. *Justinianus* victor, cum quindecim captivorum millibus, multisque triremibus, lætus domum rediit. maximo omnium ordinum gaudio exceptus, ob insignem victoriam, nullo suorum incommodo partam, ex hoste, qui fidem, qui jus, fasque violaverat. mansit *Justinianus* aliquandiu *Venetis*, in purpura assidue, ad Reipublicæ clavum conspicuus, neque enim ab eo munere abduci, ullo unquam tempore potuit, nec ullo casu constantissimus alioqui vir, ullam officii intermissionem, fieri à se patiebatur; sed ea quæ è Republica esse videbantur, vel provisâ prudenter, vel acta constanter, tueri atque fovere, summo animi ardore studebat. nam præter *Ferrariensem* motum, qui eo tempore accidit, publica etiam libertas, à non-

142 nullis est frustra tentata. quæ res fuit in causa, ut *Iadrenses*, *Michaelæ Mauroceno*, urbis comite, fœde expulso, sextam deditionem patrare sint ausi. hanc rei indignitatem, non tulerunt Patres, sed ad eam urbem in fidem recipiendam, *Belletus Justinianus* mittitur, publico edicto, quo nemo fuerat tum in civitate, ad illud negotium obeundum, atque munus conficiendum aptior, nemo prudentior; à quo cum maturè, omnia necessaria, non minus armis quam ordine fuissent parata, in *Dalmatiam* venit, atque apud *Iaderam*, copiis eductis, suburbana loca incendit, dein ad Civitatem, bellicis machinis non paucis, arte & studio admotis, urbs oppugnari est coepta. fuissentque *Veneti* facile victoria potiti, nisi *Dalmatiji Hispani* generis hominis, perfidia plusquam *Punica* fuisset, qui cum equitatu, Patrum decreto præesset, duobus aurorum millibus, clam ab hoste acceptis, subitam ad hostes deditionem fecit. perculit ea res, non parum *Venetorum* animos, eosque penitus fregisset, nisi *Justinianus* animose, ac fortiter, eos fuisset adhortatus, quasi ipse mandasset. cujus verbis spe illata militibus, ac reintegrato animo, cum pro se quisque in conspectu Imperatoris, in extremis etiam rebus, operam navare cuperet, hostium impetum, ardoremque restinxit. Cæterum quanquam ab oppugnatione est cessatum, obsidio tamen, pertotam fere æstatem continuata, oppidanos ad deditionem compulit. quibus in fidem perhumane, ac perbenigne acceptis, *Vitalem Michaelæm* urbis Comitem, Senatus decreto, postmodum habuere. Inde *Venetus*, solvens ut optime de omnibus meritis esse videretur, militibus munera, dari iussit, postea per *Illyricum* classem ductans, *Ænonenses*, *Spalatinos*, *Tragurinos*, *Sicenses*, aliaque oppida in amicitiam denuo recipit. mox rebus omnibus in *Dalmatia* pacatis, victtricem classem, in patriam reduxit, in qua quod reliquum habuit vitæ, lucisque usuræ, honestissime consumpsit.

JUSTINIANI ejusdem cognominis, Elogium.

144 *Justiniana* familia, omnium optimarum rerum alumna, fœcundissimumque virorum fortium domicilium, sic præcipuo incredibilique studio, me excitat, atque inflammat, ut nulla in re jucundius, quam in suis rebus versari me putem. nec quicquam est mihi præstantius, quam cum in commemoratione earum rerum, quas ipsi fortiter gesserunt, quæque ad posteros, tanquam per manus emanasse videntur, assidue versor. vixque dici potest, quam responderit, non solum meæ, sed bonorum etiam omnium expectationi, familiæ nobilissimæ splendor & decus, in qua ea certe rerum ornamenta apparent, quæ multo quidem majora sunt, quam privata domus capere possit. Quare *Justinianus* Dux longe post homines natos fortissimus, qui à familiæ nomine, auspicate nomen sortitus, summis honoribus functus, in hisque summa cum laude, ac virtutis opinione, multum ac diu versatus, memorabile posteris exemplum reliquit, primo namque, omnium votis classis Imperator designatus, Rempublicam capeßere voluit, atque in ea administranda, multam magnamque curam adhibuit, cui deesse quoad vita suppetat, cum turpè aliis, tum sibi nefas esse putabat. In primisque divinam opem imploravit, qua nullum majus præsidium potest optari. demum Imperatoris simul ac militis officia exhibens, arma, munitiones, & tormenta parat, certatimque ac solícite curat omnia, civibus animum augeat, milites ad gloriosum bellum hortatur. Sed quanto formidolosior

A hostibus, tanto suis charior fuerat. armatis itaque omni cura, atque industria, contra *Ligurem*, triremibus quatuordecim, ipsisque feliciter in altum eductis, vicatim quidem & oppidatim, incendii ac ruinæ monumenta fecit, terrificoque impetu, undecim hostium triremes insectabatur, quas ad nonnulla *Venetorum* emporia populanda, 145 accessisse incertus quidam rumor, imperitusque sermo, in omnium ore increbuerat. quum tamen id falsum esse, manifeste constaret. ventumque esset in *Ponticum* usque mare, ad *Caphatam* urbem, quam *Theodosiam* appellari alibi diximus, classem admovit, multis undique tormentis urbi appositis. Quare *Genuenses*, qui urbem incolebant, ne iterum *Veneta* arma, quæ sub *Joannis Superantii*, ductu & auspiciis, durissime fuerant experti, nunc denuo graviora sentirent, in majusve aliquod discrimen inciderent, in pactionem deveniunt, neque vero urbem illam ob loci distantiam, *Venetus* tenere potuit. nam *Ligur Græcorum* armis constantissime fretus, omnia loca, à *Venetis* direpta & incensa, celeri studio instaurabat. *Justinianus* autem nullo præclaro facinore, tunc pro Patria edito, domum revertitur, nec multo post iterum bello præficitur, danturque ei, ex patrum decreto, triremes quadraginta, adversus *Genuenses*, qui promissorum immemores, *Venetis* ad *Tauricham Chersonesum*, non mediocriter negotium exhibebant. cum quibus *Venetus* prælium conferens, eos vicit; quatuor & quadraginta eorum triremibus, partim mari demersis, partim cum nautis captis. neque enim fas 146 esse domum redire arbitrabantur, nisi victoria potiti, ne *Veneta* virtute indigni censerentur. *Perenses*, qui & ipsi à *Rogério Mauroceno*, fuerant paulo ante deleti, assumptis aliquantulum viribus, instauratisque moenibus, sed qui longis etiam præliis, ac labore confecti, vires omnes jam pridem amiserant, veriti ne *Venetus* cumulatifsimas ab eis poenas exigeret, neve ad interitum, iterum redigerentur (viderant namque in se impetum fieri cœpisse, & sine discrimine obvios cædi) quicquid esset in eo belli apparatu, detrimenti acceptum, non refarcire modo, sed majoribus etiam adaugeri cumulis, ultro promiserunt. quibus conditionibus *Venetorum* animi, semper ad honesta omnia agenda propensi, ad pacem sunt conversi. Inde *Justinianus* discedens, antequam *Venetias* classem adduceret, nautis binos aureos *Venetos*, viritim distribui iussit, ut quæque summi Imperatoris officia, cum dignitate compleret. reversus domum primis comitiis, *Cræte Insulæ*, Ducario nomine præficitur, qui cum eam provinciam, sibi demandatam, in officio continere, plurimum ac vehementer nitèretur, nihil impensius quam Patriæ commoda dignitatemque, toto illo tempore curavit. & ut erat 147 præfenti admodum ingenio, id etiam effecit, ut quem dignitate & gradu, majorem haberent, eundem quoque urbanitate atque clementia, minorem sæpius admirarentur. Sed neque tantum operæ & studii, ab eo tunc potuit adhiberi, quin aliquid etiam incommodi (fortuna felicitatis noverca, res prosperas tristibus sæpissime admiscente) pateretur. Siquidem *Græcum* ingenium ex usu suo, aut *Veneto* nomini inimicum, aut etiam infidum, *Cræteses* ad novos motus excitandos impellunt; quos tamen *Justinianus* facillime, consilio & prudentia compressit, Insulamque virtute conservatam, successoris pacatissimam reddidit, sumpto prius de fontibus & proditoribus supplicio. Quare optime summaque animi integritate atque innocentia, eo magistratu defuncto, vix ei Patria frui diutius licuit. Enimvero *Justinianus* vir in rebus bellicis semper

exercitatus, ac in eisdem multum & sæpe versatus, contra *Paganum Turrianum*, *Patavinum* Antistitem, eundemque *Aquilejensem* Patriarcham mittitur. qui *Polam*, *Vallemque*, *Histræ* oppida, quæ dudum *Veneta* arma fuerant secuta, vi & armis auferre conabatur; fuitque bellum illud à *Justiniano* non minori celeritate, & felicitate confectum, quam cætera negotia omnia. ob has itaque res, præclare ab eo pro Patria gestas, cum Dei Optimi Maximi benignitate, & *Justiniani* felicitate, *Veneta* res & gloria fuisset integra, Procuratoris munere, quod tunc præsertim autum fuisse constat, ingenti patrum studio, ornari meruit. Mox vero, hoc ipsum etiam affecta jam ætate, difficillimum omnium, pro Patria gerere voluit. nam *Patavinum Scalanis* ejectis, cum *Marco Lauretano*, & *Andrea* *Mauroceno* Procuratoribus, legatus mittitur, ad ejusdem civitatis statum pacandum. ex ea legatione reversus, cum per quadriennium, innocentissime simul, atque sanctissime Reipublicæ præfuisset, in suorum complexu felicissime obiit. quem immortalitatem potius, quam mortem assecutum non ignoramus. *Marco* & *Pancratio* filiis, avita paternaque gloria claris, post se relictis.

MARCI JUSTINIANI Elogium.

Quam læta felixque successio, feliciorque ob id nuncupata, quod qui sunt inde secuti, tales merito dici potuerunt. Enimvero *Marcus*, majoribus suis, rerum gestarum gloria, & virtute par, patre vita functo, classis Imperator, omnium votis, & acclamatione est dictus. quare primum urbem frumenti caritate, plurimum laborantem, suo consilio & opera, qua tunc præcipue, in *Apulia Siciliaque* est usus, levavit. quo frumentatum cum onerariis multis erat profectus. demum septima *Iadrensum* defectione, terrestrium copiarum Imperator missus, cum *Andrea Mauroceno*, & *Simone Dandulo*, terrestribus legatis, tunc primum novo decreto institutis, ingentem de *Ungaris* victoriam, contra *Ludovicum* eorum Regem, cum centum & viginti armatorum milibus, *Iaderam* sibi vindicare conantem reportavit. fufis enim fugatisque hostibus, Regem quoque, primo impetu in fugam convertit, fufum inde ad oppidum persequitur, atque urbem toties rebellem, *Veneta Justinianaque* clementia, in fidem recipiens, oppidanis comes est datus. eo magistratu nondum perfunctus, *D. Marci* Procurator, in *Marini Foscareni* demortui locum eligitur. mox Patrum decreto, cum *Andrea Mauroceno*, & *Nicolao Gradonico*, ad eundem *Pannoniæ* Regem missus, ab eoque benignissime exceptus, usque adeo Rempublicam agere novit, ut in decem annos, cum eo inducias pepigerit. reversus matura ætate decessit.

PANCRATII JUSTINIANI Elogium.

Incredibile quidem est, quanta felicitate, quorum successu, quantaque animi solertia, in difficillimis quibusque negotiis obeundis, *Justiniani* semper fuerint. usi. etenim non felici quadam temeritate, ut plerisque contigit, sed arte, ingenio, consilio, res omni memoria dignas gestere, & præcipue *Pancratius*, qui optimis quidem Ducibus merito, continuata veluti serie est adæquandus. nam rebus à patre antea, & fratre prospere gestis, vehementer incensus, *Justinopolitana* rebellionem, majorem quam *Marcus* provinciam sustinuit. In quo ea vis animi, atque ingenii fuit, ut omnia maxima, minimaque per se adiret, atque ageret, nec cogitaret modo,

imperaretque, quæ in rem essent, sed pleraque ipse transigeret, nec in quemquam eorum gravius, severiusque, quam in semetipsum Imperium exercebat; parsimonia & vigiliis, atque labore, cum ultimis militum certabat; nec quicquam in exercitu suo præcipui, præter honorem, atque Imperium habebat. neque vero terrestribus tantum copiis, sed maritimis etiam fortiter præfuit: unusque cum utrumque munus obivisset, arma armis propulsare contendens, eos intra paucissimos dies, absque insigni aliqua sanguinis effusione, in fidem reverti facillime coegit. nec felicius in mari, quam in terra pugna, *Justiniano* Duce fuit. nullo tamen de rebellibus supplicio sumpto, ut enim in pugna strenuus, sic post victoriam, fuerat clemens. his præclare gestis, Procuratorque effectus, fratris locum obtinuit, quo postea mortuo, *Paulus Lauretanus* sufficitur. Hi duo *Justiniani*, fortissimi quoque Imperatoris filii, celeberrimi & ipsi Duces, non tam domesticis virtutibus, quibus magnopere præstiterunt, quam bellicis artibus, & rerum gestarum gloria, patri ac majoribus omnibus conferri, compararique merito possunt.

PETRI ZENI Elogium.

Quum *Turcæ Asiatica* olim *Scythia* oriundi, ab initio apud *Asiæ* Regulos, stipendia meriti, mox ad dominandum conversi, vario successu, *Pontum*, *Cappadociamque* trajecissent, atque per finitimas regiones illapsi, frequentibus excursionibus, tantum sibi postea virium comparassent, ut *Galatia*, *Bythinia*, *Phrygia*, ac universa denique minore *Asia* occupata; *Hellepontum* etiam, cum summo Christiani nominis dedecore, & jactura superarunt. postremo cum è *Syria* tandem essent egressi, ex qua Christianum nomen, paulo ante penitus deleverant, ad totius orbis Imperium, avidius jam coeperant anhelare; factumque est ut nonnullorum Principum socordia, quorum lente admodum festinabant auxilia, *Genuensiumque* & *Paleologi Constantinopolitani* Imperatoris perfidia, cum *Venetae* potentiae resistere, non mediocriter diffiderent; sensim per *Europam* irreperunt. quæ res cum jam ad triarios videretur deducta, tantum terroris singulis injecit, ut *Veneti* omnium primi, ea de re, cum *Jeanne* Pontifice illius nominis *xxi* i. literis sæpissime, mox nuntiis accuratius egerint. missi tunc fuere *Philippus Belegnus*, *Blasius Zenus*, & *Marinus Maurocenus*. Constat & alios, pro tanto negotio; frustra in *Galliam* missos, ut sacrum foedus, cum ea gente, contra *Turcas*, *Mæmæbiamque* superstitionem inirent. Demum celsantibus omnibus, & interdum etiam conniventibus, *Veneti* soli quos religio (quam sic perditum iri ægerrime ferebant) magnopere excitavit, paratis triremibus centum, onerariisque non paucis, ad com meatum, machinas, & alia ad id negotii conficiendum opportuna, bellum pro religione, adversus impios, christianique nominis hostes sempiternos, tunc primum auspicate arma sumpserunt. *Petrus Zenus*, vir cum in periculis constans, tum etiam in præliis fortissimus, indicendi gerendique belli gratia, Imperator decernitur, qui extremam vitæ aleam, ob publica commoda, subire libentissime, suumque eximium, & singulare in religionem, & patriam studium, profitebatur, & præ se ferebat: neque apud eos tantum, qui tunc aderant, sed apud posteros etiam testatum fore, maxime voluit. Enimvero sancta felicique expeditione, potius quam bello, longe lateque hostes infectatus, totam orientis oram, navigantibus brevi temporis spatio

spatio pacatissimam reliquit. multis etiam navibus ab eis ademptis, omnibus captivis, summo cruciatu, & supplicio affectis, ceteros infra suos fines, terminosque, extra quos non sine ingenti, maximoque labore, egredi possent, tunc stare coegit. re bene gesta, feliciter cum tota classe, domum revertitur. quem Dux cum miris, pro concione laudibus extulisset, maximis etiam, & amplissimis magistratibus praefecit. quandoquidem *Zenus* primus insigni virtute, quae cum animo infideret, corporis quoque robur conjunctum habebat, *Turcas* bello vinci posse, suos docuit, primusque de eis opima spolia, in patriam reportavit. quae laus, cum maximo fortitudinis suae splendore, nunquam interibit, hec multo post interjecto tempore, distracta etiam aliorum Principum voluntate, *Venetis* classem contra *Turcas*, haud segnius parant, qui facta iterum eruptione maxima, maria omnia, circa *Rhodum*, *Cyprum*, *Cretam*que, incursionibus & latrocinis, superbe infestabant. *Zenus* adepti antea decoris, non immemor, classi praeficitur. qui cum animo forti, magnoque esset, ad hostium impetum, ferociamque propulsandam accessit, quorum postea ardorem, gnaviter restinxit. Namque per *Mediterranea* haec maria praetervectus, post incommoda multa, barbaris illata, *Smyrnam* tandem *Ionie* urbem pervenit, *Homeri* vatis alumnam à multis creditam, ab *Henrico Contarino*, & *Vitale Michaelis* classis Imperatoribus, multo antea oppressam. haec ameno littore sita, amne *Mylete* effunditur, Apostolorum dogmate quondam celebris, quam *Polycarpus* Christiani ordinis sectator praecipuus, & Episcopali dignitate clarus, felicissime gubernavit. celebris est nunc tantummodo locus, ob laudatissimas uvas, inde in *Italiam* asportatas. Illud ipsum oppidum, *Zenus* in quo vis animi, consiliique altitudo vigeat, omnium generum machinis, propter fossae latitudinem, murique altitudinem, multis defendentibus, ab adversa urbis parte, tunc ab oppidanis neglecta, quia & suapte natura, tutissima videbatur, & difficillimos aditus habebat, cuniculos agere instituit, resistentibus mox oppidanis, re infecta, ad alteram urbis partem devenit, ubi aperto Marte, urbem tandem viriliter expugnavit. *Zenus* in prima acie, semper in hostem ferebatur, & properans noctem diei conjungebat. oppidani capti, partim ferro, passim interempti, partim remo addicti, urbs ipsa firmiore quam antea praesidio est firmata. pugnatumque est eo loci, tam saepe, quam feliciter contra *Turcas*, in quos *Venetis* grassari non destitit. Sed quum multas victorias *Venetis* fuisset adeptus, atque Deo Optimo Maximo debitas gratias, prisco Civitatis instituto, non minus religiose, quam pie, in Aede non longe ab urbe, quae *D. Joanni Baptiste* fuerat erecta, referre supplex conaretur, atque divinis rebus propenso animo, operam daret, supervenientibus ex improvviso barbaris, ad omnes fuerunt interfecti. mortem enim obire, quam sacra incepta relinquere maluerunt, tantum operae & studii, apud nostros, observandae religionis semper exitit. equidem omnia prospera sequentibus religionem, adversa negligentibus eveniunt. periit *Zenus*, tertio & quadagesimo aetatis suae anno, promiscui sexus filiis decem, post se relictis, quos ex *Agnete Dandula*, matrona pudicissima, summo loco nata, antea susceperat. inter quos *Carolus*, & bellica virtute clarus, & Senatoria prudentia insignis, patriae commoda, non mediocriter est tutatus.

MARGI RUZINII Elogium.

Felici quidem & fortunato Civitatis eventu, *Marcus* quoque *Ruzinius*, Rempubicam administravit, qui tertio *Ligustico* bello, vel ob id à patribus suscepto, quod *Genuenses*, quacunque vi & arte, *Pontici* maris cursum, *Venetis* intercludere conabantur, quinque & triginta navium, Imperator effectus, incruentam de hoste victoriam reportavit. Siquidem cum damna multa, injuste tamen, à *Ligure Venetis* illata, legati saepius, frustra repetiissent, Senatus jussu, caute in eos movet, quam plurimis quamque lectissimis viris prius evocatis, quorum animis mature tentatis, extemplo productis in aciem copiis, memorabile bellum, tam praclare gessit, fortiterque confecit, ut palma, dum cum hoste manum confereret, nunquam dubia videretur. Enimvero persuasum multo antea habebant *Venetis*, nullo unquam incommodo, Imperium suum affici posse, Duce *Ruzinio*, immensa incomparabilique virtute praedito, quem bello invictum, pacisque artibus, nulli secundum diu antea cognovissent. Erant in *Venetis* triremibus milites quamplurimi, multique sagittarii, ac jaculatores, vetusto patriae more, apprimè instructi, vi namque hostem superare, quam fallere, gloriosius arbitrabatur. ab hostibus vero animo magis, & robore, quam scientia pugnabatur, multus ubique erat tumultus, & turbulentum certamen: verum Imperator, immensa incomparabilique animi virtute praeditus, sublati signis, cum primòs pugnantium impetus sustinisset, in eos irruens, vicit & profligavit: quasi enim *Isthmum* fodere videbatur hostis, qui *Ruzinium* bello & armis contenderet vincere. praelium ad *Carystium Euboeae* insulae portum, à *Carysto* urbe, marmore quondam nobilitata, fuit commissum, quum forte per *Aegaeum* tempestate, & vi ventorum diutius *Venetis* jactaretur, in pontum navigaturus. *Ligur* cum quatuordecim onerariis navibus, partim pretiosissima merce onustis, partim etiam militibus, ingentique armorum copia instructis, cum *Venetis* congredi, & manum conferere non dubitavit, ex quibus decem cum praefecto classis, & septuaginta nobiles, & strenui viri, in *Ruzinii* potestatem venere; quos *Venetis* non modo comiter, benigneque recepit, sed magnis etiam honoribus est prosequutus; quo etiam in conflictu, quot hostium fuerint desiderata, quamque paucos *Venetis* amiserit, nulli dubium esse, certe scio. cum mille & septingentos, vel occisos, vel in fugam versos, hostium annales testentur. hujuscemodi clade hostibus illata, ex *Euboea* discessit, *Ionii*, *Aegaeique* maris ora perlustrata, *Hellepontoque* felici cursu, exploreteque emenso; falso quodam rumore permotus, per *Aegaeum* rediens, circum eas insulas, quas *Sporades*, & eas quas *Cycladas* dicimus, commode navigans, ad *Peram* oppidum continenti adjunctum, iterum opprimendum, postmodum est profectus. rescierant *Genuenses* antea, ingentem suorum stragem. quare nihil prius habuerant, quam oppidum praeter loci situm, valde munitum, ingenti etiam exercitu, bellicisque instrumentis, non paucis, omni ex parte firmatum vallare. Quamobrem *Venetis* horum inscius, cum ad eum opprimendum accessisset, facileque arbitrabatur, posse victoriam obtinere, spe frustratus abiit, à quo tamen, si qua hostes, moliri alicubi conarentur, diligenter atque mature est provisum. Illius namque id semper fuit consilii, in posterum quam longissime providere, cum in hujuscemodi custodia, tamquam in specula positus esset, ut *Venetos* sua

vigilia & prudentia, ab omni perturbatione, & metu, vacuos redderet. Inde cum discessisset, circa *Bosphorum Thracium*, tribus à *Constantinopoli* passuum millibus distantem, felicissime contra eosdem *Ligures*, prælium iterum est commissum, atque *Ruzinii* Ducis virtute, facile est perfectum, compluribus eorum triremibus, in ea pugna interceptis. Quare *Ruzinius* duplici victoria clarus, ingentem prædam domum retulit ea quadringentis aureorum millibus fuit æstimata hunc Princeps cum benignissime, simul cum tota civitate excepisset; ita pro tempore breviter est alloquutus. Nobis Dei Optimi Maximi benignitate, robore & prudentia tua, *Venetæ* urbis res, & gloria est aucta. Sed ne cœlestis beneficii immemores *Veneti* videntur, gratia fuere, Deo Optimo Maximo primum actæ, templis debitus honor impensus, Ædesque sa-

160

A cræ, fronde festa, à *Venetis* acerrimis religionis cultoribus ornata. & cum religio sanctius à nostris, quam à multis aliis præcipue colatur, lege promulgata, Patres sanxerunt, ut ob tam insignem triumphum, *Joannis Baptiste* Decollatio, quo die fuit de hostibus victoria parta, solemnis in posterum perpetuo haberetur; quod ad nostram usque ætatem, per ducentos & amplius annos, constanter servari perspicimus; quando & id semper maximeque fatebantur, ductu auspicioque cœlestium, cum hoste se conflixisse, neque multitudinis, aut mortalium virtute, sed superum voluntate, victoriam adeptos. Vixit aliquanto post *Ruzinius*, in purpura semper clarissimus, obiitque senex, relictis post se maribus aliquot, à quibus qui nunc in civitate honorifice degunt, ortos fuisse non ignoramus.

F I N I S.

I N D E X
M E M O R A B I L I U M.

- A.
Aetiolinus Patavinorum tyrannus ab aliis *Eccelinus* vocatur. 34. D
Ædes D. Petri olim *Olivolensis*, nunc *Castellana* vocatur. 10. F
Agnes Dandula uxor Petri Zeni. 53. E
Alexander Pontif. Frederici *Ænobarbi* insidias fugiens, exul *Venetis* vivit. 26. C.
Aloysius Barotius *Decemvirale* munus adeptus. 40. B
— medio vitæ spatio, lucis usuram amisit. 40. B
Amurat primus *Turcarum* Imperator. 29. E
Anconitani à *Venetis* devicti. 24. C
Andreas Danduli exitus. 47. E
Andreas Barotius id audet, quod omnium audacia formidat. 39. C
— — nihil virtuti suæ invium existimat. 39. D
— *Ligusticæ* ditionis loca permulta solo æquavit. 39. E
— navem *Genuensium* cui nomen *Olivæ* capit. 39. E
Andreas Basilus a *Basilio Constantinopolitano* Imperatore originem ducit. 42. B
— — classi *Venetæ* præponitur 42. B
— ad *Justinopolim* recipiendam classe mittitur. 42. B
— urbem *Justinopolim*, & alia oppida recepit. 42. E
Andreas Dandulus vincitur & capitur. 47. D
— antequam *Genuam* perveniret, indigna morte perit. 47. E
Andreas *Pannoniæ* Rex ortum duxit ex familia *Maurocena*. 43. D
Andreas Teupulus rerum gestarum gloria, & *Ducaria* dignitate floruit. 32. D
Andreas Zenus classi contra *Ligures* præfectus 36. D
— viginti *Ligusticas* naves *Venetias* in triumphum duxit. 36. E
Angelus Baduarius primus in *Rivoalto Ducalem* sedem consequitur. 4. B
— fuit vir ad rempubl. administrandam idoneus. 4. B
— — belli contra *Pipinum* præcipuus auctor. 4. B
— — relicta *Methamauco* in *Venetis* insulas concessit. 4. C
— — leges instituit. 4. D
— — cives *Venetos* in ordines distribuit. 4. D

- Angelus Baduarius plus consilio quam vi gessit. 4. E
— per amicitiam Regum magis, quam bello aut armis rem *Venetam* augere studet. 4. E
— — civitatem religione & justitia stabilis. 4. F
— — *Utricum Patriarcham Aquilegiensem* in prælio cepit. 5. C
— *Venetias* in triumphum ducit. 5. D
— — memorabile triumphi exemplum posteris reliquit. 5. D
— ludos taurorum ob victoriam in *Carnos* institui curavit. 5. D
— — *Heracleæ* fuit natus. 5. E
— *Heracleam* à *Gallis* oppressam, instaurat. 5. E
— decem annis reipublicæ præfuit. 5. E
— prius urbem legibus quam opibus munivit. 5. E
— — in *Cenobio D. Hilarii* fuit sepultus. 5. F
Antonius Ericius Prætor *Byzantinus*. 43. E
Antonius Stella à *Monachis Cænobii Mosis* injuriis afficitur. 18. D
— ejusdem patientia. 18. F
Aureus Hermes fluvius *Æoliam* ab *Ionia* dividit. 43. F

- B.
Balduinus Gotifredo *Bolonio* fratri successit. 18. A
— multa privilegia *Venetis* in *Syria* concessit. 18. C
— *Flandriæ* Comes *Venetias* venit. 28. C
— Imperator eligitur. 29. A
— Roberti filius *Byzantii* Imperator. 36. C
Barium Dauniæ oppidum, 12. E
Basilus & *Constantinus* Imperatores fratres *Mariam* neptem *Joanni Urseolo* in matrimonium collocant. 15. C
Bela Rex *Hungarorum*. 33. D
Bellerus Justinianus Dux belli creatur. 48. B
— classem *Græcorum* dissipat. 48. D
— ad *Iadrensem* urbem recipiendam mittitur. 49. A
Bellerus Justinianus *Iaderam* in fidem accepit. 49. C
— — rebus in *Dalmatia* pacatis, classem in patriam reduxit. 49. C
Bene-

INDEX MEMORABILIU M.

Benedictus III. Pontif. Max. Venetiis D. Zachariae ædem invisit. 6. F.
 — Pontif. Pancratii & Sabine corpora Cœnobio D. Zachariae misit. 6. F.
 Benedictus IX. Pontifex Max. 16. C.
 Benevolentia hominum Principes & civitates fortius, quam arma, munit. 13. F.
 Berithus urbs Syriæ. 18. B.
 Bernardus Justinianus historiam Venetam per 400. annos conscripsit. 19. B.
 Blasius Zenus legatus Venetus ad Pontificem. 52. D.
 Blondus scriptor egregius. 19. A.
 Bonifacius Faletrius Ecclesiam Cathedralem instaurat. 22. D.
 Bonifacius Monferratenfis comes Venetias venit. 28. C.
 Bononienfes cum Venetis triennio bellarunt. 35. F.
 Bragola est locus ubi olim templum D. Joannis fuit. 5. B.
 Byzantium Vatazus obsidet. 31. F.
 C.
 Calomanus Pannoniæ Rex. 19. C.
 Canalis Orphanus locus ita dictus à memorabili Gallorum cæde. 3. C.
 Candacum urbs celeberrima insule Cretæ. 31. C.
 Caphata alias Theodosia. 50. A.
 Capua Campaniæ urbs. 12. E.
 Carmelus mons. 34. F.
 Carolus Francorum Rex cognomento Magnus dictus. 3. A.
 Carolus & Andreas Danduli classi Venetæ præficiuntur. 46. B.
 — naves Ligusticas merce onustas superant. 46. C.
 Celox genus navium. 46. E.
 Cerviæ Cives ultro Venetis se dederunt. 36. A.
 Chius mediterranei maris insula. 22. A.
 — insula Genuensibus à Græcis data. 38. A.
 Cianus Friderici classem vicit. 26. D.
 — Otthonem Imperatoris filium Venetias in triumphum duxit. 26. E. F.
 — ejus opera Alexander pristinae dignitati restituitur. 26. F.
 — ab Alexandro Pontif. maris desponsationem accepit. 26. F.
 — ejus memorabilia instituta. 27. A. & seqq.
 Civitas unde dicitur. 4. D.
 Cœnobium D. Benedicti Faletrii viri patritii condiderunt. 15. E.
 — D. Hilarii ab Angelo Baduario proprio ære fuit extructum. 5. F.
 — Zachariæ tempore Angeli Baduarii fuit conditum. 5. A.
 — D. Hilarii à Justiniano Baduario Angeli filio fuit locupletatum. 5. F.
 Comaculum oppidum à Petro Sanuto expugnatum. 11. C.
 Constantia Gulielmi Siciliæ Regis filia religionis vinculo solvitur. 25. E.
 — Henrico Imperatori Friderici Ænobarbi filio nubit. 25. F.
 Constantinus & Basilus Imperatores fratres Mariam nepiem Joanni Urseolo in matrimonium collocant. 15. C.
 Corcyra insula in mari Hadriatico. 23. E.
 Corinthus Achajæ caput; totiusque Græciæ decus. 23. E.
 — quondam nobilissimum Europæ emporium. 23. F.
 Crotto urbs athleticis memorabilis. 6. C.
 D.
 Dalmasius Hispanus homo perfidus 49. B.
 — pecunia corruptus ad hostes transfugit. 49. B.
 Damiata nobile emporium. 34. F.
 Disciplina militaris etiam ignavis animum addit. 1. C.
 Dominicus Contarenus Dux Venetus. 15. F.

Dominicus Contarenus Iaderam Dalmatiæ urbem in ditionem iterum cepit. 16. A.
 — Emporium hebdomadarium sanxit. 16. D.
 — ab Henrico Imperatore III. immunitates obtinuit. 16. E.
 — Cœnobium D. Nicolao crexit. 16. F.
 — D. Angelo Virginium instruxit. 16. F.
 — 26. Principatus sui anno moritur. 17. A.
 — in templo D. Nicolai tumultatur. 17. A.
 Dominicus Gradonicus Venetus Olivolensis Antistes. 14. B.
 Dominicus Michaël classem Saracenicam apud Joppen opprimit. 21. A.
 — Joppen urbem recepit. ibid.
 — Siciliæ regnum oblatum negligit. 22. C.
 — attulit lapidem, super quem Abrahamus Isaacium filium voluit interimere. 22. C.
 — atque eum, super quem Moses Deum est allocutus. 22. C.
 — & illum, super quem Christus apud Tyrum discipulos docens sedebat. 22. C.
 — lapidem ubi nunc lustrantur infantes attulit. 22. D.
 — pecunia indigens, ex corio bubulo nummos obsignat. 21. E.
 — inde ejus familia in insignibus, aurcos nummos gerit. 21. F.
 Dorsum durum pars urbis Venetæ. 8. C.
 — unde dictum. ibid.
 Dyrrachium Epiri urbs, Ciceronis exilio celebris. 32. F.

E.

Ecclesia Danielis tempore Angeli Baduarii fuit extructum Bragadenis viris patritiis. 5. B.
 Emanuel Constantinopolitanus Imperator contra Venetos arma movet. 24. F. 25. A.
 — Duce Rege Pannoniæ Spalaturn, & alias Dalmatiæ urbes diripit. 25. A.
 — Venetis armis oppressus. 25. C.
 — pacem postulat. 25. C.
 — fontes & flumina, unde Veneti aquam hauriebant, veneno infecit. 25. D.
 Epidaurum hodie Malvasia. 38. B.
 Equilini incolæ Veneti. 2. A.
 — postea Jesulani sunt appellati. 2. A.
 Eventus belli sunt incerti. 9. B.
 Eugenius III. Pontifex Max. Pisis oriundus. 23. B.

F.

Faletrii viri Patritii D. Benedicti ædem & Cœnobium condiderunt. 15. E.
 Fanum Piceni Umbriæ urbs. 23. A.
 Farannia ab Ordelapho Faletrio expugnatur & depredatur. 18. C.
 Felicitati humanæ non est credendum. 2. B.
 Fortitudo est, cum ab hoste vincaris, liberum animum servare. 47. E.
 Fortuna virorum fortium est amica. 9. D.
 — est rerum humanarum domina. 46. A.
 — felicitatis noverca. 50. E.
 Franciscus Barotius Bergomensis Antistes. 40. B.
 — postea sedem patriarchalem Venetiis consequitur. 40. B.
 Fridericus Ænobarbus Venetis bellum denuntiat. 26. D.
 — Venetos imperii hostes appellat. 26. D.

G.

Gentilis Belinus egregius pictor. 29. F.
 — à Venetiis Byzantium vocatur. 29. F.
 — arma Imperatoria Henrici Venetias asportat. 29. F.
 — ensen & clypeum imperatorium Marco Dandolo donat. 30. A.
 Genuenses totam classem Venetam deterunt & Imperatorem captivum ducunt. 47. A & seqq.

INDEX MEMORABILIU M.

Genuenses inducias in annos 9. cum Venetis paci-
 scuntur. 33. A
 Gilbertus Dandulus classi Venetæ contra Ligures &
 Græcos præficitur. 38. E
 — — Ligusticam classem detruit. 39. A. B
 Gombariæ sunt genus navium. 11. E
 Gotifridus Bolionius Hierosolymas capit. 17. F
 — — Hierosolymitanus Rex. 18. A
 Gradonicus Protospatarii dignitate ab Imperatore
 fuit donatus. 6. B
 — varia bella cum Narentanis gessit. 6. A
 — Sclavos Dalmatiam atque Illyricum tenentes
 domuit. 6. B
 — in Saracenos classem solvit. 6. B
 — fædam cladem est perpeffus. 6. D.
 — totam classem excepta Ducaria triremi amisit,
 6. B.
 — templo Laurentii vestales virgines adjunxit. 7. A
 — phanum D. Margarithæ erexit. 7. A
 — vulneratus occubuit. 7. A
 — tumulatus in Cœnobio Zachariæ. 7. D
 Gregorius XII. Pontif. Max. 42. A
 Gulielmus Gallici sanguinis vir, Achajæ & Bitby-
 niæ Princeps. 38. B
 — à Paleologo in vinculis diu detentus. 38. B
 — Siciliæ Rex. Rogerii successor. 24. F
 Hemones annum olei tributum Venetis dant. 24. E
 Henricus IV. Imperator filie Faletrii Ducis, sacri
 fontis præstitit officium. 19. A
 — venit Venetias. 19. B
 — multa privilegia Venetis concessit. ibid.
 Henricus Imperator Otthonis III. successor in pu-
 blicis literis Urseolum Principem Dalmatiæ vo-
 cat. 15. A
 — Contarenus Pisanos vicit. 17. D
 — — Smyrnam capit. 17. E
 — — Smyrna D. Nicolai Episcopi, ac Theo-
 dori martyris corpora abstulit. 17. E
 — Dandalus in bello gerendo fortunatissimus, in
 rebus agendis consilio præstans. 28. A
 — — Polam & Mugliam à Pisani occupatam
 recipit. 28. C
 — — ejus gesta. 28. E. F
 — — quatuor æneis equos Venetias adduxit. 29. B
 — — Lucie corpus Venetias vehi curavit. 29. C
 — — Romanie partem Veneto imperio adjecit.
 29. D
 — — Cretam insulam patriæ adjunxit. ibid.
 — — Byzantii vitam naturæ reddidit. 29. E
 — — in atrio Ædis D. Sophiæ à Justiniano
 Imperatore constructæ sepelitur. 29. E
 — — cadaver à Maomethe postea effossum. 29. E
 Henricus Regulus Græcus Cretam insulam aggre-
 ditur. 30. E
 Heraclia hodie nova civitas appellatur. 5. E
 Heracliani incolæ Venetiarum. 2. A
 — & Equilini ob fines discordes. 2. A
 Hieronymus Ferrus magistratum triumviralem ges-
 sit. 7. D
 Histri Veneti nominis hostes acerrimi. 10. F
 — cum Venetis de maris possessione certant. 10. F
 — raptis virginibus cum omni supellectile, Ca-
 prulas petunt. 11. A
 — centum cados vini Principi Veneto singulo anno
 solvunt. 11. D
 Horleus primam laudis Coronam inter Venetos me-
 ruit. 1. A
 — Prædeum hominem Vincentinum vita & regno
 spoliât. 1. B
 — Ildeprandum vivum in triumphum duxit. 1. B
 — primus Venetum nomen illustravit. 1. B
 — primus militarem disciplinam & bellandi artem
 condidit. 1. B
 — Paulum Ravennatis Exarchum in sedem resti-
 tuit. 1. B

Horleus juventutem Venetam omni militarium ope-
 rum genere instruit. 1. C. D
 — bellicæ rei fama celebris, domesticum odium
 evitare non potest. 2. A
 — re bellica fortunatus, domi infelix. 2. A
 — ob nimiam animi elationem invisus interficitur.
 2. B
 — justam temeritatis pœnam solvit. 2. C
 Hunni nunc Ungari vocantur. 10. A
 — sunt Scythicum genus. 10. A
 — gens dira, omni ratione penitus carens. 10. A
 — senio & ætate confectos devorant. 10. A
 — Macedoniam, Mysiam, Achajam relinquunt.
 10. B
 — per Germaniam in Illyrium veniunt. 10. B
 — Eracium, Equilium, Clodiam, Methamau-
 cum clade afficiunt. 10. B
 — eodem loco, quo cum Pipino dimicatum, à Pe-
 tro Trono sunt profligati. 10. E
 Hydruntum magnæ Græciæ oppidum. 46. E
 I.
 Jacobus Contarenus filius Dominici Contareni Du-
 cariam adipiscitur sedem. 17. A
 — Teupulus Cretæ insule Ducario nomine præ-
 ficitur. 31. A
 — — Laurentii filius in Syriam missus. 36. A
 — — præ nimia modestia Ducatum abnuît. 36. A
 — summum modestiæ exemplum posteris reliquit.
 36. B
 Iadera præsidio à Venetis privatur. 22. B
 Iadrenses Venetum magistratum Joannem Mauro-
 cenum ejecerunt. 19. C
 — Joannem Michaëlem prætorem urbe pellunt.
 33. C
 Imperium viri docti est prudens, viri gravis est ju-
 sum. 13. E
 Incendium magnum oritur Venetiis. 18. D. 19. A
 Integritas Senatorio viro est maxima. 7. D
 Invidia dicitur cæca, quia alium corrumpere nititur,
 sæpe in suam cladem præceps ruit. 2. D
 — semper petit sublimia ut ignis. 2. D
 Joannes Pontifex XII. 52. D
 — Baduarius Ursi filius virtute clarus. 7. F
 — — collega patri datur. 7. F
 — — Ursi filius patri successit. 8. C
 — — Phanum D. Cornelio & Cypriano extru-
 xit. 8. D
 — — Petrum Candianum sibi viventi surrogari
 postulat. 8. E
 — — Principatum iterum sponte deponit. 8. F
 — — cum annis sex civitatem gubernasset, o-
 biit. 9. A
 — Baptista Contarenus magistratum triumvira-
 lem gessit. 7. D
 — — Egnatius sacerdos D. Marci. 13. C
 — — historiam domesticam conscripsit. 13. C
 — Barotius Tarvisinæ Ecclesiæ antistes. 40. B
 — Cantacuzenus æmulus Paleologi. 48. A
 — Constantinus Imperator vocatus Calojanes.
 21. F
 — Dandulus primus auream monetam cudi jussit.
 42. A
 — — hæreticorum bona, sub hasta vendi lege
 sanxit. 42. A
 — Michaël Vitalis Ducis filius Imperator eligi-
 tur. 17. D
 — — Clodiensis Prætor. 33. F
 — Petri Urseoli II. filius cum Maria Constan-
 tin: peste moriuntur. 15. D
 — Polanus Petro Polano fratri succedit. 23. E
 — Superantius ad Ducatus apicem evehitur. 44. C
 — — nihil præstantius arbitratur, quam de
 patria benemereri. 44. D
 — — Procurator eligitur. 45. C
 — — Dux creatur. 45. C
 Joan-

INDEX MEMORABILIU M.

Joannes Superantius *Decemvirale collegium perpetuum* sanxit. 45. D
 — — *Salinum caput exstrui jussit.* 45. D
 — — *procuratoriam majestatem ampliavit.* 45. E
 Johannes Teupulus *classē contra Fridericum Imperatorem dūctavit.* 32. E
 — — *Polanos omnifariam munitiōibus nudat.* 32. F. 33. B
 Joannis Baptistæ *manus inter flammās illæsa est reperta.* 19. B
 Joppe Syriæ *urbs à Dominico Michaële obsidebatur.* 20. F
 Ira est inimica consilio, præsertim in victoriā. 16. B
 Isidori corpus ex insula Chio Venetias asportatur. 22. A
 Jus unde stat, victoriā inclinat. 12. A
 Italia antiquitus Gallorum dicto parebat. 2. D
 — terra omnium felicissima. 10. D
 Justiniana familia fere universa fato perit. 25. E
 Justinianus Cretæ insulæ Ducario nomine præficitur. 50. D
 — contra Paganum Turrianum mittitur. 51. A
 — Procuratoris munere ornatur. 51. A
 — Patavium legatus mittitur. 51. B
 — Baduarius Angeli filius legati nomine ad Imperatorem missus. 5. A
 Justinopolitani ultro Venetis se dedunt. 11. C

L.

Lampadius Aurius Genuensium classis præfectus. 46. B
 Lanfrancus Borbonius classis Ligusticæ præfectus. 40. D
 Laurentius Teupulus *classē Ligusticā incendio absumit.* 35. B
 Leo IX. Pontif. Max. bene de republica Christiana meruit. 16. E
 — — Venetias tempore Contareni venit. 16. E
 — — remissiones culpæ & alia privilegia Venetis dedit. 16. F
 — Gavalla fama illustris Classis hostium præfectus. 32. B
 — Vetranus Genuensis prædo nefarius. 30. C
 — — à Rain. Dandulo & Rog. Permarino vi-ctus Corcyram adducitur. 30. C. D
 — — ibique laqueo perit. 30. D
 Leonardus Quirinus, validæ classis præficitur. 31. E
 — Venerius Procurator. 37. D
 Lex Venetorum de pendendis vectigalibus. 41. C
 Libertas est omnium rerum charissima. 39. A
 Ligures classe renovata apud Tyrum Venetis occurrunt. 35. D
 — Venetorum onerarias capiunt. 39. C
 — navem Venetam non vulgaris magnitudinis capiunt. 40. F
 Longobardi gens immanitate barbara. 1. B
 — multitudine innumerabiles. 1. B
 — omni copiarum genere abundantes. 1. B
 Ludi Mariani à Petro Sanuto instituti per 40. annos perseverarunt. 11. B
 — — Ligustico bello sunt sublati. 11. B

M.

Magistratus triumviri tam nobilis, quam reipublicæ necessarius. 7. B
 — tempore Urbi Baduarii instituitur. 7. B
 — munus est, de criminibus judicare. 7. C
 — & jura civitatis tueri. 7. C
 — Decemviralis omnium gravissimus habetur. 7. D
 Malum malo sæpius additur. 19. C
 Maometh secundus Turcarum imperator. 29. E
 Marcus Gradonicus Byzantii prætor. 37. C
 — — Venetæ classis præficitur. 40. D
 — — vires Genuensium ita fregit, ut moritura omnia viderentur. 40. E

Marcus Gradonicus octo Genuensium onerarias captas Venetias misit. 41. A
 — Guffonius classis Venetæ præficitur. 31. E
 — — Byzantium, victa hostium classe, obsidione levat. 32. B
 — Julianus Charitatis Ædem cum Cœnobio erexit. 22. E
 — Justinianus Prætor Acconis. 35. C
 — — classis Imperator dictus. 51. C
 — — Venetias urbem frumenti caritate levavit. 51. C
 — — victoriā contra Ludovicum Hungarorum Regem reportavit. 51. D
 — — ad Regem Pannoniæ Ludovicum legatus missus. 51. E
 — Michael toti Venetæ classis & bello præficitur. 37. F
 — — magna Eubœæ insulæ parte potitur. 38. C
 — — procuratoria dignitate illustratur. 38. E
 — Ruzinius incruentam de Genuensibus victoriā reportavit. 54. A
 — — decem naves Genuensium cum præfecto classis cepit. 54. D
 — — circa Bosphorum Thracium iterum felicissime pugnat contra Genuenses. 55. A
 — — ingentem prædam domum retulit. 55. A
 Marinus Georgius Dux, ob vitæ integritatem, Sancti cognomen adeptus. 45. C
 — Maurocenus legatus ad Pannones missus. 20. C
 — — Beceda cognomento dictus, copiarum terrestrium Venetarum ductor. 42. F
 — — Legatus Venetus ad Pontificem. 52. D
 — Zenus primus novum Byzantii magistratum gessit. 30. A
 — Turrianus Mediolanensis Princeps. 34. E
 Maurus Olivolensis Antistes Urbi successor. 7. A
 Mediocritas rerum est salus reipubl. 4. B
 Methamaucus locus nobilis, propter sedem Ducis. 3. E
 Metho Peloponnesi urbs. 22. A
 Michaël Curoplates Imperator cum Carolo Gallorum Rege fœdus init. 3. E
 Miles strenuus non sibi solum, sed posteris gloriam comparat. 2. A
 Mutationes rerum sunt minimis sæpe momentis. 19. F

N.

Narentani Caprulas prædantur. 6. E
 — à Sclavis, Scythica gente orti. 11. D
 — raptō atque latrociniiis vivunt. 11. D
 — clade attriti, pretio pacem redimunt. 12. A
 — leges à Venetis acceperunt. 14. E
 Nicolaus Justinianus familiam pene lapsam, è tenebris in lucem restituit. 25. F
 — — pristinae religionis memor, ad Cœnobium rediit. 25. F
 — — edificavit Virginium non longe à Torcello. 25. F. 26. A
 — — Virginium ædificatum D. Adriano dicavit. 26. A
 — — in hoc ejus uxor Anna monasticam vitam egit. 26. A
 — — ne familia interiret reliquit Monasticam vitam. 25. E
 — — Annam Vitalis Ducis filiam duxit. 25. E
 — — à Nicolao III. Pontif. Max. à canonibus solvitur. 25. E

O.

Occasio omnium rerum gerendarum est mater. 31. F
 Ordelaphi Faletrii corpus à suis Venetias est delatum. 20. C
 — — tempore duo templa sunt erecta. 20. C
 Ordelaaphus Faletrius Venetorum classis præfectus. 18. B
 — — Iaderam obsidet. 19. D
 Or-

INDEX MEMORABILIU M.

Ordelaſphus Faletrius Hungaros ex Panmonia venientes fundit. 19.D
 — — — univerſam Dalmatiam vindicat. 19.E
 — — — Liburniam Imperio Veneto adjecit. 19.E
 — — — titulum Ducis Croatiae Duci Veneto primus addit. 19.E
 — — — multos Illyrici Regulos in triumphum duxit. 19.E
 — — — telo ab Hungaris tranſfixus concidit. 20.
 A.B
 Ottho III. Venetis pallium aureum annuum remiſit. 15.A
 Ottho Petri Urſeoli II. filius Patri Collega conſtituitur. 15.E
 P.
 Paganus Turrianus Patavinus Antifteſ. 51.A
 Palantus Dux Laconum. 6.C
 Paleologus vehementis ſpiritus vir. 37.B
 — — — Byzantium concubina nocte capit. 37.C
 — — — loca Byzantini Imperii infeſtat. 37.E
 — — — & Genuenſes Turcas primum in Europam traduxere. 44.B
 Panthaleo Juſtinianus Antifteſ Byzantii. 37.C
 Parentini Venetis ſeſe ſubjecerunt. 24.E
 Parentium Hiſtriae urbs. 14.C
 Patavini à Venetiis deficiunt. 23.C
 Patriae omnes naſcitur, teſtante Platone. 12.B
 Paulus Ciuranus claſſe rem frumentariam civitati ſuppeditat. 3.D
 — — — Ciuranorum familiae auctor. 3.D
 Paulus Exarchus Ravennatis Dux ſede ſua pellitur ab Ildeprando. 1.A
 Pax injuſta ſæpe utilior eſt quam juſtiſſimum bellum. 7.B
 Pecunia bellorum nervi appellatur. 21.E
 Pepo Gradenſis Patriarcha. 16.C
 Perinthus Genuenſium colonia non ignobilis. 43.D
 — — — Liguribus à Paleologo data. 43.D
 — — — locus ad converſendas merces opportunus. 43.E
 — — — olim Galatæ, ad quos Paulus literas dedit, incolebant. 43.E
 — — — Peram dictam, Sabellicus teſtatur. 43.E
 — — — locum hunc Maurocenus adæquat. 43.E
 Pernicies civitatum perſiti viri. 5.C
 Peſtilentia immaniſſime tempore Petri Urſeoli II. Venetiis graſſatur. 15.D
 Peſtilentia famis comes. 15.D
 Petrus Barotius Aloyſii filius Patavinus antiſteſ. 40.B
 — — — Candianus viventi Joanni Baduario ſurrogatur. 8.E
 — — — Dandalus D. Marci procurator. 33.F
 — — — Gatiloſus Ædem Clementis conſtruit. 24.A
 — — — Lauretanus magiſtratum triumviralem geſſit. 7.D
 — — — Michaël in Corcyram mittitur. 30.D
 — — — Polanus Gener Dominici Michaëlis Venetorum Dux. 22.F
 — — — pactum cum Dalmatis ferit. 23.B
 — — — Roſulus & Urſus Baduarius Narentinos proſtigant. 11.F. 12.A
 — — — Sanutus ex Candiana familia, hodie Sanuta appellata. 9.A
 — — — Gradum ab Hiſtris delatus, & pro dignitate ſepelitur. 9.D
 — — — cum ſeptennio civitatem rexiffet, naturæ conceſſit. 11.D
 — — — dimicando occubuit. 9.B
 — — — ex honeſto interitu, glorioſam ſibi vitam quaſivit. 9.D
 — — — Hiſtros in præda dividenda occupatos oppreſſit. 11.A
 — — — filius Petri, qui adverſus Narentinos in prælio periit. 11.A
 — — — omnem prædam ab Hiſtris recepit. 11.A

Petrus Sanutus ludos Marianos inſtituit. 11.B
 — — — Tronus alias Tribunus Dux Venetus eligitur. 9.E
 — — — — tum reipublicæ præfici dignus ſolus eſt judicatus. 9.F
 — — — — à Leone Imperatore Protoſpatarius efficitur. 9.E
 — — — — mœnia primus urbi conſtruit. 9.F
 — — — — catena Eurippum intercluſit. 9.F
 — — — — per aliquot dies cum Ungaris pugnat. 10.D
 — — — — in Ungaros illuſtri victoria potitur. 10.E
 — — — — undevigeſimo ſui Principatus anno obiit. 10.E
 — — — — in Cœnobio D. Zachariæ reconditur. 10.E
 — — — — Urſeolus invite Principatum ſuſcipit. 12.B
 — — — — Ducarium ære proprio reſtituit. 12.C
 — — — — Saracenos prælio ſuperat. 12.E
 — — — — cum Otthone Imperatore in gratiam redit. 12.F
 — — — — cum Juſtinopolitanis fœdus percuſſit. 12.F
 — — — — Principatu ſponte ſe abdicat. 13.A
 — — — — reliquit conjugem, & continentiam perpetuam ſervavit. 13.B
 — — — — genuit filium, quod ei ab Angelo nuntiaretur antequam uxor ventrem geſtaret. 13.B
 — — — — in Aquitania Galliae provincia in Cœnobio D. Michaëlis de Cuſſano reliquum vitæ egit. 13.B
 — — — — ædes privatas, pium hoſpitiū ſub D. Marci nomine ſanxit. 13.C
 — — — — miraculis illuſtris. 13.D
 — — — — agit cum Baſilio & Conſtantino Imperatoribus Conſtantinop. 14.A
 — — — — II. trigeſimo ætatis anno Dux Venetus eligitur. 13.E
 — — — — Joannem filium legatum ad Otthonem III. Imperatorem mittit. 13.F
 — — — — ejus facta. 14.C. D. E. F.
 — — — — lapidia, Hiſtria, Liburnia, Illyrio, Dalmatiæque potitur. 14.D
 — — — — Venetiarum ac Dalmatiæ Princeps primus dictus. 15.A
 — — — — cum Otthone III. Venetiis familiariter multa egit. 15.B
 — — — — multa jura conſequitur. 15.B
 — — — — filios, Otthonem & Johannem, legatos ad Baſilium & Conſtantinum Byzantium miſit. 15.C
 — — — — fortunas ſuas teſtamento dividit. 15.E
 — — — — duodeviginti annis Civitati præfuit. 15.E
 — — — — ad D. Zachariæ eſt ſepultus. 15.F
 — — — — Zenus Imperator contra Turcas decernitur. 52.E
 — — — — primus opima ſpolia de Turcis in patriam reportavit. 53.A
 — — — — Claſſi iterum præſcitur. 53.B
 — — — — Smyrnam Ioniæ urbem Homeri alumnæ pervenit. 53.C
 — — — — cum ſuis divinis rebus operam dans perit. 53.E
 Phantum Deiparæ Urſus Baduarius inſtaurat. 8.B
 — — — — vulgo Sancta Maria Formoſa appellatur. 8.B
 — — — — D. Georgii magiſtratus Venetus quotannis religionis cauſa petit. 20.D
 — — — — Hermacoræ combuſſit. 19.B
 — — — — D. Margarithæ Gradonicus erexit. 7.A
 — — — — Michaëlis Muriano præjacet. 13.E
 — — — — Moſis conflagravit. 18.D
 Pha-

INDEX MEMORABILIU M.

Phanum Olivolense instituitur. 4. F
 — nunc est locus Patriarchalis. 4. F
 Philippus Belegnus Venetus legatus ad Pontificem. 52. D
 Phoea Ioneæ urbs. 43. F
 Pipinus filius spurius Caroli Magni. 3. A
 — fuit vir animi corporisque robore strenuus. 3. A
 — omnia Venetorum loca suburbana opprimit. 3. A
 — Venetos terra marique urget. 3. A
 — à Victore Heraciano vincitur. 3. C
 — urbes Venetæ ditioni parentes capit. 3. D
 — loca prophana & sacra populatus est. 3. E
 — Mediolani juvenis adhuc moritur. 3. E
 Pola Histrie oppidum. 51. A
 Polycarpus Episcopali dignitate clarus. 53. C
 Prudentia est militaris fortitudinis parens. 32. A
 Ptolemais, postea Accon, nunc Acris, urbs Syriae. 18. B
 — nobile emporium. 34. F

R.

Raimundus Turrianus homo factiosus antea Novocomensis Episcopus. 42. A
 — Aquilejensis Antistes declaratus. 42. A
 Rainerius Dandulus Cretam recipit. 30. F
 — Henricum Regulum Græcum cum quatuor Genuensium navibus capit. 30. F
 — Procuratoria dignitate à Venetis honestatur. 30. F
 — venenato telo transfixus perit. 31. B
 — Zenus toti classi præficitur. 33. D
 — Iaderam civitatem domuit. 33. D
 — Friscum Ligusticæ classis præfectum, Venetias in triumphum duxit. 34. B
 — ob victoriam in Ligures obtentam insigne gentilitium mutat. 34. B
 Rainerii Zeni facta & instituta. 34. B. C
 Ravennates & Taurisini arma junxerunt cum Patavinis. 18. C
 Regnum non diu durat, nisi justitia & religione præpollet. 4. F
 Reliquiæ quæ servantur in templo Zachariæ. 5. A
 Res mortalium sunt caducæ & fragiles. 2. B
 Rhodus Carpathii maris insula. 22. A
 Rivus altus pars urbis celeberrima. 3. B
 Robertus Viscardus genere Normannus. 16. C
 — Apuliæ Ducatum Magnæ Græciæ occupavit. 16. D
 Rogerius, Rogerii comitis Siciliæ filius. 23. C
 — mortuo Gulielmo Apuliæ Duce, Daunia, Græcia magna Lucania, Campaniaque potitur. 23. C
 — Italiæ Regem se dicitat. 23. C
 — inscribit versum ensi. 23. D
 — Emanueli Imperatori bellum indixit. 23. D
 — indictum fortiter gessit. 23. D
 — Siciliæ Rex à Venetis victus. 23. F
 — Maurocenus Justinopolitanus Prætor electus. 43. A
 — classe ad impetus Genuensium reprimendos mittitur. 43. C
 Romualdus Ravennas Camaldulensium Monachorum author. 13. D
 — multos ad monasticæ solitudinis cultum traxit. 13. D

S.

Sabba Saracenorum Dux. 6. B
 Salinum caput cui usui. 45. C. D
 — Dovana hodie appellatur. 45. E
 Salus reipublicæ sunt leges bonæ. 5. F
 — reipubl. consistit in eo, ut non tam auro quam virtutibus imbuta appareat. 4. B
 — reipubl. est rerum mediocritas. 4. B
 — reipublicæ, quæ. 4. D
 Saraceni Italiam vastant. 6. B
 — Dalmatiam invadunt. 6. D

Saraceni Histriam vastant. 6. D
 — Venetas onerarias naves diripiunt. 6. E
 — insula Creta sunt potiti. 7. E
 — Gradum urbem obsidione circumfident. 7. E
 — Capuam invadunt. 15. B
 Siciliam Veneti injuriis affligunt ac vastant. 23. F
 Sidon urbs Cretæ, hodie Canea. 40. F
 — a Liguribus penitus diruitur. 41. A
 Sigibertus Quirinus in Corcyram mittitur. 30. D
 Socordia senescere turpe arbitrat. 2. A
 Solomon Pannoniæ Rex. 16. A
 Spalatum urbs Pannonum. 22. B
 Stephanus Foscarenus in Corcyram mittitur. 30. D
 — Justinianus legatus ad Belam, Pannoniæ Regem. 33. F
 — Pannoniæ Rex Venetorum hostis infestissimus. 25. A
 Sultanus Imperator Ægyptius Christianum nomen ex Syria sustulit. 43. B
 Sydon urbs Syriæ. 18. B
 — nunc Accon appellatur. 34. F

T.

Tarentum Calabriae urbs. 6. B
 — in ultimo Italiæ loco circa Salentinorum consinia ædificata. 6. C
 — à Tara Neptuni filio est ædificata. 6. C
 — à Laconibus aucta. 6. C
 Templum Divi Joannis tempore Ang. Baduarii fuit constructum. 5. B
 in Templo Zachariæ custoditur corpus prophetæ Zachariæ. 5. A
 — pars Salutiferæ crucis. 5. A
 — pars Dominicæ vestis. 5. A
 — pars quoque vestis virginis Deiparæ. 5. A
 Templum Zachariæ tempore Angeli Baduarii fuit conditum. 5. A
 — à Justiniano Baduario Angeli filio fuit locupletatum. 5. F
 — Benedictus III. Pontif. Rom. Venetiis invisit. 6. F
 — D. Zachariæ à Benedicto III. Pontif. Max. corporibus Pancratii & Sabine donatur. 6. F
 Tergestum Romanorum colonia. 42. F
 Thebæ urbs Bæotiæ. 23. F
 Theodosia, hodie Capba Tauricæ Chersonesi urbs. 44. E
 — à Superantio oppugnatur. 44. F
 Theophilus Michaëlis Constantinopolitani Imperatoris filius. 6. B
 Thomas Maurocenus Patriarcha Constantinopolit. dicitur. 29. B
 — ab Innocentio III. Pontif. Max. sacris initiatur. 29. B
 — Balduinum Imperiali stemmate inauguravit. 29. B
 Timor degeneres animos arguit. 6. C
 Tiridates Armeniorum Rex. 29. B
 Tragurium urbs Pannonum. 22. B
 Turcæ Imperatorem non habuere. 44. B
 — erant divisi per Tetrarchas & Regulos. 44. B
 — Hierosolymam urbem magno cum Christiani nominis opprobrio capiunt. 15. C
 — Asiatica olim Scythia sunt orti. 52. C
 — ab initio apud Asiæ regulos stipendia meruerunt. 52. C
 — Pontum Cappadociamque trajecerunt. 52. C
 — Galatiam, Bithyniam, Phrygiam occuparunt. 52. C
 — Hellepontum cum Christianorum dedecore & jactura superarunt. 52. C
 — sensim per Europam irrepperunt. 52. D
 Tyrannus oriri non potest, ubi leges dominantur. 5. F
 Tyrus urbs Syriæ. 18. B
 — urbs, omnium præter Hierosolymam & Antiochiam totius Asiæ potentissima. 21. B
 A. Stella. E. Ty-

INDEX MEMORABILIU M.

Tyrus subjicitur Veneto imperio.	21. D	Virtus in bello, Clementia in victoria Imperato-rem decent.	8. E
V.		Virtus per otiam marcescit.	10. C
Vallis Histriæ oppidum.	51. A	Vitalis Faletrius legatus missus ad Regem Pannoniæ	20. C
Varimundus Antistes Hierosolymitanus.	21. C	— Michaël odium inter Venetos & Pisanos clem- mentia lenivit.	24. E
Vatazus vir Græcus Ægæi insulas quasdam occu- pat.	31. D	— — Iaderæ Comes habitus.	49. C
— cum Exagonarum Rege fœdus de Byzantio in- vadendo percutit.	31. D	Ulricus Aquilegiensis Patriarcha.	5. C
Veneta classis Methonem piratarum domicilium ex- pugnat.	30. D	— homo ambitiosus & Venetæ libertatis inimi- cissimus.	5. C
— respublica aliarum optima habetur.	4. D	— Aquilegiensis Patriarcha hæresis nomine dam- natur.	5. C
— urbs intra tutissima stagna est sita.	3. A	Urbanus II. Pontif. Max. capiendarum Hierosoly- marum auctor.	17. C
— urbs perpetua æternaque Venetorum Princi- pum sedes est habita.	4. C	Urbes non solum juvenum robore, sed & consilii ope fulciri debent.	4. C
— urbs in sex partes est divisa.	8. B	Ursus Baduarius Saracenos debellat.	7. D
Venetæ felicitati non solum vicinæ urbes, sed exte- ræ gentes maxime invident.	2. D	— — à Basilio Constantinopolitano Impera- tore Protospatarii dignitate insignitur.	8. A
Veneti soli omnium patriæ jura tuebantur.	3. A	— — Basilio campanas duodenas dono mit- tit.	8. B
— Carnorum loca adoriuntur.	5. D	— — Phanum Deiparæ instaurat.	8. B
— ferro & igne omnia populantur.	5. D	— — fuit munificentissimus.	8. B
— sola laude contenti.	8. D	— — ejus tempore Græci campanis sunt usi.	8. B
— cum Patavinis bellum ad Bebias gesserunt.	18. C	— — decem & septem annis reipubl. præfuit.	8. C
— contra Pisanos arma sumunt.	23. A	— — corpus ipsis ad D. Zachariæ est dela- tum.	8. E
— Siciliam aggrediuntur.	23. F	— — & Petrus Rosulus Narentinos profligant.	11. F. 12. A
— novam coloniam in Cretam miserunt.	31. A	— Justinianus Iaderæ Prætor.	16. A
— cum Bononiensibus triennio bellarunt.	35. F	— — legatus cum Vitali Faletrio & Mari- no Mauroceno ad Pannonos missus.	20. C
— Ptolemaidem funditus evertunt.	36. F	— Particiacus Angeli Baduarii pernecessarius.	4. F
— soli contra Turcos arma sumpserunt.	52. E	— — Antistes Olivolensis.	7. A
Venetis oritur bellum cum Bononiensibus.	41. B	Vulpertinus Aquilegiensis Antistes.	8. B
Vicissitudo est omnium rerum.	2. B. 5. B	Z.	
Victor Heraclianus Imperator à Venetis eligitur.	3. B	Zena familia originem suam à Zenone Impera- tore ducit.	33. D
— — Pipinum vincit.	3. C		
— Heraclius Ducariam sedem in Rivum altum primus transtulit.	4. A		
Victoria inclinât, unde jus stat.	12. A		
— natura insolens & superba.	16. B		
— semper ad æquitatis partem inclinât.	32. A		
— natura insolens.	37. E		
Vincere seipsum majus est quam multos alios vince- re.	22. B		

F I N I S.



NICOLAI CRASSI,

Junioris, Philosophiæ, & F. U. C.

ELOGIA
PATRITIORUM
VENETORUM

Belli, Pacisque artibus

ILLUSTRIUM.

Editio Novissima, priori nitidior & emendatior.



LUGDUNI BATAVORUM,

Sumptibus PETRI VANDER Aa,

Bibliopola, Academiae atque Civitatis Typographi.

P R Æ F A T I O

HUJUS NOVÆ EDITIONIS.

LECTORI SALUTEM.

V*enetæ* Reipublicæ Magnificentia , ad quam Urbs illa ex adeo parvis & minimis excrevit initiis , primo quemvis docet intuitu , sanctissimis ipsam semper rectam esse legibus a Conditoribus & Gubernatoribus sapientissimis. Maximum autem talium Virorum ex Patritiorum *Venetorum* Amplissimo Confessu , omni hujus Reipublicæ ætate , fuisse proven- tum , & *Veneti* Nominis hostes vel inviti fateri cogun- tur. Dignissima tanta Reipublicæ ornamenta , quo- rum memoria & merita Patriæ præstita per omne ce- lebrentur ævum , judicans *Nicolaus Crassus* , Patritio- rum *Venetorum* , quos res insigniter gestæ reddiderant illustres , Elogia posteritati communicare constituit , & pro ea , qua pollebat , facultate & styli elegantia præstitit , teste orbe literario , egregie. Prodierunt hæc Elogia , *Superiorum Permissu , & Privilegiis* , Anno 1612. *Venetiis* , in *Quarto* , apud *Evangelistam Deu- chinum*. Inscripta erant : *Nicolai Crassi Junioris Elo- gia Patritiorum Venetorum , Belli , pacisque artibus il- lustrum*. Cum autem Liber non minus rarus quam carus evaserat , illum denuo hac nova Editione publi- ci juris facere constituimus , in qua quid præstiteri- mus , paucis sic habeto. Omnem adhibuimus indu- striam , ut Opus qua typos , qua chartam exhibeatur nitidissimum. Errores typographicos , qui in priori Edi- tione remanserant , sedulo sustulimus. Nomina pro- pria , ut eo felicius occurrant , diversis a contextu im-
* 2 pri-

PRÆFATIO HUIUS NOVÆ EDITIONIS.

primi iussimus literis. Numeros paginarum Editionis veteris in nostra ad marginem notavimus : hac ratione consulere volentes Lectoris commoditati, ut, si forte ex illa quædam occurrerent ab aliis scriptoribus citata, ea in hac reperiri possent absque molestia. Ac ut uno statim pateat intuitu, quorum Heroum hic habeantur Elogia, illorum Nomina, secundum ordinem alphabeticum, Operi præmisimus. Indicem denique Rerum memorabilium in Opere occurrentium, quo vetus destituebatur Editio, subjunximus. Hæc in Tui gratiam, *Benevole Lector*, hic a nobis tentata, quæ si æqui bonique consules, pluribus ejusmodi officiorum generibus de te mereri conabimur. Vale.

SERENISSIMO ATQUE INVICTISSIMO
LEONARDO DONATO,
VENETORUM PRINCIPI,
AMPLISSIMOQUE, ET INCOMPARABILI
S E N A T U I
N I C O L A U S C R A S S U S.


Philosophiæ, & J. U. C.

S. P. D.

Si qui sunt, Serenissime Princeps, Senatores Amplissimi, qui veræ laudis amorem, & ardentissimum erga Rempublicam studium hæreditarium, ac veluti per manus acceperint, inter hos ego meum nomen & alias publice retuli, & nunc etiam profiteri audeo. Vellem sanè præclarius aliquod, certiusque observantia meæ testimonium præbere, quale superioribus ætatibus, præter Marcum, & Lazarum, qui cunctas opes, & ipsam vitam Reipublicæ dignitate posteriorem duxere, Dominicus, & Franciscus, majores mei gloriosè dederunt. Quorum Alter Ligurum Hostium iterum, ac sæpius captivus, indeque Sclavi cognomentum nactus, quatuor tandem navibus longis suas ipse injurias, & Reipublicæ vices ultus est, hostili ora foedè populata, magnaue oneraria navi in medio ipso Genuæ portu capta, ibique in hostium conspectu pecunia cusa, Venetorumque signis ad hostium ludibrium impressis: Alter autem Roberto oppido, quod Germani oppugnabant, egregie defenso, cum deinde casu venisset in hostium potestatem, & in Germaniam missus esset, quia se aliter servituti eripere non

EPISTOLA DEDICATORIA.

poterat, miseram vitam cum gloriosa morte commutavit. Quorum vestigiis insistens Nicolaus Avus meus, non solum multiplici doctrina, & forensi eloquentia Venetum nomen pro virili parte illustravit, sed etiam instructis semel, & iterum navibus non sine gloria res maritimas aggressus est, Archipiratae cujusdam biremi depressa, qui latrociniis mare plurimum infestabat: atque ut aliquod diuturnum sui erga Rempublicam studii monumentum relinqueret, Vas illud ornatissimum ex argento, & crystallo, quod in sanctiore Armamentario conditum servatur, amplissima vestro Collegio donare constituit, à quo benignè non modò acceptum est, sed etiam repensum. Mihi verò pro virium mearum imbecillitate cum præclara majorum meorum facinora æquare non liceat, hoc saltem, ut opto, & spero, licebit, omnem operam, industriam, nervos, mentem denique, & me ipsum totum, ut ita dicam, ponere in iis viris ornandis, qui magno Reipublicæ fuerunt ornamento, atque usui. Utinam verò sit hoc tam perpetuum Veneti nominis, quàm sincerum observantiæ meæ monumentum: Ego sanè, si quod volui non potui, at quod potui maximè volui. Rei-que publicæ ipsius exemplum secutus, immò verò omnium Rerumpublicarum, & Populorum, apud quos in more positum, atque usu est receptum, ut in celeberrimis urbium regionibus civibus optimè meritis statuas collocent, quæ scilicet singularem virtutem repræsentent, & æmulationem quandam aspectu suo injiciant: ego quoque eorum effigies exprimere, qui vel doctrina, vel bellica virtute multum excelluerunt, & quasi universæ Reipublicæ statuas ponere constitui. Profectò aliquid laudis ex procera statura, & liberali facie hominibus accedit, sed ex animi bonis longè major: Pulchra nobilitatis monumenta Majorum imagines longa serie spectandas exhibere, at pulchrius virtutes, & facta: Clarum denique, æternumque est gloriæ testimonium statuas in Curia, in Templo, in Comitio habere, veruntamen clarius, & perennius, doctorum hominum literis immortalis memoriæ consecrari. Scio me huic labori multis de causis supersedere potuisse, sed vel ed maximè, quòd in vobis omnibus, Senatores Illustrissimi, teque præcipuè, Serenissime Princeps, cunctas virtutes subjecti populi contemplari, & admirari facilius possint, quàm vel in mortuis Heroum simulacris, vel in jejunis, & angustis quorumcunque Elogiis. Is enim es, qui non modò Reipublicæ Venetæ, sed omnium seculorum, & gentium Princeps, tot, tantisque rebus felicissimè gestis, cæterorum omnium laudes non modò æquas, verum etiam longo intervallo quàm maximè superas; in quem Deus Optimus Maximus tot, tantaque contulit, & corporis, & animi ornamenta, ut nemo tibi justitia, atque pietate anteferri, eloquentia verò, & sapientia ne conferri quidem possit, incertumque omnino facias, an te magis divina munera exornent, an tu illa; ideoque non hominum magis, quam Divorum suffragiis Princeps in ea Republica es renunciatus, ubi juxta Hesiodi sententiam, Meliori parendum, ubi nata, & alta cum virtutibus omnibus Libertas, ubi Patritii cuncti Senatores, Senatores Principes, Princeps verò divinum aliquod Numen jure merito existimatur. Vos autem illi estis, Sapientissimi Patres, quibus nihil prudentius, justius, sanctius non dicam expectandum, sed ne expetendum quidem cuiquam esse videatur. Sed quid ego? Vereor ne tantam majestatem, & gloriam, cum amplificare non possim, imminuam verius, quàm referam; quapropter sicut res divinas maximè decet, silentio potius, quàm longa oratione suspicio: cumque jampridem me, meaque omnia vobis dedicaverim, hos etiam qualescumque ingenii mei foetus vobis consecro. Ut scilicet & vos eorum gesta recolatis, quorum æmulati virtutes, famæ luminibus, prope dixerim, obstruxistis: & vestri Cives ex aliorum contentione cognoscant, quantum Deo optimo debeant, qui tantum eis Principem, tantosque Heroes concesserit, quibuscum nemo ab omni seculorum memoria rectè conferri possit. Ego certè mecum præclarissimè actum existimabo, si has Decades Elogiorum, quas inchoavi, Principes omnes, quicumque Reipublicæ præfuerunt, atque Patritios illustriores complexus, absolvere aliquando, & expolire potuero, quod me facturum polliceor, inque me recipio, ubi hos meos conatus aliqua saltem ex parte vobis probari intellexero. Valete.



N O M I N A PATRITIORUM VENETORUM.

Quorum in hoc Opere
E L O G I A
habentur.



milianus (*Jacobus*) Pag. 30.
Barbadicus (*Augustinus*) 19.
Barbarus (*Franciscus*) 22.
Barotius (*Franciscus*) 14.
Basadonna (*Joannes*) 16.
Belegnus (*Aloysius*) 27.
Bembus (*Petrus*) 16.
Bernardus (*Joannes Baptista*) 15.
Bragadenus (*M. Antonius*) 24.
Caiortia (*Vitus*) 34.
Ciconea (*Pascalus*) 7.
Contarenius (*Andreas*) 3.
Cornelius (*Georgius*) 30.
Dandulus (*Andreas*) 1.
Diedus (*Franciscus*) 15.
Donatus (*Franciscus*) 4.
Eritius (*Benedictus*) 29.
Fuscarenus (*Jacobus*) 23.
Georgius (*Paulus*) 32.
Gradonicus (*Vincentius*) 33.

Justinianus (*Bernardus*) 13.
Landus (*Petrus*) 8.
Lauretanus (*Leonardus*) 5.
Malatesta (*Robertus*) 25.
Marcellus (*Nicolaus*) 5.
Maurocenus (*Vincentius*) 26.
Mocenici (*Petrus, & Joannes*) 8.
Molinus (*Aloysius*) 29.
Paruta (*Paulus*) 17.
Pisauri (*Benedictus, & Hieronymus*) 20.
Pontes (*Nicolaus*) 6.
Priolus (*Petrus*) 25.
Quirinus (*Antonius*) 11.
Sanutus (*Petrus*) 33.
Valareffus (*Federicus*) 14.
Valerius (*Augustinus*) 12.
Venerius (*Sebastianus*) 9.
Viarus (*Georgius*) 23.
Zanes (*Matthæus*) 31.
Zenus (*Carolus*) 21.



NICOLAI CRASSI, JUNIORIS, ELOGIA PATRITIORUM VENETORUM.

7 PRÆFATIO IN PRIMAM ELOGIORUM DECADEM AD LEONARDUM MOCENICUM, Venetum Senatorem.



*C*uinam, Leonarde Senator amplissime, primam hanc Decadem Elogiorum consecrare melius poteram, quam tibi? qui natus es ex ea gente, in qua tot viri principes, alter alterum æmulatus, unus post alium florere, ut Mocenicum nasci, quasi proverbio dici possit pro eo, quod est, hominem nasci ad honorem, & gloriam: qui tantis magistratibus, præfecturis, dignitatibus innocentissimè, atque gloriosissimè perfunctus, ad ipsum Decemviratum, & sublimem Consiliarii gradum meritissimè pervenisti, ut inde postea turbulento Reipublicæ tempore Brixiam Præfectus, & in Continentem cum summo imperio Legatus missus, incredibilem animi vim, atque robur, justitiam, prudentiam, virtutes denique omnes præclarissimè, & ad miraculum usque exerceres, ac ostenderes. Quod si ea demum vera gloria est, gloria dignum & esse, & omnibus videri, eam tu es tam abundè consecutus, ut nihil supra. Patere igitur, ut singulari nominis tui splendore huic Elogiorum Decadi lucem quæram, & sincerum hoc reverentiæ meæ testimonium æqui, bonique consule; quod tibi vel eò maximè convenire visum fuit, quod cum eorum sit, qui Reipublicæ Duces præfederunt, felix tibi, & faustum omen esse omnino debet, ut qui majorum tuorum virtutes, & gloriam refers, scias etiam tibi eorum majestatem, & excelsum honoris fastigium jure merito destinari.

9 DECAS PRIMA. ANDREAS DANDULUS.

*I*NTER eos, qui Venetorum illustre nomen doctrinæ, virtutis, atque sublimis ingenii gloria latè protulerunt, præcipuè enitet Andreas Dandulus, singulare decus ætatis suæ, qui studiorum prospero cursu, ac feraci vigiliarum proventu ad supremam, & admirandam multiplicis doctrinæ laudem egregiè conscendit. Etenim quæcunque dici, aut fingi possunt vel acerrimi judicii, vel infinitæ memoriæ, vel eloquentis doctrinæ lumina, in hoc ipso Principe cuncta fuere, atque alia amplius. Hac enim excelsa facie, sed multo magis sublimi, & excelso animo à Natura donatus, summum ingenium bonis, & liberalibus doctrinis diligenter expolivit, atque Philosophia præcipuè, & Jurisprudencia, quas non modo egregiè calle- re, sed etiam in omni vita præclarissime exprime- re voluit. Quibus abunde partis opibus, quas Fortuna neque dare, neque eripere cuiquam potest, primus Venetorum Doctoratus, ut ajunt, insignia summa cum gloria, atque dignitate recepit, ac in patriam reportavit; probabili quidem, &

A præclaro instituto, siue rem ipsam inspicias, quæ si more majorum, sine fūco, & fallaciis facta fuerit, vix major gloria excogitari potest; siue etiam auctorem spectes, dignus omnino, à quo posteritas tanti honoris initium, & exemplum peteret. Sed à literarum studiis ad Rempublicam se contulit, in qua cum justitia, & morum probitate supra omnes maximè inclytus, quales alii videri volunt, talis ipse esset, nunquam ejus vestigia ad præclarum decus videntis fallere Fortuna ausa fuit. Quapropter IIII. & XXX. annos natus ex D. Marci Procuratore ad summum illud Principatus fastigium, quo semper totis viribus contenderat, felicissimo cursu pervenit, atque in tam excelsa dignitate, omniumque amplissimo munere totum sese, quantus erat, explicuit. Neque satis illi fuit quotidie de Republica benemereri, sed quidquid temporis à civilibus negotiis, & Principis munere vacuum supererat, id omne in literarum studiis collocabat, actaque singulorum annorum literis mandabat, & referebat in album, ut eruditus, ac in perpetuum victuris monumentis omnem sibi posteritatem obligaret; cum singulari apud omnes fidei, & veritatis opinione historiam ita perscripisset, ut attentiore cura, & præstantiore facundia nemo. Fuit ejus domus doctorum viro-
N. Crassus. A rum

rum liberalis receptrix, ipse vero, quod in Principe summæ virtutis locum implet supra, quam dici possit, humanitate admirabilis, & Literatorum omnium studiosissimus. Sed confecto summa cum Reipublicæ dignitate, atque gloria *Federico* bello, ingens tanti Principis spiritus, humano veluti carcere liberatus ad cælum evolavit.

11 Cujus integritatem, innocentiam, virtutem *Vincencius* modo, & *Joannes* fratres, alter excelsi Collegii Consiliarius, alter Decemvir ad vivum referunt, atque pernobilis, & amplissimæ familiæ dignitatem, & gloriam præclarissime tuentur.

12 ANDREAS CONTARENUS.

Non singulari modo eloquentia, & probitate, sed excelsi, & invicti animi magnitudine, omnibusque belli, & pacis egregiis artibus *Andreas Contarenus*, Venetorum Princeps, cæteros omnes longe, multumque superavit. Nam inter omnia, quæ *Veneta* Respublica domi, militiæque, mari, atque terra præclara facinora edidit, longe, lateque eminet sævissimum bellum, consentientis famæ nomine celebratum, quod ipse jam senio confectus intrepido, atque constanti animo suscepit, incredibili, & admiranda virtute gessit, atque divina prope felicitate tandem confecit. Hic ille Princeps extitit, cujus cum eximia probitas, sinceritas, & singularis in omni vita moderatio, supra virtutes, atque supremas omnes animi dotes jure suo civitatis Principatum sibi vindicarent, ipsique studiosissimi Cives ultro deferrent, unus ipse abnuat, & contra quam fieri vulgo ab omnibus solet, ne Dux optari posset, obnixè contendit. Quapropter in agrum *Patavinum* constituit fecedere, quo se tanquam in portum reciperet non inertis, ac desidis, sed quietis, & tranquillitatis post tot labores susceptos. A Republica vero gerenda averterat animum, quod à Divino quodam intellexisset, si quando evaderet in patriæ Principem, atque Ducem, tum demum extremum discrimen subituram Rempublicam. Sed propinquorum precibus, magistratuumque minis

13 interjectis, invitatus, moerens, lugensque Principatum suscepit: pauloque post, cum Respublica bello, & fame premeretur, indomito præstantis animi vigore, corpus annis infirmum, sed ingenium prudentia validum secum afferens, sæviente hieme classe collecta, Fossam *Clodiam* fatali suæ gloriæ destinatam petiit, seque ipsum pro patria periculis obtulit, ut vitam ab ipsa patria mutuatam, patriæ, si opus esset, libentissime redderet. Instabant *Pannonum* Regis copis, *Carrariensis* Princeps, *Aquilejensis* Patriarcha, *Ligures* in primis implacabiles *Veneti* nominis hostes, quibus invictissime restitit, ac non modo eorum impetum fortiter excepit, sed etiam fusos, fugatosque prælio profligavit. *Clodia* denique per acerrimam obsidionem recepta, pace undique gloriose firmata, septuagenario major in patriam reversus, speciosissimum de victis populis triumphum egit, sex millibus septingentis, & quadraginta duobus captivis illustrem, sed multo magis ipsa patria ab ingenti omnium rerum penuria liberata conspicuum: ut duplicem triumphi speciem & devicti hostes, & servati cives præbuerint. Additus etiam triumpho honos, ut statua pedestris cum elogio, quod illi contigit, præterea nemini, in Comitio poneretur. Cæterum virtute, atque gloria celeberrimo Principi generosæ frontis, & ingenui, vereque nobilis oris species, impigrum, atque peracere ingenium fuit, animus belli ingens, domi modicus, libidinis, atque avaritiæ prius, quam

14 hostium victor. Nemo sapientia, æquitate, ac virtute potior; qui ex bello pace parta, sicut immortalē gloriam, & splendorem bellica virtute,

A ita præcipuum amorem, & subjectorum observantiam caritate, & clementia conciliavit. Cave mortuum dicas, qui supra immortale nomen, & nunquam intermorituram familiæ gloriam, præclarum exemplum vetustissimæ, atque nobilissimæ genti reliquit, in qua vel *Federicum* inspicias Procuratorem literarum, & elegantis antiquitatis studiosissimum; vel *Nicolaum* Consiliarium, *Andream* Decemvirum, & fratres illustrissimos; vel *Franciscum* Equitem, multis legationibus, *Romana* præsertim iterum obita clarissimum, & excellentissimos fratres; vel *Thomam* Reipublicæ nomine ad Pontificem Maximum Oratorem; vel *Thomam* alterum *Joppes* Comitem, atque *Patavinam* Præfecturam speciosissime functum; vel *Marinum* Eloquentia, *Nicolaum* Philosophia, *Dominicum* humanioribus literis, eisdemque fratres virtutibus omnibus spectatissimos, vel denique quosvis alios tanti generis Senatores, & proceres; poteris facile tanta virtute Principem, atque divinum penitus heroem, quasi ad vivum expressum intueri.

FRANCISCUS DONATUS. 15

Francisci Donati, Venetorum divini Principis, summa virtute, atque rerum gestarum gloria inclyti, vivaces oculos, severam frontem, ac venerandam canitiem hisce lineamentis, & coloribus ad vivum expressit *Titianus* vere perfectus, & immortalis Pictor. Hoc nemo fere tantæ Reipublicæ Ducum pluris fuit eloquentia, consilio, virtute, civilique prudentia. Magistratus quamplurimos, ac Præfecturas gessit, justitiæ usque ad severitatem tenax: Legationes obiit non minus facundia, & industria, quam felicitate insignes: omnes honores, quibus egregii Senatores augeri possunt, facile obtinuit; cum esset inter optimum civem, atque gratissimam patriam illustre quoddam, & præclarum beneficentiæ certamen institutum, quo nunquam ille vigiliis, laboribus, itineribus parceret, ut Reipublicæ, quocunque posset, usui foret, ac Respublica contra incredibilem Patrum consensione, & omnium ordinum plausu nihil omitteret, quod ad tanti Viri amplitudinem, & dignitatem augendam spectare posset. Itaque in Senatorum numerum lectus, Decemvir, Magnus Sapiens, Consiliarius, Procurator denique creatus singulari dicendi copia, & gravitate, ingenio, atque sapientia effecit, ut quæcunque contenderet, optimo cuique facile probaret, atque difficillimis Reipublicæ temporibus quæcunque probasset, ad pristinam salutem, ac dignitatem

16 retinendam mirum in modum conducere viderentur. Verum honoribus amplissimis, atque laboribus maximis perfunctus, qui Principe loco semper dignus fuerat, in *Petri Landi* fortissimi, atque invictissimi Principis locum suffectus, tanto fuit Electorum studio ad Principatum elatus, ut cum tres præterea magni nominis, & virtutis Senatores candidati cernerentur, prima tamen suffragatione, ingenti omnium favore prestantes alios longe, multumque superaret. Quod quidem jure optimo ipsi contigit. Nam *Petri Landi* comitiis, cum bello atrocissimo Respublica premeretur, ipseque Dux constantissime renuntiandus esset, dummodo petitionem diutius protrahere, atque diem ex die ducere vellet, veritus ne quid Respublica ob eam rem detrimenti caperet, innatam illam in excelsa animi magnitudine cupiditatem Principatus, simulque candidam togam abiecit, atque adeo omni contentione præclarissime, & gloriose abstinens, *Lando* Electorum suffragia concessit, qui, tantæ virtutis, ac meritorum studiosi, ultro Principatum sibi deferebant, immo vero ipse magno studio competitoris sui suffragatorem egit. Quo factum est, ut cives universi admi-

admirabundi, magis quod tantum honorem, & dignitatem parvifaciebat, quam quod meruerat, ejus virtutem amarent. Ita jampridem sibi debitum, & octennio ante delatum, sed Reipublicæ causa alteri concessum concordibus animis denuo recipiens Principatum, singulari vitæ innocentia, atque integritate, justitiæque in primis exulta, annonæ ubertate, & rerum omnium summa tranquillitate, octuagenario major, celebrem, ac florentem reliquit. Filio quoque clarissimi nominis, atque virtutis relicto, cujus modo nepotes *Andreas* vir innocentissimus, & *Dominicus* Aloysii filius, maximæ spei juvenis, maximæque doctrinæ, & virtutis, familiæ dignitatem, & gloriam præclarissime sustinent.

18 LEONARDUS LAURETANUS.

Nullius unquam disertis, prudentis, atque vere divini Principis invicta virtus, & egregium in Rempublicam universam studium, quam hujus *Leonardi Lauretani* clarius, atque testatius fuit; qui bello invictus, pacis artibus nulli secundus per omnes honorum gradus ad summam amplitudinem, & Principatus apicem evectus, magnus, & admirabilis in omni genere, multiplici virtutis laude fecit, ut quid primum, summumve in eo celebrare debeas, prorsus ignores. Incidit immortalis Heros in difficillimum illud Reipublicæ tempus, quo *Cameracensi* foedere icto, cuncti fere *Europæ* Principes injusto, ac impio conatu in rem *Venetam* conspirarunt: idque tam auspicio, ut brevi cunctæ Reipublicæ urbes in eorum ditionem concederent, nihilque fere in continenti reliquum esset, ubi in suo pedem *Veneius* poneret. At Princeps non solum ipse fortitudinem, & constantiam retinuit, sed aliorum etiam jacentes tantis cladibus animos non verbis modo, & eloquentia, sed ipsa re, atque invicta virtute mirum in modum crexit. Etenim excelsæ, atque generosæ mentis cum sæpe alias admirandum, ac memorabile specimen dedit, tum vero præcipuè, cum oblatos filios, & proprias opes pro Patriæ salute, & dignitate constanter, & gloriosissime devovit. Quo præclaro exemplo reliqui cives omnes excitati, collatis opibus, & liberis *Patavium* missis, tanta alacritate inimicorum copiis restiterunt, & bellum gesserunt, ut amissæ urbes, & oppida fere cuncta partim vi, atque astu, aliæ voluntate in fidem reciperentur: *Patavioque* obsidione liberato, pristina tantæ Reipublicæ & imperii Majestas restituta eo clariorem gloriam, & existimationem obtinuit, quo gravius, & acerbius, varique victoria crudele bellum & gesserat, & profligarat. *Lauretanus* vero post tot egregia facinora, immortalis nomine, atque sui desiderio relicto, per omnes humanæ gloriæ gradus ad cœlestem pervenit: cum tanti nominis hæredem illustrissimam gentem reliquisset, ex qua præter *Leonardos*, *Laurentios*, *Constantios*; *Franciscus* etiam *Petri* Venetiarum Principis nepos; & *Marcus* Consiliarius clarissimi genere, factisque; & gloriæ majorum suorum æmulator gravissimus *Aloysius* Marini filius, ita se gerunt, ut nulla unquam oblivio obscuratura, nulla tantæ gloriæ allatura finem æternitas videatur.

20 NICOLAUS MARCELLUS.

Nicolaum quoque *Marcellum* justissimum, & innocentissimum *Venetorum* Principem, & ingentibus animi virtutibus nemini inferiorem, iniquum omnino fuerit inter egregios, atque præcellentes viros non recensere. Hoc adolescente nihil castius, aut diligentius, viro justius, aut eloquentius, sene denique prudentius, atque adeo

A sapientius admirari poterat universa civitas, atque etiam venerari. Cum semper, crescente ætate, ipsæ quoque virtutes mirum in modum augerentur, & quasi nova fulgentissima sidera in proba, vereque divina mentis acie gloriose micarent. Præ se ferebat ubique Senator eximius doctrinam sine ostentatione, & probitatem sine fuce, cum incredibilium virtutum admirabili fama præclarus, ubi peregre in multis magni momenti negotiis domi, forisque operam præstitit, ad Reipublicæ gubernacula, & dignitates maximas ita fuit elatus, ut ampliore semper, quam gereret, dignus omnium civium consensu, atque præclara suffragantium confessione haberetur. Viro tamen eximio, ad omnia summa feliciter nato, vereque digno, qui principem locum obtineret, multo plus ex virtutibus, quam ex magistratibus splendoris accedebat. Quo factum est, ut ex *D. Marci* Procuratore ad excelsum in tanta Republica Principatus culmen proveheretur, merito prius, atque virtute, quam dignitate Princeps: ubi vero cuncta justitiæ temperamenta mirifice semper exercuit, *Scodra* jam obsidione liberata, atque florentissimo *Cypri* regno in Reipublicæ fidem, atque ditionem recepto, cum patriæ cumulatissime satisfecisset, naturæ quoque haud gravate tandem satisfecit, quippe adversa fortuna fere nunquam usus, & ad septuagesimum fere annum vita producta, magno quoque desiderio sui omnibus relicto. Hujus virtutes cum laudare facilius possint omnes quam æmulari, ego ne laudari quidem posse certo scio, cum acerrimi cujusque ingenii vires, & facundiam nimium quantum superent, & excedant. Hanc igitur præstantem imaginem, vereque dignam, & nobilissimam oris speciem contemplantes, virtutes venerentur universi, quibus supra laudes eminuit; cum tributa merito præconia, neque pro dignitate celebrare possimus, neque jejune, ac frigide pertractare ulla ratione debeamus. Quod si quis ad vivum expressam tanti Principis effigiem intueri velit, quæ non solum oris imaginem, sed virtutes etiam, sapientiam, & eloquentiam mirum in modum referat, poterit facile in *Bernardo* nepote, *Laurentii* filio, maximæ spei juvene, sed majoris virtutis, & eloquentiæ contemplari: dum *Joannes* etiam, & *Bernardus* *Jacobi* filius, Senatores illustrissimi, connituntur, ut genus amplissimum à majoribus acceptum, majus, auctiusque relinquunt posteritati.

NICOLAUS PONTES.

22

E SI paulo attentius intendere mentis aciem, ac Somnes Annalium memorias repetere velimus, multos equidem, vel potius innumerabiles in Republica *Veneta* prudentes, ac eruditos viros reperiemus, quorum sapientia, fide, ac virtute ad tantam amplitudinem, atque Majestatem, stupentibus, atque incassum frementibus invidis, & malevolis, auspicio, atque gloriose admodum pervenit. Veruntamen quem *Nicolao Ponte* integerimo, atque sanctissimo Principi anteferre possumus, neminem prorsus invenire, immo vero ne fingere quidem, & excogitare fas est. Siquidem vir summus, atque ad omnes disciplinas æquabiliter natus, ubi ingenium maxime capax, ac idoneum optimis quibusque literis expolivit, cum à philosophia, tum à jure civili, & historia instructus, ceteros omnes magno acumine præcellentis ingenii, & varietate doctrinæ superavit, maximoque auditorum concursu, & incredibili nominis celebritate publice philosophiam professus, ad amplissimas quasque dignitates, & excelsos honorum gradus viam sibi struxit, atque egregie paravit. Is cum ad Rempublicam se contulisset, qua magistratibus innocentissime gerendis, qua le-

gationibus eloquentissime obeundis sublimis animi vim, atque civilem prudentiam præ se tulit: & cum *Tridentum* ad sacrorum Patrum Concilium oratores duo mittendi essent, qui tanto congressui interessent, & quæ de altissimis, & abditissimis *Christiane* fidei mysteriis disputarentur intelligere, exacteque cognoscere valerent, *Nicolaus Pontes* præcipue delectus fuit, qui tantam provinciam suscipere, atque cum Reipublicæ dignitate tractaret. Qua in legatione præclari studii, egregiæ pietatis, atque multiplicis doctrinæ laudem ab universis cujusvis generis, atque nationis gentibus jure, ac merito consecutus est, cum adhuc multa vel provisè prudenter, vel constanter acta, vel acute responsa ad ingentem posteritatis admirationem, & perpetuam, ac immortalem tanti viri gloriam ab omnibus referantur; cumque vir eloquentissimorum doctissimus, atque doctissimorum eloquentissimus, sic in omni actione comitatem gravitate, terrore jucunditatem, ac salibus austeritatem condiret, ut nulla tam aspera, tamque difficilis, & morosa natura reperiri posset, quam ille non tractaret facillime, atque arbitrato suo quo vellet cumque traheret; hinc factum est, ut ad Pontificem Maximum orator missus, qui ex pace à *Veneta* Republica cum immanissimo hoste facta non levem animi offensionem ceperat, eum sane causæ æquitate, sed etiam singulari virtute, ac eloquentia permoverit, atque nimis obfirmatum animum flexerit, ut quos paulo ante publice ob pacem factam reprehenderat, eosdem publice laudare, mutata sententia cogeretur. Ingentibus denique meritis ad Principatum elatus, postquam summa integritate, prudentia, justitia Rempublicam administravit, justa, atque perenni gloria plenus, ac humanas laudes supergressus, ad cælum migravit, summæ virtutis, atque sapientiæ vestigia relinquens, non pressa illa quidem leviter, & ad exigui prædicationem temporis, sed ad memoriam omnium sempiternam constantissime fixa: in quibus insistentes *Antonius*, *Aloysius*, & *Nicolaus* pronepotes, atque præcellentis doctrinæ, & innocentiae hæredes, tantæ familiæ dignitatem, atque existimationem gloriose tuentur.

25

PASCALIS CICONEA.

Salve non minus belli, quam pacis artibus inscylte: salve singulari pietate, ac innocentia præclarissime Princeps, qui excelsio ingenio, sublimi virtute, atque moribus candidissimus ita privatus miles in Castris vixisti, ut multus ubique, & valde conspicuus non magis bellicæ fortitudinis, quam pernobilis continentiae divinum quoddam exemplar jure, ac merito habereris: mox vero justitia in subditos, & observantia in Rempublicam omnem juventutem superare, temperantia, ac industria senes omnes anteire, quoslibet aditu, congressione, sermone dignos facere, literatos homines præcipue fovere, donec in administratione Reipublicæ florentissimus brevi temporis spatio in Senatorem evaderes numeris omnibus absolutum, sive eloquentia spectetur, atque innocentia, sive fortitudo, ac integritas, omneque bellicæ virtutes. Admiratus fuit sæpenumero Senatus orationes illustres non tam ex ore isto fluentes, quam ex intimo pectore promanantes: admiratum fuit *Cretæ* Regnum, dum ibi turbulentissimo Reipublicæ tempore præsidere, ingentem prudentiam, æquitatem, virtutem, innocentiam, sanctitatem, atque tibi jure merito statutam posuit: admirata denique fuit universa Reipublica cum tanta oris, atque vultus Majestate comitatem eximiam, & erga pauperes homines pietatem illustrem, & præclarissimum studium. Quo factum est, ut cum summorum virorum, &

A clarissimorum civium neminem tibi præponendum videret, Procuratorem primo *D. Marci*, deinde vero Principem summo studio crearet. Ut qui privatam vitam tranquillissime, & innocentissime semper vixeras, iisdem artibus Republica felicissime administrata, in cælum evolares, solidæ, atque vere *Christiane* virtutis exempla posteris omnibus imitanda relinquens, atque non sine ingenti admiratione, summoque tui desiderio contemplanda.

PETRUS LANDUS.

27

BENituit in *Petro Lando*, Venetorum Principe, supra corporis, ac gravissimi oris dignitatem, singularis eloquentia, ac bellica vis indefessa. Is excelsio, præstantique animo, cautus, ac prudens cum magna semper, atque præclara spectaret, sic animum ad consilia, & corpus ad robur instituit, ut acri prudentia egregiæ fortitudini, atque audaciæ adjuncta, celeberrimus omnium, & invictissimus haberetur. Quam vero de se opinionem ingenti virtute pepererat, semel, atque iterum Classis Imperator rebus feliciter gestis superavit, cum omni fere *Apuliæ* ora, oppidis, & civitatibus multis in Reipublicæ ditionem receptis, multa in *Neapolis* obsidione, ut erat impigro, atque acri ingenio, perficeret, quibus ingentem sibi existimationem compararet, atque inter milites, & Imperatores omnes unus eminere præcipue videretur. Vir enim, qualem *Cato* militem optabat, non manu solum, & prudentia, sed vocis etiam sono, & oris aspectu æque terribilis hosti, ac suis venerandus, magnum in omni re judicium, magnum æquitatis, rectique studium, dignam amplissima dignitate gravitatem præ se tulit. Ea tamen ratione, ut imperii vim comitate, atque lenitate temperaret, & hostes fortitudine, socios, atque milites consilio, & humanitate facile anteiret. Ad hæc verò in Prætoris administrandis, & Legationibus maximis obeundis summam vim animi, atque ingenii semper adhibuit, maxima juxta, atque minima felicissime pertractavit, nullumque ampliori vel diligentia, vel labori locum reliquit, cum singulari eloquentia, justitia, atque pietate omnium animos alliceret, atque mirifice conciliaret. Fuit ad Principatum evectus, in quo, urbe ab annonæ caritate liberata, atque pace parta, cum per omnem vitam integerrime, sanctissimeque vixisset, sic interiit, ut in *Antonio* pronepote, atque illustrissimis fratribus, tantum heroem æque spectabili facie, atque immortalis virtute referentibus, quadantenus adhuc vivens, atque sibi ipse superstes non immerito videri possit.

PETRUS, & JOANNES,
Fratres MOCENICI.

29

HAc una vel hoc ipso nomine felicissima tabula *Petrus*, & *Joannes Mocenici*, germani fratres, *Venetorum* inclyti Principes referuntur: qui decora facie, sed multo magis ingenio validi, & viribus pollentes, domi, forisque longe clarissimi, æquitate, probitate, justitia singulari, honestæ gloriæ perquam avidi, pecuniæ liberales, ubi strenuos virtute, eloquentes facundia, innocentes integritate superare, neque consilio, neque manu priorem pati didicere, ad supremum illud Principatus fastigium provecti sunt, quo nemo pervenire potest, nisi inter eximios Senatores ad gloriam anhelantes vel pacis artibus omnium confessione præcellat, vel inter egregios Imperatores concedat omnino nemini. Hic ille *Petrus* fuit, qui difficillimo Reipublicæ tempore domi, militiæque illustris, maris Imperio præfectus non ingenii magis, quam virium opibus gloriam quæsit, cum ora-

oratoris eloquentissimi, & invicti Imperatoris personam lingua pariter, atque manu promptus, pari Marte, atque fortuna mirabiliter sustineret. *Asiam* à faucibus *Helleponti* ad *Syriam* usque ingenti edita strage, incendiis, & rapinis, stratis hostibus passim, incredibili virtute, atque celeritate vastavit: *Cilicia* Reges, *Venetæ* Reipublicæ socios, ab immani hoste regno exutos in solium gloriose restituit: opulentissimum *Cypri* regnum à crudeli perditorum hominum conjuratione vindicavit, *Catharinæ*que Reginæ, atque Reipublicæ servavit: *Scodram* ab obsidione liberavit: Piratas infestissimos sic toto mari ejecit, ut vel unum frustra quævisset. Quo factum est, ut vix tot eum verbis laudare possis, quot illum oppida, vel manu capta, vel igne vastata, quot hostium Triremes vel captæ, vel depressæ extollunt: ita quidquid gloriæ animo, lingua, manu acquiri potest, sua virtute mirifice sibi peperit. *Joannes* autem cum pacis, togæque artibus feliciter majorum, atque fratris gloriam adæquasset, ne dignitate quidem, *Vendrameno* Principi suffectus, inferior fuit. Sic admirabili concentu virtutes in se omnes temperavit, ut civium animos mirabiliter caperet, atque in se converteret; tantisque eminuit virtutibus, ut, summum virum quo potius nomine commendare debeas, non facile statuas. Etenim audacia in bello, atque virtute, ubi pax evenit, æquitate Republicam temperans, æquabili apud omnes, & inviolata fama, *Rodigii* peninsula *Veneto* imperio adjecta, atque post grave, & atrox bellum pace honestissime parta, decessit, incomparabile, atque vere summum amplissimæ laudis decus adeptus. Salvete, Ingentes animæ, præclarissima tantæ Reipublicæ ornamenta; atque pernobilis familiæ splendidissima lumina, qui avitum decus, atque honestissimæ gentis dignitatem sustinistis, & omnibus numeris absolutam ad posteros transmisistis: læti modo, atque exultantes inspicite tanta vestri generis sydera *Joannes*, *Antonios*, *Lazaros*, sed *Leonardum* præcipue Decemvirum, cujus virtutes admirari possunt universi, referre nemo; & *Joannem* D. Marci Procuratorem, cujus vita omnis plena honorum sæpe gestorum, sæpius meritorum, verendum pene ipsum magis, quam honorem facit, & majus aliquid mereri præclarissime videtur.

32 SEBASTIANUS VENERIUS.

HAc minaci, vereque militari fronte, ferocibus oculis, & roseo vultu insignis, purpureo paludamento, atque thorace fulgenti conspicuus, non minus invicti Ducis, quam strenui militis mu-

A nera exactissime obivit *Sebastianus Venerius* in navali prælio adversus *Turcas*, cum *Romani* Pontificis, magnique *Hispaniarum* Regis sociatis armis, sed una præsertim *Venetæ* classis virtute eximia ad *Echinades* Insulas parta victoria mortalium omnium oculos, atque admirationem in se convertit. Hujus primum illustrem facundiam Forum, & Curia admirabantur, cum vel inter celeberrimos patrones, & Senatores eloquentissimos emineret, severam deinde virtutem, atque invictum animi robur non egregiæ modo *Venetæ* Triremes, sed *Christianorum* Principum tota Classis suscepit, cum difficillimo Reipublicæ tempore in maximo clarissimorum hominum proventu excelsum gradum obtinuit, unusque præ cæteris dignus fuit, in cuius fide, ac prudentia non poneretur modo victoriæ spes, sed etiam publici decoris, atque salutis. Ita dum quantus fuerit orator, ipsa rostra, quantus imperator, universa maria convulsis rostris gravata clamant, æquata feliciter utroque nomine majorum gloria, *Venerium* nomen immortalitati omnium fortissimus, & invictissimus consecravit. Sed in patriam reversus inter cæteras nauticas exuvias, & hostium victorum spolia, vulnus etiam retulit, perpetuum virtutis monumentum, quo honestissime claudicaret, neque gradum facere posset, nisi identidem suæ gloriæ reminisceretur, atque testaretur abunde virtutem; bellicam laudem vel plane invitum ostentans; tanto autem civium plausu, & omnium ordinum frequentia fuit exceptus, ut non Senator eximius, sed divinum potius aliquod Numen ad libertatem, & existimationem *Veneti*, atque adeo *Christiani* nominis tuendam è cœlo missum videretur. Mox grata patria optime de se meritum civem ad Principatum evexit, cum ex innumero amplissimorum civium numero concederet unusquisque virtuti, cui vel ipsa invidia concesserat, nemoque spectaretur candidatus, qui prensare, nomenque suum profiteri coram auderet. Itaque cunctis Patrum suffragiis Dux renunciatus est, ut, cum joci causa à suffragatoribus interrogaretur, an vellet privatus prandere, vel Princeps, sapienter responderet, privatos minori cura prandere solitos. Principatum vero ubi per menses ix. justissime, & sanctissime tenuit, civitate gravi pestilentia liberata, Templo, quod Senatus piè voverat, Redemptori *Christo* consecrato, lucis usuram amisit, aut potius ad sempiternam memoriam propagavit. Ut scilicet, quemadmodum à gratissima Republica servatæ patriæ lauream, Principatumque habuerat, ita protectæ religionis, ac fidei sincerum ab ipso Deo præmium, atque sempiternam gloriam reportaret.

DECADIS PRIMÆ FINIS.

P R Æ F A T I O

I N

SECUNDAM ELOGIORUM DECADEM

A D

NICOLAUM CONTARENUM,

Venetum Senatorem.



Uspicato mehercle, atque singulari tuo merito, Nicolae Senator amplissime, hanc Elogiorum Decadem, immortalis tui nominis æternitati consecratam, literis, atque monumentis consignare decrevimus. Siquidem eorum virorum imagines continet, qui præclaris operibus in lucem editis, insigne spe-

A 3

cimen

cimen sapientiae nobis reliquerunt, atque illustre, & percelebre nomen solida virtute sibi compararunt. Ecquis vero occurrere poterat, cui felicius, atque etiam aptius commendaretur, quam tibi? Qui, ut de reliquis tuis dignitatibus sileam, primo Triumvir Advocator, mox ad regendum Forum Julium cum Imperio Legatus, tum iterum, & saepius Decemvir, deinde maximus Sapiens, Consiliarius denique creatus, eam prae te tulisti integritatem, justitiam, pietatem, praecipue vero publicae dignitatis, atque libertatis tuendae studium, ut omnes honores, ac dignitates, infra tantam ingentium meritorum magnitudinem videantur: qui literis, atque virtutibus omnibus usque ad admirationem excultus juvenis adhuc sempiterna divini ingenii, & plurimarum vigiliarum monumenta ad praeclearissimi nominis immortalitatem vulgasti, quae cum ceteris omnibus cumulatissime satisfaciant, incredibili tuae sapientiae non satisfaciunt, majora in firmiore aetate, immo vero omnium maxima vulgaturus. Qui denique ita soles doctrinam, & reliqua divina ornamenta singulari beneficentia cumulare, ut Literatorum hominum eximius, si quisquam alius, literatus Maecenas, Literatorum etiam elogium jure quodam observantiae, qua te semper colui, atque adeo veneratus sum, quod multis nominibus tuae gloriae debitum, vel eo maxime negari minime oportuit, quod tuam egregiam amplitudinem, atque gloriam, si non omnibus numeris, atque absolute, aliqua saltem ex parte referre poterit; si, quae celebratis viris singula tributa sunt, in te unum conferantur universa, atque plenissime congerantur. Vale.

37 DECAS SECUNDA.

ANTONIUS QUIRINUS.



Miseram rerum humanarum conditionem! Tune, Quirine, extinctus decumbis, sensuque omni carens, qui tam egregius, & acerbis sensibus fuisti, perpetuoque pro salute Reipublicae vigilasti? Tune jaces, qui jacentes animos erigere solebas? Tune files, qui nunquam de rebus iis, quae Reipublicae usui forent, tacuisti? Quis enim posset illustre hoc, & supra mortale decus admirabile simulacrum intueri, qui tanti Senatoris interitum non deploret? His illum micantibus oculis, formae dignitate, atque excelsa statura venerati fuimus, ab excellenti memoria, expeditaque facundia cum singulari doctrina, & rerum usu admirandum, postquam majorum virtutes aemulatus, vindicem sese praebeuit, atque assertorem praecipuum perpetuae Venetorum libertatis, itaque suam efficacis prudentiae, exactique judicii operam universis ordinibus probavit, ut sempiternam nomini suo famam pepererit, omniumque oculos, & admirationem in se converterit, cum passim audiret illud vulgo jactari, doctiorem, meliorem, prudentiorem esse neminem. Hic per omnes honorum gradus ad maximas, & amplissimas quasque dignitates elatus, non modo Senatorii ordinis adeptus est ornamenta, sed etiam Comitii, ac Senatui non semel praefectus est, vel Sapientis maximi, vel Consilarii titulo honestissimo decoratus.

38 Diu tamen sapientior, quam fortunatior visus est, cum ambitione posthabita, omninoque abdicata, Sapientis, quem vocant, ordinum dignitate perfunctus, integrum decennium nihil sibi amplius petendum statuerit, sed intra domesticos parietes provincias omnes, maria, insulas, montes, flumina in tabella descripta summa cum diligentia oculis subjecerit, attentoque animo, & cogitatione ita perlustraverit, ac si universa pedibus coram obisset: omnes cum superioris aevi, tum nostrorum temporum historicos, atque fideles rerum pronuntiatores, omnes antiquos Poetas legendo contriverit. Quo factum est, ut omnia illorum egregia placita semper in ore, sed magis in animo haberet: quae vero aut superioribus temporibus, aut nostra aetate accidissent, quid Principes singuli in domesticis, bellicisque rebus, vel ad publicam dignitatem retinendam, vel ad imperii fines

A propagandos unquam molirentur, accurate pervestigaret, exacteque cognosceret. Hac suppellectile sibi comparata, cum iterum ad Rempublicam accessisset, eam prae se tulit ingenii, atque prudentiae vim, ut nihil fieret alicujus momenti, atque ponderis, cujus ipse non existeret monitor, atque auctor, nihil autem moneret, atque suaderet, quin optimum, & aequissimum conferetur, optimeque caderet. Ad haec vero eximiam, atque singularem earum rerum cognitionem habuit, quae vel ad ipsam naturam cognoscendam, vel ad mores, & Respublicas moderandas, vel ad sanctissima Christianae religionis mysteria investiganda spectant. Summum autem non tantum in literas, sed in Rempublicam quoque singulare studium, incredibilemque eruditionem, & mirabilem eloquentiam aeternis literarum monumentis testatam apud omnes reliquit. Sed qui, cum turbulentissima tempestas illa superioribus annis immineret Italiae, immo vero universo terrarum orbi, una cum ceteris Reipublicae columinibus prudentissime gubernacula tractavit, & vigilanter admodum clavum tenuit, cum commutata jam tempestate, sedatisque procellis omnibus, atque turbinibus, ad se revocare Deo maximo visum est, ut scilicet, quae magna tantae virtuti deberentur, praemia in ipsa beatorum arce quam citissime reportaret. Obiit LIV. annum agens, & cum universa Respublica tanto funeri lacrymis, atque dolore justa perfolveret, nos etiam singulari patrono benemerenti oratione funebri parentamus, idem erga tantam familiam, affinesque, & nepotes studium, eandem observantiam constantissime retinentes.

AUGUSTINUS VALERIUS. 40

Q Uid poterat Augustino Valerio singulari doctrinarum copia, & incorruptae probitatis disciplina mirifice exculto, aut honestius contingere, aut etiam fortunatius, quam ex omnibus patritii sanguinis viris illustribus, & a Veneto Senatu pro Reipublicae jure Romano Pontifici commendari, & unum ab ipso probari, qui Verona amplissimae civitati Episcopi titulo praesesset? Siquidem hac electione a publico Gymnasio, ubi Philosophiam profitebatur, ad excelsum Episcopatus fastigium repente evocatus, totum ad religionem, atque sacras literas excolendas se contulit: quae expedita, atque compendiarie via non ad gloriam

ma-

magis, quam ad cælum ipsum videnti, cum sine fastu majestatem, sine abjectione comitatem, & sine fuco veram, solidamque pietatem præ se ferret, atque adeo multis eruditis lucubrationibus editis non modo doctrinam, & eloquentiam, sed etiam *Christianam* religionem, atque morum probitatem ostenderet, fuit illi à Pontifice Maximo purpurei galeri dignitas oblata, cum plus ille tanta virtute eximiae dignitati decoris adjecturus, quam à sacra purpura existimationis, atque splendoris laturus videretur. Cæterum his præfidiis ornatus, & ornamentis instructus, cum & ad lustrandas provincias Apostolici Legati munere egregiè perfunctus, & splendore, atque gloria, sed multo magis non dubia sanctitatis opinione venerabilis, in ea tempora incidisset, quibus inter Pontificem Maximum, & *Venetam* Rempublicam à perditis, & consceleratis hominibus excitatae offensiones in dies exoriri, atque increbrescere videbantur, nullum ipse prætermisit officium, quo Principes maximos, optimeque de se merentes aliqua saltem ex parte inter se conciliaret. Verum, cum animadverteret, plus invidorum obrectationes, atque malevolentiam auctoritatis habere, quam vel egregiae pietatis persuasiones, vel ipsas etiam æquissimæ causæ conditiones; senio magis, atque dolore, quam morbi vi oppressus, divinam illam animam, omnibus temperantiæ, & religionis virtutibus cumulata, cælo piè reddidit: ut scilicet, quod impetrare ab hominibus incassum diù, multumque tentasset, ab ipso honorum omnium, pacis præcipuè largitore, Deo, præsentibus precibus obtineret: quod quidem ei contigit: nam, sedatis paulo post contentionibus, quos ipse dissidentes moriens reliquerat, eos mutua benevolentia conjunctos ex ipsa Divorum arce immortalis profexit.

42 BERNARDUS JUSTINIANUS.

USpicite universi, atque sanctissimè veneramini hoc ipsum non magis *Bernardi Justiniani* Senatoris amplissimi, quam Eloquentiæ ipsius, atque virtutis illustre simulacrum, quod maximè pio, gratoque animo, & incomparabili merito inter *Veneti* nominis egregia lumina spectandum proponitur. Hac ille promissa cæsarie, & generosæ frontis decore venerandus, seculorum omnium memoria dignissimus heros summum æternæ gloriæ decus comparavit, cum cæteros omnes splendore, atque dignitate æquales, non modo corporis proceritate, & oris gravissimi Majestate vinceret, sed etiam commendatione virtutis, atque doctrinæ longè, multumque superaret. Etenim hic ille fuit, qui *Græcis*, *Latinisque* literis usque ad miraculum instructus, Magistratibus, & Legationibus ferè cunctis domi forisque præclarissime perfunctus, cum & Rempublicam & Musas impense coleret, utriusque rei gratia eximii honoribus excultus, elegantissima denique Historia conscripta, *Latini* sermonis puritate, gravi cum primis, atque facundo stylo, rerum denique scriptarum fide planè admirabili, ita cætera erga *Venetam*, atque adeo literatam Rempublicam egregia merita cumulavit, ut inde non sibi modo, atque posteris, sed ipsi quoque patriæ, immo vero *Italiae*, & *Europæ* æternam gloriam compararet. Cæterum Senatorem amplissimum, cujus illustris fama nullis seculis consenesceat, stupenda virtute, atque divina prudentia supra mortales omnes eminentem usque adeo Senatus suspexit, ut cum *Divi Marci* Procurator creatus esset, atque se domi ob affectam ætatem contineret, nihil tamen magni ponderis, atque momenti decerneretur, nisi ad eum honoris, atque adeo publicæ utilitatis ergo Senatores mitterentur, qui sententiam perqui-

rerent, & ad Senatum referrent. Sic undique felicissimus senex lucis usuram amisit, ipsumque revisit cælum quasi postliminii jure, unde in hanc urbem venerat; post mortem etiam planè beatus, cum tantis laudibus fuerit promeritus, ut *Pauli Jovii*, luculentissimi scriptoris, divino præconio celebraretur, dicata in pernobili musæo inter sapientes viros effigie, atque elogio perscripto: cumque præter cæteros tanti generis amplissimos Senatores in *Georgio* Equite Legationibus maximis honestissime perfuncto, & *Laurentio* Senatore illustrissimo renasci quodammodo gloriose, & reviviscere videatur.

B FEDERICUS VALARESSUS. 44

UIS autem jucundæ, atque sempiternæ *Federici Valaressi* memoriæ inter gloriosa nomina locum non daret? Quis hominem ad omne literarum genus bene, feliciterque natum, sine maxima ingrati animi nota præterire posset? Is *Græcæ*, *Latinæque* Linguæ copiam, & exquisitam Philosophiæ cognitionem adeptus, cum ingenium peracre, & solidam eruditionem cum eximia ubertate dicendi conjunxisset, literarum, & Sapientiæ studiis supra, quam dici possit, inclaruit, plurimumque non minus inter literatos viros, quam inter Senatores prudentissimos auctoritatis obtinuit: justitiam vero, ac pietatem firmissima perpetuæ commendationis, & famæ fundamenta in muneribus omnibus, atque magistratibus mirifice & sanctissime coluit. Cæterum in Senatum lectus, honoribusque amplissimis egregiè perfunctus, cum in suscepta studiorum cura, perpetuoque literarum amore usque ad ultimos dies constantissime permansisset, *Græcos*, atque *Latinos* Scriptores quamplurimos diù, multisque lucubrationibus accurate interpretatus, quibusdam etiam commentationibus editis, amplissimam familiæ dignitatem, atque percelebre nomen, quod à majoribus veluti per manus acceperat, divinis laudibus, & immortalis gloria cumulatum posteritati reliquit. Ut etiam in *M. Antonio* ejusdem familiæ justissimo Senatore, 45 omnibusque pietatis, & prudentiæ numeris absoluto, *Aloysioque*, & *Paulo Antonio* Zachariæ filiis exspectationis maximæ, & virtutis incredibilis juvenibus tanti Senatoris effigiem revereri, & virtutes non minus admirari, quam religiose colere possimus.

FRANCISCUS BAROTIUS. 46

EN tibi claram, atque pernobilem *Francisci Barotii* effigiem, quam nemo posset nisi literarum acerrimus hostis sine piaculo præterire. Etenim hic ille fuit, qui cum ingenium sublime, infinitam memoriam, atque judicium peracre ad perdiscendum afferret, tantos fecit in quacumque doctrina progressus, ut omnem Literatorum illustrum antiquitatem non provocare modo posset, sed longo etiam intervallo superare: siquidem majores nemo *Latine Græcæque* Linguæ facultates accumulavit; nemo Philosophorum placita, Jurisve Consultorum responsa, aut melius intellexit, aut subtilius pertractavit; nemo denique Mathematicas scientias familiarius habuit, & examinavit; quarum usu, atque peritia illustris, antiquorum omnium splendorem, & gloriam certissimis, atque plane mirabilibus inventis obscuravit. Multa quidem eximia tantæ eruditionis monumenta in vulgus edidit, multa edenda reliquit, dum nos cum adolescentes admirati fuimus, cum in suis deliciis, atque amoribus, hoc est in literis omnibus libero homine dignis, ultimos affectæ jam ætatis dies gloriose consumeret. Non minimam quoque dignitatis, & splendoris accessionem sibi fecit, ubi à reconditis Naturæ arcanis perscrutandis ad inti-

ma Theologiæ sacraria repente penetravit, atque
47 sacras literas, & antiquos Patres omnes, *Christiane*
Religionis auctores præcipuos, non modo legen-
do contrivit, sed etiam manusciporum collatione,
& præclaris inventis mirifice illustravit. Obiit
plane senex cum admirandam bibliothecam, por-
tentosa specula, aliaque innumera Mathematicæ
disciplinæ instrumenta, & inaudita opera *Jacobo*
Barotio nepoti legasset; viro clarissimo Oratorum
omnium, atque litteratorum Coryphæo, quem vel
ipsi *Demostheni* anteferre possis, exæquare certe,
& parem facere vel invitum omnino cogare.

48 FRANCISCUS DIEDUS.

Refertur etiam jure suo in hoc album specta-
ta *Francisci Diedi*, atque singularis imago,
cujus fama in excello, & illustri loco posita vene-
rationem potius, quam commendationem aliquam
requirit: cum is maximo virtutum, atque doctri-
narum omnium splendore sit verius Elogio nostro
lumen allaturus, quam inde laturus. Quid enim
opus cum celebrare, quem Philosophiæ, & Juris-
prudentiæ laurea insignitum excelsa quidem, ac
generosa imago, sed multo magis eruditissimæ lu-
cubrationes, & facundissimæ orationes in lucem
editæ satis superque commendant, atque æternæ
consecrant immortalitati? Unum hoc silentio præ-
terire non possum, percelebrem, atque divinum
heroem publice Philosophia profitenda, privatim
integritate, prudentia, religione, quibus animum
instruxerat, veram illam gloriam veluti pretio sibi
comparasse, quæ ex vera, solidaque virtute, at-
que doctrina tantummodo proficiscitur. Quid
plura? Si vultus, ac oris lineamenta quæris, en-
tibi simulacrum. Si habitum animi nosce cupis,
poteris facile ex iis, quæ posteritati, literisque
commendavit inspicere, atque admirari. Dum
Hieronymo amplissimo ex hac familia Senatori, scien-
tias universas vel vulgo ignotas egregiè callenti, &
virtutibus omnibus plane admirabili, cæterisque
tantæ gentis proceribus supremos honorum gradus
æquissima, Respublica tribuit.

49 JOANNES BAPTISTA BERNARDUS.

Hoc ipso pernobili oris ductu, & veneranda
canitie, rubentique admodum vultu conspi-
cua *Joannis Baptistæ Bernardi* imago non sine ma-
xima veneratione contemplanda exhibetur. Si-
quidem hic utriusque Academiæ sacris initiatus,
omnibusque rebus præcellentissimus, cum quos-
cunque motus animi teneret in potestate, aliorum-
que animos admirabili facundia quo vellet cumque
traheret, ex Triumviro Advocatore, ad supremas
Reipublicæ dignitates facile pervenit, ut Sapiens
maximus creatus, *Patarium* denique Prætor mit-
teretur. Ubi præclarum singularis prudentiæ spe-
cimen dedit, cum temperatam justitia æquitatem
præ se ferens, effrenatas juvenum cupiditates mo-
do lenitè castigaret, modo, veluti ad tempus de-
posita clementia, severissime coërceret. Quibus
artibus adeo coeperant amare simul, ac timere u-
niversi, ut in ejus nomine integritatem ipsam, at-
que justitiam habitare prædicarent. Voluit scili-
cet Senator egregius, & dignitatis splendori par
gravitate vitæ potius cavere, quam vindicare fa-
cinora, & ipso severitatis aspectu vitia fugare. Pu-
blici Gymnasii Frontem ornavit egregiè, illique
suo tam celebri nomine inscripto gloriam potius
tribuit, quam sibi quæsit. Etenim satis super-
que sibi gloriosum, & immortale nomen compa-
raverat, Rhetoricæ thesaurò, atque Philosophiæ
50 seminario in lucem edito. Quibus immensi o-
peris, atque infiniti laboris operibus quæcunque

A *Plato, Aristoteles*, & utriusque sectæ Philosophi
scripserint, atque adeo Rhetores, & Oratores e-
gregii literis mandaverint, suis quæque locis con-
tinentur, concinne tributa. Decessit *Patarii*
Prætor, ut unde gloriose actæ vitæ ceperat ini-
tium, dum liberalibus studiis adolescens operam
navaret, ibi magno sui desiderio relicto, gloriose
naturæ concederet. Utque viro amplissimo, &
de Philosophia, atque literis omnibus optime me-
rito, ipsæ literæ, ipsaque Gymnasia parentarent,
quas inter cæteras opes patrimonii titulo, non il-
lustri modo filio *Joanne Aloysio* in Senatum lecto,
sed etiam Nepoti *Bernardo*, cui libros inscripserat,
B legavit.

JOANNES BASADONNA.

Joannes etiam *Basadonna* inter amplissimos *Vene-*
tæ Reipublicæ Senatores præclarus, inter pro-
bos, atque innocentes homines eximius, inter
illustres, atque etiam rerum sacrarum Scriptores
gloriosus, pluribus nominibus non modo petere,
sed etiam exigere jure quodam suo videtur, ut tan-
tam oris excelsi, atque habitus dignitatem, atque
adeo tam celebre nomen inter scriptores egregios
referatur: quamquam hac in re nullius eget ope-
C ra, cum se ipse eximiis operibus editis in eorum
numerus vel nullo referente alio retulerit. Is in
Republica singulari eruditæ facundiæ laude, at-
que justis, integris, & religiosis moribus plane
admirabilis supremos honorum gradus facile asse-
cutus, eas quoque facultates sibi comparavit, quæ
nec ullis Fortunæ casibus amitti, nec ulla tem-
porum injuria aboleri unquam poterunt: cum sci-
licet Doctoris titulo insignitus, eruditi scriptoris,
atque facundi oratoris quæsitum, & abunde par-
tum splendorem civis optimi, optimeque de pa-
D tria meriti gloria egregiè cumularet, atque Lega-
tionibus, & magistratibus plurimis egregiè per-
functus, equestri etiam dignitate jure merito do-
naretur. Pluribus ad sapientiam divinam spectan-
tibus libris vulgatis ostendit, nunquam se patriæ
studium ab ipsis litterarum studiis separasse, sed
Reipublicæ gerendæ simul, & liberalibus disci-
plinis deditum fuisse, atque ita summam utroque
52 nomine existimationem ab omnibus retulit; quam
etiam *Romæ*, dum ad summum Pontificem Lega-
tus de rebus gravissimis ageret, eodemque tem-
pore ingens, atque operosum volumen commen-
taretur, illustri morte, atque percelebri consi-
gnavit. Tantum vero sapientiæ, atque virtutis
lumen, sicuti nomine, atque vultus, & staturæ
E dignitate unus eximiè refert *Joannes Basadonna* ne-
pos, ita quibus ille artibus supra, quam dici possit,
inclaruit, doctrina, atque eloquentia, iisdem ipsis
longe, multumque antecellit, dum singulari ju-
dicio, memoria, ac prudentia præcellens, atque
virtutibus omnibus inter omnes conspicuus, ad
maximos quosque honorum gradus felicissimo cur-
su provehitur.

PETRUS BEMBVS.

Salve, divine Musarum Antistes, totiusque po-
F sitioris humanitatis suspiciende pater. Salve
præcipuum *Venetæ* gentis lumen, sacrique *Roma-*
ni Senatus eximium decus, immo vero non utrius-
que Reipublicæ magis, quam universi terrarum
orbis radiantissimum sydus. Tu enim cum infinita
lectione, vastaque memoria sic divinæ mentis acu-
men, illustremque facundiam conjunxisti, ut exi-
mio non modo ad numeris adstrictam, sed etiam ad
solutam orationem ingenio à natura donatus, æqua-
les facile omnes utraque laude superares, atque
adeo ad excelsum summæ gloriæ fastigium præ-
claro litteratorum omnium consensu proveherere.

Tu

Tu primus *Italicam* linguam non scriptis modo elegantissimis carminibus, atque dialogis locupletasti, sed methodo etiam, atque præceptis illustratam, ad posteros transmisisti: ut vel ipsa *Etruria* non aliunde ejus linguæ, quam propriam jactaret, leges, & rudimenta, quam à *Veneto* patritio acceperit. Ad ingentem vero tui nominis admirationem cunctos homines traduxisti, celeberrimis illis de *Amore* vulgatis *Libris*, quos vel ipsum amaret odium, laudaret invidia. Sed Equis posset prudentem, atque facundam Historiam ad divinæ Reipublicæ immortalitatem literis consignatam, ipso præsertim *Latini* sermonis candore admirabilem, aut tenerrimos lusus, carminaque variis modis, atque numeris condita pro dignitate celebrare? Stupeant, itaque *Italici* nominis hostes, atque in misera scriptorum innumerabilium vastatione, sacrosancta ingenii tui monumenta nimium acri judicio, atque profanis manibus netemere violent. Sed eo magis, *Bembe*, admirentur præclarissimum lumen, divinamque tuæ gloriæ claritatem, quod tantum cum ingenui, atque immortalis oris decus, & habitum, tum etiam sacræ purpuræ fulgorem in hoc ipso tantis dotibus debito, meritoque elogio videant prætermissa: cum scilicet sublimis animus tanto virtutum, atque doctrinarum sole præfulgens, purpuræ dignitatis auroram, minutaque ista Naturæ sydera clarissima luce obscurare, atque offundere penitus videretur.

55 PAULUS PARUTA.

Quis verò *Pauli Parutæ* æque literati viri, ac prudentissimi civis beatos manes gloriosa recordatione non prosequatur? Is cum prima adolescentia egregiam Patritiorum Juvenum Academicam ad illustrem æmulationem domi suæ instituisse, tantam sibi peperit existimationem, ut cum primum per ætatem licuit, Ordinum, quem dicunt, Sapiens non sine ingenti Schatus universi plausu crearetur. Quamquam autem concitatæ expectationi cumulatissime satisfecit, nihilominus in petendis postea magistratibus ita repulsam tulit, ut ad XL. usque ætatis annum, maximo vel ipsius fortunæ rubore, privatus, sibi potius ipsi, quam Reipublicæ viveret. Sed vicit denique vir-

A. tus, ostenditque, posse prudentem virum sine præsidio fortunæ, quo contendat, labore, atque perseverantia pervenire. Etenim adeo brevi temporis spatio quasque vel maximas dignitates est affectus, ut non illi præteritis annis negatæ sed potius ad excelsam virtutem exornandam dilata, atque in unum congestæ viderentur. Continentis Sapiens creatus, in Senatorum numerum lectus, finibustermiandis *Cadubrii* Legatus, *Brixie* Præfectus renuntiatus, ad Pontificem Maximum orator missus, ita omnes optimi civis, justiiudicis, facundi, atque prudentis viri numeros implevit, ut annos VI. & L. natus fere cunctis suffragiis D. *Marci* Procurator fieret. Qua dignitate conspicuus multas iterum legationes extra ordinem obivit, fuitque promeritus, ut Equestri dignitate à Pontifice Maximo augeretur. Vir tamen antiquitatis, atque scriptorum omnium literate peritus, nunquam dulcissima intermisit literarum studia: sed cum Decemviri tanto viro non minori probitatis, quam eruditionis fama claro, *Venetam Historiam* perscribendam mandassent, imposito sibi munere, tanta facundia, rerumque gestarum fide perfunctus est, ut longe omnium, qui *Italico* sermone scripserunt, aut locuti sunt, non modo copia, & ubertate dicendi princeps existat, sed etiam civili prudentia, egregiaque historiæ veritate concedat omnino nemini. Eos autem politicos tractatus edidit, ut rerum usum egregium cum singulari doctrina conjunxisse facillime intelligas, illustremque admireris scriptorem, qui cujusvis alius vel æquaverit gloriam, vel antecesserit. Plura quoque singularis ingenii, & plurimarum vigiliarum monumenta edenda reliquit, inter quæ eminent præcipue *Quatuor Primi Venetæ Historiæ Libri*, latina lingua, eximiaque gravitate, & quod magis mireris, stricto, planeque *Sallustiano* stylo perscripti, qui vel ipsam provocare antiquitatem facile possent. Sed quid opus elogio tanto viro? qui in vulgato Soliloquio suo ipse stylo totum se descripsit, atque ad vivum effinxit? Cui nihil ad immortalitatem acquirendam defuisse existimari potest, doctissimis pariter libris, & liberis editis, & post se relictis, qui non magis illustrissimi patris, quam Serenissimæ patriæ gloriam longe, lateque diffundunt.

DECADIS SECUNDÆ FINIS.

57 P R Æ F A T I O

I N

TERTIAM ELOGIORUM DECADEM

A D

PHILIPPUM PASQUALICUM,

Venetum Senatorem.

UT Palladem bellicosam, ac civilem Deam, parique literarum, & armorum cultu spectabilem Antiquitas finxit: sic te, Philippe Senator amplissime, utraque arte conspicuum, & admirabilem venerati sunt omnes, cum fere cunctos honores, qui domi, forisque tribui possunt, magnificentissime gesseris, præcipue vero cum quasi dignitatem, ut inquit ille, dignitate mercatus, in Continentem Legatus cum summo imperio missus es, quo in munere cum justitiam ubique coleres, pietatem exercereres, prudentiam adhiberes; subjectis populis quietem, Reipublicæ gloriam, tibi vero sempiternam laudem, & immortale decus peperisti. Sic tua illa virtus, quæ nec majorem spem apud Rempublicam concitare unquam potuit, nec melius conceptæ spei respondere, ad majores etiam honorum gradus, quicumque supersunt, viam tibi munivit.

N. Crassus.

B

Ego

58 Ego vero tui, si quis alius, studiosissimus admirator facere non potui, quin tertiam hanc fortissimorum civium Decadem tibi consecrarem, qui bellicas artes tot, tantisque publicis rebus præclarissime gestis supra omnes te callere ostendisti. Quod si tenuè for-
 tasse hoc munus videbitur, ubi non quantum quisque tribuat, sed quantum tribuere possit, inspiciendum sit, tum non dubito, quin excusationem, si non laudem mereatur Vale.

59

DECAS TERTIA.

AUGUSTINUS BARBADICUS.



On faustus modo, auspicatus, & & felix, sed etiam ad omnis posteritatis memoriam gloriosus, atque beatus ille dies illuxit, quo Christiana classis ingentem illam de truculentissimis hostibus victoriam ad Echinades insulas reportavit. Sed cum incredibile, & exultantem lætitiā nonnullis fortissimorum Ducum funeribus Fortuna temperasset, ut scilicet homines fatalis mortalitatis vel in ipsa immortalis victoriæ perpetua gloria reminiscerentur: nullius tamen obitum Veneta Respublica vel celebravit gloriosius, vel tulit acerbius, quam hujus Augustini Barbadici, togæ quondam, & armorum, nunc vero syderum, & cœli, si dicere fas est, clarissimi luminis. Is Magistratibus, Præfecturis, Legationibus insignis, prudentia pariter, atque virtute maxima præditus, æque consilio, ac manu promptus, cum difficillimo Reipublicæ tempore Sebastiano Venerio, clarissimo Imperatori, æque pugnacem, ac sapientem Ducem Legati nomine mittendum statuisent Patres Conscripti, unus omnium virtutis acerrimæ, atque animi ingentis ergo electus est, in cuius fide, & præstantia maximam Respublica victoriæ spem collocaret. Quam ne frustrari expectationem videretur Senator eximius, incredibile dictum est, quantum sapientia in consulendo, dexteritate in agendo, solidaque in bellando virtute momenti, atque adeo adjumenti ad res feliciter gerendas attulerit, cum omnia cauti, atque strenui Imperatoris munia, omnesque fortis, & egregii militis numeros mirifice impleret. Sed qui semper fuerat tantæ commissæ pugnæ, partæque victoriæ præcipuus auctor, hunc in ipso prælii fine, atque triumpho limine rapuere Fata, ut sincerum gaudium, atque cœlestis præmium exantlati laboris nulla mora interposita referret. Etenim dum triremi validissima non modo sex hostilium triremium, à quibus impugnabatur, impetum frangit, sed ubique etiam providere, atque consulere conatur, cum letalem sagittam non magis hominum numero subtraxisse, quam adscripsisse Divorum concilio credendum est. Itaque ex eo vulnere verius dixeris æternum decus, atque gloriam effluxisse, quam sanguinem, plusque illum immortalitatis adeptum, quam ademptum vitæ. Eoque magis, quod illustrem effigiem nobili celebratam elogio in mediis armis, cæterisque Reipublicæ firmamenti gratissima patria illi posuit, ut in pugna quidem imposito mortifero vulnere, in Curia vero immortalis elogio, clarissimi cineres æternum viverent. Obiit, si quisquam interit, qui sic diem obiit, uno relicto tantî nominis, ac splendoris hærede, in quem sicuti ex paterno sanguine conceptas virtutes omnes divina manus congeffit, ita dignitates, & honores universos, qui tot, tantisque ornamentis, meritisque debentur, memor Senatus, & grata Respublica incredibili favore, atque plausu accumulat.

A BENEDICTUS, & HIERONYMUS, 61
PISAVRI.

Duo isti Venetæ classis Imperatores, non minus boni consilio, quam prælio strenui, ore quidem excelso, at magis animo, antiqua virtute, sed etiam antiquis moribus, cum nihil prorsus metuerent, nisi turpem famam, bellica gloria, & iustitia insignes, invidiam ipsam eximiis, atque innumeris virtutibus præclare vicerunt. Siquidem Benedictus Pater ex Ionio in Hellepontum Turcarum alteram classem fugavit, alteram vero in Ambracio sinu gloriose cepit, Leucadiam, & Cephaleniam expugnavit, aliisque receptis insulis, Naupliam oblidione liberavit, sævissimos Pyratas interfecit: præclara facinora, neque digna, quæ tam breviter referantur, nisi testimonium illud superesset, quod magni Consalvi socius Imperator, nulla ex parte minor, fuit sæpenumero promeritus, ut ab ipso non minus re, quam cognomento Magno Imperatore Imperator Magnus, stupentibus omnibus, appellaretur: idque jure, ac merito cum & ipsa pugnandi arte, & audacia nemini cederet, & prudentia, atque consilio cæteros omnes gloriose præcederet. Quo factum est, ut absens Procurator D. Marci renunciatus, Corcyre, pace jam facta, lætissimus obiret. Hieronymus vero tanti patris æmulator filius peregre-
 62 toris operam Reipublicæ præstitit; legationibus clarus, non semel Reipublicæ classi cum summo imperio præfectus, atque exercitus universi, totiusque continentis Imperator. Satis uterque sibi bellicæ laudis, satis quoque Reipublicæ imperii peperere. Verum ad sublimem ingentis gloriæ cumulum utrique multum accessit, cum in quacumque vitæ actione moderatissimi, militum maleficia singulari severitate punirent: cum præclarissime uterque statueret, facile in re bellica vitia Rempublicam oppressura, nisi celeriter opprimantur. Igitur Hieronymus incredibili pulchritudinis, atque natalium splendore decoratum adolescentem, eundemque Triremis Præfectum, patrati facinoris convictum, securi percussit: & Peditum insignem Præfectum cum turpissime fugam meditaretur, atque institueret, ultimo supplicio severissime affecit. Benedictus vero in egregium patritii sanguinis virum more majorum animadvertit, quod Pylo Præses ob Turcarum metum abiisset, atque sibi commissum oppidum deseruisset. Volebant scilicet, ut Imperatorem milites metuerent, ne metuerent Hostes: neque severius in cæteros exercebant imperium, quam in semetipsos, incredibili morum integritate, atque vitæ sanctitate viri: cum tamen aliquando remisso ad lenitatem ingenio imperatoriam gravitatem singulari quadam comitate condirent: ut militibus cari, hostibus formidabiles, Reipublicæ gratissimi, omnibus admirandi ad maximas quasque Reipublicæ dignitates proveherentur, ac singulare posteris omnibus, cæterisque nobilissimæ gentis
 63 proceribus virtutis exemplum relinquerent: quo incitati Jacobus Senator amplissimus, Laurentius Hieronymi filius, Hieronymusque Jacobi, & Andreas Bartholomæi filius, literarum, & eloquentiæ studiis clarissimi juvenes, cæterique omnes tanti generis viri ad sublimes honorum gradus felicissime contendunt.

C A-

SI quisquam est inter tot, tantosque *Venetorum* Imperatores, qui unus excellat, atque principem locum jure merito obtineat, aut certe hic erit *Carolus Zenus* hæreditarium decus paternæ laudis referens, aut nemo. Siquidem hunc habuit *Respublica Veneta*, quem *Romanis*, *Græcis*que Ducibus singulis anteferre, universis autem opponere constantissime posset. Etenim literis omnibus excultus, ac *Latina* præsertim facundia celeberrimus, Imperator suæ ætatis omnium fortissimus, hostilium cadaverum congerie, ingenti victarum classium mole, & urbium ruinis, quasi gradibus factis ad illud conscendit gloriæ fastigium, ut non aliunde militaris virtutis exemplum & populares, & externi populi, quam ab ipso acciperent. Puer adhuc cum Patrem Imperatorem clarissimum ad *Smyrnam* Turcarum armis interfectum amisisset ad *Romanum* Pontificem se conferens, eam habuit orationem, eam præ se tulit magnitudinem animi, atque indolis majestatem, ut *Patre*nsi amplissimo sacerdotio donatus, non inde solum tenues opes, atque fortunas sublevaret, sed pugnandi contra *Turcas* occasione feliciter capta, paternis manibus non semel auspicato parentaret. Juvenis autem, jamque non paterno magis nomine, quam propria virtute conspicuus à *Joanne Galeatio*, *Cisalpinæ Galliæ* Principe, accitus, adeo pacis omnibus, atque belli artibus inclaruit, & ipsi

65 Duci carus fuit, ut Collega potius, & imperii tutor, quam Principis Legatus haberetur. Amplissimi vero *Cypri* Regis universis copiis Imperator præfuit, ut regni incolumitatem *Caroli Zeni* virtuti acceptam referret, præterea nemini. Ubi vero in patriam reversus est, *Tenedo* Præfectus *Græcos*, atque *Ligures* ingenti classe oppugnantes non rejecit modo, sed incredibili etiam edita strage, fusos, fugatosque profligavit. *Venetæ* classis cum imperio Dux LXX. longas Hostium naves vel cepit, vel depressit: nobilissimam, atque celeberrimam *Ligusticam* onerariam, mercibus, auro, gemmis onustam, quam omnes inexpugnabilem constantissime credebant, invicto ferro, atque virtute expugnavit: hostilem oram universam devastavit; formidabilem vero classem iterum, atque sæpius fugavit. Exercitus Imperator *Ligures* hostes, *Aquilejenses*, *Patavinos*, atque *Pannonas* copias ad *Brondulum* vicit, profligavit, ac prope ad gentium internecionem delevit, ut ejus fuerit vincere potius, quam dimicare, & ex iis vulneribus, quæ sæpius acceperat, Victoria, è sanguine vero immortalis gloria felicissime emanarit, *Fos*sam *Clodiam* amissam recepit, ipsamque patriam non solum timore liberavit, sed ingenti etiam affecit lætitia, cum *Andree Contareni*, invictissimi Principis, triumpho non magis comes, quam auctor spectaretur. *Ligusticam* iterum classem à *Bucicaldo*, Gallo fortissimo & invictissimo Imperato-

66 re, auctam, & instructam fortissime vicit. Fuitque in Castris Legatus, cum *Patavium* *Respublica Carrariensibus* ademit. Quid quod Amplissimum *Cypri* Regem in regnum, & *Calojannem* *Byzantii* Imperatorem in Imperium restituit? cum æque sciret invicta manus, & vincere Reges, & facere. Procurator tandem *D. Marci* creatus cum in judicium aliquando traheretur, nec ulla ratione à quoquam induci posset, ut objectum crimen, neque satis probatum dilueret, fuit judicum sententia in ordinem redactus, & in carcerem trusus eo eventu, ut qui terra, marique in castris pariter, atque in curia gloriosus fuerat, ipsas etiam carceris tenebras in lucem, atque splendorem clarissimi nominis verteret: cum paulo post in pristinam dignitatem restitueretur, suumque diem obiens publico elatus funere, ipsoque *Reipublicæ* Duce,

A & cuncto Senatu inferias celebrante, Civitas universa lacrymis, ac mœrore incredibili parentaret: cum interim ipse nihil sibi è tantis rebus gestis præter gloriam quærens, tenuissimas quidem opes, sed immensum, & immortale nomen pervetustæ, & nobilissimæ familiæ reliquisset.

FRANCISCUS BARBARUS. 67

NEmini mediusfidius aut benignioris fortunæ, & arridentis naturæ dona, aut magno labore, & pluribus vigiliis quæsitæ laudes; aut denique incredibili constantia, atque bellica virtute parta gloria major, aut spectatior contingere potuit, quam huic *Francisco Barbaro*, in quo supra Senatoriam purpuram literarum omnium, & virtutum eximius splendor certatim elucet. Is cum ingenio valido, mireque facundo ad eam pervenisset eruditionis exuperantiam, ut omnium sine controversia doctissimus esset, incomparabili morum candore, & singulari virtutum splendore præfulgens, in Senatus amplissimi luce versatus est, atque celeberrimis lucubrationibus editis clarum, & perillustre nomen æternæ posteritatis memoriæ commendavit. Incredibilem vero gloriæ accessionem sibi fecit, ubi opulentissimæ, & maximæ urbis *Brixie* præfecturam à Republica sibi demandatam caste imprimis, atque singulari prudentia administravit: ut etiam ab ipso *Apolline* ad *Martem* pro temporis necessitate deficeret, bellicam artem non leviter, aut perfunctoriè, sed seriò atque diligenter amplexus. Etenim cum à *Picinino*, Infubrum Imperatore, oppugnaretur sæpius, ac etiam obfideretur Civitas atroci fame, atque grassanti pestilentia afflicta, egregiè semper, ac mirificè *Barbarus* incredibili in hostes virtute, atque astu, in cives humanitate, atque candore, una-

68 que præcipuè invicti animi magnitudine spes undique prostratas erexit, effecitque, ut plus in unius Præfecti virtute spei, quam timoris in tot, tantisque hostium, Fortunæ, Cœli injuriis obsessi cives jure, ac merito reponerent. Etenim bello strenuus, bonus consilio, patiens laborum, contra pericula invictus, cautus contra insidias, in operibus, in agmine, ad vigiliis re magis ipsa, quam verbis hortator aderat; cum gregariis militibus, atque etiam ipsa plebe infima non sermonem modo, & amictum, sed etiam in tanta rerum penuria cibum, ac potum promiscuum, atque communem habens, & in pestilentia immanissima in medio foro semper versatus, omnibusque vel Imperatoris, vel Principis, vel Patris muneribus usque ad ingentem omnium admirationem egregiè perfunctus: quo factum est, ut tantum sibi conciliaret amorem: & observantiam, ut non modo viri, sed ipsæ quoque matronæ, ac mulieres militaria quæque munia ultro, atque fortissime obirent, & æque *Brixie* salus in stola, ac in sago eo tempore poneretur. Qua demum liberata civitate, ac desperantibus de expugnatione fortissimis hostibus, pacis artibus clarus antea, atque illustris, imperii postea, & belli virtutibus clarior, & illustrior *Barbarus* dubium fecit, plusne in eo doctrinam, & eloquentiam, an robur animi, & fortitudinem admirari debeamus. Cæterum in patriam reversus artibus omnibus, quibus summa claritudo paratur, admirandus, multis magistratibus, præfecturis, & legationibus perfunctus, *Divique*

69 *Marci* Procurator creatus, quam *Reipublicæ* debebat boni, eruditi, ac fortissimi civis operam, ad usque ultimos annos piè, fideliterque persolvit. Inter cujus felicitatem, & gloriam illud præcipuè enumerandum videtur, quod *Zachariæ* viri fortissimi pater, *Hermolai* Literatorum antistitis avus fuerit, ut etiam ex ejus familia *M. Antonius* Procurator illuxerit, Senatorum omnium nostræ tem-

N. Crassus. B 2 pesta-

pestatis acutissimus, sapientissimus, atque ingerrimus: cujus virtutes omnes in *Antonio* filio viro eccellente, atque Senatore prudentissimo intueri licet, & meritissimo admirari.

70

GEORGIUS VIARUS.

QUæ duæ virtutes celebrem Imperatorem, & admirabilem facere consueverunt, invictum animi robur, atque singularis ad bellicas artes calliditas, hæc ita conveniunt ambæ ad *Georgium Viarum* exornandum, & extollendum, ut summa cum gloria, ingentique suo merito, non magis hæc inter cæteras spectata, atque nobilissima effigies ad spectandum, quam eximia virtus, & admirabilis solertia posteritati ad imitandum exposita proponatur. Hoc enim feroce, ac impavido vultu, & nitentibus armis, sed intrepido magis animo, & fulgurante dextera conspicuus fuit, dum *Corcyra* nigræ Comes cum Imperio præfectus non modo *Federici Arragonei*, fortissimi Imperatoris, sed ingentis etiam, atque terribilis Classis impetum constanti virtute sustinuit, atque adeo perfregit, cum nullo sapientis, nullo invicti Imperatoris officio prætermisso, salutare denique excogitavit artificium, quo *Venetam* classem subsidio jam adesse egregie simularet, itaque cunctis exultantis lætitiæ signis hostes perterriti, atque delusi, ut quingentis in oppugnatione militibus desideratis, se protinus fugæ darent, tantaque trepidatione recedentes in altum se recipere, ut qui paulo ante timorem maximum pugnantes injecerant, modo fugientes dictis multis, atque fibilis, & clamoribus irrisi exploderentur. *Viarus* autem fugatis, & derisis hostibus, *Pænorum* Ducibus astu, an *Romanis* Imperatoribus virtute exæquandus? in patriam revertitur, maximisque dignitatibus, & honoribus domi forisque perfusus, immortalis nomine parto, vitam naturæ, animam cælo reddit, è cujus vetustissimo genere *Stephanus* Brixia Præfectus, Senatorque numeris omnibus absolutus; *Vincentius* & *M. Antonius* qua nobilitate gentis, qua ingentis, atque sublimis animi magnitudine nemini secundi, tot, tantisque virtutibus eminentissimi, promerentur, ut sint per omnium Annalium monumenta celebres nominibus, & summos quoslibet honorum gradus meritissimo adipiscantur.

72 JACOBUS FUSCARENUS.

QUID aſtas? quid hanc vivacibus oculis, proluxa barba, ſevero, atque pernobili oris habitu eminentem, planeque regiam effigiem admiraris? Quem ſpectas purpureo paludamento, atque radiantibus armis inſignem, *Jacobus Fuscarenus* eſt. Quid iterum ſupes, audito percelebri nomine? Audi. Hic adoleſcens omnibus *Britannia*, *Syria*, *Africa*que emporiis aditis, externis moribus attentæ cogitatione expenſis, & maritimis rebus animadverſis, ingentem ſibi rerum uſum, & civilem prudentiam comparavit. Vir autem ita injuncta ſibi munera adimplevit, ut concitatam apud omnes ordines acerrimo ingenio, expeditaque ſacundia expectationem non modo cumulatiſſime expleret, ſed longo etiam intervallo ſuperaret: ita commiſſas legationes obivit, ut cum Reipublicæ mandata exacte perficeret, patriæ pariter, atque cunctis Principibus, equeſtri dignitate donatus, non tam carus, & gratus, quam clarus, & admirabilis haberetur: ita ſummo cum Imperio *Creta* Præfectus Regnum temperavit, legibusque auxit, ut non alter *Minos* ab inferis evocatus, ſed novus *Jupiter* potius è cælo lapſus videretur, ſequè ſemper ipſo major, & clarior evaderet. Ita demum *Venetæ* Classis Imperator bis

A cum *Pluſſario*, Turcarum Imperatore, pugnavit, ut inſtructa acie, vixque tentato leviter prælio, ſeſe recipereſt Hoſtes, & fugæ darent, oblata *Fuſca-73* *reno* occaſione, qua incredibilem oſtenderet excelsi animi ardorem, atque bellandi virtutem, cum jam milites adhortaretur, Collegasque Pontificis, & *Hiſpaniarum* Regis Imperatores incaſſum increparet. Exacta demum ætate, iterum & ſæpius Maximus, ut ajunt, Sapiens, excelsique Collegii Conſiliarius, poſtremum *D. Marci* Procurator, quæ dignitas eſt à Principe proxima, & cum immineret bellum, iterum Classis Imperator creatus, omnes facile Reipublicæ dignitates obtinuit, ſi Principatum excipias, quem non ingentibus meritis, ſed objectæ ſeveritati non ſemel negatum, ſingulari, & eximia virtute, atque rebus domi, forisque præclariffime geſtis non ſemel eſt promeritus. Sed quod auget mirum quantum immortalis Viri admirationem, ita unus eodem tempore, & privati Patrifamilias, & publici Senatoris partes adminiſtravit, ut ſummis opibus, & ſumma gloria partis, celebrem apud poſteros utroque nomine famam, & admirabile, atque numeris omnibus abſolutum egregii civis exemplum reliquerit: quod etiam duo ſpectatæ probitatis, & magni nominis filii, Eques alter, & Continentis, ut ajunt, Sapiens; alter vero Decemvir, & excelsi Collegii Conſiliarius non minus paternæ facultatis, quam gloriæ hæredes, præclariffime referunt, in quorum virtute, atque Senatoria prudentia geminatum illuſtriſſimum patrem Civitas univerſa cognoscit, & admiratur.

M. ANTONIUS BRAGADENUS. 74

QUO te nomine appellem, *M. Antoni Bragadene*, non iſto magis pulcherrimo, excelsoque oris habitu, & majeſtate, quam ſublimi, atque invicta conſtantis animi magnitudine, ſingularique in patriam, & in Deum pietate ſupra mortales omnes ſpectatu digniſſime? Inter Heroës te referam, an potius inter Divos ipſos? Incrediblem equidem illa tua, ac inſtructa virtus, qua *Salaminæ* non diuturnam magis, atque crudelem *Turcarum* obſidionem egregie pertuliſti, quam ſæpius ferro, flammisque illatam vim vel in ultima rerum omnium inopia generoſe, ac impavide repuliſti, Heroëm te clamat incomparabilis gloriæ, & ſplendoris, cunctis gentibus, atque ætatibus admirabilem. Sed te proſecto in Divorum numerum retulit immortalis, atque divina penitus conſtantia, qua fortis, invictus, ſanctus, quidquid potuit vel truculenta atrociffimi Barbari crudelitas excogitare ad tormentum, vel carnificis impiæ, atque ſceleratæ manus inferre ad ſupplicium, intrepide, & glorioſe uſque ad ultimum ſpiritum ſuſtinuiſti, cum acerbiffimis quibuſque cruciatibus aſſecto, viventi adhuc, & impavido cruenta pellis, vel ipſis erubeſcentibus, atque averſantibus teterimis hoſtibus detraheretur. Quo factum eſt, ut quod ipſe vivens tutatus fueras regnum florentiſſimum, generoſa morte occumbens mirum in modum illuſtrares, teque contra ipſum Regnum, cui, 75 dum ſtaret, admirabili fueras præſidio, atque ornameto, miſere cadens inter ingentes ruinas, & funeſta incendia rogo, utcumque potuit, honeſtaret, ac tumulo. Eat modo immitis, atque deteſtandus Tyrannus, tuæque virtutis implacabilis hoſtis, & execrandam ſitim, quam tuo ſanguine vel toto explere non potuit, tua ſanctiſſima cute ſatiet, atque depellat: jaſtet ille quidem, cum miſerabili tanti regni excidio ſe tibi vitam adimere potuiſſe, non potuit virtutem. Circumferat, atque oſtentet malo Triremis pellem appenſam, tuæque potius decoræ mortis, quam ſuæ infamis victoriæ ſublime trophæum, quo *Ve-*

netorum Civium inclytum robur, ac fidem non armis, atque virtute, sed perfidia, ac immanitate, si modo victa fuit, vinci posse testetur: dummodo nulla sit ora tam deserta, nullae tam remotae gentes, quo tua non perveniat gloria, quæque te cum ipsa bellica virtute exortum non ultro confiteantur. Sed quid elogium tibi? cujus vel ipsum immortale nomen illustris instar elogii ita *Venetis* omnibus est, ut quisquis vere constantem, atque divinum Heroem significare velit, eum nesciat alio nomine definire, quam tuo. Non eget privata commendatione tanta virtus, quæ proprio sanguine in ipsos æternitatis annales tuum retulit nomen, quæque inter *Venetæ* Reipublicæ monumenta, quasi tutelare Numen, posito simulacro, & encomio scripto, locata est. Ut eam scilicet
76 venerentur universæ gentes, æmulentur vero præcipue *Marcus*, & *Antonius* illustres filii, quos veluti divisum sanctissimi patris immortale nomen, ita nunquam divisa hæreditaria virtus, & gloria ad sublimes honorum gradus meritissimo evexit.

77

PETRUS PRIOLUS.

Fuit hujus *Petri Prioli* majestas, & gloria major, quam ut meo præconio referri, nedum amplificari pro dignitate possit. Etenim *Cremone* Prætor æquitatem servavit, pietatem coluit, vigilantiam adhibuit. Consiliarius vero, Maximusque Sapiens doctrina, & eloquentia, rerum usu, civilique prudentia plane admirabilis meruit, ut *D. Marci* Procurator ingenti civium favore, atque plausu crearetur. Ita pacis artibus omnium eminentissimus cum difficile Respublica atque periculosum bellum contra *Ferrariæ* Ducem, cæterosque foederatos Principes gereret, fuit etiam in Castris Legatus, ubi pluribus præliis fortissime confectis, & oppidis felicissime receptis, cum armis, & robore corporis omnes anteiret, consilio vero, & prudentia in paucissimis esset, dubium fecit, gratione domesticis virtutibus, an bellicis artibus laudabilior, majoribusque beneficiis patriam, an cladibus hostes affecerit. Præclarus denique trium *Venetorum* Principum suffragator, ipseque non semel tantæ dignitatis candidatus, quamquam sibi alios prælatos videbat, æquo animo repulsam tulit, cum ei meritum honoris culmen ab una Filiorum multitudine è manibus ereptum videretur, ipse vero lætissimus frequenter diceret, gaudere se, quod meliorem se civem habuisset Respublica. Maximis autem laboribus defunctus, &
78 honoribus auctus, quasi non dignum tanta virtute terrarum orbem relinquens, remeavit ad superiores, vir belli, domique illustris, & honoratissimæ imaginis futurus ad Posteris: quos inter *Antonius D. Marci* Procurator, & Eques, *Hieronymus*que *Francisci* filius, *Palladis* alumnus, & *Musarum* deficiæ: *Hieronymus* Consiliarius, *Michael*, iterum ac sæpius Triumvir Advocator: *Franciscus* Senator amplissimus, *Constantini* filius, cæterique innumeri illustrissimæ gentis heroës tantum auctorem secuti, atque immortalis gloriæ nunquam se in invidiam vertentis hæredes, togati, quod haud facile est, æquarunt armati gloriam, ut summis quibusque honoribus perfuncti, non minus redant dignitatibus ipsis propria dignatione honoris, quam ab iisdem acceperint.

79 ROBERTUS MALATESTA.

Robertum Malatestam, Arimini Principem, bellorum eximium decus, & *Martis* invicta gloria inter præclarissima belli Numina retulit: studium vero erga *Venetam* Rempublicam, quo cunctis ad unum Patritiorum suffragiis inter patritios ipsos referri meritis est, facit, ut inter *Venetos* He-

roës numerandus omnino videatur. Hic inter arma sublimi loco natus, atque in ipso *Bellonæ* sinu ferociter innutritus, quam ex ejus ubere suxerat disciplinam bellandi, ut primum eam attigit ætatem, quæ labori militiæ ferendo par erat, præclarissime ostendit. Adolescens adhuc, quæ fuit virtutis fama, à *Florentinis* summus Imperator creatus ita se gessit, ut ei primas in bello communis omnium consensus deferret. Hac ille frontis, atque oris severitate, igneis, atque minacibus oculis Martium vigorem evibravit, cum oblatum in acie hostem invicta dextera sterneret, tranquilliori tamen aspectu ingenitam mansuetudinem præ se ferens, cum eloquentia militari plane admirabilis vel militum animos deliniret, vel in hostes accenderet. Nemo domi consultius, nemo in castris belli præceptis instructior, nemo in pugna fortitudine, prudentia, ac industria præstantior habitus. Quo factum est, ut invicto robore animi pariter, & corporis, peritia, & fortuna belli à *Veneto* Senatu in *Bartholomæi Coleonis* locum Imperator declaratus, eodemque ferme tempore à *Ro-*
80 *mano* Pontifice honestissimo *Consalonerii* titulo insignitus validissimis copiis præficeretur. Dedit autem ingens celeritatis, virtutis, atque prudentiæ specimen, cum à Senatu *Venetæ* pietate ad opem *Romano* Pontifici ferendam missus, ad *Velitras* cum *Alphonso*, *Calabriæ* Duce, collatis signis conflixit, eo eventu, ut singulari parta victoria, & profligatis hostibus cuncta ad unum militaria signa adimerentur, & innumeri viri Principes captivi fierent, qui triumphum à *Romano* Pontifice jure ac merito illi decretum, & prisco more celebratum non mediocriter illustrarent. Ita qui priuscos *Romanorum* Duces invicta, celerique bellorum gloria unus præcipue referebat, unus etiam præcipue triumphandi consuetudinem antiquatam in usum revocavit. Sed quasi gloria satur terrenum triumphum fastidiret, ad ipsam beatorum arcem, ipso assistente, atque Viaticum ministrante Pontifice Maximo, gloriosissime accessit, ut etiam inter beatos spiritus sacrosanctæ Ecclesiæ miles fortissimus, & hostium victor triumpharet. Fuit dum viveret tanta munificentia, & animi magnitudine præditus, ut ei Magnifici cognomen tribuerent omnes, & quidem ita, ut neglecto nomine non aliter vulgo audiret, quam Magnificus. Post mortem Equestri statua *Romæ* donatus est, & percelebri elogio vel ipsi *Julio Cæsari* meritissimo æquatus: *Venetis* vero fuit *Robertus* abnepos præclarissimus juvenis, doctrinæque,
81 & eloquentiæ studiis eminentissimus vna cum fratribus annuo vectigali in tanti Viri memoriam à grata Republica donatus.

VINCENTIUS MAUROCENUS. 82

Quodnam vere dignum, tantisque virtutibus debitum præconium tribuerim tibi, *Vincenti Maurocene*, Senator amplissime, qui ad laudem bellicæ virtutis ingenii quoque, & eloquentiæ gloriam adjecisti modo hac, modo illa insignis, semper vero conspicuus, & admirandus? Tu vi, & proceritate corporis animi robur, & celsitudinem referens, æque in armis, ac studiis versatus ita corpus periculis, & animum disciplinis exercuisti, ut nec juvenibus manu, nec senioribus prudentia concederes, ad labores impiger, ad pericula fortis, ad consilia prudens: in colenda vero iustitia, maximisque legationibus tractandis æquissimus omnium, & eloquentissimus, pariterque togatus, & armatus sine ullo pari: ut non bellicæ magis laudis, quam pietatis, iustitiæ, humanitatis, & liberalitatis omnes tibi primas deferrent: unde factum est, ut Præfecturis, Magistratibus, Legationibus maximis egregie per-

B 3

fun-

functus in *D. Marci* Procuratorem evaderes, atque turbulentissimo Reipublicæ tempore, quo terrimi, ac atrocissimi Hostis adventum ipsa civitas mirum in modum horrebat, in te uno spem
83 poneret non dicam victoriæ, sed libertatis, atque adeo salutis, tibi que uni ex omnibus more majorum mandaretur, ut penates, aras, & focos, urbem denique totam ab imminentibus periculis fartam tectam conservares. Tu non solum classi, & copiis omnibus terrestribus, sed etiam litoribus, & Urbi cum Imperio Præfectus tam acri, singularique virtute, ac prudentia cuncta munia gessisti, ut nec virtus opinionem, nec prudentia expectationem conceptam minueret, quinimmo augeret mirifice, atque amplificaret: licet enim hostis nunquam accesserit, sed ex intimo sinu pedem citissime retulerit, attamen cognovit exercitus, Classis, Populus, Senatus quantum operæ,

A diligentia, studii, vigilantia in communi salute defendenda collocaris, quantaque animi alacritate populum universum ad bellandum inflammaveris, atque etiam exercueris, litora que novis aggeribus, ac turribus munita, ut à quavis hostium incurfione nihil plane cives timere possint, sed vel in utramvis aurem tutissimo dormire, ostendunt omnibus, atque clamant consilium adfuisse sibi, consilio vero nec animum, nec industriam defuisse. Ego vero si te vel justum, vel facundum, vel prudentem, vel fortem dixerò, minus certe prædicavero, quam debeo, quamque veritas exigit: si vero te nobilissimæ, ac vetustissimæ *Maurocenæ* familiæ decus, & ornamentum præcipuum, & singulare appellavero, si dignum *Borbonis* filium,
84 dignum *Borbonis* patrem, strictim, ac veluti compendio quodam meritas laudes perfringere visus fuero.

DECADIS TERTIÆ FINIS.

85

P R Æ F A T I O

I N

QUARTAM ELOGIORUM DECADEM

A D

GEORGIUM CORNELIUM,

Venetum Senatorem.

Quartam Elogiorum Decadem tibi ex omnibus, Amplissime Georgi, nuncupare decrevi, ut onus hoc si non felici, ingenio certe labore susceptum in excelso, & amplissimo sinu reponeretur, & aliquid saltem dignitatis, & gloriæ à tam claro, atque celebri nomine mutaretur. Tu enim, ut gentis hæreditatem, virtutes crevisi, quibus omnibus ita es cumulatus, ut præcepta potius, quam præbita laudandi facultas videatur: cum præclarissimos tanti generis auctores secutus, & facile, quos æmulari institueras, omnes assecutus, post Censuram, & Decemviratum, Consiliarius denique renunciatus, avita gloria stimulos addente, eam viam ingressus fueris, quam tibi præter cæteros Joannes frater, *D. Marci* Procurator, gloriosissime stravit. Cæterum non quid afferam, sed quo animo afferam, spe-
86 des velim, meque in clientelam suscipias, Ut qui mortuorum illustrium memoriam colui, vivorum illustrium benevolentiam conciliasse mihi videri possim. Vale.

87

DECAS QUARTA.

ALOYSIUS BELEGNUS.

EX hoc *Aloysii Belegni*, Senatoris amplissimi, honesto, atque venerabili ore non ornata minus verba, quam sententias illustres quasi ex uberissimo quodam eloquentiæ fonte manantes, & Forum, & Curia sæpius admirata fuere, cum singulari ingenio, atque divina penitus facundia ita omnis memoriæ, atque ætatis oratores adæquaret, ut si Divorum disertissimi *Mercurius*, & *Apollo* cælo dilapsi terras inviserent, neque majori facundia perorare, neque majori concursu, atque adeo admiratione audiri crederentur. Sed cum ejusmodi virum cõ mortalibus Dii concesserint, ut esset, in quo se virtus, atque doctrina per omnes numeros extenderet, postquam diu, multumque celebris, & gratiosus in foro viguit, ita se ad Rempublicam contulit, ut in eo neque prudentia in consulendo, neque justitia in judicando, neque solertia in regendo desiderari posset. Ad maximas itaque

C dignitates evectus, post Advocatorios, ut ajunt, Triumviratus, atque Censuram, *Fori Julii* cum imperio Legatus, Decemvir, atque Consiliarius, Magnusque Sapiens renunciatus, nihil omnino reliquit, quod vel Reipublicæ fructui, atque ornamento esset, vel sibi honori, atque dignitati; ita denique se gessit, ut cum nihil ad summæ virtutis, prudentiæ, eloquentiæ, justitiæ fastigium ipsi deesset, nullum pariter esset præmium virtutis, insigne honoris, monumentum laudis, quod à Republica bene de se merito civi
88 negaretur. Obiit non plane senex, *Marino Grimano* Venetorum Principe: relictis clarissimis filiis, quorum *Carolus* & *Justus Antonius*, duo præcipua tantæ Reipublicæ lumina: alter eloquentia forensi admirabilis, alter bellica virtute conspicuus, quasi ex æquo majorum gloria divisa, omnium oculos, & admirationem in se convertunt; cum ille lingua, hic manu in foro pariter, atque in mari immortale familiæ decus non sustinere magis, quam amplificare videantur.

IN celeberrimo, vereque summo, & admirabili *Veneto* Senatu, dum continentis imperio fere toto amisso, in maximis angustiis Patres versarentur, omnium primus oculos, & admirationem in se convertit *Aloysius Molinus*, qui longo rerum usu, liberalique omni doctrina perpolitus, pulchritudine oris egregia, staturaque procera, de *Patavio* recuperando, ubi paulo ante Prætor fuerat, eloquentissime sententiam dixit, bellique auctor fuit, quod consilio prudenter susceptum, exitu quoque felicissime confectum est. Hunc generis splendore, divitiarum amplitudine, gloriæ claritate nemo suæ ætatis superavit: cum eò pervenisset fastigii, ut *D. Marci* Procurator creatus omnibus fere Senatusconsultis non interfuisse, sed præfuisse diceretur; neque possent universi cives pro dignitate munus illud celebrare, quod afflictæ Reipublicæ atque patriæ pro veteri gloria, pristinaque dignitate retinenda magnifice fecerat. Quod enim offerre majus, meliusve poterat, quam cum sexcentis Peditibus filium ipsum, *Andreamque* ex fratre nepotem, ingentis corporis, ingentioris animi, virtutis incredibilis. Hujus itaque civili prudentiæ, & infracti animi magnitudini pristinam majestatem recuperatam *Veneta* Respublica acceptam fert; qui cum Politicos libros de manibus nunquam poneret, exemplo docuit, ut agrum sine cultura, sic animum sine doctrina, quamvis fertilem suapte vi fructuosum esse non posse: ubi vero illa accesserit, incredibilem gloriæ segetem referre. Sic magnis ille deorum muneribus, & Reipublicæ honoribus affectus, ubi sempiternam vitam promeruit, ab hominibus gloriose demigrans, caducam amisit, ut in æternam tantæ virtutis memoriam Procuratoria dignitate, quam ipse obtinuerat, ex Senatusconsulto Filius augeretur, quod antea inauditum Posteris ad æmulationem æternum excitabit, inter quos præter *Marinum*, & *Marcum* honestissimos viros, *Franciscus* etiam *Adriaticæ* classis Præfectus, & *Dominicus* frater literis omnibus, iisque præsertim, quæ ad Reipublicas moderandas spectant, ornatissimus, antiquam familiæ splendorem, & dignitatem gloriosissime retinent.

91 BENEDICTUS ERITIUS.

Vix ullum ab omni ævo Senatorem invenire posses, cujus probitatem, & innocentiam *Benedicti Eritii* integritati, atque adeo sanctitati compares. Is ab ineunte ætate cuncta vitia non modo non sectatus, sed etiam acerrime infectatus non esse minus, quam videri vir probus præclare constituit, ut incorrupti mores in perduto seculo jam inde à pueritia admirationem habuerint singularem. His ille artibus & ad honores in Republica & gloriam in cælo viam sibi munivit, rectumque iter ingressus est, & perfecit. Etenim *Clodiæ* Prætori, *Corcyræque* Præfecto id libebat solum, quod licuisset, nihil probabile videbatur, quod severa justitia non probasset, cum neque cupiditati, aut affectibus ullis indulgeret, nec ab officii præscripto ulla ratione discederet. Institutis vero domesticis non minus, quam publicis plane admirabilis, vel literarum studiis, vel publicis cogitationibus, vel divinis precibus totam ferme diem conterere solebat, ut etiam, quæ dux res languorem afferunt cæteris, otium, & solitudo hujus industriam, & probitatem mirifice acuerent. Ab omni contentione, atque adeo ostentatione remotus nunquam fere silentium rumpebat, nisi cum indigna silentio proferret, verborumque promum, & condum non os, & labia, sed pectus, & animum sapientissime instituit. Decemvir au-

Atem, & Consiliarius ita sæpius creatus est, ut cum nullam fere dignitatem peteret, dignitates omnes assequeretur, gloriamque promeretur verius, quam captaret, cum ille frequenter non cumulandis honoribus, sed minuenda cupiditate veram quietem parari, solidamque gloriam acquiri prædicaret. Sic ad extremum ulque senectutis minus ætate crevit, quam gratia, & auctoritate: cumque senectæ, & sævientis hiemis frigus naturalem calorem sensim extinxisset, *Francisco* Senatori maximo, atque *Nicolao* viro præstanti, filiis, familiæ splendorem, Reique publicæ dignitatem ob oculos ponens, quasi fortunam hominis egressus in cælum migravit. Hoc est scilicet æternam gloriam brevi morte veluti pretio comparare, & acquirere potius vitam, quam amittere.

GEORGIUS CORNELIUS. 93

Pulchrum sane, atque gloriosum tibi fuit, *Georgi Corneli*, ex ea gente nasci, quæ vel illustri stupendæ antiquitatis origine, vel præclarissima rerum ubique gestarum gloria, omnibus demum fortunæ copiis concederet omnino nemini: pulchrius tamen, atque gloriosius, non modo hac liberali, & decora facie, sed ingentibus etiam virtutibus, atque incredibili magnitudine animi majorum dignitatem, atque gloriam retulisse, immo vero non levi accessione facta mirifice cumulasse. Pulcherrimum denique, atque gloriosissimum fuit, quod in *Corneliam* gentem facile concessurum erat, id in Rempublicam *Venetam* transferendum curare, opulentissimum atque antiquissimum *Cypri* regnum. Ita dum te *Venetum* patritium esse meministi, amplitudinis propriæ oblitus videri poteras, nullamque posteritatis rationem habuisse, nisi hac ratione longe majus decus, ac laudes ipsi reliquisses, quam vel plura regna collata tribuere potuissent. Præclare certe existimasti, atque constituisti maximam gloriam non in maximis imperiis, sed in maxima virtute sitam esse, multoque præstare donare patriæ regnum, quam regno potiri. Igitur non te magnanimitas, *Corneli*, sed tu magnanimitatem novo genere ornata illustrasti, ut qui probitate *Nasæam*, divini etiam animi magnitudine *Africanos*, atque *Asiaticos* gentiles tuos unus prorsus æquares. Ob hoc igitur 94 immortalē erga Rempublicam meritum Eques, atque Procurator creatus, virtutis, & eloquentiæ nomine gratissimus, singulari in omni vita moderatione, magnificentiæ studium per omnes numeros extendisti, atque hoc decus consentientibus omnibus consecutus, ut Patriæ parens merito dicerere. Cum idem illustre facinus *Venetam* Rempublicam florentissimo regno, Te vero præclaro, atque glorioso cognomento feliciter insigniret.

JACOBUS EMILIANUS. 95

Hæc ingenua facies, quæ prolixa barba, & veneranda canitie spectabilis incredibilem cum mansuetudine majestatem spirat, *Jacobum Emilianum* ante oculos ponit, cujus probitatem, & innocentiam nemo vel facundissimus orator pro dignitate celebrare posset. Etenim maxima integritate, atque justitia Senator, cum virtutes omnes sanctissime coleret, ut ab omnibus summa reverentia coleretur, jure ac merito obtinuit. Per omnes itaque Reipublicæ dignitates provectus est, ut quæ in candidatis præcipuè requiri solent pietas, ac multis, magnisque rebus spectata probitas in tanto viro certatim elucescerent, & in altissimo Procuratoriæ dignitatis gradu collocaretur: religionis, ac pacis mirificus cultor, cui nihil fuit potius, quam ut innocentiae, prudentiæque posteris imitanda exempla relinqueret, cæteris autem omni-

omnibus suspicienda : itaque jus pro tribunali summa æquitate dicens, & sententiam in Curia summa eloquentia, usque ad exactam ætatem feliciter pervenit. Cum vero duo sint præcipua virtutis præmia, humanum scilicet gloria, divinum beatitas: illud constantissima fama obtinuit, hoc etiam, gloriose in cœlum evectus, consecutus est; ut *Jacobum* etiam pronepotem, *Marcumque*, & *Angelum* illustrissimæ gentis superstites tantam virtutis exuperantiam æmulatos, nihil antiquius habere videamus, quam ut omni laude, & prædicatione majores tantum simul heroem, ac humanæ gloriæ metas longe, multumque superent, atque omnium oculos, & admirationem in se convertant.

97

MATTHÆUS ZANES.

Potuit equidem hisce lineamentis pingi, atque brevi tabula capi *Matthæi Zanis*, Venetiarum Patriarchæ, nobilissima effigies. Sed quo mihi penicillo, & quibus coloribus effingenda, quibusve terminis circumscribenda excelsa illa divini animi magnitudo, quæ cum ad cœlum fere cuncta dirigeret, vix tamen cœlo capi videbatur? At cum natura ejusmodi formaverit speciem oris, ut in ea reconditos mores animi, & abditos affectus aliquatenus exprefferit: admirentur, atque suspiciant universi egregium, & sine superbia cunctis venerabilem aspectum, intelligantque tantum virum non singularem minus facundiam cum civili prudentia conjunxisse, quam admirabili æquitate summam justitiam egregie temperasse. Quod si ex elegantissimis lineamentis non satis intelligunt: audiant *Veronam*, quæ à tali Præfecto justissime recta, cum in oculis ipsum tulisset, atque adeo fovisset in sinu, neque potuit, cum rediret in patriam, lacrymis abstinere, neque accepta beneficia, postquam etiam interiit, ex memoria deponere. Audiant fere cunctos Reges, & Principes, ad quos à Republica Legatus missus, Senatus universi reverendam speciem, Reique ipsius publicæ auctoritatem ita secum attulit, ut nihil esset, aut tam difficile, quod non impetraret, aut adeo magnum, quod expectare non posset, unde non solum amorem, sed etiam ingentem sui admirationem concitavit, & equestri dignitate à maximis *Christianis* Principibus auctus fuit. Verum nihil testibus tantæ virtuti est opus. Etenim cum in quovis munere dignitatem propriam cum Reipublicæ salute adeo conjunxisset, ut non satis constaret, an sibi plus ad decus, quam illi ad utilitatem adderet, fuit à gratissima patria ad supremas quasque dignitates summo studio, atque gratia evectus. Cum autem Patribus eligendus esset Senator gravissimus non virtute magis, quam probitate, atque religione spectatus, quem *Laurentio Priolo* Cardinali, eidemque *Venetiarum* Patriarchæ defuncto, pro Reipublicæ jure sufficerent, unus inter cæteros dignus visus est, cui tanta dignitas ingenti plausu, atque consensu deferretur: ipso tamen usque adeo renitente, ac invito, ut nescias majorine cum laude tantum splendorem promeritus rejecerit, an obtinuerit. Cæterum incredibile memoratu est, quantum in suscepto munere vel singulis civibus, vel universæ Reipublicæ satisfecerit, cum qui cæteris auctoritate antecelleret, omnibus vel infimis facilitate par esset, cumque lenitatis, & mansuetudinis partes semper ageret libentissime, gravitatis vero, atque adeo severitatis personam à Republica impositam, cum opus esset, constantissime sustineret; egregio denique temperamento, cum se ad Sacerdotes intelligeret transisse, nunquam tamen Reipublicæ dignitatem, atque etiam libertatem oblivisceretur.

99 Quo factum est, ut *Romano* Pontifici pariter, at-

A que *Veneto* Senatui carus, justitia, integritate, & sanctitate insignis, & venerandus, non vitam cum morte, sed mortalem cum æterna vita commutaret: atque non modo tantis dotibus & ornamentis par desiderium cunctis ordinibus reliquisset, sed plures etiam ex illustrissima, atque nobilissima gente Reipublicæ proceres, qui tot, tantasque virtutes ad vivum repræsentarent: cum *Joannes Jacobus* amplissimo *Cretæ* Regno cum Imperio præfectus, *Hermolaus* Excelsi Collegii Consiliarius, ac *Patavina*, modo præfectura integerrime functus, *Hieronymus* è fratre nepos, tanti generis majestatem, & gloriam, quam acceperunt amplissimam, majorem posteritati relicturi videantur.

B

PAULUS GEORGIUS.

100

Q Uis hunc *Paulum Georgium* spectet, quin ex ipso vultu incredibilem ingenii vim, & excelsum ingentis animi magnitudinem non intelligat, & suspiciat meritissimo? Vereor equidem in hoc exornando ne pondere laudis, atque divinæ gloriæ plane obrutus meam potius retegam imbecillitatem, quam tantum virtutum omnium exemplar ad vivum expressum exhibere possim. In hunc enim consilio, ingenio, sapientia spectatissimum amplissimi quique honores congesti sunt, ut quocumque mentis aciem intendam, eximium aliquid, atque memoratu dignum occurrat. Adolescens adhuc *Gambarariis* Præfectus, qui temporibus illis maximus honor habebatur, dignitatem conservare, amorem sibi conciliare, justitiam, ac virtutes omnes sanctissime colere, ut nullo periculo, nulla gratia, nullis artibus à re bene cœpta dimoveri posset. Quo factum est, ut in patritii sanguinis virum ex legum præscripto animadverteret, qui vetita legibus arma jussus abjicere, non modo non paruerat, sed Liectorem etiam ipsum per contumeliam habitum sæpius obstinate rejecerat. Itaque cum veræ, solidæque justitiæ specimen dedisset, periculo virtutis facto *Tarvisum* deinde Prætor, idemque Præfectus mittitur, mox Continentis Sapiens creatur, tum *Veronæ* præficitur, postea Triumvir Advocator renunciatus, inde in Decemvirum Collegium cooptatus est: cum tot, tantisque muneribus publicis ita se gereret, ut ex uno ad aliud quasi gradu facto, ampliora semper illi ultro deferrentur. Profectus denique cum summo imperio in *Cretam* non solum oris dignitate, quæ in eo fuit summa, sed etiam integritate, virtute, & præclarissimis vitæ institutis reverentiam sibi, & observantiam summam comparavit, eaque ratione regnum illud amplissimum administravit, ut multo feliciores, qui tanto viro parerent, quam ipse, qui præesset imperio, non injuria haberentur. In patriam reversus iterum, ac sæpius Maximus Sapiens uti longe à vitiis omnibus, ita famæ propior gloriosissime vixit. Cum autem Respublica gravissimo, atque acerrimo bello premeretur, rei frumentariæ Præfectus, ut erat gravi cum primis, & expedita facundia, luculentissima oratione habita, ex ipsa dicendi contentione mortiferum morbum nactus, non sine maximo civitatis universæ dolore, terrenam patriam, ut ad cœlestem evolarer, reliquit. Felix equidem propria virtute, & rebus gestis, felicior tamen *Alexandri*, *Aloysii*, & *Joannis*, filiorum integritate, sapientia, eloquentia, quibus conspicui Senatores amplissimi, & omnibus admirandi tantæ Reipublicæ majestatem, familiæ splendorem, & patris nomen præclarissime tuentur.

F

Nemo vel summa, dum vixit, auctoritate, vel sempiterna post mortem gloria *Petrum Sanv- tum* superavit, qui cum insignem rerum civilium peritiam cum admirabili vitae innocentia conjun- xisset, omnibusque acumine, & fertilitate inge- nii facile par esset, ad id gloriae culmen eveetus est, super quod ascendere non liceat. Cum ita- que post multas acceptas à Republica dignitates *Patavii* Prætor esset renunciatus, ita se gessit, ut nunquam iustitia majoribus deesse, scientia verò, atque civili prudentia superesse videretur. Inte- gritatis autem adeo studiosus, ut nullum profer- ret verbum, quod vel ipsis Vestalibus arbitris, proferre non posset. Maximus denique Sapiens, ut ajunt, creatus, atque calamitoso Reipublicæ tempore multos annos in excelsio collegio variis nominibus retentus, cum infelices etiam casus summa prudentia in felicitatem vertere didicisset, singulari mortalium omnium existimatione, & nominis celebritate, se ipsum simul, atque huma- nae virtutis metas superavit. Sed letalem mörbum ex ipsa dicendi vehementia, & ardore, pörp- tuisque vigiliis nactus, repente occubuit; & mor- te sua non minus grave Reipublicæ vulnus impo- suit, quam acerbum sui desiderium reliquerit.

103 VINCENTIUS GRADONICUS.

Vincentius autem *Gradonicus* tanta innocentia vixit, tantaque gloria interiit, ut inter feli- cissimos viros vel à *Salone* referri, *Craſo*que Regi longissimo intervallo præferri posset. Adolescens primum excelsio animo, omnibusque virtutibus exaggerato in honestissima patritiorum juvenum Academia quasi palæstra se exercuit, ut inde ma- ximum inter juvenes nomen reportaret, maxi- mamque facundia expectationem apud omnes or- dines excitaret. Postquam verò ex umbratili exercitatione in medium Senatus agmen, & pul- verem orationem eduxit, ita Senatorum animos flexit, ut non persuadere, sed decernere, non perorare, sed exorare diceretur. Cum autem *La- rinis*, *Italicisque* literis, quibus instructus poterat utraque lingua orate, apteque dicere, humani- tatem etiam, integritatem, & civilem prudentiam adjunxisset, ad sublimes honorum gradus facile ascendit, & post maximas quasque legationes pru- dentissime obitas equestri dignitate auctus ad *Tur- carum* Imperatorem orator missus, maximam ubi- que Reipublicæ dignitatem, & gloriam peperit, cui suam ipse dignitatem, & gloriam acceptam refe- rebat, agros nimirum fertiles imitatus, qui mul- to plus afferant, quam acceperint. Dum verò in munere amplissimo nihil antiquius habet commu- ni salute, omniaque libertate posteriora ducit, splendorem in omni vita, & munificentiam reti- nens ita diem præmature clausit, ut vitæ brevi- tatem æternitate memoriae compensare, & ex al- tissimo dignitatis gradu ad cælum pervenisse vi-

Aderetur. Familiae vero nobilissimæ auctoritatem multis rebus gestis, magnisque Reipublicæ judi- ciis auctam, & eximie vel ipsa morte amplifica- tam *Francisco* & *Bartholomæo* filiis, viris clarissimis, tantoque patre dignissimis reliquit.

VITUS CAOTORTA. 105

Sic vultus regia quadam majestate decorus, to- stiusque corporis habitus, atque dignitas cum animi candore, & magnitudine in *Vito Caotorta* certavit, ut animus ipse non terreo carcere in- clusus, sed pellucido quodam, & purissimo do- micilio receptus videretur. Is nulli culpæ affinis, præstantique ad miraculum ingenio tantam scientiæ vim, & cognitionem habuit, ut prodigii si- milis oculos omnium, & admirationem in se con- verteret: cum præcipue incredibili quadam, & prope divina facundia ita gratiam terrore, gravi- tatemque mansuetudine mixtam spiraret, ut nulla tam crudelis, immanis, efferaque natura reperi- retur, quam vel solus *Caotortæ* aspectus non ad mansuetudinem, & reverentiam traduceret. Nam- que aspergebat dulcissimo lepore, tanquam sale ora- tionem omnem, ideoque sibi cujusvis benevolen- tiam mirum quantum conciliabat. Ad maximas quasque Reipublicæ dignitates elatus, & belli pa- cisque artibus nemini secundus, Consiliarius deni- que renunciatus est, ut Senatoriæ purpuræ tanta oris pulchritudine, atque majestate, tantisque virtutibus novum lumen, atque fulgorem tribue- ret. Fuit adeo magnanimus, ut beneficentia vel provocatus, vel ultro ipse provocans cum quoque certaret, atque videri vellet non modo acceptum beneficium rependere, & exæquare, sed magno insuper remunerationis cumulo plane superare, 106 cum tamen quasi nunquam relata gratia, sed apud eum semper integra, majori in dies beneficiorum cumulo bene merentes obrueret. Ita per omnia diis, quam hominibus propior cum sibi æternæ gloriae, ac sempiterni nominis iter aperuisset, *Leo- nardo Lauretano* Venetorum Principe, diem suum clausit. Quod illustrissimæ familiæ tuæ decus, & ornamentum, *Paule*, cum tibi ad imitandum pro- posuisse, moriar ni mihi ad vivum expressum, o- mnibusque numeris absolutum tanti viri exemplar in te videre videor. Adnitere magno animo, & qua coepisti virtutis, & gloriae via, quam tibi præ- ter cæteros *Hieronymus* etiam pater in Senatum le- ctus gloriose stravit, ad excelsum immortalitatis fastigium contende. Intuere temetipsum tantis vel naturæ, vel fortunæ, vel etiam studii mune- ribus mirifice instructum, cumque nihil omnino tui nominis amplitudini deesse possit; labora, ac perface, ne tibi ipsi deesse videaris. Ingratus sim, nisi tibi, quantum debeam, debeo vero plurimum, tantum etiam debere profitear: sed ingratus sum nisi testimonium quodcumque potui non magis ex intimo cordis affectu, quam ex sanctissimo verita- tis arcano depromptum, cum amicitiae nostræ, tum virtuti tuæ debitum tribuerem.

DECADIS QUARTÆ FINIS.

ADMONITIO AUCTORIS.
L E C T O R.

DUO te monitum volo: alterum, nihil in elogiis nostris de Gentium Origine dictum, sive Claritate, nam esse Patritiorum Venetorum satis est cognoscere; alterum autem, multa vel consilio prætermissa, vel strictim expressa, ne videren- tur in historiam hæc Elogia evadere: Et vero præclara facinora explicata uberius ex Venetis Historiis peti poterunt, ab iis præsertim, quas *Andreas Maurocenus* Senator amplissimus, Maximusque Sapiens, Et incredibili facundia, Et Latini sermonis elegantia, Et rerum gestarum fide vulgaturus est. Cæterum ne quis Venetos omnes Heroes inter quatuor De- cadum angustias circumscriptos existimet, sciat is, ad quadragesimam *prope Decadem me jam pervenisse, atque etiam su- peraturum hunc numerum brevi, me confido, siquidem suppeditarit, ut spero, facultas, Et otium. Vale.

IN.

* Morte tamen præventus, vel aliis causis impeditus forte fuit Auctor, quo minus, præter has quatuor Decades, plures publici iuris faceret, N. Crassus. G

I N D E X

R E R U M M E M O R A B I L I U M .

A.

Aemilianus (Jacobus) ejusque elogia & dignitates. 30. E. F
 Alphonfus, Calabriae Dux, a Roberto Malatesta profligatur. 26. C
 Apulia fere omnis a Venetis occupata. 8. C
 Aquilejenses a Venetis victi. 21. D
 Aquilejensis Patriarcha a Venetis fugatur. 3. E
 Asia a faucibus Hellesponti ad Syriam usque a Venetis vastata. 9. A

B.

Barbadicus (Augustinus) ejusque elogia. 19. A
 ----- ejus virtutes & dignitates. 19. B. C

----- ejus obitus. 19. D
 ----- ei monumentum positum. 19. D. E

Barbarus (Antonius) Senator prudentissimus. 23. A

----- Procurator, & Senatorum omnium acutissimus. 22. F

----- (Franciscus) ejusque elogia. 22. A

----- ejus eruditio, virtutes & dignitates. 22. B. C. E. F

----- D. Marci Procurator creatur. 22. F

----- (Hermolaus) Literatorum Antistes. 22. F

----- (Zacharias) vir fortissimus. 22. F

Barotius (Franciscus) ejusque elogia. 14. E

----- ejus eruditio. 14. E. F. 15. A

----- (Jacobus) clarissimus Orator. 15. A

Bafadonna (Joannes) Senator Venetus, ejusque elogia. 16. B

----- ejus eruditio. 16. B. C

----- Doctoris titulo insignitur. 16. C

----- Romae ad Pontificem Legatus agit. 16. D

Belegnus (Aloysius) Venetus Senator, ejusque elogia. 27. C

----- ejus dignitates. 28. C

----- (Carolus) eloquentia forensi admirabilis. 28. D

----- (Justus Antonius) bellica virtute conspicuus. 28. D

Bembus (Petrus) Sacri Romani Senatus eximium decus, ejusque elogia. 16. F

----- ejus eruditio. 16. F

----- ejus opera. 17. A

Bernardus (Joannes Aloysius) Senator Venetus. 18. A

----- (Joannes Baptista) ejusque elogia. 15. D

----- ejus dignitates. 15. E

Bragadenus (M. Antonius) Heros strenuissimus, ejusque elogia. 24. C

----- ei viventi cutis a Turcis detrabitur. 24. E

----- ei Venetiis simulacrum positum, & encomium scriptum. 25. B

Brixia ab Insubribus obsessa, ac peste & fame afflicta. 22. C. D

Bucicaldus, Gallus fortissimus, & invictissimus Imperator. 21. E

C.

Calojannes, Byzantii Imperator, in Imperium restitutus. 21. E

Cameracense foedus. 5. C

Caotorta (Vitus) ejusque elogia. 34. A

----- ejus virtutes, & dignitates. 34. B. C

Carrariensis Princeps a Venetis fugatur. 3. E

Catharina, Cypri Regina. 9. A

Cato qualem militem optaverit. 8. C

Cephalenia a Venetis capta. 20. A

Christo Redemptori, a Duce & Senatu Veneto templum consecratum. 10. D

Ciconea (Pascalis) Venetiarum Princeps, ejusque elogia. 7. D

----- Creta regno praesedit. 7. F

----- Procurator D. Marci, mox Princeps creatur. 8. A

Ciliciae Reges, regno exuti, a Venetis in solium restituntur. 9. A

Clodia Fossa a Venetis capta. 3. D. E. 21. E

Consalvus, Magnus Imperator. 20. B

Contarenus (Andreas) Venetorum Princeps. 3. B. 21. E

----- ejus elogia. 3. B. C. F.

----- oblatum Principatum ab-
 nuit. 3. C

----- propinquorum precibus, Magistratuumque minis interjectis, Principatum invitatus & mœrens suscipit. 3. D

----- Republica bello & fame pressa, se pro Patria offert, ac Fossam Clodiam petit & expugnat. 3. D. E.

----- Venetorum hostibus invictissime resistit. 3. E

----- speciosissimum triumphum agit. 3. E

----- ipsi statua in Comitio ponitur. 3. F

----- (Andreas) alter, Decemvir. 4. A

----- (Dominicus) humanioribus literis spectatus. 4. B

----- (Federicus) Procurator, literarum, & antiquitatis studiosissimus. 4. A

----- (Franciscus) Eques multis legationibus clarus. 4. A

----- (Marinus) Eloquentia spectatus. 4. B

----- (Nicolaus) Consiliarius. 4. A

----- Philosophia spectatus. 4. B

----- Venetus Senator. 10. E

----- ejus dignitates. 11. 12

----- (Thomas) Venetorum ad Pontificem Maximum Orator. 4. A

----- alter, Joppes Comes, & Patavii Praefectus. 4. A. B

Cornelius (Georgius) Venetus Senator, ejusque dignitates. 27. B. 28. B

----- ejus elogia. 30. B. D

----- Cypri regnum in Rempublicam Venetam transferri curat. 30. C

----- ejus dignitates. 30. D

----- (Joannes) D. Marci Procurator. 27. B. 28. B

Crassus (Nicolaus) Antonio Quirino parentavit. 12. C

Cypri regnum in Venetorum fidem & ditionem receptum. 6. B

----- a conjuratione vindicatum. 9. A

----- in Corneliæ Gentem concessurum, in Venetam Rempublicam transfertur. 30. C

----- Rex a Venetis in regnum restitutus. 21. E

D.

Dandulus (Andreas) Literarum & Literatorum studiosissimus. 1. A. 3. A

----- ejus elogia. 1. A. B. 3. A

----- Venetorum Doctoratus insignia recipit. 1. B

----- ex D. Marci Procureatore ad Principatus fastigium pervenit. 2. A. B

Dan-

INDEX RERUM MEMORABILIVM.

Dandulus (Andreas) *historiam perscribit.* 2. B
 ----- *ejus obitus.* 3. A
 ----- (Joannes) *Decemvir.* 3. A
 ----- (Vincentius) *Excelsi Collegii Consiliarius.*
 3. A
 Diedus (Franciscus) *ejusque elogia.* 15. B
 ----- (Hieronymus) *ejusque elogia.* 15. C. D
 Donatus (Andreas) *vir innocentissimus.* 5. A
 ----- (Dominicus) *maximæ spei juvenis.* 5. A
 ----- (Franciscus) *Venetorum Princeps.* 4. B
 ----- *ejus munera, gesta, & elogia.* 4.
 C. D
 ----- *in Comitibus Dux renuntiandus,*
Petro Lando Electorum suffragia concedit. 4. F
 ----- *Principatum recipit.* 5. A
 E.
Echinades *insule Venetorum victoria nobilitate.*
 10. A. 19. A
 Eritius (Benedictus) *ejusque elogia.* 29. E
 ----- *ejus vitæ integritas, & dignita-*
tes. 29. E. F. 30. A
 ----- (Franciscus) *Senator maximus.* 30. B
 ----- (Nicolaus) *vir præstans.* 30. A
 F.
Federicus Aragoneus, *fortissimus Imperator.* 23. B
 Fuscarenus (Jacobus) *ejusque elogia.* 23. E
 ----- *ejus peregrinationes.* 23. E
 ----- *ejus munera, dignitates &*
res gestæ. 23. F. 24. A. B
 G.
Galeatius (Joannes) *Cisalpinæ Galliæ Princeps.* 21.
 C
 Georgius (Alexander) *Senator amplissimus.* 32. F
 ----- (Aloysius) *Senator amplissimus.* 32. F
 ----- (Joannes) *Senator amplissimus.* 32. F
 ----- (Paulus) *ejusque elogia.* 32. B
 ----- *ejus dignitates.* 32. C. D. E
 Gradonicus (Bartholomæus) *vir clarissimus.* 34. A
 ----- (Franciscus) *vir clarissimus.* 34. A
 ----- (Vincentius) *ejusque elogia.* 33. C
 ----- *ejus virtutes, studia, & di-*
gnitates. 33. C. D. E
 Græci *Venetos oppugnantes rejecti.* 21. C
 I.
Jadertinum bellum. 3. A
 Justinianus (Bernardus) *Venetus Senator, ejusque*
elogia. 13. D
 ----- *ejus eruditio, & munia.* 13. E
 ----- *Historiam conscribit.* 13. E
 ----- *D. Marci Procurator crea-*
tur. 13. F
 ----- *ejus in consulendo summa*
auctoritas. 13. F
 ----- (Georgius) *Eques.* 14. A
 ----- (Laurentius) *Senator Venetus.* 14. A
 L.
Landus (Petrus) *Venetorum Princeps.* 4. E. F
 ----- *ejus elogia.* 8. B
 ----- *ejus gesta.* 8. B. C
 ----- *ejus in Principem electio.* 8. D
 Lauretanus (Aloysius) *gloriæ majorum gravissimus*
emulator. 5. E
 ----- (Leonardus) *Venetorum Princeps, ejus-*
que elogia. 5. B. 34. D
 ----- *filios & opes pro Patria de-*
vorvet. 5. D.
 ----- (Marcus) *Consiliarius.* 5. E
 ----- (Petrus) *Venetiarum Princeps.* 5. E
 Leucadia a Venetis recepta. 20. A
 Ligures *Venetos oppugnantes rejiciuntur.* 3. E. 21. C.
 D. E
 M.
Malatesta (Robertus) *Arimini Princeps, ejusque*
elogia. 25. F. 26. D
 ----- *inter Patritios Venetos refer-*
tur. 25. F

Malatesta (Robertus) a Florentinis *summus Impera-*
tor creatur. 26. A
 ----- a Veneto Senatu *Imperator de-*
claratur. 26. B
 ----- a Pontifice *Consalonerii titulo*
insignitur. 26. B
 ----- Pontifici in auxilium missus
Alphonsum Calabriæ Ducem vincit. 26. C
 ----- Romæ triumphum agit. 26. C
 ----- *ejus obitus.* 26. D
 ----- Romæ equestri statua donatur.
 26. D
 Marcellus (Bernardus) *Senator.* 6. D
 ----- (Joannes) *Senator.* 6. D
 ----- (Nicolaus) *Venetorum Princeps, ejusque*
elogia. 5. F
 ----- ex D. Marci *Procuratore ad*
Principatum provehitur. 6. B
 Maurocenus (Vincentius) *Senator Venetus, ejusque*
elogia. 26. E. 28. A. B
 ----- *ejus virtutes, studia &*
dignitates. 26. F. 27. A
 Miles qualis a Catone optatus. 8. C
 Mocenicum nasci, *proverbialiter pro nasci ad ho-*
norem & gloriam. 1. 2.
 Mocenicus (Joannes) *Venetorum Princeps, ejusque*
elogia. 8. E
 ----- *ejus electio.* 9. B
 ----- *ejus gesta.* 9. C
 ----- D. Marci *Procurator.* 9. D
 ----- (Leonardus) *Venetus Senator, Decem-*
vir, Consiliarius, Brixie Præfectus, & in Con-
tinenti cum Imperio Legatus. 1. 2.
 ----- Decemvir. 9. D
 ----- (Petrus) *Venetorum Princeps, ejusque elo-*
gia. 8. E
 ----- *ejus gesta.* 8. F. 9. A
 Molinus (Aloysius) *ejusque elogia.* 29. A. C
 ----- *ejus dignitates.* 29. A. B
 ----- (Dominicus) *litteris omnibus ornatissimus.* 29.
 D
 ----- (Franciscus) *Adriaticæ classis Præfectus.* 29.
 D
 N.
Nauplia obsidione liberata. 20. A. B
 P.
Pannonæ a Venetis victi. 3. E. 21. D
 Paruta (Paulus) *ejusque elogia.* 17. C
 ----- *ejus dignitates.* 17. D. 18. A. B
 ----- *ejus eruditio.* 18. B. C
 Pasqualicus (Philippus) *Venetis Senator, ejusque di-*
gnitates & gesta. 17. D. 18. D.
 Patavini a Venetis victi. 21. D
 Patavinum Gymnasium a Joanne Baptista Bernar-
 do ornatum. 15. F
 Patavium obsidione fœderatorum Cameracensium li-
 beratum. 5. D
 Pestilentia Venetias affligens. 10. D
 Picininus, *Insulæ Imperator.* 22. C
 Piratæ mari ejecti. 9. A
 Pisaurus (Benedictus) *Venetæ classis Imperator, ejus-*
que elogia. 20. A. D
 ----- *Turcarum classium alteram fu-*
gat, alteram capit. 20. A
 ----- *Leucadiam & Cephaleuiam ex-*
pugnat, aliasque insulas recipit. 20. A
 ----- *Naupliam obsidione liberat.* 20. B
 ----- D. Marci *Procurator renunciatur.*
 20. B
 ----- (Hieronymus) *Venetæ classis Imperator, ejus-*
que elogia. 20. A. C. D
 ----- *ejus virtutes & dignitates.* 20. C
 ----- (Jacobus) *Senator amplissimus.* 20. E
 Pontes (Nicolaus) *Venetiarum Princeps, ejusque elo-*
gia. 6. E
 ----- *ejus studia & doctrina.* 6. F
 C. 2. Pon-

INDEX RERUM MEMORABILIU.

Pontes (Nicolaus) ad Concilium Tridentinum, & Pontificem Orator mittitur. 7. A
 ----- ejus in Principem electio. 7. C
 ----- ejus Pronepotes. 7. D
 Pontifex ex pace a Venetis facta offensionem capit. 7. B
 Priolus (Antonius) D. Marci Procurator, & Eques. 25. E
 ----- (Franciscus) Senator Amplissimus. 25. E
 ----- (Hieronymus) Palladis Alumnus & Musarum deliciae. 25. E
 ----- Consiliarius. 25. E
 ----- (Laurentius) Cardinalis, Venetiarum Patriarcha. 31. E
 ----- (Michael) Triumvir Advocator. 25. E
 ----- (Petrus) ejusque elogium. 25. B. C
 ----- ejus virtutes & dignitates. 25. C. D
 Q
 Quirinus (Antonius) ejusque elogium. 11. A
 ----- ejus dignitates. 11. C
 ----- ejus prudentia, & in consulendo auctoritas. 12. A
 ----- ejus eruditio. 12. B
 ----- ejus obitus, & exequiae. 12. C
 R
 Rodigii peninsula Veneto imperio adjecta. 9. C
 S
 Salaminae diuturna & crudelis obsidio. 24. D
 Sanutus (Petrus) ejusque elogium. 33. A
 ----- ejus dignitates, & integritas. 33. A. B
 Scodra obsidione liberata. 6. B. 9. A
 T
 Titianus, vere perfectus, & immortalis pictor. 4. C
 Tridentinum Concilium. 7. A
 Triumphus Andreae Contareni. 3. E. F
 ----- Roberti Malatestae Romae actus. 26. C
 Turcarum classium altera fugata, altera capta. 20. A
 V
 Valareffus (M. Antonius) Senator Venetus. 14. D
 ----- (Federicus) ejusque elogium. 14. B
 ----- ejus eruditio. 14. B. C
 ----- ejus dignitates. 14. C.
 Valerius (Augustinus) ejusque elogium. 12. D
 ----- Veronae Episcopus. 12. D
 ----- purpurei galeri dignitatem a Pontifice obtinet. 13. A
 ----- Legati Apostolici munere perfungitur. 13. A
 ----- ejus obitus. 13. C

Vendramenus, Venetorum Princeps. 9. B
 Venerius (Sebastianus) ejusque elogium. 9. D. E
 ----- ejus gesta. 10. A
 ----- ejus in Principem electio. 10. C
 ----- clarissimus Venetus Imperator. 19. B
 Veneti bello & fame pressi Andreae Contareni Principis fortitudine liberantur. 3. D. E
 ----- a foederatis Cameracensibus ad angustias redacti, virtute Leonardi Lauretani eriguntur. 5. C. D
 ----- pace facta Pontificis offensionem incurrunt. 7. B
 ----- Asiam a faucibus Helleponti ad Syriam usque vastant, & Ciliciae Reges solio restituunt. 9. A
 ----- Rodigii peninsulam occupant. 9. C
 ----- pestilentia affliguntur, & liberantur. 10. D
 ----- Leucadiam, Cephaleniam, aliasque insulas recipiunt. 20. A
 ----- varios hostes profligant. 21. C. D. E
 Viarus (Georgius) celebris Imperator, ejusque elogium. 23. A. C
 ----- ejus contra Federicam Aragonum stratagema, & res strenue gestae. 23. B. C
 ----- (Stephanus) Brixiae Praefectus, Senator numeris omnibus absolutus. 23. D
 Vluzalius, Turcarum Imperator. 24. A
 Z
 Zanes (Hermolaus) Excelsi Collegii Consiliarius, & Patavii Praefectus. 32. A
 ----- (Joannes Jacobus) Cretae regno cum Imperio Praefectus. 32. A
 ----- (Matthaeus) Venetiarum Patriarcha, ejusque elogium. 31. B. F. 32. A
 ----- Veronam Praefectus justissime rexit. 31. C
 ----- variis Legationibus gloriosissime functus. 31. D
 ----- Patriarcha eligitur. 31. E
 Zenus (Carolus) ejusque elogium. 21. A
 ----- ejus eruditio. 21. A
 ----- Patrensi sacerdotio donatur. 21. B
 ----- pacis ac belli artibus inclaret, ac diversos Venetorum hostes vincit. 21. C. D. E
 ----- D. Marci Procurator creatur. 21. F
 ----- in carcerem truditur, & paulo post in pristinam dignitatem restituitur. 21. F
 ----- ejus obitus, & funus. 21. F. 22. A

FINIS.



BARTHOLOMÆI FACII,

Reipublicæ Genuensis à Secretis,

D E

BELLO VENETO
CLODIANO


L I B E R;

Ut &

Aliud parvi Temporis

BELLUM VENETUM.

Editio Novissima, priori auctior & emendatior.



LUGDUNI BATAVORUM,
Sumptibus PETRI VANDER AA,
Bibliopolæ & Typographi Academiae & Urbis.

THE UNIVERSITY OF CHICAGO

1900

THE UNIVERSITY OF CHICAGO
LIBRARY

1900

2

THE UNIVERSITY OF CHICAGO

LIBRARY

THE UNIVERSITY OF CHICAGO



THE UNIVERSITY OF CHICAGO

LIBRARY

P R Æ F A T I O

H U J U S N O V Æ

E D I T I O N I S.

Bxigua quidem molis, BENEVOLE LECTOR, exhibemus Opusculum, maximæ vero ob Eruditorum æstimationem caritatis. Reliquit illud posteritati inter alia eruditionis suæ monumenta Bartholomæus Facius, Spedia, Emporio portu ac mercatu nobili, ut ipse circa finem Libri IV. Commentariorum de Rebus gestis ab Alphonso Primo Neapolitanorum Rege indicat, oriundus; gravissimis, dum viveret, perfunctus muneribus, & in Orbe literario immortale nomen adeptus. Inscribitur præsens opus ab Auctore: De Bello Veneto Clodiano Liber. Recensetur in eo bellum Anno 1377. inter Venetos & Genuenses exortum, cui occasionem dederat Andronici & Manuëlis, Imperatoris Græci filiorum, de successione contentio. Ille Genuensium; hic Venetorum imploravit & obtinuit auxilia. Inde non solum dictas modo Respublicas, verum & earum vicinias funestum turbavit bellum, donec illud quarto ab ejus origine anno, interventu Amati VII. Sabaudie Principis confectum est, & pax composita. Adjunxit Auctor Aliud Parvi Temporis Bellum Venetum, quod inter easdem Respublicas, Venetam & Genuensem exortum, sed brevi quoque finitum. Genuensium quippe classis ab expeditione in Orientem suscepta rediens, Venetorum classem inopinato habuit obviam, a qua superata est & fugata, multis captivis Venetias abductis. Conclamatum inde iterum ad arma. Verum Genuensibus visum, Legatos Venetias mitti, querimonias illuc delaturos. Quibus ibi admissis, bellicue calamitatibus memoria repetitis, captivi redditi, & pax renovata. Hæc Auctoris de Bello Veneto Clodiano scribentis argumenta. Liber ipse prodierat anno 1568. Lugduni apud Gasparem à Portonariis, in Octavo; difficillime vero haberi potuit. Quamobrem illum denuo recudi non abs re existimavimus. Quid præstitum a nobis hæc in re, charta purior & typorum nitor ipsi loquentur. Emendatorem quoque, quam quidem accepimus, Librum exhiberi curavimus. Atque ut Lectoris commoditati ubique consulamus, Nomina propria, eorum in primis, quorum in ipso loco aliquod recensetur factum, nec non Orationes variorum magni Nominis Virorum, in opere occurrentes, diversis a contextu literis imprimi curavimus. Cumque opus hocce a pluribus allegetur Auctoribus, Lectoris commoditati nos multum consulturos existimantes, paginas Editionis veteris, vel Lugdunensis, ad marginem in nostra Editione poni curavimus, adeo ut loci ex illa citati, in nostra absque molestia facillime inveniri queant. Subjunximus denique Indicem pro operis mole locupletissimum. His utere feliciter, Lector Benevole, Vale, & nostris conatibus favere perge.

ELOGIA AUCTORIS:

Ex Aug. Oldoini Athenæo Ligustico.



BARTHOLOMÆUS FACIUS Ligur, quem Spedia nobile municipium ad Portum Lunensem protulit, Reipublicæ Genuensis ad Alphonsum Regem Neapolitanum Orator, ejusdemque a secretis, legum peritia & eloquentia clarus, Laurentii Vallæ æmulus, Æneæ Sylvio Piccolomineo, reliquisque doctrina præstantibus Viris æquævis pergratus, præsentem vitam amisit circa annum a partu Virginis 1457. ac reliquit in Eruditorum commodum monumenta plura, videlicet:

Arrianum de Rebus gestis Alexandri Macedonum Regis latinitate a se donatum.

Commentariorum Libros decem de Rebus gestis ab Alphonso primo Neapolitanorum Rege, Lugduni 1560. & 1562.

Librum de Bello Veneto Clodiano, ibidem 1568.

Historiarum & Chronicorum Mundi Epitomen, Anno 1533. Venetiis.

Commentarium in Satyras Persii.

De Vitæ Felicitate, ac Præstantia hominis Opus.

Dialogum ad Alphonsum Regem, Antverpiæ 1556.

De Immortalitate animæ Librum contra Laurentium Vallam.

De Origine belli inter Gallos & Britannos Opus. In Bibliotheca Regia Gallica est ejusdem Opus de Rebus Siculis, & aliud de Differentia verborum latinorum.

De Viris suo Ævo illustribus Narrationem. Elenchum Scriptorum omnium.

Literas ad Æneam Sylvium Piccolomineum evulgatas, cum illis ejusdem Æneæ sub nomine Pii II.

ELOGIA AUCTORIS.

Hunc pleno ore laudant ipse *Pius II.* in Literis, *Leander Albertus* in Descriptione Italiae, *Antonius Possevinus* in Bibliotheca selecta, *Hieronymus Bardi* in Chronologia, *Petrus Bizarus* in Historia Genuensi, *Paulus Jovius* & *Ubertus Foliet* in Elogiis, *Rocchus Pirrus* in Sicilia sacra, *Ludovicus Dominici* in Dictis, *Salvator Ravecca* in Vita, *Petrus Ricardatus* in Historia Monastica, *Petrus Opmerus* in Chronographia, *Jacobus Gaddius* de Scripto-ribus non Ecclesiasticis, *Raphaël Sopranus*, & *Michaël Justinianus* de Liguribus, alique quamplures.

Ex Francisci Maurolyci Sicanae Historiae Lib. V.

Dilexit hic magnanimus Princeps (*Alphonfus Aragonum* & *Neapolitanorum Rex*) non solum bellica re illustres viros, ut *Braccium*, ac *Nicolaum Picinnum*; sed etiam literatissimum quemque fovit ac muneravit, ut *Bartholomaeum Facium*, suavi ac prisca eloquentia praeditum.

BARTHOLOMAEI FACII

DE

BELLO VENETO CLODIANO,

AD JOANNEM JACOBUM SPINULAM,

PROOEMIUM.

Incidit mihi nuper in manus, Joannes Jacobe ornatissime, dum resu-
pinarem libellos meos, bellum illud Venetum vulgatissimum, Clodia-
num appellatum: quod aliàs, prout in Annalibus nostris scriptum re-
peri, in Commentariolos quosdam contuleram, eo animo, ut illud ali-
quando expolirem. In eosdem quoque Commentariolos conjeceram su-
periora bella Veneta, quae (ut arbitror) duo fuere, quibus Civitas no-
stra multas insignes victorias de Venetis consecuta est: quanquam sint
tam breviter, ac tam mutilatè literis mandata ab Annalium nostro-
rum scriptoribus, ut ne ipse quidem Livius, si reviviscat, aut Salustius
ea illustrare satis possit. Namque in iis, neque consiliorum rationes, neque bellorum appa-
ratus, neque praeliorum ordines, in quibus maxime fortunae varietas nos oblectat, neque
per quos potissimum victoria parta sit, neque locorum descriptiones ullae, neque interdum
hostium duces cognosci possunt. Atque illa superiora bella brevius etiam, atque concisus,
quam hoc Clodianum, ab iis scripta sunt: cum quidem in iis multò diligentiores eò esse de-
buerint: quòd illa victoriis & felicitate plena sunt: hoc autem extremum, etsi multis prio-
ribus victoriis inclutum: tamen ad postremum Reipublicae nostrae calamitosum fuit. Cate-
rùm quoniam ea calamitas fortunae magis, quam virtuti Venetorum adscribi potest, hoc
ipsum pro viribus exornare constitui, ac nomini tuo dedicare, ut si quid gratiae inerit scri-
ptis meis per me, vel posteris notus clarusque fias: atque ut apud omnes amorem nostrum
testatum relinquam. Et nisi illa superiora, nescio quomodo, è libellis meis excidissent, ea quo-
que cum hoc ipso celebrare studuissem: quod aliquando fortasse faciam, si ea ad me miseris:
nisi quis alius me doctior hunc mihi, quod velim, laborem praeipuerit. Ego enim sic pa-
triae afficior, sic ejus gloriae faveo, ut in ea ornanda, atque excolenda, omnia mea studia
libentissime conferam. Id me movit, ut hoc bellum tibi potissimum dicarem: quoniam me
sepe per literas tuas docuisti; cupere te, ut aliquid historiarum mearum ad te mitterem: quas
quoniam mittere non licet, hoc quod licet, mittere decrevi. Hoc enim bellum legens, genus
dicendi nostrum in historia cognoscas: quanquam vereor, ne tu majus aliquid à me expectes
ingenti opinione, quam concepisse de scriptis meis visus es ex epistolis tuis. Sed neque res
nostrae cum rebus Romanis, neque eloquentia mea cum illorum praestantissimorum hominum
eloquentia conferenda est. Quanquam sanè ipsa rerum magnitudo grandiloquentiam plerum-
que efficit: feci ego, quod potui. Atque utinam multi sint è nostris, qui me hac laude supera-
re contendant: ego enim me vinci (tantus est patriae amor) facile patior. Si quid autem er-
ratum in rebus fuerit, non ego, sed Annalium nostrorum scriptores culpandi erunt: quos
secutus sum: aliquibus tamen paucis correptis, atque immutatis, quae quantum indagare
potui, nec vera, nec verisimilia visa sunt. Sed iis omissis ad Historiam deveniamus.

BELLO VENETO CLODIANO

L I B E R.



ELLI *Veneti Clodiani* rerum gestarum magnitudine, & fortunæ varietate memorabilis, hinc ortum accepimus: *Calciannus* Græcorum Imperator *Andronicum*, ac *Manuelem* ex se genuit: *Andronicum* majorem

natu, incertum quā de causā, regni exsortem fecit: *Manuelem* regni successorem instituit. Eo mortuo de regni possessione inter fratres exorta contentio est: *Andronicus* prærogativam ætatis, ac jus successionis: *Manuel* paternum testamentum prætendebat. Cū dissiderent, controversiam dirimere armis statuerunt, externa uterque auxilia parare. *Manuel* cum *Venetis*, *Andronicus* cum *Genuensibus* amicitiam, & foedus junxit. *Tenedos* insula olim celebris, nunc deserta, imperii paterni erat: quam ut beneficio, quos sibi adsciverant, obligarent, *Andronicus* *Genuensibus*, *Manuel* *Venetis* polliciti sunt. Fuerat quidem *Calojano* summa cum *Genuensibus* amicitia, ex eo coepta, quod cū olim *Catocofmi* Principis, qui de imperio contendebat: bello vexaretur, regnoque pulsus foret, *Francisci Gatilustii* *Genuensis* viri fortis opera in regnum restitutus est: cujus quidem meriti gratia illi sororem in matrimonium, ac *Lesbon* insulam, quam *Mitilenas* vocant, dotis nomine tradidit, ac post perpetuo vitæ tenore *Genuenses* omni officio persecutus: cujus vestigia *Andronicus* secutus, *Genuensium* amicitiam persanctè coluit, fraternoque bello sibi quopiam beneficio confirmandam censuit. At *Veneti*, ne *Tenedos* manibus elaberetur, quæ insula *Hellesponti* fauces fermè claudit, *Manueli* opem polliciti, subito misere, qui arce præsidio firmata *Insulam* occuparent. Quod ubi *Genuam* perlatum est, indignantibus omnibus insulam tam opportunè sitam, & sibi justè ab eo traditam, qui major natu jure regnum deposceret, sibi ademptam esse, bellum adversus *Venetos* extemplo suscipiendum decernunt. Mittere tamen legatos prius quàm arma moverentur, placuit: qui scirent an cedere *Insulæ* possessionem voluntate sua vellent. Qui profecti, atque in Senatum, introducti, in hunc ferèmodum locuti sunt:

10 Miramur, *Veneti*, vos aded abuti amicitia nostra, ut quam nobis datam ab *Andronico* Imperatore insulam sciatis, præsidio in

A arcem indulto, occupaveritis. Si de jure disceptandum erit, quod haud quaquam recusamus, non erit profectò, ut arbitramur, quisquam tam imperitus humani juris, quin eam nobis restituendam censeat. *Andronicus Calojani* filius major natu, ad quem naturali jure paternum regnum pertinet, nobis hanc insulam dedit: vobis *Manuel* minor natu frater, qui nihil eorum, quæ paterni regni sunt, præter fratris voluntatem tradere cuiquam potest. Uter igitur dare potuit? an is, qui in fratrem contumax, impia arma suscepit, aut is, qui patris successor ipso jure regnare debet? Animadvertite, quàm turpe vobis sit, dum ob immoderatam dominandi cupiditatem, *Manuelem* tueri vultis, pro eo injusta arma suscipere adversus illum, cui regnum omnium consensu ipso jure debetur. Multo sanè æquius fuerat, vel ei, qui justè regnum tenet, opem ferre, vel dissidentes de regno fratres ad pacem, concordiamque revocare: quàm pacem, & amicitiam nostram labefactare: quæ quidem per nos stabilis, firmaque erit, quamdiu injuria nostra abstineritis: quam nos perferre, nec posse, nec consuesse jam satis experti estis.

Aut igitur revocato præsidio insulam reddite, aut scitote, vos ea pace nostra frui non posse.

D Ad ea *Veneti*: Nulla nobis vobiscum, *Genuenses*, de insula *Tenedo* disceptatio est. Si æquum censetis eam vobis restitui, quod illa vobis ab *Andronico* data sit, cū eam non teneret: & nos non iniquum existimamus eandem retinere, quàm nobis ille dederit, in cujus manu erat: quique eam nobis justè dare potuit. An ignoratis *Andronico* à patre jure successionis orbato, quod ei ob contumaciam, & flagitia invisus esset, *Manuelem* Regni successorem institutum? Nec nunc nobis Græcorum, aut gentium jura quærenda sunt, possitne minor natu frater, majore vivo regnare: sed quid pater jusserit, hæc ipsorum fratrum quæstio fuerit. Nobis natura & consuetudo dedit, ne eos, qui oppressi ad opem nostram confugiant, deseramus: ut sciant exteræ gentes, sibi in nobis certum salutis profugium esse: quin etiam hoc natura ipsa mortalibus præscribit, uti mi-

noribus natu, & imbecillioribus, si modò possimus, opitulemur. Nos Insulam à possessore accepimus, nihil quod in manu vestra esset, abstulimus: neque enim ullum inde præsidium vestrum ejecimus: & vos si Insulam teneretis, quod vobis fors dedisset, id vestrum esse pateremur: idque paci, & amicitiae, quæ nobis vobiscum est, daremus. Quod ad summam rei attinet, non placet Insulam reddere. Vos si aliter animati estis, ut libet, decernite.

Ita re infecta Legati Genuam reversi sunt. Postquam Genuenses ex Legatis cognovere, Venetos nolle Insula excedere, bellum extemplo cunctorum ordinum consensu suscipiunt: ac primum triremium decem classem comparant, quæ interim dum major classis paratur, Tenedon petat: si fortè præsidium ex arce pelli possit, Arantem Strupam classi præficiunt. Fuit hic annus ab ortu Christi Dei septuagesimus septimus, & tricentesimus supra millesimum.

14 Parata classe, armis & commeatu imposito, Aruns secundam maris tempestatem nactus, è portu solvit: multaque in cursu Tenedon petens, hostibus detrimenta intulit, navibus plerisque eorum captis, incensisque. Mare per id tempus Genuensibus liberum erat, nondum satis ad bellum instructis hostibus. Profectus ad Insulam cum frustra arcis oppugnatio tentari videretur, quod erat præsidio valido firmata, prælio abstinendum censuit: mutatoque consilio Ægeum mare cum classe circuit, insulas, quæ Venetis parebant, commercio & commeatu prohibiturus. Veneti de classis subita profectioe certiores facti, & ipsi extemplo decreta classe mittunt, qui Ligurum oras vexent: si fortè hostes, metu rerum suarum inde retrahi possent. Eo anno nihil 15 memorabile gestum est, ex quo existimaverim sub anni exitum bellum inchoatum esse: neque enim Venetorum classem ullam eo anno in Ligusticum sinum trajecisse legimus. Eo, qui secutus est, anno Genuenses cum accepissent, classem à Venetis augeri, triremes decem classi adjiciunt, eique Ludovicum Fliscum præponunt. Jam enim fama erat, hostilem classem paratam, atque instructam esse: sed quorsum profectura esset, incertum erat. Alii adversus Arantem Strupam in Ægeum, alii in Ligusticum mare profecturam putabant. Brutiorum autem oram legenti Ludovico hostilis classis Ligusticum petens, improvisò obviam facta est. Venetus navium numero fretus, illicò arma expediri jubet. Ludovicus, etsi impar erat, & repentinus hostium occur-

16 tamen necessitudine adductus, & ipse suos ad prælium extemplo expediri jubet, & ad confirmandos eorum animos meminisse monet, quibuscum sibi pugnandum sit, eos esse,

A quos superiore bello sapius fuderint, de quibus multas præclaras victorias, ac speciosos triumphos reportaverint: quos denique plures ipsi pauciores nonnunquam in fugam verterint. Adversus plures rem gerere gloriosum esse, fortibus fortunam in prælio favere consuesse. Venetus item non legnius suos hortabatur, victoriam in manu esse, si viri sint, quod hostes sublata fugiendi facultate, classe quoque infirmiores sint. Si naves hostium circumstant, vix primum impetum laturas. Classibus propioribus factis, Ludovicus cum triremibus quinque ante alias longe evectus, initium pugnandi fecit. Ea primum ordinis perturbatione, Veneti multo alacriores in pugnam 17 fiunt, existimantes, id quod exitus rei docuit, hostes priusquam cæteræ succurrerent, superari posse. Temerarium consilium subita clades secuta est: plures hostium naves quamprimum circumstant. Ludovicus uno tantum modo errata sua corrigi posse arbitratus, si nullum periculum metuant, suos rursus pro tempore hortatur. Tum omnes veluti desperata salute prælium ineunt, magna cædes utrinque editur, his pro salute, illis pro gloria pugnantibus. Mox reliquas Veneti petunt, quæ cum suis jam victos putarent, in fugam versæ saluti consulunt: ex quibus una fugiendi studio cum in scopulum incidisset, demersa est, reliquæ virtute remigum elapsæ. In eo prælio triremes quinque plenæ, in quæ Ludovicus, ab hostibus captæ. Hac clade cognita Genuenses 18 de transmarinis oppidis sollicitudo ingens cepit, incertum quò se hostium classis post adeptam victoriam vertisset: maximè verò de Famagusta Cypri urbe celeberrima anxii erant, ne aut in Cyprii Regis, cujus regno adempta fuerat, aut in hostium potestatem aliquo modo perveniret. Hoc uno oppido Genuenses Janum Cypriorum Regem (qui Genuæ natus est) in patrium regnum restitutum, cum totius prope Insulæ potirentur, multaverant, cives suos interemptos satis ultos arbitrati. Erat hæc Regum sedes, situs opportunitate, atque ædificiis omnium Insulæ urbium, haud dubiè prima, cæterum pestilens propter paludes circumjectas, & ob id civibus infreqens, ac propè exhausta.

F Itaque Genuenses triremem unam ex his, quæ cladi superfuerant, eò confestim cum præsidio mittunt, tribusque reliquis supplemento imposito, Petrum Picconum, virum strenuum ad cæteram classem jubent contendere: maritimisque oppidis, quæ defendi posse videbantur, præsidio firmatis, si qua minus tuta viderentur, incolas in montana concedere. Interim Veneti ipso successu alacriores facti, cum classe in Ligusticum proficiscuntur: omnemque maritimam oram minoribus navibus infestam faciunt: eratque ob eam rem Genuensibus difficilis com-

commeatum in oppida maritima importatio: nam nisi navibus magnitudine insignibus quidquam importari non poterat. At *Petrus* tribus iis navibus longis, quas dixi, acceptis, in *Adriaticum* profectus, nihil ibi quietum hostibus relinquere, uno prope tempore omnibus locis videri adesse, multisque incommodis hosti illatis, magnam brevi laudem promeruit. Inter hæc *Veneti* cum ²⁰ *Bernaboe* Mediolanensium Principe amicitiam ac societatem ineunt: gnari inde hostes percommode vexari posse, quod illius ager cum agro *Genuensi* continuaretur. Putabant enim fore, ne *Genuenses* propinquo metu classem augerent, quod, quam juventutem in classe missuri essent, pro rerum domesticarum tutela domi contineri necessarium esset: commeatus quoque, qui ex *Gallia* *Genuam* importabantur, societate facta sublatum iri videbant, nec commeatus modo, sed etiam commercia, quæ inter *Genuenses* & *Gallos* magna, crebraque erant, ex quibus tum ad privatos cives, tum ad urbana vectigalia ingens fructus accederet, qui fructus hostibus detractus in eorum Reipublicæ usum esset perventurus. *Janum* quoque *Cypri* Regem, quem *Genuensibus* ²¹ infensum sciebant propter *Famagustam* ademptam, in societatem adsciscendum existimarunt. Itaque missis legatis Regem facile in sententiam traxerunt. Quæ ubi *Genuam* nunciata sunt, ingens cura, ac sollicitudo nobilitatem simul ac plebem cepit. Nam cum id bellum per se periculosum videretur, *Venetis* suis opibus bellum gerentibus, longè id gravius fore existimabant, iisdem tantis societatibus subnixis, *Bernaboe* præsertim, qui cervici imminabat, & belli causas expetebat. Videbant annonæ, cæterarumque rerum ex *Gallia Cisalpina* exportandarum facultatem sibi creptam esse: animadvertabant commercia, in quibus sibi tum privatim, tum publicè permagna utilitas inerat, sublata: nam magnam partem eorum, quæ *Genuenses* ex transmarinis regionibus convchunt, *Galli* cõmunt. ²² Terrebant imminens tergo opulentus hostis, cui facile erat quotidie cum exercitu eorum fines populari, atque vexare, nec satis scire quonam modo maritimo simul, & terrestri bello suppeditare possent: quoniam quos usus classis exigeret, hos domi manere metus à terra cogeret. Iis anxii curis, & ipsi de externis auxiliis cogitare coeperunt, & quos sciebant *Venetis* infensos esse, horum maximè amicitiam ac societatem sibi adsciscendam putaverunt. Per id tempus *Henricus* Romanorum Imperator propter *Illyricum* Imperio suo ademptum, graves cum *Venetis* inimicitias gerebat: nec leviores *Patriarcha Aquilejensis*, cui *Forojuliensem* provinciam ademerant. Ad hæc *Franciscus Carraria* Princeps *Patavinorum*, eorum-

A dem metu sese liberare cupiebat. Itaque ad eos legati extemplò decreti sunt: ad *Henricum* profecti, ita locuti sunt: 23

Ni tibi Imperator, satis cognitam sciremus Venetorum insolentiam, atque avaritiam, longiore oratione, atque alia, quam instituerimus, hodie apud te uteremur. Sed nosti, quate meritate *Illyricum*, quod tui Imperii est, jam pridem occupaverint: qua deinde contumacia in Imperatores Rom. fuerint, soli ex omnibus *Italix* populis te superiorem nec habere, neque pati possunt. Gentem se liberam, neque Imperatori, neque Pontifici Max. obnoxiam vulgò gloriantur. Sanctissimas duodecim tabularum leges, quas universa Europa veneratur, & colit, ita contemnunt, ut iis in Reipublicæ suæ administratione minimè utendum putent, quin etiam eò usque sibi arrogare, ut mare *Adriaticum* mutato nomine *Venetum* ²⁴ appellent, nec triremem, birememve ullam injussu suo id intrare patiuntur. Quod verò sint Imperii avidi, ex eo satis patere arbitramur: quod cum nihil tenerent, præter exiguum palustre solum, in quo nati sunt, & *Illyrici* oras, & *Euboeam*, & *Cretam*, & cæteras *Insulas* *Ægei* maris, omittamus, nec lacessiti, sed lacessentes ditionis suæ fecerint. Gens maximè temeraria omnia sui juris, sui que arbitrii facit, pacem bellumque se dare quibus vellet, æquum censet. Sed quid vetera commemoramus? recens exemplum in manu est. *Tenedon Insulam* ad *Hellepontum* sitam, quam scirent ab *Andronico* Imperatore Græco socio, & amico traditam, arce præsidio firmata, occupare: neque pudet præter Jus Gentium, & usitatum regnandi morem pro minore natu fratre contra ipsum *Andronicum* majorem natu, cui Regnum debetur, arma suscipe- ²⁵ re: tantum se præstare cæteris gentibus putant, ut nullam in terris majestatem satis dignam existiment, cui cedant, aut cujus dicto obtemperent. Si tibi Imperator, in animo est non pati diutius eorum injurias, & detractum imperio tuo *Illyricum* in potestatem tuam redigere expetis, nunc tibi opportunitas oblata est. Nunquam tibi majorem ejus rei facultatem dii dabunt. Nam si tu à terra cum copiis, nos à mari cum classe incubuerimus, atque in belli societatem coierimus: non dubitamus fore, quin eos brevi in summum rerum discrimen adducamus. Si te Majestas Imperii, si Majorum dignitas movet, eorum profectò injurias diutius non feres. Quapropter te oramus, ut adversus communes inimicos communi animo bellum gerere in animum inducas.

Ad ea Imperator: Non erat mihi ignota, *Genuenses*, *Venetorum* arrogantia, ac ²⁶ libido dominandi: & si mihi per Imperii negotia licuisset in *Italiam* transire, jam pridem, ut puto, iis ostendissem, quod

iniquo animo eorum injurias, & contumelias tulerim. Verum enim vero Turcarum metus, quibuscum nobis sempiternum bellum est, non sinit me ex hac provincia quoquam decedere. Id enim semper consilium meum fuit, communes potius Christianæ gentis hostes nobis infestissimos, quam privatas inimicitias persequi. Nec mihi porro mira, aut nova sunt, quæ de intercepta ab iis Tenedo Insula, quæque de armis sumptis. Genus hominum in ambitionem præceps, justè, an secus agat, nihil pensi habet: omnia sibi licere putant, quæ in alios ipsi statuunt: quoquo modo Reipublicæ opes augere student. Sed si nullum crimen apud

27 Deum gravius insolentia est (quod Doctores nostri affirmant) spero eos brevi contumaciæ suæ pœnas duros. Ego cum primum anni tempus patietur, aut in Italiam trajiciam, aut Ducem cum copiis mittam, qui à terra bellum inferat. Cætera vobis curæ fuerint.

Cum hoc responso Genuenses reversi, ingenti spe Civitatem repleverunt. Qui ad Patriarcham, quique ad Franciscum Carriam missi, rebus item ex sententia confectis, redierunt. Quibus auxiliis Genuenses freti majore animo bellum persequi coeperunt, quoque liberius dempto domi metu mitti juvenus in classem posset, non parvam proscrip-
torum manum, qui quotidianis atrociniis agros infestabant, domum revertendi potestas facta est, qui postea magno Reipublicæ usui fuere. Per id tempus Carretini Reguli Ligusticæ

28 oræ incolæ inter Ligures clari, iis, qui Genuensem Rempublicam gubernabant, infensi erant, seque cum Bernabovæ conjunxerant: namque ea tempestate Dominicus Fregosus, homo adversæ factionis Genuensis Reipublicæ præerat. Hi opportunitatem nacti, Naulum & Albingaunum oppida, ac præterea Castrum Francum immisso præsidio, occupavere. Erat tum fortè Albingauni Prætor Bartholomæus Vicecomes Mediolanensis, ob invidiam domo pulsus, Dominici beneficio in Civitatem adscitus. Hic primò ei charus, cum postea in ejus odium incidisset, desideratur. Flisco (nam ea gens tum Fregosis adversa erat) Urbem prodidit, quam cum ille tueri non posset, quòd erat à finibus suis remotior, eam in Regulorum potestatem tradidit. De proditore haud multo post, cum esset comprehensus,

29 sumptum supplicium est. Post hæc Genuenses duas & viginti rostratas quamprimum ædificandas curavere: cumque eam cladem culpa Ducis acceptam scirent, circa Imperatorem deligendum maximè immorati: cumque res superioribus bellis contra eosdem hostes ab se gestas memoria retinerent, genusque Aurie homines adversus Venetos in primis prosperè rem gessisse meminissent, Lambam præsertim ac Paganum: eamque gentem Venetis fatalem esse, vulgò increbuisse, in

A eam familiam omnium civium oculis conversis, Lucianum Auriam impigrum virum, classis ducem decernunt. Eodem anno Dominicus Fregosus adversariorum conspiratione Genuæ Principatu amotus est: qui quo statum ejus labefactarent, hujusmodi rumores vanos disseminaverant: misisse Bernabovæ ad oppida trans Apenninum sita, magnum equestrium copiarum numerum, ad urbem agrosque vexandos: venisse ad Venerii Portum complures Venetorum triremes, quæ oram maritimam incolentibus navigandi, & comæatum potestatem adepturæ essent. Quoque hujusmodi commentis fides haberetur, literis confictis nuntios subornant, qui hæc ad Dominicum perferant: atque hæc omnia, ut iis liceret arma comparare: quæ alioquin coëmere sine conjurationis suspitione fas non erat. Iis falsis rumoribus deceptus Dominicus, armorum emendorum omnibus potestatem facit.

C Hac opportunitate usi inimici, palatium petunt, atque incautum opprimunt, Nicolao Goarco Duce facto. In tantis motibus Antoniotus Adurnus, amicis fretus, Principatum invadere conatus est: Republica, amissa libertate, ad unius imperium, ac potestatem jam redacta: nam prius præfectis ex nobilitate utebatur: per quos mirum in modum & auctoritate, & opibus creverat. Sed postquam Antoniotus animadvertit Nicolaum apud cives

D opibus valere, & gratia, fortunæ cedendum ratus, relicta Urbe, victori concessit. Nicolaus jam ab initio principatus nobilitatem in honore habere, eaque maxime uti in administranda Republica, divisus in æquas partes honoribus, quorum prius tertiam partem nobilitas ipsa capiebat: Guelfos quoque benignè habuit. Horum favore subnixus dignitatem suam faciliè tueri, Dominico ac Petro Fregosis, ne quid adversus se molirentur, in custodiam traditis. Cæterum Petrus decepto

E custode elapsus est. Post hæc Senatu coacto Principis potestas coarctata est: latisque novis legibus publicæ quietis causa omnes quicunque Fregosæ gentes essent, ex Urbe, atque agro pellendos censuit, gravi pœna denunciata, si quis postea de iis reducendis ad Senatum retulisset: tanta cupiditate res agebatur per eos, qui Nicolao amici erant. Per id tempus Bernabos Venetorum opera Cypriorum Regem

F generum sibi adscivit, tradita ei in matrimonium filia, quam profectam Venetias, ut inde ad virum iret, miro honore exceptam, datisque insuper muneribus in gratiam patris, ac viri Veneti quatuordecim triremibus comparatis, in Cyprum deducendam curaverunt. Ingens in tota Insula lætitia, ludique ob ejus adventum editi. Cum esset in portu classis, Rex venit in spem Famagustam à se recipi posse, si classis ipsa eò confestim mitteretur, arbitratus præsidium, quod intus erat, improvise opprimi posse. Communicato consilio cum Duce classis, triremes quinque eò missæ: ipse

ipse raptim delectibus pro tempore comparatis, terrestri itinere eodem profectus est. Cæterum id frustra fuit, oppidanis de ejus adventu certioribus factis. Ut primum rostratæ apparuere, regique appropinquare coeperunt, oppidani armati subito in muros profiliunt, longeque hostes lapidibus, ac telis summovent. Ita irritò incepto inde discessum.

Hoc anno pacem cum *Cattelanis* à *Genuensibus* factam invenio, ex quo mirari licet scriptorum negligentiam, qui de pace scripserunt, de societate eorum cum *Venetis* obtulerunt. Per hos dies *Aruns Strupa*, quem cum decem rostratis in *Ægeo* in initio belli profectum diximus, cum *Genuam* revertisset. *Lucianus Auria* cum decem ac septem triremibus in *Adriaticum* mare contendit, inde *Adriam* profectus est, civitatem amicam, & diuturno commercio conjunctam, quæ per id temporis ad *Henricum* Imperatorem defecerat, à cujus imperio se distractos dolebant, cum prius sub Imperatorum tutela esset, à qua amicè, ac benignè receptus est: deinde tribus rostratis, quæ *Petrum Piconum* præfuisse diximus, classi additis, duarum & viginti triremium classem effecit, sinumque *Adriaticum* circumvectus, ingentem hosti terrorem infert, navibus plerisque captis, maritimisque oppidis commeatu & commercio prohibitis. Inter hæc Imperator magnis copiis comparatis, in *Forojuliensem* agrum, *Franciscus Carraria* cum equitatu ac delectu in *Tarvisanum* profecti sunt, omnique cura agro depopulato, *Tarvisum* à *Francisco* obsideri coeptum. Oppidani primo ejus adventu freti auxilio propinquo aliquamdiu restiterunt: sed ubi in longum trahi obsidionem vident, nec auxilii copiam fieri (nam *Veneti* per id tempus haud pares hostibus copiis erant) accedente inopia rei frumentariæ Imperatori, si potestas fieret, dedituros sese dixerunt: iique patiente *Francisco* ab Imperatore recepti sunt. Quibus cognitis, *Veneti*, quæ in *Illyrico*, ac *Forojulensi* oppida tenebant, pro desperatis, ac perditis habere coeperunt. Sed maritimarum rerum longe major iis cura erat, quòd inde pecuniam in belli sumptus comparabant, qui, navigatione adempta, iis intolerabiles erant. Itaque viginti triremium classe effecta, *Victorem Pisanum* ei præficiunt: atque ut ea classis pugnatorum numero hostilem superaret, quingentos milites præter navales socios in eam imponunt. Cum hac *Victor Pollam* primum petit, oppidanos complures in eam assumit, sive uti esset contra hostes munitior, sive quòd oppidanorum fides *Venetis* suspecta foret: cujus adventu *Pollani* per navim speculatoriam cognito, *Lucianus* eodem cum classe contendit, eo consilio, ut faceret hosti pugnandi potestatem. Cum in conspectum *Pollæ* pervenisset, confestim *Victor* navales socios in classem cogi, & ad prælium parari imperat, iisque brevi oratione confirmatis adver-

A. fus hostilem classem proficiscitur. *Lucianus* ubi venientem videt, lentius remos trahi, ne defatigatos remiges prælium exciperet, armæque expediri jubet, suosque satis per se ad pugnam paratos brevi oratione accendit: magnam verò inde spem concepit, quòd hostes ab oppido classem amovissent. Concursum est ingenti animo, & multi quidem *Venetorum*, antequam coirent classes, procul sagittis icti ceciderunt: post ubi propiores facti, ludificandi potestate crepta, acrius multò prælium, & aliquamdiu anceps fuit, & modò hi, modò illi variante fortuna prævalebant: sed *Venetorum* plures balistis percussi cadebant. Quod ubi *Lucianus* animadvertit, cohortari suos vehementius coepit, victos jam hostes, parumque negotii ad victoriam restare.

Ea vox audita veluti stimulum quendam pugnantibus addidit: & quasi tum primum pugnare inciperent, in hostes irruunt. Sed cum *Lucianus* ad victoriæ vocem caput galea nudasset, hostili jaculo trajectus repente cecidit. Hoc gravi casu, etsi erant consternati, qui circumstabant, eum continuò inde ablatum condunt, aliumque ejus armis ac paludamento indutum, ibidem locant: nemors ejus cognita aut suos segniores, aut hostes acriores redderet: nec *Victor* quoque suis deerat. Cæterum jam omnis cohortatio inanis erat, magna parte navium amissa: ad postremum contipicatus nullam spem salutis in armis superesse, navibus quindecim amissis, in fugam versus, non prius fugiendi finem fecit, quàm *Venetas* pervenit.

Hac victoria *Genuam* perlata, universam Civitatem ingens lætitia invasit: sed ubi de morte Imperatoris auditum, rursus in dolorem conversa est: tantum virum tantis rebus gestis immaturo tempore Reipublicæ ereptum, consilione, an animo melior esset, dubium. Magni ei à Senatu honores decreti, annua supplicatio ad *Joannis* Evangelistæ aram, quæ in *Georgii* templo est, filiis posterisque annua è publico salaria. Manebat adhuc aliqua ea tempestate libertatis species, & Reipublicæ cura, quæ nunc nulla est, Civitate in ambitionem, avaritiam, luxuriamque præcipiti. Tunc iis, qui pro Republica occubuerant, præmia decernere mos erat. De virtute, de Reipublicæ dignitate, de Imperii amplificatione inter cives certamen erat, patriæ gloriam parare, liberalitate uti, parcè vivere, pro Reipublicæ opibus privata negligere, communi salutis consulere: harum rerum gratià nullum discrimen evitare. At nunc contrà omnia, eaque non nunc nuper mala, sed jam pridem orta, admiratione divitiarum, ac potentiæ cupidine animis à vero rectoque distractis. Nam pro Reipublicæ amore ambitio, pro liberalitate avaritia, pro parsimonia luxuria, Civitatem invasere.

Classe præfecto, ut dixi, orbata, *Genuenses Petrum Auriam* in demortui locum statu-

tuerunt: isque confestim triremi una vectus ad classem, in *Adriaticum* sese contulit. *Vitore* autem cum reliquiis cladis acceptæ *Venetias* reverso, *Veneti* in graves curas incidere: navigationem enim sibi sublatam animadvertiebant, cuius rei causa vectigalia publica, fidemque multorum civium concidere necesse erat. Itaque ad *Bernabovem* mittendum quamprimum censuerunt, qui illum rogarent, uti exercitum, qui hostes terra laceſceret, in *Genuensem* agrum mitteret, ut dum eo metu compulsi hostes; ex *Adriatico* ad sua tutanda classem revocare cogerentur, ipsi interim de reparanda classe cogitarent. Profectique legati facile *Bernabovem* moverunt: 41 sed non erat tunc in *Italia* is equitum numerus, quem hac tempeſtate ipsi vidimus, magnaue eorum pars ex *Alemania* petebatur. Nam longa pax, quæ sub quietis Principibus fuerat, armorum studia ad agrorum culturas, ad mercaturas obeundas tranſtulerat. Noſtra autem ætas in eos Principes incidit, qui dominandi cupiditate belli consilia paci anteposuerunt. Ex quo effectum est, ut relicta agriculture, ac mercatura, permulti ad rem militarem sese contulerint. Eo tempore aliquot copiarum Duces societate intra se contracta per *Italiam* excurrentes, civitates ac Regulos imbecilliores pacem suam redimere cogeant, omnemque *Italiam* territabant. Ea verò manus *Stellæ* cognomento appellabatur. Hos igitur *Bernabos* conducendos curavit, iique profecti in *Genuensem* agrum, ac *Porciferæ* 42 vallem ingressi, omnia suburbana una prope excursionem populati sunt, multis civibus qui id anni tempus ruri agebant, primo adventu captis. Fuit enim adeo repentinus eorum adventus, ut prope prius circumſpecti sint, quam de eorum protectione nuntius venerit. Fugientes passim in Urbe viri cum conjugibus, ac liberis, servisque magnum Civitati terrorem injecere. Cæterum, ubi se paulum collegerunt, vigilibus per muros dispositis, hostibus obviam exire non dubitabant: sed *Nicolaus*, quem dixi, Civitatis Princeps, veritus, ne adversarii sumptis per occasionem armis, sibi principatum auferrent, præter eos duntaxat, quibus fidebat, Juventutem armari vetuit, certamque argenti vim hostibus pactus, Urbem, atque agros externo bello, seque intestina seditione liberavit. Interea *Veneti* 43 triremes novem misere, quæ *Genuensium* oras vexarent: quæ ad *Tirum*, perbreve Insulam, profectæ proximam oppido, quod *Portum Venerii* vocant, Insulam alteram aliquanto breviorum vitibus consitam, in qua *Venerii* templum est, quod oppido nomen dedit, primo adventu invasere; sublatisque Martyrum quorundam reliquiis, quæ in eo templo inerant, maritima hostium oppida populando, circumvectæ sunt. Quod ubi *Genuæ* compertum est, primum per ignes, qui in promontoriis excitabantur (per quos qui-

A dem quot hostium naves intra *Corvum*, & *Monacum* promontoria intrassent, unius ferme horæ spatio sciri poterat: quam consuetudinem adhuc retinent) deinde per nuntios, triremes novem confestim armavere. Id enim iis est satius visum, quam classis partem ex *Adriatico* accerſere, quas postquam *Veneti* paratas, atque instructas sensere (erant enim & numero, & robore hominum egregie instructæ) toto infero mari statim concesserunt. Non inventis hostibus *Genuensium* classis ad *Petrum Auriam* in *Adriaticum* contendit: quibus navibus auctus, *Petrus* omnem prorsus navigandi potestatem hosti eripuit. Triginta hæc triremes erant, præter onerarias, quibus ad vehendos commeatus utebantur: nam *Venetæ* rostratæ, quas è *Ligustico* mari arrepta fuga abiisse diximus, ad Insulas, quas in *Ægeo* tenebant, *Carolo Zeno* Duce, se receperunt. Non erit huic loco inconveniens, quandoquidem de obsidione urbis *Venetæ* verba facturi sumus, de ejus quoque situ, ac civitatis moribus pauca quædam differere.

Stagna sunt amplissima, siue hæc lacunas, siue paludes appellare quis malit, è *Philistæne* fossa, quam alii *Tartarum* vocant, ex undatione & *Athesis* ac *Togisoni* fluminum cursu nascentia, per quæ etiam auctus imbribus *Padus* effundi consueverat: multæ enim idcirco fossæ productæ fuerant, utpote *Carbonaria* fossiones, ac fossa *Clodia*, à qua oppidum *Clodia*, ut puto, nomen accepit: quæ interjacent terræ aquarum abundantia propter humilitatem obruuntur, nec nisi recedente æstu apparent. In hoc seu terræ, seu paludis spatio, qua parte eminentior est, sitæ sunt *Venetæ*: fundamentis, ædificio, magnitudine, civium frequentia, ac cætero ornatu celebres. Vicos habent tam aqua, quam terra permeabiles, fossa ingens mediam Urbem interluit, profundo alveo, & navium capace, ac velut in oceano sexta quaque hora, reciprocante æstu: in quam cæteræ angustiores 46 Urbis fossæ illabentes, ac stagnantes circum aquæ sese in mare evolvunt, ac rursus eodem ingerunt. Hæc urbs à *Patavinis*, & ab iis, qui everſo *Altino* profugi novas sibi sedes quærebant, quo tempore *Attila* ille terribissimus *Christianos* insectabatur, condita est. Sola *Italicarum* civitatum nullum unquam dominum, vel domesticum, vel externum sibi imperare passa: cum tamen aliquot Civitatis Principes libertatem opprimere conati, ab iis interfecti fuerint. Augendi porrò imperii præter æquum, gens avida, belli causas sæpe quaesivit, ad Reipublicæ decus, gloriamque consentiens, privatis commodis publica semper antetulit. His moribus atque hic artibus maximam *Galliæ Cisalpinae* partem imperio suo subegit. Ante hanc urbem ad mille passus litus est *Adriatici* maris: & in eo situm est 47 *Nicolai* templum, quod *Veneti* eo tempore muro,

muro, ac fossa communierant. Haud procul ab eo sitæ sunt turres duæ, quæ maris ostia ab utraque litoris parte contingunt, quas prius valido præsidio firmaverant. Pone templum murus erat haud modicæ latitudinis, multis propugnaculis in eo excitatis, litoris ipsius longitudinem complectens, ne qua hostium vis ad templum oppugnandum transire posset. *Petrus* igitur quò magis hostes coarctaret: suadente *Francisco Carraria*, qui ad mille viros ex delectibus è *Patavio* accersierat: eò cum classe profectus est: expositisque in terram navalibus copiis sub ipsum murum, qui templo, ut dixi, oppositus erat, quam proxime castra movit, atque oppugnare coepit.

48 Dura fuit aliquamdiu oppugnatio, iis, qui in præsidio erant, summa vi obsistentibus: ad postremum sagittariorum multitudine, & crebris tormentorum ictibus nudato defensoribus muro, *Genuenses* transcenderunt, eoque disjecto, templo potiti sunt: cumque turres, quibus ingressum claudi ostendimus, oppugnare frustra tentassent: ad oppidum *Clodium* cum classe profectus est, *Francisco* secundum litus cum terrestribus copiis iter faciente. Erat autem id oppidum cum situ, tum præsidio permunitum. Cum enim *Veneti* ne amitteretur, præsertim amissa classe, & navigandi potestate adempta, pertimescerent, ejus tutelæ conductum militem imposuerant. Castris positis, cum *Petrus* ac *Franciscus* de universa oppugnatione consilium cepissent, ei rei diem constituerunt: quæ ubi advenit, admotâ classe oppidum aggressi sunt. Oppidani, ac præsidarii milites per varia oppidi loca, ubi usus postulare videbatur, dispositi, (nam domus pro moenibus erant) hostium impetum fortiter tulere. Acre verò prælium aliquamdiu fuit, *Genuensibus* in oppidum inferre pedem adnitentibus, oppidani, quâ hostes vehementius premere animadvertebant, eò continuo submissis auxiliis hostium conatus frustabantur. Denique certamine in multam diem tracto, oppidani cum multos suorum periisse cernerent, animis fracti, nec jam amplius apparere audentes, tantum ex occulto irrita tela jaciebant. Quod ubi *Petrus* ac *Franciscus* animadverterunt, fessos pugnando, id quod erat, suspicati, suos uti acrius instarent, atque urgerent, vehementius hortari coeperunt: & jam à pluribus partibus oppidum ingressuri erant, ni oppidani salutis consulendum arbitrati, traditis, qui superfuissent de præsidio, militibus, deditionem fecissent. Hic nuntius *Venetias* perlatus omnium iis præteritarum cladum memoriam renovavit. Repetebant animo *Tarvisum* amissum, classesque ab hostibus deletas: nec satis sciebant exhausto ærario, quonam modo classem aliam instaurarent: angebantur autem vehementer, quòd commeatum importandorum facultatem sibi ereptam videbant, nec spem ullam reliquam esse, præterquam in *Bernabove*: sed eam,

A aut exiguam, aut certè non tantam, ut obsidione liberari possent, quam in dies graviores futuram suspicabantur. Et quoniam *Bernabovis* auxilia fera futura videbantur, primum experiri libuit, an possent pacem aliquam, vel tolerabilem ab hoste impetrare. Itaque accepta fide, *Clodium* ad *Petrum* legatos misere, qui pacem peterent. Sunt verò qui affirmant, *Venetos* per legatos eosdem album misisse, in quo *Genuenses*, quid sibi præstari à *Venetis* vellent, conscriberent (in tantam rerum necessariorum inopiam simul & desperationem fortunarum suarum ac Reipublicæ reducti fuerant) hique facta loquendi potestate, in hunc fere modum locuti sunt:

Ad felicitatis tuæ cumulum, Petre, si hujus diei gloriam rectè animadverteris, nihil profectò hoc amplius fortunam tibi conferre potuisse judicabis, quàm quòd legati *Veneti* ad te suppliciter pacem petentes veniremus. Magnum quippe, & gloriosum tibi fuit classem nostram delere, nosque navigatione & commeatu prohibere: sed majus nimirum est, eritque apud omnes, tum præsentibus, tum posteris, quòd pacem à te petierimus, quam civitas nostra dare, non accipere, ante hanc miserrimam tempestatem 51 consuevit. Neque enim ulla gens, aut ullus Rex, supra septingentos annos fuit, qui nobis petendæ pacis necessitatem imposuerit. D Itaque ista tua fortuna meritò lætari potes, quæ tibi potissimum hoc dederit, ut tu is existas, cui hæc tanta gloria de civitate nostra contigerit, quæ si æquus æstimator fueris, profectò ingens tibi videbitur. Neque enim, ut scis, civitas nostra inter inferiores Italiæ civitates numeratur: quæ Cretam, quæ Eubocam, quæ tot insulas suo imperio subdidit. Sed hæc ipsa fortuna hoc certè mali affert: quòd victorem effert insolentius, atque humanos casus, qui innumerabiles, & varii sunt, cogitare non sinit: omnia sibi prospera, ac mansura promittit: & à quietis consiliis blandiendo abstrahit. Non libet afferre exempla eorum, 53 qui primo victores pace petenti hosti negata: postea variante fortuna, eandem ipsi ab eodem petere coacti sunt: hæc enim tibi pro tua prudentia, ac rerum usu nota, & clara sunt. Quapropter ea & tibi quoque timenda est, ne hujus gloriosi diei fructum ipsa immutata, aliquando tibi eripiat. Vide, ne tantum illi credas, ut eam tibi in isto statu permanfuram putes: tibi quoque ante oculos propone illos, qui ab ea elusi, ac deleti sunt. Pacem à te petimus, *Veneti*, quam abnuere non debes, si te patriæ tuæ ratio, atque utilitas movet. Namque eam primum belli sumptibus, qui multiplices & inexhausti sunt, liberaveris. Tum illi quietem, quæ cuique bene institutæ civitati maximè optabilis esse debet, reddes. Tibi verò postremò æternum decus (ut antè diximus) hoc facto comparabis.

Ad

54 Ad hæc Petrus: Non sum usque adeo rerum humanarum inscius, ut fortunæ potestatem, atque inconstantiam ignorem: nec sum adeo alienus ab humanitate, ut pacem petentibus dare abnuam: si modo eam vos, non qualem præterita, sed qualem præsens fortuna vestra ut accipiatis vobis suadet, ferre parati estis. Neque enim ignorare debetis, æquum esse pacis conditiones ab eo, unde pax petitur, dici. Nec ita vobis præponenda est fortunæ mutatio, quod vos oratione vestra facere animadverti (qua ratione me ad dandam pacem compellere conati estis) ut in animum inducatis, fortunæ potius mutationem expectare, quam pacis leges, si quæ etiam fortasse duriores viderentur, ferre. Quod si fortuna victores, ut dixistis, aliquando afflixit, multos etiam 55 belli exitus prosperos dedit. Etenim mihi facilius licet, cui ipsa se letam exhibet, de ea bene sperare, quam vobis, quos in tantam calamitatem coniecit. Pacis verò conditiones ita sum dicturus, ut eas Senatus nostri iudicio comprobari velim.

Post hæc, quæ à Venetis fieri placeret pronuntiavit. Cæterum ea postulata ejusmodi fuere (quod evenire solet in rebus prosperis) ut ea legati ipsi vix æquis auribus ferre potuerint: quæ posteaquam Venetias pertulerunt, spretis conditionibus repudiata pax est. Ingenti namque fremitu in Senatu ob indignationem orto, quascunque potius belli calamitates, quam ejusmodi conditiones subeundas esse, conclamarunt. Hac igitur spe destituti, omiſsa pacis mentione ad Bernabovem misere, qui oraret, ne se socios, atque amicos in extremis rebus destitueret. Is itaque orsus est.

56 Eò redactæ sunt fortunæ nostræ (quod jam crebro hominum rumore satis scire potuisti) ut nisi à te adjuvarer, non putemus, fortunam ipsam si velit, servare nos posse. Antea Tarvisium amiseramus, modò Clodiam, templum ipsum Nicolai, quod in litore contra urbem nostram situm pro arce erat, nobis ereptum est: denique omnia Urbi circumjecta amisimus. Hostis mari potitur, navigatio apud nos conquievit: importandorum, commeatuum (quorum inopia vehementer laboramus) facultas omnis nobis sublata est: quin etiam necessario coacti, pacem petere, eam impetrare non potuimus, nisi ejusmodi, ut ei omnes labores, atque omnia belli discrimina præponenda existimarem. Se enim haud dubiè pro victoribus, nos pro victis hostes habent: insolentiores 57 facti ob recentiorum cladem, nobis mari illatam, certam sibi victoriam despondent, & si loci natura pateretur, ut liberè cum classe circumvehi per ea loca possent, in quibus urbs nostra sita est, jam ipsam classem in oculis nostris Urbem ipsam oppugnantem haberemus. Sed status maris æstus ab eorum vi nos defendit: nam simulac unda in altum recessit, destitute naves in profundo tenacissimo carinas defigunt, nec nisi accedente æstu moveri possunt: nec est rivus, uno duntaxat excepto, qui mediam Urbem interfecat, quod reslente gurgite, navium patiens sit. Potes igitur facile existimare, quoniam animo esse debeamus, tot malis circumventi, tot calamitatibus oppressi. Tu unus nobis (si modò quid sperare possumus, in tantis ærumnis, & periculis positi) 58 spes unica superes, in te omnis salutis nostræ cogitatio est coniecta: te unum respicimus, tuam opem expectamus, omnes confidimus, ne nos socios, atque amicos deserturus sis. Unà verò est ratio, vel propulsandæ, vel levandæ calamitatis nostræ, quam tu ipse non ignoras. Habes equitatum cum delectibus, quos in hostilem agrum mittas. Fortasse enim cum Genuenses viderint, sua vastari, aut in periculo esse, classem, aut certè magnam partem ejus ad tuendas res domi revocabunt. Sic olim Romanus, metu domi Carthaginensibus injecto, Hamilcarem prius à Sicilia, sic postea Hannibalem filium Italiam vexantem, trajecto in Africam exercitu,

A depulit. Quod consilium plures postea secuti, rebus suis publicis salutem pepererunt. Hoc idem, ut ipse agas, per amicitiam, per fœdus nostrum, per humanitatem tuam te oramus, atque obtestamur. Non est à te committendum, ut per negligentiam tuam pereamus. Namque ut tibi summæ gloriæ fuerit, socios & amicos à te adjutos, & conservatos fuisse, sic tibi profectò haud mediocri oneri dabitur, si nos in extremo periculo destitueris.

B Ad ea Bernabos: Vestre me calamitates, Veneti, quando nullum inter nos vinculum intercederet, movere satis possent, ne vobis in tantis laboribus, ac discrimini-
bus deessem: sed cum sit inter nos non modò amicitia, verum etiam societas æquo jure constituta, causam vestram non tueri non possum, nisi desertæ societatis crimen subire velim, à quo quidem consilio longe absum. Neque enim me aut labor, aut magnitudo sumptus, aut periculi susceptio deterrebit, quominus ea præstem, quæ ipso societatis jure præstare debeo, neque committam, ut fidem meam in extremis rebus vestris desideretis. Itaque bono animo estote, atque omisso metu, hostium conatibus fortiter obviam ito: neque servienti fortunæ cedite, quæ sæpe victos victores fecit. Neque enim eadem est semper, neque ani usque faveans, sed varia, atque instabilis res humanas pro libidine agens, ac versans. Cujus rei multa exempla afferre possem, nisi id superfluum putarem, præsertim apud vos, quibus hæc nota sunt. Ego quod ad rem attinet, ut primum potero, copias contraham, atque in hostilem agrum, ut petitis, dimittam, atque experiar, an ea ratione hostilis classis ab obsidione vestra (quod fore spero) diverti, distrabique possit.

Posthæc Bernabos ad tria millia equitum conduxit, quibus præerat Haetorgius Manfredus, Faventinus Princeps: erat autem hic 61 equitatus ex variis, ac notissimis totius Italie latronibus comparatus, omni Italie propter rapinas longe invisus, ac gravis. Siquidem per pacatam Italiam vagus, nullam urbem, nullam provinciam, nullam denique gentem, nisi quæ pacem suam auro redemisset, quietam esse patiebatur. Namque ea tempestate equestres artes, (quæ longa pace, atque otio consenuerant) per Germanos in Italiam relata, reflorescere cœperant. Cæterum ii pauci Italici ab initio latronum magis, quam equitum modo, passim rapto victitabant. Ante enim, aut per Germanos equites, aut per populos inter sese armorum tractandorum rudes, sine disciplina, sine ordine, sine armis, aut iis quidem inconditis (quæ sequens ætas plurima invenit, aut ita expolivit, ut aut membris aptiora, aut aspectu pulchriora fieri non possint) bella gerebant. Is verò equitatus in Ligures subito profectus, Apennini 62 jugo in suburbanum descendit, atque ad Albarium promontorium trans Bisannem fluvium, excursionibus factis castra posuit: cujus repentino adventu conterriti agrestes, sese subito cum conjugibus, ac liberis in montana receperunt. At Cives quanquam primo adventu in Urbe trepidatum, delecto raptim in agris habito, armataque insuper urbana juventute, adversus hostes prodire constituerunt. Quod ubi hostes sensere, illico abeundi consilium capiunt. Qua re cognita, Genuenses, dispositis passim insidiis, occupatisque saltibus, per quos illis evadendum erat, subita eruptio-
ne

ne facta, hostes undique invadunt, qui sensim cedentes, sese primo congressu tutati: postquam saltus, per quos venerant, obsessos cognovere, desperata salute, in fugam versi, locorum ignari, passim cæduntur: pauci vivi in hostium potestatem pervenerunt. *Hactorgius* verò mutato habitu in medio prælii ardore hostium manu elapsus vivus effugit: signa duo militaria, alterum *Bernabovis*, alterum *Venetorum*, ab *Isnardo Goarco*, cujus ductu hæc gesta sunt, in Urbem reportata. Ob rem bene gestam supplicatio superis habita est: decretumque ab Senatu, *uti quotannis consequentibus ad Georgii fanum supplicatio haberetur*. Interea *Petrus* Adriaticum mare classe circumvectus, omnia hostibus infesta faciebat, nec quicquam ad eos omnino importari sinebat. Sed nihil erat obsessis durius, quam famis impendentis metus. Nam etsiangebantur, navigandi, negotiandique potestatem sibi ereptam esse, unde in bellum sumptus suppeditari possent, tamen eos magis movebat annonæ ratio, ex qua tantam multitudinem alerent. Per id temporis *Mannel Calojani* filius, *Græcorum* Imperator à patre constitutus, (ut diximus) qui societate *Veneti* junctus erat, magnis delectibus habitis, *Peram* nobilem *Genuensium* coloniam *Bizantio* proximam, terra, marique obsidere aggressus est. Quod ubi *Genuam* renuntiatum est, *Nicolaum Marcum* cum triremibus tribus celeriter instructis, eò confestim miserunt. Cæterum prius quam *Peram* perveniret, *Græci*, quid possent, frustra experti, jam inde castra moverant. Sed cum certior factus esset, onerarias quasdam frumento onustas in cursu esse, *Bizantium* petituras, triremem unam confestim iis obviam misit. Quod postquam Imperatori renuntiatum est, è vestigio triremem unam, ac biremes duas, quas fortè paratas in portu habebat, frumentariis navibus subsidio misit. Quo cognito *Nicolaus* cum trireme altera (nam reliquam aliò miserat) ac biremibus duabus raptim inter sextam horam deductis, instructisque juventute certatim nomen in classem dante adversum profectus, easque naves nactus haud procul à *Calonissio* promontorio invasit. Pugnatum est acriter aliquamdiu, neutra in parte variante fortuna, multis utrinque faucibus. Ad postremum *Genuenses* majore vi connexi, consensu hostium navibus, multisque cæsis ac duabus navibus victoria potiti sunt. Magnam verò ex eo prælio *Nicolaus* laudem omnium consensu promeruit, qui quò alacriores cæteros redderet, primus omnium hostilem navem transcendit, quæ evasere hostium naves, sublatis in altum velis sese in propinqua loca recepere: quæ verò captæ, *Peram* perductæ fuerunt. Per eos ferme dies *Genuenses*, qui *Clodia* præsidio erant, unà cum

Francisco Carraria Cavarcerem, ad *Laurentum* Venetorum castella, haud procul à *Clodia* vi ceperunt. Cum autem audissent *Veneti*, *Genuenses* circa *Clodia* custodiam, (ut fit in rebus secundis) negligentiores esse, multosque de præsidio frumentariis navibus obviam cum classis parte emissos, recuperandi oppidi opportunitatem sibi datam rati, cum pluribus lembis raptim armatis nocte intempesta *Clodiam* petunt. Cumque jam nonnulli eorum clam hostibus moenia superassent, armorum strepitu proditi, concursu ab hostibus facto, extemplo dejecti sunt, amissisque compluribus lembis atque obrutis, effusa fuga per stagna, quæ venerant, *Venetias* reverterunt. Reversa *Clodiam* classe cum annonæ, quædam *Savonensium* triremis, usque ad *Georgii* templum (quod mari circumsitum, haud plus quingentis passibus *Venetiis* abest) temere progressa, cum recedente æstu in sicco destituta esset, à lembis pluribus hostium circumventa capitur. Per id tempus navis quædam oneraria ingens, cujus vector erat *Nicolaus Becchignonus*, dum plenâ mercibus *Peram* versus contendens, apud *Rhodum* ad ancoram staret, atque omnes venti, auræque cecidissent, appulsis ad eam cum triremibus minoribus navibus ab hostibus capta est. Magna ex ea præda hostibus fuit: sed à quibusdam *Veneti* sic accepi, omnes prope qui ejus prædæ participes fuerunt, aut crudeliter vitam finisse, aut ad summam inopiam reductos esse; ipsi quoque *Carolo* classis duci pecuniam in funeris sumptum defuisse. Interea *Veneti* cum *Clodiani* portus fauces incuriosius custodiri ab hoste cognovissent, omnia, priusquam perirent, experiri statuentes, classem rursus intra navaliam muro circummunita quàm occultissimè compararunt, eo consilio, ut si res ex sententia non succederet, translatis in naves conjugibus, ac liberis cum iis, quibus possent facultatibus, relicta Urbe, in *Cretam* commigrarent: ibique sedes suas conderent. Id enim satius esse ducebant, quàm expectare, ut fame oppressi, ludibrio hostibus futuri, in eorum potestatem, dominatumque devenirent. Tres & triginta triremes hæc fuere, iis additæ actuariæ trahendarum machinarum causa, ac duæ insuper onerariæ, quibus si dii faverent, portus fauces obtruderent. Ea verò classis urbanis copiis plurimum instructa est (namque externorum militum, ac remigum aut nulla aut exigua copia erat) publico verò impendio, an privato armatæ fuerint, in Annalibus nostris non reperio. Ego autem ita audivisse me commemini, è gravissimo ejus civitatis viro, cum pecunia *Veneti* in classem deficeret, neque ex ærario, quod proferretur, restaret, multis jam pridem, ac variis belli sumptibus vacuefacto, accessisse in curiam ad Patres longè anxios, quosdam plebeji ordinis viros locupletes, & amantes Reipublicæ magnamque vim auri contu-

B. Facius.

B lisse;

lisse, lætos ob id Patres melius sperare de Republica coepisse: eosque collaudatos, accepta pecunia, in Senatorium ordinem adscivisse, ac per hunc maximè modum fisci inopiæ subventum esse. Parata, atque instructa classe, *Andreas Contarenius* ea tempestate *Venetorum* Dux, rerum maritimarum scientia præclarus, cum magna Senatus parte, ac Nobilitatis flore noctu *Clodiam* petiit: fuit autem adeo repentina ejus navigatio, ut antè *Clodia* portum prius confiterit, quàm de illius adventu quicquam ad hostes permanarit, nihil minus, quàm tale aliquid, metuentes. Erant autem in ipso *Clodia* portu, undetriginta *Genuenses* rostratæ, reliqua classe per *Adriaticum* excurrente, quæ subito ad prospectum hostium, convocatis navalibus copiis, adversus hostes magno impetu è portu produxerunt. Quod ut *Veneti* conspexere, quandoquidem pugna propter propinquitatem detractari non poterat, proras & ipsi in hostes converterunt. Pugnatum est aliquamdiu æquo Marte: nam *Venetis* onerariæ magno usui erant: si qua enim triremis vehementius urgebatur, sub onerariam protinus, tanquam sub arcem aliquam sese recipiebat: atque ita vi hostium declinata, insequentem frustrabatur. Quod postquam *Petrus* conspiciatus est, singulos cohortari, segnius præliantes increpare, alios monere, alios ignominiae metu, alios gloriæ cupiditate excitare coepit: turpe esse vociferans veteranos à tironibus virtute superari. Nec minus *Andreas* fuos hortabatur, illum diem esse dictitans perpetuæ aut libertatis, aut servitutis. Meminisse eos jubebat uxorum, liberorum, parentum, patriæ, eaque, nisi vincerent, salva esse non posse. Iis, atque hujusmodi vocibus incitati *Veneti*, quasi stimulis additis aliquanto diutius vim hostium tulerunt.

Ingens verò certamen circa onerarias fuit: è quibus *Veneti* tela mittentes, multos vulnerabant, quibus consensis, & captis, & cum his aliquot rostratis arrepta protinus fuga versus *Venetias* reliqua classis contendit. Quam hostes aliquantum insecuti, cum assequi non possent, præsentī victoria contenti, *Clodiam* reversi sunt. Secundum hanc pugnam *Genuenses* quasi nihil negotii ad victoriam restaret, rati hostes *Venetias* abiisse in lætitiā profusi, *Clodiani* portus custodiam neglexere: quæ quidem res iis ingentem calamitatem mox attulit, fortuna res immutare cupiente. Cæterum *Veneti*, postquam è classis hostium conspectu abire, constiterunt, arbitrati id, quod evenit, hostibus ob victoriam, obmisso metu, negligentioribus factis, portus fauces, immerfis navibus, obtrudi posse. Favit eorum consilio fortuna. Nam fortè ex onerariis, quas in prælio captas *Genuenses* intenderant, carinæ superfuerant. Quod ut *Vene-*

ti per speculatoriam navim præmissam comperere, eò profecti, lapidibus repletas, atque aliam item navim è suis in id præparatam ante ipsius portus fauces remulco vectas in profundo destituerunt, reliquis quoque aditibus, ne quā exire classis posset, celeriter præclusis. Ea verò negligentia *Genuensium* fuit, ut antè ab hostibus hæc facta fuerint, quàm quicquam de eorum reditu cognorint, tum *Veneti* metu soluti, clamore sublato, se adesse plane confessi sunt. Quo excitati propinquiore (namque oppidum aliquanto spatio ab ingressu portus aberat) ad arma conclamant, consensaque repente classe adversus ire properabant, nec antè dolos sensere, quam in ipsas naves obrutas inciderunt, frustra exire conantes, demum sese errasse cognoverunt. Sed fera venit poenitentia, cum ea jam nihil prodesset. Suaviter enim sæpius *Franciscus Carraria*, vir singulari prudentia, uti *Clodia* fidei suæ commissa, ipse *Venetias* obsidere pergeret, atque in eo uno omnia ejus studia reponeret. Verum quoniam *Francisci* aliquantum suspecta fides erat, ne eam in potestate sua traditam imperii sui faceret, ejus consilium repudiatum est. Cum hic esset in *Adriatico* mari rerum status, *Genuenses* tantæ calamitatis acceptæ adhuc ignari, quo vehementius hostes urgerent, territisque instarent, rostratas tredecim classi addendas curaverant, iisque *Matthæum Marrufum* præfecerant: quibus instructis iussus est, ad *Petrum* celeriter navigare, ac de illius imperio bellum gerere. Is verò in cursu acceptæ cladis certior factus, nihilominus coepta navigatione non abstinit: ut si quam posset, inclusis opem ferret. *Petrus* autem cum animadverteret nullum jam amplius classis usum esse, quoniam inde nulla arte evadi posset: quod unum poterat, traductis in terram navalibus copiis, crebras excursiones in proximos hostium fines faciebat. Cum autem ad *Bron-dolum* castellum oppugnandum trahentibus factis aliquando profectus esset, tormento ictus repente occubuit. Cujus morte *Genuenses* quanquam consternati, non tamen prius pugnare desinunt, quàm Castellum in eorum potestatem pervenit. Per hunc modum duo præstantes viri è gente *Auria* eo bello perierunt. Postquam verò *Genuam* renuntiatum est, classem *Clodiano* portu omni spe exitus sublata inclusam esse: universam Civitatem ingens moeror, ac sollicitudo pervasit. Speratam victoriam fortunæ malignitate è manibus ereptam dolebant, atque angebantur: nec quonam modo alteram classem sufficerent, propter exhaustas publicè, privatimque facultates, satis sciebant. Movebat etiam Præfecti mors, relictusque sine Duce exercitus. Præterea suorum obsidio, atque calamitas ante oculos proponebatur. Sibi namque persuadebant (id quod paulo post contigit) tantam opportuni-

tatem tantosque successus non omisso hos-
 tes, brevisque fore, ut terra non minus,
 quam mari clausos circumfiderent. In pri-
 mis autem de praefecto eligendo, quoniam
 tempus excellentem quempiam virum postu-
 lare videbatur: consultandum visum est. Cum-
 77 que de *Gasparis Spinulae* virtute ingens ef-
 fect opinio, magno Patrum, ac Plebis con-
 sensu creatus est. Et quoniam mari tuto
 trajicere non poterat, *Venetis* post clausam
 portu classem superi maris imperium absque
 controversia obtinentibus: nec *Matthaei* ab-
 sentis, quem tredecim rostratarum diximus
 ducem, potestas erat, terra profectus est.
 At *Veneti*, recepta maris possessione, quam
 jam triennio fere amiserant, sublati maio-
 rem in modum animis, de obsidenda *Clo-*
dia cogitare coeperunt. Cum autem pro-
 pter aerarii tenuitatem non esset, unde mi-
 litem conducerent, certatim Cives pro se
 quisque aurum in sumptum contulere. Nec
 matronae quidem sese à viris hac laude su-
 perari passae sunt, auro, gemmis, atque or-
 namentis omnibus in medium prolatis. Per
 hunc maximè modum comparato exercitu,
 78 *Brondulum* profecti, navales, copias, quae
 cum rostratis secus litus adstabant, magna
 ex parte in litus exposuerunt. *Brondulum*
 olim exiguum oppidum, nunc turris tantum:
 ad custodiam portus ejusdem nominis, tem-
 plum, quod unum in eo pro muro erat,
Genuenses in arcis modum communiverant,
 quibus hoc major oppidi ejus cura incesse-
 rat, quod inde commeatus ad se quandoque
 vehiebantur. Cujus rei *Veneti* haud ignari,
 inter ipsum *Brondulum*, & oppidum *Clo-*
diam, quod inde ad quina millia passuum
 aberat, castra fecerant. Nec jam spes ulla
 rei frumentariae *Genuensibus*, praeterquam
 in uno *Francisco Carraria* relicta erat.
 Sed ita infessa erant ab hostibus itinera, ut
 vix inde aliquid, idque exiguis per stagna
 lembis ad se importari posset. Quo cogni-
 79 to *Gaspar Spinula*, qui jam *Clodiam* per-
 venerat, cum magna *Genuensium* manu, ne
 locus ita opportunus in hostium potestatem
 deveniret, ponte ob id facto, *Brondulum*
 petiturus, in litus trajecit: cumque aliquan-
 tum progressus, hostes adversus se adventa-
 re accepisset, his paucis, ad confirmandos
 fuorum animos usus est:

*Ni mihi virtus vestra nota esset, vereretur
 certe, ne hodiernus dies, quem nobis for-
 tunae invidia, non hostis intulit, calamita-
 tem auferet. Caetera praeclara vestra
 facinora ante acceptam cladem, victoriam
 sperare me jubent. Videtis ut paucis agam,
 necessario cum hostibus dimicandum esse,
 qui quamvis numero nos excedant, tamen
 haud metuendos censeo. Neque enim nume-
 ro, sed militum virtute exercitus aestimari
 solet. Magnam persaepe multitudinem (quod
 & vos aliquando fecistis) parva virorum su-*

*peravit manus. Si solitam animis virtutem
 retinueritis, nihil dubito, quin hodierno
 die acceptam negligentia nostra ignominiam
 abolituri simus. Quoniam verò non tam pro-
 spera nobis laudi, si vincimus, quam ad-
 versa, si vincamur, vitio dari consue-
 runt, idcirco vobis enixius laborandum, &
 contendendum puto, ne (quod dii avertant)
 calamitatem calamitate cumulemus. Praeter-
 eà quò plura antebac & majora gessistis,
 eò magis conandum vobis fuerit, ut partam
 armis gloriam, armis tueamini. Nec verò
 vos deterreat fortunae immutatio. Jam e-
 nim longo vitae usu satis cognitum habemus,
 quam sit, in bello praesertim, varia, atque
 inconstans: quippe quae victum fugatumque
 exercitum, uno nonnunquam, atque eodem
 die victorem fecerit. Sed certè hac ipsa
 fortuna, quae vulgò rebus humanis dominari
 81 creditur, in viros fortes nullam vim habet:
 animus modò ne desit, nihil est, quod for-
 tunam perhorrescas.*

Haec ubi dicta, aciem instruit, hostibus
 occursurus, qui mox ut apparuere, concur-
 sum est: *Genuensis* quidem juventutis robo-
 re, *Venetis* peditatus melior erat: sic quo-
 dammodo aequata pugna videbatur. Pugnatum
 est summa vi utrinque, atque acriter ad mul-
 tam diem. Ad postremum *Genuenses* urgen-
 te peditatu cum vim diutius ferre non possent,
 multis desideratis, ac faucibus, in fugam con-
 82 jecti, sese *Clodiam* effuso cursu receperunt.
 Pons erat, de quo diximus, *Clodiae* à *Ge-
 nuensibus* factus, quo litus jungebatur, ut
 esset in oppidum, si qua vis premeret, tran-
 situs expeditior: qui cum insistentium, festi-
 nantiumque pondere, omnibus primùm trans-
 ire contententibus, succubisset, qui in eo
 erant armati, in quibus *Thomas Goanus* vir
 fortis, in aquam prolapsi, armorum gravitate
 prope omnes enecti sunt. At *Veneti*, fusis
 83 fugatisque hostibus, ad *Brunduli* obsidionem
 conversi sunt. Quod ubi animadvertere, qui
 praesidio erant, animis fracti, urgente fame
 insuper, deditionem fecerunt. Post hæc *Ve-
 neti* terra simul, & mari *Clodiam* obsidere
 perrexerunt. Quibus cladibus alia super aliam
Genuam renunciatis, moeror ac sollicitudo in-
 gens *Genuenses* cepit. Neque enim omnia
 dispicientibus, succurrebat quicquam, quo
 circumfessis auxilium ferre subito se posse
 confiderent. Nam nec terra exercitum ha-
 bebant, quem *Venetorum* exercitui oppone-
 rent, & mari tam exigua classe (ut pote
 rostratarum, haud amplius tredecim: cujus
 ducem *Matthaeum Marrusum* diximus) le-
 vari suos obsidione non posse sat sciebant.
 Namque *Matthaeus* *Venetæ* classis metu pro-
 cul à *Clodia* classem agebat, *Gaspar Spi-
 nula* post amissum *Brundulum* in eam re-
 cepto, multaue detrimenta hostibus *Clo-
 diana* obsidione occupatis eorum navibus
 oppidisque maritimis inferebat. Iis affecti

curis *Genuenses*, quò se verterent, quidve agerent, in tam trepidis rebus incerti erant. Sed postquam sese collegere, classem augendam, unicum tantis malis remedium censuerunt. Cùm autem timerent, ne *Bernabovis* exercitus per *Porciferam Vallem* suburbana popularetur: ingens quoddam ædificium *Bolsaneti* situm, quina millia passuum procul ab Urbe, quo in loco vallis fauces coarctantur, publica redemptum pecunia, & in arcis modum extructum, valido præsidio firmarunt. At *Matthæus Marrufus* (de quo modò mentionem fecimus) ab initio sui adventus (ne præclara facta ejus omittantur) cùm ad oppidum *Manfredoniam*, quod veteres *Sipontum* appellabant, sex *Venetorum* rostratas, ac duodecim onerarias frumenti gratia eò profectas, nactus esset, continuò portum ingressus, eas haud trepidè invasit. Erat earum præfectus *Thadaeus Justinianus*, qui ut venientem classem prospexit, quam proximè potuit, oppido admovit. Nec ob id tamen ab eorum oppugnatione *Matthæus* abstinuit. Atrox certamen erat, *Venetis* non tantùm de navibus, sed etiam de terra pugnantibus. Et quoniam classis, quamvis injectis ferreis uncis, ab litore distrahi nulla vi poterat: eam injecto igne delevit. In eo prælio *Thadaeus* captus *Genuam* perductus est. Posthæc cùm *Matthæus* *Clodiam* versus navigaret, ut si quà posset, obsessis subveniret, cùm fortè in portum, quem *Bestiam* appellant, accessisset, *Venetorum* triremes prope quadraginta improvisò supervenere, quibus haud procul à portu prospectis, convocatis propere per tubicinem navalibus copiis, quæ in terram descenderant, ad portus fauces, ne ab hoste exitu intercluderentur, quanta potuit celeritate contendit, sibique per medias hostium naves jam ingredi inceptantes, via vi facta, periculum effugit. Sunt verò, qui asserant, *Venetæ* classis Ducem sagitta ictum in eo prælio cecidisse. Quibus rebus cognitis, *Genuenses* *Janisum* de mari cum triremibus quinque in *Adriaticum* trajicere jusserunt, ac se cum *Matthæo* conjungere, cæterùm ea prona navium accessio, nihil obsessos adjuvit: neque enim hostibus classe potentioribus, aut commeatu, aut omnino ope ulla iis subvenire potuit. Per id temporis non exigua equitum cohors à *Bernabove* ad populandos *Genuensium* agros missa, cùm ad *Appennini* jugum, quod *Porciferæ Valli* imminet, profecta esset, agrestium metu ulterius progredi non ausa, eodem quo venerat die, signis repente convulsis, in *Galliam*, unde venerat, reversa est. Quos fugientes *Genuenses* affecuti, pluribus cæsis, nonnullos extremi agminis serius abeuntes cepere. Dum hæc apud *Genuam* geruntur, qui *Clodiæ* obsidebantur, rerum omnium penuria fatigati (jam enim sextus obsidionis mensis agebatur) in dies magis magisque laborabant. Namque post cladem apud *Brundulum* acceptam, ita un-

A dequaque obsessi fuerant, ut neque terra à *Francisco Carraria*, neque mari à classe, seu vi, seu dolo commeatu ullo juvari potuerint. Itaque cum jam extrema fame conficerentur, consumptisque omnibus humanis alimentis, etiam foedis victu animalibus vitam producerent, nec ulla iis omnino spes reliqua evadendi esset, sese hostium arbitrio, ac potestati permisere. Quos illi victos *Venetias* in custodiam miserunt. Ac ne quod tantæ cladi ludibrium deesset, captivis omnibus *Italica* lingua capram proferre jussis, qui inter duas literas priores literam R, pronuntiabant, omnes pro *Genuensibus* retenti, cæteri abire permitti, cùm de externo, ac conducto milite nulla iis cura erat. Unde ingenti modo triremes cum aliquibus onerariis in hostium potestatem pervenere: nam decem post amissum *Brundulum* *Genuenses* ipsi injecto igne cremaverant. Posthæc *Veneti* tantis successibus elati, ad recuperanda, quæ bello amiserant, toto studio converfi, *Laurentum* atque alia quædam castella, nullo jam obsistente, receperunt. Multi enim populi *Genuensium* ope destituti, in eorum deditionem ultrò venire, inter quæ *Justinopolis*, ac *Pola*, quæ durante *Clodiana* obsidione, *Gaspar*, ac *Matthæus* ceperant. Hi enim populi, *Clodiana* calamitate audita, omni præsidio, aut interfecto, aut in vincula coniecto, *Venetis* deditionem fecerunt. Cæterùm *Genuenses*, etsi in obsidione *Clodiana* magnam hominum vim amiserant, & qui capti erant durante bello, nequaquam dimittebantur, ut illos taceam, qui minus secundis rebus interierant: tamen ne tam virtute, quàm fortuna superati viderentur, rursùm ad res maritimas conversis studiis triremium tredecim classem celeriter ædificarunt: omnibusque ad bellum necessariis ornata, nullo certo Duce designato, sed ut singuli triremium ductores certis diebus per vices imperarent, in *Adriaticum* proficisci, seque cum reliqua classe conjungere jusserunt. *Veneti* enim per id tempus, iis modò recipiendis, quæ terra amiserant, occupati (præsertim cum *Genuenses* nihil amplius mari molituros suspicarentur) maritimarum rerum curam non nihil remiserant, eaque solum classe utebantur, quam ad compescendos *Matthæi* conatus satis esse existimabant. Hac itaque classe in *Illyricum* profecta, & cum priore classe conjuncta, *Veneti* de ejus adventu certiores facti, rursùm in graves maritimi belli curas inciderunt. Namque *Adriaticum* circumvecta, non oppida modò, & agros mari vicinos, hostibus infestos faciebat, sed navigandi quoque potestatem denuo iis sustulerat. Cùm hic esset in mari supero rerum status, *Nicolaus Goarcus*, qui Princeps *Genuensem* Rempublicam obtinebat, suspicatus *Antoniotum Adurnum* contrariæ factionis hominem, adversus se quippiam moliri, vocatum ad se sub honoris specie, hoc est conducendorum mi-

91 militum gratia, mittere in *Tusciam* velle simulabat, ea ratione existimans, aut illi manum injici, aut certè eum Urbe expelli posse. Cæterùm *Antoniotus* sive conscientia permotus, sive quodd suspectam haberet *Nicolai* fidem, edicto non paruit, sed ex Urbe clanculum se proripuit. Nec defuere, qui *Nicolai* jussu domus suæ latebras perscrutarentur, ut sicubi lateret, inventum ad se protraherent. Haud multo post *Petrus Fregosus* patria exul, ut antè diximus, nunquam enim, nec in bello quidem, ea civitas intestino morbo caruit, è *Gallia Cisalpina* inter *Clavarum*, & *Sigestrum* grandi cum pecunia profectus est, qua ad sollicitandos agrestium animos à *Bernabove* adjutus fuerat: favebat ei *Simon de Turri*, homo inter rusticanos graciosus, ac potens: cujus amicitiam sibi auro conciliarat, quo fau-
 92 tore, atque amico fretus *Nicolai* statum vexabat. Ea re cognita, *Nicolaus* de Senatus consensu, ne contagio latius serperet, *Isnardum* fratrem delectibus habitis, qui illius conatibus obviam iret, confestim cum imperio *Clavarum* misit. Ea quoque tempestate cum pecunia in belli sumptum *Genuensibus* deesset, nec ferè amplius è publico, privatoque trahi bellum posse videretur, Senatus, ac populus scivit, uti omnes *Genuenses*, qui per ætatem terre arma possent, in tres partes dividerentur, atque ut tertia quæque pars vicissim, pro
 93 supplemento in classem mitteretur. Hoc edicto proposito (tantum erat hostium odium) Juventus omnis certatim nomen in classem dedit, eodem tamen Senatus consulto permissum, ut si quis, aut per ejus negotia, aut per malam valetudinem, aut aliam quampiam justam causam navigare non posset, dato vicario, vel militis stipendio, esset ei militiæ vacatio. Quarto autem, qui fuit extremus hujus belli, anno *Nicolaus*, quem modò memoravimus, propter res domi suspectas, *Gasparum Spinulam*, qui unà cum *Matthæo Marruso* in *Adriatico* adversus hostes fortiter rem gesserat, cum parte classis revocavit. Isque profectus, cum *Clavarum* pervenisset, navalibus copiis, ut imperatum est, in terra expositis, sese cum *Isnardo* conjunxit, adversus *Petrum Fregosum* bellum gesturus. Cujus adventum simulatque *Petrus* agnovit, arrepta protinus fuga, *Apenninum* transgressus, sese in *Galliam* recepit, *Gaspar* verò *Genuam* reversus, omni-
 94 um, quæ egisset, in Senatu ratione reddita, multas Sanctorum martyrum reliquias classe à se reportatas ex hostibus docuit. Quæ cum summa veneratione, ut par erat, susceptæ, templis quibusdam religione inclytis, conditæ sunt, quas enumerare, nec nominum asperitas patitur, nec ullum operæ pretium puto. Rebus domi compositis, *Genuenses* cum audissent, *Carolus Zenum* hostilis classis Præfectum, reliquam classem, cui *Matthæus* præerat, quæritare, rostratas quatuordecim quamprimùm armandas curaverunt: iisque *Isnar-*

A *dum Nicolai* fratrem, impigrum virum præfecere. Qui instructis navibus in superum mare profectus, ut *Venetam* classem in inferum mare profectam agnovit, multa passim populatus, navibusque aliquot captis, remenso pelago in inferum mare rediit, de cujus adventu *Carolus* certior factus, quibusdam viculis
 95 ad litus in *Portu Lunæ* sitis, prius incensis in superum mare per diversa abiit. Quo cognito *Isnardus* rursus in *Adriaticum* mare delatus, non invento *Carolo*, hostium oras populationibus, atque incendiis vexando illos denuò in graves curas adduxit. Hoc modo variante fortuna, de integro obtigit: *Venetos* terra, *Genuenses* mari potentiores esse. Cum autem iræ longius processuræ viderentur, *Amatus VII. Sabaudie* Princeps, cujus erat jam in *Italia* ingens nomen, utriusque populi calamitatibus permotus, suadere iis coepit, uti posito certamine, ab armis discederent.
 C Cujus suasionibus cum annuissent, componendæ pacis potestate ei tradita, utriusque Civitatis Legati ad se profecti sunt: ad quos hunc in modum orationem habuisse fertur:

96 *Lator calitus datum esse, Legati, uti me autore, atque arbitro discordiæ vestræ sopiantur. Huncque profectò diem inter felices vitæ meæ dies faustosque habeo, ducoque, quo vestrum hoc tam consentiens de me judicium animadverto, atque illud quoque gaudeo, quodd mibi pauca pro re dicenda esse intelligo. Videre namque mibi videor, vos tanta voluntate, ac studio ad pacem ferri, tædio belli affectos, ut vos mibi magis collaudandos quàm incitandos, aut cohortandos existimem. Nec verò enumeraturus sum hoc loco belli incommoda, calamitates, ærumnas, ut terrore injecto à belli cupiditate distrabamini. Illa enim multis mutuis cladibus vestris vobis nota sat superque scio.*
 E *Quot verò, quantaque commoda, atque e-*
 97 *molumenta pax afferat, haud minus quoque ferè in promptu est. Hac enim ut paucis agam, omnia humana continentur, conservantur, augentur. Hac Respublicæ temperantur, gubernanturque, nec gubernantur modò, sed etiam stabiliuntur, ac manent. Hac ea, quæ mortalibus natura inter mortales constituta est, societas alitur, confirmaturque: quin etiam non humana solum, sed & cælestia hoc divino bono sustentantur. Namque & elementa inter se contraria vi sua copulat, ex qua copulatione omnia procreari scimus. Hoc est nimirum, quod sapiens ille ait, quæ in rerum natura, totoque mundo constarent, ea contrahere amicitiam: per discordiam verò dissipari eadem omnia. Sed nulla profectò re aut auctoritate percipere clarius possumus, quantum boni in ipsa pace insit, quam ex Christi sum-*
 98 *mi, ac veri Dei nostri judicio. Namque ad discipulos ingrediens semper iis pacem precabatur, cumque in cælum migraturus*
 B 3 *esset,*

esset, Pacem meam, inquit, do vobis, utpote rem omnium optimam, ac præstantissimam, quæ divinitus contingere mortalibus possint. Et alibi pacificos, ait beatos, quoniam filii Dei vocarentur. Quo quid potest majus, quid melius, quid excellentius optari? Quantum autem voluptatis in ipsa pace insit, facile hinc sciri potest. Sublata enim concordia, nullum est bonum, quo frui quisquam possit, nulla res tam grata, quæ possit esse jocunda. Tranquillitate namque animi remota omnis est vita fructus tollitur. Quis enim non demens ridere, vel jocari, in communi malo, & continuo metu possit?

99 Hanc etiam pacem à natura cunctis animalibus ingentem esse perspicuum est, magisque id apparet in brutis (quod est longè admirabilius) cum quidem ratione utentia longè prouiora ad pacem, atque concordiam ob rationem vitæ ducem esse debuerint: videmus enim inter leones, ursos, apros, qui natura feroces sunt, atque alia hujusmodi animalia concordiam esse, atque inter se convenire, atque hoc quidem nemo non videt. Verum enim vero tanta Imperii glorieque avaritia rapimur: ut pro iis adipiscendis naturalis concordia, & humanæ societatis obliti, fræno rationis abjecto præcipientes in arma deferamur: quod magis cavendum est, ne ab ejusmodi cupiditatibus nos agi, atque abstrahi sinamus. Præterea

100 vobis, vel in primis considerandum puto, quæ commoda, quique fructus ex hac ipsa pace consequentur, ante omnia navigatio, quæ tam diu mercatoribus vestris, vel clausa vel certè periculosa extitit, ex qua utraque Civitas vestra ali, atque augeri consuevit, in qua denique Rerumpublicarum vestrarum status continetur. Vobis terra simul, & mari tuta erunt vectigalia, quæ nervos civitatis rectè appellant, in quibus ornamenta fructusque Reipublicæ consistunt: ex quibus hoc tam diuturno bello nihil utilitatis, aut certè parum percepistis, rursus Reipublicæ fructuosi fient: ærarium quod tot, tam variis, ac tam magnis belli sumptibus vacuefactum est, denuo resarciatur: unde pacis ornamentis, ac Reipublicæ necessitatibus satisfacere poteritis. Agrorum cultura, quæ diu intermissa, ac propè deserta

101 jacuit, posito belli metu passim exercebitur. Ubertas rei frumentariæ, cæterarumque frugum, quam bellum sustulerat, consequetur. Provinciæ vestræ, quæ tot rapinis, tot vastationibus, atque incendiis squalent, in pristinum nitorem redigentur. Urbes atque oppida tot belli casibus conquassata reficientur: quies, atque securitas tanto tempore amissa (quæ res nec vos domi securos esse, nec externos ad vos tutò commeare patiebatur) recuperabitur. Quantum verò existimatis gloriam vestram apud omnes gentes, ac populos fore, ubi erit auditum, vos posito certamine paci consul-

A isse? quod cum omnes gentes lege naturæ facere debeant, idque teneatur à Barbaris à religione nostra abhorrentibus: certè nos qui Christum, qui verum Deum, pacis, atque concordia factorem colimus, id multò magis 103 præstare, atque efficere debemus: nec pati, ut à Barbaris, hac honestatis parte superemur. Cum igitur tantum mali in bello, quantum vos ipsi experti estis, tantumque boni, ac jocunditatis in pace inesse, quantum ostendimus, non sit dubium, quis sanæ mentis bello quietis consilia non anteponet? Ad quam quidem rem nisi vos (ut antè dixi) vestra sponte incitatos agnoscerem, non gravarer vos hortari pluribus. In id autem vos non hortari non possum, ut de patriæ commodis potius utrique quicquam detrabi, imminuique patiamini, quàm eas condiciones, vel postuletis, vel abnuatis propter quas pax ipsa jure repudietur. Neque enim Tenedos brevis, atque inculta insula tanti est, ut pro ipsa venditanda tantum discriminis subeundum, tantumque sanguinis 103 effundendum fuerit. Mihi verò (ut jam finem dicendi faciam) maxime jocundum erit, si me vel autore, vel interprete, vel arbitro, pax ipsa ad exitum optatum producet.

Ad hæc breviter à Legatis responsum: Quæ de belli incommodis, ac de pacis commodis à se dicta essent, sibi auditu pergrata accidisse: civibus suis pacem cordi esse: ac modò æquæ conditiones proponerentur, eam haud dubiè conventuram esse, quod utriusque populi concordiam expeteret, id se humanitati, ac bonitati ejus dare, gratiasque ex eo agere, nec verò minus eo cupere, ut ipso autore, ac judice componeretur, quod ejus rei gloria apud eum maneret. Post hæc de pacis conditionibus agi coeptum est. Utrisque autem Insulæ possessionem gloriæ causa 104

E pertinaciter deposcentibus, cum Comes illorum controversiam haud aliter tolli posse animadverteret, nisi Insulæ ejus potestate utriusque adempta, eam liberam, ac neutri partium subiectam esset jussit: ejectisque incolis in solitudinem redigi: captivos quoque, è quibus permulti longa inedia Clodiana obsidione macerati, postquam exsaturari coeperant, cibo distenti vitam finierant, sine pretio reddi, magnam laudem ex ea re apud omnes consecutus.

F Quibus conditionibus receptis, quarto demum anno post bellum inchoatum, renovata, ac sancita pax est. Quibus omnibus compositis Isnardus Goarcus, quem in Adriaticum revertisse, non invento Carolo Zeno, diximus, inde revocatus, cum classe Genuam rediit. Facta pace, partium Legati continuò ad suos abiire. Cum 105 que ad Venetos Genuenses misissent, qui ex arce in Tenedo sita præsidium educi poscerent, misere Veneti unà cum eo Tenedum, qui juberent præfectum cum omni præsidio arce excedere: qui cum dicto non pareret, eam à Genuensibus expugnari, soloque æquari passi sunt.

Se-

Aliud parvi temporis BELLUM VENETUM.



Ost eam pacem bellum civile apud *Genuenses* subito exortum est, quod ferè omnibus opulentis civitatibus parto domotio evenire consuevit. Sic *Roma* post everfam *Carthaginem* in perniciosas seditiones incidit.

Sic nostris temporibus, vel certè patrum nostrorum memoria *Pisana* civitas. Sic & *Bononia* crudeli, ac nefario bello civili sæpe vexata est. Verum enim verò hoc intestinum bellum literis mandare non est propositum. Id enim commemorare pudet, pigetque. Quo sedato bellum inter se, ac *Venetos* de integro renatum est: breve illud tamen, utpote, quod prope antè finitum est, quàm inceptum. Inter *Clodianum* verò & superiora bella, unum supra centum annos intercessisse invenio. Medio autem tempore *Genuensis* Respublica aut quieta ab hoste fuit, aut intestina seditione laboravit. Cæterum hoc ultimum nec tempore, nec rerum magnitudine illi par fuit. Causa autem ejus, quantum accepimus, hæc extitit. Mutato ob civiles discordias *Genuensis* Reipublicæ statu: receptoque *Gallorum* Regis præsidio, cui sese Civitas ipsa commiserat: quo civilis tumultus sopiretur, cum per id temporis *Janus* Cypriorum Rex, adversus foedus *Famagustam*, magnis delectibus comparatis, petisset, Senatus adversus Regem bellum gere decrevit, præmissoque *Antonio Grimaldo* cum rostratis tredecim, qui Regis impetum moraretur, alias naves armare statuerunt: quibus ædificatis, instructisque, *Joannes Lemengrus*, qui pro Rege urbi *Genuæ* præerat, altum conscendit: prosperamque tempestatem nactus in *Cyprum* pervenit. Quod postquam Rex accepit, qui jam antè ob *Antonii* adventum ab oppugnatione *Famagustæ* discesserat, ob auctam classem, & Ducis auctoritatem perterritus, magna vi auri collata, sese *Genuensium* bello liberavit. Pace igitur cum Rege facta, rebusque ex sententia compositis, *Joannes* inde digressus, ut aliquid se dignum moliretur, infesta classe *Ægyptum* petiit: nam per id tempus, cum *Syriæ* Principe *Genuensibus* bellum erat. Cæterum *Ægypti* oras prætervectus, cum nihil ibi quietum esse fineret, brevi efficit, ut is *Genuensium* pacem ultro expeteret: qua confecta redeundi *Ge-*

nuam consilium cepit. Per idem verò tempus *Veneti* triremes undecim, ac rostratas duas onerarias mari habebant: cumque iis *Carolum Zenum*, cujus virtutem superiori bello experti fuerant: eorum insulas atque oppida tueri, ac *Genuensium* navigationem (nam eorum classem suspectam habebant) de industria observare jusserunt. Qui simul atque è sinu *Adriatico* cum classe egressus, agnovit *Genuensem* classem *Cyprum* versus contendere, abeuntem illam dissimulanter sequi cœpit: nec prius destitit, quàm planè comperit, ab ea *Cyprum* peti. Quo cognito, ad insulam *Metonicam* (quam *Sapientiam* vocant) regressus constitit. Nec procul inde abiens, *Genuensis* classis reditum præstolabatur: quæ cum paulò post per eadem loca secundo vento deferretur: ex ipso portu *Metonico* sibi obviam prodiit: ut cuja classis esset, agnosceret: quam simulac *Joannes* (ignarus tamen) quænam esset: adversus se adventantem vidit: in eam proras & ipse verti, navalesque turmas confestim armari imperavit. Postquam verò appropinquari cœptum est, utrisque de more nautico cuja classis esset, certatim percontantibus, nec nomen prius edere dignantibus, irritatis, succensisque ira animis, magno impetu concursu facto, atrox pugna committi cœpta. Verùm ubi classes cohæserunt, *Genuenses* (ii enim numero inferiores erant, & plurimum morbo languebant) paulatim cedere cœperunt. Maximè verò illis oberant onerariæ triremes: è quibus desuper omni telorum genere petebantur: cumque vim diutius ferre non possent, tribus onerariis, totidemque rostratis amissis, sese in fugam conjecerunt. Captivi *Venetias*, qui iusto bello capti, producti sunt. Hæc autem injuria patrum simul, ac Plebis animos adeò permovit, ut omnes extemplo una voce suscipiendum bellum adversus *Venetos*, instaurandamque classem proclamarent: violati foederis ultorem Deum invocantes. Per eosdem fermè dies agrestes quidam apud *Clavarum*, armis adversus Rempublicam sumptis, tumultum concitaverant. Cæterum is subito immisus eò delectibus compressus est. Susceptorum armorum hanc causam afferebant: quod tam gravia tributa pensitare non possent, nec justam sanè, nec probabilem. Iis tamen propter imminens bellum data venia, & tributorum insuper, omnisque muneris publici vacatio in certum tempus concessa.

cessa. Visum verò est *Genuensibus*, è dignitate Reipublicæ esse, antequam bellum adversus *Venetos* moverent, *Venetias* legatos mittere, qui de pace violata, deque accepta injuria querimoniam deferrent: quærentque publicone, an privato consilio *Carolus Zenus* id egisset, captivosque, & rapta poscerent: ac postremo sciscitarentur, bellumne, an pacem vellent. Plebiscita quoque civitatis, si qua erant duriora, temperata sunt, eaque in novos Codices relata. In hoc rerum statu

113 *Facinus Canis* cum ingenti equitatu ac peditatu, quorundam exulum impulsu in *Genuensium* fines est profectus. Hunc oppido *Casali* natum *Joannes Galeatius* Vicecomes, *Mediolanensium* Princeps, *Philippi* pater, sanè inter primos sui temporis Principes virtute & autoritate numerandus, propter rei militaris scientiam admodum dilexit, atque suis copiis præfecit: moriensque testamento *Joannem*, ac *Philippum Mariam* filios adhuc impuberes, ejus tutelæ, ac fidei commisit: ex quo in tantas mox opes crevit, omni Imperii potestate in se translata: quanquam de illorum nomine cuncta administraret: quo major dicto esset autoritas, ut jam pro Principe, non Principum tutor haberetur: mortemque obiens *Beatricem* suam uxorem *Philippo* desponsavit. Cumque ita *Genuenses* ejus protectionem haud temere esse existimarent, qui Reipublicæ præerant, compluribus civibus, qui exules vel amicitia, vel propinquitatē continebant, ne quid novi molirentur, religati, illius adventum frustrati sunt. Simulac enim animadvertit nullos motus in Urbe fieri, nec ea consequi, quæ sibi exules persuaserant, omissa expeditione in *Galliam* rediit: post cujus discessum exulibus ipsis venia data, ne quid amplius turbarent Reipublicæ statum, redire in patriam permissum.

Postquam *Genuenses* legati *Venetias* pervenerunt, in Senatum introducti, in hunc ferè modum locuti sunt.

115 *Et si ipsa injuria, quam modò Reipublicæ nostræ nulla injuria laceffiti intulistis, Veneti, per se gravis, atque indigna visa est: tamen hoc graviolem, atque indigniorem illam existimavimus, quò firmiorem, ac solidiorem pacem nobis ubique futuram arbitramur: quoque sinceriore animo ad eam ipsi advenimus: nam ex quo confecta est, nunquam profectò nisi de communi quiete, atque otio cogitavimus, omnia nostra consilia, omnes curas, actionesque nostras ad eam ipsam referentes. Nec sanè post id temporis alicujus nobis culpæ conscii sumus, quò nobis jure objici possit aliquid à nobis contra fœdus, aut perpetratum, aut attentatum esse. Juris enim jurandi haud quamquam obliti, id unum post factam pacem maxime curandum duximus, ne pax ipsa ullo, aut facto aut dicto nostro violaretur: atque ut per nos vel ad posteros incorrupta trans-*

A ferretur. Vos autem, quantum res ipsa docet, longè secus animati estis: nam ut a- 116
mittamus priores injurias, fortasse leviores, tamen nullo modo tolerabiles, hujus unius indignitatem æquo animo ferre quis possit? Classem nostram, quæ in toto illo cursu Cyprico nulla prorsus, nisi pacis, & amicitiae signa dederat, quæ ne navibus vestris, nec oppido, nec insulæ ulli nocuerat: classem vestram ut amicam, & pacatam non reformidantem, ac sine suspitione ulla haud procul ab ea transeuntem, hostiliter invadere, haud veriti estis. Superiorum pacis testium, ac jurisjurandi obliti, tribusque triremibus totidemque onerariis captis, omnes captivos, tanquam jure belli capti essent, injurias injuriis accumulantes, in carcerem fœdè conjecistis. Quod si acceptæ superioribus bellis calamitates, vos parum movebant: certè rectum, atque honestum, 117
C quod omnibus rebus humanis anteferri debet, continere vos in officio debuit. Quid nunc dixeritis? aut quam excusationem affertis? Atqui illud negare & diffiteri non potestis, quin illa nobis injuria consultò facta sit. Nam quis aliter credat, qui sciat, *Carolus Zenus*, à quo classis vestræ duce eam contumeliam accepimus, ex quo die classis nostra *Ægeum mare* ingressa est, ejus vestigia diu dissimulanter persecutum? qui norit illum, redeuntem eandem classem, multis in ea febri affectis, prope inermem factam, aucta insuper à vobis classe, adortum esse? qui non ignoret, classem vestram è portu *Metonico*, ubi tutò stare poterat, egressam adversus nostram, rectà cursum contendisse? qui denique compertum habeat, classem nostram, ne in ipsa quidem profectio- 118
ne Cyprica, quò tempore integra, ac valida majora vobis detrimenta inferre poterat, nulli vestrorum infestam, procul ab *Adriatico sinu* *Siciliam* versus abeuntem, à classe vestra hostiliter circumventam, atque expugnatam esse? Non est certè usque aded exhausta superioribus bellis nostra Respublica, quin hanc tam insignem contumeliam armis, si libuisset, ulcisci potuerimus. Verum enim vero prius experiri, quò animo illatas nobis à *Carolo Zeno* injurias tuleritis, maluimus, quàm correptis armis, bello contendere: uti apud omnes gentes testatum relinquamus, quietis consilia bellicis à nobis anteponi. Quanquam verò eo ingenio nati sumus, ut Reipublicæ injurias perferre nequeamus, quod quidem superioribus bellis experti estis: tamen hæc utcunque 119
F sunt, tolerare possumus, modò nobis pro accepta contumelia satisfaciatis. Quapropter si pacem nostram bello præfertis, damnum præstate, captivos reddite: alioquin illud sic habetote, vobis posthæc nobiscum, nec pacem, nec amicitiam fore, nosque omnes fortunas nostras Reipublicæ dignitati posthabitu-
Post-

Postquam Legati dicendi finem fecere, Senatus Princeps ita paucis respondit:

Nulla à nobis injuria, Legati, Reipublicæ vestræ facta est: quinimo ipsi prius lacecessiti, de accepta injuria jure conqueri possumus. Vos enim in exeuntem è portu classem nostram, ut quænam esset superveniens classis, amicorumne an piratarum exploraret, hostiliter proras primi convertistis, nec quinam esset per insolentiam esse fieri voluistis: quam quidem classem minime dubitare poteratis, cum è portu nostro egrederetur, nec de alia classe fama esset, nostram esse. Nam quod ad Carolum Zenum attinet, cepisse eum arma non negamus: sed non ut afferret, at ut propulsa- ret injuriam: quod & æquitas, & Jura Gentium patiuntur: nec, in ea re contra fœderis leges itum esse, accusare nos quisquam potest. Quis enim est à natura injuriarum tam patiens, qui si possit injuriam vimque avertere, opprimi se malit, quàm illam repellere? Hoc vobis Jus Gentium, quod est Naturæ ipsius Lex, præscribit: neque id in hominibus modò videas, verùm etiam in mutis animalibus. Illa enim sæpe inter se pro accepta injuria certare aspicimus. Itaque pacem non ipsi fregimus, in quo à vobis incusamur: sed eam potius à vobis fractam, ac violatam esse affirmare possumus.

Quod vobis firmam ac veram pacem nobiscum fore existimaritis, recte vos qui-

dem, ac vere: nec in ea re decepti estis. Nos quidem sedulò id egimus, quo pax ipsa perseveret, ac maneat; nulla inimicitarum indicia à nobis orta sunt. Nos enim cum nobis inferretur injuria, non vim aliquam intulimus, sed repulimus: nec priores, sed posteriores arma sumpsimus. Quod Carolus Zenus classem vestram Cyprum petentem secutus sit, id esse ab eo factum potest: sed non eo animo, ut vobis noceret, at ut insulas nostras, atque oras maritimas ab injuria more majorum tueretur. Quod quidem nobis salva pace facere licuit: neque enim nostra tueri, lege ulla prohibemur. Quod verò ad pacem attinet, nos quidem nisi per vos steterit, pacem volumus: captivos autem nisi disceptatione hac prius discussa, causaque cognita, redditari non sumus.

Hæc cum dixisset, multum ultro citroque de infractione pacis disputatum est. Demum re suspensa, & in posterum diem dilata, Senatu dimisso, Legati domum reducti sunt. Postridie dato iis Senatu, nec eo quoque die componi res potuit. Sic in multos dies disceptatione extracta, ad postremum Veneti, calamitates prioribus bellis acceptas, memoria repetentes, captivos reddendos, pacique consulendum esse censuerunt: quibus redditis pax renovata est, & confirmata, atque ita huic bello intra paucos menses absque ulla classe finis impositus est.

FINIS.

INDEX RERUM ET VERBORUM.

A.



dria ad Imperatorem deficit.

9. B

Adriaticum mare, Venetum appellatum. 6. B

Adurnus (Antoniotus) Principatum invadit. 8. C

----- Genua

aufugit, alias expellendus.

24. F. 25. A

Ægei maris insulæ Venero-

rum ditionis. 6. C

Ægyptus à Genuensibus petitur. 29. E

Albarium promontorium. 16. F

Albingaunum Carreteni occupant. 7. E

Altinum eversum. 12. E

Amatus VII. Sabaudia Princeps belligerantes ad pacem hortatur. 26. B. seqq.

----- pacem componit. 28. E

Andronicus Calciani Imp. Græci filius natu major re-

gni exfors; ejusque cum fratre contentio. 1. A. B

Andronicus cum Genuensibus fœdus jungit. 1. B

Apennini jugum. 16. E. F

Aquilejensis Patriarcha cum Venetis inimicitias gerit.

5. F

----- Genuensibus auxilia promittit.

7. C

Athesis fluvius. 12. C

Attila Christianorum hostis. 12. E

Auria gens, imprimis Lamba & Paganus, Venetis fatalis. 7. F

Auria (Lucianus) Genuensium classis Præfectus. 8. A

----- cum classe in mare Adriaticum. 9. B

----- cum classe Veneta configit & cadit.

10. A. B. C

----- ei magni honores & annua supplicatio decernitur. 10. E

----- (Petrus) classis Genuensium Præfectus. 10. F.

11. A

----- omnem navigandi potestatem hostibus eripit. 12. B

B. Facius.

C

Auria

Auria (Petrus) Venetias classe proficiscitur. 13. A.
 ----- templo Nicolai potitur, turres duas
 frustra tentat. 13. B
 ----- Clodiam expugnat. 13. C. seqq.
 ----- Venetorum legatos pacem petentes au-
 dit. 14. B. seqq.
 ----- Venetorum Legatis respondet. 15. A. B
 ----- Adraticum mare infestat. 17. B
 ----- Venetos ad Clodiam repellit. 19. C.
 seqq.
 ----- in hostium terras excurrit. 20. D
 ----- occumbit. 20. E

B.

Bartholomæus Vicecomes Mediolanensis Albingauni
 Prætor. 7. E
 Becchignonus (Nicolaus) cum navi capitur. 18. C
 Bernabos Mediolanensium Princeps Venetorum fæde-
 ratus. 5. A. B
 ----- Cypriorum Regi filiam in matrimonium tra-
 dit. 8. E. F
 ----- Venetos juvat. 11. B. seqq.
 ----- Venetorum unica spes. 13. F. 14. A. 15. F
 ----- milites conducit. 14. C
 ----- Venetorum legatos audit. 15. C. seqq.
 ----- eis auxilia promittit. 16. A. seqq.
 ----- milites in Ligures mittit. 16. E
 ----- ejus copie fugantur. 17. A
 ----- ejus copie Genuensium agros populantur.
 23. F
 ----- adjuvat Petrum Fregosum. 25. B
 Bestia, portus. 23. D
 Bisannis fluvius. 16. F
 Bononia crudeli bello sæpe vexata. 29. B
 Brondulum a Genuensibus expugnatur. 20. E
 ----- descriptum. 21. C
 ----- a Venetis expugnatur. 22. E

C.

Calicianus Græc. Imperator, quem filiorum instituerit
 successorem. 1. A
 Calonisium promontorium. 17. E
 Canis (Facinus) Genuensium fines invadit. 31. B
 Carbonariæ fossiones. 12. D
 Carraria (Franciscus) Patavinorum Princeps, metu Vene-
 torum se liberare cupit. 5. F. 6. A
 ----- Genuensibus auxilia promittit. 7. C
 ----- Tarvisum obsidet. 9. D
 ----- mille viros e Patavio accersit. 13.
 A. B
 ----- Clodiam expugnat. 13. D. seqq.
 ----- Cavarcerem capit. 18. A
 ----- Clodiam sibi postulavit. 20.
 B. C
 ----- ejus fides suspecta. 20. C
 ----- unica spes Genuensium. 21. D
 Carreteni Reguli Genuensibus insens. 7. D. E
 ----- Naulum, Albinganum &c. occupant. 7. D. E
 Castrum Francum Carreteni occupant. 7. E
 Catocofmi Principis contentio. 1. C
 Cattelanani cum Genuensibus pacem faciunt. 9. A
 Cavarceris a Genuensibus & Fr. Carraria capitur. 17.
 F. 18. A
 Clavarum (apud) tumultus. 30. E
 Clodia fossa. 12. D
 ----- oppidum unde nomen acceperit. 12. D
 ----- oppugnatur & deditur. 13. C. seqq.
 ----- a Venetis tentatur. 19. A. seqq.
 ----- obsidetur. 22. E
 ----- obfessa, penuria fatigata Venetis se dedit. 23. F.
 24. A

Contarenus (Andreas) Venet. Dux Clodiam aggredi-
 tur. 19. A. seqq.

Corvum promontorium. 12. A

Creta Venetorum ditio. 6. C

Cypriorum Rex Bernabovis gener. 8. E. F

----- Famagustam frustra tentat. 8. F. 9. A

E.

Eubœa Venetorum ditio. 6. C

F.

Famagusta & ejus commoda ac incommoda. 4. E

----- in Genuensium potestate. 4. E. F

----- a Cypriorum Rege & classe Veneta fru-
 stra tentatur. 8. F. 9. A

----- a Rege Cypriorum petitur. 29. C. D

Fliscus (Ludovicus) Genuensium classis Præfectus. 3. E

----- Brutiorum oram legit & hostili
 classi sit obviam. 3. F

----- suos ad prælium hortatur. 3. F.
 4. A

----- a Venetis victus & captus. 4. B.
 C. D

Forojuliensis provincia Aquilejensi Patriarchæ adem-
 ta. 5. F

Forojulium ab Imperatore invaditur. 9. C

Fregosa gens Genua pulsa. 8. E

Fregofus (Dominicus) Reipublicæ præest. 7. D

----- conspiratione Principatu amotus.
 8. A. B

----- captivus. 8. D

----- (Petrus) captivus. 8. D

----- elabitur. 8. E

----- Goarci Ducis statum vexat. 25. A.
 seqq.

----- in Galliam fugit. 25. E

G.

Galeatius (Joannes) Vicecomes, Mediolanensium Prin-
 cepts. 31. B

Galli cum Genuensibus crebra habent commercia. 5.
 B. seqq.

----- a Genuensibus recepti. 29. C

Galliæ Cisalpinæ pars a Venetis subacta. 12. F

Gatilufius (Franciscus) Genuensis. 1. C

Genuenses bellum decernunt contra Venetos. 1. E

----- Legatos mittunt Venetias. 1. E.

----- bellum contra Venetos suscipiunt. 3. B

----- Famagustâ Janum Regem Cypri multa-
 runt. 4. E

----- Famagustam præsidium mittunt. 4. F

----- eorum cum Gallis commercia. 5. B. seqq.

----- de externis auxiliis cogitant. 5. F

----- ad Imperatorem legatos mittunt. 6. A. seqq.

----- bellum persequuntur. 7. C

----- proscriptos revocant. 7. C. D

----- Classem ædificant. 7. F

----- cum Cattelanis pacem faciunt. 9. A

----- Venetos prælio navali vincunt. 10. A, seqq.

----- a suis Majoribus differunt. 10. E. F

----- novem triremes armant. 11. F. 12. A

----- Bernabovis copias invadunt. 16. F. 17. A

----- ob rem contra Bernabovem bene gestam sup-
 plicationem annuam decernunt. 17. B

----- tres triremes ad juvandam Peram mittunt.
 17. D

----- Cavarcerem capiunt. 17. F. 18. A

----- Venetos ad Clodiam repellunt. 19. C. seqq.

----- in portu Clodie a Venetis includuntur. 20.

A

Ge-

Genuenses *classē augent.* 20. C
 ----- *a Venetis ad Clodiam vincuntur.* 22. C
 ----- *classē augent.* 23. A
 ----- *Bolsaneti ædificium quoddam ingens muniunt.*
 23. A
 ----- *Bernabovis copias fugant.* 23. F
 ----- *tredecim triremes in Adriaticum mittunt.* 24.
 D. E
 ----- *qui arma ferre possunt, in tres partes divi-*
dunt. 25. C
 ----- *mari Venetis potiores.* 26. B
 ----- *cum Venetis pacem componunt.* 28. F
 ----- *bello civili turbantur.* 29. A. B
 ----- *inter eos ac Venetos breve bellum.* 29. B.
 seqq.
 ----- *Gallorum præsidium receperunt.* 29. C
 ----- *contra Janum Cypriorum Regem bellum de-*
cernunt. 29. D
 ----- *navali prælio a Venetis vincuntur.* 30. C. D
 ----- *bellum contra Venetos decernunt.* 30. D. E
 ----- *legatos Venetias mittunt de injuria ques-*
tuos 31. A. seqq.
 ----- *pacem cum Venetis renovant.* 34. C
 Goarcus (Isnardus) *hostes repellit.* 17. A
 ----- *contra Petrum Fregosum mittitur.*
 25. C
 ----- *Genuensis Præfektus Venetos variis*
damnis affligit. 25. F. 26. A. B
 ----- *Genuam redit.* 28. F
 ----- (Nicolaus) *Dux factus.* 8. C
 ----- *Guelphos benigne habet.* 8. D
 ----- *Stellis pecuniam paciscitur.* 11. E
 ----- *de Ant. Adurno expellendo cogitat.*
 24. F. 25. A
 Grimaldus (Antonius) *cum rostratis tredecim ad Cyprum*
mittitur. 29. D
 Guelphi a Nicolao Goarco *benigne habiti.* 8. D

H.

Henricus Imperator *cum Venetis inimicitias gerit.*
 5. F
 ----- *Genuensium legatos audit.* 6. C.
 seqq.
 ----- *Genuensium legatis respondet.* 6.
 F. seqq.
 ----- *Genuensibus auxilia promittit.*
 7. B
 ----- *Forojulium invadit.* 9. C

I.

Janus Cypriorum Rex *in regnum restituitur.* 4. E
 ----- *Venetorum fœderatus.* 5. C
 ----- *Genuensibus insensus.* 5. C
 ----- *Famagustam frustra petit.* 29.
 C. D
 ----- *bellum a Genuensibus auro redi-*
mit. 29. E
 Illyrici oræ *Venetorum ditio.* 6. C. E
 Illyricum Henrico Imperatori *ademptum.* 5. F. 6. A
 Isnardus *contra Petrum Fregosum missus.* 25. C
 ----- *Genuensis classis Præfektus Venetos variis da-*
mnis affligit. 25. F. 26. A
 Italia Equitum *inopia laborat.* 11. B
 Justinianus (Thadæus) *Venetarum navium Præfektus*
vincitur & capitur. 23. B. C
 Justinopolis *in Venetorum deditionem venit.* 24. C

L.

Laurentum a Venetis *recipitur.* 24. C
 Leges XII. *Tabularum Venetiis abrogatæ.* 6. B
 Lemengrus (Joannes) *urbi Genuæ præest.* 29. D
 ----- *in Cyprum pervenit.* 29. D

Lemengrus (Joannes) *Ægyptum petit.* 29. E
 ----- *classi Venetæ obvius vincitur.* 30.
 B. seqq.
 Lesbos *insula Francisco Gatilufio tradita.* 1. C. D
 Ligures *Genuensibus insens.* 7. D

M.

Manfredonia olim Sipontum. 23. B
 Manfredus (Hæstorgius) *Faventinus Princeps,*
copiis Bernabovis præest. 16. C
 ----- *mutato habitu e prælio ef-*
fugit. 17. A
 Manuel Calciani Imp. *Græci filius natu minor, regni*
successor; ejusque cum fratre contentio. 1. A. B
 ----- *cum Venetis fœdus jungit.* 1. B
 ----- *Græcorum Imp. Peram aggreditur.* 17. C
 Marcus (Nicolaus) *Peram auxiliatum mittitur.* 17. D
 ----- *Græcos mari vincit.* 17. E. F
 Marrufus (Matthæus) *Genuensium navibus præficitur.*
 20. D.
 ----- *Venetorum naves comburit.* 23.
 B. C
 ----- *ad portum Bestiam per medios*
hostes vi evadit. 23. D
 Metonica *insula* 30. B
 Mitilenæ *insula Francisco Gatilufio traditur.* 1. C. D
 Monacum *promontorium.* 12. A

N.

Naulum Carreteni *occupant.* 7. D
 Nicolai Templum. 12. F. 13. A

P.

Padus fluvius. 12. C
 Patavini *Venetiarum conditores.* 12. E
 Pax inter Venetos & Genuenses *composita.* 28. F
 Pera a Manuele Imp. *aggreditur.* 17. C
 Philistensis *fossa.* 12. C
 Picconus (Petrus) *Genuensium classis Præfektus* 4. F
 ----- *infestat Adriaticum.* 5. A
 ----- *tribus rostratis præest.* 9. C
 Pisa *seditionibus turbata.* 29. A
 Pisanus (Victor) *classis Venetæ Præfektus.* 9. E. F
 ----- *prælio navali superatur.* 10. C. D
 Pola in *Venetorum deditionem venit.* 24. C
 Polla a Venetis *petitur.* 9. F
 Porcifera Vallis a Stellis *invaditur.* 11. D
 Portus Lunæ. 26. A
 ----- *Venerii a Venetis invaditur.* 11. F

R.

Riteræ *pronuntiatio quibus fuerit noxia.* 24. B
 Roma post eversam Carthaginem *in seditiones in-*
cidit. 29. A
 Romani *quomodo Carthaginenses depulerint.* 15. F. 16. A

S.

Sapientia *insula.* 30. B
 Savonensium *triremis capitur.* 18. B
 Sipontum *hodie Manfredonia.* 23. B
 Spinula (Gaspar) a Genuensibus *Præfektus eligitur.*
 21. A
 ----- *suos ad prælium hortatur.* 21. F.
 seqq.
 ----- *Venetos infestat.* 22. F
 ----- *revocatus contra Petrum Fregosum*
mittitur. 25. E
 ----- *domum rediens expeditionis rationem*
reddit. 25. F
 Stellæ Italianæ *terrificant.* 11. C
 B. Facius. C 2 Stellæ

INDEX RERUM ET VERBORUM.

Stellæ a Bernabove conducuntur, & Genuenses invadunt. 11. D. E

Strupa (Aruns) Genuensium Classis Præfectus multa hostibus detrimenta infert. 3. B. C

----- cum classe Genuam redit. 9. B

T.

Tartarus fossa. 12. C

Tarvisium a Francisco Carraria obsessum 9. D

----- Imperatori deditur. 9. E

----- Venetis ademptum. 13. F

Tenedos insula & Genuensibus & Venetis promissa, belli dat occasionem. 1. B. C

----- a Venetis occupatur. 1. D. 6. D

----- Hellesponti fauces claudit. 1. D

----- a Genuensibus petitur. 3. B

----- brevis & inculta insula. 28. C

----- libera declaratur & neutrius partis. 28. E

----- ejus arx solo æquatur. 28. F

Tirus insula. 11. F

Togifonus fluvius. 12. C

Turci bellum sempiternum cum Imperatore habent. 7. A

Turri (Simon de) fautor Petri Tregosi. 25. B

V.

Venerii Portus invaditur. 11. F

----- Templum reliquiis spoliatur. 11. F

Veneti Manuelli opem pollicentur, & Tenedon occupant. 1. D. 6. D

----- contra eos bellum decernunt Genuenses. 1. E

----- Genuensium Legatos audiunt. 1. E. seqq.

----- Genuensium Legatis respondent. 2. D. seqq.

----- oppressorum profugium. 2. E

----- a Genuensibus bello petuntur. 3. B

----- Classem contra Ligures mittunt. 3. D

----- eorum Classis Præfectus suos ad prælium hortatur. 4. A

----- Genuenses mari vinct. 4. B. C. D

----- Ligusticum infestant. 4. F

----- cum Bernabove Mediolanensium Principe societatem ineunt. 5. A. B

----- cum Jano Cypri Rege societatem ineunt. 5. C

----- insolentiae & avaritiae incusantur. 6. A. F. 7 B

----- soli ex Italiae populis superiorem non passi. 6. B

----- abrogarunt Leges XII. Tabularum. 6. B

----- quid possederint. 6. C

----- Cypriorum Reginam classe domum deducunt. 8. F

----- classem efficiunt. 9. E

----- a Bernabove auxilium petunt. 11. A. B

----- novem triremes contra Genuenses mittunt. 11. F

Veneti augendi imperii avidi. 12. F

----- privatis commodis publica anteferunt. 12. F

----- Galliae Cisalpinæ partem subegerunt. 12. F

----- Clodiam amittunt. 13. C. seqq.

----- Tarvisium amittunt. 13. F

----- a Petro Auria pacem petunt. 14. A. seqq.

----- supra 700. annos a nemine pacem petierunt. 14. C

----- pacis conditiones repudiant. 15. B. C

----- a Bernabove auxilia petunt. 15. C. seqq.

----- Clodiam frustra petunt. 18. A

----- in Cretam abire statuunt. 18. D. E

----- quidam plebeji magnam auri vim in Reipublicæ subsidium conferunt, & in Senatorium ordinem adsciscuntur. 18. F. 19. A

----- Genuenses in portu Clodiae ocludunt. 20. A

----- de Clodia obsidenda cogitant. 21. B

----- cives & matrone ipsæ pretiosa suam subsidium Reip. conferunt. 21. B. C

----- inter Brondulum & Clodiam castra ponunt. 21. D

----- Genuenses vinct. 22. C. D.

----- Brondulum expugnant. 22. E

----- Clodiam obsident. 22. E

----- Clodiam per deditionem recipiunt. 24. A

----- de amissis recuperandis cogitant. 24. C

----- varia oppida recipiunt. 24. C

----- rerum maritimarum curam nonnihil remittunt. 24. E

----- terra Genuensibus potiores. 26. B

----- cum Genuensibus pacem componunt. 28. F

----- inter eos & Genuenses breve bellum. 29. B. seqq.

----- Genuenses observant. 30. A

----- Genuenses navali prælio vinct. 30. C. D

----- Genuensium Legatos audiunt. 31. E. seqq.

----- Genuensium legatis respondent. 33. A. seqq.

----- cum iisdem pacem renovant. 34. B. C

Venetiae describuntur. 12. C. seqq.

----- a quibus conditæ. 12. E

----- nullum dominum passæ. 12. F

----- ab æstu maris defenduntur. 15. E

Viccomes (Joannes Galeatus) Mediolanensium Princeps. 31. B

Z.

Zenus (Carolus) Venetæ Classis dux. 12. B

----- Genuensium classem queritat. 25. F


----- quosdam viculos incendit. 26. A

----- Genuensium classem observat & sequitur. 30. A. B

----- Genuenses vincit. 30. C. D

----- ei in funeris sumptum pecunia deest. 18. D

FINIS.



ANTONII DE VILLE,

Equitis Galli,

PYCTOMACHIA
VENETA,

feu Pugna Venetorum in ponte annua;

JOSEPHI LAURENTII,

Lucensis,

D I S S E R T A T I O
DE DESPONSATIONE
MARIS ADRIATICI,

aliisque ad eam pertinentibus, vel cum ea convenientibus; &

JOANNIS VALACRII,

Scoto-Britanni,

SPECTACULA VENETA,

Epigrammatibus aliquot celebrata :

Nunquam antehac sic conjunctim edita.



LUGDUNI BATAVORUM,

Sumptibus PETRI VANDER Aa,

Bibliopola, Academiæ atque Civitatis Typographi.

P R Æ F A T I O

H U J U S N O V Æ E D I T I O N I S .

Exhibemus Tibi, Benevole Lector, a tribus auctoribus descripta & celebrata, quæ in Magnificentissima Urbe & Republica Venetorum orbis spectat mirabundus. Primo loco sese Tibi offeret Antonius de Ville, Eques Gallus, Pyctomachiam, vel pugnam illam, quæ Venetiis autumnii temporibus inter Nicolotos, & Castellanos, partes Civitatis amice contrarias, habetur, vividissime quasi depingens. Excipiet hunc Josephus Laurentius, Lucensis, de festivitate, quæ die Ascensionis Dominicæ quotannis ibidem celebratur, ubi Serenissimus Dux in Augustissimo Patrum consessu mare sibi desponsat, eruditissime differens, addens plura alia, ad hanc celebritatem pertinentia, vel cum ea convenientia. Claudent triadem hanc Joannis Valacrii, Scoto-Britanni, Epigrammata aliquot de Spectaculis Venetis, & aliis in eadem urbe admirandis conscripta. Horum Auctorum hæc opuscula, cum ob elegantiam suam inter scriptores nostros Italos locum sibi vendicarent neutiquam postremum, ob brevitatem suam, & materiæ convenientiam conjungi videbatur non inconveniens. Cujus autem in omnibus nostris editionibus sumus studiosissimi, id & hic qua chartam purissimam, qua typos nitidissimos, qua emendationem sedulam observatum reperiet Lector. Pariter in lectionis adjumentum nomina propria, aliunde transcripta, & alia, quæ id requirere videbantur, diversis a contextu consignavimus literis. Nec obstitit opusculorum brevitates, quin, quæ in ipsis continentur notatu digniora, exciperemus, & in Indicis melioris redigeremus ordinem. Hæc sunt, quæ nostra erga Te, Benevole Lector, officiositas nobis injunxit, Tu ea æqui bonique consule; vale, nobisque fave.

ANTONII DE VILLE,

Equitis Galli,

PYCTOMACHIA
V E N E T A.Omnia e
contrariis.Contrarie-
tas harmo-
nica.Partes civi-
tatis.Distincta
canali.
Non est
factio.Tempus
pugnæ.Quare
hyeme.
Se congre-
gant.
Diebus
festis.Pons Sancti
Marciani.

Alii pontes.

Carmelita-
norum.Velitationes
tyronum.Patrini
committunt
paria.

Insidia inter homines, partes in civitatibus, bella apud populos semper fuere & erunt æterno naturæ decreto. Quicquid est e contrariis fit, per contraria perennatur; ideo Elementis orbis, partibus mixta, qualitatibus partes componuntur; unaque nimium prævalente super invalidam, aut penitus expulsa, patitur aut corrumpitur mixtum, concors est contrarietas, harmonica temperatura, diversitas uniformis: immutabilem hunc naturæ ordinem, mundo necessarium, immortalitati consentaneum, imitatur Respublica Veneta. Divisa est instituto habitantium voluntario in duas partes civitas, amice contrarias: quæ versus continentem, Nicolotorum; altera versus mare Castellatorum; utraque habet sua compita determinata, quæ distinguuntur medio canali magno. Volunt aliqui, sed falso, antiquæ Gelforum & Gibellinorum factionis umbram superstitem. Et si foret, reliquit, quod erat malum, odia, cædes, sanguinem; Ludus nunc est.

Post messem & vindemiam dum se recepere cives in urbem, populi læti nova messe & vino, ad jocum proni, spectaculorum avidi tempus hujus celebris pugnae singulis annis veluti statuto decreto destinant; commodum sanè ut moderetur fervorem pugnae temperies tempestatis, ideo ne nimium efferveat sanguis insigniores ipsa hyeme celebrantur. Septembris & Octobris mensibus incipiunt se congregare certantibus diebus, ut plurimum festis, ne plebs avocetur ab opere, negotiosis, nebuloso si possunt coelo, ne insolentur spectatores, non tamen pluvio, quia aspersus humore pons fit lubricus: locus magis frequens est pons Sancti Marciani, gradatus ut alii, latus pedes septemdecim, longus pedes quinquaginta, apertus ad latera sine podio: fundamentum (id est ripam) habet latum, longe protensum, hinc ad templum Misericordiae, illinc ad Servorum, unde utrinque patet apertus aspectus ad pontem, hanc partem (Servorum) occupant Nicoloti: in alia (Misericordiae) congregantur Castellani; præliantur etiam quandoque in aliis pontibus, ut Sanctae Fusae, etiam ad Carmelitanos, qui aptissimus propter amplas ripas; & quia undecumque facile spectabilis.

Primis mensibus exercitantur Tyrones singularibus certaminibus, fiuntque velitationes impuberum, & Ephæborum non injucundæ aspectu. Veniunt in campum sponte, quibus est libido pugnandi, se accingunt læti, impatientes moræ; Adfunt patrini partium velut Ediles moderando Ludo, proponunt isti per vices certaturos, & paria inter se committunt æqualia ætate & robore: ignominiosum enim cum inferiore componi. Ascendunt medium pontem

A ambo, truci quantum possunt vultu, apto statu, demisso parum capite, sinistro brachio ante os tanquam scuto porrecto, dextroque ad ictum parato irrunt in adversarios, potentes sunt primi ictus, qui multiplicantur frequentiores, non distinguuntur aspectu iterati pugni, peritiores appetunt vultum, & implicant adversarium nexu, ut sic impunes feriant. Si forte cadit aliquis, aut sternitur, non licet vim inferre, donec assurgat; iterum congregiuntur obstinati, conantur ambo vincere, donec emanet sanguis ab ore, cui fuerit, jussu à patrinis spuito mixtus, hic se fatetur victum, exosculantur sese in testimonium oblitæ injuriæ, & ad suos se recipiunt: producit aliud par paulo robustius, fit enim principium à debilioribus donec ad puberes deveniatur, & aliquando ad barbatos. Acclamant partes suo victori. Sed parum momenti est alternata victoria: nam hi battuunt potius quam pugnent.

B Major est apparatus, dum totis viribus certatur. Indicitur dies communi multo ante tempore destinata, ut possint utraque partes auxiliares copias convocare, quia non solum Veneti, sed confinia suburbia omnia, & ipsæ civitates conferunt electos quoscunque possunt, nec defunt ullæ, tanta est consensio universæ partis pro laude adipiscenda. Scitur per totam urbem, & summo mane conveniunt plebeji ad occupanda loca publica eminentiora: tabulata, coronæ, & quicquid aliquam habet projecturam impletur homine, repunt per muros, sublevant humeris hos, à quibus deinde manibus attolluntur. Et quod vix scalis ascenditur, manu, vi, nisu superatur: secum ferunt jentacula, aut perstant tota die jejuni, ut satientur spectaculo; sensim postea replentur tecta, fenestras, fundamenta: & canales à Cymbis (has deinceps proprio nomine vocabo Gundulas) adducuntur etiam majora navigia lata & ampla, super quæ accommodant tabulata, & aqua fit solum: cooperiuntur canales Gundulis; Gundulæ hominibus: unde aquis, fundamentis, tectis, fenestris, & universo loco, una facies, capita spectantium.

C Præparant se interim pugiles, & ne tædeat spectantes moræ, mandant aliqua paria certantium singulari certamine, semperque diludium præcedit pugnam: introducuntur sensim alia paria, dein bina, & terna simul, sicque accenditur primus ardor pugnae. Accincti prodeunt certaturi, nudi brachiis, pectore thorace cartaceo armati, capite pileato aut vitta redimito, reliquo expediti, ne impediatur motus, aut graventur, si natandum. Silet omnis turba, & mirabundi spectant. Congrediuntur alacres utrinque, se miscent, fit prima pugnorum emissio; dant, excipiunt: propellunt, repellunt sese: appetunt, & resistunt æqualiter: densat se globus succedentibus: violentus est primus impetus, sed utrinque pari vi sustinetur: geminantur ictus, incalcescit certamen,

A. de Ville. A 2 co

Quomodo
ascendant
pontem.Quomodo
certent.Strato non
fit malum.

Quis victus.

Victoria
alternata.Magna pu-
gnæ appa-
tus.Auxiliares
copiæ.Conveniunt
spectatores.Implentur
omnia.Multitudo
spectan-
tium.Se præparant
pugiles.Singularia
certamina.Quomodo
accincti.Primus
congressus.

conantur de gradu pellere, conglomerant sese, irruunt, sustinentur, tenetur ab utrisque medius pons pertinaciter, & dum primæ vires suppetunt, neuter cedit: repetunt iterum pugnas; manus conferunt, conatus duplicant, invadunt acriter, si quæ paululum nutat pars, impingunt alii, ut deturbent, sed hos fulciunt postremi ita, ut nec volentibus liceat confuse recedere, renovantur recentibus fessi, iterumque redintegratur pugna, duratque anceps, sed pars stipato milite, impetu violente impresso irrupit in adversarios, fit dirum certamen, pugni utrinque innumeri, procumbunt in genua fortes, sternuntur debiles, plures cadunt in aquam, quod letale, quia madentes sudore, dispersus exterius calor, interius se subito recipit propter frigus aquæ, riget totum corpus & sanguis coalescit, unde morbi & mors. His succedunt alii: tandem coguntur cedere de gradu, deturbant, pellunt de ponte, fit clamor immensus applaudentium, & voce, gestu, ventilatione favent suæ parti. Notabiles interponuntur sponsones, utri vincant, unde erumpunt, ira, inimicitia, aliquando cædes.

At non semper incruenta pugna, nam aliquando aut quia non se fatentur victos, aut quia displicet insolentia jactantium, aut quia accinctus armis prodit aliquis, verbis, dein injuriis se laceflunt post levi missione: respondent alii, remandant: se irritant, & sensim fit vera pugna atrocior pugnis, ruunt omne missile; volat de tectis faxeus imber, gaudent confusione superni, & tota tecta devolvunt impunes: malum quibus contingit inferne spectare sub cælo, sentiunt vulnera, nec vident ferientem, incurrunt sæpius in id, quod vitare contendunt: cautiore fugiunt primi dum ingruentem vident seditionis nebulam, qui tardius morantur, non effugiunt; nihil enim valet celeritas cursus, quia primi se sistentes cum sunt extra periculum, impediunt sequentes, & tardi deturbantur ab incurrentibus, ad quos offendentes cadunt & ipsi, fit acervus ingens, suffocantur suppositi, aut si vires sufficiunt, deturbant superiores aliquando in aquam, ut hauriant spiritum, qui prope defecit: non parcunt stratis tectarii: & quamdiu durant saxa, aut adsunt homines, tamdiu durat tempestas lapidea, quæ facit rivus sanguinis è capitibus excipientium.

Nec minor apud *Gundulas* rumor, sed non æquale malum, salvantur isti tegumento, non tamen immunes periculi: nam comminuuntur pondere, quibus major incidit moles, & fragmenta augent damnum absconditis: præterea insultantes indiscrete inclinant *Gundulas*, quas supermanans unda mergit, vix succurrunt nantes, consulit quisque salutem propriam, cymbarii expositi telis ut effugiant, impingunt in alios, & qui alioquin daretur, exitus obstruitur obstinatione se se propellentium, cum se conantur intromittere, sæpius se elidunt, non juvat remus, non vis, non ars: franguntur remi, impeditur locus, turbantur pavore nautæ: dubium, quibus pejor fors, aut terreis, aut aqueis, sed his duplex malum, implentur omnia fremitu, jocus dicunt salvi, faucii bellum. Tandem solvitur cœtus, & ludus fit tragedia.

Raro contingit talis confusio, impeditur turba statorum, qui vinculis & carcere plectunt primos motores. Dum quiete agitur, expulsi non ferunt ignominiam perditionis pontis, sed collectis viribus instructam in cuneum aciem adigunt, excipiuntur forfice, reductis in latera viribus vacua fronte, ex utraque parte circumveniuntur,

Repetunt pugnas.

Conatus violentus.

Cadunt in aquam.

Depelluntur ponte.

Applausus.

Sponsones.

Vera pugna.

Quare.

Imber Saxeus.

Pauci effugiunt.

Confusio fugientium.

Cadunt multi.

Rumor apud cymbas.

Comminuantur.

Merguntur.

Confusio cymbarum.

Solvitur cœtus.

Impeditur confusio.

Renovant pugnam.

atur, & ni cavcant, primi progressi separantur a suis, & capiuntur ab inimicis, his licet contra jus belli inferunt omnia mala pugnis, calce: verberant, tundunt, nemo non impingit plagam, ita mulctati finunt redire ad suos longo viarum circuitu, a quibus veste solum dignoscuntur deformati aspectu, tumidi, cruenti, lividi: ore, genis, oculis, excandescunt furentes, cedit dolor iræ, ardent cupidine vindictæ, impatientes subsident paululum, donec resumpserint vires & animum. Adstant circulo amici, miserantur casum, indignantur atrocitatem, foemina ipsæ conglobatæ, gestu, lacrymis, blanditiis movent maritos, affiantur verbis quæ suggerit affectus.

Adsumus animo conjuges pars nostra, utinam liberet corpore; pugnaremus & nos, vetat sexus & pudor, non timor, utinam vobis noster animus, aut nobis vestra vires: quid vos moratur? habetis utrumque, vicistis toties, ultima est hæc corona, nec minor est pars vestra numero, nec robore, cedetis audacia? vincetis & nunc, si pertinaciter pugnaveritis: contra fortes obstinate decertandum, sciatis aut victores aut victi æque ferendi sunt ictus; discrimen apud vos, an honesti, an turpes. Ite, vincite, cari mariti, ne supersit vobis inglorius dolor, nobis intolerabilis infamia.

Nec minora apud partes contrarias incitamenta, reficiunt fructibus, circumferunt bellaria, propinant vina generosa, re & verbo excitant.

Non est opus oratione addere animum, innatus est vobis, nec deficiet, nisi vires defecerint: At impares sunt inimici vestris viribus: Ergo sat est, si volueritis vincere, hortationes apud ignavos, ite ordinati, nec terrete primo impetu obfistentes; si quæ resistencia erit, ad illustrandam victoriam erit, pro gloria pugnatis, unum hoc vobis præmium, quod majus, quo major cœtus spectantium: convertite oculos, hi omnes erunt testes vestra fortitudinis: pugnate audaciter, opprimate superbe; non est satis vobis vincere, nisi gloriose vinceritis.

Invadit eos rabies pugnandi, densantur utrinque globi, jamque obliti gloriæ, furoris stimulo agitati feruntur: sævit ira, spectantur lacerti nudi, ampla pectora, fortes artus, prægrandia brachia: irruunt in hostes, & totis innixi viribus immanes impingunt pugnos, sonant valide, & licet immensus sit fragor, sentiuntur procul, deturbant velut clava obvios, fieretque vacuus pons, ni pares illinc producerentur. Accidit sæpe, ut unum cornu laboraret, dum aliud vincit, periculum, ut dum hi pelluntur, ne pellentes intercipientur. Ideo caute procedendum, ut pari motu progrediatur acies, tunc ædiles succurrere debilibus, recentes advocare, introducere per latera pontis substituitur sese proni, mento ad genua inclinato, dein subito prorumpunt, & disjiciunt obvios, excutiant lapsantes, proterunt jacentes, tenetur pons totus, cessit de gradibus pars, tollitur in cœlum clamor victoribus acclamantium, & victis exsibilantium; nondum tamen parta est victoria, durat adhuc certamen, donec occiderit sol, quandoque etiam ad multam vesperam, redeunt iterum depulsi, nituntur in ascensum, & pari impetu recuperant pontem perditum: sed parum perstant, quia alii non cedunt audacia aut pertinacia, & quia numerosa est turba certantium, fit semper nova pugna, augetur tamen, dum inclinat dies, quia jamjam decernenda est victoria: res in angusto versatur, irritus est omnis labor, vani conatus, inanis tolerantia, nisi ad extremum sustinuerint, ideo quicquid habent artium, quicquid virium explicant: triarios aliquando

Triarios ferunt.

Spectant
omnes.Clamor
immemus.
Finis pu-
gnæ.

Læticia.

Iguës.

Victi se
excusant.

fervant intactos ad ultimam invasionem, quibus ni opponantur æquales, certa est victoria, nutat tamen ad finem, & hi violentiores conatus, quia ultimi; figunt oculos spectantes; hi fremunt, alii gestiunt, conformant omnes nutum & vultum ad pugnam, quæ quia anceps est, confunduntur voces obstrepentium, hortantium, applaudentium; nihil auditur, quia immensus clamor auditur. Tandem dirimit pugnam nox & labor, cedit debilis pars fortiori, accurrunt pueri & plebs per compita, nuntiant suis victoriam, lætantur, acclamant, pyras struunt per plateas & vicos, accenduntur ignes: conferunt certatim ligna, applaudunt omnes, lucet victoribus nox: victis tenebræ, silentium; accusant fortem, astu non vi par-

A tam victoriam, productam pugnam ultra tempus destinatum, dum duravit legitimum, perduravisse victores; minuunt pudorem excusatione, mitigant dolorem gestis, sese consolantur spe proximæ victoriæ. Vagantur victores tota nocte & die postera, per canales ornatis vehuntur cymbis, convivia celebrant publice, musica se recreant, toti lætitia exultant: & ne quid odii supersit inter partes, victores invifunt victos, invitant ad epulas, compotant, obliviscuntur omnes præteritæ pugnae; hi laudant victos, ut se extollant, isti victores, ne arguantur; mutatur in pacem bellum; purgatum est, quicquid erat felis, renovantur veræ amicitia, & levi ira perpetui redintegrantur amores.

Victores vagantur læti.

Renovant amicitias.

FINIS PYCTOMACHIAE VENETAE.

JOSEPHI LAURENTII,

Lucensis,


DISSERTATIO

DE

DE SPONSATIONE
MARIS ADRIATICI.

ARGUMENTUM.

Solemnis maris Adriatici desponsatio Venetiis festo Dominicæ Ascensionis die. Origo ejusdem. Bucentauri delineatio, etymon, institutio. Adriatici maris Imperium penes Venetos quantum. Syracusani mare desponsant calice, floribus. Desponsatio maris per anulum & gemmam, Thalamegos navis, Thalamii remiges. Classis lustrandæ ritus. Panegyris varia, cum maria aperiuntur. Panathenæa, Quinquatria, Hilaria. Statuæ Porphyreticæ in plateâ D. Marci Venetiis. Modus sciendi Romæ, quot nati, quot mortui, quot virili togâ cincti. Nati in acta relati. Professio eorundem publica, cujus moris reliquæ Venetiis adhuc vigent.

Venetiarum
elogium.

Enetias Urbem admirandam, divinitus institutam, sapienter administratam, Urbium orbem, orbis Miraculum semper suspexi, & potissimum, cum inspexi solemnem Ascensionis Dominicæ die, Serenissimi Ducis majestatem, Purpuratorum Patrum Venetorum regium consessum augustissimum in annuâ maris desponsatione, quæ mihi memoriam refreuit eorum, quæ in Athenæo Lib. 11. legi. Verum, ut mea Schediasinata tantæ Urbis splendore illucescant, adnectere mihi sit fas illius instituti admirandi primordia, mutuata facie à vestris clarissimi Justiniani Historia Venetæ, & aliis incorruptioribus monumentis. Bucentaurum ita describit Ju-

C stinianus Lib. 14. est navigium maximum, atque ornatissimum. Nam structura ejus sublimis, columellisque frequentioribus culta, auroque ad proram à puppi præfulgida, hospitesque insignes, alique eminentioris fortunæ viri, qui ad Urbem veniunt, ea navigii machina a Principe, & Patribus officii gratia excipiuntur: Ducaleque solium in frontispicio, superiori tabulato, collocatum, ubi Princeps inter legatos, consiliariosque medius sublimis residet, & circum per subsellia summus ille Patrum Ordo majestatis, & silentii plenus. In inferiori autem tabulato remiges navigium tonsis agunt, & remulco interdum, dum aquæ in contrarium fluunt, tanta moles trahitur, publicumque erigitur vexillum, & juxta illud Principis atratum scutum; summitasque Bucentauri holosericum, purpureumque habet operatorum funibus alligatum, ne ventus rapiat. Ad proram positum est Justitiæ simulacrum auro fulgens, cujus dextra nudum ensen, læva autem æquilibrium tenet; rostrumque insigne prominet, ut navigii forma conspectior sit. Dicta Bucentaurus a bu, quod magnum aliquid significat, & Centaurus, antiquum navium insigne, vel quasi, Bis Taurus, quæ olim Æneæ navis. Alii Ducentaurum appellatam volunt, quasi ducentorum hominum navigium capax. Institutio hujus machinæ primum facta fertur anno reparatæ salutis 1311. Alii altius originem indagant, nempe anno 1177. in adventu Imperatoris Federici Enobarbi, seu Barbarossæ, cum ille, pro componenda pace cum Pontifice Alexandro III. Senatuque, Venetias accessit. Hic enim Imperator Pontificem odio Vatiniano infectatus, abire Roma, Venetiasque petere, tanquam ad asylum tutum, coëgit. At Imperator in Venetos classem Duce Ottone filio immisit, qui à Venetis debellatus, captus & ad patrem remissus, ab eo impetravit, ut Venetias conce-

Bucentauri descriptio.

Etymon Bucentauri.

Bucentauri institutio.

A. de Ville.

A 3 de-

Venetorum
privilegia
ab Alexan-
dro III.
Anulus do-
natus Vene-
tis ab eod-
em pro de-
fensione
maris.

Maris de-
fensio.
Anulus, &
flores in de-
fensione
MarisAdria-
tici.

Maris de-
fensio
Siculis usi-
tata.

Anuli in
mare pro-
jectio.

deret de pace acturus, quod feliciter factum, Pontifexque in integrum restitutus pietate, & virtute *Venetorum*. Quibus, ut Pontifex paria faceret, præter plurima alia privilegia *Veneto* Senatui concessa, gratulabundus Principi anulum porrexit aureum, dicens: *Ziane Dux accipe, & me auctore hoc mare tibi Venetiæque armis obnoxium desponsato, quod tu, & futuri Principes quotannis flato die in perpetuum servabitis, ut omnis posteritas memoriâ repetita intelligat, maris possessionem patriâ virtute, ac navali disciplinâ vestram esse jure belli quandoque factam; atque, ut uxorem viro, ita illud desponsationis annuæ munere vestro subjacere Imperio. Hoc quia factum ferunt solemnî die Ascensionis Domini; ideo quotannis hæc celebritas eodem die, magno hominum, & Principum concursu celebratur. Princeps enim cum Principum Legatis, Senatuque purpurato, vectus *Bucentauro*, anulum aureum à Patriarcha consecratum è puppi in undas projicit (aqua lustrali prius solemnî ritu in mare profusa) dicens: *Desponsamus te mare in signum veri, perpetuæque imperii. Ad hæc festa florea Principi, Senatuique Veneto boni ominis, & lætitiæ gratia impertuntur.**

Hactenus *Justinianus*. At incorruptiora Serenissimæ Reip. monumenta, multo ante quam in Urbem illam se reciperet *Romanus* Pontifex *Alexander*, desponsationem istam celebratam, tradunt. Habent illa scilicet, tum primum eam celebrari coeptam, cum primum armis incincti Majores *Veneti* clarissimi, iidemque fortissimi Viri, *Adriatici* maris Imperio jure belli æquissimo potiti sunt; quod tunc temporis accidisse constat, cum totum illum maristractum desertum ab omnibus ob Imperii lapsum, solisque piratis pervium, sic arma *Veneta* repurgarunt, ut tutam in eo præstiterint, cunctisque patentem, ac liberam in posterum navigationem. Quod cum *Romani* Pontifices, Cæsares etiam ipsi, aliique terrarum Orbis Principes cognovissent, & id ipsum recte factum confessi sunt, & aperte semper, ac candide comprobarunt.

Sed in *Panegyri Cl. Justiniani* duo præ cæteris observo, Maris desponsationem per anulum, & impertitionem florum, quæ longa indagine investigata, aliunde originem ducere mihi videntur. Semper enim maxime illud mihi persuasum fuit, nihil a prudentissimis, & sapientissimis Reipublicæ *Veneta* Patribus usu receptum, quod non rationi conducatur, & hæreat apte, quod & mordicus deinde tuentur. Utrumque non obscure *Athenæus* innuit Lib. II. his verbis: *Syraculis in extrema Insula juxta Olympiæ (scilicet Junonis) templum extra urbis muros, est quidam focus, unde calicem navi deducunt tendentes in altum, usque dum Clypeus Minervæ templo impositus videri posse desinat; ibi tum calicem fictilem in mare demittunt, conjectis prius in illum floribus, favis, thuris granis integris, & aliis præterea quibusdam aromatis. Quod quidem ab illis peractum, ut maris imperium præ se ferrent, Neptunoque maris numini larent, tanquam Genio propitio. Et licet nulla ibi anuli mentio apud *Athenæum*, sed ejus loco calicis fictilis, cujus porrectio amicitiae confirmatio esse videtur: longe tamen sapientius *Veneti* anulum desponsationis hieroglyphicum, & fidei mari dilargiuntur; Sponsus enim sponsæ hæc donat. Et anuli dejectionem in mare *Pausanias* in *Atticis* sic descripsit: *Minos ira incensus in Theseum maledicta contulit, & Neptuni filium esse negavit, quod, quam habebat, celatam gemmam in mare si abjecisset, non esset eam ad se**

A reportaturus. *Vix ea locutus, dicitur gemmam abjecisse: Theseum verò memorant cum ea, & corona, quam ab Amphitrite acceperat, è mari emerfisse. At florum inspersio juventutis perpetuæ symbolum, & spei videtur.*

Navis quoque *Bucentaurus* facta (credo) ad imitationem illius, quam *Ptolemæus Philopator* Rex *Aegyptius* primum fabricavit, ita descriptam ab *Athenæo*: Longitudo ejus semistadium; latitudo, quæ esset amplissima, triginta cubitis; figura ejus, neque longis navibus, neque rotundis assimilis. Hæc a *Strabone* dicitur *Thalamegos*, seu *Thalamifera*, a Græco verbo *Θαλαμῖνος*, in thalamo versor; perinde ac si tunc nuptiæ peragantur, vel ab his, *Θαλάμους*, *Θαλαμῖτες*, qui dicitur remulcus. Hinc thalamii remiges, qui in infima parte triremis remigant, & sedent. At de his doctores alii consulendi, rem ego tantum digito indico, & ad alia festino non aliena.

Ritus enim desponsandi maris celeberrimus *Venetiis* ansam mihi præbet percommodam ad alia & ad hanc rem. Expiandi Dei maris, lustrandæque Classis modum usitatum olim ex illis *P. Virgilii Lib. 5. Æn.* facile est colligere:

*Ipse caput tonsæ foliis evinctus olive,
Stans procul in prora, patera tenet, extaque
salsos.
Porricit in fluctus, ac vina liquentia fundit.*

Quare primo Veris tempore navigaturi iter sibi maritimum sternebant *Sacris*. *Livius Lib. 29. Imperator præmissis ad Deos precibus è prætoris nave cruda exta, cæsa victima, uti mos, in mare porricit, tubaque signum dedit proficiscendi. Idcirco apud Appianum 5. Civil. Cum parata adessent omnia, Cæsar classis exercitum hoc modo purgavit. Altaria primum maris in littore sita alluuntur undis, multitudo omnis circumquaque magno silentio per naves assidet: Sacerdotes in mari confidentes sacra faciunt, terque per exercitum scaphis circumvecti purgamina sacra deferunt, Ducibus, unâ adnavigantibus, & purgamina extollentibus, ut ab exercitu infelicia quæque depellant. Dividentes deinde ea, partem in altariibus impositam flammis adolent. Hujus Sacri pro felici trajectu præterea meminerunt *Pausanias, Pindarus, Xenophon, & alii. Paralos* erat navis sacra, qua *Delphos* Theori ad rem divinam faciendam mittebantur ad hos usus destinata, ut Maria aperiri dicuntur, ita claudi. *Vegetius*, ex die 3. Id Nov. usque ad diem 6. Martii Maria claudi testatur. *Gratiani* Imperatoris constitutione ex *Alciati* parerg. a Kal. Octobr. in Kal. Apr. navigatio suspenditur.*

Athenis tres olim naves publico usui destinatae: *Theoris*, qua vehebantur in Delum quotannis è *Thescio* voto, *Plato* in *Phædone*: *Paralus*, quâ mittebantur *Delphos*, aut alio, rem divinam facturi; *Aristoph.* interpretes. *Salamina*, quæ evocatos ad judicium subveheret. *Plat. Pericl.* Vide *Farnabium* ad *Lucanum Lib. 3.*

Agrarium, navim imperatoriam veteri lege nemo intrabat cum Imperatore, nisi *Drungarius* vigiliæ, & rei navalis, &c. *Buleng. de Imp. Rom.* Quod si olim aurea dona in flumina jacta ob divinitatis venerationem, ut notat *Seneca Quæst. Nat. Lib. 4. cap. 11. In hæc ora stipem Sacerdotes* (loquitur de Nilo) & aurea dona *Præfeli*, cum solemnè venit sacrum, jaciunt: quanto magis facerent *Neptuno* fluminum parenti? *Libare* antiqui solebant, quod vel in aram faciebant vel in mensam, quæ loco aræ erat, vel in focum, qui sacer habebatur, vel in mare in honorem Deorum marinorum, aliumve in locum aliquid de poculo pleno, quod erant pota-

Ad cuius similitudinem Navis Bucentaurus efficta.

Thalamigos Navis.

Thalamii remiges.

Lustratio Classis.

Fiebat Votum primo.

Paralos.

Maria quando clauda & aperta.

Dona aurea fluminibus donata.

Libatio quid?

potaturi, effundebant leviter, ut passim scriptores autumant. De libatione vero in mare Thucydides Lib. 6. ubi solvente classe Piræo, sic scribit: *Tubâ silentium indictum est, tum legitima ante profectionem vota nuncuparunt, non per singulas naves; sed universi per præconem, miscen- tesque per omnem exercitum in aurcis, & argen- teis poculis, tum vectores, tum Duces libabant.* Diodorus Lib. 13. idem eodem modo innuit. Justinus quoque Lib. 12. loquens de Alexandro Magno. Pindari locum de Jason Argonautarum Principe proficiscente subnecto Latine. *Au- ream manibus sumens phialam Dux in puppi, pa- trem Cœlitum, fulmine armatum Jovem, & ce- leriter meantes fluctus, ventorumque impetus invo- cabat, noctesque, & maris vias, diesque letificos, & optabilem reditus sortem.*

Mare antiquis sanctissimum, atque nitidissi- mum fuit habitum, quia nil fœdi patitur, & omnia cadavera, & immunda ad littora egerit, & quia marinæ undæ ad medelam, & expia- tionem usurpatæ, ideo in maria expuere nefas putarunt. Magi principium illud venerantes na- vigationem vetabant. Romani solebant quæ- cumque insolita, aut prodigiosa contigerant, mali ominis averruncandi causa, expiationibus quibusdam procurare, Androgynosque five Her- maphroditos Aruspicum præcepto in mare de- mergendos portabant: causam vide apud Casel- lium Lib. 1. cap. 3. *Variorum.*

Huic mori annexus alius, quem breviter fir- mo ex Apulejo. *Navem faberrime factam, pi- cturis miris Ægyptiorum variegatam summus Sa- cerdos tædâ lucidâ, & ovo, & sulphure, solennis- simas preces de casto præfatus ore, quam purissime purificatam Deæ nuncupavit, dedicavitque.* Sed de hac purificatione, seu lustratione classis ali- bi scripsi: satis hic mihi leviter indicasse, quan- ta religio priscis olim litandi maris falso Deo; *Venetis* vero omnium Opifici Deo, qui mare, qui terras, qui cœlum temperat, & quicquid extat, nutu fecit, & moderatur imperio ju- stissimo. Nondum mihi tempero, quin locum superaddam pucherrimum ad ritum hunc illu- strandum maris lustrandi, & vendicandi ex He- rodoti Polymnia: *Postero autem, tantisper mo- ratî sunt, dum Solem exorientem cernerent, omni- farios odores in pontibus congerentes, ac myrto iter conspercentes. Ubi Sol exortus est, ex aureâ phialâ Xerxes libans in mare apud Solem vota concepit; ne quid sibi adversi contingeret; quo prius desiste- ret Europam subigere, quam ad illius terminos per- venisset.* Hæc precatus, phialam in Hellespontum abjecit, aureumque craterem, ac gladium Persi- cum, quem *Acinacem* vocant. Hoc pro comperto dijudicare non possum, utrum Soli dedicans gla- dium dimiserit in pelagus: an Hellespontum, quod cum flagellasse pœniteret, in compensationem gla- dio donaverit, &c. Meminit etiam Phialæ in mare projectæ Plinius Lib. 8. cap. 46. his verbis: *Memphi est locus in Nilo, quem à figurâ vocant Phialam, omnibus annis ibi auream pateram, argenteamque mergentes diebus, quos habet natales Apis: septem hi sunt, mirumque neminem per eos dies a crocodilis attingi: octavo, post horam diei sextam, redire belluæ feritatem.*

Facem aliam profero. Panegyria istam tem- pore verno tanta cum pompa concelebratam, cum maria aperiuntur, *Græci & Romani* imi- tati: illi Panathenæa, hi Quinquatria dixere, quippe *Minervæ* sacra, sic dicta à *Minerva*, & quinque dierum numero quibus solita celebra- ri. Nam Primo sacrificia peracta lego, Secundo, Tertio, Quarto Gladiorum spectacula edita, Quinto urbis lustrationem factam. Idque fe-

A stum triduo ante vernale æquinoctium continge- bat. Quintus hic dies *Hilariis* facer, ita dictus a maxima populi lætitia, & pompa ludis, spe- ctaculis, & epulis referta; quæ si publica, ob Regis inaugurationem, vel triumphum facta; si annua, ob cœlum, & mare apertum celebra- ta. Vegetius: *Post natalem, ut ita dicam, na- vigationis, qui solemnem certamine, publicoque spe- ctaculo multarum gentium celebratur.* Ideo *Athe- nienses* hisce festis navigium sacrum *Delum* mit- tebant. Innuit Plato in Phædone his verbis: *Nam pridie, quam judicaretur, ornari contingit puppim navis ejus, quam mittunt Athenienses in Delum.* Hæc est illa navis, ut ajunt, in qua The- seus olim bis septem illos secum tulit in Cretam, servavitque illos, & ille servatus est, &c. Pro- sequitur inibi idem Plato *Atheniensium* dies illos festos, & quid peractum, dum hæc navis re- dired e *Delo*. Hinc *Venetis* sanctius quotannis aperto aëre, & cœlo, cum hyemis favientis asperitas cessit, & cœli patefacti Cœlorum Re- gem ascendentem admittunt, aperti sibi aditus ad maris *Adriatici* imperium, annua celebritate tri- umphantes, memoriam æternant. Panathenæa ergo Magna singulis lustris celebrata, primum

B *ab Erichthonio* Vulcani, & *Minervæ* filio, post- ea *Theseo* amplificata. In hac celebritate, neque senes, neque ignobiles, neque viri certabant, sed pueri tantum armati saltabant, & cum sin- gulæ *Atheniensium* coloniarum bovem ad sacrificia mitterent, omnes ob carniū copiam ultra fa- tiatatem comedebant, Decertabat puer quoque in Isthmiis non senior, at imberbis: præmium victori datum oleum in amphoris redimito olea- gino certo. Peplumque *Minervæ* ferebat, quod erat stragulum in quo depingebantur ex more apud *Athen.* qui strenue se belli gessissent. Ca- tanypetes vero erat sacrificium *Minervæ* Athenis,

C cum peplum infra sordidatum aliquis eluebat. *Etym. Gyraldus, Suidas.* Panathenæa parva sin- gulis annis celebrata, cum ver, ut ait Plin. Lib. 1. cap. 47. aperit navigantibus maria, quæ fe- riis auspicabantur. Apul. Lib. 11. *Diem, qui dies ex ista nocte nascetur, æterna mihi nuncupa- vit religio, navigabili jam pelago, rudem dedi- cantes carinam primitias commeatus mei libant sa- cerdotes.* Hæc Panathenæa celeberrima quoque *Venetis* quotannis. De *Chio* ad *Coum*: de ma-

D ri ad sacrum *Neptuni*, marinorumque Deo- rum, *Laconice*, de more. *Neptuno* taurus im- molatus, non securi percussus, sed cultro ju- gulatus, niger, ut & *Diis* marinis, *Tempesta-* tibus, & *Inferis*, in littore maris. In sacris ma- rinorum sanguis collectus in patera fundebatur in mare cum precibus. Sin autem in mari ini- tiarentur, victimarum sanguinem non in pa- tera excipiebant, sed in mari, quod faciebant antequam de navi exirent, ut Deos locorum ad quæ divertebant, benignos sentirent. Vina etiam effusa in flumina, ut ait Apollon. Lib. 11. ex Majelo: at in sacrificiis Deorum supe- rorum reliquiæ in focos conjectæ, quod hi *Dii* ætherci nidore carniū, & odore thuris oble- ctarentur.

E Piscis, maris imperium apud Ariolos innuit, & piscibus redundant *Veneta* maria. *Augustus* cum prope *Siciliam* contra *Pompejanos* infelici- ter pugnasset, iniquo id pertulit animo, donec piscis, ultro e mari saliens ad pedes ejus acci- dit, atque a vatibus ob eam causam responsum est, *Siciliam* in ejus potestate fore. Servius quo- que in *Deliacis* Lib. 6. scribit, *Atheniensibus* in *Delo* sacrificantibus, lavandis manibus aquam haurientem puerum urnam demersisse, ac e phiala simul cum aqua pisces effudisse; oraculumque a

Delicis vatibus redditum, maris fore Dominos. Vince igitur mari, jam terra tua est.

Statua Por-
phyretica
in platea
D. Marci
Venetiis.

A mari ad aream D. Marci me confere, ubi in angulo ædis admirandus intuitus Porphyreticas statuas ex integro marmore quatuor, hærentes binas binis, eas ut vidi agnovi statim, quod a me adnotatum in Maggio, quia scilicet, statuas istas e Græcia advectas, quæ sunt *Harmodii*, & *Aristogitonis*, qui *Atheniensium* tyrannum *Hipparchum* trucidarunt; quam historiam legimus in Thucydidis *Lib. 6.* Hi viri ob tyrannicidium statuis decorati se mutuo amplectentes in amoris, & fidei monumentum. Has statuas *Alexandrum* a *Xerxe* asportatas restituisse *Atheniensibus*, meminit *Arrianus* Historicus, deque iisdem ad hunc modum *Plinius Lib. 34. Cap. 4.* *Atheniensis*, nescio, an primi omnium *Harmodio*, & *Aristogitoni* tyrannicidis publice posuerunt statuas. Hoc actum eodem anno, quo & *Reges Romæ* pulsæ. Excepta deinde res est a toto orbe terrarum humanissima ambitione. Cur vero bis gemini? Causam elatet. Vulgo aliter. Vulgi iudicium esto. Constitutæ hæc statuae, *Syriaca* arte cælatæ, in angulo publico, ut quotidie in atrium, palatiumque convenientes Senatores tyrannidem abolendam, tyrannicidas gloria decorandos intelligant. Eadem porro statuae, *Venetias* asportatæ Duce *Serenissimo Petro Gradonico* anno dcccxc. ex oppido *Aera Syriæ* expugnato a *Menichesadar Saracenorum* Rege; ibi enim multi *Veneti* inquilini, qui inde abire coacti, se *Venetias* contulere, ascitque in Patriciorum ordinem.

Quando
Venetias
asportatæ.

Quo pacto
sciretur Ro-
mæ, quot
nati, quot
mortui,
quot to-
gam viri-
lem sum-
pserant.

Ad alia, nec prorsus aliena, nec ingrata gradior. Nam illud mihi semper visum admiratione dignum, quod *Romæ* factitatum, ut scirent, quot singulis annis olim *Romæ* nascerentur, togam virilem sumerent, quot vitam cum morte commutarent. Nempe in sumenda virili toga quisque denarium in ædem *Juventutis* deferrebat; in ærarium *Ilithyæ* pro nascentibus; in *Veneris Libitinæ* pro defunctis. Apertissime *Dionysius Lib. 4.* Tradit *L. Piso*, *Annalium* primo, voluisse eum, & *Urbanæ* multitudinis scire numerum, tum viventium, tum morientium, tum eorum, qui togam virilem sumerent; statuisseque quanti pretii nummos pro singulis inferre deberent cognati in ærarium *Ilithyæ* pro nascentibus, in *Veneris Libitinæ* pro defunctis, in *Juventutis* pro virilem togam sumentibus. Unde poterat nosse annis singulis quantus esset in universum numerus Civium, tum quam multi ex his essent per aetatem idonei militiæ. Quod & ab eruditissimo *Demphero* notatum.

Illud amplius hic observo. Statim atque nascabantur liberi, a parentibus in acta publica referebantur. Hinc illa *Satyrici*:

Fient ista palam, cupient & in acta referri: In acta referret. *Apuleji: Pater natum sibi filium cæterorum more professus est:* Et *Jul. Capitolini* in *Gordiano. Filium Gordiani nomine Antonini, & signo illustravit, cum apud Præfectum ærarii, more Romano professus filium, publicis actis nomen ejus insereret:* & in *M. Aurelio: Inter hæc liberales causas ita minuit, ut primus juberet apud Præfectos ærarii Saturni unumquemque Civium natos liberos profiteri, intra tertium diem nomine imposito.* Ea vero re id fiebat, ut de paterno jure constaret. Nam cum hoc fiebat, in acta referebantur.

Professionum duo fuisse genera tradunt Jurisconsulti. Aliæ enim Natales, quas *παίδογραφίας* *Modestinus* vocat: aliæ Censuales: illis natos sibi liberos apud Acta parentes profitebantur, siquidem ætas probari dicitur *ἐκ τῶν παίδογραφῶν*. Censuales vero jam inde a *Servii Tulli* temporibus singulis lustris, sive singulo quinquennio fiebant, unoquoque cive *Rom.* in *Campo Martio* declarante, & proficiente, quantum in bonis haberet, & quot capita essent, & ætas cujusque, *Brisson. Select. 3. antiq. Lib. 1. Cap. 3.* Eandem probationem liberorum factam conjicio *Athenis*; nam teste *Harpocr. & Suida*, *μεῖον*, *Meion*, erat ovis, & victima, quam tribulibus pendebant, qui liberos profitebantur, certo pondere expensam, atque is, qui profitebatur, *μεταγυγὸς* dicebatur. *Syracusani* quoque idem factitarunt; ut videre licet apud *Plutarch.* in *Nicia* his verbis: *Cæperunt hæc navem hostilem, ea portabat tabellas, in quas nomina sua Syracusani tributum perscripserunt: hæc procul urbe in Æde Jovis Olympii fuerant depositæ, tunc autem ad conquestionem & delectum Juventutis deportabantur.* *Capitol.* in *Gordianis: Jam illud satis constat, &c. quum apud præfectum ærarii more Romano professus filium, publicis actis ejus insereret.* Hanc professionem *Joseph* in *Bethleem* nato *Jesu* fecit *Cæsare* Imperante. Præter natos antiqui etiam profitebantur merces apud Acta pro vectigalibus, *Pamel. ad Tertull.* Actorum libri dicebantur, in quibus liberorum professiones susceptorum scribebantur, *Brisson. Select. Lib. 1. Cap. 3.* Et morem hunc (ne videar extra oleas aberrasse) Sapientissimi etiam *Veneti* Patricii ad amissum fervant, publice profitentes nomina natorum, ut nobilitatis stemmate potiri jure possint in *Reip. Administratione.*

Eadem pro-
fessio Ve-
netis usi-
tata.

FINIS DISSERTATIONIS DE DESPONSATIONE MARIS ADRIATICI.



IOANNIS VALACRII, Scoto-Britanni, SPECTACULA VENETA.

ILLUSTRISSIMO DOCTISSIMO OPTIMOQUE HEROI,
ANTIQUA GENERIS PROSAPIA NOBILISSIMO,
omniumque literarum & virtutum dotibus ornatissimo,
D. I S A A C O W A K E,
Equiti Aurato,

Et Augustissimi Magnæ Britanniae &c. Regis

Ad Serenissimam Rempubicam Venetam Legato.

Mirabilis Augustissimæ Reipublicæ Civitas, quæ te, *Illustrissime & Excellentissime Heros*, quarto jam anno potentissimi Regis prudentissimum Legatum habet, nominis sui celebritate, velut magnetica quadam virtute, me à ferreis Septentrionibus huc attraxit: ubi multo nunc lautius oculis pascuntur, quam usquam antea aures:

Scilicet immodicam superat præsentia famam.

Quam lautæ mihi fuerint oculorum epulæ mens conscia est, & calamus Epigrammatis aliquot testari conatur: ut simul etiam Excellentiae tuæ testatum faciat, sanctum amicitiae numen, qua sapientissimam prosequitur Rempubicam invictissimus Monarcha, heroicis virtutibus tuis & auctoritate tibi merito concessa hic ad vivum expressus, vel in infimi subditi sui corde calentes thure aras obtinere. Itaque Excultissimum utraque Pallade animum tuum, a summo rerum maximarum fastigio jure tibi credito (si vacat) demitte, ad excipienda levia hæc peregrinantis Musæ thymiamata: non quia ab humillimo virtutum tuarum cultore profecta, sed quia de rebus *Venetis* tibi semper gratissimis confecta. Alii forsan multi multo felicius rerum istarum majestatem carmine assecuti sunt: nemo tamen majori unquam coluit affectu: qui tantus mihi est, ut ratione cohiberi nequierim, quin *Caledonius* etiam anser inter olores *Hadriaticos* canerem. Quod si Musæ genius acerrimo tuo judicio dignus habetur, qui tuo præsidio fretus nobilissimum toto orbe Senatum alloquatur, sic incipiet.

A D

AUGUSTISSIMUM SENATUM VENETUM.

- I. **V**estra fiderei Patres Senatus
Urbs spectacula præbuit Camenis,
Quæ Vobis humiles ferunt Camenæ.
Æquis hæc oculis videte: vestro
E vultu decus haurient refulgens,
Quæ vestro adjiciunt nihil decori.
Nam terra à radiis trahit nitorem.
Solis, cui tribuit nihil nitoris.
Triumphus Venetus ad Gentes omnes.
- II. Ingenio Venetis aliæ concedite gentes,
Quantum undis genii cedit honore solum.
Vincere si vultis, jam figite in aëre sedes,
Quas Veneta in tumidis gens sibi fixit aquis.
De Venetorum Fama, & Insignibus.
- III. Pondere stat, natat arte, alis volat una per orbem
Urbs, cui fama alas contulit ipsa suas.
Fama, equus alatus Grajis, Leo nobilis alis.
Nunc Venetis, terras, æthera, aquasque replet.
Aquilæ Spolia Veneto Leoni addita.
- IV. Romanæ exuvias Aquilæ dum dividit orbis,
Hic caput, ille pedes, pectus & ille rapit.
Dumque alias alii plumas volvere, revulsas
Jure alas Veneti præposuere Duces.
- His sine nam torpent Aquilæ membra omnia fractæ,
His Leo nunc Aquila doctius ipse volat.
Venetiæ Maximum Mundi Miraculum.
- V. Coctilibus Babylon muris hortisque superba

- A Pensilibus, prisco condit in orbe caput.
Clarior Urbs Veneta est liquidis murisque, viisque,
Totaque in Hadriacis pendet ut hortus aquis.
Clarior hæc una est miraculis omnibus orbis
Urbs stabili, in liquido marmore, lege natans.
Miraculum Divinum.
- VI. Altior humanis Divini est æmula facti
Urbs Veneta, Hadriacis quæ dominatur aquis.
Hadria nam Rubri renovat miracula Ponti:
Hic Veneto, Hebræo paruit ille Duci.
De Venetiarum Apasterosi ad Neptunum.
- VII. Hadria ut Oceano cedat, Neptune, laboras
Incaustum: Veneti nam vetuere Patres.
- B Hadriaci Regina sali Nereidas omnes
Anteit, ut comites pulchra Diana suas.
Illa soli dominas etiam supereminet Urbes,
Quantum aër undas, turgida & unda solum.
Illa sali atque soli victrix dignissima Cælo
Debet ad Eridani sidus habere locum.
Qui Nili Eridanum sinuoso in sidere quærunt,
Urbs Veneta his fulgens jure Canopus erit.
Neptuni & Apollinis Consilium de
Moenibus Venetis.
- VIII. Neptunus omnes Urbium videns muros
Vi machinali dirui, vel annorum
Edace dente conteri, mihi æternum
- C Urbs stabit, inquit, absque moenibus tuta,
Nisi quis profundos mœnia æstimet fluctus
Cui sic Apollo: Est fossa pontus, haud murus
Tuis Venetiis: ligneos habent muros
Tuæ Venetiæ me monente turritos,
Quales Athenis dextera Persica offendit.

Est

*Est cincta nostris mœnibus tua & fossa
Urbs Veneta : nostri mobiles facile muri,
Quacunque fossa tua patet, notant fines
Orbi universo, atque unica pares Urbi.*

De Venetorum Antiquitate.

IX. *Ex Henetis Veneti memorat quos Mœone natus:*

*Litera mutata est, gens tamen ipsa manet.
Non alia in toto gens hac antiquior Orbe,
Non alia invicta est Pergama victa dolens.
Jam victrix Venetis submisit Græcia fasces*

*Parte aliqua, & dominos hos sibi tota cupit.
Euganeos Veneti Troja domuere relicta,
Illyriumque illis prisca trophæa dedit.*

*Nec ter mille furens annis hinc expulit illos
Mars, ergo æternas censet habere domos.*

De Antenore, & Ænea.

X. *Dux Henetum Antenor, Æneas sanguinis auctor
Romani: ambo Phryges: numquid & ambo pares?*

*Solus Apollo potest hic respondere rogatus,
Qui Tripode excusso talia dicta refert.
Sit pius Æneas, qui patrem hinc, inde penates*

*Sustulit, Iliacis eripuitque rogis:
Justior Antenor multo & prudentior inquit,
Hospite dimissa patria sospes erit.*

*Claruit Æneas odio Junonis iniquæ:
Equos Antenor sensit ubique Deos.
Notior Æneas, Antenor major habendus.*

*Vatem habet ille sibi, non habet iste parem.
Romæ & Venetiarum comparatio.*

XI. *Dum Phrygiam Æneadæ certant reparare
ruinam*

*Atque Antenorida, fit nova Troja duplex.
Roma prior, magnis sed non felicius ausis,
Dura quater Trojæ fata parentis habet.
Serior Urbs Veneta est, multo at felicius: hæc est*

*Virgo Barbarica non violata manu.
Aut hæc Virgo Dea est, aut a Diis condita magnis,
Quos secum Antenor Dardana ab arce tulit.*

*Scilicet huic æqui comites trans æquora Divi,
Pellice qui sprete suaserat æqua suis.
Venetiarum & totius Italiæ comparatio.*

XII. *Barbarus Ausonias quateret cum Vandalus
arces,*

*Humusque, & sævis gens oriunda Getis,
Antiqua Æneadum virtus submisit iniquæ
Se sorti, exque illo degener usque jacet.*

*At Antenorida potius se credere ponto,
Quam servire feris constituere Gothis.*

*Urbem igitur Venetam pelago exstruxere profundo,
In qua hodie virtus integra prisca manet*

*Aurea quam tulerant priscorum secula virtus
Exulat à terris, incolit aucta mare.*

Cur Venetiæ sero exortæ.

XIII. *Venerit in dias cur sero luminis oras*

*Urbs Veneta, hanc causam Musa rogata dedit:
Tempore formantur multo magna omnia: parvo
Tempore proveniunt parva, obeuntque simul.*

*Secula quot rutilum volventia flagitat aurum?
Et quanto plumbum fit brevior rota?*

*Secula Phœnicem vix unum multa reponunt:
Una Hypanis gignit bruta necatque dies.*

*Amphitryo Iphiclum primo sibi fabricat istu:
Jupiter Alciden triplice nocte facit.*

*Uno musca die paucisque excluditur boris:
Et tu annos uterum fers, Elephantem, decem.*

*Quatuor annorum peperit post millia pontus
Urbem, quæ ponto jus sine fine daret.*

De Alcedoniis Hadriaticis ad Venetos.

XIV. *Credebam Alcyones puer potentes*

*Esse vos, Veneti, Æoli nepotes:
Qui sic ventisq, in mari perennes*

*Nidos exstruitis, dies ut omnes
Brumæ, secula multa, mille & anni*

*Alcedonia sint serena vobis.
At mihi ut licuit videre vestræ*

A *Navalem Urbis & Orbis apparatus,
Turres æquoreas, rates, triremes,
Carinas, tabulas, trabes dolatas,
Funes, carbasa, machinasque miras,
Cæpi credere vos Deos marinos,
Quis utres dedit Æolus tumentes,
Neptunusque suum libens tridentem.*

*Vobis Carbasa tanta, totque funes,
Ut Caurum, Boream, Notumque, & Eurum
Artis stringere vinculis queatis,
Ni vestris Ithacos utres Carinis*

*Tradat Hippotades potens procellis.
Præter innumeras diu ante struñas*

B *Turres æquoreas, rates, triremes,
Tot vobis tabulæ, & trabes dolatæ,
Vestra ut gignere nocte possit una
Vastam Dædalia officina classem,*

*Quæ ponto eripiens diem profundo
Damnet Stygiis Thetis tenebris,
Ni jam fuscina cederet trisulca*

*Vestri fascibus inclutis Senatus.
Vobis Martia plurima est supellex:*

*Vobis aureus omnis est Gradivus,
Qui ferrum Diomedis haud moratur,
Qui crure haud metuit manuve vulnus.*

*Vobis fulmineo fragore ferrum,
Et Ceraunia sunt tot æra vobis,
Tot sunt denique machine tremendæ,*

C *Ut cum fulmine Jupiter Gigantas
Titanaeque velit domare diros,
Quos nunc Sol oriens videt cadensque,
Vestram poscat opem, decusque pugna,*

*Trophæa, exuvias, opes, triumphos,
Vester cum Jove dividat Senatus.*

Venetia Cælo, & Salo oriundæ.

XV. *Unde hæc in medio moles operosa profundo?*

Unde tot unius monstra stupenda loci?

Unde tot in liquido constant palatia ponto?

D *Tot fora, tot pontes, templa, theatra, domus?*

*Nunquid ego Tyrio struēta hæc miracula plectro,
An rear Ismaria ducta fuisse lyra?*

*An pelago Urbs Veneta emerit velut altera Delos,
Æquandos Divis progenitura Duces?*

*An potius lapsam velut olim Ancilia cælo
Hanc Urbem in mediis Diis posuere vadis?*

*Ambiguae duplex sedeat sententia menti:
Cælum Urbi genitor sit, genitrixque salum.*

*Nam Venus hoc gemino se jactitat alma parente,
Estque Vrbs Diva Deæ parte ab utraque soror.*

*Nec mirum Venetiæ si nomine consonat Vrbi
Divæ Venus, cujus quadrat origo duplex.*

E *De Venetiarum & Romæ Cognatione ad Romam.*

XVI. *Roma, soror Veneris Veneta Vrbs, mater-
tera magni*

Æneæ, dic quo sit tibi juncta gradu?

*Hæc atavis cognata tuis ab origine prima:
Huic assurge, decet, sis licet ipsa prior.*

*Æneam pudibunda tace Phrygioque penates:
Huic Vrbi cælum est quod tibi Troja fuit.*

Septem Deorum certamen de Venetiarum tutela.

XVII. *Conjuncta Vrbs Veneri Veneta est, & no-
mine, & ortu:*

Jupiter hanc Cræta vult dare jura suæ.

F *Aliger hic Arcas, spretis & Pallas Athenis
Ingenio certant, imperioque valent.*

*Attalidis hic Juno opibus, Carthagine & Agris
Deletis, regnat: hic sua templa locat.*

*Mars quoque divina simul & Neptunus in urbe
Sunt Domini: hic undis, viribus ille suis.*

*Sic tot de Venetum tutamine numina certant,
Quot patriam affectant oppida, Homere, tuam.*

De Templo D. Marci apud Venetos ad Dianam.

XVIII. *Tuum, Diana, quod Ephebi fuit templum.
Centum columnis inclutum elaboratis,
Centum superbus sumptus atque opus Regum*

*Annis ducentis, totusque miraculum
Orbis vetustum, Marcii umbra delubri,
Quod Veneta construxit manus fuit tantum.*

*Illud palustri conditum quidem campo
Sprevit frequentem terræ Ionice motum:
At mole surgens lignea impii haud fugit
Herostrati ignes, ambitumque funestum.
Arte hoc stupenda ipsi insidens mari, atque altum
Marmore & Jaspide inferens caput cælo,
Herostrati ignes spernit & soli motum.*

De Divina Venetiarum Quiete.

XIX. *Dum tremit inclusis terrenus flatibus orbis,
Urbs domina Hadriaci non tremit una maris.
Dum tumet iratis agitata fluctibus æquor,
Urbs velut in sicco est Marcia tuta solo.
Dum mare, dum tellus ferro lacerantur & igne,
Urbs eadem æthereæ pace beata sedet.
Quæ ferrum & flammam, fluctus, terræque tremorem
Non metuit, cives Urbs habet illa Deos.*

De D. Marco, & Marte.

XX. *Martia Roma jacet, Veneta urbs dum Mar-
cia surgit:*

*Marcus enim major Marte patronus adest.
Totila Romani numen quam futile Martis,
Brennus, & Alarius, Gensericiusque sciunt.
At Divi indomitus Marci Leo sidera calcans,
Hostilem à Venetis vim fugat usque suis.*

A D

SERENISSIMUM VENETORUM DUCEM,

*De annulo sponsali, quem quotannis è Bucentauro in
medias undas projicit,*

Festo Ascensionis Die.

XXI. *D*ivina humanis sapiens solemnia jungis
Dux, freta cui parent terraque, &
astra favent.

*Aureus in placidum conjectus ut annulus æquor
Te magnæ generum Tei hyos esset notat.
Sic sacer ipse dies scandenti ad sidera Christo,
Cum Christo hæredem te monet esse poli.*

De Aqueo Venetorum Cælo.

XXII. *Ignea suspendunt aqueo qui sidera cælo.
Hadriaci expendant astra stupenda poli.
Hadria nam Cælum est, mentes Veneticæ moventes,
Quæque domus fixa est stella, planeta ratis.
Quisque Senator in hoc Deus est venerandus Olympo,
Jupiter & Dux es maxime, Juno Thetis,
De Fulmine Tormentario à Venetis primum
usurpato ad fossas Clodias contra Genuen-*

ses Anno 1380.

XXIII. *Sæva fulmineo ære bella primi
Gesserunt Veneti: Ligur fatetur,
Sit mendax licet, & licet sit hostis.
Ligur vulnera dira primus acer
Ignoto tulerat profecta telo:
Fossa est Clodia testis omne in ævum,
Et tu summe Pater, tonans, coruscans,
Potens fulmine Jupiter trifulco,
Quod primum Venetis tuis dedisti.
Tu Cretam his dederas, dedisti & ignes
Quæis tuam tueantur usque Cretam.*

*Fulmen pontibus æreis sonorum
Demens finxerat, ungulisque equorum,
At non consilio tuo, superbe
Rex quondam Elidis: Ergo fulminante
Tua est dextera ad inferos adactus.
At tuum Veneti tuo æmulati
Fulmen consilio, tua vehentur
Virtute ad superas potenter arces.
Qui fulmen Venetis tuamque Cretam
Dedisti, dabis & libens Olympum.*

De Naumachiis Venetis ad Romam.

XXIV. *Naumachias Venetum spectat & mirare fre-*
quentes,

A *Si juvat & confer, Martia Roma, tuis.
Hadria commissos Venetis dat sæpe Gigantas,
Sed tibi Pygmæos Caesaris unda dedit.
Ludicra tu levibus gessisti prælia contis:
At Jovis hi fingunt fulmine bella suo.
Pugnantem in stagnis te spectare Quirites:
Nereides spectant hos, & arena mare est.
Tu vacuas tremulo ære auras, auresque replebas:
His simul æra tonant contremittit ipse polus.
Ludicra qui tanto molimine bella capeffunt,
Qua patrare putas seria bella manu?*

Neptunus Venetus ad Vulcanum.

B XXV. *Cum sua Neptunus flammis populata videret
Pergama, flammivomum sic petit Ore DEUM:
Jus, Vulcane, tibi tribuit scelus Urbis: at olim
In Venetos juris nil erit usque meos.
Hi mihi constat æquo, virtute, fideque,
His ego fundamen, menia, tutor ero:
Nec prius in sanctam tibi dira potentia gentem,
Quam tuus æquoreas hauserit ignis aquas.*

Vulcanus Venetus ad Neptunum.

XXVI. *Mulciber æquoreo, curas dimitte, parenti
Æquus ait: namque est Urbs tua chara mihi.
Conjugis hæc germana meæ est, Urbs æquore nata
Et cælo, huic conjunx nomen & ipsa dedit.
C Hanc genitrix opibus, genitorque hanc fulmine dotat:
Huic ego flammiferi fulminis ipse faber.
Pro Venetis, Neptune, meus nunc militat ignis:
Ignibus hi totum te domuere meis.*

De Speculis Venetis.

XXVII. *Abjecit speculum Venus superbum,
Ter sum, nobile, percelebre, pulchra
Quod Laïs dederat sibi Corinthi:
Jussitque à Venetis superbiora,
Et magis nitida & celebriora,
Cognatis fieri suis: & inde
Orbis utitur universus istis.*

D De Speculari Vitro & virtute Venetorum

XXVIII. *Virtutem Veneti mundo exhibuere vi-*
trumque:

*Corporis hoc speculum, mentis ut illa foret.
Par utriusque nitor: virtus constantior: ævo
Par vitrum terris, par erit illa polo.*

De Reipublicæ Venetæ Forma.

XXIX. *Tandem composita est multis lis ardua seclis,
Imperiique Sophis optima forma patet.
Sive placet Princeps, seu plebs, sanctusve Senatus,
Imperii Venetos optima forma regit.
Imperat & Princeps Venetis, populusque, Patresque:
Imperium at virtus omnibus una dedit.*

De Venetorum Justitia.

XXX *Primum Astrea solum coluit, mox inclyta
Cælum.*

*Tandem cum Venetis incolit illa salum.
Liquerat illa solum fulgeret ut ardua cælo:
Cælum pro Veneto liquit & illa salo.*

Politice Venetorum Pyramides duæ.

XXXI. *Astrea eximias videt columnas,
Qui sancti videt aream Patroni,
Quem colunt Veneti: at sacras Minervæ
Potest Pyramidas videre nemo,
Cui non Imperii ardui recessus
Arcanos Sophiæ dea ipsa pandit.*

F *Vna est Pyramis inclyti Senatus,
Ostro picta latus triplex & auro,
Et miti trabea, truce & securi:
Cui basis populus Syndriumque
Ter amplum Proceres, apexque Dux est
Alto sidera vertice alta tangens.*

*Sortis Pyramis altera est severæ,
Urnis picta latus triplex globisque,
Cui virtus basis est, Deusque vertex.
Nam si prævia non sit ampla virtus,
Nulli fors aditum severa præbet:
Nec cui fors aditum dedit, secundus
Contingit globulus repente, si non*

Deo

Deo præside sortium probante.
 Sic fors est Venetis quasi absque sorte.
 Has qui Pyramidas recentis Urbis
 Componet Phariis vetusto in orbe,
 Illas despiciet, stupebit istas.
 Namque illæ stolido labore Regum
 Struæ, frontibus ambitum superbis
 Et luxum & tumidum extulere festum.
 Collapsæ ergo suo obruere lapsu
 Regum nomina & ambitum suorum.
 Ast hæc mole sua basique calcant
 Et fastum tumidum ambitumque dirum,
 Et quicquid misera oppida atque regna
 Evertit valide premunt teruntque.
 Ergo istæ Venetis erunt perennes,
 Cumque istis Veneti perennè stabunt.
 Auctoris Excusatio ad Venetos.
 XXXII. Cur nostra, Veneti, vos Camæna prædicat,
 Ignota vobis hæc tenus?

A Hoc vestra nobis nota virtus Entheco
 Calore præstat ardua.
 Virtus volantis vester fons est Pegasi
 Vatum omnium ultimo mihi.
 Virtus Poëtis vestra corvos inserit
 Persi metallo doctius.
 Picasque virtus ære vestra audacius
 Certare Musis concitat.
 Sed nec Poëtis nec Poëtriis opus,
 Corvisve, Picisve obuiis.
 Nam vestra virtus vos celebrat unica
 Flacco & Marone clariùs.
 Non hanc Homerus ter resurgens grandior
 Iliade adæquabit nova,
 Non ipse Præses hanc Apollo, Musaque
 Ter trina pro meritis canet.
 Hanc quisque modulo pro suo, nemo satis
 Pro laude vestra buccinat.

F I N I S.

I N D E X RERUM MEMORABILIORUM.

Actorum libri qui dicti 16. D
 Ædiles certantium 5. E. 8. E
 Æneas, Romanorum auctor 19. B
 Alcedonia Hadriatica 19. F
 Alexander III. Pontifex Maximus 10. E
 Annulus in desponsatione maris 11. A. D. F. 21. C. D
 Antenor, Dux Venetum 19. B
 Antiquitas Venetorum 19. A
 Apasterosis Venetiarum ad Neptunum 18. A
 Apparatus pugne majoris 6. B
 Aqua lustralis in desponsatione maris 11. B
 Aristogitonis statua 15. A
 Augustus Imperator 14. F
 Aurea dona fluminibus donata 12. F
 Bucentaurus, navigii genus 10. C. D. E. 12. A.
 21. C. D.
 Calix in desponsatione maris 11. E. F
 Carmelitani 5. D
 Castellani, pars Civitatis Venetæ 5. B. D
 Cælum aqueum Venetorum 21. D
 Comparatio Venetiarum cum Roma & Italia 19. C.
 D. 20. E.
 Confusio pugne quomodo impediatur 7. F
 Contrarietas harmonica 5. A
 Deorum certamen de tutela Venetiarum 20. E
 Desponsatio Maris Adriatici 9. B. 10. B. 21. C. D
 Dianæ templum Ephesi 20. F
 Diffidorum perpetuitas 5. A
 Excusatio Valacrii ad Venetos 23. B
 Expiatio maris 12. B. C. 14. E
 Flores in desponsatione maris 11. B
 Forma Reipublicæ Venetæ 22. D
 Fridericus Ænobarbus, Imperator 10. E
 S. Fusæ pons 5. D
 Gibellinorum umbra num Venetiis 5. B
 Gradonicus (Petrus) Dux Venetiarum 15. C
 Guelforum umbra num Venetiis 5. B
 Gundulæ, Cymbarum genus 6. D
 Harmodii statua 15. A
 Heneti Venetorum auctores 19. A
 Hermaphroditi in mare demersi 13. C
 Hilaria Atheniensium 14. A. B
 Hipparchus, Atheniensium tyrannus 15. A
 Hortationes scæminarum & amicorum ad certantes
 8. B. C
 Jason, Argonautarum princeps 13. A
 Insignia Venetorum 17. B
 Justinianus, Historiæ Venetæ auctor 9. F
 Justitia Venetorum 22. E

Libatio in Mari 12. F 13. A
 Lustratio Classis 12. B. 13. C
 D. Marci templum Venetiis 20. F
 S. Marciliani pons 5. D
 D. Marcus major Marte Patronus 21. H
 Menichesar, Rex Saracenorum 15. C
 Misericordiæ templum 5. D
 Mœnia Veneta 18. B
 Nati in acta relati 15. C. 16. A
 Naumachiæ Venetæ 21. F
 Neptunus Venetus 22. A. B.
 Nicoloti, pars Civitatis Venetæ 5. B. D
 Otto, Imperatoris Friderici filius 10. F
 Panathenæa Græcorum 13. F
 Paralos navis 12. D. E
 Patrini certantium ædiles 5. E
 Peplum Minervæ 14. C
 Phiala in mare projecta 13. D. E
 Piratæ a Venetis extirpati 11. C
 Piscis imperium maris 14. F
 Politicæ Venetorum duæ Pyramides. 22. E
 Privilegia Venetorum a Pontifice 11. A
 Professiones natales & censuales 16. B
 Ptolomæus Philopator, Rex Ægyptius 12. A
 Pugiles quomodo se ad pugnam præparent 6. A. D
 Purificatio Classis 13. C
 Pyctomachia Veneta 5. C
 Quies divina Venetiarum 21. A. B
 Quinquatria Romanorum 13. F. 14. C
 Salaminia navis 12. E
 Servorum templum 5. D
 Siculis desponsatio maris usitata 11. E
 Specula Veneta 22. C
 Statuæ in platea D. Marci 15. A
 Thalamegos navis 12. B
 Thalamii remiges 12. B
 Theoris navis 12. E
 Tormenta a Venetis primum usurpata 21. E
 Triumphus Venetus ad gentes omnes 17. B
 Tutela (de) Venetiarum certamen 20. E
 Tyrannicidarum honor 15. A. H
 Tyronum certamina 5. E. 14. C
 Venetiæ in duas partes amice contrarias divise 5. B
 — earum elogium 9. D
 — mundi miraculum 17. C
 — cur sero exortæ 19. E
 Vulcanus Venetus 22. H
 Xerxis ritus maris arrogandi 13. D
 Zianus, Dux Venetiarum 11. A

F I N I S.



ANDREÆ MOCENICI,
P. V. D.

BELLI MEMORABILIS
CAMERACENSIS

Adversus

VENETOS,
HISTORIÆ


LIBRI SEX:

Quibus Epitome latior præmissa est, unde breviter
omnia intelligi possunt, quæ in singulis
libris continentur.


*Editio postrema, à mendis variis purgata, ac Indice
locupletissimo aucta.*



LUGDUNI BATAVORUM,
Sumptibus PETRI VANDER Aa,
Bibliopolæ, & Typographi Academiæ atque Civitatis.




NOVÆ HUIJUS EDITIONIS PRÆFATIO AD LECTOREM.

 NIMUS nobis non est, Præstantiam & Amplitudinem Reipublicæ *Venetæ* hic efferre, licet ejus opportuna nobis detur occasio; nam nihil magis est sermone omnium contritum, nihil magis decantatum, nihil magis pervulgatum, quam eam præ se ferre Regiam Majestatem, innumerabilibusque ad omnem virtutem præstantibus viris floruisse, & adhuc florere, quorum numerus valde ingens, & res ab ipsis gestæ has Historias legenti etiam occurrent. Cum autem hæc Respublica tot literarum monumentis, tam multis Scriptis, tot Orationibus, tam multis Historiis illustrata est, ideo eam non attingemus; Sed modo ea te, Benevole Lector, commonefaciemus, quæ ars & industria nostra in his historiis prelis de novo committendis effecit. Secuti sumus exemplar Editionis *Venetis* per *Bernardinum Venetum de Vitalibus* Anno M.D.xxv. impressæ, cujus etiam paginas in commodum legentis margini nostræ Editionis, nisi iis caruisset, adjecissemus. Epitomas autem, quæ omnes in capite hujus libri præmissæ erant, singulo libro non solum præfiximus, sed & diversis characteribus excudi curavimus, quod & tam in nominibus propriis quam orationibus literisque observavimus. Contractionesque vocum, quarum multæ in supradicta Editione erant, plane sustulimus, & adimplevimus. A mendis quoque non modo iis, quæ in calce prædictæ Editionis indicatæ erant, verum etiam pluribus aliis nostram perpurgavimus. Et ne videamur nos Auctorem nostrum, cujus tamen familia tam multis, tamque præstantibus in Republica Senatoribus perpetuo fuit illustrata, ut multos abhinc annos scribi nullæ potuerint historiæ, quin de præclaris rebus ipsorum gestis passim videamus factam esse mentionem, silentio præterire velle, quædam ex *Dictionary* MORERI mutuata in Auctoris familiam dicta Præfationi nostræ subjunximus. Postremo Indicem ejusmodi libro convenientem satisque perfectum adjecimus. His ut fruaris atque delecteris animo precamur. Vale faveque.

EX MORERI *Dictionary* Historico

In Familiam

MOCENICORUM.

 NDRE Mocenigo noble Venitien, etoit en estime au commencement du XVI. Siecle, en 1522. On l'employa dans les grandes affaires de la Republique, & il y réussit. Il composa aussi deux Ouvrages Historiques, de bello Turcarum, & belli Cameracensis Lib. VI. La Maison de Mocenigo de Venise a eu de grands Hommes, & a donné quatre Doges à la République, savoir Thomas Mocenigo élu en

A. Mocenicus.

* 2

1413.

1413. & mort en 1423. Ce fut de son tems que les Venitiens se rendirent maîtres du Frioul en 1416. sur Louis Techio, Patriarche d'Aquilée, qui s'étoit temerairement engagé à la guerre contre la République, sur l'esperance de la faveur des Hongrois ses alliez; ce que je remarque en parlant du Frioul. Pierre Mocenigo élu en 1474. gouverna durant deux ans avec beaucoup de prudence & de bonheur. Coriolanus Capius publia une Relation Historique de la Vie de ce Doge. Jean Mocenigo fut élu en 1477. & il mourut en 1485. Louis Mocenigo en 1570. après Pietro Loredano fit ligue avec le Pape & les Espagnols, contre les Turcs qui avoient pris l'Isle de Cypre. Sebastien Vencero commandoit les Galeres de la République, Marc Antoine Colonna celles de l'Eglise; Et Dom Jean d'Autriche celles du Roi d'Espagne L'armée Chrétienne gagna la célèbre bataille de Lepante, le 7. Octobre de l'an 1571. Louis Mocenigo mourut en 1577.

ANDREÆ MOCENICI,

P. V. D.

PRÆFATIO
IN BELLUM CAMERACENSE.

IN omni vita præclarum est, otium recte disponere, ut nulla dies transeat sine linea, sic enim vita satis longa efficitur, quam alioquin illi homines brevem esse conqueruntur, qui corporis imperio, & servitio mentis abuti volunt, atque inde rapti insania libidinis, quæ solet nihil compositum reddere, prolabantur in omne scelus contra conjunctissimum quemque, quod diis iratis quantacunque pæna ulciscendum esset. Et nihil mirum eos audaces & temerarios esse, atque dolis & fallaciis, ad honores contendere, nec putare, id utile, quod honestum, nec velle æqua ex æquo, qui neque se, neque alia noverint. Viros autem decet contraire, & sic agere, ut quales haberi volunt, tales sint, atque in otio & negotio posse prodesse videantur, necnon in primis seipsos cognoscere, & in seipsos descendere, metiendo cuncta alia eadem mensura, qua nos ipsos metiendos putamus corpus nostrum exercendo & subjiciendo viribus animi, ut par est, & probe animadvertendo nostras vires, quantæ & quales sint, antequam aggrediamur aliquid facere. Pulchrum est enim & scribenda facere, & legenda scribere, non tamen omnes ad omnia apti sumus, sed sicut in corporibus & in formis, sic in animis magnæ dissimilitudines videntur. Namque omnes propria persona & aptitudine, quasi a natura induti sumus, quam cognoscere & sequi debemus, quia inde in omnibus negotiis evadimus, & maxime decet, quod maxime nostrum est. Sed alioquin nimius amor sui, sæpe facit, ut inniventibus oculis quisque in se videat, quæ aliena & sua sunt, atque ideo recte noster Plato præcipiebat, nos oculum nostrum, in alterius oculo videre, & ex illa fenestra cordis actiones animi prospicere, atque oportet ea non facere, quæ in aliis reprehendimus, & identidem ea imitari, quæ digna laude in aliis viderentur. Nempe æmulando vis etiam judicandi comparatur studio, consuetudine, & doctrina, sicut Protagoras docebat ingenium & administrationem reipublicæ, quia tametsi ingenium a principio nobis inditum sit ex officina Vulcani & Minervæ, ut dicitur, illud tamen ut cætera, doctrina & exercitatione maxime coalescit. Namque

que legendo omnia, quæ in toto orbe terrarum antea actis temporibus gesta sunt, facile omnium rerum sumuntur experimenta & judicia de similibus ad similia, & alioquin nemo bene judicat, quæ nescit, & recte dicitur in *Alcibiade* primo, scientis officium esse, non divitis, de unoquoque consulere, atque illi ita pauci sunt, ut diceret *Philippus Alexandri* pater se unum solum *Parmenionem* reperisse, cui res agendæ merito crederentur. Itaque mihi cogitanti cum otium haberem, & interesssem belli consultationibus in mentem venit, nostri temporis historiam scribere, quia adhuc prægnans animus videbatur, & putabam parum prodesse, quæ intus in animo sunt, nisi foras edantur, merito enim dicitur, omnem virtutem in actione consistere, & nihilominus prodest domi bene vivere, & bene agere, quam foris & militiæ strenuum esse, & qui non possunt in bello fortiter se gerere, si facta aliorum scripserint, merito etiam laudandi sunt. Et quidem mihi maxime laudabile & difficile videtur, historiam scribere, quia illa omne genus dicendi complexa est, atque amplius ea dictis æquanda sunt, quæ in bello fortiter geruntur, & reddenda omnia suæ naturæ consentanea. Sed ego etiam majorem difficultatem habui, quia difficilius opus scripsi quam aliquando contigerit, & adeo multiplex, ut in disponendo multum tempus contriverim, atque amplius oportuit præ multitudine, & copia loquentium, rem valde incompositam in formam redigere, & multa coaptare, quæ variis in locis uno tempore fiebant, & tamen laborem non detrectavimus, quia videbamur, operæ pretium facere, & benemereri de republica, si absque mendacio literis mandaremus istud bellum memorabile, quod nostris temporibus gerebatur. Namque alioquin conatus sum præstare quantum potui, & exacte scribere tantam historiam, si nostra imbecillitas animi & mediocre ingenium pateretur, & putavi omnes in bonam partem accipere, quandoquidem intelligant, non parum esse in tanto opere voluisse, si assequi non potuerim quod volebam. Neque enim nescii sumus, tantum posteris debere quantum possumus, & patriæ gesta magnifica referre, pium laborem appellari, atque ego in primis puto vitam & mortem eorum æqualem esse, qui solummodo ventri & somno dediti sunt, somno enim & luxuria omnis virtus atteritur, & sopita gloria vertitur in infamiam. Nos autem a teneris unguiculis animi officiis usi sumus, & hujusmodi laboribus assuevimus. Usque adeo nunquam hucusque pertæsum est, dum putamus ista qualiacunque mussitando posse forsitan pluribus horis vivere. Et nuper contenti non fuimus historiam nudam scribere, sed etiam digressi sumus in rebus gestis *Venetorum* atque in descriptione orbis & bellorum, quæ in partes gerebantur, atque amplius ea diximus, quæ ad *Venetias* nostraque æstuarium pertinere viderentur, & quemadmodum tantæ pecuniæ reperirentur, quæ usque in finem suffecerint. Et quidem istud bellum adeo amplum & varium fuit, ut omnia contineat, quæ censentur difficilia in historia. Namque & multæ orationes referuntur, quæ domi & militiæ habebantur, bellum maritimum & fluviatile, oppugnationes urbium, descriptiones locorum, & quemadmodum sæpe collatis signis pugnatum est, ut non injuria dici possit, nullum bellum tam dictu difficile fuisse, atque magis nunquam amplius fortuna jocata est. Namque *Veneti* in bello terræmotum diuturnum passi sunt, & *Rivalti* damnificum ignem, atque ante bellum navale exarsit, & concidit pars palatii, quasi futuri belli certa præfagia. Deinde quatuor reges cum *Helvetiis* & tota *Italia* in *Venetos* moverunt, atque infelicitè cum *Gallis* ad flumen *Abduam* pugnavimus, & passim ad hostes descitum est. Postea rebus *Venetis* accisis, cum omnes valde conflictarentur, subiit spes habendi *Hispana* auxilia, atque illis conductis stipendio, reparandæ reipublicæ studebatur, sed nos fefellit spes vana, quia ab illis dolo malo decepti sumus. Denique accersitis *Helvetiis* frustra etiam confidimus,

quia *Galli* hostes expulsi sunt, & nos non potuimus rempublicam reparare. Itaque necesse fuit cum *Gallis* iterum in amicitiam coire, atque illi venerunt in *Italiam* profligaruntque hostes *Helvetios*; & inde nobis salus reddita est, unde tantum vulnus provenerat. Quod si nos defecisse videbimur, certe belli ferries & res ardua placebit, atque ipsa fortunæ varietas magnum documentum posteris afferre poterit. Namque legendo per quos viros, quibusque artibus domi & militiæ istud bellum gestum est, quisque poterit omnis exempli documenta sumere, ut imitetur quod profuit, & vitet ea, quæ alioquin nocitura viderentur, atque amplius quisque illud maxime intendat, contra tantos reges, unam rempublicam steterisse, quod semper celebre & memorabile erit. Et quidem nostra respublica sicut magis longæva omnibus fuit, sic credendum est, vicisse alias sanctitate bonis exemplis & legibus, atque amplius posse durare per multa tempora, si modo sequi nostrorum majorum recta instituta & vestigia parati sumus. Nempe illæ viæ veterum in domibus & republica iustitia & æquitas, omnis enim iniustitia dissidiosa, & omnis iniquitatis comes discordia. Juventus omnis non ad ambiendum assuescebat loqui jucundissime & utilissime assistere, sed ad capefendum virtutem animi & corporis exercebatur, siquidem vivebatur in illa civitate duratura, ubi virtus & jus firmitatem roburque semper accipiebat, atque infirmitatem & imbecillitatem inscitia & injuria. In eligendis magistratibus nulla erat acceptio personarum, sed apti ad regendum & idonei legebantur, qui circa seria versarentur. Nam qui in ridiculis studiosi sunt, eos scias, in seriis ridendos fore, & si quid mali fecerint nunquam scire corrigere ut par est, cum ita sit *vita hominum, quasi ut ludas tesseriis, si illud quod maxime est opus jactu non cadit, illud quod cecidit sorte, id arte ut corrigas*. Et supra omnia animadvertabant eos reipublicæ præfidere, qui nullis libidinibus tenerentur, sed posthabitis propriis soli reipublicæ consulerent, & proinde lege prohibebatur, eos de summa rerum consultationibus interesse, qui negotiationibus essent impliciti, & maxime ambitiones inutiles putabant. Nam qui honores ambitione adepti sunt, ea ducuntur comparandis amicitiiis, & alioquin viri magnanimi secum afferunt alexipharmacum, & dedignantur in ista vilia descendere, nisi abusu & necessitate compellantur. Cum regibus vero & principibus tantum amicitias & pacem excolebant, ut boni amatores pacis non minus essent, quam ab omnibus haberentur, & iccirco longa pace fruebamur, quamvis reges invicem pugnarent, atque inde patres senectutem hilarem agebant ex bene actæ vitæ jucunda conscientia. Quod si istis artibus domi forisque recte administrabatur respublica, & nos quæso aliquando revertamur unde abscessimus, si divertimus ab itineribus, quæ nobis tanta bona peperere, sic enim felicia illa tempora redibunt, quæ in actis temporum præteritorum legi possunt. Et quidem illa præcipue legenda sunt, unde hominum meliora monimenta sumuntur, quam ex statuis quæ apud antiquos fiebant, atque ideo *Agésilas* moriens iussit, nullam sibi neque fictam neque pictam fieri, & identidem *Cato* senior agebat, se malle homines quærere, cur *Catoni* statua posita non esset, quam cur esset posita, quasi parum profint imagines, nisi aliquod opus illustre, & dignum memoria fecerimus sub typis chalcographis. Et merito dicitur historia magistra vitæ, quia ea est, quæ nos maxime instruit ad res agendas, & recte ex præteritis, præsentia dirigimus, & conjectamur futura, & sunt tres oculi prudentiæ, sine qua non bene gubernatur respublica. Nisi enim alonge viderimus & tempestive caverimus ventura mala bene consulendo & bene agendo antequam eveniant, illud sæpe solet accidere, quod turpe est dicere non putaram. Igitur quisque res gestas veterum libenter legat, & inde discat, quid agendum est in omnibus negotiis, atque pro comperto habeat, facile imperium retineri iis artibus, quibus ab initio partum est.

ANDREAS MOCENICUS D. ANDREÆ GRITTO

PRINCIPI ET SENATUI S.

BELLUM magnum & memorabile, Princeps & Patres amplissimi, natum apud nos proxima fortuna, vobis merito dicandum censuimus, & putavimus vos accepturos benigne prompteque, tametsi munus exiguum, sicut Artaxerxes rex Persarum haustam aquam e proximo flumine jucundus suscepit, quam operarius obvius obtulerat, atque eo magis quia vos decet præcipue vestrarum rerum gestarum fautores esse, & ego nihil propterea stipendii petam, id quod vestra facili munificentia soliti estis dare etiam iis, qui solummodo professi sunt, & nihil aut parum benemeriti de Republica. Tu vero ille es, qui in istis maximam partem habes, & te sæpe invenies Princeps jucundissime, sic enim libet te compellare præfatione verissima, quæ antehac in aliis obsoleverat. Namque tu te soles ita omnibus facilem præstare, ut omnes sciant, quam ex æquo tecum vivat imperium, triumphalis & victor, procurator & legatus in castris, & quod iis nobilius fecisti, dum illud senatorio ordini præstas sapiens consilii, atque hæc omnia reipublicæ, & talis fuisti in omnibus magistratibus domi forisque, qualis in castrensi contubernio, nec quicquam mutavit in te fortunæ amplitudo in iis, nisi ut prodesse tantumdem posses, quantum velles. Itaque omnibus in venerationem tui patent illa omnia, quæ etiam nos invitant ad colendum te familiarius, nisi alia via ingens occurras, & longe submoveas ingenii facibus. Fulgurat enim in te vere dicta vis eloquentiæ, & magna sæcunditas animi, ut hæc non possim non trepidus æstimare, subiturus ingenii tui iudicium laceffitum. Multum enim refert publicare, & dicare tibi, quia tum possem dicere, te non fuisse in hoc albo, cum ista condicerem, aut possem te rejicere, sicut fecit Lucilius & M. Tullius cum scriberet de republica, & quanto nos causatius faceremus, nisi usi essemus ista tui nuncupatione. Accedit vilis apparatus, & te hospitem invitavimus, & elegimus iudicem, a quo non licet iniquum aliquid velle, non aliter quam apud Catonem illum hostem ambitus, & gaudentem repulsis tanquam ineptis honoribus, cum apud illos honores ambitione & largitionibus traderentur, & candidati propterea pecunias deponerent, hoc agebant se facere pro innocentia, ne viderentur a Marco Portio Catone rem improbam petere. Et quidem immensa subit cura tibi condigna tribuere, quem positum in excelssimo fastigio reipublicæ, & præditum summa eloquentia cum summa rerum gestarum gloria, religiose adiri etiam a salutantibus scio, sed tamen etiam diis lacte rustici, & multæ nationes supplicant, & litant solummodo mola salsa, quibus tura defuerint, & nemini vitio attribuitur, deos colere, quemadmodum potest. Verum illud nos consolatur, quod tibi dicamus opus memorabile, & libellos non levioris operæ. Namque ingenii capaces sunt, quamvis illud nobis per quam mediocre est, & admittunt excessus, orationes, sermones, casus mirabiles, & rerum eventus varios, atque alia multa, quæ jucunda dictu, & legentibus blanda sunt. Neque tamen unquam adeo istis moveor, ut non semper utilitatem juvandi prætulerim, gratiæ placendi, quod non fecisse videtur Titus Livius, cum scriberet ab origine urbis Romæ potius sibi, quam Romani nominis gloriæ, & utilitati legentium. Ego autem nihil audeo promittere, nisi hoc ipsum, quod tu præstas, ut ad te scribam, & hæc est fiducia operis super tanta nomenclatura, atque æstimatio & pretium, sicut & multa valde pretiosa ideo videntur, quia templis Deorum dicata sunt. Et certe alioquin decreveram, istud hoc mandare hæredibus, ne vita dedisse aliquid ambitioni judicaretur, & proinde tu debes præoccupantibus locum magis magisque favere contra illos, quos scio nobiscum decertaturos. Neque enim nescius sum, me sub eo malo fidere natum esse, ut omnia mea in malam partem accipi soleant, & faba cudi in meum caput, quando malevolis aliis vorti vitio deberet. Neque tamen eo
infi-

ANDREÆ MOCENICI DEDICATIO.

inficias multa adjici posse istis meis, & aliis omnibus editis, ut obiter caveam istos ὀυνηγοροῦντας, sed soleo vitilitigatores eos parvifacere, qui veræ laudis expertes, parati sunt sola obtrectatione alienæ scientiæ famam sibi aucupari, atque eorum orationes sino præterfluere, ut agebat Cato Censorius. Securus ergo per te nuper experiar, an possim aliquid in historia, atque illud maxime me movit, quod intereram rei gerendæ, quæ ardua & memoranda videbatur, & omnia videbam singulatim, quæ domi & militiæ fiebant, unde expertus sum facile illos potuisse a veritate divertere, qui gesta temporum præteritorum scripsere, & qui ab aliis quovis modo relata referre contenti sunt. Namque ego maxime studui in habendis omnibus, quæ in senatu consultabantur, & quæ ex castris, & ex oratoribus nostris apud reges & principes senatui referebantur, & tamen vix potui veritatem elicere, quia eadem res gesta, ab illis qui interfuerant, non uno modo referebatur. Usque adeo oportuit me nonnunquam conjectari & posteritati consulere, ut omnia multo verissima haberentur, neque enim historiam puto, nisi & eadem vera fuerit. Quod si in multis aliis defecero, quod certus sum, certe in hoc, ut omnia vera traderentur diligentissimus fui. Adjeci & illud, ut omnia senatus consulta & regum actiones, quæ in bello gerendo domi consultabantur complexus sim, & quæ deinde ex consulto gerebantur, ut omnia quemadmodum consulta sint oculis legentium subicerentur, & quemadmodum gesta sint. Namque domi consulto opus est, & foris mature facto postquam consulueris, & non aliter bene se res habet, si alterutrum defuerit aut arma foris aut domi consilium. Totum vero opus P. OP. non me latet sumpsisse ad scribendum difficile, & non posse nisi per vos alienis auribus placere, atque ideo vestram opem imploro, & præsertim te nostrum ducem inclytum fautorem voco, ut suscipias ista qualiacunque, illa tua facie hilari digna imperio, & proceritate augustissima, sicut soles omnia jucunde excipere, & te gerere erga omnes tanto summissius, quanto es omnibus superior. Hæc tua virtus est, & vera magnitudo animi, non solum potentia & dignitate, sed humanitate præcellere, & majora alia, quæ dicenda in aliud tempus differo, ne modo in magnitudine rerum tuarum confundar, dum nimium volo brevem epistolam scribere. Cæterum quia fuisti istorum pars maxima, ideo valde letatus sum, tibi Principi dicare, bellum istud Cameracense, quod ita appellare collibuit a principio, quia principium totius plusquam medium perhibetur, & nolui festiviorem titulum excogitare, sicut Græci solebant vocare, alii κηρίον, alii λαιμὸν, alii κέρας ἀμαλθείας, quos in eo non sequer, sed illud laudo, quod solebant pendenti titulo inscribere, ut Apelles faciebat, aut Polycletus, & velim ex illis intelligi, ut mihi semper superesset regressus ad veniam. Sed quod nobis licitum est, libenter facimus, & prostemur facile posse errare & decipi, quando nihil mirum videri solet, si bonus etiam aliquando obdormiat, cum multa dicturus accesserit. Quo fit ut non injuria modo secutus sim vestigia antiquorum auctorum in nuncupando fautore, & nulli magis dicandum opus erat, quam tibi Principi & senatui, quorum gesta talia referuntur, quæ possint ad immortalitatem perducere, si nostra aliquid apud posteros valebunt. Id quod fore omnino confido, si te talem fautorem habuerint nostræ istæ lucubrationes, quæ alioquin non audebunt prodire in publicum, nisi tuo tanto patrocinio foveantur. Tu igitur jucunde accipe quicquid est, quod tuum est, & libenter datur, quod dari potest, ex nostra officina tenui & infæcunda, tu majora facito tuo ductu, & tuis auspiciis, & da candorem illum, quem tu melius scis, qui rebus omnibus gestis interfuisti. Et quia parcendum fuit tibi impedito publicis negotiis, subjunxi latius epitomas, unde posses breviter omnia intelligere, quæ in singulis libris continentur, atque alii etiam per te poterunt non perlegere, sed ex eo querere aliquid & scire, quo loco inveniant. Valete.

ANDREÆ MOCENICI,

P. V. D.

BELLICAMERACENSIS
HISTORIÆ

Epitoma

EX LIBRO PRIMO.

BELLI Causæ quærentur, & quemadmodum inter principes Italiæ discordiæ ortæ sunt, & Ludovicus Sfortia regem Gallorum Carolum contra Ferdinandum regem Neapolis in Italiam accersivit. Et quidem Rex Gallorum facile compos voti factus est, quia statim hostes in fugam conversi sunt. Sed Galli ea victoria nimium insolenter utebantur, atque iccirco ab omnibus in illos conventum est, & facile Italia expulsi sunt. Quoniam vero per idem tempus res Pisana Venetorum auspiciis agebatur, Ludovicus Sfortia veritus eos nimium aspirare, Turcas & Christianos reges in Venetos hortatus est, & cum alioquin bellum ingens instaret, Veneti compulsi sunt, contra ducem Ludovicum Sfortiam, fœdus inire cum Ludovico rege Gallorum, qui in demortui regis Caroli locum suffectus est. Sic ea faba in caput Ludovici Sfortiæ cudebatur, & demum ille semel expulsus, atque iterum captivus in Galliam abductus est. Postea referuntur ea, quæ Galli cum Hispanis apud Neapolim gessere, & quemadmodum res omnes pacatæ sunt, simul ac rex Hispaniæ Gallam uxorem duxit. Inde Rex Gallorum cepit machinari in Venetos, atque eo maxime dum itur obviam Germanis, qui volebant per Tridentum in Italiam irrumperere. Ceterum Rex Romanorum Venetos socios malebat, si illi transitum dare contenti sint. Sed Veneti nunquam passi sunt, ad Germanos desciscere, quamvis amplæ conditiones proponerentur, & tandem e Senatu consulto potius cum Gallis statum est. Quare primo cum Germanis ad Cadubrium certamen fuit, & hostes ad unum cæsi sunt, atque identidem ad Goriciam & Tergestum res cessit ex sententia, & ambæ civitates in Venetorum potestatem venerunt, atque amplius Rex Romanorum declinavit ad inducias cum Venetis, & illæ denique in triennium factæ sunt. Sed quia Gallus orator rei agendæ non interfuerat, inde belli istius causæ quærebantur, & tandem reges Cameracense fœdus in Venetos pepigere. Deinde sub digressionem rerum Venetarum series habetur, quemadmodum civitas opibus aucta est, & quænam bella feliciter gesta sunt, dum boni mores veterum excoluntur, & aliter cum primum illi immutari capti sunt, labefactata civitas est, quia potius quam mare opiferum, dissidiosa continens spectabatur, & cum regibus ibatur de bello in bellum, quousque in istud bellum Cameracense, perventum est. Ceterum quia difficile Venetis erat, contra tantos reges pugnare, illi primo quoque tempore egerunt cum Pontifice & Regibus Angliæ, Hispaniæ & Germaniæ, si aliquo pacto possent inita fœdera disturbare, & cum ea parum profectura viderentur, ingentes copiæ parabantur ad Ravennam, ad Justinopolim, ad Veronam, ad Forum Julii, & ad flumen Abduam præsertim contra Gallos ibatur. Comparata quoque maritima classis est, quæ oram Apuliæ & Flaminiae tueretur, & Padana classis altera, quæ posset suppetere, si qua vis ingruat ex Ferraria. Nihilominus copiæ hostium parabantur, atque passim ad confinia pugnabatur. Namque Marchio Mantuæ in expeditionem exivit, & Calale majus cepit, atque identidem parte alia majoribus copiis agebatur, quia Mediolani magnus magister annem Abduam trajecit, & cepit oppidum Trivilium, atque amplius in incerto res erat, quousque ad Caravagium vis hostium repressa est, sicut & contra Marchionem Mantuæ apud Asulam oppidum, & contra exercitum Pontificis apud Ravennam urbem stabatur, simul ac Pontifex valle Lamonia & civitate Faventia potitus est. Parte alia Venetorum omnis exercitus ad flumen Abduam venit, hostes repulsi sunt, vi receptum Trivilium, & omnia prædæ militibus fuere. Sed ea præda valde perniciose Venetis fuit, quia inde multæ discordiæ ortæ sunt, & hostes potuerunt annem impune trajicere, & paulopost ad Pandinum oppidum, infaustum certamen fuit, & vires Venetæ accisæ sunt. Quare Venetiis valde tumultuatum est, curatumque copias colligere, & exercitui supplementum mittere, atque augere classem ad quinquaginta trirēmum. Sed quamvis domi foris-

A. Mocenicus,

A

que

que omnia fierent, quæ usui forent, usque ad Veneta æstuaria tamen paulatim recessum est, quia omnes urbes & oppida res novas molirentur præter oppidum Pischeriæ, quod vi captum in hostium potestatem venit. Et quidem aliæ urbes ultro etiam regibus tradebantur, atque amplius Veneti assidue pacem implorabant, sed tantum absuit, ut passim bello potius ageretur. Namque parte alia Dux Ferrariæ terra marique infestus erat, & parte alia Rex Romanorum incepit novum bellum gerere in Istria & Forojulii, atque amplius cum magno exercitu in Italiam venit, ubi Germani magna crudelitate utebantur, quamvis passim deditio fiebat. Itaque apud Mestrum oppidum quoque in castris Venetis tumultuatum est. Sed Andreas Gritti legatus oratione placavit, iussitque milites iterum dare nomina, & jurare imperata facessere, quia alioquin nemo amplius sub ordinibus militiæ stabat. Pari modo apud Tarvisium seditio orta est, & cives volebant Maximiliano regi civitatem tradere, nisi illa statim compressa esset favore popularium, qui propterea immunitate donati sunt, atque omnis exercitus Tarvisium venit. Deinde muniendæ urbi, & colligendis frugibus studebatur. Namque de patriciorum frugibus cum Patavinis maxima quæstio fuit, & tandem propterea paratis omnibus ex sententia, clanculum contra Patavium ibatur, & quia passim agricolæ pro Venetis stabant, custodes Patavii ad fores decepti sunt, Venetorum omnis exercitus in urbem venit, & Patavium in fidem iterum recepta est.

LIBER PRIMUS.



SCRIBERE aggredior bellum multorum Regum adversus Venetos, tum quia illud nostris temporibus gestum est, tum quia valde memorabile videtur. Namque si veterum etiam Atheniensium & Romanorum gesta magnifica censemus, nusquam tale exemplum reperimus, ut cum tantis simul regibus ageretur, quanti & quales isti sunt, de quibus modo dicturi sumus. Sed antequam tantum opus incipiam, ut res omnes melius innotescant, referam succincte omnia, quæ consentanea videntur. Mortuo Duce Mediolani Galeatio Sfortia, quia Joannes Galeatius ejus filius puer erat, ei demum tutor fuit Patruus Ludovicus Sfortia. Sed cum ille adolevisset, & Isabellam neptem Neapolitani Ferdinandi Regis uxorem duxisset, Rex ægre ferebat Joannem Galeatium Mediolani Ducem non agere, atque eam rem enixe curabat. Igitur quia alioquin ita fore Ludovicus merito verebatur, sicut illis solet accidere, qui non legitime imperant, statim adversus Regem, Gallos in Italiam accersivit. Neque mora fuit in Carolo Rege Gallorum compositis rebus cum Regibus & præcipue cum Venetis. Itumque est terra marique cum expeditissimis copiis, rerum omnium successu felicissimo, tota subacta Hetruria, depopulata Campania, fama increbrescente sine ullo conflictu hostes in fugam conversi sunt, & ille toto regno positus est. Sed postea parum Gallis cessit ex sententia, quia ab illis coeptum est nimium velle, potentiam aliorum nihil ad vires suas putare, totius Italiæ imperium aspirare, Florentinos in Pisanos movere, atque supra omnia infestos esse Alexandro Pontifici, & propterea ne opprimeretur Ecclesia, inter Pontificem, Regem Hispaniæ, Mediolanenses, & Venetos foedus initum est, & Galli ad Tarrum fluvium fusi fugatique sunt. Et quidem magna fuga Gallorum fuit, atque etiam longe major fuisset, nisi dolo malo magis quam Venetorum, Gallorum rebus Ludovicus Sfortia studisset, quia Venetos Pisam usurpaturos verebatur, & amplius eo auctore Turcæ, Galli, Germani, & Principes Italiæ contra Venetos bellum enixe parabant. Sed forte interea Carolus Rex Gallorum occubuit, & Ludovicus suffectus est, qui maluit sua recipere, quam aliena usurpare, &

A convenire cum Venetis, qui necessitate in eam sententiam ducti sunt, ne alioquin nostræ Venetiæ paterentur. Itaque Ludovicus Rex Gallorum contra Ludovicum Sfortiam in Italiam venit, atque eum semel expulit, & iterum captivum in Galliam duxit, atque amplius Rex Gallorum voluit Neapolitanum regnum iterum vendicare, multoque facilius cum Rege Hispaniæ illud cepit & partitus est. Sed postea inter eos propediem bellum fuit, atque primum Hispani vincebantur, postea paulatim vicerunt, & decompacto Regnum habuere, quia Rex Hispaniæ neptem Regis Gallorum in suam uxorem duxit. Secundum ea conubia belli futuri in Venetos primæ occasiones datæ sunt, atque in excidium Venetarum rerum plusquam semel foedus percussum est. **B** Cæterum omnia, facile dissolvebantur, quoniam Rex Romanorum ad suscipiendum coronam imperii tutissimum iter Romam arripere volentibus Venetis malebat. Denique ea res per nobilissimos Oratores Germaniæ Venetiis agebatur, atque iccirco Rex Gallorum veritus conabatur Venetos in Germanos incessere, quatenus putabat bello proculdubio fieri, ut ipsi amplius non possent coire in amicitiam, & ipse facilius rem suam ageret, quam dudum antea molitus est. Igitur super ea re, quæ maximi momenti videbatur, frequenter actum est in senatu. Multi aderant, qui Gallorum fidem multum suspectam haberent, atque ab eis statim secedendum arbitrarentur. Contra plures erant, qui standum promissis dicerent, atque aliquis eorum in hanc sententiam loquebatur.

C Cogitanti mihi P. C. quid præcipuum nobis attribuitur, nihil magis invenio, quam nomen fidissimarum gentium. Neque id parum putare debetis, quando rerum humanarum maximum vinculum fides perhibetur, quæ si desit, nulla ratio commercii, & foederum haberetur. Nunc vero ea in quæstionem venit, de qua modo dicendum est mihi & cuique optimo, quatenus ne dum is male agit, qui male consulit, sed ille etiam qui alioquin dicendo vetare poterat. Verum id frustra, an ob rem faciam in vestra manu situm est. Certe ego si possem suadere experiar fidem datam Gallis inviolatam servare, & pacem amicam sperare, cum nemo soleat sine causa bellum gerere. **D** Ea vero P. C. ratio futura est, ut sicut antea sequamini amice cum ambobus agere. Neque enim Germani hostes erunt, si propter initum foedus cum

cum Gallis esse eis auxilio, non potestis. Neque Galli ab inito fœdere discedent, tum quia vobiscum res suæ tutissimæ sunt, tum quia cum Rege Romanorum intercedunt nova & vetera odia, quæ semper inter eos futura sunt fomenta discordiæ. Neque vos debet movere, si nuper usus simulatione solita Rex Gallorum visus est filiam suam Claudiam, Carolo filio Ducis Burgundiæ nubere, namque & eventus docuit, & ea vobis consciis ficta, & irrita fœdera fuere. Quod si etiam solummodo cum Rege Gallorum, aut Romanorum, standum esset, Regem Gallorum eligerem, quia ille armis, & divitiis, potior est, & pacem curat, quæ vobis semper usu venit. Rex autem Romanorum Maximilianus plus erogat, quam habet, & semper opere testatur suum esse, ac Regem augustissimum quemque maxime decere, bellum famigerum semper gerere, ut vos scilicet ejus partes sequamini, si potius quam pacem, mavultis bellum, nervosque reipublicæ, & vestras opes projicere. Duo sunt. P. C. quæ majores vestros semper studiosos pacis fecere. Alterum est, quod pace latius, imperium vestrum propagatum est, & opes vestræ semper auctæ, quæ alioquin bello vigente, externo milite vestro mercenario, profusissime dilapidantur. Alterum est, quod ipsi non erant ignari, rempublicam dominandi plus satis ambitiosam, & bellicosam, regibus cunctis infestam esse. Et quidem ea de causa potissimum, patres vestri externo milite semper usi sunt, ut omnes nationes intelligant, vos semper invitos bellum gerere, & potius semper cupere, Regibus cunctis rem gratam facere. Nempe & vestra interest, & semper debetis sperare, hostes etiam amicos fore, dum quisque suarum rerum Zelotypus est, & semper ægre patitur, alicujus imperium crescere. Igitur debetis semper amice cum omnibus agere, pacem sequi, & bellum fugere. Et quia nuper convenistis cum Gallis, dignitate & fide vestra servata, standum est fœderibus, quæ rite sancita sunt, atque enitendum potius (ut mea fert opinio) eisdem artibus majorum vestrorum, quibus parta, atque longe aucta, vestra majestas est, rempublicam administrare, vestra beneficia & acquisitum nomen fidissimarum gentium, libertatemque vestram, & regum ac principum gratiam, atque pacem placidissimam curare.

Contra alius ita ajebat.

Ego quidem P. C. primus auctor pacis essem, si ea aut bellum proponatur. Sed ne vos seducat nomen pacis semper blandum & amabile, longe aliud est, quod eligere debetis, aut bellum vobis perniciosum, aut bellum vobis utile. Si enim amplas Regis Romanorum conditiones accipietis, cum amplitudine rerum vestrarum bellum geretis. Aliter rege Gallorum auctore multorum regum, proculdubio bellum instat. Ecquid apud nos in incerto res est. Vidistis enim pauloante in vos confectum id fœdus pro infecto habitum, non quia fictum esset, sed quia regnum Britannicæ Duci Burgundiæ non cederet. Adjicite ad hæc nuper tentatæ conjurationis indubios testes, oratores vestros Germaniæ, Petrum Pascalicum, & Vincentium Quirinum. Et quid testibus istis egetis? si hoc ipsum apud vos Regis Romanorum oratores Cardinalis Brixinensis, & Archiepiscopus Treverensis frequenter ajunt, & Regis Gallorum obsignatas literas ostendunt conjurationis futuræ monumenta certissima. Quod si ita se res habet, ut liquido patet, vos consilium antecapere debetis. Usque adeo semper licitum est par pari reddere, & merito omni genere animantium, a natura tributum est, ut se vitam corpusque tueatur, & declinet ea omnia, quæ nocitura viderentur, atque in senatu præcipue omnis quæstio in rationem utilitatis debet cadere. Sic autem utile vobis est Germanos socios potius habere, quia cito parta victoria quiescetis, & Mediolani Dux erit Maximilianus Sfortia. Quod si etiam diuturnum bellum esset, supererunt saltem cum Germanis

A matua commercia, & vobiscum erit etiam Rex Hispaniæ, quando amborum unus Dux Burgundiæ hæres est. Nescio quo nostro fato P. C. in re tam certa magnos viros allucinari, & reipublicæ obviare, ut aliquando dubitem, ne eorum apud vos auctoritas rationem subvertat. Quis enim alioquin putet, Gallis fidem servandam esse, qui fidem fregerint? Quis vana simulachra sibi effingat, odia vetera, & novas inimicitias Regis Gallorum & Romanorum? cum inter eos antea conventum sit, & Reges sola utilitate ducantur. Quis dicat pecuniis parcendum esse, cum aliter simul cum vestris opibus imperium & res vestræ non tutæ futuræ sint. Quis opinetur Gallos rem suam non agere, si possint vestras urbes etiam capere. Ista sunt quæ præferre vos decet, & cavere antequam eveniant, ne si contra spem eveniat, frustra Deos incusetis, & vos facti sero pœniteat. Neque enim spes & ratio salutis supererit, si vestra negligentia, Reges iterum coeant in amicitiam. Capescite P. C. rempublicam in tanto rerum summarum discrimine, dum tempus opportunum habetis, & adhuc integrum est cavere tanta belli sævissimi pericula. An pacem aliquo pacto sperare potestis, si bellum molimini, & venientibus Germanis, vultis obistere. Ea profecto potius belli causa credenda est, ut Rex Romanorum laceffitus injuria, in vos cum Gallis facilius conveniat, & Julius Pontifex ut ipse ait, venenum bibat, vobis futurum acerbius. Et mirum quidem nos tam sæpe putare nobis profuturum amice pariter cum omnibus agere, cum tam sæpe contra eveniat, & omnes putent contra se illum esse, qui secum non est, & qui non colligit dispergere. Igitur quia pacem nusquam estis habituri, bellum suadeo, & amplas conditiones Regis Romanorum accipere. Sic enim reipublicæ optime consulitis, & citius expedietis, bellum vobis utile, quod vos facturos, omnino confido, nisi plusquam ratione, fato in contrarium ducamini. Postquam dicendi factus est finis consuetum studium servandæ fidei superavit, itumque est in eam sententiam, ut fœdus sancitum simul cum Gallis ita inviolatum servaretur, ne aliquo pacto Germani hostes haberentur. Verum Rex Romanorum supraquam oportuit id ægre tulit, atque statim bellum movit, Cadubrium cepit & diripuit, pariterque urbes finitimas aggressus est, & perrexit agros vastare & prædas agere. Contra Veneti necessitate compulsi sunt locis auxilio esse, hostibus obviam ire. Denique ad Cadubrium prælium confectum est, & Germani omnes ad unum crudeliter cæsi sunt. Atque amplius Livianus cum legato, Georgio Cornelio ea victoria naviter utebatur, & iccirco statim recepit deditione Cadubrium, Regisque Romanorum multa oppida, & denique Goritiam & Tergestum expugnavit. Parte alia belli vis major incumbibat, & Venetorum Gallorumque juncæ majores copię Regi Maximiliano venienti per Tridentum acriter obliscebant, ut tandem ille rerum difficultate moveretur de induciis agere. Et diu quidem per Zachariam Contarenum legatum Venetum, & Gallum Carolum Zuphre, cum Legatis Cæsaris ad Ripam oppidum actum est. Sed denique sine interventu legati Regis Gallorum inducias in triennium pacti sunt, quia Germani alioquin nolebant comprehendere Ducem Geldriæ, quæ olim Sicambria dicebatur, & nos frequenter de industria usi sumus istis provinciarum, regionum, oppidorum, urbium, & locorum propriis nominibus, quibus nunc utimur, ut omnes facilius intelligerent, & Veneti non tenebantur de iis agere, quæ ultra montes haberentur. Inde tamen est quæsitæ ratio discordiæ, adeo Galli Venetos socios nuper indignabantur, & non amplius æqua ex æquo volebant, sicut illis solet accidere, qui mutua societate frequenter abusi sunt.

Illud vero inter Reges præcipue quærebatur, quomodo quisque civitates *Venetorum* reciperet, quæ aliquo pacto ad se spectare viderentur. Et quidem *Julius Pontifex Venetos* civitates habere *Ariminum* & *Faventiam* æquo animo ferre non poterat, & quia propriis viribus eas recuperare non posset, de conciliando Rege *Romanorum* & *Gallorum* cum *Helvetiis* agebat. Rex autem *Maximilianus* desperatione ductus declinabat ad *Gallos*, tum quia cum *Venetis* rem infeliciter gesserat, tum quia cum eis nulla ratio pacis haberetur. Regem vero *Hispaniæ* Regis *Romanorum* voluntati oportebat acquiescere propter metum Ducis *Burgundiæ*, qui alioquin iturus in *Hispaniam* videbatur. Igitur inter eos actum est, & ventum facile in *Venetos* ad foedus *Cameracense*, & hæc hæctenus de industria compendio complexi sumus, quæ alii diffuse scripsere, quia ista non intendimus, nisi quantum ad nostrum bellum istud *Cameracense* facere visa sunt. Et quoniam res postulat de *Venetis* dicere, dicemus ea breviter quæ ad propositum facere videntur.

SATIS CONSTAT *Venetiam* provinciam dictam fuisse ab *Henetis*, quæ gens *Paphlagonum* cum *Antenore* in *Italiam* venit, & quoniam *Gothico Hunnico*que tumultu inde passim in insulas migratum est, ubi sedem primariam posuere; quasi venientium tutissimum refugium merito *Venetias* appellarunt. Et primum a *Patavis* rivum altum inhabitari ceptum est, atque ex agro *Patavino* qui aufugerant in littoribus *Medoacum*, *Fossamclodiam*, & *Albiolam*, *Aquilejenses Gradum*, *Concordienses Caprulas*, *Altinates* sex propinquas insulas condidere. Et quidem illæ in dies frequentiores fiebant, quia boni mores colebantur, & sine libidine & avaritia cum maxima concordia & æquitate administrabatur respublica. Asciti in urbem novam præsertim navalis fabricæ & rei maritimæ periti, eam rem summa ope curabant, & vacabant maxime commerciis. Namque ista pars est *Italiæ* amœnissima & pulcherrima, sita ad mare affluum, irrigua fluminibus, lacubus, stagnis, saltibus, nemoribus, agrorum ubertate, frugumque omni genere copiola, & convehendis mercibus valde accommoda. Igitur omnes pariter loci opportunitate utebantur. Alii quibus fortuna amplior erat, aut novis institutis civitatem formabant, aut peragrabant orbem mercimoniis. Alii quibus domi angusta res erat, peregrinas merces in mediterranea convehabant. Alii piscationibus & salinis. Alii alio modo victum quærebant. Delecti primum qui plus faperent annua imperia, & singuli in singulis insulis reipublicæ confidebant. Ii curæ similitudine appellabantur Tribuni, quia tribuerent unicuique quod suum est. Post ubi *Longobardico* tumultu tribunitia potestas in seditionem civilem se convertit, mutato more novum Ducem fecere, penes quem esset omnis decus & majestas imperii simul cum tribunis & aliis, qui rogabantur consultandi gratia accedere, quotiens de republica ageretur. Illi vero optimi quique legebantur, & scientissimi earum rerum de quibus pro tempore agendum erat, & quorum animus in consulendo liber esset, & nulli libidini obnoxius. Neque difficultas erat eligere, quando omnium ingens amor vigeat erga rempublicam. Accedebat maximum æquitatis studium, & religionis cultus præcipuus, atque honores probitati & virtutibus dabantur. Cæterum plerique corpus suum navalibus officiis exercebant, & in illis præcipue volebant excellere, atque ideo talibus viris nihil asperum aut arduum videbatur, quia nemo vitabat maris pericula, & sicut quisque maxime negotiosus erat, sic quisque belli laboribus assueve-

rat. Sed postquam his artibus res *Veneta* opibus & civibus accrescere videretur, ex finitimis multæ difficultates ortæ sunt. Namque primo *Istri*, *Liburni*, & *Dalmatæ* maritimis latrociniiis tentare, deinde *Longobardi*, *Galli*, *Saraceni*, *Hunni* & *Gothi* terra marique majori bello laceßere. At *Veneti* intenti paratique hostibus obviam ire, libertatem, patriam, parentes tueri, præsertimque pyratas infectari, & *Saracenos* propellere, qui quotannis soliti erant totam *Italiam* diripere, unde *Venetis* sinus *Adriatici* merito acquisitum jus dicitur, quia virtute hostes *Ecclesiæ* frequenter propulerant. Deinde cum domi pacatæ res essent, illi etiam libenter portabant finitimis auxilia, & assidue conabantur eos placare, mollire animos, conciliare in amicitiam, odium & invidiam beneficiis vincere. Successivis tamen etiam temporibus vario eventu pugnatum est cum *Græcis*, *Veronensibus*, *Patavinis*, *Ferrariensibus*, *Tergestinis*, *Aquilejensibus*, *Pisanis*, *Anconitanis*, *Bonomiensibus*, & cum *Liguribus* maximis odiis annis centum & amplius bellum exercuimus, atque in eo bello *Ligustico* quia *Theodorus* nimis similis *Georgio* videbatur, in Deum tutelarem *Marcum* Evangelistam suffecimus. Insuper cum *Turcis* sæpenumero bella aspera gerebantur, & semper fuimus antemurale *Christianæ Ecclesiæ*, ut nisi nimium digrederer a proposito, possem equidem de *Venetis* multa præclara facinora dicere, victas gentes, captas urbes, disjectas classes, Regna edomita, dum terra marique bello acriter ageretur. Namque forte etiam non injuria *Venetorum* res gestæ domi & militiæ satis amplæ & magnificæ videri possent, si *Venetis* fuissent quantum collibuit extollendi præclara ingenia. Verum priscis *Venetis* potius curæ erat facere quam dicere, ingenium simul cum corpore exercere, domi frugalitatem, rempublicam, libertatem, amicitias, in primisque justitiam excolere, foris audacter arma capeßere, pericula subire, malle mori quam ignominiam pati. Sed mortuo *Thoma Mocenico* meo atavo sub quo Duce res *Veneta* pace, opibus, probitate hominum, & bonitate artium floruerat, successit *Franciscus Foscarus* & bello *Philippico* impliciti sumus, posthabito mari & commerciis, unde virtus divitiæ & bona multa provenierant, atque amplius ceptum est dissidere cum Regibus, & de bello in bellum ibatur. Usque adeo animum adverterunt ad continentem & destituerunt mare opiferum, atque labefactati animi & capti continentis luxuria facile diverterunt a laboribus ad delitias. Itaque dum *Turcis* parum obviam iretur, illi potuerunt in magnum imperium crescere, totam *Thraciam* & *Græciam* subigere atque nostras urbes maritimas capere & diripere. Neque enim *Veneti* poterant contra *Turcas* sufficere, quando variis bellis in continenti tenerentur. Et illud maxime periculosum fuit, quod cum *Hercule* Duce *Ferrariæ* & tota *Italia* gestum est, atque illud magis invidiosum, quando civitates *Apuliæ* in pignus habuimus, urbemque *Ariminum* & *Faventiam* cepimus. Sed illud suspicione non caruit, quod volumus in *Florentinos* pro *Pisanis* bellum assumere, atque ideo *Ludovicus Sfortia* *Gallos* primum in *Italiam* accersivit, & bella alia orta sunt, atque istud denique, cum Reges *Romanorum* & *Gallorum* dominandi Zelotypia ducerentur, & Patres rogati nunquam satis ostenderent, quarum partium futuri essent. Has reor irarum & belli futuri causas fuisse, aut potius sine causa Rex *Gallorum* volebat movere in *Venetos*, quia & antea simile foedus pepigerat. Sed illud facile solutum est, cum *Galli* proceres non paterentur regnum *Britanniæ* Duci *Burgundiæ* cedere, atque istud identidem *Veneti* distur-

disturbare primo quoque tempore nitebantur, & quia multum refert, quarum partium Pontifex esset, protinus illi in eam sententiam literæ dabantur. *Non ab re factum summe Pontifex putamus si modo apud te de bello & pace in questionem venit. Namque tu caput religionis Christianæ justa ab injustis merito debes secernere, atque videre, ne injuste quisquam agat. Et nunc maxime interest ista regem contra nos inopina vincula dissolvere, si Rex Gallorum hostis nobis nostra culpa non est. Neque enim solum de nobis agitur, sed etiam de tota Italia, quando Rex Gallorum præcipue cupit totam Italiam subigere. Nos vero contra facturi sumus quantum in nobis est, sed oportet sicut interest vestra omnium principum Italiæ, sic vicissim etiam vestris auspiciis agere, & non expectare aliquando calamitatem ad vos venturam, si neglexeritis, & putetis hæc ad vos ipsos non pertinere. Igitur quid nostra & tua inter sit tu in primis summe Pontifex videris. Namque ista mala opus est tempestive cavere non minus velle quam posse. Posse vero facile est, si modo velis. Velle autem debes, quia bellum inimicum tollere, & pacem amicam dare, te decet præcipue, cuius proprium est semper pacis auctorem esse. Pari modo cum Rege Angliæ per Andreæ Baduarium oratorem agebatur, si velit contra Gallos irrumperere. Cum Rege autem Germaniæ & Hispaniæ Veneti quantum dici potest omni officio usi sunt, si possent res omnes componere. Sed cum frustra fierent omnia similia, illi denique conversi ad rempublicam sedulo bellum parare, arma expedire, urbes munire, & nihil earum rerum relinquere, quæ bello futuro usui fore viderentur, & præsertim intercidebant itinera, & ducebant aggerem ad saltus, unde in Germaniam itur. Postea commeatus, homines, equi, currus, & jumenta omnia censa sunt, & delecti omnes pedites agricolæ e regionum ordinibus, qui semper ad bellum instruebantur, atque amplius in tanto rerum turbine exteræ nationes quæsitæ sunt. Sed nemo venit ex superiori Germania, neque ex Pannonia Michael Frangipanes Joannes comes Corbarviæ & Bothandreas præfectus Liburniæ cum mille quingentis levitibus. Neque venerunt ex Roma Duces Ursini & Sabelli cum trecentis quinquaginta militibus ut convenerant. Aliter e Creta magna venerunt Zagdari, sagittarii agreste ac semiferum genus hominum, & ex Peloponneso, ac tota Græcia Illyria, Liburnia, Dalmatia, Mysia, Macedonia, equites levis armaturæ stratiotæ, pileati, hastati, atque ex tota Campania & Apulia delecti pedites passim in castra Veneta confluebant, & denique omnes copiæ Venetorum tribus millibus militum, quatuor millibus levitum, & triginta millibus peditum censebantur. Non tamen fortasse ut par erat, in hostem ad flumen Abduam omnibus copiis ibatur, sed partitæ omnes erant, ad Faventiam quingenti milites, totidem levites, & quinque millia peditum, ad Veronam totidem, ad Forum Julii quingenti hastati equites, in Istria quoque ad mille peditum ordines adscripti sunt. Insuper in lacu Benaco Zacharias Lauretanus præfectus classem non contemnendam habebat, ut ea comprimere posset, si repente aliqua vis ingruat ex Germania. Et quia simul cum Pontifice Dux Ferrariæ & Rex Hispaniæ hostis erat, & passim terra marique bellum enixe parabatur, Apuliam provinciam Joannes Maurus cum classe quadriremium sortitus est. Laurentius Sagredus cum armatis cymbis littora Flaminie & Sebastianus Maurus cum Padana classe proxima flumina. Cæteræ omnes copiæ castrametatae fuerant ad Pontemvicum. Cui summa in castris rerum demandabatur, primum ducem agebat Pitiliani Comes Nicolaus Ursinus vir pru-*

dentia, & longa rerum bellicarum experientia celeberrimus. Pariter gubernatoria potestate fulgebatur, Bartholomeus Livianus lingua & manu promptus, nec non multi peritissimi ductores erant, simul cum legatis Georgio Cornelio & Andrea Gritto. Postea de belli ratione frequenter agebatur, & quidem optimus quisque diutinas moras inculcare, simul ac omnia parata sunt, ut egregium quantum vis facinus feliciter aggredi possent. Igitur dicere pro militum honore & gloria, pro Venetorum re & amplitudine proficiscendum esse versus flumen Abduam, ubi consultaretur quid agendum esset, standumne, an ulterius eundum, prout tempus exiget, & oblata occasio videretur, atque ea excipiens Imperator exercitus convocata concione ita locutus est. *Video libenter in vobis Milites virtutem Italiæ, & cum adeo ad bellum accincti sitis, vobis in mentem venire existimo, quomodo victorem exercitum Caroli Regis Gallorum ad Tarrum fluvium fudistis, fugastisque. Illud quidem difficilius fuit, quia hostis erat integer viribus & exultans victoria. Nunc vero longe facilior vobis res est, cum eisdem victis hostibus, qui nuper prætergressi juga Alpium inter saxa & rupes illi contusique sunt, atque fame, illuvie, & squallore, ipsi enecti, arma quassata & fracta, claudi equi & debiles, ut vos victores, cum victis, vos integri, cum debilitato pedite & equite pugnaturi sitis. Maeste virtute vestrum quisque esto habiturus quicquid petit, atque eum animum gerat, qui victoribus adversus victos esse solet. Quod si Dii fœderum arbitri ante hæc Caroli Regis Gallorum cum Alexandro Pontifice violandum fœdus uli sunt, multo magis Ludovico Regi Gallorum debent esse irati, atque infesti. Si quidem is fœdus cum Venetis rite sancitum violavit, atque dolo malo hostis est, ea tantum de causa, & nimia dominandi cupidine, qua similiter cæteris omnibus nationibus hostis est. Atque utinam vobis hoc tantum certamen esset pro aliena libertate, de qua quondam agebatur. Sed modo pro vestra salute pro libertate Italiæ vobis pugnandum est, neque est alius a tergo exercitus nisi vos vincatis, qui possit hostibus resistere, neque Alpes aliæ sunt, quas dum hostis superat, nova præsidia comparari possint. Igitur ut vultis ad flumen Abduam eundum est, atque acriter obsistendum, Milites, velut si ante Venetam urbem pugnemus. Unusquisque se non corpus suum, sed conjugem ac parvos liberos armis putet protegere, nec domesticas curas solum agitet, sed identidem hoc animo reputet, Patres Venetos, qui semper vos alunt, nostras manus, nunc intueri, qualis nostra vis, virtusque fuerit, talem deinde fortunam illius urbis, & Venetæ Reipublicæ fore. Sic ille milites hortatus est, & deinde versus amnem Abduam ibatur, atque utinam antequam Rex Gallorum & omnes copiæ venissent, Venetæ jam tum instructæ acies, in fines hostium acriter prorupissent, neque in tanta rerum bene gerendarum occasione, tantum prohibuisset, vetus institutum & studium, non irritare, & potius propulsare, quam inferre injuriam. Aliter hostes enim ea occasione usi sunt, non ignari quanti momenti sit, semper hostem antevenire, & in alieno solo bellum gerere. Itaque primo quoque tempore apud amnem Abduam inter finitimos, nuper contumeliosis verbis agebatur, deinde missilibus telis & tormentis militiæ, denique passim vario eventu pugnabatur, & hæc belli prima præludia fuere. Postea vero majoribus copiis gesta res est. Namque Mediolani magnus magister Carolus Dambosia, cum centum quinquaginta militibus, ducentis levitibus, & tribus millibus peditum, amnem Abduam repente trajecit, & pulsus Venetis parabat oppidum Trivium capere, quod cum oppidani vidissent, maluerunt oppi-*

dum dare, & *Venetum* praesidium prodere. Itaque ductores ambo, *Vitellus* & *Vincentius Naldius* venerunt in potestatem hostium, simul cum comite *Brazio*, & *Iustiniano Mauroceno* praefecto levitum. Deinde hostes facile digressi sunt, agros vastare, & praedas agere. Namque passim fuga ex agris in civitates fiebat, & amplius multi cum conjugibus & liberis impune in civitates hostium ibant, & vicina oppida, ut cum hoste prius convenerant deditionem facere festinabant. Aliter tamen apud oppidum *Caravagium*, contra hostes acriter stabatur, quia adversus oppidanos *Bernardinus Tajapetra* praefectus recepit subsidium, & cum hostes signo dato prope oppidum venissent, re infecta repulsi sunt. Interea etiam Marchio *Mantuae Franciscus Gonzaga* cum *Boisensi* Domino, & trecentis militibus, quingentis levitibus, & mille peditibus, in fines *Venetorum* prorupit, & ingentem praedam egit versus oppidum *Casalemajus*, atque illud etiam statim cepit prodicione civium simul cum *Aloysio* bono doctore praefecto illius oppidi. Ille tamen alioquin nunquam potuit *Asulam* oppidum capere, quia *Federicus Contarenus* praefectus, oppidani, & mercenarii milites ire obviam hostibus ausi sunt, & ille compulsum est, ad tuenda propria redire, simul ac *Bartholomaeus Livianus* cum quadringentis militibus, trecentis levitibus, & quatuor millibus peditum, ad Pontem molarum venit, atque inde obviam vicissim stabatur, & frequenter agebatur levibus certaminibus. Parte alia Pontifex *Julius*, armis spiritalibus, & censuris Ecclesiae, in *Venetos* etiam usus est, neque segnius armis temporariis agebatur. Namque Dux *Urbinas*, cum quadringentis militibus, totidem levitibus, & octo millibus peditum, *Venetorum* fines ingressus est, agros vastare, praedas agere, domos comburere, in pueros & mulieres saevire, atque festinare in oppidum *Vallis Lamoniae*. Est oppidum *Brixegella*, ad montem situm, loco natura munito, praesidio stabant octingenti pedites, atque omnis exercitus *Venetorum* per mille passus proximum collem occuparat, ut semper subsidio esse posset. Sed hostes positis insidiis in propinquo nemore, pauci ad oppidum accedunt, & hostem ad leve certamen invitant, certatumque est diu Marte ancipiti, donec venerunt subsidio ex castris *Venetis* ducenti equites levis armaturae, deinde oppidani rati posse vincere, eruptione repente facta hostem invadunt, nescii multos in insidiis latere, & subsidio hostibus protinus fore, ut vero accrevisse illico hostium numerum vident, atque opprimi multitudine, vix obsistunt, & retrocedunt in oppidum, quos inde fusos fugatosque hostes insequuntur, & pariter per portam turris in oppidum vadunt. Igitur ea occasione vi captum oppidum est, & deinde ad castellum admota tormenta militiae, & projectis in terram parietibus atrox certamen obortum est, quia *Veneti* milites fortiter in hostes agunt, cum *Andrea Basilio* praetore, & *Joanne Paulo Manfrono* Duce exercitus, & hostes repulsi sunt iterum atque iterum. Illi tamen denuo magis magisque obnixa conabantur in castellum vadere, & parabant illud vi capere, nisi oppidani festinassent deditionem facere, atque *Andreas Basilius*, cum *Joanne Paulo Manfrono* in hostium potestatem venit. Capto oppido omnis exercitus Pontificis ibat similiter *Rusium* oppidum oppugnare, jamque tormentis militiae moenia acriter quassabantur, & muri passim cadebant. Contra oppidani & septingenti pedites, hostibus obsistere, collapsa moenia reparare, & munimenta adstruere, denique hostes per diruta moenia parabant in castellum ire. Et ecce fusi pabulatores referunt,

A *Venetos* ex *Ravenna* subsidio oppidanis venire, quo fit ut eo hostium arma conversa sint, praemissi levites obviam manum conferere, neque *Veneti* certamen detrectant, certatumque est Marte ancipiti, quousque equites gravis armaturae venerunt hostibus subsidio. Namque inde a *Venetis* cessum est, & *Joannes Graecus* ex equi lapsu in hostium potestatem venit, unde oppidanis timor, & hostibus crevit audacia, atque illi sedulo lignamina, & oppugnandi oppidi, quaecunque essent utilia parabant. Oppidani vero quia nulla spes salutis supererat, deditionem fecerunt, atque ex compacto in fidem recepti sunt, & militibus concessum est, quo vellent impune discedere. Dum ista fiunt venerant *Ravennam* & *Ariminum*, *Hannibal* & *Hermes Bentivoli*, & conabantur accersire suae factionis bis mille pedites, & quingentos equites, ut talibus auxiliis, si possint *Bononiam* subvertant. Verum paulopost superfederunt id facere, desperatione ducti, quia jam *Faventia* desciverat, & vastatis passim agris, urbs *Ravenna* acriter obsidebatur. Igitur Patres passim laceffiti injuria pro viribus obsistere, omnia tueri, custodire, curare, praecipueque versus flumen *Abduam*, atque illuc animum advertere, ubi summa rerum, & belli totius majus onus videbatur incumbere, frequenter e senatu consulto Duces ambos, atque ambos legatos in castris obtestari commonefacere, in tanto rerum discrimine, nihil esse aggrediendum temere, sed in rebus cunctis agendum esse, quam oculatissime, & quam tutissime, ne aliquod detrimentum respublica pateretur. Itaque eo studio sub signis, & sub ordinibus militiae, instructae acies *Venetorum*, versus flumen *Abduam* ibant, & cum primum prope amnem venissent, oppida omnia, quae prius ad hostes desciverant, deditione redierunt in fidem pristinam, atque hostes ultra flumen *Abduam*, facile fusi fugatique sunt, & deinde ad *Ripaltam* oppidum stabatur, tantisper dum iterum in mentem venit in oppidum *Trivilium* ducere. Igitur quia multum refert, in quorum potestatem *Ripaltae* locus esset, inde repulerunt omnes oppidanos, ab annis quindecim ad septuaginta, si quidem de illis suspicabantur, & iussi sunt trecenti pedites, & quinquaginta equites subsidio stare, itumque est versus oppidum *Trivilium*, levigatis prius itineribus, & rebus cunctis ex sententia probe compositis, sub signis & sub ordinibus militiae, ac si protinus cum hoste confligendum esset. Totus exercitus quadruplici acie constabat, quarum qualibet continebantur, levis armaturae quingenti equites, & totidem equites gravis armaturae, ac peditum supra quinque millia. In prima acie & in ipso fincipite *Pitiliani* comes erat, subsequebantur multae fusiles machinae plurium formarum & nominum, simulque ordines custodibant, duae itidem magnae acies intermediae, denique in extrema acie, & in ipso occipite, *Livianus* substes erat, qui illico praestes factus est, simul ac prope oppidum venit, quod situm est, loco paulo eminentiori, haud longe distans a flumine *Abdua*, & amplius probe munitum erat, armis virisque, sexaginta *Gallis* militibus, & mille quingentis peditibus. F Igitur oppidani simul cum adventitio milite, intrepide praemoenibus stare, factosque *Venetos* in conspectu propius ferire tormentis militiae, telis missilibus summovere, & nihil tutum munimentis pati, deinde delecta juvenus, ubi plurimum periculi, & laboris ostendebatur, ibi vi majore obsistere, faciliusque id agere, e turri praesta, quae oppido, & subjectis oppido campis, longe prospiciens imminebat. At *Livianus* ut consulto ceteros antevenit, versus *Cassianum* locum dele-

delegit affigendis machinis contra turrin, & partem muri, quæ debilior videbatur. Et primo quidem tormentis militiæ acriter gesta res est, denique oppositæ fores, & repagula omnia dirupta sunt, & turris quassata, ac muri pars ingens cum ingenti fragore prociderat. Acrius inde obortum prælium est, & jam junctæ acies, quasi patenti campo, inter ruinas concurrunt. Horum animos spes potiundæ victoriæ accendit. Illorum suarum rerum desperatio irritat. Diu anceps certamen fletit, demum *Veneti* multitudine vincebant, & sublato repente ingenti clamore, hostem in ruinas muri expellunt, indeque impeditum, & trepidantem, loco deturbant, fufum fugatumque intra moenia redigunt, atque inter primos *Dionysius Naldius*, cum peditatu lamonio, primum hostium oppidi ingressus est, ut exercitui *Veneto*, aperti aditus paterent, & videri facile posset, spem omnem oppidanorum sitam esse, in auxiliariis copiis suorum, quos ad ferendas suppetias frequentibus lampadibus accerfebant. Neque mora fuit in *Gallis* sociis, quia illi statim venerunt subsidio, neque nostri recusarunt factam copiam pugnandi, immo tantis animis & viribus obviam itum est, ut non absque aliquantula strage eorum, hostes ultra flumen *Abduam* in fugam conversi sint. Igitur ut prius contra *Trivilium* oppidum stabatur, & acriter agebatur tormentis militiæ, quia jam nox incuberat. Quod cum viderent Ductores hostium, rati non expectandum amplius, nocte intempesta ultro venerunt ad colloquium & denique conventum est, duces *Gallorum* captivos esse cæteros milites inermes abire, atque prædæ oppidum fore, *Dionysio* & peditibus lamoniis, quorum virtus in eo bello maxime emicuit. Hinc sine ordine, sine imperio, pariter omnes milites, ad prædam discurrere, diripere, amplius sub signis, & sub ordinibus neque stare neque iussi redire, quinimmo multi onusti præda domum abierunt, ita e *Cremona*, *Crema*, *Brixia*, & *Verona*, oportuit supplementum exercitui mittere, ut ejusmodi *Trivilianæ* victoria, plus mali quam boni attulisse videretur. Siquidem dum peragitur fœdum, exilium, senum, & juvenum, mulierum, & puerorum omnium, qui loco cedere cogebantur, & miserabile spectaculum urbis, quæ solo æquata est, inter milites multæ discordiæ ortæ sunt, & amplius ut opus erat, non iverunt obviam hostibus, dum illi ponte, & angusto calle flumen *Abduam* impune trajicerent. Namque nactus eam occasionem Rex *Gallorum*, quam tutissime cum innumeris tormentis militiæ, totum exercitum traduxit, plusquam centum millium hominum, præter enim exercitum Marchionis *Mantue*, & copias *Mediolanensium* in castris erant, cum Rege comprehensis ducentis nobilibus, mille octingenti milites, & enumeratis tribus millibus *Helvetiorum*, quindecim millia peditum. Igitur tantæ copię *Gallorum* trans fluvium in conspectu hostium locum castris elegerunt, munieruntque vallo & fossa faberrime, postremo *Galli* nihil intentatum reliquere, quod exercitui conservando expediens foret, vigiliis & excubias pro castris ponere, undique exploratores mittere, modo levia concire certamina, & vario eventu, in ea statione comitiaria duorum exercituum, frequenter pugnare, modo aquas omnibus locis adimere, ut tuto loco *Venetos* deturbent, modo occultis itineribus, per silvas & nemora, longe castra hostium circuire, modo insidias locare, atque omnibus modis tentare, si possent aliquo pacto *Venetos* hostes decipere. Sed cum parum prodesse vis occulta videretur, palam agendum rati, cum parte copiarum, in patentes campos

A venerunt, & fecerunt *Veneti* copiam pugnandi diei hora vigesima secunda, qua milites forte cœnabant. Acriter tamen ad arma conclamatum est, atque itum statim sub ordinibus militiæ eodem successu, quo antea levioribus præliis semper superiores extiterant. Namque & nuper identidem hostes usque ad tentoria fusi fugatique sunt. Deinde *Galli* aliud stratagemata fecerunt, & castra moverunt ad *Ripaltam* oppidum, quod parvo discrimine vi ceperunt, æquaruntque solo, & inibi castrametati sunt, atque ad *Venetos* ire jubent tubicinem, & referre, quemadmodum *Galli* ad pugnam parati sunt, ad quam *Livianus*, Regem antea poposcerat. Interea vero *Venotorum* pariter omnis exercitus, ut suis auxilio esse posset, *Cassiram* oppidum situm inter *Ripaltam* & *Caravagium* aliquanto serius venit quam volebat, ut duces & legati satius e republica standum putarent, loco satis munito non pugnaturi, nisi necessitate compellerentur. Sed obiter hostibus acriter respondendum rati sunt, & reverti ad suos tubicinem jubent, atque referre identidem *Livianum* ac omnem exercitum valde animatum esse ad prælia, & numquam detrectaturum pugnare adversus servitutem *Gallorum*, pro libertate *Italiæ*. Sed hostium verbis facta non respondere, siquidem potius quærunt latebras, & interstitia, post flumina, post sentes, & nemora. Si tantopere cupiunt decernere quodcumque collibeat, æquo & aperto Marte prodeant atque habeant pro comperto, nullam moram in hostes *Venetos* fore. Itaque uterque exercitus verbis colluctabatur, & toto illo die tertio Idus Maji, intra castra vallata consistebat, semper habitis vigiliis pro castris, atque statis in locis præmissis semper exploratoribus. *Galli* vero non nescii quantum intersit bellum administrare explorato & excusso consilio, quia alioquin turpiter dicitur: non putaram, diem illam, & totam noctem, semper armati innoctem protraxere, plurima egerunt, quæcumque usui forent, præsertim per transfugas & exploratores, consilia omnia *Venotorum* exacte scrutati sunt, & probe intellexerunt, quacumque ipsi pergant, *Venetos* secuturos esse, & nihil minus expectare quam prælium, quippe qui certo putent *Gallos* amplius non ausuros ultro *Venetos* hostes invadere. Igitur Rex *Gallorum* exploratis omnibus consiliis & itineribus hostium, supra omnia ex opportunitate loci, quo manus conferendæ erant, in spem potiundæ victoriæ ductus est. Verum eam confidentiam hostium, maxime augendam ratus, præcisas multas arbores per itinera transversas apponi fecit. Postea iussis militibus ne quisquam ordine egrederetur, atque cunctis compositis ex sententia, sub signis & sub ordinibus militiæ, omnibus copiis, versus *Pandinum* oppidum, exercitum *Venotorum* antemovit. Erant duo, quæ ducebant *Pandinum* jam antea levigata itinera, superius alterum, alterum inferius, alterum parum distans ab altero, in eo medio stabant conserti vepres, & complicata arbusta, locus repertus de industria, quia ille exercendis levitibus, quibus *Veneti* pollebant, nimis angustus est. Itaque *Galli* paratissimi, quasi semper pugnaturi essent, in hostes directis aciebus & tormentis militiæ, juxta flumen *Abduam* iter inferius tenebant. Tum Rex ipse modo in primo agmine, modo in extremo, sæpe in agminibus mediis, hortator esse, & identidem omnes monere, obtestari, ut memores suæ pristinæ virtutis essent, & se nomenque *Gallorum* a *Venetis* hostibus defendant, dicere cum iis certamen fore, qui nihil tale veriti sunt, apud se quæcumque bonum Imperatorem decet omnia provisum esse, ut prudentes, cum imperitis, plures, cum pau-

paucioribus, meliores bello, cum rudibus, manum conferrent. Proinde parati intentique essent, signo dato hostes *Venetos* invadere, illum diem certissime, nomen *Gallorum* celeberrimum confirmaturum, atque bonarum & maximarum rerum initium fore. Ad hæc viritim uti quemque ob militare aliquod facinus egregium, pecunia aut honore extulerat, commonefacere sui beneficii, & ipsum aliis ostendere, postremo cuiusque ingenio pollicendo, minando, obtestando, alio, & alio modo, alium, & alium summo opere excitare. *Livianus* autem cui prævidendi & imperandi, cura demandata fuerat, consiliorum *Gallorum* hostium penitus ignarus erat, scilicet ut Ducis hostium consilia occulta essent, ipsi in castris veteri instituto, signum Minotauri gerebant. Namque ac si hostes fusi fugatique essent, & non deindustria vincendi occasionem quæsitum irent, *Livianus* præter locum antecapere, nihil amplius curabat, nihil prorsus imperabat, quasi non adhuc imperandi tempus esset, ut plerique milites sine galea, omnes sine imperio essent, atque ita temere e regione hostibus, superiori itinere ibatur. Jam vero *Livianus* cum levis armaturæ omni equitatu & inofficiosis tormentis militiæ, primam aciem hostium antevenerat, cum signo repente dato, cœptum est audiri voces *Gallorum* insultantium, & ubique a lateribus propulsantes machinæ, alii prætergressum primum *Venetorum* agmen invadere, alii medias acies acriter cedere, alii extremum agmen tentare, ubique infesti esse, atque instare omnibus locis, *Venetorum* ordines conturbare. Et quidem primo quoque tempore ordinum collectitiæ copiæ in fugam conversæ sunt, & deinde *Veneti* multi milites, quid agendum nescii, tormentis militiæ peribant, multi impetente milite sauciabantur, neque ipsi contra ferendi bellicis tormentis, aut conferendi manus, ullam rationem habebant, nulla signa, nullos ordines observare, forte resistere, forte omnia facere, nihil consilio, nihil imperio agere. Facies tamen totius negotii dubia adhuc erat, dum *Livianus* milites in unum conducit, ordines quantum potest restituit, cohortes peditum, adversus pedites hostium collocat, & ipse cum delectis militibus prælium revocat, cuncta circuit, omnia pertentat, hostibus instat, suis auxilio adest, simul orando, & hortando milites, ne diffiderent, neu paterentur hostes vincere. Igitur *Veneti* milites optimi quique equites & pedites, tantam impressionem in hostes fecerunt, ut eorum acies inclinaret, facileque appareret, *Venetos* potuisse vincere, nisi ductores alii res novas etiam moliti sint, & alii cum majori parte exercitus, ne auderent quidem hostem conspiceret. Rex autem *Gallorum* cum delectis equitibus & peditibus *Helvetiis* suis illico subsidio venit, & restitutum prælium est, quod cum diu etiam anceps stetisset, denique *Veneti* cæsi fusique sunt, atque omnia impedimenta & tormenta militiæ venerunt in potestatem hostium. *Livianus* quoque captus est, qui antea cum suo equitatu, vim acriter sustinuerat, necnon cum suis veteranis peditibus interfectus occubuit, vir egregius *Petrus Montanus*, cuius potissimum opera, non incruenta victoria hostibus relicta est. Nempe quam *Venetorum* plures hostium equites gravis armaturæ desiderati sunt. Sed apud *Venetos* longe major jactura peditum fuit, tanta vero equitum & peditum fuga, ut nemo præ timore sibi satis constaret, aut usquam videretur posse consistere. Ad Caravagium tamen aliquantum milites respirarunt, & vix tandem imperatoris opera, & legatorum diligentia, omnes exercitus reliquiæ, ac ingentes copiæ e-

A quitum & peditum collectæ sunt, & versus *Brixiam* perrexerunt, ubi militibus stipendium daretur, & consultaretur, quid agendum esset. Sed ubi ea quæ in castris gesta fuerant, *Venetiis* comperta sunt, ingens dolor & metus civitatem invasit, pars re infeliciter gesta dolere, pars insolita rerum bellicarum suæ libertati timere, omnes infensi militibus esse, *Livianum*que incusare, quod *Emilium* potius quam *Varronem* imitatus, de republica desperasset, & capi maluisset, cum posset subterfugere, quam *Venetis* auxilio superesse. Patres autem turbati animis tot motibus uno tempore trepidabant magis quam consulerent. Et primo quidem pro salute publica, supplicationes indictæ sunt, & suscepta vota privatim & publice, denique omnibus modis, pecuniæ congregabantur, ad comparanda ea omnia, quæcumque bello, & imminenti periculo, usui fore viderentur. Classis aucta est ad numerum quinquaginta trirremium, & *Angelo Trivisano* datum classis imperium, ut contra classem *Gallorum* staretur, quæ *Genue* parari dicebatur. Classis quoque præfecto *Hieronymo Contareno* datum negocium est, annonam abunde curare, & permissum amplius, omnia externa navigia, ac si *Venetae* naves essent, portare annonam *Venetias*. Et quia in dies magis magisque milites libenter abibant, primo quoque tempore e senatu consulto cautum est, exercitum augere, ad duo millia militum, & decem millia peditum, atque ex *Mysia* adscribere, quatuor millia levitum, simulque duobus legatis, *Petro Duodo*, & *Christophoro Mauro* cura injuncta est, congregandi dispersos milites, atque confirmandi popularium & civium animos in fidem pristinam, hortando, obtestando, pollicendo, se semper eis auxilio fore. Cæterum cum domi parum vires suppetere viderentur, patres iterum atque iterum *Julium Pontificem*, & Reges, *Germaniæ*, *Angliæ*, & *Hispaniæ* hortabantur, Regis *Gallorum* elati victoria, regnandi cupidinem immodicam tempestive comprimere. Aliter sero re *Veneta* collabante, quid de se futurum esset, ipsi viderint, quando nemini dubium esse debeat, insatiabilem animum regis ambitiosi fore, nunc Regi *Angliæ*, nunc Regi *Hispaniæ*, vicissim bellum inferre, atque sedi Apostolicæ, & coronæ imperatoris insidias parare. Igitur in primis precabantur *Julium Pontificem* tanta arma temporaria, & spiritalia deponere, seque optatæ pacis decentissime auctorem præstare, atque sibi magis magisque *Venetos* obnoxios reddere. Sed omnia frustra fiebant, sicut etiam frustra Patres usi sunt opera *Michaëlis Pontani*, ut *Prosperus Columna* vir belli scientissimus, locumtenens in castris haberetur. Siquidem putabant, sub novis iis auspiciis, de summa rerum posse melius sperare. Namque alioquin bello confracti milites, atque propemodum amentes erant, & sicut ægre congregabantur, sic ægre in castris pretio aut precibus retinebantur. Ea enim sunt quæ secum afferunt mala res adversæ, ut quem amicum fidissimum, in rebus prosperis expertus fueris, eum in adversis, a te alienum reperiās, si ejus opera uti velis. Itaque *Venetorum* labefactatus omnis exercitus, nihil amplius audere, nihil amplius sperare, quatenus omnis omnium in fuga sita spes erat. Pluries legati & Imperator exercitus, modo precibus, modo minis, modo verbis asperis, modo lenibus conati sunt, milites sub signis, & sub ordinibus militiæ revocare, & nunquam potuerunt id facere. Pars adscribi iterum recusare. Pars præ magna trepidatione, nihil magis quam commeatum velle. Pars acceptis etiam pecuniis, domum abire, omnes sine ordine, sine imperio esse, omnes

omnes duplum stipendium exigere, neque postea iussa facere, aut ordines servare, aut urbes custodire, aut consilia & itinera hostium explorare, quinimmo quique milites in patriam repedere, pro ut ab hoste paulatim recedebatur. At legati imperterriti, & Imperator exercitus, quid facto opus esset, frequenter consulere, deinde mature facere, nihil prætermittere, quod usui foret, exercitum resumere, milites beneficiis demereri, equos, arma, refectioes, pecunias, abunde tradere, illudque præsertim precari, ut memores beneficiorum essent, atque in tanto rerum discrimine, rempublicam sulciperent, quæ de ipsis semper fuisset benemerita. Nihil esse quod timeant, aut desperent, si modo vires & animos priores sumant, quibus ausi fuerant hostem antea, levioribus certaminibus propellere. Et quoniam *Brixia* etiam titubatum esset, alter legatus *Andreas Gritius*, urbem ingressus est, & convocatis omnibus istam orationem habuit. Si unquam *Brixien*ses Socii fideissimi reipublicæ nostræ vestra fides usui fuit, nunc maxime ea futura est, quam certo scimus constantissimam fore. Namque ejus rei indubia testimonia patrum vestrorum habemus, qui bello *Philippico*, potius quam deficere, maluerunt pati omnia difficilia. Et amplius *Petrus Avogarius*, clanculum per vallem *Sabiam* *Venetias* venit, & quia *Veneti* non poterant per mensem, ut petebatur, suppetere, & malebant *Brixien*ses deditionem facere, quam ea pati, quæ victi, urbe vi capta pati solent, ipse nunquam passus est, & per alium mensem commeatum in urbem tulit, servavitque donec noster exercitus subsidio venit. Sed vos istæ difficultates non premunt, atque amplius munitiorem urbem habetis, & majora præsidia, ut nisi videamini ad deditionem spectare, hostis civitatem non obsideat. Quod si etiam obsideat, nequaquam ea re gravari vos decet, neque id bellum pro nobis iniquo animo ferre. Veniat quæso in mentem vestram modo ut bello *Philippico*, trepidos quondam majores, vestros exceptos in fidem defenderimus annis triginta & amplius, quibus propter vos, adversus *Philippum* ducem, vario eventu bellum diutinum gestum est. Adjicite ad hæc, quod æquas conditiones tulimus, quod nostras leges, quod ad extremum, id quod ante *Abduensem* certe cladem maximum fuit, civitatem nostram vobis dedimus, atque res omnes nostras, ac si vestræ essent, semper vobiscum libenter communicavimus. Itaque & vos communem hanc cladem, quæ modo accepta est, credere *Brixien*ses oportet, & communem, patriam tuendam esse, atque eo plus quam parentes vestri fecerunt, quod non cum duce *Mediolani* *Philippo* res est, ut cum a nobis ablatum sit, in Italia tamen imperium maneat. Gallus hostis est, gente barbarus, natura immitis, moribus efferus, libidine incontinentissimus, ut detestabile sit, cuilibet modo in Italia genito, eos dominos habere, e Gallia ac ultra inaccessible *Alpium* juga, jura petere, & Italiam Gallorum pati provinciam esse. Vobis modo non minus quam patribus vestris olim, pulchrum profecto *Brixien*ses erit, prolapsum modo quantacunque clade *Venetum* imperium, vestra fide, vestris & nostris viribus, atque opibus, retentum ac recuperatum esse. Igitur quæso facite, ne spes nos fallat, quam in vobis habemus, reparandæ reipublicæ. Namque domi & foris sunt, quanta vultis auxilia, ut si illam quam præ nos ferimus, fidem indubiam, patrum vestrorum habetis, neque Gallus se vicisse sentiet, neque *Veneti* se victos esse existimabunt. Sed ea frustra dicebantur, quia jamdudum *Brixien*ses, auctore *Joanne Francisco Gambarà*, ad deditionem spectabant, & propterea in urbem, non nisi *Brixien*ses equites, subsidio recepti sunt, atque inde cum toto exercitu, versus *Pischeriam* oppidum, magnis itineribus iba-

tur. Interea Rex Gallorum exultans victoria, nunc hunc, nunc illum, manu prensare, quemque laudare, quemque donare, more militiæ, dicere, non amplius bellum illis gerendum, sed prædam agendam esse, omnia oppida, & urbes *Venetorum*, ad defectionem spectare, se compertum habere per transfugas, & exploratores *Venetorum* omnem exercitum conversum esse in fugam trepidissimam, plerosque milites, accepto commeatu abire, multos invitis ducibus aufugere, ut apparens sit, non verus exercitus, iners, imbellis, indocilis, inobediens, vecors, & plenus formidine. Itaque exploratis omnibus, & cunctis compositis ex sententia, castra movit, atque agmine quadrato, versus *Brixiam* perrexit, rerum omnium successu felicissimo. Namque ex agris cultores passim, ex cunctis oppidis cives obviam procedere, præsidium & præfectos Gallos accipere, præsidium *Venetorum* prodere, præfectos *Venetos* in captivitatem ducere, frumentum dare, commeatum portare, aliaque affatim quæcunque usui forent præstare, & postremo omnia, quæ imperabantur facere. Ita paucis consulto prætereo tam multa oppida, quia illa adeo leviter in potestatem hostium facta sunt, ut nulla passa sint, hostes conspiciere, sicut etiam ad sonum tubæ defecit magna *Brixia*, *Cremona*, *Crema*, & prima urbs *Bergomum*, in monte sita, & bene munita, omnibus utilibus. Rex ergo cum urbes omnes obtinisset, quæ sibi ex partitione contigerant, præsidia valida, *Cremonæ*, *Cræmæ*, & *Bergomi* distribuit, atque *Brixia* magnificum triumphum egit. Dum ea apud hostes aguntur, *Veneti* *Pischeriam* oppidum profecti sunt, & cum id loci exercitui non satis tutum fore videretur, si repente Gallorum aliqua vis ingruat, neque *Veronenses* exercitum urbem, aut urbis *Civitatum* ingredi paterentur, diu cum illis agebatur, & quia illi oratione flecti non poterant, denique in *Campo Martio*, juxta *Veronam* castra *Veneta* sita sunt. Hostes autem Galli *Pischeriam* oppugnabant, & concutiebant mœnia, tormentis militiæ. Contra oppidani & milites, acriter obistere, *Antonius Bonus*, & *Andreas Ripanus* omnia, quæ usui forent imperare & facere, sed parum potuerunt proficere, quia demum hostes obnixi, cuneo facto, per diruta mœnia validentes, oppido potiti sunt, & de *Venetorum* militibus, magna edita cædes est. Namque *Antonius Bonus* præfectus, cum *Andrea Ripano*, & *Vico Perusino* duce peditum, in hostium potestatem venit, & cæteri omnes, quadringenti quinquaginta pedites, ad unum crudeliter cæsi sunt. Deinde Galli trajecturi amnem *Mintium*, totius exercitus *Venetorum*, ultimam internecionem minabantur, necnon *Archen*ses Domini collecta multitudine tumultuaria agrestium, nunc vi istud oppidum, nunc illud deditione capere conabantur, & quod pejus erat, in primisque compulerat, urbes & oppida *Venetorum*, res novas moliri, rumor in dies magis magisque cepit increbrescere, Regem *Romanorum*, cum octo millibus equitum, & duodecim millibus peditum, *Tridentum* venire, simulque sexdecim millia hominum, versus *Forum Julii* festinare. Parte quoque alia Dux *Ferrariæ* ultro ausus est, *Venetis* terra marique bellum inferre, vastare agros, aggredi oppida, cymbis obsidere *Padi* ostia, ac toto deprædari pelago. Verum supra omnia illud maxime *Venetos* angebat, quod Pontifex illis interdixerat, censuris Ecclesiæ, nisi termino constituto, omnia redderent, quæ quoquomodo, ad sedem Pontificiam, spectare viderentur, & amplius Rex *Hispaniæ* poscebat oppigneratas civitates *Apuliæ*, & passim alioquin contra *Venetos* bellum enixe pa-

rabatur. Igitur Patres, potius quam consilio, trepidatione ducti sunt, adversæ fortunæ cedere & omnia, ut cumque petita, omnibus ultro tradere, sicut & *Julio Pontifici, Ariminum, Faventia, Ravenna, & Cervia*, civitates traditæ sunt, *Duci Ferrariæ tota Rhodigii peninsula, & Regi Hispaniæ civitates Apuliæ*. Sed Regi Romanorum tradita est urbs *Verona, Vincentia, & Patavium*, ne Galli hostes ulterius progredierentur, & amplius quantum Rex ipse *Maximilianus* volebat, tantum dabatur, assidue precando, & obtestando, dum res *Venetæ*, adeo periclitantur, quibus semper usus esset, valde familiariter, & semper uti posset, ac si suæ res essent, ut rem suam probe prospiciat, an suarum rerum hostis potius, an amicus accederet. Cæterum prorsus omnia frustra fiebant, adeo nemo contentus erat eorum, quæ sponte vocatis etiam præsidibus tradebantur. Namque Pontifex noluit, ut conveniret, e civitatibus præsides *Venetos* abire, & asportare tormenta militiæ, & *Dux Ferrariæ* ultra *Rhodigianam Pollesinum*, in *Venetos* movit, & disjecit classem eorum tormentis militiæ, quam *Sebastianus Maurus* per amnem *Athesim* ductabat. Rex autem *Hispaniæ*, terra marique, armis etiam usus est, & aliquas urbes vi cepit, quia noluit expectare ultro recipere. Pari modo Rex Romanorum non contentus habere *Veronam, Vincentiam, & Patavium* novum bellum incepit gerere in *Istria, & Foro Julii*. Namque primo quoque tempore *Christophorus Frangipanes*, cum quingentis equitibus, & totidem peditibus, in *Istriam* venit, & vi cepit oppidum *Duinum & Pisinum*, quia uti viribus malebat, agros vastare, prædas agere, fædare, diripere, & victis nihil reliqui facere. Ille tamen nuper non potuit *Raspruchium* capere, quia *Venetorum* viginti septem equites, & quinquaginta pedites, cum prætore *Francisco Delphino* acriter hostibus obviam ibant, & locus ipse clivofus est, & amplius cum subsidium *Venetis* venisset, contra hostes vicissim stabatur, & sæpe agebatur, levibus certaminibus. Nihilominus *Dux Brunsvigensis* cum duobus millibus hominum, prorupit in *Forum Julii, & Civitate Bellumni, Feltroque* oppido potitus est. Sed alioquin non potuit, *Sclufam* castellum capere, quia *Venetum* præsidium venit, & identidem ea parte, contra hostes acriter stabatur, donec belli *Germanorum* istis præludiis ageretur. Posteaquam vero Rex Romanorum, cum magno exercitu, in *Italiam* venit, passim deditio fiebat, & nemo poterat obviam ire. Namque *Germani* magna sævitia utebantur, agros vastare, prædas agere, nulli sexui parcere, & cuncta igni ferroque subvertere. Itaque consternati Patrum animi, voluerunt aliquando de pace etiam cum *Gallis* agere, si modo loqui apud quemquam facultas esset. Namque sua interesse putabant quoquomodo confractis rebus tantos impetus comprimere, atque omnibus modis pacem amplecti velle, cujus semper studiosissimi sunt, neque unquam bellum aliquod suscipiunt, nisi tuendi se gratia, & necessitate compulsi sint. Neque enim *Veneti* bello assueti sunt, neque oppidani, aut cives focii, sed longa pace opulenti, quamvis fidissimi sint, nullam agrorum vastationem, nullam obsidionem pati possunt. Neque profecto *Venetos* latet ingenia suorum militum, qui conductitii sunt, & bonam operam enavant, si modo res prosperæ cedunt. Sin autem illæ adversæ sint, nihil petulantius, nihil cernas confusius, sicut & modo manifeste patuit, quando paulatim cessum est, & perventum, usque *Mestrum* oppidum. Imperator exercitus præter fugam, nihil amplius curare, non ordines distribuere, non excubias loca-

are, denique quicquid facto opus esset, an standum, an eundum, nihil imperare, non animadvertere in milites, quicumque furentur, ordines relinquant, aufugiant, agant impune, quodcumque collibeat. Igitur omnis exercitus, sine duce, sine ordine, sine imperio esse, multi quotidie e castris aufugere, omnia facinora quantum vis gravia impune perpetrare, omnia militaria opera recusare, non signa sequi, non ordines observare, non ea quæ imperabantur facere. Accedebat quod dolo malo disseminatum est, & vulgo dicebatur, ob id stipendia non dari militibus, quia Patres ita potius vellent, omnem exercitum dissolvere, & cum de ea re, præsertim ductores conquererentur, & frequenter legatos rogarent, ut si ea mens esset reipublicæ, se certiores faciant, sinantque rebus suis tempestive posse consulere. Ea re legati valde commoti sunt, & censuerunt e republica fore ad sedandum tumultum, *Andream Gritum*, ita omnem exercitum alloqui. Illud facile quisque suadere solet Ductores & Milites, quod sibi & illis apparet utile apud quos loquitur. Et quid utilius mihi & vobis potest accidere? quam vos ad reparandam rempublicam servare, qui omnia ejus adversa pertulistis, sicut veros amicos decet, ne eam jam nullam esse patere mini. Neque enim suspicione caret, si quis prosperum vitæ cursum comitetur, sed qui sinceræ fidei in adversis rebus cognoscitur, quicquid præstat a constanti benevolentia profiscitur. Vos tales estis Ductores & Milites & nostram rempublicam labantem tenuistis, ut bene ingrati simus, nisi erga vos gratissimi simus atque vos omnes, & vestra omnia, summa ope, semper servemus. Nempe exercitus iste cor nostrum est, vos milites estis nostra viscera, quod si cor & viscera pereant, quid auxilii superesse potest, atque iccirco nostra potissimum interest, exercitui supra omnia studere, confirmando, augendo, tutando. Ecquid apud vos in incerto res est? siquidem ampla testimonia esse possunt, assidua nostra studia, adscribendi milites, supplementum exercitui. Quod si aliquis etiam dubitet, ex nostro testimonio, pro comperito habeat, certissimam mentem reipublicæ esse, neminem vestrum discedere, atque ita cupimus persistendi, ut eadem mens vestra sit. Neque enim patres nostri multitudinem rerum opprimi, aut varietate negotiorum confundi, aut agendorum magnitudine superari patiuntur, quæ multa hujusmodi in adversis solent accidere, & nunc maxime Patres solliciti sunt fortiter & prudenter bellum administrare, urbes, exercitus servare, atque res tantas & varias mente gerere, ratione disponere, diligentia obire, & gubernare sapientia. Et vos identidem Milites capescite modo rempublicam, vos confractis rebus subvenite, vos pariter totius Italiæ de qua agitur, libertatem defendite, & quanto difficilius est, tanto audentius enitimini, etenim ea vera gloria militum, & virtus est, si rebus adversis illi fortes & animosi sint. In vobis speramus Milites, in vestra manu situm est, rem *Venetam* collabantem reparare persistendo & expectando, tantisper dum fortuna biceps respectet. Igitur durate quæso, atque tuemini libenter res nostras ac si vestræ res essent. Vestræ profecto res sunt, quando semper nostra stipendia, vobis suppetunt, atque in dies magis magisque itidem fiet, si modo ut certo credimus nostris opibus, vestra fide, virtuteque rem *Venetam* simul & libertatem Italiæ a servitute Gallorum, cum ingenti vestra gloria conservetis. His dictis milites placati animis iussi iterum dare nomina, percensu singulatim & quique optimi delecti sunt, pro ut tempus exigere videbatur, ut omnes essent sexcenti milites, mille quadringenti levites, & sena millia peditum, simulque omnes stipendium acceperunt, & jure jurando adacti sunt semper signa sequi, semper ordines

dines observare, semper omnia quæ imperarentur facere. Dum ea vero in castris geruntur *Tarvisi* plussatis tumultuatum est. Namque *Leonardus Dressanus* imperatorius nuncius illam quoque civitatem pertentare aggressus est. Sed parum cessit ex sententia, cum pro *Venetis* exules *Tarvisi* bonam operam enavassent, quia nuper indemnitate donati fuerant, & *Venetias* pergens orator Regis *Hungariæ*, quia novitate rei motus est, dum ingrederetur *Tarvisium* pro *Venetis* identidem egit, & dixit oportere *Marcum* potius acclamare, & sic a comitibus repente exceptum & acclamatum est, atque amplius *Marcus Cerdus* fidiſſimus vexillum *Marci* sustulit in media platea, cepitque identidem alta voce pro *Venetis* dicere, atque ea excipiens præfectus urbis in eam sententiam locutus est. Nos equidem *Tarvisini* deditionem faciendi primi auctores essemus, si vestra interesset & nostra, etenim a nobis vestrum nihil alienum putamus. Si quidem quod parti nocuum, aut proficuum est, idem & toti, aut obesse, aut prodesse solet. Vos Cives & Populares nostri estis pars maxima, vestra civitas nostrum suburbium est. Quod si manus aut pes in officio non maneat, totum corpus collabitur, & corpus econtrario se bene habet, si membra omnia officiosa sint, sicut & nunc proculdubio eveniet, si modo vos officiosi sitis, respublica & totum corpus facile convalescet. *Patavium* quidem & *Vincentia* urbes bona nostra venia Regi *Romanorum* traditæ sunt ne *Gallus* hostis progrediretur, neu vastationem agrorum, aut quampiam obſidionem paterentur, atque eadem vobis data facultas esset, qui quanto propinquiore, tanto cariores estis, si eadem vereri deberetis. Atqui nullæ copiæ hostium adsunt, quæ vobis ne tantillum quidem obesse possint, ut multo satius vestra fides satis spectata persistendo confirmetur, & nostris copiis auxiliaribus, omnes res vestræ tutæ sint. Ecquid res vestræ tutæ esse possunt? si petat *Leonardus Dressanus* qui *Patavium* retinere non posset si mens nostra retrorsum eat. Ecquid si etiam vestræ tutæ res essent? tam parum ne vobis curæ est vestra fides, & in vos nostra beneficia, ut potius cum Rege *Romanorum* quam nobiscum res vestras salvas esse velletis. Nunquam profecto vestra omnia tuta esse possunt sine nostra frequenti opera, nos semper vos tutati sumus, nos fovimus & juvimus, nos omnium rerumstrarum, ac si vestræ res essent, semper vos complices libenter fecimus, & nunc etiam ut magis magisque obnoxii sitis, omnes immunitate donamus, & si quid est quod vultis amplius morem geremus, nihil habentes antiquius, quam vobis semper rem gratam facere. Igitur & vos memores beneficiorum estote, & in fide persistite, ut vestra opera res *Venetæ* minus accise videantur, & reversuræ in statum pristinum, quod facile ut spero eveniet, nisi forte volens animus me fallit, & vos magis barbaris hostibus inservire quam frui libertate *Italiæ* parati estis. Sic ille locutus est, & omnes acclamarunt velle fidem servare, & omnia quæ imperarentur facere. Deinde septingenti pedites in urbem recepti sunt, & distributi arci foroque & cunctis portis custodiæ, ne quisquam amplius multitudinem seducere, aut aliquo pacto res novas moliri posset, simulque quod maxime intererat tantum commeatuum intra civitatem asportarunt, ut in omnem eventum annona posset sufficere. Et quia in eo tumultu quidam bona *Judæorum* diripuerant, datum negotium est quibusdam civibus cum quadringentis delectis peditibus urbem custodire, vicatim ire, & ubique auxilio esse, ne aliquid tale amplius posset accidere. Servata urbe *Tarvisio* ceptum est audentius in hostes ire, & legati *Veneti* præcipue conati sunt, hinc inde cum equitatu & peditatu totam provinciam revifere, factiosos cives com-

A pescere, & præsertim agricolis auxilio esse, quibus hostes infesti erant propter messem, de qua frequenter agebatur. Igitur nostri milites nunc stare, nunc hostibus obviam ire, nunc hoc, nunc illud oppidum vi aut deditione recipere, denique dum acriter ageretur, collata agricolis facultas est fruges colligere, & *Venetias* asportare. Namque alioquin de frugibus maxime apud *Patavium* in quæſtionem venit, & quia *Patavini* plussatis duriusculi videbantur, Patres valde commoti sunt, & aliquando cogitabant, propterea de recipienda urbe *Patavio*. Sed modo *Venetorum* præcipua cura versabatur circa id, quod exercitui munitum foret, atque ideo de tutiori loco castrametandi magna quæſtio fuit, & denique creditum est locum tutissimum exercitui fore, qui *Mergariam* & *Mestrum* oppidum interjacet, si propugnaculis, fossa, & aggeribus apprime muniretur, quatenus neque aquæ adimi possunt, nisi supra quatuor millia passuum ut adimi nequeant, nisi amicis & inimicis demantur, neque ex proximis *Venetis* defuturæ suppetiæ videbantur, & amplius quia locus iste intermedius est *Patavio*, *Vincentiæ*, *Tarvisio*, & *Forojulii* semper inde milites esse poterant terrori hostibus, & ubique sociis auxilio. Sed alioquin cum Rex *Romanorum* usque *Valliseram* oppidum venisset & videretur, aut *Venetum* exercitum, aut urbem *Tarvisium*, propediem velle invadere, visum est magis e republica, atque tutius urbi *Tarvisio*, & exercitui fore universas copias, intra mœnia statim ducere. Igitur primo quoque tempore datum negotium est *Lucio Malvetio*, & *Joanni Mariæ Fregosio* *Tarvisium* anteire, & omnia gratanter componere, deinde cum omnibus copiis itum est, & omnis exercitus cum commoditate sub ordinibus tantis hospes venit, ut facile omnibus daretur intelligi non illum oneri, sed omni officio semper paratissimum fore. Deinde opera, & fossores distributi sunt per loca omnia, ut urbem inexpugnabilem redderent, aggeres construendo & propugnacula, atque aquas affatim sublevando, quæ circa totam urbem abunde vagarentur. Itaque *Veneti* multo commodius contra hostes frequenter ibant, & passim levia certamina fiebant. Namque ubique sociis agricolis auxilio ibatur, sicut & nuper *Andreas Gritus* cum levitibus prope oppidum *Axilium* venit vetare, quæ frequenter fiebant prædationes & vastationes agrorum, & statim jubet, ducentos levites anteire, & videre copias hostium ubi & quantæ essent, & quid pararent.

E Huic alæ equitum hostes occurrunt, nostri primo fugam simulare, ac hostes confisos in subjectam oppido planitiem paulatim protrahere conati sunt, denique sumpta occasione loci corruerunt in prælia. Et primo quidem acriter certabatur, sed postremo de hostibus magna edita cædes est, & multi capti sunt, atque alii vix potuerunt in oppidum evadere, & cum *Veneti* levites redirent in castra, ex victoria parta cum manubiis hostium, ab agricolis excepti sunt cum maximo applausu, atque vino, pane & obsoniis, & supra omnia vultus boni accedebant, ut omnes amice comederent, quæcumque libentissime tradebantur. Usque adeo omnes agricolæ maximos affectus in rempublicam præ se ferre, semper armati & officiosi esse, semper omnem suam operam polliceri, semper omnia quæ imperabantur sedulo præstare, omnia itinera hostium & consilia propalare, sæpe etiam nacti occasionem rerum bene gerendarum *Venetos* accersere, & potissimum ducere, in spem potiundi *Patavio*, simul ac urbs illa incustodita videretur. Igitur primo quoque tempore datum negotium est, *Andree Gritto* ire & videre, si possit urbem *Pata-*

vium recipere. Ille vero tantam rem mature agendum ratus, eo ordine cuncta distribuit, ut *Citolus Perusinus*, *Lactantius Bergomensis*, & *Bernardinus Parmensis* caput itineris, & consilii cum peditatu veteranorum *Miranum* rus pergant, sequenti nocte profecturi *Patavium*, quos pariter sequatur *Alvisus Dardanus*, cum ingenti manu agrestium. Ipse vero *Andreas Gritus* cum quadringentis levis armaturæ delectis equitibus *Novalem* oppidum constituit petere, atque inde *Patavium* ire, & junctis copiis cum peditibus impetere portam *Patavii*, cui *Cauda longa* nomen est. Et quoniam diversione etiam opus erat, visum est, ut opera *Philippi Parutæ Gambarariensis* agricolæ ad duo millia hominum excirentur, & parte urbis opposita, *Portellum Patavii* acriter invaderent cum trecentis peditibus, & sexaginta hastatis equitibus, ac omni præsidio *Veneto*, quod *Meduaci* flumine subvehebatur in classe paratissima, & amplius parte alia ne quisquam *Patavinis* subsidio esse posset, alter legatus *Christophorus Maurus* cum quinquaginta equitibus, & mille peditibus, *Civitatalam* oppidum ibat invadere. Itaque *Andreas Gritus*, eo die septimodecimo calendas augusti, pedites & equites ad loca constituta expedire, omnia parare, quæcumque usui forent, denique cunctis compositis exsententia locis simul omnibus die postera *Patavium* itum est. Et primo quidem inter eundem apud *Stratam* castellum *Gambararienses* agricolæ feliciter egerunt contra hostes *Germanos*. Namque dum illi recusant deditionem facere contra viribus agebatur, & tandem hostes victi cæsi que sunt, & vi captum castellum est, atque amplius parte alia, dum ea res agitur, primi pedites *Patavium* venerunt, & summo mane obnixa humeris portam aperuerunt semiclausam, ut forte paulo ante quibusdam scæni curribus patuerat. Tum

A tres pileati equites hastati præmissi sunt urbem explorare, dum cæteri omnes fores obsident, quibus renunciantibus omnia imparata, & impræmeditata esse, omnis exercitus introgressus in forum usque perrexit, semper anteeunte, & in primis agente *Vulpensi* equite, & *Joanne Diedo* cum equitatu, & cum peditatu *Citolo Perusino*, & *Lactantio Bergomensi* quorum in eo bello maxime virtus emicuit. At *Leonardus Dressanus* accitus tubarum clangore refono, & sublato clamore venientium cum trecentis *Germanis* peditibus primo obviam ire, atque acriter obfistere, demum ingruente multitudine, paulatim recedere, usque quo omnes intra arcem recepti sunt. B Inde Comes *Brunorius Saregus* cum quinquaginta equitibus gravis armaturæ & *Civitatala* urbis prorupit, atque in *Venetos* impetum fecit, & pro virili expertus est, an multi a paucis aliquo pacto vinci possent, præliumque sustinuit tantis animis, ut aliquandiu in incerto esset, quis cederet. Denique verò *Cæsariani* milites multitudine opprimebantur, & circumventi simul a fronte, a tergo, & a lateribus omnes cæsi, aut capti sunt. Deinde paribus animis in arcem ibatur, & quidem *Leonardus Dressanus* quantum in se fuit arcem defendere conatus est. Sed postquam videt omnia plena hostium, neque superesse spem aliquam, se arcemque & præsidium dedit. C Victis hostibus, victores ad prædam conversi sunt, quæ ingens omnis generis fuit, quamvis enim *Andreas Gritus* id fieri noluisse, *Judæorum* tamen omnia prædæ militibus fuere, & nonnullæ domus quorundam civium, qui nimium factiosi visi sunt. Tantus vero fletus & ululatus passim edebatur, ac si diriperetur tota civitas, & quia in die *Marinæ* virginis urbs *Patavium* in potestatem *Venetorum* rediit statutum est, ut ea dies semper celebris haberetur.

Epitoma

EX LIBRO SECUNDO.



RECEPTA urbe Patavio cum Maximiliano rege de pace iterum agebatur, sed nihil fiebat, & plus solito *Germani* in *Istriam* & *Forumjulii* proruperant, ubi frequenter vicissim res erat, atque multa oppida sæpius capta receptaque sunt, & passim levita certamina fiebant, dum *Germani* volunt servare & prædas agere, & *Veneti* contra sociis auxilio ubique sunt. Sed apud civitatem *Austriæ* vis hostium repressa est, & simul ac *Angelus Trivisanus* cum classe in *Istriam* venit, civitatem *Fluminis* vi cepit diripuit & solo æquavit. Aliter rex *Romanorum* cum magno exercitu contra *Patavium* in expeditionem ibat, & *Venetorum* omnis exercitus urbem ingressus est. Deinde studebatur *Patavium* munire, ordines distribuere, & quia forte apud *Insulam Scalanam* *Marchio Mantuæ* temere stabat, *Veneti* obiter ea occasione usi sunt. Et quidem res cessit ex sententia, quia clanculum ibatur, *Marchio Mantuæ* cum militibus, & divite supellectili in *Venetorum* potestatem venit, & *Venetias* abductus est. Hostes autem *Ferrarienses* ex altera, & *Germani* ex altera, agros vastare, prædas agere, denique obsidere *Patavium* festinabant, atque iccirco ex agris fuga passim fiebat, abducebanturque ad paludes animalia, & miseri agricolæ *Venetias* venerunt, & habuerunt paratam domum, instructumque penus ex ære publico. Namque & si multi custodēs animalium foris essent, hostes tamen frequenter prædabantur, & mittebant levita certamina. Contra *Veneti* ad servandam urbem *Patavium* omnia parare & facere, quæ in rem sunt. Dux quoque oratione usus & operatus est, ex totis *Venetiis* *Patavio* supplementum mittere. Et quidem *Patavina* obsidio diutina fuit, & multa levita certamina fiebant. Deinde hostes diverterunt Ateste oppidum, & *Monfalicem* capere & diripere, quibus peractis cum magna strage *Venetorum* militum, iterum contra *Patavium* ibatur. Et quia centum millium hominum omnis exercitus hostium erat, & merito dubitabatur de republica, ideo militibus nostris qui *Paduæ* præsidio stabant, plenæ exhortationum e senatu consulto redditæ literæ sunt. Legati quoque & Imperator exercitus milites inhortabantur imperata facessere, urbem servare, sedulo usui esse, & in verbis conceptis muros urbis concutere, & frustra in urbem ad deditionem convolutis literis sagittæ conjiciebantur. Namque acrius etiam contra hostes agebatur, & modo noctu eruptiones fiebant usque ad stationes hostium, modo interdiu in hostes ibatur ordines disturbare & intercipere, si qui hostium palantes ibant. Aliter ad portam *Caudæ longæ* atrox certamen fuit, quia nimium *Hispani* pedites ausi sunt murum ascendere. Namque propterea multi eorum exusti & contriti sunt, & pauci integri potuerunt evadere. Sed ea victoria ceperunt nostri milites insolescere & imperata non facere, quia *Veneti* legati solvendo non erant, ut valde in incerto res

res esset, nisi pecuniæ impune ex Venetiis portarentur, quando propter sublatum pulverem hostes obvii nequiverunt in Venetos vectores agere. Patres autem solliciti de summa rerum frequenter hortabantur Regem Angliæ contra Gallos in expeditionem exire, & ea occasione uti, quando Rex Gallorum implicitus esset rebus Italiæ. Et quia Rex Romanorum videbatur velle antecapere, atque excire Turcas in Venetos, qui antebac promiserant Venetis affore auxilio, Veneti compulsi sunt cum Turcis identidem agere, oblata grante excipere, atque auxilium implorare, quia etiam Rex Pannoniæ cum classe Gallica & Hispana in Dalmatiam bellum moliri videretur. Sed præcipue studebatur obsidionem levare, & parare alterum exercitum apud Mestrum ex manu collectitia cum peditibus & equitibus qui Tarvisii subsidio stabant. Et quidem apud Patavium sepe mittebantur levia certamina cum hostium magno malo, quia semper illi repellebantur, & nunquam totis viribus agebatur, dum Galli volunt non nisi subsidio stare. Igitur hostes denique soluta obsidione potius digressi sunt prædas agere. Sed ex opulentia discordia orta est, & hostes copias partiti sunt. Et quia Vincentiæ non nisi Germani ad septem millia hominum erant, Venetorum omnis exercitus cum manu collectitia in eam expeditionem exivit, & cum nequisset urbem vi capere, Vincentini voluerunt deditionem facere, & Germani impune dimissi sunt. Sed Veneti milites nesciverunt uti victoria & celeritate qua oportuit, atque ideo apud Veronam postea res parum cessit ex sententia, quia Rex Romanorum iterum in Italiam venit, & parte alia Germani qui abierant ex Vincentia ubique infesti erant, nisi Alexander Bigolinus ad vallem fidatam illis obviam esset, & illi abissent in Germaniam. Parte alia Aloysius Mocenicus cum exercitu in arcem Scalanam ibat, quia finitima oppida deditione receperat. Et primo quidem tormentis militiæ acriter agebatur, postea atrox certamen fuit, denique vi capta arx est, & omnia prædæ militibus fuere, atque identidem gestum est feliciter apud Castrum novum Forijulii, ubi multa quoque levia certamina fiebant, & frequenter cum hostibus res erat. Angelus autem Trivisanus cum ingenti classe in Ferrariam perrexit agros vastare, prædas agere, igni ferroque omnia passim subvertere. Sed tandem res cessit aliter quam putarat, quia dum temere statuerat, Veneta classis disjecta est, & amplius hostes Lauretum cepere, atque ituri longius videbantur, nisi alioquin Itali & Galli invicem pugnassent, & multi hostium perissent. Namque propterea Veneti potuerunt classem rescire, & apud Rhodigianam Pollesinum stabatur. Postea apud Hospiciolum de pace cum Germanis oratoribus agebatur, & quia tandem re infecta Germani oratores recesserant, pacis auctor identidem Rex Angliæ querebatur, & Achilles Crassus Pontificis orator agens apud Cæsarem. Namque Veneti censuris apostolicis expiati, cum Pontifice de bello & pace identidem agebant, quia Pontifex ad Venetos declinabat, curabatque Regem Angliæ a Gallis avertere, & Helvetios mercenarios habere. Aliter Rex Romanorum propterea oratorem Pontificis expulit, qui profectus inde in Pannoniam cum Petro Pascalico pro Venetis frustra identidem egit, quia Helianus Gallus orator, omnia disturbavit, & Regem Pannoniæ ad recuperandam Dalmatiam oratione hortatus est. Veneti vero interea pene Veronam obsidebant, & quia Veronenses aliqui Petri castellum pollicebantur tradere, nocte media in eam expeditionem ibatur. Sed scalæ breviores fuere, & Veneti seipsis in fugam conversi sunt, atque ideo hostes statim moverunt in Venetos, quamvis alioquin ea res parum cessit eis, ex sententia. Namque compulsi sunt in urbem propediem redire, atque amplius multi hostium in Veneta castra confluebant, & quia illi Germani milites essent, benigne excipiebantur, ut Hispanis & Gallis suspiciosum & dissidiosum foret.

LIBER SECUNDUS.



Verbe recepta Patavio visa est res Veneta aliquantum respirare, & instaurati animi sunt, quia ad conciliandum Regem Romanorum facilius videbatur. Neque enim Patres Veneti bello vigente aliquid satis tutum fore putabant, apud quos semper fuit nomen pacis blandum & amabile. Igitur ejus rei auctores, & Regem Hungariæ, & Regem Angliæ, frequenter exposcebant, simulque Nurembergensi communitati Germaniæ in eam sententiam literæ datæ sunt. Non equidem nostra culpa. P. N. Cæsar nobis hostis est, atque adeo ejus aures obturatæ sunt, ut colloquendi nusquam facultas sit. Neque id tamen in ipsum referimus, qui clementissimus est, sed potius id fieri putamus suggestionem malevolentium, qui dum sibi tantum consultum existimant, nullam rationem habent collapsuri Romani imperii, etenim muneribus capti sunt, & non vident Gallos natura Germanis infestos esse, & gestire coronam imperii. Et quidem ea Cæsari in aperto res est. Namque ipse sæpe etiam profitebatur, facile collapsura machinamenta hujusmodi, si celeri remedio occurratur, sicut & nos futurum credimus, si modo Cæsar ita velit ut potest, obviam ire, atque ea quæ fecimus, & quæ per oratores dicturi facturi sumus in bonam partem accipere. Et quæ nam nos egimus adversus Cæsarem? nisi ea quæ plena officii sint. Bello lacesciti tuendi nos gratia obstitimus, & quæ ceperamus ultro reddimus, dum ea re Regem Maximilianum placatum iri, merito putaremus. Insuper modo ne dum cupimus foedus rite factum validum & inviolatum esse,

A sed etiam pacem perpetuam intercedere cum vestro Cæsare, cujus si possumus esse volumus, semper cultores obsequentissimi. Verum obstant obtrectatores quibus vos obviam ire par est, dum nostra simul & res vestra agitur, quando mutua nostra commercia vicissim semper usui sint. Nostra præsertim in vobis sita spes est, & in Deo optimo maximo, quem procul dubio speramus nobis auxilio fore, non immemorem eorum quæ semper egimus servandæ & augendæ Christianæ Religionis gratia. Namque alioquin Reges terræ nobis infesti sunt magis quam unquam in Turcas fuerint, & rem Venetam, quanto maxime possunt perditum eunt. Vos igitur auctore Deo in vobis, qui semper antiqua benevolentia nobis conjunctissimi fuistis, nostram quæso causam agite apud Cæsarem, ut vestra opera illo conciliato nobiscum, vos rebus nostris omnibus uti possitis, atque conservata dignitas, & civitas nostra non magis nobis, quam vobis semper usui sit. Neque cum Rege Romanorum de pace solummodo per litteras agebatur, sed etiam per nuncios, simul ac ille contentus fuit Venetos oratores admittere. Sed frustra omnia fiebant, quamvis pacis amplæ conditiones proponerentur. Hostes enim Germani potius bellum gerere parati sunt, & nuper ad sævitiam, canibus etiam utebantur in quibus odora vis est. Namque ea via pueros & mulieres quærebant per segetes, & alia loca subterranea, & exitii novo genere, venationes hominum habebantur. Non tamen potuerunt Monsalconium oppidum Forijulii capere, quia contra acriter stabatur, & ipsi diverterunt Cadubrium capere, quia villici nequiverunt tantam vim hostium sustinere,

* Forte:
Anhalti-
nus.

& qui rei interfuit *Ricinus Reverensis* centurio. Sed circa castellum difficultas fuit, & hostes aliquando repulsi sunt, denique princeps *Analtius** cum decem millibus hominum in castra venit, & cum magna strage castellum etiam vi cepit. Sed postea multi eorum repedarunt in *Germaniam*, simul ac relatum est, quæ nuper apud *Valliseram* oppidum de *Germanis* octingentis hostibus magna edita cædes erat. Namque cum primum *Leonardus Hierosolymitanus* eques & *Petrus Corsius* cum centum levitibus, quadringentis peditibus, & manu agrestium in eam expeditionem exissent, oppidum vi captum est, & omnia prædæ militibus fuere, atque amplius sese dedit Civitas *Bellumni*, quam hostes incustoditam reliquerant. Adeo sæpe hostes soliti sunt oppida capere & deserere, ut nulla omnino sint non capta & recepta pluries, id quod singulatim sæpius dicere supervacaneum esset. Verum ut plerumque consuevit accidere, quanto magis *Veneti* contra hostes nitebantur, tanto minus semper illis usui fuit. Namque & nuper ideo Dux *Brunsvigie* cum decem millibus hominum in *Venetos* movit, & *Utinum* urbem statim obsedit. Sed quia viris armisque civitatem bene munitam videt, obsidionem solvit, & in Civitatem *Austriæ* statim ibat. Adeo semper nocuit plus capere quam retinere facultas est, & illos hostem ultro lacescere, qui propulsare injuriam vix apti sunt. Est autem Civitas *Austriæ* sita loco clivoso ad *Natisonem* fluvium. Illi præerat *Federicus Contarenius* vir impiger, & præsidio stabant cives fidissimi, necnon *Vicus Perusinus*, *Antonius Santipetra*, *Lucas Anconitanus*, & *Paulus Baxilius* cum ducentis quinquaginta peditibus. Turre erat & angulus muri ad suburbium *Dominici*, quam cætera planior & patentior. Igitur adversus eum hostes admoverunt tormenta militiæ, & ceperunt noctis secunda vigilia oppidum fortiter concutere. Contra oppidani & milites arma expedire, locum capescere, hostibus obviam ire. Dum vero apud Civitatem *Austriæ* in incerto res esset, *Joannes Paulus Gradonicus* legatus *Forijulii* cum octingentis equitibus, & quingentis peditibus infeliciter conatus est hostem ab oppugnatione avertere. Namque cum primum hostibus relatum esset *Christophorus Frangipanes* cum ducentis *Liburnis* equitibus, haud procul ab oppido se in insidiis locat, & cum *Veneti* proximiores fierent, ipse protinus ex insidiis eos tanto impetu aggressus est, ut parvo momento *Utinenses* omnes cum magna strage victi fusique sint. Secundum eam pugnam reversi hostes elatiores victoria, magis magisque prælium instant. Jamque diu quassata turris procubuerat, atque aditus inter ruinas muri patebant, & hostes progressi propius ea ruina captum oppidum credebant, tripartitoque agmine ubique infesti erant. Contra oppidani ad omnia tuenda & obeunda parati intentique stare, missilibus telis & tormentis bellicis hostem summove-re, & nihil satis tutum munimentis pati. Demum ea parte qua mœnia corruerant utrinque in pugnam procursum est, hostis multitudine hominum abundabat, oppidani invictis animis pollebant, hostes credula spe potiundæ victoriæ summa ope nitebantur, oppidani desperatione compulsi pro nudata mœnibus patria corpora opponebant, nec usquam pedem referebant, ne relicto loco hostem immitterent, multi utrinque peribant, plurimi fauciabantur. Inter muri ruinas ubi prælium & belli futura vis omnis apparebat, oppidani anteposuerant deindustria magnam struem farmentorum & paleæ ac pulveris illius, quo utimur ad tormenta militiæ. Cum ergo diu anceps certamen foret, & oppidani quia præter

A spem resisterent animosiores essent, *Federicus* militem suum singulatim compellare, collaudare, adducere in spem victoriæ, si paululum adnata-tur, omnibus locis instare, omnia curare, sæpe etiam ipse hostem invadere, & loco deturbare ubique hortator esse, omnibus modis suis animum augere, hostibus terrorem incutere. Quibus hortationibus ducti oppidani clamorem repente tollunt, & paratis fomentis ignem supponunt. Accedunt fusiles machinæ sagittarii scorpionarii & tormentarii pedites, qui eminus hostem feribant, ut demum multi hostium combusti ignibus, plures contriti tormentis militiæ & faucii telis missilibus, omnes in fugam conversi sint. Eo conflictu fertur trecentos hostium perisse, & oppidanorum vigintiquinque non amplius. Postea hostes obsidione soluta captoque oppido *Tulminio* in omne facinus prolapsi sunt, in omnem sexum puerorum & mulierum truculenter sævire, & omnia inhumana crudelitate fœdare. Nihilominus ea sævitia usi sunt in *Istria* postquam iverunt ingens supplementum equitibus levis armaturæ qui erant cum *Christophoro Frangipane*, & omnia subvertebant, quia *Franciscus Pascalicus* præfectus ducentorum levitum non poterat hostibus obviam ire, & amplius cum oppidani mille quingenti, & præfides oppidorum in expeditionem exissent municipia Cæsaris capere, apud *Vermen* castellum de illis magna edita cædes est, quia sine ordine sine imperio temere nimium ibatur. Posteaquam vero *Hieronimus Contarenius* cum sex triremibus in *Istriam* venit, pariter terra marique contra *Tergestum* ibatur. Est autem urbs sita ad mare, juxta quam exit in pelagus *Natiso* fluvius, qui finis *Venetiæ* dicitur, fluit & *Timavus* amnis *Tergestum*, *Concordiamque* determinans, qui delatus e montibus decidit in profundum, habens septem fontes fluviatilis aquæ, & deinde absorptus infra terram stadiis circiter centum & triginta erumpit in mare. Postquam autem classis applicuit contra urbem gesta res est, non tamen *Veneti* civitatem ceperunt, quia solummodo tormentis bellicis agebatur, sed sublata omnis vindemia, & ager desolatus est. Atque amplius quia *Fluminenses* hostes ausi fuerant in portu *Curitæ* insulæ cymbam onustam mercimoniis capere, *Philippus Baduarius* illam injuriam graviter ultus est. Namque cum triremi, & duabus uniremibus in regionem hostium venit, oppidumque *Lauranium* vi cepit & diripuit. Verum postea cum abiissent classis præsidia, in caput *Venetorum* ea faba iterum cudebatur, quia propterea plures copiarum hostium convenerunt iterum agros vastare, & plus solito prædas agere, atque amplius cum desolata essent omnia citra *Quietum* fluvium, hostes quingenti equites, & duo millia peditum deditione etiam potiti sunt *Castronovo Istriae*, & oppido *Raspruchio*. Sed paulo post *Christophorus Frangipanes* cum parte copiarum ad tuenda propria recessit, quia *Angelus Trivisanus* cum sexdecim triremibus in *Istriam* venit, & primo quoque tempore contra Civitatem *Fluminis* tormentis bellicis acriter agebatur, postea atrox certamen fuit, denique urbe vi capta, omnia prædæ militibus fuere, & solo æquata civitas est, atque amplius *Veneti* iterum terra marique contra urbem *Tergestum* in expeditionem ibant. Sed quia civitatem armis virisque bene munitam vident, & adhuc satis ad rem agendam copiarum comparatarum non erant, primo quoque tempore studebatur agros vastare & prædas agere, & postea in *Raspruchium* omnibus viribus ibatur. Namque milites & nautæ simul oppidum aggressi sunt, & primo tormentis militiæ gesta res est, & denique admotis scalis in oppidum ibatur, atque illo vi capto

capto omnia prædæ militibus fuere, quibus peractis *Veneta* classis abiit, & *Germanus* hostis iterum in *Istria* venit, & sæpe *Veneti* vincebantur. Adeo frequenter fiebat, ut modo *Venetis*, modo hostibus vicissim prospera omnia cederent, dummodo horum, modo illorum vires ampliores essent. Nuper vero *Venetorum* solummodo sita spes erat superinduciis de quibus agebatur, simul ac ultro *Christophorus Frangipanes* sub *Venetis* auspiciis merere vellet. Sed tantum abfuit, ut inducias non pepigerint & *Christophorus Frangipanes* hostis iterum venit, quia nunquam e fenatu consulto literæ redderentur. Itaque bellum majus in *Istria* vigeat, & omnes conversi in trepidissimam fugam erant, seque in pedes proripiebant cum liberis & conjugibus, ubi se tutos fore putabant in civitatibus, atque obiter rura & oppida hostibus prædæ relinquebantur, & tota desolabatur provincia multa animalia in quibus potissimum omnis opulentia constat, ultra montes abigebantur, multi mortales interficiebantur, multi quotidie captivi fiebant, & omnia consumebantur, quæ hominibus & cæteris animantibus esculenta & poculenta sunt. Igitur ad eam rerum penuriam tollendam simul cum dignitate & amplitudine reipublicæ, ut facilius omnia tuta esse possent contributæ pecuniæ machinæque & omnia utilia, datumque negotium est, *Damiano Tharso*, ut mille pedites in provincia deligat & exerceat, alamque equitum adscribat, qui possint auxilio semper esse, & omnem vim hostium comprimere. Parte alia interea relicto præsidio *Taurisii* quod satis est, omnis exercitus *Patavium* se contulerat, curabaturque urbem omnibus modis munire, mœnia & propugnacula reparare, & alia omnia facere, quæcumque usui forent. In primisque longe lateque prospicere qua via optime possent uti victoria atque ea fortuna, quæ opera agrestium sedulo aspirare videbatur. Sed tantum abfuit, ut dum *Veneti* semper differunt in aliud tempus ultro se dedentem *Vincentiam* & *Veronam* recipere, fortuna inconstans prolapsa sit. Namque *Galli* ad tria millia equitum in castra Regis *Romanorum* venerunt, & propterea constabat omnis exercitus hostium decem millibus peditum, & sex millibus equitum, ut *Veneti* non amplius inferendi belli, sed potius se tuendi, & propulsandæ injuriæ studiosi forent, & eorum omnis exercitus urbem *Patavium* ingressus est, positæque custodiæ per loca cuncta, & ordines distributi sunt, ut omnes equites gravis armaturæ intra prima mœnia urbis continerentur, necnon ea parte semper usui essent, qua majus periculum imminebat. Intus vero quod esset fori præsidio, parte altera *Citoli Perusini*, parte altera *Laſtantii Bergomensis* acies bipartiti sunt, & ne aquæ adimi possent, quæ apud *Liminium* oppidum manufactis obicibus divertunt circum circa *Patavium*, obfirmati illi obices sedulo, & claustra sudibus complicatisque trabibus & multiplicibus ferramentis, quantum fieri potuit summo opere munita sunt. Dum ea vero agerentur *Patavii*, agrestes insulæ *Scalanæ* sollicitabant magis magisque *Carolus Marinum*, qui nuper *Lemniacum* immunitum receperat, eo præsidium mittere, ajebantque sua opera fore, ut prædam opulentam agant, & Marchionem *Mantue* suosque sexcentos milites, qui nuper illuc venerant, incautos adoriantur & opprimant. *Carolus* in spem potiundæ victoriæ ductus illico de ea re legatos in castris certiores facit, simulque auxilium ingens exposulat. Igitur *Veneti* legati statim jubent *Lucium Malvetium* & *Citolum Perusinum* cum ducentis equitibus levis armaturæ, & octingentis peditibus ex *Patavio* proficisci *Lemniacum*. Et

A illi deinde cum advesperasceret ceperunt iter facere versus Insulam *Scalanam* junctis copiis cum *Hieronymo Pompejo*, *Petro Pulvereo*, & *Vincenzio Cassineo*, ut omnes copię essent trecenti viginti equites levis armaturæ, & quinquaginta tres equites gravis armaturæ, octingentique pedites, & mille quingenti agricolæ. Postea itum est quadrato agmine prope villam usque ad mille passuum, deinde acies bipartiti sunt, atque aliæ occuparunt exitus viarum, & primi pedites villam ingressi sunt, confestimque Marchionis domum obsederunt, & domos alias, in quibus milites habitabant, vociferandoque conati sunt majorem trepidationem incutere. Hostes vero nihil tale unquam veriti incauti & semisopiti, pars sese dedere, pars arma capere & obviam ire. Sed omnes oppressi multitudine facile trucidabantur, quicumque vellent obsistere, denique passim editio facta est, atque omnia prædæ militibus fuere. Et quidem ipse Marchio sub noctis tenebris per posticum aufugerat, atque inter vepres & arbutta latebras quærebat, sed interventu diei latitantem eum post melicam viderunt ceperuntque quatuor agricolæ, & nunquam flecti precibus aut pollicitis potuerunt, ut eum manumitterent. Ita sorte dabatur, ut maxima pars victoriæ eorum esset, qui ejus rei primi auctores fuerant, sicut & postea cumulati muneribus & immunitate donati sunt. Quanto autem victoria major fuit, tanto majori studio usi sunt, ut Marchio & cæteri captivi quam tutissime conducerentur *Venetias*. Namque omnes copię quæ ejus expeditioni interfuerant, Marchionem & captivos comitabantur, & ne qua vis ingruat ex *Ferraria*, *Andreas Grittus* cum centum equitibus gravis armaturæ, & quingentis peditibus illis obviam venit, & simul ac ad *Ateste* oppidum ventum est, custodiæ domui appositæ sunt, in qua Marchio cum captivis aliis habitabat, deinde *Patavium* & secundo flumine *Venetias* venit, ubi Marchio cum magno clamore exceptus est, & diligenti sub custodia popularium in turri supra comitia servabatur. Interea vero omnis exercitus hostium ad viginti millia hominum accreverat, atque progressus usque oppidum *Liminium*, cum maxima custodum cæde, illud vi ceperat ademeratque aquas disruptis obicibus, ne possent amplius *Paduæ* ad molas triticeas suppetere. Deinde *Germani* hostes agros vastare, prædas agere, omnia diripere, omnia igni ferroque subvertere. Et parte alia *Ferrarienses* hostes identidem facere, unde passim fuga facta est, & ad imas paludes abducta cuncta animalia ad *Caputaggeris* decem millia, & ad *Montem Albanum* viginti millia, atque illis intercisitis itineribus & congestis aggeribus infelices agricolæ subsidio stabant, & armata navigia cum tormentis militiæ. Senes vero pueri & mulieres cum paupere suppellectili *Venetias* venerunt, quibus ex publico ærario penus instructum est, parataque habitacula. Et quia continue novæ familiæ pauperum confluebant, Patres statim locis distribuerunt navigia, & constituerunt portoria, ne quis plussatis exigeret. Hostes vero cum parte copiarum ad prædam *Montis Albani* repente digressi sunt, & quidem solummodo tormentis militiæ ea gesta res est, quia omnes *Veneti* terra marique statim fugerunt, & reliquerunt duas naves hostibus impune comburere, atque multa animalia abducere. Parte alia *Ferrarienses* hostes, ut commodius possent prædas agere, primo quoque tempore erexerunt propugnaculum in *Athesi* flumine prope *Caputaggeris*, atque inde miseris agricolis frequenter obviam ibant, neque contra satis ulla vis erat, dum statim redire in castellum factus esset. Igitur *Marcus Antonius Contarenus* præ-

præfectus classis Padanæ cum octo cymbis, & manu collectitia repente locum aggressus est, & post diutinum certamen illud vi cepit, & solo æquatum est. Nihilominus hostes Germani cum manu prædatoria sæpe victi cæsiq; sunt, dum illi passim prædari volunt, & Veneti acriter illis ubique obviam venissent ad Butinicum, Lizafusinium, Mergariam, & Mestrum oppidum. Sed Veneti illud magis advertabant, quod hostes interagendum se propediem obsidionem illaturos Patavio minabantur expediendo & parando omnia, quæcumque usui forent. Igitur Patres solliciti de summa rerum noctu frequenter & interdum quid agendum consulere, deinde maturare, facere, & nihil intentatum relinquere, festinare, parare, mittere Patavium tormenta militiæ, insuper instrumenta bellica, & munimenta cujuscumque generis, atque affatim pecunias, & farinæ ingentem copiam subvehere, populares cunctis Venetiis vicatim adscribere, quacunque pedites adcersere, & Patavium supplementum exercitui mittere, denique omnia facere, quæ conferre viderentur levandæ obsidioni illius urbis, in qua proculdubio omnis vis incumberebat servandæ reparandæque reipublicæ. Pari modo ut res ipsa tutius procederet si nobiles quoque cum adscriptis peditibus illuc auxiliatum eant, convocatis comitiis Leonardus Lauredanus Princeps inclytus in hanc sententiam locutus est. Præfari rem vestram agere .P. C. supremum exordium & artificiosa insinuatio videri potest in re tam vestra. Neque enim magis aliud vestrum est, quam patriæ vestræ tuendæ frequens studium, de qua re profecto solummodo nuper agemus, quatenus de servanda urbe Patavio dicturi sumus. Namque Patavium suburbium vestrum est, atque inde pendet salus istius urbis & reipublicæ, & ideo istud consilium tuendæ urbis antecapere debetis, cum ejusmodi ista sint, ut nisi provideris ne accidant, ubi eveniunt frustra ignaviam tuam incuses, aut deorum auxilium implores. In vobis vero tuendæ reipublicæ facultas est, si modo parati estis vestris opibus & pectoribus rempublicam juvare, sicut & vos decet facere, qui Romanorum imitatores esse vultis. Bello Punico secundo cum exhaustum ærarium, ne deorum quidem cultui sufficeret, Publicani ultro aditos Censores hortati sunt, ut omnia sic locarent, tanquam respublica pecunia abundaret, seque præstaturos cuncta nec ullum assent, nisi bello confecto petituos polliciti sunt. Domini quoque servorum, quos Sempronius Gracchus ob insignem pugnam Beneventi manumiserat, pretia ab imperatore supersederunt exigere. In castris etiam non eques, non centurio impendium dari sibi desideravit. Viri ac fœmine quicquid auri, argentive habuerunt: item pueri insignia ingenuitatis ad sustentandam temporis difficultatem contulere. Vos ergo sequimini ista vestigia, & libenter locate vestram operam vestræ patriæ in tanto rerum discrimine. Et quidem a nobis etiam ceptum est filios nostros Aloysium & Bernardum cum centum peditibus Patavium mittere, & vos operæ pretium est identidem facere, aut vos ire, aut filios, aut nepotes vestros mittere, qui auxilio esse possint singuli quique cum peditibus, quatenus opes vestræ possunt sufficere. Namque tanta temporum difficultas est, ut nemo possit suam operam negare, sine nefario scelere, quando quisque plurimum patriæ habeat acceptum referre. Agrestes quoque popularesque vestri ad viginti millia hominum vestra auspicia libentius sequuntur, si & vos imperata feceritis. Tunc enim facile omnes obediunt, si quæ aliis imperes, tu prius præstiteris, & id tanto magis vos decet præstare, quanto magis vestra interest, qui senatores estis, & reipublica magis magisque fruimini, ut sicut Senatus Populo honore præstat, ita vos ad omnia

A dura & aspera subeunda primi duces esse debetis, & nihil dubitare præsertim modo, cum aliquanto fortuna mitior sese offerat, & benignitate Deum jam id paremus, atque agamus, ut propediem obsidione soluta, ultro hostem possimus invadere. Neque cuiquam vestrum videatur majus id audaciusque consilium, quam exigat cladium nuper acceptarum recens memoria, siquidem fortuna reipublicæ & virtus desperare de summa rerum prohibet eo fato, quo donata nobis sors est, ut magnis omnibus bellis victi vicerimus. Vetera omitto Gallos hostes & Mauros, Sarracenos, atque veteres inexhaustas inimicitias Ligurum, & bella periculosa victis simul & victoribus, quot Padanæ classes, quot Duces, quot exercitus? Bello Philippico amissi sunt. Quid hoc bello Gallico memorem profligatum exercitum nostrum ad flumen Abduam, & conversum in fugam turpissimam, usque Mestrum oppidum. Adde festinam defectionem oppidorum omnium, & cunctarum urbium nostrarum. Adde tantam in urbe trepidationem, & ingentem tumultum. In hac tamen rerum intemperie & imminente naufragio Veneta navis & reipublicæ constans virtus, tanquam rupes Caucasæa, stetit una integra immobilis, ac omnia strata humi erexit, & cuncta deperdita sustulit. Vos primi Senatores post Abduensem cladem vestro ductu & vestra opera, vestris pecuniis affatim datis militibus, vestris consiliis auspiciatissimis rem Venetam, vos filios ac uxores vestras, & lares vestros tutati estis, atque nullum jam reipublicæ nomen esse obstitistis. Nunc benignitate Deum omnia aliquanto lætiora & meliora futura sunt, procul abest hostis invictus Rex Gallorum, neque Germanorum multigenas copias vereri debetis sine duce, sine ordine, sine imperio, ut valde inconveniens esset, si vos qui labantem fortunam reipublicæ nuper sustinistis, nunc ipsi quia illius omnia lætiora & meliora sunt animis deficeretis. Hæc fateor tamen acerba sunt, sed fortuna vestra vobis suadet, ne in pejus collabamini. Quemadmodum & medica pharmaca acerba sunt, illa tamen reparandæ sanitatis gratia sumuntur. Rex Atheniensium Codrus addicente Apolline Delphico bellum aliter discuti non posse, ne Athenæ occiderent ipse mortem oppetere passus est. Quid loquar Decios, aut præcipitem Curium? qui pro patria mori nequam veriti sunt, dum ei profuturi viderentur. Atqui vos .P. C. non pro patria ad certam mortem, sed pro patria ad certam victoriam hortamur, nullus enim exercitus est, qui posset unquam capere viris armisque tam bene munitam urbem Patavium. Igitur in vestra manu sita victoria, & tuendi vestri suburbii facultas est, si nunc adeo cum vestra res agitur, vobis ipsis & reipublicæ consulitis. atque ut semper fecistis, & nunc assueta virtute vestra, & nostra hortatione enixe operam dabit, ut res vestra, omnes private salvæ sint republica incolumi, quas aliter rempublicam prodendo nequicquam serves. Postquam Dux ipse conticuit totis comitiis consensum est, quisque Principi gratias agere, ac interjecto certamine juvandæ reipublicæ, quisque suam operam libenter polliceri, quisque prima inter primos nomina sua velle in tabulis publicis esse, ut nec Princeps accipiendo, nec scribæ referendo sufficerent. Primates filios suos aut nepotes mittere, alii pecuniam dare, alii ipsimet ire, denique omnes certatim omnia facere, quæcumque vires suæ paterentur, ut ex cunctis Venetiis cum trecentis nobilibus, & decem millibus hominum Patavium iretur. Sed Patavium studiorum placidissimum gymnasium, & urbem immunam, quam e Troja profugum Antenorem condidisse ferunt, tunc Imperator exercitus & legati in alteram faciem mutare, summo studio perficiendo munire, fossas augere, mœnia reparare, & alterum murum e terra congestum educere,

cere, propugnacula munitissima construere, intus & extra prope urbem omnes domos demoliri, atque passim itinera levigare, ut sine impedimento milites possent exercere opera militiæ, denique in urbe militum ordines distributi sunt, & visum est omnes levites extra mœnia stare, hostem exercere, ordines disturbare, annonam diripere, sæpe etiam pabulatores & palantes alios insidiis intercipere, denique omnibus modis, omnibus locis, quanto maxime possent hostibus infestos esse, & ubique fociis auxilio festinare. Sicut & nuper agricolis, qui se muniverant ad pontem villæ *Tencharolle*, & hostibus fortiter obsistebant, *Veneti* levites repente subsidio venerunt, & hostes fusi fugatique sunt. Atque amplius parte alia *Joannes Maria Fregosius* cum parte exercitus comitem *Philippum Mariam Rubeum* apud *Vincentiam* aggressus est, dum ille cum trecentis levitibus annonam in castra hostium comitaretur. Et quidem primo atrox certamen fuit dum utrinque nihil prætermittitur, quod usui foret, denique apud *Venetos* stetit non incruenta victoria, sed major cædes hostium fuit, & multi eorum cum duce *Philippo* capti sunt. Hostes vero primo quoque tempore expectare *Ferrariensem* Gallorumque auxiliares copias & *Germanos* milites, qui quotidie in castra hostium confluebant. Postea agros vastare, animalia abducere, oppida diripere, nunc omnis exercitus ad urbem procedere, & ad *Bassanelli* pontem ire, ut locum castrametandi prospiciat, nunc ne machinis offendatur, paululum recedere, quotidie levibus certaminibus contendere, modo scorpionarii equites levis armaturæ decompacto certare adversus scorpionarios equites hostium, modo utrinque centeni pedites digladiari invicem, multi utrinque cadere, nunc hi nunc illi recedere. Et nuper quidem anceps prælium stetit & prope urbem vario eventu ea gesta res est, denique cum advesperasceret hostes visi sunt velle obsidere *Patavium*, sed tantum abfuit, ut illi statim inde versus *Aponum* & montes ad consuetam prædam digressi sint. Contra milites *Veneti* pedites equitesque levis armaturæ, eos quasi fugientes audacter sequebantur, multa impedimenta ceperunt, multi pedites & equites hostium capti sunt. Et quia hostibus ea valde molesta res est, illi primo quoque tempore *Ateste* oppidum capiunt & diripiunt, deinde *Monflicem* oppidum acriter oppugnare aggressi sunt. Est autem *Monfalex* haud longe distans ab urbe *Patavio* oppidum parum munitum, sed arx ejus in monte prærupto sita est. Et primo quidem contra oppidum tormentis militiæ acriter agebatur, & *Veneti* centum quinquaginta pedites cum *Petro Gradonico* præfecto, & duce *Paulino Cursio* nihil omnino vereri videbantur, omnes sub imperio esse & sub ordinibus militiæ, omnes cuncta officia libenter facere, quisque locum servare, quisque hostibus obviam ire, atque eum mœnibus deturbare, & tueri omnia. Postremo autem *Veneti* ingruente hostium multitudine satius & tutius rati sunt imminenti periculo cedere, & ab omnibus in arcem protinus itum est, ubi belli vis major incubuit. Namque oppidum situm erat in plano, & ex ea planicie mons faxeus insurgebat undique præceps & fatis patens mediocri castello, cui virorum, armorum, frumenti, vini, & olei, satis magna vis erat, locus importunus tormentis & instrumentis militiæ. Simul ac enim ea agebantur, & paulo processerant, *Veneti* e mœnibus igni aut lapidibus corrumpere, milites quicunque pro opere parum consistebant propter iniquitatem loci, neque inter instrumenta militiæ sine periculo administrabant, toto colle faci-

A le detrudere, acriter præ mœnibus certare, optimum quemque hostium interficere aut ferire, & cæteris metum incutere. Contra hostes cuneo repente facto *Venetos* invadere, omnes pariter omnibus locis cuncta pericula subire, terrere tormentis militiæ, tentare, instare acriter in castellum vadere. Et jam *Venetorum* spes omnis in sola deditione sita erat, de qua cum hostibus agebatur. Sed hostes consultando potius ea occasione rerum bene gerendarum acriter usi sunt, *Venetos* milites loco dejicere, multos occidere, scalas admove-re, murum ascendere, & super occisorum corpora in castellum ire. Itaque Arx *Monflicis* oppidi omnino satis munita in hostium potestatem venit, & omnia prædæ militibus fuisse, præfectus & pauci alii captivi facti sunt, & de cæteris omnibus magna edita cædes est, denique hostes gloriam invenerunt ex ea re, quam temere aggressi sunt, & tempus conterituri videbantur. Capto Castello hostes iterum in omne scelus prolapsi sunt inhumanum sævumque facere quantum dici & excogitari potest, passim agros vastare, prædas agere, sævire, interficere, violare, rapere, populari, comburere. Sacratissimum quoque Christi Corpus superadditis verbis scelestissimis in terram projicere, & divina omnia foedare. Denique crudeliter agendo iterum ad pontem *Bassanelli* reversi sunt, & conabantur iterum aquas adimere, supra *Bassanellum* fossam ducere, & *Brentam* omnem dictum olim *Meduacum* fluvium versus *Monflicem* divertere. Contra *Veneti* acriter obsistere, & e regione compactis aggeribus reparare, fossore hostium impedire tormentis militiæ, tegumenta humi prosternere, & cuncta infecta reddere. Sed interea exercitus hostium numerosior fiebat, venerantque ex *Ferraria* auxiliares copiae Cardinalis *Estenfis* cum centum militibus, ducentis levitibus, octingentis agricolis, & multis tormentis militiæ. Hostes ergo quia nuper repulsi sunt, simul ac prope urbem consertum prælium esset, postea magis insidiis contendere aggressi sunt, multi pedites tormentarii post diruta mœnia latebant, & *Venetos* venientes incaute immissa glande feribant. Sed ea ars parum profuit, siquidem *Veneti* admove-runt ad locum tormenta militiæ, & statim dejecerunt parietem, unde plerique hostium contriti, & reliqui in fugam conversi sunt. Dum ea invicem milites agunt, viderenturque hostes in procinctu esse urbi succedere, Imperator exercitus & legati apud fanum *Justinae* convocatos milites ad capeßendam rempublicam hortabantur, simul ac militibus e Senatu consulto in eam formam literæ redderentur. Ante hac semper milites spes nostra sita erat in Deo optimo maximo, ut is nobis semper auxilio esset, qui justam causam semper fovet. Verum ea apud nos non amplius in incerto res est, quandoquidem ejus opera idipsum fiat, quam nos simul & vos vestris omnibus votis semper postulastis, ut tantum hostes morarentur, quantum muniendæ urbi sufficeret. Jam vero benignitate Deum civitas apprime munita est, & omnia sedulo ministravimus, quæcunque usui fore putastis, ut solummodo illud super sit vos agere, quod semper polliciti estis urbe munita, & cunctis paratis ex sententia, omnem obsidionem hostium frustra fore. Neque profecto spes concepta vos fallat Deo auctore in vobis, qui in arte militari omnes valde exerciti estis, ut opera vestra assueta, & virtute vestra præclara, populi que *Patavini* fide incommutabili, facile omnes tuti esse possitis. Veniat quæso in mentem modo quantum oculi omnium in vobis conversi sint, ut videant quantum in rebus adversis animosi & fortes sitis. Vos omnes bellamini pro justitia, pro salute propria, pro libertate Italiae, quam semper hostes

A. Mocenicus. C. bar.

barbari dilacerare soliti sunt, & modo eorum fides & animi quales sint in totam Italiam, documenta certissima antiqua & recentia habentur, & nos posteris exemplum amplissimum futuri sumus. Vos omnes bellamini pro fide Christi, quæ alioquin manifestum periculum subiret si quod absit hostes Patavium capiant. Contra hostes bellum iniustum gerunt, inducias dolo malo & jurata fœdera violarunt posthabitis divinis & humanis cunctis rationibus, ut merito in eam spem ducti simus, qua putamus nobis auxilio fore Deum optimum Maximum, qui protector justitiæ & veritatis perhibetur. Igitur vestrum erit Milites acriter in hostes agere, & nusquam desse vobis & reipublicæ. Quod si feceritis ut vos facturos non diffidimus, infensibilem gloriam vobis, apud omnes nationes merito comparabitis, & nos gestarum rerum nunquam immemores, re & omni officio, dando & gratificando, de vobis ita benemeremur, ut apud omnes nationes erga vos gratissimi non magis habeamur, quam simus. Postea legati in castris militibus in eam sententiam dicebant, tantam esse reipublicæ spem sitam in uniuscujusque militis & totius exercitus virtute maxima, ut animata esset divitiis & omni vi tutari libertatem Italiæ, & tantorum virorum Ducum militumque virtutem exercitam, quæ alioquin hostibus barbaris semper invidiosa sit, & facile extinguí possit, si illi Patavio potirentur. Accedere ad hoc aiebant, ut quisque summa ope eniti debeat, quod quisque pro comperto habet, omnia commoda, & omnes opes reipublicæ sibi semper usui fore, si modo ut dicat ratio divina favente clementia, atque experta virtute & sedula opera militum, apud Venetos foret desiderata victoria. Nihilominus Imperator exercitus stans ante altare milites inhortabatur, ut rempublicam suscipiant, & pro virili tantæ se expeditioni accingant, quam honoris eorum gratia deindustria Deus optimus obtulerat. Tum orare, obtestari, suadere quemque simulates deponere, & se ita componere, ut omnia amice gererentur, simulque ut illud fieret, quod viderat in obsidione urbium solitum fieri, quemque cogebat contactis manu scripturis in verba concepta jurare, se constanter servaturum in omnibus fidem reipublicæ, & in hac urbe servanda præcipue, qua constabat omnis salus totius Italiæ, & simul ac ea dixerat, ipse primus cepit jurare, postea legati, Ductores, & cætera multitudo identidem fecit, & deinde per loca cuncta appositæ custodiæ, & ordines distributi sunt, atque statuerunt nocte qualibet alterum legatum cum ala equitum gravis levisque armaturæ totam urbem perquirere, atque custodias & duces peditum in diem mutare, ne aliquis sciret quem locum sortiturus esset, aut posset unquam de loco cum hostibus convenire. Portis autem præfecerunt nobiles Venetos a porta Crucis, usque ad Pontem Bassanelli Lactantium Bergomenses & Citolum Perusinum cum peditibus locarunt. Inde versus Pontem Curvum usque ad Portellum Dionysium Naldium, ad Portam Cataractam quadringentos pedites, ad Portam Caudæ longæ Bernardinum Parmensem cum acie peditum, atque statis aliis locis muris & munimentis distribuere præsidia. Super Pratum Vallis Imperatorem exercitus, & Comitem Bernardinum cum militibus, atque identidem cum militibus Antonium Pium parte alia supra plateolam Antonii, & amplius triginta equites gravis armaturæ cum peditibus ad forum tuendum, atque jubent alios milites & levites semper præsto esse huc & illuc ire, utcumque usveniet. Cæterum hostes iterum ad prædam ibant villam nostram Gurgensem Bobulentamque villam, & omne solum Plebissacci diripere, atque igni fer-

A roque subvertere. Postea omnis exercitus hostium auctus ad centum millia hominum iterum Patavium venit. Et quidem a Portello Patavii usque ad portam Caudæ longæ castra hostium sita sunt, deinde ad Portam Portiæ, & ad Portam Caudæ longæ ceptum est tormentis militiæ civitatem concutere, & obiter arcubus in urbem multas sagittas conjicere, convolutis literis Regis Romanorum, quæ omnibus agentibus Paduæ in eam formam dabantur. Datum est deindustria vobis omnibus longum tempus poenitendi, & dedendi sedulo urbem nostram Patavium, ne urbe vi capta cum maxima strage hominum, cuncta prædæ militibus forent. Nunc vero cum velimus urbem vi capere, ne patiamini ea quæ victi capta urbe pati solent, vos antea certiores fieri curavimus, ut dum vobis integrum est clementiam potius quam vim nostram experiri velitis. Itaque hortamur vobisipsi consulere, & nostra diutina patientia non amplius abuti velle. Aliter scitote proculdubio fore, ut cum volueritis incompresso impetu militum, non amplius locus poenitiæ supererit. Sed Veneti milites nihil prorsus timere, infensi intentique sine tumultu manere, prælium audacter expectare, & solummodo tormentis bellicis agere, modo stare, modo obviam ire, nunc pedites aliquot nocte intempesta usque ad hostium tentoria repente vadere, & cum impræmeditatum tubis, & sublato clamore perterrefacere, nunc interdum equites pileati hastati castra hostium circuire, & ubique infesti esse, ordines disturbare, multos ferire, aut perimere, nonnullos semper intercipere. Namque quousque contra Patavium statum est, nostri quotidie ad minus quinquaginta equos prædati sunt. Hostes vero nuper quasi urbem oppugnaturi agmine facto usque ad Portellum Patavii venire & recedere visi sunt, & deinde venerunt ad Portam Caudæ longæ, ubi primo tormentis militiæ acriter gesta res est, & postea Hispani pedites propugnaculum oppugnare aggressi sunt, atque nemine resistente murum incustoditum ascendere. Contra Citulus Perusinus eo stratagemate acriter usus est, & delecti pedites qui intus præsidio stabant. Namque ictibus hastarum & elaboratis ignibus ita impetuose & repente cum hostibus gesta res est, ut omnes illi ducenti, qui munimenta superaverant, afflicti sint, cæteri quomodo potuerunt pauci integri magna pars confecti vulneribus in pacatum abire compulsi sunt, & hostium audacia compressa est, videbaturque fore, ut Veneti acriter obsistant, si modo pecuniæ suppeterent, quarum inopia jam conducticii milites, quibus stipendium debebatur, clamitare, dolere, protestari, si ea de causa secus res cederet, multi officia militiæ recusare, non signa sequi, non ordines observare, non amplius sub imperio esse, ut reipublicæ in dies majus periculum immineret, nisi opportune ex Venetiis pecuniæ portarentur. Erant autem cuncta hostibus obfœssa itinera, præter illud, quo ex monte Apono Patavium itur, & ideo ea parte pecunias excipere trecenti stratiotæ Græci equites præmissi sunt, & deinde cum duce itineris Lucio Malvetio equites gravis armaturæ, & equites scorpionarii ingens præsidium ibat. Jamque receptis pecuniis equites pileati hastati redibant, & inter eundem vident hostes Gallos octingentos equites alonge, & Patavium protinus illos anteveniunt. Namque reliqui levites & omnes milites ut conducendæ pecuniæ tutæ essent, obiter conati sunt hostibus obviam ire, & ultro etiam invadere. Sed eo primo congressu militum pulvis in nubem sublatus utrique obcæcatis militibus confertum atrox prælium diremit. Itaque milites Veneti potuerunt impune Patavium venire, & pecuniæ delatæ sunt. Jam vero Patavii

vii magna pars muri procubuerat, & ecce mœnibus repente subeunt duæ turmæ hostium, quarum altera militum, & altera levitum erat, cum multis peditibus. Contra *Veneti* quadringenti pedites tormentarii post mœnia latent expectando, donec hostis proximior fieret, deinde omnes pariter hostem contundunt glande plumbea, multos interficiunt, plurimos sauciant, atque omnes alii in fugam conversi sunt. Sicut & frequenter fiebat, & quotidie levia committebantur certamina cum hostium magno malo. Namque habitis pecuniis milites *Veneti* in officio esse, collapsa mœnia reparare, & imperata facessere, simulque omnes viri *Patavii* cum clamaretur ad arma, libenter arma expedire, & locum audacter capescere. Rex autem *Romanorum* quia videt *Venetorum* socios & milites intentos esse fortiter urbem servare, custodire, protegere, non contentus secum habere contra *Patavium Germanos, Gallos, Hispanos, & gentem Italiae*, cepit etiam sedulo contra *Venetos* per oratores cum *Turcis* agere, atque amplius in *Venetos* movit Regem *Pannoniæ*. Et jam rumor ceperat increbrescere, illum contra *Dalmatiam* bellum moliri, & ad eam rem classem *Gallicam & Hispanam* propediem expectare. Igitur Patres necessitate compulsi, & quia antehac *Turcæ* polliciti fuerant se *Venetis* auxilio fore, quandocunque usu venerit, primo quoque tempore *Aloysium Raimundum* Oratorem ad *Turcas* mittunt oblata gratanter excipere, & cum nuper videretur suam operam usui fore, eorum auxilium implorare, dicere, Regis ipsius rem pariter agere, siquidem Reges ea de causa conveniunt in *Venetos*, quia ipsi noluisse fœdus initum cum Rege *Turcarum* violare, ut cum *Venetos* e medio sustulerint, de *Turcis* facile actum putent. *Venetorum* quidem vires amplas esse, sed tantis regum omnium viribus an possint sufficere in incerto res est. Sua itaque interesse rempublicam armis virisque tempestive juvare, & sibi propterea semper eam obnoxiam reddere. Pari modo Patres Regi *Angliæ* suadere conati sunt, adeo implicito Rege *Gallorum* rebus *Italiae*, ut facile vinci posset, ea nunc uti occasione invadendi & debellandi *Gallias*, sicut olim fecit *Henricus Rex Angliæ*. Aliter aiebant proculdubio fore, ut Regis *Gallorum* nimia potentia Regi *Angliæ* formidolosa etiam videretur. Et quidem *Turcæ* libenter polliciti sunt præstare auxilia, ut *Veneti* eo oratore obtinuerint, ne dum ut *Turcæ* hostes *Venetis* non essent, sed etiam ut sedulo afforent auxilio si eorum opera uti *Veneti* contenti sint. Et Rex *Angliæ* contra *Gallos* animatus erat identidem facere, atque expectabat solummodo personam exuere, quæ sub tutore adhuc erat. Cæterum Patres illud maxime curare, & quæ levandæ obsidioni usui forent cuncta facere, festinare, parare alterum exercitum apud *Mestrum* oppidum, e manu collectitia, cum peditibus & equitibus gravis & levis armaturæ, qui *Taurisii* alioquin sub legato *Petro Marcello* præsidio morabantur, ut simul a tergo laceffit hostis ab urbis oppugnatione discederet. Namque aliter ubique hostis infestus erat, & nuper structa acie ad urbem oppugnandam venit, ingressique pedites fossam propugnaculi *Caudæ longæ* conabantur illud lignis a fundamentis destruere. Contra citi *Veneti* obviam ire, igni ferroque missilibus telis & tormentis bellicis hostem repellere. Atque identidem parte alia *Veneti* ducenti pedites iverunt lanceis, hostium tormentorum foramina obturare, & pulverem igniferum comburere. Et amplius equites levis armaturæ per portam *Catacractam* profecti sunt usque ad vallum hostium prælium cum peditibus inire, aliquot interfice-

re, & omnes perterrefacere. Quæ cum primum Regi *Romanorum* relata sunt, ipse protinus hortator adest in hostes stimulando militum suorum ignaviam, modo inculcat, modo spe præmiorum virtutem accendit, & captæ urbis prædam edicit militum fore. Sic milites extemplo accensunt, & iterum sub signis & sub ordinibus militiæ in expeditionem ibatur. Et quidem ad propugnaculum *Caudæ longæ* iterum tria vexilla *Germanorum* peditum alios anteveniunt, deinde scalas admoverunt, & summa ope nitebantur murum ascendere. Contra *Veneti* acriter obsistere, hostem loco deturbare, denique conferto præliotam multos tormentis militiæ, & elaboratis ignibus, aut sauciare, aut conficere, ut ex omni exercitu hostium, nemo amplius inceptum opus aggredi auderet, sed quisque cum suo magno malo ab inceptis explosus est. Igitur hostes quia vident urbem potiundæ nullam spem esse, ut pariter *Venetos* excirent sub signis militiæ stare, ipsi dissimularunt omnia parare & facere, quæ futuræ oppugnationi usui fore viderentur, & denique noctis silentio obsidione soluta protinus loco recessum est. *Veneti* vero milites armati intenti hostem expectando totam noctem insomnem duxerant, & cum primum illucesceret pedites aliquot visum exeunt quid hostes agant, sublata tormenta militiæ & hostes abiisse vident, sicut & *Patavium* relatum est. Sed soli milites *Italiae Galli, & Hispani* abierant, *Germani* vero cum Rege *Maximiliano* manserant, & cum primum postera dies oriretur, sublato clamore repente muros & propugnaculum *Caudæ longæ* iterum adorti sunt, simulque pluribus locis ceperunt urbem acriter oppugnare, mœnibus subire, scalas admovere, murum ascendere. Contra *Veneti* milites intenti paratique stare, semovere hostem missilibus telis, & nihil tutum munimentis pati, deinde atrox certamen fuit, & denique hostes fusi fugatique sunt, atque inde abierunt cum magna ignominia, sicut & Cæsar abiit protinus in *Germaniam*. Et quidem nunquam apud *Patavium* totis viribus gesta res est, quia dum sæpe in quæstionem venisset, *Fraccassius Severinus* semper ejus rei dehortator erat, simul ac videt *Gallos* nolle prælium inire, sed solum subsidio stare procul a *Patavio* per tria millia passuum. Namque ex urbe tormentis militiæ adeo acriter agebatur, ut qui prope essent, non possent habitare, nisi in scrobibus. Ipse autem verebatur ne alioquin *Germanis* contra spem eveniat, & *Galli* illis etiam infesti sint. Atque amplius aiebat necesse esse ad triginta millia hominum perire, si in certamen iretur, quod Rex *Maximilianus* fieri nolebat, quia non potest pati hominem mori, & humanissimus est. Soluta autem obsidione primo quoque tempore *Veneti* stipendium militibus dare, annonam curare, ubique sociis auxilio esse, aquarum repagula demoliri, & pandere obturata itinera, atque obiter ut hostes longius abeant expectare. Contra hostes agros vastare, prædas agere, oppida & civitates diripere, & magnis contributionibus gravari, villas passim comburere, & maxime agricolis infesti esse. Verum ut sæpe fieri solet inter nationes ex opulenti præda, magna discordia orta est, & *Germanis, Hispani & Galli* hostes erant, qui etiam aliquando frustra tamen repugnantibus *Germanis Vincentiam & Veronam* diripere obnixi sunt, & propterea copiarum hostium in partes fiebant, & *Germani Vincentiæ Veronæque* subsidio stabant, atque *Galli, Hispani & milites Italiae Lemniacum* oppidum oppugnatum ibant. Igitur oppidani arma expedire, bellum parare, undique aggeres & munimenta construere. Et quidem frequentibus

bus scissuris *Athesi* flumine circumcirca amplius palus obducta est, & vis ingens aquarum, & *Jacobinus Novellus* cum ducentis peditibus per occulta itinera *Lemniacum* subsidio statim venit. Quæ cum primum hostibus relata sunt, quia oppidum armis virisque bene munitum vident, & tempus hyemis, re intentata hostes *Galli* etiam *Veronam* venerunt, & distulerunt rem omnem in tempus aliud. Interea vero *Venetorum* omnis exercitus rursus accersitis fidissimis agricolis in expeditionem exivit, & *Vincentiam* oppugnare profectus est, & quia *Veneti* populum res novas moliturum sperabant, statim jubent levites ad portas civitatis antevenire, & deditionem tentare. Sed cum id parum procederet, totis castris itum & ceptum est acriter moenia tormentis militiæ concutere, demum aperto aditu pedites immissi sunt, qui urbem ingredi summa ope nitebantur. Contra *Cæsariani* milites ad septem millia hominum acriter obsistere, & hostem repellere, festinare, parare, facere, & ferro decernere. Igitur utrinque nihil prætermittebatur quod usui foret, quisque magis quam in alio, in se spem sitam habere, pariterque agere & pugnare omnibus locis, & avidius parare alter alterum hostem ferire, quam semet tegere. Clamor permixtus exhortatione, lætitia & gemitu, itidem strepitus armorum ad cælum ferri, telaque utrinque volare, denique *Veneti* & *Dionysius Naldius* præfectus peditum magis magisque obnixi ceperunt *Pusterle* suburbium, & deinde quia nox erat cecinerunt receptui. Et quidem difficilis factu ea visa res est, nisi ex insperato *Vincentini* oratores intempesta nocte ad *Venetos* legatos in castra veniant, & ultro deditionem faciant. Itaque *Cæsariani* milites impune dimissi sunt, & *Vincentia* in fidem recepta est, præsertim opera *Severinatis Fracassii*, qui Dux hostium intus erat, & eam rem summa ope curaverat. Quod si eo rerum successu & tanta agrestium & populorum omnium vocatione *Veneti* milites opportune usi essent, & protinus *Veronam* itum foret, proculdubio aspirans fortuna rursus in solidum rem *Venetam* collocasset. Usque adeo semper usuvenit festinare, & in re militari potissimum celeritate opus est, & occasione uti, ut nunquam profittere, cum rerum bene gerendarum omnia parata sint. Aliter dum tempus frustra conteritur protelando stipendium militibus dare, & cavendo ne milites urbem diripiant, iterum e manibus quæ se obtulerat fortuna inconstans elapsa est. Namque cum Regi *Romanorum* captam *Vincentiam* nunciatum fuisset, ipse primo quoque tempore *Tridentum* venit bellum parare, copias colligere, & *Gallos* in auxilium *Veronam* accersere, ut cum primum *Venetorum* omnis exercitus cum manu collectitia citra annum *Athesim* in eam expeditionem exiret, & ultra fluvium *Carolus Marinus* præfectus *Lemniaci* cum quingentis equitibus levis armaturæ, septingentis peditibus, & quatuor millibus agrestium, hostes facta repente eruptione ausi sint manum conferere cum *Venetis* levitibus, qui utrinque *Venetorum* exercitum, & ad portam *Maximi*, & ad portam *Episcopi* antevenerant. Certatumque est utrobique vario eventu quousque nox anceps prælium diremit. Ea re legati valde commoti sunt & Imperator exercitus, & quoniam *Veronensem* qui in castris erant exploratores non revertebantur, neque videbatur populus res novas moliri, re infecta statim inde *Veneta* castra mota sunt, ne aliquod detrimentum respublica pateretur. Interea vero hostes *Germani* qui *Vincentia* capta impune dimissi fuerant, totam regionem prædabant, & igni ferroque cuncta miserabiliter vastabant, & in dies magis

A magisque illa illuvies serpebat, nisi forte aliquando cum hostes illi ad duo millia hominum incautius ex *Bassiano Civitatulam* prædatum irent, *Alexander Bigolinus* cum quadringentis levitibus, & manu agrestium in valle fidata illos protinus introcludat. Namque deinde atrox prælium confertum est, *Venetorum* jaculatores agricolæ & scorpionarii equites ubique hostibus infesti erant. Contra hostes summa ope nitebantur evadere, & inter vineta semper sub ordinibus stabant, & quingenti pedites tormentarii ictu alio super alium *Venetos* removebant, donec hostibus ex *Bassiano* subsidium venit, & illi multi faucii, nonnulli contriti tormentis militiæ, omnes valde trepidi in oppidum cecinerunt receptui, & illud reliquerunt *Venetis* incustoditum propediem. *Aloysius Mocenicus* autem legatus *Tarvisii* identidem profectus est Civitatem *Bellummi Feltrum* & arcem *Scalanam* recipere. Sicut enim ex *Bassiano* ad Castellum *Scalanum* via difficilis est. Sic ex Civitate & *Feltro* oppido expeditio facilis futura videbatur. Accedebant rei agendæ agricolæ montani exerciti, qui facile possint vineas, tormenta & instrumenta militiæ, per patulum iter deferre. Datum tamen simul negotium est *Alexandro Bigolino* & aliis, qui apud *Bassianum* erant, ut eodem tempore quo isti oppidum aggrederentur, illi parte altera hostibus obviam irent, & semper subsidio essent. Igitur compositis rebus omnibus ex sententia cum quadringentis peditibus, & villicorum duobus millibus, ex *Taurisio* Civitatem & *Feltrum* itum est, quibus oppidis in fidem deditione receptis, contra arcem *Scalanam* protinus ibatur. Arx autem undique præceps est supra montem sita pervia tantum duobus montanis itineribus, & alio plano itinere ad *Primolanum*, qua ad castellum per subjectam planiciem itur, hæc itinera primo quoque tempore *Venetus* obsidet, ne quisquam hostium auxilio esse possit, deinde ceptum est oppidum tormentis militiæ concutere. Contra hostes quinquaginta delecti pedites omnibus modis acriter obsistebant simul jurati fidem servare, & potius mortem pati, quam deditionem facere. Namque tormentis militiæ, missilibus telis, & rebus omnibus quæ usui essent apprime munita Arx erat, & videbantur duo millia *Germanorum* peditum ad locum *Grigni* subsidio fore, nisi vitabundi *Veneti* ostendant ad *Primolanum* se audacter ituros obviam. Verum nonnulli agricolæ primo armorum strepitu territi sunt, & post sentes & spineta latebras quærebant, quod cum *Mocenicus* animadverteret, eis se medium gessit dicens se illuc venisse eorum gratia, eos e tanta servitute eripere, & ulcisci necem parentum & filiorum, pariterque velle in bello simul ut ipsi sunt inermes esse, & pedibus ire, denique cum eis communem fortunam habere, si modo velint secum loco consistere, sin aliter scitabatur sententiam dicere quid facturi sint, quandoquidem magis quam in militibus in eis spem sitam haberet. Sic ille locutus est, & vicissim agricolæ collachrymati & polliciti sunt, se *Mocenici* thoracem fore, & velle propriis pectoribus eum servare, quo auctore pristinam salutem propediem possent recipere, & deinde illi libenter iverunt ad *Primolanum* jussi locum capefcere. Cæterum ab opere cessatum est & statum sub dio frigido nivoso, quia massæ ferreæ defecerant, & muri nondum satis prociderant, ut *Venetis* spes omnis demeretur, nisi forte villico monstrante locum sub terra pilas idoneas invenissent. Itaque summo mane tormentis militiæ frequentius agebatur. Parietes passim disjecti sunt, & confertum atrox prælium. *Veneti* freti multitudine ad victoriam animo-

animosius tendunt. Hostes quia nullam spem salutis habent, acrius in mortem ruunt. Denique *Alexander Græcus* vexillum *Marci* primus audacter in arcem tulit, & deinde cuneo repente facto cætera multitudo passim secuta est, victique hostes exceptis Ducibus omnes ad unum cæsi sunt, & arce capta omnia prædæ militibus sunt. Nihilominus cessit ex sententia apud Castrum novum *Forijulii*. Namque nuper *Antonius* & *Hieronymus Savorgnanus* cum duobus millibus hominum in eam expeditionem exierant, & quamvis armis virisque Castellum bene munitum esset, quod ultra *Tiliaventum* fluvium in medio *Forijulii* supra præruptum montem erigitur, solum tamen tormentis militiæ gesta res est, quia oppidani ducenti pedites cum mercenario milite, qui præsidio stabant, majorem vim expectare ausi non sunt, & deditioe statim facta in *Venetorum* potestatem castellum venit. Deinde *Veneti* milites ad prædam digressi sunt, atque hostes idemtidem, & dum utrique vim hostium volunt comprimere sæpe vario eventu pugnabatur, & amplius vicissim igni ferroque sæviter agebatur, simul ac hostibus non sufficeret prædas agere. Sed tantummodo levia certamina fiebant, quia alioquin facere hyems horrida vetabat. Aliter parte alia quoniam Dux *Ferrariæ Rhodigianam Pollesinum* ceperat, & amplius terra marique infestus erat, contra *Veneti* volebant ulcisci illatam injuriam, & primo quoque tempore contra *Ferrariam* ibatur. Namque *Angelus Trivisanus* quem penes erat classis imperium adverso *Pado* per hostium fluminis, quod *Fornaces* accolæ appellant, cum sexdecim triremibus, galeonibus, lembis, ganza-riolis, & aliis diversi generis navigiis, totum solum *Ferrariæ* prædatum ibat. Statis locis aquas in hostes abscindere, & omnia igni ferroque subvertere, tantumque terrorem omnibus injicere, ut omnes præcipiti fuga cum liberis & conjugibus *Ferrariam* abirent, ubi se tutos fore arbitrabantur. Ventum erat ita prædando & vastando omnia usque *Lacum Obscurum* oppidum, & idemtidem equites levis armaturæ prædas egerant usque oppidum *Ficarolium*, ubi *Padus* amnis ex *Vessuli* montis gremio dilapsus in duas partes scinditur, & inde amplexus aliquantum agri biceps confluit in mare, simul ac *Ferrariæ Pollesinum* fecit. Et ecce quidam explorator statim venit *Venetos* certiores facere, hostem illis obviam venire, atque iccirco recessum est, & deinde apud *Pilosellam* stabatur, & propugnaculum fiebat, ut classis semper eum obicem haberet, si aliqua vis hostium repente ingruat. Parte alia quia *Padana* classis terrestrium copiarum auxilio egebat, omnis exercitus *Montagnanam* urbem venit, & injecto levi certamine deditioe recepta est, *Ferrarienses* præfecti captivi venerunt in castra *Veneta*, & alii septingenti milites inermes dimissi sunt. Atque amplius vicina oppida & omnis *Rhodigii* peninsula ultro in *Venetorum* potestatem venit, ut *Veneti* suo contenti merito & tutius esse possent, quam ulterius progredi cum damno & ignominia reipublicæ. Adeo facile classi periculum ingens imminabat, sive aquarum frequenti abscissione depauperato flumine carinis in vado statio non tuta sit, sive *Ferrarienses* hostes prævaleant impetuosius tormentis militiæ, & *Gallorum* auxiliaribus copiis, ut obsessis itineribus aut *Venetis* non integrum esset, dum vellent in pacatum abire, aut necessitate cogantur id facere, quod voluntate rectius agant, & receptis oppidis contenti sint. Aliter illi fortunæ illecebris allecti sunt, quæ ut sæpe solet primo facilis est, & postremo duriuscula videri solet. Igitur *Veneti* rati sunt e reipublica usque *Ficarolium* to-

A tam classẽ subvehere & hostibus infestam esse, atque inde ad *Pilosellam* redire. Quod si omnes itidem terrestres copię eandem rem agant, facile etiam prospera omnia cedant. Sed adeo majores copię *Gallorum Germanorumque Veronam* venerant, ut liquido pateret illis paulopost prædæ omnia fore, nisi pars major exercitus versus *Suavium* statim eat, & propterea dum *Veneti* rei utrique consultum volunt, eo modo quo fieri potuit, datum negotium est *Joanni Paulo Gradonico* cum quadringentis solummodo levitibus, & quingentis peditibus classi, & *Rhodigianæ Pollesino* semper subsidio fore. *Andreas* autem *Gritus* cum reliquo equitatu levium *Suavium* oppidum profectus est, & Imperator exercitus cum *Petro Marcello* & omnibus copiis *Montagnanam* & *Coloniam* venit, atque inde *Suavium*, ubi illud præsertim curabatur, ne dum ipsi hostibus infesti sunt, illis ut ferebatur eruptione facta, rerum bene gerendarum facultas esset, & propterea *Veneti* primo quoque tempore locum castris aggeribus & fossa apprime munire, colles passim conjectari, propugnacula statim locis construere, ut si opus esset pauci multis possent obsistere. Fossa diducta est a *Suavio* oppido usque ad amnem *Athesim*, & passim obducta palus quantum fieri potuit levigataque itinera a *Suaviano* colle ad campestem planiciem, qua ex *Leonico* oppido ad montem fortem itur simulque *Suavium* & *Leonico* muro promurali & fossa, aquarum & itinerum abscissione quantum fieri potuit tumultuario opere, ambo oppida munita sunt. Dum ea vero apud *Suavium* sunt, in urbe *Verona* multarum nationum multæ contentiones ortæ sunt, ut *Germani*, *Hispanis* & *Gallis* non satis fiderent. Accedebat rem *Ferrariensem* maxime periclitari, nisi consocia arma auxilio jungerentur, eamque ob rem eo profecti sunt *Galli* & milites *Italiæ*, qui sæpe antea minabantur adversus *Venetos* in expeditionem exire, & deinde belli vis major apud *Ferrariam* incubuit. Stabat *Veneta* classis juxta *Pilosellam* fluvium, & ut diximus pro antemurali Castellum habebat, & haud longe super triremes temere pontem fecerant, ut *Joannes Paulus Gradonicus* modo hinc pergit, modo inde equitatum levis armaturæ trajiciat, cuncta circumspicere, Arcem *Guilielmiam* & *Turrim Donatiam* præsidio munire, Castellum *Venetium* demoliri, & demum omnia facere, quæ hostibus terrorem, & *Venetis* audaciam merito augere viderentur. Parte alia *Marcus Antonius Contarenus* cum classe *Padana* & minoribus navigiis *Comaclum* oppidum statim venit, & parvo discrimine illud cepit & diripuit. Namque hostes ut primum vident classẽ *Venetam* in eam expeditionem festinare ex *Padi* ostio cui *Volana* nomen est, quamvis locus situs intra lutosas paludes & armis virisque bene munitus esset, omnes tamen illico in fugam conversi sunt. Et quidem oppidanis facile impune cessit, quia cymbas paraverant, sed quadringenti quinquaginta pedites, dum pedibus conantur in continentem evadere, multi lutosi itineribus & fluminum vorticibus absumpti sunt. Itaque facile oppidum captum est, & omnia prædæ militibus fuere, quæ magna fuit tritici, salis, & piscium & omnis *Venetias* delata est. Interea vero *Ferrarienses* hostes magis aucti manu collectitia *Gallicis* Pontificisque auxiliaribus copiis sæpe *Venetis* obviam ire, & manum acriter conferere, denique castellum summa ope oppugnare obnixi sunt, munimenta superare, & *Venetos* opprimere. Contra *Veneti* pro viribus stare Castellum & seipsos tueri, hostemque longe repellere. Igitur utrinque acriter agebatur, & Marte ancipiti certatum est toto die duodecimo calendæ Januarii usque

quo nox atrox prælium diremit. Et quidem in eo prælio plures ceciderunt de hostibus, quamvis illi ad decem millia hominum essent. Nocte vero media intercisis aggeribus hostes tormenta militiæ contra classẽ *Venetam* affigunt, atque inde in eam acriter agebant, si possent sommergere & disjicere. Ea re nautæ valde conterriti sunt, & ignari quid agant, pauci sibi constare, arma capere, & conari si saltem possent, cum tribus triremibus in pacatum abire. Namque reliquæ triremes statim aliquæ tormentis militiæ sommerfæ sunt, & aliæ omnes in hostium potestatem venerant. Siquidem tantisper dum omnium in sola fuga sita spes esset, alii tormentis bellicis, alii fluminis vorticibus absumpti sunt, plerique tamen incontinentem fugerunt, ubi nostri exercitus pars erat, quæ illis auxilio fuit, quousque in pacatum abirent. Itaque hostes *Veneta* classe, & deinde castello deditione potiti sunt, & amplius trecenti equites super ripas fluminis, & secundo flumine cum classe quingenti pedites contra *Laureti* locum venerunt, ceperunt, combusseruntque illum incustoditum, quia protinus omnes inde aufugerant, & de classe *Padana* idemtidem agebatur, nisi statim illa etiam recessisset ad *Bebias*. *Veneti* vero milites paulatim venerunt *Abbatiam* oppidum, quod si tueri possint in tanto successu hostium, facile videbatur totam *Rhodigianam Pollesinum* tutam fore, & ideo omnes copiæ inibi collectæ sunt, & pontem fecerunt inter *Turrim Mediam* & *Turrim Marchioniam*, ut citro ultroque commeandi semper facultas esset. Aquæ pariter abscissæ sunt, ut diducta passim palude omnia multo tutiora redderentur, & demum adhibitis operibus omnia curata, ne hostes *Rhodigianam Pollesinum* ingredi possent, quod alioquin *Veneto* exercitui, & solo *Patarvi* periculosum foret. Patres autem certiores facti de his quæ gesta fuerant, statim conversi ad rempublicam classẽ reficere, triremes decem, quæ *Isrie* erant accersere, novum Imperatorem classis deligere, terrestribus copiis supplementum mittere, & demum omnia facere, quæcunque usui forent, ne hostis amplius impune posset procedere. Tantum vero abfuit hostem progredi, ut in castris hostium potius veluti in civitatibus factiosi solent, milites *Italiæ* adversus *Gallos* pugnarent. Certatumque est ac si hostes essent, & plusquam trecenti desiderati sunt. Accedebat brumale tempus rebus agendis incongruum, nivosi colles & frigore congelata lutosaque itinera, quamvis isto bello nunquam hyematum iretur, ut sicut pares erant animi Regum adversus *Venetos*, ita paria essent bellandi tempora. Sed dispar erat fortuna, quæ hyeme rebus *Venetis* aspirare videbatur, simul ac æstate adversa fuerat. Id quod plusquam semel cum esset comprobatum experientia, pecuniis parcendo & stando, consultum foret reipublicæ longe melius, quam sæpe frustra periclitando operam & impensam perdere. Aliter vicit multitudo insipiens quamvis pauci boni frequenter hortati sint, salvis opibus solummodo *Patarvium* & *Taurisium* servare. Sicut semper par est illos hostem non lacerare, qui propulsandæ injuriæ vix apti sunt. Cæterum ne dum *Ferrariæ* milites hostium invicem pugnant, sed etiam *Veronæ* idem frequenter fiebat, simulque omnes milites omnibus modis populo infesti erant, modo hanc, modo illam domum oppugnando, diripiendo, inferendo vim mulieribus pueris & innuptis puellis, ut cum forte hostis adesse diceretur, & ad arma acclamatum esset, quem quisque magis timeret, hostemne an socium aut popularem, apud quemque in incerto res erat, & ideo *Veneti* in spem urbis potius

da iterum ducti sunt. Sed eam rem lentius quam par erat curabant, tum quia nuper apud *Patarvium* Imperator exercitus perierat, cujus bene actæ vitæ & rebus gestis merito longa memoria supererit, tum quia *Aloysius Mocenicus* & *Joannes Cornelius Veneti* oratores cum Cæsarianis oratoribus de pace apud *Hospitiolum* agebant, ubi diu quidem actum est, & quamvis ampliæ conditiones pacis proponerentur, Cæsariani oratores tamen omnia aspernati sunt, & tandem re infecta repedarunt in *Germaniam*, atque ideo postea Rex *Angliæ* ejus rei auctor quærebatur, & *Achilles Crassus* orator Pontificis apud *Maximilianum* Regem id maxime curabat. Namque jam oratores *Veneti* *Dominicus Trivisanus*, *Leonardus Mocenicus* Pater meus, *Aloysius Malipetro*, *Paulus Capellus*, & *Hieronymus Donatus*, qui continuos sex menses eam rem apud *Julium* Pontificem agebant, tandem eo modo quo fieri solet censuris Ecclesiæ expiati sunt, & deinde ceptum erat invicem de bello & pace consulere, & mutuo frequenter agere. Itumque inficias est *Germanis*, *Hispanis* & *Gallis* oratoribus, Pontificem amplius *Cameracensi* foedere teneri, aut quicquam auxilii latum venienti in *Italiam* Regi *Gallorum* & *Romanorum*. Siquidem aliquando Cæsar habuerat, quicquid ei ex *Cameracensi* foedere debebatur, & Rex *Gallorum* voti compos jam antea, non sine suspitione amplius affectati imperii rursus in *Italiam* venit. Se posthac Pontifex agebat adversus *Venetos* cum eis nihil habiturum commune, & Christianorum non belli, sed pacis auctorem fore. Contra tamen Rex *Gallorum* pro expeditione *Italiæ* auri pondo multa millia ingentesque copias parabat, & ne suum opus usquam Rex *Angliæ* moraretur, nitebatur consultores ejus pecuniis corrumpere, & res omnes componere, simulque *Helvetios* in suas partes seducere. Igitur Pontifex cum Rege *Angliæ* frequenter agebat, & conabatur quanto maxime posset a *Gallis* avertere, necnon auctore Episcopo *Sedunensi* in multos annos *Helvetios* mercenarios habere, & quod plurimum intererat præsertim curabat, cum *Maximiliano* Rege *Venetos* conciliare auctore *Margareta* filia Cæsaris *Burgundicola* & *Matheo Lancker Gurgensi* Episcopo. Verum supra omnia consultabatur, quonam pacto libertati totius *Italiæ* maximum imminens periculum vitaretur, modo veniebat in mentem totam *Italiam* unire, modo cum Rege *Hispaniæ* & *Angliæ* Pontificem *Venetos* & *Helvetios* in novum foedus coire. Nihilominus Dux in castris *Venetorum* *Joannes Paulus Balionus* quæsitus est, & *Laurentius Cerinas*, qui peditibus præsit. Namque exercitui non minus quam parandæ classi enixe studebatur, ut *Venetorum* in castris essent mille quadringenti milites, quatuor millia levitum, & decem millia peditum, constaretque classis ingenti numero navigiorum naviumque & quadraginta triremium, quæ cuncta Pontifici semper usui fore *Hieronymus Donatus* orator *Venetis* agebat, & rogabat Pontificem operam dare, ne Rex *Romanorum Venetis* hostis esset, simul ac ad eam rem Principes etiam *Germaniæ* allekti sunt, & tandem *Augustensi* conventu cautum est, ne de bello prius ageretur, quam de pace cum *Venetis* oratoribus agatur. Sed tantum abfuit quod Cæsar ægre ferens rem omnem infectam reddidit, & minabundus propterea Oratorem Pontificis expulit. Ille vero inde in *Pannoniam* profectus est, & identidem rem *Venetam* fovit, simul cum *Petro Pascalico* oratore *Veneto* apud Regem *Pannoniæ* ut facile res omnes tutæ essent, nisi *Helianus* orator nomine Regis *Gallorum* & *Romanorum* in *Pannoniam* venisset rem omnem subvertere. Namque ille Regi *Hungariæ*

riæ pollicebatur annua centum millia numûm, classem paratissimam, & connubia Ducis Burgundiæ, & fororis ejus, cum Ludovico, & Anna filiis Regis Hungariæ, si Rex contra Venetos bellum sumat. Sin aliter ajebat fore, ut Reges Dalmatiam capiant & tradant Regi Angliæ, ad quem ea spectare videretur. Igitur Pannonæ valde commoti sunt, & quia res magni momenti videbatur Heliano & Petro Pascalico statuta dies & locus est, ubi quisque pro concione loqueretur, atque primo Helianus sic orsus est. Si quisquam unquam confidenter locutus est, ego nunc debeo id maxime facere. Namque de bello suscipiendo apud bellicissimas nationes dicturus sum. Neque de vestra utilitate difficultas oritur, quam suadere omnes solent, qui de rebus dubiis loquuntur. Patet enim Dalmatiam vestram fore quæ trecentas insulas, quatuordecim magnas urbes, & duas provincias habet. Si quidem modo venimus ad eam recuperandam classem & pecunias offerre, quæ possint sufficere. Et quidem antea .P. OP. Romanorum & Gallorum Reges hortati sunt, ut velletis vestram Dalmatiam recipere. Sed stabat adhuc classis Veneta, & vos classe, & pecuniis egebatis. Nunc vero apud Ferrariam triremes Venetorum captæ sunt, & vos classem & pecunias habetis, ut si vultis facile possitis, Dalmatiam vestram recipere aut perdere, quia si vos in re tam vestra negligentes estis, Reges Dalmatiam capient, & tradent Regi Angliæ. Quod si belli justæ causæ quærantur, illæ Regis Gallorum sunt, quod Veneti ex municipiis Regis Romanorum nullam partem dedere, quæ ex fœdere debebatur, & se invito fecerunt inducias. Vos vero semper jure potestis vestra repetere, & nunc maxime tempus est, dum omnia parata sunt, & Reges vicissim agunt, donec capiant ipsas Venetias. Et quidem id facere omnes Reges summa ope eniti decet, quando Veneti Reges spernunt, & quod turpe etiam est, sæpe gloriari solent, vestrum Regem mercenarium habere. Quod si bene recolamus etiam præterita, & quemadmodum incuria Venetorum Constantinopolis capta est, merito Veneti & Turcæ duo dracones Ecclesiæ appellandi sunt, quorum oportet qui intus prius perimere, & postea qui foris habitat, si velimus rem Christianam tueri & protegere. Vos ergo has amplas condiciones accipite, atque eo maxime confidite in Regibus, quia vestri consanguinei sunt, & in Venetos bellum libenter sumite sicut vos decet facere, si parati estis rem vestram agere. Contra Petrus Pascalicus ita locutus est. Cogitanti mihi .P. QP. tantam esse satis spectatam fidem vestram erga nostram rempublicam, ut vobis semper obnoxii futuri simus, non dubito de fide servanda apud vos loqui, & illud impetrare quod maxime cupio, atque eo præsertim, quod modo in questionem venit, cui fides potius habenda sit, an Venetis qui semper fidissimi reperti sunt, an istis Regibus, qui solent fide posthabita, sine justa causa bellum gerere. Et de nobis quidem exemplum sumi potest, qui semper erga reges omni officio usi sumus, & tamen illi nos vexant bello seivissimo sola imperandi libidine, qua etiam cæteris omnibus nationibus hostes sunt. Vos soli .P. OP. in tanto rerum turbine fidem erga rempublicam inviolatam servastis, & nunquam hostium quantumvis magnis pollicitis victi estis. Neque illi profecto quæ pollicentur facturi sunt, sed faciunt, ut Gallorum mos est, unum dicere, & aliud facere. Ecquid potestis Germanis credere? quibus cum semper gessistis inimicitias. Ecquid Gallis & Hispanis fides potius habenda est? quibus cum nihil unquam commune habuistis, quod si inde auxilium expectetis, antequam veniat, de vestro imperio actum sit. Nos vero Veneti vobis optimi finitimi commutandi non sumus, sed oportet potius certare officiis, sicut & semper fecimus. Pax & bellum commune cum Turcis est, & semper nostra

omnia vobis usui sunt. Quod si nostris rebus omnibus utimini, ac si vestræ res essent, quid opus est Dalmatiam quærere, quam custodimus & servamus maximis sumptibus tanquam promurale Pannoniæ. Neque enim unquam vobiscum defuimus in Turcas agere, atque hoc bellum commune etiam putare debetis, quia si de nobis actum sit, quæ spes vobis contra Turcas supererit. Igitur servate quæso vestram fidem erga rempublicam, & nolite audire istos mendaces & malevolos. Servate fœdus indissolubile, & putate sicut res est, non nisi salvis rebus Venetis, res vestras omnes salvas fore. Postquam vero dicendi factus est finis Pannonæ conventum Thatensem habuerunt, decreveruntque nisi Veneti ultro Dalmatiam restituant, quatuor millia peditum & duo millia equitum in eam expeditionem mittere, quasi sua esset Dalmatia, quam Veneti emerunt sub Rege Ladislao centum millibus numûm, & illi semper antea jure eam tenere visi sunt. Sed deinde Regi Pannoniæ defuerunt pecuniæ, & propterea nihil in Venetos agebatur. Aliter parte alia bellum vigeat, & Veneti castrametati ad Bonifacium pene Veronam obsidebant, & quotidie equites pileati, hastati currebant usque ad portas civitatis prædando, invadendo, intercipiendo, & sæpe committendo levia certamina. Haud longe ab urbe locus est, quem accolæ Martinum appellant, quousque hostes solebant sæpe confidenter accedere, & ideo Veneti nuper ea occasione usi sunt, datumque negotium est Dominico Husichio cum suis Grecis equitibus illuc statim ire & videre, si possit incautos hostes intercipere. Vix ille confinia attigerat, & ecce videt alam hostium, & viginti milites antevenire. Contra Veneti levites statim hostem acriter adorti sunt, & feliciter gesta res est. Namque in fuga hostium alii cæsi sunt, & dux eorum Cletensis Dominus captivus cum aliis in Venetorum potestatem venit. Igitur timor hostibus, audacia Venetis crescebat, augebantur etiam Veronæ multæ hostium discordiæ, & copiæ quotidie minuebantur, quia stipendium principes solvendo non essent, & qui sine stipendio morabantur, frequenter nundinas esculenta & poculenta passim diripiebant, unde Veronenses desperatione ducti, res novas moliebantur, & nuper aliqui in castra Veneta venerunt, & portam Georgii noctu tradere polliciti sunt. Veneti vero nihil temere aggrediendum rati, prius paraverunt omnia utilia, deinde quibus commendanda res erat, delectos ex omni numero quinquaginta pedites ire jubent, & locum animadvertere, pensare fossas, muros, propugnacula, munimenta, custodias, quæ & quomodo noctu & interdiu fiebant, diversas scalas operi idoneas breves, oblongas, funeas, ligneas conficere, serarum formulas habere, & ad aperiendum varia ferra construere. Denique omnibus paratis ex sententia datum negotium est, Joanni Paulo Gradonico legato apud Rhodigianam Pollesnum, ultra amnem Athesim cum quingentis levitibus in eam expeditionem exire. Igitur cum advesperasceret versus Veronam ibatur, ut in campestri planicie omnis exercitus esset, quarta hora noctis, qua putabatur, opus constitutum præmissos pedites peregisse. Jam vero pedites qui ad rem agendam antevenerant, prima moenia ingressi portas rumpunt, scalas admovent, turrim ascendunt, pontem demittunt, moenia intrant subsidii, & dirutis similiter foribus Petri Castello proximi fiunt, cujus moenia extremum opus erat ascendere, ut nemine sentiente, aut qui intus esset, aut qui foris in suburbiis moraretur, reliqua jam factu omnia facilia viderentur. Sed præter spem evenit, quia scalæ breviores erant, quam operi possent sufficere, atque eas dum jun-

gunt

gunt imminens periculum in mentem venit. Deinde ceptum est tantopere timere, ut quamvis nihil esset, *Veneti* audire viderentur hostes clamare ad arma, & protinus accurrere. Sic quoque unus & alter confestim nunciatum venit, & denique omnes conterriti in fugam turpiter conversi sunt, atque inde cum toto exercitu ad *Bonifacium* iterum recessum est. Hostes autem certiores facti de his omnibus, quæ gesta fuerant, primo quoque tempore alios occidunt, alios faciunt, & duos vivos frustratim cædunt, qui forenses turrim custodibant, & falso rei conscii putabantur. Deinde vitabundi periculum urbem muniunt, itinera incidunt, obices passim apponunt, novum erigunt propugnaculum in loco paradisiaco prope portam *Episcopi*, & fossam ducunt, ut illac tuitioni pergat montoriensi fonte diductus rivulus, & ne propterea timere viderentur, equites levis armaturæ læpe *Venetis* obviam exhibant, & levia certamina committunt. Nuper vero sicut antea minabantur, hostium omnes copiarum hominum octonum millium *Veronam* urbem egressæ sunt, & prope *Venetos* castrametari velle videbantur. Quod cum *Venetis* nunciaretur, protinus ad arma conclamatum est, & dum cataphracti milites & pedites se in expeditionem accingunt, statim obviam hostibus præmissi levites ibant, ut equites pileati hastati juxta amnem *Athesim* dextrorsum vadant, & sinistrorsum, scorpionarii equites per montis declivia. Vix *Veneti* obviam hostibus facti sunt, &

A eos a lateribus utrinque invadunt, & si qui hostium ab ordinibus discedunt facile intercipiunt, aut faciunt, aut necant. Igitur hostes majorem vim non expectandum rati, protinus receptui canunt, & deinde omnis exercitus iterum *Veronam* venit, quoniam alioquin *Venetorum* levites nimium eis ubique infesti erant, frequenter invadendo, & intercipiendo eos hostium, qui passim pabulatum, & palantes ibant. Verum etiam *Veronæ* majores angustiarum hostium vigeant, quia omnes milites populo & civibus infensi erant, modo passim prædando, modo nova vectigalia imponendo, & omnibus modis urbem expilando, si possint dandis stipendiis aliquo pacto sufficere.

B Nuper quoque *Hispani* & *Galli* contraibant militibus *Italiae*, & Ducem eorum *Joannem Gonzagam Mantuanum* falso commentæ conjurationis infimulabant, & concito tumultu voluerunt eum apprehendere, simulque pedites *Germani* quibus non dabantur debita stipendia, cuneo repente facto conabantur abire, & bonis verbis dehortantem Ducem *Analtium* armis aggressuri, & abituri impune videbantur, nisi cum eis clausis foribus, potius quam verbis ageretur, & sic quoque furtim quotidie *Germani* pedites aliqui & aliquando plusculi in castra *Venetorum* confluebant, & naviter militaturi pro *Venetis* gratanter excipiebantur, tum quia simul hostium copiarum minuerentur, & vires *Venetorum* auferentur, tum quia id non ab re *Veneti* putabant *Hispanis* & *Gallis* suspiciosum & diffidiosum fore.

C

Epitoma

EX LIBRO TERTIO.



QUONIAM vero *Veneti* plus solito conabantur copias augere, Reges etiam ducti sunt majoribus viribus agere, & *Germanis* ingens supplementum mittere. Itaque *Galli* copias partiti sunt cum Rege *Romanorum* ad *Lemniacum*, & cum duce *Ferrariæ* ad peninsulam *Rhodigii*, & cum acriter ageretur contra *Pollesinum*, illa tandem in hostium potestatem venit, atque amplius in agrum *Patavinum* ibatur. *Veneti* vero cum toto exercitu ad *Brentellas* venerunt, & deinde moverunt contra *Vincentiam*, dum putant ab oppugnatione *Lemniaci* hostes avertere. Sed tantum absuit, ut hostes magis magisque obnixi oppidum vi, & deditione castellum ceperint. Postea *Veneti* iterum ad *Brentellas* stabant, & sæpe levibus certaminibus agebatur, dum hostes passim prædari volunt, & *Veneti* sociis auxilio ubique sunt. Et quia sæpe etiam *Veneti* audebant ultro hostem invadere, hostes demum junctis invicem copiis in *Venetos* moverunt, simul ac Rex *Gallorum* contentus est Regi *Romanorum* morem gerere, quia alioquin timet quæ contra se de nuptiis apud Reges fiebant. Igitur *Venetorum* omnis exercitus iterum *Patavium* ingressus est cum miseris agricolis, & adcersitis nobilibus servandæ reipublicæ studebatur. *Julius* autem Pontifex parabat contra *Genuam* & *Ferrariam* in expeditionem ire, & ejus rei *Hispani* quoque socii adhibebantur, simul ac Pontifex oratione usus suavitati *Regi* *Hispaniæ* *Neapolitanum* regnum in feudum dare atque insuper *Genuensibus* suavisioris literæ Pontificis datæ sunt. Et quia jam *Helvetii* in solum *Mediolanense* proruperant, *Galli* qui prius parabant obsidere *Hispanis* militibus ubique scire, & prædas agere, deinde stare ad villam *bataleam*, atque identidem vel le obsidere *Patavium* visi sunt, & tamen diverterunt *Monfalicem* capere & diripere. Sed dum ea res agitur forte *Soncinus* *Benzonius* in *Venetorum* potestatem venit, & vitam finivit suspendio. Et quia in castris stabatur sine imperio, & tumultuatum est, Patres fecerunt *Lucium* *Malverium* *Gubernatorem* exercitus, & *Laurentium* *Cerinatem* præfectum peditum. Interea vero cum omnia parata essent, contra *Genuam* & *Ferrariam* ibatur, & primo quidem apud *Genuam* terra marique *Veneti* & Pontificii frustra iterum iterumque tentarunt urbem capere, quia pauci milites erant, & contra *Gallorum* classis paratissima, & in urbe ingens præsidium stabat. Aliter contra *Ferrariam* feliciter ibatur, & ducis multa oppida capta sunt, atque amplius, quia *Marchio* *Mantua* rei suppetere videbatur, tandem ad preces Pontificis custodia liberatus est, ut deinde Imperator exercitus *Venetorum* esset. Hostes autem *Galli* propterea venerunt *Veronam* & *Ferrariam*, ut sociis auxilio forent, dum magis propulsandæ quam inferendæ injuriæ apti essent. Itaque iterum *Veneti* potuerunt recuperare oppida *Tarvisi* & *Forijulii*, ubi frequenter levia certamina fiebant, & multa oppida in fidem recepta sunt. Nihilominus in *Istria* sæpe cum hostibus res erat, & terra marique vario eventu pugnabatur, dum hostes ubique infesti sunt, & vicissim *Veneti* milites conantur passim illatam injuriam propulsare. Parte alia quia omnis exercitus hostium ex *Verona* *Vincentiam* venit, & videbatur in *Forumjulii* velle prorumpere, contra omnis exercitus *Venetorum* ex *Patavio* *Vincentiam* ibat, atque identidem parte alia cum parte copiarum in *Rhodigianam* *Pollesinum* ibatur. Et quidem tota *Pollesinus* iterum in fidem recepta est, atque amplius cum *Padana* classe feliciter agebatur in *Ferrariam*, &

parte alia noster exercitus pene fugientes hostes usque Veronam secutus est. Sed solum levia certamina fiebant, cum potius opus esset totis viribus bellum gerere, & uti occasione, quæ se nuper obtulerat, quia alioquin fortuna inconstans dilapsa est, atque impune hostes in Veronam potuerunt evadere. Interea Helvetii in Mediolanense solum proruperant, & cum Gallis acriter agebatur. Sed Galli nunquam prælium conferi passi sunt, & potius conabantur hostem vincere inopia & lassitudine, sicut & tandem fecere, atque Helvetii compulsi sunt re infecta in patriam repedare, & cum Rege Gallorum in gratiam redire. Veneti vero parte alia ausi sunt Veronam invadere cum suo magno malo, quia dum tormentis militiæ res agitur, & frequenter fiunt levia certamina, Lactantius Bergomensis & Citolus Perusinus cum multis aliis vulneribus confossi sunt, atque amplius re infecta recessum est, & contra Ferrariam ibatur, ubi & identidem infelicitè gesta res est. Namque Venetorum ambæ classes Padanæ disjectæ sunt, & Rhodigiana Pollesinus in hostium potestatem venit, dum Veneti cupiunt omnibus modis Julio Pontifici morem gerere, qui Bononiam venerat, & illam rem expeditissimis copiis agebat. Sed parum cessit ex sententia, atque amplius Gallorum omnis exercitus in Pontificem movit, & quia copiæ ejus non possunt obsistere, Mutinam urbem ingressæ sunt, & super Bononia difficultas erat. Namque Paulus Capellus cum Veneto subsidio non poterat tam cito, ut par erat suppetere, quia Dux Ferrariæ infestus esset, & Marchio Mantuæ semper differret in aliud tempus venire, atque ideo Pontifex videbatur ad Gallos velle desciscere, nisi Veneti levites opportune subsidio venissent, atque identidem Orator Angliæ fecisset Gallos paulisper recedere, ut sine trepidatione Bononiæ staretur. Postea Joannes Maurus ad Castrum novum classem Padanam impune trajecit ex Pado in Tartarum & in amnem Athezim, & Paulus Capellus cum parte copiarum Mutinam venit sine Marchione Mantuæ, quia frustra illi fides haberetur. Aliter Venetorum omnis exercitus iterum contra Veronam ibat, quia Dux terminus cum parte copiarum discessit, & Veneti in spem urbis potiundæ ducti sunt. Sed parum cessit ex sententia, quia ingens subsidium statim in urbem venit, & Veneti protinus inde abierunt contra Ferrariam. Et quidem inter agendum de pace etiam frequenter agebatur. Namque Rex Gallorum conatus est Regem Hispaniæ & Germaniæ in Pontificem & Venetos movere. Sed cum Hispanis suspiciosa res esset, illi potius ad Pontificem & Venetos declinabant, & volebant cum Rege Angliæ novum fœdus inire. De conciliando alioquin Duce Ferrariæ frustra agebatur & quia Pontifex viribus agendum videt, Venetis præfidiis usus est, civitatemque Concordiam & Mirandulam cepit, quia Galli hostes nondum obvii venerant. Sed alioquin cum illi passim venissent, passim identidem recessum est, & potius propulsandæ injuriæ stabatur. Sed quia postea Galli versus Mediolanum ibant, cum Helvetii iterum in Italiam festinarent, vicissim iterum contra Ferrariam ibatur. Et quidem infelicitè gesta res est ad propugnaculum Coloniae, quia ex Ferraria statim ingens subsidium venit, & nostri fusi fugatique sunt, atque identidem ad palatium Bellaerem cum Gallis infausum certamen fuit, & Leonardus Hierosolymitanus eques occubuit. Nihilominus in Pado sæpe inter classes pugna fluvialis fiebat, & tandem Veneti repulsi sunt, atque Gallorum omnis exercitus in eam expeditionem iterum cum Bentivolis venit, simul ac apud Bononiam Gurgensis de pace frustra egerat cum Pontifice. Igitur deinde ad Padum & ad amnem Panarum frequenter & acriter agebatur, multa levia certamina fiebant, semperque Veneti & Pontificii repulsi sunt. Denique apud Bononiam infelicitè gesta res est, quia dum temere intra urbem & montem statur, Bononienfes & monticolæ res novas moliti sunt, fuderunt diripueruntque Venetos, & Pontifex amissa Bononia Romam reversus est.

LIBER TERTIUS.



Dum hæc a Venetis geruntur copias enixe augendo, & parando cuncta utilia, ut sæpe fieri solet, in suspicionem conversa res est, & nocuit fecisse plus solito. Siquidem Reges contra belli istos apparatus rati sunt, majoribus viribus agendum, & auxiliandum Cæsari quanto maxime possent. Igitur ultra id quod in dies magis magisque pedites ex Germania coibant, ex Hispania quadringenti milites expectabantur, & Gallorum mille quingenti milites, atque duo de viginti millia peditum. Pari modo Dux Ferrariæ arma expedire, bellum parare, annonam, currus, naviculas, lignamina, ferramenta, machinas, munimenta, equos, jumenta, vastatores vicatim indicere. Videbanturque hostes Galli partitis copiis cum Maximiliano Rege, & Duce Ferrariæ, hinc inde simul Rhodigii Pollesinum & Lemniacum oppidum aggredi velle. Contra solliciti Veneti quæcumque usui essent facere, munire oppida, custodias locare, exercitui supplementum mittere, & ne turris, quæ stat e regione Lemniaco aliquando obesse posset, subterducta fossa, & factis cuniculis, ligneis pessulis illam pensilem fecerunt, ut statim igne supposito facile dirui posset, si aliquando usuveniat. Deinde amnis Athezis scissuræ occlusæ sunt, & quæ Sabadina ruptura dicitur, & quæ duæ erant altera supra, & altera infra portuensem turrin, ut sic exuberante amne multa aquarum vi quodocunque opus esset, in

A hostes aggeres fecerant ad Tresentam oppidum, Castellum Vielmium, & Turrin Donatiam. Et parte altera usque ad Padum amnem protinus aquas immittant, & identidem parte altera ad oppidum Abbatie aggeres incendant, & totam regionem usque Patavium, & falsas aquas inundent, atque circum oppida altam paludem diducant. Julius Pontifex autem enixe curabat, Ducem Ferrariæ contra Venetos bello desistere, & nolebat Gallos, aut Padum trajicere, aut usquam duci auxilio fore. Sin aliter agebat se Gallis armata manu protinus obviam iturum, ut rem Pontificiam tueretur. Cæterum Rex Gallorum compositis rebus cum Rege Angliæ, nihil erat tam arduum, quod facere non auderet, & quamvis dubitaret, quæ inde pericula ex Germania & Hispania imminere viderentur, volebat tamen cunctis posthabitis Regem Vasconie Domino Boisenfi cedere, Pandulphum Petrucium e Senarum urbe ejicere, & suas copias in Italia Duci Ferrariæ contra Venetos suppetere. Jam vero ventum erat a Gallis usque ad amnem Athezim, & deinde captum est fluminum diverticula capere ligneis obicibus, & compactis ferramentis, aggestisque e terra aggeribus, scissuras obturare, contra Veneti quamvis pauci essent, freti tamen aquarum vorticibus passim hostibus obviam ire, & ubique operibus infesti esse. Stabat intra obductam paludem e regione operibus parva Pollesinus, hanc Veneti statim occupant, & inde missilibus telis & tormentis militiæ opera loco semovent, aut sauciant, aut necant. Hostes multitudine militum & tormentorum in-

A. Mocenicus.

D gen-



genti copia audaciores erant. *Veneti* aquarum vorticibus posse vincere videbantur, si paululum enituntur. Utrunque acriter agebatur. Utrunque multi tormentis militiæ cadebant. Denique hostes magis magisque obnixi sunt tormentis militiæ agere, & *Venetos* loco detrudere, sicut etiam fecerunt, & *Veneti* inde ultra amnem *Atbesim* ad *Candam* repulsi sunt, ubi eorum sita omnis spes erat, si possent aggeres manutenere, & vetare hostes Pontem jacere, & flumen trajicere. Et quidem per biduum statum est & vetitum hostes pontem construere. Sed cum hostes contra posuissent majora tormenta militiæ, neque *Veneti* valerent amplius obsistere, aut usquam supra aggeres apparere, inde omnibus ingens timor ingestus est, ne hostes vi illata pertranseant, & simul de omnibus copiis actum sit. Igitur vi & timiditate victi *Veneti* septuaginta milites, sexcenti levites, & mille pedites hostibus loco statim cedunt, & dum noctis interventu facultas est, protinus in pacatum eunt ultra amnem *Atbesim* ad *Turrim* marchioniam, atque inde itum est *Monflicem* & *Aponum*, simulque parte alia *Andreas Grittus* repente *Vincentiam* venit, & denique hinc inde processum est cum toto exercitu, & castra ad *Brentellas* prope *Patavium* sita sunt, quo pauloante venerat, & *Paulus Capellus*, qui *Petro Marcello* & *Joanni Paulo Gradonico* legatus in castris suffectus est. Is enim locus interclusus aggeribus & fluminum ramentis opportunus videbatur, ubi tutissime staretur, & unde *Veneti* possent semper hostibus obviam ire, ubique sociis auxilio esse, & semper *Patavium* antevenire, si hostes usque meditentur iter præcludere. Interea vero omnis exercitus hostium mille milites, mille quingenti levites, & undecim millia peditum statim *Rhodigiana Pollesino* deditione potitus est, & illico trajecto *Atbesi* flumine in solum *Patavinum* & *Vincentinum* venit, agros vastare, & prædas agere. Unde fuga trepidissima passim fiebat, atque edicto proposito ex agris corruptis frugibus omnes ibant in oppida, ubi se tutos fore putabant. Sed etiam oppida ultro hostibus dabantur, & collatis quinquaginta millibus numum simul urbs *Vincentia* deditionem fecit, ne prædæ militibus foret, & tamen non potuit subterfugere. Adeo semper parum profuit illis credere, quibus merito nulla fides haberetur. Si quidem paulopost hostes *Germani* ad duo millia equitum & sex millia peditum ex *Verona Vincentiam* venerunt, totam civitatem diripere, & amplius in latomiiis contra pueros & mulieres sævitum est. Namque in proximo monte duæ latomiæ sunt, in quibus *Vincentini* cum divite supellectili aufugerant, & ad ostia se fortiter tuebantur, usque adeo in alteris propter amplitudinem semper impune statum est, sed in alteris angustioribus fumo omnes enecti sunt, & *Germani* hostes ingentem prædam egerunt. Hostes alioquin *Galli* vastatis passim agris *Lemniacum* oppugnabant. Est oppidum *Lemniacum* supra ripas amnis *Atbesis* in campo situm, & munitum magis opere quam natura. Namque amplam & aquosam fossam habet, lata mœnia, & promuralia, probeque compacta propugnacula, nec desunt quadringenti pedites, qui cum multis tormentis militiæ locum custodiant, & amplius aquarum vorticibus passim altam paludem obduxerant. Igitur oppidani & omnes milites intenti paratique stare, semovere hostem telis missilibus, & nihil tutum munimentis pati festinare, parare, atque in primis tormentis militiæ in vastatores acriter agere, ferire & facere, ut hostes demum compulsi sint paululum recedere, tantisper dum novos vastatores accersunt, qui operi possint suppete-

A re. *Veneti* vero ex *Patavio* rati posse hostes ab oppugnatione avertere, ubique eis infesti erant, conabanturque pabulatores, & si qui hostium aliquo tendant, semper intercipere, & frequenter obviam ire oppidanis & villicis, qui ad hostes desciverant. Denique *Venetorum* omnis exercitus cum fidissimis agricolis adversus *Vincentiam* in expeditionem exivit. Forte *Vincentiæ* præsidio stabant militum *Italiæ*, & *Germanorum* equitum duo millia, & sex millia peditum, quibus cum nuntiatum esset *Venetos* adventare, illi ausi sunt statim obviam ire, & manum conferere cum *Venetorum* levitibus qui antevenerant. Et quidem utrinque fortiter statum est, donec levibus equitum præludiis procurando, & se recipiendo raptim potius ageretur. Sed postquam adventante exercitu in certamen ibatur, facile hostes victi fusique sunt. Videbanturque omnes copiarum hostium procul dubio magnum periculum subire, nisi protinus se intra mœnia condant non sine suo magno malo, quia in eo prælio capti centum hostium, & plures desiderati sunt. Nihilominus parte alia levites *Pollicenses* euntes visum quid hostes agant, ad villam *Lisferiam* venerunt obviam peditibus hostium, qui regionem prædatum ibant. Et quidem *Veneti* visos hostes audacter aggrediuntur, aggressi parvo discrimine eos fugant, fusos eorum ad centum quinquaginta facile necant. Cæteri in fugam conversi sunt, & latitando per altam messem vix etiam incolumes fugerunt. Dum vero ista per *Venetos* fiunt, apud *Lemniacum* infelicitate agebatur, quia hostes reversi iterum ad oppugnandum *Lemniacum* primo quoque tempore aquarum itinera partim obturant, partim super injecto ponte trajiciunt, & vadunt in *Portuense* semiustum oppidum. Deinde ceptum est tormentis militiæ fortiter *Lemniacum* concutere & passim mœnia perforabantur. Contra oppidani intenti paratique stare, hostibus acriter obviam ire, compacta lana patulos parietes jungere, denique quicquid facto opus esset, nihil intentatum relinquere. Porta erat & pars muri debilior, cujus fuerat *Carolo Marino* demandata custodia, ea via hostes aditum quærebant, qua etiam majores vires eorum incubuerant. Alii conabantur admotis scalis murum ascendere. Alii per ruinas muri in castellum ire. Alii vineis & arietibus portam confringere. Et quia *Carolus Marinus* videt non posse amplius obsistere, retrocedendi protinus in arcem consilium cepit. Sic captum oppidum fertur, atque deinde in omnem sexum crudeliter sævitum est, & concessa omnia in prædam militibus. Neque multo post in arce etiam dissidere ceptum est, & tandem in mentem venit se & arcem hostibus dare, & experiri misericordiam potius quam vim hostium. Itaque *Carolus Marinus* in potestatem hostium venit, simul cum quatuor aliis nobilibus, qui nuper ex *Venetis* venerant, & milites inermes dimissi sunt. Capto *Lemniaco Venetorum* omnis exercitus ad *Brentellas* rediit, ubi studebatur servandæ reipublicæ, *Patavium* & *Monflicem* omnibus modis munire, & levitum cum hostibus frequenter res erat. Namque *Veneti* levites modo se *Gallis*, interdum *Germanis* ostendere, postremos in agmine tentare, ac statim in castra regredi, rursus aliis, post aliis minitari, neque prælium conferere, neque otium pati, sed semper hostem exercere, vexare, & maxime in frumentatores ibatur late cædem fugamque hostium palantium facere. *Marostica* oppidum est situm ad colles, & nullius idoneæ rei egens erat, illud tamen nuper hostes *Germani* velle oppugnare visi sunt, & ideo legati *Veneti* de his quæ parabantur ab exploratoribus edocti, statim jubent

alam equitum gravis armaturæ, cum levis armaturæ scorpionariis equitibus, & *Turcis* hastatis equitibus sociis auxilio festinare, & hostem antevenire magnis itineribus. Sed forte equites *Turcæ & Dalmatæ* aliud iter fecerant, ut sine eis, alii hostibus obviam facti sint. Namque in villa prope oppidum aliquot pedites hostium prædantes offendunt, qui solis in latebris spem sitam habebant. Vix tamen tres eorum intercepti sunt, qui referebant quatuor millia hostium *Veronam* exisse, & quia facile illis credebatur, *Veneti* re infecta redierunt unde abscesserant. Aliter parte alia equites levis armaturæ visam aciem hostium ausi sunt audacter impetere, atque inde parvo discrimine hostes vincunt, ad ducentos eorum necant, alios fauciant, nonnullos capiunt, cæteros omnes fugant, & denique cum captivis & manubiis hostium sicut alii priores ignominiam, sic posteriores isti gloriam reportarunt. Parte alia similiter ducenti equites levis armaturæ, qui *Marosticæ* præsidio stabant, hostibus facti obviam partim itinere altero equites scorpionarii victi fusi que sunt, partim itinere altero *Liburni* & *Greci* equites de hostibus victoriam reportarunt. Quibus gestis bene animati agricolæ corruerunt in hostes quosdam equites gravis armaturæ qui ingentem prædam agebant, & quia illi nihil tale verebantur trucidatis aliquibus, cæteri relicta præda facile in fugam conversi sunt. Et deinde tantus timor hostibus injectus est, ut plerique faucii, pauci incolumes rursus in urbem abierint. Nihilominus inde hostiliter ibatur usque ad portas *Veronæ*, frequenter invadendo & interceptiendo, si qui hostium prædatum, aut pabulatum exeant. *Joannes Paulus Manfronus* cum multis levitibus collem occupat quem accolæ *Rovolum* appellant, unde prospectabatur quid hostes agant, & *Galli* qui *Montagnanæ* erant, & *Germani* qui *Vincentiæ* morabantur, simulque *Leonardus Hierosolymitanus* eques apud *Monsilicem*, necnon apud *Bassianum Federicus Contarenus* ambo cum equitatu levitum semper intenti parati que stabant. Sed quanto major erat *Venetorum* diligentia, tanto minus usui fuit. Dum enim *Veneti* simul ubique injurii sunt, omnes copiarum hostium convenerunt concordia, quæ antea partita erant discordia. Et quidem ea de causa *Germani* & *Galli* invicem diffidebant, quia dum *Gallis* prospera omnia cedunt, ut victoria solent animi hominum notium inolescere, *Gallus* jam tum publice agebat, totius *Italiæ* imperium aspirare, atque amplius *Hispanis* & *Germanis* injurius erat, & audacter negabat se daturum *Germanis* *Lemniacum*, nisi prius opes redderentur, quæ multæ debebantur. Sed parum *Gallis* res cessit ex sententia, quia cum Regibus aliis *Gallorum* nimia potentia periculosa, & molesta res esset, ipsi vicissim rem suam agebant, & summa ope curabant, illud antequam eveniat cavere, quod alioquin evenisse valde periculosum foret. Et nuper propterea Rex *Angliæ* videbatur daturus nuptui sororem suam Duci *Burgundiæ*, necnon Rex *Hispaniæ* novum foedus exactius moliebatur cum Pontifice, quia verebatur desciturum eum ad *Gallos*, simul ac nuper Cardinalis *Rhotomagensis* interiit, Rex autem *Gallorum* propterea discrutabatur animi, & mitius agendo cum Rege *Hispaniæ* & *Germaniæ* pollicebatur se facturum omnia, quæcunque vellent. Iraque hostes omnes convenerant, & *Veneti* in castra redierant, ubi loco munito aggeribus, & aquarum divortiis se tutos fore putabant. Stabat enim a fronte oppidum *Liminium*, a tergo *Patavium*, a lateribus altus & aquosus fluvijs, qui nusquam vadari poterat, ut ex tanto numero equitum & peditum

A milites ubique possint spectatum esse, si hostes usquam pontem sternere molirentur, id quod non nescii facile vetent, sin aliter saltem non sinant trajicere. Curabatur etiam ex *Venetis* nobiles & populares *Patavio* supplementum adcersere, largas opes congerere, picem, sulphura, tedas, artificiosos ignes, lignamina, ferramenta, tormenta, & instrumenta militiæ, atque annonam abunde parare, muros reficere, aggeres erigere, & omnibus modis urbem munire, quatenus *Veneti* propulsandæ potius quam inferendæ injuriæ studiosiores erant, nisi quandoque datur occasio hostes invadendi, qui dum huc atque illuc oppugnatum ituri viderentur, frequenter aliquo prædatum palantes ibant. Sed parum profuit hostes vexare, quia illi propterea relictis oppidis, prope castra *Venetorum* ad duo millia passuum venerunt postridie pugnandi copiam facere. Igitur *Veneti* edocti per exploratores levites, simul ac vident periculosum fore loco persistere, mutarunt in melius consilium, & deinde venerunt intra mœnia *Patavii* cum omnibus copiis & cunctis impedimentis impune noctis silentio, quibus cum ingressi sunt & miseri agricolæ ingens multitudo cum liberis conjugibus & paupere suppellectili, ut omnes miseratione moverentur, & detestarentur bella immania, quæ faciunt homines crudefcere, & Regum deliramenta, eorumque immodicas regnandi cupidines converti in caput, & detrimentum pauperum, qui nihil unquam tale commeriti sunt. Namque hostes acriter in victos convertebantur prædas agere, vastare, demoliri, comburere, sacra incæstare, pueros & puellas in captivitatem abducere, & prolabi in omne scelus & facinus, quod diis iratis merito ulciscendum sit (si *Dii* curant mortalia) & nullum malum impunitum sinunt. Interea *Julius Pontifex* summa ope nitebatur Regem *Romanorum* a *Gallis* avertere consentiendo illi *Lemniacum Vallegium* & *Veronæ Civitatulam* sexaginta millibus numum redimere, si modo daretur in pignus *Regium* & *Mutina*. Namque Pontifex cum *Venetis* parabat contra *Genuam* & *Ferrariam* in expeditionem exire, atque amplius volebat petenti Regi *Hispaniæ Neapolim* in feudum dare, & sic in consistorio loquebatur. Recte quidem traditum est a nostro Platone in *Alcibiade primo*, oportere quemque accedentem ad rempublicam secum asferre Alexipharmacum, quia in omni consultatione debemus prohibere malum & suadere utile, sicut & nos modo ad vos venimus facere, & cum magno vestro favore Regi *Hispaniæ* regnum *Neapolitanum* in feudum dare. Neque profecto a nostro instituto rem alienam agimus, quatenus ducti utilitate summi Antistites & ante collatione feudi decenter usi sunt. Nempe olim Comes *Franciscus Sfortia Eugenio Pontifice* *Piceni* totam provinciam occupavit dissimulatione, & tamen illa libenter ei etiam data in feudum est, ut adversus *Philippum Ducem Mediolani* stipendia Pontificis mereret. Neque tamen tunc nobis res erat cum *Ludovico Rege Gallorum* cui totus orbis non sufficit, tantæ sunt opes & vires ejus, tanti spiritus, tanta imperandi aviditas. Veniat quæso in mentem vestram modo Dux iste *Ferrariæ* quid agat satellites ejus, ut a nostra ditione se subtrahat, ut nostra imperia nihil curet, nihil faciat. Cum talia audeant servi conductitii, quid Domini facient? Jam a Rege *Gallorum* bonis Ecclesiæ interdicatur, & contra sedem Apostolicam Dux *Ferrariæ* protegatur, regnum *Neapolitanum*, de quo nunc agitur, ipse nunquam nobis acceptum retulit, & amplius nobis inrequiritis in alium transtulit. Quo fit ut ille amplius in eo regno nullum jus habeat, & nos procul dubio uti possimus ista collatione, quæ sedi apostolicæ videtur profutura.

Namque propterea Rex Hispaniæ in Ferrariensi expeditione nostra, quadringentos milites dabit, atque alia multa bona provenient, quæ ex istis bonis initiis sequi solent. Igitur id quod est cum dignitate Pontificis honestum & utile, & vos omnes in bonam partem debetis accipere, nisi aliqui vestrum magis aliorum, quam sedis apostolicæ utilitate ducamini. Postquam Pontifex dicendi finem fecit, a pluribus itum est in ejus sententiam, & deinde studebatur bellum parare, & nihil prætermittere, quod usui foret, præsertimque curabatur Helvetios confestim in agrum Mediolanensem adversus Gallos irrumpere, & Marcum Antonium Columnam cum exercitu, Venetosque cum classe contra urbem Genuam festinare. Denique Pontifex expulsis Gallis & Ferrariensibus oratoribus, cunctis Regibus literas dedit, quibus continebatur Gallos in Sedem Ecclesiæ contumaces esse, simulque Pontifex statim jubet Octavianum Fregosium, & Nicolaum Doriæ, atque extorres alios Genuam ire, & omnes inhortari, patriam libertatem capescere, ad quos ipse etiam literas dedit in eam sententiam. Nostræ literæ vobis Genuenses redduntur, non quia putemus suasionem opus esse in vestra patria libertate capeffenda, nemo enim tam rudis est qui nesciat omnibus rebus patriam libertatem antecere, sed quia volumus vos omnes compertum habere, in vestra manu situm esse, vestram patriam in libertatem redimere. Namque ad eam rem expeditissimas copias Duce Marco Antonio Columna, & classem nostram paratissimam, necnon Helvetios bellacissimos populos, & amplius probe instructam classem Venetam habemus, ut si vos parati estis facere quæ vos decet, procul dubio apud vos erit optata victoria. Enitimini igitur quanto maxime potestis, & estote unanimis in re omnium, atque operam vestram patriæ tam bene locate in tanta rerum bene gerendarum occasione. Quod si feceritis ut confidimus, nos quoque operam dabimus, ut modo patriam in libertatem vendicetis, & eam in posterum retinere possitis. Lectis his literis Pontificis, tota civitas commota est, & contra Gallos novæ seditiones ortæ sunt. Parte alia similiter Rex Angliæ contra Regem Gallorum omnibus modis causam diffidii quærebat, necnon Rex Romanorum cum Oratore Hispano de Rege Gallorum valde conquestus est, & annuentem Regem Hispaniæ in novum fœdus hortabatur. Igitur Galli circumventi videbantur, & nuper in castris tumultuatum est, simul ac certiores facti sunt, de his omnibus quæ fiebant, atque ideo præter septingentos milites, Magnus magister cum Joanne Jacobo Triultio & reliquis copiis Mediolanum statim venit, si possit venientibus Helvetiis obsistere, & titubantem Genuam in fidem pristinam retinere. Aliter Germani prædando cuncta igni ferroque crudeliter agebant. Namque ad sævitiam excitandam bacchi etiam jocum habent, ex quo societate facta cellam vinariam petunt, ubi vini bonitate allekti, jurejurando se non discessuros adstringunt, nisi totum vinum deglutiant, aut ebrietate rumpantur. Nuper vero vastatis passim agris hostium omnis exercitus cum quadringentis Hispanis militibus, qui tandem in castra venerant, ad villam Bataleam castris locum elegit, ubi tutissime staretur aquarum divortiis, atque abunde haberentur comœdatus ex Rhodigiana Pollesino & si velint Monsilicem oppugnent, Patavium terreant, semperque auxilio esse possint, si copiæ Pontificis in solum Ferrariæ aliquid molirentur. Veneti vero ad omnia tuenda & obeunda semper intenti paratique stabant, præmissique sunt parte altera equites gravis armaturæ super ripas Meduaci fluminis, qua Monsilicem itur, molas triticeas corrumpere, ne hostibus usui forent, & similiter parte altera

A versus villam Tencaroliam equites levis armaturæ visum ibant, quid hostes agant. Hostes vero illis facti obviam fugientes Venetos semper aggressuri, usque ad Bassanellum venire, & quia inde Veneti non injuria veriti sunt hostes Patavium oppugnatum venire, primo quoque tempore arma expedire, bellum parare, tormenta militiæ locare, milites distribuere, janitores per singulas noctes e pyxide ductis fortibus mutare, visorias & auscultatorias excubias passim habere, atque alios præficere, qui per totam noctem urbem perquirant, si qui discedant ab officio, & noctem infomnem non ducant, præsertimque portam

B Caudæ longæ munire aggeribus, & anteportarium propugnaculum erigere, denique nihil prætermittere, quod oportet facere, cum in propinquo hostis est. Aliter hostes ad villam Bataleam reversi sunt, & ideo Antonius Pius, & Leonardus Hierosolymitanus eques cum centum levitibus apud Bassanellum stabant, ut semper sciretur, quid hostes agerent. Et identidem parte alia versus villam Carrariam a Laurentio Cerinate cum trecentis levitibus ibatur, ut si hostes prædatum aliquo palantes divertant, ipse illis infestus esset. Hostes autem Germani & Hispani, quia diffidebant cum Gallis iverunt Monsilicem capere. Sed quia

C oppidum armis virisque bene munitum vident, atque omnes pariter in procinctu stare, primo quoque tempore conati sunt munimenta, & mœnia tormentis bellicis in terram projicere. Cumque magna pars muri procubisset, simul omnibus locis prælium confertum est, quod quidem diu anceps stetit, dum Veneti omnibus locis & modis omnibus primo audacter agendo visi sunt posse audaciam hostium reprimere. Sed postremo quia ex Venetis quibusque cadentibus non possunt integri alii succedere, sicut hostium semper erant supplementa recentia, denique Veneti cum magna strage victi fusique sunt, & capto oppido omnia prædæ militibus fuere. Sed apud

D Patavium ea faba cudebatur in caput Soncini Benzonii, qui forte per idem tempus in Venetorum potestatem venit, & quia tunc ille oblatus est, cum omnes amissum Monsilicem ægre ferent, ejus male actæ vitæ crimina etiam gravius suspensio ulti sunt. Et quidem dum ea res agitur rixatum esse & tumultuatum in foro videbatur, quia exercitus Gubernatore carebat, atque ideo Lucio Matvetio potestas Gubernatoria collata est, simulque

E Laurentio Cerinati Imperium omnium peditum, quia Dionysius Naldius plenus rerum gestarum gloria per eos dies perierat. Dum ea vero apud Patavium geruntur Marcus Antonius Columna in expeditionem exiverat cum Pontificis septuaginta militibus & octingentis mercenariis peditibus. Nam cætera multitudo collectitia ingens eorum erat, qui potius fortunæ & victoribus affecti sunt. Jamque Macram amnem trajecerat, & Specium oppidum deditione ceperat, faciebatque iter simul cum classe Veneta undecim triremium juxta mare versus Sestrium & Chiavarium, quibus similiter captis oppidis venerunt in flumen Entelliam, quod ex monte haud longe ab urbe labitur in mare. Est autem urbs Genua Ligusticum emporium, unde Apennini montes incipiunt, & amplius ingentem portum habet bene munitum, progugnaculis. Illi tamen putabant expeditionem facilem fore, quia etiam Adorni & Spinule rebus Pontificis studere visi sunt, simul ac cernunt exercitum Pontificis rebus suis non minus quam Fregosis consulere. Sed tantum abfuit, ut cum ventum esset ad urbem Genuam, ne Fregosis quidem ausi sint res novas moliri, quia urbs viris armisque probe munita esset, & adeo pauci milites Pontificis, ut non posse urbem invadere videren-

derentur. Atque ideo illi potius parabant nocte media per mare ad locum *Serzanii* repente in urbem vadere, qua parte res novas moliri factiosi intenti paratique stabant. Sed cum hostibus relata res esset, illi cum una navi & duabus triremibus locum protinus antecapiunt, & amplius *Adorni* & *Spinule* quingenti scorpionarii & *Galli* sexcenti pedites subsidio venere, atque etiam prope urbem ad duodecim millia passuum stabat classis *Gallica* sex triremium, quinque navium, & navigiorum plurium. Igitur cum urbis potiundæ nulla spes esset, re intentata terra marique recessum est, & *Romam* versus ibatur, atque inde velificantes venerunt in portum *Finium*, ut subducerent navigia, quibus egebant ad trajiciendum pedites. Est autem portus prope *Genuam*, capax multarum navium, & quædam oppida supereminet, unde hostes conabantur ulcisci illatam injuriam missilibus telis & tormentis militiæ, ut *Veneti* non potuerint subducere navigia sine suo magno malo, quia *Franciscus Pollanus* præfectus unius triremis *Venetæ* dum nimis audacter rem ipsam ageret, saucius tormentis militiæ vita non in gloria functus est. Cum ea vero quæ gesta erant *Hieronymus Doria Romam* nunciatum venisset, & diceret rem ipsam majoribus viribus egere, primo quoque tempore major vis belli parabatur, curabaturque classi alia navigia superaddere, & equites & pedites supplementum exercitui mittere, simulque sollicitabantur *Helvetii* iter ocysime arripere, ut uno eodemque tempore paratissima classe, & redintegrato exercitu hinc ex *Liguria*, illinc ex *Sabaudia* & ex *Pede Montium Helvetiis* bellacissimis populis versus urbem *Genuam* in expeditionem iretur. *Hieronymus* quoque *Contarenius* præfectus classis *Venetæ Romam* venit, & apud Pontificem consultabatur, classi que additæ sunt triremes *Venetæ* majores quatuor, & duæ naves Pontificis quibus supervehebantur Duces *Octavianus* & *Joannes Fregosius* cum quadringentis peditibus. Itaque paratis omnibus ex sententia iterum in eam expeditionem ibatur. Et cum navigassent aliquandiu ecce inter eundem classem hostium conspiciuntur tenentem altum & venientem ex adverso. Nec mora, ut mutuo se conspexerunt, utrinque omnia instruunt ad confligendum, & locant milites multosque sagittarios & jaculatores super catastromata. Sed alioquin cum ventum esset ad jactum lapidis, in alto prope urbem *Genuam* inter classes certamen fuit solummodo tormentis militiæ. Namque aliter *Veneta* classis, classem hostium aggredi non audebat, quia navigia hostium & majora & plura essent. Sed alioquin tentata civitas est, & quatuor triremes in eam expeditionem ibant, & super unireme *Joannes Fregosius* cum acie peditum in portum civitatis antevenerat, si posset aliquo pacto incautos hostes offendere. Sed tantum absuit, ut hostes potius parati intentique starent, & quia ex castello cui *Lanterna* nomen est, tormentis militiæ acriter agebatur, Pontificii & alii *Fregosii* noluerunt in portum ire. Igitur infecta re iterum recessum est, atque ea parte infeliciter agebatur. Aliter parte alia Pontifici *Julio* prospera omnia cedebant, quia Cardinalis *Papie* cum valido exercitu eundo versus *Ferrariam* Ducis omnia oppida citra *Padum* deditione ceperat, & amplius commota conspiratio in Ducem & Gallos magis magisque in dies *Ferrariæ* augebatur, ut illud solum valde obesse videretur, quod *Galli* ditione Marchionis *Mantue* nimium familiariter utebantur. Atque ideo Pontifex *Venetos* rogabat illum e captivitate educere, quod & tandem impetravit, ut delectus Imperator exercitus *Venetorum* veheretur *Arimi-*

num eadem triremi, qua & orator Pontificis *Constantinus Harnicius* trajecturus erat in *Germaniam*, simul ac Rex *Romanorum* valde declinare ad pacem vel ad inducias cum *Venetis* visus est. Hostes vero qui capto *Monfice* uti victoria volebant & *Patavium* oppugnare, istis de causis rati sunt defensione potius quam offensione opus esse, atque inde ex villa *Batalea* recesserunt partitis copiis, ut *Germani*, *Hispani*, & *Galli* quingenti milites *Veronam* custodirent, & *Ferrarienses Galli* que trecenti milites *Ferrariam*. Namque cæteræ omnes *Gallicæ* copię *Mediolanum* & urbem *Genuam* subsidio antevenerant. Ea cognita abitione hostium, *Aloysius Mocenicus* cum valido exercitu ex *Taurisio* movit contra *Axilium* oppidum, quod situm est juxta *Mesonem* fluvium, & intus habebat *Germanos* octingentos pedites, qui parati ad omnia obeunda videbantur. Igitur *Veneti* primo quoque tempore tentare per tubicinem, si hostes velint deditionem facere, sed cum superbe responsum esset repente immissi levites parvo discrimine combustis foribus in castellum vadunt, quia cives & populares cupiunt in fidem *Venetorum* redire, sicut & facile suamet proditione victi sunt. Capto oppido a ductoribus hostium cum vigintiquinque *Germanis* peditibus in arce recessum est. Nam cæteri aufugerant, qui e manibus hostium potuerunt evadere. Est arx alta decempedali murorum amplitudine habens parte tertia juxta solum terrosa mœnia, ut pugna manuarum sine fusilibus tormentis militiæ vi capi non posset, neque porta arcis comburi poterat, quia alta angusta & cataracta erat. Captum tamen est conseri leve prælium, & diruti sunt muri anteportarii, donec admoventur vineæ & grandiora tormenta militiæ, deinde acriter agebatur, & jam magna pars muri procubuerat, atque plures hostium cadebant, quorum fortuna erat deterior. Igitur hostes tandem desperatione ducti sunt deditionem facere, & *Michael Friscener* cum pulchra uxore, & captivis aliis in hostium potestatem venit. Postea quia alia oppida ad *Venetos* desciverant, cum sexcentis quinquaginta peditibus, & centum quinquaginta equitibus contra *Marosticam* gesta res est, ubi præsidio erant *Germani* quinquaginta pedites, & triginta equites, atque insuper cuncti oppidani ad omnia belli officia semper intenti paratique stabant. *Veneti* omnibus modis admotis scalis conabantur murum ascendere. Contra hostes nihil tutum patiebantur, denique *Veneti* supposito repente igne fores comburunt, & ea via oppido potiti sunt, cum hostes in arcem se protinus recepissent. Dum vero *Veneti* arcem summa ope oppugnant, *Germani*, *Hispani* & *Galli* omnis exercitus hostium ferebatur applicuisse *Ulmum* oppidum distans a *Marostica* quatuordecim millibus passuum, & oppidanis subsidio festinare. Sed ea cum in incerto res esset, ex re dubia diligentia, ex celeri timore audacia orta est, & siquidem vident celeritate opus esse, sicut sæpe fieri solet, tanto maxime operi incumbunt, ut demum hostes pacti sint *Venetis* oppidum tradere, atque illud in fidem receptum est, & hostes omnes inermes dimissi sunt. Nihilominus apud *Forum Julii* frequenter cum hostibus agebatur & passim levia certamina fiebant, dum vicissim cupiunt oppida capere, prædas agere, rapere, fœdare, comburere. Et nuper legatus *Aloysius Delphinus* deditione cepit castellum *Vipolzanum* quod interjacet *Goritiæ* & *Cromonium*, quia multum refert hostibus iter occludere, quo ex *Goritia* *Cromonium* itur. Et amplius *Aloysius Portensis* apud *Cromonium* cæsis hostibus recuperavit ingentem prædam, quam illi passim egerant. Atque identidem parte alia *Con-*

stantinus Paleologus cum hastatis equitibus apud *Monfalconium Liburnos* hostes vincebat, nisi subsidium venisset. Namque alioquin oportuit *Venectorum* levites ultra amnem *Lisuntium* in pacatum recedere, atque hostes quingenti equites & mille sexcenti pedites non potuerunt amnem trajicere. Per idem tempus in *Istria* etiam bellum asperum vigeat, & nuper *Damianus Tarsensis* cum *Andrea Ciurano* semper intentus si posset *Pisinium* oppidum capere, iterum in eam expeditionem omnia utilia parabat, & cum primum passim convenissent in castra supra quatuor millia hominum, quia multum refert *Castrum novum* & *Pedemontem* oppidum antecapere, utrobique feliciter gesta res est. Aliter cum ventum esset ad *Gallignanium Veneti* cum magna strage repulsi sunt, tum quia oppidum situm in monte prærupto, & armis virisque bene munitum erat, tum quia a *Matheo Iadrense* cum parte copiarum temere suscepta res est, & tamen adhuc omnis exercitus auctore *Damiano Tarsense* oppidum obsidebat. Sed postquam videt hostes eruptione facta sæpe audacter agere, & in periculo sita esse tormenta militiæ, statim inde soluta obsidione noctis silentio in pacatum abiit. Namque alioquin hostes terra marique infesti erant, & nuper *Tergestina* uniremis usque *Muglam* urbem venit, quamvis inde a *Muglensi* biremi statim repulsa sit, sicut etiam cum venissent sexaginta equites hostium, & ducenti pedites ad *Ronzium* oppidum, & ad oppidum *Adignanum* ducenti equites, & multi pedites, & ad *Rubignum* trecenti equites & quadringenti pedites, ubique non impune prædati sunt. Ad *Castrum novum* vero cum hostibus acriter gesta res est, & si equites hastati in officio mansissent procul dubio actum erat de cunctis hostibus ducentis equitibus, & quinquaginta peditibus. Namque primo congressu *Andreas Ciuranus* Ducem eorum prostravit humi, & visa est acies hostium inclinare. Sed quia *Veneti* equites abierant, & contra ipsum solum magna vis hostium ingruerat, vix ille e manibus hostium impune dilapsus est. Et quidem in dies magis magisque hostes totam provinciam vexabant, quia modo *Tergestini* quatuor uniremes habebant, & mare totum infestum reddebant. Et similiter non absistebatur bello in ipsam continentem, quia parte altera ad *Pisinium* ducenti equites hostium semper infesti stabant, & identidem parte altera ad *Justinopolim Christophorus Frangipanes* cum trecentis equitibus, & quingentis peditibus nunquam cessat, agros vastare, & prædas agere. Et nuper ille centum quinquaginta *Liburnos* equites in insidiis locat, & statim jubet alios triginta versus hostes supra *Cervical* oppidum ire, & illos ad locum allicere. Neque difficultas fuit, adeo facile *Justinopolitani* creduli centum pedites præcipitarunt in insidiis, & omnes capti aut cæsi sunt, atque amplius totam provinciam longe lateque prædatus est. Non tamen potuit *Alboniam* oppidum capere, quia præfectus *Michael Foscarenus* retinuit oppidanos in officio, & illi passi sunt hostes agros suos vastare, & prædas agere. Sed præda dissidiosa hostibus fuit, & multi repedarent in *Germaniam*. Interea vero parte alia hostes quingenti equites in *Forumjulii* ad *Feltrum* oppidum repente proruperant, quo statim deditio-
ne capto & igne absumpto, tantum terrorem injecerant *Venetis* sociis, ut passim facta fuga vicina oppida & omnia prædæ hostibus relicta sint. Namque *Venetus* exercitus ad *Gradiscam* civitatem erat, & dum ad *Feltrum* res est, mille equites hostium, & totidem pedites illis etiam infesti stabant, & frequenter levia certamina fiebant, atque ut plurimum *Veneti* pauci vincebantur,

A quia *Cauriana Mantuanus* eques, non nisi ducentos levites habebat, & alii ad summum trecenti equites erant. Igitur cum subsidio opus esset, *Antonius Savorgnanus* cum tribus millibus hominum statim venit, & dempta est hostibus confidentia. Namque nuper etiam *Goritiæ* venerant *Dux Brunsvicensis*, *Lubianensis* Episcopus, *Christophorus Frangipanes*, trecenti quinquaginta *Liburni* equites, & *Thracæ* septingenti pedites. Et quia vident secus quam putarant non posse impune amplius prædas agere, inde statim abeundi nova Regis mandata deindustria finxerunt, & plerique abierunt in *Germaniam*. Et quidem in
B isto bello ista res nova non fuit, adeo frequenter ire & redire hostes soliti sunt, ut cuncta oppida *Forijulii* sæpius capta & recepta sint. Sicut & nuper *Aloysius Mocenicus* cum exercitu Civitatem *Bellumni* oppugnavit & diripuit, atque amplius *Joannes Delphinus* cum *Feltrensibus* mille quingentis agricolis, & quinquaginta levitibus ausus est in *Germaniam* ire, fugatisque hostibus *Thestinum* opulentam convallem comburere. Deinde impune recessit & cum duobus millibus hominum proximos omnes saltus occupavit, atque obsedit *Covolum* cavatum opus in medio prærupti montis. Et quia menstrua obsidio fuit, hostes
C aliquando ad tria millia hominum laborantibus sociis commeatum afferre, per saltum *Scalanum* frustra conati sunt. Namque statim mille pedites venerunt subsidio, & tantus timor hostibus injectus est, ut illi conversi in fugam e monte etiam se præcipites darent. Et amplius victis pulsisque hostibus ad *Grignum* & *Hospiciolum*, ambo loca igne confestim absumpta sunt, quæ prius erant proxima receptacula hostium. Atque iccirco cum longum esset subsidium expectare, oppidani maluerunt oppidum tradere & in *Germaniam* abire. Itaque utrinque vario eventu pugnabatur, & dum omnis in incerto res esset, semper simul de bello & de pace vicissim agebatur,
D & denique inter *Feltrenses* & *Germanos* illos *Cassiri Petreæ* & *Vallis Primerii*, mutux induciæ factæ sunt, & compositis rebus *Aloysius Mocenicus* repedavit in patriam minus tamen honorifice quia ex rebus gestis invidia orta est, ut illi etiam vitio daretur, dicereturque propterea copias hostium ex *Verona Vincentiam* venisse, & *Forumjulii* aggredi velle, nisi verent *Hispani* & *Galli*, qui veriti se a *Germanis* relictum iri, causabantur difficilem expeditionem esse, tabidam luem sævire, & flumina repente incrementum. *Veneti* vero qui similiter *Paduæ* sæva lue premebantur, ut tale exitium aufugerent, & terrori hostibus essent, si
E vadant in *Forumjulii*, moverunt castra contra hostes versus *Vincentiam*, & parte alia octingenti pedites, & totidem equites ibant *Rhodigianam Pollesinum* recipere, quibus primo præter spem evenit, quia simul cum classe *Padana* temere profecti sunt. Sed cum paulopost consulto ivissent fusis fugatisque hostibus facile ceperunt totam peninsulam. Namque duæ classes in solum *Ferrariense* proruperant, altera per *Padi* ostium *Fornacense*, altera per *Padi* ostium *Primarium*, quæ ambæ hinc inde conatæ sunt omnia subvertere, & ingenti terrore afficere, agros vastare, prædas agere, oppida diripere, captivos abducere, denique cuncta igni ferroque miserabiliter complere. Et identidem *Leonardus Hierosolymitanus* eques cum octingentis levitibus *Pado* amne trajecto ad *Crispinum* oppidum omnia prædatus est, & hostibus maximam trepidationem injecit, atque parte alia cum exercitu Pontificis contra *Ferrariam* acriter agebatur, & jam fuerat interdictum censuris ecclesiæ Duci *Ferrariæ* & omnibus qui auxilia præstarent, captaque urbe *Regio*
F &

& *Mutina* valde *Ferrariæ* tumultuatum est, & *Ducis* uxor cum liberis & divite supellectili protinus *Mediolanum* abiisset, nisi *Ferrarienses* dicerent se pariter urbem *Ferrariam* relictum iri. Nihilominus parte alia *Veneti* levites *Vincentiam* antevenerant, & ubique hostibus infesti erant, nunc equites scorpionarii *Vincentiæ* usque ad portam *Petrinam* accurrere, nunc *Græci* hastati equites ad portam *Felicianam* hostem invadere, & usque intra urbem propellere, quibus cum & sex *Græci* equites nuper suburbium ingressi sunt, cumque magna trepidatione omnium usque ad secundam portam venerunt, & cum ab hostibus circumventi essent, vix unus eorum interceptus est, & alii omnes redierunt ad suos incolumes. Denique *Venetorum* omnis exercitus insectabatur exercitum hostium, quia ad paucitatem redactus erat septingentorum militum, duorum millium levitum, & quinque millium peditum, atque ideo inter eundum versus *Veronam* hostes quantum in se est, castra vallo & fossa apprime munibant, ubi fluminum ramenta non erant. *Veneti* vero octingenti milites, tria millia levitum, & decem millia peditum non nescii quantum intersit in re militari semper occasione uti, currus colligere, commeatum expedire, omnia utilia parare, ex *Forojulii* & *Taurisio* milites accersere, atque agricolas passim concire. Et quia statim hostes versus *Veronam* abituri videbantur, cum primum *Veneti* ad villam turrium venissent, datum negotium est *Dominico Boschio* cum ducentis hastatis equitibus montes proximos ascendere, & declinare, ad *Brendulas* super itinere qua *Veronam* itur, si possint vetare commeatum vehi in castra hostium, & obiter eorum palantes aut impedimenta aliqua intercipere. Et identidem e regione latere altero ad vallem *Dressanam* quingenti equites scorpionarii duce *Troylo Sabello* iussi sunt tria millia agrestium convenire, ut simul utrinque illac pergentibus hostibus statis locis, & viarum angustis semper infesti forent. Quibus omnibus compositis ex sententia, cum nunciatum esset hostem confestim abire, protinus deditioe *Vincentiæ* recepta est, & recta quadringenti hastati equites Duce *Federico Contareno* illuc in hostem celerius anteibant semper a tergo invadere, & quantum possunt ordines disturbare, atque inde omnis exercitus sequebatur cum numerosa manu agrestium, qui ad certam victoriam in castra *Veneta* confluebant. Illud vero præcipue curabatur, ut omnis exercitus hostem sequendo sub ordinibus militiæ staret, neque prælium conferi pateretur, quandoquidem *Veneti* volebant inopia commeatum hostem conficere, & contando incruentam victoriam consequi. Ventum erat ad tabernulas cum primum ceptum est committi levita certamina. *Veneti* levites simul a tergo & utrisque lateribus hostem invadere. *Galli* hostes autem qui retrorsum ibant pedites & equites ad quinque millia hominum, tormentis militiæ *Venetos* semovebant, neque prælium conferi patiebantur. Igitur utrinque similiter agendo ulterius ibatur, & satis de fuga hostium constabat, quatenus illi præ timore reliquerant in castra vini frumenti & hordei magnam copiam avenæ & curus, atque alia impedimenta huiusmodi, ut omnes ducti in spem potiundæ victoriæ tota regione conclamarent ad arma & contra hostes rebus *Venetis* audacter faverent. Nihil tamen amplius ea die gestum est, quia cum jam advesperaceret ad *Suavium* oppidum stabatur. Postera die similiter equites levis armaturæ præibant, & ex monte pulchro omnis exercitus sequebatur, & jam consertum prælium erat, cum vix illucesceret. Sed equites levis armaturæ parum poterant

A gravis armaturæ equitibus obesse, multi tamen hostium peribant & multi fauciabantur. Quare hostes majore vi agendum rati multi equites & pedites simul coeunt sub ordinibus militiæ, videbanturque *Venetos* aggredi velle, potiusquam iter inceptum prosequi. Igitur & *Veneti* milites steterunt, & deinde obviam hostibus ibatur, cumque *Venetorum* omnis exercitus venisset prope hostes ad duo millia passuum, hostes magis magisque obnixa sunt missilibus telis & tormentis militiæ *Venetos* repellere. Sicut & denique *Veneti* repulsi sunt, & hostes potuerunt commode pedites & equites trans *Arpanum* fluvium ad *Villamnovam* trajicere. Quod cum videret *Lactantius Bergomensis* vir fortis & industrius, protinus super turrim proximam pedites tormentarios posuit, & loco repulit tormentarios pedites hostium, qui *Venetos* equites antefuderant. Deinde sicut antea versus *Veronam* abeuntes hostes *Veneti* sequebantur semper pugnando, & hostem urgendo quantum poterant, poterant autem parum nocere, quia milites hostium cataphracti sunt. Posteaquam vero omnibus copiis ad *Villamnovam* ventum est, non amplius quingentis passibus exercitus invicem distabant, dicebanturque hostes fusi fugatique recedere, & procul dubio de eis actum foret si *Veneti* paululum adnitantur, & collatis signis prælium conferi possit. Cæterum in incerto res erat, si copia pugnandi fiat, an pedites rebus agendis apti sint, quia fessi erant ambulando, & propterea rogabantur dicere, an standum, an eundum esset & cum ab omnibus acclamaretur eundum, tantis animis quantum dici potest in hostem ibatur, volebantque cataphracti milites pedites anteire, sed maxime ad res agendas peditibus opus erat. Igitur cum pedites nequissent ut oportuit iter accelerare, tanta victoria *Venetorum* e manibus turpiter elapsa est, & *Veneta* castra ad fanum *Martini* sita sunt. Namque tantummodo *Veronam* usque per *Venetos* levites cum hostibus agebatur, sero enim ad pedites relata res est, quia tunc oportuit cum princeps *Analtius* qui forte apud *Suavium* ægrotabat, capto oppido statim relictis pecuniis in castra fugisset, & præcepisset omnes copias sub ordinibus militiæ subsistere. Sed *Lucius Malvetius* quem penes erat facultas gubernatoria frequenter agebat, cavendum esse dum niterentur ad melius, ne id bonum amitterent, quod partum est. Satis actum esse merito visum iri posse, si hostes in fugam conversi sint. Itaque consultando quid agendum esset, dum facto confestim opus est, tanta occasione rerum bene gerendarum *Veneti* milites non usi sunt. Quod si etiam postea statim urbem oppugnassent, multo sane melius egissent, quam præstolando frustra tempus opportunum conterere. Nihil enim pejus est dilatione, quando omnia parata sunt, & contra *Gallos* potissimum ea maxima vis est, qui non minus vi quam celeritate vincuntur. Interea *Helvetii* qui jampridem cum Pontifice convenerant accepta mercedis parte iter facere in *Italiam* parabant, simul ac valde animati sunt in suorum primarium angulum, ut *Basilea* & *Constantia* est, sic *Mediolanum* urbem redigere, & quamvis metu Regis *Gallorum* Dux *Allobrogum* ibat inficias transitum dare, & *Mediolani* Magnus magister cum sexcentis militibus, & decem millibus peditum illis obviam venisset, illi posthabitis omnibus prout sunt audacissimi, vi statim capto oppido *Varesio* & *Castionio Ferro* sibi viam facere perrexerunt ad locum, quem accolæ *Pontem Tressanum* appellant, & quia id loci forte incustoditum erat, facile in potestatem illorum venit. Itaque *Helvetii* pugnacissimi ducenti equites, & quatuor-

tuordecim millia peditum aperto aditu solum *Mediolanense* ingressi compleverunt omnia terroribus. Et primo quidem illi prærupta montium tenere, deinde prodire, agros vastare, & prædas agere. Contra *Galli* hostes qui se receperant ad *Montiam* oppidum distans a *Mediolano* decem millibus passuum, modo stare & conseri prælium detrectare, modo hostibus obviam ire & concire levia certamina, illudque præsertim cavere, ut locis omnibus qua *Helvetii* ituri essent subducerentur commeatus, & simul curabatur illuc castrametandi locum frequenter antevenire, quo hostes ituros *Galli* per exploratores præscibant. Quare sæpe fiebat, ut hostibus victui suppeterent solæ uvæ & nuces, castaneæ molles & lapidosa corna, & quod longe pejus erat, præoccupatis sedibus inquieti & lassî sæpenumero in duplo majus iter facere cogebantur, ut per hoc lentum & exangue bellandi genus & formulam vincendi, cito *Helvetii* coacti sint sine *Mediolanensium* & *Gallorum* magno detrimento, repedare in patriam, & cum Rege *Gallorum* in gratiam redire. Non aliter quam olim sub Principe *Francisco Foscaro*, *Martinus Faventinus* imperator nostri exercitus fecit. Namque cum *Pipus Spanus* dux *Sigismundi* Regis *Hungariæ* cum magno exercitu repente in *Aquilejanam* provinciam prorupisset. Ille æmulatus calliditatem *Q. Fabii* cum expedito agmine equitum quacunque hostis iturus erat, testis incensis, pabulisque corruptis, interdum cedendo, rursus instando, confectum *Hungarum* rerum omnium inopia tandem nostris finibus ejecit. Dum ea vero per *Helvetios* aguntur, frustra a *Venetis* itum est urbem *Veronam* iterum oppugnare, simul ac illi apud locum *Martini* per plusculos dies morati sunt. Et quidem primo quoque tempore contra *Castellum Felicianum* tormentis militiæ acriter agebatur e monte *Feliciano*, qui e regione castello urbis erigitur, & jam magna pars muri subsidii procubuerat. Sed hostes sub compactis munimentis opera tormentaria tutius exercebant. *Veneti* vero quia sine munimentis administrabant facilius lædebantur, atque ea maxima jactura fuit, quod & tormentis militiæ *Lastantio Bergomensî* nates sublatae sunt, dum ille semper inter talia opera versaretur, ex quo vulnere tandem ille occubuit, qui rerum gestarum gloria, nunquam ita debuit inglorius mori. Neque tamen inde a *Citolo Perusino* qui vices ejus gerebat, desisteatur concutere. Sed hostes cominus agendum rati repente eruptione facta mille octingenti pedites *Venetos* invadunt, qui tormenta bellica custodibant. Et quia *Veneti* nihil tale verebantur, facile compulsi sunt tormenta militiæ incustodita relinquere, ut hostes possent eorum foramina ignifera obturare, nisi protinus *Citolus* cum manu paratissima subsidio venisset. Sic restitutum prælium est, quod quidem anceps & atrox fuit, donec *Citolus* fortiter agendo hostium vulneribus confossus est, cujus in isto bello opera talia fuere, quæ nunquam situ mereantur perire. Eo mortuo hostes in spem victoriæ ducti nihil prætermittebant quod usui foret. Contra statim obviam ibat *Dionysius Naldius* vir intrepidus cum tanta manu peditum, ut protinus hostes intra mœnia fusi fugatique sint. Deinde noctu & interdiu tormentis militiæ semper cum hostibus res erat, conabanturque sæpe *Veneti* milites per ruinas muri urbem ingredi, & passim hostibus infesti esse. Cæterum statio illa incommoda & non satis fida *Venetis* erat, quia pedites supra montem stabant, & in subjecta valle semoti equites, & flumen etiam longe aberat, quod si *Veneti* velint urbem vi capere, valde periculosum fore videbatur, cum hostes sub ordinibus

A militiæ semper intenti paratique starent, rumorque increbresceret ingentes *Gallorum* copias cum Magno magistro *Veronam* adventare subsidio, & Ducem *Brunsvicensem* cum valido exercitu festinare ex *Germania*. Igitur a *Venetis* iterum ad fanum *Martini* recessum est, ubi etiam frequenter cum hostibus res erat, & sæpe committebantur levia certamina. Nuper vero cum monti *Feliciano* subjectæ vallis *Paltheniæ* agrestes auxilium implorarent adversus hostes, qui illuc prædatum ituri erant, quia *Veneti* pauloante eorum bona venia suis rebus cunctis familiariter usi forent, datum negotium est *Joanni Græco* cum trecentis levitibus eo statim pergere. Vix ille ad locum venit, & protinus hostes aggressus est, quamvis illi octingenti & plures erant. Sed quia palantes ibant facile *Venetis* prospera omnia cedunt. Namque primo impetu dum hostes aufugiant, multi eorum cæsi & ducenti capti sunt. Quod si affuissent & equites cataphracti qui sequebantur, hostes ad unum cæsi aut capti essent, atque illa fuisset longe dies candidior & major victoria. Verum cum *Gallicum* & *Germanicum* ingens præsidium *Veronam* venisset, neque amplius videretur tutum fore, si *Veneti* loco mancant, illi protinus abierunt ad oppidum *Bonifacii*, atque inde C *Veneta* castra mota sunt versus *Ferrariam*, ut semper subsidio essent Pontificis exercitui, qui ad duodecim millia hominum erat, & vi capta civitate *Mirandula* parte altera usque ad *Bondenum* oppidum venit. Sicut & parte altera *Veneti* milites profecti ex *Rhodigiana Pollesino* cum *Padana* classe usque ad *Castrum novum* acriter in hostes ibant. Igitur utrobique hostibus omnia infesta reddebantur, ut illi qui ad duo millia hominum erant diffusi sint, sub dio amplius stare & *Ferrariæ* morabantur, tuebanturque se prout poterant, modo stando, modo hostibus obviam eundo. Sicut & nuper contigit cum forte *Veneti* in *Ferrariense* solum prædatum ivissent. *Ferrarienses* triginta equites illis facti obviam sunt, ut eos allicerent ad locum, ubi plures positi erant in insidiis. Et quia *Veneti* temere præcipitarunt in insidiis, illi statim ultra amnem fusi fugatique sunt. Sed cum *Mutina* iterum descivisset ad *Gallos*, & propterea paululum copiarum Pontificis recessissent, Dux *Ferrariæ* liber ea molestia meditabatur nocte illa quæ calendas septembris secuta est, cum mille equitibus, & duobus millibus peditum incautos *Venetos* aggredi, qui ultra *Padum* ad *Pilosellam* morabantur. Sed tantum abfuit, ut antequam fieret, omnia *Venetis* relata sint, & illi ideo semper armati totam illam noctem insomnem duxere, cumque illucescente jam die viderentur hostes protinus velle amnem trajicere, *Veneti* milites simul cum *Padana* classe statim in pacatum abiere, & ad *Rhodigii* peninsulam reversi sunt. Igitur quia apud *Ferrariam* in incerto res erat, & multum rei agendæ accessurum credebatur, si Pontifex *Bononiam* veniat ipse itidem constituit facere, & obiter *Hispanos* quadringentos milites sub duce *Fabritio Columna* ingens supplementum exercitui mittere. Illud autem præsertim curabatur, ut primo quoque tempore Marchio *Mantua Venetorum* imperator exercitus contra *Ferrariam* in expeditionem exiret, atque ad eam rem amplæ conditiones proponebantur, & ille semper excipiendi duriusculus erat. Usque adeo in *Ferrariam* oculi omnium conversi sunt, ut non aliter *Florentini Senenses* & *Lucenses* in partes Pontificis censendi viderentur, nisi ea res succedat ex sententia. Cæterum factu difficile videbatur, tum quia populus Duci fidissimus esset, tum quia *Galli* trecenti milites, & mercenarii pedites fortiter hostibus obsistebant, & nihil dubitare

bitare videbantur. Atque iccirco re infecta castra Pontificis mota sunt, & sita juxta castellum *Agathense*, ut semper auxilio esse possent *Bononiæ* simul & *Mutinæ*, quæ nuper deditione recepta fuerat. Inde vero Dux *Ferrariæ* illud præsertim cavebat, ne classes *Venetæ* aliquo pacto obesse possent. Namque duæ classes nuper immissæ fuerant Pontificis copiis ingens subsidium, altera constans duabus triremibus, totidem biremibus, multisque cymbis prædatoriis per *Padi* ostium *Primarium*, quo aditur civitas *Argenta*, altera similiter constans biremibus, ganzariolis, lembis, & minoribus navigiis, per *Padi* ostium *Fornacense*, quo petuntur *Venetia*. Nuper vero Dux *Ferrariæ* plus solito arma expedire, bellum parare, pedites tota urbe vicatim adscribere. Quibus omnibus compositis ex sententia classem *Venetam*, & *Rhodigii* peninsulam velle aggredi videbatur. Namque eam expeditionem animo advertebat factu facilem fore, quia pauci quadringenti levites, & centum quinquaginta pedites præsidio stabant, & illi etiam sine ordine, sine imperio palantes erant, & ideo cum primum nunciatum esset hostem adventare, facile *Veneti* omnes in fugam conversi sunt, & simul ac altera, quæ apud *Arii* locum erat disiecta classis est, altera cum duce suo *Marco Antonio Contareno*, quæ apud *Pilosellam* erat, frustra tentavit iter facere per proximum rivulum, qua itur in amnem *Athesim*, quia nimia erat aquarum penuria. Unde cum regredi necesse esset, hostes facti obviam sunt, & deinde tormentis militiæ *Padana* classis adeo quassabatur, ut denique *Veneti* coacti sint vix cum bellicis tormentis *Rhodigium* impune aufugere, & totam classem in hostium potestatem deferere. Equites quoque & pedites cum nequissent obistere venientibus hostibus trecentis militibus, totidem levitibus, & duobus millibus peditum, similiter *Rhodigium* abiire, atque inde omnes *Montagnanam* oppidum profecti sunt, quo paulopost & *Venetorum* omnis exercitus venit, & recepta iterum est *Rhodigiana Pollesinus*, quæ paulo ante ad hostes desciverat. Quoniam vero *Galli* hostes quinquaginta milites, centum arcigeri, & trecenti pedites *Montagnanam* versus ex *Lemniaco* in expeditionem exissent repente cum *Veneto* equitatu contra illos ibatur, & jam *Joannes Fortis* hostes antevererat ad pontem quem statim fregit, & super itinere arbores transversos posuit, ne hostes possent flumen trajicere & festinare. Illi tamen posthabitis omnibus satis cito venerunt *Bibaquiam* ubi confertum prælium est, & primo quidem tormentis militiæ agebatur, postea missilibus telis & ense vulnifico certamen fuit, multi utrinque fauciebantur, multi hinc inde cadebant, nihil ab utrisque prætermittebatur, quod facto opus esset, nusquam tamen adhuc inclinabat victoria, donec *Venetis* ingens subsidium venit. Namque deinde hostes a fronte, a tergo, & a lateribus circumventi sunt, & apud *Venetos* stetit non incruenta victoria, quia *Venetorum* multi saucii & nonnulli etiam periere, sed hostium omnes aut cæsi aut capti sunt, atque ita hostibus præter spem evenit, ut sæpe solet illis accidere, qui temere ad victoriam contendunt. Interea vero *Galli* frustra conabantur Pontificem in suas partes diducere, & quia alioquin parum proficerent, bello etiam tentare ausi sunt. Et nuper ad eam rem versus *Ferrariam* & *Bononiam* magnis itineribus ibatur. Et quidem ea magna vis erat, quia Magnus magister cum duo de triginta millibus hominum venit, & fratres *Bentivoli* cum octingentis equitibus, & tribus millibus peditum, atque amplius Cardinalis *Ferrariæ* cum quatuor millibus peditum *Pistoriensium*.

A Ventum erat ad *Carpum* oppidum, & primo tormentis militiæ acriter agebatur, deinde tantis viribus confertum prælium est, ut facile hostes victi sint, & vi capto oppido omnia prædæ militibus fuere. Postea contra *Mutinam* civitatem ibatur, sed copiarum Pontificis urbem antevenerant quingenti milites & septem millia peditum. Igitur *Galli* propterea in *Centum* oppidum conversi sunt, & quia oppidani acriter hostibus obviam ibant, & nunquam voluerunt deditionem facere cum primum vi captum oppidum in hostium potestatem venit, crudeliter in eos sævitum est, & omnia prædæ militibus concessa sunt. Atque amplius jungendi se Pontificis copiis demptum iter *Venetis* videbatur, qui sub *Paulo Capello* altero legato in castris trecenti milites, duo millia levitum, & quatuor millia peditum jampridem ad *Stellatense* oppidum venerant, & ire festinabant versus *Bononiam*. Et quidem patebat via facilis, quia ex *Cento* ad *Bondenum* decem millium passuum iter est, ex quo *Stellatense* oppidum distat non amplius quatuor millibus passuum. Aliter dum *Marchio Mantuæ* causando aliquid semper differt Imperator in castris accedere, ita *Venetis* præclusum iter est, & vires sejunctæ longe minores habebantur. Usque adeo Dux *Ferrariæ* nuper ausus est *Venetis* infestus esse, & ad *Bondenum* venit cum quadringentis militibus, octingentis levitibus, & tribus millibus peditum, atque inde parabatur adversus *Stellatense* oppidum in expeditionem exire. Sed adhuc tantum missilibus telis & tormentis militiæ res erat, & identidem parte altera fluminis super *Ferrariæ Pollesino* frequenter hostes apparebant, & duæ triremes citro ultroque meabant, atque locis omnibus tormentis militiæ pariter agebatur. Et tamen *Joannes Maurus* præfectus classis *Padanæ* non dubitavit adverso flumine lembos, & minora navigia in *Padum* subvehere per amnem *Athesim*, quoniam propter munimenta & opera hostium, per *Padum* nihil posset feliciter attentari. Et quamvis hostes quantum poterant tormentis militiæ vetassent, impune tamen applicuit ingens supplementum exercitui, necnon postridie & *Marchio Mantuæ* tandem *Sermenium* oppidum venit cum tanta quanta dici potest omnium summa lætitia, quia facile dabatur intelligi, si modo in proposito staretur, rebus Pontificiis & *Venetis* illam diem optimarum rerum principium fore. Dum ea vero apud *Ferrariam* geruntur, Pontifex *Julius Bononiæ* ægrotabat, & miser discruciebatur animi, quia *Galli* hostes cum *Bentivolis*, nuper vi capto oppido *Spilimbergio* festinabant versus *Bononiam*, neque exercitus Pontificis poterat suppetere, quia ex *Mutina* occlusum iter erat, & *Fabricius Columna* cum subsidio distabat adhuc sex dierum itinere, *Venetorumque* copiarum non dum *Padum* trajecerant, quia *Marchio Mantuæ* semper differebat in aliud tempus accedere, & quod pejus erat *Bononienses* propter malum regimen Ecclesiæ videbantur spectare ad *Bentivolos*, qui nuper etiam ausi sunt, usque *Bononiam* cum levitibus accurrere. Cardinales etiam quinque qui a Pontifice desciverant, ex *Florentia Genuam* ibant, quod in schisma & magnum malum Ecclesiæ converti poterat. Accedebat Pontificis febris aucta istis angustis, & pejor febre *Gallica* frequens insinatio, & pacis conditiones propositæ, ut denique *Venetis* oratoribus *Dominico Trivisano*, & *Leonardo Mocenico* patri meo, qui nuper eo venerant Pontifex frequenter diceret se *Venetos* relictum iri, nisi copiarum *Venetæ* postera die idibus octobris *Padum* amnem trajiciant, & *Bononiam* festinent. Ille enim pressus tantis angustis facile videbatur ad *Gallos* velle desciscere.

A. Mocenicus.

E &

& si non nescius esset *Gallis* hærere periculosum fore, adeo semper de futuris speramus, quando præsens periculum vitare possumus. Sed cum primum *Federicus Contarenius* & *Clapinus Vitellus* cum sexcentis *Venetis* levitibus ad diem constitutam *Bononiam* subsidio venissent, Pontifex respirare visus est, & se *Venetis* nunquam defuturum aiebat, atque obiter ut omnis timor & suspicio tollatur, statim jubet oratores *Germaniæ*, *Hispaniæ* & *Angliæ* in castra hostium proxima ad duo millia passuum ire & jubere, ut se posthac abstineant a talibus, quæ fieri contra voluntatem suorum Regum conquerebantur, & ipsi etiam ægreferre videbantur. Nihilominus *Marcus Antonius Columna* cui demandatum negotium erat urbis tuendæ cum centum militibus, quadringentis levitibus, & quatuor millibus peditum, primo quoque tempore arma expedire, bellum parare, urbem munire, custodias locare, præsidia distribuere, & omnia facere quæ usui sunt. Pari modo cives & populares *Bononiæ* sedulo præ mœnibus stare, & opera militiæ facere, ut liquido pateret erga *Benivolos* quæ favor civitatis erat penitus cessare, dum illi *Gallorum* auxilium utuntur. Verum quia sanæ mentis est semper mutare incerta pro certis, Pontifex malebat sine incerto bello hostes impune discedere, atque ad eam rem iterum profecti sunt noctu in castra hostium qui prius iverant Regum oratores, & cum bonis verbis illud nequirent impetrare, *Anglus* orator conversus ad iram eo maxime movit *Gallos* Ecclesiastico solo confestim cedere, quod aiebat aliter fore, ut Regis *Gallorum* cum Rege *Angliæ* initum foedus prorsus irritum haberetur. Interea vero nunquam cessatum est cum *Marchione Mantuæ* semper agere, ut primo quoque tempore in expeditionem exiret, & tandem ille *Mutinam* ire constituit cum quingentis militibus, mille sexcentis levitibus, & quinque millibus peditum. Et propterea classi *Padanæ* consultum fore videbatur si protinus per *Pilosellam* fluvium in pacatum abiisset. Sed aliter usuvenit, quia cum eo ivissent quinquaginta cymbæ prædatoriæ *Ferrariensis* tormentis militiæ octo earum submersæ sunt, quo experimento periculum edocti *Veneti* ad *Castrum novum* totam classem ex *Pado* flumine tutissime trajecerunt in proximam foveam, quæ ducit in *Tartarum* & in amnem *Athesim*, & deinde parte alia cum toto exercitu versus oppidum *Finarium* ibatur. Cæterum *Marchio Mantuæ* confestim divertit ad villam *Felonegam* sitam tribus passuum supra *Sermenium*, aiebat enim aliter facere periculosum fore, quia quorsum ibatur *Ferrarienses* locum antevenerant cum quinquaginta tormentis militiæ, & jam complanatis itineribus volebant cum *Venetis* configere, quæ omnia ficta dolo malo postea per exploratores comperta sunt. Ibat tamen die quoque postera morando, & cum primum ad *Bivium* ventum esset, tunc *Marchio Mantuæ* hac inquit super solum *Mantuæ* nostrum iter est, & illac vestrum, super solum inimicum *Mirandulæ*, quod si vos usquam nocte ista hostes aggressuri viderentur, tormentis militiæ commonefacite & statim adero, quia apud villam *Stopiarium* stabo, & vos apud *Felicianum* state, sic fatus in verbo torfit vestigia. *Veneti* per solum hostile sub cælo pluvioso & tenebroso *Bellaerem* oppidum venerunt, non quidem parum veriti *Marchionis Mantuæ* suspiciosa facinora, quinimmo & cuncti milites de ipso conquerebantur, & putabant se duci deindustria per non tuta itinera, ut prædæ hostium militibus forent, atque iccirco postea ne illis usquam intereundum cum hostibus res esset, magnis itineribus usque *Mutinam* profecti sunt. Quod cum

A *Marchio Mantuæ* cognovisset valde ægre tulit, & protinus *Felicianum* venit, quasi *Mutinam* vellet accedere. Sed tantum abfuit, ut ille potius repedaret in patriam, quasi oporteret tueri propria, quia per eos dies *Galli* hostes ex *Verona* solum *Mantuæ* prædati sunt. Per idem tempus *Venetis* rerum bene gerendarum oblata occasio videbatur, quia *Dux Tremulus* cum quadringentis *Hispanis* militibus, & quingentis *Celtiberis* peditibus, ex *Verona Neapolim* venit, ut provinciam tutaretur adversus *Turcas*, qui cum classe quatuor triremium, quinque biremium, & duodecim uniremium ad *Hydruntum* & *Tarentum* venerant.

B Igitur *Veneti* primo quoque tempore festinare, parare commeatum, milites adscribere, & agricolas passim concire. Itumque est majoribus animis quam viribus, quia solummodo quingenti milites, octingenti levites, & quatuor millia peditum erant, & contra hostes *Veronæ* præsidio stabant trecenti quinquaginta milites, & duo millia peditum. Accedebat impetuosa pluvia, quæ inaccessum iter reddebat, & vetabat *Venetos* simul ac ad fanum *Martini* venissent, propius urbem ut par erat accelerare, & amplius hostes ea occasione usi sunt, arma expedire, urbem munire, factiosos expellere, festinare, parare, facere omnia utilia.

C Adeo semper etiam oportet rationem temporum habere, ne merito id omne irritum fiat, quod temere alioquin onus suscipitur. Ventum erat a *Venetis* usque ad fanum *Martini*, & hostes confestim combusserunt suburbia, ne venientibus ad urbem, usquam essent tegumenta, & tuta receptacula cum præsertim grave videretur fore, sub dio pluvioso persistere. Sed quia paulopost hostibus ingens supplementum venit, ipsi extra urbem locum castris elegere, & *Veneti* compulsi sunt ad locum *Cuchæ* recedere, quia nimia erat penuria commeatum, quatenus asportari in castra non poterant propter ingentem vim aquarum, quæ super pontes etiam fluebant. Unde eadem de causa postea *Montagnanam* iterum recessum est, & deinde contra *Ferrariam* ibatur. *Dux* autem *Ferrariæ* antequam futura obsidio contingat, plus solito urbem munibat, & accersebat passim præsidia. Et nuper quidem hostes quingenti supra duo millia peditum ex *Padana* ripa ad *Brixellum* oram solverant & eo facile navigassent, nisi *Marchio Mantuæ* iter impediat ad *Hostiam* & *Sermenium* præsidia locet & tormenta militiæ, qua difficultate moti illi pedites terrestre iter tenebant versus civitatem *Mirandulam* nescii dum vitent *Charybdim*, incidenti in *Scyllam* periculum subire.

E Namque & parte alia *Venetorum* ala equitum, & acies peditum eis obviam ibat, simul ac *Paulus Capellus Saxolo* vi capto oppido usque *Ronchajam* villam venisset prope civitatem *Mirandulam*, quam paulopost copiæ *Venete* & Pontificiæ parabant acriter oppugnare. Ille enim non ignarus eorum quæ fiebant, quanto maxime potuit rerum bene gerendarum ea occasione usus est, quamvis præter spem evenit, quia illi caute profecti per occulta & insueta itinera impune *Ferrariam* venerunt. Dum vero ea foris & militiæ geruntur, domi & *Bononiæ* de pace cum *Gallis* frequenter agebatur, & quia ea omnia frustra fiebant, denique apud *Tros* civitatem *Galliæ* decretum est contra Pontificem concilium celebrare, simul ac etiam Cardinales exiticii ejus rei auctores fuerunt. Sed apud *Lugdunum* cum oratore *Hispano* & *Germano* oratore *Gurgense* Episcopo frustra actum est in Pontificem & in *Venetos* ampliæ conditiones propositæ, quibus dabatur Regi *Hispaniæ* *Cyprus*, *Creta*, *Corcyra*, & *Veneticiæ*. Regi *Romanorum* *Vincentia*, *Forumjulii*, *Taurisum*, *Patavium*, & *Mantua*.

Mantua. Regi Gallorum *Luca*, *Sena*, & *Florentia*. Namque & Regi *Hispaniæ* suspecta erat Regis Gallorum tanta dominandi libido inexhausta, cui nisi tempestive occurratur, putabat eam sibi quoque periculosam fore. Adeo plus habendo semper ea intenditur, quæ a Rege *Nino* cæteris nationibus dominandi cupiditas orta est. Atque ideo *Hispani* declinabant ad Pontificem & *Venetos*, & eos ad conciliandos cum Rege *Romanorum* Episcopum *Gurgensem* sedulo *Bononiam* accersiebant. *Anglus* autem orator quia per idem tempus foedus initum inter *Anglos* & *Gallos*, ut suum robur haberet per Pontificem firmandum venisset, & illud fieri non posset, quia *Galli* Pontifici etiam bellum intulerant. Ille opportune ea occasione usus est, & Pontificem cum Rege suo & *Venetis* in novum foedus hortabatur, ut teneretur Rex *Angliæ* ad recuperandam *Vasconiam* *Gallis* bellum inferre, oporteretque Pontificis & *Venetorum* copias in castris esse, ad duo millia militum, & decem millia peditum. Sed istud Pontifici factum difficile videbatur propter avaritiam, qua semper nimium tenebatur. Non desisteabant tamen oratores semper agere de bello adversus Regem Gallorum, quia ejus immodicas regnandi cupidines, ea via solummodo putabant posse compescere. Et nuper etiam undecim Oratores *Helvetii* ad eandem rem *Bononiam* venerunt & convenerunt cum Pontifice. Pontifex quoque posthabito bello cum *Alphonso* Duce *Ferrariæ* ad *Concordiam* spectabat, quandoquidem per *Ludovicum Carpinatem* amplæ conditiones proponebantur. Et quamvis illæ ut eventus docuit, remoraturæ, fictæ, & fraudulentæ essent, merito tamen movebant Pontificem. Sed illud magis, quia Dux *Urbinas* nepos Pontificis præpositus exercitui rebus *Gallicis* magis quam Pontificis aperte studere videbatur, semper morando, & differendo in aliud tempus facere, dum rebus agendis celeritate opus est. Aliter *Paulus Capellus* cum *Veneto* exercitu antevenit ad civitatem *Concordiam* sitam juxta amnem *Sechiam*, & protinus expulsis hostibus cepit suburbia, deinde admovit urbi tormenta militiæ, & cum magna pars muri procubisset, confertum prælium est, quod diu anceps & atrox fuit. *Veneti* summa ope nitentur per ruinas muri in urbem ire. Contra hostes octingenti pedites pro viribus obviam ibant, & cum *Veneti* pedites munimenta superassent, statim supposito igne, eos hostis summovit, multi *Venetorum* combusti sunt, reliqui non integri ceciderunt in foveam. Redintegratum tamen prælium est majoribus animis & viribus, denique hostes victi fusique sunt, & capta urbe omnia prædæ militibus fuere. Deinde feliciter etiam gesta res est cum *Gallis* hostibus, qui exercitui præstiti erant apud *Palatium*, quod prope oppidum *Carpum* est. Namque *Veneti* illos repente aggressi sunt, & hostium tanta trepidatio fuit, ut illi fusi fugatique usque ad *Parmam* civitatem abierint. Eo rerum successu *Veneti* videbantur civitatem *Mirandulam* posse capere, nisi Dux *Urbinas* dolo malo semper prohibeat, ex quo Pontifex animadvertit, si ipse intersit rei agendæ multum accessurum, & ideo *Felicianum* venit Ducem *Urbinate* exauthorare, res omnes componere, & expeditionem in urbem *Mirandulam* festinare. Igitur eo auctore prope urbem adnotæ vineæ sunt & tormenta militiæ, ducti aggeres, compacta munimenta, denique noctu, & interdiu acriter urbis mœnia quassabantur, & cum magna pars muri procubisset, prælium conferi parabatur, quod oppidani veriti ne fiat, summo mane Pontificem adierunt in castra veniam petere, pacem implorare, & quibuscumque

conditionibus urbem tradere. Sic capta deditio-
ne civitas est dum Pontifex *Julius* incumbit operi, quamvis nivofum tempus & ipse semiæger adhuc esset. Habita civitate *Mirandulæ* consultabatur identidem prout eundem esset contra *Ferrariam*. Namque *Galli* cum duce Magno magistro & *Joanne Jacobo Triultio* locisque *Bentivolis* apud *Parmam* urbem ea ratione bellum moliebantur, ut Pontificis copiis repente obviam eant, & copiam pugnandi faciant, aut trajecto *Pado* flumine similiter aggrediantur exercitum *Venetum*, qui cum *Andrea Gritto* apud *Abbatiam* oppidum morabatur, aut etiam divertendi gratia adversus *Mutinam* & *Bononiam* in expeditionem exeant, quæ omnia cum essent Pontifici relata, ille statim jubet omnem exercitum duci ad *Bondenum* & *Finarium*, ut *Mutinæ* & *Bononiæ* semper auxilio esse possit, & parte alia identidem qua *Padus* amnis in duas partes scinditur utrinque *Ferrariensem Pollesinum* ponte jungere, ut Pontificis & *Venetis* in omnem eventum commendi semper facultas esset. Contra *Galli* hostes vetabant, ne aliquo pacto tales exercitus jungi possent, & parte altera ex *Verona* profecti sunt usque *Suavium* cum manu prædatoria ad quinque millia hominum, ut *Veneti* necesse haberent succurrere, qui apud *Abbatiam* erant, simulque parte altera *Galli* hostes mille quadringenti milites & decem millia peditum, repente trajecerant amnem *Sechiam*, & videbantur castra Pontificis potius quam oppida aggredi velle. Igitur iterum apud Pontificem in consultatione posita res est, declinatumque ad partem tutiorem, & itum est ultra amnem *Panarum* ad *Centum* oppidum, ubi pro antemurali flumen habebatur, simulque datum negotium est Oratori *Germaniæ Mutinam* ire, & pro Rege *Maximiliano* eam tenere, quæ ad Imperium spectare videbatur. *Veneti* vero trecenti milites, mille levites, & totidem pedites, qui ad *Ficarolium* ulteriorem *Padi* ripam custodiabant, similiter coacti sunt protinus loco cedere, simul ac hostes cum parte copiarum ad *Reverem* oppidum venissent, & pararent ad *Hosiliam Padum* trajicere, quod si inde se jungant copiis, quæ apud *Ferrariam Lemniacum* & *Veronam* erant, majus etiam periculum exercitui *Veneto* imminere videbatur, atque eo maxime, quod *Marchio Mantuæ* jam tum aperte ad *Gallos* desciverat. Igitur *Veneti* festinare, parare, accersere milites, qui apud *Suavium*, *Coloniæ*, & *Leonicum* erant, ut confestim *Montagnanam* veniant, & eo deferant cuncta impedimenta, quæ inde secundo flumine ad *Ateste* oppidum transmittantur. Denique jubent copias omnes semper in procinctu stare, ut dum expedit, cito possint in pacatum abire, sicut & postea factum est, & distributis custodiis ad *Rhodigii* peninsulam, iterum ad *Montagnanam* omnis exercitus venit. Sed cum paulopost rumor increbresceret Regem Gallorum gravem agritudinem pati, & *Helvetios* iterum in *Italiam* descendere, Gallorum hostium castra versus *Parmam* repente mota sunt, & hinc ab exercitu Pontificis ad *Finarium*, illinc a *Venetis* copiis ad *Ficarolium* contra *Ferrariam* iterum in expeditionem ibatur, simul ac distribuissent iterum præsidia, ducentos levites apud *Suavium*, apud *Leonicum* totidem, & quingentos equites apud *Coloniæ*, ut semper auxilio essent agricolis, qui passim alioquin moliebantur aufugere, propterea quia hostes frequenter ex *Verona* totam regionem prædabantur. Parte quoque alia per *Padi* ostium *Primarium* adverso flumine *Joannes Maurus* cum classe *Padana* tredecim triremium, lemborum, & minorum navigiorum plurium, prope propugnaculum *Coloniæ* statim venit, simul ac etiam e

Pontificio & Veneto exercitu centum levites, & octingenti pedites, locum obsederant & coeperant oppugnare cum suo magno malo. Namque dum illuc e *Ferraria* quinque horarum solummodo iter est, Dux ipse repente illis obviam venit cum trecentis militibus, octingentis levitibus, & tribus millibus peditum. Et quidem equites per continentem ibant, & pedites tribus triremibus, & aliis navigiis secundo flumine vehebantur. Itaque confestim acies junctæ sunt, & confertum prælium atrox. Equites enim *Veneti* quorum *Joannes Fortis* dux erat fortiter in hostes agebant, ut illi aliquando cedere visi sint. Aliter pedites nunquam manserunt in officio, unde Pontificii & *Veneti* tandem coacti sunt terga vertere & propriæ salutis effusa fuga consulere, multi cæsi sunt, multi contriti bellicis tormentis, pauci integri amissis impedimentis omnibus in pacatum abiere *Faventiam*, ubi etiam valde tumultuatum & trepidatum est. Namque putabant *Gallios* eo successu *Panarum* amnem velle iterum trajicere, & exercitum Pontificis invadere. Adeo semper cum infelicitate gesta res est, timere sapientis est & cavere, ne aliquid mali eveniat, denique ea omnia conjectari probe, de quibus habenda fides est. Et bene quidem inde consultum fuit, ad *Stellatense* & *Sermenium* oppidum hostem antevenire, ne *Galli* jungi possent copiis, quæ *Ferrariæ* morabantur. Sed parum prodest bonum consilium, nisi mature fiat quod oportet facere. Stabat ergo alioquin Pontificis omnis exercitus ad *Finarium*, quoniam hostes ad *Stellatense* oppidum antevenerant arma expedire, copias accersere ex *Verona* & *Lemniaco* *Padum* pontem jungere, & meditari primo quoque tempore cum hostibus manum conferere. Et quidem nuper parum cessit ex sententia nostris equitibus, qui visum ibant quid hostes agant. Namque *Leonardus Hierosolymitanus* eques cui tale negotium demandatum fuerat, dum inter eundem ad *Palatium* quod *Bellaerem* appellant, equites alios expectat. Ecce dominus *Paliscus* cum trecentis *Gallis* militibus, & sexcentis levitibus eo statim venit, ad quos relata res erat, deinde certamen fuit ad fores *Palatii*, dum nostri molirentur aufugere. Et multi quidem e manibus hostium dilapsi sunt, ut parum actum videri posset, nisi *Leonardus Hierosolymitanus* eques in hostium potestatem venisset, simul ac vulneribus confossus est, & paulopost etiam interiit vir ille non minus sapiens quam fortis, & de republica benemeritus, sicut in æde *Joannis Pauli* erecta ejus monumenta præferunt. Adeo semper æquum est eorum hominum rerum gestarum memoriam longam esse, quorum militari fortitudine vita brevior fuit. Nihilominus in *Pado* *Ferrarienses Venetorum* classem *Padanam* propulere, namque illi cum graviore classe altera triremium & uniremium ex *Ferraria*, & ex oppido *Comaclo* cum leviori classe lemborum altera, *Venetis* obviam ibant. Igitur primo per graviorem classem cum classe *Veneta* gesta res est, & cum semper pugnando ad *Alberti Fanum* venissent, tunc classis altera apparuit, ex palude *Comacina*, & parabat *Venetis* iter occludere. Sed *Veneti* postquam imminens periculum vident, statim in altum & in portum *Ravennæ* e manibus hostium dilapsi sunt. Parte quoque alia mille equites hostium, & quingenti supra duo millia peditum trajecto *Pado* ad *Ficarium* usque ad stationes *Venetorum* & ad *Rhodigianam Pollesinum* venire & tentare ausi sunt, si possent locum *Tresentæ Candæ* & castellum *Vielmum* e manibus *Venetorum* eripere. Sed ea expeditio minus prospera fuit, quia a *Venetis* acriter obstitendo loco permansum est, & illi amplius visi

A sunt semper ituri obviam hostibus, quotiens eis copia pugnandi fiat. Igitur cum ea via graviore videretur, iterum trajecto *Pado* ad *Stellatense* oppidum ceptum est exercitum Pontificis ad *Bondenum* vexare, datumque negotium est Duci *Ferrariæ*, ut cum copiis super *Ferrariensi Pollesino* e regione ad *Bondenum* eat, oppidumque tormentis militiæ concutiat, & si Pontificii *Gallis* obviam eant, qui ex *Stellatense* oppido ad oppugnandum ibant, *Ferrarienses* eos identidem a lateribus tormentis bellicis impetant. Jam vero *Gallorum* ducenti equites ad primas stationes hostium antevenerant, ubi prælium confertum est, videbanturque *Galli* primo cedere. Sed subeuntibus a tergo *Gallis* peditibus, qui super duas cymbas per amnem *Panarum* clanculum venerant, redintegratum prælium est, non tamen illud diuturnum fuit, quia copię Pontificis semper majores subibant & demum hostes impares expulsi sunt. Itaque aliquantum audacia *Gallorum* compressa est, quæ alioquin nimium formidolosa videbatur, dum illi omnia pertentant capere, & in suam potestatem redigere. Accedebat ad hæc, quod res *Veneta* cum Rege *Romanorum* ad concordiam spectare videbatur, quia *Gurgensis* Episcopus *Bononiæ* Pontificem convenit, & diu egit de pace cum *Venetis*. Sed tum quia conditiones iniquæ proponebantur, tum quia super *Aquilejensi* præfatu parum conventum est, denique re infecta *Gurgensis Mutinam* abiit, unde minitendo pontifici & *Venetis* in *Germaniam* reversus est. Quod si cum solo *Patavium* & *Tarvisum* *Venetis* reliquisset, procul dubio Pontifex voluisset, quia ita fore literas *Gurgensi* dederat, antequam *Bononiam* venisset & obiter volebat pecuniis parcere, quorum studio maxime tenebatur, & vetare concilium, quod contra se fieri parabatur. Cæterum cum aliter evenisset Pontifex simul cum *Venetis* arma expedire, classem parare, supplementum exercitui mittere, e superiori *Germania Helvetios* adscribere, ex *Peloponneso* equites stratiotas pileatos, hastatos accersere, & demum omnia facere quæ usui forent, ut possent indignatis hostibus obsistere. Hostes vero similiter copiis aucti sunt ex *Verona* & *Lemniaco*, & rati agendum viribus ad oppugnandum civitatem *Concordiam* perrexere, & primo impetu tormentis militiæ repulerunt hostes e stationibus, deinde facile in civitatem itum & sævitum est, atque omnia prædæ militibus fuere. Et amplius cum Pontificii & *Veneti* obviam hostibus venissent ipsorum disturbatis ordinibus, Dux *Joannes Paulus Manfronus* cum aliquibus aliis in hostium potestatem venit. Quibus gestis ad *Bonumportum* situm juxta amnem *Panarum* hostes ituri videbantur, nisi Pontificii & *Veneti* locum protinus antecapiant, quia locus ille propter amnem tutissimus visus est, propinquus civitati *Mirandule*, castro *Felicio*, & urbi *Bononiæ*. Cum vero hostes statim etiam e regione ad eundem locum venissent, primo quoque tempore flumine intermedio tormentis militiæ acriter agebatur. Sed Pontificii & *Veneti* frustra transitum vetabant, quia hostium plura opera & vastatores erant, & ideo paulopost solummodo expectabatur partem hostium quam invadant amnem trajicere. Sed tantum absuit, ut hostes potius versus montes digressi sint. Igitur super aggeres fluminis utrique iterum ibatur, & vicissim agebatur cum magna cæde, missilibus telis, & tormentis militiæ, usque quo ventum est ad *Castrum francum*, ubi Pontificii & *Veneti* castrametati sunt. Hostes autem superius amnem vadati prope Pontificios & *Venetos* ad tria millia passuum locum castris elegere & visi sunt statim velle

confligere. Aliter postea versus montem ibant cum impedimentis velociter, & milites paulatim incedebant, videbanturque velle pontem *Rheni* fluminis antecapere, quod iter facere Pontificii & *Veneti* propter commoditatem loci identidem aggressi sunt, & quia hostibus relata res est, deinde utrinque sub ordinibus militiæ stabatur, donec advesperasceret. Postea Pontificii & *Veneti* sub multa pluvia noctis silentio ad Pontem *Rheni* profecti sunt, & inter urbem *Bononiam*, & montem proximum steterunt, loco satis tuto, nisi *Bononienses*, & *Monticolæ* res novas molirentur. Et quidem probe suspicari ante poterant, nisi frequenter humana læva mens esset, & quicquid vult facile inducit animum credere. Itaque nuper temere creditum est, *Bononienses* mansuros in fide, dum ipsi pollicentur ita propterea fore, & tamen noluerunt alioquin *Ramazotum* cum mille peditibus in civitatem recipere, quia ad defe-

ctionem spectabant. Quod si tempestive etiam scitum esset, omnes incolumes abiissent, sed nimum sero, & cum tumultu castra mota sunt, & ideo *Bononienses* & *Monticolæ* inter eundum Pontificiis & *Veneti* magnam cladem intulere, ceperuntque impedimenta omnia, & maxime de *Veneti* magna edita cædes est, atque etiam major fuisset, nisi *Vulpenfis* eques qui tergiductor erat, aliquantum hostibus ad civitatis fores obstitisset, & intra mœnia repulisset. Sic iterum *Bentivoli Bononia* potiti sunt, & prope civitatem erat Gallorum omnis exercitus ad mille quingenti milites, & decem millia peditum, ut nostrorum in sola fuga sita omnis spes esset, & ea quoque illos fefellit, quia in fuga a villicis etiam turpiter copiae Pontificis & *Venetorum* dissipatae sunt. Itaque Pontifex dum *Ferrariam* cupit subigere, *Bononiam* civitatem amisit, & re infeliciter gesta protinus *Romam* reversus est.

Epitoma

EX LIBRO QUARTO.



OSTEA quam *Bononia* in hostium potestatem venit, Pontifex curam belli gerendi deposuit, & obiter litteras dedit Regi Gallorum, ut desisteret Ducem *Ferrariæ* defendere & concilium celebrare, simul ac ipse illud in *Laterano* indiceret. Sed supra omnia Pontifex & Hispanus Orator curabant *Venetos* cum Rege Romanorum conciliare. Nihil tamen fiebat, quia *Veneti* nunquam *Vincentiam* relinquere passi sunt, atque amplius cum Galli ad stationes issent, *Veneti* milites nimum ausi sunt circa *Veronam* agros vastare, & omnes segetes comburere cum suo magno malo. Namque inter agendum multi *Venetorum* cæsi & capti sunt, atque amplius Gallorum omnis exercitus cum *Ferrariensibus* & Germanis iterum in expeditionem exivit. Et quia

Veneti voluerunt hostem validum expectare, ad Villam novam & *Suavium* fusi fugatique sunt, donec aufugissent in *Patavium*, & deinde studebatur *Patavium* *Tarvisium*que munire, quia in incerto res erat, si *Patavium* aut *Tarvisium* hostes parent invadere. In *Istria* quoque *Veneti* nimum ausi sunt *Tergesti* agrum vastare, penetrare in *Germaniam*, & locum fluminis comburere. Namque propterea *Christophorus Frangipanes* iterum in *Istria* venit, & totam provinciam prædatus est. Usque adeo etiam in *Istria* multa identidem gesta sunt. Namque terra marique frequenter agebatur, & sæpe vario eventu pugnabatur, modo *Veneti*, modo hostes vincebant, & multa oppida sæpe capta & recepta sunt. Parte autem alia omnis exercitus hostium contra *Patavium* venit, ubi sæpe etiam vario eventu pugnabatur cum *Veneti* levitibus, dum illi maxime student commeatus hostium interciperet. Sicut & nuper fecerunt ad *Marosticam* & *Suavium*, & agebatur propterea magis magisque in castris hostium penuria commeatum, atque iccirco hostes moverunt inde contra *Tarvisium*, simul ac in miseros villicos crudeliter servitum est. Verum identidem hostes egerunt infeliciter apud *Tarvisium*, & tandem re infecta ibant in *Forumjulli*, quo & Germani passim ex *Tridento* consuere dicebantur. Itaque parvo momento totum *Forumjulli* in hostium potestatem venit. Namque *Antonius Savorgnanus* ad hostes descivit, & milites omnes ubique in fugam conversi sunt, atque amplius Germani & Galli hostes usque ad *Veneta* æstuarium venerunt agros vastare, prædas agere, servire, subvertere. Sed paulopost hostes ibant ad tuenda propria, quia *Helvetii* iterum in expeditionem exibant, & identidem iterum *Veneti* potuerunt vicina oppida recipere, & *Forijulii* totam provinciam redimere. Namque hostes abierant, & deditio passim fiebat. Aliter *Cromonium* vi captum est, & contra *Gradiscam* infeliciter agebatur, atque amplius *Forijulii* in incerto res erat, quia Germani hostes iterum proruperant, nisi illi tantummodo contenti sint *Bellumni* civitatem diripere & in *Germaniam* recedere. Interea summo opere de pace & fœderibus agebatur, & quia multum intererat in partes suas habere Regem *Angliæ*, qui statim in *Galliam* prorumpat, illi Pontificis litteræ plenæ suasionum datæ sunt, & tandem inter illum & Pontificem cum Hispanis, *Veneti* & *Helvetiis* novum fœdus initum est. Deinde omnibus locis contra Gallos ibatur, & primi *Helvetii* in solum *Mediolanense* venire, atque acriter gesta res est. Sed *Helvetiis* parum cessit ex sententia, quia re infecta unde abscefferant reversi sunt. Parte alia *Veneti* iterum iterumque contra *Brixiam* moverunt, & tandem urbs illa in *Venetorum* potestatem venit, dum Galli hostes impediti sunt contra exercitum Pontificis & Regis Hispaniæ apud *Bononiam*. Sed cum primum hostibus relata res esset, bene munita *Bononia* Gallorum omnis exercitus contra *Brixiam* confestim ibat, & inter eundum fudit fugavitque præsidium & subsidium quod *Brixiam* antestabat, atque amplius civitas cum magna strage *Venetorum* in hostium potestatem venit, & omnia prædæ militibus fuere. Interea vero iterum cæptum est agere de pace cum Rege Romanorum, & Pontifex visus est *Venetos* velle deserere, nisi illi contenti sint *Vincentiam* Regi *Maximiliano* tradere, atque ideo frequenter ad senatum referebatur, & cum pax displicisset, placuerunt magis induciæ, & illas denique passi sunt. Deinde quia Gallis magnum periculum imminerebat, illi quantum in se fuit, sæpe antea conati sunt Pontificem & *Helvetios* in suas partes deducere, & cum illud facere non possent, viribus agendum ratifunt, & contra Hispanos audacter ibatur. Igitur apud *Ravennam* atrox certamen fuit, quia collatis signis gestum est, multi ex utraque parte cedere, & non inulta fuit Gallorum victoria. *Veneti* vero cum classe *Padana* frequenter in *Ferrarienses* agebant, dum illi ubique infesti sunt, & volunt navigia cum mercibus interciperet. Et quidem sæpe vario eventu pugnabatur, nunc ii nunc illi vincebant, *Pollesinus Rhodigi* iterum capta & recepta est. Dum vero Pontifici & aliis

Gallorum potentia formidolosa videretur, Helvetii iterum in Italiam venire, simulque cum Venetis in Gallos truculenter ibatur. Et quidem Galli quasi fugientes abibant, quandoquidem iterum iterumque fusi fugatique sunt, & simul ac Mediolanum atque urbes aliæ a Gallis desciverant, illi pauci quidem abierunt in Galliam, quia de multis edita cædes est, & omnia prædæ militibus fuere. Postea inter Venetos & Helvetios discordiæ ortæ sunt, quia ab Helvetiis ceptum est nimium insolescere, & tandem Veneti compulsi sunt invitis Helvetiis repente discedere versus Cremam & Brixiam, quamvis alioquin contra urbes illas aliæ Venetæ copiae adhuc essent, & frequenter cum hostibus ageretur. Per idem tempus Romæ ceptum est concilium fieri, simul ac Bononia & tota Flaminia recepta est, Hispani iterum in Cisalpinam Galliam ibant, Rex Angliæ initum fœdus ingressus est, Rex Romanorum cum Venetis inducias sanxit, & Dux Ferrariæ Romam venit. Sed quia non potuit convenire cum Pontifice, clanculum aufugit in Ferrariam. Deinde ceptum est de bello & pace consulere. Namque Hispani & Helvetii machinari aliquid in Pontificem & Venetos videbantur, quia volebant Maximilianum Sfortiam Mediolani Ducem esse & Venetos Brixiam non oppugnare. Sed omnia frustra fiebant, atque Hispani & Helvetii contra Venetos ibant, quia ipsi nolabant ab oppugnatione Brixiae desistere. Et fortasse apud Brixiam difficultas fuit, quia viribus agebatur, quandoquidem apud Cremam suasionem pollicitis & muneribus custodes victi sunt, & civitas in fidem recepta est. Postea Regum & Principum Oratores ad Helvetios venire, & diu quidem actum est de concordia, tandem Helvetii cum Mediolanensibus convenire, & favere rebus Venetis visi sunt. Aliter apud Brixiam Venetis parum cessit ex sententia, quia denique urbs illa Hispanorum in potestatem venit, & quod peius est, dum Mantuæ & Romæ de pace cum Gurgense iterum ageretur, & fieri non posset, Pontifex egre tulit, & cum Rege Romanorum novum fœdus in Venetos fecit, ut Venetis necesse fuerit, iterum cum toto exercitu Patavium recedere. Interea vero novum bellum in Gallia ortum est, & quia per idem tempus toto orbe terrarum bellum identidem vigeat, brevis de situ orbis narratio fit, & in quibus partibus bello acriter agebatur, quando ubique bella aspera gesta sunt, atque identidem ab Hispanis & Anglis terra marique contra Gallos ibatur, & tandem Angli in Aquitania magnam prædam egere, & Rex Hispaniæ tota Vasconia potitus est. Deinde Galli agebant de pace cum Venetis & Helvetiis, & quidem cum Venetis actum est, ut dum eorum in ea re sita omnis spes esset, frustra Pontifex obnixus sit a proposito illos avertere, & conciliare potius cum rege Romanorum, quando non iniquæ pacis conditiones proponebantur. Et quia nihil fieri nimium Pontifici molesta res esset, ille præ tristitia in gravem infirmitatem incidit, & denique vita functus est.

LIBER QUARTUS.

Capta Bononia Pontifex Julius deposita belli gerendi cura omnes copias dimisit, præter milites in albo, quos per civitates ad stationes distribuit, simul ac certior factus est, non ituros Gallos contra civitates Ecclesiæ, quia parabant Venetos ad Fossam Clodiam, & ad Patavium vexare. Igitur Veneti quibus belli majus onus incumbere festinare parare, utraque loca affatim munire, copias sub Paulo Capello ex Rubicone flumine ad Clodiam trajicere, novos equites & pedites adscribere, denique omnia facere, quæ facto opus esse viderentur. Et amplius Orator Hispanus & Venetus apud Pontificem enixius etiam agebant de pace cum Rege Romanorum. Namque ea iterum in consultationem venerat, tum quia Gallis prospera omnia cedere invidiosa & periculosa res erat, tum quia valde dubitabatur Pontificem ad Gallos desciscere dum Scocensis Orator apud Bononiam cum Gallis de pace omnium frequenter ageret, & omnibus modis Pontifex conaretur concilium dissolvere, ad quod ipse etiam Pisas accersebatur, ubi Reges Romanorum & Gallorum Cardinalesque exiticii Calendis septembris indixerant. Quamvis enim Pontifex illud prævertisset in Laterano, dubitabat tamen aliter fieri, adeo frequenter sibi conscientia plus satis timet, & semper mali præfaga mens est. Et quia per eos dies Pontifici literæ Regis Gallorum redditæ fuerant, quibus continebatur Regem cum Pontifice pacem summopere desiderare, & concilium apud Pisas celebrare, similiter Regi Gallorum in eam sententiam literæ pontificis datæ sunt. Nemini quidem Rex Gallorum magis quam nobis studium Christianæ pacis incumbit, quod si & tu adeo pacis studiosus es, non debes interdicto apostolico posthabito Ferrariensibus nostris hostibus adesse, quos si deseras, ut te decet facere, nos etiam non amplius recordabimur eorum, quæ nuper male contra nos egisti. Concilium autem vocare non

A tua, sed nostra legitima potestas est, qua nuper etiam libenter usi sumus & illud in Laterano indiximus. Igitur ejus rei te certiore facimus, sicut & alios Reges & principes omnes admonebimus, & hortabimur ad differenda bella in tempus aliud. Et præcipue te Regem summa ope eniti decet, ut omnibus pateat liber accessus, & sepositis armis cuncta fiant, ne id quod vi & armis agitur, jure irritum esse culpetur. Illud vero Hispanus orator cum Pontifice & Oratore Donato præsertim curabat, ut ad faciendam pacem cum Rege Romanorum Veneti contenti essent Patavio & Tauriso. Sed Veneti nolebant Vincentiam relinquere quamvis obsidio Patavina iterum instare videretur. Adeo frequenter Veneti durare solent, & omnia ferre malunt, quam ignominiam pati. Cæterum de Gallis aliter evenit quam putabatur, quia potius ab illis ad stationes itum est, & illi solum qui Veronæ quadringenti milites erant, & quatuor millia peditum frequenter regionem prædabantur, & maxime apud Suavium Venetos vexabant. Sicut & parte altera Ferrarienses ostia Padi navigiis obsederant, ut illac iter maritimum, & terrestre periculosum foret. Et amplius frequenter videbantur Rhodigianam Pollesinum aggredi velle, ut Veneti milites utrobique semper intenti paratique starent, nunc locum servare, nunc hostibus obviam ire, & sæpe etiam levia certamina committere. Denique Venetis in mentem venit Veronensium omnes segetes comburere, quia multum intererat, si possent hostibus commeatum adimere. Igitur statis locis distributis præfidiis noctis silentio ea acta res est, & ultra citraque annum Athesim omnes segetes igni absumptæ sunt. Sed non impune recessum est, quia cum plures hostium obviam venissent, ex Venetis trecentis peditibus, ducenti venerunt in potestatem hostium, & multi fluminis vorticibus absumpti sunt. Secundum eam qualemcunque pugnam Galli non nescii quantum præstet in rebus agendis celeritate uti, simul ac passim Veronam venissent ad qua-

quatuordecim millia hominum cum *Ferrariensibus* & *Germanis*, locis omnibus contra *Venetos* ibant, & quia *Veneti* ausi sunt ad *Villamnovam* validum hostem expectare, illi facile copia hostium pressi sunt. Et tamen adhuc temere substiterunt prope *Suavium*, quo vi capto parvo discrimine, iterum de *Venetis* edita cædes est, & usque *Leonicum* in castra fusi fugatique sunt. Deinde statum utrinque prope ad jactum lapidis & in illa statione comitiaria in procinctu, & sub ordinibus militiæ ambo exercitus erant. Hostes expectabant accersitum subsidium. *Veneti* vero viribus impares noctis silentio meditabantur in pacatum abire, simul ac ea res in consultationem venisset. Igitur dum statum versus *Patavium Veneta* impedimenta, & tormenta militiæ admota sunt, & occidente jam sole identidem perrexit omnis exercitus sub ordinibus militiæ. Mediæ acies peditum incedebant, præstites milites erant & substitutes, denique pileati hastati equites ibant, & omnis exercitus iterum *Patavium* venit, atque omnia præsidia, quæ priuserant in oppidis & super *Rhodigiana Pollesino*. Et quia nescibatur *Patavium*ne hostes, an *Taurisium* parent invadere. Namque alioquin videbantur illam civitatem prius aggredi velle, quam minus munitam viderent, similiter oportuit ex *Patavio Tarvisum* validum præsidium mittere. Et cum ea quæ foris fiebant, relata *Venetis* essent, multi nobiles cum adscriptis peditibus, alii *Patavium*, alii *Taurisium* subsidio profecti sunt. Simulque in urbes illas ex agris passim concursus est, & multi agricolæ iterum *Venetias* venerunt cum liberis conjugibus & paupere suppellectili. Interea parte alia in *Isria* cum *Tergestinis* res erat, quia illi cum unireme & lembis per littora prædatum ibant. Et cum nuper datum negotium esset *Aloysio Muscatello* cum unireme & cymbis longis portum *Tergesti* petere, & uniremem & lembos comburere, quia parum caute agebatur, *Veneti* fusi fugatique sunt, & amplius *Tergestini* cum unireme & lembis sexaginta equitibus, & trecentis quinquaginta peditibus ausi sunt terra marique *Muglam* oppidum acriter invadere. Sed ea res parum illis cessit ex sententia, quia *Muglenses* repente facta eruptione obviam hostibus venire, & illi cum magna strage repulsi sunt. Et identidem apud *Adignanum* oppidum *Liburni* hostes fusi fugatique sunt, qui centum quinquaginta equites, & ducenti pedites venerant temere oppida capere & diripere. Deinde terra marique contra *Tergestum* ibatur agros vastare & prædas agere. Namque ad eam rem convenerant ex tota *Isria* multa majora navigia, & peditum ingens manus collectitia, & cum primum omnes prope urbem venissent, repente signo dato ceptum est agros vastare, vineas, arbores, olivetaque intercideri, & passim omnia desolare. Atque amplius *Andreas Ciuranus* cum nonaginta levitibus, & centum peditibus nimium audacter ausus est per *Postojnam* oppidum ad sexdecim millia passuum in hostile solum penetrare. Et quidem cum magna præda regressi sunt, usque ad saltus, angustos oppidi, cui nomen *Vetus Sanofechium*. Ibi locati in insidiis ducenti pedites hostium repente *Venetos* adorti sunt. *Veneti* tamen cunco statim facto inde evasere incolumes. Sed quia postea & *Christophorus Frangipanes* cum septuaginta levitibus in *Venetos* irrupit *Venetorum* disturbatis ordinibus tanta de peditibus & equitibus edita strages est, ut vix Dux ipse cum triginta equitibus incolumis potuit aufugere. Adeo semper nocuit hostem irritare, quando utilitas rationem subigit & rapit in manifesta rerum discrimina. Secundum eam pugnam *Christophorus Frangipanes* cum

A quadringentis equitibus, & quingentis peditibus perrexit agros vastare, prædas agere, domos comburere, & in omne scelus impune prolapsus est, & deinde cum magna præda ad majores vires comparandas in *Germaniam* rediit. Nihilominus *Isris* & insularis proximis iter maritimum periculosum erat. Namque *Jacominch Fluminensis* pirata cum duabus uniremibus & lembis passim infestus ibat, & cum ingenti præda interceptabat multa navigia, ut *Isri* amplius negotiari non possent, nisi ex omnibus vicinis insulis ingens classis contra hostes venisset. Et quia non invenerunt piratam in locum fluminis conversi sunt, neque in vincendo difficultas fuit, quia dum e mari solummodo tanta vis esset, hostis per continentem abiit, atque statim capta & combusta civitas est. Postea vero *Christophorus Frangipanes* cum septem millibus hominum iterum in *Isriam* venit, & primo quoque tempore deditio cepit *Moch* castellum bene munitum natura & opere, quia oppidani nimium veriti sunt tormenta militiæ, & quod pejus erat inde omnes in fugam conversi sunt & passim deditio fiebat, donec audacia hostium tandem ad *Muglam* reprimeretur. Namque civitas illa obsidionem pati voluit, & stetit contra tormenta militiæ. Itaque omnes intenti paratique stare, hostibus obviam ire, collapsa mœnia reparare, aggerem ducere, hostes semovere, & nihil tutum munimentis pati. Et ecce ex *Justinopoli* civitate proxima triremis & biremis statim subsidio venit, & hostes repente *Tergestum* recedere compulsi sunt. *Andreas* autem *Ciuranus* præfectus levitum, sicut in obsidione *Muglensi* se bene gesserat, sic nuper etiam fortiter in hostes egit. Namque *Christophorus Frangipanes* cum quadraginta equitibus, & centum viginti peditibus prædatum iterum venit, & ille repente cum viginti levitibus, & centum villicis peditibus obviam perrexit ad *Muglanam* planiciem, ubi & anceps, & atrox certamen fuit, dum utrinque sit, quod facto opus est. Denique inter *Andream* & *Christophorum* duellum asperum fuit, & primo infestis hastis agebatur, postea stricto mucrone alter alterum acriter aggressus est. Et quidem vario eventu pugnabatur, donec uterque integer esset. Sed postquam *Andreas Christophorum* percussit in facie, acies hostium inclinavit, cumque *Veneti* magis magisque eniterentur eo maxime hostes cum magna strage fusi fugatique sunt. Et nisi *Veneti* intendant gregarios etiam milites diripere, ipse etiam *Christophorus* in hostium potestatem venisset. Secundum eam pugnam *Veneti* milites conabantur montium saltus recipere, & quia *Hospium* castellum in monte prærupto situm est, qua *Carni* mercatores salem & vina solent subvehere, & aliter capi non potest, ipsi clandestina conspuratione usi sunt. Sed primo ea quoque parum cessit ex sententia dum nimium temere festinant, & *Tergestini* subsidio forent. Postea tamen cum plures factionis *Venetae* dissimulati carnes facere in castellum ivissent, cæsis hostibus & admissio *Veneto* præsidio proditio tandem castellum illud in *Venetorum* potestatem venit, atque identidem alia vicina oppida in fidem recepta sunt. Dum ea vero in *Isria* geruntur Galli hostes qui contra *Patavium* venerant, & penes quos regionum potestas erat, multum amice cum villicis & popularibus agebant, & invitabant illos omnes domum redire qui foris erant, publice profitendo se illis mites & benevolentes fore. Et istud fiebat tantisper dum Rex *Romanorum* expectabatur, sine quo non debebant civitates invadere. Sed alioquin omnia pertentabant facere, nunc videbantur contra *Tarvisum* in expeditionem

nem exire, nunc contra *Patavium* divertebant, & curabant potissimum ad *Liminium* aquas vetare, ne amplius *Patavium* defluant, lignamina & ferramenta compingere, aggerem ducere, & aquarum itinera obturare: Contra *Veneti* levites obviam ire, & cito demoliri id quod diutino labore hostes fecerant. Namque passim adversus hostes ibatur sæpe etiam invadere, nunquam prælium conferere, semper hostem vexare, & præcipue commeatus frequenter intercipere, ut hostes non auderent amplius deferre annonam in castra, nisi per montes & cum magnis subsidiiis. Sed & illud nuper tantum abfuit, ut vectores hostes trecenti equites, & totidem pedites victi sint apud civitatem *Marosficam*, ubi cum *Venetis* sexcentis levitibus certamen fuit. Atque primo Marte ancipiti agebatur, deinde videbatur res *Veneta* inclinare, quam qui primus in hostes egit Comes *Guidus Rangonius* captus est. Denique vero cum *Joannes Maria Fregosius*, *Federicus Contarenius*, & *Veneti* levites hostem circumcissent, simulque invaderent a fronte, a tergo, & ab utrisque lateribus, omnes pedites hostium cæsi sunt, & plerique equites in *Venetorum* potestatem venire. Parte alia identidem *Veneti* milites penetrarunt usque in castra hostium, & versus *Bassianum* *Coloniam*que prædati sunt perterrefactisque hostibus cum magna præda iterum *Patavium* venire. Sed ejusmodi lætitiæ *Lucii Malvetii* Gubernatoris interrupit interitus. Is enim pridie nonas septembris morte intempesta præventus est, atque eo magis dolenda mors venit, quia ille non sic fortiter in bello occubuit, sicut rei militaris laudum plenus erat. Cæterum ut major etiam in dies fieret, quæ in castris hostium erat commeatum penuria, illud *Veneti* milites præsertim animadvertere, ubi pro castris collecti commeatus essent. Itaque a *Venetis* itum frequenter est *Bassianum*, *Castrumfrancum*, & *Civitatum*, intercepti hostes, ablati commeatus munimenta & tormenta militiæ, demolitæ moles triticeæ, combusti pontes, & passim itinera abscissa sunt. Et quoniam apud *Suavium* trecenti equites hostium erant, illuc pariter ibatur, & pedites ante lucem incautis hostibus oppidum ingressi sunt. Et quia præsidium conabatur foras aufugere, & contra *Veneti* equites foris erant, denique hostes omnes, & qui foris, & qui intus fuerant in *Venetorum* potestatem facti sunt. Atque identidem *Venetis* cum parte copiarum sæpe feliciter res erat quamvis illi cum toto exercitu hostium non possent configere. Hostes vero qui erga omnes antea humanitate utebantur, postea in summam impietatem conversi sunt omnia prædari, cuncta vastare, delubra deorum spoliare, sacra profanaque omnia polluere, virgines incæstare. Ausi quoque sunt alii in templo *Mariæ* Virginis coram matre vi velle duas virgines comprimere, & quia illæ inficias ibant, ambæ in sinu miseræ matris sævis vulneribus confossæ sunt. Sic passim in omne scelus ibatur, & denique prope *Taurisium* castra hostium sita sunt juxta amnem *Silium* ad portam quadragenariam, atque inde ceptum est, sæpe committi levia certamina, dum hostes parant contra urbem tormenta militiæ affigere, & *Veneti* modo pedites, modo equites facta eruptione noctu & interdiu semper illis infesti sunt, ut hostibus parum vacet tormentis incumbere, dum illi semper intenti sunt, frequenter illatam injuriam propulsare. Et quia sic per triduum dilata res est, facile credebatur intra urbem conspiratores esse, atque ideo in castris hostium semper exploratores habebantur, & in urbe positæ excubiæ & passim ordines distributi sunt, ut milites, levites, & pedites, atque no-

A biles *Veneti*, qui multi aderant, statuta loca custodiant, & eorum ducenti pedites, & totidem equites, vicissim noctu & interdiu, totam civitatem sedulo lustrent, simul cum *Laurentio Gerinade* duce omnium peditum, & *Joanne Paulo Gradonico* legato. Postea tormentis militiæ ex urbe acrius agebatur, ut statim hostium munimenta diruta, & multi eorum contriti sint. Et quia hostes vident stando contra urbem nihil agere, sed tormentis militiæ continue multos suorum cadere, & magnam inopiam commeatum pati, denique obsidione soluta recessum est. *Veneti* vero milites ægre passi sunt ita impune hostes abire, & quia nimium temere egressi obviam ibant, ea faba in suum caput cudebatur. Namque in insidiis hostium inciderunt, & multi eorum cæsi sunt. Deinde versus *Plavim* amnem hostes ibant, & simul parte alia *Germanis* iter fiebat ex *Tridento* per vallem *Suganam* ad *Scalanum* oppidum in *Cellatium*, *Alamonem*, *Schenerium*, *Fensterium*, & vallem *Lazoin*, qui saltus hostibus apti sunt in *Feltrensem* regionem irrumpere. Et primo quidem triginta levites hostium ad *Castrumnovum* venire, quod oppidum ante *Plavis* amnis rapidissimus defluit, & retro mons præruptus erigitur, quingenti agricolæ custodes erant, & *Ludovicus Batalea* cum centum quinquaginta levitibus. Ille tamen noluit hostem expectare, dum semper putat se vires impares habere, sicut illis solet accidere, qui natura meticulosi sunt, & statim venit *Sacillum* oppidum caput amnis *Liquentiae*, ubi belli vis major incubuit, & aderat gubernator *Baldasar Scipionius* cum copiis, & *Antonius Savorgnanus* cum manu collectitia. Sed postea quam relatum est, *Germanos* hostes venire ad octo millia peditum, & mille trecentos equites, *Veneti* maluerunt in pacatum abire, quam temere stando prædæ hostium militibus fore. *Sacillo* capto septingenti levites hostium ad *Tiliaventum* amnem venerunt, & statim deditione potiti sunt oppido *Spilimbergio*, quod *Tiliaventi* fluminis caput est, & deinde visi sunt collectis repente lembis, velle amnem trajicere. Quod cum primum cognovissent præfides civitatis *Utini* qui pridie pro concione omnes hortabantur velle mori pro patria statim ementito habitu silentio noctis fugerunt cum tota suppellectili, & quæ poterant auferri tormenta militiæ hostibus relicta sunt, civitatisque membra alia, quæ sine capite non possunt subsistere. Igitur *Utinum* in hostium potestatem venit, vicinaque oppida alia, & *Antonius Savorgnanus* ad hostes descivit. Sed alioquin hostibus aliqua difficultas fuit apud *Gradiscam* oppidum, quod illi nuper perrexerant oppugnare. Namque in eo conservandæ reparandæque reipublicæ merito omnis sita spes erat, quia locus ille totius provinciæ ampla fossa lato muro & promurali munitissimus est. Et amplius cum mercenario milite custodes erant *Baldasar Scipionius* & *Aloysius Mocenicus* legatus provinciæ, qui quantum in se fuit nunquam defuit fortiter obsidionem pati, acriter hostibus obviam ire, festinare, parare, facere cuncta utilia. Et primo quidem tormentis militiæ agebatur, postea atrox certamen fuit, denique cum magna strage hostes repulsi sunt. Aliter iterum confertum prælium est majoribus viribus, & quia *Veneti* non nisi ducenti equites, & totidem pedites intus erant infelicitate gesta res est. Namque *Veneti* milites deditionem fecerunt, & omnes abierunt incolumes, cum magna tamen infamia. Sicut semper illis solet accidere, quibus vita est carior quam honor insensibilis. Deinde hostes perrexerunt identidem *Osopium* capere, & creditum est *Hieronymum* quoque *Savorgnanum* ad hostes desciscere, simul

simul ac ille in castra hostium venit, atque inde in *Germaniam*, & menstruas inducias pactus est. Namque hostes *Germani* ad quindecim millia hominum diverterunt in castra *Gallorum* hostium, & deinde quo infelices agricolæ in pacatum cogerant animalia ad paludes infestis signis ibatur. Itaque hostes prædando, comburendo, & crudeliter agendo usque *Mestrum* oppidum digressi sunt, & progressi parte alia usque ad prima claustra *Silii* & *Siluli* fluminis identidem agros vastare, prædas agere, & victis nihil reliqui facere. Adeo semper in victoribus non reperitur modus & temperantia. Postea similiter sæviendo omnis exercitus hostium *Veronam* venit, ubi a *Germanis* præsidio stabatur, atque a *Gallis Mediolanum* ibatur obviam *Helvetiis*, qui dicebantur in expeditionem exire. Vix hostes abierant, & statim exivit in expeditionem cum *Venetis* copiis *Joannes Paulus Balionius*, qui per eos dies in demortui locum *Gubernatoris* suffectus est, atque inde deditione cepit *Vincentiam* & vicina cuncta oppida. Et identidem parte alia *Laurentius Cerinas* cum *Joanne Paulo Gradonico* legato & valido exercitu prorupit in *Forumjulii*. Neque in recipiendo totam provinciam difficultas fuit, quia passim deditio fiebat. Aliter apud oppidum *Cromonium* aliquandiu stabatur, quia situm in monte prærupto, & armis virisque bene munitum erat. Illud tamen etiam vi captum est, & propterea cum primum in *Venectorum* potestatem venit e senatu consulto solo æquatum est, & *Germani* præfides & præfecti militum in captivitatem *Venetias* abducti sunt. *Hieronymo* autem *Savorgnano* cum centum *Græcis* hastatis equitibus, & manu collectitia datum negotium est, *Carnos* in hostes excire, & saltus montis antecapere. Ille vero statim jubet quadringentos pedites ire supra *Sclusam* ad quinque millia passuum, & diruto Ponte muri, ea parte iter hostibus occludere, ut *Veneti* commodius possent *Sclusam* recipere. Sed tantum abfuit, ut qui in eam expeditionem ibant centum equites, & quingenti pedites facile repulsi sint, quia ad duo millia hominum hostes subsidio stabant. Verum quia postea præfectus peditum cum exercitu venit, trecenti pedites hostium oppidum *Venzonium* dedere, *Sclusa* castellum vi captum est, & custodes omnes ad unum cæsi sunt. Deinde contra urbem *Gradiscam* in expeditionem ibatur constitutis ordinibus, ut ductores alii & *Theodorus Burgenfis* cum parte copiarum noctu montem antecapiant, qui ultra amnem *Lisuntium* e regione civitatis erigitur. *Laurentius* autem *Cerinas* & *Joannes Paulus Gradonicus* cum exercitu super planiciem maneat, prope civitatem ad turrim *Marcellam*, atque hinc inde agatur tormentis militiæ. Sic invicem diu gesta res est, dum nihil utrimque prætermittitur quod usui foret, denique *Veneti* simul ac vident civitatem bene munitam armis virisque, & captu difficilem fore, ceptum est in agendo plus satis frigescere, sicut & frigidum hyemis tempus erat, & tandem parum cessit ex sententia, atque obsidione soluta recessum est. Dum ea foris & militiæ geruntur, domi frequenter de pace & fœderibus agebatur, simul ac ad Regem *Hispaniæ* super defectione *Bononiæ*, & *Pisano* concilio relata res est. Et quia hæresim sapere videbatur, Rex *Hispaniæ* Regi *Romanorum* & *Gallorum* per literas agebat, se æquo animo ferre non posse, eos Ecclesiæ infestos esse, & velle concilium celebrare non eo modo, quo de jure sit. Quod facere nisi desistant dicebat, se protinus Ecclesiæ auxilio fore, ut se decet qui Catholicissimus dicitur. Nihilominus *Romæ* per delectos Cardinales undecim de concilio agebatur, missi sunt oratores ad Principes & datæ literæ, quibus conti-

A nebatur Pontificem *Romæ* in Laterano ad diem Paschæ concilium indicere, atque ideo irritum facere *Pisanum* concilium quod de jure etiam nullum esset, & omnibus qui interfuerint censuris Ecclesiasticis interdicere. Non tamen propterea Pontifex etiam desistebat multum & frequenter de pace cum *Gallis* agere, & videbatur ad illos velle desciscere, si dimissa *Ferraria*, *Bononiam* posset in fidem recipere, ut vetet concilium quod alii omnes etiam ægre ferebant, & futura Pontifici ignominiosa & periculosa res erat. Aliter cum nihil boni *Scocensis* orator attulisset e *Gallia*, cum *Gallis* nihil actum est, atque eo maxime quod *Galli* contra pollicita quingenti milites *Bononiæ* auxilio stabant, & Pontificis milites qui sub *Regino* Cardinale legato in eam expeditionem exiverant protinus coacti sunt in pacatum recedere. Sed cum *Hispanis* in dies magis magisque postea de fœderibus agebatur, quia *Hispanus* Orator maxime veritus est, Pontificem ad *Gallos* divertere, & summa ope in contrarium nitentur. Et quoniam *Germanicum* fœdus cum *Venetis* fieri non posset hortabatur Pontificem & *Venetos* secluso Rege *Romanorum*, cum Rege *Hispaniæ* & *Angliæ* in novum fœdus coire. Satis agebat jam serpsisse istam gangrænam, quæ latius etiam serpere nititur, nisi secetur. Agendum esse celeriter, quia tempus interpellat, & in mora periculum est. Igitur diu actum est, & demum in eam sententiam Regi *Angliæ* literæ Pontificis datæ sunt. Cogitanti mihi Rex *Angliæ* frequenter ut me decet, quomodo in tanto bellorum turbine *Christianos* placem. Illud præsertim in mentem venit, ut nos invicem cum Rege *Hispaniæ*, & *Venetis*, novum fœdus iniremus contra Regem *Gallorum*. Namque solum hoc modo videmur posse bellum bello tollere, sicut frequenter solet accidere. Istud vero facere Rex *Hispaniæ* & *Veneti* contenti sunt. Tu solus reliquus es, in cujus manu sita res est. Nostræ quidem vires *Hispaniæ* & *Venetæ* satis amplæ & magnæ sunt, ut ad victoriam omnia parata sint, si modo ut confidimus fore, & tu nobiscum Ecclesiæ & *Italiæ* tuendæ provinciam sumas. Rex *Gallorum* aliorum Regum incuria jam totam *Cisalpinam Galliam* habet. *Genua*, *Ferraria*, *Bononia*, & *Florentia*, suæ ditionis sunt, reliquum est ut suggestionem novi concilii rem Ecclesiasticam occupet, & *Neapolitanum* regnum iterum vendicat, atque ejus fiat tota *Italia*. Tu quæso succurre labefactatæ *Italiæ*, dum facultatem habes, & probe videto quantum tua inter sit. Namque Regis *Gallorum* nimia potentia tibi etiam periculosa futura est, quando regum ambitioforum semper dominandi inexhausta voluntas esse solet; igitur necesse est, & nunc potissimum te Regem summa ope eniti decet, ut te auctore nobiscum Regis *Gallorum* tanta audacia comprimatur. Quod si feceris, nobis rem gratam facies, & re bene gesta maximum honorem & gloriam reportabis. Sed cum tabellariis non satis tutum & longum iter esset, secus quam res ipsa postulare videbatur, Pontifex servato loco Regi *Angliæ* cum Oratore *Hispano* & *Veneto* statim fœdus inivit, ut Rex *Angliæ* contra *Gallos* in expeditionem exiret parte alia, parte alia Pontifex & *Veneti* in mense quolibet quadraginta millia numum darent Regi *Hispaniæ*, qui teneretur habere in castris mille ducentos milites, & decem millia peditum. Regi quoque *Romanorum* cum *Venetis* retenta *Vincentia* pacis conditiones propositæ sunt, ut eas si renuet, *Hispani* etiam jure obviam ire viderentur. Jamque *Neapolim* applicuerat classis Regis *Hispaniæ* cum quingentis militibus, mille levitibus, & octo millibus peditum, deinde usque urbem *Capuam* omnes copię venerunt, simul ac Pontifex in gravem ægritudinem incidisset, ut si locus vacet su-

per eligendo Pontifice eorum potestas esset. Igitur de quo frequenter agebatur foedus aliquantisper dilatum est, tum quia super ejus conditiones difficultas fuit, tum quia Regis *Romanorum* anteposenda pax erat, tum denique quia Pontifex ægrotabat & miserat acturum de pace oratorem in *Galliam*. Adeo soluto concilio & recepta *Bononia* fidere illi etiam volebat, cui suamet ex sententia nulla fides habenda esse videretur. Sed tantum abfuit, ut Rex *Gallorum* nuncio Pontificis se illud facere inficias iret, & amplius Oratori *Hispano* & *Anglo* identidem dixit, & cum illi protestarentur fore, ut Reges *Hispaniæ* & *Angliæ* Regi *Gallorum* statim obviam eant, parvifacere visus est. Et quia *Hispanus* magis instabat, ille conversus in iram, Regi *Hispaniæ* super utroque regno minatus est, & se daturum operam ajebat, ut Regi *Angliæ*, cum Rege *Scotiæ* domi bellandi satis superque res esset. Posteaquam vero Pontifex convaluit, quia sic cum *Gallis* se res habet, & concilium apud *Pisas* fiebat, ille primo quoque tempore contra *Florentinos*, quia locum permiserant, censuris Ecclesiasticis investus est, & identidem Cardinalibus exiticiis interdixit, deinde oratorem *Hispanum* & *Venetum* in dictum foedus summa ope cogebat. Adeo semper nimis volendo aut nolendo, in eo non erat modus & patientia. Igitur demum occasione recuperandæ *Bononiæ* & tollendi schismatis per Pontificem *Julium secundum*, *Hieronymum de Vich* oratorem *Hispanum*, & *Hieronymum Donatum* oratorem *Venetum* foedus adstipulatum est, & servatus locus Regi *Angliæ* cujus satis perspecta mens erat, quia cum ejus oratore *Christophoro Eboracense* Cardinale semper acta res est. Et quoniam ex conditione foederis Pontificis judicio relinquebatur, si forte reciperentur e manibus hostium cujus civitates essent, quas *Veneti* ante istud bellum possederant, nunc pro ut ex tunc Pontifex pro *Venetis* sententiam protulit. Vix ea omnia facta sunt, & noster *Hieronymus Donatus* orator *Venetis* interiit, cujus funus non minus lachrymosum quam celebre & honorificum fuit, tum quia cum eo literæ *Græcæ* & *Latine* perire visæ sunt, tum quia propter facilitatem & bonitatem naturæ omnibus carus & amantissimus erat, & mors ejus merito felix habita est, quia bene agendo, & bene consulendo, pro patria obiit, cum foedus illud inisset, quod jure credebatur *Venetis* faustum felixque fore. Adeo semper non refert vivere sed bene vivere, atque ea demum felix mors esse creditur, quæ in agendis rebus optimis provenierit. Ita vero Rex *Gallorum* credidit foedus illud periculosum fore, ut statim mittat Oratorem ad *Helvetios*, qui exceptus non est, & ad Regem *Romanorum* Cardinalem *Severinatem*, qui difficulter eum convenit & hortatus est, ut se confestim expediat cum *Gallorum* copiis terra marique adversus Pontificem bellum gerere, & se verum Regem *Romanorum* facere, quod & factu facile esse ajebat, quia *Romani* jugum Pontificis fastidiunt, & res novas ejusmodi moliantur. Sed illud difficile Regi *Romanorum* videbatur, quia divitias non habet, & periculosum erat temere Regi *Gallorum* se credere, atque eo maxime, quod nuper *Galli* se invito expilatis locis omnibus re infecta & *Tarvisina* obsidione soluta discesserant. Accedebant dehortationes *Petri Urie* oratoris Regis *Hispaniæ*, qui statim repedaverat in *Germaniam*, simul ac *Venetias* venit, & de induciis locutus est. Illud vero Pontifex & *Veneti* præsertim curabant, ut primo quoque tempore Rex *Angliæ* qui cum Rege *Scotiæ* jam foedus pepigerat, necnon *Hispani* & *Helvetii* hinc inde contra *Gallos* in expeditionem exi-

rent. Et quamvis omnibus locis bellum enixe parabatur, illud tamen differri in tempus aliud Pontifici & *Venetis* molestum erat. Igitur diu ea acta invicem res est, & denique *Venetorum* omnis exercitus ad *Rhodigianam Pollesinum* venit, atque ab exercitu Pontificis & Regis *Hispaniæ* contra urbem *Bononiam* ibatur. Parte quoque alia *Helvetii* ad sex millia hominum prædatum in *Mediolanense* solum proruperant. Et quia illis *Galli* quingenti milites cum Magno magistro facti obviam sunt, primo quoque tempore ad *Biam Crassam* confertum prælium atrox est, & denique apud *Helvetios* stetit victoria, simul ac *Gallorum* quingenti equites cecidere, & reliqui in fugam conversi sunt. Sed paulopost cum adversus *Helvetios Gallicæ* longe auctæ vires essent, illi cum ingenti præda, & manubiis hostium confestim redierunt unde abscefferant. Non aliter quam nuper parte alia *Tirolenses Germani* vi capto *Cadubrio*, & direpta Civitate *Bellumni* victricia signa reportarunt in *Germaniam*, simul ac *Veneti* locis omnibus illis infesti sunt, ut inter eundem relictis impedimentis aliquibus, potius aufugere viderentur. Interea vero factiosi *Brixienfes* aliqui intempestive nimium res novas moliti sunt, & protraxerant in eam expeditionem *Andream Gritum* cum trecentis militibus, mille trecentis levitibus, & trecentis peditibus, itumque est sub ordinibus militiæ usque prope *Brixiam* ad quinque millia passuum cum magna spe, & magno applausu omnium, qui passim in castra commectus portabant, & intenti paratique erant omnia, quæ imperabantur facere. Jamque locis omnibus ad arma conclamabatur, nisi *Andreas* in aliud tempus differat, si aliquis relatum accedat, in quo statu sita res esset. Et quia statuta die qui referat aliquis non est, & præmissus equitatus levitum ad portas urbis, nihil paratum invenit, protinus a *Venetis* recessum est quia *Galli* conjurationem detexerant, & de complicibus supplicium. Sed quoniam auctore *Aloyso Avogario* palam adeo omnes ad *Venetos* desciverant, ut sine suo magno malo illis amplius non esset integrum redire unde abscefferant, diu cum *Venetis* actum est, & simul ac omnia rei gerendæ longe paratiora viderentur iterum contra *Brixiam* ibatur. Et jam ventum erat ad *Castagnedolum* prope urbem ad quinque millia passuum, & adhuc Comes *Aloysius* qui adcerferat in procinctu promissas copias non habebat, quando dilatione opus non esset, tantisper dum *Galli* hostes impediti sunt cum exercitu Pontificis & Regis *Hispaniæ* apud *Bononiam*. Igitur primo quoque tempore *Veneti* festinare, parare, facere cuncta utilia, denique omnes per literas admonere, qui in urbe sunt, nisi statim deditionem faciant, omnia prædæ militibus fore, deinde positis multis agricolis sub ordinibus, locis simul pluribus nocte media ceptum est urbem invadere, quia semper magis terrent, quæ noctu, quam quæ interdium fiunt. Et primo quidem tormentis militiæ acriter agebatur, postea atrox certamen fuit, dum utrinque nihil prætermittitur, quod opus est facere. *Veneti* summa ope conabantur hostem repellere, portas infringere, demoliri mœnia, & admotis scalis murum ascendere. Contra hostes pro mœnibus acriter stare, fortiter obviam ire, nihil satis tutum munimentis pati, & sæpe etiam *Venetos* loco detrudere, quandoquidem vis ingens telorum omnis generis e muris volabat. Porro ad Portam *Turris longæ* infelicitate a *Venetis* cum hostibus gesta res est, quia hostium tormentis militiæ *Veneti* ducenti faucii aut confriti sunt. Aliter ad Portam *Garzula* ubi ductor erat *Baldasar Scipionius*, & ad Portam *Pilarum* ubi præerat *Aloy-*

Aloysius Avogarius feliciter agebatur. Namque Dux uterque acriter ad urbem succedere, hortari, imperare, & facere quæ in rem sunt. Et quod plurimum ad accendendos animos militum intererat, testis spectatorque adesse cujusque virtutis & ignaviæ, atque inde accensi milites in vulnera & tela corruiere, ut non possent arcere illos muri, aut superstantes armati, quin certatim ascendant. Itaque post cruentum prælium prospera omnia fuere, quia utrobique pulsus hostibus itum feliciter in urbem est, & *Galli* hostes in castellum fusi fugatique sunt. Namque & popularium arma quæ antea pro *Gallis* fuerant, in *Gallos* hostes convertebantur. Adeo frequenter omnes homines successus rerum sequi solent, & semper omnibus amica felicitas videtur. Capta *Brixia* quasi omnis res *Veneta* reversa esset in integrum, ceptum est ab omnibus bene sperare, licet spes illa potius voluntatis simulachrum esset, ut illis qui miseri sunt frequenter solet accidere. Sic tamen obiter cuncti agricolæ, & omnes *Monticolæ*, urbs *Bergomum*, & cuncta oppida in fidem *Venetorum* recepta sunt, & similiter visa est *Crema* & *Cremona* res novas moliri velle, nisi protinus re cognita, ex *Mediolano* ingens præsidium venisset. Namque hostes aliquin civitates & oppida statim munire, arma expedire, copias colligere, & bellum ocysissime parare. Sed *Veneti* ducti erant in tantam spem reparandæ reipublicæ, ut magis studerent mittendis præsidibus quam præsidiis & tormentis militiæ, sine quibus castellum capi non poterat. Igitur stando fossa & promurali hostes ad duo millia hominum castellum munire, & deinde in subjectam urbem agere tormentis militiæ, totam civitatem noctu & interdiu vexare, atque domos passim & munimenta prostrernere. Jam vero & parte alia præsidio munita *Bononia Gallorum* omnis exercitus noningenti milites, mille levites, & sex millia peditum ad *Stellatense* oppidum confestim *Padum* trajecerat, & per Pontem molarum in agrum *Veronensem* irruperat, ubi *Brixia* præsidium erat *Joannes Paulus Balionius* cum *Venetis* quingentis militibus, ducentis quinquaginta levitibus, & mille ducentis peditibus. Et nuper ille ductus suspitione hostium redibat, ad *Alboretum* amnem *Athesim* trajicere. Sed quia ablatus pons esset, sub ordinibus militiæ ulterius prope *Veronam* ibatur. Et ecce hostes repente illis obviam facti sunt, & deinde consertum prælium est. Namque hostes extremam alam levitum aggressi sunt, qui cum pauci admodum essent, non potuerunt vim hostium sustinere. Postea cum peditibus gesta res est, & primo contra hostes acriter ibatur, denique *Veneti* cedere visi sunt, nisi statim milites subsidio venissent. Sic redintegratum prælium est, & utrinque fortiter agebatur, quia concursum est paribus animis, quamvis impares vires essent, multi utrinque cadebant, multi faucibantur, denique hostium ingruente multitudine, *Veneti* cum magna strage fusi fugatique sunt in castra ultra amnem *Athesim*, ubi stabat Comes *Bernardinus Fortebracius* cum trecentis militibus. Itaque infeliciter gesta res est apud insulam *Scalanam* prope amnem *Athesim*, & majus quoque *Brixia* periculum imminerebat, quia hostes inde usque *Castagnedolum* perrexerunt, & identidem adorti sunt *Meleagrum Forlivensem* cum equitatu levitum, quod ibi *Brixia* post præsidium erat. Certatumque acriter est contra *Gallorum* omnem exercitum, quantum debiles vires levitum paterentur. Sed quia in milites agere durum erat paucis levitibus, denique *Venetis* cum magna strage necesse fuit recedere, & inter eundem amplius equi lapsu fortuito *Meleager* Dux levitum in

hostium potestatem venit. Cum primum autem ea quæ foris fiebant *Brixia* relata sunt, quamvis ad viginti quinque millia hominum intus essent, omnium tamen animi consternati sunt. Namque veniebat in mentem victorem exercitum prope esse ad quinque millia passuum, unde in urbis castellum via facilis est, & adhuc ex *Mediolano Triultios* & *Palavicinos* ingens supplementum exercitui venire, unde identidem facile possent in castellum vadere. Accedebat etiam castellum illud armis virisque bene munitum esse, & tormentis militiæ totam urbem frequenter terrere, atque multos aditus in civitatem habere. Igitur *Brixia* sæpe trepidatum est, & omnes videbantur, si quando in magno discrimine sita res esset, sibi consulturi potius quam omnia prædæ militibus fiant. Aliter dum adhuc etiam servandæ reipublicæ spes est, cives & populares cuncti sedulo in officio manere, arma expedire, locum servare, & opera militiæ facere. Atque identidem ex *Brixia*, & ex monte proximo per illos *Vallis Trompiæ*, quibus montis demandata erat custodia, acriter hostibus itum obviam est, simul ac illi prope urbem venissent in castellum subsidium mittere. Et quidem diu vetitum est, dum fortiter obsistitur, neque unquam hostes montem superassent, nisi nequissent ob ingentem pluviam pedites agricolæ tormentarii suis tormentis in hostes uti. Namque ea de causa hostes denique fuderunt fugaruntque agricolas, & monte potiti sunt. Capto monte quo poterant hostes ad libitum in castellum ire, civitatis solummodo in auxiliaribus copiis sita spes erat, accersebantque frequenter *Venetos* & *Hispanos* subsidio festinare, ut saltem aliqua nova suspicio hostibus ingeratur. Sed dum parando semper in aliud tempus differitur, hostes solliciti primo quoque tempore festinare, parare, facere, milites septingenti pedestres agere, sequi peditum octo millia, & omnes pariter ex castello in *Civitatum* repente irrumperere, simul ac civitatis pars illa ad hostes defecerat. Sic primo apud urbis *Civitatum* acriter agebatur, & quamvis ibi peditum *Venetorum* ingens præsidium esset, facile omne absumptum est, quia domi & foris hostes erant. Deinde protinus in urbem ibatur, ubi belli majus onus incubuit, quia super platea *Venetorum* omnis exercitus stabat sub ordinibus militiæ, simul ac videt in fuga nullam spem fore, sed moriendum aut vincendum esse. Igitur collatis utrinque signis gesta res est, & atrox certamen fuit. Clamor & strepitus armorum in cælum ferrebatur, quisque non nisi moriendo loco cedere visus est, multi utrinque peribant, multi utrinque faucibantur. Hostes acrius agebant, quia apud illos jam parta victoria videbatur. Contra *Veneti* desperatione ducti in funus animosum ruebant. *Federicus Contarenus* præfectus levitum dum inter primos fortiter agit, vulnifico scorpione occubuit, & forte indignata mors est, quia ille adhuc juvenis tam cito in bonum militem evaserat. *Andreas* autem *Gritus*, qui se gessit in bello fortiter quantum fieri poterat, cum *Antonio Justiniano*, *Joanne Paulo Manfrono*, *Vulpeni* equite & *Baldasare Scipionio*, se recepit in palatium, simul ac trucidatis militibus res ad triarios venisset. Itaque per hostes *Brixia* iterum recepta & direpta est, sævitumque crudeliter etiam in mulieres & infantes innoxios. Denique *Aloysius Avogarius* dilaniatus occubuit, atque *Andreas Gritus*, cum *Antonio Justiniano*, & manubiis hostium in *Galliam* abductus est. In eo bello ex *Gallis* Domini *Boisensis* & *Palisensis* maxime virtus emicuit & ex utroque exercitu ad quindécim millia hominum caesa feruntur. Namque de *Gallis* multi pedites,

& trecenti milites desiderati sunt, & de *Venetis* non nisi ducenti levites per medios hostes potuerunt evadere, quia alioquin ad portam *Lazari*, quo multi convenerant aufugere, non patebant aditus, nisi per ostiolum in anteportarium. Interea *Romæ* iterum & frequenter agebatur de pace cum Rege *Romanorum*, & ad illud tandem ventum est, quod nisi *Veneti* *Vincentiam* relinquunt, Pontifex protestaretur alioquin fore, ut ab omnibus regibus contra *Venetos* iretur. Namque Rex *Hispaniæ* & *Angliæ* sine Rege *Romanorum* nolebant foedus initum sancire, quorum voluntati etiam necesse erat Pontificem acquiescere, quia aliter apud *Mediolanum* quinta sessio fiebat, & Rex *Gallorum* cum *Ursinis* & *Columnensibus* clanculum egerat, veneno aut ferro Pontificem perimere. Igitur frequenter *Venetis* ad senatum referebatur, atque aliquis iturus in sententiam Pontificis sic orsus est. *Boni Consultores .P. C.* bonos medicos imitari debent, quia & respublica quoddam corpus dicitur. Quod si illi & bene quæ emarcuit partem corporis statim secant, ne pars sincera similiter trabatur, & vobis super *Vincentia* nunc ea ratio habenda est, ut dii lares, patria, parentes, & vestræ res omnes salvæ sint. Nonne vos plerique mercatores estis, & vestras mercimonias projecistis in mare, ne alioquin naufragium faceretis? Nunc quoque imminet naufragium reipublicæ, & dubitabitis identidem facere? quando cum tantis regibus vobis res est, & sine vestro malo non potestis quiescere. Istud quidem est quod agebat *Hesiodus* dimidium nonnunquam plus esse quam totum quando alioquin totum comprehendere noxium est. Et nulla profecto scientia major dicitur quam seipsum cognoscere & metiri sua pondera, cuius rei ipsa opera maxima testimonia esse debent, & vos identidem quantum valetis facile potestis ex his comprehendere, quæ nuper apud *Brixiam* gessistis. Atque amplius animadvertite quemadmodum difficulter pecuniæ compareretur, quæ possint ad bellum sufficere, ut longe melius esset consulere quid faciendum, ut non egeamus tantis pecuniis, sicut *Atheniensis* ille *Alcibiades* hortabatur *Periclem* avunculum querere potius quemadmodum rationem non redderet, cum ille propylæa *Minervæ* edificasset & non inveniret, quo pacto ministerii rationem redderet. Accedit ad hoc quod *Vincentiam* daturi estis cum magno vestro fenore, quia facta pace Reges invicem bello certabunt, & vobis ad reparandam rempublicam amplæ conditiones porrigentur. Aliter si vestra duritia nuper foedus initum dissolvatur, & arma Pontificis in vos etiam convertantur, quænam salutis spes est? Quod si non putetis ita fore, reducite in memoriam quomodo *Cameracense* foedus Reges antea pepigerint, simul ac Pontifici noluitis *Ariminum* & *Faventiam* reddere. Ista sunt .P. C. quæ me movent, ut putem e re publica fore, *Vincentiam* tradere, & aqua pauca multum ignem sopire. Namque semper æquo animo ferre illud oportet, quod pati necesse est, & mea quidem sententia non possumus aliter facere, & reipublicæ bene consulere. Contra ita alius agebat. Recte quidem .P. C. ex arte medica semper fit, ut secundo pars alia reddatur innoxia. Sed qui nimium emungit contra artem elicit sanguinem. Et istud nunc est, quod in quæstionem venit, neque enim venit tradenda sola *Vincentia*, sed & *Crema*, *Cremona*, *Brixia* & *Bergomum*, ad quas urbes iter præcluditur. De reliquis quoque præter *Patarium* & *Taurisium* futura lis dicitur. *Patarium* vero & *Taurisium* emetis, ducentis quinquaginta millibus numum, & insuper quotannis urbes illæ consentur triginta millibus, ad quod vix cuncta vestigalia possunt sufficere. Adjicite ad hæc, quomodo illi qui in principio belli juratas inducias fregit, nunc fides habenda est, ne habitis nostris pecuniis, adversus nos bellum etiam

A enixius geratur. Ista sunt quæ modo in consultationem veniunt, an ita turpiter nobis ipsis debeamus deficere. Et mea quidem longe aliena mens est, ut putem potius durandum esse, & servandum vosmet ad meliora tempora. Nonne & vos estis .P. C. apud quos acta res est semel atque iterum cum obsideretur *Patarium* & *Taurisium*? & tamen nunquam istas pacis condiciones iniquas voluistis accipere. Quid modo facturi estis? cum divum benignitate omnia mitiora & meliora sint. Neque dubitare debetis quamvis frequenter dicatur, contra vos iturum Pontificem, non enim is est, quem ratio non vincat. Quod si propter metum concilii Regi *Hispaniæ* cupit rem gratam facere, & Rex *Hispaniæ* adeo contra Gallos se bello complicit, ut amplius in amicitiam coire non possit, atque ista sunt, ut cum Rege *Romanorum* excusationes sint, & vos in eam partem debetis accipere. Suscipite quæso rempublicam .P. C. neque eam patiamini nimia trepidatione perdere. Et quænam adeo vos cogit necessitas festinare? semper satis cito fit, si bene fit, neque vobis unquam pacis iniquæ condiciones defuturæ sunt. Expectemus quæso parumper, dum detur intelligi in tanto rerum discrimine, & Regum dissidio, in quo statu futura res est. Postquam ille conticuit, cautum est e Senatu consulto *Vincentiam* non tradere, sed apud Pontificem præfari veniam, & omnia polliceri, quæ alioquin usui sunt. Et quoniam pax fieri non poterat, ad inducias redacta res est, & illæ tandem auctore *Francisco Foscare* oratore *Veneto* in menses decem eo modo factæ sunt, ut ratione pacis futuræ *Veneti* darent Regi *Maximiliano* *Florenorum* *rhénensium* quinquaginta millia simul ac ille inducias sanxisset. Dum ista in *Italia* geruntur, in *Hispania* & *Anglia* belli adversus Gallos magni apparatus fiebat. Namque Rex *Hispaniæ* ad *Perpignanum* in *Galliam*, & Rex *Angliæ* ad *Gienam* in *Normandiam* moliebatur irrumper. Contra Rex *Gallorum* cum Pontifice agebat de pace, & pollicebatur *Bononiam* & *Ferrariam*, atque identidem *Andreas Gritus* de pace cum *Venetis* clanculum quæsitus est, & supra omnes *Helvetii*, simul ac ad illos venire Galli tres oratores nobilissimi *Baylius Mienis*, *Marchio Rhotolinensis*, & Doctor alius, qui summa ope obnixi sunt duces aliquot pecuniis corrumpere, & *Helvetios* contra Regem *Angliæ* seducere. Sed tantum abfuit, ut Galli oratores expulsi sint, & *Helvetii* potius bellum moliri viderentur, quatenus decem oratores *Helvetii* ad eam rem *Romam* & *Venetias* ibant. Igitur Galli rati agendum viribus primo quoque tempore festinare, parare, facere omnia quæ usui sunt, denique trajecto *Pado* ad *Brixellum* contra *Hispanos* versus *Bononiam* ibatur, & cum ventum esset ad oppidum *Finarium*, quia haud procul ad *Centum* oppidum ultra *Rhenum* fluvium castra *Hispanorum* sita erant, ceptum frequenter est levibus certaminibus contendere, & nuper Galli nimium confidenter insidiis usi sunt. Namque convenere cum excubiis hostium noctu incautos *Hispanos* aggredi, & illis relatum est, antequam fieret, atque ideo cum cautis infeliciter agebatur & Galli ad quatuor millia hominum, qui flumen repente trajecerant plerique absumpti sunt. Ea victoria *Hispani* potius debebant insolescere, & tamen contra fiebat, quia Galli ut antea summa ope nitebantur manum conferere, & *Hispani* certamen summopere detrectabant. Unde etiam recessum est ad forum *Cornelii* urbem, quæ nunc *Imola* dicitur, atque identidem operabantur omnibus modis locum munire, ut propter difficultatem loci, Galli hostes cogerentur differre prælium in tempus aliud. Sed tantum abfuit, ut statim ad illud ventum fit, simul ac *Hispani* vident *Ravennæ* prostrata mœnia

nia tormentis militiæ, & oppidanos non posse amplius obsistere Duci *Ferrariæ*, qui cum quadringentis militibus, & sex millibus peditum eam rem acriter agebat. Igitur ea necessitate *Hispani* compulsi sunt pugnandi copiam facere, atque deinde collatis signis pugnabatur. Et quidem atrox certamen fuit quantum unquam aliud, quia paribus animis & viribus utrinque concursus est. *Galli* mille quingenti milites, & quatuordecim millia peditum erant. *Hispani* mille octingenti milites, & duodecim millia peditum. Accedebat utrinque vincendi, aut moriendi voluntas mutua, quisque locum servare, quisque nusquam hosti cedere, quisque male mori, quam ignominiam pati. Itaque per sex horas continuas agebatur, & adhuc nusquam victoria inclinabat. Sed postquam ea, quæ in urbem *Ravennam* priuserant tormenta militiæ in *Hispanos* conversa sunt, de illis magna cædes edebatur & multi contriti sunt, denique omnes alii fugerunt victi tormentis militiæ, & apud *Gallos* stetit non incruenta victoria. Adeo in incerto res erat, quænam passæ magis essent, an victæ, an victrices copiæ. Pugna vero raro ulla magis sæva, & cum utriusque partis perniciæ clarius fuit, ut propius periculum fuerint, qui vicere, quam qui victi sunt. Namque in eo bello viginti millia hominum cæsa feruntur, ex *Gallis* septingenti milites, & sex millia peditum, ex *Hispanis* octingenti milites, & septem millia peditum, atque insuper legatus Cardinalis *Medices*, & qui apud ipsum orator *Venetis* agebat *Marinus Georgius*, *Fabricius Columna*, *Petrus Navara*, & *Marchio Pischaria*, cum multis aliis in hostium potestatem facti sunt. Sed adhuc major *Gallorum* iactura fuit, quia multi equestris ordinis, & Regis centum quinquaginta nobiles, ductores militum quinque, & septem præfecti peditum desiderati sunt, & supra omnia dolenda mors venit *Domini de Fois*, cujus in eo bello maxime virtus emicuit. Namque ille pedester in millibus egit viriliter, & cum multam stragem hostium edidisset, morte non inulta occubuit, atque inde ejus funus celebre & lachrymosum fuit, & cum magna pompa usque *Mediolanum* ductum est, & merito posita honorifica monimenta, ut omnes sciant eos diutissime vivere, qui honorificentissime moriuntur. Secundum eam pugnam vicem Regis qui in castris gerebat *Cæsenam* urbem aufugio concessit, & identidem *Hispani* omnes alii in proximas civitates abiire, atque omnia impedimenta & tormenta militiæ prædæ hostibus relicta sunt. Urbs quoque *Ravenna*, quæ prius vi capi non potuit, postea deditionem fecit, dum sic putat suas res omnes salvas fore, sed frustra hostibus habita fides est. Namque illi cuneo repente facto per muri ruinas in urbem venerunt cuncta vastare, prædari, subvertere, sævire in pueros & mulieres, templa Deorum spoliare, & Christi corpus in terram projicere, denique quasi vi capta civitas esset omnia prædæ militibus fuere. Et amplius vicinæ civitates res novas moliebantur quantum *Gallorum* exercitus procedebat, & tandem deditione etiam *Ravennæ* castellum in hostium potestatem venit, simul ac *Marcus Antonius Columna*, ne periret inedia, abiire compulsus est, & cum militibus versus *Romam* impune discedere. Parte quoque alia *Venetis* simul cum *Ferrariensibus* frequenter res erat. Namque illi per fluminem diverticula ubique infesti sunt, dummodo cum lembis & manu prædatoria usque ad *Bebias* & *Caput Aggeris* prædari volunt, & sæpe etiam cum uniremibus & majoribus navigiis oppida maritima pertentant capere. Contra citi

A mium custodias locare, ordines distribuere, hostibus obviam ire, & ubique focis auxilio esse. Nuper vero classes ambæ apud *Lauretum* factæ obviam sunt, non tamen aliter quam tormentis militiæ certamen fuit, quia cum hostes plures essent, *Veneti* aliter illos aggredi noluere. Nihilominus parte alia per mare navigiis vicissim agebatur. Namque *Bonamicus Ferrariensis* pirata cum duabus uniremibus & cymbis viginti quinque, a *Gloria* usque *Ariminum* totum mare infestum reddebat, ut ne tabellarii quidem tuti sint, & mercatores pauci sunt, qui manus hostium possint subterfugere. Contra tamen stabat *Andreas Contarenus* præfectus classis *Padanæ*, & cum una biremi, duabus uniremibus, cymbis decem oblongis, & brevioribus quatuor, sæpe hostibus obviam ibatur, ut illi aliquando non impune prædati sint. Igitur frequenter vario eventu ad *Padam* ostia pugnabatur, dum hostium mens est mercatorias cymbas & majora navigia intercipere, & contra *Veneti* focis auxilio ubique sunt. Parte quoque alia sæpe identidem ad *Turrim novam* in *Athesi* flumine cum *Ferrariensibus* res erat. Et quia ille locus antemurale *Venetis* est, intercisa itinera sunt, obducti aggeres, & posita præsidia, ut *Caput Aggeris* & *Bebia* tutæ sint. Sed hostes terra marique potentiores erant, & nuper usque in portu *Venetiarum* navigia & multas merces ceperunt, & amplius quia *Rhodigiana Pollesinus* frumenti & frugum dives esset, & parum custodiretur, *Julius Tasinus* cum manu prædatoria *Ferrariensium* & *Germanorum*, totam regionem prædatus est, & antequam præfecti *Veneti* qui aufugerant, & *Aloysius Bembo* præfectus levitum cum manu collectitia in eam expeditionem exirent, hostes inde impune redierunt unde abscefferant. Posteaquam vero ea, quæ in castris apud *Ravennam* gesta fuerant, *Romam* delata sunt, tanta omnium rerum Pontificem desperatio cepit, ut in pace cum Rege *Gallorum*, aut in sola fuga spem sitam haberet. Namque non minus domi quam foris hostes erant, quatenus de Duce *Urbinate* dubitabatur, & a *Prospero Columna*, *Ruberto Ursino*, *Petro Morgana*, *Rentio Mancino*, & conjurationis complicitibus palam contra Pontificem ibatur. Accedebant tanta odia *Romanorum* procerum in Pontificem, ut ne amplius quidem conditionibus honorum, & frequentibus hortationibus flecti possent. Et quod plus est has partes *Hispani* fovere videbantur, & necesse erat Pontifici Regi *Hispaniæ* se credere, atque *Neapolim*, aut *Cajetam* abiire, quia alioquin *Venetis* incommodiores essent. Igitur tandem Pontifex non ratione ductus & consilio, sed indignatione & timore cum Rege *Gallorum* pacis conditionibus subscripsit. Sed quia nullum violentum perpetuum esse solet, postea identidem ea omnia non valuisse visa sunt, simul ac Pontifex videt *Romæ* omnia cum *Ursinis* & *Columnensibus* esse composita atque *Urbinate* Ducem cum *Venetis* & *Hispanis* sedis apostolicæ patrocinium suscipere, & si etiam opus esset *Germanorum* peditum decem millia subsidio fore. Aliter etiam confractæ gentes *Hispanæ* *Neapolim* abiissent, solæ Ducis *Urbinate* copiarum quadringenti milites, & sex millia peditum, ad recuperandam *Flaminiam* sufficere videbantur. Namque ab exercitu *Gallorum* *Mediolanum* versus ibatur, quia *Helvetii* iterum in eam expeditionem exibant. Jam vero *Helvetii* ad viginti millia hominum per *Tridentum* *Veronam* venerant, ut facile *Venetis* jungi possent. Sed quia plusquam convenerant supra sex millia hominum erant, primo quoque tempore super dan-
dis pecuniis difficultas orta est, & *Helvetii* opum vacui visi sunt velle ad *Gallos* desciscere, nisi sta-

tim *Veneti* quindecim millibus numum cum illis egissent, ne amplius in incerto res esset. Postea *Veneti* festinare, parare, facere, vastatores accersere, currus & commeatus colligere, levigare itinera, denique *Venetorum* omnis exercitus trajecto *Athesi* flumine ad *Alboretum* confestim convenit *Helvetios* ad *Vallegium*, ubi primo cum hostibus gesta res est. Namque *Veneti* equites qui visum ibant, quid hostes agant, forte illis obviam facti sunt, & quia hostium quinquaginta equites vincebantur, statim illis ducentorum equitum subsidium venit, redintegratumque praelium est, & *Helvetii* parabant configere, nisi *Sedunensis* legatus ægre tamen receptui cecinisset, quia *Venetæ* copiae longe distant, & multo itinere fessæ sunt. Deinde contra *Vallegium* & castra hostium ibatur, qui octingenti milites, mille levites, & novem millia peditum erant, & destituito *Vallegio* sub ordinibus militiæ ultra amnem *Mintium* stabant. Sed cum primum hostes viderent *Venetos* omnes milites versus amnem festinare, & tormentis militiæ frequenter concutere, protinus loco recessum est ad duo millia passuum, & sic retro continue paulatim ibatur, ut frustra *Helvetii* ad septem millia hominum trajecto repente flumine pugnandi copiam facerent, & identidem amnem vadati levites *Veneti* ubique hostibus infesti essent, quia confracto ponte *Venetorum* alioquin omnis exercitus nequibat amnem trajicere. Et tamen merito illa dies *Venetis* felix habita est, quia tunc primum *Galli* hostes visi sunt se in fugam convertere. Igitur hostes postridie usque ad *Pontemvicum* per trigintaquinque millia passuum citato agmine perrexere, ut facile daretur intelligi *Helvetiis*, cum hoste pugnandi copiam nusquam amplius fore, quamvis illi & *Veneti* ad eam rem semper hostium vestigia sequerentur. Cæterum neque ad *Pontemvicum* hostes ausi sunt consistere, sed diruto ponte & castello igne supposito repente versus *Cremonam* urbem ibatur, & cum illa *Gallos* nolisset excipere, illi festinabant *Padum* trajicere, & ad *Picegatonium* oppidum situm juxta amnem *Abduam* venire. *Veneti* vero cum *Helvetiis* ad *Fanum Martini* prope *Cremonam* erant, & quia venerat in quaestionem an foederis, an *Venetorum* in fidem urbem recipiant, de ea re frequenter agebatur, & denique *Cremonenses* quadraginta millia numum *Helvetiis* dederunt, atque olim Ducis *Ludovici* filii, & foederis partes secuti sunt. Deinde versus hostes *Veneti* milites ibant sine *Helvetiis*, quia *Sedunensis* legatus ex *Cremona* in castra nondum redierat, & cum ad aquas nigras prope amnem *Abduam* haud longe ab hostibus staretur, *Galli* ducenti milites *Venetos* levites confestim aggressi sunt, ut magis terror quam pugna fuerit, sicut illis solet accidere, quibus impræmeditata res evenit. Namque cum *Venetis* solis levitibus agebatur qui praelium conferi volebant. Itaque certando *Venetorum* decem equites, & hostium octo milites invicem capti sunt, & clade ferme pari, ab utraque parte discessum est. Secundum eam qualemcunque pugnam *Veneti* cum *Helvetiis* parabant amnem *Abduam* ponte jungere, & hostem invadere. *Galli* vero tantam vim non expectandum rati protinus abiire ad *fannum Jacobi Padum* trajicere. Postea *Gallorum* maxime declinare visa res est, ceperuntque civitates & cuncta oppida res novas moliri, atque identidem domi forisque contra *Gallos* hostes truculenter ibatur, ut multi ferro absumpti sint, & *Mediolani* praesertim de *Gallis* magna edita caedes est. Namque praeter illos, qui in castellum aufugerant, omnes alii caesi sunt, & illorum omnia praedæ *Mediolanensibus* fuere. Itaque propediem

A pro Pontifice habita est *Parma* & *Placentia*, & pro *Maximiliano* Duce *Sfortia Mediolanum*, *Cremona*, atque *Cisalpinæ Galliae* omnia recepta sunt. Et amplius *Monferatensis* Marchio in *Gallos* regionem conciverat, & passim super montes etiam omnes infesti surrexerant, atque ideo *Gallorum* omnis exercitus *Papiam* urbem divertit, & quia alioquin statio satis fida non esset, eam summa ope conabantur munire, amplam fossam ducere, propugnacula erigere, murum e terra congerere, & omnia quæ oportet facere. Jam vero *Veneti* & *Helvetii* ad *Ticinum* amnem venerant, & tormentis militiæ acriter agebatur. Namque nostri parabant amnem trajicere, demoliri *Papiae* pontem lapideum, & hostibus iter occludere. Contra hostes ex urbe *Papia* facti obviam conabantur transitum vetare. Sed tantum abfuit, ut statim nostri amnem trajecerint, & hostes redierint unde abscefferant. Deinde ad urbem belli vis major incubuit, & primo quidem *Baldasar Scipionius* cum centum quinquaginta *Græcis* equitibus iterum iterumque repulsus est, denique vero ille cum *Helvetiis* urbem cepit, simul ac hostes in fugam conversi sunt. Et quia in hostes utebatur victoria extra urbem etiam de illis magna caedes edebatur, & septem majora tormenta militiæ capta sunt. Usque adeo hostes festinabant ad *Bassignanam Padum* trajicere, *Hastam* urbem petere, atque ignominiose in *Galliam* repedare cum tanta fuga, ut multi etiam *Padi* vorticibus absumpti sint, & qui palantes supererant occidebantur, quia agrestes etiam inter eundem contra *Gallos* irruerant, & maxime extremis infesti aderant. Postea passim oratores confluebant in nostra castra deditionem facere, & *Sedunensis* legatus suam civitatem fecit *Vigevium*. Nuper quoque domo profecti multi *Helvetii* ligæ griffæ vallem *Tollinam* ceperunt, & parabant oppugnare *Chiavennæ* locum, simul ac alii *Helvetii* ad sex millia hominum *Luchernæ* locum expugnassent, qui ambo e quatuor, duo loca sunt, quibus itur in *Italiam*, & amplius *Helvetiorum* alia viginti millia moliebantur in *Burgundiam* irrumpere. Per idem quoque tempus *Joannes Maria Fregosius* ex castris *Venetis* cum ala equitum, & acie peditum, *Genuam* venit, & cum suæ factionis quatuor millibus hominum urbem ingressus est. *Monferatensis* etiam Marchio cum quinque millibus hominum in expeditionem exivit, & identidem civitatem *Novariam* in fidem accepit. Aliter inter *Venetos* & *Helvetios* semina discordiæ conjecta sunt, simul ac centum sexaginta milites *Florentiæ* sub fide data *Sedunensis* legati in castra *Venetorum* venire. Namque *Veneti* pedites confestim illos diripere ausi sunt, quatenus & *Helvetii* illud idem volebant facere, quod ipse *Sedunensis* legatus aliis publicis literis fieri mandabat, quia nimium sero illi milites *Florentiæ* a *Gallis* desciverant, quandoquidem tum primum *Galli* Calendis Julii partim monte *Geneurio*, & partim monte *Senesio* in *Galliam* ibant. Verum ea re multum mali *Venetis* accessum est. Namque praeter illud quod *Veneti* ad villam *Adornam* prope *Papiam* deindustria igne supposito multum passi sunt, nuper quoque *Helvetii* ignominia *Venetos* affecere. Siquidem cum ultra *Padum* ad *Castellacium* itum esset, & forte de pecuniis *Alexandriæ* duriter ageretur, ambo legati *Paulus Capellus*, & *Christophorus Maurus* cum *Andrea Mocenico* protonotario ducti sunt primo ad ducem *Jacobum Stapherium*, & deinde ad *Sedunensem* legatum, apud quem stando dum cœnat, valde ridiculi habebantur, & denique coacti sunt super dandis sex millibus numum in portionem praedæ *Florentinorum* militum, suam fidem *Helvetiis* adstringere si vellent bona

bona venia se redimere. Atque amplius cum legati ex *Alexandria Paleæ* quinta hora noctis rediissent in castra ad *Castellacium*; & ingentem tumultum exercitus sedassent, qui ex sua captivitate ortus erat, *Vincentius Cavatius* nomine *Sedunensis* legati ad illos venit postridie, & importune flagitabat promissa sex millia numum, & ad supplementum mensis præteriti quatuordecim millia, atque insuper mensis præsentis septuaginta millia, & adhuc *Sedunensis* legatus volebat ad montes usque *Venetos* abducere, & mutare Marchionem *Saluciarum*, & Ducem *Sabaudie*, quia *Gallicæ* factionis viderentur. Contra *Venetis* ea valde molesta res erat, quia illi potius parabant propediem in expeditionem exire adversus urbem *Cremam* & *Brixiam*, quæ in *Gallorum* potestate adhuc erant. Et quidem datis sex millibus numum *Rhenensium*, & aliis duobus millibus in *Venetam* portionem, super pecuniis aliquid per difficultas cessavit. Sed super discessu *Venetorum* cum *Sedunensi* legato quæstio fuit diutina, & tandem eo invito cum toto exercitu repente recessum est, & noctis silentio versus *Padum* amnem magnis itineribus ibatur. Cæterum cum primum *Veneti* prope urbem *Placentiam* sitam ad *Padum* amnem venissent, multæ difficultates ortæ sunt, quia *Sedunensis* legatus frequenter agebat fore, ut illis abeuntibus omnia infesta redderentur, sicut ipse per civitates cunctas fieri mandabat, quatenus *Veneti* præter opinionem suam abiissent. Igitur *Veneti* demum viribus usi sunt lembos omnes intercipere, pontem facere, & ad cavæ *Abbatiam* *Padum* amnem trajicere, unde postea contra *Cremam*, atque urbem *Brixiam* partitis copiis in expeditionem ibatur. Neque tamen interea apud *Cremam* & *Brixiam* pacatæ res erant. Namque contra *Cremam* stabant cives *Cremenfes* exiticii cum quingentis peditibus, & *Andreas Ciuranus* præfectus cum ducentis levitibus, atque vario eventu frequenter pugnabatur. Et identidem apud *Brixiam* sæpe cum hostibus res erat, dum illi trecenti supra quatuor millia hominum passim prædari volunt, & contra cives *Brixienfes* exiticii cum ducentis militibus, & duobus millibus peditum, simul cum *Leonardo Hemo* præfecto, & quadringentis levitibus, semper conantur obistere, & nunquam cessant hostibus obviam ire, atque focis auxilio ubique esse, denique collectæ copiæ sunt, & pene civitas obsidebatur. Namque aquas omnes substulerant præter illas, quæ adimi non possunt, quia in civitate nascuntur. Hostes tamen propterea non desistebant frequenter exire, & prædas agere. Sed nuper apud *Padernum* villam illi non impune sua sævitia in pueros & mulieres usi sunt. Namque cum *Leonardus Hemus*, & Duces militum, illis obviam venissent, statim confertum atrox prælium est, quod aliquandiu anceps fuit, sed denique apud *Venetos* stetit victoria, atque ducenti hostium cæsi sunt, & centum quinquaginta in *Venetorum* potestatem venire, de quibus omnibus truculenter etiam agricolæ voluerunt supplicium sumere, & illatam injuriam ultri sunt. Dum ea militiæ geruntur *Romæ* ceptum est concilium fieri, supplicationes habitæ cum magna pompa & cærimonis consuetis, atque in ejus sessione secunda publice proclamatum fuit, quemadmodum etiam Rex *Angliæ* initum foedus ingressus est. Nuper quoque *Joannes Cola Germanus* orator *Venetias* venit, & nomine Cæsaris desideratas inducias sumpsit. Dux vero *Urbinas Ravennam*, *Bononiam*, & totam *Flaminiam* iterum Pontificis in fidem receperat, & cum relatum esset Pontifici, quæ contra *Gallos* per *Venetos* & *Helvetios* gesta sunt, ille Viceregem *Hispaniæ*, qui cum exercitu alio-

A quin ex *Neapoli* in expeditionem exibat, confestim certiore fecit, ut longius non accedat, quia amplius sua opera opus non esset. Namque Pontifex *Parmam* & *Placentiam* volebat in suam potestatem redigere, quod fore etiam facile videbatur, nisi *Hispani* obviam eant, quibus ea valde molesta res erat. Et primo quidem de ea re verbis agebatur, denique *Hispani* visi sunt velle alioquin viribus agere. Igitur tandem Pontifex contentus fuit transitum dare, simul ac *Hispani* polliciti sunt propterea pecunias amplius non exigere. *Helvetiis* autem quia *Gallos Italia* expulerant, Pontificia vexilla tradita sunt, & illis nomen inditum, ut posthac appellentur auxiliores libertatis Ecclesiæ. Per idem tempus sub fide Pontificis *Alphonfus* Dux *Ferrariæ* *Romam* venit, & venia dignus habebatur, donec sua demerita fateretur, & polliceretur Pontificis iussu omnia semper facessere. Sed tantum abfuit, ut ille postea rebus incompositis aufugerit, & tandem impune repedaverit in *Ferrariam*, quia frustra Pontificii & *Veneti* terra marique eum intercipere conati sunt, simul ac *Fabricius Columna* comes est, & illi etiam *Hispani* clanculum auxilio parati sunt. Namque illi trecenti milites, mille levites, & sex millia peditum, usque *Bononiam* venerant, & quod pejus erat apud *Mantuum* cum *Gurgense* Episcopo contra Pontificem *Venetos* & *Helvetios* agebatur, ut ipse *Gurgensis* Episcopus summæ rei *Mediolanensium* præsit, & civitates etiam obtineat, quæ ex foedere *Venetis* debebantur. Hinc multæ difficultates ortæ sunt, & pejus etiam quam bellum *Gallicum* instare videbatur. Adeo frequenter ex bello in bellum protrahimur, & quo se ingerat discordia aliquem aditum semper habet. Igitur *Hispani* & *Helvetii* meditabantur concurrere, & quidem ea Pontificis, quæ *Venetorum* & *Helvetiorum* mens erat, ut omnia pacata forent, *Maximilianus Sfortia Mediolani* Dux esset, Pontifex haberet *Haslam*, *Parmam*, & *Placentiam*, *Veneti* suas urbes reciperent, & *Helvetiis* cederet *Vallis Tollina* & *Dondossola*, quæ e quatuor duo alia loca sunt, quibus in *Italiam* itur. Aliter *Hispani* omnia in quæstionem vertebant, ut facilius quibuscumque conditionibus Regi *Romanorum* cum *Venetis* pax esset. Namque *Romæ* per Oratorem *Hispaniæ* & *Germaniæ* de pace iterum agebatur, & *Hispani* volebant, aut *Venetos* civitates suas in manu Pontificis ponere, aut desistere oppugnare *Brixiam* tantisper dum optata pax fieret. Sed utrunque incongruum habebatur, atque alioquin *Hispani* opum vacui acceptis pecuniis ducti sunt paulisper *Florentiam* divertere. Et primo quidem apud *Pratum* oppidum *Florentini* hostes ad quinque millia hominum cæsi fusique sunt, vi captum oppidum est, & *Lucas Sabellus* cum centum quinquaginta equitibus in hostium potestatem venit, atque postremo ex *Florentia* cedente *Petro Sodorino Consalonario* Magnificus *Julianus Medices* in ejus locum suffectus est, & cum ea peracta res esset *Hispani* versus *Brixiam* in *Venetos* festinabant. Jam vero *Veneti* prope *Brixiam* ad Portam *Joannis* castrametati fuerant, & tormenta bellica ingentia in montem subduxerant, qui e regione castello civitatis imminet. Deinde festinare, parare, facere, & tormentis militiæ semper agere. Contra hostes nihil veriti præ moenibus stare, Castellum munire, aggerem ducere, & sæpe etiam eruptione facta manum conferere. Itaque frequenter Marte ancipiti certabatur, ut semper fieri solet, quando in propinquo hostis est. Aliter *Veneti* apud *Cremam* potius quam armis obsidione & suasionem utebantur, ut *Benedictum Cribarium* custodem urbis datis muneribus ad deditionem compel-

Pellant. Et quamvis idem tentaret contra fœdera *Sfortia Laudensis* Episcopus, ille tamen a *Venetis* & *Laurentio Cerinate* tandem muneribus victus est, & in eam sententiam etiam venit Dux *Gallus Dominus Durasius*, cui arcis fuerat demandata custodia, simul ac alioquin timet devenire in manus *Helvetiorum*, qui ad quatuor millia hominum in eam expeditionem exhibant, nisi mutassent sententiam difficultate rei, & verbis accommodis, quibus *Laurentius* usus est, postquam cum levitibus haud longe a *Crema* illis obviam venit. Igitur *Veneti* arcem & *Crema* urbem deditione ceperunt, & *Benedictus Cribarius* cum latus muneribus, & civitate donatus est. Dum ea foris & militiæ geruntur, multi Oratores ad *Helvetios* venerant, & agebant de concordia, tanta eorum apud omnes nationes autoritas creverat, ut inde pendere omnis victoria videretur. Et quidem Pontificis cum Rege *Hispaniæ* & *Venetis* mens erat initum fœdus rescire, *Veneti* vero soli tentabant nova fœdera, *Hispani* simul & *Germani* dando trecenta millia numum semel, & quotannis quinquaginta millia volebant rem *Mediolanensem* Duci *Burgundiæ* cedere. Sed quamvis *Mediolanensium* minores oblationes essent centum quinquaginta millium numum semel, & quotannis quadraginta millium, ut *Maximilianus Sfortia Mediolani* Dux fiat, & *Helvetiorum* auspiciis servetur, ad eos tamen maxime *Helvetii* declinabant, dummodo haberent *Loures*, *Trinium* & *Locarnium* propugnacula. Itaque *Helvetii* tandem repudiatis aliis, cum *Mediolanensibus* apud *Badam* & *Turregium* fœdus sanxere. Et quia domi erga *Venetos* bene animati erant, statim iubent, ut identidem foris fieret, & omnes pariter *Helvetii* ad *Venetos* declinare visi sunt, simul ac *Hispani* contra mandata Pontificis in *Mediolanenses* & *Venetos* movissent. *Veneti* vero summa ope nitebantur civitatem capere antequam *Hispani* hostes accedant. Et primo quidem tormentis militiæ acriter gesta res est, & cum magna pars muri procubisset, *Veneti* confestim parabant in certamen descendere, distributique ordines sunt & parata cuncta utilia, atque in primis illud curabatur, ut nocte intempesta milites in urbem irent per portam pilarum, sicut convenerant cum custodibus. Sed cum ea hostibus relata res esset, protinus de complicibus sumptum supplicium est, & omnia *Venetis* imparata visa sunt. Igitur stabatur, & deinde ex una *Mediolanenses* & *Helvetii* usque ad amnem *Oleum* venerunt, & ad *Quinzanum* videbantur velle flumen trajicere, atque ex alia ad *Gaidum* oppidum prope *Brixiam* castra *Hispanorum* sita sunt. Postea pariter ab omnibus ceptum est, super deditione faciendam cum *Gallis* agere, nunc *Hispani*, nunc *Mediolanenses* & *Helvetii*, nunc *Veneti* nuncii ad eam rem *Brixiam* ibant & redibant. Et diu quidem actum est & tandem repudiatis aliis urbs *Brixia Hispanorum* in potestatem venit, & *Galli* omnes cum suis rebus omnibus impune dimissi sunt. Sic *Hispani* cito voti compotes fuere, quod *Veneti* milites facere per longum tempus nequiverant, & spe sua diutina frustrati fuerant. Sicut frequenter illis solet accidere, qui in rebus agendis nimium desidiofi sunt, aut forte potius non ea vi & diligentia sed dolo malo acta res est, dum *Galli* deindustria eo stratagemate usi sunt civitatem potius *Hispanis* tradere, ut fœdus initum dissolvatur, & *Veneti* cum *Hispanis* propterea discordes essent. Adeo semper facile fomenta discordiæ suggeruntur, ubi de dominandi facultate res est. Interea vero apud urbem *Mantuam* inter *Petrum Landum* Oratorem *Venetum* & *Gurgensem* Episcopum frequenter agebatur de pace cum Rege *Romanorum*, ubi *Gur-*

gensis volebat convenire cum *Venetis*, antequam *Romam* iretur, quod & *Venetorum* maxime intererat, quando alioquin Pontifex parum rationem reipublicæ habiturus esset, dummodo concilium vetet, & obtineat *Parmam* & *Placentiam*. Aliter *Veneti* contra rem propriam simul cum Pontifice *Gurgensem* hortati sunt *Romam* pergere, & deinde *Romæ* de pace agebatur. Et quia *Veneti* inficias ibant *Vincentiam* & *Veronam* Cæsari relinquere *Gurgensis* & *Andreas Burgenfis* mirati & conquesti sunt, *Petrum Landum Tridenti* & *Mantua* ubi commodius agebatur, de ea re ne verbum quidem fecisse, quasi ad rem factam iretur, & si ipse nescius non esse Pontificem Regi *Germaniæ* & *Hispaniæ* datis literis promittere, prolocutis conditionibus pacem fore, ut si aliter modo *Gurgensis* agat, illi valde periculosum foret. Adeo multum refert quando facto opus est semper facere, & nunquam redit, quæ præterit semel occasio. Postquam autem desitum est de pace cum *Venetis* agere, Pontifex divertit ad *Hispanos* & *Anglos*, & cum *Gurgense* moliebatur novum fœdus in *Venetos* facere. Et diu quidem ea res in quæstionem venit, & tandem *Anglus Eboracensis* orator noluit fœderibus subscribere, quia res indigna videretur, & similiter *Hispani* fecere, quia super *Ferraria* difficultas erat, atque ideo inter Pontificem & Regem *Romanorum* solummodo contra *Venetos* novum fœdus initum est. *Veneti* vero legati in castris apud *Brixiam* cognitis iis, quæ *Romæ* singulatim fiebant, & quia illis *Hispani* semper infesti sunt, motis repente castris ad *Lacum Benacum*, & oppidum *Desantianum* festinabant, unde amnem *Mintium* traiecerunt ad *Vallegium*, atque ad *Tumbam* prope amnem *Athesim* venerunt. Et quamvis ibi in manu sua situm esset *Veronam* & *Lemniacum* capere, atque hostes *Hispanos* ducentos milites, & *Germanos* mille quingentos pedites obvios intercipere, illi tamen noluerunt aliquo pacto facere. Adeo semper pacis studiosi sunt, & nunquam volunt novo bello præbere originem, dum semper sperant hostiliter illos etiam non agere, qui hostes alioquin viderentur. Dum ea in *Italia* geruntur, in *Gallicia* novum bellum ortum est. Namque ab *Hispano* valido exercitu in regnum *Vasconie* truculenter ibatur, & jam ceptum erat ab *Anglis* cum valida classe centum navium maritimum bellum gerere, & naves hostium intercipere, & illi nuper etiam applicuerunt in *Aquitaniam* corruere, agros vastare, prædas agere. Et quoniam per idem tempus toto orbe terrarum bellum vigeat, res ipsa postulare situm orbis videtur, & eas gentes, quæ invicem bella gesserunt, quam paucissimis attingere.

Qui recte de situ orbis loqui volunt in primis debent animadvertere, quomodo loca invicem distent, & ad plagas cœli sita sint, quatenus alioquin dicere non sufficit, in tres partes orbem dividi, quas determinat Mare mediterraneum, *Nilus*, & *Tanais* magna flumina. Et quidem hujus rei *Ptolemæum* & *Plinium* præcipuos auctores habemus, & sicut nostri instituti par est, illi quoque totum orbem ad plagas cœli cum Astrolabio Meteoroscopio & Sciothere metiti sunt. Et quia ultra *Thulam* insulam tellus nescibatur, ille ultimus parallelus septemtrionis fuit. Unde tota latitudo constare dicebatur octoginta gradibus, & stadiis quadraginta millibus, ad *Agisymbam* & *Prassum* promontorium, quod versus austrum sub hyemali tropico situm est. Et identidem longitudo tota habebatur centum octoginta gradibus, & stadiis septuaginta duobus millibus, ab insulis *Fortunatis* ad *Cattigaram* & *Sinarum* metropolim, qui duo mundi meridiani extremi putabantur.

Dein-

Deinde terra marique quærebatur, quomodo singula sita sint. Urbs minor ad septentrionem in Ocellis comperta est, in *Arabia* ad meridiem stella *Canobus*, atque in *India* *Taurus* & *Pliades*, quæ stellæ circa æquinoctialem sunt. Et quidam profecti peregre totam latitudinem fecere quadragies bis centena millia passuum, a littore *Æthiopici* oceani ad *Meroem* quingenta sexaginta duo millia passuum, inde *Alexandriam* duodecies centena millia, *Rhodum* quingenta nonagintaquinque, *Gnidon* nonaginta sex millia quingenta, *Coum* duo de quadraginta, *Samum* centum duodecim, *Chion* nonaginta sex, *Mytilenem* septuaginta septem, *Tenedon* centum undecim millia, *Sigeum* promontorium viginti quatuor millia quingenta, Os ponti trecenta viginti quatuor millia quingenta, *Carambin* promontorium trecenta sexaginta duo, Os *Mæotidis* trecenta viginti quatuor millia quingenta, & ostium *Tanais* ducenta septuaginta septem millia. De longitudine quoque ita carptim loqui par est, & quidem tota a fortunatis insulis, usque ad seras protenditur, & duodecim horarum spaciis continetur. Namque ab insulis fortunatis, usque ad *Euphratem* fluvium gradus septuaginta duo numerantur, & gradus centum quinque cum quinta, ab *Euphrate* ad seras per turrim lapideam, & quasi tantundem longitudinis spacium est, siquidem omnia deducantur ad situm æquinoctialis paralleli & ad ventum subsolanum. Sic enim identidem ab Insulis fortunatis ad *Cory* promontorium centum vigintiquinque gradus habentur, a *Cory* promontorio ad *Auream Chersonesum* gradus triginta quatuor cum quatuor quintis, ab *Aurea Chersoneso* ad *Zabas* gradus viginti cum duabus tertiis, & totidem a *Zabis* ad *Cattigaram*, & deinde tota longitudo usque ad *Sinarum* metropolim complet gradus centum octoginta, & stadia per insulam *Rhodum* septuaginta duo millia. Porro quidam profecti peregre terra marique longitudinem quæsiwere. Et quidem maritimo itinere eam fecerunt ab *India* ad *Columnas Herculis*, sicut placuit *Artemidoro*, quinquagies centena septuaginta quinque millia passuum, a *Gange* amne ostioque ejus, quo se effundit in *Eoum* oceanum per *Indiam* *Parthienemque* ad *Myriandrum* urbem *Syriæ*, sitam in sinu *Issico* decies quinquies quadraginta sex millia passuum. Inde proxima navigatione *Cyprum* insulam, *Pataram* *Lyciæ*, *Rhodum*, *Asty* paleam in mari *Carpacio*, in insulas *Laconiæ* *Tenarum*, *Lylibæum* *Siciliæ*. *Calarim* *Sardinia* decies septies quinquaginta quatuor millia passuum, deinde *Gades* decies octies septuaginta quinque millia passuum. Atque aliquanto *Terreno* itinere & certior & comprehensior est, a *Gange* ad *Euphratem* quinquagies centena viginti unum millia passuum. Inde *Capadociam* in *Mazaca* ducenta millia quadraginta quatuor. Inde per *Phrygiam*, *Cariam*, *Ephesum* quadringenta millia nonaginta octo, ab *Epheso* per *Ægeum* pelagus *Delum* ducenta millia, *Isthmum* ducenta duodecim, deinde terra & *Laconico* mari sinuque *Corinthiaco* *Patras* *Peloponnesi* ducenta duo millia quingenta, *Leucadem* octoginta sex millia quingenta, *Corcyram* totidem, *Acroceraunia* centum triginta duo millia quingenta, *Brundisium* octoginta sex millia quingenta, *Romam* trecenta millia sexaginta, ad alpes usque *Calcinomacum* vicum quingenta & duo de viginti millia, per *Galliam* ad *Pyreneos* montes *Iliberim* quingenta quinquaginta sex millia, ad oceanum & oram *Hispaniæ* trecenta triginta duo millia, & demum trajectu *Gadis* septem millia quingenta. Universum hunc quoque circuitum *Eratosthenes* ducentorum quinquaginta duorum millium stadiorum prodidit, quæ mensura Roma-

na computatione efficit trecenties quindecies centena millia passuum. Et quidem paulo amplior ambitus terræ ferebatur ex epistola *Dionysiodori* ad superos ea ratione geometrica, qua colliguntur in circuitu ducenta quinquaginta quinque millia stadia, siquidem habentur a centro terræ, ad summum stadia quadraginta duo millia. Et nunc hætenus de mundo potest sufficere, quando carptim identidem relaturi sumus, quæ bella in partibus gesta sint. Namque multi alioquin locuti sunt, & satis est oculis subjicere totus orbis terrarum quantus est, qui nostrorum temporum Regibus non videtur sufficere. Namque nuper ab *Hispanis* cum magna classe ultra *Columnas Herculis* versus occidens per plusculos menses ibatur. Et primo quidem in insulam venire cui de *Hispano* nomine nomen est, & denique novus orbis apparuit, ubi semiferæ gentes edomitæ, & multa bella gesta sunt. Pari modo versus Austrum Rex *Lusitanie* cum classe usque ad *Caput Bonæ spei* per viginti gradus supra *Præsum* promontorium terram cultam invenit, & quotannis mercatum aurum, argentum, aromata in *Indiam* itur, ubi hucusque continue bella geruntur, & adhuc in incerto res est, cujus tanta mercimonia futura sint. Nihilominus in tota *Armenia* & *Persia* ad arma conclamatum est, simul ac Rex *Turcarum* magnus *Selim* patre expulso superstite se intrusit in regiam & fratribus infestus est. Namque primo quoque tempore fratrem alterum debellavit, qui *Sarmatis* auxiliatoribus utebatur. Deinde contra fratrem alterum & *Sophe-num* Regem *Persie* conversus est, & cum prælium confertum esset apud *Thebrin* primariam civitatem *Persie* *Turcæ* vicerunt, & urbe etiam potiti sunt. Postea in Regulum *Montis Amani* cum parte copiarum ibatur, qui adeo insolens erat, ut diceret se duas gallinas habere, quæ duo ova quotidie parerent, aureum alterum, & alterum argenteum, quia modo in *Armeniam*, modo in *Affryam* impune prædabatur. Et quidem magna difficultas fuit eum in certamen compellere, quatenus ejus in sola fuga sita spes erat. Ille tamen denique cum liberis & viginti quinque milibus hominum intra montium latebras inventus est, & quia pene omnes erant agricolæ, de illis magna cædes edebatur, & simul ac Rex eorum cum quatuor filiis in *Turcarum* hostium potestatem venit, omnes crudeliter enecti sunt, & amplius magnus *Selim* moliebatur totam *Affryam* & *Ægyptum* subigere. Per idem tempus bellum vivebat inter *Polonos* & *Moscovitas*, qui olim dicebantur *Daces* & *Sarmatæ*, & magnis exercitibus hinc inde vario eventu pugnabatur. Nuper vero *Sarmatæ* ad quatuordecim millia hominum magnam prædam egere, & apud *Moncastrum* oppidum situm ad mare majus in *Dacia* identidem parabant efficere, nisi protinus a *Dacis* quinto maximis copiis fieri posset illis obviam iretur. Et quidem apud amnem *Porystenem* acriter gesta res est. *Daces* ad viginti quinque millia hominum equites & pedites erant. Contra *Sarmatæ* ad octoginta millia hominum solum in equo pugnabant. Igitur atrox certamen fuit, dum nihil utrinque prætermittitur quod usui foret, sed quamvis ambæ nationes valde fortes & bellicosæ sint, magis tamen *Dacis* fortuna favit, quia tandem illi victores fuere, atque de *Sarmatis* magna edita cædes est, & omnes alii ad triginta millia hominum in fugam conversi sunt. *Pannonæ* quoque nequaquam bello expertes erant, quia *Turcæ* illis etiam infesti sunt, & *Thininium* oppidum faucesque *Dalmatiæ* semper gestiunt surripere, quia inde facile in totam provinciam itur. Jam vero nova factio & seditio tota *Europa* inolevit, ut

A. Moenicus.

G po-

populares contra cives insurgant, & passim per civitates singulas frequenter bella invicem gerantur. Ea vero labe primo in *Dalmatia* orta est, deinde per *Pannoniam* & *Germaniam* divertit in *Forum Julii*. Sed ejus belli vis major incubuit in *Pannonia*, quia Cruce signati contra legatum Cardinalem *Strigoniae* & proceres *Hungariae* in magnum exercitum sub novo Rege *Georgio Sechelio* in expeditionem venere. Et quidem illi animosi videbantur donec Regis exercitus obviam venit. Namque postea facile Rex illos vicit & edomuit, atque amplius sumpsit de seductoribus supplicium. Rex autem *Romanorum* cum *Venetis* apud amnem *Athesim* & apud *Rhenum* fluvium cum Duce *Geldriae* bellum assuetum gerebat. Longum esset referre, quæ ab *Hispanis* bella in *Aphrica* gesta sunt, quot disiectæ classes invicem, quot urbes captæ & receptæ, quinam profligati exercitus, quoties invicem dimicatum sit, atque amplius dicere, quæ bella gesserit Rex *Sophenus* in *India*, & quemadmodum vicinos reges & nationes subegerit. Illud vero silentio involvendum non est, quod bellum solummodo defuerat, ut per idem tempus toto orbe terrarum bellum esset. Namque nuper *Hispani* bello etiam tentabant regnum *Vasconiae* capere, quod ad *Pyreneos* montes, & ad oceanum *Cantabricum* situm est. Parte alia *Angli* dicti olim *Britanni* cum classe centum navium cui *Hovardes* præerat toto oceano *Britannico* vagabantur, & nuper etiam quinque millia hominum in ipsam continentem impune magnam prædam egere, simul ac hostes ad quindecim millia hominum noluerunt in certamen descendere, quia ut ajebant, Regi *Gallorum* inviti merebant. Parte quoque alia identidem ad urbem *Bononiam* & Comitatum *Boar* sub Marchionis imperio per totam *Aquitaniam* usque ad *Pyreneos* montes ibatur. Namque *Angli* ad duodecim millia hominum versus *Vasconiam* parabant *Gallis* iter obstruere, tantisper dum *Hispani* ad sex millia equitum, & quindecim millia peditum qui per medium regni ingressi sunt, *Pompejopoli* civitate metropoli & tota regione potirentur. Et amplius omnis *Hispanus* exercitus sub imperio Ducis *Albae* trans montes venit ad *Pedem* portus & saltus *Roncisvallis* custodiam. Contra *Galli* mille milites, mille quingenti levites, & octo millia peditum, sub *Delphinis Gallorum* imperio festinare, parare, facere cuncta utilia. Et nuper quoque Dominus *Pallise* cum decem millibus peditum audacter aggressus est saltum *Ronchale* capere, qui e tribus unus est, quo ex *Gallia* in *Vasconiam* itur. Et quia *Valdes Hispanus* cum octingentis peditibus ex oppido supra montem quod est loco custodiæ protinus illis obviam venit confertum prælium est. Et illud quidem diu atrox & anceps fuit, sed tandem *Hispani* victi multitudine obruncato Duce in fugam conversi sunt, & quia in oppido commeatus non erat illud etiam reliquerunt in potestatem *Gallorum* hostium. Nilominus atrox bellum maritimum gestum est, quia classis *Anglorum*, classi *Gallorum* obviam venit. Et quidem aspera pugna fuit duarum navium quibus complicatis invicem manicis & repagulis truculenter acta res est, quia quantum fieri potuit utrinque viribus agebatur. Sed cum denique *Galli* vincerentur, maluerunt ignem sup-

ponere, & ambæ naves cum hominibus combustæ sævum spectaculum præbuere. Postea vero *Angli* quia *Hispani* parum servato foedere *Venetis* molesti erant, atque illis aeris intemperies erat noxia, & grave tempus instabat ad trajiciendum oceanum, conclamatis repente vasis non sine suspitione *Gallorum* acceptæ pecuniæ hyematum navigarunt in *Angliam*, & omnis *Hispanus* exercitus in *Vasconiam* rediit, simul ac eorum mens est, non amplius pugnare, sed hostibus obviam stare, ut deinde *Gallis*, qui aucti erant ad quadraginta millia hominum cum hyeme & asperitate locorum solummodo res esset. Dominus autem *Pallise* cum parte copiarum & cum *Joanne* expulso Rege *Vasconiae* ultra montes venit, & prope *Pompejopolim* ad quatuor millia passuum castrametatus est. Et quamvis solummodo secum haberet minora tormenta militiæ, voluit tamen urbem petere, & provocare *Hispanos* ad prælium. Sed tantum abfuit, ut frequenter solummodo levibus certaminibus dimicatum sit. Et amplius parte alia cum *Galliae Delphinus* identidem cum copiis trans montes venisset, & duxisset ad saltum *Roncisvallis* majora tormenta militiæ non potuit nisi *Cantabros* vexare, agros vastare, & prædas agere. Quia contra alioquin *Hispani* ad triginta millia hominum stabant quamvis non simul, cum opus esset civitates etiam & oppida custodire. Igitur *Galli* experti omnia & tandem victi hyeme & penuria commeatum, dum nimium festinant recedere, relictis impedimentis tormentisque militiæ, non sine magna strage, ultra montes fugerunt, & Rex *Hispaniae* tota *Vasconia* potitus est. Interea *Romæ* post novum foedus initum contra *Venetos* quarta sessio fuit, in qua & *Gurgensis* sedit, atque imperatoris nomine consensit abolere omnia acta *Pisani* concilii. Namque propterea *Gurgensis* obtinuit monitorium in *Venetos*, & Regis *Romanorum Brixiam* fore, deinde abiit comitari *Maximilianum* Ducem *Sfortiam*, qui tandem *Calendis Martii* cum magna pompa urbem *Mediolanum* ingressus est. Aliter jam tum Pontificem pœnitet novum foedus inisse, atque eo maxime quando factus certior est apud *Avinionem* Cardinales exiticios convenisse de eligendo novo Pontifice, qui videbatur futurus *Cluniacensis* Abbas ordinis *Benedicti* frater senior Cardinalis olim *Rothomagensis* vir doctus, sapiens, animosus, pecuniosus, annosus, simul ac Rex *Gallorum* convenisset aut cum *Venetis*, aut cum *Helvetiis*, cum quibus pariter de pace facienda frequenter agebatur. Contra Pontifex enixe curabat *Venetos* antecapere, & frustra iterum agebatur de illorum cum Rege *Romanorum* concordia, quia *Veneti* jam dudum de pace cum *Gallis* egerant, & adeo ad illam inclinabant, ut Pontifex etiam si *Venetis* cedat *Vincentia*, non posset illos in suas partes diducere. Et quidem ille ad eam rem oratore *Staphileo* & suasionem frequenter utebatur, & tandem quia nulla spes superest, ille maxime præ tristitia in gravem agridudinem incidit, qua etiam demum interiit cum Ducem *Urbini* statuisset in Ducem *Pisauri*, & Cardinales de successore monuisset, ut si ille laudandus non est, quia belli quam pacis studiosior fuit, longa tamen rebus gestis ejus omnino memoria futura sit.

Epitoma

EX LIBRO QUINTO.



LEO decimus ut primum Pontifex sedit, summa ope conatus est Venetos a Gallis avertere, atque hortari cum tota Italia & Helvetiis in nova fœdera. Sed Venetis amplius non erat integrum Pontifici acquiescere, quia jam antea cum Gallis clandestinum fœdus pepigerant, & hortabantur Pontificem placare totam Italiam, & Gallis potius hærere, quia pacis studiosiores essent. Livianus vero cum primum venit e Gallia, Gallis identidem cum exercitu Veneto obviam ibat, quia illi jamdudum in Italiam festinabant. Hostes autem Germani qui Veronæ stabant, ut primum vident Venetos abiisse, usque Vincentiam prædati sunt, atque iccirco oportuit supplementum mittere, & deinde Vincentiæ majoribus prædiis stabatur. Livianus vero Cremonam cepit & diripuit, simul ac Palavicini fusi fugatique sunt, qui ausi fuerant urbem antecapere. Et quia jam tum omnes civitates aliæ citra Padum ad Gallos desciverant, Laurentius Cerinas pro Venetis deditione etiam Brixiam cepit. Sed interea inter Pontificem & Reges Germaniæ, Hispaniæ & Angliæ contra Gallos novum fœdus initum ferebatur, & Dux Genuæ quia cum Gallis non satis convenerat ad Hispanos declinare visus est, & nuper eos auxiliatores petebat contra Fliscos, qui seditione civili in Montojum secesserant. Aliter Flisci antequam præsidia venissent repente urbem ingressi sunt, expulerunt Fregosios, & Antoniotus Adornus in ducis locum suffectus est. Deinde inter Gallos & Helvetios apud Novariam urbem acriter agebatur, & denique Galli victi sunt, quia propter paludem mediam equites peditibus non potuerunt suppetere. Veneti vero postquam vidissent Gallos in Galliam aufugere, reliquerunt incustoditam Brixiam, & ibant versus Patavium magnis itineribus. Sed postquam ventum est trans amnem Athesim ad Lemniacum, ausi sunt Veronensium segetes asportare, Lemniacum vi capere, & Veronam acriter oppugnare cum suo magno malo, quia propterea Hispani & milites ecclesiæ laceßiti injuria videbantur, & passim contra Venetos ibatur, simul ac Hispanorum opera Flisci iterum expulsi sunt, & Dux Octavianus Fregosius in sede locatus est. Et primo quidem apud Pischeriam contra Venetos acriter agebatur, & denique cæsis Venetis arx etiam in hostium potestatem venit. Deinde quia multi hostes etiam coibant ex Germania, & fuga passim fiebat, Veneti reliquerunt incustoditum Lemniacum, Peninsulamque Rhodigii, & cum toto exercitu intra urbes iterum itum est servare Patavium & Tarvisium, atque amplius Veneti moliebantur cum classe in Apuliam irrumpere. Sed postea cum parata classis esset superfederunt id facere, & quæ collegerant multa navigia dimissa sunt. Hostes autem obsederunt Patavium, & sæpe videbantur velle urbem invadere. Sed tantum abfuit, ut non nisi levibus certaminibus ageretur, & quia hostes sæpe vincebantur, atque illis ubique Veneti levites infesti essent, obsidione soluta recessum est. Interea parte alia apud Pontemvicum oppidum, & urbem Bergomum cum hostibus frequenter res erat, denique oppidum in hostium potestatem venit inopia commeatuum, quod alioquin vi capi non potuit, urbs Bergomum sæpe capta & recepta est, dum vicissim cæsis custodibus potissimum de pecuniis ageretur. Pontifex autem Leo quantum in se erat curabat in hostes Gallos totam Italiam armare, & præsertim Venetos volebat in fœdera quia sic fieri posse putabat, ut vicissim pax omnium sequeretur. Sed nihil fiebat, quia Veneti stabant cum Rege Gallorum initis fœderibus, quamvis etiam in incerto Gallorum res esset, simul ac Angli in Aquitaniam, & Helvetii in Burgundiam irruperant. Igitur soluta obsidione Patavii omnis exercitus hostium sæviendo ibat usque ad Veneta æstuarium, & quia Venetiæ hostibus videbantur, visum est operæ pretium eas etiam legentum oculis subicere, & idcirco quantum par erat, digressi sumus per partes totam civitatem describere, portus, flumina, canales, proximam continentem, piscium vivaria, & maris latam planiciem. Sed vastatis passim agris cum hostes versus Vincentiam redirent, passim cum exercitu & manu collectitia illis obviam ibatur. Et quidem Livianus ad duplicem Meduacum prope Civitatulam & Vincentiam transitum vetare incassum conatus est, atque amplius cum hostes stando solummodo, vinci possent, & Livianus temere ausus esset illos invadere ad Creatium, Veneti cum magna strage fusi fugatique sunt. Hostes tamen deinde nesciverunt uti victoria, quia passi sunt Venetos vires iterum reparare, & armis virisque bene munire Patavium & Tarvisium, dum hostes Vincentiæ morarentur, & agerent non nisi levioribus certaminibus. Namque Veneti satisfacere videbantur, si servent Patavium & Tarvisium tantisper dum Rex Gallorum iterum in Italiam venit, qui nuper alioquin valde erat bello implicitus, quia Rex Angliæ & Germaniæ bellum gerebant in Aquitania, & Helvetii irruperant in Burgundiam. Et quidem Galli fusi fugatique sunt ab Anglis ad Morinum urbem, quæ deinde deditione capta & solo æquata est, atque amplius Angli Nervim urbem ceperunt & munierunt prædiis, quia multum intererat. Cum Helvetiis autem Dominus Termuliæ pacem fecit quibuslibet conditionibus, sed Regi non placuit & malebat filiam nubere Ferdinando fratri Ducis Burgundiæ, & convenire cum Rege Germaniæ & Hispaniæ, qui cum etiam intercedebant induciæ. Sed tantum abfuit, ut Pontifex nuptias disturbaret, & potius cum Rege Angliæ & Helvetiis de pace iterum ageretur. Denique Rex Angliæ cum Gallis inducias fecit & repedavit in Angliam, si posset in regiam Scotiæ se intrudere, simul ac Rex Scotiæ in bello perisset quod nuper in Anglia gestum est. Postea narrantur ea quæ apud Cremam fiebant, & quemadmodum Hispani cum Mediolanensibus eam urbem obsederant, & tamen Laurentius Cerinas sæpe illos vicit stratagemate, quousque obsidio solveretur. Parte alia Romæ Veneti difficultates suas cum Rege Romanorum confisi sunt in manu Pontificis ponere, quia propterea putant bello desistere. Sed tantum abfuit, ut ea occasione hostes ceperint incustoditum Maranium, & passim omnia prædati sint, atque amplius Christophorus Frangipanes agricolas villæ Muzanæ fallaciis seduxit, illisque eruit oculos & pollicem abscepsit, atque amplius cum magna ignominia Venetos repulit, cum illi terra marique contra Maranium venissent, cepitque oppidum Monfalconium, quando Venetis totus Rivalentus igne absumptus est. Parte alia cum toto exercitu hostes irruperunt in Forumjulii, & obtinuerunt totam provinciam, præter oppidum Oso-
pium, & cum in eam expeditionem exissent, parum tamen illis cessit ex sententia, quia acriter gesta res est, & hostes nequiverunt Oso-
pium capere, quinimmo Livianus cum exercitu in Forumjulii repente venit, hostes fudit, & recepit totam provinciam. Pontifex vero pacem inter Regem Romanorum & Venetos invi-

is Venetis promulgavit, contra illud quod promiserat. Et propterea nihil valuit, quia Veneti nunquam ratificare passi sunt. Vix autem Livianus abierat versus Tarvisium & Patavium, & Germani hostes iterum irruerunt in Forumjulii, ceperuntque Cromonium & Monfalconium, ut necesse fuerit in Forumjulii subsidium mittere, & deinde contra hostes acriter stabatur. Atque amplius Veneti frustra iterum experti sunt, si possent Maranium capere, sed pro Maranio ceperunt Comitem Christophorum, quia ille temere precipitavit in insidiis & captus est. Postea accessit hostibus ingens subsidium ex Germania, & legatus Joannes Victorius in hostium potestatem venit, dum sæpe levibus certaminibus ageretur, quousque inducias pacti sunt. Parte alia hostes Hispani vastatis passim agris prædas egerunt usque Patavium, atque amplius vi ceperunt & diripuerunt Civitatulam. Sed non identidem potuerunt Caputaggeris capere, quousque venerant prædas agere. Et quia Germani maxime sævierant, Veneti quoque ausi sunt terra marique in Germaniam prorumpere, & identidem agere, quandoquidem videbatur licitum esse par pari reddere. Livianus autem cum hostibus insidiis agebat, & sæpe vincebat stratagemate. Namque Antonius Castellius nocte media Ateste oppidum furatus est, hostes occidit, magnam prædam egit, & combussit multa navigia, atque identidem parte alia Livianus propugnaculum ad Bibacium cepit, Moriglionumque Ducem Hispanorum peditum, & usque Montagnanam venit Vicerem Hispaniæ in certamen poposcere, atque amplius Malatesta Balionius & Mercurius Bua cum levitibus ultra Athesim ad villam Zeveum contra ducentos levites hostium feliciter egerunt, & postea cum Vicerex parsque magna exercitus Veronam venisset, quia tumultuatum erat, Livianus repente Rhodigium cepit, & diripuit trecentos milites, atque eo successu volebat Veronam capere. Sed tantum absuit, ut cum hostes vi Bergomum cepissent, & in Venetos festinarent, vix Livianus cum exercitu impune potuit in urbem Patavium aufugere.

LIBER QUINTUS.

Anus belli quintus agebatur, quando in demortui Julii secundi Pontificis locum Leo decimus suffectus est, cum nuper ex Gallorum captivitate Romam venisset, ut omnes identidem in spem pacis futuræ ducti sint, nisi ille alioquin propter habitum favorem Romæ & Florentiæ Hispanis nimium obnoxius foret. Sed paulopost aliquantum ea opinio refedit, simul ac Hispani cum Duce Mediolani Pontifici obviam venerunt Parmam & Placentiam capere, & amplius cum Gallis agebatur de induciis, & nuptiis Ducis Burgundiæ cum filia Regis Gallorum Rayneria, unde ingens periculum Italiæ imminere videbatur. Quare Pontifex frequenter Venetos hortatus est, secum Florentinis, Helvetiis, & Mediolanensibus secretum foedus inire, atque interea dum res omnes omnium salvæ sint in foedus cum Rege Gallorum non nimium festinare, ut bene cedat Sedi apostolicæ & ipsis Venetis, quorum similiter rationem semper habiturus esset. Verum ea omnia frustra fiebant, quia jam antea nono Calendas Apriles a Venetis cum Rege Gallorum apud Blesum per Andream Gritum Oratorem clandestinum foedus sancitum erat, quamvis postea undecimo Calendas Junias supplicationes indictæ sint, & foedus publice proclamatum est, quod Gallis & Venetis melius etiam foret, si similiter cum Helvetiis pax esset. Namque alioquin nobilissimi oratores Gallorum Dominus Tremulæ admiratus Britannie, Episcopus Marsiliæ, & Joannes Jacobus Triultius eam rem cum Helvetiis amplis largitionibus agebant. Sed Gallis Helvetii nimium erant injurii, quia cum multi pecunias acceperant, & declinarent ad Gallos, ceptum est semicuplum exigere, & exautorare qui prius senatores erant, & adhuc cum villicis difficultas orta est, quia illi lamentabantur se ferre onus diei & æstus, & de tantis opibus nihil habere. Unde turbati Helvetii propterea volebant etiam Cremonæ & Mediolani Castella, ut perditæ opera & impensa Galli oratores denique compulsi sint re infecta in Galliam redire. Atque ejus rei nimirum causa fuit potissima foedus initum cum Venetis quia Helvetiis ea valde molesta res erat, quod & Pontifex ægre tulit, simul ac etiam Romæ innotuit, ut excusatione opus fuerit, qua Franciscus Foscarius orator agens apud ipsum frequenter utebatur, & agebat ad eam rem Venetos olim cum

A Julio Pontifice foedus inisse, ut Italia Italorum esset, & sicut antea unicuique redderetur quod suum est, nec unquam defuisse rem ipsam juvare pecuniis, armis virisque, classe maritima & fluviali, tormentis militiæ, commeatu & omnibus utilibus, quousque Galli expulsi sunt, & Maximilianus Sfortia Mediolani Dux est. Verum erga Venetos socii ingratitude usi sunt, & contra formam foederum subtraxerunt Cremonam & Brixiam. Quæ quidem Venetis non poterant molesta non esse, expectabatur tamen Romam Gurgensem ire, cui Petrus Landus orator comes ibat, simul ac Pontificis magnis pollicitis fides haberetur. Sed tantum absuit, ut Pontifex ductus timore Pisani concilii posthabitis Venetis partes Cæsaris sequeretur, quia Veneti contenti non essent Regi Maximiliano urbes suas relinquere, montem auri tradere, & propriam libertatem subigere. Quæ cum ita gesta sint omni divina & humana ratione posthabita Veneti ut par erat rebus suis consulere, & quia antea Regis Gallorum amplæ conditiones pacis proponebantur, quod solummodo Venetis relinquebatur inde suffragium quæsitum est. Sic proculdubio Veneti necessitate compulsi sunt cum Rege Gallorum de foederibus agere, & demum sublato quod alioquin reipublicæ periculum imminere inducias antevenire, quas Galli cum Hispanis nuper in annum pacti sunt. Quod si Pontifex potius quam Germanis & Hispanis qui belli studiosi sunt, cum Rege Gallorum initis foederibus accedat, nihil prorsus deficere quin tota cito pacata Italia redderetur. Interea vero Livianus cum Theodoro Triultio e captivitate Gallorum Venetias venit, & Patres illum elegerunt Imperatorem exercitus. Namque cum Rege Romanorum induciæ finierant, & oportebat Gallis obviam ire, qui jam dudum in Italiam festinabant. Igitur Livianus primo quoque tempore contra Veronam movit. Sed quia detecta conjuratio fuerat, deinde relicta Verona versus Cremonam ibat contra opinionem eorum, quibus curæ magis reipublicæ quam Regis Gallorum aliena res erat. Ille tamen sic fieri voluit & dum cupit quanto maxime potest Gallos obnoxios reddere, statim jubet omnem exercitum sub gubernatoris imperio paulatim sequi, quia ipse cum parte copiarum semper anteibat, & inter eundem deditione recepit Vallegium & Pischeriam. Vix autem cum exercitu Livianus abierat, & ecce hostes Germani ad duo millia peditum

ditum & quingenti equites ex *Verona* moverunt in *Venetos*, qui sub Duce *Sigismundo Caballo* & *Joanne Forti* apud *Bonifacium* morabantur. Et quia *Veneti* pauci erant, facile usque *Coloniā* fusi fugatique sunt & cum hostes etiam *Coloniā* deditione cepissent, *Joannes Fortis* cum *Sigismundo Caballo* in hostium potestatem venit. Et amplius *Vincentiæ* valde tumultuatum est, quia præsidio stabant non nisi duo de triginta milites, trecenti levites, & sexcenti pedites, sub Duce *Joanne Paulo Manfrono*. Sed cum multi agricolæ subsidio postea venissent vis hostium repressa est, & contra illos acriter stabatur. Posteaquam vero *Livianus* ad *Gambaram* oppidum venit, *Cremonenses* res novas moliti sunt & *Venetos* accersebant. Sed dum in eam expeditionem protinus itur, *Palavicini* quadraginta milites, & duo milia peditum pro Rege *Gallorum* ausi sunt urbem antecapere cum suo magno malo. Namque *Livianus* statim illis obviam venit. *Palavicinos* fudit, atque urbem iterum cepit, & diripuit. Deinde quia *Lauda* civitas, urbs *Mediolanum*, & omnia alia citra *Padum* ad *Gallos* desciverant, datum negotium est *Laurentio Cerinati* cum parte copiarum urbem *Brixiam Venetorum* in fidem recipere, quæ & facile pridie *Calendas Junias* deditione recepta est. Sed super arce sola vis belli & magna difficultas incubuit. Vires enim rei gerendæ impares erant, quia alioquin pars magna exercitus ad locum cavæ prope *Padum* fluvium stabat, unde ponte facto possent trajicere & venientibus *Gallis* auxilio semper esse. Dum ea vero in *Italia* geruntur, in *Anglia* & *Germania* fœdus proclamatum est contra *Gallos*, inter Pontificem & Reges, *Romanorum*, *Hispanorum*, *Anglorum*, quamvis Pontifex ejus rei nescius haberetur, & Regis *Hispaniæ* cum Rege *Gallorum* induciæ intercederent. Sed alioquin Orator *Hispanus*, multi Cardinales, & *Joannes Maria Fregosius* Dux *Genuæ* vicissim conabantur facere, ut Pontifex *Leo* neuter non esset, qui adversus tantos impulsus in sua æqualitate velut cautes *Cauca-sea* adhuc immobilis stabat, quamvis illi etiam *Parma* & *Placentia* redderentur. Ideo vero Dux *Genuæ* *Gallis* aversus erat, quia Regi *Gallorum* non placuit ut ante conventum erat cum *Liviano* & *Triultio*, simul ac *Adorni* pauciora petunt quam *Fregosii*, & super redimenda arce *Lanterna Genuæ* non amplius in incerto res est. Sed dum super his difficultas esset, amplius quoque orta est civilis seditio, quia spiculatores Ducis interfecerunt Comitem *Fiescum*, unde a fratribus *Fiescis* cum sua factione pro *Francia* in *Montojum* secessum est, quos veritus Dux *Genuæ* ab *Hispanis* auxilium implorabat. & illarum partium factus est. Cæterum antequam tale præsidium venit *Flischi* postridie octavo *Calendas Junias* cum quatuor millibus hominum ex una porta, & ex alia *Adorni* cum totidem hominibus civitatem ingressi sunt & repulerunt mille *Fregosios*, qui in foro illis facti obviam erant. Unde Dux ipse cum *Ludovico* & *Fregosino* fratribus vix potuit classem conscendere & in pacatum abire. Itaque *Flischi* & *Adorni* pro *Francia* civitate potiti sunt, classis *Gallorum* etiam in arce *Lanterna* subsidium posuit, & *Antoniotus Adornus* in ducis expulsi locum suffectus est. Jam vero *Galli* mille quadringenti milites & quatuordecim millia peditum cum muralibus & campestribus tormentis militiæ sub imperio Domini *Tremuliæ* & Ducis *Albanæ* pergebant obsidere civitatem *Novariam*, ubi cum quatuor millibus *Helvetiorum Mediolani* Dux erat. Hostes autem *Hispani* qui apud *Placentiam* morabantur mille octingenti milites, & septem millia peditum festinare, parare, facere, & jungere

A | ponte amnem *Padum* ad *Trebiam*, ut *Helvetios* conveniant, qui dicebantur ad quatuordecim millia hominum *Gallis* obviam ex lacu *Larium* festinare. Sed dum *Hispani* sæpe videntur velle *Padum* trajicere, atque super ea re cum *Venetis* frequenter res esset, *Helvetii* alii ad septem millia hominum sociis qui erant *Novariæ* subsidio venire, & statim ducti sunt in spem futuræ victoriæ, quia *Galli* nimium incauti stabant, & inter equitatum & peditatum limosam paludem habebant. Igitur *Helvetii* ea occasione rerum bene gerendarum acriter usi sunt, & summo mane octavo idus Junii compositis rebus cunctis ex sententia cum acie numerosa moverunt contra tormenta militiæ, & simul cæteri omnes *Helvetii* cuneo facto a lateribus *Gallos* hostes adorti sunt. Et quidem atrox & diutinum prælium fuit, quia utrinque pro viribus agebatur, & nihil prætermittebatur, quod utrinque usui fore videretur. Multi utrinque cadebant, multi sauciabantur, truculentus clamor & sanguinolentus armorum strepitus ad cælum ferebatur. Et primo quidem multi *Helvetii* tormentis militiæ absumpti sunt & cedere videbantur. Sed postremo illi magis magisque obnixi victores fuere, *Galli* cæsi fusique sunt, *Helvetii* vero cum manubiis hostium victricia signa reportarunt in urbem *Novariam*, atque impedimenta *Gallorum* & tormenta militiæ. In eo bello *Helvetiorum* prima acies & omne præsidium interiit. Apud *Gallos* autem ventum erat ad triarios quando illi in fugam conversi sunt. Secundum eam pugnam *Veneti* consternati animi statim versus amnem *Atbesim* ductabant exercitum, & quia ad retinendum *Brixiam* vires non suppetunt, datum negotium est *Laurentio Cerinati* inde *Creman* urbem abire, & ibi quantum in se esset rem *Venetam* protegere & defensare. Namque bello confractis *Gallis* civitates & cuncta oppida illico *Mediolani* Ducis in fidem recepta sunt atque inde *Hispanus* exercitus qui spectatum eventus rerum ad amnem *Trebiam* illuc usque confederat, statim ingressus *Cremonam* urbem diripuit, & frequenter minabatur *Venetis* bellum inferre. *Helvetii* vero parta victoria bene usi sunt, & hostem infecuti quousque ille in *Galliam* rediit. *Veneti* autem cum in pacatum ad *Tombam* prope amnem *Atbesim* venissent, duo facere aggressi sunt, alterum omnes segetes ex agro *Veronensi* transferre *Patavium* & *Taurisium*, alterum si possint inter eundem *Lemniacum* oppidum capere. Et quidem facile segetes asportarunt, sed super *Lemniaco* vis belli incubuit. *Joannes Paulus Balionius* cum septuaginta militibus, & mille ducentis peditibus in eam expeditionem exivit, & cum ventum esset prope oppidum, quia illud captu facile erat, statim deditione facta in *Venetorum* potestatem venit. Sed super arce alioquin difficultas fuit quia opere munita erat, atque amplius *Hispani* & *Germani* centum quinquaginta pedites ad omnia agenda & obeunda semper intenti paratique stabant. Igitur primo tormentis militiæ utrinque acriter agebatur, & qua parte oppidi forum est ictu alio super alium moenia quassabantur, & cum magna pars muri procubisset cominus ad arma ventum est. *Veneti* milites per ruinas muri conabantur in arcem ire, & ubique hostibus infesti erant. Contra hostes missilibus telis *Venetos* femovere, & nihil satis tutum munimentis pati, sulphure, tedis & elaboratis ignibus præsertim agebatur. Deinde atrox certamen fuit, & *Veneti* pulsus hostibus arcem ingressi sunt, atque ea repente capta magnam cædem de hostibus edidere. Capto *Lemniaco* cum toto exercitu contra *Veronam* iterum ibatur, tum quia *Veneti* ducti sunt in spem urbis potiundæ

nunciis *Veronensium*, qui rebus *Venetis* studebant, tum quia urbis praesidio non erant nisi *Germani* trecenti equites, & duo millia peditum. Jam vero ceptum erat urbem tormentis acriter concutere ea parte qua vergit ad amnem *Athesim*, quia in monasterio *Luciae Veneti* castrametati sunt, & in suburbiis ad portam civitatis quae versus *Pischeriam* est, atque *Livianus* semper primus inter ea opera cum magno periculo intentus erat. Sed praeter spem evenit quae in deditione *Veronensium* sita erat, quia illi res novas moliri non poterant. Namque *Germani* milites animati urbem & semetipsos defendere praemoenibus fortiter stare, tormentis militiae frequenter agere, festinare, parare, facere cuncta quae facto opus est, dum in propinquo hostis est. *Veneti* vero tormentis militiae portae prostrata turri & magna parte moenium agmine facto repente civitatem aggressi sunt acriter oppugnare, scalas admove, murum ascendere. Et quidem diu anticipi Marte pugnatum est, dum hostes maxime elaboratis ignibus fortiter obviam ibant, & contra *Veneti* milites conabantur in civitatem vadere, plures tamen *Venetorum* cadebant, inter quos absumptus est & *Thomasius Faber* centurio vir fortis quantum quisquam alius. Namque in urbem nimium altus descensus erat & infelicitate agebatur, quod cum *Liviano* relatum esset, protinus receptui cecinit, & deinde ad *Joannem Campestem* recessum est agros vastare, & praedas agere. Denique omnis exercitus iterum venit unde abcesserat, simul ac *Hispanus* exercitus *Bergomum* deditione cepit & versus *Veronam* exercitumque *Venetum* iter facere aggressus est. Namque dum *Helvetii Gallos* ultra montes expellunt, *Hispani* ducti triginta duobus millibus numum pulsus *Fliscis* & *Adornis* restituerunt *Fregosios* in patriam, atque in Ducem *Genuae Octavianum Fregosium*. Et amplius cum illis relatum esset *Venetos Veronensium* agros vastare, quia laceffiti injuria visi sunt *Bergomum* urbem ceperunt, & protinus moverunt in *Venetos* simul cum trecentis militibus Pontificis, quia Pontifex veritus ne alioquin Rex *Romanorum* cum Rege *Gallorum* foedus iniret, ipse prius ad *Germanos* desciverat, & cum *Hispanis* parabat *Venetis* obviam ire. Adeo semper stultum est ex re parva magnam invidiam comparare, frustra niti, & nihil aliud quam odium quaerere. Jamque hostes *Hispani* capto oppido *Pischeriae* arcem acriter oppugnabant, & quia tormentis militiae satis parietes dejecerant, protinus sarmentis repleta fovea qua oppidum spectat, atrox praedium consertum est, quia utrinque nihil praetermittebatur quod usui foret. *Veneti* ducenti pedites fortiter obsistebant & hostibus obviam ibant. Hostes vero freti multitudine semper recentes subibant scalas admove, murum ascendere. Illi tamen quater repulsi sunt, ut *Veneti* intrepidi starent, nisi hostes rursus suffodiant parietem. Inde trepidatio & tumultus ortus est, *Veneti* pedites alia parte arcis superatis moenibus in pacatum abibant, quia vident de deditione cum hostibus Ductores separatim agere, sed hostes potius vi ceperunt arcem *Pischeriae*, & omnia praedae militibus fuere, atque illis audacia, & timor *Venetis* additus est, & ideo statim trajecto *Athesi* flumine ad *Alboretum*, omnes *Venetae* copiae *Montagnanam* venire, & desperatione ducti *Veneti* super retinendo *Lemniaco* illud immunitum hostibus reliquere sicut & *Pollesnum Rhodigii*, quia passim fugiendo in pacatum ibatur. Usque adeo illi qui nuper *Veronam* tantis animis aggressi fuerant, servare *Lemniacum* non ausi sunt, quin immo facturi operae pretium videbantur si servent *Patavium* & *Taurisum*, quas in

A urbes ex *Venetiis* etiam ingens praesidium accessit & multi nobiles, qui praesint foribus & ad omnia obeunda semper intenti paratique sint. Denique omnis exercitus iterum *Patavium* ingressus est, & Gubernator *Balionius* cum Comite *Malatesta* & *Vulpensi* equite ducentis militibus, trecentis levitibus, & duobus millibus peditum *Taurisum* petiit, simul ac hostes *Hispani Montagnanam* venire, & *Germanus* exercitus hominum octo millium parte alia *Vincentiam* urbem profectus est, atque ubique hostes omnia parabant ex sententia, ut primo quoque tempore *Patavium* aut *Taurisum* obsideant. Igitur *Veneti* maxime curabant urbem *Patavium* munire, quae & dudum operibus loco campestri omnium munitissima reddebatur ampla & aquosa fossa, lato muro & promurali, atque anteportariis propugnaculis, quae cum imperfecta adhuc essent enixe operi studebatur, & omnia utilia atque abunde commeatus in urbem asportabantur. Et amplius quia *Venetorum* terrestres copiae contra hostes non sufficiunt, visum est e republica fore, si *Veneta* classis statim irrumpat in *Apuliam*. Et iccirco datum negotium est praefecto *Vincentio Capello* ultra novem triremes quas apud *Corcyram* habebat, passim omnia navigia colligere. Itaque intra paucos dies quadraginta quinque uniremes quae possunt dici etiam *Liburnicae* apud *Corcyram* collectae sunt, & multa alia navigia atque omnia parata ex sententia. Sed postea nimium non laceffendi injuria suspiciosum studium movit, & qui laeti ad praedam *Apuliae* convenerant tristes omnes redire ad propria dimissi sunt. Jam vero venerat ad locum *Bataleae* hostium omnis exercitus, *Hispani* mille milites, quadringenti levites, & septem millia peditum, *Germani* trecenti equites, & quinque millia peditum cum multis campestribus muralibusque tormentis militiae, & parabant obsidere *Patavium* ut Regi *Romanorum* rem gratam faciant, & si possint *Venetos* cogant desideratum foedus inire, quia alioquin illam urbem tam bene munitam capere talis exercitus aptus non erat. Hostes tamen denique prope urbem ad *Bassanelum* castrametati sunt simul ac *Gurgensis* Episcopus cum quinquaginta equitibus, & sexcentis peditibus in castra venit, & amplius centum milites Pontificis affuere subsidio. Igitur missilibus telis & tormentis militiae frequenter res erat, & saepe committebantur levia certamina. Namque in urbe omnes unanimiter erant vigiliis & excubias agere, loco stare, & in officio semper esse. Nuper vero cum hostes foveam ducerent prope urbem ad levigata itinera, *Veneti* sexaginta levites, & centum pedites loci custodibus & operariis repente obviam venerunt, & quia hostes nihil tale verebantur facile in fugam conversi sunt relictis armis & impedimentis aliis, quae omnia praedae militibus fuere. Et amplius cum hostes venissent ad civitatis planiciem, ex urbe tormentis militiae acriter agebatur, & hostes protinus compulsi sunt in pacatum recedere. Illud vero praesertim *Veneti* enixe curabant, ut omnibus modis vetent commeatus afferri in castra hostium, atque ad eam rem equitatus levitum ubique & semper hostibus infestus erat. Et similiter armatis lembis per amnem *Athesim* ibatur cuncta interciperi, quae multa esculenta & poculenta in castra subvehantur ex *Ferraria*. Et amplius *Veneti* pedites & equites usque ad stationes hostium frequenter ibant, & illos laceffebant ad praedium quo conserto saepe etiam feliciter agebatur, atque ideo hostes tandem re intentata in locum tutum abiire intra divortia *Bachilionis* fluminis, & deinde post paucos dies versus *Vincentiam* ibatur quadrato agmine, quia inter eundem *Veneti* equites

tes levis armaturæ a tergo semper illos vexabant. Nihilominus parte alia apud *Bergomum* cum hostibus frequenter res erat, quia *Laurentius Cerinas* cum quingentis equitibus, & duobus millibus peditum *Cremae* præsidio stabat, atque inde sæpe hostibus obviam ibat. Et nuper amplius *Mapheus Catulus* cum quingentis equitibus *Bergomum* repente venit, & quia non nisi centum *Hispanis* servabatur, facile civitatem recepit & subtulit decem millia numum, quæ *Hispanorum* in manus venerant, atque inde cum pecuniis in *Crema* rediit. Hostes vero cum trecentis *Germanis* iterum incustoditam urbem *Bergomum* cepere & colligendis pecuniis studebatur. Et amplius Comes *Antonius Latronius* cum duobus millibus *Germanorum* peditum & centum *Hispanis* militibus, ducentis levitibus, & mille peditibus perrexit obsidere *Pontemvicum* oppidum situm ad flumen *Oleum*, & quia armis virisque bene munitum videretur, primo tormentis militiæ acriter agebatur, postea atrox prælium confertum est & conabantur hostes alii per ruinas muri in castellum vadere alii scalas admoveere & murum ascendere. Contra *Franciscus Lipomanus*, *Ludovicus Quirinus*, & *Hieronymus Fatinantius* cum ducentis peditibus fortiter præ moenibus stare, semovere hostem missilibus telis, & elaboratis ignibus nihil tutum munimentis pati. Igitur sanguinolentum certamen fuit & diu Marte ancipiti pugnabatur, multi utrinque cadebant, multi fauciebantur, & denique hostes repulsi sunt. Illi vero postea parabant cuniculos facere, & volebant muros suffodere. Contra oppidani citi obturare aditus & demoliri opera. Sed quia menstrua & diuturna obsidio fuit, *Veneti* milites inopia commeatum tandem compulsi deditionem facere & omnes impune abire dimissi sunt. Quoniam vero *Veneti* milites apud *Crema* semper intenti paratique stabant *Bergomensium* paratas pecunias subripere, nuper quoque ad eam rem trecenti equites, & quingenti pedites *Bergomum* venire, & cum *Hispani* cum pecuniis in arcem fugissent, arcem oppugnare aggressi sunt, & quia septuaginta & pauci hostes essent & non nisi lapidibus agerent, facile arce vi capta hostes omnes etiam capti sunt. Deinde visum est e republica fore *Bergomum* positis custodibus servare. Sed sicut venit immatura victoria, sic non diuturna fuit lætitia, quia ut primum *Mediolanum* relatum est, *Silvius Fabellus* cum trecentis equitibus, quingentis peditibus & duobus millibus agrestium *Briancensium*, nec non cum *Cæsaris Feramuse* sexaginta *Hispanis* equitibus, & centum quinquaginta peditibus contra *Bergomum* in expeditionem venit, & simul ac obviam factus est *Venetis* quingentis equitibus, & trecentis peditibus, qui ex *Crema* *Bergomum* subsidio festinabant, statim atrox certamen fuit, & denique *Veneti* sua paucitate victi & civitate expulsi sunt. Et quia *Bartholomæus Mustius* inde cum præsidio se receperat in arcem *Capellam* sitam supra montem juxta *Bergomum*, vetabatque pecunias exigere, hostes *Hispani* mille quingenti locum pro viribus obsederunt, & nunc quidem tormentis militiæ gesta res est, nunc cominus certamen fuit. Sed quia armis virisque bene munitus locus esset, frustra

A *Francisco Foscaro* frequenter agebat, neque enim æquo animo ferre poterat Regem *Gallorum* venire iterum in *Italiam*, non quia ab eo injuria affectus esset, sed quia ejus potentia formidolosa nimium videbatur, ut eo stante in *Italia* sedes Pontificis & tota *Italia* tuta esse non posset. Quod si in dictum foedus omnes coeant facile Regis *Gallorum* potentia comprimitur, & Rex *Romanorum* prece aut pretio vincatur, qui alioquin duriusculus videretur, & denique omnes Reges declinent ad pacem omnium, & tota pacata reddatur Christiana societas. Verum *Venetis* foedus *Italiae* nimium factu difficile videbatur, atque illis itidem erant cum Rege *Romanorum* suspectæ induciæ, quia inde cum Rege *Gallorum* sequebatur certa discordia, & cum aliis incerta concordia. Pax autem summopere placebat, sed displicebant pacis conditiones, quia nolebant *Veronam* relinquere, & plus satis videbantur facere, si sexcentis millibus numum suas urbes omnes emant, quas iusto titulo per tot annos possederant, & præsertim repugnabant cum Rege *Gallorum* inita foedera. Adeo semper inconcussa fide Regis *Gallorum* foederibus stabatur, quamvis de summa rerum illorum ageretur, & valde in incerto *Gallorum* res esset, quia illis atrox bellum illatum est simul ab *Anglis* in *Aquitaniam*, & ab *Helvetiis* in *Burgundiam* conterminam ipsis *Helvetiis* ad occidentem solem & ad *Sequanam* fluvium, cui regioni a *Germaniis* nomen est, sicut & Dux *Burgundiæ* appellatur, & si ille eam non habet, sed alteram altam *Burgundiam*, quæ modo appellatur *Britannia* sita ad oceanum *Britannicum*. Et amplius hostes pontificii *Germani* & *Hispani* *Venetis* infesti erant agros vastare, prædas agere, obsidere *Patavium* & *Taurisum*, & usque *Mestrum* oppidum *Venetaque* æstuaria acriter prorumpere. Namque hostes soluta obsidione *Patavii*, quia vires suæ operi non sufficerent, inde in omne malum & scelus conversi sunt igni ferroque crudeliter sævire, perdere, rapere, interficere, captivos facere, qui aliquid solvendo essent, & præsertim adolescentes abducere, ut disciplinam militarem addiscant, nisi pretio redimantur. Et plusquam alibi hostes apud *Bassianum* sua crudelitate usi sunt nulli sexui parcere, omnia diripere, & templa Deorum etiam spoliare. *Vincentiæ* per aliquot dies statum est, deinde itum ad *Alboretum* oppidum, unde impedimenta & tormenta majora militiæ *Veronam* transmissa sunt & similiter frumenta omnia, quæ *Colonæ* prædati fuerant. Denique cum parassent omnia ex sententia commeatus abunde biscoctos panes, curius, lembos, vegetes, ferramenta lignamina, *Montagnanam* venerunt, & deinde *Ateste* oppidum, villam nostram *Gurgensem* & *Bobulentam* *Plebemfacci*, *Mestrum* oppidum & totam regionem inferius usque ad *Veneta* æstuaria prædati sunt. Si præda ea appellari potest, in qua igni ferroque & omni impietate crudeliter uterentur, simul ac omnia prædæ hostium militibus relinquebantur. Namque passim ex agris & civitatibus *Venetias* migratum est, & ad *Venetas* paludes abducta cuncta animalia, atque illis cum trecentis armatis navigiis subsidio stabatur, donec simul cum agricolis multa etiam animalia *Venetias* delata sunt. Et quia hostes diruto & igne consumpto *Mestro* oppido adeo prope aquas salvas *Calendis* *Octobris* venerunt, ut eorum tormenta militiæ sacris etiam mulieribus fani secundi jactis lapidibus infesta forent, res postulare visa est *Venetias* ipsas legentum pariter oculis subicere, quamnam æstuaria sint & vicina continens, piscationes, vivaria, portus & declivia flumina.

Vene-

Venetia ita in mediis aquis sita sunt, ut undique a continenti per duo millia passuum & amplius distent. Namque mare per duo castella ad ortum solis ingreditur, & magno canali per mediam civitatem vadit. Et idemtidem duo alii magni canales sunt, alter ad septemtrionem versus *Murianum*, alter ad meridiem versus *Judaicam*. Et quidem supra omnia mira res est, quod urbis fundamenta sunt super aquosa tellure, quæ amplius duodecim pedibus alta non est, quia ulterius aquarum abyssus involvitur, & tamen illa pretiosis templis, altis palatiis, spatiosis plateis, quantum alia decora & pulchra civitas est, & supra urbes omnes alias quacunque habet itinera canalicia, quia simul ac æquor in totam civitatem difluit, frequentia facit aquarum divortia, unde pariter terra marique per totam civitatem itur. Namque ad terrestria itinera ponte lapideo ubique jungitur. Et quia alioquin Canalis major tantum unum pontem ad *Rivaltum* habet, frequentibus locis ad commoditatem multæ cymbæ portoriæ suppetunt, ut si cymbarum omnium axacta computatio fiat *Venetis* plures sint, quam equi & muli qui *Romæ* innumeri videntur. Et amplius multæ insulæ ingredientibus pelagus *Cycladum* faciem præferunt. Namque a dextris apparent tria oppidula *Burianum*, *Torcellum*, & *Majorbium*, & a sinistris *Medoacum*, nunc corrupto nomine vulgo appellatum *Metamaucum*, & *Fossacodia*, atque passim in aquis circum circa *Venetias*, multa templa sublimia sita sunt. Facies vero civitatis quæ merito per canalem majorem sumi debet, ea flexuosa est, quia ille primo ad ortum solis ingreditur atque per meridiem & occidentem vadit, & ad septemtrionem definit. Longum esset in singulas urbis partes primarias descendere, forum amplissimum, Ducis palatium marmoreum, *Marci* aureum Templum augustissimum, divitem *Rivaltum* mercatorium, atque spatiosum & bene referunt Navale describere, & profecto alienum a nostro proposito, quia oporteret plura quam par esset in singulis dicere. Illud vero scire operæ pretium est, quemadmodum retroactis temporibus aliter se habebant ista civitatis æstuaria. Namque ab *Aquileja* ad *Ravennam* usque continebantur, & alibi triginta, alibi vigintiquinque, alibi viginti, & alibi quindecim millibus passuum ad continentem ibatur. Siquidem *Ravenna*, *Aquileja*, *Concordia*, *Opitergium*, *Altinum*, *Patavium*, maritimæ civitates erant, quæ omnes modo intra continentem sunt magis aliæ & minus aliæ, sicut sitæ sunt apud majora & minora flumina. Namque *Aquileja* solum a mari novem millibus passuum abest, quia prope habet minorem amnem *Lisuntium*, & longe distat *Concordia* per vigintiquinque millia passuum, quia juxta eam difluunt duo ramenta *Tiliaventi* majoris fluminis *Harenigeri*, & adhuc magis distat *Opitergium* per triginta duo millia passuum, quia prope vadunt *Plavis* & *Liquentia* magna flumina. *Altinum* vero non nisi per decem millia passuum, quia *Silius* magnus amnis per septem ostia currit in æstuarium. Aliter ab æstuariis ad *Patavium* vigintiduo millia passuum habentur, quia hinc inde magnus amnis *Medoacus* involvitur. Igitur cum tot & talia flumina sint quæ exeunt & multam terram congerunt in *Veneta* æstuarium, ex *Plavi* flumine *Heractiana* & *Gessulana* civitas in continentem venit, & ex *Tiliavento* pars illa quæ ad *Aquilejam* & *Maranium* vergit, & ex *liquentia* pars alia quæ continet *Cavorlem* & *Concordiam*. *Brenta* vero fluvius prius ibat per villam *Noventam*, & divertebat per *Plebemsiocchi* ad *Bebias* & ad portum cui *Brentulus* de nomine nomen est. Postea *Patavini* ejus amnis novam scissuram fe-

A cerunt ad locum *Brusonii*, unde *Venetias* & ad locum *Hilarii* novus alveus quærebatur, & venerunt in continentem quæ prius erant *Valles Gambæbarariæ* & vivaria piscium. Et quia in pejus etiam ibatur statim compactis aggeribus versus canalem majorem iterum oportuit amnem seducere. Sed ille qui prius exibat ad meridiem cum declinasset ad oriens usque *Uriacum* & *Ciafusinam* terram congeffit, & quod antea circuibat mare ducentis quinquaginta millibus passuum, vix constat modo quadraginta millibus passuum a majori littore ad portum *Brentulum* quem *Livius Meduacum* appellat, atque alioquin refert ab eo *Patavium* abfuisse quatuordecim millibus passuum quando B *Cleonymus Dux Lacedemonius* cum classe *Græcorum* applicuit, & quia prædas ageret, cum magna strage, a *Venetis* & *Patavinis* expulsus est. Ista tamen æstuarium adhuc ampla sunt & viginti fluminum receptacula, quæ subvehendis mercibus in mediterranea magnam commoditatem afferunt. Accedunt multa piscium ampla vivaria, in quibus statis temporibus variæ piscationes sunt, & avium aucupia, atque insuper in continentem itur, ubi aves terrestres & animalia capiuntur, & passim habentur omnia terræ marisque solatia. Namque undique colles amœnissimi sunt, deinde agri fertilissimi & prata viridia, C denique subeunt piscatoria æstuarium & maris lata planicies, in cujus meditullio ipsæ *Venetia* sita sunt, ut facile visum iri possit ista pars *Italiae* non minus amœnissima quam tutissima, & ipsa civitas ad pacis otia, & ad belli usum commodissime sita est. Sed revertamur unde abscessimus quando hostes cum miseris agricolis quantum dici potest crudeliter agebant nulli rei, nulli sexui parcere, sævire, rapere, comburere & prolabi in omne scelus & facinus, ut talia inulta nunquam sint (si dii scelerum ultores sunt) & idemtidem homines agant quod sua interest. Itaque *Livianus* ad omnia obeunda semper intentus paratusque D stare, arma expedire, supplementum ex totis *Venetis* accerere, novos milites adscribere, concire agricolas, festinare, parare, facere cuncta utilia, & simul ac venit *Patavium* subsidio *Christophorus Maurus* & *Hieronymus Contarenius* cum multis nobilibus & peditibus, atque idemtidem cum nobilibus & peditibus *Andreas Gritus Taurisum*, *Livianus* cum toto exercitu & manu collectitia confestim exivit obviam hostibus ex *Patavio*, & similiter ex *Taurisio* *Joannes Paulus Balianus* cum copiis in hostes ibat. Namque hostes noningenti milites & septem millia peditum E revertebantur ex æstuariis & ad *Civitatum Brentam* amnem velle trajicere visi sunt. Igitur quia *Venetis* expedit *Civitatum* armis virisque bene munitam habere, statim illuc ex *Bassiano* ingens præsidium accessit. Ablati omnes lembi ex flumine & pontes passim abrupti, ut hostibus transitus difficilior redderetur. Et amplius *Venetis* equitatus levitum semper hostium vestigia sequebatur, & ubique illis infestus erat. Postquam vero ventum est ad *Brentam* amnem e regione *Ville Fonticulæ* ubi flumen vadari poterat, super ripas ejus ordines distributi sunt & posita tormenta militiæ. Namque hostes jam venerant ad F *Civitatum* & velle flumen vadare videbantur. Et *Livianus* omnino animatus erat cum hoste manum conferere, si ille pertentet in alteram ripam trajicere, & quia non unum iter patebat, *Livianus* sollicitus huc atque illuc frequenter ire, cuncta scrutari & prospicere, ut commode ubique rerum bene gerendarum oblata occasione uteretur. Sed dum *Veneti* putant hostes ituros inferius, illi trajecerunt superius ad tria millia passuum ad locum *Novæ Crucis* impune noctis silentio,

lento, & versus *Vincentiam* magnis itineribus festinabant, si possint locum antecapere, & in pacatum recedere, quod cum *Livianus* animadverteret cum exercitu protinus locum antevenit, ut quod ad *Brentam* nequivit facere, ad *Bachilionem* fluvium saltem vetet hostes trajicere. Hostes vero prope montes iter tenebant, & incedebant quadrato agmine dum *Veneti* levites semper illos vexarent. Et quoniam commode versus *Veronam* castrametari quærebant frustra *Vincentiæ* & *Montebii* sedes tentarunt. Namque apud *Vincentiam* *Venetorum* omnis exercitus erat, & amplius Gubernator *Balionius* cum *Andrea Gritto* ducentis quinquaginta militibus, quingentis levitibus, & duobus millibus peditum per *Vicum Aggeris* & oppidum *Liminium* in castra venerat. *Joannes Paulus Manfronus* autem cum manu collectitia ad quatuor millia hominum præsidio stabat apud *Montebium* situm loco clivoso prope *Reronem* fluvium, ut iter solummodo ad fugam relinqueretur in quam hostes conversi videbantur, aut juxta amnem *Ligoram*, qua ad *Scledium* itur, quod valde asper & clivosum est & non pervium tormentis militiæ, aut recta versus *Montebium*, aut transvorsum versus *Patavium*, quæ ambo itinera hostibus infesta reddebantur, quia *Veneti* locum antevenire semper poterant. Usque adeo *Livianus* in certam spem potiundæ victoriæ ductus est, & confidenter hostibus obviam ibat. Et quia paulopost hostes viderentur versus *Bassianum* iter facere, de ea re omnes *Monticolæ* certiores fecit, ut *Cismonis* fluminis pontem destruant, & ad saltus semper intenti paratique sint abeuntem hostem invadere. Adeo frequenter in nos ipsos agimus dum nescii sumus quid nostra interest. Hostes vero sub ordinibus militiæ versus *Scledium* digressi sunt, quos *Livianus* imprudenter nimium cum toto equitatu levitum sequebatur, & identidem versus hostes omnis exercitus paulatim ibat. Igitur cum omnia itinera fugiendi intercisa essent, & super omnes montes collesque passim in officio staretur, hostes desperatione ducti, velle configere visi sunt, & reverti versus *Vincentiam*, quæ cum *Venetis* nunciarentur statim loco statum est apud *Creatium*. *Creatium* vero locus est prope civitatem *Vincentiam* ad duo millia passuum, ubi exiguus collis est aptus valde tormentis militiæ, & subiecta convallis ubi commode sub ordinibus stabatur, & quod melius erat illuc per iter solum angustum prope colles ibatur, quia cætera alta palude tenerentur. In principio vallis præsidium & medium robur exercitus, in fine vallis subsidium erat, & amplius in procinctu stabat ad *Vincentiæ* suburbia Gubernator *Balionius* cum *Taurisano* subsidio. Hostes tamen ausi sunt in certamen descendere, & primo quidem dissimulabant aggredi præsidium, deinde vallem transgressi ad *Vincentiæ* suburbia in *Venetos* confestim ibant. Huic hostium turmæ militum cum plusculis tormentis militiæ, *Venetus* equitatus levitum statim obviam venit, præliumque atrox confertum est, & hostes primo cedere videbantur. Sed postremo *Veneti* impares erant, nisi alioquin victorem hostem repulissent e castris tormentis militiæ, sicut etiam iterum hostes repulsi sunt tormentis militiæ cum exinde ivissent cum præsidio certare, & inter levites acriter ageretur. Secundum eam pugnam *Alexander Bigolinus*, qui captivus hostium erat nomine *Prosperi Columnæ* in castra *Veneta* nunciatum venit *Liviano* & *Venetis* periculofum fore cum hoste configere, quando cum *Prospero Columna* res esset, qui ter *Livianum* antevicerat, & hostes omnes invicem jurati sint, aut mori, aut vincere. Quod si *Livianus* potius

A velit contando rem *Venetam* restituere, ea via proculdubio tutior esset ex hostium inopia comeatuum, quæ tanta erat, ut illi fame & inedia pereant, & si per diem stetur, illis necesse sit, aut semet perditum ire, aut deditionem facere. Sed *Livianus* ea omnia quæ dicebantur parvifacere visus est, & quæ inceperat non desistebat facere, quia parum illi fides habebatur. Sicut semper solet accidere, ut adversus fatorum seriem, nulla profint humana auxilia. Hostes vero iterum versus *Scledium* dissimulabant aufugere, & in fidem rei reliquerunt prædæ partem aliquam, quod *Livianus* nimium ratus est, & B iterum cum levitibus hostem sequebatur atque inde omnis exercitus in eam expeditionem subibat. Hostes autem ut primum loco iniquo ad paludem *Creatiam* *Venetos* protraxere posthabita præda & distributis ordinibus repente in *Venetos* conversi sunt. Et quia a *Venetis* nimium temere in hostes ibatur sine tormentis militiæ, sine ordine, sine imperio, & amplius insperata res erat. Illi primo congressu ceperunt aufugere, & plerique non satis sibi constare videbantur. Multi tamen ductores alioquin maluerunt mori quam ignominiam pati, & simul cum ala equitum & acie peditum irruerunt in hostes confertissimos. C Et quidem *Franciscus Calsonus*, *Antonius Pius* cum filio *Constantio*, *Meleager Forlivienfis*, & *Alonfus Parmensis* in decoris armis mortem oppetere visi sunt. *Paulus* autem *Santangelus* plenus vulneribus e manibus hostium dilapsus est, & *Julius Manfronus* non inultus in hostium potestatem venit sicut & Gubernator *Balionius*. *Andreas* autem *Lauretanus* legatus vulneribus confossus occubuit simul ac in quæstionem venisset cujusnam captivus haberetur. Postremo quia multo potentiores hostes erant, & fuga passim fiebat, de *Venetis* magna edita cædes est, dum fugientibus impedimento etiam palus esset, & qui multi se proiciebant in flumen proximum ejus vorticibus absumebantur, quia alioquin temere fores *Vincentiæ* occlusæ fuerant. Multi tamen pedites & equites cum *Liviano* & *Andrea Gritto* incolumes abiire *Patavium* & *Tarvisum*, si possint collabantem rem *Venetam* armis protegere. Itaque unde *Venetis* merito debebatur incruenta victoria, illis sanguinolenta strages, & ingens ignominia parta est, quia inconsulto & temere nimium agebatur. In eo prælio amissa *Venetorum* impedimenta omnia & tormenta militiæ, quatuor millia peditum & trecenti quinquaginta milites aut cæsi aut capti sunt. Posteaquam vero *Venetiis* nunciatum est, quæ in castris gesta fuerant, consternati animi omnium sunt, & res *Veneta* visa est in pejus corruere. Sed quanto magis adversa res erat tanto a patribus contra audentius ibatur *Patavium* & *Taurisum* munire, supplementum exercitui mittere, atque etiam nobiles cum delectis peditibus, & demum omnia facere sicut expedit, quando in propinquo hostis est. Namque hostes elati insperata victoria præ se ferebant velle iterum obsidere *Patavium*. Sed ea res in quæstionem venerat *Veronæ* apud *Gurgensem* Episcopum, *Viceragem Hispaniæ*, & *Prosperum Columnam*. Et quidem *Prosperus* quantum in se fuit rem *Venetam* fovit & fecit, ne repente hostes in expeditionem exirent, quoniam bello confractis *Venetis* periculofum foret, & tandem ejus sententia melior visa est, dum semper hostes hortaretur potius hyematum abire, simul ac satis superque nuper actum esse videretur. Igitur ipse cum trecentis militibus Ducis *Sfortiæ* Imperator exercitus *Mediolanum* abiit, ut *Venetis* & *Laurentio Cerinati* obviam iretur, & forte *Crema* oppugnaretur, nisi tempus hyemis impediatur, quia loco aquoso sita

A. Mocenicus.

H

est,

est. *Hispani* & *Germani* hostes alioquin arma expedire, bellum parare, milites accersere & sæpe videbantur velle exire in expeditionem contra *Patavium* & *Tarvisum*. Sed postquam armis virisque ambas urbes bene munitas vident, quia cum nobilibus etiam Ducis duo filii *Aloysius Patavium* & *Bernardus Taurisum* venit, hostes *Vincentiæ* morabantur, & non nisi levioribus certaminibus agebant, dum ipsi passim volunt agros vastare, & prædas agere, & contra *Venetum* milites conabantur commeatus interciperi, & semper esse terrori hostibus, & fociis ubique auxilio. Atque identidem intra urbes ambas ordines distributi sunt ad portas & forum nobiles *Veneti*, positæ passim vigiliæ & excubiæ locata præsidia ad muros & ad statâ civitatis loca, & prope hostes, levites ubique exploratores erant, qui semper referant, ubi locorum sint, & quid hostes agant. Dum ea vero in *Italia* geruntur, in *Gallia* & *Anglia* terra marique bellum ingens gestum est. Namque erat ex altera Rex *Angliæ* & Rex *Romanorum*, atque ex altera Rex *Gallorum*, *Scotiæ*, & *Daciæ* ut nunc dicitur pars illa, quæ olim *Cymbrica Chersonesus* appellabatur. Et primo quidem Rex *Angliæ* cum septem millibus equitum & octoginta millibus peditum trajecit in dictam modo *Britanniam*, quæ olim *Gallia Belgica* dicebatur. Deinde Rex *Romanorum* cum decem millibus hominum in castra venit, & apud *Morinum* urbem dictam modo *Terovanam* diu cum hostibus agebatur. Namque quadringentis militibus, & tribus millibus peditum bene munita civitas erat, tum quia illa parva est, tum quia prope castra *Gallorum* stabant ad tria millia militum, & quadraginta millia peditum. Et quidem Regis *Gallorum* bene consultâ mens erat cum hoste non configere, sed civitates munitas habere, ut ingruente hyeme & rerum difficultate, hostium vis omnis irrita redderetur. Sed tantum abfuit, ut *Galli* mille milites dum commeatum in laborantem civitatem afferunt cum hoste manum conferere compulsi sint. Namque ea protinus hostibus relata res est, & Rex *Angliæ* cum equitatu, & Rex *Romanorum* cum peditatu & tormentis militiæ statim obviam venit, deinde atrox & anceps certamen fuit dum inter equites ageretur. Sed postquam peditatus accessit & ceptum est tormentis militiæ acriter agere, *Galli* facile victi fusique sunt. Ductor *Bajardus*, *Franciscus Spinula*, multi nobiles, & quadraginta *Gallorum* milites cæsi sunt. Capti Ductor *Frodota*, & dominus *Longavillensis* præfectus centum nobilium, atque amplius, qui in urbe erant deditionem fecerunt inopia commeatum & solo æquata civitas est. Parte quoque alia *Helvetii* ad sexdecim millia hominum cum quingentis *Germanis* equitibus & vigintiquinque tormentis militiæ contra Regem *Gallorum* Dominumque *Tremuliæ* & paratissimas copias irruperant in *Burgundiam*, & prope *Dijunium* regionis civitatem primariam castrametati sunt, ut de Rege *Gallorum* facile actum foret, nisi Rex *Hispaniæ* consulto inducias pepigisset, & cum *Helvetiis* apud urbem *Dijunium* res omnes compositæ sint quibuslibet conditionibus. Namque *Helvetiis* *Cremonæ* & *Mediolani* arces dabantur, & petita numum quadringenta millia, quæ quidem acta sunt per Dominum *Tremuliæ* & dati obsides. Sed postea Regi non placuit, & dilata res est in aliud tempus deindustria, donec exactius ageretur cum Pontifice & Rege *Hispaniæ*. Denique Rex *Gallorum* visus est potius velle filiam suam *Rayneriam* dare nuptui *Ferdinando* fratri Ducis *Burgundiæ* cum dote rerum *Mediolanensium*, ut ea via Rex *Hispaniæ* & *Germaniæ*, quorum ille nepos est, viderentur in regnum Ita-

liæ semetipsos intrudere. Sed quia Pontifici ea suspecta & molesta res erat, ille pro Rege *Gallorum* intercessit cum Rege *Angliæ* & cum *Helvetiis*, atque obiter disturbavit nuptias & Regum consilia, qui volebant alioquin totam *Italiam* partiri, & præcipue civitates *Venetorum* Regi *Maximiliano* tradere. Cæterum cum inter agendum *Galli* de Rege *Hispaniæ* suspicarentur, quingenti milites, & decem millia peditum stabant ad *Narbonem* versus fontem *Rabiam* & regnum *Vasconiæ*, quod modo regnum *Navarræ* appellamus. Et similiter in *Burgundia* *Galli* quingenti milites, & decem millia peditum erant adversus *Helvetios*, quia super pacis conditionibus adhuc in incerto res esset. Atque amplius contra *Anglos* majoribus copiis agebatur militum trium millium, & triginta millium peditum. Et nuper sub ordinibus militiæ ad *Sequanam* amnem stabatur in procinctu configere, si *Angli* velint flumen trajicere. Sed tantum abfuit, ut ab hoste potius itum sit *Tornaim* olim *Nervim* appellatam civitatem capere, quæ magna & populosa tot turres muratas habet quot dies annus, & tamen paulopost facta deditione in hostium potestatem venit, quia non immisum præsidium est, & frustra fides civibus habebatur. Namque aliquin *Nervios* populos feroces & magnæ virtutis homines fuisse *Cæsar* testatus est, & eorum prælio *Romanum* exercitum ductum in majus discrimen, quam usquam fuerit in tota *Gallia*, *Germania*, & *Britannia*. Per idem tempus in *Anglia* bello identidem agebatur, quia Rex *Scotiæ* cum quadraginta millibus hominum repente *Angliam* ingressus est adversus *Anglorum* triginta millia. Unde cum primum invicem obviam facti sunt ante ipsum insulæ vestibulum prælium confertum est, & illud quidem atrox & diutinum fuit, quia utrinque paribus animis & viribus agebatur, & nihil prætermittebatur quod usui foret. Multi utrinque cadebant, multi sauciabantur, adhuc tamen in incerto res erat, dum neutri cedere viderentur. Denique vero victoria *Anglis* parta est, non quia pauciores eorum cæsi sint, sed quia Rex *Scocensum* inter primos dum ageret, ictu bellici tormenti interiit. In eo bello fama est *Anglorum* sexdecim millia, & *Scocensum* novem millia periisse. Verum dum hinc inde res *Gallorum* infeliciter ageretur, forte inter Reges *Angliæ* & *Germaniæ* discordia orta est, quia uterque *Nervim* urbem volebat. Sed Rex *Romanorum* acceptis pecuniis facile victus est, quamvis inde indignatus abierit in *Germaniam*, simul ac etiam Rex *Angliæ* cum *Gallis* pactis induciis & urbe *Tornai* munita præsidii sex millium peditum, & mille equitum cum exercitu in *Angliam* rediit, si posset mortuo Rege *Scotiæ* semet in regiam illam intrudere, quia regina soror ejus esset. Namque alioquin Dux *Albanie* Germanus sobrinus Regis mortui habenas imperii susceperat, quia non nisi Regis infans filius supererat. Sed revertamur ad res *Italiciæ*, & incipiamus ab iis quæ apud *Cremonam* gesta sunt. Namque *Hispani* & *Mediolanenses* hostes eam urbem obsederant, & tamen *Laurentii Cerinatis* tanta erat solertia, ut frequenter eruptione facta illos vinceret fratre gemate, qui alioquin vinci non poterant, nisi propterea quia copiarum eorum partitæ erant, & ubique temere stabatur. Igitur ille ante lucem *Calcina* oppidum repente ingressus est, & quia hostes incautos offendit *Hispanos* quadraginta milites, & ducentos levites cepit. Et identidem parte alia ad *Quinzanum* nocte intempesta *Mediolanenses* aggressus est, & quia hostes nihil tale verebantur, facile cepit & diripuit quinquaginta milites. Adeo frequenter spe lucri ingeniosi sumus, sicut & modo

Veneti milites videbantur, dum simul cum obsidione diutina sævam etiam luem & inopiam commeatum paterentur, & præsertim ex opum penuria maximum periculum imminabat. Namque alioquin fossa, muro & promurali, armis virisque adeo bene munita civitas erat, ut vi capi non posset. Igitur cum ex *Venetis* convehendis pecuniis nimia difficultas esset, in consultatione posita res est, & tandem ultro ex civibus *Cremensibus* pecuniæ exactæ sunt, tantisper dum præfectus *Bartholomeus Contarenus* solvendo esset, quando ex *Venetis* redderentur. Nihilominus sæpe cum hostibus res erat, quia illi etiam frequenter *Venetos* injuria laceßebant. Et nuper quidem cum hostes prope urbem venissent, *Veneti* sexaginta pedites statim illis obviam facti sunt, & atrox certamen fuit. Sed quia intempesta nox erat, illa denique anceps prælium diremit, & pari ferme clade recessum est. Aliter apud *Umbrianum* contra hostes foeliciter agebatur. Namque *Veneti* equites & pedites *Silvium Sabellum* cum quadraginta militibus, & centum levitibus repente aggressi sunt, & quia *Veneti* multo plures erant, *Marcus Antonius Philippinus* Dux hostium cum duobus de quadraginta militibus, & decem levitibus in *Venetorum* potestatem venit, atque omnes alii fusi fugatique sunt. Et identidem paulopost *Venetis* cessit ex sententia, quia ad *Pandinum* oppidum conferto prælio sexaginta hostium cecidere, & in *Castionio* castello ultra flumen *Abduam* intercepti & spoliati sunt quinquaginta milites hostium. Postea vero *Prosperus Columna* parte altera cum ducentis militibus, ducentis quinquaginta levitibus, & duobus millibus peditum ad *Ephenengum* venit, & identidem parte altera ad *Umbrianum Silvium Sabellum* cum duobus millibus peditum atque hinc inde contra *Cremam* ad duo millia passuum stabatur, & frequenter cum oppidanis res erat. Namque hostes parabant agros vastare, ut oppidani rerum omnium inopia compellerentur deditioem facere. Aliter tamen *Veneti* focii & milites semper manere in officio & omnia facere quæ usui sunt, quamvis non magis armis & obsidione foris, quam intus sæva lue premerentur. Et amplius *Veneti* milites usque urbem *Laudam* impune prædati sunt ubique hostibus infesti erant, & levia certamina frequenter fiebant, ut semper solet accidere, quando in propinquo hostis est. Nuper vero *Veneti* milites quia amplius præ inopia rerum omnium tam longam obsidionem pati non poterant, ausi etiam sunt in hostes confertissimos irrumper. Et quia castra eorum versus *Laudam* munita non erant & temere stabatur, *Veneti* mille pedites nocte intempesta ea occasione acriter usi sunt, & tanquam amici usque ad *Vallum* venire, deinde fortiter gesta res est, & maxime terrificis ignibus agebatur, ut quamvis hostes cum Duce *Silvio Sabello* plures essent, quia tamen plerique semisopiti erant, de peditibus magna cædes edebatur. Namque alioquin cum duce equites confestim in fugam conversi sunt, & omnia prædæ *Venetis* fuere. Adeo semper multum refert incautos hostes invadere, & talis maturata audacia semper foelix solet accidere. Et amplius *Veneti* contra *Prosperum Columnam* identidem facere parabant, nisi ille veritus protinus obsidionem solvisset. Interea vero *Hispani* hostes *Vincentiæ* morabantur insolescebantque in dies amplius, & *Gurgensis* Episcopus *Mantue*, *Ferrariæ*, *Mediolano*, *Genue*, *Florentiæ*, & reliquis omnibus urbibus *Italiæ* contributiones opum indixerat, ut contra *Venetos* multi milites adscribi possent. Sed Pontifici ea valde molesta res erat, atque *Petrum Landum* oratorem *Venetum* frequenter hortaba-

tur, ut super pace & induciis cum Rege *Romanorum* sibi tandem fides haberetur, quod si in sua manu omnia sita sint præter opinionem *Venetorum* nihil fiet, & cessabunt arma quousque de pace & de induciis ageretur. Sed expectabatur *Gurgensis* Episcopus qui postea *Romam* venit, & deinde ceptum est de pace & de induciis exactius agere. Et quidem *Germani* pacis prolocutas condiciones poscebant. Sed *Veneti* ne *Veronam* quidem volebant relinquere. Igitur super ea re diutina quæstio fuit, & demum utrique difficultates omnes in manu Pontificis posuere, ut ipse esset liber arbiter, & tamen non ageret, nisi ex alieno arbitrio, quia utrisque separatim antea per Chirographum pollicitus est, nihil amplius facere quam quod utrisque collibeat, atque identidem utrisque Pontificis literæ datæ sunt, ut quisque bello desisteret tantisper dum de concordia ageretur. Quoniam vero Pontifex inter agendum ignarus non est Regem *Germaniæ* & *Hispaniæ* novum regnum in *Italia* nepoti suo fratri Ducis *Burgundiæ* velle asciscere, in dies magis magisque ad *Venetos* declinabat, & videbatur velle *Gallos* potius, quam *Germanos* & *Hispanos* in *Italia* regnare, atque ipse identidem festinare, parare, facere, ne unquam reperiretur incautus. Adeo semper & si opus non esset, cavere satius est, quam postea dolere non cavisse, quando oportuit. Aliter *Veneti* sub fide vacationis armorum *Maranium* oppidum situm ad mare prope urbem *Aquilejam* incustoditum tenebant, & iccirco facile hostes illud nuper furati sunt. Namque ut conveniant cum *Bortholo* loci præbytero, ille summo mane egressus est oppidum & intromissi sunt *Polioni* trecenti equites. Itaque dolo malo oppidum captum est, quod alioquin captu difficile erat, quia situm est loco paludoso & circumdato aquarum divortiiis. Et amplius *Christophorus Frangipanes* perpetravit horrendum facinus. Namque cum agricolæ villæ *Muzanæ* commeatus afferri in *Maranium* vetarent, & viribus capi non possent, illos seduxit pollicitis & fallaciis, atque dum illi temere fides haberetur, ducentis villicis eruti oculi sunt abscissi pollices, & villæ ignis suppositus. Quod si crudeliter, *Æginensium* juventutis pollices abscissi sunt, ne contra *Athenienses* bello maritimo acriter iretur, quanto crudelius iste fecit, qui veritus nihil tale, oculos eruit, & pollices abscidit. *Veneti* vero indignitate rei valde moti sunt & deinde festinare, parare, facere, ut primo quoque tempore terra marique in eam expeditionem iretur. Igitur *Baldasar Scipionius* cum exercitu, & *Hieronymus Savorgnanus* cum manu collectitia terrestri itinere, & maritimo itinere *Franciscus Mustius* cum classe triremium uniremium & lemborum contra *Maranium* statim venit, deinde terra marique simul oppugnare oppidum ceptum est. Et quidem primo tormentis militiæ acriter agebatur, deinde anceps certamen fuit. *Veneti* freti multitudine omnibus modis tentabant in oppidum vadere. Contra hostes semper intenti paratique stare, *Venetis* acriter obviam ire, semovere hostem telis missilibus, & nihil tutum munimentis pati. Denique cum magna ignominia hostes repulerunt terrestres copias *Venetorum*, & omnes protinus versus urbem *Utinum* fugerunt, quia *Germani* quingenti equites, & duo millia peditum subsidio festinare viderentur. Parte vero alia versus mare *Clodienses* primo acriter oppidum aggressi sunt scalas admove, murum ascendere, & jam in oppidum ibatur, si ut par erat, subsidium venisset. Aliter quia multi tormentarii hostes erant, & fortiter agebatur, postremo de *Clodiensibus* magna edita cædes est, atque pariter omnes nautæ repulsi sunt. Et am-

plius cum hostium subsidium venisset, illi eruptione facta ad locum *Viti* venerunt, ubi erant tormenta militiæ, & parum profuit primum impetum hostium sustinere, quia postremo amiserunt tormenta militiæ, multi enecti & faucii, omnes fusi fugatique sunt, & dum passim per altam paludem iretur, multi periere etiam fluminum vorticibus. Itaque hostes unde nunquam putarant, reportarunt victoriam, unam triremem ceperunt & multa alia navigia. Atque amplius ausi sunt *Monfalconium* invadere, & quia oppidani noluerunt deditionem facere, viribus acriter agebatur, & simul ac oppidum vi captum est, omnia prædæ militibus fuere. Per idem tempus *Venetis* ut fieri solet malo additum malum est. Namque noctu sævissimus ignis in *Rivaltum* irrepfit, & quia incuriose nimium agebatur, dum ventus impetuofus esset, ille totus dives auri & mercium combustus est cum maxima jactura reipublicæ & multorum civium quorum intererat, qui quanto dici potest consternati animi sunt & magis quam bello dolere videbantur. Adeo semper respublicæ tantundem affligunt, quantum ad res privatas videntur pertinere. Sed jam dicamus de hostibus *Hispanis* & *Germanis* qui super *Rhodigiana* peninsula atque *Ateste* oppidum hyematum venerant. Namque illi etiam commode suspensione armorum usi sunt, quia dum *Veneti* propterea cavent illis obviam ire, illi impune venerunt totam provinciam expilare, rapere, desolare, & gravari contributionibus. Denique præfectus *Rizanus* cum quadringentis *Germanis* equitibus & mille ducentis Peditibus *Vincentiam* venit, atque irrupit in *Forumjulii*, quo venerant etiam ex *Germania* mille equites, & quinque millia peditum. Igitur Gubernator *Malatesta Sojanus* cum sexcentis equitibus, & ducentis peditibus, & *Hieronymus Savorgnanus* cum manu collectitia ad duo millia hominum qui apud *Utinum* erant, postquam vident non posse hostibus obsistere, protinus abiire ultra amnem *Liquentiam*, unde possent terrori hostibus, & fociis auxilio esse. Et quia hostes locis pluribus simul ibant ad *Cadubrium*, *Feltrum*, & Civitatem *Austriæ*, ubique præsidio stabatur, & cum primum per *Scalanum* castellum *Germani* mille quingenti pedites ingrederentur, illis obviam audacter ibatur. Sed paulopost ingruente multitudine a *Venetis* loco cessum est, & hostes *Feltro* oppido potiti sunt, atque ibant totam provinciam invadere, agros vastare, prædas agere, & cuncta igni ferroque miserabiliter complere. Sed dum hostes male agendo per totam regionem vadunt, *Veneti* qui passim saltus occuparant tandem ad *Bassianum* partem illorum adorti sunt, & quia hostes incauti & pauciores erant, de illis magna edita cædes est, & multi duces & milites capti sunt. In eo prælio maxime virtus emicuit comitis *Bernardini Antignole*, & *Bononiensis Hannibalis*, qui Duces expeditionis erant, & creditum est ex quingentis trecentos pedites hostium perisse. Secundum eam pugnam hostes omnes convenerunt in *Forumjulii*, & quia *Veneti* milites abierant, & hostes tenebant omnia præter *Osopium*, denique in eam expeditionem ibatur. Est autem oppidum *Osopium* situm in monte prærupto & valde etiam armis virisque munitum erat. Namque *Hieronymus Savorgnanus* & *Theodorus Bургensis* cum octoginta levitibus, & centum peditibus mercenariis arma expedire, festinare, parare, facere quæ oportet, dum in propinquo hostis est. Et ecce hostes appropinquabant oppido & inter eundum tenebant plus quam duo millia passuum. Namque equites anteibant, subsequerantur pedites, & subvehebantur tormenta militiæ. Posteaquam

A vero castra hostium prope castellum ad villam sita sunt primo quoque tempore ceptum est tormentis militiæ undique in arcem agere. Est autem arx sita ad angulum montis, qui trigonus est, ubi lapis unus erigitur versus meridiem sex latus, & longus duo de viginti passibus, duas cuspidas tutissimas habet, altera ad orientem, altera ad occidentem vergit, mons vero tertiam faciem arcis protegit quæ ad septentrionem spectat, ubi ostiolum est accipiendi subsidii, quarta facies australis fores habet, unde cavata scala in marmore per sexaginta gradus itur in tripasuum anteportarium, ex quo deinde per alteram scalam deorsum iter est in planiciem ubi præsepia sunt, & ager per vigintiquinque passus porrigitur, & in capite lapis erigitur cui *Corvinus* nomen est. Unde demum ad imam planiciem sexaginta passus ad perpendicularum colliguntur. Hostes vero maxime portam arcis tormentis militiæ feribant, & cum magna pars muri procubisset, quia dubitari ceptum est, *Hieronymus* cum filiis suis *Theopolis* statim subsidio venit. Sed forte ex ruina muri facta maceries erat, & iccirco hostes potius conabantur per cavatam scalam in arcem vadere, & plusquam semel repulsi sunt. Namque propter iniquitatem loci non poterant subsistere, & cum primum advesperasceret agebant suppositis ignibus, & quia sic etiam parum proficerent, denique totis castris simul e cunctis partibus in arcem & in montem superius ibatur. Sed nulla satis vis hostium erat, quia oppidani in officio manebant & oppidum servare passim intenti paratique stabant. Igitur pugna diu atrox & anceps fuit, & cum plures hostium perirent tandem ab hoste recessum est. Illi tamen postridie iterum & acrius agebant tormentis militiæ, & deditionem fieri tentabant. Sed tantum absuit, ut oppidani potius, quia sua paucitate non possent aliter in hostes irrumpere, statim usi sint igne supposito in villam, quam hostes colebant, & quia ventus impetuofus flabat, simul cum domibus equi, ephippia & impedimenta hostium igne absumpta sunt, ut denique hostes viderentur non nisi longa obsidione posse *Osopium* capere, atque eo maxime quia oppidanis aquæ defecerant, & propterea moriebantur carissimi equi militibus, unde dissensiones oriebantur, & aliquando de deditione cum hostibus agebatur. Et quidem in incerto res erat, nisi illis opportune e senatu consulto hortatoriæ literæ in eam sententiam redderentur. *Viri Osopii nunc operæ pretium est viros fortissimos vos præstare.* Namque modo certamen vobis propositum est de vita, de solo patrio, de ædibus, de uxoribus, de liberis, & de bonis vestris omnibus, quia si viceritis omnia ista ut antea possidebitis, sin autem victi fueritis harum omnium rerum hostes domini futuri sunt. Neque enim illis fides habenda est, si oppidum etiam dederitis, quia gestiunt ne nomen quidem *Osopii* superesse. Quare si vobis vultis consulere manete, pugnate, & putate quæso sicut res se habet, stultum esse salutem sperare, & res alias aufugio, quia victi semper seipsos & sua omnia solent amittere, atque alioquin soli victores possunt res suas omnes salvas facere, & bona etiam succumbentium capere.

F Istis literis in fide permansum est, & omnes visi sunt malle mori, quam deditionem facere & non vincere. Adeo semper dum animus est in dubio, huc & illuc facile impellitur. Donec vero satis aquæ non erat, vinum equis dabatur, & tandem vis aquarum e cælo subsidium venit. Hostes autem quia deditionis sublata spes esset frustra testudine usi sunt. Namque faxis ingentibus facile moles lignea corrumpebatur, deinde frustra identidem hostes conabantur lapidem suffodere, quia illius

illius nimia durties erat, denique tormentis militiæ per triduum gesta res est, & simul ac turris etiam collapsi fornices essent, ubi lassii prius milites solebant vicissim quiescere ad certamen iterum ventum est. Hostes fortissimi quique in montem anteire, scalas admove, murum ascendere. Contra oppidani ruinas muri pro munimentis habere, fortiter stare, semovere hostem missilibus telis, & nihil tutum munimentis pati. Hostes tandem elaboratis ignibus usi sunt, simul ac alia parum profunt suffragia. Et quidem istud novum genus ignis quod frequenter projiciebatur in turrim massæ & pilæ erant intus compactis e ferro fistulis, unde vi sulphurea cum fragore & strepitu pilulæ exhibant, quæ secum afferebant ignis & fumi foetidissimi ingentem copiam. Contra oppidani paratas aquas habebant, & statim summovebant incendia. Neque tamen plures erant quam viginti quatuor viri strenui, atque etiam bipartiti hostibus obviam ibant. Namque virium reparatione frequenter opus erat, dum prælium atrox & diutinum gereretur, atque hostes denique repulsi sunt, & nunquam potuerunt *Osopium* capere, quamvis duo millia peditum, & quingenti equites essent. Itaque *Hieronymus Savorgnanus* ex ea re egregiam laudem quæsit viri- tute & rei militaris exacta peritia, omniaque aspera & difficilia superasse videbatur, atque ideo cunctis suffragiis receptus in senatum, & muneribus cumulatus est. Interea *Romæ* de pace iterum agebatur & cum *Veneti* contenti essent *Veronam* *Cæsari* relinquere, germani *Veronam* & *Vincentiam* volebant, & iccirco de pace desitum est & ceptum agere de induciis, ut illæ annales essent, si intra quadraginta dies ita velit pars utraque & *Rex Romanorum* propterea retineat *Bergomum*, *Brixiam* & *Forumjulii*. *Veneti* vero habeant *Patavium* & *Taurisum*, atque in manu Pontificis *Crema* & *Vincentia* collocentur, tantisper dum de pacis conditionibus dicatur. Sed *Venetis* ea valde molesta res erat, quia descitum iri a Pontifice videbatur & hostibus possessionis legitimæ aliqua facies futura, atque ideo *Petrus Landus* orator quantum in se erat cum Pontifice agebat ne fieret. Pontifex vero quia jam *Cæsar* magnificum *Julianum Senarum* urbis & *Lucæ* Dominum instituerat, atque alioquin arma hostium verebatur, potius volebat Regibus rem gratam facere, & tandem invitis *Venetis* cum Rege *Romanorum* pacem ejusmodi promulgavit, ut ea foret perpetua conditionibus servatis per annum in pectore Pontificis, & interea cedat *Cæsari* *Brixia*, *Bergomum* & *Verona*, *Veneti* possideant *Patavium* & *Taurisum*, *Crema* & *Vincentia* in manu Pontificis ponantur, & de reliquis quisque retineat quod in præsens habet. Illud vero temporis utrique parti statutum est in mensem proximum ratificare, quod nisi fiat, nulla promulgatio haberetur, & si fiat *Veneti* solverent viginti- quinque millia numum post mensem *Cæsari*, atque inde totidem post tres menses alios. Namque Pontifex hanc solam viam reperit, qua visum iri posset se non nihil egisse, & non confectæ pacis omnis causa in *Germanos* converti sicut acta res est, dum *Veneti* nunquam compulsi sunt ratificare, & *Germani* antevenire indignum putant, ut denique illi tergiversari visi sint, simul ac infecta re male contentus Cardinalis *Gurgensis* repedavit in *Germaniam*. Et quidem Pontificis ea mens erat, *Gallica* & *Hispana* connubia disturbare, & cum *Germanis* & *Hispanis* in sancitum foedus persistere, donec desideratas urbes *Urbium*, *Ferrariam*, *Lucam* & *Pisas* *Juliano* fratri subjiceret. Sed postquam Regis *Hispaniæ* cum Rege *Gallorum* annales induciæ factæ sunt, &

A Regi *Germaniæ* & *Angliæ* locus servabatur, unde futura nuptiæ putarentur, Pontifex declinare ad *Venetos* videbatur, & operam dare, ut suarum partium *Helvetii* & *Gallorum* Rex esset. Dum vero ea omnia in quæstionem venissent *Veneti* parabant *Forumjulii* recipere, & quia in *Liviano* sita omnis spes erat, ille cum ducentis militibus, quadringentis levitibus, & septingentis peditibus in eam expeditionem magnis itineribus confestim ibat. Et quia copiarum hostium partitæ stabant ad portum *Naonis* & *Osopium* primo quoque tempore ad portum *Naonis* præmissi equites cum forte ante oppidum offendissent præfectum *Rizanum* cum ducentis militibus, & trecentis levitibus illos audacter aggressi sunt. Et primo quidem *Veneti* levites vincebantur, sed postea cum milites subsidio venissent redintegratum prælium est, & illud stetit ambiguum, quousque *Rizanus* saucius in facie, *Malatestæ Balioni* in potestatem venit. Quia deinde hostes omnes alii in oppidum fusi fugatique sunt, & cum *Veneti* oppidum obsedis- sent, & acriter agerent, hostibus tandem necesse fuit aufugere, atque oppido capto de oppidanis magna cædes edebatur & omnia prædæ militibus concessa sunt. Cum primum vero ea quæ gesta fuerant nunciarentur *Christophoro* & hostibus qui apud *Osopium* adhuc erant, statim obsidione soluta versus *Sclusam* ibatur. Et quia *Veneti* levites semper hostium vestigia sequebantur, illi denique impedimenta & tormenta militiæ reliquerunt, & fugerunt expeditius in *Germaniam* diruptis post se pontibus, & passim intercisis itineribus, ut *Veneti* ad *Venzonium* & *Sclusam* repulsi sint, quia nusquam potuerunt saltus antecapere. *Livianus* autem cum exercitu venit *Gurritiam* oppugnare. Sed quia armis virisque eam urbem bene munitam videt, & copias tempusque tanto operi non sufficere, tandem putavit satis actum in *Forojulii*, quando mille equites *Germanorum* hostium aut cæsi, aut capti sunt, & omnes alii pedites ad quatuor millia hominum protinus in *Germaniam* fugerunt, atque inde versus *Taurisum* & *Patavium* ibat quid hostes agant revifere. Vix *Livianus* abierat, & *Germani* hostes iterum oppido *Cromonio* & *Monfalconio* potiti sunt *Venotorum* militum incuria. Namque quadraginta equites, & ducenti pedites hostium illa duo oppida ceperunt, quamvis *Joannes victorius* legatus *Forijulii* subsidio staret cum quingentis levitibus, & sexcentis peditibus, & adhuc omnes milites qui nuper ex *Forojulii* discesserant juxta *Plavim* essent & amnem *Liquentiam*. Et quod pejus erat *Germani* hostes in dies magis magisque dicebantur confluere in provinciam *Forijulii*, & majus periculum imminere videbatur. Igitur citi *Veneti* arma expedire, bellum parare, exercitui supplementum mittere, denique contra hostes acriter stabatur, & amplius quia visi sunt posse *Maranium* recipere protinus in eam expeditionem ibatur. Et primo quidem *Hieronymus Savorgnanus* cum quingentis peditibus in centum pedites hostium magnam impressionem fecit. Namque *Veneti* inter eundem ad *Maranium* forte illis obviam venire, & interjecto certamine hostes fusi fugatique sunt. Et quia foelicia initia *Savorgnani* fuere, illi rei agendæ demandatum negotium est. Namque in eo præcipue sita spes erat, quamvis & parte altera ingens classis esset, & terra marique contra oppidum ageretur. Ea vero res gerebatur maxime operibus, quia paulatim versus oppidum humus congerebatur, & altis aggeribus semper ulterius ibatur, quemadmodum & *Cæsar* olim fecit ad *Avaricum*. Postquam autem ad *Sclusam* oppidi ventum est frequenter agebatur tormentis militiæ, & vicissim multa levia certamina

fiabant. Nuper vero hostes ausi sunt eruptionem repente facere, & superare munimenta, quæ noctu & interdiu fiebant. Et quia noctu gesta res est, magis aspera pugna fuit, & multi utrinque cadebant, denique *Veneti* cedere videbantur, nisi *Hieronymus Savorgnanus* parte alia cum delectis peditibus statim obviam hostibus prorupisset. Itaque redintegratum prælium est, & tandem hostes repulsi sunt, munimenta quoque *Veneta*, & locus spirituum servabatur. Verum *Venetis* sociis in dies major difficultas apparebat quamvis essent centum triginta milites, quingenti levites, & septingenti pedites cum manu collectitia ad duo millia hominum, & contra hostes in *Maranio* non nisi ducenti oppidani & *Polloni* trecenti pedites erant, quia hostes amplius apud *Gradiscam* subsidio stabant, & sæpe pugnabant cum nostris, qui contra ad castrum *Propeti* morabantur. Sed nuper cum *Christophorus Frangipanes Joannem Victorium* & *Venetos* temere sequeretur præcipitavit in insidiis, & captivus *Venetias* abductus est, atque identidem parte alia hostes ad *Maranium* repulsi sunt, cum noctu venissent munimenta igne & sulphure destruere. Aliter *Venetis* parum cessit ex sententia quando postea terra marique *Maranium* capere aggressi sunt, quia non omnes manserunt in officio. Namque alioquin tormentis militiæ propugnaculum *Joannis* prociderat, & iter in oppidum patebat. Sed cum primi acriter in hostes agerent, posteriores ut par erat, noluerunt succedere, & tandem *Veneti* repulsi sunt, qui alioquin vincere merito debebant. Et amplius hostes ex *Germania* octingenti equites, & quingenti supra duo millia peditum festinabant *Maranio* suppetere, quæ cum primum *Venetis* nunciarentur, illi statim obsidione soluta pene in fugam conversi sunt, & dum nesciunt quo vadant, quia & discordiæ inter Duces ortæ erant, denique partim urbem *Utinum*, & partim Civitatem *Forijulii* ingressi sunt, dum putant urbes illas ut servant id solum posse e republica facere. Igitur hostes in *Maranio* posito præsidio sua sævitia passim utebantur agros vastare, prædas agere, comburere, subvertere, & victis nihil reliqui facere. Et iccirco *Venetorum* omnis exercitus ad *Vicum Prædomanum* venit, ubi impedimento hostibus, & sociis auxilio staretur. Quod cum hostes viderent propterea non posse impune prædas agere, adeo multi abierunt in *Germaniam*, ut iterum veniret in mentem *Venetis* *Maranium* recipere, nisi nuper apud urbem *Utinum* parum ex sententia cessisset, non quia hostes plures essent, sed quia exploratores sedulo non habebantur. Namque legatus *Victorius* dum putat cum quadringentis levitibus venientibus hostibus posse obsistere, temere missos fecit pedites & milites versus *Utinum*. Igitur cum primum plures hostium venissent quam putarat *Veneti* levites fusi fugatique sunt, & ipse cum centum equitibus in hostium potestatem venit. Atque amplius hostes impetum fecerunt in abeuntes pedites & milites, quorum etiam multi cæsi aut capti sunt, & pauci integri in urbem *Utinum* fugerunt. Atque iccirco necesse fuit statim ingens supplementum exercitui mittere simul cum Duce *Vulpenfi* equite & *Petro Marcello*, qui legatus in castris *Forijulii* susceptus est. Namque alioquin *Polloni* hostes etiam terra marique prædatum frequenter ibant, & nuper illi totum quoque *Latisanium* prædati sunt, & videbantur passim facturi identidem, nisi ubique distribuerentur custodiæ, sicut & factum est, atque hostes apud Civitatem *Forijulii* fusi fugatique sunt. Et identidem illis parum cessit ex sententia, dum locum *Aries* percontant capere, quia fortiter illis obviam ibatur,

A & tandem hostes repulsi sunt. Itaque frequenter res erat, & levia certamina fiebant, donec tandem induciæ factæ sunt, quia sua utriusque intererat vindemiam facere, quamvis cum induciis etiam hostes sæpe dilaberentur ad prædam solitam. Namque *Germani* alioquin stipendium parum habent, & gentilicium mos est semper agros vastare, & prædas agere. Interea hostes *Hispani* apud *Ateste* oppidum *Montagnanam* & *Colonium* erant quingenti milites, trecenti quinquaginta levites, & tria millia peditum & cum de iis, quæ fiebant apud *Forumjulii* certiores fierent, ut *Venetos* a proposito diverterent, illi primo quoque tempore arma expedire, bellum parare, festinare, facere, & in novam expeditionem exire, deinde ducenti quinquaginta equites, & mille pedites vastatis passim agris, usque *Patavium* ad duo millia passuum magnam prædam animalium egerunt. Et amplius præfectus *Archon* ex *Montagnana Bibaquiâ*, & *Colonium* venit centum octoginta milites, centum levites, & quingentos pedites colligere, atque ire *Vincentiam*, & auxilio pergere in *Forumjulii*. Quod cum *Veneti* viderent, statim jubent levites ad *Vincentiam*, *Civitatum*, & *Marosticam*, saltus omnes antecapere, & hostibus inceptum iter præcludere. Sed hostes alioquin quia *Forijulii* confectum negotium intelligunt *Viceregem* expectabant, qui cum toto exercitu postquam *Vincentiam* venit frequenter consultabatur, quomodo ipsi possent *Livianum* cum victore exercitu intercipere, & tandem decreverunt versus *Civitatum* iter arripere, atque inter montem *Bellunum* & *Tarvisum* ad *Plavim* amnem locum antecapere. Sed posteaquam vident non posse fieri ex sententia, ad *Montagnanam* & priores stationes partitis copiis ut prius temere stabatur. Igitur *Livianus* qui nuper *Patavium* redierat, ea rerum bene gerendarum occasione uti sedulo parabat contra hostes ducentos equites, & duo millia peditum, qui apud *Ateste* oppidum morabantur, si modo possit inter *Ateste* & *Montagnanam* super *Atestenses* hostes pluvis altas aquas intercidere. Sed postea facere superfedit, quia hostes resciverant, dum palam nimium ageretur. Et amplius hostes propterea arma expedire, cuncta utilia parare, impedimenta & scorta *Veronam* dimittere, & statim in expeditionem exire, agros vastare, prædas agere, & totam regionem igni ferroque subvertere. Itaque primo ad turres prope *Vincentiam* castra hostium sita sunt, ubi & statum est, donec passim messis pararetur, deinde quia vident trecentos levites *Venetorum* cum duce *Bernardino Antignolio* & *Hannibale Lentio* apud *Civitatum* temere persistere, protinus ea occasione usi sunt, & summo mane perrexerunt oppugnare *Civitatum*. Sed primum certamen hostibus sanguinolentum fuit, & illi repulsi sunt, quia nondum muri satis prociderant. Namque alioquin cum hostes acrius egissent tormentis militiæ per ruinas muri facile oppidum ingressi sunt fufis fugatisque *Venetis*, quorum multi etiam cæsi sunt, & plures venerunt in potestatem hostium. Nihilominus cum victore exercitu hostes ad turres stabant, & quamvis *Venetorum* omnis exercitus ad *Brentellas* foris esset, frequenter ibant prædas agere, nulli sexui parcere, & in omne scelus truculenter corruere. Atque ideo iterum fuga passim fiebat, & cum paupere suppellectili ad montes & civitates ibatur. Postquam autem ea parte desolata esset omnis provincia, quia pabulandi locus aberat, hostes castra inde posuerunt inter *Montegaldam* villam & *Babilionem* amnem versus villam *Celvaresiam* statione tuta exercitui propter apricos colles & amnem irriguum. Contra

Livianus castra huc & illuc versus hostes movebat, & semper stabat intra fida divortia *Medoaci* fluminis, loco tuto & munito vallo & aggeribus, quia sua interest non pugnare, sed sine ense nudo cum ligone & scalpro superbum hostem subigere, tantisper dum utitur ista disciplina *Sertorii*, & conatur caudam potentis equi vicissim vellere. Usque adeo *Veneti* levites fociis auxilio semper in hostes ibant, levique certamina committebant, & nuper *Mercurius Bua* cum trecentis *Græcis* equitibus ad *Camisanam* villam hostem fudit fugavitque cum multorum pernicie, quia nimium temere & confidenter ibatur. Sed *Venetis* patribus castrorum adhuc locus suspectus erat, & iccirco *Dominicus Trivisanus* & *Leonardus Mocenicus* pater meus *Patavium* venerunt locum scrutari & prospicere, ne inde respublica detrimentum aliquod pateretur. Et tamen ubi antea stabatur, quia locus munitus erat undique alto flumine, distributis ordinibus, & tormentis militiæ, & ultra flumen super iter, quod duobus pontibus jungebatur duorum millium pedum præsidium erat, & a fronte versus hostes ducta alta & lata fovea, congestus agger, & disposita tormenta militiæ, ut hostes non possint nisi cum suo magno malo in certamen descendere. Quod identidem esse simul ac hostes etiam conspiciunt, statim inde recessum est, & itum castrametari *Coloniæ Montagnanæ* & *Ateste* oppidum iterum, quia ea loca opulenta sunt, & prope habent peninsulam *Rhodigii* frumentariam. Et amplius hostes centum quinquaginta milites, ducenti levites, & quingenti pedites prædatum usque *Caputaggeris* digressi sunt, ubi miseri agricolæ cogerant animalia, neque solum terrestri, sed & fluviatili itinere ibatur. Namque hostes omnes lembos & navigia collegerant, atque ibant etiam per amnem *Athesim*. Et quidem apud *Caputaggeris* acriter gesta res est, sed hostes tandem repulsi sunt, quia intus fortiter præsidio stabatur, & hostes nimium fessi erant propter iter longum & incommodum. Quare potius conversi sunt in Monasterium *Candianæ* villæ, ubi posthabita religione omnia prædæ militibus fuere. Et quia *Germani* præcipue prædas agunt & truculenter sæviunt, *Nicolaus Vendraminus* & *Mercurius Bua* cum quingentis levitibus per vallem *Suganam* usque *Tridentum* in *Germaniam* venerunt identidem facere agros vastare, prædas agere, villas capere & comburere. Atque amplius cum classe ex *Curita* insula in *Frangipanorum* loca *Buchari* & *Bucharige* audacter itum est, cæsisque hostibus & vi captis oppidis, omnia prædæ navis fuere. Sed ea non impune fiebant, quia præcipue in *Isria Frangipanes* hostes erant, simul ac injuriam ulcisci volunt, quam sibi ex *Curita* insula parata classis intulerat. Et quidem per totam provinciam multum prædati sunt, donec pepigerunt inducias, quæ tamen postea parum servabantur, dum hostes etiam volunt prædas agere, & si quando *Veneti* conquerebantur & admovebant inducias intercedere, præfides hostium vicissim ajebant earum rationem habendam esse, atque id fieri non ex eorum sententia, & propterea *Veneti* omnino volebant inducias servare, quamvis facta hostium verbis consentanea non essent. Parte alia alioquin apud *Patavium* bellum vigeat, & quia palam nihil foeliciter attentari poterat, *Livianus* cum hostibus insidiis agebat, & sæpe vincebat stratagemate. Atque nuper identidem quia videt multos hostium cum multis navigiis onustis comœatu & mercibus temere apud *Ateste* oppidum stare, statim jubet uti ea occasione *Antonium Castellum* cum sexcentis peditibus, & ducentis equitibus. Igitur ille cum

A illuc venisset nocte media confestim admotis scallis oppidum ingressus est, & quia hostes tale nihil expectabant, & semisopiti erant, de illis magna edita cædes est. Namque omnes sibi constare non poterant, alii stare, alii arma capere, alii subterfugere. Contra *Veneti* cæsis hostibus igni ferroque omnia complere, vastare, diripere, plusque ducentæ vegetes vini profusæ sunt, abacta animalia, combusta navigia cum divite supellectili, & denique cum multis captivis, & magna præda impune recessum est. Postea quoque contra hostes ibatur partitis copiis & distributis ordinibus, ad *Fraxinum*, ad *Bovolonum* villam, ad *Ateste* oppidum, ad *Saletum*, & ad *Bibaquiam*. Et quidem magna victoria parta esset, si statuto loco & tempore noctis egissent. Sed quia mali & inficii viatores erant, qui ad montes & ad *Ateste* oppidum ibant obstrepere tympanistæ & tubicines capti sunt, & stratagemata innotuit. *Livianus* tamen propugnaculum vi cepit ad *Bibaquiam* in quo cum *Moriglionus* esset cum centum quinquaginta peditibus, ille cum multis aliis in hostium potestatem venit, & cæteri omnes cæsi sunt. Atque amplius cum parte copiarum itum est usque ad portas *Montagnanæ*, Vicerem cum exercitu ad prælium provocare, & ille nunquam ausus est in certamen descendere. Adeo semper adversus imparatos hostes, quæcunque vires magnæ esse videri solent. Hostes autem propterea venerunt ultra amnem *Athesim* ad peninsulam *Rhodigii*, quia fida satis prior statio non habebatur. Sed frequenter etiam multum nocuit nimia confidentia. Namque dum temere statum ultra *Athesim* ad villam *Zeveum* cum ducentis levitibus, facile fuit *Malatestæ Balionio* & *Mercurio Bua* cum levitibus *Venetis* incautum hostem opprimere. Et quidem noctis silentio ea gesta res est, atque in trajiciendo *Athesi* difficultas fuit, quia oportuit abscindere compacta repagula & ferrea lamina. Sed postea quia in sola fuga spes hostium sita erat, de illis magna cædes edebatur, & nonnulli combusti sunt, qui in domo quadam se tueri volebant. Et quia propterea *Veronæ* tumultuatum est, trecenti milites, ducenti levites, & octingenti pedites sub *Archone* præfecto in urbem recepti sunt, & paulopost Vicerex etiam *Veronam* venit, & manserant super *Rhodigianam Pollesino* nonnisi trecenti milites, & mille pedites, qui *Veronam* etiam propediem ituri erant. Igitur *Livianus* non expectandum ratus in tanta occasione rerum bene gerendarum, adeo taciturnitate & celeritate usus est, ut *Athesim* trajecerit, & *Rhodigium* ingressus sit, antequam hostibus nunciaretur. Illi tamen trecenti milites ad forum acriter obsistere ausi sunt, & primo anceps certamen fuit. Adeo semper homines potentiores apparent, quando nulla spes salutis superesse videatur. Denique vero ingruente multitudine hostes oppressi & cæsi sunt, atque ingens præda militum fuit. In eo bello optime se gessit *Baldasar Scipionius*, qui Dux itineris & expeditionis erat, & primus urbem ingressus est. Atque amplius actum foret de cæteris equitibus & peditibus hostium, qui omnes in oppidum *Abbatiam* confugerant, nisi milites *Veneti* defessi essent ambulando die noctuque sub dio pluvioso per lutosa itinera. Aliter dum statum hostes relicto etiam *Lemniaco* confestim *Veronam* in pacatum fugerunt, & quia inibi propter insolentiam *Hispanorum* militum multæ discordiæ ortæ erant, *Livianus* in spem urbis potiundæ iterum ductus est, & quantum in se erat ea occasione utebatur. Namque ad *Oppianum* prope *Lemniacum* statim venit simul cum classe lemborum, & deinde *Veronam* propius ad villam *Ceream* stabatur, donec oportuit locum antecapere,

re, simul ac hostes trecenti milites, quingenti levites, & sex millia peditum *Lemniacum* festinare visi sunt. Namque hostes alioquin commeatus *Venetis* facile possent interciperere & illos cogere aut configere, aut recedere, & quia nihilominus omnis exercitus hostium versus *Venetos* festinabat ad *Athesim* & *Lemniacum*, *Livianus* statim jubet levites ut prius vestigia hostium sequi, & nusquam manum conferere, sed cuncta scrutari, & se in momenta certiorum facere. Ipse vero omnia impedimenta dimittere, & cum equitatu & peditatu semper in procinctu stare, locare tormenta militiæ, ordines distribuere, festinare, parare, facere, ac si statim cum hostibus configendum esset. Sed tantum abfuit, ut hostes potius ad *Roverchiaram* villam juxta *Athesim* castrametati sint, qui locus abest a *Lemniaco* quinque millibus passuum, atque inde paulopost ad *Tombam* venerunt & trajecerunt *Athesim* ad *Alboretum*, ubi magnam inopiam commeatum passi sunt, quia classis fluvialis & *Veneti* levites nunquam cessant vetare, interciperere, corrumpere. Hostes tamen expectabant, donec perageretur res *Bergomi*. Namque cum *Laurentius Cerinas* eam urbem deditione cepisset, & custodiret valido præsidio, Vicerex *Hispaniæ* cum *Prospero Columna* & quinque millibus hominum statim *Bergomum* venit, & ad portam *Catherinæ* civitatem obsedit. Et primo quidem tormentis militiæ acriter gesta res est, postea atrox certamen fuit, & quia muri nondum satis prociderant ho-

A ftes nequiverunt in urbem vadere. Sed cum iterum tormentis militiæ ageretur, & prosternarentur mœnia, hostes parabant iterum in certamen descendere, quod cum videret *Laurentius*, quia non posset obistere, protinus deditionem fecit, & omnes qui ad duo millia hominum erant, abire impune dimissi sunt & propterea res ipsa suspicionem non caruit. Itaque capta urbe *Bergomo* *Livianus* non expectandum ratus Vicerem cum copiis, statim jubet *Dominicum Contarenum* legatum cum omni equitatu gravis armaturæ ad *Anguilariam* terrestre iter tenere, levites omnes ad *Monfalicem* obviam hostibus stare, qui *Athesi* oppidum jam antea venerant. Ipse vero cum omni peditatu impedimentis & tormentis militiæ, super lembos & majora navigia, secundo *Athesi* flumine noctis silentio vectus est, propter ingentem pluviam & valde lutosa itinera. Et quia equitatus trajecto flumine ad *Anguilariam* *Patavium* per biduum pedites antevenit, rerum bene gerendarum hostibus oblata occasio videbatur. Illi tamen ea usi non sunt, quia aquæ nimium altæ passim erant. Igitur *Livianus* usus celeritate consueta tandem cum exercitu impune *Patavium* venit. Et quia hyemis tempus erat exauthoravit milites inutiles, & deinde partitis copiis ad *Patavium* & *Taurisium* stabatur, atque ad *Caput Aggeris* aquæ super hostes abscissæ sunt, quia illi super peninsulam *Rhodigii* hyematum venerant.

Epitoma

EX LIBRO SEXTO.



ANALIBUS prorogatis induciis Regis Gallorum cum Rege Hispaniæ, adeo Regi Angliæ displicuit, ut statim ageret cum Rege Gallorum de pace & de nuptiis, atque tandem Rex Gallorum sororem Regis Angliæ uxorem duxit, & pacem fecit conditionibus illis, quas Rex Angliæ poposcerat, ut posset iterum in Italiam venire sicut & maxime studebatur. Sed inter talia opera Rex Ludovicus interit, & Franciscus primus ejus nominis successus est, qui cum Veneti maluerunt innovare vetera fœdera, quam sine Verona cum Rege Romanorum pacem facere, quemadmodum Pontifex iterum iterumque hortatus est. Namque & Rex Franciscus velle in Italiam venire videbatur, si modo posset convenire cum Pontifice. Sed tantum abfuit, ut Pontifex iniret alienum fœdus cum regibus & Helvetiis, qui vicissim parabant in Vasconiam & in Burgundiam irrumperere. Parte alia hostes contra Venetos & stationibus exierant, & videbantur velle diripere flocos sericeos, qui Vincentiæ fiebant, nisi *Livianus* cum exercitu protinus locum antecapiat. Et quidem confidenter stabatur, donec cum hostibus levioribus certaminibus ageretur. Sed postquam hostes festinabant locum capere aut configere, *Livianus* maluit versus *Patavium* in pacatum recedere. Deinde apud *Patavium* sent messem asportare & prædas agere. Sed paulopost alioquin versus Gallos ibatur, quia hostes abibant versus Helvetios. Namque Franciscus Rex Gallorum cum magno exercitu in Italiam festinabat, & contra Helvetii conabantur saltus antecapere. Sed dum Helvetii starent ad *Monchalerium* & *Pinarolium*, Galli omnes per viam *Argentariam* trajecerunt impune in Italiam, atque in primo vestibulo ad *Villamfrancham* incautum offenderunt ceperuntque *Prosperum Columnam* cum trecentis militibus. Postea agebatur de pace cum Helvetiis qui recesserant ad *Varesium*. Galli vero venerant ad *Marignanum*, Hispani ad *Placentiam* stabant, & Veneti e regione ad *Laudam*, atque sæpe inter Venetos & Hispanos levia certamina fiebant, quia Hispani volebant se cum Helvetiis jungere. Sed dum ea res agitur Helvetii repente Gallos aggressi sunt, & pugna atrox fuit quantum alia. Namque Galli stabant injuriam repellere, & Helvetii iterum iterumque conati sunt ordines disturbare. Denique Galli vincebantur, nisi *Livianus* statim subsidio venisset, & apportasset victoriam. Namque propterea redintegratum prælium est, atque Helvetii tandem cum magna strage fusi fugatique sunt, & urbs *Mediolanum* deditionem statim fecit. Sed super arce *Mediolani* & *Cremonæ* aliquandiu difficultas fuit, denique cum viribus acriter ageretur, Dux *Maximilianus Sfortia* se & utramque arcem dedit, ut Cardinalis promoveretur, & vigintimillia numum in Gallia annuatim haberet. Igitur Rex Gallorum *Mediolanum* venit, & res omnes composuit cum Pontifice. Pariter exercitus Pontificis & Regis Hispaniæ abcessit, atque *Livianus* cum exercitu veneto contra *Brixiam* statim movit. Ubi dum differtur aliquid agere, ipse incidit in gravem ægritudinem, & morte præventus est, atque oportuit sufficere *Joannem Jacobum Triultium*, & deinde tormentis militiæ contra *Brixiam* acriter agebatur. Sed parum cessit ex sententia, quia hostes eruptione facta Venetos fuderunt fugaruntque combusserunt pulverem igniferum, & asportarunt tormenta militiæ. Postea *Magnus nothus Alobrogum* cum magnis præidiis in castra venit, & contra *Brixiam* acrius stabatur, denique agebatur tormentis militiæ, & cuniculis

culis subterraneis. Sed cum mœnia excāvassent & posuissent super ligneis pessulis, hostes pacti sunt deditio-
nem facere, nisi post viginti dies subsidium venisset, sicut & postea venit, atque Veneti frustrati sunt, &
ad Gaidum hyematum recessum est. Quoniam vero gratulari oportebat cum Rege Gallorum propter partiam
victoriam de Helvetiis, quatuor oratores Veneti viri primarii apud Mediolanum eo officio functi sunt, &
comitati Regem usque Bononiam ad Pontificem, ubi per quadriduum actum est de bello & pace, & de aliis
omnibus, quæ spectare ad Regem & Pontificem viderentur. Et cum vicissim composuissent omnia ex senten-
tia, Rex Gallorum Mediolanum rediit, & in Galliam repedavit. Postea venit in castra Veneta Domi-
nus Lutrech cum magno subsidio & Theodorus Triultius gubernator Veneti exercitus cum Andrea Gritti,
qui legatus in castris Dominico Contareno suffectus est, atque iterum Brixiam obsederunt, & frequenter
agebatur levibus certaminibus, ut semper fieri solet, quando in propinquo hostis est. Et quidem galli & Ve-
neti in spem urbis potiundæ facile ducti sunt, quia majoribus viribus agebatur. Sed parum profuit, cum
postea Rex Angliæ datis pecuniis Regem Romanorum & Helvetios movisset. Namque primo quoque tem-
pore Rex Romanorum cum magno exercitu in Italiam venit, & Gallos tantus timor incescit, ut non aude-
rent hostem conspiceret, & volebant in Galliam abire, nisi Veneti vetassent hortando & comprimendo vim
hostium apud Castellum Asulam, ubi viribus agebatur, & hostes nunquam potuerunt oppidum capere. Sed
eo relicto nihilominus contra Gallos & Venetos ibatur, quousque Mediolanum ventum, & contra hostes
acriter statum est, simul ac Helvetii subsidio venerunt adversus Helvetios. Itaque cum acriter obviam ho-
stibus iretur, & sciretur cum Helvetiis, qui nolebant pugnare contra Helvetios, quia Mediolanenses res
novas moliri non possent, & Rex Romanorum solvendo amplius non esset, ipse statim abiit, & ab hoste
paulatim recessum est. Sed non impune fiebat, quia omnibus locis obviam hostibus ibatur, & multi cæsi aut
capti sunt, quousque iterum in Germaniam iretur. Cum vero Rex Romanorum & Helvetii abiissent,
omnis exercitus Venetorum & Gallorum iterum contra Brixiam venit. Sed hostes cum viderent in magno
discrimine rem sitam esse, magis ad concordiam declinabant, & tandem æquis conditionibus urbem & castel-
lum tradere passi sunt, atque impune cum divite suppellectili per Tridentum in Germaniam abire. Capta Bri-
xia contra Veronam itum est, sed parum cessit ex sententia, quia paulopost rumor cepit increbrescere venire
iterum Helvetios, & protinus ad Pischeriam recessum est, commeatum vetare, & tantum levibus certa-
minibus semper agere. Sed hostes aliquin usque Patavium totam messem, & magnam copiam commeatum
prædati sunt, & aliquando venerunt Vincentiam etiam impune diripere quia exercitus nimium distaret, &
præsidia apud Patavium & Vincentiam non sufficerent. Quare cum expectatæ pecuniæ e Gallia venissent
Dominus Lutrech contentus fuit contra Veronam iterum in expeditionem exire. Sed inter eundem ex colli-
sione curruum in pulverem igniferum magnum incendium venit cum magna jactura reipublicæ, quia cum gran-
di impensa oportuit iterum munimenta reparare, & tamen contra Veronam nihil fiebat. Namque Galli
identidem volebant dissimulare, & non urbem capere, sicut apud Bursellem civitatem in pace perpetua cum
Rege Hispaniæ conventum est. Non tamen propterea desistebatur bello assiduo, & vicissim contra Veronam
tormentis militiæ acriter agebatur, atque amplius cum magna pars muri procubisset, parabatur in certamen
descendere. Sed dum ea res agitur nuncius e Burgundia & Germania ad Dominum Lutrech confestim in
castra venit, & amplius ferebatur obsessis iterum ingens præsidium festinare, quibus rationibus Galli iterum
ducti sunt omnia imperfecta relinquere, & conclamatis repente vasis ad Villamfrancam recessum est, atque
inde frequenter levia certamina fiebant, quia Galli & Veneti maxime volebant commeatum vetare, atque ho-
stem ad deditioem cogere præ inopia earum rerum, quæ esculenta & poculenta sunt. Itaque Crovaria castellum
unde commeatus in urbem ferebantur, frequenter captum & receptum est, quia modo nostrorum, modo ho-
stium vires ampliores erant. Sed magis intererat quod iterum ferebatur, venire subsidium e Germania, at-
que auctore Cardinale Sedunenfi Regum oratores novum fedus in Gallos & Venetos jurasse. Namque
propterea Dominus Lutrech volebat Mediolanum abire, & inopiam militum causabatur, ut non nisi ma-
gnis impensis commeatum in eum locum retenti sunt, donec apud Bursellem per oratores ageretur de pace in-
ter Regem Gallorum & Romanorum, & de induciis inter Cæsarem & Venetos. Et quidem Helvetii
festinarunt pacem cum Rege Gallorum antefacere, quia paulopost Cæsar cum Rege Gallorum pacem perpe-
tuam fecit, & cum Venetis inducias pactus est. Itaque urbs Verona in Venetorum potestatem venit, &
milites ad stationes dimissi sunt, quia induciæ vigeant, & difficultates aliæ inter Regem Romanorum &
Venetos sitæ erant in manu Regis Gallorum & Regis Hispaniæ. Denique Andreas Grittus Dominum Lu-
trech usque urbem Laudam comitatus est, & Venetias rediit, quo venit, & paulopost Gubernator Triul-
tius, atque in navi Bucentoria cum omnibus signis lætitiæ exceptus est.

LIBER SEXTUS.

Posteaquam inter Gallos & Hispanos annales induciæ prorogatae sunt, in dies magis magisque agebatur de nuptiis filiae Regis Gallorum Rayneriæ cum Ferdinando fratre Ducis Burgundiae, atque identidem Julianus Medices operam dabat sororem Ducis Allobrogum uxorem ducere, & quia per eos dies uxor Regis Gallorum perierat, videbatur pacis præsentaneum remedium fore, si soror Regis Angliæ pulchra adolescentula Regi Gallorum nuberet. Et quidem Rex Angliæ velle id facere videbatur, simul ac æquo animo ferre non poterat, se invito Regem Hispaniæ inducias fecisse. Sed volebat Nervum urbem tenere, & habere annum vectigal numum quinquaginta millium, atque in bis decennium decies centena millia, & tandem Rex Gallorum

A sororem Regis Angliæ uxorem duxit, atque istis conditionibus pacem facere passus est, ut posset Helvetiorum audaciam comprimere, & venire iterum in Italiam. Igitur Rex Gallorum festinare, parare, facere quaecunque utilia viderentur & quia super ea re mens Pontificis in incerto erat, rogabatur identidem sententiam dicere, & quantum auxilii Regi Gallorum laturus esset. Ille vero semper agebat, se nolle quicquam palam facere, donec oppositum videretur, quia Rex missos fecisset mille ducentos milites, & decem milia peditum. Namque Pontifex alioquin dissimulabat cum Rege Gallorum, & opem pollicitus hortabatur eum in Italiam festinare, quousque ejus adventus incertus esset. Sed postquam innotuit Regem per annum non accessurum in Italiam, Pontifex stabat cum Rege Germaniæ & Hispaniæ, Florentinis, Genuensibus, Mediolanen-
A. Mocenicus. I sibus

sibus & Helvetiis, atque enixius curabat *Venetos* cum Rege *Romanorum* componere. Sic enim putabat facile fore ut Rex *Gallorum* ab incepto desisteret, quia sine *Venetis* sociis illi veniendi in *Italiam* nimia difficultas esset. Sed *Veneti* semper voluerunt fidem inviolatam servare, quam semel Regi *Gallorum* præstiterant. Et cum ad eam rem nomine Pontificis *Petrus Bemus* ex *Roma Venetias* venisset, illi nunquam passi sunt *Veronam* Cæsari relinquere & pacem facere. Itaque Pontifex postquam videt *Venetos* ut putarat suarum partium non fore, & Regem *Gallorum* cum exercitu in *Italiam* festinare, non satis sciebat quid faceret. Et quia hinc *Hispani*, inde *Galli* sæpe Pontificem petebant, se suarum partium ostendere. Ille semper differebat in tempus aliud, dum mallet pacem omnium curare, quemadmodum fieri studebatur, ut se positis armis *Mediolanum* Regi *Gallorum* cederet, & unicuique redderetur quod suum est. Interea vero *Ludovicus* Rex *Gallorum* morte præventus occubuit, & in ejus locum *Franciscus* gener ejus successus est, atque illico *Veneti* cum eo innovarunt vetera fœdera, dum ille qui munificentissimus est meritissimos quosque donis amplissimis accumulat & vacat hastiludiis, quemadmodum & *Livianus* in honorem ejus apud *Patavium* fecit & magnifica hastiludia gesta sunt. Namque in eo solo *Venetorum* sita spes erat, & frequenter rogabant in *Italiam* festinare. Sed ille nolebat in expeditionem exire, nisi domi prius omnia pacasset. Igitur primo quoque tempore pactis nuptiis sibi consanguineum fecit Ducem *Geldria*, Ducem *Cleves*, & Ducem *Legiæ*, ut illi si opus esset obviam irent Regi *Romanorum* & *Helvetiis*. Namque *Helvetii* æquo animo ferre non poterant Regem *Gallorum* sibi rem *Mediolani* & *Genue* audacter asciscere. Aliter cum Rege *Angliæ* fœdus sancitum est, & Dux *Burgundiæ* Regi *Gallorum* sponte debitum homagium detulit, atque volebat ejus consanguineum fieri, & *Rayneriam* in conjugem ducere. *Franciscus* autem Rex *Gallorum* cum Pontifice *Leone decimo* quantum in se fuit semper egit, ut unum velle & nolle vicissim esset, sed tantum abfuit, ut paulopost inter Pontificem Regemque *Germaniæ* & *Hispaniæ*, Ducem *Mediolani* & *Genue*, *Florentinos* & *Helvetios*, contra *Gallos* & *Venetos* clandestinum fœdus initum sit, quo tenerentur *Helvetii* ad duodecim millia hominum in *Burgundiam* irrumpere, dummodo darentur in mense quolibet triginta millia numum, & alia totidem si eorum aliis duodecim millibus in *Italia* opus esset. Atque amplius Rex *Hispaniæ* jam completis induciis res novas moliri videbatur ad confinia *Vasconie*. Igitur Dominus *Lutrech* cum mille militibus contra *Hispanos* venit, & similiter adversus *Helvetios* Dominus *Tremulie* cum copiis in *Burgundiam*, & *Joannes Jacobus Triultius* cum octingentis militibus in *Provinciam* profectus est. Interea vero Rex *Romanorum* frustra tentavit in *Fraimburgensi* conventu nepotem suum Ducem *Burgundiæ* in Regem *Romanorum* subrogare, quia forte inter agendum *Maguntinus* Archiepiscopus morte præventus est, & similiter frustra iterum iterumque hortatus est Viceregem *Hispaniæ* in *Forumjulii* cum copiis ire, quia nimium illi factu periculosum videbatur. Itaque iratus Rex *Romanorum* divertit ad Regem *Pannoniæ* & *Poloniæ* contra *Venetos* auxilium implorare, & ad eam rem simul & contrectandis Regum nuptiis Cardinalis *Gurgensis* in *Hungariam* venit, & egit de conventu regum apud urbem *Posonium*. Namque alioquin dum Rex *Romanorum* *Moscovitis* faveret, illi Rex *Poloniæ* amicus non erat, adeo frequenter pactis connubiis

A multæ inimiciæ regum sedari solent. Nihilominus *Romæ*, oratores *Germaniæ* & *Hispaniæ* ex altera, & ex altera *Galli* & *Veneti* super habendo Pontifice enixe contendebant, & maxime *Petrus Landus* orator *Venetus*, & postea *Marinus Georgius* ea opera frequenter usus est, atque agebat si Pontifex animadvertat Regis *Gallorum* fidem, vires, potentiam, & opes cumulatissimas, nunquam divertat ad Regem *Germaniæ* & *Hispaniæ*, quorum alter velit *Italiam* subigere, alter aspiret in dominium temporarium Ecclesiæ, quasi aliter Cæsar semper augustus esse non possit. Sed Pontifex pati non poterat Regem *Gallorum* cum exercitu in *Italiam* venire, quamvis alioquin verba daret & videretur suarum partium fore, tantisper dum apud ipsum in incerto res esset. Namque alioquin Dux *Mediolani* verebatur, ne *Galli* per urbem *Genue* progredierentur in *Italiam*, quia frequenter inter eos de concordia agebatur, & sæpe ibant & redibant vicissim nuntii, atque ideo ut ipsi locum antecapiant primo quoque tempore ab *Helvetiis* in eam expeditionem ibatur. Sed *Helvetii* ad quatuor millia peditum erant, & contra *Octavianus Fregosius* habebat circiter quinque millia peditum, atque amplius Pontifex cum exercitu volebat suppetere, nisi oporteret potius rem suam agere, quando *Helvetii* etiam *Parmam* & *Placentiam* parabant subigere. Namque *Helvetii* confluebant in dies amplius ad triginta millia hominum, sed plerique contra *Gallos* ad saltus montium antevenerant, atque octo millia peditum cum Duce *Mediolani* in expeditionem ibant, & contenti erant recedere ad iussa Pontificis, si modo *Genueses* contra *Gallos* vellet persistere, atque *Helvetiis* dare numum octoginta millia. Rex autem *Gallorum* propterea laceratus injuria contra *Helvetios* ingentes copias parabat, & cito trajecturus in *Italiam* videbatur. Et quia hucusque dissimulaverat cum Pontifice, ille maxime verebatur, & parabat mille milites & numum ducentis quinquaginta millibus, quæ comparaverat ex institutis & venditis novis officiis, quatenus alioquin maxime pecuniis egeret. Namque opes etiam subministrabat *Hispanis* & *Helvetiis*, & tandem *Hispanis* dedit bullam initi fœderis cum Duce *Mediolani* & *Helvetiis*, atque ultra suos milites volebat *Urbinate* Ducem contra *Gallos* in expeditionem exire non contentus cum *Gallis Parmam* & *Placentiam* habere, & pro *Juliano* fratre annales proventus ad numum quinquaginta millia. Interea ver sacrum venerat, & hostes milites septingenti, quingenti levites, & tria millia peditum cum muralibus & campestribus tormentis militiæ, e stationibus parabant discedere, atque eo maxime quia *Veneti* levites ubique illis infesti erant. Et nuper *Mercurius Bua* usque ad portas *Veronæ* accurerat, & cum comitem *Chariati* incautum offendisset munimenta urbis forte prospicere illum intercipere tentavit. Sed ille ocysime arrepta fuga se projecit in urbis foveam, & sic e manibus hostium dilapsus est. Parte quoque alia *Joannes Naldius* cum centum quinquaginta peditibus repente trajecto *Albesi* ad *Angulariam* ante lucem adortus est levites præfecti *Peticii*, qui super *Rhodigianam Pollesinum* ad concas æneas stabant. Et quia illi nihil tale verebantur multi cæsi & sauci, atque triginta eorum capti sunt. Igitur hostes omnes cum tormentis & instrumentis militiæ constitutis ordinibus videbantur velle *Vincientiam* prædatum ire, nisi *Livianus* cum parte copiarum protinus locum antecapiat, ubi tandem & duo millia peditum ex *Patavio* & milites ex oppidis e stationibus collecti sunt, & jussus est *Laurentius* præfectus peditum, qui nuper *Taurisum* venerat statim cum mille

mille peditibus versus *Vincentiam* festinare, ut sociis auxilio iretur, agros servare, & vermium operatorum sericeos flocos, quorum pretium ad triginta millia numum summatim ferebatur. Deinde prope hostes levitibus *Venetis* stationes datæ sunt, ut semper referant, quid hostes agant, & ubique illis infesti sint. Hostes autem passim ex *Verona*, *Brixia*, & *Bergomo* copias in castra colligere, & præsertim ex *Germania* exercitui supplementum adcersire, & postquam trecenti equites Pontificis, & supra quatuor millia hominum in castra hostium venerunt. Illi primo quoque tempore scorta & impedimenta *Veronam* dimittere, arma expedire, & bellum enixe parare. Denique paratis omnibus ex sententia omnis exercitus hostium *Coloniam* venit, atque inde videbatur magnis itineribus repente *Livianum* incautum aggredi velle, quia ille adhuc cum parte copiarum *Vincentiæ* stabat, quamvis Patres nullo pacto vellet rem *Venetam* belli discrimen aliquod subire, dum Rex *Gallorum* cum expeditissimis copiis in *Italiam* festinaret. Sed *Livianus* nullis rationibus adduci poterat, ut loco abscederet, namque proculdubio putabat, hostes nunquam facturos copiam pugnandi, quia pauciores essent, & sæpe levioribus certaminibus vincerentur. Sed alioquin contra spem evenit, quia hostes ausi sunt usque ad *Barbaranam* villam cum toto exercitu *Venetis* obviam ire, & amplius ituri videbantur, quasi velint propediem configere. Quæ cum primum *Liviano* nunciarentur, quia ille constituerat manum cum hoste nequaquam conferere, sublatis repente signis noctis silentio versus *Pata-vium* recessit, & impune ad *Brentellas* castrametatus est. Et deinde curabat novos milites adscribere, ut mille ducentos milites & decem millia peditum haberet, quemadmodum Patres venienti Regi polliciti sunt. Sed quia inter agendum imperatoris exercitus & præfecti peditum simultas occulta patuerat, *Dominicus Trivisanus*, & *Georgius Cornelius Patavium* venerunt eam discordiam compescere, & tandem nihil magis expediens apparuit, quam primo quoque tempore præfectum peditum versus *Cremam* abire, & venientibus *Gallis* fortiter agendo suppetere. Hostes autem incustoditam *Vincentiam* venerant vastare, & diripere, & victis nihil reliqui facere, atque amplius cum omnis regio desolata esset, *Leonicum* venerunt & deinde colligendis frugibus vacabant, quæ præsertim super *Rhodigianam Pollesinum* nimia incuria prædæ hostibus relictæ fuerant. Et quia *Livianus* tantam rerum jacturam æquo animo ferre non poterat, cum toto exercitu protinus *Ateste* oppidum venit, & contra hostes acriter stabat, ut *Rhodigianam Pollesinum*, intactasque fruges servaret & disturbaret consilia hostium, qui ad duo millia equitum, & tria millia peditum semper intenti stabant commeatus abunde *Veronam* abducere. Itaque vicissim stabatur, & quamvis hostes sæpe pararent *Venetis* obviam ire, & illuc versum itinera levigare, non tamen nisi levioribus certaminibus agebatur, dum hostes passim prædari volunt, & *Veneti* levites fociis auxilio ubique sunt. Jam vero *Franciscus* Rex *Gallorum* convenerat cum Rege *Angliæ* & Duce *Genuæ*, nihilque habebat antiquius quam dare operam, ut primo quoque tempore in *Italiam* iretur. Deinde festinare, parare, facere omnia utilia, & passim equites peditesque adscribere. Denique cum omnia ex sententia parasset statim jubet *Petrum Navarium* cum decem millibus peditum saltus montium antecapere, & probe prospicere, quæ via esset facilior. Deinde omnis exercitus duorum millium militum, & triginta millium peditum *Grannopolim* venit, &

A cum auxiliariis copiis pecuniisque, Duci *Genuæ* literæ datæ sunt, ut cum quingentis militibus, & decem millibus peditum *Laurentio Cernati* se jungat, & quantum in se est citra montes agat pro Rege Christianissimo, atque Dux *Ferrariæ* & Marchio *Mantua* commoniti sunt identidem facere. *Petrus* autem *Navarius* cum scrutaretur saltus montium elegit locum insolitum, quia explanato quodam cacumine inde apparebat via commodior tormentis militiæ. Namque alioquin tres saltus montium habentur, quibus in *Italiam* itur, quorum duo Collis agni ad castellum *Delphinum*, & *Perosa* difficiles & invii sunt tormentis militiæ. Tertius autem *Susa* facilis est, nisi custodes *Susanam* civitatem petant, quæ claudit iter & ad pedem *Mongencurii* sita est. Sed quia intra montes persistere difficile admodum erat, nisi commeatus abunde suppetere, ordines *Helvetiorum* citra saltus distributi sunt, ad *Susam* decem millia peditum, ad *Pinarolium* sex millia, & ad *Salucium* octo millia ubi stabat & *Prosperus Columna* cum trecentis militibus. Interea vero venienti Regi *Gallorum* viæ parabantur. Namque parte alia ultra *Padum* ex *Genua* Dux *Octavianus Fregosius* cum quinquaginta militibus, & duobus millibus peditum ubique hostibus infestus erat, & parte alia citra *Padum* identidem faciebat ex *Crema* *Laurentius* cum ducentis militibus, quingentis levitibus, & duobus millibus peditum agros vastare, prædas agere, atque ipsa oppida in fidem Regis recipere. Namque *Helvetii* ad viginti millia hominum ad *Moncalerium* & *Pinarolium* convenerant, simul ac *Galli* ea parte trajecturi viderentur. Et quidem illud stratagema illorum fuit, quia interea sine aliquo impedimento per viam *Argentariam* ad confinia *Genuæ* *Gallorum* omnis exercitus magnis itineribus in *Italiam* venit, & in primo vestibulo ad *Villamfrancam* Dominus *Palliseus* qui cum septingentis militibus & sex millibus peditum semper exercitum anteibat, *Prosperum Columnam* cum trecentis militibus incautum offendit, & quia nihil tale verebatur facile locus vi captus est, & *Prosperus* cum militibus in hostium potestatem venit. Et quidem ea jactura maxima *Helvetiorum* fuit, quia non habebant alios equites, qui possent commeatui suppetere. Posteaquam vero Regis omnes copiae collectæ sunt, versus *Novariam* contra *Helvetios* audacter ibatur, & illi nolle amplius configere, sed ad pacem declinare videbantur de qua frequenter etiam agebatur. Non tamen *Galli* desisteabant procedere, & maxime studebatur, ne *Hispani* jungi possent cum *Helvetiis*. Namque *Hispani* ad eam rem versus *Placentiam* ibant, ubi erat omnis exercitus Pontificis præter *Marcum Antonium Columnam*, qui cum centum militibus, sexaginta levitibus, & duobus millibus *Germanorum* peditum præsidio *Veronam* concesserat. *Livianus* autem cum toto *Veneto* exercitu identidem *Gallis* obviam movit, & sequebatur *Hispanos*, ut nusquam jungi possent *Helvetiis*. *Helvetii* vero retrocesserant ad *Varesium* oppidum situm prope lacum *Larium*, atque ideo *Gallorum* omnis exercitus usque ad *Buffaloriam* venit, & *Joannes Jacobus Triultius* cum trecentis militibus, & septem millibus peditum longius ivit ad *Fanum Christophori* prope *Mediolanum* ad duo millia passuum. Atque inde urbem petere quatuor regii Caduceatores frustra præmissi sunt, quia superbe responsum est, & potius viribus agendum esse videbatur. Atque ideo *Joanni Jacobo Triultio* cum copiis, & *Petro Navario* cum decem millibus peditum demandatum negotium est. Parte vero alia Dominus *Cletensis* cum sexcentis militibus, & parte alia *Livianus* cum toto

exercitu *Venetorum* vicissim moliebantur copias Pontificis Cardinalem *Sedunensem* & *Helvetios* incautos offendere, cum illi nuper *Laudam* civitatem prædatum venissent. Sed tantum abfuit, ut Pontificii iterum *Placentiam*, & *Helvetii Varesium* cum magna præda antevenerint, atque exercitus *Venetorum* *Laudam* vacuum intravit, & Rex *Gallorum* cum toto exercitu *Marignanum* oppidum venit, quod *Mediolanum* & *Laudam* interjacet, ut vicissim semper auxilio ubique sint & vetent *Hispanos* pontificiosque usquam *Helvetios* convenire. Quamvis enim cum *Helvetiis* de pace diu actum esset, & tandem viginti duo obsides *Helvetiorum* haberentur, & darentur illis numum centum sexaginta millia, ex octingentis millibus quibus convenerant. *Helvetii* tamen iterum parabant in expeditionem exire, & videbantur velle *Gallos* hostes decipere. Namque Cardinalis *Sedunensis* statim ex *Placentia Mediolanum* venit, & foedus initum summa ope dehortatus est. Atque amplius eo authore imitante *Spartanum Leonida* rumor ceperat increbrescere *Hispanos* cum *Gallis* certare, quibus auxilio statim eundum esse videretur. Igitur *Helvetii Mediolanum* venerunt ad viginti quatuor millia hominum, atque inde constitutis ordinibus cum ingenti multitudine *Mediolanensium* idibus Septembris hora diei vigesima secunda *Gallos* hostes ad *Marignanum* aggressi sunt. Et quidem primo levibus certaminibus agebatur, denique collatis signis certatum est per totam noctem usque ad diei sequentis horas quindecim, dum pugna quantum alia unquam fuit valde sanguinolenta & atrox esset. *Galli* in castris stabant sub ordinibus militum. *Helvetii* non desisteabant iterum iterumque invadere, & conabantur ordines disturbare, modo per medias acies *Gallorum* ire, modo præsidium, modo subsidium impetere, multi utrinque cadebant, plurimi fauciabantur, horrifonus clamor & strepitus armorum ad cælum ferebatur. *Galli* tormentis militum & cataphractis militibus præstabant. *Helvetii* suis ordinibus, & valido peditatu magis pollebant. Denique parte alia in præsidium, & parte alia in subsidium *Gallorum* acriter agebatur, & utrinque *Galli* cedere visi sunt, ut sola staret media acies & robur exercitus, tuereturque tormenta militum, quo & Rex ipse subsidio venerat, & inter primos fortiter agebat. Namque inibi belli vis major incubuit, & multi prope Regem cadebant, quorum aliquando contritum cerebrum in oculos Regis profuisse dicitur, & Rex ter hasta percussus est. Sed semper vulnus in thoracem desivit, ut ipse videretur rem suam collabantem sustinere. Semper hortando & pollicendo omnia prædæ militibus fore. Sed utrinque *Gallorum* deterior fortuna videbatur, quod cum videret *Joannes Jacobus Triultius* qui cum præsidio & peditatu *Vasconio* adversus *Helvetios* pugnabat, statim decrevit equitatum gravis armaturæ hostibus objicere tanquam munimentum peditibus, & statim jubet nunciari Regi tale consilium, qui erat cum subsidio & peditibus *Germanis*, quos vocant *Lance-nech*, ut parte alia acrius etiam ageretur. *Helvetiorum* autem subsidium hucusque steterat, & deinde retrorsum divertit invadere Regem cum subsidio a lateribus, & forte venerant per convallem in locum ascendere, ubi pugnabatur. Et ecce *Livianus* cum nobilibus & equitatu levitum repente improvisus affuit, & clamor ingens exortus est. Quo fit ut re insperata, & quia *Helvetii* putarunt *Venetorum* omnem exercitum esse, statim conterriti compulsi sint aufugere, atque identidem cæteris *Helvetiis*, qui cum *Gallis* pugnabant, timor additus, & *Gallis* audacia. Ita-

A que accessum & multum est, quando *Livianus* cum quinquaginta nobilibus statim subsidio venit. Namque *Gallos* a fuga effusa & *Helvetios* a feroci pugna continuit, redintegratumque prælium est, & amplius cum primum cæteræ etiam *Venetae* omnes copiae venissent de *Helvetiis* tanta edita cædes est, ut vix eorum pars quarta supererit. *Gallorum* quoque multi desiderati sunt, nepos Domini *Barbonii*, filius Domini *Tremulæ*, & alii quatuor magni Duces, & quatuor millia hominum. *Venetorum* vero maxime deplorata mors est *Clapini Pitiglianii* qui adolescens animosus plusquam apta ætas esset fortiter in hostes agendo celebri morte perierat. Itaque a *Gallis* & *Venetis* de *Helvetiis* parta est victoria tantum celebris quantum legitur a *Julio Cæsare*, capta *Helvetiorum* cum pilato majori cuncta vexilla, atque omnia impedimenta, & tormenta militum, cæsaque hostium decem millia, atque amplius sex millia hostium qui in nemore proximo aufugerant, & qui *Mediolanum* ibant, quia recepti non sunt protinus in patriam fugerunt. *Hispani* autem & *Romani* duo millia militum, mille levites, & quindecim millia peditum, qui nuper *Padum* trajecerant, ut *Helvetiis* sociis se jungant, audita tanta clade statim redierunt *Placentiam*, & protinus abierunt in pacatum dum illis integrum esset. Secundum eam pugnam *Mediolanenses* quoque veniam & pacem implorarunt & impetrarunt etiam facile, atque amplius authore Duce *Allobrogum* cum *Helvetiis* de concordia agebatur, & deinde duo de viginti oratores *Mediolanensium* in castra Regis venerunt urbem tradere. Sed super a:ce *Mediolani* & *Cremonæ* difficultas erat & viribus agebatur, namque *Magnus Notbus Allobrogum* cum parte copiarum oppugnabat arcem *Cremonæ*, & *Petrus Navarius* cum decem millibus peditum contra *Mediolani* castellum acriter stabat, atque agebat maxime tormentis militum subterraneisque cuniculis. Et quia tandem Dux *Sfortia* videt rem sitam in magno discrimine *Cremonæ* & *Mediolani* arcem deditione tradidit, ut Cardinalis promoveretur, & viginti millia numum in *Gallia* annuatim haberet. Postea Rex *Gallorum* cum magna pompa in urbem *Mediolanum* ingens triumphum egit, & quia multum refert quarum partium Pontifex esset, res omnes cum ipso composuit. Itaque omnis exercitus Regis *Hispaniæ* & Pontificis statim abscedit & Regi cessit *Parma* & *Placentia*, simul ac ipse contentus fuit rerum Ecclesiæ patrociniū sumere. *Livianus* autem cum toto *Veneto* exercitu contra *Brixiam* ibat, & insuper e *Gallis* ad eam rem destinatus erat *Magnus Notbus Allobrogum* & *Theodorus Triultius* cum septingentis militibus, & septem millibus *Germanorum* peditum. Sed longa mora auxiliatorum *Gallorum* rei gerendæ magnum impedimentum attulit, quia dum differretur, mille pedites hostium subsidio *Brixiam* venerunt, & præfectus *Hispanus Brixienfes* cives *Venetae* factionis expulit, cum quibus antea familiariter de deditione *Veneti* loquebantur. Quare *Livianus* deinde malebat *Veronam* oppugnare, quia ea convhendendis utilibus commodior & minus munita videretur, atque amplius capta *Verona* super *Brixia* parva difficultas supererat. Sed tamen nihil fiebat, tum quia pontificiæ & *Hispanæ* copiae *Veronæ* subsidio *Padum* ad *Hostiliam* præferabant trajicere, quibus obviam ire ambo exercitus aliquando moliti sunt, quousque *Hispani* iterum *Neapolim*, & pontificii versus *Bononiam* inceptum iter aggressi sunt, tum quia *Gallicæ* copiae quæ *Venetis* auxilio debebantur apud habendam *Cremonam* longas moras traxere, non denique quia *Livianus* apud *Gaidum* oppidum incidit

in malam contusi ventris ægritudinem, qua & tandem nonis Octobris immatura morte præventus est. Et ea quidem fuit maxima gloria quod tunc periisset, quando posset optime vivere, & tanto desiderio omnium teneretur, ut diu in castris Cadaver etiam delatum sit. Non tamen propterea desisteatur bello, sed *Veneti* milites vi ceperunt *Pischeriam* cæsis trecentis *Hispanis* peditibus, atque habitis nunciis Regis *Gallorum Asula*, *Lonatum*, & *Sermenium* desciverunt ad *Venetos*. Atque amplius cum omnibus copiis contra *Brixiam* ibatur, quia Rex *Gallorum Mediolani* & *Cremonæ* castella deditione obtinuerat, & *Magnus Nothus* cum gallicis *Auxiliis* in castra *Veneta* festinabat. Sed *Joannes Jacobus Triultius* Imperator in castris *Venetis* antevenit, & cum ventum esset prope *Brixiam* ordines distributi sunt, & primo quoque tempore ceptum est tormentis militiæ acriter in urbem agere. Contra nihil segnius hostes vicissim agebant, & identidem vexabant *Venetos* tormentis militiæ, sæpe etiam eruptione facta usque ad stationes *Venetorum* ibatur, & levia certamina fiebant. Atque nuper amplius sexcenti pedites hostium repente fecerunt impetum in tormenta militiæ, & quia temere stabatur, quamvis centum milites, & sex millia peditum essent, omnes re insperata in fugam conversi sunt præter *Joannem Paulum Manfronum*, qui cum triginta militibus vim hostium aliquantum repressit. Illi tamen disturbarunt omnia, combusserunt pulverem igniferum, & asportarunt in urbem decem tormenta militiæ cum tanta *Venetorum* ignominia, ut illi consternerentur animi, & *Gallorum* auxilia non profutura viderentur, quandoquidem semper multum refert adversa initia rerum gerendarum habere, & supra omnes alios *Joannes Jacobus Triultius* ægre tulit, & deinde hortabatur paulisper recedere, quia tempus pluviosum esset, & hyems inflaret rebus agendis semper incongrua. Regis autem *Gallorum* longe aliena mens erat, namque ille omnino volebat reparare rempublicam, atque ideo statim jubet Dominum *Telagni* visum ire, quæ usui forent, simul ac & *Magnus Nothus* cum sexcentis *Gallis* militibus, & septem millibus peditum venit in castra *Veneta*. Igitur consultabatur quid facto opus esset, & maxime studebatur habendo pulverem igniferum instrumentaque alia & tormenta militiæ, & cum jam omnia parata essent, iterum & acrius *Brixiam* obsederunt. Et quia *Germani* pedites contra *Cæsarem* nolebant opera militiæ facere, illi tandem dimissi sunt & subrogati *Vascones* pedites ad quatuor millia hominum, deinde duobus simul locis ceptum est agere tormentis militiæ. Namque parte altera stabant *Galli* quingenti milites, & quatuor millia peditum, atque parte altera *Veneti* noningenti milites, mille quadringenti levites, & novem millia peditum. Jam vero acriter actum erat tormentis militiæ, & projecerant muri quantum poterant. Namque alioquin hostes murum e terra congesserant, & duxerant altum aggerem, atque ideo ulterius cuniculis agebatur. Et quidem *Galli* ex altera, & ex altera *Veneti* continuis operibus vias subterraneas excavabant, & operabantur sub tutissimis munimentis. Namque intereundum semper terram fulcibant ligneis pessulis, & ibatur per foveam ad urbis moenia, atque amplius conabantur scalpris murum incidere, & frequenter suffodiebant parietem. Deinde ne pars illa procumberet supponebant lignea repagula, & procedebant ulterius, quousque totam urbem fulcirent ligneis pessulis, & quia opus erat insolitum atque inexhaustum *Joannes Jacobus Triultius* & *Petrus Navarius* semper instabant, & primi erant

inter talia opera. *Petrus* etiam *Navarius* novum opus incepit ad portam pilarum, ubi cum mille quingentis peditibus castrametatus est. Sed hostes vetabant quantum poterant cuniculos contra suffodere, & disturbare ignibus omnia quæcunque fiebant. Atque amplius multi hostium ex *Verona* conabantur *Venetos* ab oppugnatione divertere, & nuper agmine facto sexcenti equites, & quinque millia peditum repente *Venetos* quadringentos milites, & totidem levites aggressi sunt, qui sub duce *Joanne Paulo Manfrono* & *Mercurio Bua* præsidio apud *Vallegium* erant. Sed quia temere stabatur pauci *Venetorum* voluerunt vim hostium expectare, & retrorsum ibant, quod cum vidisset *Julius Manfronus* non potuit pati tantam ignominiam, & cum paucis ausus est in hostes confertissimos impetum facere. Sed parum cessit ex sententia, quia tandem equus ejus vulneribus confossus est, & cum ipse pedes diu pugnasset, denique multitudine hostium victus est, & in potestatem illorum venit. Atque amplius ex *Germania* parabatur majoribus copiis *Brixiam* propediem suppetere. Igitur propterea *Galli* & *Veneti* ducti sunt convenire cum hostibus auctore Domino *Bonæ Vallis* quibus vellent conditionibus, dummodo illi post viginti dies urbem tradere paterentur. Namque sic honestius visi sunt deferre ad *Gaidum* majora tormenta militiæ, & paulisper recedere, quia alioquin timebant, si qua vis ingruat ex *Germania*. Et quidem ejus rei auctores erant cives *Gambarenses*, dum volunt ea via *Venetos* ab oppugnatione detinere & frustrari, sicut & factum est, quia dum statur tantum abfuit *Brixiam* tradere, ut potius *Germani* hostes ad sex millia peditum venerint *Amphum* castellum statim capere. Neque spes eos fefellit, quia oppidani postquam vident rem sitam esse in magno discrimine, maluerunt deditionem facere & impunitati consulere, sicut & tria millia peditum qui debebant subsidio festinare, ne ausi quidem sunt venientem hostem conspiceret. Et amplius tantus timor in castris incescit, ut protinus obsidione soluta recessum sit, atque ad *Gaidum* hycmatum ibatur, simul ac hostes in *Brixiam* com meatum & subsidium portassent. Dum ea in castris agerentur *Mediolanum* venerunt ad Regem *Gallorum* oratores *Veneti* *Antonius Grimanus*, *Dominicus Trivisanus*, *Georgius Cornelius*, & *Andreas Grittus* omnes procuratores & viri primarii. Et cum postera die ingressi essent ad Regem cum magna pompa *Dominicus Trivisanus* ejusmodi oratione usus est. Jure quidem Rex invictissime ea habentur amicorum maxima officia, quæ in rebus lætis vicissim gratulando fieri solent. Namque ex eo maxime patet amicitia mutua, quando eisdem similiter afficimur. Atque nobis tanto magis lætandum est ob partam victoriam quanto magis conjunctissimi sumus & nihil superest, nisi invicem semper officiis certare. Et profecto simul ac vidimus te cum florentissimo exercitu in *Italiam* festinare, belli diuturni omnia aspera & dura æquo animo passi sumus, quia istam diem maxime sperabamus, ut tu communes hostes vinceres, & reparares collabantem nostram rempublicam. Venisti & vicisti tuis auspiciis tantum hostes *Helvetios*, quantum a *Julio Cæsare* non legitur. Namque cum illi pro virili acriter agerent, tibi etiam major victoria parta est. Et cum primum quæ ipse gesseras in senatu relata sunt, omnes lætabantur & magnificabant tua gesta semper memoranda quantum erga te noster amor exposulat. Et statim Patres nos elegerunt ut veniremus cum omnibus signis lætitiæ, & apud te isto officio omnibus viribus animiungeremur. Nos vero lætamur non quantum volumus, sed quantum possumus, quia alioquin verba invenire non valeamus, quæ nostros affectus pos-

sent exprimere. Illud satis constat evenisse quod maxime sperabamus. Namque parta victoria cum Mediolanum receperis tibi & nostræ reipublicæ faustum felixque fore proculdubio putamus. Et nos quidem totius reipublicæ maximam letitiam prætulimus, quia oratores venimus jam confecti senio & functi omnibus magistratibus. Ergo letamur & gratulamur iterum iterumque omni affectu animi, & precamur te prosequi partam victoriam, & reparare nostram rempublicam. Ne alioquin spes ea nos fallat, quam in te solo jampridem reposuimus. Postquam Dominicus Trivisanus ea dixit, per Magnum Scribam paucis responsum est. Regem libenter vidisse & amice oratores complecti, qui venerant & merito letarentur, quia etiam res sua ageretur, sicut & actum erat auxiliariis copiis reipublicæ, quæ cum multum pro rege passa esset, ipse quoque vicissim conaretur beneficiis pensare, ut cito omnibus daretur intelligi, Regem agere ea omnia, quæ plena officii essent erga rempublicam. Postea cum Helvetii ad Concordiam declinare viderentur, Rex parabat convenire Pontificem apud Bononiam, atque eam rem maxime Laurentius Medices apud Regem agebat, & Bonivetus Gallus orator apud Pontificem. Et quamvis Galli Duces putabant periculosum fore se Pontifici credere. Rex tamen iter facere aggressus est cum nostris etiam oratoribus, atque eum venientem apud urbem Regium duo Cardinales Fliscus & Medices susceperunt, & comitati sunt usque Bononiam, ubi tandem præstita obedientia Rex cum Pontifice de pace & bello vicissim locutus est. Et quia multum intererat ceperunt agere de pace omnium & de induciis, atque ad eam rem statim jubent fratrem Egidium Eremitam in Germaniam ire & videre, si posset Venetos conciliare cum Rege Romanorum, & habere Veronam & Brixiam cum pecuniis. Namque Pontifex alioquin invenit Regem secundum cor suum, donavit Cruce gemmata, coram ipso rem divinam fecit, & in gratiam Regis fratrem Magni magistri Cardinalem instituit, simul ac Rex etiam cessit sanctioni pragmaticæ. Deinde cum simul stetissent per quadriduum, Pontifex peractis rebus omnibus versus Florentiam & Romam abiit, & Rex identidem cum viginti quinque millibus equitum quibus Bononiam venerat, iterum Mediolanum reversus est. Et quia videt rem Venetam contra Brixiam egere majori subsidio præsertim illud consultabatur quod Dominus Satighionius retulerat, cum nuper e castris Venetis venisset. Namque ille ajebat exercitum recessisse ad stationes propter tempus hyemis, quia simul ac custodes temere saltus montium deseruerant, videbatur e republica fore, prope urbem ad stationes stare, saltus montium recipere, commeatum subsidiumque vetare. Sed cum Rex potius vellet exercitum contra Brixiam redire, statim jubet Dominum Lutrech & Andream Gritum ire & videre, si oportet supplementum exercitui mittere, qui cum redissent & retulissent quid facere opus esset, datum negotium est Domino Barbonio, quem Rex voluit suum locum in Italia tenere, & ipse magnis itineribus in Galliam abiit, quia oportebat Helvetios, Ducem Burgundie, & Regem Angliæ sedare. Igitur apud Dominos Gallorum posita in consultatione res est, & tandem putarunt operæ pretium esse Dominum Lutrech & Theodorum Triultium Gubernatorem in castra Veneta venire, & contra Brixiam in expeditionem redire. Namque alioquin passim ad saltus stabatur; & Mercurius Bua cum levitibus usque urbem frequenter ire, pabulatores intercipere, commeatum vetare, & omnia infesta reddere. Atque amplius nuper cum offendifset prope Brixiam pedites equitesque, qui

A pabulatum venerant, statim in illos impetum fecit, & hostes facile vincebantur. Sed ex urbe subsidium venit, & redintegratum prælium est, atque pugna fuit multum aspera, quia paribus animis & viribus agebatur. Sed postquam frater Gubernatoris Brixie cum duodecim militibus in Venetorum potestatem venit, omnes alii usque in urbem fusi fugatique sunt, atque eo maxime hostes consternati animi erant, quia duo strenui Duces peditum perierant, & præfectus militum captus est. Nihilominus parum hostibus cessit ex sententia cum vellent pecunias in Brixiam portare. Namque Joannes Fregosius cum Joanne Corrado Ursino & parte copiarum repente ad Amphum castellum illos aggressus est, & ad mille hostium aut cæsi aut capti sunt. Atque amplius hostes e Verona qui venerant Venetos divertere, vix potuerunt in urbem impune recedere, quia apud Pischeriam Venetorum & Gallorum ingens præsidium erat, & contra hostes acriter ibatur. Itaque utrinque hostes repulsi sunt, & vetitum est pecunias in Brixiam portare. Non tamen pecuniæ in manus Venetorum venire, quia hostes illas per lacum asportarunt in Germaniam cum multis tamen lachrymis, quia multi Duces Lotronienses Domini, & magni viri Germaniæ in illo nocturno certamine cæsi sunt. Postea Joannes Jacobus Triultius Mediolanum abiit, & venit Dominus Lutrech cum trecentis militibus, & tribus millibus peditum, necnon Theodorus Triultius gubernator in castra Veneta, & Andreas Gritus legatus Dominico Contareno suffectus est, & vicissim agebatur de expeditione Brixie, quam iterum parabant suscipere. Namque alioquin stabant in Vallesabia quingenti supra duo millia peditum, & curabant Amphum castellum reficere, quia alia loca non ita patent magnis exercitibus & tormentis militiæ, atque amplius penetrarunt agros vastare, prædas agere, castellumque Lotronum & Astorium comburere. Pari modo partibus aliis frequenter levia certamina fiebant, namque levites ubique infesti erant omnibus, qui pabulatum ibant. Et nuper cum inter pedites certamen esset, Petrus Navarius statim subsidio venit, & hostes intra urbem repulsi sunt. Denique Galli omnes & Veneti festinare, parare, facere omnia utilia, ut primo quoque tempore contra Brixiam iterum in expeditionem iretur. Interea vero Regi Angliæ relatum est, Regem Gallorum vicisse Helvetios quod nunquam antea putarat. Et quia æquo animo ferre non poterat, semper egit cum Rege Romanorum & Helvetiis, donec illi pecuniis victi sunt, & statim transmissit centum viginti millia numum, ut darentur Helvetiis, qui cum rege Romanorum adversus Regem Gallorum in expeditionem exirent. Namque Helvetii declinabant ad Anglos quamvis octo Anguli eorum convenissent cum Rege Gallorum, & acceperant scutorum numum ducenta millia. Putabant enim magis rem suam agere, si possent ut solebant Mediolanum abrodere, quia alioquin fœdus inter Reges Germaniæ, Hispaniæ & Angliæ proclamatum est, & Rex Hispaniæ magnam classem parabat, & contra Gallos Venetosque Regi Romanorum subministrabat pecunias, ut videretur propediem magnum malum Gallis & Venetis imminere ex Rege Hispaniæ, qui etiam convenerat cum Duce Burgundiæ tantum Hispanias gubernare, quantum viveret. Et quidem tantillum fuit, quia ille paulopost morte præventus est, ut de componenda Hispania potius ageretur. Aliiter rumor cepit increbrescere Regem Romanorum venire in Italiam cum viginti millibus hominum, & Viceregem Hispaniæ cum valido exercitu equitum & peditum. Igitur Galli & Veneti festinare, para-

parare, facere omnia quæ usui sunt, passim pedites adscribere, & supplementum exercitui mittere. Denique in consultatione iterum iterumque posita res est, quid agendum esset, si Germani prorumperent in Italiam, & decretum est stare ad Pontemvicum, & Dominum Barbonium cum altero exercitu Cremonam venire. Veneti vero maxime intenti erant Amphum castellum munire, & locare duo millia peditum ad saltus in Vallem Sabiam, & mille pedites ad angustias Bagolini in Vallem Trumpiam, ut alioquin omnis exercitus contra hostes staret, si per Veronam aliqua vis ex Germania ingrueret. Atque amplius Rex Gallorum voluit partitis cum Venetis stipendiis octo millia Helvetiorum contra Helvetios adcersere. Jam vero Rex Romanorum Tridentum venerat cum viginti millibus hominum ex inferiori & superiori Germania, & acies peditum vicissim Veronam ibant. Sed quia temere nimium ibatur ex altera ripa Galli quingenti milites & Joannes Victorius cum Mercurio Bua, & equitatu levitum, contra hostes occasionem quærebant, & tentabant trajicere ad Gussolengum, ad Pontonium, & ad Scusam. Sed ubique contra acriter stabatur, & agebatur missilibus telis & tormentis militiæ. Quod cum vidissent Galli & Veneti dissimularunt paulisper recedere, & cum hostes abiissent ex stationibus ad Scusam ubi vadari poterat, statim Veneti levites per illam viam Helvetios aggressi sunt. Et quia sine ordine & sine imperio ibatur, Helvetii centum & sexaginta aut cæsi aut capti sunt, & reliqui vix potuerunt per montes evadere. Postquam vero Rex Romanorum Veronam venit, inde cum quinque millibus equitum, & quindecim millibus peditum ex superiori & inferiori Germania sub imperio & sub ordinibus militiæ in expeditionem ibatur. Veneti autem bene muniverant Patavium & Vincentiam & collegerant ad quatuor millia hominum, atque identidem parte alia omnem exercitum habebant simul cum Gallis ad Pischberiam ubi hortabantur stare ultra Mintium & nusquam recedere. Namque Venetorum & Gallorum omnis exercitus constabat tribus millibus militum, & viginti millibus peditum. Et tamen Gallos tantus timor incesseerat, ut ne auderent quidem hostem conspiceret. Igitur cum hostes procederent, ultra Mintium & amnem Oleum recessum est, atque omnis exercitus Cremonam venit, ubi cum in consultatione sita res esset, decreverunt ad flumen Abduam sub munimentis stare. Namque alioquin vis hostium repressa est apud castellum Asulam, ubi præsidio manserant centum milites, & quadringenti pedites sub ducibus Antonio Martinengo, Petro Longeno, & Georgio Vaila. Hostes enim volebant oppidum capere, egeruntque viribus & tormentis militiæ. Sed quia a Francisco Contareno præfide cum oppidanis & militibus acriter hostibus obviam ibatur, illi tandem frustrati sunt & recesserunt cum ignominia. Non tamen propterea Galli & Veneti potuerunt loco persistere, quia cum primum hostes trajecissent amnem Oleum, illi reliquerunt Cremonæ præsidium trecentorum militum, & trium millium peditum, atque statim per viginti sex millia passuum recesserunt ad amnem Abduam, ne hostes locum antecaperent. Et amplius cum hostes postridie venissent ad ripas Abduæ, Gallorum & Venetorum omnis exercitus Mediolanum venit. Adeo Dominus Barbonius & Duces Galli summopere verebantur, ne alioquin res suæ aliquod detrimentum paterentur, & moliebantur etiam in Galliam aufugere, nisi Andreas Gritus & Andreas Trivisanus dehortati essent. Igitur Mediolani stabatur, & deinde festinare, parare, facere omnia utilia, ordines di-

A stribuere, excubias locare, ad sex portas urbis præponere Dominum Barbonium, Joannem Jacobum Triultium, Dominum Lutrech, Dominum Pallise, Theodorum Triultium, & Magnum Scutiferum, tres alias occludere, suburbia relinquere, & solam urbem custodire, munire undique altis aggeribus, & passim ponere tormenta militiæ. Postremo consultabatur quid agendum esset, quia multi etiam volebant discedere, nisi opportune diceretur Helvetios postridie venire, & propterea contra hostes acriter stabatur cum peditibus omnibus & octingentis militibus. Nam cæteri milites stabant per vicina oppida & levites ad Asulam, ut hinc inde in hostes frequentè iretur commeatum vetare, ordines disturbare, & ubique laceßere. Jam vero hostes venerant ad Dominum Albam prope Mediolanum ad septem millia passuum, & quantum poterant conati sunt seditionem movere. Et quia semper agebatur levibus certaminibus, hostes nuper venerunt usque urbem versus portam Rentiam ad mille passuum, quod cum Galli & Veneti vidissent, statim combusserunt urbis suburbia, & hostes paululum recesserunt, videbanturque urbem Papiam aut Cremonam posse capere, nisi trecenti milites, & quatuor millia peditum statim subsidio Papiam venissent, & Cremonam octingenti pedites, & ducenti milites. Namque Galli reparaverant animos, simul ac Helvetii ad octo millia hominum venissent, & parabant hostibus obviam exire. Sed Helvetii nolebant configere cum Helvetiis, & contenti erant apud Mediolanum stare, atque ibi omnia opera militiæ facere. Rex autem Romanorum cum solvendo non esset, statim declinavit cum toto exercitu ad flumen Abduam, & retrorsum paulatim ibatur, simul ac non potuit urbem conspiratione recipere, unde pecunias sperabat. Et deinde agebat ego recedo & revertar cito, vos state & cavete a pileatis equitibus, qui sicut deus, ubique sunt, & cum hæc dixisset subterfugit impetus Helvetiorum. Namque in castris alioquin seditio orta erat, atque Helvetii stipendia emerita volebant, & parabant ad Gallos desciscere, dum hinc inde cum Helvetiis ageretur. Illi tamen Helvetii ad quindecim millia hominum qui cum Rege Romanorum merebant perrexerunt urbem Laudam capere & diripere, atque amplius volebant alibi identidem facere, quod cum Gallis & Venetis relatum esset, ipsi omnino volebant in expeditionem exire & sollicitabant Helvetios, qui & tandem ducti sunt dare literas Helvetiis, ut illi recederent, qui contra mentem dominorum venerant. Aliter agebant propediem fore, ut cum Gallis contra ipsos etiam cum suæ gentis damno & ignominia bello acriter ageretur. Sed quia in incerto res erat Galli volebant bene munire præsidio peditum Mediolanum Papiam Cremonamque, & cum omni equitatu abeuntem hostem semper sequi, & commeatum vetare. Sicut etiam frequenter fiebat, atque agebatur levibus certaminibus. Et nuper Mercurius Bua cum equitatu levitum fudit fugavitque sexaginta equites hostium, qui paululum abscesserant, & cum aliqui fugissent in turrim Ecclesiæ proximæ, & nollent se dedere, igne statim supposito Orator Ducis Urbini cum duobus Ecclesiæ fratribus combustus est, & Caesar Ferausca, duoque Papienses per funes venire in manus hostium passi sunt. Pari modo parte alia ultra flumen Abduam feliciter gesta res est, namque ex Crema Baldasar Signorellus cum parte copiarum impetum fecit in trecentos equites hostium, & parvo discrimine septuaginta eorum interfecit, & cepit quadraginta cum divite supellectili, atque identidem a Venetis levitibus frequenter alibi fiebat.

bat. Namque ubique infesti erant prædas agere, commeatum vetare, pabulatores interciperere, ordines disturbare, & nusquam otium pati. Sed apud *Mediolanum* cum *Helvetiis* difficultas orta est, quia simul ac abunde acceperunt pecunias, multi repedarunt in patriam, & reliqui nolebant in expeditionem exire. Atque ideo valde dubitabatur, quamvis expectarentur ex *Gallia* duo millia militum, & viginti millia peditum, ne Rex *Romanorum* iterum in expeditionem exiret, quia ivisset *Bergomum* expilare. Sed tantum abfuit, ut potius Rex *Romanorum* abierit in *Germaniam* cum sexdecim millibus numum, & cum quinque millibus hominum, simul ac in ejus exercitu diffidium venit, & pedites *Germani* ceperunt ad *Gallos* desciscere. Igitur omnis exercitus dissolvebatur, & *Helvetii* ex *Lauda* abibant in patriam, alii turmatim in urbes ibant, alii in *Germaniam*, & ab omnibus non impune recessum est. Namque *Galli* & *Veneti* ea occasione usi sunt, dum partitæ hostium vires essent, ubique infesti erant invadere, occidere, interciperere, & de multis magna cædes edebatur, quousque omnes convenerunt iterum ad *Romanum* prope *Bergomum*. Namque illuc venit *Marchio Brandiburgensis* cum pecuniis, & compositis rebus ex sententia parabatur iterum in expeditionem redire, quamvis postea omnis exercitus hostium potius ad stationes *Bergomum* venit, quia pecuniæ ad stipendia non suffecerant, & expectabantur ex *Germania*. Sed dum nimium statur, *Germani* & *Hispani* pedites *Brixie* ad tria millia hominum desciverunt ad *Gallos* & *Venetos*, atque amplius cum Cardinalis *Sedunensis* *Bergomum* venisset, & non esset omnibus solvendo, octo millia *Helvetiorum* per vallem *Brembanam* & *Tollinam* abierunt in patriam, & alii omnes male contenti numo singulo *Brixiam* ibant subsidium & pecunias expectare. Sed non impune ibatur, quia *Galli* & *Veneti* gravis & levis armaturæ ad duo millia equitum semper vestigia hostium sequebantur commeatum vetare, ordines disturbare, atque interciperere, qui palantes ibant, semper vexare, & nunquam manum conferere. Namque aliquin hostes nuper ad *Montem Clarum* parabant configere, & distributis ordinibus steterunt obviam venientibus, & tamen inter levites solummodo certamen fuit, quia *Galli* & *Veneti* paulisper recesserant, tantisper dum tormentis militiæ acriter ageretur. Itaque hostes semper paulatim recedebant agendo levius certaminibus, & hortando Cæsarem ut saltem vinci non pateretur, si non posset vincere & solvendo non esset. *Galli* vero & *Veneti* non desistebant ubique hostibus molestos esse, commeatum vetare, passim itinera interciderere, ut demum hostes compulsi sint magnis itineribus *Pischeriam* venire, & cogitare de abitione in *Germaniam* præ inopia commeatum. Et tandem *Germani* pedites cum equitibus & *Marco Antonio Columna* *Veronam* iterum ingressi sunt, & omnes *Helvetii* per montes proximos abierunt in *Germaniam*. Quod si ut par erat *Gallorum* & *Venetorum* omnis exercitus statim contra abeuntes hostes movisset, proculdubio non amplius de civitatibus ageretur. Sed *Galli* voluerunt nova mandata Regis expectare, & *Venetos* vicissim solvere stipendia sex millium suorum peditum, & deinde festinare, parare, facere cuncta utilia. Denique cum omnibus copiis sub auspiciis Domini *Lutrech* contra *Brixiam* ibatur, quia putabant e republica fore, potius quam *Veronam* illam urbem oppugnare, ubi non essent nisi quingenti *Hispani* pedites subsidio. Atque ideo *Veneti* qui antevenerant pugna manuarum media nocte ausi sunt urbem repente invadere, scalas ad-

A movere, murum ascendere. Contra hostes modo stare, modo obviam ire, & non nisi moriendo locum deferere, multi utrinque peribant, plures fauciabantur, denique quia scalæ essent breviores quam possent sufficere, & contra acriter ageretur, *Veneti* non potuerunt in urbem vadere. Postea vero Dominus *Lutrech* cum omnibus copiis contra *Brixiam* venit vicissimque ad saltus positæ custodiæ, & ordines distributi sunt, ut simul quatuor partibus acriter ageretur tormentis militiæ, ne pauci hostium qui intus erant ubique possent suppetere. Igitur hostes desperatione ducti ceperunt potius agere de concordia, & tandem conventum est urbem & castellum tradere, nisi postridie subsidium venisset. Namque aliquin *Germani* & *Hispani* hostes ad septem millia hominum nocte intempesta per viam *Amphi* id facere conabantur. Sed tantum affuit, ut illi vetiti sint, quia passim ad saltus omnes acriter stabatur. Quod cum urbis custodes vidissent, contenti fuerunt urbem & castellum statim dare, & abire impune cum divite suppellectili. Sicut & factum est, atque hostes omnes sexcenti pedites, & quadringenti equites cum quinquaginta quinque curribus onustis rerum omnium protinus abierunt per *Tridentum* in *Germaniam*, & Dominus *Lutrech* cum *Andrea Gritto* & valido præsidio cunctis applaudentibus urbem *Brixiam* ingressus est. Deinde studebatur pecunias exigere a *Brixienfibus* quindecim millia, & a *Bergomensibus* quadraginta quatuor millia. Namque *Galli* petebant triginta quinque millia, antequam contra *Veronam* in expeditionem exirent. Sed postea cum venissent literæ Regis in eam sententiam, ut primo quoque tempore in eam expeditionem iretur, Dominus *Lutrech* cum omnibus copiis contra *Veronam* ibat, & usque *Pischeriam* venit. Deinde amnem *Mintium* ponte jungere & trajicere, agros vastare, & prædas agere. Postremo parabant identidem amnem *Athesim* ad *Gussolengum* trajicere, & *Veronam* propediem obsidere, ubi ad novem millia hominum erant. Sed postea rumor cepit increbrescere Regem *Angliæ* in *Gallos* iterum movisse *Helvetios*, & cum dicerentur adventare, *Galli* volebant omnino discedere, & quamvis *Veneti* ægre ferrent, tandem ad *Pischeriam* recessum est, distributique ordines sunt citra & ultra *Mintium*, quasi ad stationes staretur, & pons erat ad villam *Monzambaniam* meandi & commeandi ut usui foret, simul ac semper cum hostibus ageretur messum asportare, commeatum vetare, levites ubique esse & invadere, usque ad urbem frequenter ire, & nusquam otium pati. Namque aliquin ferebatur *Helvetios* ad quinque millia hominum subsidio *Veronam* venire, & alios ad quindecim millia hominum velle in agrum *Mediolanensem* irrumpere. Atque amplius *Prosperus Columna* nuper manumissus e *Gallia* cum Cardinali *Bibiena* & *Mutio Columna Mutinam* venit, & videbatur in *Gallos* res novas moliri, factiosos movere, festinare, parare, facere omnia utilia, ut primo quoque tempore venientibus *Helvetiis* subsidio foret. *Laurentius* quoque *Medices* per idem tempus cum exercitu Pontificis Duce expulso *Urbium* & *Pisaurum* cepit, & *Joannes Franciscus* cum altero exercitu contra urbem *Mirandulam* ibat. Quod cum vidisset Dominus *Lutrech* veritus ne pejus etiam fieret, statim jubet *Petrum Navarium* cum ducentis militibus, & duobus millibus peditum in eam expeditionem exire. Et quidem parvo momento hostes ad *Mirandulam* fusi fugatique sunt, & ultra *Padum* pacata omnia. Namque parte alia apud *Veronam* *Germani* pecunias non habebant & solvendo non erant militibus, atque iccirco ex *Hel-*

vetiis subsidium non venit, & in urbe diffidere ceptum est, atque *Hispani* & *Germani* ad duo millia hominum desciverunt ad *Venetos*, & grante in castra excepti sunt, quia identidem conditionibus habituri *Veronam* videbantur, sicut *Brixia* potiti sunt, simul ac ad *Venetos* *Germani* pedites desciverant. Aliter parte alia subsidium venit e *Germania* ad duo millia hominum, & hostes frequenter ibant versus *Vincentiam* & *Pata-vium* agros vastare & prædas agere, quia contra non multis copiis stabatur, & *Veneti* impares erant quingenti milites, sexcenti levites, & quatuor millia peditum, nisi levioribus certaminibus ageretur. Namque alioquin hostes impune apud *Suavium* stabant, & in urbem *Veronam* portabant omnem messem & magnam copiam commeatuum. Postremo magnis itineribus venerunt usque *Vincentiam* diripere, atque inde *Veronam* impune cum magna præda regressi sunt. Et tamen *Dominus Lutrech* nolebat cum exercitu ad *Athesim* procedere, & vetare quæ fiebant prædationes & vastationes agrorum. Nanque causabatur non esse solvendo suos milites, & velle a *Venetis* tertia stipendia pro sex millibus *Germanorum* peditum atque amplius in promptu pecunias esse propter illos, qui *Veronam* exhibant & veniebant merere *Veneta* stipendia. Itaque per mensem apud *Pis-cheriam* stabatur, donec pecuniæ venerunt e *Gallia* & ex *Venetis*, & deinde parabatur iterum contra *Veronam* in expeditionem exire, atque eo maxime in spem urbis potiundæ ducti sunt, quia *Veronæ* tumultuatum erat, & populares gravati novis contributionibus, & milites opum vacui ad deditionem spectabant, multique pedites continue discedebant & veniebant in castra *Veneta*, ut opes non sufficerent ad tot & tanta, quæ exigebantur antequam castra uspiam moverentur. Nanque *Dominus Lutrech* volebat omnia utilia in promptu habere antequam in expeditionem iretur. Igitur tandem pecuniæ delatæ sunt, atque instrumenta & tormenta militiæ, quæ possent operi sufficere, & deinde cum omnibus copiis ad villam *Gussolengum* ibatur. Et quidem *Galli* steterunt citra *Athesim*, & *Veneti* trajece-runt ultra *Athesim*, & *Sclusa* castello deditione potiti sunt, ut tutius in valle *Polisella* staretur commeatum vetare, & semper hostem vexare atque identidem omnia agrestium prædati sunt. Et nuper amplius *Mercurius Bua* cum equitatu levitum usque *Veronam* venit, & cum offendisset aciem peditum quæ foris erat, de illis magnam cædem edidit, & pauci integri potuerunt in urbem evadere. Sed postea cum omnis exercitus contra *Veronam* iret citra & ultra *Athesim*, quia *Germani* pedites non festinabant contra *Cæsarem*, tantus repente timor incescit, ut nocte sequenti sub ordinibus militiæ cum magna trepidatione staretur. Et deinde putarunt magis e republica fore præsidium in valle *Polisella* relinquere sexcentos levites, & ducentos milites, simulque junctis copiis citra *Athesim* contra *Veronam* ire ad portam *Sutoriam* & tormentis militiæ acriter agere. Sed dum ea res agitur ignis repente inter eundem e pulveris ignifero profiliit & octingenta vasa pulveris combustis simul cum bubulcis curribus munimentis instrumentisque militiæ. Et quidem ea res suspitione non caruit quod ignis dolo malo ad tempus fuisset suppositus. Sed revera per planiciem *Veronæ* Bubulci nimium festinabant, & quisque volebat præcedere, unde ex collisione rotarum invicem incendium venit. Interea vero apud *Nojonum* urbem idibus Augusti sancita est pax perpetua inter Regem *Gallorum* & novum Regem *Hispaniæ* amici amicorum & inimici inimicorum, præsertimque *Cæsaris* & Re-

gis *Angliæ*, nisi coeant in amicitiam. Atque amplius Rex *Gallorum* Regi *Hispaniæ* promisit filiam *Aloysiam* cum regno *Neapolis*, & vicissim Rex *Hispaniæ* promisit dare Regi *Gallorum* quotannis centum millia numum antequam uxorem duceret, & cum duxisset quinquaginta millia, quousque filius hæres nasceretur. Et amplius olim Reginæ *Catherinæ* regnum *Vasconiæ* reddere, & se componere cum Duce *Geldriæ*, qui cum bellum asperum in *Frisia* gerebatur. De *Verona* quoque & *Venetis* actum est, ut si *Galli* & *Veneti* per duos menses eam urbem non caperent, Rex *Romanorum* ultro daret, & acciperet a Rege *Gallorum* centum millia numum, & a *Venetis* alia centum millia. Igitur *Veneti* volebant urbem antecapere, atque ideo primo quoque tempore festinare, parare, facere omnia quæ in rem sunt, magnam copiam pulveris igniferi passim colligere, munimenta quoque alia & instrumenta militiæ. Denique reparatis omnibus ex sententia citra & ultra *Athesim* contra *Veronam* iterum ibatur tormentis militiæ acriter agere ad portam *Sutorum* & ad portam *Episcopi*, ut dividerentur qui intus erant ad quinque millia hominum. Sed postea nimium differebant locare tormenta militiæ, & in singulis difficultas erat. Namque cum de locandis tormentis ageretur, videbantur pedites non sufficere, & oportere ad quatuor millia peditum supplementum mittere. Et tandem *Patres* contenti fuerunt impensæ non parcere, quamvis illud etiam dolo malo fieri videretur. Contra hostes oppidani pariter & omnes milites in officio esse, urbem munire, festinare, parare, facere omnia utilia, ut omnino nihil vereri viderentur. Et quia multum intererat pulverem *Venetorum* iterum comburere, ad eam rem unus & alter *Romanorum* hostium clanculum in castra venit id facere. Sed tantum abfuit, ut illi deprehenso vivi igne absumpti sint. Posteaquam vero venerunt in castra *Veneta* duo millia peditum ex *Vincentia*, & cum *Federico Bozulensi* alia totidem atque amplius vastatores munimenta instrumentaque militiæ, *Veneti* ultra *Athesim* ad portam *Episcopi*, & *Galli* citra *Athesim* ad portam *Sutorum* castrametati sunt, & deinceps ceptum est acriter agere tormentis militiæ. Sed inter agendum quia *Galli* ignem temere portabant, ille irrepsit in focculis pulveris, & super parata simul omnia tormenta militiæ. Unde cum maximo fragore multi vastatores qui circumfederant combusti sunt, aut contriti manibus aut pedibus, & *Dominus Lutrech* cum aliis *Gallis* *Dominis* vix semiuisti potuerunt evadere. Non tamen propterea passi sunt hostes impune præ se ferre lætitiā, quia deinde multo etiam frequentius agebatur, & passim mœnia prosternebantur. Namque & ad portam *Episcopi* & ad portam *Sutoriam* muri passim procubuerant, & aperti aditus erant, & tamen contra hostes acriter stabant, & munibant urbem lata fossa, & altis aggeribus, dum semper sperant subsidium ex *Germania* venire. Atque amplius contra *Gallos* & *Venetos* quantum poterant agebant missilibus telis & tormentis militiæ, & sæpe levia certamina fiebant. Non tamen hostes multum poterant nocere, quia *Galli* & *Veneti* sub cratibus & munimentis ministrabant, & agebant tormentis militiæ. Atque amplius nuper *Germani* pedites repente venerunt ad portam *Sutorum*, & per ruinas muri tentabant in urbem vadere. Sed tantum abfuit, ut multi artificiosis ignibus contriti sint, & statim a reliquis in castra recessum est. Postea stabatur & consultabatur urbem oppugnare, & quia ex parte *Gallorum* nondum muri satis prociderant, visum est e republica fore, ea par-

te in procinctu stare, & parte *Venetorum* cum quinque etiam millibus *Gallorum* peditum summo mane civitatem invadere. Sed antequam fieret, nuncius Regis *Hispaniæ* & *Germaniæ* in castra venit, & Dominum *Lutrech* allocutus est, atque amplius rumor cepit increbrescere hostibus subsidium venire. Et quamvis diceretur non esse nisi ad quinque millia hominum, tantus tamen timor *Gallos* Dominos incescit, aut potius propter Regum concordiam decompacto fiebat, ut signa sublata sint, atque inde repente ad *Villamfrancam* recessum est. Et quidem res ipsa suspicione non caruit, quia proculdubio cum posset alioquin urbem capere, vanum timorem dissimularunt. Igitur Dominus *Lutrech* cum exercitu & *Theodorus Triultius* cum *Andrea Gritto* & parte *Veneti* exercitus ad *Villamfrancam* castrametati sunt. Namque *Joannes Paulus Gradenicus* alter legatus cum *Joanne Paulo Manfrono* trecentis militibus sexcentis levitibus & duobus millibus peditum ad *Alboretum* citra *Athesim* stabat cum ponte parato, ut semper ultro citroque commeandi facultas esset. Dominus enim *Lutrech* noluit propius urbem ire, sed aiebat sufficere ibi stare, commeatum vetare, & semper intercipere qui pabulatum palantes ibant, atque adhuc nolebat *Venetos* impensæ parcere, & alioquin minabatur statim *Mediolanum* abire. Postremo tamen in mentem venit contra urbem periculum facere, & statim jubet alam levitum & aciem peditum nocte intempesta usque in urbem *Veronam* per muri ruinas ire, & clamare cum tubis & tympanis, si eo modo forte possent civitatem repente capere. Sed periclitari parum profuit & *Galli* spe sua frustrati sunt, cum nequivissent ut sperabant hostes incautos offendere. Deinde *Venetorum* maxime sita spes erat super inopia militum *Veronæ*, quia *Germani* solvendo non erant, & milites parabant sibi ipsis propediem consulere. Non tamen propterea desisteatur bello, namque alioquin frequenter levia certamina fiebant, & hostes potiti sunt castello *Sclusa* & *Crovaria*. Sed super *Crovaria* frequenter certamen erat, quia supra montem ibatur & saxis etiam custodes cogebantur recedere. Itaque nunc hostium, nunc *Venetorum* fiebat, dum quisque vellet eum saltum habere, ex quo facile in *Veronam* cum commeatibus ibatur. Nanque *Crovaria* castellum est ad montem prope *Athesim* supra *Veronam* versus *Tridentum*, ubi & pedites tormentarii ad ripas fluminis stabant, & vetabant rates cum commeatu in *Veronam* per amnem ire. Atque amplius *Mercurius Bua* cum equitatu levitum prope erat in ipsa valle *Caurinea*, & cum hostes e *Verona* venissent, & diripuissent animalia, ille hostem secutus fudit & prædam omnem recepit. *Babonus* quoque *Naldius* cum peditibus, & *Theodorus Manase* cum pileatis equitibus repente ausi sunt amnem trajicere & invadere quadringentos pedites hostium, qui stabant e regione *Crovarie*. Et quidem primo atrox certamen fuit, donec paribus animis & viribus ageretur. Sed tandem cum ducenti hostium perissent, reliqui per montes fusi fugatique sunt, & *Crovaria* vi capta est. Aliter postea hostes aucti viribus venerunt & receperunt *Crovariam*, quia putabant posse ita facile rates onustas commeatum in *Veronam* conveyere. Sed tantum affuit ut *Mercurius Bua* cum equitatu levitum repente amnem vadatus ex altera ripa sexcentos pedites hostium fuderit, rates disjecerit, & dissipaverit ingentem copiam commeatum. Atque parte alia *Babonus Naldius* cum peditatu *Crovariam* iterum cepit, quo postea oportuit magna præsidia equitum & peditum mittere, quia ferebatur magnam

A copiam commeatum cum majoribus præfidiis ex *Tridento Veronam* venire. Et quidem octo vexilla hostium cum commeatu terrestre iter tenebant, quia tutius per montes ibatur. *Veneti* tamen levites, amnem vadati illos ad *Perim* locum aggressi sunt, ordines disturbarunt, & ceperunt quadraginta equos onustos commeatum, atque iterum identidem fecerunt ad *Valliseram* & multi hostium cæsi sunt, atque alii vix potuerunt per montes cum parte commeatum in *Veronam* evadere. Sed magis etiam ex montibus *Vincentiæ* commeatus in urbem clanculum portabantur. Adeo semper ubi magna lucris spes est, nulla edicta aut custodiæ possunt adversum sufficere. B Et quod peius erat rumor cepit increbrescere militibus *Veronæ* ex *Tridento* duplum stipendium venire. Namque ex eo dabatur intelligi nihil fore de pace *Gallorum* & *Venetorum* cum Cæsare, de qua jamdudum agebatur, atque eo maxime quia Cardinalis *Sedunensis* nuper in *Angliam* venit omnia disturbare, & seducere *Helvetios* simulque Regem *Hispaniæ* & *Germaniæ* cum Rege *Angliæ* & Pontifice. Et quidem Calendis Novembris in *Anglia* juratum fœdus est, & *Sedunensis* cumulatius muneribus *Romam* & in *Burgundiam* ibat. C Sed postquam ad Regem *Hispaniæ* relatum est, ipse renuit quæ suus orator pepigerat, & amplius pollicitus est reddere quadraginta millia numum, quæ Rex *Angliæ* Regi *Romanorum* tradiderat, ut sancitis fœderibus staretur. Aliter tamen Dominus *Lutrech* dubitabat, & volebat tempestive *Mediolanum* recedere, deinde causabatur non posse amplius contra *Veronam* stare præ inopia militum, nisi cum parte *Gallorum* in agro *Brixienti* staretur, & haberentur quæcunque victui necessaria sunt, atque id mali *Venetis* paulopost accessum est, quod cum ageretur de conclusionem pacis *Venetorum* cum Rege *Romanorum Germani* oratores qui prius assentiri videbantur, palam aiebant Regem *Romanorum* nolle pacem cum *Venetis*, sed velle dare *Veronam* Regi *Gallorum*, dummodo fœdus *Cameracense* servaretur. D Quod cum videret Rex *Gallorum* tam cito contra spem & rationem evenisse, statim jubet suos oratores Dominum *Dorvalensem Rochafortensem* & præsidem *Oliverium* nullum verbum amplius facere, atque ex *Bursellis* in patriam redire, quandoquidem aliter ageretur cum *Helvetiis*, quorum Anguli tresdecim contenti erant pro *Gallis* stare, si darentur quingenta millia numum, & pro *Luganio* & *Locarnio* triginta millia. E *Veneti* vero consternati animi tandem passi sunt omnia facere, quæ Dominus *Lutrech* ante petierat & contenti fuerunt *Brixienfes* administrare *Gallis* militibus omnem copiam commeatum, vinum, panem, carnes, pisces, fœnum, paleam, & cuncta esculenta & poculenta ad summam mille numum quotidie. Namque omnino volebant *Gallos* contra *Veronam* stare, simul ac apud *Venetos* pacis cum Rege *Romanorum* nulla amplius spes esset, quamvis alioquin Rex *Gallorum* semper juberet eos bene sperare, quia Rex *Hispaniæ* pacem de more jurasset, & suscepisset suum ordinem *Michaelis*, atque amplius Dominus *Chieurensis* vir primarius *Burgundiæ* in munus accepisset vasa argentea ad decem millia numum, & Magnus Scriba identidem ad quinque millia numum. F Neque spes concepta Regem *Gallorum* fefellit, namque Idibus Novembris cum *Galli* oratores pararent ex *Bursellis* discedere, oratores *Germani* maluerunt propositas condiciones accipere, ut pax Regis *Romanorum* cum Rege *Gallorum* intercederet, & cum *Venetis* induciæ duo de viginti mensium, *Verona* tradenda *Venetis* cum *Veronensi* territorio Regi *Gallorum*

lorum post sex hebdomadas daretur, Rex Gallorum vicissim daret Regi Romanorum ducenta millia numum, & relinqueret, quæ debebantur trecenta viginti quinque millia, atque identidem cederet Regi Romanorum *Ripam* oppidum & *Roveretum* cum iis, quæ tenet in *Forojulii*, & *Venetis* haberent quæ tenent Regis Romanorum municipia, donec Rex Gallorum & Rex Hispaniæ iudices arbitri super omnibus difficultatibus judicarent, quando etiam Reges Romanorum, Gallorum & Hispaniæ volebant convenire, & invicem loqui in oppido *Cameraco* ad *Candelorium*. Neque tamen oratores Germani alioquin adstipulati sunt, quia petierunt tempus dierum duodecim, donec Rex Romanorum sanciret quæ ipsi fecerant, sicut promittebant fore, & vicissim Galli oratores pro Rege suo polliciti sunt, ut reges de more jurarent, & sancirent omnia, quæ alioquin valida esse non poterant. Sed dum differtur *Helvetii*, quia vident Regem Romanorum propter Regem Hispaniæ potius quam ad *Anglos* ad *Gallos* & *Venetos* declinare, atque velle pacem & inducias, ipsi festinarunt melioribus conditionibus antecapere. Nanque & quinque anguli qui prius duriusculi fuerant consenserunt, atque omnes simul pacem fecerunt cum Rege Gallorum, & primo quoque tempore acceperunt delatas pecunias ad quingenta millia numum. Atque amplius postea Regi Hispaniæ a Cæsare redditæ sunt litteræ, quibus continebatur se pacem & inducias velle, & quod Rex Hispaniæ adstipularetur suo nomine. Igitur pridie nonas Decembris per Regem Hispaniæ sancita pax est & induciæ, conditionesque munitæ sunt sigillis Regis Gallorum & Regis Hispaniæ, atque Galli oratores recesserunt cumulati muneribus, & optato officio functi sunt. Quæ cum primum Gallis & Venetis nunciarentur eam diem foelicissimam putarunt, & optimarum rerum principium fore. Et idcirco supplicationes indictæ sunt, atque induciæ cum Venetis, & cum Rege Gallorum proclamata pax est, cum tubis & omnibus signis lætitiæ. Deinde quia utrique egebant pecuniis, Galli exegerunt ex *Mediolano* ducenta millia numum, & Veneti mutuo acceperunt ex suis urbibus sexaginta millia. Namque & ipsi ut primum *Verona* daretur, tenebantur dare quinquaginta millia, & post sex menses alia quinquaginta millia, atque amplius quatuordecim millia pro iis, qui pacis & induciarum intermediū fuerant, atque etiam Domino *Lutrech* pro sex millibus peditum triginta sex millia debebantur. Posteaquam vero hostes, etiam qui *Veronæ* erant, ex literis Cæsaris certiores facti sunt de pace & de induciis, ceperunt agere de suspensione armorum cum Gallis & Venetis, atque ultro citroque tubicines mittebantur. Et quia Dominus *Lutrech* differebat, donec in eam sententiam litteræ e *Gallia* redderentur. Postea per literas agebatur, & denique sub fide publica Gallorum & Venetorum *Bernardus* Episcopus *Tridentinus* *Veronam* venit eam urbem nomine Regis Hispaniæ accipere & dare Regi Gallorum ut *Venetis* traderetur. Namque dum Dominus *Curtavillensis* nimium differt, cui demandatum negotium erat, Rex Romanorum ad eam rem Episcopum *Tridentinum* instituit, ut citius expediretur & haberentur optatæ pecuniæ. Deinde Episcopus *Tridentinus* cum *Castelalto Helvetio*, *Germano* milite, & *Tridentino* doctore ad *Dossobonum* villam venit loqui & convenire Dominum *Lutrech* cum *Theodoro Triultio* & *Andrea Gritto*. Sed quia difficultas erat super tempore sex hebdomadum tradendæ *Veronæ*, an inciperent a tertio Nonas Decembris, qua die apud *Bursellem* pax & induciæ factæ sunt, an quarto idus Janua-

rii, quando Episcopus *Tridentinus* eam accepit nomine Regis Hispaniæ, rebus incompositis recessum est. Aliter cum *Veronam* redissent, milites importune pecunias volebant, & minabantur alioquin omnia prædæ propediem fore. Atque iccirco vix *Tridentinus* Episcopus cum sociis ex tumultu in arcem potuit evadere, & deinde quærebatur quomodo cito urbem traderent, & pecunias acciperent, ut possent seditionem suppressimere. Itaque Episcopus *Tridentinus* iterum convenit Dominum *Lutrech* & diu locutus est solus cum solo, atque maxime suadere conabatur, ne Galli *Venetis* *Veronam* darent. Sed cum Dominus *Lutrech* omnino renueret id facere, postridie ad *Dossobonum* villam iterum venit, & denique convenit die Jovis urbem tradere, & interim datis obsidibus habere quindecim millia numum, quia alioquin peditibus *Veronæ* non posset satisfacere atque illos dimittere, & tamen postea Domini Germani cum pransum venissent cum Domino *Lutrech* nullum verbum fecerunt de pecuniis, & potius de captivis locuti sunt, de quibus actum erat apud *Bursellem* post pacem & inducias. Et benigne responsum est colloquium fore inter reges apud oppidum *Cameracum*, ubi de captivis & aliis omnibus ageretur. Postea *Nicolaus Caballus* & *Leonardus Lischia* ex *Verona* oratores venerunt ad Dominum *Lutrech* & *Andream Gritum* gratulari, atque totius urbis conceptam lætitiā ostendere, & deinde postridie Dominus *Lutrech* armatus cum quadringentis militibus, & duobus millibus peditum simul cum *Theodoro Triultio*, *Andrea Gritto* & *Joanne Paulo Gradonico* cum magna pompa & omnibus signis lætitiæ urbem *Veronam* ingressus est per portam novam, qua in *Hispaniam* itur & cum ad palatium ventum esset Episcopus *Tridentinus* urbem dedit Domino *Lutrech* nomine Regis Gallorum, quam ipse juxta conditiones pacis pauloante acceperat nomine Regis Hispaniæ, atque postridie Episcopus *Tridentinus* accepit ex *Venetis* triginta millia numum & *Tridentum* abiit cum impedimentis & militibus, atque *Aluisio Gritto* obside pro tormentis militiæ, quæ postea *Tridentum* delata sunt. Post biduum vero Dominus *Lutrech* omnes pecunias accepit quæ debebantur, & deinde *Veronæ* cum magna pompa induciæ proclamatæ sunt, & quemadmodum omnibus ignoscebatur, qui res novas antea moliti fuerant, atque identidem *Veronæ* *Venetis*, & in omnibus civitatibus per triduum omnia signa lætitiæ fiebant cum lampadibus & nocturnis ignibus, atque amplius quotannis *Veronæ* septimo decimo calendis Februarii in memoriam ejus quod factum est, de more supplicationes indictæ sunt, quæ omnia cum per preconem dicerentur in æde majori excepta sunt cum maxima lætitiā plausu & clamore, atque aliqui statim detulerunt auratos leones cum Chirographis, VERITAS ET TERRA ORTA EST, ET JUSTITIA DE COELO PROSPEXIT. Tantus autem fuit concursus populi, ut Duces & legati vix e templo egredi possent & domum ire, atque identidem per triduum tota civitas lætata est cum campanis, tubis & omnibus signis lætitiæ, ut & Galli stuperent tantos affectus popularium erga rempublicam. Denique Dominus *Lutrech* dedit claves urbis legatis *Venetis*, quibus cum oratores *Veronensium* gratulati & polliciti sunt fidem inviolatam servare. Deinde abeuntibus Gallis intrarunt urbem equites & pedites *Veneti*, & per civitatem custodiæ passimque præsidia & ordines distributi sunt. Namque alioquin pedites & levites missos fecerunt præter quingentos levites & duo millia peditum, & milites ad stationes missi sunt, ac si pax esset, quia vigeabant induciæ & difficultates aliæ inter *Venetos* & Regem Romanorum.

norum in manu Regis Gallorum & Regis Hispaniae sitae sunt, quibus vicissim legitima facultas collata est, res omnes componere, ut semper eorum iudicio staretur. Hic finis belli quod suscepimus scribere. In quo expensa feruntur ad quinque millia millium numum. Et quidem tantae pecuniae variis modis quaerebantur, quos annumerare nimium longum esset. Sed illud nequaquam oportet silentio involvere quod mirum fuit & nunquam auditum in alia republica. Namque cum maxime opibus egeremus, forte ceptum est mutuare in comitiis & certare studio iuvandae reipublicae. Itaque illi in magistratibus legebantur, qui pecunias darent, atque ea via per octo menses quingenta millia numum relata in aerarium feruntur, & suffecit angustiae temporis, quia interea inducere factae sunt, & e senatu consulto cautum est non licere amplius identidem facere, sicut alioquin non decebat pecunia honores emere, qui solis virtutibus debentur. Dominus autem *Lutrech* laudatus & donatus simul cum aliquibus ducibus cum toto exercitu militum, quia pedites omnes missos fecerat, versus *Mediolanum* discessit, & *Andreas Gritus* eum comita-

A tus est usque urbem *Laudam*, ubi Dominus *Lutrech Michaelis* suscepit sacrum ordinem ex *Joanne Jacobo Triultio*, qui illuc obviam venerat, & cum *Andrea Gritto* usus est bonis verbis atque amplexibus, sicut in discessu fieri solet. Et pariter ambo polliciti sunt pro mutua pace & amicitia semper agere, ut sua vicissim opera inter Regem Gallorum & Venetorum senatum diu indissolubile foedus initum servaretur quod utrique perpetuo faustum felixque sit. Atque in haec verba Dominus *Lutrech Mediolanum* abiit, & *Andreas Gritus* revisit *Cremam*, *Bergomum*, *Brixiam*, *Patavium* & *Taurisum*, atque cum magno applausu omnium plenus laudum *Venetis* venit, & post eum Gubernator *Triultius*, ubi exceptus est cum magna pompa & cum omnibus signis laetitiae in navi Bucentoria. Atque ista qualiacunque sunt, quae volui dicere incipiens ab anno millesimo quingentesimo quinto decimo Calendis Martii, usque in hunc annum millesimum quingentesimum decimum septimum Idibus Augusti. Alii posthac alia viderint, qui possunt melius & luculentius.

F I N I S.

INDEX

NOMINUM, RERUM

A C

SENTENTIARUM.

A. **A**bbatia oppidum. 43.B.70.A
 Abdua flumen. 9.E
 Achilles Crassus orator Pontificis. 44.A
 Adignanum oppidum. 59.C.77.D
 Adorni rebus Pontificis student. 56.F
 Agisymba promontorium. 96.F
 Albaniae Dux sobrinus Regis Scotiae mortui regni habenas suscipit. 116.E
 Albonia oppidum à Christophoro Frangipane capi non potuit. 59.E
 Alcibiades hortatur Periclem querere quemadmodum rationem non redderet. 87.D
 Alexander Bigolinus Germanos praedantes in valle Fidata introcludit. 40.A
 ——— hostibus obviam it. 40.C
 ——— erat hostium captivus nomine Prosperi Columnae, in castra Veneta venit. 113.F
 ——— Venetis cum hoste configere periculum esse nunciat. 113.F
 ——— Graecus vexillum Marci primus in arcem tulit. 41.A
 ——— Pontifex foedus cum Rege Hispaniae, Mediolanensibus, & Venetis init. 3.C
 ——— Pontifex timet Carolum Regem Gallorum. 3.C
 Aloysius Avogarius suavit Brixienfibus ut ad Venetos desciscerent. 84.D
 ——— in obsidione Brixiae feliciter rem gessit. 85.A
 ——— dilaniatus occubuit. 86.F

—— Dardanus cum ingenti manu agrestium Patavium pergit. 23.A
 —— Delphinus Vipolzanum Castellum deditione cepit. 58.F
 —— Lauredanus filius Principis Veneti Leonardi. 31.E
 —— Malipetro orator Venetus apud Julium Pontificem. 44.B
 —— Mocenicus Legatus Tarvisi. 40.B
 —— proficiscitur civitatem Bellumni, Feltrum & arcem Scalanam recipere. 40.B
 —— orator Venetus agit cum Caesareanis oratoribus de pace. 44.A
 —— ex Taurisio contra Axilium oppidum exercitum movet. 58.B
 —— civitatem Bellumni oppugnat. 60.B
 —— non honorifico in patriam repedit. 60.D
 —— legatus provinciae. 80.E
 —— fortiter obsidionem Gradiscæ patitur. 80.E
 —— Muscatellus portum Tergesti petit. 77.C
 —— Portensis apud Cremonium recuperat ingentem praedam. 58.F
 —— Praefectus Venetus oppidi Casalemajoris à Francisco Gonzaga capitur. 11.B
 —— Raimundus orator ad Turcas mittitur. 37.C
 —— Veneti ducis filius Patavium in subsidium venit. 115.A
 Alphonsus Dux Ferrariae sub fide Pontificis Romanam venit. 94.B
 Al.

INDEX NOMINUM , RERUM AC SENTENTIARUM.

Alphonfus pollicetur Pontificis iussa facere.	94. B	Angli & Galli fœdus inter se ineunt.	69. A
— rebus incompositis aufugit.	94. B	— cum valida classe maritimum bellum gerunt.	96. D
Altinum olim urbs maritima.	111. D	— applicuerunt in Aquitaniam.	96. D
— per decem millia passuum à mari distat.	111. E	— minantur Gallis in Aquitaniam bellum inferre.	110. C
Aluifius Grittus pro obside Tridentum abit.	150. D	— in Galliam trajiciunt.	115. C
Amicitia mutua patet ex eo, quando eisdem similiter afficimur.	138. E	— Scotos prælio vincunt.	116. D
Amicus in rebus prosperis fidissimus, in adversis alienus reperitur.	16. C	— & Germani sunt discordes ob urbem Nervim.	116. D
— certus in re incerta cernitur.	20. C	— — urbem Tornaim obtinent.	ibid. E
Amphum Castellum.	140. C	Auxilia humana nulla profunt adversus fœdum ferriem.	114. A
Anatius Princeps apud Suavium egrotabat.	62. D	Angliæ & Scotiæ Reges fœdus pepigerunt.	83. F
Andreas Baduarius legatus mittitur ad Regem Angliæ.	9. B	— Rex ad Gienam in Normandiam irrupere moliebatur.	88. C
— Basilius Prætor Brixigelle.	11. E	— Rex ægre ferebat Regem Hispaniæ se invito inducias facere.	129. A
— Ciuranus Pisnium oppidum capere intendit.	59. A	Anglus Eboracensis orator noluit fœderibus subscribere.	96. B
— — Dux belli fœderatorum humi prosternitur.	59. C	Animus dum est in dubio hic & illuc facile impellitur.	120. F
— — vix è manibus hostium dilabatur.	59. D	Anna filia Regis Hungariæ.	45. A
— — per Postoynam oppidum in hostile solum penetrat.	77. E	Antenor è Troja profugus Patavium condidit.	32. F
— — Præfectus levitum in obsidione Muglensi bene se gessit.	78. C	Antoniotus Adornus in ducis expulsi locum sufficitur.	105. F
— — duellum init cum Christophoro Frangipane.	78. D	Antonius Bonus præfuit urbi Pischeriæ tempore oppugnationis.	18. D
— — Christophorum percussit in facie.	78. D	— — præfectus urbis Pischeriæ in hostium potestatem venit.	18. D
— — aciem hostilem fugit.	78. D	— Castellius Ateste oppidum nocte media ingreditur.	126. A
— — Cremam oppugnat.	93. C	— Grimanus orator Venetus Mediolanum ad Regem Gallorum missus.	138. D
— Contarenius præfectus classis Padaniæ hostibus obviam it.	90. B	— Justinianus in Galliam captivus abducitur.	86. F
— Grittus legatus Venetus in castris.	10. A	— Latronius Pontem vicum obsidere perrexit.	109. B
— — Brixia orationem habuit.	17. B	— Martinengus Dux peditum.	141. E
— — habet orationem ad exercitum Venetum.	20. B	— Pius cum filio Constantis in pugna cadit.	114. C
— — venit prope oppidum Axilium.	22. D	— Santipetra Dux belli Venetorum.	27. C
— — vetat prædationes & vastationes agrorum.	22. D	— Savorgnanus Castrum Novum Forijulii capit.	41. B
— — operam navat Patavium recipere.	22. F	— — adventu suo confidentiam hostibus dempsit.	60. A
— — cum delectis equitibus Novalem oppidum petit.	23. A	— — dux manus collectitiæ.	80. C
— — Suavium oppidum cum equitatu proficiscitur.	42. B	— — ad hostes descendit.	80. E
— — Vicentiam venit.	51. B	Apulia provincia Joanni Mauro cessit.	9. F
— — apud Abbatiam oppidum morabatur.	70. A	Aqua pauca multum ignem sopit.	87. E
— — in Brixiam frustra expeditionem suscipit.	84. C	Aquileja olim urbs maritima.	111. D
— — in Galliam captivus abducitur.	86. F	— jam à mari novem millibus passuum abest.	111. E
— — de pace cum Venetis clanculum questus est.	88. D	Aquilejenses Gradum condidere.	7. C
— — cum peditibus Taurisium obviam hostibus exit.	112. D	Arbiter fœderum est Deus.	10. C
— — Orator Venetus Mediolanum ad Regem Gallorum mittitur.	138. D	Archenfes Domini varia oppida deditione capere conantur.	18. E
— — legatus Dominico Contareno sufficitur.	140. C	Argenta civitas sita est ad ostium Primarium Padi.	65. A
— — comitabatur Dominum Lutrech usque Laudam.	152. A	Ariminum urbs ditionis Pontificiæ à Venetis capitur.	7. A
— — cum magno applausu omnium plenus laudum à Venetis excipitur.	152. A	Ariminum urbs à Venetis Julio Pontifici datur.	19. A
— — Lauretanus legatus vulneribus confoditur.	114. C	Arpanus fluvius.	62. B
— — Ripanus urbi Pischeriæ tempore oppugnationis præfuit.	18. D	Artemidorus geometra.	97. D
— — venit in potestatem hostium.	18. D	Arx Castrum Novum supra præruptum montem erectum.	41. B
Angelus Trivisanus classi Venetæ præficitur.	16. B	— in potestatem Venetorum deditione venit.	41. B
— — cum classe in Istriam venit.	28. E	— Guilielmia.	42. D
— — contra civitatem Fluminis acriter agit.	ibid.	— Primolanum à Venetis occupatur.	41. A
— — urbem vi capit, & solo æquat.	ibid.	— Scalana.	40. C
— — præfectus classis solum Ferrariæ prædatum it.	41. C	— Venetia.	42. D
		— Vielmium.	50. A
		Astorum castellum.	140. C
			Asu-

INDEX NOMINUM,

- Afula* descivit ad *Venetos*. 137. A
 — *castellum*. 141. D
 — *oppidum* ab *hostibus* capi non potuit. 11. B
Ateste *oppidum* ab *hostibus* capitur & diripitur. 33. D
 — *oppidum* est locus opulentus. 125. C
 — *prope* habet *peninsulam Rhodigii frumentariam*. 125. C
Athesis *amnis*. 19. B
Audacia ex *celeri* timore oritur. 58. E
 — *maturata* semper *felix* accidere solet. 117. E
Austriæ *Civitas* est sita loco clivoso ad *Natisonem* *fluvium*. 27. C
Axilium *oppidum* à *Venetis* capitur. 58. B
 — *oppidum* situm est juxta *Musonem* *fluvium*. 58. B
- B.
- B**abonus *Naldius* *Crovariam* iterum cepit. 147. F
Bacchilio *flumen*. 108. F
Baldas *Scipionius* *Gubernator* *copiarum*. 80. C
 — cum *mercenario* *milite* *custos* *Gradiscæ* erat. 80. E
 — — *contra* *Brixiam* *res* *feliciter* *gessit*. 84. F
 — — *ad* *urbem* *Papiam* sæpius *repellitur*. 92. B
 — — *denique* *urbem* *capit*. ibid.
 — — *hostes* *in* *fugam* *convertit*. ibid.
 — — *cum* *exercitu* *contra* *Maranium* *profiscitur*. 118. E
 — — *primus* *urbem* *Rhodigium* *ingreditur*. 126. E
Bartholomeus *Livianus* *fuit* *vir* *lingua* & *manu* *promptus*. 10. A
 — — *fulsit* *gubernatoria* *potestate* *militari*. 10. A
 — — *cum* *exercitu* *ad* *Pontem* *molarum* *venit*. 11. C
 — *Mustius* *in* *arcem* *Capellam* *juxta* *Bergomum* *se* *recipit*. 109. E
 — *Contarenus* *Præfectus* *Cremae*. 117. A
Batalea *villa*. 55. E
in *Bello* *Cameracensi* *quinque* *millia* *millium* *numum* *sunt* *expensa*. 151. A
Bellum *nemo* *sine* *causa* *gerit*. 4. C
 — *contra* *Venetos* *paratur* *ab* *Hispanis* & *Duce* *Ferrariæ*. 9. F
 — *gerere* *in* *alieno* *solo*, & *hostem* *antevenire*, *est* *magni* *momenti*. 10. E
 — *immane* *facit* *homines* *crudescere*. 54. C
 — *novum* *in* *Gallia* *oritur*. 96. D
 — *ingens* *in* *Anglia* & *Gallia* *terra* *marique* *geritur*. 115. B
Bellumnum à *Germanis* *capitur*. 19. D
 — *civitas* *se* *se* *Venetis* *dedit*. 27. B
 — *deditione* *Veneti* *recipiunt*. 40. C
Benacus *lacus*. 9. E
Benivolus *usque* *Bononiam* *cum* *levitibus* *accurrunt*. 66. E
 — *Bononia* *potiti* *sunt*. 74. A
Benedictus *Cribrarius* *custos* *urbis* *Cremae*. 94. F
 — — *muneribus* *ad* *deditionem* à *Venetis* *incitatur*. 94. F
 — — *muneribus* *cumulatur*, & *civitate* *donatur*. 95. A
Bergomum *urbs* *in* *monte* *sita*, & *bene* *munita* *ad* *Gallos* *deficit*. 18. C
 — *urbs* *in* *fidem* *Venorum* *recipitur*. 85. B
 — *urbem* *incustoditam* *Germani* *capiant*. 109. A
 — à *Venetis* *receptum* *ab* *Hispanis* *iterum* *capitur*. 109. E
Bernardinus *Antignola* *virtute* *emicuit*. 119. E
 — *Antignolius* *Dux* *Venorum* *apud* *Civitatulam* *perstitit*. 124. E
 — *Fortebracius* *in* *castra* *ultra* *Athesim* *stabat*. 85. E
- Bernardinus* *Parmensis* *caput* *itineris*, & *consilii* *cum* *peditatu* *veteranorum* *Miranum* *rus* *pergit*. 23. A
 — *Tajapetra* *Præfectus* *Venetis* *apud* *Caravagium* *contra* *hostes* *acriter* *stat*. 11. A
 — — *adversus* *oppidanos* *subsidiu* *recipit*. ibid.
 — — *hostes* *prope* *oppidum* *venientes* *repellit*. 11. B
Bernardus *Episcopus* *Tridentinus* *Veronam* *venit*. 149. E
 — *ad* *Dossobonum* *villam* *in* *colloquium* *venit* *cum* *Domino* *Lutrech* & *Andrea* *Gritto*. 149. F
 — *volebat* *suadere* *Domino* *Lutrech*, *ne* *Venetis* *Veronam* *daret*. 150. A
 — *Lauredanus* *filius* *Principis* *Veneti* *Leonardi*. 31. E
 — *Veneti* *Ducis* *filius* *Taurisum* *in* *subsidiu* *venit*. 115. A
Bonamicus *Ferrariensis* *pirata* à *Clodia* *usque* *Ariminum* *mare* *infestum* *reddit*. 90. A
Bondenum *oppidum* à *Pontificiis* *petitur*. 64. C
 — *oppidum*. 66. C
Bonivetus *Gallus* *orator* *apud* *Pontificem*. 139. B
Bononienses *ob* *malum* *regimen* *Ecclesiæ* *spectant* *ad* *Bentivolos*. 66. E
Bonum *ne* *amittamus*, *quod* *partum* *est*, *nitendo* *ad* *melius* *cavendum*. 62. D
Bonus *portus* *locus* *situs* *juxta* *amnem* *Panarum*. 72. E
Bartholus *Maranii* *presbyter* *hostes* *in* *oppidum* *intromittit*. 118. C
Bothandreas *Præfectus* *Liburniæ*. 9. D
Brazius *Comes* *Trivulii* *in* *hostium* *potestatem* *venit*. 11. A
Brembana *vallis*. 143. C
Brenta *fluvius* *olim* *Meduacus*. 34. C
 — *fluvius* *olim* *per* *villam* *Noventam* *ibat*. 111. F
 — *fluvius* *ad* *Villam* *Fonticulam* *vadari* *potest*. 112. E
Brentulus *portus*. 111. F
 — *Meduacus* à *Livio* *appellatur*. 112. A
Brixia *solummodo* *ad* *sonum* *tubæ* *ad* *Gallos* *deficit*. 18. C
 — à *Venetis* *capitur*. 85. A
 — *per* *hostes* *iterum* *recipitur*. 86. F
 — *urbs* *Hispanorum* *in* *potestatem* *venit*. 95. E
 — à *Gallis* & *Venetis* *acriter* *oppugnatur*. 137. E
 — *iterum* à *Venetis* *obsidetur*. 143. F
 — *per* *deditionem* *Venetis* *traditur*. 144. B
Brixienfes *intempestive* *res* *novas* *moliti* *sunt*. 84. B
 — *Cives* *Venetæ* *factionis* *sunt* *expulsi*. 136. E
 — *fecerunt* *impetum* *in* *tormenta* *militiæ*. 137. B
 — *combusserunt* *pulverem* *igniferum*. 137. C
Brixigella *oppidum* *Vallis* *Lamonæ*. 11. D
 — *ab* *hostibus* *oppidanos* *insequentibus* *capitur*. 11. E
Brunorius *Saregus* è *Civitatula* *prorumpens* *in* *Venetos* *impetum* *facit*. 24. B
Brunsvicensis *Dux* *cum* *valido* *exercitu* *ex* *Germania* *in* *Italiam* *festinat*. 64. A
Burgundia *alta* *hodie* *appellatur* *Britannia*. 110. C
 — *est* *sita* *ad* *Oceanum* *Britannicum*. ibid.
 — *Helvetiis* *est* *contermina*. 110. C
Burianum *oppidulum* à *dextris* *Venetiis*. 111. C
Butinicum *oppidum*. 31. A
- C.
- C**adubrium *ab* *Imperatore* *Romano* *capitur* & *diripitur*. 6. D
 — *castellum*. 26. C
 — *princeps* *Anhaltinus* *vi* *cepit*. 27. A
Calaris *Sardiniæ* *civitas*. 97. D
Calcina *oppidum* à *Laurentio* *Cerinate* *occupatur*. 116. F
 Ca-

RERUM AC SENTENTIARUM.

Cameracense fœdus in Venetos pactum est. 2. Epit. 8. F
 Cameracensis belli causæ, quæ. 8. F
 Campania à Carolo Rege Gallorum depopulatur. 3. B
 Caput bonæ spei a Lusitanis inventum. 98. B
 Carambis promontorium. 97. B
 Caravagium oppidum. 11. A
 Cardinales quinque à Pontifice desciscunt. 66. E
 Carolus Rex Gallorum in Italiam a Ludovico Sfortia accersitur. 2. Epit. 3. B
 — Rex Gallorum Hebruriam subegit. 3. B
 — Campaniam depopulatus est. ibid.
 — Rex Gallorum ad Tarrum fluvium funditur fugaturque. 3. C
 — Rex Gallorum Italiæ imperium aspirat. 3. C
 — Florentinos in Pisanos movet. ibid.
 — Alexandro Pontifici infestus est. ibid.
 — Rex Gallorum occubuit. 3. D
 — Rex Gallorum ad Tarrum fluvium fusus fugatusque est à Venetis. 10. B
 — Rex Gallorum fœdus cum Alexandro Pontifice factum violat. 10. C
 — Marinus Lemniacum recepit. 29. E
 — — auxilium à Venetis ad insulam Scalanam occupandam exposulat. 29. F
 — — præfectus Lemniaci. 39. E
 — — portam Lemniaci custodit. 52. D
 — — in potestatem hostium venit. 52. E
 — Dambofia Mediolani magnus magister. 10. F
 — amnem Abduam trajiciens Trivium oppidum capere parat. 10. F
 — Zuphre legatus Regis Gallorum. 6. E
 — — una cum legato Veneto cum legatis Cæsaribus ad Ripam oppidum agit. ibid.
 Carpum oppidum vi capitur. 66. A
 Casale à Marchione Mantuæ capitur. 2. Epit. 11. B
 — majus oppidum. 11. B
 — — proditiione civium à Francisco Gonzaga capitur. 11. B
 Cassira oppidum inter Ripaltam & Caravagium situm. 14. B
 Castellum Agathense. 65. A
 — Felicianum à Venetis oppugnatur. 63. C
 — Vielmium è manibus Venetorum eripere hostes audent. 71. F
 Castionium castellum. 117. C
 Castrum Felicium. 72. E
 — Francum. 72. F
 — novum oppidum. 59. A. C
 Cauriana Mantuanus eques. 60. A
 Celeritas in re militari potissimum opus est. 39. D
 — multum præstat in rebus agendis. 76. C
 Celvaresia villa. 124. F
 Centum oppidum à Gallis petebatur. 66. A
 Cervia urbs à Venetis Julio Pontifici datur. 19. A
 Cervical oppidum. 59. E
 Chiavarium oppidum. 56. E
 Chion insula. 97. A
 Christophorus Eboracensis Cardinalis orator Regis Angliæ. 83. C
 — Frangipanes Dux belli Maximiliani in Istriam venit. 19. C
 — — Duinium & Pisinum oppida vi capit. ibid.
 — — se in insidiis locat. 27. D
 — — ex insidiis profiliens Utinenses omnes vicit fuditque. ibid.
 — — ex Istria ad propria tuenda recessit. 28. E
 — — ad Justinopolim agros vastat, & prædas agit. 59. D
 — — Justinopolitanos in insidiis præcipitat. 59. E
 — — provinciam Justinopolitanam longe lateque prædatus est. 59. E
 — — de Venetis magnam stragem edidit. 77. F

Christophorus Frangipanes iterum in Istriam venit. 78. B
 — — deditione cepit Mocho castellum. 78. B
 — — horrendum facinus perpetrat. 118. C
 — — captivus Venetias abducitur. 123. B
 — Maurus dispersos milites Venetorum congregat. 16. C
 — — Civitatulam oppidum it invadere. 23. B
 — — Patavium subsidio venit. 112. D
 — Osopii obsidionem solvit. 122. C
 Cifmo flumen. 113. C
 Citolus Perusinus cum peditatu veteranorum Miranum rus pergit. 23. A
 — — cum militibus Lemniacum mittitur. 29. F
 — — hostes propugnaculum oppugnantes magna clade afflixit. 36. D
 — — vices Laetantii gessit. 63. D
 — — fortiter agendo hostium vulneribus confoditur. 63. E
 Civitatula ab hostibus oppugnatur. 124. E
 Clapinus Vitellius Bononiam subsidio venit. 67. A
 — Pitigianus Venetus adolescens in hostes fortiter agendo perit. 136. B
 Cleonymus Dux Lacedæmonius cum classe Græcorum Patavium applicuit. 112. B
 — cum magna strage à Patavinis & Venetis expellitur. 112. B
 Cletensis Dux militum hostium in potestatem Venetorum venit. 46. C
 Colonia deditione ab hostibus capitur. 105. A
 Comaclum oppidum à Marco Antonio Contareno capitur. 42. D
 — oppidum. 71. E
 Concilium contra Pontificem celebrare à Cardinalibus exiticiis decernitur. 68. F
 — Romæ habetur. 93. F
 — Romanum abrogat acta Pisani Concilii. 100. C
 Concordia civitas sita juxta amnem Sechinam. 69. D
 — à Venetis capitur, prædæque militibus fuit. 69. E
 — olim urbs maritima. 111. D
 — per viginti quinque millia passuum à mari distat. 111. E
 Concordienfes Caprulas condidere. 7. C
 Conditiones pacis apud Lugdunum proponuntur. 68. F
 Codrus Rex Atheniensium, ne Athenæ occiderent, mortem oppetit. 32. D
 Cous insula. 97. A
 Consilium bonum parum prodest, nisi mature fiat, quod oportet facere. 71. C
 Consultores boni medicos bonos imitari debent. 87. B
 Constantinus Harnicius orator Pontificis in Germaniam denominatus. 58. A
 — Paleologus apud Monfalconium Liburnos hostes vincebat. 59. A
 Consulens male, æque male agit, ac ille qui dicendo vetare potuerat. 4. C
 Covolum est opus carvatum in medio prærupti montis. 60. B
 Creatium locus est prope civitatem Vincentiam. 113. D
 Credere illis parum profuit, quibus merito nulla fides habetur. 51. D
 Crema urbs loco aquoso sita est. ibid.
 — ad Regem Galliæ deficit. 18. C
 — erat in Gallorum potestate. 93. B
 — ab Hispanis & Mediolanensibus obsidetur. 116. E
 Cremona ad Regem Galliæ deficit. 18. C
 — — nolebat Gallos excipere. 91. D
 Cre-

INDEX NOMINUM,

Cremonenses quadraginta millia numum Helvetiis
dederunt. 91. D
— res novas molientes Venetos accersebant. 105. B
Crispinum oppidum. 60. F
Cromonium oppidum in monte prærupto situm.
81. B
— vi captum senatusconsulto Venetorum solo æ-
quatur. 81. C
Crovaria castellum ad montem prope Athesim. 147. D
— à Venetis vi capitur. 147. E
Curita insula. 28. D
— insula vi capitur. 125. D
Curtius pro patria se præcipitem dedit. 32. D
D.
Daci de Sarmatis magnam ediderunt cædem.
98. F
Dacia olim Cymbrica Chersonesus. 115. B
Dalmatia habet trecentas insulas, quatuordecim ur-
bes, & duas Provincias. 45. B
— erat traditura Regi Angliæ. 45. C
— à Pannonibus licet à Venetis empta repeti-
tur. 46. B
Damianus Tharsius ad comprimendam vim hostium
mille pedites deligit. 29. C
— Tarsensis Pisintum oppidum capere intendit.
59. A
— oppidum Tarsense obsidet. 59. B
— soluta obsidione inde in pacatum abit. 59. B
Decii pro patria mori non veriti sunt. 32. D
Defantianum oppidum. 96. C
Deliramenta Regum, & immodicæ eorum re-
gnandi cupidines convertuntur in caput paupe-
rum. 54. C
Deus nullum malum impunitum finit. 54. C
— ultor scelerum. 112. C
Dijunium primaria Burgundiæ civitas. 115. E
Dilatione nil pejus est, omnibus paratis. 62. E
Diligentia ex re dubia oritur. 58. E
Dimidium aliquando plus est quam totum. 87. C
Dionysiodorus Geometra. 98. A
Dionysius Naldius præfectus peditatui Lamonio.
13. B
— primum ostium oppidi ingressus est.
ibid.
— ei & militibus prædæ fuit oppidum Trivilium
ob virtutem. 13. C
— præfectus peditum cepit Pusterlæ subur-
bium. 39. C
— plenus rerum gestarum gloria periit.
56. D
— hostibus obviam it. 63. E
Discordia sæpius oriri solet ex opulenti prædæ. 38. F
— inter Venetos & Helvetios oritur. 92. D
Discordiæ fomenta facile suggeruntur, ubi de
dominandi facultate res est. 95. F
Dominicus Bosichius commeatum in castra ad Ve-
ronam vehi, vetare conatur. 61. C
— Husichius Græcorum equitum Dux. 46. C
— Trivisanus orator Venetus apud Julium Pon-
tificem. 44. B
— orator Venetus ad Pontificem. 66. F
— orator Venetus Mediolanum ad Regem
Gallorum mittitur. 138. D
— orationem habuit ad Regem Gallorum.
138. D
Donatia Turris. 50. A
Dondossola vallis est locus è quatuor, quibus in Ita-
liam itur. 94. D
Duinium oppidum à Germanis capitur. 19. C
Dux qualis esse debet. 7. E
E.

Egidius Eremita in Germaniam ad conciliandos
Venetos cum Rege Romanorum mittitur.
139. C
Eratosthenes Geometra. 97. F

Entlia flumen. 56. E
Euphrates fluvius. 97. B
Exercitus reipublicæ cor est. 20. C
F.
Faba cudebatur in caput Venetorum. 28. D
Fabricius Columna in subsidium Bononiæ per-
git. 66. E
— in Gallorum potestatem venit. 89. C
— Hispanorum militum Dux. 64. E
— in supplementum exercitui Pontificis
mittitur. 64. E
Faventia in potestatem Pontificis venit. 2. Epit.
— urbs ditioris Pontificiæ à Venetis obtenta est.
7. A
— à Pontifice ad Venetos deficit. 12. B
— urbs à Venetis Julio Pontifici datur. 19. A
Federicus Contarenus cum equitatu levitum apud
Bassianum intentus paratusque stabat. 53. D
— optime Asulam oppidum defendit. 11. B
— vir impiger præfuit urbi Austriæ. 27. C
— hostem fugientem à tergo invadit. 61. D
— Bononiam subsidio venit. 64. A
— Dux belli Venetorum. 79. B
— præfectus levitum scorpione vulnifico
occubuit. 86. E
Feltrum oppidum à Germanis capitur. 19. D
— deditione Veneti recipiunt. 40. C
— oppidum Forijulii. 59. E
— ab hostibus capitur & igne absumitur. 59. F
Felicitas est omnibus amica. 85. B
Feltrum oppidum ab hostibus capitur. 119. D
Ferdinandus Rex Neapolis bellum infert Ludovico
Sfortiæ. 2. Epit.
Ferrariæ Dux Venetis terra marique bellum infert.
18. F
— Dux classem Venetam disjecit. 19. B
Ferrarienses Venetorum hostes omnia igni ferroque
subvertunt. 30. D
— propugnaculum in Athesi flumine prope Caput
aggeris erigunt. 30. F
— in castra hostium consuebant. 33. B
— præfecti captivi veniunt in castra Veneta.
41. E
— auxiliaribus copiis auxilii obnixi sunt Venetos
opprimere. 42. F
— Marte ancipiti cum Venetis toto die certant.
42. F
— classem Venetam in potestatem recipiunt. 43. A
Ferrariæ Dux à ditione Pontificis se subtrahere ge-
stit. 54. F
Ferraria ab exercitu Pontificis agebatur. 60. F
Ferrarienses Venetos in insidias alliciunt. 64. D
— Venetorum classem Padanam propulere. 71. E
— ostia Padi navigiis obsident. 76. B
Fides maximum rerum humanarum vinculum perhi-
bet. 4. C
— ubi deest nulla ratio commercii & fœderum ha-
betur. 4. C
Ficarolium oppidum. 41. D
— à Venetis custodibatur. 70. D
Finarium oppidum. 67. D
— oppidum. 88. E
Florentini ad Concilium habendum locum permit-
tunt. 83. B
— apud Pratum oppidum cæsi fusique sunt. 94. E
Flumen civitas ab Angelo Trivisano vi capitur &
solo æquatur. 28. E
Fluminenses cymbam mercimoniis onustam à Vene-
tis capiunt. 28. D
Fœderati oppidum Monsilicem occupant. 34. B
— scelera inhumana sævaque quanta excogitari
possunt, fecere. 34. B
— sacratissimum Christi corpus in terram projece-
re. ibid.
— ad Bassanelli pontem reversi sunt. 34. C
Fœ-

Foederati conantur supra Bassanellum fossam ducere. 34. C
 — conantur Brentam fluvium versus Monsilicem divertere. ibid.
 — ex Ferraria copiis auxiliariis Cardinalis Eflensis augentur. 34. C
 — prædatum iverunt villas Gurgensem Bobulentamque. 35. F
 — solum Plebissacci diripere. ibid.
 — iterum aucti ad centum millia hominum. 36. A
 — Patavium oppugnant. 38. A
 — acriter à Venetis deturbantur. 38. A
 — noctis silentio obsidione soluta loco recedunt. 38. B
 — apud Patavium nunquam totis viribus rem gesserunt. 38. D
 — in partes sunt divisi. 38. F
 — inter se Veronæ dissident. 42. C
 — milites Veronæ invicem pugnabant. 43. F
 — inter se sunt dissidentes. 48. B
 — Rhodigii Pollesinum, & Lemniacum oppidum aggredi volunt. 49. B
 — Rhodigiana Pollesino deditione potiuntur. 51. C
 — trajecti Athesi flumine in solum Patavinum & Vincentium veniunt. 51. C
 — Vincentiam urbem deditione capiunt. ibid. D
 — qui Vincentiæ præsidium agebant Venetis adventantibus obviam eunt. 52. A
 — manum cum Venetorum levitibus conferunt. 52. A
 — à Venetis vincuntur. 52. B
 — Lemniacum tormentis militiæ fortiter concutunt. 52. C
 — in Portuense semiustum oppidum vadunt. 52. C
 — in Germaniam abeunt. 60. A
 — ex Verona & Lemniaco Padum pontem jungere conantur. 71. C
 — cum Venetis manum conferere meditantur. 71. C
 — ad oppugnandum civitatem Concordiam pergunt. 72. D
 — obsidionem Patavii solvunt. 108. F
 — impune noctis silentio Brentam amnem ad locum Novæ Crucis trajiciunt. 112. F
 Foedus Cameracense in Venetos factum est. 7. B
 — rite sancitum servandum est. 5. C
 — inter Pontificem, Regem Hispaniæ, Mediolanenses & Venetos initum est. 3. C
 — inter Pontificem Regem Hispaniæ & Venetos adstipulatur. 83. C
 — proclamatum in Angliâ & Germania contra Gallos. 105. C
 — inter Reges Germaniæ, Hispaniæ & Angliæ proclamatur. 140. E
 de Foïs Dominus virtute belli clarus interit. 89. E
 — cum multa pompa usque ad Mediolanum ducitur. 89. D
 Fortunatæ insulæ. 97. B
 Forum Cornelii urbs. 88. F
 — nunc Imola dicitur. ibid.
 — Julii provincia à Venetis capitur. 81. B
 Fossa Clodia civitas. 75. A
 — oppidulum Venetiis à sinistris. 111. C
 Fracassius Severinas debortabatur prælium inire. 38. D
 Franciscus Calsonus pugnando interit. 114. C
 — Delphinus Prætor Raspruchii acriter Germanis obviam it. 19. C
 — Foscarus in Ducatu Veneto successit Thomæ Mocenico. 8. D
 — sub eo Veneti bello Philippico implicantur. ibid.
 — Princeps Venetus. 63. B
 — orator Venetus apud Leonem Pontificem. 103. D
 — apud Leonem Pontificem de fœdere agebat. 110. A

Franciscus Rex Gallorum cum Pontifice Leone amicitiam colere volebat. 131. D
 — Rex Gallorum ingentes copias contra Helvetios parat. 132. C
 — Rex Gallorum cum Rege Angliæ convenit. 133. E
 — in Italiam Petrum Navarium præmittit. 133. F
 — ejus exercitus Grannapolim venit. 133. F
 — Rex Gallorum ipse fortiter inter primos agebat. 135. D
 — ejus in oculos cerebrum contritum profluisse dicitur. 135. D
 — Rex Gallorum cum magna pompa in urbem Mediolanum triumphum egit. 136. D
 — Rex Gallorum omnino rempublicam reparare volebat. 137. D
 — Rex Gallorum pacem init cum Rege novo Hispaniæ. 145. F
 — Rex Gallorum jubet oratores suos domum redire. 148. D
 — Gonzaga Casalemajus proditione civium occupat. 11. B
 — Asulam oppidum nunquam capere potuit. 11. B
 — Mantuæ Marchio in fines Venetorum prorumpit. 11. B
 — ingentem prædam agit versus oppidum Casale majus. 11. B
 — Lipomanus Pontemvicum oppidum acriter defendit. 109. B
 — gener Ludovici Regis Gallorum in ejus locum sufficitur. 131. B
 — Rex Mediolanum revertitur. 139. D
 — Barbonium in locum suum in Italia instituit. 139. E
 — in Galliam abit. ibid.
 — Mustius cum classe contra Maranium venit. 118. E
 — Pascalicus Præfectus militum apud Vermen castellum Germanos vicit. 28. B
 — Pollanus præfectus unius triremis Venetæ interit. 57. B
 — Rex parabat Pontificem apud Bononiam convenire. 139. B
 — Sfortia provinciam Piceni dissimulatione occupavit. 54. E
 — Spinula Ductor belli Gallus occiditur. 115. D
 G.

Gaidum oppidum. 95. D. 136. F
 Galeatius Sfortia reliquit heredem Joannem Galeatium puerum. 3. A
 Galli ob victoriam elati Italia expelluntur. 2. Epit.
 — armis & divitiis potiores sunt Rege Romanorum. 5. A
 — cum Rege Romanorum nova & vetera odia fovant. 5. A
 — cum Germanis inducias in triennium pacti sunt. 6. E
 — discordiæ rationem quærunt. 6. F
 — Venetis non amplius æqua ex æquo volebant. 6. F
 — Venetos bello laceffunt. 8. A
 — in conspectu Venetorum impune Abduam trajiciunt. 13. D
 — locum castris peropportunum eligunt. 13. E
 — omnibus modis tentant Venetos decipere. 13. F
 — faciunt Venetis copiam pugnandi. 14. A
 — castra movent ad Ripaltam oppidum. 14. A
 — Ripaltam oppidum parvo discrimine vi capiunt. 14. A
 — consilia Venetorum exacte scrutati sunt. 14. D
 — versus Pandinum oppidum exercitum movent. 14. E
 — à Rege suo, ut fortiter se gerant, adhortantur. 14. F. 15. A
 — Venetos fundunt, atque omnia impedimenta & tormenta militiæ capiunt. 15. E
 A. Mocenicus. L Galli

INDEX NOMINUM,

Galli Genuæ classē parant.	16. B	Galli civitatem Novariam obsidere pergunt.	105. F
— versus Brixiam pergunt.	18. B	— à Rege Angliæ & Romanorum vincuntur.	115. D
— omnium rerum successu felicissimo fruuntur.	18. B	— sunt adversus Helvetios.	116. A
— Pischeriam oppugnant.	18. D	— ad Sequanam amnem in prociñtu configere stabant.	116. B
— ultimam internecionem exercitus Venetorum minabantur.	18. E	— cum Hispanis inducias annales prorogant.	129. A
— natura Germanis infesti sunt.	25. B	— impediēbant ne Hispani cum Helvetiis jungi possent.	134. D
— gestiunt coronam imperii.	25. B	— versus Novariam contra Helvetios audacter ibant.	134. D
— se cum Romanis conjungunt.	29. D	— & Veneti de Helvetiis victoriam deportarunt.	136. B
— in castra ad Patavium confluebant.	33. B	— Mediolani & Cremonæ castella deditione obtinuerunt.	137. A
— apud Patavium nolunt inire prælium.	38. D	— erant tam meticulosi, ut ne auderent hostem quidem conspicerē.	141. D
— Germanis erant hostes.	38. F	— duces præ metu in Galliam aufugere moliebantur.	141. F
— repugnantibus Germanis Vincentiam & Veronam diripere obnixi sunt.	38. F	— suburbia Mediolani urbis comburunt.	142. B
— Hispani, & milites Italiæ Lemniacum oppidum oppugnaverunt.	38. F	— antequam pecuniam acceperant nolebant expeditionem Brixie exire.	144. C
— Veronam veniunt.	42. A	— jussi à Rege cum omnibus copiis contra Veronam ibant.	144. C
— & milites Italiæ inter se pugnant.	43. D	— ad Villam francam recedunt.	147. A
— contra ibant militibus Italiæ.	48. B	— ex Mediolano ducenta millia nummorum egerunt.	149. D
— Lemniacum oppugnant.	51. E	— stupent tantos affectus popularium erga rempublicam.	150. E
— qui Montagnanæ erant, semper parati intentique stabant.	53. C	Gallignanium oppidum in monte prærupto situm.	59. B
— & Germani invicem dissidebant.	53. D	— a Mattheo Iadrense temere invaditur.	59. B
— victoria insolescunt.	ibid.	Gallorum Rex Brixie triumphum egit.	18. C
— totius Italiæ imperium aspirant.	ibid.	— Rex affectat Romanum imperium.	44. C
— Hispanis & Germanis injurii erant.	53. E	— rursus venit in Italiam.	ibid.
— nolunt Germanis Lemniacum dare.	ibid.	— Rex nititur consultores Regis Angliæ pecuniis corrumpere.	44. C
— non minus vi quam celeritate vincuntur.	62. E	— Helvetios in suas partes seducere nititur.	ibid.
— hostes ad Montiam oppidum se recipiunt.	63. A	— mos est unum dicere, & aliud facere.	45. F
— versus Montagnanam in expeditionem exeunt.	65. D	— Rex rem cum Rege Angliæ componit.	50. A
— Pontificem in suas partes diducere teniant.	65. F	— Pandulphum Petrarium à Senarum urbe ejecit.	50. B
— oppidum Spilimbergium vi capiunt.	66. E	— Rex mittit Oratorem ad Helvetios.	83. E
— festinant versus Bononiam.	66. E	— sed non excipitur.	ibid.
— ex Verona solum Mantuæ prædati sunt.	68. A	— ad Regem Romanorum Cardinalem Severinatem Oratorem mittit.	83. E
— apud Parmam bellum moliebantur.	70. A	— hortatur ut se verum Regem Romanorum faciat.	83. E
— vetant ne exercitus Venetorum & Pontificis jungant.	70. B	— Rex tres oratores ad Helvetios mittit.	88. D
— exercitum versus Parma movent.	70. E	— duces Helvetiorum pecuniis corrumpere obnititur.	88. D
— à Pontificis superantur.	72. B	— strages apud Ravennam fuit magna.	89. C
— Venetos ad Fossam Clodiam & Patavium vexare parant.	75. A	— res declinare visa est.	91. E
— Venetos apud Suavium vexabant.	76. B	— Regis potentia Italiæ erat formidolosa.	110. A
— cum villicis & popularibus amice agebant.	78. F	— Rex cum hoste configere volebat.	115. C
— ad Liminium aquas vetant, ne Patavium defluant.	79. A	— Rex filiam suam Rayneriam fratri Ducis Burgundiæ nuptui dare volebat.	115. F
— conjurationem Brixie detexerunt, & de complicitibus supplicium sumpserunt.	84. D	— Rex sororem Regis Angliæ uxorem duxit.	130. A
— Mediolanum obviam Helvetiis eunt.	81. B	— Rex sine Venetis sociis difficile in Italiam venire poterat.	131. A
— in agrum Veronensem irrumpunt.	85. D	— Rex & Hispaniæ facti sunt arbitri pacis & induciarum.	151. A
— crudeliter in mulieres & infantes Brixie sæviunt.	86. F	Gallus Dominus Durafius custos arcis Cremæ.	95. A
— ad Brixellum contra Hispanos versus Bononiam eunt.	88. E	Gambarenfes cives Venetos frustrati sunt.	138. C
— incidunt in foveam quam Hispani fecerant.	88. E	Gambariæ valles.	112. A
— & Hispani per sex horas pugnant.	89. B	Gambararienses agricolæ opera Philippi Parutæ exciti sunt.	23. A
— Mediolanum versus eunt.	90. F	— apud Stratam castellum feliciter egerunt contra Germanos.	23. C
— domi forisque opprimebantur.	91. F	Ganges amnis.	97. D
— Papiam urbem divertunt.	92. A	Geldria olim dicebatur Sicambria.	6. F
— summa ope conantur eam munire.	92. A	Geldriæ Dux bellum asperum in Frisia gerebat.	146. A
— festinant ad Bassignanam Padum trajicere.	92. C	Genua est Ligusticum emporium, unde Apennini montes incipiunt.	56. F
— Hastam urbem petunt.	ibid.	— habet ingentem portum propugnaculis bene munitum.	56. F
— ignominiose in Galliam repedant.	ibid.	Geneurius mons.	92. E
— in Galliam eunt.	92. E	Geor-	
— impune cum suis rebus Brixia dimittuntur.	95. E		
— deindustria Brixiam Hispani tradiderunt.	95. F		
— pugna navali ab Anglis vincuntur.	99. E		
— cum viderent se vinci ignem navibus suis supponebant.	99. E		
— naves cum hominibus combusserunt.	99. E		
— cum Hispanis in annum inducias paciscuntur.	104. C		

RERUM AC SENTENTIARUM.

Georgius Cornelius Venetorum legatus in exercitu. 6.D
 — Cadubrium deditione recepit. 6.E
 — multa oppida Regis Romanorum expugnat. 6.E
 — Goritiam & Tergestum expugnat. ibid.
 — legatus Venetus in exercitu. 10.A
 — orator Venetus Mediolanum ad Regem Gallorum mittitur. 138.D
 — Sechelius Pannonie Rex bello adortur Hungarie Proceres. 99.A
 — Vaila Dux peditum. 141.E
 Germani crudeliter ad Cadubrium caesi sunt. 6.D
 — civitate Bellumni, & Feliro oppido potiuntur. 19.D
 — magna sevitia in Italia utebantur. 19.D
 — ad sevitiam exercendam canibus Venaticis utebantur. 26.B
 — mediantibus canibus pueros & mulieres per segetes querebant. 26.B
 — venationes hominum habebant. 26.C
 — Monfalconium oppidum Forijulii capere non potuerunt. 26.C
 — apud Valliseram oppidum sunt caesi. 27.A
 — ad urbem Austrie in fugam sunt conversi. 28.A
 — soluta Austrie civitatis obsidione Tulumium capiunt. 28.B
 — in Istria sevitia non usi sunt. 28.B
 — Castronovo Istriae potiti sunt. 28.E
 — potiti etiam oppido Rasprucchio. ibid.
 — iterum in Istriam veniunt. 29.A
 — saepe Venetos vincunt. 29.A
 — oppidum Liminium capiunt. 30.D
 — aquas diruptis obicibus Patavinis adimunt. ibid.
 — soli urbem Patavium acriter oppugnant. 38.C
 — ab urbe Patavio magna cum ignominia discesserunt. 38.D
 — Vincentia Veroneque subsidio steterunt. 38.F
 — Vincentia capta dimissi totam regionem praedabantur. 39.F
 — Veronam veniunt. 42.A
 — Ducem Anhalticum bonis verbis dehortantem aggeri volunt. 48.B
 — pedites in castra Venetorum confluerunt. 48.B
 — à Venetis gratanter excipiebantur. ibid.
 — ingens supplementum è Germania accipiunt. 48.Epit.
 — ex Verona Vincentiam veniunt. 51.D
 — totam civitatem diripiunt. 51.D
 — qui Vincentiae morabantur, semper intenti paratique stabant. 53.C
 — magnam pecuniae summam Gallis debebant. 53.E
 — sunt vinosi. 55.E
 — & Hispani Monsilicem capere eunt. 56.B
 — oppidum Monsilicem capiunt. 56.C
 — praesidio Verone stabant. 81.B
 — Praesides & praefecti militum in captivitatem Venetias abducitur. 81.C
 — Patavium obsidere minantur. 108.A
 — & Hispani Venetis infesti erant. 110.C
 — igni ferroque in Venetos crudeliter seviunt. 110.D
 — & Hispani totam peninsulam Rhodigianam expilarunt. 119.C
 — Feliro oppido potiuntur. 119.D
 — oppido Cromonio & Monfalconio potiti sunt. 122.D
 — pedites sub signis Gallis contra Caesarem opera militiae facere volebant. 137.D
 — iis dimissis subrogati Vascones. ibid.
 — milites ad Gallos desciscunt. 143.B
 — & Hispani ad Gallos & Venetos desciscunt. 143.C

Germani praë inopia comneatum in Germaniam abire cogitant. 143.E
 — condiciones propositas acceperunt. 148.F
 — pacem ineunt cum Rege Gallorum. ibid.
 Germanorum mos est semper agros vastare & praedas agere. 124.A
 Goritia civitas in Venetorum potestatem venit. 2.Epit.
 Goritia à Liviano Veneti exercitus Praefecto expugnatur. 6.E
 — oppidum. 60.A
 Gothi Venetos bello laceffunt. 8.A
 Gradisca civitas. 59.F
 — à foederatis oppugnatur. 80.E
 — deditione à foederatis capitur. 80.F
 Gradiscæ obsidio à Venetis solvitur. 81.E
 Gradum urbs ab Aquilejensibus fuit condita. 7.C
 Grignum à Venetis igne absimitur. 60.C
 Gnidon. 97.A
 Gnidus Rangonius Comes capitur. 79.B
 Gurgensis Episcopus Bononiae cum Pontifice & Venetis de pace agit. 72.B
 — re infecta, Pontifici & Venetis minitans in Germaniam revertitur. 72.C
 — Episcopus contra Pontificem, Venetos & Helvetios agit. 94.C
 — civitates volebat habere, quæ ex foedere Venetis debebantur. 94.C
 — Episcopus Italiae urbibus contributiones opum indicit. 117.F

H.

Hannibal Bentivolus Bononiam subvertere studet. 12.B
 — Lentius Dux Venetorum apud Civitatulam persistit. 124.E
 Helianus orator Regis Gallorum & Romanorum in Pannoniam venit. 44.F
 — rem omnem oratoris Veneti & Pontificis subvertit. 44.F
 — conatur connubiis regem Hungariae in partes Regis Galliae seducere. 45.A
 — habet orationem ad Pannones. 45.A
 Helvetii, ut in agrum Mediolanensem adversus Gallos irrumpant, conantur. 55.A
 — cum Pontifice conveniunt. 62.E
 — in Italiam iter facere parant. 62.E
 — Varesium oppidum & Castionium Ferrum occupant. 62.F
 — cum quatuordecim peditum millibus Mediolanense solum ingrediuntur. 63.A
 — sine Mediolanensium & Gallorum detrimento in patriam repedant. 63.B
 — cum Rege Gallorum in gratiam redeunt. 63.B
 — mittunt Oratores, de bello cum Rege Gallorum agendo Bononiam mittunt. 69.C
 — in Italiam iterum descendunt. 70.E
 — in Mediolanense solum prorumpunt. 84.A
 — ad Biam Crassam victoriam in Gallos obtinent. 84.A
 — cum ingenti praeda redeunt unde abscesserant. 84.B
 — oratores Gallos expellunt. 88.D
 — decem oratores Romam & Venetias mittunt. 88.D
 — iterum in Italiam pergunt. 90.F
 — per Tridentum Veronam veniunt. 90.F
 — opum vacui ad Gallos desciscere visi sunt. 90.F
 — vallem Tollinam capiunt. 92.C
 — in Burgundiam irrumpere moliantur. 92.D
 — Venetos ignominia affecere. 92.E
 — quia Gallos Italia expulerant, vexilla Pontificia accipiunt. 94.A
 — auxiliares libertatis Ecclesiae appellandi sunt. 94.A
 A. Mocenicus. L 2 Hel-

INDEX NOMINUM,

Helvetii accipiunt Vallem Tollinam & Dondossolam	94. D	Hispani regnum Neapolitanum de compaeto habuerunt.	4. A
— apud omnes nationes autoritate crescebant.	95. B	— se accommodant Regis Romanorum voluntati.	7. A
— cum Mediolanensibus, repudiatis aliis, fœdus sanxere.	95. C	— aliquas urbes vi à Venetis capiunt.	10. B
— Gallis obviam eunt.	106. A	— Germanis erant hostes.	38. F
— Novariæ subsidio veniunt.	106. A	— contra ibant militibus Italiæ.	48. B
— Gallos hostes adoriuntur.	106. B	— ad Pontificem declinant.	69. A
— Gallos cædunt funduntque.	106. B	— Venetos cum Rege Romanorum conciliare conantur.	69. A
— Cremonam & Mediolani arces accipiunt.	115. E	— Capuam veniunt.	83. A
— in Burgundiam irrumpunt.	115. E	— Gallis omnia impedimenta & tormenta prædæ relinquunt.	89. D
— decem millia peditum ad Susam distribuunt.	134. B	— volebant ut Veneti desisterent oppugnare Brixiam.	94. D
— ad Moncalerium & Pinarolium conveniunt.	134. C	— opum vacui Florentiam divertunt.	94. D
— ad pacem declinant.	134. D	— versus Brixiam in Venetos festinant.	94. E
— ad Varesum retrocedebant.	134. E	— rem Mediolanensem Duci Burgundiæ vendere volebant.	95. B
— Gallos ad Marignanum aggrediuntur.	135. C	— valido exercitu in regnum Vasconie eunt.	96. D
— amiserunt omnia impedimenta & tormenta militiæ.	136. B	— ultra Columnas Herculis classe iverunt.	98. B
— ad concordiam declinant.	139. B	— novæ insulæ inventæ nomen indiderunt.	98. B
— pecuniis Regis Angliæ victi in expeditionem adversus Regem Gallorum exeunt.	140. E	— regnum Vasconie bello tentant capere.	99. B
— Gallorum auxiliarii volebant configere cum Helvetiis Imperatoris auxiliariis.	142. C	— à Gallis in Vasconia sunt victi.	99. D
— ad Gallos desciscere parant.	142. D	— tota Vasconia potiuntur.	100. C
— in patriam, urbes & Germaniam abeuntes non impune recesserunt.	143. B	— ponte amnem Padum ad Trebiam jungunt.	106. A
— per vallem Brembanam & Tollinam in patriam abierunt.	143. C	— Cremonam urbem ingrediuntur.	106. D
— melioribus conditionibus pacem antecapere festinant.	149. B	— Venetis bellum inferre minantur.	106. D
— pacem fecerunt cum Rege Gallorum.	ibid.	— Bergomum deditione capiunt.	107. C
Heneti gens Paphlagonum.	7. B	— Octavianum Fregosum in Ducem Genuæ constituunt.	107. C
— venit cum Antenore in Italiam.	ibid.	— cum Germanis Patavium obsident.	108. C
— Gothico Hunnicoque tumultu in insulas migrat.	7. B	— arcem Capellam frustra obsidebant.	109. F
Heracliana civitas ex flumine Plavi in continentem venit.	111. F	— versus Placentiam ad exercitum Pontificis ibant.	134. E
Hermes Bentivolus Bononiam subvertere studet.	12. B	— audita clade Helvetiorum Placentiam redierunt.	136. B
Hetruria à Carolo Rege Gallorum subigitur.	3. B	— Neapolim versus iter aggressi sunt.	136. F
Hieronymus Contarenus annonam abunde curare iussus.	16. B	— & Germani ad duo millia ad Venetos desciverunt.	145. A
— cum classe in Istriam venit.	28. C	Hispaniæ Rex à Venetis civitates oppignoratas Apuliæ poscit.	18. F
— præfectus classis Venetæ Romam venit.	57. C	— Rex novum fœdus moliebatur cum Pontifice.	53. E
— Patavium subsidio venit.	112. D	— verebatur Pontificem desciturum ad Gallos.	53. E
— Donatus orator Venetus apud Julium Pontificem.	44. B	— Rex literas dat Regi Romanorum & Gallorum	81. E
— orator Venetus rogat Pontificem ne Imperator Maximilianus Venetis hostis esset.	44. E	— Catholicissimus dicitur.	81. F
— orator Venetus.	83. C	— Regis classis Neapolim applicuit.	82. F
— orator Venetus interiit.	83. D	— Rex ad Perpignanum in Galliam irrumpere moliebatur.	88. C
— cum eo literæ Græcæ & Latine perire visæ sunt.	83. D	— in Mediolanenses & Venetos bellum movent.	95. C
— Doria Romam nunciatum venit, quæ apud Genuam gesta erant.	57. B	— Rex res novas molitur ad confinia Vasconie.	131. E
— Fatinantius Pontemvicum fortiter tuetur.	109. B	— Rex magnam classem parat.	140. E
— Savorgnanus castrum Novum Forijulii capit.	41. B	— contra Gallos Venetosque Regi Romanorum subministrabat pecunias.	140. E
— Græcorum hastatorum equitum Dux.	81. C	— convenit cum Duce Burgundiæ tantum Hispanias gubernare, quantum viveret.	140. E
— cum manu collectitia contra Maranium proficiscitur.	118. E	— paulopost mortem obiit.	ibid.
— cum filiis suis Theupolis Osopio subsidio venit.	120. B	— Rex renuit, quæ orator suus in Anglia pepigerat.	148. C
— egregiam laudem virtute militari sibi quæsit.	121. B	Honor solis virtutibus debetur.	151. B
— de Vich Orator Hispanus.	83. C	Honorem emere pecunia non decet.	151. B
Hispani à Gallis vincuntur.	4. A	Hospitiolum à Venetis igne absumitur.	60. C
		Hospitiolum oppidum, ibi agebatur de pace inter Venetos & Imperatorem.	44. A
		Hospium castellum in monte prærupto situm est.	78. E
		— castellum in potestatem Venetorum venit.	78. E
			Ho-

Hostem laceſſere illum non decet, qui propul-
ſandæ injuriæ vix aptus eſt. 43. E
Hovardes *claffis Britannicæ præfectus*. 99. B
Hunni *Venetos bello laceſſunt*. 8. A

I.

Jacobinus Novellus *per occulta itinera Lemnia-
cum ſubſidio venit*. 39. A
Jacominich Fluminenſis *pirata Iſtris fuit infe-
ſtus*. 78. A
Induciæ *inter Feltrenſes & Germanos ſunt factæ*.
60. D
Infamia illis eſt, quibus vita carior quam honor
inſenſibilis. 80. F
Initia adverſa rerum gerendarum habere, multum
refert. 137. C
Inſcriptio *in pacem Veronæ publicatam edita*. 150. E
Invidiam magnam comparare ex re parva ſtul-
tum eſt. 107. D
Joannes Cola Germanus *Orator Venetiis deſideratas
inducias ſanxit*. 93. F
— *Cornelius orator Venetus cum Cæſareanis ora-
toribus de pace agit*. 44. A
— *Delphinus cum cohortibus quibuſdam in Ger-
maniam it*. 60. B
— *Theſinium opulentum convallem comburit*.
60. B
— *Carolum obſedit*. ibid.
— *Grignum & Hoſpiciolum igne abſumpſit*.
60. C
— *Fortis hoſtes anteveniens pontem frangit*. 65. D
— *equitum Venetorum Dux*. 71. A
— *cum Sigismundo Caballo in hoſtium pote-
ſtatem venit*. 105. A
— *Dux belli Venetorum*. 105. A
— *Franciſcus cum altero Pontificis exercitu con-
tra urbem Mirandulam ibat*. 144. F
— *Gambara Brixienſes ad deditiorem ad-
hortatur*. 17. F
— *Galeatius filius Galeatii Sfortiæ*. 3. A
— *tutorem accipit patrum Ludovicum Sfor-
tiam*. 3. A
— *adultus Iſabellam neptem Neapolitani Fer-
dinandi Regis uxorem duxit*. 3. B
— *Ducem Mediolani non egit*. ibid.
— *Gonzaga Mantuanus falſo commentæ conjura-
tionis inſimulatur*. 48. B
— *Græcuſ ex equi lapſu in hoſtium poteſtatem ve-
nit*. 12. A
— *ad Vallem Paltheniam cum militibus mit-
titur*. 64. A
— *Jacobus Triultius Mediolanum ad reſiſtendum
Helvetiis, venit*. 55. E
— *copiis Pontificis copiam pugnandi fa-
cit*. 70. A
— *orator Gallus cum Helvetiis de pace
agit*. 103. C
— *in provinciam proficiſcitur*. 131. E
— *ad Fanum Chriſtophori prope Me-
diolanum it*. 134. F
Julius Manfronus *amiſſo equo in hoſtium poteſtatem
venit*. 138. B
Joannes Maria Fregofius *Tarviſum à Venetiis mit-
titur*. 22. C
— *Philippum Mariam Rubeum Comi-
tem apud Vincentiam aggreditur*. 33. B
— *Dux belli Venetorum*. 79. B
— *Genuam venit, & urbem cum ho-
minibus ſuæ factionis ingreditur*. 92. D
— *Dux Genuæ*. 105. C
— *Maurus Apuliam provinciam cum claſſe ſorti-
tus eſt*. 9. F
— *præfectus claſſis Padanæ*. 66. C
— *cum claſſe prope propugnaculum Colonie
venit*. 70. F

Joannes Naldius *Atheſim fluvium ad Anguilariam
trajicit*. 132. E
— *Peticium ſuper Rhodigianam Polleſinum
ſtantiem adoritur*. 132. F
— *Paulus Balionus Dux Venetorum in caſtris*.
44. D
— *cum Venetiſ copiis in expeditionem
exit*. 81. B
— *Vincentiam deditiione capit*. 81. B
— *Brixie præſidiis præerat*. 85. D
— *ad capiendum Lemniacum oppidum
exiit*. 106. E
— *cum copiis ex Tauriſo in hoſtes ivit*.
112. D
— *Gradonicus legatus Forijulii*. 27. D
— *infeliciter conatus eſt hoſtem ab op-
pugnatione civitatis Auſtriæ avertere*. 27. D
— *Rhodigianæ Polleſino auxilio mitti-
tur*. 42. A
— *arcem Guilielmiam præſidio munit*.
42. D
— *Caſtellum Venetium demolitur*. ibid.
— *legatus Venetus in expeditionem oc-
cupandæ Veronæ exit*. 46. E
— *legatus Venetus in caſtris*. 51. C
— *legatus Venetus*. 80. A
— *legatus cum exercitu in Forum Julii
prorupit*. 81. B
— *Manfronus exercitus Veneti Dux*.
11. E
— *hoſtes iterum atque iterum pel-
lit*. ibid.
— *in hoſtium poteſtatem venit*. 11. F
— *collem Rovolonum occupat*. 53. C
— *in hoſtium poteſtatem venit*.
72. E
— *Dux belli Vincentiæ præeſt*.
105. A
— *apud Montechium præſidio ſta-
bat*. 113. B
— *Victorius legatus in hoſtium poteſtatem venit*.
123. E
Iſtria tota deſolabatur. 29. B
— *bello aſpero premitur*. 59. A
Italiae periculum imminet ex nuptiis Ducis Bur-
gundie & Regis Gallorum filia. 103. B
Julianus Medices *in locum Petri Sodorini Conſa-
lonerii ſufficitur*. 94. E
— *ſororem Ducis Allobrogum uxorem du-
cere operam dat*. 129. A
Julius Manfronus *in hoſtium poteſtatem venit*.
114. C
Julius Pontifex *invidet Venetiſ quod habeant civi-
tates Ariminum & Faventiam*. 7. A
— *Pontifex operam dat Reges Romanorum &
Gallorum cum Helvetiis conciliare*. 7. A
— *Pontifex armis ſpiritualibus in Venetos uſus
eſt*. 11. C
— *mittit Urbinam Ducem cum exercitu in Ve-
netorum fines*. ibid.
— *Pontifex Venetiſ cenſuris Eccleſiæ interdixit*.
18. F
— *accipit à Venetiſ Ariminum, Faventiam,
Ravennam & Cerviam*. 19. A
— *Pontifex deſerit ſœdus Cameracenſe*. 44. C
— *Pontifex conatur Regem Angliæ à Gallis a-
vertere*. 44. D
— *Helvetios mercenarios conatur habere*. ibid.
— *curabat Venetos cum Maximiliano conciliare*.
ibid.
— *Pontifex conatur periculum libertati totius I-
talie imminens vitare*. 44. D
— *novum ſœdus inire querit*. ibid.
— *Pontifex, Ducem Ferrariæ contra Venetos
bello deſiſtere, curabat*. 50. A
Ju-

INDEX NOMINUM,

Julius nolebat Gallos Duci Ferrariae auxilio fore. 50. A
 — Pontifex nitebatur Regem Romanorum à Gal-
 lis avertere. 54. C
 — vult illi Lemniacum, Vallegium, & Vero-
 nae Civitatulam redimere. 54. D
 — Regium & Mutinam in pignus à Maximilia-
 no desiderat. 54. D
 — cum Venetis parat contra Genuam & Ferra-
 riam in expeditionem ire. 54. D
 — Regi Hispaniae petenti Neapolim in feudum
 vult dare. 54. D
 — Pontifex habet orationem in consistorio. 54. D
 — Pontifex literas dat ad Genuenses. 55. B
 — Pontifex oratores Gallos, & Ferrarienses
 Roma expellit. 55. B
 — Pontifex Bononiae aegrotat. 66. D
 — Pontifex volebat ad Gallos desciscere. 66. F
 — Pontifex oratores Germaniae, Hispaniae &
 Angliae in castra hostium ire jubet. 67. A
 — Pontifex avaritia nimium tenebatur. 69. B
 — Pontifex venit Felicianum. 69. E
 — Ducem Urbinatem exauctorabat. ibid.
 — expeditionem in urbem Mirandulam festina-
 bat. 69. F
 — Pontifex dum Ferrariam cupit subigere, Bo-
 noniam amisit. 74. B
 — deposita belli gerendi cura copias dimisit. 75. A
 — Pontifex ad concilium Pisas accersebatur. 75. B
 — Pontifex Romae in Laterano Concilium indi-
 cit. 82. A
 — Pisanum Concilium irritum facit. 82. A
 — cum Gallis frequenter de pace agit. 82. A
 — Pontifex in aegritudinem incidit. 82. F
 — Pontifex contra Florentinos censuris Ecclesia-
 stis invehitur. 83. B
 — Pontifex fœdus cum Hispanis & Venetis init. 83. C
 — Pontifex omnibus proceribus erat infestus. 90. D
 — non consilio sed timore pacis conditionibus sub-
 scripsit. 90. E
 — Pontifex Parmam & Placentiam recipit. 92. A
 — Pontifex novum fœdus in Venetos facere mo-
 liebatur. 96. B
 — Pontifex cum Rege Romanorum contra Vene-
 tos novum fœdus init. 96. C
 — Pontifex præ tristitia in gravem aegritudinem
 incidit. 100. E
 — statuit Urbini Ducem in Ducem Pisauri. ibid.
 — fuit belli quam pacis studiosior. ibid.
 — Pontifex invenit Regem Gallorum secundum
 cor suum. 139. C
 — donavit eum cruce gemmata. ibid.
 — fratrem Regis Cardinalem instituit. 139. D
 — versus Florentiam & Romam abit. ibid.
 — Tasmus cum Ferrariensium & Germanorum
 manu Rhodiginam Pollesinum prædatus est. 90. C
 Justinianus Maurocenus præfectus levitum Vene-
 torum in hostium potestatem venit. 11. A
 Justinopolis urbs. 59. D
 — civitas Mugla subsidio venit. 78. C
 Justinopolitani in insidiis præcipitantur. 59. E
 L.
 Lactantius Bergomensis cum peditatu veterano-
 rum Miranum rus pergit. 23. A
 — Bergomensis pedites hostium repulit. 62. B
 — Bergomensis nates tormento militie amittit. 63. D
 — ex vulnere illo occubuit. ibid.
 Lacum Obscurum oppidum. 41. D

Lacus Benacus. 9. E
 Lanterna castellum. 57. E
 Lauda civitas ad Gallos desciverat. 105. B
 Laurentius Cerinas peditibus Venetis præest. 44. E
 — fit Imperator omnium peditum. 56. D
 — omnium peditum Venetorum Dux. 80. A
 — cum exercitu in Forum Julii prorupit. 81. B
 — custodem Cremae in suam partem alli-
 cit. 95. A
 — ad urbem Brixiam in Venetorum fidem
 recipiendam, mittitur. 105. B
 — Cremae præsidio stat. 109. A
 — Cremae Custos stratagemate hostes vin-
 cit. 116. E
 — Calcinam oppidum ingreditur. 116. F
 — ad Quinzanium nocte intempesta Me-
 diolanenses aggreditur. 116. F
 — urbem Bergomum deditione capit. 127. B
 — deditionem Bergomi fecit. 128. A
 — ex Crema Regi Gallorum parabat viam. 134. B
 — Medices movebat Regem Gallorum Pontificem
 convenire. 139. B
 — Medices cum exercitu Pontificis Ducem Ur-
 binatem expellit. 144. E
 — Urbinum & Pisaurum caput. ibid.
 — Sagredus cum armatis cymbis Flaminiae lit-
 tora tuitus est. 9. F
 Lazoin vallis. 80. B.
 Lemniacum oppidum à Gallis, Hispanis, & Ita-
 liae militibus oppugnatur. 38. F
 — oppidum intentatum Galli relinquunt. 39. A
 — est oppidum supra ripas amnis Athesis in cam-
 po situm. 51. E
 — munitum magis opere quam natura. 51. E
 — a Gallis oppugnatur. 51. E
 — oppidum capitur. 52. D
 — deditione in Venetorum potestatem venit. 106. E
 — ab hostibus relinquebatur. 126. F
 Leo X. in locum Julii II. Pontificis sufficitur. 103. A
 — ex Gallorum civitate Romam venit. 103. A
 — Pontifex secretum fœdus inire cum Flo-
 rentinis, Helvetiis & Mediolanensibus, Venetos
 hortatur. 103. B
 — Pontifex fœdus clandestinum cum Rege
 Germaniae Hispaniae & aliis init. 131. D
 — Pontifex enixe operam dabat Italiam Italo-
 rum esse. 109. F
 — se jungere voluit cum Hispanis, Venetis, Flo-
 rentinis, Mediolanensibus & Helvetiis. 109. F
 — Pontifex factus fuit arbiter pacis. 118. A
 — indies magis magisque ad Venetos declinabat. 118. B
 — videbatur velle Gallos potius, quam Germa-
 nos & Hispanos in Italia regnare. 118. B
 — Pontifex Gallica & Hispana connubia distur-
 bare querit. 121. F
 — molitur Urbinum, Ferrariam, Lucam &
 Pisas urbes Juliano fratri subicere. 121. F
 — ad Venetos declinare visus est. 122. A
 — Pontifex enixius curabat Venetos cum Rege
 Romanorum componere. 131. A
 Leonardus Dressanus imperatorius nuncius Tarvi-
 sum aggreditur. 21. A
 — se arcemque Patavium Venetis tradit. 23. B
 — frustra obviam it Venetis in urbe Pa-
 tavio. 24. A
 — Hemo urbis Brixiae præfectus. 93. D
 Leo-

RERUM AC SENTENTIARUM.

Leonardus Hierosolymitanus eques Valliseram oppidum vi cepit. 27. A
 — Hierosolymitanus eques apud Monsficem semper paratus stabat. 53. D
 — — eques ad Crispinum oppidum omnia prædatur. 60. F
 — Hierosolymitanus eques in hostium potestatem venit. 71. D
 — vulneribus confossus interiit. ibid.
 — fuit vir fortis & de republica benemeritus. 71. D
 — Lauredanus Princeps Venetus habuit orationem. 31. C
 — Princeps Venetus filios suos cum centum peditibus Patavium mittit. 31. E
 — Lischia Orator Veronensis. 150. C
 — Mocenicus pater Andreae Orator Venetus apud Julium Pontificem. 44. B
 — — orator Venetus ad Pontificem. 66. F
 — — fuit pater Andreae Mocenici nostri Auctoris. ibid.
 Libertas patria omnibus rebus anteit. 55. B
 Libido dominandi Regis Gallorum Regi Hispaniæ erat suspecta. 69. A
 Liburni de hostibus victoriam reportant. 53. B
 — apud Adignanum oppidum funduntur, fuganturque. 77. D
 Ligures centum annis & amplius bellum exercuerunt. 8. B
 Ligora amnis. 113. B
 Liminium oppidum. 53. F. 113. B
 Lipientia amnis. 80. C
 — flumen diffluens opitergium. 111. E
 Lisantius amnis. 59. A. 81. D
 — fluvius prope Aquilejam diffluit. 111. E
 Literæ Pontifici à Venetis mittuntur. 9. A
 — ad Norimbergenses à Venetis datæ. 26. A
 — è Senatu consulto exercitui sunt redditæ. 34. E
 — Maximiliani Imperatoris mediantibus sagittis in urbem Patavium conjiciuntur. 36. A
 — Julii pontificis ad Genuenses. 55. B
 — Pontificis ad Regem Gallorum. 75. C
 — Pontificis Regi Angliæ sunt datæ. 82. C
 — illis suadet fœdus contra Regem Gallorum iniire. 82. C
 — senatus Veneti Osopium missæ. 120. D
 Livianus exercitus Veneti Præfectus. 6. D
 Livinianus cæteros consulto antevenit. 12. F
 Livianus Venetorum exercitus præfectus capitur. 15. E
 — è captivitate Gallorum Venetias venit. 104. C
 — imperator exercitus à Patribus eligitur. ibid.
 — exercitum movet contra Veronam. ibid.
 — relicta Verona, versus Cremonam ivit. ibid.
 — deditione recepit Vallegium & Pischeriam. 104. D
 — Pallavicinos fudit. 105. B
 — cuncta ad bellum utilia faciebat. 112. D
 — cum toto exercitu Taurisium hostibus obviam exit. 112. D
 — ad Bacchilionem fluvium hostes vetat trajicere. 113. A
 — in insidiis protrahitur. 114. B
 — cum exercitu venit Goritiam oppugnare. 122. C
 — propugnaculum ad Bibaquiam vi capit. 126. B
 — in spem urbis potiundæ Veronam propius ad Villam Ceream venit. 126. F
 — in honorem Francisci apud Patavium basiludia fieri curat. 131. C
 — cum toto Veneto exercitu Gallis obviam it. 134. E
 — adventu suo a fuga Gallos à feroci pugna Helvetios continuit. 136. A
 — contra Brixiam ivit. 136. E

Livianus in ægitudine incidit. 137. A
 — qua immatura morte interiit. ibid.
 Lizafusinium oppidum. 31. A
 Lonatum ad Venetos descivit. 137. A
 Longobardi Venetos bello laceffunt. 8. A
 Lotronium castellum. 140. C
 Lucas Anconitanus Dux belli Venetorum. 27. C
 — Sabellus in hostium potestatem venit. 94. E
 Lucius Malvetius Tarvisium ad res componendas mittitur. 22. C
 — Malveticus cum subsidio Lemniacum proficiscitur. 29. F
 — Malvetius fit gubernator exercitus. 56. D
 — — habuit facultatem gubernatoriam. 62. D
 — — Gubernator interiit. 79. C
 Ludovicus Batalea venit Sacillum oppidum. 80. C
 — in Caroli Regis demortui locum sufficitur. 2. Epit.
 — Carolo Regi Gallorum sufficitur. 3. D
 — maluit sua recipere, quam aliena usurpare. ibid.
 — convenit cum Venetis. 4. A
 — contra Ludovicum Sfortiam in Italiam venit. 4. A
 — semel expulsum iterum captivum in Galliam duxit. 4. A
 — Neapolitanum regnum sibi vendicat. 4. A
 — cum Rege Hispaniæ illud capit & paritur. ibid.
 — Rex Gallorum fœdus cum Venetis sanctum violavit. 10. C
 — Rex Gallorum totum orbem appetit. 54. E
 — magna ei est imperandi aviditas. 54. E
 — Rex Gallorum ad pacem cum Venetis declinat. 58. A
 — Rex Gallorum occubuit. 131. B
 — Carpinas amplas condiciones proponit. 69. C
 — Quirinus Pontem vicum fortiter defendit. 109. B
 — Sfortia in Galliam captivus abducitur. 2. Epit.
 — Carolum Regem Gallorum in Italiam accersivit. 2. Epit. 3. B
 — — dolo malo rebus Gallorum studuit. 3. C
 — — eo auctore Turcæ, Galli, Germani & Principes Italiæ contra Venetos bellum parant. 3. C
 — — Gallos primum in Italiam accersivit. 8. F
 Lues sava grassatur Padus. 60. E
 Lutrech Dominus contra Hispanos venit. 131. E
 — Dominus amnem Mintium ponte jungit. 144. C
 — Athesim ad Gussplengum trajicere parat. 144. D
 — Dominus cum Theodoro Triultio, Andrea Gritto & Joanne Paulo Gradonico Veronam ingreditur. 150. C
 — Dominus claves urbis Veronæ legatis Venetis dedit. 150. E
 — Dominus versus Mediolanum cum exercitu discessit. 151. B
 — comitabatur eum Andreas Gritus usque urbem Laudam. 152. A

M.

Macra amnis. 56. E
 Magnus Nothus Allobrogum ad obsidendam Brixiam è Gallis destinatur. 136. E
 Majorbium oppidulum Venetiis à dextris. 111. C
 Malum prohibere, & suadere utile, boni magistratus est. 54. D
 — semper additur malo. 119. B
 Mantuæ Marchio è captivitate educitur. 57. F
 — Marchio Venetorum imperator contra Ferrariam exit. 64. E
 — Marchio ad Gallos descivit. 70. D
 Malpheus Catulus Bergomum civitatem recepit. 109. A
 Ma-

INDEX NOMINUM,

Maranium oppidum situm ad mare prope urbem A-
 quilejam. 118. C
 Marcella turris. 81. E
 Marcus Evangelista in Deum tutelarem à Venetis
 sufficitur. 8. B
 — Antonius Columna contra urbem Genuam cum
 exercitu festinat. 55. A
 — — — Specium oppidum deditione cepit.
 56. E
 — — — tuitioni urbis Bononiæ præficitur.
 67. B
 — — — ne periret inedia, abire compulsus est.
 89. F
 — — — præsidio Veronam concedebat. 134. E
 — — — Contarenus præfectus classis Padanæ. 30.
 F. 31. A
 — — — propugnaculum à Ferrariensibus in
 Athesi positum solo æquat. 31. A
 — — — cum classe Comaclum oppidum ve-
 nit. 42. D
 — — — parvo labore capit & diripit. ibid.
 — — — Dux classis Venetæ. 65. C
 — — — frustra tentat in amnem Athesim.
 65. C
 — — — Philippinus Dux hostium in Veneto-
 rum potestatem venit. 117. B
 — — — cerdo fidissimus vexillum Marci in media pla-
 tea Tarvisii sustulit. 21. B
 Margareta filia Cæsaris. 44. D
 Marignanum oppidum medium inter Mediolanum
 & Laudam interjacet. 135. A
 Marinus Georgius orator Venetus à Gallis capitur.
 89. C
 — — — orator Venetus apud Pontificem. 132. A
 Marostica oppidum est situm ad colles. 52. F
 — — — nullius idoneæ rei eget. ibid.
 — — — à Venetis obsidetur. 58. D
 — — — à Venetis occupatur. 58. D
 Martinus Faventinus nostri exercitus Imperator.
 63. B
 Matrimonii multæ inimiciæ regum sedari so-
 lent. 132. A
 Mattheus Iadrensis temere Gallignanium oppidum
 invadit. 59. B
 — — — Lancher Gurgensis Episcopus. 44. D
 Maximilianus ad parandum bellum, & copias col-
 ligendum Tridentum venit. 39. E
 — — — Gallos in auxilium Veronam accersit. ibid.
 — — — Imperator plus erogat quam habet. 5. B
 — — — Imperator cum exercitu Tridentum & Forum-
 julii venit. 18. E
 — — — Imperator bellum gerit contra Venetos in Istria
 & Forojulii. 19. C
 — — — Imperator Valliseram oppidum venit. 22. B
 — — — minatur exercitum Venetum, aut urbem Tar-
 visium invadere. 22. C
 — — — Imperator contra Venetos cum Turcis agit.
 37. B.
 — — — in Venetos movit Regem Pannoniæ. 37. B
 — — — Imperator in Germaniam abit. 38. D
 — — — Imperator fuit humanissimus, nec potuit pati
 hominem mori. 38. E
 — — — Imperator tentavit nepotem suum in Regem
 Romanorum subrogare. 131. E
 — — — Pannonos & Polonos contra Venetos in au-
 xilium vocat. 131. F
 — — — Imperator Romanus Tridentum venit. 141. B
 — — — Imperator militibus solvendo non erat.
 142. C
 — — — Imperator abit in Germaniam. 143. A
 — — — Imperator nolebat pacem cum Venetis facere.
 148. D
 — — — Veronam Regi Gallorum volebat dare, dum-
 modo fœdus Cameracense servaretur. 148. D
 — — — oratorem Pontificis expellit. 44. E

Maximilianus Rex difficultate rerum movetur de
 induciis agere. 6. E
 — — — Rex desperatione ductus declinat ad Gallos.
 7. A
 — — — Rex cum Venetis rem infelicitè gessit. 7. A
 — — — Rex Romanorum Regi Gallorum se credere no-
 lebat. 83. E
 — — — Sfortia Mediolani Dux constituitur. 94. C
 — — — magna cum pompa urbem Mediolanum
 ingreditur. 100. C
 Medices Cardinalis legatus Pontificius in Gallorum
 potestatem venit. 89. C
 Mediolanenses fœdus cum Pontifice Rege Hispaniæ,
 & Venetis ineunt. 3. C
 — — — veniam & pacem implorant. 136. C
 — — — urbem Regi tradere offerunt. ibid.
 Meduacus fluvius nunc Brenta. 34. C
 Medoacum vulgo Metamaucum oppidulum Venetiis
 à sinistris. 111. C
 Medoacus annis hinc inde ad Pataviam involvitur.
 111. E
 Meleager Dux levitum in hostium potestatem venit.
 85. F
 Melius est prævenire, quam præveniri. 31. C
 Mens sibi conscia plus satis timet. 75. B
 Mentis sanæ est mutare incerta pro certis. 67. B
 Mercatores ne naufragium faciant, mercimonias in
 mare projiciunt. 87. B
 Mercurius Bua cum Græcis equitibus ad Camisa-
 nam villam hostem fudit. 125. A
 — — — per vallem Suganam usque Tridentum
 prædando in Germaniam venit. 125. D
 — — — ad portas Veronæ accurrit. 132. E
 — — — Brixienfes pabulatum venientes vicit.
 140. A
 — — — fugientes hostes fudit. 142. F
 — — — prædam ab hostibus recepit. 147. E
 — — — rates onustas commeatum disjecit.
 147. F
 Mergariam, oppidum. 31. A
 Mestrum oppidum. 31. A. 81. A
 Michael Friscener cum uxore in hostium potestatem
 venit. 58. D
 — — — Foscarenus præfectus exercitus Veneti Albo-
 nianos in officio retinuit. 59. E
 Milites conductitii bonam operam navant si modo res
 prosperæ cedunt. 19. F
 — — — sunt reipublicæ viscera 20. C
 Mintius annis. 18. E. 91. B
 Mirandula civitas à Pontificiis capitur. 64. C
 — — — à Pontifice & Venetis obsidetur. 69. F
 — — — deditione Pontifici traditur. 70. A
 Mocho castellum natura & opere bene munitum
 78. B
 Monfalconium oppidum Forijulii Germani capere
 non potuerunt. 26. C
 — — — oppidum vi capitur. 119. A
 Monferatenfis Marchio in Gallos regionem concivit.
 92. A
 — — — Marchio civitatem Novariam in fidem accepit.
 92. D
 Monfalex oppidum castellumque in hostium venit po-
 testatem. 34. A
 — — — oppidum acriter oppugnatur. 33. D
 — — — est opidum parum munitum, haud longe di-
 stans ab urbe Patavio. 33. D
 — — — contra hostes defendebatur à Petro Gradonico
 Præfecto, & Duce Paulino Cursio. 33. E
 Montagnana urbs Venetis recipitur. 41. E
 Montia oppidum distat à Mediolano decem millibus
 passuum. 63. A
 Montis Amani Rex fuit insolens. 98. C
 — — — dixit se habere duas gallinas, qua-
 rum una ovum aureum, altera argenteum pareret.
 98. C
 Mon-

Montis Amani Rex. modo in Armeniam, modo in
Affryiam impune prædabatur. 98. D
 — in sola fuga spes ejus sita erat. ibid.
 — in Turcarum potestatem cum quatuor
 filiis venit. 98. D
 — crudeliter cum illis enectus est. ibid.
 Moriglionus præfectus propugnaculi ad Bibaquiam
 in Venetorum potestatem venit. 126. B
 Morinum urbs modo Terovana. 115. C
 Mors creditur esse felix, quæ in agendis rebus
 optimis proveniret. 83. E
 Mugla urbs. 59. C
 — oppidum a Tergestinis acriter invaditur. 77. D
 Muglenſes à Tergestinis repellantur. ibid.
 Mundi latitudo. 96. F
 — ejusdemque longitudo. ibid.
 Mundus in tres partes dividitur. 96. E
 Muso fluvius juxta oppidum Axilium. 58. B
 Mutina urbs capitur. 61. A
 — descivit ad Gallos. 64. D
 — tenetur pro Imperatore Maximiliano. 70. C
 N.
 Natifo fluvius. 27. C
 — fluvius juxta Tergestum in pelagus exit. 28. C
 — dicitur finis Venetiæ. ibid.
 Neapolis à Julio Pontifice Regi Hispaniæ in feu-
 dum erat danda. 54. D
 Nervii fuerunt populi feri, & magnæ virtutis ho-
 mines. 116. C
 — eorum prælio Romanus exercitus in majus di-
 scrimen ducitur. 116. C
 Nicolaus Caballus orator Veronensis. 150. C
 — Doria Genua extorris. 55. B
 — Vendraminus prædando per vallem Suganam
 usque Tridentum venit. 125. D
 — Ursinus vir prudentia, & rerum bellicarum
 experientia celeberrimus. 9. F. 10. A
 — fuit summus exercitus Veneti Præse-
 ctus. 9. F
 — castra metatus est ad Pontemvicum. ibid.
 — Pitiliani Comes Imperator exercitus
 Veneti orationem habet. 10. B
 Nilus flumen. 96. E
 Nimium emungens elicit sanguinem. 87. E
 Nocet hostem ultro laceſcere, cum propulsare
 injuriam vix apti sumus. 27. C
 — plus capere, quam retinere facultas est. 27. C
 — plus solito facere. 49. A
 Nojonum urbs. 145. F
 Novaria civitas à Gallis obsidetur. 105. F

O.

Obediunt facile omnes, si quæ aliis imperes tu
 prius præſliteris. 31. F
 Occasio quæ semel præterit, nunquam redit. 96. A
 Occasione uti in re militari magnum interest. 61. B
 Octavianus Fregosius Genua extorris. 55. B
 — ex Genua Dux Regi Gallorum parabat
 viam. 134. B
 Odium est fomentum discordiæ. 5. A
 Opitergium olim urbs maritima. 111. D
 — per 32. millia passuum à mari distat. 111. E
 Oratio Andreæ Gritti ad exercitum. 20. B
 — ab Andrea Gritto Brixia habita. 17. B
 — cujusdam Veneti ad Senatum. 87. B
 — de fide erga Gallos servanda, Venetiis habi-
 ta. 4. B
 — Dominici Trivisani ad Regem Gallorum. 138. D
 — Heliani oratoris Regis Galliæ. 45. A
 — Julii Pontificis in consistorio. 54. D
 — Leonardi Lauredani Principis. 31. C
 — Nicolai Ursini Imperatoris exercitus. 10. B
 — Petri Pascali ad Pannonos. 45. D
 — Præfecti urbis Tarvisi. 21. B
 — responsoria scribæ magni Regis Gallorum. 139. A

Oratio suadens cum Gallis Venetis esse standum. 4. C
 — suadens in partes Regis Romanorum Venetis
 esse eundem. 5. A
 Ofopium oppidum situm in monte prærupto. 119. F
 — duram obsidionem sustinuit. 120. F
 — nunquam capi potuit. 121. B
 Ostium Fornaceni Padi, quo petuntur Venetiæ. 65. A
 — Primarium Padi, quo aditur civitas Argen-
 ta. 65. A

P.

Palatium oppidum prope Carpum. 69. E
 Palatium appellatur Bellaere. 71. D
 Palifeus Gallorum belli Dux. ibid.
 Pallavicini pro Rege Gallorum urbem antecapere ausi
 sunt. 105. B
 — à Liviano vincuntur. ibid.
 Pallifeus Dominus exercitum Gallorum semper an-
 teibat. 134. D
 — Prosperum Columnam incautum offendit. ibid.
 Panarus amnis. 70. C
 Pandinum oppidum. 117. C
 Pannoniæ Rex molitur bellum contra Dalmatiam. 37. B
 Pannonos semper inimicitias cum Germanis gesse-
 runt. 45. F
 — nunquam cum Hispanis & Gallis aliquid com-
 mune habuerunt. 45. F
 — pacem & bellum commune cum Venetis adver-
 sus Turcas habent. 45. F
 — intereunte Republ. Veneta, interire debent. 46. A
 — ob penuriam pecuniæ nihil Venetos agere pos-
 sunt. 46. B
 — habuerunt conventum Thatensem. 46. B
 — volunt ut Veneti Dalmatiam restituant. ibid.
 — fuerunt bello expertes. 98. F
 Parma Regi Gallorum à Pontifice traditur. 136. D
 Par pari reddere licet. 5. F
 Pars si bene se habet, totum etiam bene se habet. 21. B
 Patavi Rivumaltum primum inhabitant. 7. C
 — Medocum, Fossam clodiam, & Albiolam
 condidere. 7. C
 Patavium à Venetis occupatur. 23. C. 24. A
 — in potestatem Venetorum rediit. 24. C
 — habetur suburbium Venetiarum. 31. C
 — est studiorum placidissimum gymnasium. 32. F
 — Antenor è Troja profugus condidit. ibid.
 — à Venetis summo studio munitur. ibid.
 — à Venetis omnibus modis munitur. 54. A
 — olim urbs maritima. 111. D
 Paulus Baxilius Dux belli Venetorum. 27. C
 — Capellus orator Venetus apud Julium Pontifi-
 cem. 44. B
 — Petro Marcello, & Joanni Paulo
 Gradonico legatus in castris sufficitur. 51. C
 — legatus Venetus in castris cum militi-
 bus ad Stellatense oppidum venit. 66. B
 — Saxolum oppidum vi capit. 68. E
 — prope Mirandulam civitatem venit. ibid.
 — Concordiam oppugnando vi capit. 69. D
 — cum Veneto exercitu ad civitatem concor-
 diam venit. ibid.
 — Venetorum belli Dux. 75. A
 — Cursius Dux militum cuncta ad Monsficem
 oppidum servandum facit. 33. E
 — Santangelus plenus vulneribus è manibus ho-
 stium delabitur. 114. C
 Pax inter Regem Gallorum & Hispaniæ. 145. F
 — ejus conditiones. 146. A
 — fuit facta inter Gallos & Germanos. 148. F
 — hujus pacis conditiones. ibid.
 — sancita est, & induciæ conditionesque sigillis
 Regis Gallorum & Hispaniæ munitæ sunt. 149. C
 Pedemons oppidum. 59. A
 Periculum præfens quando vitare possumus, de
 futuris speramus. 67. A

INDEX NOMINUM,

Trivilienses oppidum suum & Venetum praesidium
 produunt. 10. F. 11. A
 Trivium à Mediolanensibus occupatur. 2. Epit.
 — oppidum sese dat hostibus Venetorum. 10. F
 Trompia vallis. 86. B
 Tros civitas Galliae. 68. F
 — ibi decretum est concilium contra Pontificem
 celebrare. 68. F
 Troylus Sabellus equitum Scorpionariorum Dux. 61. C
 Trumpia Vallis. 141. A
 Turcae contra Venetos bellum parant. 3. C
 — praestare auxilia Venetis polliciti sunt. 37. D
 — & Dalmatae in auxilium Venetorum veniunt.
 53. A
 — cum classe Hydruntum & Tarentum veniunt.
 68. A
 Turci in magnum imperium crevere. 8. E
 — Thraciam & Graeciam subegere. 8. E
 Turris Donatia. 42. D
 — nova est antemurale Venetis. 90. B
 V.
 Valles Gambariae. 112. A
 Vallis Dressana. 61. C
 — Palthenia. 64. A
 — Sabia. 140. C
 — Trumpia. 141. A
 Vallifera oppidum à Leonardo & Petro Corsio vi
 capitur. 27. A
 Varese oppidum situm prope lacum Larium. 134. E
 Vasconiae regnum ad Pyreneos montes situm est. 99. B
 — regnum, nunc Navarrae regnum appellatur.
 116. A
 Veneti cum Rege Romanorum in triennium inducias
 fecere. 2. Epit.
 — curant res Pisanas. ibid.
 — contra Ludovicum Sfortiam foedus cum Lu-
 dovico Rege Gallorum ineunt. ibid.
 — in partes Germanorum ire nolebant. ibid.
 — cum Germanis ad Cadubrium praelium ineunt.
 ibid.
 — ut & ad Goriciam & Tergestum. ibid.
 — Goriciam & Tergestum in potestatem accipiunt.
 ibid.
 — cum Alexandro Pontif. Rege Hispaniae & Me-
 diolanensibus ineunt. 3. C
 — cum Ludovico Rege Gallorum conveniunt. 4. A
 — Gallorum fidem suspectam habent. 4. B
 — habentur omnium gentium fidiissimi. 4. C
 — pace imperium latius propagavere. 5. B
 — in bello externo milite semper usi sunt. 5. C
 — inviti bellum gerunt. 5. C
 — necessitate compulsi sociis auxilio sunt. 6. D
 — Gallique Regi Maximiliano per Tridentum ve-
 nienti obfistebant. 6. E
 — a Julio Pontifice civitates Ariminum & Fa-
 ventiam occupant. 7. A
 — Julium Pontificem & alios Reges hortantur
 Regem Gallorum comprimere. 16. D
 — navalis fabricae & rei maritimae peritos ad-
 sciscunt. 7. C
 — vacant maxime commercii. ibid.
 — inhabitant partem Italiae amenissimam &
 pulcherrimam. 7. D
 — quibus rebus victum sibi quaerunt. 7. D
 — quos magistratus primum habuerunt. ibid.
 — eligebant Ducem cujus animus in consulendo
 erat liber. 7. E
 — cujusque animus nulli libidini erat obnoxius.
 ibid.
 — abrogata Tribunitia potestate Ducem crearunt.
 ibid.
 — Ducem earum rerum scientissimum de quibus
 pro tempore agendum erat eligebant. ibid.
 — corpus suum navalibus officiis exercebant. 7. F
 — opibus accreti odio habentur à finitimis. 8. A

Veneti ab Isthis, Liburnis, & Dalmatis maritimis
 latrocinii tentantur. ibid.
 — sinus Adriatici jus sibi acquisiverunt. ibid.
 — odium & invidiam beneficiis vincere conati
 sunt. 8. B
 — cum quibus succisvis temporibus pugnave-
 runt. 8. B
 — cum Liguribus centum annis & amplius bel-
 lum exercuerunt. ibid.
 — Marcum Evangelistam in Deum tutelarem
 sufficiunt. ibid.
 — cum Turcis bella aspera gesserunt. ibid.
 — sunt antemurale Christianae Ecclesiae. ibid. C
 — praecleara facinora multa egerunt. ibid.
 — quibus virtutibus fuere praediti. ibid.
 — capti continentis luxuria facile diverterunt à
 laboribus ad delitias. 8. D
 — cum Hercule Duce Ferrariae periculosum bel-
 lum gesserunt. 8. E
 — civitates Apuliae in pignus habuere. ibid.
 — Ariminum & Faventiam cepere. ibid.
 — incidunt in suspicionem quod Florentinos expu-
 gnaturi essent. ibid.
 — Pontifici literas mittunt. 9. A
 — legatum mittunt ad Regem Angliae. 9. B
 — aggerem ducunt ad saltus, unde in Germa-
 niam itur. 9. C
 — ex tota Graecia, Campania & Apulia copias
 auxiliares acceperunt. 9. D
 — copias suas ad diversa loca miserunt. 9. E
 — Ducem Ferrariae & Regem Hispaniae hostes
 habent. 9. F
 — Carolum Regem Gallorum ad Tarrum fluvium
 fuderunt. 10. B
 — habuerunt vetus institutum, non irritare, &
 potius propulsare, quam inferre injuriam. 10. E
 — apud amnem Abduam sunt pulsi. 10. F
 — ad Brixigellam fortiter in hostes agunt. 11. E
 — oppidanis Rusi subsidio veniunt. 12. A
 — in magno rerum discrimine oculatissime agunt.
 12. C
 — instructa acie versus flumen Abduam eunt. ibid.
 — oppida omnia ad hostes defecta, redierunt in
 fidem pristinam. ibid.
 — hostes ultra flumen Abduam fundunt fungant-
 que. ibid.
 — incolas Ripaltae sibi suspectos repellunt. 12. D
 — Trivium obsident. ibid.
 — levitibus pollent. 14. E
 — à Gallis funduntur, cedunturque. 15. E
 — amittunt omnia impedimenta & tormenta mi-
 litiae. 15. E
 — à Gallis fusi Brixiam pergunt. 16. A
 — cum exercitu Pischeriam oppidum pergunt. 17. F
 — Pischeriam oppidum profisciscuntur. 18. C
 — cum Veronensibus agunt, ne exercitum Gal-
 lorum urbem ingrediantur. 18. C
 — in Campo Martio juxta Veronam castra po-
 nunt. 18. D
 — à Duce Ferra. terra marique bello oppugnan-
 tur. 18. F
 — à Pontifice censuris Ecclesiae afficiuntur. 18. F
 — Julio Pontifici Ariminum, Faventiam, Ra-
 vennam & Cerviam civitates tradunt. 19. A
 — Duci Ferrariae totam Rhodigii insulam tra-
 dunt. 19. A
 — Regi Hispaniae civitates Apuliae tradunt. ibid.
 — Regi Romanorum tradunt Veronam, Vincen-
 tiam & Patavium urbes. ibid.
 — cum Gallis de pace agere volunt. 19. E
 — nunquam bellum suscipiunt nisi tuendi gratia. ib.
 — magnam caedem de hostibus edebant. 22. E
 — Caesarianos milites omnes caedunt, aut capiunt.
 24. B
 — receptione Patavii aliquantum respirant. 25. A
 Ve-

RERUM AC SENTENTIARUM.

Veneti Norimbergensi Communitati Germaniae literas
dant. 25. A
— majori in odio à Regibus habentur quam Turcæ, 26. A
— terra marique Tergestum invadunt. 28. C
— civitatem Tergestum capere non potuerunt. 28. D
— terra marique contra urbem Tergestum in expeditionem
eunt. 28. F
— eam bene munitam videntes relinquunt. 28. F
— Raspruckium oppidum occupant. 28. F
— relicto Taurisii præsidio Patavium se conferunt. 29. C
— Patavium urbem omnibus modis muniunt. 29. C
— Vincentiam & Veronam recipere differunt. 29. C
— insulam Scalanam occupant. 30. A
— Marchio Mantuæ in insula illa capitur. ibid.
— Marchionem Venetias mittunt. 30. C
— omnes certatim omnia faciunt, quæcunque vires suæ pa-
terentur. 32. F
— quanto maxime possunt hostibus infesti sunt. 33. A
— hostes quasi fugientes, sequuti, multa impedimenta ce-
perunt. 33. D
— custodias intra urbem Patavium distribuerunt. 35. E
— exercitum Patavium obsidentem nocte & interdiu infe-
stant. 36. C
— in urbe Patavio egent pecuniis. 36. D
— recipiunt pecuniam Venetis missam. 36. F
— Aloysium Raimundum Oratorem ad Turcas mittunt. 37. C
— implorant auxilium Turcarum. 37. C
— suadent Regi Angliæ ut debellaret Gallias. 37. D
— soluta Patavii obsidione stipendium militibus dederunt. 38. E
— ad Vincentiam oppugnandam proficiscuntur. 39. A
— opera Severinatis Fracassii Vincentiam recipiunt. 39. C
— citra amnem Athesim in expeditionem exeunt. 39. E
— Civitatem Bellunni & Feltrum in fidem deditione re-
cipiunt. 40. C
— contra arcem Scalanam eunt. ibid.
— prælium conferunt ad Primolanum 40. F
— cum Ferrariensibus Marte ancipiti toto die certant. 42. F
— Abbatiam oppidum muniunt. 43. B
— classem reficiunt. ibid.
— felicius res gerebant hyeme, quam æstate. 43. E
— cum Imperatore de pace apud Hospitiolum agunt. 44. A
— in spem Veronæ potiundæ ducuntur. 44. A
— censuris Ecclesiæ expiati sunt. 44. B
— exercitui & parandæ classi enixe studebant. 44. E
— Reges spernunt. 45. C
— gloriantur Regem Pannoniæ mercenarium habere. 45. C
— & Turcæ duo Dracones Ecclesiæ appellantur. 45. D
— semper fidissimi sunt reperti. 45. E
— ad Bonifacium castrametati sunt. 46. B
— pene Veronam obsederunt. ibid.
— emerunt Dalmatiam sub Rege Ladislao. 46. B
— casu ab occupatione Veronæ deterrentur. 46. F
— & Veronenses prælia inter se committunt. 47. A
— quæcunque usui esse possunt in bello, faciunt. 48. A
— aggeres amnis Athesim fecerunt ad Tresentam oppidum 50. A
— aggeres ad oppidum Abbatie incidunt. 50. A
— totam regionem usque Patavium & salsas aquas inun-
dant. 50. A
— ultra amnem Athesim ad Candam repelluntur. 51. A
— adversus Vincentiam in expeditionem exeunt. 52. A
— apud Vincentiam hostes fugant, vincuntque. 52. C
— in oppido Lemniaco quicquid ad se defendendum facto opus
est, nihil intentatum relinquunt. 52. D
— quanto diligentiores, tanto minus usui fuit. 53. D
— propulsandæ potius, quam inferendæ injuriæ studiosiores
erant. 54. A
— parant cum Pontifice contra Genuam & Ferrariam in
expeditionem ire. 54. D
— cum classe contra Genuam festinant. 55. A
— cum Pontificiis iterum in expeditionem contra Genuam
eunt. 57. D
— iterum re infecta Genua recedunt. 57. E
— Axilium oppidum capiunt. 58. B
— ad Gallinanium repelluntur. 59. B
— lue sœva Paduæ premebantur. 60. D
— movent castra versus Vincentiam. 60. E
— Rhodigianam Pollesinum ceperunt. 60. E
— ad Vincentiam hostibus infesti erant. 61. A
— inopia Commeatuum hostem conficere conantur. 61. E
— ab hostibus repelluntur. 62. A
— hostes Veronam abeuntes pugnando sequebantur. 62. B
— ad Fanum Martini castra metantur. 62. C
— Magna occasione rerum bene gerendarum non usi sunt
62. E
— urbem Veronam oppugnant. 63. C
— contra castellum Felicianum tormentis militiæ agunt.
ibid.
— ad fanum Martini recedunt. 64. A

Veneti Veronam relinquunt. 64. B.
— ad oppidum Bonifacii abeunt. ibid.
— castra movent versus Ferrariam. 64. B
— cum classe Padana ad Castrum novum in hostes eunt.
64. C
— in insidiis à Ferrariensibus præcipitati funduntur fugan-
turque. 64. D
— totam classem in hostium potestate deserunt. 65. C
— Montagnanam oppidum proficiscuntur. ibid.
— apud Bibaciam victoriam ab hostibus reportant. 65. E
— Bellaerem oppidum veniunt. 67. F
— & Pontifex contra Ferrariam eunt. 70. E
— & Pontificii à Duce Ferrariensi fugantur. 71. B
— in pacatum Faventiam abeunt. ibid.
— undique milites conscribunt. 72. D
— castrametantur ad Castrum Francum. 72. F
— Vincentiam relinquere volebant. 76. A
— malunt omnia ferre, quam ignominiam pati. 76. B
— segetes Veronensium omnes comburant. 76. C
— usque Leonicum in castra fusi fugatique sunt. 77. A
— Tarvisium validum præsidium ex Patavio mittunt. 77. C
— Hospium castellum & alia oppida in potestatem & fidem
recipiunt. 78. E
— Suavium cum præsidio in potestatem accipiunt. 79. D
— in insidiis incidunt, & multi eorum caduntur. 80. A
— milites deditionem Gradiscæ fecerunt. 80. F
— Regi Romanorum condiciones proponunt. 82. F
— ad Rhodigianam Pollesinum veniunt. 84. A
— iterum contra Brixiam eunt. 84. D
— a Gallis fusi in castra ultra amnem Athesim fugabantur.
85. E
— in urbe Civitatula nisi moriendo loco cedere videbantur.
86. E
— inducias in menses decem ineunt. 88. C
— cum Helvetiis ad Vallesum se conjungunt. 91. A
— — — ad Fanum Martini stabant. 91. D
— — — amnem Abduam ponte jungere parant. 91. E
— — — ad Ticinum amnem veniunt. 92. A
— — — pontem lapideum Papiæ demoliri parant. 92. B
— — — cum Helvetiis Papiam capiunt. ibid.
— parant in expeditionem adversus Cremam & Brixiam exi-
re. 93. C
— Cremam & arcem deditione ceperunt. 95. A
— licet Veronam & Lemniacum capere possent, noluerunt.
96. C
— cum Rege Gallorum sedus sanxerunt. 103. B
— oppidum Lemniacum cum arce occupant. 106. F
— contra Veronam cum toto exercitu eunt. 106. F
— inopia commeatuum compulsi deditionem fecere. 109. C
— Bergomensium paratas pecunias subripiunt. 109. D
— volebant Veronam relinquere. 110. B
— habent plures cymbas, quam Romani mulos & equos
111. B
— ductores maluerunt mori quam ignominiam pati.
114. B
— multos milites impedimenta omnia & tormenta militiæ
amiserunt. 114. D
— ad Pandinum oppidum hostes cecidere. 117. C
— castra hostium occupant. 117. E
— Veronam relinquere volebant. 118. A
— Maranium oppidum sub fide vacationis armorum amise-
runt. 118. C
— ad Maranium terra repulsi sunt. 118. E
— versus urbem Utinum fugerunt. 118. F
— Veronam Casari relinquere volunt. 121. C
— Forum Julii recipere parabant. 122. A
— ad recipiendum Maranium exeunt. 122. E
— obsidionem Maranii solverunt. 123. C
— pacem cum Rege Gallorum factam noluerunt violare
131. A
— Veronam Casari relinquere noluerunt. 131. A
— partium Pontificis noluerunt esse. ibid.
— cum Francisco Rege Gallorum fœdera innovant. 131. B
— contra Brixiam eunt. 137. A
— — — piscariam ceperunt. ibid.
— à Brixia repulsi acrius eam obsederunt. 137. D
— & Galli iterum obsidionem Brixie solverunt. 138. C
— Gaidum hyematum iverunt. 138. D
— Oratores ad Regem Gallorum Mediolanum venerunt.
ibid.
— pecunias in Brixiam portare vetarunt. 140. B
— & Galli a Germanis ubique à transitu cohibentur. 141. B
— Selsa castello deditione potiti sunt. 145. D
— inter eundem octingenta vasa pulveris igne perdidit. 145. E
— quadraginta equos commeatuum onustos ceperunt.
148. A
— omnino volebant Gallos contra Veronam stare. 148. E
— ex suis urbibus sexaginta millia mutuo acceperunt.
149. D
— pedites & equites urbem Veronam intrarunt. 150. F
— Venet.

INDEX NOMINUM, RERUM AC SENTENTIARUM.

Veneti in magistratibus legebant, qui pecunias darent. 151. A
 Venetia Provincia dicta est ab Henetis. 7. B
 Venetiæ unde ita dicta. 7. B
 — constant sex insulis. 7. C
 — sita sunt in parte Italiae amantissima & pulcherrima. 7. D
 — convehendis mercibus valde sunt accommoda. ibid.
 Venetiarum urbis situs. 111. A
 — pretiosis templis, altis palatiis abundant. ibid.
 — urbis descriptio. 111. A. & seqq.
 — — facies est flexuosa. 111. C
 Venetorum Legati ab Helvetiis ridiculi habiti sunt. 92. F
 — magna pecuniæ summa ab Helvetiis multantur. 93. A
 Venzonium oppidum a militibus hostium Venetis traditur. 81. D
 Vermen Castellum. 28. C
 Verona à Venetis obsessa intus & foris premebatur. 46. D
 — à Germanis, Hispanis & Gallis custoditur. 58. A
 — urbs. 62. B
 — à Venetis oppugnatur. 63. C
 — — obsidebatur & oppugnatur. 107. A
 — Liviano ad oppugnandum commodior Brixia videbatur. 136. E
 — à Venetis & Gallis obsidebatur. 145. C
 — cum Veronensi territorio Venetis traditur. 148. F
 Veronæ per triduum signa lætitiæ sunt facta. 150. D
 — quotannis septimo decimo calendas Februarii in memoriam pacis ibi factæ supplicationes sunt indictæ. 150. E
 Veronenses à Venetis oratione flecti non poterant. 18. D
 — desperatione ducti res novas moluntur. 46. D
 — Venetis portam Gregorii tradere pollicentur. ibid.
 — urbem, ut vitarent periculum, muniunt. 47. A
 — majores hostes intra urbem habebant, quam extra. 48. A
 — Venetos ab oppugnatione Brixia divertere conabantur. 138. A
 — fidem inviolatam Venetis pollicentur. 150. F
 Vessulus mons. 41. D
 Victi seipso & sua omnia amittere solent. 120. E
 Victor non exercet modum & temperantiam. 81. A
 Victores possunt res suas omnes salvas facere. 120. E
 Victoria solent animi hominum nimium inolescere. 53. D
 Vicus Perusinus Dux peditum Venetorum in hostium po-

testatem venit. 18. D
 Vicus Perusinus Dux belli Venetorum. 27. C
 Vincentia à Venetis recipitur opera Severinatis Fracassii. 39. C
 — se dedit hostibus. 51. D
 — deditione à Venetis recipitur. 61. D
 — à Venetis deditione capitur. 81. B
 Vincentini nocte ad Venetos in castra venientes deditionem faciunt. 39. C
 — cum supellectili in latomias aufugerant. 51. E
 — in una latomiarum fumo enecantur. ibid.
 Vincentius Naldius ductor exercitus Veneti in potestatem hostium venit. 11. A
 Violentum nullum perpetuum est. 90. A
 Vipolzanum castellum ab Aloysio Delphino capitur. 58. F
 — interjacet Goritiam & Cromoniam. 58. F
 Vitellus Ductor exercitus Veneti proditione Trivulsiensi in potestatem hostium venit. 11. A
 Vivere non refert sed bene vivere. 83. D
 Ulmum Oppidum quatuordecim millibus passuum à Ulma rustica distat. 58. E
 Vollana Ostii Padi nomen. 42. E
 Urbinas Dux nepos Pontificis exercitui Pontificis præpositus. 69. C
 — Gallicis rebus magis quam Pontificis studet. ibid.
 — dum celeritate opus est, rem semper differt. ibid.
 — Dux Pontificis Venetorum fines ingressus est. 11. C
 — in oppidum Vallis Lamoniae festinat. ibid.
 — Dux Ravennam, Bononiam & totam Flaminiam in fradem Pontificis recipit. 93. F
 Ursinus Dux Romanus non in auxilium Venetis venit. 9. D
 Utinum Civitas in hostium potestatem venit. 80. D
 — urbs à Duce Brunswigia obsidetur. 27. B
 Vulpenfis eques hostes intra mœnia repulit. 74. A
 Zacharias Contarenus legatus Venetus. 6. E
 — cum legatis Cæsaris ad Ripam oppidum de induciis egrediuntur. ibid.
 Zacharias Lauretanus Præfectus Venetus in lacu Benaco gentem classem habuit. 9. E
 Zagdari Cretenses Sagittarii, agreste ac semiferum genus hominum. 9. D
 — in auxilium Venetis veniunt. ibid.

F I N I S.



BERNARDINI ARLUNI,

Jureconsulti, Patricii Mediolanensis,

D E

BELLO VENETO
LIBRI SEX,

Ubi

Quæ, Seculo XVI. novo, a Germanis, Gallis, Hispanis, variisque Italiae Principibus, adversus Venetos gesta, ab his vero infirmata sunt, usque ad Pacem inter hos omnes initam, aliaque huc pertinentia, dilucidissime & solidissime enarrantur.

Nunc primum e MS. editi.



LUGDUNI BATAVORUM,

Sumptibus PETRI VANDER Aa,

Bibliopolæ, Civitatis atque Academiae Typographi.

THE UNIVERSITY OF CHICAGO

LIBRARY

STANDARD

OF

THE

LIBRARY

OF

THE

LIBRARY

OF

THE

LIBRARY

OF

THE

LIBRARY

OF

V I R O
EXCELLENTISSIMO, PRUDENTISSIMO, ERUDITISSIMO,
AC CELEBERRIMO,
D O M I N O,
D. JOANNI BURCHARDO MENKENIO,
JURIS UTRIUSQUE DOCTORI,
SACR. REG. MAJEST. POLON.
ET ELECT. SAXON.
CONSILIARIO AC HISTORIOGRAPHO,
H I S T O R I A R U M
IN
A C A D E M I A L I P S I E N S I
P R O F E S S O R I P U B L I C O,
ET
SOCIETATIS REGIÆ BRITANNICÆ
S O C I O,
I N S I G N I
L I T E R A R U M, S C I E N T I Æ, A C D O C T R I N Æ I N G E N U Æ
F A U T O R I E T P R O M O T O R I,

H A N C
B E R N A R D I N I A R L U N I,
JURECONSULTI, PATRICII MEDIOLANENSIS,
D E
B E L L O V E N E T O
L I B R O S S E X,

I N G R A T I A N I M I T E S S E R A M
P R O
C O N S I L I I S S A L U B E R R I M I S,
V A R I I S Q U E R A R I S S I M O R U M A U C T O R U M O P E R I B U S
I N
M A G N U M R E I L I T E R A R I Æ E M O L U M E N T U M
B E N E V O L E C O M M U N I C A T I S,

S U M M A O B S E R V A N T I A
D E D I C A T A C D I C A T

P E T R U S V A N D E R Aa.

P R Æ F A T I O T Y P O G R A P H I.

Sæpius audivimus, *Benevole Lector*, latitare alicubi Opus quoddam egregium, quod *Bernardinus Arlunus*, Patricius Mediolanensis conscripserat *de Bello Veneto*. Desiderarunt avidissime, Viri in Orbe Literario summi Nominis monumentum illud, tanti Auctoris dicendi ac scribendi genere plane singulari. Omnem pro eo, quo in Eruditos sumus, inserviendi studio, in hoc detegendo Opere movimus lapidem; sed diu laboravimus frustra: donec conatus nostros adjuvit Vir Gravissimus, *Franciscus Stryker*, Nationis *Hollandicæ* apud *Venetos* Consulem agens. Hic enim precibus nostris locum concedens præsentis Operis Codicem MS. qui inter rarissima præstantissimæ ejus Bibliothecæ servabatur Cimelia, nobis transmisit. Actutum Opus prelo dedimus; & omnem adhibuimus industriam, ut illud luci publicæ exponeretur nitidissimum. Ad hæc curavimus, quantum in nobis fuit, lectionem reddere facillimam: ideo Nomina propria, ex quibus in historicis legendis omnia pendent, Epistolas, & Orationes, quarum variæ stylo, ut vocant, recitativo hic exhibentur, quæ Auctoris est dexteritas, elegantissime. Cujus lucubrationes jam diu ante nos Eruditis fuisse desideratissimas, ea, quæ ex *Conrado Gesnero*, *Joanne Gerardo Vossio*, & *Ludovico Moreri* hic addidimus, docebunt: qui cum *Historiæ Mediolanensis* quidem a Nostro conscriptæ, non vero præsentis *de Bello Veneto* Historiæ faciant mentionem, non obscure in commendationem præsentis Operis innuunt, quam rarum illud semper fuerit, quippe quod tantis Viris ipsis fuisse videtur incognitum. Ornari etiam voluimus Opus Effigie Augustissimi quondam *Vene-*

P R Æ F A T I O T Y P O G R A P H I.

netiarum Ducis, *Andreae Gritti*, cui, ut & Sanctissimo Senatui *Veneto*, hos labores dicatos Auctor voluit. In quibus quot & quanta comprehenderit, ut uno pateat intuitu, Indicem rerum & verborum notatu digniorum optimo dispositum ordine Alphabetico Operi subjunximus. His, *Benevole Lector*, feliciter fruire. Vale, nobisque fave.

DE HISTORIA URBIS MEDIOLANENSIS

AB AUCTORE CONSCRIPTA.

Ex CONRADI GESNERI *Bibliotheca*.

Bernardini Arluni, *J. C. Patricii Mediolanensis*, Historiarum ab origine urbis Mediolanensis, ad nostra usque tempora Sectiones tres, cum M. Antonii Majoragii Præfatione, Oporinus brevi dabit in publicum.

Ex GERARDO JOANNE VOSSIO,

de Historicis Latinis, Lib. III.

Arlunus Bernardinus, qui aliis Bernardinus Arlunus, reliquit *Historiarum Sectiones tres*, ab origine Urbis Mediolanensis, ad sua usque tempora. Hoc opus habuit, cumque Præfatione Antonii Majoragii se editurum promiserat Oporinus. Sed necdum prodiiisse arbitror. Meminit Gesnerus in *Biblioth.* & ex eo, cum Rob. Constantinus in suo *Scriptorum Nomenclatore*, tum Zuingerus in *Theatro suo*.

Du Dictionaire Historique de LOUIS MORERI.

Arlun, (Bernardin) de Milan. On ne sçait pas en quel tems il a vèçu, les uns disent dans le XII^e. siecle, & les autres dans le XIV. il écrit l'Histoire de Milan, depuis sa fondation jusques à son tems.

A U C T O R I S

EPISTOLA DEDICATORIA.

BERNARDINUS ARLUNUS,

Jureconsultus, Patricius Mediolanensis,

AUGUSTISSIMO VENETIARUM PRINCIPI

A N D R E Æ G R I T T O,

SANCTISSIMOQUE SENATUI VENETO,

S.

Existimo equidem, esseque verum arbitror, *Andrea Gritte*, Principum Princeps In-
victissime, vosque cæteri omnes auspaticissimæ Reipublicæ *Venetae* Moderatores
Moderatissimi, summæque rerum Appensissimi Gubernatores, eam divinitus vim in-
fufam insitamque mortalibus cunctis, qui ratione præditi luce fruuntur, sive virtuti-
bus addictam, sive vitiis emancipatam vitam agant, ut perpetuo esse velint, æter-
nitatemque sui modis omnibus enixissime concupiscant: quoniam sapientes juxtaque
dissipantes, omnes quacunque voluptate trahantur, imparesque suos affectus quo-
cunque dirigant, nunquam plane mortem optaverunt; nisi fructus uberiores ex interitu, magis quam
inani

inani vitæ præsentis umbra sese collecturos arbitrentur : sicuti cælestis orator *Paulus* & divino-
rum interpretes *Hieronymus*, cæterique sic hominum commercio sequestrati, ut viventes pæne mor-
tui sint, ac tanto cælestium ardore succensi, ut melioris vitæ desiderio humana non sentiant. Quo
(sic reor) tendit divi *Stridonensis* eleganter dictum: *Omnem sapientium vitam cogitationem esse mor-
tis* : non quidem ut extinguantur, sed ut redivivæ phœnicis exemplo renascantur extincti. Quod
& ansanctus heros ille divinis literis respexisse videtur, cum superciliosus expostulat, exitumque
festina morte præcelerem comprecatur: ut sit quasi non fuerit, de utero translatus ad tumulum.
Etenim quod, auctoribus *Græcis Latinisque* tradentibus, adagio receptum increbuit: *Optimum non
nasci, huic proximum cito mori*, non ad æternam perennis animæ nostræ felicitatem, sed ad præ-
gravatam ærumnis omnibus ac miseris mortalium vitam relatum esse, credendum est, quibus homi-
nes affecti, sæpiusque crudeliter discruciat doloris impatientia vitam utramque miserabiliter depre-
cantur. Quarum alteram egregie sapientes, & cælestibus initiati sic unice complexati sunt, nostræ-
que huic vulgari vitæ sic prælatam esse voluerunt, ut mors illis vita foret, vitæque præfens suppli-
cium. Verum quoniam id pauci, quos æquus amavit *Juppiter*, aut ardens evexit ad æthera virtus,
consecuti sunt, procul dubio liquet, sic jure naturæ genioque suo procreatos esse mortales, ut sem-
per esse velint : mortemque velut adversariam, & hostem insensissimam perhorrescant. Exinde sa-
cris non absurde literis legimus, summissitantes commotosque fratres, quod discipulus ille non mor-
ritur: prærogativam nullam majorem, nullumque majus beneficium præstari posse crediderant A-
postoli, quanquam divinis incalescentes, Numinisque spiritu propioris afflati, quam sic manere, quam
non mori, quam æternum esse. Sed qui scribendo Præceptoris sui verbum exceperat, erroneam
cassamque refellit eorum sententiam, maleque conjectatos, dictaque perperam interpretantes corri-
puit: quoniam omnes una manet mors, & calcanda semel via lethi. Ergo cum mortalibus indictam
omnibus legem omnes æqua censura patiantur, subireque jugum oporteat, nec rebeli cervice relu-
ctari, laborant, enituntur, studentque plerique mortalium, non reproba, sui latius extendendi cu-
piditate nominis inflammati: ut, quod evitare non possunt, antidoto lenimenti blandioris emuniti,
cautius fubeant; & cum omnino fatis concedendum sit, sui tamen memoriam diuturnioris ævi
curriculo quam longissime prorogent. Proinde filios hic generat, ut sobole propagata ab oblivio-
nis injuria vindicetur; suam aliter ille lineam ducit; excudunt alii spirantia mollius æra; nonnulli
causas luculentissime perorant; plures *Hippocraticis* fomentis relaxantur; ac ut cum re famam quæ-
rant, *Babylonios* alii tentant numeros; cælique meatus describunt radio, & surgentia sidera dicunt.
Verum cum nihil sit opere aut manu factum, quod, ut Orator ait, aliquando non conficiat &
consumat ætas, firmiori diuturnitatis privilegio communita mihi ea esse videntur, quæ præstantis-
simorum ingeniorum facibus elucubrata, stiloque conficta acriori sua luce splendent, obviaque
legentium animos oblectantur. Hinc illa *Plinii*, *Nepotis* ad *C. Rufum* salubris exhortatio: ut cum
sua omnia successores possessuri sint, ipse aliquid excudat, quod sit perpetuo suum. Hinc illa *Cice-
ronis* non reprehendenda cupiditas, qua se non mediocriter inflammatum scribit, ut nomen suum
L. Lucei scriptoris illustratum & celebratum memoriæ hominum commendetur. Hinc illa vatum
emendata præsumptio; certiorque vitæ suæ diuturnioris futuræ conjectura: qua se perennes, omne-
que per ævum victuros augurati sunt. Ille *Jovis* iram ignemque, alius Aquilonis & exedentis im-
bris impotentiam, nonnulli *Messala*, *Licini*que marmora, suis operibus exactis superasse excessisse-
que professi sunt. *Cordubensis* eo elato spiritu processit, ut cum sese divino contulisset *Homero*,
suam sibi *Pharfalliam* nullis unquam futuri ævi tenebris damnandam polliceretur. At eximius, o-
mniumque præstantissimus vates, quanto cæteris arte, ingenioque præcellit, tanto modestior
omnibus ac temperatior, sempiternæ sibi vitæ spatium, nec eximendam futura ulla tempestate me-
moriæ conniventer insinuat: cum post exarata dictataque Musis & *Apolline* suo volumina, virtutis
suæ conscius, attemperanter verecundeque cecinit:

Fortunati ambo, si quod mea carmina possunt:

Nulla dies unquam memori vos eximet ævo:

Sed & hos ipsos sua frequenter elusit & fefellit opinio; præclarissimaque felicitum ingeniorum mo-
numenta suis auctoribus commoriuntur. Nam jucundi poëtæ, prudentes historici, facundi orato-
res, cæterique diverso scribendi genere versati, quanquam omnes emuncti, delinmati, perpolitique
micantibus eloquentiæ flammis coruscarent, obscuratis tamen facibus, illicoque suborta caligine te-
nebrarum obhorruerunt; interlitaque letheis fluminibus opera eorum, ac invida bonorum oblivione
omnium intercepta sunt, ac penitus abrogata: adeo quidem, ut amplior copia longeque major sit
numerus eorum, qui miseranda illa & lachrymabili præcellentium ingeniorum jactura desiderantur,
quique tempestuoso pelago jactati pretiosissimæ mercis suæ naufragium fecerunt, quam qui molliter
aspirante fato turgentibus velis in portum celebritatis perducti frequentiore manu nostra tractantur.
Ego igitur, qui defudatos Jure Civili tot annos, retritamque forensibus subfelliis bonam ætatem meam
exegi, mox omnium tanta calamitate mortalium sævissimi Martis interstridente procella, cum *Hispa-
niis* gladiis inquieta omnia domi forisque constreperent, inde distractus in alia me ipsum studia con-
tuli, ut quod gravioris disciplinæ patrocínio consecuturum desperaveram, suffragio doctrinæ man-
fuetioris assequerem, nominisque memoria, si quo stilo mea præstare quicquam potuisset infirmi-
tas, posteritati consecraretur, animadverti ædepol, etiam si domestica familiarisque literariæ rei meæ
facultas beneficio Deorum adflueret ac redundaret, quæ quam exilis & perangusta sit sentio, aliun-
de mihi tamen quærendam opem, implorandaque esse peregrina suffragia, ac potentissimorum po-
pulorum & Principum opes, ad perpetuam literariæ suppellectilis meæ defensionem adsciscendas esse
pro-

A U C T O R I S

Galliam, contraque cumulis ingentibus conduplicatas præpotentium Regum vires, ipsi prudentia consilioque *Veneti* potiores, militum Ductorumque numero certe parēs, directis intentas telis, ru-tiloque præfulgentes ære suas acies explicabant. His sane tunc campis collucentium armorum ardore conflagentibus, his, phalerati equitatus, accinctique peditatus horrore, prærigentibus arvis, potentissimæ Reipublicæ *Venetæ* robur spectare vacavit: quo, non dixerim *Ligures*, *Insubres*, *Bojos*, *Cisalpinamque Transalpinæ Galliæ* conjunctam opposita sustinuit, sed universam fere conjurantem *Italiam* non aspernata, nec abjectis hallis averfata refugit. Adeo *Mincius*, *Abdua*, *Padus*, undarum fragore bellicarum, *Transpadanique* recessus *Hetruria*, *Flaminia*, *Campania*, *Apulia*, *Calabriaque* *Venetorum* in perniciem, stridente nimbo telorum intonuerunt: quas contra non singulas sed acervatim conglomeratas insistere, remque suam intrepide protutari, spectata virium suarum potentia, ingentique mentis non angustæ spiritu præsumpserunt. Olim quidem cum ex ulteriore *Gallia* numerosus, magnisque copiis ingens adventare nuntiaretur exercitus, viri illi fatales, & qui vinci non poterant, trepidavere pavore magno *Romani*: permotique eo terrore Consules ad conservandæ Reipublicæ præsidium, sui que amplioris Imperii magnitudinem defendendam ex omni natione populoque vires, quæ barbaricos impetus reprimerent, contraxerunt. Trecenta armatorum millia, sicuti quidam literis prodidere, quanquam longe plura *Fabius*, qui huic bello interfuisse traditur, scripserit, sociorum *Latinique* nominis habuisse tunc Consules, fama est. Rogo, quid, si adventitia ope destituti fuissent? si externo populus exarmatus præsidio suis tantum viribus restitisset? Quæ formido, quæ fuga, quæ fuisset illa rerum desperatio? Quid, si *Campani*, si *Latini*, cæterisque omnes socii tela sua retorsissent? Quid, si *Galliæ* accessissent? Ac rursus Galliis *Germania*, & utrisque socias manus *Hispaniæ* conjunxissent? Magna sunt mehercule, ac Deorum hominumque testimonio omnium admiranda, quæ tempestate nostra, nostrisque sub oculis unam in Rempublicam commoti pæne totius orbis turbine bellorum exarserunt incendia: *Hispaniæ* cristas erexerant; *Germania* supercilium attollebat; *Galliæ* pleno sinu furoris extumuerant; *Mediolanum* latissima cum ditione sua fremebat; *Ferrariæ* Moderator, *Mantua* Princeps, suas in *Venetos* acies instruxerant; unus omnium præturbidus & ferox *Julius* Pontifex Summus, moræque laxioris impatiens, accensas irarum faces violentissime contorquebat. Stato tempore, dieque dicto, uno agmine, unoque omnes impetu singuli singulis regionibus suis instructas copias educentes, in *Venetorum* agros, laxatis veluti carceribus exultantes, irrupere. Stabat suis finibus incubans, generosus, infractisque viribus suis *Leo*; totaque secum concitus ira fremebat: *Pænorum* qualis in arvis faucibus ille gravi venantium vulnere pectus, arma movet, sævitque ferox, gaudetque comantes excutiens cervice toros, fixusque latronis impavidus frangit telum & fremit ore cruento: atque cum hostibus tunc universis animi corporisque robore par esset, singulos despicabiles & contemptissimos habebat. Quid, si tot immites feritate sua nationes *Romanum* impetivissent & compulsassent imperium? *Roma*, puto, *Roma* quæreretur? Soli solam *Senones* oppresserunt; unus Urbem attonitam & trepidantem *Annibal* pæne delevit; *Ticinus*, *Trebia*, *Trafimenus*, *Cannæque* testantur: muris obequitat, mœnibus imminet, clausis insultat; unusque diffusam *Romani* nominis majestatem in angustum cogit. Sed & quid indignius, quid vilius, quid tantæ, tot præclaris rebus gestis, amplitudini turpius? Urbem dominam servilia agmina terruerunt; solutaque, jure suo suaque manu ergastula, terrarum in Principem populum cervices liberas excussere. Quin & *Romanæ* Reipublicæ præpotentis auxerunt calamitosa ludibria *Spartacus*, *Crysus*, *Ænomaus*: qui repentinis facibus arreptis, *Vesuvioque* præfulgentes incendio, cum inde vitiginis nexibus elapsi forent, contracta servili manu *Romana* castra diripuerunt: mox vicorum atque villarum populatione infanda, splendidissimas urbes, indelebili nota dedecoreque perpetuo *Romanorum*, depopulati sunt. Atqui *Teutones* olim, *Cimbri* *Ambrona*, *Tigurini*, una *Romani* nominis extinguendi conjuratione concordēs, unaque perniciofa ad evertendum stirpitum imperium voluntate, conspiraverunt: sed post octuaginta *Romanorum* sociorumque suorum trucidata millia, postque calorum atque lixarum absumptam multitudinem infinitam, cum ex innumerabili tantoque exercitu vix decem homines superfuissent, qui miseriore nuntio miserias auge-
rent, bene quidem Dii immortales *Romanis* consultum esse voluerunt, quod sanguine nostro cruentati milites, ac præda hostium multa præditati, *Romani* nominis dignitatem famamque penitus ex-
preverunt. Flaccida mihi sane frigidaque ea esse videntur, nisi vivido succulentorum inflata spiritu scriptorum, stilique flagrantis igne concalescentia rebullirent, quæ priscorum Annales ad exaugendam tollendamque *Romanæ* Reipublicæ potentiam memorant: *Hetruscorum* siquidem populi duodecim, contra *Romanos* olim incitati, tela tenuerunt. Terror erat incesseeratque formido non levis, tot populos, tot agmina, tot in unum coivisse duces: infesta quatuor signa late per *Hetruriam* omnem effusa volitabant. Bone *Juppiter*, quid, si non solum *Hetruria*, sed universa *Italia*, omnesque limitibus suis distinctæ regiones armis insurrexissent? Dissoluta repente res omnis *Romana* magno dedecore magna que cum infamia jacuisset: si sola *Romam* *Hetruria* tanto pavore consternavit, ut sui capitis devotione periculum *Decius* redimeret. Sed & belli quidem socialis magna pericula, magnique terrores olim fuerunt; nec *Annibale* *Pyrrhoque* sæviante persqualluit tanta vastatio: quoniam *Latium* atque *Picenum*, *Hetruria*, *Campaniaque* contra matrem, suamque parentem, *Romam*, arma contulerant. At nostra tempestate, cum *Ferrariensibus*, injuria laceffiti justissimum *Veneti* bellum intulissent, commota omnis a summo ad imum confremuit *Italia*; manifestoque Reipublicæ *Venetorum* excidio, *Brixianos* in agros commigraverunt innumeræ acies armatorum: resistit immota invictaque more suo *Veneta* Respublica, cumque injuriæ auctorem male mulcasset, vincula coeuntis *Italiæ* validissimo nexu perligata, uno ictu, unaque semel adacti ensis acie dissolvit &

nabo. Sic operi meo vitam ab his & perpetuitatem adsciscam, qui eam perpetuitate sua suarumque virtutum æternitate possint impartiri. Dii boni, quam arduum & magnum est, sanctam inviolatamque Rempublicam suoque geniali justitiæ succo semper evirentem arefcere: validoque prænixam integritatis suæ robore, rescissis pedamentis elabi. Si illa olim judicio nutuque Deorum excitata convalidataque *Romana* Respublica, quo coeperat auspicio, quibusve coaluerat institutis, & bonis informata moribus excreverat, processisset, parique virtutum tenore toto properantis imperii decursu posteriores natique natorum consensissent, magno plane totius orbis terrarum spectaculo, omniumque gentium & populorum admiratione viveret, lætaretur, triumpharet, neque nos elegantissimorum scriptorum querelas omnium farragine vitiorum concumulatas, & indignatione stomachantium erumpentes capacibus tabulis legeremus; nunquam ille torrente facundia redundans *Romanorum* admirator, ac virtutum eorum prædicator & vitiorum, conquestus esset, divitias avaritiam, & abundantes voluptates per luxum atque libidinem pereundi perdendique omnia invexisse; non *Asiaticos* luxus peregrinasque delicias detestatus esset; neque cum moribus immutatam in semet ipsos sævivisse fortunam *Salustiani* gemitus singultirent. Quamdiu peculatus, repetundarum, majestatis ignotæ leges filuerunt, quamdiu bonorum candor animorum, puræque mentis simplicitas nullum *Corneliæ* Legis caput commenta est, quamdiu de sicariis, de sacrilegiis, de ambitu scita ac poenas innocentia nescivit, tamdiu *Romana* stetit floruitque Respublica domi forisque semper accincta: virtutis parens, exemplorum magistra, publicæ disciplinæ, publicæque libertatis adeo tenax & studiosa, ut nullo discrimine censuram exereret; ut admissa graviter ulcisceretur; ut sanguine suo fasces securimque respergeret; ut trucem *Brutum*, trucioremque *Torquatum* exemplis illustribus semperque victuris memoriæ commendaret. At postquam scelera leges fixere, gravioraque refixere, cunctisque pro mercalibus argento auroque divenditata sunt omnia, tunc demum relanguere bonorum morum rigores; domi forisque leges legumque ministri contabuerunt. Quid illis igitur una ruina labentibus, collabentem quoque *Romanam* Rempublicam suspiciamus? Rursus, quid apud *Venetos* incorrupta legum disciplina pervigente, omnibusque bonis moribus in ea urbe velut proprio domicilio regnantibus, *Venetam* consistentem perdurantemque Rempublicam admiremur? amplius annos centum ac mille transgressa est; eodem publico virtutis cultu, eadem illibatæ justitiæ reverentia, semperque pari religionis maiestate; una publica privataque fides intemerata, una conditæ condendæque legis inviolata sanctio, unus inflexilis & immotus ad omne præscriptum rigor. Principem quidem suum habent *Veneti*, non qui legem condant atque recondant; non qui decreta signet atque resignet; non qui edicat & interdicit: sed qui legibus obtemperet, obsequatur, adsistat; & cum omnium Princeps sit, ipse primus omnium legem exsequatur. *Domitius Ulpianus* ex *Syria Phænice*, splendidissima Colonia *Tyriorum*, oriundus, *Alexandrique Severi* tutor, Præfectusque Prætorio, Principem legibus quidem solum *Primo Digestorum* notat; & quanquam Augusta legi subiecta sit, eadem tamen prærogativa Cæsaris beneficio gaudentem refert. Quid igitur mirum, si legibus soluti Principes, suæ voluntatis arbitrio reguntur; si anulo, ut ille dixit, describi possunt; si ægre digito monstrantur? at ille corpus suum castigat & in servitutem redigit, ne, quam aliis indixerit, ipse legem offendant. *Christus* sese legibus alligatum profitetur, ut quemadmodum ipse fecit, sic & nos faciamus. Legi Deus Optimus Maximus astringitur: ipseque necessitas sua est. Cæli legibus parent; sidera legibus obnoxia sunt; sol & luna lege sua tenentur; elementa præscriptos sibi lege fines observant: cur ergo Princeps lege solutus est? quoniam scilicet, quiescentibus aliis, excubat solus; potantibus aliis, solus sitit; luxuriantibus cæteris, ipse frugalis est; hæsitantibus aliis, periculum primus ipse capeffit; & cum omnes elanguidi jacentesque demoriantur, Principes oportet rerumque præpositos stantes mori. Hac quidem interpretatione Principes lege soluti sunt: si invertas, aliterque commentaris, Princeps *Venetiarum* nunquam lege solutus est; sed summo cum legislatore pronuntiabit: Digna vox est maiestate regnantis se legibus alligatum Principem profiteri. Quam Senatus patitur, quam Patricius legem subit, eadem *Venetiarum* Princeps ipse tenetur: in quam si committat, reus erit; in eumque suo de more Patres animadvertent. Honore, titulis, dignitate præminet omnibus: si ad legem respicias, omnibus exæquatur. Beata felixque Respublica, quam nulla dignitas expugnat; quam nullus ordo prævertit; quam nullus magistratus conturbat. Etenim si Principes sui legibus parent, quomodo Magistratus non obtemperabunt? Si perligati nexique lege sua magistratus obtemperant, quomodo cæteri non obsequantur? Rursus, si ipsa potens ac domina Civitas sic imperat & dominatur, ut suis legibus acquiescat, quomodo provinciales subditique ejus delirabunt? Quo tramite civis servusque declinabit, si nunquam Princeps nec Dominus exorbitat? Si Civitas ipsa secum convenit, si membris suis omnibus concordat, quomodo discordes alios patietur? Mirum quidem est, oblitos æternæ pacis glutino Patricios plebemque consuescere: incredibile dictu, sive fato sive Principis Senatusque prudentia, sapientiaque majorum sic eam institutam, imbutamque bonis moribus Rempublicam, ut nullæ Patricios inter ac plebem intercedant discordiæ; eo Principem Senatumque temperamento cuncta gubernare ac moderari, ut civiles motus, ut plebejæ seditiones, ut vulgares rixæ, non excitentur, non erumpant, non accendantur. Magnæ urbes magnæque Respublicæ, si foris hostem non habent, domi semper inveniunt: *Veneti*, foris hostes habeant, non habeant, lares certe sui, sui que penates semper hoste vacabunt. Parcā infelicis exauguratæque urbis *Mediolani*, coalitas perpetuo diversarum factionum nutrimento, pestilentique alimonia seditiones referre; livoresque discrepantium animorum nescio quo modo nobis insufflatus oratione saluginosa non persequar. Involvam silentii tenebris assidua *Ligurum* dissidia, cæterarumque splendidissimarum urbium intestinos motus stilo meo suppressam & abrogabo.

EPISTOLA DEDICATORIA.

Ipsa certe infans *Roma*, necdum ætate provectiori firmata, cum adhuc ex ipsa pastorali feritate, & inconditæ gentis asylo quid atrox truculentumque spiraret, sævientibus in terga creditoribus commota est; & in sacrum montem armata secessit: rursus allatis ex *Græcia* legibus, omnique duodecim in Tabulas digesto Jure, cum illius interpretationem *Appius Claudius* ad pudicitiae contumeliam stuprumque virginis traheret, infremuit; nobilitatemque telis hostilibus ingrassata est. Ad hæc matrimoniorum indignitas, ut plebeji Patriciis jungerentur, tumultuantem vulgum ad arma provocavit; sed & dignitatum exæquata collatio Magistratuumque consortia Patribus invitis ac repugnantibus extorta, magnos in urbe *Roma* motus olim concitavere; ut *Gracchos*, ut *Catilinas*, ut *Marcos* ac *Syllas* Reipublicæ perniciosos, longeque perniciosiores *Pompejos* ac *Cæsares* præteream. Nullæ tales sane *Venetis* seditiones; nulli tales unquam urbici tumultus; vicarumque discordiarum furentes proscriptionibus gladiisque procellæ; hic pacata placidaque omnia, hic suo ordine, suo gradu, sua lege disposita cuncta procedunt; non infimis supremi conturbantur; rursus extremos medii non agitant; folio suo celsiore Princeps, sua Senatus in orchestra sedet; pulvino suo Patricii, cuneis suis plebeji, distinctis veluti stationibus agunt; quo tramite calleque vocati sunt, quieti silentes modestique omnes ambulant; quam sibi suæ sortes legem indiderunt, æquis omnes animis patiuntur; non indomiti ferocientesque spumosa fræna mordent atque præmandunt, sed manlueti, dociles, atque disciplinati lambitant & illingunt; non centuriæ centurias ingrassantur; non tribus tribum irrumpit; non classi classis insultat; non diversa diversis ovilibus septa confunduntur: una omnes infallibilis orbita dirigit; uno deducto omnes filo reguntur; una perpetui ductus, perpetuæque figuræ linea circumscribit omnes, omnes amplectitur & astringit. Hæc sunt medius fidius, Patres Conscripti, quæ Sanctissimæ Invictissimæque Reipublicæ *Venetæ* sempiternum vobis Imperium pollicentur; quæ nullo bellorum turbine subrutum, nec ullo unquam futuro ævo subruendum firmaverunt, firmant, firmabunt; quæ bonis perfauisque positam originibus Urbem, propagatamque feliciter ac felicius in dies propagandam, tanta rerum omnium ubertate, tam admirabili præcellentium ingeniorum copia, ac tanta publici cultus majestate decoraverunt, decorant, futuraque per sæcula decorabunt: ut hic, cæterarum pace gentium dixerim ac populorum omnium, merito templum pacis, quietis atrium, concordiae domicilium prædicemus; ut hic urbis æternæ sedes, æternique principatus augustale sacrum, ut hic unus Regum sua cum ardente purpura Senatus, tot sese contorquentibus sæculis æternus esse credatur. Fabulata est antiquitas, idque mox liberiore poetarum licentia posteris usurpatum, *Saturnum* cum *Themidis* oraculo comperisset, filio patrem armis desequente perurgenteque, se Regno depulsum iri, natos ex *Rhea* uxore devorasse: quod iccirco confictum accipimus, quoniam *Saturnum* æternitatis Deum, sæculorumque parentem prisca vates commentum; sæcula autem annos ex se natos, suæque in sese per vestigia recurrentes æterno orbe convolvunt. Hunc ergo, si ut poetis nobis quoque liceret ingenio ludere, suspendereque legentium animos rerum admiratione novarum, urbis conditorem, urbis præsidem, Deumque tutelarem prædicemus: sed hæc quoniam infans poeticisque recantata furoribus nostræ religionis aula prorsus excesserunt, æternitatem imperio *Veneto* ex justitiæ legumque cultu, ac prælecti inculpatique regiminis temperatura libentius ac melius adauguremur. Aliæ sibi Deos conditores usurpent liberius nationes, urbiumque primordia suarum, ad Deos auctores referant, ut, quod perversi mores distortæque civium voluntates eorum, extincto publicæ disciplinæ vigore præstare non possunt, id fabulamentis inanibus & emissis eburnea porta somniis falso sibi collatum opinentur: quoniam de scena pulpitoque madente, frustra poeticas nugas imploramus cum fide veritatis solidoque rei persistentis fundamento destituti deliramentis anilibus oblectamur. Gaudeat Marte suo *Roma*; *Pergama* Neptunum & Apollinem admirentur; atque suum memorent Amphionæ *Thebæ*, si quod improbi mores, obscenique convenarum recessus, omnium perfcate subolenteque sentinario vitiorum subruerint, disjecerint, contriverint, id mercenarios, symphoniacos, constupratoresque Deos, sibi reposituros opinentur: non æternitatem corrupta donant, sed incorruptissima Deoque similia, qualia Deorum cultus, examinati mores, ansancta pietas, incorrupta fides, impollutum tribunal, indeclinabilis exsecutio juris, &, ut semel dicam, justitia semper adamussim suosque per omnes numeros observata, largiuntur. Quæ suo velut in Regno quoniam *Venetis* collocata persistunt, suoque velut robore confita, ipsius ab conditæ urbis origine viguerunt, vident, vigeant, æternitatem Imperii propagandorum amplitudine finium in dies cumulandam, ipsis Reipublicæ moderatoribus sempiternis disponent, conferunt, atque perennant: ipsorumque cultoribus non simulatis, & incolumitatis eorum studiosissimis observatoribus, perpetuæ celebritatis memoriam propitio Numine consecrandam pollicentur. Eja igitur, sapientissimorum Sapientissime Principum Princeps, *Andrea Gritti*, quique consiliis & gubernaculo tantæ Reipublicæ cum eo pondera sustinetis, Amplissimi Procere, dictatam suisque digestam voluminibus historiam meam, immo vestram, aut potius, si libeat, communem excipite, atque perlegete; sæculorumque præcupidam omnium, vestræque pariter æternitatis appetentem, futurum in omne ævum extendite, porrigite, dilaxate: cor & vitam a vobis, a vobis spiritum & lucem expectat; vivificetur, vegetetur, roboretur ab his, qui suarum horreo divitiarum, suarumque thesauro virtutum insufflare animam, vigoremque perpetuum infundere possunt; qui enutrire, conovere, summoque collocare rerum omnium fastigio, mortalium mentibus omnium oculisque suscipiendam possunt. Non est omnium sane Principum operi victuro vitam perennem dare: sed qui perennes imperio futuri sunt; quique exactissimo acerrimoque judicio suo perpendunt & tru-

AUCTORIS EPISTOLA DEDICATORIA.

tinant, quid distent æra lupinis, quid aurum ab ære, quid a vitro gemma discrepet; quibus in judicandis si prorsus homines hallucinentur, nec ullam subjectæ rei vim calleant, opera tunc certe cum impensa perit: unaque prægnantis spongiæ litura Musis averfantibus dictata delebuntur. Quid enim unguentum in lente, quid in luto margaritam, quid aurum in nare suis? *Caligula* quoniam judicio delirabat, nec amaracina quid olerent unguenta, retusis poterat sensibus obodorari, ab omnibus pæne Bibliothecis historiæ parentem, *Platonem*que poëtarum, id est, *Virgilium* ac *Livium*, summovit; pari depravatæ mentis infania Jureconsultis interminatus excidium: contra vero *Alexander* ille *Macedo*, quanquam insolescente superbia, multoque judicium interturbante mero, felicem colit & admiratur *Achillem*, quod virtutis illi suæ præco contigisset *Homerus*; & *Augustus*, cum ab ipso mandatum supremis tabulis auctore didicisset, ut speciosissimam, & quo nullum *Latium* clarius extat opus, *Æneida* concremarent, vultuosus indignantique similis pronuntiat:

*Ergone supremis potuit vox improba verbis,
Tam dirum mandare nefas?*

Multa quidem in obscuro jacent, obsitæque multa nocte tenebescunt, quæ, si lumen admoveris, exsplendescunt. Quid ære despectius, quid ferro vilius, quid vitro contemptius? quibus si claritudo solis affulgeat, immenso splendore rutilabunt; in cælo luna nihil opacius, qua soli diebus suis opposita nihil fulgentius emicabit. Ergo, Patres Conscripti, quanquam illimati impolitique stili mei rubigo nonnullis forsitan inscabrescat; oblimatæque volumina mea crassiori lentæque uligine consordescant; si a vobis, æterni luminis vestri claritas infusa subluxerit, exterfa repurgatæque pernitescent; omniaque quocunque stilo exarata, contractis sole vestro radiis, prælucentia coruscantiaque conflagrabit: omnes, qui Augustissimæ Illustrissimæque Reipublicæ *Venetæ* dicatum opus evolvent ac perlegent, quæcunque (licet) desideraturi sint, benigni animi mei candorem, propensissimæque mentis meæ, ipsam in Sanctissimam Rempublicam voluntatem, nunquam certe desiderabunt.





BERNARDINI ARLUNI,

Jureconsulti, Patricii Mediolanensis,

D E

BELLO VENETO
LIBER PRIMUS.



Nnum a partu virginis millesi-
mum ac quingentesimum, *Asca-*
nii Sfortiae Pontificis, *Maurique*
fratris ejus in urbem reditus in-
signem fecere; priscoque de mo-
re candenti nota numerandum
inscribendumque fastis aureo sti-

lo diem Februarii secundum & quintum publicæ
lætitiæ conduplicati plausus, ingeminataque re-
duntium gaudiorum hilaritas ediderunt: con-
tra vero, devovendum execrandumque diris omni-
bus diem Aprilis octavum, infecuta calamitas,
publicoque luctu lachrymæ promanantes inces-
ta-verunt. Adeo florida paulo ante gestientium ac
tripudiantium prata, tortuosæ atque furentes an-
gustiarum procellæ, perpetuique lachrymarum
imbres proluere. Sic etenim lætissima quæque,
magnoque felicitatis succo præpinguia, repenti-
no odio invidiaque factorum emaciantur: & quæ
paulo ante jucunditate sua floruerant, subito mœ-
rore planctuque liventia decussis frondibus exa-
rescunt. Nostra sane, majorumque nostrorum
tempestate adversa plurima plurimoque singultu
lugubria consqualluere. Inter omnes animi mo-
lestias incredibiles *Roma Germanici* sui mortem,
Mediolanum vero *Joannis Galeacii Sfortiae* obitum
acerbissime pertulerunt, deluxeruntque fletu gra-
vissimo. Intercepti utriusque desiderium intende-
bant, illic patris invisæ, hic in funere nepotis
intempestive suborta dominatio. Sed ille animi
languor, illaque exasperati doloris sævitia, in si-
nu pectoreque mœrentium populorum resederunt:
illic quippe viventis *Tiberii* Majestas, hic mode-
ratoris patris reverentia compressos singultus ge-
mitusque coercēbant. At nunc aperto promiscuo-
que collugentium & deplorantium dolore permix-
ta confusio communibus cœlum terramque lamen-
tis replebat; inauditi novique sceleris magnitudo,
tum ardua tanti perpetrandi flagitii difficultas in-
credibilem sane rem omnibus faciebant. Itaque
varios inter famæ fluctuantis æstus ancipites animi
pectoraque diversis rumoribus exagitata pende-
bant. Hora erat diei quinta, cum rari levesque
per hominum aures irrepere susurri; coactaque
mussitantium conventicula rem ambiguam in in-
certum trahebant; atque ita divagatæ sermoci-
nantium voces obscuris auctoribus fideque dubia
pererrare: donec adulto die, moxque præcipi-
ti, corroborata frequentiore nuntio fama conva-
luit. Quam & prorsus ad plenum confirmavit

A *Ascanius* pro rostris ad populum concionabundus.
Hic siquidem cum in curiam convenissent amentes
attonitique cives, ut dissipatæ per urbem atrocio-
ris famæ certo auctore verum certius colligerent,
processit in medium: ex editoque præ dolore non
admodum multa præloquutus, quanquam oratio-
nis vir esset facundissimæ, captivum Ducem *Mau-*
rum declaravit. Tum vero tanta omnium trepi-
datio, fuga, desperatio, tantusque repente fra-
gor & ejulatus erupit, ut non majori certe captam
per urbem terrore, districtus hostilis gladius per-
baccharetur. Mihi quidem exacte omnia memo-
riter repetenti, perturbatæ Reipublicæ facies ea
videbatur, cum lacertosi prædurique agricolæ
B præceps agmen aquarum multo obice, perdu-
ctisque circum septis obstipatum cohibent, ac
limo, stramine, ruderibus, omnique rustico mu-
nimine comportato, profluentes aquas reprimunt.
Illæ quidem tenuioribus rimis, maleque confertis
foraminibus circum exploratis, primo leviter, an-
gustisque nunc his nunc illis labiis exprimuntur;
mox paulo latius diducta prolaxant, crassiusculof-
que sensim humores exspuunt: contra vero alacres
rustici, suis agrestibus armis omnibus accincti fa-
thiſcentes rimas compingunt, constrictaque mo-
dico primum hiatu foramina coarctant, ac fabu-
C lo, sarmentisque omnibus cumulatim ingestis, ob-
struere pressius, obturareque compactius certa-
tim prænituntur: donec undique magnis fluctibus
exturgentes undæ improviseque torrentis impetu
restagnantes emicant, disjiciunt, pervastant, su-
pergressæque duos obices, diffractaque rebullien-
te æstu repagula, longe lateque ruina omnium
dispatiantur, mersitant, provolvunt. Sic intre-
pidi securique primo cives nunc has nunc illas
voces dissimulare, præterlabi, rejicere; sinistra
omnia parvis exilibusque primordiis rumigeran-
tium collidere atque reterere, argumento, te-
stimonio, fide: donec certioribus undique nuntiis
fama perscatente concrebescenteque diffusa res,
D ad liquidumque perducta, conclaruit. Tunc ve-
ro talis tantæque molis procidente ruina, con-
sternati omnes oppressique animo profugitare, tu-
multuari, errare; nulla, conceptacula, nullæ la-
tebræ, nulla diversoria pavitantes & stupidos re-
ceptare; properare, cunctari; prodire, redire;
insilire, resiliire; hæc & illa prosequi, hæc & illa
rursus intermittere: Quoniam exagitata foris in-
tusque deformiter omnia, nullum maturandi de-
liberandique plenius consilium admittebant; eva-

ginatus hostilis mucro foris nullo cohibente furebat; intus populatio, cruciatus, vincula, civem terrebant; ad hæc conjugum & liberorum lamentitiæ preces, familiæque sub cultro linquendæ miseratio, tum & propinqui sanguinis affectus, attendendi itineris, capeffendæque fugæ consilium inturbat. Itaque velut alieni dissipientefque nihili inquieto animo præfirmare, nihil incomposita mente destinatum exsequi: sed inurentibus curarum flagellis contorqueri penitus & infervescere. Molestias animique dolorem exacuebat dissipati exercitus nostri non minus certe perniciosior fama quam verior; multorumque Nobilium importuna captivitas, & his inflicta miseris tormenta cives juxtaque plebejos omnes consternabant. Quos inter inique perindigneque tractatus *Gaspar Ambrosius Vicecomes*, Splendidissimis natalibus, & amplissimo patrimonio natus, inter præsepes jumentaue miserabiliter ac foede convolutus interiit; cui sane non absimiles alii, cum mediæ tum summæ Nobilitatis viri, qui suo vel collatitio ære merebant, quique altiore gradu militiæ provecti, castris ordines honorificentius ductabant, pari exitu vel graviore consumpti sunt: adeo quidem ut hinc & inde conflictati omnes, non minus ædepol privatam quam publicam jacturam ingemerent. Etenim vel hoc vel illo casu nulla non lugubris & funesta domus: nullæque non lachrymales familiæ trucidato, capto, aut profugo cive squallebant: ejulatus præterea foeminarum, matronarumque singultus, feralibus omnia lachrymis inestabat: hæc fratrem, illa maritum, alia patruelem, nonnullæ generum, plures affinem, impatienter intemperatoque fletu delugebant: aliæ cæsum demortuumque patrem, aut extorrem vel graviter affectum, sævioribusque tormentis discruciatum, miserabiliore suspirio lamentabantur. Obscura tenebris omnia, lateque pallentibus cunctis, omnes silentio, & pavore tremebant. Ergo jubente nullo justitium indicitorum, forum, curia, nullo mandante præcludi: mutæ leges, muta jura, muti iudices: uno omnia mœroris planctusque sepulchro præcondita conticescere. Nonnulli barbam prolixius enutritam inexploto luctu promiserunt, hirsutamque ac rigentiore mento propendentem tam pertinaci mœroris indicio demisere, ut edicto publico de cute leviganda, deque pilis tradendis cautum sit; & ne paupertatem aut æris inopiam excusarent, fisci detrimento præstaturus impendia præcones admonebant: tanto risu ludibrioque omnium, ut vix ægreque pauci admodum edicto paruerint. Exinde barbam alere, renascentemque pilum enutrire, tempestas nostra ploratu jugi subtristior induxit: quod deinceps veluti per manus traditum, utentiumque moribus receptum sic invaluit, ut juvenes juxtaque senes, nullo discrimine ferociter intonsi, fortes sint, & hanc in diem sua tenus barba sapientes. Nonnulli etiam vestem mutaverunt: plures saga sumpserunt: divinorum obliti alii neque vota concipere, neque concepta solve-re, aut templa revifere, nimia sui doloris impatientia sustinuerunt. Quin & abjurati Dii immortales, intermissaque religione sacra: profanatae impiis execrationibus ædes, appetiti etiam impudentissime convitiis sacerdotes, quod eorum temeritate commissa piacula capite suo alii luerent. Adeo cæcis hominum mentibus exasperata vulnera doloris inruduerant, quem omnibus in urbe atque extra urbem deformatis, præcipitis ruinæ desperatio concitabat. Nec enim captivi Ducis redimendi, aut supplendi exercitus, reparandarumque copiarum ulla spes erat: cum aut ferro absumpti ductores, aut certe vinculis irretiti præpedirentur; sed & equitatus peditatusque noster omnis alio alioque casu percussus conciderat;

Cæsariani pedites quos *Maximilianus* auxilio miserat, hostilibus intercepti gladiis, ad igniferam mortem obierant; *Burgundiones* in tanta rerum confusione, nec vigore animi, nec ulla militari peritia, nobis prodesse potuerunt; *Helvetius* improba rebellione defecerat; auxilia vero nostra, quæ *Mediolano* protinus emissa, si coire potuissent, barbaricas fraudes oppressura fuerant, disjunctissima, subsidio longius abfuere: quippe *Mauritani* turbinis audito fragore, cognitaque trepidantium legionum nostrarum fuga, cum intempestivas suppetias allatura viderentur, relictis actutum vestigiis, ad urbem conversa repedavere.

Quæ cum lachrymabilis vulgus, suoque deformes pallore cives conspexissent, incolumitatem Reipublicæ salutemque suam prorsus abjecerunt: nec urgenti fortunæ resistendum rati, aut in acuminatos exacta acie aculeos calcitrandum, cum in urbe præsertim bellico præsidio destituta *Trivul-tiæ Gallicæ*que factiones prævalerent, fugam conticinio noctis, dubiaque luce, vel solis ortu, ut sua quemque fata trahebant, emoluntur: atque alii alio iter capeffentes emigrantesque procul in diversa, vertere solum: multi *Venetorum* fines ingressi, quoniam nobis hostes non erant, nec civibus intensi nostris putabantur, velut securo salubrioreque domicilio diversati sunt: nonnulli prærupta montium superantes, opacæque convallium perniciose cursu transgressi, *Germanici* recessus abdita penetravere: *Mantuam* alii, *Ferrariam*que plures, oras etiam nonnulli maritimas, præcipueque *Ligustici* maris tractus peragrantes, in alia omnia abiere. Domi etiam mansitantes plerique, cum insidias circumquaque dispositas viderentur, aut quos variis morbis implicitos languor oppresserat, diverso cultu religionem ementiti delituerunt: sicuti *Laetuanus* præsul, qui lætica translatus cum podagra dissecaretur, præacutique dolores ipsum dispungerent, in *Angelina* seletæcenobia receperat. Verum cum severissimis edictis inquisitiones acerrime, truculenta perbachante victoria, passim exercerentur, delatus est: suisque turbulenter latebris extractus, tutissima *Jovis* in arce custodia repositus. Sed & *Johannes Andreas Cagnola* defectæ vir ætatis, ac Senatus olim utriusque Præses, qui fortunæ toriens alternantis vicem perosus, emigrante remigranteque *Ludovico Sfortia* nullum secutus, domestica mansione sua defederat, importuniore satellitio circumdatus, nulla dignitatis, innocentiae, senectutisque reverentia tumultuanter in carcerem conjectus est. Objectatum est illi, quod absentem *Ludovicum Sfortiam*, & in *Germania* degentem, per internuntium, non quidem destinato, sed, ut plerumque fit, perfunctorie, mutuique sermonis occasione, salutavisset. Qua de re cum quaestioni subiceretur, legitimeque factum defenderet, intercedente *Jasfredo* Caroli veniam meruit; sed nec multo post, cum & prægravante senio, & animi molestia perurgente conficeretur, elatus est. *Aluysius* vero *Galleratus* emendatæ vitæ, suæque præsignis innocentia, cum objecta omnia testato purgaret, nulloque proinde libertatem auro redimeret, plurima patriciatus fidejussione relaxatus est: sed ut creditur veneno jam ante petitus, paucos post dies vixit. Horum excessus gravissimè tuli, & quia mihi jure sanguinis jungebantur, & quia nullis obnoxii delictis alieni reatus poenas luerunt. *Ambrosius* vero *Mainus* nonnulla Principis cognatione munitus, cum ægritudine correptus langueret, sumptoque ad purgandam largius alvum antidoto distineretur, *Mauritani* præcipitii strepitante ruina, quanquam torminibus utero conduplicatis, morboque sævius ingravescente, excursionibus tamen incitatissimis ablatus effugit. Hunc *Patavii* degentem, cum ad capiendum

dum ingenii cultum, ediscendumque Jus Civile adolescentulus ego illuc perrexissem, quoniam funere publico pullatæ *Ticineses Athenæ*, communique luctu lugubres iniqualluerant, &, jure vestustioris amicitiae, & celeberrimi Jureconfulti *Jasonis* fratris sui commercio salutavi atque appellavi: cumque invicem sæculi nostri miseria, summaque Nobilitatis interitum, ac miserandam nostræ totius Reipublicæ cladem lamentaremur, hanc cæteris omnibus unam flebiliorem, magisque detestandam prædicabat, quæ Ducem sustulisset, quæ Summatem extinxisset, quæ plebem adflixisset, quæque secum totius *Italiae* ruinam attraheret. Nec plane suo vir prudens judicio deceptus est: nam quantas ab utroque mari procelas, Martisque furentes ætus, perpetua bellorum tempestas exciverit, universamque prorsus *Italiam* contriverit, omnes quidem vidimus & sensimus. Ipsa quoque præclara, magnoque semper & ubique splendore coruscantia *Hadriae* lumina, quam his bellicis nubibus obscurata fuerint & obumbrata, nemo nescit: sed & multos in annos tot per adversorum gradus extracta calamitas nostra, cæteris omnibus longe funestior, id abunde flebiliterque declarat. Quo circa nulli mirum fuerit, si tanta strage prostrata civitas nostra, totque fluctibus oppressa malorum, inexploto singultu lamentata est, exulcerataque sanioso vulnere prorsus extabuit. Desævientis infixique doloris amaritudinem exacuebat ejusque nuper indictionis aciditas: trecentaque *Gallicano* taxata imperio aureorum millia, nostro ære persolvenda, Nobilitatem ac Plebem magnis adversæ fortunæ fascibus oneratam, omniumque difficultate laborantem ad extremum premebant. Quippe post Ducem captum, nostrasque deletas ac profligatas omnes copias, cum insolentia temeritateque sua victor exercitus tumultuaretur, ac primo *Novariam* assultu petivisset, indiscretoque populatu civitatem oppressam ingrássabundus diripuisset, in nos statim impetu verso, revolutoque feri Martis cardine, populationis avidus & rapinæ, ruebat. Nec cohiberi poterant latrunculi prædoneque catervatim in nos agminatimque prorupturi; quicunque nullis addicti signis, nec ducibus obnoxii, suo jure suoque arbitrio conglobati divagabantur: itaque vi minisque majoribus ac suspensio coërcendi, ablegandique *Gallicanis* castris, terroribus ac poenis erant; tum legitimi conscriptique milites vice sua castigandi, intraque castrensis disciplinae rigorem cohibendi fuerunt. Ergo post interdicta, promulgataque poenas, sumptaque de nonnullis patibulo calenti supplicia, delecti sunt, & destinati ordines, eorumque Duces amandati, qui dispalatum & pervadentem compescerent, suaque militem ad signa revocarent. Tum subrupti pontes, rescissisque funibus divulsi confestim sunt ac dissiti, ne quos nostræ rei populandæ ci-tra *Ticinum* annem cupiditas adveheret: sed & Primipili, Centuriones, Vexillarii que largioribus donativis affecti sunt, quo facilius inconditam multitudinem suosque ordines in officio continerent. Etenim cum antesignanos principiaque demulseris, cæteram facile turbam conciliabis, tuæque voluntatis ad arbitrium rediges: quod *Gallicani* prudens Imperator exercitus, hostiliumque castrorum Magistri, prorogato ære, duplicatissime stipendiis, ut infontibus nobis, innoxiaque multitudini parceretur, fecerunt. Hos igitur in usus, reliquosque subnascentes in diem sumptus bellicos, quos adventitii propriique milites pactis stipendiis exigebant, impendenda numismata martupii nostris emungebantur: multatitiamque pecuniam extorquebant *Gallicani* Quæstores folliculis omnium excussis, quos paucorum sollicitudo infensior & acrior exagitabat. Sed ea qui-

dem omnis ægra fuit & perdifficilis exactio, multorum conflata suspiriis, & querimoniis conflictatorum oppleta. Nam & proximis diebus indeclinabili perscatente bellorum impendio, *Mauritana*que pressura tot tractim emergentibus damnis, non levem summam, compilatis civium facultatibus, retonsisque multorum patrimoniis, ærarii præfectura contraxerat: & jam plurimi sarcinas tributorum abjecerant; permixtaque multorum querelis contumacia, numulariorum jussa contempserat. Itaque superindicto recens oppressi vehementius angebantur; adglutinataque præsens novæ solutionis massa grandioribus omnes cumulis prægravabat; præterea captivi, extorres, relegati, qui vertente fato *Sfortiaco*que lapsu prociderant, hujusce collationis linea discludebantur. Tum *Gallicane* factionis studiosi, quique victorem secuti fuerant, retractare frænum, cervicemque jugo subducere non injuria videbantur. In plebem itaque, mediastinosque cives rejectati fasces tributorum, ut plerumque fit, gravioribus ingestis ponderibus suffocabant. Verum intercalaris solutio dispartitis terminis prorogata, moxque nulla non ex parte remissa, cum afflicto pro cive nonnullis intercedentibus, benigni Regis clementia flecteretur, plurimos sublevavit. Quos etiam relaxatis districto animo molestiis ingentibus, recreavere Legati: qui bellicis ex sententia confectis rebus sese victorem ad *Trivultium* contulerant: gratulatum, quod votis suis omnibus fortuna lenior aspiravisset. A quo quamquam severe minusque familiariter objurgati correptique fuerint, quod ad *Maurum* inepte parumque consulto defecissent, jussi sunt tamen plebem, quodque reliquum Nobilitatis erat, blandiloquio solari, mollioreque verborum lenitatu reficere. Quorum *Jo. Stephanus Castellioneus* & priscae gentis Nobilitate, & prærogativa dignitatis princeps, cum ad *Ticinensem* portam effusus omnis populus occurrisset ex castris redeunti, tremebundaque plebes, quid in tanta facinoris novitate victoris animo sederet, sciscitaretur, solatus est; ac ut viverent, bonisque suis fruerentur, hortatus: quoniam boni Regis mansuetudo, *Gallicanæ* Moderatoris prudentia, præter paucos rebelles *Gallicano*que imperio infensiores, cæteris omnibus veniam erat irrogatura: darent modo ipsi operam, ne quæta pacataque conturbarentur, neve populares discordiæ, vulgariaque arma novos motus concitarent; procuraret sua quisque negotia, suisque ministeriis opifices ac fellularii, suisque de more tabernis insitiores versarentur; gubernacula Reipublicæ *Ludovico* Regi fato jubente concredita, moderatioreque ipsius arbitrio contractanda, relinquerent. Edictum est interea ab omnibus in publicum arma conferri; indictæque poenæ; ac statuta delatoribus præmia. Quod quamquam omnibus permolestum foret, graviora veris, augurantibus, utiliter tamen beneque cessit. Falso quippe populus existimabat, inermem nudamque plebem exercitu victore depopulandam, cum summi rerum provisores, *Gallicanorum*que castrorum Præfecti nihil intentius agerent, nec sollicitius procurarent, quam popularium quietem tueri, civitatemque sospitatem defendere. Etenim ne quæ per tumultum in urbe suborta seditio, tot maxime per clades ruinasque mœrentibus animis, barbarico degente procul exercitu, *Gallicanis* Magistratibus *Gallicarum*que partium studiosis aut mortem, aut mortis periculum afferret, soli citissime providebant. Semper enim *Transalpini* quamquam foris victores, in urbe vero, potentissima factione subnixi, tum etiam adversa Nobilitate alio alioque casu perculsa, ab infesta tamen plebe, reliquoque Patriciatu, quem sibi modis omnibus infensum præsentiebant, timuerunt. Itaque domi, cum ex suis copiis,

tum ex ipsa arce praesidium quaerere; comparatoque circum auxilio propriam incolumitatem tueri: hinc pauci milites in urbe conscripti sunt, qui praeter arcis custodiam, urbicaeque praefecturae subsidium, ad subitarios motus comprimendos praesto forent. Hi civium domos turbulententer ingressi, cum ingentibus minis fragoreque verborum cuncta terrerent, praeter hospitium ejusdemque suppellectilem nihil domesticum attrectabant. Cumque reluctanter nullis nec obsequentiibus, eorum irae terribiles deferbuissent, injectaque post convitia, despumato furoris aestu resedissent, tranquillissime commitescebant. Sed inexpertis futurarumque miseriarum ignavis civibus, ea quidem aspera & atrocia videbantur, ac modis omnibus intolerabilia; mox perpetuo bellorum decursu graviora perpeffis cicurire, suaeque retusa bestiaris feritate, mansuescere visa sunt: ad quae detracti retritque deinceps, tot in nos perculsis malorum plaustris, quanquam frustra, sapius tamen animi nostri suspiravere. Sic etenim natura comparatur, ut carendo quisque melius judicet quam fruendo: & cum praesentibus miseriis quis angitur in casum praeterita respiciat. Verum & hac militaris hospitaturae molestia praeservati plures: exemptique bonarum in primis artium Professores, ac liberalium studiorum Magistri: quibus quanquam horrida suisque moribus inculta barbaries, plurimum tamen semper arrogare, tribuereque plurimum visa est; sive Regis imperio, qui nobiscum saepe versatus nostris moribus assueverat; sive nativa insitaeque huic genti erga disciplinatos praestantesque ingenio viros reverentia. Qui deinceps extractis in hanc diem bellis despecti contemptique sic eviluerunt, ut togatos processisse dispuduerit: penulatique plures ac chlamydati, nonnulli etiam pugionibus stilibusque succincti, pro tribunali, pro rostris, in foro, in curia senatuque versati sint. Tanta est omnium vicissitudo rerum, & invertentis cuncta lubricum fortunae. Mox placide modestaeque, nulla controversia nulloque fremitu competitorum, iudices, qui remigrante in urbem *Ascanio*, in diversa metu profugerant, subsellia suumque tribunal, adversum in orbem recurrente rota, repetiverunt: sua Senatus in orchestra sedit: Magistri census, annonae, salinarum, caeterique omnes suo de more jura dixerunt. Tunc in rebellem laesaeque Majestatis reum conversa cognitio; acriusque perduellionis quaestiones exercitae sunt, quas plurimi fontes agitavere; omnisque fere Nobilitas effusione numero constipata laxavit. Nam *Vicecomites*, *Landriani*, *Marliani*, *Brippii*, *Cribelli*, *Stampae*, *Castellionei*, *Cagnola*, *Gallerati*, *Ferrarii*, *Laetuanii*, alique plures in vincula coniecti, aut certe quod edictis evocati non paruissent, proscripti sunt. Impacti criminis atrocitatem levabant, inita communicataque invicem de *Trivultio* Gubernatore depellendo cum Praeside *Gallicano* consilia. Ad hunc siquidem offensus omnis aliter & aliter adversae factionis primatus confluebat: cum cum sibi praeferrere civem indignaretur, quem plus aequo collatae dignitatis insolentia, gladiique potestas ambitiosior efferebat. Itaque de eo exigendo detrudendoque Reipublicae gubernaculis, secreta cives cum Praeside consilia participant; quibus ille ingenito adversus *Trivultium* odio, & ut adversam illi, factionem conciliaret, haud difficulter assentiebat: eorum tamen ignarus, quae seorsum Optimates Patriciique secretis invicem consiliis, de revocando *Sfortia*, deque *Mauro* in urbem regnumque restituendo, conferrent. Quae cum illis postmodum in vincula coniectis, a Quaestoribus capitalium rerum Praefectis objicerentur, expurgare sese & ignorantiam causari, omniaque gubernali recentis asperitate factitata constantius asseriebant.

A Itaque primum omnium suo Praeses folio dejectus est, & Senatu motus: actionumque suarum omnium examinatissima facta est & diligens, *Scaramutia* judicante, cognitio: auctore *Jo. Jacobo Trivultio*, vel ut aliis placet impulsore: quoniam *Trivultia* cae dignationis factionisque ejus nullam vir ille rationem habuisse liquebat. Igitur edicto promulgatum est, & per praecones enuntiatum, ut si quos injuria Praeses affecisset, sordidam aut gratiosam sententiam ferendo, libellos porrigerent, moreque judiciorum experirentur: quoniam Regis animo federat, improbe facta corripere, emendareque judicii protervientis malitiam. Id admodum populo gratum, omnibusque adeo perjurandum fuit, ut exinde meliora concipere, sperareque deinceps prosperiora suis adfectis rebus praefumerent. Sed latitia majore plebem, majoreque civem gaudio, urbisque Primores universos affecit, quod paucos post dies, dum privata publica digeruntur, studentque civitatis tranquillitati otioque regii Procuratores, *Ludovicus Aureliensis* omnibus cunctanter pensiculateque librat, executus est: de quo, quanquam in obscuro res sit, nec ad liquidum perductam multi noscitarerint, quam verissime tamen potero paucis edisseram.

C *Georgius Ambasianus*, Rothomagensis Praeful, Romani Apostolicique Senatus particeps, & Laticlavus, acri vir ingenio, *Trivultia* cae factionis parum studiosus, *Jo. Jacobum* domi forisque regias vices agentem insensius oderat: gravabaturque *Gallicanos* fastus nationisque ventosae contumaciam gubernaculis nostris, nostrisque fascibus subjici; ejusque praesertim, quem insito odio perhorret: idque eo molestius impatientiusque ferebat, quod *Carolus Ambasianum* nepotem, vel, ut opinati sunt plures, filium, attollere provehereque legitime licitoribus ipsaque praesertim *Italica* procuratore, cogitabat: nec poterat, res nostras moderate *Trivultio*, Regisque vicariam potestatem ob-eunte. Ergo clandestinas in illum insidias texere, comminisci dolos, omnia studio diligentiaque versare, quibus amorem benevolentiamque Regis a *Trivultio* procul averteret. Hunc, contra, virtus sua defendebat, magnaeque castrorum bellorumque cognitio, nostraeque totius contractandae rei non levis experientia tuebatur. Itaque *Rothomagensis* sustentare, opperiri, differre, donec obviam suisque praeripienda capillamentis emicuit occasio: quam ex multiplici Majestatis quaestione vinculisque reorum elicitam sublabi nec intercideri passus est. Siquidem cum omnis fere criminosa Nobilitas argueretur, attentatque gravioris in Regem delicti manifestioribus indiciis Optimates convincerentur, nihil in Rempublicam *Gallican*aeque Majestatis imperium emolitos pertinaciter adstruebant: sed factiosi insolentisque vicarii potestatem arrogantiamque perosos, semper abhorruisse; illiusque deturbandi consilia non ferreto nec introrsum, sed propalam, *Gallicorum*que sub ora magistratuum, ipsisque cum Praesidibus agitavisse profitebantur. Triumphalem praeterea causam *Hieronymum Castellionem* Reipublicae nomine postulantem peroravisse ajebant; neque suae facultatis fuisse, hoc rerum motu, tantoque conversi cardinis fragore, *Sfortiacos* Principes attentos, pervigiles, excitosque sponte sua, patentis exarmataeque civitatis ingressu prohibere; vel ingressos possessionemque tenentes extrudere potuisse: cum praesertim regio ductore profugo, ac *Mauritanis* incumbentibus signis, omnia nutu dominique recentis auspicio regerentur; nec edicta jusfaque ejus, cum armatorum examina circumstrepere, coruscarentque rebellium cervicibus vibrati enses, sine capitis periculo retractare potuisset. Quod si in Regem, ut insimulabantur, hostili-

stilitur animati fuissent, prætentassentque Aureliano imperio vim inferre, nullius erat discriminis Ducem ferro trucidare, Senatum tollere, parique manu Magistratum omnem interficere: cum tamen emigrandi facultas omnibus civiliter modesteque permessa fuisset; quin & Primates urbis abscedenti Trivultio comites dati, ne in regiam Majestatem ejusque ministros, incondita præceptis turba ferro quicquam emoliretur. Etenim cum Jo. Jacobum Gallicani exercitus Ductorem adversa fata patriis laribus excedere, vertereque solum impellerent, ipseque se mediam per plebem ex regia in arcem reciperet, ne quid adversi pateretur, Franciscus Bernardus Vicecomes sui corporis objectu, sui que nominis reverentia virum tutatus est, incolumemque servavit. Proinde non in ipsos Majestatis reatum ingerent, sed, si quid levius peccatum foret, id in Trivultium regerent; ipsosque ut sospites patricos regis devotos Majestati præservarent, deprecabantur. Quæ cum Rotbomagensis animo plausibiliter arrisissent, suæque voluntati consequentia viderentur, adreptis illico pugillaribus & codicillis literas in hanc fere sententiam conscriptas ad Regem misit.

Si meæ erga te singularis benevolentia, meæque præcipue in te pietatis argumenta, tibi primum, mox cæteris omnibus non perliquerent, nunquam ad te scribere, nec oppressas tot curis aures interpellare meus incredibilis in te amor præsumpsisset: refugissetque stilum mea erga te charitas propioribus argumentis noscenda, quam hoc meo leviori epistolio, hisque meis angustioribus ceris intimanda. Verum quoniam omnia mea erga te officia sic tibi nota sunt, ut locupletiore testimonio non indigeant, meaque omnis in te benigni animi mei voluntas in utraque fortuna tua, tuoque omni statu ita perclaruit, ut nec illustrior ulla fides nec purior apud te cæterosque omnes quam conscientia tua reluceat, non dubitavi magnam in re, totoque mentis examine trutinanda, accuratissimeque versanda, strictim & paucis ad te scribere: non ut mei erga te animi candidioris affectum his brevibus literis pensites, sed ut magni ponderis magnique pensæ rem decoquas, matures, digeras. Non te fugit Inclyte Regum, cum de conferenda Cisalpinæ Galliæ præfectura conferrem, invicemque mutuis plura sermonibus hac de re commentaremur, ut hæc tanti moliminis operosa crepido externæ fidei peregrinoque arbitrio concrederetur, nunquam assensisse: quoniam adepti recens imperitatus ansula leves, nostra melius quam peregrina manu tractarentur; ipsaque versatilis rei moles ingens, proprio validius robore præfulta, quam adventitia ope subnixæ, consisteret. Etenim præterquam quod periculis omnia plena sunt, instabiles varique populorum motus, fluxa levisque ductorum inconstantia, ardens & inextincta libido dominandi, animum tunc certe meum impensus sollicitabant suspectissimæ vicinorum opes, ipsaque finium proferendorum extendendæque latius ditæ cupidas inexhausta distorquebat; sed & inquietam mentem ipsi nuper expulsi regno Sfortiæ honesto repemendæ sedis suæ desiderio fatigabant. Quin & omnibus ingenua naturali studio voluntas exorti novi principatus, adscititiique Regis exigendi, rem periculi discriminisque plenam, circumspectantibus nobis omnia, præmonstrabant: cum præsertim finitimi omnes facile gentis in externæ perniciem, advenamque tollendum Regem semper coerint. Quocirca Mediolanæ rei gubernacula non indigenæ, nec ulli contextendæ fraudis magistro, sed Gallicanæ sinceritate, nostræque gentis viro committenda esse censebam: qui nobis imposturam non faceret; qui civium concordiam tueretur; qui rei tuæ, salutisque omnium consultus & utilius provideret. Res meo sane non ex voto cessit: quoniam promovendum illum tuisque propensius officiis promerendum existimasti, cujus opera laboreque comparata res Mediolani tibi cumulatus accrevisset. Sic

A enim putabas, rem posse melius atque salubrius confoveri, si hic moderaretur & regeret in toga, qui imperasset & vicisset in bello. Sed urbicæ castrensisque militiæ discriminata sunt munera: nam qui sæpe præclarus enituit in bello, despectissimus idem nonnunquam obsolet in pace. Trivultius quidem tuus acer & fortis est, addo, si placet, etiam fidelis, armorum fremitu sonoque tubarum terribilis, asper, indomitus, sed civicæ procuratoris expers, & turbidus administrator, ne dicam inutilis, & forsitan nobis etiam perniciosus. Non ignoras, Auspicatissime Regum, qui fuerunt, futurique sunt, omnium Invictissime, proximis diebus Insulbrum terrore magno, sevisque fragoribus arma nobis instrepuisse: nutantemque rem universam lubrico fortune pavimento, volubilibusque rotis exagitata prope ad interitum concidisse: & nisi præpotentes Gallicanæ opes, nostrisque magnis conjuncta copiis tua major felicitas prævalisset, actum fuisse, & de Cisalpinæ Galliæ conclamationem. Adeo omnes excitæ nationes, averisque nobis Gallorum populi, totaque concordie spiritu in nos conjurata fremebat Italia: tanti hujus bellici tumultus, ruinæque nobis impendentis, auctor & impulsor fuit iniquus pacis arbiter, concordie popularis agitator, minusque diligens & indisciplinatus boni otii magister Trivultius: qui Martia virtute sua clarus, castrensisque duritia ferox, tum factionis suæ plus æquo studiosus, fulmineo ardentique ingenio secum omnia violenter attraxit. Criminalia acta custodiarum omnium, exactissimasque Majestatis quæstiones excussimus, percunctatique sumus diligenter: & cur tot Patricii, tot Summates, alioquin tamen emendatæ vitæ, bonisque moribus integri, desciverint a te, exploratissima disquisitione, cum examini nostro subicerentur, evestigavimus. Expurgaverunt, ac diluerunt objecta omnia liquidissime, omnemque reatum quo dictis grandibus arcescebantur, constantissime dissolverunt. Et si quo errore tenentur humano, culpaque delecti possunt, hanc ex lutulento Trivultii moderatoris fonte derivant: quem ingenii propter acrioris amaritudinem, acidæque mentis austeros mores, sustinere perferreque diu non potuisse, de plano professi sunt. Et mehercule penetrant altius vehementes aculei, acuminatæque doloris acies ad vivum magis imprimitur, cum nobilitate ac genete, facultatibusque parem sibi civem præferri, juraque dominatus insolentioris exercere, suppressi cæteri Primates suspiciunt: illumque unum revereri coguntur, quem paulo ante dejectum & humilem iniquior fortuna tenebat. Tolerant æquius externa imperia, exterorumque jussis patientius obsequuntur, quam cum ejusdem centuriæ classisque civem altius erigi, sceptraque concutere cum stomacho ac dolore prospexerint. Itaque melius ac rectius agi tecum patem, Humanissime Regum, si Trivultio successorem dederis: omnique delectu præoptatum gentis nostræ virum sufficias, quem Mediolanensium Optimates, cæterique cives observare benevolentia, non odisse metu cogantur: qui nullo discrimine hos inter & illos agat: qui uno æquitatis temperamento, unoque juris rigore cuncta moderetur. Neque vero te moveat, aut manum verteris, Bone Rex, quod Insulbrum, Ligurum, Cisalpinæque totius Galliæ præfecturam te illi traditurum pollicitus sis. Absolvisti supplicantis votum, anhelantisque viri desiderio plenius indulgisti, cum in ipso adeptæ rei auspicio summam omnium impartitus es. Si lapsus est, non tibi sed sibi negligentia suæ casum imputet: quodque parum consultus intrivit, id ipse totum excedat. Tu cum aliena inscitia pæne naufragus evaseris, tuam imperito nautæ carinam amplius ne credas. Etsi placata nunc omnia, sudique serenum aeris invitet, non nisi tamen imprudenter & temere freti subito rebullentis æstum prætentabis: omnibus invenies, quæ nunc jactantur in alto, navibus a portu lene fuisse fretum: demersum & obrutum, afflante Æolo propitioque Castore semel emerisse, satis est. Retorquet aciem fortuna turbidior, si cum naufraganti manum porrexerit,

rit, iterata præsumptione, audaciaque periclitantis irritetur. Camarinam, rogo, ne comproveris, sopitum, quæso, canem non excites: nescis, ædepol, nescis, quid vesper serus vebat. Favent, plaudunt, arident nunc omnia, sed improvise conversi axis stridore confrepent omnia, sæviisque retorquebuntur. Incerti ventorum flatus, infida maris tranquillitas, ipsique retrogradi stellarum recursus suspecti sunt. Dum vacat licetque tibi, dum composita cuncta quiescunt, utere, precor fortunæ molliter aspirantis aura. Tutissima juxta litus navigatio, nec minus juxta mare navigatio secura. Si me tibi ex fide consulentem audieris, tuo, crede mihi, tutus in portu navigabis: & semel ictus sapiens: nec atratus Phrygum more respicies.

Hæc cum Ludovicus legisset, perlegisset, ac relegisset, cogitatione multa suspensus est, & acriore cura districtus. Tangebant animum exploratæ comprobatæque periculis multis invicti Viri virtutes; militarisque rei scientia, quam ubique locorum, ubique temporum, omnique discrimine Trivultius præstabat; tum iuxta doloris indignatio, si post rem feliciter confectam exauctoraretur, merito Regis anxiam mentem angebat. Occurrebant animo districtumque graviter adurgebant, quæ Mediolani post exactos Sfortias Ambrosius Mainus, cum Regem salutabundus adivisset, insinuaverat. Hic siquidem pauca gratulationis officio præloquutus, cum non rigido nec intractabili magistratu cives exasperandos moneret, tum acriter, ut ab ipso interloquente accepi, Trivultium detestatus est, acerbique invecus, cum non eum esse prædicaret, cui tanti moles imperii commendaretur. Quæ sagax prudensque barbarus, cum odio magis invidiaque, quam ex re dicta putaret, rejecit; nunc vero literis amicorum & ipsius eventu rei pariter edoctus, non ficta simulataque, sed certiore veritatis testimonio comprobata cuncta censebat: ergo virum non abrupto tramite, nec furore concito gubernaculis extrudendum, sed obliquis callibus & flexiore clivo traducendum existimavit. Duplex hinc fama est: nam literas humanitatis & benevolentia plenas ad eum, Regem scripsisse, quidam putant: quibus commotus in Galliam perrexit; alii evocatum in Galliam ab Rege mentis ejus ignarum contendisse verius tradunt. Atque illi tunc cum multa coram significasset, congruisque Viri laudes præconiis extulisset, quibus summo Ducem pretio semper habiturum pollicebatur, mox consilii sui rationem aperuisse: cumque se invitum ea dicere, sed impulsus adstrictumque necessitate quereretur, subinde hortatum, ut patienter & æquo animo ferret, Cisalpinæ Galliæ procurationem in gentis suæ virum transferri: quod non iniqua mente fieret, nec ut pristinae dignitati suæ derogaretur, sed ut Gallicanum jugum infrænans & indomita civitas modestius civiliusque perferret: atque eum tunc Marescalcum constituisse, ut amissam collata dignitate compensaret, accipimus. Quod cum prælagax & astutus senex animadverteret, nec resisti posse conjectaretur, ægritudine dissimulata, convolatoque dolore cessit. Atque ita in Carolum Ambasianum translata dominatio, quietem deinceps semper inquietam Trivultio paravit: hic siquidem omnia quamquam caute diligenterque protegeret, exoneratumque se magno pondere lætaretur, in sinu tamen mœrebat, seque summo dignitatis apice dejectum gravabatur: quod a Gallo mentis avertendæ, dissolvendique vinculi tenacioris origo fuit. Quæ dum Mediolani nullo fremitu Martis aguntur, translatoque novum in successorem gladii jure, cives pannosque tribules garrulitate sua lætantur, rursus mœrore consternati sunt, omnesque novo doloris telo transfixi. Ascanium quippe Sfortiam dum captum nuntiatum esset, ac paulo

A post dum Mediolanum captivus perducitur, commissam præne luctus cicatricem rescidit: ea recidiva mœroris plaga collugentium mentes exulcerata, cum altius rediviva sanies insedisset, distabuerunt. Hic post captum fratrem, cum desperatis rebus abscedendum judicaret, adseitis Nobilibus multis, qui Gallicanæ factioni Sfortiacam prætulerant, præfixerantque animo cujuscunque fortis illo duce fortunam sequi, concito gradu Placentiam iter direxit: ut inde levibus transeuntis collibus, ac Bobianis, Pontremulaniisque cautibus superatis, Spedicem pergeret: indeque solvens, post Ligusticas Thyrrenasque subleatas oras, Neapolim proficisceretur. Omnes enim Gallie Germanique vias, Helvetiorumque præcipue propter recens admissum, suspectas habebat; nec quid in Germania moliri posset, cunctisque frigentibus præstare, satis illi compertum erat: e diverso Parthenopeis rebus quanquam afflictis attritisque diffideret, desperaretque reparaturum copias, aut legiones novas conscripturum, incolumitati tamen suæ suorumque salutis, cum jure sanguinis, tum communis jacturæ periculo satis consultum esse putabat. Adactis igitur sarcinalibus jumentis, omnique advocata cohorte prætorica, multoque præfulem comitante patriciatus, cum per agrum iter Placentinum faceret, Soncinus Benzonus, qui divo tunc sub Marco stipendia faciebat, cum properanti tuta cuncta polliceretur, fide per insidias dolosque refracta, captivum fecit: Rivaltaque, ditionis Landoine oppido, commendatum, mox validiore circumdatum armatura, Senatui Veneto, velut opimis spoliis exultabundus, insignisque captivi triumpho gloriosus, obtulit. Sed eo facto graviter exacerbati sunt Principes Veneti: bileque succensa in sceleris ministrum vehementer exarserunt: etenim viri prudentes libratique consilii omnibus, quamquam in re belli Sfortiis adversarentur, non tamen eos funditus extinctos volebant; præterea plus æquo rem Gallicanam ex-crescere, ac perire sensim accisas vicinorum opes, gravabantur. Et cum importunam Mauri captivitatem inique ferrent, Ascanii vincula longe gravius molestiusque tulerunt: Mauro quippe jam Helveticis fraudibus intercepto, cum maturandi majoris negotii spes omnis interfluxisset, in Ascanio tamen magna popularitate gratioso, novandarum rerum reliquæ, si Gallicana temeritas impulisset, residebant: quas intempestiva captivitate sublata extinctasque doluerunt. Ipsum ergo Benzonum Ducem, acriter corripere, quod viro manum injecisset, quod fidem fregisset, quodque nullo mandante rem tantam inconsultus peregisset: ille frigida quædam causari, expurgareque se, levius quam transacti negotii magnitudo pateretur. Et nisi multa circumspexissent accurati omnique negotio solertes viri, perdidisse reum, laqueoque strictius innodatum strangulasse, quod injussu Principis & Senatus id admisisset, animus erat: suum in tempus maturatam rem distulerunt: oblataque post annos occasione, cum in Venetam manum captivus recidisset, admissæ perfidiæ poenas suspendio luit. Ergo quoniam Ascanium nisi manifestam Regis in fraudem dilaxasse manu sua non poterant, cum & fraterno commercio, & ope præstita, Gallorum hostis haberetur, observatus est: & quamquam liberiore custodia, nullisque vinculis præpeditus, Principis tamen & Senatus arbitrio custoditus inhæsit. Rex interea Ludovicus rerum certior omnium factus, Ascanium sibi dedi resignarique captivum, cum quod hostis suus, tum quod & territorio suo detentus esset, efflagitabat. Ergo tunc Veneti multa consilii agitare, multaque prudenter cogitatione sua versare: Nam si non redderent, læsam fidem, violatumque jus gentium, nec injuria constari bellum posse

posse verebantur; & jam paratas instructasque Gallorum copias facili trajectu suos in fines posse transire: contra vero, si mandatis obtemperassent, insolentioris barbarici spiritus reprimendi, Gallicanæque temeritatis cohibendæ nullum obicem, nullamque præ manibus ansam habebant: quæ illis affatim *Sfortiaco* mancipio suppeterent. Quippe ictu oculi, unoque momento, si pro *Ascanio* in regnum substituendo motum facerent, parvaque manu niterentur, a Gallo ad *Sfortiam*, Insubres, Ligures, populosque omnes haud ægre descituros exploratum habebant: & amplificandæ ditionis suæ sui que augendi imperii major & promptior erat occasio, si cum *Sfortia* transgressissent, quam si post eum restitutum *Gallis* adblandirentur. Itaque longa consultatione, magnoque tractatu discussa res est: & cum plures non esse dedendum censerent, alii rursus emancipandum aiebant. Indictis ergo comitiis, elicite sunt per suffragia sententiæ: eaque fati vis fuit, ut, quanquam aliqui retinendum judicarent aut relaxandum, quoniam velut libertate sua spoliatus, ac injuria, contraque fidem detentus, legi non subiceretur, nec de eo viro prærogativa religionis eminente inter *Venetum* Regemque percussa fœdera sentirent, contraria tamen sententia vicerit. Ac sicuti ego accepi cum pro rei difficultate vehementer laboraretur, tanti ponderis tantique pensæ res erat, adeoque difficilis & nodosa quæstio vertebatur, ut cum numerosiore puncto transacta res esset, rursus tamen sententiæ rogarentur: iteratisque suffragiis causam reintegrarent. Sed cum pro Gallo fortuna staret, numerarenturque sententiæ, non ponderarentur, ut plerumque fit, pars major meliorem vicit. Ergo qui prius togæ captivus erat, sagulorum brachiarumque servus factus est: & a Venetiis *Mediolanum*, mox trajectis *Alpibus* in ulteriorem *Galliciam* devectus, inter barbaros, interque suæ gentis eversores diversatus est: libertatisque dulcedinem excellenti vir ingenio, amplissimisque sacerdotiis præditus, ac pæne totius Apostolici Senatûs princeps aliquot annos inibi desideravit: donec *Alexandro* vita perfuncto, Episcopoque *Rothomagensi* Pontificatum maximum ambiente, vinculis exsolutus est: ac mox post re nomineque pium, præferocemque *Julium*, ad summi culminis apicem promotus, incertum veneno an morte sua, extinctus est: de quibus pauca, ne rerum series intervulsa fathiscat, alligabo.

Post *Insubres*, *Ligusticasque* gentes subactas, cum uberes lætique *Cisalpinæ Calliæ* tractus patebant, latumque soli felicioris ambitum *Aureliensis* teneret, ab *Insubribus* & *Bojis* in ulteriora promovit, exercitum: quem *Telaginus* heros, ac *Saluciarum* Princeps, lenitate sua barbaris adamati, ducabant. Hos etenim suis ex proceribus, quanquam *Trivultius* virtute præcelleret, Rex consultissimus præoptavit: cum *Jo. Jacobum* ad provinciam hanc suscipiendam, urgendum non arbitraretur, quam ipse iustissime meritoque retractabat: ne, pro quibus olim stetisset, nunc contra stare videretur. *Aureliensibus* signis acclinata omnia, suoque comœatu *Gallicanas* copias exceptura refectioneque patebant. Ab ipsis siquidem *Insubribus* ad impetum hostile solum omnia vel amicitia fœderisque jure, vel gladii potestate, *Ludovicus* obibat: *Cispadana Transpadanaque* præpinguia, *Regium* usque *Lepidi*, ac *Mutinam* atque *Bononiam*, recens parto, proprioque jure tenebantur; nec præstratum iter interrompebat ullo hostico excursu, regii lateris custos defensorque *Ferrarianus*; & ipsi tenues restrictique *Bononiæ* reguli progredientis exercitus vestigia rimabantur, ac reverentius observabant; *Æturia* vero quam fortis olim potensque fuit, ab ipso *Caroli* in *Italiam* adventu, nunquam *Gallicanis* insignibus

A adversata parebat. Tum *Picentes*, *Umbri*, & qui pontificio pulvere fordidati nuper in squalluerant, *Arimini*, *Pisauri*, *Camerini*, *Urbini*, *Plumbinique* Principes, aut propinquo metu terroreque bellorum plectebantur, aut pontificale distenta cervice jugum trahebant. Quippe post *Maurum* Ducem exactum, cum ex fœdere summus Pontifex *Alexander*, auxilia pactasque suppetias ob *Aureliensi* reposceret, ut prænotatæ conscriptis legibus suis urbes, pontificiæ ditioni subjicerentur, subsidiales propriis copias adiunxerat: omnibusque *Cæsarem* filium, cum jam a cælesti ad ærenam regressus militiam descivisset, præfecit. His instructus ergo legionibus *Cæsar* *Imolam* circumfidet, oppugnatque, ac magna vi totoque admoto mœnibus exercitu, cum inclyta *Sfortiæ* gentis virago *Catharina* deficeret, fugæque præsidio levaretur, subegit: mox *Forolivium* adortus, quod sese ferox mulier ex *Imolensi* strage contulerat, firmaveratque validis cohortibus armatorum aggreditur. Cumque hostilis impetum pressuræ, quanquam strenuissime fortissimeque repugnans mulier non sustineret, eduliaque delicatiora commeatusque deficerent, victori cessit, exindeque *Romam* perducta est. His itaque præclaris continentibusque bellorum victoriis, cum omnia formidine & terrore quaterentur, *Cæsarem Borgiam* Apostolicumque Ductorem accolæ finitimique omnes reformidabant; cum & ipsimet *Alexander* & *Cæsar* Regis jussu capeffentes, cum initi fœderis vinculo, tum militia prævalentis impotentia *Gallicani* vexillum Principis adorarent: his ergo suffragantibus, ac militari præsidio commeatuque faventibus, *Lilina* signa plus quam certo victoriæ plaudentis argumento, *Neapolitanis* finibus illata sunt; admoventibusque manum sociis, tum cæteris quiescentibus, *Campaniæ Parthenopeoque* regno protinus incubuere. Antiquæ gentis *Aragonum* stemmate *Federicus* insignis, ac pace belloque vir inclytus, summam rei versabat. Nam *Caroli* Regis adventum, stirpis *Ugoniæ*, sicuti quidam literis mandaverunt, extremi, quæ sex & quingentos, ut *Annales* memòrant, annos in *Gallia* regnasse dicitur, *Alphonfus* cum sui prolabentis imperii ruinæ non sufficeret, quoniam avaritia, crudelitate, obscœnæque libidinis intemperantia, sese patriciis ac civibus humiliorique loco natis odiosum invisumque fecerat, *Ferdinando* filio, quem morum elegantia, bonæque artes amabilem, omnique popularitate gratiosum provexerant, plenam administrationem imperii que jura cessit: ut quod detraxerant paterna vitia, filii virtutes reponerent. Sed acerbis plerumque frugibus a patre præmanis, filiorum dentes obstupescunt: & aliorum acido tristisque succo, frequenter aliorum ora contrahuntur. Igitur cum pretiosa suppellectile collecta, suisque congestis thesauris, in *Siciliam* profugisset *Alphonfus*, paulo post desperatis rebus, cum omnia præcipiti ruina *Gallicana* manus invertisset, ne desævienti fortunæ ipse in casum *Ferdinandus* reluctaretur, in *Prochyta* insulam trajecit. Mox cum fati rebullientis æstus refedissent, & ad gentilitiam sedem reperendam *Caroli* Regis abcessus invitaret, restitutus est: omnique barbarico magistratu abrogato, omnibusque eodem, quo sustulerant, impetu dejectis *Gallorum* vexillis, cum *Veneti* Senatus implorasset opem, eamque nonnullis resignatis portibus, ut pignoris loco cederent, impetravisset, universum constabiliavit imperium. Protinus quoniam felicitatem potius quam virtutem fata bonis invident, semperque cum deteriores rejiciant, malos amplectuntur, agritudine correptus dilaxatusque procaci ventris profluvio, nullam cum sobolem reliquisset, *Federico* patruo locum, quanquam haud diuturnam in rem, fecit: qui bellico *Gallicani* incen-

cendii vapore procul afflatus, cum sese suaque omnia exustum iri propediem videret, cum *Ludovico* Rege foedus percussit. Fuere qui *Parthenopeum* ignaviae socordiaeque notarent, qui fortunae saepius interludentis varietate non expectata subito cessisset: sed qui altius prospexerunt, laudavere. Etenim quassatam attritamque Reipublicae exhaustasque cum fratre tum nepote civium opes, attenuataque circum omnia, cum ingruentibus & abscedentibus, dehinc etiam majori fragore repetentibus *Gallis* videbat: adeo quidem ut non nisi ægre summaque cum populorum jactura resisti posse conjiceret. Ad hæc spes omnis ablata subsidiorum cum eversa *Mediolani* stirpis opes *Ascanio Mauro*que captis intercidissent: & nuper velut in triumphum ducta virago *Catharina*, quanquam modicis ad obeundam rem tantam facultatibus, jaceret. Accedebant omnia circum hostilia, & infensæ mari terraque finitimorum vires: aversa *Ferrarianorum* copiae; abdicata *Venetorum* potentia; *Turcarum* imperii suspecta magnitudo; tum aliorum pæne totius acclinantis *Italiae* trepidatio, ut transigeret, suadebant. Sed & causam urgebat Rex *Hispaniarum*, cui cum *Parthenopeus* parum fideret, quod seorsum cum *Aureliensi* convenerat, ut insidias dolosque caveret, sua diligentior cura præsumperat. His ergo *Federicus* argumentis promotus, cum præsertim adepturum se plura speraret, si tempestive, in ipsoque bellorum limine coiret, quam si consumptis utrinque viribus attraheretur, cum *Ludovico* Gallorum Rege foedus icit: jus omne renuntiat, abdicatque rem, ut illi tunc optima fuit & maxima: sexaginta millia aureorum annua, liberumque terra ac mari commeatum, suoque pro arbitratu tutum ubique paciscitur incolatum. Cum utrinque legibus pactisque subscriptum foret, *Federicus* sua cum suppellectile familiaque in *Galliam* proficiscitur: Regemque venerabundus salutat: a quo perbenige quidem & civiliter exceptus, nec contra dignitatis decorum, meritumque fidei tractatus, *Aragonensi* imperio per *Alphonfos Ferdinandos*que novem ac sexaginta annos devoluto finem fecit: quod prius tenuisse *Normanos*, *Germanos*, *Gallos*que, serie quanquam regnantium intervulsa, postquam ab Apostolico jugo distractum est, *Anacleto* auctore, qui prius illud ablaqueasse creditur, scriptores tradunt. *Federicum* sane dum cuncta diligenter scrutamur, accipimus, filium liberaliter educatum, institutumque bonis moribus secum in *Galliam* advexisse: quem postea *Francorum* Rex *Franciscus* ac *Ludovici* gener, cum in *Italiam* magno cum exercitu descenderet, revexit: eo sane consilio, ut sedatis bellorum nostrorum turbinibus, rebusque *Cisalpinæ Galliae* pacatis, cum jam inter ipsum, *Leonem*que Pontificem Maximum de summa rerum convenisset, in *Campaniam* cum exercitu proficiscens, juvenem in regnum sedemque suam, detruso prorsus *Hispano*, reponeret. Verum in *Gallia* prius absumpto patre *Federico*, filius haud multo post, dum *Franciscus* Rex *Donatiani* arvis victor strenuissime pugnat, intempestive sublati, omnia magno *Francisci* cum dolore consilia frustrati, inturbavit: ad quæ stilum, cum tempus admonuerit, promovebo. Et hæc sane scriptimus eorum opinionem secuti, qui nullo conflictu, nulloque repugnante *Aragonico* milite, *Neapolitanam* rem *Ludovico* Rege lenissime subactam memoriae prodiderunt. Hi namque post oppressum *Helvetio* tradente *Maurum*, & in fuga captum fratrem *Ascanium*, *Gallos Neapolim* nullo retractante progressos, eam tota cum ditione *Ludovici* Regis in potestatem redegisse nullo Martio pulvere, literis mandaverunt: quibus nec dissentire videntur, qui fasciculo temporum conculcata

A omnia, totaque densitate congesta, velut arctissimis quibusdam nodis complicuerunt: quorum affuisse verba non piguit.

Ludovicus Rex hujus nominis duodecimus, *Annam Britanniae Reginam*, a *Carolo* relictam duxit uxorem: inde exercitum *Astam* movit: mox *Alexandria* omnium opinione celerius in potestatem redacta, *Ludovicum Sfortiam* cum thesauro in *Germaniam* properantem ad *Maximilianum Cæsarem* ocyus fugat. *Galli Mediolanum* capiunt, & inde sexto quam ingressi sunt mense depelluntur: *Ludovicus Sfortia*, dum hostem persequitur, in ejus manum incidit: omni-que re sua penitus amissa, in *Galliam* perductus est: ibique tandem naturali fato concessit. *Ascanius Ludovici frater* in fuga capitur: Regique *Gallorum* a *Venetis* traditur. *Neapolis* iterum missis a Rege *Gallorum* copiis in ipsius recidit potestatem. Proinde *Federicus* eorum Rex in *Galliam* venit. Hactenus ille: cujus admodum compendiosi brevis rei seriem ita perstringunt, ut ab operis inscriptione certe non discrepent, lectoremque disquisitionis e-vestigantem, incertum relinquunt. *Andreas Moecenius Patricius Venetus*, vir omni genere disciplinarum eruditus, qui mihi non ultimum in historia locum obtinuisse, videtur, adeo gravibus suæ Reipublicæ bellis occupatus inhæsit, ut hæc de industria, ne dum externis impensius vacat, ab his, quæ domi gesta sunt, quæque scribenda breviter insumperat, distraheretur, stilo suppresserit: proinde rem enucleatius displicuisse, sollicitoque lectori morem plenius gessisse, ut his & illis auctoribus collecta veritas clarius enitescat, non absurdum putavimus.

Igitur post *Maurum Ascanium*que *Sfortias* in vincula coniectos, bellicoque tumultu confictas opes nostras, *Ludovicus Aureliensis*, qui *Neapolitano* regno jure successionis inhiabat, animo suo præconceptam expeditionem molitur; quod & prospiciens *Federicus*, cum inexplata libidine dominandi vicina omnia suspecta sint, ne præpotenti adversario exarmatus objiceretur, *Hispaniarum* Regem convenit, fronteque tenus conciliatum, ut infirmam rem tueatur, contraque prævalidum hostem ut auxilium prominstret, efflagitat. Quem ut ampliori largitione devinciret, illectaretque majoribus donativis *Appuliam Calabram*que pollicetur. Addidere quidam principalium secretorum non ignari, *Federicum* hac eadem pactorum formula *Gallicani* Regis amicitiam adambisse, horumque parilitate promissorum societatis jura quanquam in cassum prætentavisse: quod ea ratione vir prudens effeceret, ut hinc vel inde comparato adversus alterum præsidio, tutus cum altero securusque contraheret: sed ipsos interea barbaros Reges, quoniam facile similes convenire, contraque dissimiles stare didicerunt, cum transmissis invicem signatis tabulis, quas jure foederum *Parthenopeus* conscripserat, perlegissent, noscitantque secreta omnia, pepegisse seorsum stipulatione clandestina, ut universum æquis divisum terminis regnum libراتi limites interfecarent: *Gallus* *Parthenopei* regni titulum sua omni cum re, *Appulam* vero *Calabram*que suis cum finibus ditionem *Hispanus* teneret: ipsum præterea Regem *Hispanicum* plura comminiscendo, diffimulando, tergiversando, militem armasse, classem instruxisse, commeatum parasse: ut præstituto die, hic *Calabros*, ille *Campanos* terra marique protinus invadentes, ac diversis urgentibus copiis opprimerent. Quod cum *Federicus* præsensisset, animadvertissetque procul insidias parari, conquestum graviter exoptulanteque, oratori *Hispanico*, qui societatis specie lateri Regis assidebat, succensuisse ferunt: illum vero quam plurima causantem, ut angusto falsi verique confinio societas infida cavillatur, excursiones barbaricas,

tot per bellicos fragores in pacem beneficio Deorum relapsos, extracta sunt: quæque laboriosa scriptorum ingenia tot operosis molibus onerata malorum fatigaverunt, hætenusque fatigant. Paucos quidem ante annos turbulenti præcipitesque Galli Italia totiens exacti, totiensque discordibus animis nostris revocati, superatis Alpibus in eam irruerunt, magnisque peragratam excursionibus illustratamque victoriis protriverunt. Caroli siquidem Gallorum Regis adventus, quem Mauriana consilia ab externo orbe ad nostrum exciverunt, alaudas gæsaque non minori exercitus sui periculo, quam insolentis victoriæ gloria, nobis ostendit: quem subinde Ludovicus, mox Franciscus gener ejus immigrando remigrandoque totiens subsecuti, sive nimia lascivientis militiæ suæ intemperantia, sive suorum plus æquo præturgentium ambitione ductorum, odiosa nobis imperia sua fecere: donec omni gens versuta sagacitate succedens, melliti oris blandiloquio res diu nostras ingrassata, Gallicanam simplicitatem, virgatorumque contumaciam sagulorum paulo ante nobis invisam, tum demum peramabilem, omnibusque votis expetendam, effecit. Quæ tametsi multis incredibilia fuerint, exceßerintque magnitudine sua fidem, nobis certe, qui passi sumus, nimium credibilia fuere: quæ lucubratione nostra complecti, brevibusque ceris exarare in animo est: si tamen ea prius, quæ præruptis tantæ vastitatis anfractibus interjacent, quæque congestis tot miseriarum globis defudantibus nobis involvuntur, humentibus labiis tenuique prius saliva delinxero.

Dum hinc inde Galli Hispanique nostras oras penetrantes, alienæ possessionis terminos sua sibi lege dispartiuntur, & æque divisis terrarum spatiis finibus nostris incumbunt, *Cæsar Borgia* proferendi imperii suæque ditionis amplificandæ studio, quotidie alia atque alia copiis militibusque suis vincendo sibi adjicere: gentes, oppida, novæque urbes pugnando debellandoque feliciter subigere. Cumque prius assertis *Imola Forolivioque Catharinam* sede sua deiecisset, tum *Faventiam* aggredi, ejusque fines invadere, ac toto nationis illius subverso statu, Regulum folio detrudere suo parat. *Faventini* tam ingenita suum erga Principem benevolentia, quam invisi novi Ducis odio, acriter consistere, proque patria dominoque pugnare: commeatu, alimonia, ac omni genere cibariorum oppidani civitatem refererant; tum natura loci & convenarum industria, omnisque internæ militiæ sollicitudo, perdifficilem obsequium, expugnatumque durissimam urbem effecerat. Itaque machinis bellicis tormentisque muralibus, omni admoto exercitu quotidie *Cæsar* urbem impetere: frequenti assultu divexare: intus assidua perennique grandine pilularum impluere: circumcursare, obequitare, pugnare: tum infirmiora vallati orbis latera diligenter explorare: ibique potissimum adniti, totisque viribus insistere, ubi compago fragilior hostilem facilius ictum admisisset. Oppidani contra fistulis, organis, manibusque tormentis hostes longius summove, missilia jaculari, telorum omne genus ejicere: ferventes aquas, calcem, faces, nullo non tempore, nullo non loco parare, jaculari, missitare. Magna vi, magnoque fluctuantis & varii Martis discrimine, sæpius utrinque decertatum est: nulloque non opprimentium oppressorumque detrimento vehementer ac diu sub ipsis mœnibus laboratum. Strenui milites militumque ductores egregii foris intusque desiderati: nulla non clade propugnatores, nec ipsi minus expugnatores jactura, dum hinc illinc pro salute gloriæque contenditur, affecti sunt, omniaque sævi per Martis pericula divexati. Jam diuturno labore conflictati, debilitati que perpetuis molestiis oppidani dum hostili cir-

A cum pressura diu noctuque distringuntur, elanguerant; inclinabatque duri Martis ancipiti pugnæ pertinacissimum ad *Cæsarem* victoria: cum intauratis omnibus, omni supplemento redintegratis Pontificalibus copiis, obtipa præfixi animi voluntate victor intractabilis, quanta potest ope civitatem exhaustam, extremaque rerum penuria omnium lapsitantem aggreditur oppugnatque fortissime; ac sive insita animi præferocis virtute, sive fati lenius aspirantis aura circumfusa diu expugnatamque tandem vi capit; captivumque mox Principem, cum illius ætatis flore captus pudicitiam delibavisset, impuberemque devirginasset muliebri obsequio, *Romam* misit. Quo protinus terrore *Flaminia* omnis *Umbria*que percussæ, haud multo post in ejus potestatem fere redactæ sunt; *Piceni* quoque pars magna mox ad eum defecit; propulsi etiam fortunæ ejusdem impetu plurimi *Tuscorum*, *Borgiano* excepto cessere; *Plumbinum* oppidum inexpugnabile *Appianensis* imperii sedes, quam *Alphonfus* olim *Aragonum* potentissimus, suo omni numero exercitu, magnisque legionibus suis debellare non potuit, parvo negotio parvoque sudore subactum est; *Senogalliam* multa cum occidione crudeliter expugnatam, militibus diripiendam dedit; *Perusum*, *Typhernum*, multæque præterea urbes aliæ oppidaque, citius quam peragrari potuerint, illius victoriis illustrata sunt: fortunæque potentis alumnino faciliter cessere. Qui sensim infuso matris plus æquo blandientis veneno turgidus, sic extumuerat, ut omnibus pæne terrori esset; & firmiora provocare imperia, laceßereque finitimos omnes non formidaret temeritatis suæ præsumptio: sed & Proceres plurimos divexare, incessereque illustres heroas, ac in sanguinem debacchari Nobilium *Romanorum*, tum & nostræ religionis Antistites atque Triarios nefaria sacrilegaque manu perdere, insolentes elati juvenis spiritus non refugerunt. Nam & *Sabellos*, & *Columellas*, & *Ursicinos*, e medio sustulit: quorum alios indicta causa, rursus alios levibus indiculis, examine judicii sui pensitandis; condemnavit: tanta trepidatione omnium & pavore, ut unus *Italiae* terror, & metus *Cæsar* haberetur; unumque omnes purpurati Patres revererentur atque timerent: sed o faciles dare summa Deos eademque tueri difficiles! Hæc dum tanto fati percellentis impetu consternantur, cunctæque sincerioris rotæ lenitatu *Borgio* decurrunt, retroversi fragor axis ingemuit: retrogradoque motu converla sidera recurrerunt. Etenim jam satis superque Regi sacrorum *Alexandro*, severæ inexorabilesque *Parcæ*, quæ semper hallucinantium fata mortalium interrumpunt, indulserant: ad blanditæque diutius, inoffenso vitæ prosperioris decursu, salebrosos itineris inæquati tramites spiantanti constraverant. Lectus in Apostolicum Senatum conscriptusque diu sedit; & *Romanæ* Ecclesiæ Archidiaconum cum ante egisset, idem mox arduum & perdifficile candidati Quæstoris munus quatuor atque viginti annos obiverat; dehinc cum dignitatum gradus omnes felicissime percurrisset, præfixissetque animo Piscatoris augusti solum tenere, procurante *Ascanio Sfortia*, multis quanquam repugnantibus & invitis, ac præcavendas ingenii distortioris latebras admonentibus, expetita pleno fatorum obsequio fastigia conscendit. Filium *Cæsarem* magnis adornatum insignibus, mirisque demulsum aridentis fortunæ plausibus, ac summo culmine collocatum, sublimemque conspicatus est. *Alphonso* Ferrariensi Regulo *Lucretiam* filiam matrimonio copulatam inipexit. Felicia omnia, fausta omnia, secunda omnia, vitam agentis præprosperam & Genialem applauserant. Instabat suprema dies: rationisque reddendæ, discutiendæque villicationis suæ, fatalis in-

interpellabat hora. Heu quam his aspera morse est & peracerba, qui per delicias & amœna transivere: suarumque tantummodo consilii voluptatum ad extremos irremediabilis vitæ fines pervenerunt! Ergo funestiarum rescisso stamine Parcaram, intercluloque vitalis auræ spiritu, ad sacrosanctum *Christi* tribunal, cujus vicem gesserat in terris, constitutus, fluxa mundi imperia, caducos fascēs, rescultasque trabeati dominatus infulas, insana mortalium appetitas ambitione, reliquit. Inferiæ manibus datæ: iustaque ceremoniis suis, suæque funebri pompa diebus statis soluta sunt: omniaque cum eo, quæ tam brevibus ævi curriculis præfloruerant arefacta, revulsa, parique conditorio taciturnitatis consépulta sunt: adgregatæ magnis cumulis, magnisque laboribus opes comparatæ, propagati tanto fragore Martis, tantoque terrore & ruina mortalium prolati fines, amplificataque diffuso circum ambitu, furenti *Cæsare* iurisdicctio, tum elanguidi cognatorum affectus, infulæque longi examinis clientelæ, uno improvisæ mortis ictu percussæ conciderunt: unoque absorptæ terræ hiatu profundiore cunctis stupentibus evanuerē. In Hispanias *Cæsar* cum jam fortuna vertisset, suoque destitutum præsidio fata reliquissent, enavigavit: nec multo post extinctus, execratusque detestatione omnium, prælucentem memoriam subsecuta caligine tenebrarum obscuravit. *Alexandri* Pontificis excessu exuendorum *Ascanio Sfortiæ* vinculorum spes illi jam pridem demortua, tunc primum rediviva surrexit: & ad magnas iterum res obeundas erecta est. *Georgius* siquidem *Ambasianus* Rothomagensis Præsul, collegio pileatorum allectus potiundi Pontificatus Maximi, Summi-que perfruendi sacrorum Principatus, umbram animo sumumque conceperat: fovebatque plurimorum adminiculo nutrimentorum. Affeclas quippe nonnullos sui que nominis studiosos habebat: quoniam humani fastus obnoxio multorum favore prænituntur; excelsioremque fortunam frequentes ambiunt, sed fragiles amici. Præterea formidabilis & jure præferenda *Ludovici* Regis potentia, longæque manus anhelanti viro, distinctis-que præconceptam in spem præcordiis anhelanti, multa perperam insinuabant. Ad hæc *Julianus* Ligur indomito præferocique vir ingenio, qui occultis *Borgianam* in factionem odiis intabescēbat, ab urbe *Roma* procul extorris vagabatur: *Transalpinique* secessus domicilium incolebat: nihil a Gallo timens, suæque peregrinationis securus. Hic ergo junctusque cum eo *Ascanius*, sancti Senatus *Romani* Proceres, pæneque *Rothomagensis* obsequio devoti, cum uterque ditionis ejus imperio subjiceretur, rem factam, certoque certiore *Ambasio* dispondebant. Sed inter os & offam multum semper interest: igitur cum longo multa tractatu *Georgius Ambasianus* cum *Juliano* Ligure contulisset, impetrassetque summi viri suffragium, omnemque operam, quæ in deligendo ipso Pontifice perficiendaque re tanta desideraretur, extorsisset, *Ascanium Sfortiam* convenit; libertatem donat, & si Pontificatu per illum Maximo, ejusque diligentia frui licuerit, omnia restitutum re-
dintegraturumque pacificuit. Quid captivus ille non promississet? ac ut sese in libertatem assereret, quid, rogo, non polliceretur, ac dejeraret? stipulatione, testimonioque deorum atque dearum prænexa contrictaque sunt, unoque omnia fidei sacramento tenacissime perligata. Ergo confestim alacres expeditique omnes, hic libertatis adipiscendæ, ille consequendæ summæ dignitatis studio *Romam* præceleri festinatione contendunt. In ipso urbis ingressu tanta hilaritate acclamatum est *Ascanio*, tantoque faventium plausu sublata cœlo voces consonuerunt, ut unius ad viri votum omnia facile confici posse *Rothomagensis* speraret. Itaque

A protinus augurale sacrarium introgressi, confidentesque penitiorē adyto flamines, de Summo Pontifice præoptando consultant. Barbaricum omnes jugum obhorruere: ejusque sub dirione futuram omnem *Italiam*, si *Gallicanæ* quoque potestatis imperio Pontificatus Maximus accessisset, non temere prætimebant. Proinde a *Gallo* omnes averſi frequentes in alia omnia transiere. *Ascanius*, ut suæ gentis sui que nominis studiosus promoveretur, ambibat: itidem *Julianus* Ascanio rebellis, perpetuoque diversæ factionis duello semper averſus, ut ex suo non alieno voto, Papisticæ dignitatis candidatus optaretur, agebat. Fluctuavere comitia; incertisque diu suffragiis per septa distributoresque titubantium desideria pendere: donec procliva consensu plurimorum voluntas Senensem *Pium* complexa est. Sed vir innocens & purus, nec ipsa re minus quam opinione omnium integer, cum inauguratus summæ potestatis imperio gubernacula contigisset, elatus est: perpetuæque animi candentis innocentia vixit, vivit, ac vivet. Tunc de successore tractatum: campique freta Martii diverſorum æstuariis suffragiorum inquietata sunt. *Ascanius* animo multa cum evolveret, *Petri*que navem non ignavo nec desidi *Palimro* credendam arbitraretur, existimaretque illum omni delectu præoptandum esse, qui ingenio & prudentia naufragantibus & in periculo constitutis omnibus subveniret, in rivalem suum *Julianum* conversus est: privatasque similitudines salutis Reipublicæ incolumitatisque omnium præferendas duxit. Adeo quidem in eo virtus & judicium evaluerunt: credidit enim virum præferocem & strenuum, ac ingenio solertiaque pollentem, cum omnem supremæ dignitatis accessu superasset invidiam, nullis amplius æmulum ferendum aculeis, posse etiam in melius effingi; præſidenteque eo, ac suo arbitratu cuncta regente, moderatius & appensus sacris profanisque consultum iri. Exinde conciliati flamines invicem, novisque fœderum vinculis alligati, cum de summa rerum, reciproco fulti præsidio, mutuaque manu porrecta fidem sancientes, transgressi, rem peragunt. *Julianus* Protoſtamen declaratur: *Julii*que nomen barbaris omnibus inauspicatum sortitus, *Gallicæ* gentis delendæ præſumptionem emeruit. *Ascanius* si ve multa de compacto simulans, cum intus mœjora præstrueret, si ve jam longo administrationis tædio confectus, cum privatis emancipatus, sese paulatim publicis rebus gerendis subduxisset, tranquillioris vitæ secretum & quietem optavit: sed pestilenti haud multo post ægritudine correptus, & ut multi crediderunt ebibito veneno suffocatus interiit. Viri ingenii præcellentis, & extemporali facundia luculentissime differentis, exitus hic fuit: qui diu sacris initiatus, cum manum lituo, mitra caput insignivisset, purpurascens fulgore pilei clarius illustravit, cumque *Romanæ* Ecclesiæ Quæstorem candidatum egisset, omniaque illius munera præter Pontificatum Maximum implevisset, quem offerentibus amicis *Alexandro* male cesserat, æquissime piissimeque semper religionem tutatus est: variisque rectorum turbinibus fluctuantem, proprii moderaminis gubernaculo rexit.

F Vir apprime diligens omnique in re sollicitus & sagax: ingenio acrior, memoria profundior, judicio cunctatior, supraque fidem omnium laboris ac vigiliæ patientior: cibi vini que parcissimus: quique stomachi rugitu quanquam interpellante, prandium in cœnam sæpe distulerit: & intercurrentibus negotiis incœnatus nonnunquam, modicoque somno contentus interquiescit: corpore præfirmo & vegeto, assiduoque labore ac venatu obdurato: excelsioris staturæ, sed supallentis & emaciata: vindictæ tenacior, & in ulciscendis injuriis *Ludovico* fratre paulo asperior: si quando

D. Arlunus. B 2 a Ve

a Venere sibi liberius indulisset, quanta poterat cautela praesidioque suspicionem criminis declinabat: Romano populo gratus, Senatoribus Apostolicis omnibus venerabilis: literatura studioque praeditis adamatus: ingeniorum cultor bonorum, disciplinarum observator, & eruditorum admirator atque defensor omnium. *Joannes Picus* Mirandulanus magnum tempestate nostra doctrinae scitioris columen, cum amplificandae tollendaeque eruditionis suae, sui que ingenii periculosus ostentandi Romam profectus esset, coramque Patribus conscriptis ac Romanae militiae triariis acuta dicta, argutiasque breves, literaturae suae clypeo defendendas proscripseret, nec ex voto praemeditata succederent, de perdendo palaestrita tractatum est, & perlata quaestio: quoniam inconsultius provocare Patres amplissimos, falsaque dogmata religionem nostram lugillantia subijcere oculis omnium praesumpseret: obtinissetque durior sententia, cum jam in eam frequentes issem, nisi bonarum artium portus & refugium *Ascanius*, qui nullo discrimine bonos utique complexatus fovebat, intercessisset, delictique veniam impetrasset. Aestimare quidem suis quemque doctrinam meritis par est, sed non alterius literaturam depretiare: nam, qui turgentius intumescit, disrumpitur; & resiliens saepe sagitta, dum quis alium infigere praetentat, repercutitur. Publicae privataeque dignitatis, sui que honoris studiosissimum, super omnes *Ascanium* unum accipimus; nec unquam nisi ex destinato, re perfecta conquiescentem: hinc adagium illud in curia, cum nimiae quis sollicitudinis argueretur, percubuit: *Pervigil Sfortia nunquam dormit*. Promoto culmen ad Pontificium *Alexandro*, cum *Europa* Principes Italiaeque Reguli gratulatum ei suos quisque Romam oratores misissent, *Jasonem Mainum* Jureconsultum pro Duce *Mediolani* verba facturum, priusquam vultus sacros adoraturus in pontificalis oraculi sacrarium admitteretur, evocavit ad sese: virumque ad dicendum audacem & intrepidum ne deficeret, monitis suis confirmavit, ac ut seorsum & in speculo declamaret, hortatus est: ne ipso assidente, celsioris throni maiestatem exhorresceret: & quod viro doctissimo *Florentinorum* causam agenti, paucos ante dies contigerat, dicturus laboretur. Percallebat enim vir attentior, & undequaque circumspectissimus, quam lubrico pavimento, suo cum fragili vase nutaret, frequenti concione celeberrimoque confessu peroraturus: tantaque illi publicae privataeque aestimationis sustinendae cautio fuit, ut periculum dicentis pene suum duceret. Ex voto cuncta transacta sunt: siquidem profluens illud & canorum admirati sunt omnes, torrentisque facundiae procellas, nimbosque verborum tanto profatu glomeratos, efferebant docti pariter & indocti. Verum ea lucubratione postmodum edita, sibi ipsi fraudem fecisse, cum magna pars abesset, compertum est. De *Ascanii* obitu parum adhuc liquet: propinatum quippe nonnulli venenum a *Julio* conjectati sunt, sed falso: cum illius obitum permolesto graviterque tulerit, cuius operam sibi perutilem ad exigendos Italia Gallos futuram, speraret, quos extrudere solo nostro tota animi sui contentione praenixus est. Sciebat enim cum praecipua in *Ascanium* benevolentia, tum exitiali odio, quo perciti fere omnes in barbaros confervescebant, si propter *Ascanium* patriam repetentem arma moverentur, parvo rem negotio transigi, & ex ipsius animi sententia confici posse: sed *Julii* consilium elusit *Ascanii* mors inrempesta. E diverso alii, procurante *Rothomagensi* Episcopo sublatum tradiderunt: quippe pontificalibus comitiis competitore superatus, cum repulsam indignissime tulisset, graviter exacerbatus, quod

A irridentium ludibriis exploderetur, cum aliter poenas sumere non posset, *Sfortiaco* sanguine injuriam ultus est. Proinde *Ludovicum*, quem in carcere tenebat, mox *Ascanium*, quem in vinculis habuit, pari sorte damnatos de medio tulisse creditur. Sed haec magis opinioni hominum insinuata sunt, quam ipsa re comperta fuerint: nam quae de ebibito veneno vulgus iactavit, non peltis illi sed medelae vicem intulerunt. Omnibus sane mirum fuit, sex praecclaro excellentique ingenio natos fratres, ingenue ac liberaliter educatos, institutosque *Blancha* matre, ad filiorum vitam suorum sanctius componendam informandamque divinitus, omnia arma fidei nostraeque religionis advocate, praeter unum *Philippum*, qui propendente discissus aqualiculo morte sua consumptus est, & *Ascanium*, si illi fata pepercisse credimus, biathanatos omnes reliquos fuisse. Siquidem alii fluctu ferroque crudeliter enecti, alii veneno petiti, nonnulli carcere longo consumpti de medio celsere: cum pater eorum claritate gestarum rerum illustris, absolutaeque probitatis uxor ejus *Blancha Vicecomes*, nostrarum rerum iubente fato potiti, quieto tranquilloque statu blandissime confescentes, desiderium sui nobis reliquerint. Sed Matheseos petiti, quique suis secreta numeris astrorum scrutantur, *Franciscum Sfortiam* in horoscopo stellam fixam habuisse tradunt, cuius ea quidem vis est, ut grandia nato dona conferat, cursuque secundiore provectum ostenter; verum mox sua destitutum felicitate, variis praecipitem casibus involvat: quod si geniturae coelique sui tanta vis fuerit, ut adversa omnia superet, tunc certe sobolem tristior fortuna subimplicat, ejusque filios gravior exitus manet, sicut in *Francisco Sfortia* liberisque suis evenisse nostra tempestate conspicati sumus.

Julius igitur Pontifex Summus, legitimis solemnibusque ceremoniis pristino more suo celebratis, cum nova semper animo conciperet, earumque prompto ferventique capessendis rebus ingenio parturiret, Pontificios fines proferre, diffusamque *Galilaei* piscatoris ditionem latius extendere decreto firmiore praesansit: postque nonnullas *Flaminiae* receptas urbes, cum adhuc *Ludovico* Francorum Regi vinculo foederis astringeretur, in *Bononiensem* agrum, proprias auxiliaresque *Gallorum* copias, *Carolo Ambasiano* imperante promovit: afferendae *Bononiae*, propullandique *Jo. Bentivoli*, quem odiorum torrente flamma persequabatur, ingens praecipueque libido Pontificem incescerat: festinabatque provinciam levior rem absolvere, ut deinceps cunctantior consilio maturatam, graviores exequeretur. Ergo post dissipatas agrestes copias, cum populationibus ac rapinis hostilia cuncta milites pervassent, dispositis legionibus omnique urbem obsidente exercitu, intestinae seditionis civilesque discordiae protinus exorta sunt. *Bentivolo* gratiosi, & qui illius dominatione fruebantur, sustentandum eritendumque censebant: donec vel Pontificis mors opportuna, vel exercitus alendi difficultas, aut ex improvise Deus, oppressae urbis angusta omnia relaxasset. Contra, infensi perosique virum & qui fasces imperantis gladiumque detestabantur, inique pressuram ferre: perurgenteque civitatem in dies exercitu omnes impatientius angi. Quae de re vir consultus & prudens, cum ab internis externisque praetimendum aestimaret, dedendam urbem ratus, foedera cum Gallo, quem fidei constantioris opinabatur, pertentat. *Julium* enim sic semper exhorruit, ut nulla unquam gratia conciliandum speraret: & si qua cum eo foedera percussa forent, perversioris ingenii malitia rescissurum. Conscripitis ergo *Gallicana* tabula foederum legibus cum hinc inde paciscentes assensissent, *Joannes* urbe

urbe cessit; propriaque suppellectile collecta *Mediolanum* profectus est: quem tamen circumvenire, infectari, modisque omnibus incessere deinceps *Julius* nunquam desivit; adeo pertinaciori odio infensus, ulciscendæ injuriæ semper anam quærebat. Itaque cum criminis insimularetur, falsoque delatus esset, jussu Regis *Bentivolus* in arcem *Jovis*, illius præfecto comitante perductus est. Quo cum pergeret, angore confectum illachrymasse certo scimus: mox quærente *Japhredo* Caroli, qui tunc *Mediolani* Præsidentem agebat, cum innocentiam purgavisset, vinculis solutus est, & libertati suæ restitutus. Verum perpetuo districtæ mentis cruciatu, vitæque molestioris tædio prægravatus, cum multa virum circumvenirent incommoda, haud multo post elatus, *Mediolani*que sepultus est. Futuram illi cladem multa prædixerant: suæque præsertim domus tacta cælo fastigia, propriumque in cubiculum, tabulatis omnibus terebratis, fulmen intortum. Sed & procul stupore visentium, trepidantiumque miraculo, confluxere bellatorum acies obarmatæ: directisque invicem telis concurrentes, ab urbe *Bononia* lapide quarto concertare depræliarique ferociter visæ sunt. Miræ hominum effigies, amplioresque mortali mensura, celsa a vertice, vastisque corporibus, spectaculum non vulgare contuentibus dabant. Incredibilia videbantur, aviaturumque trementium subsannanda deliria, cum in urbem remigrantes agricolæ, suis oculis objectata, suisque vultibus obversata civibus recensèrent. Itaque cum primo levibus nuntiis, mox gravioribus, ac fide dignis auctoribus, fama rei certior increbesceret, effusus est omnis populus studio nova & inusitata videndi. Refulgebant loricati milites, pilatæque acies procul inspectantibus luce media coruscabant: tum grandibus confertis manibus, ac informi moreque gigantum collato pede stataria pugna truculentissime commiscebantur. Tranquillus horror erat, magnaque eum metu tuta formido: siquidem & compugnantium militum, & concursantium equorum timore procul omnes, attoniti perhorrebant: mox furentibus jaculis umbratilisque pugnæ simulacro spectatores securi fovebantur. Fuere qui videntes non viderent, ipsamque rei mirandam speciem incernentes non cernerent. Etenim multi, quo manifestius deprehensa palparent, sese concitis equis in confertissimas ingentium pugnatorum turmas, terribilesque globos armatorum proripuerunt: diversatque diu telis inanibus, cum præsentibus ipsi nihil videre nec sentire possent, procul tamen ab omnibus vastos inter milites, aciesque formidolosas præliatorum prospectabantur. Adeo res novæ peritorum & imperitorum animos perturbabat. Hæc nimirum visu formæ terribiles sub decertantium imagine bellatorum, futuros conflictus, *Gallicanis* Pontificalibusque copiis ingruentibus, magnaque divexandæ ipsius urbis incommoda, dum debellatur, debellataque rursus rebellis asseritur: ac nunc hujus alterno, nunc alterius imperantis jugo distracta comprimitur, quodam futura cladis præfatio demonstrabant. Nam pulso *Jo. Bentivolo*, cum *Julii* Pontificis in ditionem *Bononia* recidisset, subornata rursus impulsæque veteribus dominis ac novarum rerum cupidis, nutritabunda descivit: atque eo motu armorum *Annibal*. *Bentivolus* tumultuario agmine procurrens, omnique factionis suæ satellitio præcinctus, popularium quietem manuque Pontificis extortam pacem discussit. Ancipiti Marte dubioque eventu *Julius Bentivolus*que pendebant. Hic paternis sedibus notisque suis laribus repetitis, innixusque suorum auxilio Patriciorum tranquilliora sperabat: contra furens & indignatione præceps, injuriæque desciscientium exacerbatus Pontifex Summus subi-

A tario milite contracto, omnibusque statim admotis legionibus urbem ingraffatur; exagitataque militari turbine bellicoque fragore concussam recipit; mox acerrima disquisitione scelus eveſtigans, cum omnem conjurationis messem ex *Bentivolorum* seminario profluxisse cognosceret, execrationibus ac diris, direptionibusque bonorum, ac sumptis suppliciis, ut quæstorum laqueis irriti plures inhæserant, severissime crimen ultus est. Sed & deinceps, cum ipsius implacabiles iræ Pontificis adversus *Ludovicum* Regem referbuissent, eoque processisset pontificii furoris indignatio, ut nisi *Placentia* *Parma*que Sedi *Romanæ* restitutis, nusquam inter ipsos convenire posse videretur, Rex ipse Francorum *Ludovicus*, Bernardino Caravafalo *Hispano* impulsore, discrepantibus invicem Episcopis, concilium *Pisis* indictum, mox urgente causa *Mediolanum* revocavit. Cumque jam multa in Apostolicæ Sedis amplitudinem majestatemque Religionis nostræ conscripti Patres sanxissent, ac velut suppositio, adulterinoque *Romanæ* Ecclesiæ Præposito ad ipsum legitimum verumque summæ totius moderatorem Senatam, universa devolvi oportere decretum esset, publico delectus assidentium Patrum consensu *Federicus Sanseverinus*, omnem concilii sacrique conventus causam regia protegente manu suisque legionibus adjuvante, *Bononiam* proficiscitur: ut eam a *Julio* velut ab exauctorato abortivoque Præsidente prorsus abjudicatam, assereret, legitimoque cœtui prisicisque moribus instituto subjiceret. Itaque bellici fremitus infirma discrepantium flaminum pace permixti, ipsique enses & gladii lituis ac mitris intercedentes, *Bononiam* alternis belli pacisque fluctibus reciprocantem, pulsare: donec asperius impetitam *Hispanici*, *Gallici*, *Germanici*que pugnatores eundo, redeundo, immigrando, remigrando, sic exagitarunt, ut illæ militum inanes umbræ, exhalantesque solo confligentium præluce nube turmarum cohortes, veris agminibus, nostrisque deinceps ac barbaris legionibus, tanto Sacerdotum Principumque dissidio, concursantibus, certissimo Deorum numine præluserint: enuntiaverintque *Bentivolo* futurum paulo post exilium ac fugam, quanquam & ingenio & facultatibus prædito, adornatoque præstantium numero liberorum; quorum unus *Alexander* adeo fortunæ indulgentis aura provectus est, ut *Mediolani* vicariam Ducis *Francisci* potestatem egerit, ejusque filia *Jo. Paulo Sfortiæ* matrimonio collocari meruerit; hic sororem nactus, sicuti recentium scriptorum Annales memorant, quæ *Galeoto Manphredo* militi strenuo ordinumque ductori valentissimo patre *Jo.* procurante desponsata est, tædisque solennibus, sed adverso pronubante *Thalasio*, nuptui tradita. Hæc supra muliebrem sexum, supraque scemineum pavorem, ingentis spiritus magnique animi virago, cum filium ex viro suscepisset, nec lascivientis mariti procacitatem, profusæque libidinis intemperantiam perferre posset, ipsum perdere statuit: accitisque secreto quos infensissimos acerbissimoque odio invisos, viroque rebelles cognoverat, præstituta temporis hora maritum pugione petit, reluctantemque viriliter atque ferociter inclamantem suis erumpentes illico latebris armati, qui signum expectantes instructi paratique animis telisque stabant, suppetiarum specie ferendarum multiplicatis ictibus confossum, sævissime confecerunt. Hunc certissimæ Mathematicorum prædictiones emonuerant, ut caveret, quoniam hora fatalis appeteat: quod cum ille rescivisset, nec commentitium arbitraretur, sese penitissimo conclavi, domesticæque sedis remotissimo secessu continebat, præcinxeratque domum arctissimis custodiis, ut vim declinaret, eluderetque superstitionem vatum divina-

tionem: sed cum exteras devitasset insidias, interas non evasit: conjugalique machinamento oppressus est: ipsa dux fœmina facti.

Post evictam manu barbarica subactamque Pontifici summo Bononiam, *Ligustini* motus turbulentæque plebis seditiones ad arma *Gallum* exciverunt. Ea gens familiari rixa intestinisque certaminibus inquieta, ac civium animis inani quodam furore rebullientibus, assidue dominos in discrimen trahit. Verustissimi luculentissimique scriptorum tradiderunt, nullam provinciam, nullamque nationem, *Romanam* disciplinam per intervalla bellorum magis exercuisse, militemque licentius agentem ac *Macedonico* bello solutum, magis intra rigorem continuisse. Hic siquidem hostis erat, qui *Romanam* virtutem hebetatam acueret: qui languentem & flaccidam excitaret, *Asiatica*que diffluentem amœnitate, ac discinctam deliciis omnino præingeret. Ardua quippe omnia, præruptisque montibus ac jugis asperrima, in *Liguribus* erant, quæ militem ascendendo durarent, pugnandoque difficili loco firmarent, quæque veteranorum eximiam novitiorumque virtutem spectandam provocarent: dum præcella alacriter occupant, occupata validius tenent, ac labili solo firmiter consistunt. Hostis præterea promptus insidiis, armis expeditus, agilis motu, cursu pernix, omnibus velox, *Romanam* vim Martiumque robur frequenti periculo probandum eliciebat. Itaque Duces, castrorumque Præfectos, ac Consules *Romanorum* hi populi frequenter armis fatigare, afflixereque motu bellorum assiduo. Sed & multas tempestate nostra clades suo versatili torno, rotæque volubilis inconstantia nobis *Ligur* invexit: quanquam *Ludovico Sfortia* moderante, sui que rem nepotis diutius gubernante, in ejus verba juraverint: perseveraverintque constanter in fide, donec *Aureliensi* jugo post cæteras subactas urbes assertaque oppida, cervicem facile subjecerunt, quam & paucos post annos gens levis & ventosa subducere compescereque *Gallicanos* tumores prænixa est. Improvisa namque suborta seditione, suoque de more concito tumultu, cum de novandis rebus inter nonnullos occulta conspiratione tacitoque tractatu convenisset, *Genuenses* libertatem provocant; impressa *Lilina* signa mœnibus eradunt; *Gallicanos* magistratus abrogant; eorumque factionis studiosos urbe protinus ejiciunt: tumultuantur, cædunt, ingrassantur. Tum Principem & Ducem suæque rei moderatorem *Paulum* deligunt: ad tractandaque navis dubiæ gubernacula sinistris virum avibus promovent. Hujus unius omnes imperium revereri, jussa facessere, mandatis obsequi: ille militem legere, auxilia contrahere, commeatum parare; omniaque cautius & promptius, quæ ad suæ tutelam Reipublicæ *Gallicanæ*que factionis interitum spectarent, expedire. Continuo Regis ad aures perlatis motus, effusique per aulam rumores *Ludovicum* graviter incessivere: mox urbe *Genua* expulsi nobiles, quique rem barbaricam commercio, ære, suffragioque juvabant, exilium suum deprecari: Regem orare, obtestari, ut importuna turbulentæ plebis imperia disjiceret, fastus comprimeret, omniaque ad pristinam *Gallicani* moderaminis temperaturam redigeret. Prudens barbarus quanquam gentem fluxam, suo pteque ingenio levem esse cognosceret, & ad rebellionem propensam frequenter agitari, quia tamen *Cisalpinis Transalpinisque Gallis* ea civitas interjacet, & ferendis utrique genti præsidii, quotiens exciti bellorum motus provocarent, opportuna videbatur, oppugnare statuit, admotoque statim exercitu subigere. Et quoniam momenti præsentioris erat, si ipso imperante res gereretur, ad *Ligusticos* motus compescendos in *Italiam* adulto vere perrexerit. Obviam itum est

A illi, salutarisque præcipue *Mediolanensium* Legatis, qui sese illi obnoxios devotosque professi, si quid privatis publicisque facultatibus possent, obtulerunt: omnem operam, sollicitudinem, diligentiam, sui pro Principis incolumitate, imperique ejus majestate pollicentes. A quo quidem humaniter excepti, auditique perbenigne, post mutuum reciprocae salutis votum dimissi sunt: adventumque ejus in urbem *Mediolanum* expectare jussi, quem exhausto *Ligustico* bello, brevique composita *Genuensium* re futurum propediem existimabat. Occeptam igitur expeditionem dextro Marte prosecutus, exultantium congratulantiumque pæne omnium vota superavit. Etenim cum arduum difficileque bellum in annos trahi, deterique *Gallicanas* opes, obsidione multa putarent, qui *Transalpino* imperio contumaciter adversabantur, opinione sua victi sunt, suaque protinus sententia dilapsi. Quippe tunc pro *Gallis* elementa, si credere dignum est, astraque pro barbaris fixa polo stellæque vagæ conjuraverant: magna ingensque regii exercitus in dies appetentis fama fuit, sed præsentis ipsius *Ludovici* expectatio tot præclare magnificeque gestis rebus major & ingentior. Non deerant, qui ut illius gratiam aucuparentur, extorresque beneficiis promerent, dissimulando tergiversandoque alia atque alia causarentur, hostique propinquo planius iter in patriam emollirent. In promptu sunt omnia, cum nostris fortuna consiliis indulget, difficilesque conatus nostros cum adjuvat, prospere feliciterque succedunt. Dum telæ, machinæ, tormenta que parantur, dum intus foris arma milites expediunt, tantus propinquæ Regiæ claritatis splendor effulsi, tantique belli metus armorumque terrores omnium mentibus inhorruerunt, ut vix circumcincti quidem solverentur, victique prius antequam petiti sint. *Paulus*, quem sibi Respublica Principem & Ducem creaverat, cum Diis averis male pugnavisset, errabundus vasto mari *Ligusticum*que littus effugiens, regia classe circumventus capitur: majestatisque reus ultimo vulgarique supplicio, post omnem criminis peractam quæstionem, affectus est. Restitutis redintegratisque omnibus cum Rempublicam ad veterem formam *Ludovicus* redegisset, *Ligustine* vanitatis non ignarus, & qui gentilitii lubricum erroris, fluxaque turbidæ nationis ingenia percallebat, molem exstruxit novo apparatu, infinitisque sumptibus admirandam. Hanc Frænum dici jubet, quod urbi scilicet imminens, frænanque vagam solutæ plebis temeritatem, repugnantes & invitos cives in officio fideque perseverantius contineret. Hæc tamdiu stetit, magnoque tantisper *Genuensium* mœrore conspecta est, donec *Aureliensis* fortuna vertit: perpetuæque clades *Insubrem*, *Cenomanum*, *Ligurem*, vicinasque circum gentes una continentique ruina protractas involverunt. Edomito *Ligure*, rebusque tam fori quam militiæ compositis, *Ludovicus*, qui magis celeritate quam victoria cunctorum opinionem excefferat, *Mediolanum* iter dirigit. Solennia, pompæ, triumphi, surrectas omnium mentes, attonitosque novis animos voluptatibus converterunt. Præsignis auroque conspicuus aulicorum procerumque suorum ordo præibat: cum jam ingentes prætorianæ cohortes senticosis subus intertextis asperatæ, longis agminibus innocentiumque terrificæ telorum armatura, procederent: hinnientium equorum fremitus, immaniumque dissonæ voces barbarorum, tum holoserica subsericaque veste pretiosi cultus ipsique *Phrygibus* elaborati, cuncta populis admiranda suspectantibus dabant. Ingenti Rex Martis equo sublimior, quem Philosophorum Jurisque Consultorum venerabilis & sancta cohors alboque legitime conscripta cingebat, evehebatur, molimine magno

magno lentoque sublibratis passibus incessu. In-
 viratus erat, ut triumphantium more currum le-
 vibus bracteolis inauratum discolorique pictura
 variegatum conscenderet: sed equum placidissime
 strenuum, blandaque ferocitate præmitem, &
 qui suum inter togatos diversantem dominum ag-
 nosceret, prætulit. Reprimebat arduus ille spi-
 ritum ingentem, anhelabundusque glomeratam
 sub nare flammam, magni sui sefforis adstipantif-
 que togæ reverentia cohibebat. Innoxius & ad
 omnia docilis equus, in hostem calce, juba, den-
 te, ferus, asper, truculentus; inter nos vero sem-
 per & undequaque mitis, placidus, lenis: quo
 gressu nutuque poterat contipantes, cicuritique
 ingenii mansuetudinem admirantes ad obsequium
 illectabat. Nos in turmas æque dispartiti, no-
 strasque per classes sub triviis quadrivivisque divisi,
 ut omnes pari mensura togæ laborem sustinere-
 mus, & omnes æque plena majestate frueremur,
 aureum umbraculum, duodenisque rutilantibus pi-
 lis elatum, attollebamus: pretioso textilique ve-
 lo solem, nubemque cœli crassioris ab asancto
 Rege dimoventes. Ad hæc civitatis nostræ Pri-
 marii splendidiſſimique Proceres *Theodorus Trivul-
 tius*, *Antoniusque Maria Palavicinus* satellitium
 agentes ephippiis incumbebant; subsequebantur
 Apostolici Senatus purpurati Patres, sericis pro-
 pendentibus spiris magnifice pileati: non illi cer-
 te minus latoclaro refulgente decori, quam Rex
 ipse trabea coruscante spectandus. Adjungeban-
 tur, ut sua quisque prærogativa dignitatis præ-
 celledat insignior, *Italiae Galliaeque* citerioris &
 ulterioris Reguli; tum & recentibus titulis præ-
 notati Duces, Marchiones, Comites, prælecti-
 que peditum equestrisque militiæ Præfecti gradus
 suos inferebant: tanta quietæ mentis placiditate,
 ut nunquam arma togæque majori concordia co-
 pularentur; nec æquiore jugo coirent impigri Mar-
 tis ferocitas, otiosaque tranquillæ Religionis man-
 suetudo. Horum vestigia sublegebat sua cum
 orchestra frequentiore Præsidialis honor, ipseque
 prævius arctiore zona *Milesiam* Regii Senatus to-
 gam astringebat; subsecuti lege sua cæteri magi-
 stratus, qui ex ordine extraque ordinem jus dicunt;
 indifcreta mox civium multitudo, permixtæ for-
 midibus elegantiae confertissima turbæ prodeuntis
 examina claudebant. Hoc tanto fastu *Mediola-
 num* ingredientem *Ludovicum*, præpotentis Rei-
 publicæ *Venetæ* excelsique Senatus Oratores ob-
 ve-
 vii, ad *Eustorgianum* pontem, exceperunt; sua-
 que venerabundi Proceres amplitudine modestiæ-
 que suæ decoro plaudentes, & adgestientes glo-
 rioso victori, conspicuam illustremque victoriam
 illi paucis adgratulati sunt; potentissimæque Rei-
 publicæ suæ mandato Regis ipsius ad arbitrium
 copias opesque suas omnes obtulere. Quibus ille
 pro temporis ac loci personarumque ratione gra-
 tias egit: mox, celsiori pegmate residentes cirrati
 ut amœno quisque gravior ingenio, ac linguæ
 garrulitate promptior & amabilior erat, elimato
 carmine suisque rythmis composito progredien-
 tem salutabant: suamque ut urbem faustis ac pro-
 pitibus Deis respiceret comprecabantur. Hunc
 ad modum duplicata singulis semperque majore
 pompa compitis excreſcente, alii laudes & facta
 Regis ampliore præconio celebrabant: solistimis
 alii tripudiis pyrrichioque gestu Patriæ gaudentis
 hilaritatem exultantiumque lætitiarum animorum
 expromebant. His deliciis harmoniæ mellitioris
 dulcedo, post cætera ludicrorum oblectamenta,
 lenocinabatur: lyristæ, psaltriæ, samburistriæ,
 argutique omnes symphoniarum moduli salientis in-
 tima pectoris divellebant; cantu, lusu, plausu,
 lætitiisque cuncta cum ferverent, intus etiam o-
 mnia placata quiescebant. Deleniti jam oblitterati
 que mœrores erant, ac dilaxatæ vulgares angu-

A
 stia, quas pernicioſa *Mauri Ascanique* captivitas
 tanta bonorum ac civium interitura nostrorum in-
 gesserat, meliore jucunditatis antidoto confove-
 bantur: sublapsæque madidis pectoribus nostris
 majore quam prius corruptela voluptates, lauti-
 tiæque multo ganearum pingui delibutæ, exsic-
 catas longo post tempore elati funeris utriusque
 lachrymas extinxerant: cumque dolore prius &
 angustia resipiscerent, nunc lætitiæ gaudioque de-
 siscebant. Defixum Regem ampliore theatro
 spectaculorum, ac ductili versilique scena rerum
 omnium, nostræ tunc urbis miracula tenuerunt.
 B
 Sed præter tunc infinitæ plebis multitudinem,
 passimque conglobatam populi densioris turbam,
 quæ visendi studio certatim effusa proruebat, illi
 ludæopol nova Regis animi admiratione replevit,
 quod frequentes & innumeræ suumque in
 rigorem dextra lævaque dispositæ stationes merci-
 monialesque tabernæ, ab ipso *Eustorgiano* ponte
 ad virginis pontificale delubrum, ab eoque rur-
 sus ad arcem, ad quam perrecturus *Aurellensis* erat,
 singulæ nova fercula, novumque prospectantibus
 orbem offerebant. Aulæa pendentia, tricliæ strata,
 signa, tabulæ pictæ, cunctaque regifico
 luxu parata, pompam ante hunc diem inauditam
 perpetuæque hominum memoria celebrandam ex-
 plicuerunt. C
 Sed præpollentes & splendidi vir-
 ginum, succulentarumque matronarum chori,
 tum lubrici vultus earum, speciosi cultus, ele-
 gantes formæ, quæ *Cyprias* Veneres, decentesque
 gratias æmulabantur, excelsa omnia superabant.
 Lapillis, unionibus, gemmis onerata, suisque
 præcomptæ reticulis atque monilibus illaqueata
 graciles nymphæ, deos deasque omnes ad hanc
 majestatis speciem contemplandam, superis sedi-
 bus evocabant. Attonitus miraculorum confusio-
 ne *Ludovicus*, cum infra supraque omnia acriore
 defixus obtutu conspiceretur, hærebat: singulo
 gradu cunctabundus & anceps, connexo tot af-
 surgentium foeminarum examine, totque reful-
 gentium luminum flammis hebetatus: cum dex-
 tra flexisset, læva vertebat; & cum hinc illinc ju-
 cunda prospiceret, & hinc & inde jucundiora gra-
 tioraque spectabat. D
 Præterea respicientem urge-
 bant instantia, oblectatumque præsentibus, nec
 fatiatum præteritis, futura protinus evocabant.
 Cumque semper meliora Genio prælucente succe-
 derent, longe summoti distentisque Regem o-
 culis expectantes, ut sua viseret, suoque ut spe-
 ctaculo suaviore frueretur, anhelabant. Hoc a-
 mœnitatis fluctu, pelagoque voluptatum æstuan-
 te jactatum, ad ipsaque Deorum immortalium
 E
 templa pergentem *Ludovicum* candidati flamines
 obvii, suis cum insignibus exceperunt: dedu-
 ctumque ad aras Pontificio suo nitentes, ad agen-
 das Diis immortalibus gratias, ac pacem veniam-
 que petendum, hortati sunt. Legitimæ preca-
 tionis carmine peracto, nostroque solutis de mo-
 re votis, in arcem diversa regione, pari nimbo
 parique sereno claræ tempestatis irrorante, per-
 vectus est: ibique nostrarum oneratus fasce deli-
 ciarum refedit: donec epulum *Apicio* concinnante,
 ac instructas operosissima cibariorum architectura
 mensas, instrataque lucentibus fulcris triclinia,
 majori admiratione præstupuit. *Jo. Jacobus Tri-
 vultius*, bello paceque gestarum claritate rerum
 F
 insignis, magnoque ad peragenda omnia ingenio
 natus, Regem, Heroas, Principesque sacrorum
 tot suis comitantibus umbris acceperat, cum ut
 ingentis animi sui magnitudinem, re domestica
 non fallente, tum ut nostras regiis pontificali-
 busque cœnis, ipso nobiscum nepotante *Jove*,
 non cessuras dapes, ostenderet. Ampla domus,
 spatioso effusioſioreque compluvio, diætiis atriisque
 percipientibus dilaxata patebat; sed angustos ac-
 cubitus invocatis, adipalisque cœnæ liguritoribus

exhibitura: ergo vicinis ædibus perforatis, terebratoque terminali pariete, per convicinales cryptas domorumque concamerata, transitus in *Romanum* vicum, secessu vastiore præsternitur. Cumque ad hujuscemodi paratus explicandos privatorum secreta patefcerent, obstruebantur publica: defixis contis, retorridisque trabibus subnixum podium, duodenis a terra pedibus surrectum excicaverat magni operis redemptor: conserti patientissima tabulati, complanatarum leviter juncturarum area, longissimo fugiente procursu, immanentibus ac remeantibus atterebatur. Hæc utrumque viæ latus amplexa, quod longo distantes intervallo parietes abigebant, meridies septentrionemque capacibus fenestris aërem hinc inde reciprocum, mutuoque fluxu refluxuque follicantem, admittebat. Cælum panni stellis aureis interstincti, sublustrique ferrugine suas in violas renidentes, serenum *Jovem* ementiebantur. Crepitabant interflante aura flexipedis hederæ pensiles corymbi, lentos in orbis suos topiati, mediaque Regis insignia lambitantes assiduo flamine contorquebantur. Instridebant concrispatæ tenuesque subæratæ auri fasciolæ, quæ sibilis crebrioribus dum confligente aura circumaguntur, lenissime fluitabant. Ad hæc *Attalica Britannica*que aulæ prædocto artifice diversas in species animata spiravere. Tum pretiosis serico viloque densiore tapetis opulens *Damascus* omnia longo circum tractu texebat. Sellæ, pulvini, subsellia, stragulaque omnia coccineis aureisque filis intexta, unionibusque redimita, scintillantibus cœloque reluctantibus flammis inardescabant. Medio, Regis thronus augustior, triplicique sublatus gradu, propendentibus plagulis, tortilique auro ad visentium stuporem prærigentibus, assurgebat. Omnia circum, omnia intra supraque mortalibus oculis suspicienda, tam immensi sumptus congiario, quam exactissima lascivientis artificii politura, fulgebant. Terrena nunquam amplius majestas nec venerabilius unquam enituit. Et quanquam ubertim *Gallica* barbaries divitiis omnibus opulentissima profluat, nunquam tamen in ipso divitiarum horreo copiosius & abundantius exuberavit: & nostras opes mirata est. Et quoniam res inter sacras, mensæ convivalis olim usus habebatur, proindeque ut sacra facturi sic & epulaturi lota prius manu purgati sunt, quod studiosi ceremoniarum *Hebræi*, Christi discipulis avidius de patella cibum expetentibus, objectavere, interpellante stomacho, & ad refectionem provocante, hora, distillantes siphunculis prægnantibus lymphæ, pando auro perfusis manibus, excipiuntur. Non fontanæ quidem neque rivales, quas irrigando arentiori palato benignior natura suppeditat, sed quæ resudantibus rosis elicitæ, *Medorum*que malorum floribus igne maceratis expressæ, omni *Arabum* suffitu, omnique *Sabæa* nube præstantiores, reflexa meliorem in usum fistula, promanaverant. Amaracino recreatus odore *Ludovicus* cum *Pæstum*, *Hyblam*, *Hymettum*que una manu perferret, ipsoque confragante *Nardo*, *Myrrhæ*que spirantibus guttis, ac trito suavius exhalante succino refoveretur, obrigit: nobilissimum totius aromaticæ messis pulvisculum confrictosque omnis odoræ arboris succos nitidum in fontem eliquatos admirans. Exinde suas purioris saccari placentas obvia *Phyllis* inscivit: tum auratæ bucellæ, pineique grossuli, ac gingiberina crustula, latrantis rugitum stomachi complacavere. Propinatique statim pretiosissimi liquores vermiculi, subalbentes, *Rhetia*, *Piceno*, *Creta* subvecti, mellinis oblita tragematis labra, inauratasque præmansu micæ edulii pleno gutture proluerunt: his velitibus pransitantium excitati gurgites, aciesque dentium his spiculis acuminatæ, validiora structorum agmi-

na suumque in numerum disposita, protinus commiserunt. Peregrinæ aviculæ, sylvestriaque pulpamenta, longinquis nationibus externoque venatu parata, *Sybariticas Syracusanas*que mentas pinguiore alimonia provocavere: esculenticinorum præfectis castrorum, opsonitantibusque magistris nihil animo sedit impensius, quam ne instructus confunderetur exercitus: neve triarii roarios, aut veterani novitios præverterent; sed ex ordine præscriptoque suo progredierentur: omnis itaque ferularis disciplinæ vigor, omnisque magisterii popinalis eruditio, ab Imperatore Legatoque, ad omnem rigorem exigebatur: assa, elixa, jurulenta, colore saporeque suas in classes discriminata, recenti *Jovis* cerebro, novoque *Veneris* lacte triclinales *Heliogabali Sardanapalique* discubitorios ingenti auctuario toros præcelluere. Quod *Alcinous* *Ulixi*, quod *Æneæ Dido*, quod *Caligula* sibi, quod *Domitianus* populo profudit, id uno nostrorum agmine lixarum, unaque nepotantium pugna *Gallorum*, superatum est. Stabant epulones intentis oculis, superque fumantibus patinis ancipites, & dubii, quod prius dente ferirent, explorabant. Geminati tergeminateque missus edulicii laborantes ingestorum difficultate ciborum ventriculos distendebant: omni agmine pugna durior incrudescerebat. Cumque longo certamine defessati milites discubitorii, receptui canendum putarent, nova semper instauratis ordinibus erumpente de improvviso militia, depugnandum erat; & reparatis alimonia supplemento escarum copiis configendum: donec æstu multoque sudore sordidati palæstritæ, appositis recentibus bellariis obfusa tela defricantes extergentesque, colophonem acceperunt; esculenticia farragine contumaces uteri, multiplicique potu returgentes convivæ, in vicina ludicra, proximisque *Veneris* lusus conflacescentes despumavere. Circumsidentes quippe gregatim conglobatimque principes matronæ, quas paulo ante *Ludovicus* urbem ingressus velut pertransennam inspexerat, pro tribunali resederant, turritisque verticibus e regione prominentes, ac pectoralibus astrictis protuberatæ, decoro cultu splendidissime luxuriabant. Tum delecta juvenus, vernantisque nostræ pubis florulenta lanugo scitissime personata, omni gesticulatione decora mobilisque subsiliebat. Singuli juvenes singulis nymphis adcopulati, longas implexa nostro de more manu choreas exercebant: *Ionico* motu, *Betico*que crismate sedibus imis excita *Venus* subabat. Scalpebant amorum secreta tactu morsuque blandissimo, crepitante lyra cantus emodulati, suisque præsuaves interstrepentibus tubis harmoniæ. *Ligustinis* rupibus *Genuensium*que jugis, præcipiti *Mars* cursu delapsus, suisque *Thracibus* atque *Bistonibus* longe relictis, in nostras oras repente commigravit: suoque dimisso procul exercitu, com meatuque centurionibus ac tribunis ductoribusque singulis dato, sese nostræ suæque ridentis in *Erycinæ* castra contulerat. Tunc in urbem *Mediolanum* regionemque *Romanam* lycorides, floræ, *Cytheridæ*que properante gradu confluxerant: omnesque pleno agmine, legionibusque integris amores, deliciæ, veneres, ad plaudentis Reginæ prætorium constrepuere. Occulti passim ictus, ubique cæca vulnera, immedicabiles ubique plagæ militibus incautis, suæque strenuitate cæcutientibus infligebantur. Et hic & ille mœrebat; & hæc & illa lentis intus suspiriis angebatur: infixæ medullis jacula stridebant; inurentibusque flammis subtabescentes artus contorrebantur. Multi sane prælectæ dignitatis ingenioque præstantes viri, qui bonarum disciplinarum studiis aut curis majoribus distinebantur, quos in Genialem caveam cæcique *Cupidinis* theatrum descendere, vel ætatis, vel ordinis, aut professionis reverentia par non erat,

togam discinxerunt, suisque larvis inumbrati, pauloque sibi licentius indulgentes, in hujuscemodichorum pedem intulerunt: cum ut *Gallicanæ* Majestatis amplitudinem assidentisque Heroas cunctantius intuerentur, tum ut Saturnalia Bacchanaliaque nostra cæteris permixti liberius celebrarent. His etenim aditus nullo discrimine patebant: cum cæteri procul omnes armatis apparitoribus, & admissionariis arcerentur, nisi quos summo Patricia-tu, magnisque facultatibus nota celebritas, aut altiores evectæ militiæ gradus promovissent. Coassatæ aræ compactum limen, instratumque herbido virore vestibulum obsederant Regiæ cohortes: prætorianique milites prælongis asperatisque ferro gæsis confrementem turbam vulgumque præforibus tumultuantem, telo, voce, vultuque terribiles, longius summovebant. Intus lyræ, cantus, citharæ, intus joci, lusus, deliciæ: fausta, felicia, fortunataque intus omnia hilaritate plausuque consonabant: si modo non perlito melle gladio mortales fallerentur, venenoque permixta dulcis potio deciperet. Lautitiarum nostrarum volutabro projectatus, dilaxatusque suavi amœnitatis nostræ teporario *Ludovicus*, cum urbis inclytæ magnas opes, effusamque splendidæ civitatis quam antea tot miseriis involutæ magnificentiam conspicaretur, orbis terrarum specimen floremque *Mediolanum* proclamavit: parique mœnore *Cisalpinæ Transalpinæque Galliæ* jacturam perlaturum professus est. Tunc illi *Jo. Jacobum Trivultium* subdidisse ferunt, caveret ergo sibi nobisque, ac ut cum Republica consultius ageretur, provideret: ut integre castæque Magistratus jus dicerent; ut in medio boni versarentur, ut Senatus pius & sanctus esset; ut molestissima militaris hospitatura tolleretur. Pertusis enim quotidie Regis auribus querelæ civium adstrepebant: nam etsi suo sese milites exhiberent impendio, suæque alimonia pascerentur, fremitus tamen tumultusque barbaricos, parietes intra domesticos notasque sedes suas, cives iniquissime ferebant; nec equorum hinnitus assiduos, agasonicamque stabularis purulentia coluvium, necdum exterarum gentium plagas vulnæque perpeffi, quibus gravissime deinceps adfecti sunt, tolerare poterant. Itaque de summo vendis militaribus hospitibus, civibusque castrensi molestia liberandis tractatum: obtinissetque pertinax in re perficienda sollicitudo, si omnes æque gravati beneficium perseverantius extorsissent. Sed quoniam omnes hoc munere Magistratus exempti, quique *Gallico* ære merebant, tum & Primates urbis, & his adjuncti liberalium Professores disciplinarum immunes erant, cura refrixit, & extincta est. Nec enim dubitandum fuit, magno Regem affectu, miraue populo benevolentia devinctum, hac in re morem nobis fuisse gesturum: si frequens intercessor, & postulator assiduus, hanc ab universa Republica molestiam deprecari fuissent. Sed quoniam negligentius tractata res est, hebetique procuratione relanguit, amplissimo Regis beneficio fraudati sumus. *Ludovicus* interea cum popularium tum militarium negotiorum curis avocatus, urbicæque præsertim intentus solitudini, Senatum ingreditur: cum ut omnibus sui copiam faceret, tum ut quo Patres examine decernerent, populoque jus dicerent, exactius metiretur. Tunc edoctos instructosque jussu Præsidis advocatos non ignoramus, ut omnes causas triumphales agerent; nec ullam, nisi super dena millia, controversiam perorarent; quod si casu minor incidisset, urnaque leviolem edidisset, tunc ipsi de composito patroni, ne qua in Senatu levia viderentur esse deducta, supplebant; coramque Regia Majestate, omnis prælargo sermonis fluctu buccina redundabat: alii sibi dicendo placebant; alii rursus assentando Regis gratiam

A aucupabantur; ille insistendo acrius venali lingua famam quærebat; pauci clientes anxios respectabant: quoniam pretio frequentius quam amore contenditur, & ad ingenii facundiaque vim ostendendam, potius quam ad oppressum clientem sublevandum, concurrentium acies patronorum confligunt. Rex subinde secretos exploratores per aliquot civium domos, abjectaque despectorum domicilia sollicitus amandat, qui Magistratum, qui Senatus, qui *Gallorum* mores, adamussim indagarentur; quique facta infectaque fideliter referrent: quoniam vir prudens & sagax insolentia Magistratum, ac jus dicentium iniquitate corrumpi singula, Rempublicam subverti, cunctaque pessum ire callebat. Ipse vero nihil unquam egit intentius, quam ut pacata omnia & tranquilla conquiescerent; ut compressæ civium seditiones, ut intus forisque compositus omnis rerum status esset. Sed perditorum insidiæ laqueique malorum usque adeo tendebantur, ut & Regem alioquin non improvidum fallerent; æstimaretque Rex bonus nullum universa ditione populum appensiori moderamine gubernari. Nam & exploratores corrupti multa dissimulare, prævaricari, subtere; alia falso perperamque deferre: qui vero pie sanctæque pro Republica fuerant animati, ne graviora eorum incurrerent odia, qui principem in urbe locum obibant, suppressere multa cgebantur. Adeo vir solers & cautus sæpe decipitur, ac nonnunquam bonus venditur imperator. Igitur post transacta peractaque feliciter belli pacique munera, cum *Veneris* Geniique sacris operatus *Aureliensis* fuisset, reddidissetque meliore pacatos otio *Ligures*, in *Galliarum* ulteriora proficiscitur: nobisque quam longissime remotus, *Blesis* suis itinere fatigatus resedit.

D *Maximilianus* interea ut augustalibus ornamentis præfco more Cæsarum, institutoque majorum insigniretur, in *Italiam* iter parat: auspicandæque protectionis suæ opportuniore molitur. Indicebat autem aliis commeatum, aliis equestres pedestresque copias imperabat: nonnullos etiam ut ipsimet Cæsari comites essent, in eamque simul expeditionem procingerentur emonebat. Ea vero cum his & illis imperata prodirent in publicum, dura nonnullis visa sunt: ipsique præsertim *Itali* Principes novi discriminis novique periculi rem plenam existimavere. Quippe nonnisi congruo peditatu ac equitatu, validioribusque copiis in *Italiam* descendendum erat: ne qua illi fines externos peragranti, vel de industria, vel de improviso suborta seditione, vis fieret; aut e diverso ne instructis pro Cæsare legionibus alii ad arma provocarentur, *Venetæ* *Galliæque* Principes non injuria prætimebant. Itaque cum de adventu ejus voces increbescerent, suscipiendæque expeditionis Reguli minutiones admonerentur, *Veneti* *Galliæque*, quorum finibus imminerebat, multa tractare; secum plurima consilia diversare; pro tempore Cæsari opportuniore rescribere: cumque alia atque alia causando dilata res diu foret, ad exitumque perducenda videretur, *Veneti* formulam itineris armatorumque præscribunt. Qua de re commotus vehementer Cæsar, cum sibi liberum iter pateret, suoque pro arbitrio militem conscribere oportere contenderet, contra vero *Galli* *Venetique* rei suæ prospicientes id nequaquam admitterent, juri foederum renuntiantes, sese invicem hostilibus discordiis commisere. Proinde cum haud dubie arma moverentur, *Veneti* prudenter omnia circumspectantes, redintegratoque primum cum Rege *Gallorum* foedere, Cæsaris vires quanquam olim compertas haberent, in præsentia diligentius & exactius emetiunt: quot secum Duces, quot copias advehere, quot sociorum auxilia contrahere, quot tormenta cæteraque belli munimina ex-

pedire posset, attentius sollicitiusque perscrutati sunt. Interea sui fines imperii, quos maxime suspectos & infirmos scirent, vallo, milite, comœatu præmunire; circumducere fossas, vada deprimere, aggeres furrigere, aquas inducere, mœnia firmare, tutaque futuris hostibus conceptacula funditus amoliri; ad hæc solcite vigilanterque provinciam omnem malis hominibus depurgare, novarum rerum cupidos, aut *Venetam* Rempublicam abhorrentes specie honoris relegare, aut vinculis coercere; disponere custodias, vigilesque perpetuos opportunis locis ac stationibus excitare: ne qua popularis seditio quietem publicam, inturbaret, aut propinquis hostibus discordioso tumultu suo lenocinaretur. His obiter ac sedulo procuratis, valentissimo disciplinæque militaris scientissimo, bellicæ rei summam mandant: ipsi castrorum suorum, quos vulgo Provifores dicunt, qui consilia factaque Ductorum omnia participant, ipsiusque præsertim Imperatoris expendant, deligunt. Hoc etenim antiquitus, vetustisque Principum *Venetorum* moribus receptum est, ut ipsi plura consilio, quam manu bella gerant. Itaque strenuissimos omnique bellico munere exercitos Duces, magnis honorificentissimisque stipendiis conductos habent: qui exercitus ducunt, qui militibus imperant, qui castra movent. Hi tamen non propriis sed alienis auspiciis omnia peragunt: etenim congregi, pugnare, receptui canere, Proviforibus inconsultis aut retractantibus, fas non est; & capite frequenter animadversum est in hos, qui negligentius mandata Legatorum observantes arbitrio suo rem gesserunt. Ætate quoque nostra, *Mantuano* Principi, quod parum audita vel contempta Legatorum auctoritate, contra *Gallum* agro *Parmensi* conflixisset, objectatum est. Quo facto *Venetias* accitus, cum suam ex fide causam diceret, omnemque dilueret ex animi sui sinceritate malitiam, nonnullo quanquam discrimine laboraverit, dimissus est, & ut multi crediderunt, veniam meruit, quod non inique vir ferox in acie versatus erat; omnemque culpam simplicitas redimebat, ipsaque non dolo sed casu magis temerata fides deprecabatur. Ergo *Veneti Nicolao Petiliano*, integræ fidei viro, principaliumque mandatorum exactissimo cultori, plurimum semper credere: præsentis quoque periculo, castrorum curam suorum, bellicæque rei summam ingentem, quod præfagaci vir ingenio cunctabundoque omnia ad præscriptum ageret, quodque semper illæsam in eo viro fidem esse cognoverant, tribuere. *Ludovicus* quoque *Gallorum* Rex, *Joannem Jacobum Trivultium* omni bellicâ virtute præstantem, omnique castrensi scientia præditum, cujus fidem peritiamque superioribus bellis, multoque antea discrimine probaverat, delectui militum habendo præfecit: ac validas equitum peditumque cohortes omnemque exercitum industriæ ejus prudentiæque commendat: qui regionibus actutum exploratis, omnibusque locorum evestigatis tramitibus, qui pergenti viam iterque planius infisterent, suas in *Venetiam* copias traduxit; extremosque fines ac præcipue *Tridentinos*, tum omnes longo circumtractu præjacentes saltus, hinc *Trivultius*, illinc *Petilianus* instructis copiis ad proruentium impetus *Germanorum* excipiendos occupavere; suggestisque propius, montium fauces angustaque viarum oppositis turmis arctius obsedere. *Maximilianus* interea, cum longe arduam multoque difficilem, quam putarat, provinciam, *Veneto* præsertim Galloque reluctantibus, animadverteret, cumque susceptum munus intermittere durum, prosequi vero durius arbitraretur, *Constantie*, Proceres summosque Heroes *Germanorum*, in Concilium evocat, accersitosque, cum magni pensî res tractare-

A tur, ut omnes quid sentirent, fierique vellent, eloquerentur, in Senatum venire jubet. Quibus frequenti consessu audientibus, cum præstituta concioni dies placuisset, in hæc verba locutus est:

Si sola *Cæsaris* æstimatio in discrimen verteretur, meique sola nominis jactura fieret, quanquam id sane graviter jureque meo permoleste ferrem, nunquam vos tamen longinquis regionibus excitos, nonnulla cum inclementis cœli, tum itineris difficultate propinquant, in Senatum advocavissem: placidæ quietis, meliorisque otii laxamenta feriantibus vobis plena cum animorum tranquillitate vestrorum impartirer. Est enim boni Principis privatorum commodis consulere: eaque redimere, si possit, quæ minus reliquos sint adfutura. Verum cum non privata sed communis & publica nobis omnibus clades invehatur, suisque nubibus ac tenebris *Romani* fulgorem obducatur atque denigret imperii, nec his ego solus malis occurrere, aut solus remediis opitulari possim, provocor importune, cogorque, velim nolim, abdita consiliorum rei que dilatis seriem aperire: ut diligentes & providi, futuraque præsentibus conjicientes, quid agendum sit nobis, in medium bonique consulatis. Non vos fugit, Amplissimi Proceres, idque etiam nos certo scimus, & meminisse libet, suffragiis olim beneficiisque vestris, *Federico* patre meo vivente, vos summi culminis hujus apicem mihi contulisse: vestroque consensu gravissimo & maximo, vestraque in me propensiori voluntate, *Maximilianum* orbis terrarum Imperatorem declaratum. Egi quidem, ut potui debuique, olim, & præsens ago habeoque gratias, & semper habeo pro tantis vestris meritis immortales; egregiumque tanti fastigii munus suoque decore speciosum, vestra omnium concordia in me collatum voluntate, sempiterna grati animi mei memoria recensebo. Delectum præoptatumque manu vestra, vestrisque punctis *Cæsarem* designatum, post adeptam ferri durissimam, argenti que purioris coronam, qui potestatem Christi vicariam agit in terris Pontifex Summus, suis insignibus traditis consecrare, sanctisque jam pridem moribus receptis inaugurare consuevit Imperio. Accingebar expeditioni, sedatisque bellorum turbibus, post *Francica*, *Eburonica*, *Sicamblica*, *Batavica*, *Morinica*, aliaque protinus difficiliora, quæ nos per tot annos exercuerunt, *Helvetica* denique durissima & maxima, quibus dextro Marte exhaustis pacatam jubente Deo provinciam reddidimus, *Romam* iter capefaturus auspicabar: honestumque mihi, congruumque profectioni ineunda, susceptoque itineri exsequendo viaticum, cum proprio tum subsidario milite comparabam: multa Germanicis, aliqua Gallicis, nonnulla etiam Italicis Principibus indicabam: quæ legitimo Romanum ad obsequium jure debentur. Nulla nos Germanorum Procerum fefellit opinio; nulla nobis est Germanica sinceritate subnexa fraus: circumstant animis omnes opibusque parati, in quasunque velim mecum deducere terras. Diis placeat, gratumque sit, quod Germanicæ puritatis candor, quod innoxie vestrae mentis integritas exteris nationibus optimum recolendæ fidei præstat exemplum. Si vos, reliqui qui religione nostra censentur, quique sub Christi vexillo merent, imitarentur, si innocentiam fidemque vestram observarent, qui se velut antesignanos Dei cultores ostentant ac profitentur, intempestivo accitu hanc in concionem non advocaremini: nec his ego molestiis fatigatus adsigerer, aut coram vobis fugillatam *Romani* Imperii Majestatem nonnullorum improbitate vehementius exposcularem. Eloquar, an sileam? Scitissime poëta dixit: semper vir bonus tyro est: quoniam aliorum innocentiam ex propria metitur, nec decipi timet, qui prius alium nunquam ipse decepit. Hic etenim jure fallitur, qui alium ante fefellit: at qui in alium bonus est, jure beneficium pro beneficio sperat; maleficium vero pro beneficio certe non timet, iniquamque meritorum relationem omnino contemnit. Sed imponitur

sinceritati, deluditur innocentia, solaque semper bonitas malorum fraudibus obnoxia est, & per versutorum salebras cæcæque callidorum machinamenta vexatur, & trahitur. Gallorum ego Regem Ludovicum aliquando beneficiis affeci: promeruique Virum ingentibus commodis, majora etiam collaturus, si meæ erga illum voluntati fortuna largior indulgisset. Quippe Mauri Sfortiæ desperatis rebus, cum illius in regnum restituendi spes omnis intercidisset, frustra paternæ sedis amissæ domicilium præsidio destitui filii ejus meique nepotes Hercules & Franciscus lamentarentur & gemerent, ne juris iniqui legisque perversæ reus convincerem, subsignata diplomata, quibus abdicatum utiliter Mediolanense largiebar imperium, tradidi: parem aliquando gratiam etsi ipsius ingratitudine non suscepturus, attamen collatorum jure beneficiorum expectaturus. Et quoniam diversos fluxæ gentis mores callebam, nec lubrica mihi prorsus fides erat incognita, qua sane potui cautione mihi tutelaque prospexi, constrictamque verborum vinculis legem in album contuli: ut mihi scilicet Romam proficiscenti suis auxiliis præsto foret. Uberrime largissimæque nobis assensus est, & desiderantis vota cumulavit: sed omnes infirmi sunt & fragiles membranarum nodi, contraque ferrum prænituntur in cassum pergamene. Stipulatio, juramentum, fidejussio, omniaque Jurisconsultorum solennia brevi distortæ mentis cavillo resolvuntur, tenuique saliva mendaciorum diffliunt. Nulla est iniquam adversus mentem æquitas, nec contra duplicem animum ancipitemque linguam tuta securitas. Tergiversantibus nunquam ansulæ desunt, nec abdita prævaricantibus periptera. Stant inflexis arpagonibus, & incurvis unguibus hærent, donec pacis contextam tenuioribus liciis telam prosciderint atque discerpserint. Ecce quam argute Ludovicus cavillatur, numquid ego tibi præsidium, inquit, indistincte pactus sum? aut tibi commeatum auxiliaresque copias simpliciter obtuli? nequaquam. Relegantur dictata pactorum; ad numeros verba perpendantur; & si in obscuro sit sermonis ambiguitas, discutiamus de jure, & appenso examine cuncta trutinemus. Cum in Italiam veneris, præsto sim: nulla mora commissæ est. Nondum enim, inquit, in Italiam venisti: & tamen ne veniam resistit, totoque conatu suo reluctatur. O mira sophismata! O inextricabiles argutiæ! O perplexum subtiliter arguentis dilemma! atque non alaudas legionesque suas in nos transmississe, ut pacto resiliat, sed ut federi stet exereitum traduxisse contendit. Nec enim salva Societatis lege potest indefensum Venetum relinquere: cum & pari contractæ Societatis vinculo non possit Venetus Regem non tutari. Conscripta sunt omnia: jure cogente deducunt exercitum: non ut nobis obsistant, sed ut ex lege assistat alter alteri; mutisque sese præsidii juvent. Quod si protinus in nos tela torqueantur, non ipse propterea Ludovicus injuriarum læsæque pactionis reus est: quoniam quæ principaliter aguntur, non quæ ex occasione vel in consequentias veniunt, prudentia juris admittit. Ecquam subtilis acutique doctoris præcincta disputatio: a castrensi ad legalem disciplinam subdola transitione deflexit, ut arogata rursus ad armatam infideliorē postliminio reflectat. Adeo quidem foro scenæque servit, suoque pro commodo causam perorat, ut eundem nunquam nobis animum præstet & vultum. Sed hanc facile culpam ignoscamus Aureliensi parum amico, & qui fortunæ sibi plaudentis hilaritate nobis frequenter illust: stomachamur indignius & turbatiore supercilio in Venetos ardentius concitamus. Nam quos ad legitimæ voluntatis obsequium promptos expeditosque putabam, hi mihi sane sunt adversiores, meæque prævertendæ expeditionis solliciti. Hi siquidem intus & extra, hi domi forisque, hi nostris sub pellibus, sub Aquilis nostrosque prætorio versantur: hi consilia Cæsaris omnia penetrant & expendunt, abdita divulgant & perrimantur, ambigua discutunt, omnia

A denique quam cuique sua nota domus innumerato habent; quid agat, quid cogitet, quid molitur Cæsar explorant; speculatores, nuntios, visores, amandant, emittunt, ablegant; nihil intentatum, nihil inexpertum, ad suam suæque Reipublicæ salutem relinquunt. Et bi quidem ita fœdere Gallis astringuntur, ut nec Germanos nec Cæsarem hostes velint: & tamen omnia circumquaque percingunt validis cohortibus armatorum: non ut iter meum intercidant, nec procinctu nostro nos avocent, sed ut mihi viam iterque susceptum expediant, prolatent, consternant. Non me septis Italicis tam exclusisse volunt quam inclusisse lætantur; non tam præhonestasse militari me corona gaudent, quam sua circumdatum custodia præclusisse discipiunt: ut Imperatorem agant, ego militem, ipsi edicant, ego faceßam; ipsi jubeant & mandent, ego obsequar & obtemperem; aut summissis Aquilis captivus serviam. Viri ædepol aliorum imprudentia prudentes, indigentiaque cæterorum diligentissimi: & qui suam ad incolumitatem aliorum ægritudines contrahant, suamque saniem in aliorum ulcera repurgent. Si ab Alpibus ad Oceanum, a Rheno ad Tanaim, quam longe lateque patent, Germaniæ perdantur, & his adjunctæ Pannoniæ Thraciæque ruant, modo Marcica sospes salvaque res sit, ne quidem manum verterint: nec flocci quidem ullius fecerint, si discordia confusis finibus suis elementa confligant; si nationes biatu terræ sorbeantur, aut diluvio cuncta natent, modo sui terminos imperii propagare, vel propagatos custodire possint. Et hi plane sunt Veneti, quorum publico præconio voces olim ebuccinate, hæc in verba nobis auribusque vestris insonuerant:

„ Sed hæc translatitia sunt; hæc communia
 „ sunt omnibus: illæ peculiare Veneto causæ,
 „ quod neque gens est ulla, neque natio, absit
 „ verbo invidia, cujus vel plura vel majora &
 „ in Christianam Rempublicam, cujus vos caput
 „ estis, & in Romanum Imperium argumenta benevolentiae, fidei, pietatis appareant. Non auderem ista profiteri, Cæsar optime, nisi & vera
 „ esse constaret, & tu vera libenter audires: alioquin sciebam scelus esse coram te parum certa
 „ dicere, nedum falsa. Sunt & illa nobis propria, Maximiliane Rex fortissime, quod clarissimum nomen Austriæ familiæ, qua nulla
 „ fuit unquam Regum Imperatorumque foecundior, religiosum ac venerabile semper habuimus: quod Federico Patri tuo Principi saluberrimo, quæcunque se res tulerunt, enixe studuimus; quibuscunque eum locis atque temporibus
 „ singulari significatione voluntatis & observantiae prosecuti sumus; quod ipsum te semper
 „ a teneris unguiculis, inductione quadam animi occulta impensissime coluimus; auctoritati tuæ
 „ favimus, auctoritatem, quantum vires fuere, defendimus. Jam qui Principibus Lusitanie nobilissimis atque fortissimis, unde maternum tibi genus est, qui socero tuo Carolo Duci generosissimo, qui Philippo ejus patri sapientissimo Principi, chariores unquam fuere quam Veneti? tot modis copulati cum sublimitate vestra sumus, tam multiplici nexu devincti, ut
 „ qui hæc non videt, nihil omnino videat: qui plus desiderat, nihil omnino desideret. Gratulatur ergo prorsus in Vobis Sibi, & in Se Vobis
 „ Senatus & universa Civitas nostra, non quantum cæteri fecere, sed quantum nulli: nec quantum dici vel excogitari potest, sed quantum dici nec excogitari fas est. Et quoniam ambo vos Celeberrimi Principes, hinc pater, inde filius, ita mutuo crevistis, ut neque tu major, neque tu felicior esse possis, reliquum est, ut Deum Optimum Maximum, conditorem hujus & servatorem imperii, publica voce precer & obteller, ut quando rem Romanam
 „ Principum duorum hujus maturitate senioris,
 „ illius

„ illius virtute juvenis florentissimam esse voluit,
 „ beneficio suo faveat: pietatemque suam & volu-
 „ ptatem conservandi per optimos Principes ge-
 „ neris sanciat & perpetuam esse velit; postremo
 „ ut Illustrissimum Ducem nostrum, inclytamque
 „ Rempublicam incolumitatis & gloriæ vestræ
 „ cupidissimam, quæ te semper, Cæsar, & Patrem
 „ & Principem Christianæ Religionis agnovit,
 „ coluit, & suspexit, sacrosanctæ Majestati tuæ,
 „ quanta maxima possumus veneratione, reli-
 „ gione, devotione commendemus; opes nostras
 „ omnes atque vires, ad ornamentum & incre-
 „ mentum Imperii, dignitatem & amplificatio-
 „ nem sacratissimi Nominis vestri, promptas,
 „ expositas & dicatas, esse doceamus.

*Hæc ille: videamus igitur, amplissimi Proceres, bre-
 viterque discutiamus, quam congrue facta dictis exæ-
 quata sint. Nulla, inquit, natio, nulla gens est in
 terris, cujus plura vel majora pietatis & fidei Roma-
 num in Imperium appareant argumenta. Mirum
 plane, si tot extant, quot quantaque prædicat argumenta
 benevolentia, cur non etiam, præniteant atque resplen-
 deant, bonus orator dixerit: sed invidiosum erat atque
 superbum (puto) dicere, præniteant atque resplendeant:
 propterea remissioris verbi modestia castigavit arro-
 gantiam atque coercuit. Sed cur ea (quæso) mode-
 ste temperanterque non enumerat? ne delicatis forsi-
 tan auribus vestris, aut multiplici pondere negotio-
 rum oppressis, fastidium ingereret: at cur ex tanto
 beneficiorum acervo cumuloque meritorum, quæ cir-
 cumspectissimus concionator apparere professus est, ali-
 qua non decerpit, prænotavit, signavit? ne sci-
 licet exprobrare beneficium videretur. Cur ergo plura
 majoraque verborum involucro, unaque sermonis con-
 gerie nobis insulcit & oblectat, qui vel unum refer-
 re nescientibus erubescit? Proh Juppiter, quam ves-
 sculi fragilesque sunt verborum pampini! Quam inane
 fluvidique rethorum colores! Quam futilia vana-
 que sunt oratorum umbracula! Quoniam, quod præ-
 staret, bonus orator non habebat: ne manifestarii deli-
 rii convinceretur, ab aperto claroque ad obscurum
 velatumque suffugit, & quod in specie proferre non
 poterat, profudit in genere: ut quemadmodum pre-
 tiosæ merces carioresque illæ esse putantur, quæ tegu-
 mentis advelatæ latent, quam quæ oculis subiectæ
 prorsus evilescent, ita sermonis sui perplexitate ma-
 gis æstimarentur, quam verbis explicita licere pos-
 sent. Verum quoniam mens dicentis anxia sollicita-
 que quos in scopulos incidisset præsentiebat, brevi gyro
 circumacta sublabitur: & a Romana majestate in
 familiam Austriam veluti quibusdam præstigiis ab-
 lata transilit; quam pari succo verborum elanguen-
 tem refocillat, parique dolentem emplastro sublenit.
 Religiosum ac venerabile familiæ nostræ nomen Ve-
 netos semper habuisse, facundus erator declamat: Fe-
 dericum patrem enixæ voluntatis studio complexatos,
 ipsumque me a teneris (ut ajunt) unguiculis, occul-
 ta quadam animi inductione coluisse, auctoritati fa-
 visse, amplitudinem defendisse testatur. Dii boni,
 quam ægre patimur & indigne ferimus pro pane no-
 bis lapidem injici, pro olivæ gladium porrigi, proque
 melle nobis venenum propinari. Nota sunt omnia, pro-
 mulgata sunt omnia, omnia suæ in me voluntatis stu-
 dia satis inclarauerunt: ut non locupletiore quam ipsius
 dicentis testimonio comprobentur, qui Maximilianum
 Venetis occulta animi inductione cultum professus est.
 Cultus est igitur, sed adeo occulte, ut nulla eorum in
 me officia proferri aut recenseri possint. At Carolo,
 Philippoque socero, profoceroque meo, nulli unquam
 chariores fuisse quam Veneti. Chari quidem his Prin-
 cipibus Viris innata sua humanitate suæque genuina
 lenitate Veneti fuerunt: at non vice versa Venetis
 illi, qui nullos unquam præ amore suæ Reipublicæ
 charos habuere. Et tamen precationum vela dilaxare,
 suæque sinus orationis expandere, in hoc difficulta-
 tum pelago differentis eloquentia præsumpsit; obtesta-*

A tioneque multa Dei Optimi Maximi aures onerare,
 commendareque illi Principem Venerum, suamque
 inclytam Rempublicam incolumitatis gloriæque nostræ
 cupidissimam usurpavit: ut opes suas omnes viresque,
 ad ornamentum & incrementum imperii, & ad di-
 gnitatem & amplitudinem nominis nostri expositas &
 dicatas esse docerent. Ecce Juppiter, ecce Dii boni,
 quam suas omnes opes ad nostri nominis dignitatem
 amplitudinemque tuendam ostentant & proferunt.
 Ecce Proceres ornatissimi, augustique Heroës, quam
 ad incrementum & ornamentum imperii, vestræque
 majestatis vires contrahunt, robora firmant, ner-
 vos intendunt. Ecce, Dique Dæque omnes studium,
B quibus ista tueri fœdera, velatamque fidem, quam
 expediti Principes Veneti nobis favent, quam to-
 rum sancta Respublica vestrum in patrocinium Ro-
 manique Imperii gloriam, ac vestri culminis extol-
 lendam sublimitatem excitatur, commovetur, in-
 surgit! æstu bellico Martisque furore strepitant omnia:
 tremunt Alpes, colles resiliunt; prærupta circum
 omnia Venetico ferro rigent; concava vallium,
 aspera montium, strata viarum, hostilibus turmis
 in vos vestramque perniciem fervent, tumultuantur,
 inhorrent: illi, quos videtis, in vos milites tela te-
 nent; illa, quæ vos cernitis, mortem vobis arma mi-
 nantur; illa tormentorum ionitrua, illi præfurentes
C vagique castrorum fremitus in vos consonant, detor-
 quentur, irrumpunt, adventitii conductitiique mili-
 tes in Germaniam conscripti sunt, quotidieque con-
 scribuntur; auxiliares turmae, prætorique cohortes
 in vos undique conglobatim advocantur & coeunt; in
 vos Galli, Insubres, in vos Cisalpini Transalpi-
 nique omnes, in vos Veneti, Ligures, & horum
 impulsu commota in vos omnis conjurat Italia. Qua
 mente in hos ipsos (rogo) esse potestis? Quo tandem
 animo ista putemini? Vos strenuissimi omnium du-
 ctorumque fortissimi, vos nativo robore vestro, vos
 ingenuis viribus vestris formidolosi durissimique po-
 pulorum, priscum illum animi vigorem, vestram il-
 lam virtutem Martiam, invictamque vim corporis
D indomiti colligite, concutite, depromite. Vos viros
 esse sentiant, qui ludificantur, manus vestras formi-
 dent, qui vobis insultant; vestros impetus experian-
 tur, qui figuratis orationibus repetitque de scholis
 rhetorum artificio vobis supplaudunt, acclamitant,
 assentantur. Ipsi periodos & enthymemata consingant
 & librent, ipsi sophismata suasque meditentur argu-
 tias, atque exporrecto trutinentur verba labello: vos
 more vestro arma induite; vos tutum ferro latus ve-
 strum præcingite; hostem impetite, petitum superate.
 Vos terribiles semper & invicti, vos Romana illa
 fatalique Deorum gente triumphati potius quam victi
E Veneto doctrinis suis armato cedetis? literato mili-
 te, disciplinarumque suarum telis accincto propulsa-
 bimini? vos elumbem Gallum, vanum Ligurem,
 delicatum Insubrem, omnesque Venere, Baccho,
 luxuque suo præpotentes & invalidos fugietis? vos
 Italiæ vastitas, Romani nominis clades, totius Eu-
 ropæ terror, vobis relictam a majoribus laudem tot
 doctissimorum præconiis celebratam, & horum ipsa-
 rum ardentis eloquentiæ facibus illustratam, vobis
 imbelli fluxaque gente subductam putemini? Maestum
 animo majores vestri virtute sua Romanos identi-
 dem fatigaverunt; eorum sæpe legiones ad igniferum
 deleverunt; Romam ipsam Martis domicilium, inva-
 serunt, diripuerunt, incenderunt; ipsi vobis titulos
F dignitatesque suo æstu ac sudore paraverunt: vos il-
 lorum parva laboribus, ignavia desidique vestra re-
 graduti, degeneres, infirmi, deformiter ac turpiter
 amittetis? non hæc quidem ingenio roboreque vestro
 dissimulanda sunt, nec vestra virtute toleranda: gra-
 vius est, præjudicii majoris Germaniam dignitate
 sua privari quam Cæsarem. Levis est enim in uno ho-
 mine jactura, unoque prærogativa in viro amissa to-
 lerabilis: at universam nationem gentemque fortissi-
 mam introverti decore suo, suis ornamentis spoliari,
 sua

sua laude dejici, majoris infamiae est, scelerisque turpissimi. Si mea tantum causa, vel nostra potius ageretur, si nostrae solius laudis & gloriae ratio in discrimen verteretur, parcerem vobis, nec molestus essem: sed nepotum posterorumque vestrorum, quos insontes & innoxios jure suo fraudatis, dispendia ventitantur; horum despecta conditio, his inflicta torpore vestro jactura, me movet, provocat, adigit: exsurgite igitur, vestramque rem liberorumque vestrorum mecum capeffite; relicta vobis defendite, defensaque posteris conservate; ac Imperatoris arbitrium deligendi, suisque deinceps insignibus adornandi facultatem, qua resistente Veneto, Galloque superbius reluctante spoliimini, asserite, vendicate, adisciscite:

Hæc pleno cum auscultatum favore Cæsar perorasset, vaguesque subfelliis murmura toto mustitantium assensu, crebrisque plausibus adstrepuissent, in *Venetum Gallumque* percitis ira animis & indignatione sævientibus infremuere: omnesque tunc copias opesque suas ad propulsandam communem injuriam, publicique dedecoris eluendam labem in medium contulerunt. Hic peditem hic equitem, ille pecuniariam, alius frumentariam rem, frequenti supputatione, repetitisque calculis explicabat: nonnulli jumenta, carros, tormenta, alii funalia, fabros, instrumenta, largumque super omnia commeatum procurabant. Pervebant omnia calore disponentium, præferentiumque diversa: ac velut sub hasta coronaque solicitantis auctio supra modum inflabat. Alii proprio redundantis stomachi fastidio doloreque liventes, in hostem *Gallum Venetumque* furebant: alii Cæsaris Procerumque suorum reverentia disferentes aliter quam sentirent, alternantesque pro tempore, concionabantur. Plurimi paucorum sententias secuti, supergressique vires suas, ne communi bono viderentur adversari, plura quam vellent, his æstantium procellis sententiarum offerebant. Sic etenim magnis plerumque concionibus advocatis, sub ipsorum ora disceptantium, in ipsoque suffragiorum æstu, fieri solet, ut ventosi pollicitationum folles, inanesque mantice prolaxentur; omniaque ad manum prompta, eo comitiorum pelago fluctuante præsto sint: solutis vero concionibus, & in diversa migrantibus factionum primariis, omnia contepescunt; superfusaque negligentiae & torporis aqua, cuncta refrigent; & qui prius magnifice sponponderant, intrepideque vadati fuerant, brevi temporis intercurso, velut foro cedentes mensularii penitus illanguescunt. Igitur adstipulantium tot suorum assensu Procerum Cæsar, cum in *Italos* concitata fere tota jactatarum conflictu querelarum *Germania* rebulliret, bene feliciterque gerendæ rei magnam in spem erectus, suorumque præsentibus auxiliis sublevatus, quæ in hostem conflata tumescebant, promovit exercitum. Et primum belli quidem impetum ingrassantesque *Germanorum* copias *Cadubrium* excepit: cujus alacritate potiundi, coaugendæque rei suæ cupiditate Cæsar illectus, cum oppidanos inani deditione prætentasset, post effusam omnis agri vastitiam, finitumorumque popularis indiscretos vicorum, oppido copias admovet: milite præcinctum expugnat, expugnatumque crudeliter diripit. Elati favente victoria, magnoque successu *Martis* exultantes barbari progrediuntur: graviusque gliscente victoria bellum in dies crient: omnesque terrore novo novaque formidine captos accolae atque finitimos, vel deditioe vel pugna subigunt; aut incitatissimis excursionibus in diversa profugos agitant. *Veneti*, quorum periculo res agebatur, & qui incendio propiores erant, quique laceffiti magis quam laceffentes tela sua semper expediunt, *Bartholomæum Livianum*, virum præferocem &

A strenuum, eam in provinciam deligunt: *Georgio Cornelio* viro ornatissimo, Legatum agente. His ut impigro vegetoque corpore totus in prælium ardens ferebatur, cum ad rem gerendam paratas instructasque copias disposuisset, occurrit: commixtoque agmine, manuque conferta ferocissime depugnat. Constiterant robore suo validi, suaque victoria prætumentes barbari, in adversum hostem præcipites agebantur: e regione, ferox impatiensque moræ, *Livianus* in prælium ruebat. Utrunque collati pedes, utrinque conferta tela, & utrinque commixta manu certamine magno dimicatum. Assueti bello *Germani* fugæque nescii, quos parva recens victoria vehementius incendebat, infracto agmine, invictis animis, infesso robore *Venetum* urgebant: contra, Duce suo *Leolinus* miles animatus acerrime, quem & *Liviani* præsentia Ductoris, vigorque suus nativis stimulis inurebat, hostem imprimere, ferrum adigere, solo consternere; nihil ignaviae, nec imbecillitati dare; nihil censura severiore castigandum admittere. Confluxerant aliquot horis & utrinque acies dubio *Marte* constiterant, cum indomitus & ferox *Livianus* ægerrime ferens, quod hujusce belli tyrocinia æquo *Marte* auspicaretur, suos paucis hortatus, ut se viros præstarent, ut ipsum sequerentur, ut generosam mortem, illustremque secum victoriam obirent, admissò confestim equo in confertissimas hostium acies incurrit: quem & calcaribus adactis equis omnes securi turmatim in bellum provolant; tantaque virium & animorum contentione permiscuntur, ut condensatos hostiles globos irrumperent atque diducerent. Tunc *Livianus* telo, voce, vultu terribilis, suaque omnium atrocitate præliatorum asperrimus, feriendo, sternendo, trudendo hostem superat, percellit, dissipat. Tantaque hujus unius viri fortitudo visque fuit, ut cum ingruentis impetum, subsecutique mox bellatoris sui pressuram constipatae *Germanorum* phalanges non sustinerent, nec in fugam verterentur, ad unum omnes foede crudeliterque cæsi milites fuerint. Potitus in acie victoria *Livianus* ut adludentem fortunam arctius complexaretur, properantique viam insterneret, suis cum copiis *Cadubrium* proficiscitur: circumfessumque statim deditioe capit. Recepto feliciter magnoque præprosperi *Martis* successu *Cadubrio*, *Livianus* exercitum, *Cornelio* Legato non abnuente, in ulteriora promovet: oppidaque Cæsar nonnulla ut obvia progredienti fuerant, *Veneto* subigit; magnisque quotidie cladibus, magnisque rem *Germanicam* dispendiis populando vastandoque conflictat; *Goritiæ* parvo tempore feliciter expugnatam asserit; *Tergeste* pari *Martis* jactura pressum domat; tum viccos pagosque omnes, suis longe lateque dispalantibus copiis, impetit, infestat, capit. Quæ dum hic secundis a *Liviano* præliis dextroque *Marte* peraguntur, diversa regione Cæsar in *Italiam* iter iusto cum exercitu prætentat: sensimque per *Tridentinas* fauces, angustasque locorum semitas progressus, qua planior in *Venetorum Italiaeque* fines via dirigitur, maturat. Expedita omnia ad superandos montes, implexosque sentibus colles evincendos, erant: levis armatura, nec impedimentis gens onerata; tum præruptis assueta montium jugis, ac transcendendis per invia rupibus, instituta civilis agrestisque militia. Ad hæc ipse Cæsar copiarum ductor, venando bellandoque semper exercitus, ardua difficiliaque cuncta locorum itinerumque peræquabat; præclusasque cum milite tum natura vias magna ope moliebatur: contra, *Venetæ* Magister Ductorque militiae *Nicolaus Petilianus*, *Zacharia Contareno* Legatum agente, exercitusque Gallicani *Jo. Jacobus Trivultius* Imperator, quibus imminentis belli cura præcipua,

conservandorumque castrorum incumberebat, explorare, providere, adesse: hosticos conatus frustrari, cunctaque retexere, quæ Cæsar ejusque Proceres ad susceptum iter exequendum contexerent. Levibus sæpe præliis ancipitique Marte decertatum est: & hinc & inde tormentulis missilibusque frequenter hostes summoti, ac promiscua communique jactura confligentes desiderati. Nonnunquam opportuna *Germanus* occupabat: occupataque rursus *Italo* repetente turpiter deserebat. Assultus erant, & incursiones assiduæ, atque hinc inde tumultus frequentes agitabantur. Aliqui licentius divagantes extra aciem extraque ordinem pulsantes pulsatique conciderunt. Sic alter in alterius cædem ac perniciem intenti, fatigare hostem, assidueque vexatum delassare: trahere diem, emergentibusque bellorum sumptibus infinitis proprias quisque vires atterere. Hæc dum pigro Marte *Tridentinis* saltibus irrigescunt, *Livianus*que finibus aliis suo furore præceps victor cuncta proturbat, variique castrorum motus alio atque alio eventu suis semper rumoribus lasciviente fama quotidie nuntiantur, *Mediolani* novis gaudiis novisque lætitiis exultare hominum mentes popularesque auræ suis incertis flatibus commoveri furrigique res in novas cœperunt. Etenim præter inconditæ plebis simplicitatem, quæ *Mauritanæ* jam pridem extinctæ rei suscitandæ spe certissima ducebatur, Nobilium Patriciorumque plurimi *Sfortianarum* partium asseclæ, persuasissimum habuerunt, *Maximiliano* nihil altius insedisse quam perlapsam gentem *Sfortiam* restituere; *Herculem* atque *Franciscum* extorres, in patriam revocatos avito solo reponere; *Lilina* signa disjicere; *Sfortiaca* tueri; invisum potentia sua *Gallum* Aquilisque semper adversantem propulsare. Crebra ergo hominum conciliabula, crebrique conventus in triviis, in foro cogi: felices hominum conventus ubique prædicari, qui dura sustentavissent, qui propinquos bellorum exitus præstolarentur, qui propediem suum Cæsarem viderent; tum alia atque alia comminiscendo fingendoque invicem jactitare: nunc *Alpes* transilisse, in plana descendisse, jam tuta tenere; rursus milites nostros retrocessisse, *Marcicas Aurelienses*que copias, dum ingruentis *Germaniæ* pressuram validiorem non sustinent, cæsas fugatasque signa reliquisse: atque per hujuscemodi nugamenta levium hominum, insulsioreque fabulas vana futilique conceptas opinione, spes suas omnes, homines deliri blandius fovebant: miroque adventantis in diem Cæsaris studio, mira que pervisendi Viri illius expectatione suspendebantur: mirum fuit, ac prope recolentibus incredibile, multis intercurrentibus annis oblitteratam, ac publicorum spectaculorum ferculis sopitam *Mauritani* nominis memoriam, tanto ardore, tantoque vulgi perflagrantis incendio, reviviscere subito ac reaccendi una leviusculæ opinionis scintilla potuisse. Fuere his diebus oppressæ tanto stupore, crassiores nonnullæ hominum mentes, cæcæque cupidine captæ, sive rerum novarum, sive magno suum in Principem affectu, ut post vulgata *Ludovici Ascanii*que funera sepulchroque conditum utriusque cadaver, cum jam anni plures interfluxissent, *Ascanium* Florentiæ degentem, inibique visum stulta quadam & puerili persuasione crederent: vociferarenturque suborto ingenti bello, magna molientem in *Cispadanos* ac *Lambranos* populos proficisci. Sive hæc casu, ut plerumque multa jure suo fama confingit; sive de industria viri prudentes ad subsannandam turbæ vulgaris insaniam, stultamque spem hoc ridendæ vanitatis ludibrio sustollendam, hæc commenti fuerint: efficacissima sane vulgi patriciorumque nonnullorum ea tempestate suum in Prin-

A cipem studia præluxere: adeo quidem ut cum initæ pacis tractatus concrebescerent, initaque cum Cæsare fœdera vulgarentur, ea subreptitia fallaque plures animo ducerent, donec ita res inclauit, & ad liquidum perducta est, ut nonnisi magno lymphatæ mentis errore, refupinaque vecordis & furentis insania refelleretur. Interea Cæsar cum adversam reluctantemque fortunam, ac votis suis omnibus resistentem intueretur, nec invitis & averfis equis congredi posse speraret, induciarum remedia molliter attractanda putavit. Jam multos in cassum *Tridentinis* rupibus absumptos dies, nullamque bellicam navasse operam, nec egregium facinus compatratum videt, quo peroptatum ad finem, perducturum rem opinaretur, aut voti sui compos fieri posse existimaret; præterea, *Livianum* innato furore suo percitum, lateque vagantem multa subegisse, pluraque in dies subigere, graviter ferebat: ac, magnam sui nominis æstimationem ingenti cum jactura dilapsam, indignabatur. Ad hæc instans brumalis hora, cœlique rigentioris asperitas rem bellicam interpellabat: ut nonnisi difficulter ægreque sub pellibus & in castris miles versaretur. Et jam multi sive laxioris moræ tædio, dieique semper in irritum fluentis molestia, nullo comœatu, sed sponte sua castris excefferant: quod secuti mox alii, dehinc alii, cum rem ex voto confici posse diffiderent, sive naturali desiderio otium appetentes, Aquilas magno Cæsaris cum stomacho relinquebant. Itaque subsidiaria nudatus militia Cæsar, cum in dies bellorum nervi remitterentur, omniaque temper in pejus verterent, intercedentibus induciis bellum suspendere, ferireque mox fœdus quanquam manibus invitis cum *Veneto Gallo*que cogitur. Ergo *Zacharia Contareno* rem omnem appensus, suoque de more diligentius emetiente, cuncta Senatu *Veneto* participante, cum Cæsar pacem abnueret, quoniam amissa recuperaturum, cum fortuna vertisset, sperabat, triennales inducias paciscuntur: bellicæ vacantis ferias in proximos tres annos extendunt. Hoc fœdere, quod in oppido *Rippa* suos per Legatos Cæsar *Venetos*que sanxerunt, amissa bello *Maximilianum* relaxasse, cum *Veneti* non aliter assensuri fuissent nec contracturi, constans fama fuit: ipsumque non parvo rei suæ detrimento transegisse, plurimi consenserunt. *Nicolaus* certe *Baselius*, Germanicarum rerum scriptor recentissimus, ista dissimulat: ac quodam suspendentis exitus ambiguo, suspensa omnia & imperfecta sublabitur. Etenim non sine magno partis utriusque dispendio bellum in præsens durare subnotavit: cujus ad verbum hæc dictata sunt, ejusque de volumine decerpta.

Anno millesimo quingentesimo septimo, *Maximiliano Romanorum Imperatore*, conventus Principum maximus Constantiæ civitate Alamaniæ factus est, qui ferme quadrimestri duravit: quippe qui decimo sexto die Aprilis initium acceperat, & circa finem Augusti mensis terminabatur. Multa in eo conventu de rebellionem Venetorum, qui cum *Ludovico Rege Gallorum*, contra *Maximilianum* & Germanorum Regnum, atque Principes fœdus conspirationis percusserant, agebantur. Constituerat Rex siquidem Germanorum *Maximilianus* jam electus & destinatus Romanorum Imperator, pro nanciscenda Imperii corona Italiam intrare: atque ob eam causam Regni Principes in unum convocare: aliis quidem, ut se in Italiam comitarentur, præcipiens; aliis vero, ut equites & pedites ad iter necessarios ordinarent in unum, mandans. Audientes autem *Veneti* Regis propositum, veteri morbo invidia, quo in Germanos semper ex intestinis laboraverunt, concitati, habitis inter se consiliis, quemadmodum omnes viæ comœatus adventanti Imperatori præcluderent, deliberare cœperunt. Igitur cum Rege Gallorum, qui jam pridem ab isto cum

Rege Maximiliano fœdere defecerat, Mediolanumque ac omnem pæne Lombardiam calliditate quadam in fœdum obtinuerat, simul conspirantes, nonnullos per Italiam Principes & Civitates in suam conjurationem seducunt: quorum auxilio freti Imperio rebel-
lare, atque ipsum Regem a cæpto itinere atque propo-
sito revocare ceperunt. Quod videns Rex Germaniæ
Maximilianus auxilio suorum & Principum Regni,
contra Venetos rebelles bellum ordinavit, quod us-
que in præsens non sine magno partium damno conti-
nuatur. Hæc ille.

Scriptorem, his quicumque fuerit, exitum rei,
nube silentii demiror obscurasse. Nec quenquam
moveat quod auctorem mors forsitan interceperit,
& ad fœdera properantem interrupto stilo supre-
ma fata prævenierint: cum & posteriora comple-
xus sit; & atrocissimum inter Venetos Gallosque
conflictum protinus bellum exaraverit, in quo pla-
ne civitates oppidaque plurima patrimonii Cæsaris,
Venetos suam in potestatem redegitse notat;
eademque mox Cæsarem, cum universis munitio-
nibus a Veneto per insidias & proditones obtentis
(Baselii verba sunt) in jus recepisse. Cumque his
Vicentiam, Patavium, Forumjulii, multaue alia
recuperasse, idem auctor est, quem vel memoria
laptop, vel præpostero gestarum rerum ordine
conturbatum reor: cum hoc bello, quod adversus
Cæsarem Venetus cum Gallo gessit, nihil amisisse,
sed acquisivisse in comperto sit. Posteriore vero,
tanta calamitate ac ruina clades incubuit, ut
conservandæ rei suæ potius quam augendæ solici-
tus fuerit: adeo quidem, ut si nonnullis Auctori-
bus credidisse libeat, pæne tributariæ Cæsari Ve-
netiæ factæ sint; tantum abest, ut eo bello Vene-
ti compendium fecisse credantur. Quod si Cæsar
Patavium, Vicentiam, aliaque recuperavit, ea-
dem etiam recuperata protinus amisit; aut cum
difficultate circumventus potiri diu non posset, ex
fœdere cerre relaxavit: ut stilo suo plures exsecuti
sunt; & nos, si fas fuerit, prosequemur. Illud
ædè pol perindignum putem, quod Venetos adver-
sus Cæsarem Germanosque veteri morbo invidiæ,
& ex intestinis concitatos non minus inepte quam
ineleganter Basilius scribit. Etenim quid est,
quod Veneti in Germanos invidia tacti concitentur?
Cum hos ipsos præsignis & eximia conservandæ
rei suæ cura distineat; publicæque Majestatis am-
plificandæ, coaugendique per bonas artes imperii
sui præcipuo, singularique studio delectentur. An
alios forsitan distorquet & exurit invidia? Cumque
hi bene gestarum rerum suarum opulentia pin-
guescant, suæque communi concordia lætentur,
alii discordiosis contentionibus factionibusque suis
invicem dissidentes immascunt & consumuntur:
scabraque peresi rubigine perlivent. Male
quidem, ni fallor, & nescio quomodo natura
comparatur, ut cum inertia desidiaque sua piger
& ignavus agricola fame laborat, vicino solertia
laboreque semper inquieto felicitatem ubertatem-
que suam invidet, disrumpitur, obstupefcit, &
meliora Deos sedet omnia poscens: cum non votis,
nec muliebribus suppliciis, ut ille dixit, Deorum
auxilia comparentur; sed laborando, vigilando
prospere omnia cedant. Somniculosos & desides
jureconsultus abhorret, cum non dormientibus sed
vigilantibus Jus Civile scriptum esse testetur: pro-
indeque supinos porrectisque pedibus dormientes
negligentiæ suæ expensum perferre oportere ad-
moneat. Et eleganter Poëta torpentem agrico-
lam, vicinoque suo opes invidentem, hoc car-
mine castigat, & corripit.

Quod nisi & assiduus terram insectabere rastris,
Et sonitu terrebis aves, & ruris opaci
Falce premeas umbram, votisque vocaveris imbrem,
Heu magnum alterius frustra spectabis acervum
Concussaque famem in sylvis solabere quercu.

A Enitendum est igitur ingenii summaque corporis
ope, ac pro virili nostra desudandum, ut aliorum
felicitate lætitiæque dilaxatus animus noster hila-
rescat, non ut livore consumptus angatur. Bonis
artibus, bonarumque disciplinarum studiis honor
quærendus, dignitas asserenda, honestæ vigiliis la-
boribusque nostris facultates comparandæ sunt;
nec congrua quæstu familiaris res deferenda. Tunc
nulli virtutis copiarumque suarum abundantiam
invidemus: quoniam alterius bonis non invidet,
qui suis confidit. Si sua villicus recte vineta pu-
tet, pometa serat, seminet, pascat, nunquam
poëtam audierit dicentem:

Fertilior seges est alienis semper in agris,
Vicinumque pecus grandius uber habet.

B Quoniam suam magis quam coluerit & severit mes-
sem admirabitur, quam appetat alienam; sua cui-
que sponsa placet; sui cuique præpingues fœtus;
insumpti cuique, pergrati labores; suoque sudore
fructus irrigati cuique dulces sunt & perjucundi.
Si mercium suarum expediendarum diligens soli-
citusque mercator naviget, peregrinetur, oberret,
nunquam alterius divitiis obrectabit: quas & ipse
pari industria, parique mensura laboris fuerit af-
secutus. Si summi Principes, summæque Respu-
blicæ concredita divinitus urbium populorumque
suorum gubernacula recte, pie, sancteque mode-
rarentur, sibi invicem non inviderent, sibi nec
invicem insidiarentur. Si Florentini Pisanis olim
æquiores fuissent, si quales in subditos agere Prin-
cipes oportet, egissent, externas suppetias pere-
grinaque subsidia nec hi nec illi quidem implora-
vissent: nec exinde tot fremitus bellorumque fra-
gores, quot quantique ab infero superoque ma-
ri tractis cladibus instreperunt, continenter
omnia perculissent. Frustra Maurus Aragonenses,
frustra Gallus Sfortiadas, ac rursus in cassum Sfor-
tiada Gallos, tanto conquassati pæne totius urbis
excidio, & Italiæ prouentis interitu detrudere,
suisque finibus exigere tentavissent: si compositas
una omnium mentes temperatura teneret: si præ-
lecti benignique mores Principum ac civium ani-
mos exornarent. Servis novum jugum appeten-
tibus semper obvium est: semper ad imperia du-
ces præsto sunt: nunquam bonis civibus boni
Principes, neque malis mali defuerunt. Sed con-
cutitur Respublica, quassantur populi, cum dis-
similia conjunguntur: cum inæquata coeunt: cum
diversissima hinc Principum hinc populorum inge-
nia commiscuntur: si mali cives bonum Principem
nanciscuntur, ægre concordant: sed ægrius, si boni
malum cives sortiti fuerint. Tunc nulla tranquil-
litas, vix secura quies, & nescia fallere vita: tunc
inde strages, exilia, ruinæ, hinc populationes, in-
cendia, proscriptiones, erumpunt, agitantur, per-
vadunt: tunc cædimus ac cædimur, inque vicem
præbemus crura sagittis. Igitur ut divinarum a-
liquid ex fonte literarum hauriam: In qua vocati-
one quisque vocatus est, ambulet: quæstuarii, artifi-
ces, sellularii, cives, patricii, bonarumque artium
professores, quibus ingenii claritas major illuxit,
munerum suorum ministeria præpuris manibus
tractent; in his exacte, demundtim, integreque
versentur; sua procurent, caste diligant, mode-
rate pertractent: & tunc aliorum commodis feli-
citateque non invidebunt; suisque fortunis conten-
ti non insectabuntur alienas; & si peculium con-
servus auxerit, si quæstum vicinus largiorem fe-
cerit, odio non rumpetur, nec commaceratus in-
vidia contabescet, sed adgestiet, gratulabitur,
gaudebit: quoniam ea major felicitas est, quæ
magis communicata diffusaque per plures spargi-
tur; & bonam mentem ea demum fortuna magis
afficit, quæ largius propagata foetificat, quam quæ
in uno circumscripta pæneque demortua sterile-
fcit. Sic & altius prospectantibus nobis & ad ma-
jora

Illustri-
mae
Vene-
tae Rei-
publi-
cae
Com-
men-
datio.

jora progredientibus, si boni Principes bonaeque Reipublicae parta diligentius conservaverint, conservataque copiosius auxerint, non improbarent ceteri ceteraque, sed admirabuntur, benignique animi sui candore magis efferent, & praedicabunt. Tunc *Baselius* stilo suo perperam exaratum expunget, aut omnino spongia male scriptum delebit; neque *Venetum* rebellem criminabitur, aut invidia tactum deliratus insulsiusque confingeret; nec ea deinceps comminiscetur, quae in sanctam invictamque Rempublicam lutulentius ingerit; mitioreque censura nostra castigatus reminiscetur, non temere de Principibus proloquendum esse; sed elimate, pensiculate, circumcisisque verba labiis concipienda, enuntianda, dinumeranda: praesertim cum in eam Rempublicam sermo dirigitur, quae ceteris excelsior omnibus & augustior cuncta recenset, ponderat, metitur, quaeque bene maleque dictis simul ac factis congruam

A omnibus censuram exaequat; ac ut promeritos beneficiis commodisque prosequitur, sic & demeritos fustigatione sua suisque poenis adfligit. Rectius itaque posthac *Baselius* sentiens, lustralique lauro purgatus, ad meliorem sese frugem recipiet; versaque stilo *Stesichorum* imitatus palinodiam recantabit; quamque prius Rempublicam male sanus improbaverat, sibi ipsi restitutus congruentiore praconio commendabit: reputabitque hanc unam in orbe terrarum esse Rempublicam, quae gubernaculorum integritate moderamineque suorum excefferit, emicuerit, praecelluerit: cuique magis inique suam propter virtutem partamque gloriam omnes invideant, quam ipsa cuique gentium invidere possit; & cui merito, pace omnium dixerim, sublimis vates aeternitatem hemistichio suo feliciter possit adaugurari:

Imperium sine fine dedi.

LIBRI PRIMI FINIS.

BERNARDINI ARLUNI, *Jureconsulti, Patricii Mediolanensis,*

DE

BELLO VENETO LIBER SECUNDUS.



Ubsignatas induciarum tabulas, conscriptaque foedera, conturbavit atque rescidit atrocissimum subitoque conflatum terrore bellum. Exacerbatus siquidem indignatione magna *Gallorum* Rex *Ludovicus*, quod impendio communi parique sumptu bellum sustinuisset, induciarum vero pacisque commoda *Veneti* seorsum ab ipso percepissent, reserientis impatientia doloris torquebatur. Nec animo satis aequo perferre poterat, suae praecellae dignitatis primatu fraudari: primasque sibi debitas percutiendi foederis partes, *Gallicanae* Majestatis fastigio non esse delatas. Tulerat enim casus, ut oblatam contrahendi sancientique cum *Caesare* foederis occasionem, *Venetis* diligens & super omnes pacis studiosus adriperet: ne dum *Aureliensem* admonent, rogant, hortantur, cunctando, trahendoque parata paeneque confecta res tanta lubrico casu diffunderet; cum praesertim nullus assentiendi praereptus *Gallo* locus esset, contrahendique facultas, si modo eam in rem animo duceretur, propensa omnium voluntate pateret. Verum id aegre *Ludovicus* gravatimque tulerat, cum ea omnia suae dignitatis in contemptum cederent: seque veluti despectum, affectumque nonnulla quasi contumelia sentiret. Itaque propalam, ipsorum sub ora Legatorum comminari, moreque barbarico fremebundus incessere, seque propediem aperto Marte bellum ipsos in *Venetos* illaturum, vociferari: quoniam neque dispendii neque suae dignitatis in tanta re transigenda rationem ullam habuissent; cumque ipsi dolis insidiisque semper egissent, circumvenissentque simplicis & aperti animi sui sinceritatem, e diverso sese propalam ipsosmet justo bello petitorum; neque maceratum diutius, atraque confectum bile dolorem dissimulaturum. Non ignorare se, quid cum *Helvetiis*, quid cum *Rhetis* saepe tractaverint; quos clanculum cum *Hispano* dolos aduissent, cum *Britanno* fraudes, cum *Liguribus*, cumque finitimis omnibus quas imposturas adtexissent, compegissent, tetendissent, sibi jam

C pridem compertum ajebat; rescissurum tandem, sartamque male foederum telam in lacinias discerpiturum, ac omnino pilis gladiisque suis laceraturum. Pararent arma; acies instruerent; ordines explicarent: non oratione, non pecunia, non arte sua, sed ferro, tormentis, sanguine, peragendum. Tumultuantem, totoque fervidi sermone furore concitatum Regem, praesagax prudentisque *Venetis* oblenire, mitigareque suorum mellificio verborum exardescens incendia, ac perirato mansuetioribus dictis, quamquam haud magni minas pensi facerent, lenissime subblandiri. Nescire se cur haec tanta commotus ira suos in socios regereret, qui foederis, quod cum eo percussissent, fuissent futuri essent semper tenacissimi; nec ulla unquam sociales foederalesque Deos perfidia suam Rempublicam laesisse constanter assererebat. Recognosceret albo conscriptum foedus, interque *Gallum Venetumque* sancitae legis capita recenseret: si quid peccasse, si quid admisisse convinceretur, purgaturum luiturumque culpam omnem offerebat. Quod si integram omni religione fidem, inviolataque jura omnia pie casteque Senatus Princepsque *Venetis* servavissent, forentque semper ad aras observaturi, non aequum esse contra *Venetos* tanto verborum turbine, tantoque minarum impetu provehi, sapienter accurateque differebat: prudentem optimumque Regem maturare cuncta oportere; nec falso ullo suggestu delatoreque seduci; nihil indecentius aut iniquius quam sanae compositaeque mentis Principem virum, patulas sulcironibus aures exponere, repentinaque delatione corrumpi; expedire, virtutem bonosque mores facilius quam malos & vitia credere, quoniam quisque, qualis est, talem alium, suique similem conjicit; cumque bonus omnis bonum reputet, malus utique cito malum existimat. Sed expendere cuncta par est, & ex merito judicare: quae si Rex Regum, *Christianorumque* (quod ajunt) *Christianissimus Aureliensis* fecisset, haud ullo praeturbidus supercilio contra fidos suaeque Majestatis defensores acerrimos succensuisset.

Nam

Nam quod infidias dolosque tetendisse, subornasseque convicinales Regulos jactitabat, ea commentitia & falsa omnia conquerebatur; nec tanti ponderis tantique penſi negotia poſſe diu tenebris adeo pervelari vel contegi, quin in lucem aliquando prorumpant, ſuiſque facibus illuſtrentur: quæ ſi vel vivo teſte aut indiculo comprobare Rex poſſet, ceſſurum agebat. Etenim quod de pace inita cum Cæſare conquereretur, inique agi: cum perficiendæ pacis diligentiam, potius quam exercendi belli ſolicitudinem laudare debuiffet; neque *Gallicanam* Majeſtatem ſede ſua dejectam, præſervatumque illi, ſi non ipſe retractaret, in fœdere locum. Proinde & paciſci, & cum *Maximiliano* pari nexu ſocietatis poſſe coire, daturumque ſeſe, ſi libuiſſet, operam, ut ex animi ſui voto tranſigeret, profitebatur: quod ſi nolit, nihil Senatui Reique publicæ *Venetæ*, ſed Regiæ Majeſtatis culmini potius imputaturum, ſi ſuo tamen animo, quanquam inique præfixiſſet, ut armis ferroque decerneretur, & ſua quidem nocere tela, ſuæque de vulnere ſanguinem fluere. Proinde conſuleret, circumſpiceretque ut omnia diligenter, hortabatur, quoniam Princeps Senatuſque *Venetus*, utram ipſe daret belli paciſque teſeram, accepturus erat. Hæc & hujusmodi cum invicem interloquuti fuiſſent, abſceſſiſſentque retrorſum vultuoſi amboque prætriſtes, *Venetorum* Orator, qui lateri Regis aſſidebat, cum eodem furore percita, reaccenſaque majori indignatione Regis corda pertinaciter excandefcere, nec inter ipſos convenire poſſe videret, Senatum emonuit, omniaque hinc inde dicta replicataque, non ſubitario perſuſi calor ſed conſtanti maturaque perſeſerantis animi prolata judicio ſignificavit: proinde, quid agendum ipſi Legato foret, conſulerent atque reſcriberent. Cunctandum ſubhærendumque Senatus cenſuit: ne leviuſcule, parumque conſulto, vel frigidis de rebus maturi ſanctique Senes emoti viderentur, donec firmiore indicio Legatus utriuſque com meatum acciperet. Ipſi interea Patres *Veneti*, cum haud dubie parari arma viderent, tantamque belli molem, quantum *Gallicanæ* potentia magnitudo præſtrueret, ſuis humeris incubituram conſpicarentur, domi foriſque diſſimulando multa parare; velutque ſtrenuiter inertes & ardenter ignavi, ſedendo, quin eſcendo, uno inquietæ mentis intuitu, cuncta circumſpectare, remetiri, convolvere: ac primo quidem literis ac nuntiis Pontificem Summum hortari, ut publicæ rei *Chriſtianæ* moderator & arbitri, inter *Gallum Venetumque* fœdus initum, diligentia fideque ſua ſemper impollutum, perpetuis vinculis inſolutum velit; nihil magis Antiſtiti ſacerorum congruere quam amœniore pacis otio delectari; *Chriſtoque* merentes ejuſque militiæ ſtudioſos, eodem pacis clypeo protexiſſe; mirari vehementer, cur injuſte, nullaque laceſſitus injuria *Ludovicus*, a *Veneto* diſcrepet, bellumque gravius quam inviolati fœderis ſanctitas, aut amicitia jura vetuſtioris exigent, interminetur: adverſa omnia latoſi æquiore animo, ſi alicujus errati culpa *Veneti* plecterentur: verum cum exactiſſime, cunctaque ſemper ad unguem illibata ſervaverint, neſcire qua præceps ira turbulentem amicos & ſocios ingraſſetur; alienamque meſſem indomito furore cæcus invadat. Proinde ſui juris eſſe, & ad Pontificalis curæ ſolicitudinem ſpectare, præſervantes animos iracundia placare, totoque reſolventes invicem diſſidio, blandiore nexu concupulare: ut relictam a *Chriſto* pacem *Chriſti* ſucceſſor ardentius complectatur, & quam ipſe Rex *Chriſtianiffimus* ſuis grandibus titulis proſcriberet, etiam re ipſa ſequeretur. Quod ſi nulla *Chriſtianæ* pacis cura Pontificem rangeret, nec ullo communis publicæque ſocietatis vinculo teneretur, hunc ipſum certe

A ſciſcet eſſe Regem, qui, cum ſuis *Venetum* finibus exgiſſet, uno cætera omnia excuſſu facile peragraret. In hanc fere ſimilemque ſententiam coram potentiſſimo Regem *Britannorum* agebatur, ut *Gallias* irrumperet, lateque palabundus inſiſta cum pernecie divagaretur: *Aurelienſemque* multiplici bello fatigatum diſtringeret, ut, qui commoda pacis rejeciſſet, belli ſentiret incommoda. Ad hæc *Hiſpaniarum Germaniarumque* Principes omni ſtudio ſolicitare, omni officio promereri, obſequiis omnibus adambire, ut ab horum ſaltem armis incurſuque tuti ſecurique *Venetorum* fines eſſent. Sed in caſſum agebatur, fruſtraque remedia omnia jam valido & ingreſſenti morbo præſecti rerum admovebant. Etenim amplificata ſic Imperii *Veneti* potentia diſſundebatur, inviſtæque adeo Reipublicæ Majeſtas effuſerat, ut aliarum lumen obtunderet, contraheretque Regum odia potentiſſimorum: ut, quas ipſi diſcordia amiſerant, horum concordia cumulatas opes everterent. *Maximilianus* quippe cum nuper improſpere pugnaviſſet, maleque mulctatus adverſo Marte foret, abjudicatis inhiabat; & quæ veteri Jure, vel proprio, vel Cæſaris fiſco debebantur, *Hiſpanorum, Gallorum, Italarumque* conjuncta manu recuperaturum ſperabat: nam qui non poſſent ab uno vinci vel duobus, facile tribus quatuorque conjunctis evincerentur. Rex etiam *Hiſpaniarum* poſt depulſos *Aragonenſes*, exactumque colludentibus barbaris *Parthenopeo* Regno *Federicum*, Appuliae portus, urbeſque nonnullas, quæ *Venetam* in ditionem tranſierant, repetebat: univerſa poſſeſſurus, ſi *Veneta* Reſpublica tot unam imperentibus opprimeretur. Præterea *Julius* Pontifex Summus implacabilis ingenii ferocitate, poſthabita religionis & ſacrorum cura, ruebat: nec niſi *Ravenna, Arimino, Faventia, Cerviaque* ſubactis, ullam animis hominum quietem impartiebatur. Nonnulli deinceps *Italiae* Reguli, præcipueque *Ferrarianus* Rhodigium ſuis cum finibus effictim ardebat: & niſi ſuas huic tanto bellorum incendio faces ſubdidiffet, armatamque manum contuliſſet, nihil, ut par erat, Jure ſuo feciſſe videbatur. Ergo *Veneti* ſomniculoſe pervigiles, ſuiſque ſemper excubiis dormitabundi, cum literis & oratoribus obſtipos Principum animos inſectere, a belloque ad pacem convertere poſſe diſſiderent, attentiffime ſolertiſſimeque Rempublicam procurabant: & primo quidem com meatum ex pagis, urbibus, oppidiſque omnibus examiniore calculo ſupputare; eſculenta, poculenta, quæ ad tantam eſuriem extinguentem ſufficerent, quantam coitutus propediem excitaret exercitus, ad numeros omnes, appenſiſſimeque præmetiri; tum ex omnibus finibus ſuis exteris que delectum habere; equites, pedites, cataphrattos, ferentariosque conſcribere: tormenta, currus, jumenta, infinitaque multiplices ad uſus bellorum explicandos instrumenta omnia paſſim expedire; egregios præterea militum Ductores quinquagenarios, Centuriones, Tribunos, & quos vulgus Columellas vocitat, ex omni commilitio turbaque ſecernere; valentiſſimos Imperatores præoptare, ſtrenuos milites recensere, exercitum luſtrare, oppida munire, foſſas excavare, aggeres ſubſtruere, munimenta parare; magnas inſuper vaſtatitiæ manus copias, ex omni agro vicoque ſuis cum agreſtibus fermentis, ad conſternenda complanandaque alia, alia ruſus ſurrigenda amoliendaque, tum convalandas urbes arceſque, quas hoſtibus obvias locorum ſitus offerebat, promptas habere: nihil humanæ nec divinae opis, quod ad tanti futuri belli apparatus, tantæque molis congeriem ſufferendam, ſpectaret, omittere. Cæterum quoniam ex omni *Italia, Italiaque* ſubjacentibus inſulis, contracta bellorum præſidia, nequaquam incum-

B. Arlinus.

D

ben-



bentis rei magnitudinem æquatura videbantur, externæ gentis auxilia, barbarorumque manus coactæ sunt. Itaque ex *Germania*, ex *Pannonia*, ex *Thracia*, durum asperumque genus hominum, milites accersiti; delecti ex *Epiro*, evocati ex *Dalmatia*, ex *Illyrico* acciti, ex *Mysia*, *Macedonia*que conscripti; tum ex *Creta* sagittarii, funditores, semiermes semiferæque gentes, ad elata *Divi Marci* vexilla confluentes, ejus ære meruerunt; ex omni fere *Græcia*, ex *Peloponneso*, ex omnibus denique terræ marisque finibus, qua *Veneti* nominis effusa celebritas late patet, in militiam nomina dedere. Qui hæc delimatius executi sunt, quique hujuscemodi gesta hominum in literas misere, omnem *Venetæ* militiæ peditum triginta hominum millibus censum scripserunt: sed aut distantem, aut dictata excipientem, errore lapsum reor; vel ex ipsa librariorum incuria fraudem numero factam putem. Etenim cum in confesso sit, vel eorum ipsorum, qui hæc tradiderunt, testimonio colliquescat, triginta peditum millia (plus minusve) in *Abduanam* expeditionem coivisse, quo modo, tot incurfantibus aliunde hostium copis obviam itum est? unde in *Appulia* contra Regem, qui eam ex fœdere recens adeptus erat, in *Flaminia* contra Pontificem, qui *Venetis* adversabatur, in *Padana* Cherroneso contra *Alphonsum*, qui desiderii æstuantibus inhiabat, in *Foro Julii*, in *Lacu Benaco*, ubi *Zacharias Lauretanus* instructæ classis Præfectum agebat, ad comprimendos barbarorum motus, si qua *Cæsar* in *Venetos* arma concitasset, accincti pedites præsto fuerunt? præterea tot arces, tot oppida, finitimæque tot hostibus civitates, quas *Veneta* sollicitudo diligentiaque cunctarum incredibili rerum maximeque pedestris armaturæ munimento firmaverat, unde stationaria subsidia sua habere potuerunt, si triginta tantummodo millia peditum omnem *Venetum* expleverunt? Nam quod nonnulli scripsere cathaphrattorum tria millia, velitum vero quatuor millia *Venetos* in armis tunc habuisse, id quidem vero verius est, & ratione plurima subnixum. Nam cum cathaphrattorum fere duo millia totidemque ferentariorum vel amplius in *Agnidilino* conflictu pugnasse certum sit, reliqua certe in alias aliasque regiones dispartiri merito potuerunt. Sed triginta duntaxat peditum millia tunc *Veneto* stipendio meruisse, cum hæc *Abduanam* in aciem descenderint, nec suas alibi præstare vices potuerint, parum rationabile nec vero consequens esse videtur: cum longe majores peditariæ militiæ copias numerum explevisse credendum sit. De quo quoniam nobis liquido non constat, nec satis ex fide compertum habemus, diligentius aliis explorandum eveſtigandumque majore cura relinquimus. *Ludovicus* interea, quanquam ingenio more suæ gentis insolenti atque ventoso, nostræ tamen potius cunctationis quam barbaricæ temeritatis particeps, cum jam iratum exertis unguibus *Leonem*, horribilibusque jubis ac mugitu terrifico formidolosum præsentisceret, quanta moliretur, quantaque præstrueret cogitabat. Occurrebant animo provocati hostes, quos non turbulentos nec præcipientes, sed accuratos & contatores merito præcaveret, ac tunc demum perficiendæ rei validius & enixius incumbentes, cum maxime rem negligere contemnereque viderentur. Ad hæc antiquæ præpotentisque Reipublicæ, opulentissimi præsertim ærarii suffragante horreo, vires integras ac prævalentes animo versabat; quas attenuare denervareque protrahendo sustentandoque diu bello posse diffidebat: cum *Veneti* magis *Gallum* debilitare exhaurireque fiscum ejus, quam horum ille posset. Præterea bellatorum non longe dispar nec iniqua manus, peritissimorum præsertim arbitrio Ductorum committenda, rem sane difficilem

A periculofique plenam eventus præstabant. Imperitia vero incitiaeque rei militaris prudentiam hostium ac diligentiam circumvenire desperabat: cum & frequenti usu *Veneti* multa callerent, & expertissimis Imperatoribus bellicæque rei scientia præditis, castrorum curam suorum concederent. Unam spem sitam unumque relictum in fortuna locum arbitrabatur, quæ lubrico frequenter incertoque rerum exitu proludit, suæque cavillo vanitatis ludificatur. Ergo post finitimos omnes pacatos, cum & *Britannorum* gratiam inisset, *Burgundionum* factiones non timeret, *Helvetiorum* milia multa conduxisset, omnemque vicinitatis labem eluisset, alios atque alios firmiore sibi nexu conjungere festinat: & hos maxime, quos *Veneti* nominis inimicos suspicabatur. Contra *Venetum* itaque *Gallus* tumente spiritu, cristisque surrectis omnibus infremebat; *Germaniæ* minabantur; *Hispaniæ* sæviebant; *Italia* vehementius & asperius insurgebat; sed inter omnes *Julius* Pontifex Summus incitatissimo odio truculenter in *Venetum* agitabatur, pontificiæque sedi debitas urbes reposcebat: quas cum illi relaxandas nequaquam Senatus *Venetus* censuisset, quod illas *Veneti* jure possiderent, universam gentem execrationibus ac diris infectabatur; invisumque aqua & igni populum interdicebat. Sed hujuscemodi frigidas & inanes iras *Veneti* Principes despectabant; obstruxissentque perpetuo crassiore cera perlitas aures imprecationibus ac devotionibus impiis, si modo vir ferox bello pepercisset, suosque vagina gladios condidisset: quoniam hæc a Summi Præceptoris instituto, cujus ille vicem in terris agebat, discrepabant. Quid enim oppida arcesque cum templis & aris? quid cum mitra gladius? quid cum lituo tuba? sacra prophanis distincta sunt; disparata castra delubris; diffitque militibus sacerdotes, alia manium, alia Deorum tabernacula; non idem *Martis* & *Christi* Domicilium: cumque omnia *Martis* fragore conturbentur, omnia *Christi* tranquillitate confidunt. Spretus igitur Pontifex Maximus, cum æstuantem odio rebulliret, suæque vires in *Venetum* flaccescentes hebescerent, ulciscendæ injuriæ occasionem quæritabat. Oblata *Ludovici* Regis adstrepebat indignatio, quam furentis *Julii* flammæ vehementius accendebant; insufflabat *Ferrarianus* heros, ab interitu *Sfortiano* *Lilina* semper signa secutus: *Leonina* vero detestatus, ac insito genitalique odio jugiter abhorrens. Quippe cum *Veneti* nonnulla ditionis ejus possiderent, recuperandis illis anxius anhelabat: maccabantque decoctas pater & filius iras ab ipso *Brixiano* bello, quod universus furor *Italicus* rem *Venetam* confestim oppressurus conflaverat. Sed intercedens *Venetæ* sollicitudinis diligentia *Procerum Italicorum* vires, & conjurantium arma refregit: conciliatoque primum Duce *Mediolani*, cujus tunc *Maurus* tutelam agebat, cum illum a castris avertisset, reliquos facile superavit. Destitutus itaque præsidio *Hercules* cum in cassum amissa suspiraret, exinde *Veneto* semper infestius adversabatur: itaque nunc suis foliibus inflatis conspirantium animos agitabat; quibus, quanquam exigui tennesque *Mantuanis* spiritus, adhalabant. Sed majore ventilabro, majoribusque nutrimentis sonoros latices, ahenique sufferventis exultantes undas inflammabat *Hispaniarum* Rex, qui *Regulis Aragonensibus* *Appulia* *Calabria*que depulsis, exactoque *Campania* recens omnibusque regni finibus *Ludovico*, cum ejus omnis exercitus ad *Lyrin* profligatus esset & cæsus, *Neritonum*, *Hylrundem*, *Brundisium*, *Monopolim*, sui velut gladii sui que juris a *Veneto* repetebat. Hæc siquidem, abscedente post invectas ingenti clade ruinas, *Francorum* Rege *Carolo*, cum restitutus in regnum argenti aurique *Ferdinandus* inops ad toleranda

randa belli suborientis incommoda, pecuniam
 emendicaret, eamque mutuo sumpſisset a *Venetis*,
 ipsique tutius & cautius hanc in rem quam stipu-
 latione iuramentoque prospectum sibi esse volu-
 ſſent, quoniam lubrica fides hominum tanta præ-
 fertim in re, tantoque ære prorogato facile quidem
 fluctuare poterat, pignori resignavit. Oblata refu-
 ſaque omni pecuniarum ſumma, cum pignora dein-
 cept repeterentur, de ſumptu in his factis *Venetis*
 excipiebat: cumque proprio commodo factitatum
 id opponeretur, ad neceſſariam conſervandamque
 rei perpetuam utilitatem impensum eſſe poſſeſſor
 replicabat. Quid enim ſi portus exarmatos deſer-
 taque præſidiis & munitionibus loca, ſubitarius
 hoſtis & improviſus invaſiſſet, occupaveſſet, te-
 nuiffeſſet, id ſane domini detrimento futurum erat.
 Proinde tam ex æquitate, quam præſcripti juris
 rigore, impenſam omnem reſarciri reſundique oport-
 ere: quod niſi fieret, pignori ſuo poſſeſſorem incu-
 biturum, ajebat. Incumbentem igitur hypothecæ
Venetum, ſucceſſor *Hiſpanus* armorum potius quam
 juris auxilio poſſeſſione ſua detrudere tentabat: &
 quoniam ſæpe quidem a multis perlibenter unius
 in perniciem coitur, pronioreque conſenſu plures
 in unum facile conſpirant, haud ægre *Galli* cæte-
 rique ſacras *Jani* fores pulſantem *Hiſpanum* ad-
 miſere. His calculum adjeciſſe *Maximilianum* au-
 ctiores tradunt: nam & in *Iſtria*, *Foroque Julii*,
Cæſarem tunc arma *Venetis* intuliſſe, & *Mocenicus*,
 & *Cælius*, & *Baſelius* ſcribunt. *Cælius* quidem,
 qui tunc *Patavia* degebat, *Utino* duntaxat exce-
 pto, *Maximilianum* univerſum *Forum Julii* ſub-
 egiffe, ſuo *Leſſionum Antiquarum Libro* teſtatur.
Mocenicus vero plenior atque diſtinctior plura no-
 tat: ſiquidem & ductorum, & oppidorum & ur-
 bium nomina conſcribit; ipſumque *Cæſarem*
 quanquam *Vicentia*, *Patavia*, *Verona*, ſponte tra-
 ditis atque receptis, ultra tamen longiusque pro-
 greſſum, in omnes *Venetorum* fines penitioresque re-
 ceſſus, vaſtando, populando, urendo, foedius & acer-
 bius quam viri fides aut religio pateretur, ſæviviſſe,
 conqueſtus eſt; neque ullo militari obſequio, aut
 ullis oblatarum rerum copiis, quas illi *Venetis* quam
 cumulatiffimas impenſurum profitebatur, conci-
 tatas aſperioris Viri ac plus æquo frementis iras,
 mitigari ſedarique potuiſſe: donec rebus pæne
 deſperatis omnibus, ac tunc demum vertenti for-
 tuna *Veneti* ſibi melius conſulentes proſpexerunt.
 Quocirca mihi quidem mirum eſſe videtur, cum
 tam ipſis, qui ſcripſerunt, quam qui præſentes
 interfuerunt, tradentibus, certo certius ſit, indu-
 cias cum *Cæſare* triennales factas, exindeque peri-
 ratum *Galliarum* Regem cum cæteris conſpiran-
 tem, contra *Venetos* arma moviſſe, quo jure
Maximilianus, Vir ſane juſtus & integer, ac ſer-
 vantiffimus æqui, a percuiſſo cum *Venetis* foedere
 reſiliit: infeſtaveritque Viros acrius, quam ſi ho-
 ſtico more verſatus arma legitime *Venetis* intuliſ-
 ſet. *Baſelius* certe, quo neque perplexiorem quen-
 ſet, nec in hiſtoria conſuſiorem legi, qui adeo
Cæſari favet, ut nonnunquam veritatem invertat,
 inducias quidem interruptas ait; ſed mirum, cur
 non culpa *Venetorum*, quos amariore ſemper ſali-
 va ſaluginosus inſpuit, interruptas ſcribat: ut
 qui ſæpius aberrat, in hoc etiam deliret. Sed hæc
 utcunque lector æſtimaverit, & quocunque fue-
 rint hominum penſitata iudicio, *Maximilianum*
 arma moviſſe & in *Venetos* irrupiſſe, certum eſt.
 Igitur cum omnibus alea fortunæ placuiſſet, com-
 munique impendio rem peragi decreto ſociali con-
 ſtitutum eſſet, adulti veris tempora præfixerunt:
 quibus inſtructis paratiſque copiis, finibus quis-
 que ſuis movens, uno temporis belliue contextu,
Venetorum agros incurſarent. Sed gerendæ rei
 ſumma *Gallis* incumbebat; in illoſque vergebant
 operoſæ molis pondera, frigido quodam torpore

A languidos ſemper & hærentes: quanquam equita-
 tu, ære, commeatu, cæteris omnibus prævale-
 rent. Nam etſi potentiffimorum viribus & armis
 undequaque circumventa *Veneti* nominis magni-
 tudo peteretur, unum tamen *Ludovicum Aurelien-
 ſem* Francorum Regem, velut in cornu ſcænum
 habentem, vigilantius & attentius *Veneti* Provi-
 ſores obſervaverunt: cavendumque ſibi diligentius
 ab eo publicæ rei diſpenſatores putavere. Quip-
 pe quanquam barbarus, accurato tamen habilique
 pertractandis magnis rebus ingenio fuit; ac ſe-
 dulo diligens & impendio cautus, quique multo
 rerum uſu polleret; & cui magna molienti præ-
 divitis regni copię largiores ſuffragarentur. Præ-
 terea ductores militum prudentes, omnibusque
 bellicis artibus inſtructos, ſuum circa latus ha-
 bebat: adeo ut hic unus omnium iudicio puta-
 retur, qui *Marcicum* robur, obice ſuo duriore
 reterere, ſuiſque diſtantis validioribus nervis, *Leo-
 ninas* vires diſtringere poſſet. Nec enim facile
 cuiquam aut obvium fuerat, quieſcentis beluæ fu-
 mantem naſum attractare: niſi prius ſuis omnibus
 explicatis legionibus, collatiſque ſignis *Gallus* in
 aciem deſcendiſſet. Nam & hinc & inde difficul-
 tas, & hinc & illinc plena omnia periculi fuerant
 & timoris, non levius, qui bellum inferebant,
 quam quibus inferebatur, diſcrimen habituris:
 C quoniam prævalidus & præpotens *Venetis* equitatu
 cathaphrattario quanquam paulo *Gallis* inferior,
 reliqua tamen armatura, omnique peditatu ro-
 buſtiſſimo, conſenſu omnium, etſi non ſuperior,
 at certe par erat. Qui cum aleam belli jactam vi-
 deret, liqueretque ferro periclitandum, ſuas
 omnes copias in *Hiſpanum*, Pontificem, *Ferra-
 rianum*, *Cæſarem*, contraque *Gallum* diſpartitus
 erat. Atque harum ductores omnium in mandatis
 habuerant, ut præfixis limitibus non abſceden-
 tes, armis teſiſque parati, commiſſos ſibi fines
 tuerentur: & ad jubentis ediſtum concurrerent.
 D Ignari quippe Patres *Veneti*, quem in locum ho-
 ſtis impetum primo facturum eſſet, conductitiam
 omnem militiam extremis oris, ſupremis que im-
 perii ſui marginibus ita ſparſerant, ut erumpen-
 tem de improviſo hoſtem ſubitis accinctiſque facibus
 inurerent: unoque omnes expediti ſymbolo ad ſi-
 gna præſto forent. Igitur quoniam ad flumen
Abduam undæ belli gravioris tumefcebant, ma-
 gniſque cum copiis affuturus in dies *Gallus* fere-
 batur, grandi obice ſeptiſque majoribus ad horum
 impetus cohibendos opus erat. Proinde arces,
 oppida, finitimaque omnia, commeatu, milite,
 tormento, *Veneti* præmunire; depreſſas ſoſſas, e-
 ductos aggeres, inveſtas aquas circumducere; ex-
 E cubias commovere, cuſtodias locare, viſores
 amandare. Ad hæc *Trivium*, *Pandinum*, *Ripal-
 tam*, *Carevagium*, *Aſulam*, cæteraque omnia pe-
 ditatu fortiſſimo, ac levi expeditoque cingunt
 equitatu, præfirmantque. Tum incolæ civique
 novarum rerum ſtudioſos, aut factione ſuſpectos
 municipes, ne qua per inſidias molirentur, abi-
 gunt, propriiſque domiciliis vel relegando vel ad
 ſeſe propius accerſendo ſummovent. Arcium in-
 ſuper urbiumque præfecturas, earumque præſer-
 tim, quæ ſuſpecto convicinio nutarent, non uni
 commendant, ne vel fides facilius corrumperetur,
 F aut hoſtilibus circumſidentibus turmis unus animo
 conterritus deficeret: ſed pluribus; nec his qui-
 dem exteris aut peregrinis hominibus, ſed gen-
 tis ſuæ Patriciis, ut, quorum res ageretur, in pe-
 riculo vigilantiores, in fideque conſtantiores eſ-
 ſent. Compertum ex his habeo, qui majora cum
Venetis commercia per hos dies habuerunt, qui-
 que diuturniore uſu belli caſtrenſiumque rerum
 ſcientia præcelluerunt, hoc in atrociffimo per-
 difficultique bello, nihil *Venetum*, quod humana pro-
 videntia ingenique mortalis acumine proſpici con-

ficique posset, prætermisisset; contulissetque omnia, quæ prudentissimus & solertissimus quisque urbicæ, castrensis, universæque rei suæ consulendo agendoque præstare potuisset: sed rerum exitus præcipueque bellicarum in manu frequenter esse fortunæ. His itaque libratæ prudentiæ consiliis, exactissimaque ratione digestis omnibus, legionum suarum dispartiendarum cura successit: ac primo quidem in *Lilinos* hostes peditum, velitum, cathaphrattorum, præstitutas ingentes copias, nec non & muralium tormentorum bellicarumque machinarum omne genus, in eam rem *Veneti* Principes expediunt. Exercitus Imperatorem *Nicolaum Petilianum*, ingenii maturitate, omnique bellica arte præsignem, declarant; *Bartholomæum Livianum*, vi corporis & virtute animi conspicuum, omnique ex prælecto ducatu suboptatum, legionibus nonnullis præficiunt. Tum Legatos, *Andream Gritum*, *Georgiumque Cornelium* Senatores optimos, omnique publico munere perfunctos, designant: quorum iudicio cuncta penderent; quorumque ad edicta iussaque, capeßere ac faceßere cuncta oporteret; illis annuentibus congregari; rursus iisdem abnuentibus regredi; illis iubentibus signum dare, interdicentibus receptui canere; horum imperio locum optare; militiam partiri; castra mutare. Quos, ut de plano cuncta profitear, an Legatos dicerem, ambigebam. Movebant animum eloquentissimi disertissimique Viri, qui distando aut scribendo, Legatos hos dixerunt: quibus auctoribus, si quid certe peccatum foret, levius tamen omne crimen esse videretur. Etenim vix est, ut consummati & præstantes ingenio Viri, quanquam cæcutire possint, hallucinentur.

De Legatis Venetis. Sed contra, ratio suadebat, nec ignota dictionis significatio. Siquidem ut *Commentario de Bello Civili Tertio* Cæsar scribit, aliæ sunt Imperatoris partes atque Legati: hic etenim omnia ad præscriptum agere, alter vero libere, ad summam rerum consulere debet. Nam, ut *Pomponius*, & *Julianus*, & *Ulpianus Primo Digestorum* scribunt, Legatus nihil proprium habet: sed ejus, qui mandavit, jurisdictione utitur. Nulla est enim apud eum omnino legis actio: ideoque nec relegare, nec deportare, nec ultimo quenquam supplicio afficere possunt. Quin nec ipsi Principem consulere debent, sed quibus par est honorem præservare. Ergo cum tempestate nostra *Venetorum* Legati mandent, edicant, imperent, ipsique supremam in exercitu potestatem habeant, non Legatos, sed Dictatores, aut alia qualibet absoluti imperii præsigniore nota appellandos esse censebam. Verum ne scioli potius argutulique, quam veritatis evestigandæ studiosi criticorum censura condemnemur, optima ratione Legatos prospicientes altius dictos esse defendamus: relatione scilicet facta, non ad ipsum exercitus Ductorem, cui Legati imperant, sed ad Rempublicam, cujus vicem in castris gerunt, quam observare &, cum tempus patitur, consulere, cuiusque ad præscriptum omnia agere debent. His promotis igitur ad hanc castrorum procuracionem amplissimis sapientissimisque Viris, Princeps Senatusque Rempublicam universumque *Venetæ* ditionis Imperium, oppido commendant; obtestanturque; ut concreditam *Veneti* nominis Majestatem, ut fortunam, liberos, penatesque suos enixissime omnique studio ac cura tucantur & protegant; eorum ingenio solertiaque vitam omnium mortemque pendere; gubernaculis ipsorum innixam omnem rem *Venetam* stare atque prolabi; mandato iussuque ipsorum inauspicato litatoque omnia peragi. Caverent, attenderentque solertissime, ne quid militaris ferocitas inconsulto, repentinusque præfervidæ juventutis calor in re tanta, quæ manibus suis versaretur, attentaret; sustentarent, cuncta-

rentur, differrent; nec nisi magna ex occasione committerent acies: ne hamo aureo piscarentur. Caverent *Flaminii* pertinacem audaciam, improspectam *Mancini* temeritatem, *Craßique* vecordem insaniam fugerent. Omnem denique militarem disciplinam ad unguem exigerent. Ipsi interessent obiter principiis, solcite cuncta lustrarent, mature, pie, sancteque consulerent. Tanta denique hac de re sollicitudo Patrum animis omnium infederat, ut nunquam Princeps Senatusve literas ad Legatos darent, quin illas anxia commendatitiaque dictione clauderent: *Servate castra*. Illos etenim molestissimæ curæ distorquebant: quod lata propatentique area, quam pugnae *Gallus* præoptasset, summa rerum ad pilæ morem jactaretur; ac ne fortuna manum infereret, tantaque in re suo de more proluderet, vehementissime suspectabant. Itaque ditringi acrius, omnesque suspensis animis in *Abduana* negotia *Gallicumque* bellum deflecti cœperunt. Nam quæ in *Appulia*, in *Flaminia*, in *Ferrariano Mantuanoque* agro, in *Istria*, in *Foro Julii* concursationibus bellicis quanquam sane gravibus & periculosis agitantur, ea tamen levius minorique molestia velutque conniventibus oculis *Veneti* respectabant. Conducit animo molestias augebat Regis adventus, quem in *Galliam* descendentem, digressumque *Taurinis* saltibus, & ad nos in dies celerius properantem constantior fama vulgabat. Hic siquidem, quanta parasset & occepisset, excogitans, *Leoninique* roboris & hosticarum virium conscius, non per Legatos, sed per se, ipsiusque sub oculis rem tantam absolvi oportere, merito judicavit. Itaque magnis itineribus indefessaque pernecitate copias secum ingentes advehens die nocte ceteriorum in *Galliam* ad nos properabat. Viri ferocitas & adventantis potentia *Venetis* militibus terrorem eorumque ductoribus non parvam formidinem incusserat. *Andreas* ergo *Georgiusque* Legati, cum traditas a Republica copias acceperant, *Pontevico* castra metati sunt: exinde, quo fortuna provocasset, exercitum promoturi. Ea tempestate, *Mediolani* Regias vices *Carolus Ambasianus*, de quo supra meminimus, agebat: in illoque jus gladii, omnisque togæ bellique procuratio sita fuit. Hic temeritate sua præceps & inconsultus, cum aliquot armatorum cohortes sparsosque finitimis regionibus manipulos ad *Lilina* signa contraxisset, improvise *Abduam* trajectu nostrorum hostiliumque finium limitem, transiit; interjacentique flumine superato, in hostiles agros exercitum inducit. Victorum more dispalantes vagique milites, pagos, villas, agrestesque copias, incurfabundi populantur & dissipant. Mox certo agmine *Trivulium* pergentes oppidum non incelebre, barbarica ingrassante militia protinus invadunt, oppugnant, subigunt. Dolo magis quam vi captum, nonnulli literis prodidere: quoniam oppidanus æstuantis belli præveritus incendium, dum meliora deditione sperat, ex fumo in ignem relapsus, graviora mox passus est. Ergo propius appetente *Gallo*, cum illius incredibilis omnium terrore fama pervassisset, sive armorum impetu, sive inito cum hostibus fœdere, municipales, victori cedunt: oppidum asseritur, præsidium funditur, præfecti capiuntur. Dehinc, loco validiore *Gallorum* militia præmunito, longe lateque populabundi cædibus ac rapinis hostes cuncta permiscunt: fuga passim agrestium; clamor ac metus improvise facinoris atrocitate subortus, vicos, oppida, finitimosque omnes ingenti formidine correptos, magna *Gallicani*, nominis gloria concrebescente, replebat. Extemplo dispositi colimitis suis stationarii milites *Veneti*, signo dato, qua bellici terrores castrensesque tumultus instrepebant, præsto sunt: accincti, celeres, expediti, concursantibus-

tibusque obviam ac dispalatis hostibus facti, conterritos ac subitario pavore trepidantes percellunt, fundunt, fugant. Illico retroverſi axis, profugitantiumque Gallorum tantus fragor insonuit, ut non minore, quam trajecissent, ignominia reverterentur. Quippe prudentibus veteranis summisque castrorum ductoribus nostris, qui *Ambasiano* soluti Imperio nequaquam ejus edictis astringebantur, quique temporis opportunitate præstolantes, *Mediolani* defederant, nova res, importunaque laceſſendi hostis sollicitudo risum excusserat. Et sane plurimi civium maturiore judicio cuncta pensitantes subhæserant, dubitabundi ne aliena temeritas ingenio cunctantiorē castigata emendataque, nostri capitis periculo plecteretur. Parum enim abfuit, quin his stimulis irritati *Venetorum* militum ductores evicto pontibus flumine, nostros in agros irumperent: *Mediolanum* impetiri populaturique omnia, ut sese melior fors audentibus obtulisset. Ferocissimus ac strenuissimus omnium, qui *Marcico* vexillo stipendia facerent, *Bartholomæus Livianus*, vir telo manuque promptus, honoratissimas equestres ac pedestris armaturæ copias ducabat. Hic immanis ira furoreque terribilis, quod resupinus & imprudens hostis provocare Virum jactantia sua præsumpſisset, modis omnibus illi reponere discupiebat. Ferocientis audaciam urgebant insignes & paratæ legiones, robore virium & animorum alacritate formidabiles, incredibili celeritate supraque fidem omnium coactæ. Barbarica simplicitas subſtupidique ductoris inscitia, quoniam obequitantem insultabundumque præ oculis hostem non viderat, exarmata destitutaque negligenter omnia putavit: at postquam effusus permixta grandine nimbos, tanto conglomerati peditatus turbine, totque velitum, cathaphrattorum, tormentorumque tonitruis pronuntante polo, suspexit, reducere funem velaque colligere, magna cum oppidanorum jactura, suoque loco ingenti dedecore, coacta est. *Livianus* ergo iusta succensus indignatione, ut hostem æquo vulnere repercuteret, improvidamque Ducis temeritatem prudentia retaliaret *Italica*, tum ut desideratum spectatæ virtutis suæ specimen daret, traducto exercitu quam raptissime tranare cupiebat: captumque tribus horis *Mediolanum*, si Legati procurentibus equis lora laxavissent, pollicebatur. Nativa Virum strenuitas ingenito vigore perardentem impellebat: magnique facinoris capeſſendi perficiendique feliciter, laus & gloria provocabant. Etenim absente Rege multa celerius & melius attentari conficique posse, quæ præſente illo vix obiri potuiſſent, ajebat. Insolentem præterea ventosamque barbariem in tantorum motu agitatorum militum fragore conturbatam, nihil capere consilii posse præter fugam opinabatur. Ad hæc antiqua Procerum dissidia, ipsosque inter Gallos intestinæ liventesque discordiæ, rem factam nullo sudore *Liviano* dispondebant: cum præſertim aggeribus, fossis, valloque nudata civitatis amplitudo prospera omnia, reinque felicem exitum offerre videretur. Obtinuiſſet indomiti præferociſque Viri sententia, si non cunctantium aspergine Legatorum irrorata refrixisset. Hi namque singula profundius eruentes & acriore cerniculo discutientes, quanquam tunc *Mediolano* Rex abeſſet, haud diu tamen abfuturum non ignorabant. Exploratus illis quippe Regis adventus valida cum manu properantis, erat; & inanem assultum propiore vanitatis irritique laboris exemplo refellebant: cum non capere, quam capta turpiter amittere judicio sanioris præſtiterit. Accedebat quod quanquam inconsulta barbaries hoc fortunæ tumultuantis impetu trepidatura, exindeque fugam capeſſitura foret, quam fortasse discrepantium Ductorum sententiæ meliores re-

A preſſiſſent, unus certe sagax verſutusque senex *Trivultius*, urbicarum bellicarumque rerum scientissimus, cum in acie novaculæ res conſtituiſſet, cunctaque sub alea fluctuaſſent, non *Gallicanæ* felicitatis amplificandæ, sed ſui discriminis evitandi gratia, talum a ſacra linea moviſſet: populosiſſimamque civitatem, ſuo ſatis robore præditam, nativisque viribus præpotentem ſuam ad propriam ſoſpitem protegendam conſervandamque commoviſſet. Quod ſi *Sfortiadæ* Principes ſummis tunc omnium votis expetiti, *Venetæ* poteſtatis aut juris ſui fuiſſent, non dubitatuſſent, quin omnem late fuſam barbariem trans *Alpes* tranſque *Rhodanum* & *Ararim* propulſaturi fuiſſent; ſed quoniam malignis intercepta fortibus ea Principum adminicula deerant, ſubſiſtendum eſſe, propriosque fines omni cautela defendendos, omnique prævallandos munimine, merito cenſuerunt: ne ſuum extra domicilium agentes peragranſesque licentius aliena, ſors gravior opprimeret. *Mocenicus in Hiſtoria* lamentatur doletque vehementer, quod veterē majorum inſtituto Legati Ductorem *Livianum* in arma provolantem cohibuerint, ceſſaverintque ſub occasione bene gerendæ rei, defendendorum finium ſuorum duntaxat ſtudioſi: ſed nimia certe ſuam erga Rempublicam pietate, quæ judicio frequenter officiſ, *Mocenicus* ſuſpirat. Nam, prudentiſſimos ſapientiſſimosque Legatorum, magnaſque præſtantes virtute viros exactiſſime ſingula perpendiſſe, reor; maturioreque conſilio ſubhærentes ab ipſo trajectu fluminis abſtinueſſe, ne ſub incerta propagandorum finium occasione perderent propagatos; maluiſſeque vinci, dum prudenter agunt, quam dum temere diſſipienterque verſantur, vincere: quoniam alterum ſortis vitium, alterum viri crimen foret. Prudentia quanquam infelix exitu, commendatur: temeritas vero quanquam proſpera, ſemper laude caret: & ſi Rempublicam conſuluſſent, non aliter plane, quam ipſi fecerint, reſponſuram fuiſſe, credam. Igitur pulſo fugatoque trans amnem *Gallo*, cum inſectandi perſequendique eum ulterius, Legatis interdicientibus, ſpes omnis intercepta laberetur, converſus ad ſuos *Livianus* oppida omnia, quæ ad hoſtes deſciverant, e veſtigio recuperavit: quoniam immatura præcepsque victoria, quo aditu inſluit, eodem etiam exitu reſluit. *Mantua* Princeps, qui ſuis cum copiis exultabundus eodem motu *Gallorum* in aliena proſuerat, inſeſtaveratque nonnulla ſuo inconfultiore progeſſu municipia, propulſatus eſt: ſuosque intra limites turpiter rejectatus. *Ripalta*, quoniam magni momenti fuit, magnumque pugnatuſis allatura diſcrimen erat, exilium crudele perpeſſa eſt, nec cæteris mitiore fato tractata: omnes ſiquidem, qui arma ferre poſſent, excedere loco, notosque lares ſuos relinquere coacti ſunt. Anno quinto decimo, ac ſeptuageſimo edicta publica pepercerant: quod inſirmam hanc ferendis armis atatem, & ad caſtrenſia munera proſus inhabilem omnes æſtimaverunt. Proſugis & errantibus per incerta viarum oppidanis, ſucceſſere pedites equitesque ſingulis ejeſtorum ſedibus adſcripti: reliquamque omnem abſentium rem familiarem abſumpturi dilapidaturique milites improbi lugentes mœſtoſque penates inſida execrabiliſque custodia ſervare. Sed atrociori fato, crudelioriſque exitu *Trivulſiana* plebes exagitata deluxit: *Leonino* ſiquidem deſecto cum *Lilinum* ſignum ſuſtulſſet, omnibusque prævallata munimentis, & proprio & adventitio *Gallorum* præſidio conſtituiſſet, hoſtilibus ſtatim circumſepta telis, ipſoque pertinacius adurgente *Liviano* perquæſſata nutavit. Ille percitus ira, furoreque contracto terribilis, admotā acie ſuiſque cum copiis omnibus in oppidum ruebat, ab ipſis municipibus graviffimas jam fa-

Exput-
gatio
Legato-
rum.

etæ deditiois pœnas exacturus. Oppidani vero & suis & Gallorum viribus prænixi tela spargere, missilia funditare, longius hostem summovere. Turriserat firmioribus pedamentis altius excitata, quæ subjectis lateque patentibus campis imminabat. Hinc oppidani tormenta, flammæ, lapides ejicere, nulla mora, nulloque intermissi temporis laxamento hostem fatigare, assidue pulsare, continuo divexare. *Livianus* hujusce defensionis impatiens locum scrutatus editiorem, machinis instrumentisque validioribus emunit: mox tormenta, turris e regione grandiora prolocat; omnemque saxatilem nimbum ac ferream grandinem in oppidanos oppositamque turrin intorquet. Ex templo depulsi propugnatores cum ingestis undique telis impingerentur, turrin deferere coacti sunt, & ad ima mœnium impetus propulsare. Hostis assiduo tormentorum jactu debilitatam undique, & injectis crebrioribus pilis accisam turrin admota vi majore percellit. Ea demum fundo subruta, dum radicibus imis subversa prosterinitur, magnam muri continente ruina secum attrahit. Illico geminatis ictibus, aliisque super alios conduplicatis, diducti latiores aditus propatescunt: & municipum interiora denudant. Tunc ad arma nullo discrimine turmatim utrinque discurreunt: confertisque manibus permixtæ acies statario prælio sævissimæ rem gerunt. Hinc illinc spe desperationeque omnes irritati, exacerbantque mutuis vulneribus atrocissime depræliantur. Utrunque pares animi, paribusque acies utrinque viribus exæquatæ, rem dubiam, alternoque diu Marte titubantem fecerunt. Dehinc majoribus advocatis ac confluentibus undique *Venetorum* copiis, cum succedaneos incruentium *Livianorum* impetus *Triviliani* non sustinerent, cesserunt: *Veneti* cedentibus instant; condensatisque arctius cuneis, cum adglomerati super alios alii coirent, attonitos ac trepidantes *Trivilianos* pæneque in fugam per rudera muriue ruinam conversos, in ulteriora propellunt. Elatus repente militaris clamor, velut jam in ipso victoriæ limine defixi pugnatore *Veneti* perhærerent, oppidanorum turbam deficientium auxilio concivit. Expediti, alacres, viribusque recentibus integri, pro salute, pro Patria, proque Diis ipsis concurrentes oppidani, præsto sunt: instauratoque truculentiore prælio, ac majore belli recrudescentis infania, præcipientes in ferrum perbacchantur. Dum hinc inde acies efferatæ odiis iraue confligunt, adactisque per vitalia gladiis, utrinque pugna resævit asperior, vigiles oppidanarumque custodiarum Præfecti, accensis facibus globisque flammaram ex alto præsidium implorant. Subsidiariæ cohortes, sicuti quidam literis mandaverunt, ex edito flammis evocatæ tempori affuerunt: omnesque subito congressi patentibus campis in adversos impetum faciunt. Depugnatur acerrime, totisque contractis viribus: hinc ope summa *Veneti*, illinc agmine toto *Galli* præferoces in arma ruunt. Dum foris res agitur, novoque desudantes prælio milites extrorsum accenduntur, introrsum oppidanis armisque municipalibus requies data: omnisque *Triviliana* juvenus, dum aliorum bella gerente *Veneto* intus hoste vacat, disjecti muri ruinas convulsæque propugnaculorum repagula, subitario opere confarcita reposuit. Animis viribusque reparatis in futura prælia municipes accingebantur, cum internæ militiæ ductores conticinio noctis ad hostem digressi, collocutique invicem, oppidum *Veneto* tradunt: militis incolumitatem paciscuntur, omniaque victoribus hostili more diripienda relinquunt. Ea cunctorum infelix & adversa semper oppidanorum fortuna fuit, ut cum ipsi victores nihil consequantur, victos damna ruinæque pessundent: cumque frequenter sospites & salvi,

A. quocunque res cadant, milites lætentur, ipsi furentibus semper flammis objecti, perpeffique graviora delugent. Ergo funesta luce suborta, postico fociis excedentibus, hostes antico, præcipueque *Lamonii*, quorum in bello virtus eximia præntuerat, ululantium more luporum invadunt: oppidum superant; ac effractis obicibus, omnibusque uno prostratis ariete portis murisque, cuncta ferro flammisque permiscunt. Tum clamores, ejulatus, sonoresque terrifici bellatorum per vicos domosque ruentium inaudito horrore cuncta replebant. Tumultu novo mulieres attonitæ, virique senibus puerisque permixti, singultire, lamentari, ejulare: alii alios, velut ultimus esset ille dies, amplexari; mutuaque miseratione, ac reciproco lachrymarum intuitu, dolendo flendoque magis quam loquendo sibi suas invicem miseras objectare; incomptæ pallentisque fœminæ, diffusis crinibus sinuque laxato tunicas rumpere; unguibus ora comasque distrahere. Mœror, fuga, trepidatio, majore quam mortis metu, tanta confusione rerum exorto, timidos constantisque parijaculo vulneratos agitabat. Incerti plerique, considerent an fugerent, laterent, apparerent, occiderent an occiderentur, velut alieni & amentes hærebant. Milites interea prædabundi domorum penetralia secretaque tectorum, prohibente nullo, pervadere; mox trahere, congerere, exportare; non lachrymis flecti, non singultu tangi, non stridentium plangore commoveri; strepitare, minitari, flagellare; dehinc in sancta delubraque Deorum converso impetu, cuncta diripere, profanare, polluere; non stola, non flammeum, non ipsis Diis immortalibus devota virginitas, non ulla pura, hac in impuritate, religio; inviolati pudoris, impenetrabilisque pudicitiae membra *Christo* sacrata, nefaria colluvione, publicæque libidinis ad morem prostituta, jacuere: divinorum cultus, ceremoniarumque nostrarum tanta despectio contemptusque fuit, ut non æque vilissimos mancipis lixasque tractatura fuerit militaris improbitas. Quæ si cui falsa, aut adeo nova indignaque esse videntur, ut fidem hominum excefferint, *Celium* legat, ut suo potius quam meo testimonio reticenda probentur. *Mediolani* certe infanda & audivimus & vidimus, dum lachrymabilis illa multitudo miserabilisque turbela longo vicos nostros examine pervagatur: omnemque læcrilegi facinoris scenam nobis admirantibus explicat: omnesque vias & compita tragœdiis suis funestioribus implet. Emendicabant omni refrigerio destituti flebiles oppidani, publicæque curationis valetudinarium commota civium pietate replebant. *Dionysiana* septa lamentatio desolatæ plebis singultu rupta diu gemuerunt; exceperuntque profugam sede sua gentem fortuito extemporalique hospitio: quoniam nulla loci capacioris amplitudo, nullumque frequentiori testudine tabernaculum, oberrantes vagosque sedibus incertis convenas opportunius receptabat. Hæc dum alterno Marte mutuisque cladibus agitantur, *Abduanae* ripæ tractus omnis bellico fragore laborat, *Julius* Pontifex Summus, *Urbinate* suo copias ductante, *Venetorum* fines irrumpit. Hic prædatorias secum omnes turmas agens, indiscretis excursionibus populando, vastando, longe vagatur. Ex omni agro fuga, ex omnibus vicis trepidatio, ubique metus, & terror armorum: agrestes villicique omnes, quo quisque modo poterat, sua festinanter colligere: tenuem angustamque supellectilem suam confarcire, agrestes copias, pomum, nucem, annonamque omnem in tutiora convehere, armenta pecusque propinquam in urbem & oppidum adigere; tum diris Pontificem omnibus devovere, irreligiosam execrare religionem, in ipsoque receptum pacis domicilio bel-

bellum detestari. Incurfantibus Pontificiis legionibus, ac plus quam hostili more ferro flammaque saevientibus, oppidum acclivo monte situm (*Brixigellæ* nomen est) obvium fuit. Id suoapte munimento suoque robore natura suffragante munitum, auxiliaria *Venetorum* manus octingentis peditibus constipata firmabat: quæ tormento missilibusque telis omnibus obarmata, commissam arcem custodiæ suæ, suæque tutelæ commendatam alacriter & strenue tutabatur. Nec longe *Marcicus* omnis exercitus proximum collem tenebat, oppido cæterisque, cum fortuna provocasset, auxilio futurus. Hostis prædiligens & sagax, periculosam oppugnationem, obsidionem vero magis importunam ratus, ad insidias convertit animum: magnaue copiarum suarum parte nemoribus ac sylvis oclusa, tenui manu oppidum invadit. Ignari stratagematis oppidani, modicis exilibusque manipulis temeritatem conjectantes, ardentem valideque configunt. Utrunque magna vi decertatur: donec adventantes subsidarii levites *Veneti* subito procurfu Pontificios in milites impetum faciunt. Adjuti præsidii oppidani, cum suis sociorumque viribus fiderent, extemplo portis erumpunt: factoque agmine totis in hostem viribus provehuntur. Pontificalis armatura velut undique numerosis confluentibus turmis oppressa, subsistit; mox velitando cedendoque sensim in tutiora converso gradu relabitur: donec ignarum fraudis hostem, longeque vincendi gloria statione sua promotum in insidias deduxit. Erumpentes illico, circumfusique protinus, signo dato Pontificii milites, attonitos & ancipites oppidanos undique percellunt, inculcant, consternunt. Obstupentes improvisæque rei miraculo confusi milites *Leonini*, cum suam omnem in fuga salutem reponerent, terga dant: concitoque gradu quam rapidissime in oppidum confugiunt. Effusos præcipitesque gloriosi victores, ferro tergum urgentes, premunt; unoque omnes impetu glomerati, turmatim in oppidum provolvuntur: oppidum capitur; hostis ceditur; captivi Duces servantur. Elatus præsentis Ductor *Urbinas* victoria, *Rufum* iter dirigit: haud graviore Marte, nec diuturniore bello *Rufianæ* rei potiturus. Hic primum omnium infelicitè attentatæ deditiois impositis, dispositis opportuna per omnia tormentis, oppidum acriter oppugnat. Municipis, & his adjuncti pedites septingenti, valide constanterque pro mœnibus stare: intortis jaculis, omnibusque telis missilibus ac volaticis hostem mœnibus summove, suggestientem ferire; omnibus depromptis viribus strenuissime depræliari; suæque pro virili oppidum defensare. Jam disjectorum ingentes murorum ruinæ solo prociderant; assaultumque parabant *Flaminicæ* cohortes expeditæ: cum jam multo labore fessis, instantique discrimine præmerentibus oppidanis *Venicum* adesse præsidium nuntiatur. Ab oppugnatione ad propinquum hostem conversus *Urbinas* adventantibus turmis opponitur. Omnes utrinque magnis viribus & ope summa concurrunt: atrociterque digladiantes magno mentis ardore commiscetur. Constiterant nullo depulsæ loco diu acies ferocissime dimicantes, egregiamque Marte dubio, parique constantia animorum, operam bello navaverant, cum accitis armaturæ validioris equitibus, evocatoque recenti cataphrattorum subsidio, Pontificius Ductor *Urbinas* in fessum multoque Marte desudantem *Venetum* turbulentus incurrit: acrioreque pressura concultatam rejectat. Oppressi milites *Leonini* cedunt: victores alacris instant urgentque. Dum saevius asperiusque rem gerunt, suffosso equo *Joannes Græcus* armatorum gloria præsignis diffractocrure prolabitur. Acutum fuga, metus, profusio. Pulso hoste refugisque subsidiis, vigentior

A & acrior militia præfularis intermissam oppugnationem repetit. Lignatum, materiaturque interim amandati opifices regressi fuerant; omnique rem ad certam opere disposito, præfixa dies invadendi assiliendique conclamantibus cunctis instabat: cum suis diffidentes rebus oppidani, colloquio signis impetrato, transigunt. Incolumitas omnibus irrogata conceditur; sua cuique res familiaris intacta permanet; militibusque liber commectus datur. Perpetuæ continentisque victoriæ diffusi late perlatique rumores, in majus etiam ebullitante fama collimitaneos omnes conterruerant: adeo quidem ut formidine metuque magis, quam odio proditioneque desciscerent. Rebus suis omnes sapientes utique dissipantesque consulere festinant: sed anceps adeo belli fortuna nutat, adeoque varii frequenter exitus armorum alternante fato contorquentur, ut, qui prudentiores consultioresque fuerint, sæpe labantur, & in partium optione delirent. Collabentium igitur procul audito fragore ruinarum, conterminales finitimæque gentes ubique tanto bellorum obstuante incendio, trepidare, dedi, profugere: *Cervia* deficere, *Faventia* subigi, *Ravenna* oppugnari; *Ariminum*, *Arimino*que propinqua omnia lapsitare. Quo metu rerum ingruente, *Annibal*, *Hermesque Bentivoli*, qui factionis suæ studio concitati contra *Julium* arma movebant, collectioque milite constipati, Pontificalibus erasis insignibus, *Bononiam* invadere & occupare nitebantur, reluctante fortuna destiterunt. Contra vero *Ferrarianus* Princeps, quoniam *Abduani* tumultus excitati procul obstrepuerant, *Veneto*, cujus vires magno semper damno suo validiores præsenferat, navali terrestrique exercitu bellum intulit: appetitamque festinanter in *Cherronesum*, suis terra *Pado*que promotis copiis, ipsoque in aciem hoste provocato, vehementius ferebatur. *Franciscus Gonsaga* Cassale Majus circumsonabat. Cæteri in *Appulia*, orbeque diverso in *Istria*, in *Foro Julii*, in *Lacu Lemano*, *Tridentique* magnis undique contractis legionibus tumultuabantur. *Veneti* in tanta mole rerum acrioribus curis distringi; periculis omnibus constanter adesse; *Abduanos*que super omnia tractus prospectare; castrorumque sospitatem eorum omnibus remis velisque tueri; sæpe Legatos monere, Duces hortari, omnibus cavere. Quæ dum permixtim hostium ac sociorum in castris aguntur, *Ludovicus* admissæ temeritatis *Ambasiane* certior factus, omni festinatione, magnisque celer ad nos itineribus contendebat: numerosissimi peditatus equitatusque florentissimi copias secum ingentes advectans, quas ut præirent, citatissime gradibus in castra proficiscerentur, edictis omnibus adurgebat. Tum *Jo. Jacobum Trivultium*, cujus ingenio ac virtuti prudentiæque semper innixus, plurimum confidebat, ut in castra pergeret, *Gallicanam*que omnem militiam pro sapientia ac luce virtutis suæ tueretur, emonuit. Ultra citraque flumen *Veneti* *Gallique* castra locaverant: in eaque invicem quotidie tormenta jacerent; eminus duntaxat hostem laceßere; sibi que parvis infensi detrimentis esse. Trajectare flumen, quod intererat, castraque propius castris committere nemo præsumebat: *Veneti*, quoniam omni bellico munimine prætextis ripis, firmiore clypeo propria defensabant; *Galli* vero paulo ante turpiter pulsi, nonnullaque trans amnem cum ignominia fugati, ne duplicata clade foedius ac turpius plecterentur, subsistebant, minaciter insultabundi, magnaue propinqui Regis adventum jactantia vociferantes. Igitur dum sine imperio, sine duce, omnique disciplina soluti milites licentius agunt, nec ullius Imperatoris edicta timent, Ductorumque suorum jussa contemnunt, *Ludovicus* tandem *Mediolanum* appulit: longoque ex itinere dum

dum paucos apud nos dies interquiescit, *Trivultius* ignavis omnibus, nocteque concubia, ne quid absentia sua praejudicari castris afferret, *Mediolanum* regreditur: datoque illi confestim ab urbe, ab arce, a cubiculoque ad Regem aditu, suspectanti *Ludovico*, novamque rem admiranti, suae profectiois intempestivae causam aperuit. Confusa turbataque omnia, omnia periculi discriminisque plena docet: quoniam sine metu, sine reverentia, milites agant nullo moderamini nullisque jussis obtemperantes; ut proficiscatur, nullaue mora properet, si rem salvam esse suam velit, hortatur. Affectus nuntio molestiore *Ludovicus*, abscedente *Trivultio*, signum militibus in castra properandi summo diluculo dari jubet. Dictu mirum, quantus univrsa tunc in urbe fragor; quanta concursatio, qui militum impetus; qui equorum hinnitus, quae agasonum festinatio, quae stabulariorum jurgia; qui tumultus equisonum omnium: dum alii jumenta praeparant, alii translatitias sarcinas imponunt, nonnulli lora, funes, stragula desiderant; ligant alii, tollunt alii, comportant alii; omnis domus cellaque, omne atrium conclaveque personat; dum passim furentes arma milites induunt; dum expediti telis accinguntur, dum feroces equos urgent, adactisque calcaribus circumactos exagitant. Hora erat diei quarta, cum expedito equitatu, omnique praemisso peditatu, Rex sese medium in agmen ex arce contulit. Suspectanda dignationis ambitio, amplitudinis immensae stupendus honor; novaeque rei majestas admiranda. Stabant nitidi & splendentes equi, spumantiaque fluitantibus loris fræna mandebant. Tum galeis cristisque fulgentibus coruscantes, omnique poltione armatura milites conspicui, dextra lævaque globis constipantibus inhorrebant. Constrata *Aedilium* jussu via omnis erat ab arce *Jovis* in vicum, qui ad portam orientis perducit. Vinariae quippe subterraneaeque frequentes cellulae, quae patentibus in viam publicam fenestris hiant, cancellis suis ferreis, quibus orificia spirantiumque fauces astringebantur, progredientem equitatum densissimis cuneis confertissimum impediabant: quem ne retardarent læderentque properantem, superjecto stramine fabuloque, ac omni congesta solidiore materia, aedilitia sollicitudo providerat. Ad hæc ingens plaga filiceo dorso marmorata, si quibus forsitan vel propendentis tigilli, vel injecti saxi grandioris, obicibus extuberasset, ut omnia salebris ac scrobibus peræquatis, ad celerem festinantis exercitus com meatum paterent, eadem publicæ curationis ministeria caverunt. *Æquis* igitur libramentis levigata, quam longe lateque patet, omnis Regio, prodeuntem tanto militum apparatu Regem, tantaque omnium admiratione suspiciendum, in castra per orientis portam emisit. Effusi cives undique, quos eques pedesque vicos occupaturus non erat, visendi studio replebant; sellularii, obolentesque sordidorum operum ministri, suarum intermissa cura tabernarum, educta Martis agmina procul intentissime conspicabantur; parique obrutu defixi stupentesque pueri matronaeque tectis speculisque pendebant. In ipso tamen militum armorumque spectaculo metus erat, nulloque non pavore sub imagine magnæ gerendæ rei mentes infirmæ trepidabant: sed pavitantium animos accincti milites, instructæ acies, invictique Regis præsentia confovebat. Elatus cælo pulvis, nebulae polo glomeratae, exhalantisque solo vaporis instar, tum concursantium equorum terrifici fragores, magnæ rei, magni exercitus appetentis ignaros juxtaque gnaros admonebant. Hac Procerum pompa, *Mediolano* digressus *Aureliensis*, summoque ductorum expectatus omnium desiderio suorum, dum castris exultabundus pedem suis in-

A fert, exorto repente militari clamore, subitaque lætabundæ mentis omnium alacritate, exceptus est. Inusitato inauditoque murmure confestim hilares acclamantium plausus, tum & rauci tubarum crepitantium clangores, expressique tormentis innumerabilibus bombi, tanto pugnae studio, tantoque conflictus ardore *Gallos* accenderunt; ut jam omnes conferendæ manus impatientia ferverent: contra vero torpentes elanguidique hostes ore suppallenti flacciderent; ignavoque perfusi metu contererentur. Summissæ voces, compressa murmura, indecorus pallor, tetricaque mustitantis veterani tristitia, indicio conturbati animi longeque diffidentis erant. Et quanquam multis Gallum *Venetis* præcelleret, nonnulla tamen formidine correpti milites hærebant, percussique animo contractis viribus astringebantur: quod cum *Livianus* multorum relatu, ipsaque per militum ora suorum, discerneret, ne sui bellatoris hebetante manu duritia frangeretur, in hæc verba, concione statim advocata, disseruit.

*Ecquid hoc est, impigri Milites, Commilitonesque fortissimi, quid hoc est inquam, quod barbaricis acclamationibus, quod inani vanoque conturgentium festu Gallorum terremini? Vos prostrantes auræ percellunt, vos ardentes equi conflant, vos stridentium tubarum sonores consternunt? ubi vigor ille vester tot per Martis pericula me spectante probatus? ubi acer animus ille vester Herculeis laboribus evincendis indefessus? Latertoseque vires vestrae præliis frequenter asperrimis exercita, durissimisque militibus confringendis spectata? Vos, qui roboris vestri tanta sæpe cum gloria periculum fecistis, qui invictos vicistis, infractos fregistis, indomitos domuistis, hæsitare, suffrigere, prolanguereque videmini? Vos, qui sæpe pauci plurimos, dulcedine laudis illectante, propulastis, fudistis, trivistis, nunc spumosas & inanes fluidæ gentis bullas formidare, perhorrereque videmini? Quis hic novus vester pavor? Quæ meorum hæc insolens militum formido? Quis hic degener abortivi subdititiique commilitii mei metus? Num vestra ille manus sunt, quæ totiens hostilibus telis conferta pugnaverunt? Num vestra illa etiam sunt pectora, illi thoraces, pulpæ illæ, lumbique vestri, qui magnis certaminibus ardentissimisque bellatoribus obvii restiterunt, conflixerunt, vicerunt? & unius acclamationis vocula, uno taratantara crepitu, una Gallici militis vesculi scena trepidatis? Num *Lilina* illa comperta est, & fastuosa vobis est explorata ferocitas, suis cum *Alpinis* nivibus resoluta? Vino inflatur; bile tumet; cibo distenditur: & cum sub pelibus hybernaverit, æstivaveritque paucis diebus tentoriiis suis, illico subsidet & intermoritur. Primo quidem feroces impetu Galli, quos si cunctatoria hostilis prudentia deludat, aut fortitudo declinet, evirati repente mulierescent: laboris expertes, periculis ignavi, sudoris impotentes, siti, jejuno, algori, vigiliis, aversissimi; suoque ingenio, suoque more castrensibus negotiis impares. At nostra majorumque nostrorum tempestate Galli præclara multa memorabiliaque gessere. Sed antiquæ gentis & ætatis prisca facinora dissimulabo; nec exoletas obitasque multæ carie schedas excutiam: quoniam cum vivis, & quos præ oculis nostris obversantes intuemur, non cum mortuis agenda res est. Evolvam repetamque laboriosos ævi sæculique nostri dies, & quibus maxime feliciter gestis *Transalpinus* honor ventosaeque natio superbit, una dictione memorabo. Rogo, ab ipso *Caroli* Regis adventu, hic enim nobis primus bellum intulit, quid in hanc diem illustre magnificumque gessit ampullis suis inflata prætumenque speciosa illa barbaries. Triduo certe *Campaniam*, *Appuliam*, *Calabriam* continentibus ruinis, irreparabilique fortune cuncta prosternentis impetu vicit: sed & crassæ suæ stoliditatis ignavia, eadem omnia triduo, turpiter amisit. Præstitisset non vincere, quam victa-*

turpiter amisse. Agro quidem Parmensi, cum difficiliore regressum progressu suo Gallus sentiret, apud Tarrum sane ferociter pugnavit; excessit, evasit: nimirum plane nostrorum discordia Ductorum, & Itolorum, quos secum advexerat, Procerum sollicitudo gloriosam barbaro fugam peperere. Sed & Maurum Principem sapientissimum ac præpotentem fugaverunt; Mediolanum urbem florentissimam & populosissimam subegerunt; captivos Nobiles multos traxerunt. Atqui facile est victum vincere; fugientem fugare; captivum capere. Nota vobis mihi sunt omnia: quæ bella, qui conflictus, quæ pugnae, qui Duces, hac in re versati fuerint; quæ Helvetiorum traditiones, quæ colludia Præfectorum, quæ Ductorum stratagemata, quæ militum sollicitudo diligentiaque nostrorum. Omnis meus quicumque miles, quanquam cæteris omnibus infirmior, si modo se mihi talem exhibeat, qualem me ductante Martii difficultatibus bellicaque re semper præstitit, strenuissimo cuicumque barbarorum, appensiore bene sentientis iudicio ædè pol præferetur. Et hunc certe non injuria fortissimo cuique Gallorum opponere, conferreque, ac dextro Marte victorem ostentare non dubitabo: quoniam mascula virtus nostra, tam corporis quam ingenii viribus roborata, imbellem elumbemque Transalpinum Cyclopem, flaccidamque Colossæ molis vastitatem, facile contemnit & superat. Vultis, quæso, differente me, Gallicanam strenuitatem cognoscere, barbaricumque robur, Liviano cuncta recensente, metiri? respicite Commilitones mei, vestraque fideliori memoria repetite, quos ad Cygniculum arcus exstruxerint, quæ trophæa funestum ad Lyrim erexerint, quos triumphos, quas laureas, quos titulos Brutiis, Lucanis, omniq; Parthenopeo tractu duxerint, cinxerint, inscripserint? Postquam viribus nostris inferior, longèque præ virtute nostra debiliior agilitas Hispanica duritiesque Gallo commissa est, num vos fugit, præcincti juvenes, quam parva sæpe manu, numerosum Gallicanæ multitudinis exercitum profuderit, fatigaverit, fregerit? quam parvo sæpe numero restricti, incommenat inopia debilitati, exangues, emaciati milites Hispani, locorum iniquitate, difficultateque relictum omnium laborantes, magnas Gallorum copias ubertate cibariorum affluentes; delectu jumentorum & locorum opportunitate præcipuas, delassaverint, profligaverint, retriverint? An vos insignem illam omnique ævo memorandam cladem nescitis, qua promissi casique ad igniferum Galli, magno cum dedecore, magnaque suæ cum gentis infamia inauspicatos Campaniæ limites & infaustas oras deferere, obtestari, fugereque compulsi sunt? Mutilatim semper accisæ, exiguaeque semper Hispanorum urgente manu, confertissimæ Gallorum phalanges sensim denvatæ attenuatæque sunt, donec exhaustæ penitus extinctæque funditus interiere. Quam deformiter ac fœde, quam turpiter & indecore, fines indulgentes fortuna prolatis, & opes aggerante fato cumulatæ amiserunt? Eat nunc & sibi placeat gens suis inflata panticibus, totque inde comparatis manubiis, opimisque detractis hostibus spoliis, gloriatur; ibi Gallica luxuriat ambitio, Gallicanus ibi tumor insletur, ibi Transalpini spiritus intumescant, ubi barbarico sanguine tellus uberata fertificat; inde vallares, civicas, muralesque coronas repetant, inde lemniscos sibi decentius devictæ cognomina, si placet, affectent, proferant, jactitent, ubi tot cæsorum umbræ Gallorum pervolantes aderrant; ubi tot alites feræque Lilina viscera depastæ saturatæque tenduntur; ubi Transalpino cruentatus sanguine Garriliannus erubuit; effusisque tot late jugera spatiis, tot cadaverum ossibus albicaverunt & albicant, adagio veniore concrebuit: Italia Gallorum sepultura. Et has vos umbras timetis milites, & harum vos larvarum flagella admiramini? & has vos personatas nubes aniliaque terriculamenta contremiscitis & pavita-

tis? Ecce quod vobis omnibus exoptandum fuit, ipsa benignior fortuna profert: Gallum numero militum non superiorem, animi corporisque viribus imparem, egregio valentique ductore orbatum, parvo discrimine nobis evincendum ingerit. Atqui magna Trivultiani nominis fama est, valentissimique Ductoris Jo. Jacobi tota Italia famigerati, præclara sane (non inficior) virtus est. Sed non illa quidem adeo repugnante Liviano, meque illi resistente perclaruit; virtus ubique rara, magnoque semper ubique pretio est: quæ tunc demum effulget & admirabilius explendescit, cum noctis obscuro caligineque tenebrarum obducitur; at cum oppositæ lucis fulgor enituit, adversique splendoris claritas irradiat, subito contorpet & bebescit. Micant stellæ caligante polo, cæloque tenebrescente luna clarescit: at cum exorto sole radii scintillant, totumque per obem flammæ sparguntur, lucifer refugit, luna caligat, sidera languent. Si Mauritana castra Bartholomæus metatus esset, si ductante Liviano Sfortiaci milites pugnavissent, congressus Achilles Hectorem sensisset: nec Bitiam Pandarus, neque Scipionem Annibal extimisset. Si ductu meo vexillisque meis florentes illæ Ludovici Sfortiæ cohortes conflixissent, non Aracii, non Anoni, non Valentii oppida tam repentino pulvere sordidata pessum issent. Si mucro meus alaudas Gallicanasque phalanges exertus distrinxisset, staret ad hunc diem innixa suis viribus Draconariorum potentia: nec Germanicos recessus Transalpinasque latebras, tanta rei suæ collabentis desperatione tentasset. Imperatoris inscitia nequitiaque Ductorum Trivultiacam ferocitatem urgentibus fati adaptam impulerunt: nunc potentiore adversario refracta majorique senectutis obice relicta friget, purulentæque ætatis sanie pæne absumpta contabescit. Bello vacantem, & castris obnoxium militum Ductorem, prævalidi corporis viribus præditum, & volucris animi vigore præpollentem esse oportet, quorum alterum in obeunda perficiendaque re tanta si detrabas, protinus evilescet: ubi vero utrumque, non ductoris, sed ne quidem militis sibi nomen merito vendicabit; quæ Trivultio mala ætas, effecto jam corpore, exhaustisque ingenii viribus lapsuranti jam pridem eripuit. Hæc eadem vobis mihiq; pleno florentis succulentæque ætatis vigore, Deorum gratia, cumulatissime suppetunt; benignique humoris abundantia prævirent; æstuat animus, supercilium salit, concita mens ardet, ad rem cum hoste Martio congressu peragendam: ad Transalpina illa gesa uno impetu confringenda; ad illos uno turbine nostro conturbandos immanium barbarorum ordines. Comovemur, excitamur, accendimur, ad illas spumante Baccho turgentes distentasque cohortes nostrorum objectu corporum imprimendas, colidendas, dissipandas. Pila vibramus, clavam quatimus, capulum tenemus. Nunquam vobis mihiq; fortuna largius indulgit: nec majore propitiata nobis obsequio, vota nostra complexa est: viam nobis præparat regiam & consternit ad laudem; ac uno perlevi modicoque conflictu, ingentem atque perpetuam sempiternis præconiis opulentissima cum re perducit ad gloriam. Ego Gallum dextro Marte, ego vobis, inquam, victum dedo, non ut viribus ingenioque sic & divitiis ac facultatibus impotentem. Onusti omnes auro argentoque, fortunis omnes largioribus abundantes luxuriant; opibus affluunt, torquibus, armillis, monilibus implcantur: pretiosissimas non sibi sed nobis vestes induunt; illi equi, illæ phalæ, illa stragula non sibi sed nobis explicantur; non Gallo sed Veneto, non Lilio sed Leoni, non sagulo sed togæ deprompta, parata, exhibitæque sunt; illi pecuniarum ingentes acervi, capacibus loculis folliibusque congesti, nostris usibus, nostris commodis insulciunt, adcumulantur, consipiantur. Et his non inhiat animus vester? his fibræ vestræ non palpitant? hanc in pugnam pectora cordaque vestra non ebulliunt? non inflammantur? non inardescunt? Quid vos igitur movet? quid vos tan-

gere potest & trahere? si non abundans prælargaque rerum omnium copia, si toto terrarum orbe celebranda, præclarisque doctissimorum monumentis in omne ævum transmittenda laus vestra non incitat, non impellit, non provocat? Ego quidem, ne me tantum verbis magnificum, ac hortando suadendoque audacem putetis, aut in cubiculo strenuum & sub umbra perculisque ferocem, ineundæ, sustinendæ, perficiendæque pugne, primas meas vobis partes polliceor: omnique arduo facinore capeffundo, omnibusque magnis attendendis & absolvendis rebus comitem & ducem ac periculis subeundis antesignanum dispondeo; & si vestra mihi totiens spectata, castrensibusque negotiis ac difficiliore bello commendata virtus fraudem non fecerit, profligatas omnes hac manu copias hostiles, his telis gladiisque dissipatos ingentes heroas, ipsumque augustum Aureliensem Ludovicum, tanto futuli spectaculo gloriosum, tantaque umbratili pompa triumphantem, superatum, devictum, captivumque promitto.

Magna prælocutum, ipsis oculis vultuque terribilem, ac toto corporis habitu spirituque mirabilem, promiscuus assidentium favor, indiscretaque militaris alacritas excepit: atque ipsi interim tyrones veteranique secum examinatissima disquisitione vires proprias hostilesque metiri; *Gallicanam* magnitudinem proxima concionantis oratione tenuatam deterere; obscurare, denigrareque speciosa ac præclara gentis ejus facinora, detrahendo, invertendo, abrogando; præterea collatas utrinque copias exactiore calculo supputare; sese etsi non omni militum numero præstantiores, at certe peditatu ac ferentario equitatu, si non omnino superiores, at sine controversia pares conferre; reliqua vero omni militia non inæquales lætari; ad hæc Ductorum prudentiam suorum attollere; *Petilianum* contatorem laudibus prosequi; *Livianum* strenuitate insignem prædicare; absolutam vero Legatorum solertiam, armatamque consiliis omnibus eorum sagacitatem admirari; atque ita sibi quisque partibus suis invicem favere; lætis extis, bonisque avibus felicia faustaque sibi omnia conjectari. Rex interea *Ludovicus* expediendæ perficiendæque rei suæ sollicitus, trajiciendi fluminis conscendendæque ulterioris ripæ consilium capit: advocatisque Proceribus, ac castrensium negotiorum magistris, cum eorum diligentia locorum situs, riparum declivia, editioraque castrorum explorata didicisset, substringendi compingendique pontis curam delegat. Quo repente subsuto perligatoque, confertissimos pedites ac levites, omnemque tripartito transmittit exercitum; & quanquam iniquiore loco, quoniam hostes excelsiora prævenerant, castra locat; tum vallo fossaque percingit, stationes dispartitur, excubias erigit, visores amandat, expeditissimos ac levis armaturæ viros ad noscenda disquirendaque hostilia omnia dimittit; dehinc quibus cura major & sollicitudo præcipua commentus insederat, alimoniarum comportandæ, subvectandorumque cibariorum admonet: alii frumentatum, nonnulli pabulatum, plurimi lignatum, materiaturumque frequentes in diversa profecti sunt. *Mediolanum*, Lausque proximior affatim omnia, cæteræque finitimæ regiones ubertim cuncta suppeditabant: nulla alimonialis inopia; sed magna condituræ sterilitas & penuria gænearum, ipsaque præcipue vini contempentis fastidia plurimos adfligebant. *Mediolani* siquidem egelidis fontibus argentibusque cellariis refrigerati plus quam æstivis nivibus pretiosissimi liquores arentia guttura sitibundi militis irrigata largiter humectabant: quæ nequaquam in castris æstulaboreque desiccata gratiore potu levabantur. Quippe translaticia ipsoque sub fervente cælo exposita vasa, dum perpetuis vaporibus incale-

A scunt, nullam sitientibus voluptatem tepore suo præbebant. Itaque muscosis antris, ac scrobibus, parvisque fastigiis vinum cantharis inclusum defodere; omnibusque madentibus ramis ac frondibus phialas prætexere; argentemque *Bacchum* omni frigida mollitie, sed in cassum, milites emendicare. Ad hæc instrata patentibus atriiis, crebroque flamine continenter afflatis triclinia, lectique cubiculares, præter amissas omnes esculentorum poculentorumque delicias, delassata castrensi sudore corpora nusquam excipiebant: sed bellico labore militaribusque negotiis irrequieta diu nocturne *Gallorum* corpora, majoribus in dies succedentibus molestiis, prægravabant. Hostes interea castris suis eminentioribus libratorum delectu superiores, assiduas præter excursiones levique de improvviso certamina, tormentis omnibus *Gallicana* castra pulsare; tabernacula confringere; tentoria discerpere; in ipsum vero Regis augustale prætorium frequenter tela missitare; pilas ingentes ferreas intorquere; omnia denique prædocta manu vibrata, excussaque peritior disciplina, jaculari. Protinus Legati *Petilianus*que de summa rerum consulentes, postquam barbarum trajecisse flumen vident, nec pugnam retrahentem, temere magis quam consulto, fortunæ discrimina perlicenter appetere, præfixerunt animis, resistendo, tergiversando, cavillando modis omnibus hostem delassare; *Gallicanas*que phalanges congressus avidas defrustrari: ut diuturni laboris curæque castrensis impatiens barbarica mollities, vesculaque *Gallorum* fragilitas, cum sustentare non posset, frangeretur; cum præcipue sumptibus infinitis eroganda menstruatim militibus stipendia *Gallicum* ærarium exhaustura forent. Et sane non imprudenter agebant, consilioque maturiore ducebantur: si modo suam fortuna temeritatem mortalium consiliis non intermiseret, humanæque sapientiæ domicilium turbulenta nonnunquam irrumperet. *Andreas* igitur *Georgius*que Legati, servandis castris suis custodiendisque militibus anxii, nihil intentius nec sollicitius agere, quam alimentariam numulariamque rem procurare: ipsoque *Petiliano* ex Legatorum sententia militibus imperante, omni diligentia præcavere, ne collatis signis acies concurrerent; sed ut cunctando sustentandoque proclivis in pugnam hostibus, illuderetur. E diverso *Ludovicus* in tanta re gerenda impavidus, suopteque ingenio ardens & ferox, omni studio curaque prætentandi *Martis*, subeundæque ancipitis fortunæ occasionem quæritare; promovere castra, aciem instruere, pugnandi copiam facere; & quanquam magno irreparabilique dispendio periclitaretur, summoque potius rei *Gallicæ* nostræque lapsu nutaret, hostem tamen de proximo provocare, & quanquam acclivior loco, modis quidem omnibus assilire statuit. Igitur primum omnium, Deos Deasque prisco gentis instituto, precari, obsecrareque reverenter, ut successus tantæ peragendæ rei prosperos darent; *Mediolani* per Pontifices & Sacerdotes, ipsasque per sacras Virgines obtestari orareque suppliciter, ut tanto propinquoque discrimine *Gallicam* omnem *Italicam*que rem præsidio suo juvarent; in eorum arbitrio potestateque omnia sita esse: non temere movisse bellum, sed irritatum insidiis hostilique malitia laceffitum intulisse; proinde respicerent æquitatem, annuerent sinceritati, *Gallicique* candoris puritatem complecterentur. Hominem infirmitate sua caducum & debilem, quanquam valida stipante manu præcinctum, nisi Dii ipsi immortales propitiati benignius aspiraverint, haud certe quicquam consequi posse: suas ingentes copias, militum suorum strenuitatem, magnanimitatemque ductorum, ne flocci quidem ullius penique fecisse, nisi Deorum expressæ nimbo saluta-

tares undæ subroravissent. Errare graviter ac decipi, quicumque potentiae virtutis suae confidant: ambitiosae, jactantis, petulcaeque mentis esse, non omnia Diis accepta beneficia referre. Post hæc militem impendio cohortatus, cum infamiae mortisque, si languentes & timidi, si vero fortes & strenui conflissent, felicitatis & gloriae præmonuisset, signa tolli confestim imperat: ac quadrato agmine, suisque sub signis, ordinibusque dispositis militibus, velut oppidum *Pandinum* petiturus, itinere certo, quanquam maligniore progreditur. Sanxerat animo *Ludovicus*, quocumque rerum discrimine, bellique fortuna, quam occissime digladiari, ferroque decissam repente causam omnem absolvere: quoniam castrensibus æstivisque laboribus perferendis indocilem *Gallicanam* molitiam præsentiebat; & quoniam suoptegens ingenio ferox turbulentaque, cito transfigere, dubioque exitu quocumque versata, protinus elabi modis omnibus cæstinat. Sed tamen in tanta gerendae rei cupiditate, committendarumque desiderio copiarum, occasionem, si quam fortuna melior obtulisset, animo meditabatur: ne veluti de compacto suas internecioni legiones suaque temeritate demens apertis copias periculis obestaret. Quocirca frequenter hostium explorare consilia, & quaecumque *Venetica* sagacitas præstrueret & maturaret, inquirere. Persuasissimum autem habuerat hostilis prudentia, Regem nunquam ex iniquo dimicaturum: sed ex locorum opportunitate, vel meliore fortuna, quæ semper illi *Venetorum* consilio Legatorum, Ductorumque prudentia suorum præriperetur, congressurum. Proinde sese castris suis continere, & quanquam verbo pugnam non retractarent, ipso tamen facto, si *Gallicanæ* campis acies explicarentur, alia atque alia causando excusandoque differre Legati decreverant: donec ex improvviso Deus rem fato meliore componeret. Interea tamen si quid hostis moliretur, oppidum invadendo, aut urbem oppugnando, prævenire vel subsequi, præstoque esse, ac ne socialis fides præsidio destituta deficeret, accurate prudenterque statuerant. Sollicitus ergo Rex quibus dolis artibusque *Venetum* ex abdito in aperta pelliceret, *Pandinum* iter fingit; ac ut manifestiore conjectura causam juvaret, faceretque fidem insidiis, hostilem viam, qua perrecturus miles *Venetus* putabatur, decisis ramis arboribusque revulsis præpeditam obimplicat: ut retardare proficiscentis iter velle crederetur; ipse diverso itinere quanquam iniquiore loco, parata tamen & instructa acie veluti conflicturus *Pandinum* iter dirigit. Proficiscentem *Gallum* suo *Venetis* editiore loco prospectans nihil plane sollicitius obibat, quam maturantem illum prævenire. Nec enim ullus configendi metus, aut ulla pugnae suspicio fuit: in tanta præsertim iniquitate locorum viarumque dispendio. *Livianus* igitur, qui nulla concurrenti spe *Pandinum* festinabat, improvido milite, laxis ordinibus, ipsoque pæne omni in-composito agmine *Nicolaum Petilianum* prægressus, paulo longius ab eo, sicuti quidam scribunt, diverterat; & ut *Cælius* addit, discoidem etiam exercitu: cui nunquam assenserim. Etenim qui fieri potuit, ut discordem in re tanta *Petilianum* Principes *Veneti* prærogativis ac dignitatibus præhonestarent? quem & dilexisse & adamasse deinceps certo scimus. Rursus in eam adduci sententiam non possum, ut reluctantem *Livianum*, Imperatorisque *Petiliani* dicto non auscultantem *Andreas* atque *Georgius*, summa præditi potestate castrensumque rerum moderatores, non corripuerint ac castigaverint. Quod si importunam emendationem, intempestivumque censuræ distringendæ locum excusent hi, qui *Cælium* sequuntur, respondeant quæso (si Diis placet) cur *Livianum*,

A cum in vinculis esset, præcipuo singularique studio *Venetus* redemerit; cumque inter ipsum *Gallum*que deinceps redintegrato fœdere convenisset, cur hujus reluendi Viri cura impensiore teneretur. Dixerit aliquis, ut insolentis tumultuariique Ductoris contumaciam ex lege plecterent, suoque de more pœnam exsequerentur: atqui vinculis ereptum redditumque libertati benevolentia complexi sunt, suisque congruentibus titulis profecturi. Quod si dolo lapsus vel fide, tantillum, vel, quod ajunt, unguem declinasset, severissimas ex ipso fonte pœnas exegissent: ne delicti gravioris atrocitas suam præsertim in Rempublicam inulta maneret. Quod vero *Mocenicus*, qui *Livianum* ex merito virtutis ejus commendat, Ductores alios res novas molitos scribit, alios etiam majori suarum cum parte copiarum ab hostibus aversos, ne quidem in *Gallum* aciem direxisse, non abhorret a vero. Vulgatiore siquidem fama & *Mediolani* & in castris innotuit, Ductorum nonnullos a *Venetis* ad Regem descivisse: fideque lapsos, majora *Veneto* dispendia quam *Gallum* intulisse. *Livianus* certe cum in vinculis esset, *Petilianum* incessivit acerbius, dictisque Virum amarioribus detaxavit, quod depugnantem acerrime, pæneque *Gallos* consternantem, sua integra acie suisque subsidiariis ordinibus non juverit. Sed expurgatum scimus omni crimine *Petilianum*: *Venetæ*que rei conservatorem magis quam everforem fuisse. Procedente igitur *Ludovico*, susceptumque iter peragente, *Livianus* non discordioso plane nec rebelli spiritu, sed jure suo prævium agmen agens, *Pandinum* contendebat: pauloque longius a *Petiliano* non livore nec contumacia digressus, sed ut properantem gradu suo Regem præveniret, rerum securus anteibat. Et jam omnis armaturæ levis equitatus, ignava cum omni hostilium tormentorum classe, *Gallorum* agmen primum, ipsasque acies antesignanas excefferat, cum profilientium elati de improvviso militum clamores, excussaue dilatentibus tormentis pondera, ac undique circumfusæ *Gallorum* acies a tergo, a fronte, a lateribus, horrifico terrore contrepuerunt. Inopinata res, impræmeditatiue militum accursus, tum Martialium creberimi tormentorum ictus ex obscuro saxa pilasque conglomerantium, hostilem exercitum vehementer conturbavere. Quippe *Trivultius*, cujus ingenio virtutisque plurimum Rex semper tribuit, cum *Venetorum* potentiam, Ductorumque solertiam eorum ac Vires innumerato haberet, nisi hostem insidiis circumventum opprimeret, deluderetque prudentiam eorum altiore prudentia, victoriam ex æquo certamine desperabat. Itaque post emolitos corruptosque Ductorum nonnullos Procures, quos pollicitationibus ac donativis ingentibus ad Regis obsequium attraxerat, simulatumque iter, cum nihil minus quam iter cogitaret, tormenta quoque castrensia, senticosos inter calles ac vepribus obseptos tanta arte defixit, ut hostis priusquam animadverteret, consterneretur. Signum etiam dederat, ut clamore militum elato, tunc demum tormentarii prægnantium organorum pondera uno rigore unaque foetura prolaxarent: nec ipse quidem affiliendi signum daret, donec omnis acies hostilis explicita, plenos ictus tormentorum, nullo prorsus irrita cadente, foret exceptura. Horum ergo omnium inscius Ductor *Livianus*, cum longe prægressus, omnem mediam postremamque aciem sub cultro reliquisset, repentino cæli configentis terrore concussus a *Pandino* ad hostem convertitur. Nihil certe prudentis animum impatientius fatigat, nec curis acrioribus distringit, quam cum alia cogitanti alia offeruntur, longeque diversa, mentisque conceptu prorsus abhorrentia, subitariis casibus oboriuntur. Intendebat *Livianus* com-
meandi celeritate *Gallum* prævertere: datoque

militibus suis tranquilliore otio, aciem instruere, adventantibus occurrere, fessosque de via *Gallos*, recreatis cum legionibus suis opprimere festinabat. Sed aliter adversarii singula præmetientis acutius evenisse prudentia cognovit: quippe intercito itinere, revocandi milites, explicandæ acies, committendæque manus inopinato certamine fuerunt, quæ præferocem ædepol strenuumque Ductorem percellere consternareque potuissent. Ille tamen mentis interritæ, infractique Vir animi, subito conversus, pugna milites admonere, admonitos disponere, dispositos promovere, promotos urgere, hortari, accendere. Dura sane conflictus facies & aspera: cum pæne dementes attonitique milites, ubi starent, quo pergerent, ad quem se reciperent, ignorabant. Sine ordine, sine jussu, sine signo hæere; alter alterum impedire, invicem obluetari; seseque mutuis ictibus allidere: quos irrequietus obequitando cursitandoque *Livianus* signo, voce, manu, componebat, dirigebat, animabat; mox collatis utrinque pedibus, cum tormenta pilas saxaque depromerent, dissonoque cælum fragore congemeret, ipse unus omnium depræliantes acriter vultu teloque formidabilis adjuvare; terrere hostem, incitare socios, declinare ictus, faucibus integros sufficere, ignavis ardentibus substituere, debiliores robustioribus confirmare. Jam se receperant ex tanto metu instructæ acies *Venetæ*, animatæque ferociter & strenue dimicabant: etenim quanquam paulo ante confusa conturbataque omnia sic involverentur, ut nulla justus conflictus esset facies apparitura, magnorum tamen Ductorum ipsiusque præfertim opera *Liviani* furentis, instaurata redintegrataque suis ex ordinibus dispositæque per acies omnia jam constiterant. Itaque magnis utrinque viribus concursus est, magnoque valentissimorum utrinque studio Ductorum asperrime sævissimeque decertatum. *Livianus* unus inter omnes increpitare, unus omnium feroci prælatus equo strepitare, ipse cunctos ordines intercursare, cornua flectere, latera fulcire, omnibus interesse. *Gallicani* contra Ductores, ipseque inter primos audacissimus omnium *Ludovicus* non hæere, neque cunctari: quanto naufragio laboraret, quantaque sub unius horæ labentis articulo moles rerum versaretur reputare secum, diligentiusque metiri. Itaque magno Vir spiritu, cum corpore tum voce sua fortunam impellere; spectatam veterani novitiique virtutem ipse præfens laudare; ardentem præclareque patrata ignave turpiterque factis opponere; collatione alterius alterum provocare; stimulorum omnium incentiva subicere; ipse omni agmine antico posticoque ac medio versari. Debachabatur his stimulis incensa juvenilique calore præfervida juvenus, nulloque vitæ diuturnioris ingenito respectu, manifesta mortis in discrimina proruebat. Cumque fortissimi *Gallorum* equites hosticam aciem violenter imprimerent, Summatum Patriciorumque plurimi nostrorum, cum ne *Gallo* cederent, tum ut ipsa omni acie diversantis gratiam Regis aucuparentur, incitatissime strenuissimeque confligebant. Crudelia fœdaque omnia, & cadentium & morientium strage confusa, cunctis late squalentibus inhorruerunt. Lachrymabilis erat & miserabilis rerum ubique funestiarum omnium aspectus, quique sui perhorrentis terrore spectaculi, visentium oculos procul averteret: stabant ingenti strue congesti cadaverum cumuli, novoque semper acervo succrescente morituri mortuos percellabant; permixta jumentis humana corpora, mutuoque invicem cruore respersa, reciproco pondere gravabantur; tum & confuso profluentes sanguine rivi, longo terram ambitu permadentem irrigabant. Multi sane *Venetorum* ferro cum urgerentur, inclinatumque suam aciem

A viderent, in confertissimos hostes incurrerunt; ibique truculentissime certæ mortis gloria dimicantes, defunctos inter hostiles globos reperti sunt: adeo fubeundæ mortis contemptus & vitæ desperatio concitos agitabat; quorum nomina nonnullorum literis prodidere, qui charactere historico rem plenius exsecuti sunt. Depugnante pro Rege *Gallum* multa juverunt: præcipueque tormenta vepribus ac frutetis obscura, quæ prodeuntem incautum hostem graviter adflixere. Contra vero, hostilia tormenta sive dolo, sicuti quidam aestimaverunt, sive adverso ventorum impetu, in ipsosque tormentarios reflante aura, parvis *Gallum* detrimētis affecere. Sed & improvisa res, lubricaque fides, nonnullisque Ductoribus parum constans, majorem *Veneto* jacturam intulerunt: gravissimam vero, quod *Petilianus* laboranti magno discrimine *Liviano* suis cum copiis non affuit, Legatis, ut vulgo receptum est, interdicentibus. Hoc siquidem asperrimo atrocissimoque bello, cum utrinque tanto animorum ardore, tantoque despectissimæ vitæ contemptu, res gereretur, ac præcellentium Ductorum strenuitas, ipsiusque maxime ferocientis *Liviani* fervor indomitus alternantem victoriam sustinuisset, cerneretque prævii sui agminis acies magna ex parte sævitia Martis adobrutas, *Petilianum* spe certissima victoriæ præmonuisse dicitur, ut suo integro milite, suisque cum subsidiariis legionibus, succurreret. Quod ille non temere nec inconsulto sprexit, sed ipsa re ad Legatos relata, cum de reliquis perdendis militibus non futilis timor incessisset, quod jam insidias, acclinantemque fortunam Legati præfenserant, illorum repressus imperio destitit. Cujus experts rei *Bartholomæus*, cum procellæ Martis perpetuo telorum fragore pertonarent, totaque ferri rabies suam in aciem despumaret, accitis ad latus suum fortissimis quibusque, in robustissimas præliatorum cohortes concito translatus equo provehitur: ibique barbarici roboris scopulo totam virium suarum aciem defricat, omni corporis sui parte versatilis, omnibusque membris in certamen ope summa prænitentibus. Illustria præstantis viri facinora multis quidem admirabilia fuere, quæ eo tolerantius atque constantius Vir undequaque strenuus cumulabat, quod affuturum præsidio *Petilianum* suis actutum cum copiis opinabatur. Itaque cum feroci insidens equo, congressus, proterendo, feriendo, reculandoque, adversam novercantemque fortunam evincere non posset, nec impotentius reluctari, equo desiluit: pugnaque crudeliter instaurata, clamitando, territando, cædendoque, desudantes & exagitatas hostiles ubique copias anxius multo labore fatigabat. Cum in tanto Martis turbine mortisque periculo præsignis Viri virtus præluceret, duriorique obice diu vires obluetata, suspicientibus cunctis clarius explendescerent, suggeriente a tergo, explicataque pone longius alā, cum aliorum impacti bellatorum cunei violenter irrumperent, circumseptus undique, nulloque non vulnere fœdatus capitur. Illico cum parta veluti repente victoria, præsultantium militum alacritate cælum terraque confremeret, confusaque cum metu tum gaudio passim omnia tumultuarentur, extemplo tantus horror incubuit, tantaque perturbationum militum omnium trepidatio facta est, ut veluti jactum de cælo fulmen omnes perstrinxisset, dispalantes vagique per agros, nullo duce, nullis signis, nullo ordine spargerentur. Incredibilis plane, multorumque literis in omne ævum transmittenda, dissipati tanti exercitus profusio. Tot uno pæne momento cohortes, turmæque tot præstantibus viris summisque Ductoribus gubernatæ, disceptatæ, confractæ, retritæque sunt. Ad multa passuum millia jactatæ sarcinæ; abjectaque velut impendente naufragio campis equorum mu-

bem, alii diffita majore lapsu laquearia raptant, trahunt, convectant, judiciorum legumque securi. Sic Imperii *Veneti* machina revulsis compagibus procidente, imbrices, asserculos, tabulas, hoc bellicarum æstu flammaram, *Venetae*que tempestatis naufragio projectatas, intenti circumquaque vicini Principes injectis avidissime manibus attrahere; expositæque velut prædæ faucibus apertis inhiantes, obuncta mordicus abligurivere morticinorum intestina. *Hispanus*, qui *Parthenopeo* Regno fruebatur, loca *Venetis* obnoxia, assultibus repentinis ingrassatus obtinuit. Eo bello miram navasse tunc operam *Antonius Leva* dicitur, ab his, qui eo loci in acie versati sunt, quique eum pulverem ebiberunt: sed nisi ante postque, majora clarioraque manu sua compatravisset, non eum plane locum famæ gloriæque suæ paravisset, quem nos deinceps eum possedisse cognovimus; nec ea dignus laude prædicaretur, quam præconio crebriore promeruit. Etenim facile fuit tanto fragore prolabantem fortunam adurgere: equoque sua sponte procurrenti fluitantia lora promississe. Quod si tantum *Agnidilinis* arvis, exaugurato funestioreque loco, res *Veneta* stetit, placuissetque fortunæ peregrinari, nec prudentum consilia perturbare, non *Gallus*, non *Germanus*, non *Hispanus*, non *Julius Pontifex Maximus*, non *Attestini*, non *Gonsage* Reguli, *Venetam* togam solidiore filo contextam forficibus ullis discerpere potuissent: sed eam Dominæ præpotentis imperia, divulsam concisamque spargere, abjectaque procul ejus segmenta, colligendi facultatem cæteris præbuerunt. Ergo cum *Hispanus* sua vendicasset, asseruissetque propria *Mantuanus*, *Alphonsus* quoque paternæ virtutis & ditionis hæres eluxatum mancumque compegit & redintegavit imperium: cherronesumque suam, quam *Padus Atthesque* circumlunant, agrorum lætitia ac frugum ubertate felicem, *Polissimum* vulgus dictitat, ingrassatus est; exoptatamque diu promoti milite suis finibus adjunxit. Tum *Rhodigium* ejus quoque regionis metropolim, *Rhodiginique* juris Abbatiam, ac *Lentinariam* pari jugo devinxit: concopulavitque omnia, quæ suorum esse majorum suique juris, de re sua disceptator ipse sequesterque, judicabat. *Julius Pontifex Summus* tanti procul elucis incendii non expers, quamquam *Urbinate* fortunam adjuvante, nunc demum enixius perurgente, cuncta, quæ pontificii juris esse censebat, impressione copiis suis facta recepit. Cæsar domi sedens feriabatur: fortunæque tumultuantis ludibria prospectabat; nec fieri posse ducebat animo, ut ea suis moles subnixa pedamentis, juncturisque firmioribus undique solidata prorueret. Sed postquam adversi calus ruinæ, cum ipsius machinæ cadentis plangore, tum late pervadentis famæ rumoribus, obtupentis aures repleverunt, castra movit: ac vix *Tridentinis* collibus ascensis, arreptisque vix ad peragendam rem frameis, cum exagitata omnia fortunæ perbacchantis impetu commiscerentur, cuncta, quæ sui juris esse censebat, nullo hostili congressu, suam confestim ad manum revocavit. Quippe *Vicentiam*, *Patavium*, *Veronam*, universumque *Julii Forum*, Utino duntaxat excepto, sicuti *Cælius* scribit, tum & *Tergeste*, *Goritiam*, pluraque alia, quæ *Baselius* notat, uno latiore limbo, unaque longe diffusa peragrantis victoriæ fascia percinxit. *Mocenicus* omni quidem testis exceptione major, hanc rem in hæc verba prosequitur: *Igitur Patres trepidatione potius quam consilio ducti sunt adversæ fortunæ cedere; & omnia utcunque petita, omnibus ultro tradere: sicut & Julio Pontifici Ariminum, Faventia, Ravenna, Cerviaque tradita sunt; Duci vero Ferrariæ tota Rhodigii peninsula, & Regi Hispaniæ civitates Appuliæ: sed Regi Romanorum tradita est Verona, Vicentia, Pa-*

*tavium, ne Galli rem in Venetam ul'crius progredirentur. Et paulo post, pari modo Rex Romanorum non contentus habere Veronam, Patavium & Vicentiam, novum gerere bellum cepit: in istria, & Foro Julii. Hactenus ille. Qui in Gallia, qui in Germania, quique in Italia gestas res tempestate nostra scripserunt, quanquam aliis alii dispositus & plenius, nonnulli etiam delinatus atque politius, in hoc tamen omnes part stilo parique calculo consensere, universos fere ditionis *Veneta* fines, quos sibi Cæsar addictos jure vel injuria, vendicabat, ejus in potestatem esse redactos: sed alio alioque modo. Ego quidem ab his, qui tunc *Gallico* ære merebant, quique in acie versabantur, accepi, cum profligato exercitu fufisque legionibus *Venetis*, lato cuncta prospectu *Gallis* victoribus disputerent, oppidorum urbiumque præfectos ac Decuriones, acclinanti fortunæ indulgentius obsequentes, vix dum *Lilinis* insignibus prospectis, ultro Regi portas aperuisse, ac claves obtulisse; cumque ipse *Cremonam*, *Bergomum*, *Crema*, *Brixiam*que jure suo recepisset, cætera omnia, eorumque deditiois signa, *Maximiliano* Cæsari transmisisset; ac reluctantis amicis, neve in ipsius victoriæ concalescentis fervore æstuque frigeret, suadentibus, sed ad extremos ut terrarum usque margines orasque maris progrediretur, hortantibus, substituisse, ne læsæ fidei violatque fœderis convinceretur; atque tunc ipsos pertinacius contententes respondisse, non eum iccirco temeratæ legis reum videri, sed majori virum beneficio promerere: omnia siquidem Cæsari deinceps relaxasse, nulloque ipsius detrimento parta resignavisse, impensioris fidei beneficiique plenioris fuisset: cum præsertim ipsum victorem *Gallum* omnes æquius ac reverentius observavissent; ipseque validius atque potentius defensare, tutarique universam rem suam potuisset; cumque pæne sua dejectus opinione, paulatim hanc in sententiam flecteretur, adversante *Rhotomagensi* Episcopo reduxisset funem, ac restituisse: quoniam sicuti quidam æstimaverunt secretorum scrutatores, harumque rerum omnino non ignari, cum Principes *Veneti* modis omnibus rei suæ caverent atque prospicerent, multaque *Rhotomagensis* arbitrio, ne universam rem dixerim, pendere liqueret, hunc conciliatum sibi propositum esse voluerunt. Addidere nonnulli, quamquam re mihi parum ex fide comperta, ingentia grandiaque pollicitos: atque si opera suffragioque ejus res *Veneta* constitisset, Pontificatum etiam *Maximum* promississe. Quorum ille memor omnium, ut consilio rem *Venetam* suo juvisse, suaque pro virili beneficiis affecisse videretur, titubantem repressit: quo suas intra metas residente, legitimique præscriptas termini lineas observante, reliqua Cæsar sive Regis beneficio tradita, sive ipsorum ultronea *Venetorum*, vel populorum oblatione resignata, possedit. Sed in ipsum qua manu provoluta confluxerunt, eadem revoluta ab ipso protinus refluxere: sicuti tortilibus ex ordine verborum spiris, & in sese tractu perpetuo recurrentibus, ad insumptæ materiæ consummationem, suis nodis suisque vinculis protinus alligabo.*

Hostilibus igitur copiis adverso Marte profusis, quanquam *Gallus* ad manum omnia verteret, excellentiaque omnia victoris pedibus adsternerentur, progredienti tamen illustriusque victoriæ gloria lætabundo, scopus obexque paulo durior properantis iter intercudit: diduxitque complanatam Regiæ viæ soliditatem. *Veneta* siquidem jurisdictionis præmunitum omni robore municipium *Piscaria*, *Ludovico* sese contumacibus animis objecit. *Latentius Bergomates*, strenuitatis vir non ignotæ, collectis exercitus dissipati fragminibus, in illud sese receperat: confirmatisque militum animis,

rationem præcomptæ mulieris cœtus ingerebat : quoniam coronæ, equi, trophæa, manubiæ, optima spolia, cæteraque triumphorum ac victoriarum insignia, cunctis olim obvia fuere ; sed admirabili tantoque nympharum ac dearum theatro versari, nulli sane præterquam uni *Ludovico Aureliensi*, potentissima fortissimaque gente, Deorum Imperio, devicta triumphanti, datum est. Miravidebantur & erant omnia solo instrata, pensiliaque cælo, quæque lævorum atque dextrorum suffixa patebant : sed omne vincebant opus, cum lascivissimarum formarum speciosa miracula, tum exhausti magni belli magnique discriminis superati secunda recognitio. Erecti quippe triumphales arcus recolendum Majestate sua *Ludovicum*, rerumque magnificentia gestarum admirabilem, dum sese *Jovis* in arcem ex delubro Virginis recipit, triviis compitisque progressum excipiebant. Ibi belli totius series disposita, effigiataque levibus penicillis imagines spirantibus tabulis intervivebant ; digesta membratim per transtra forosque conglutinati belli materia discernebatur ; reflorescebantque vegeti spiritus, rediviæque *Ludovico* ferocitas insolecebat : cum sese tanto apparatu totque legionibus oppositum hosti terra marique potentissimo pictura planiore relegeret ; succensentem sese Principibus *Venetis*, eorumque Legatis interminantem asperrima contuebatur. Gaudebat præcipiti cursu suo celerique festinatione superatos *Alpes*, & attonitam tanti belli molimine Civitatem adventu suo recreatam, totque contractis pugnatorum millibus refocillatam congestiebat. Suos inibi Ductores, suosque Procures de re bellica differentes, omnemque fuscipiendi belli finiendique rationem diligentius explicantes admirabatur. Se quoque medium inter eos sedentem, exigentemque de re dubia singulorum opiniones, mox collatis pensatisque omnium sententiis, ea decreto suo fancientem, quæ majori pondere constarent, quæque felicior ad exitum maturius perducerentur, incredibili voluptate spectabat. Nec procul inserti pontis compage, fluminisque trajectu restrictos hostes, impetuque proruentium *Gallorum* attonitos conspiciabatur : horrentem *Livianum*, immitique picturæ vultu præferocem, contatorem *Petilianum*, prudentemque togatos inter bellatores Ductoresque fortissimos agentes, cernebat ; consiliorum suorum arcana rimabatur, diversarumque conflictus sententiarum explorabat. Illi magnam belli molem periculorumque aleam assidua mentis cogitatione versabant ; dispartiebanturque prægravantis fortunæ fascies, omniaque præcipitis fati pondera, si aliorum vota cecidissent, consulti sanctique Senes levi manu sua dispensabant : *Ludovicus* vero consiliis eorum insultabundus adversabatur, in ipsaque conscripti flammis lectione, cuneis omnibus impulsis, suæque omni acie promota, diffusam hostilem militiam imprimebat, scindebat, sternebat. Artificum prædoctæ manus, tantoque operi exæquando laboriosæ, suspensas miris modis lineas inducebant, dirigebant, reflectebant. Tum vivis coloribus & halante fuco diversarum formarum imagines, speciesque rerum mollissimas, in ipsos motus palpitantibus venis, ac membris connitentibus, animabant. Crederes equos hinnire, plangere solum, sanguinem fluere ; præcipientes hinc *Gallos*, ruentes illinc *Venetos*, dissentis telis, viribusque concitis omnibus concurrere, permisceri, conflagrare : adeo exacta omnia, suisque finibus terminata, insufflato coloribus spiritu, fervens pictura vegetabat. Stabant suppallentes *Veneti* milites, ac velut aversis equis & sinistro Marte pugnaturos, mœrebant : *Livianus* furoris impatientia, victoriæque prolabantis dolore vehementer accensus, omnia cælo terraque miscebat ; ubique locorum magno ardore, flammis ubique locorum ingentibus agitaba-

A tur. Omnibus picturæ spatiis, omnique tabularum albo cursitabundus, increpabundus, tunitabundus, fulminabat : mortuos jugulando, inanesque flagellis umbras verberando. Mira quidem omnia, præstantissimorumque virorum ingenio conficta, visentium oculos convertebant : sed illud præcipua, majorique admiratione mortalium pectora mentesque replebat, quod dum victoriæ sponzor & obses *Livianus* invito Marte colluctatur, contraque repugnans fatum violentus defudat, singularis egregiaque Viri virtus majore miraculo lineis expressa, quam castris & ipsos inter hostes exercita præluxit. Illius siquidem omnes motus, nec pugnas omnes ad numeros dum hostili campo, in ipsaque acie versatur, milites Ducesque videre poterant, sed alius alia, strenuiter & impigre facta, ut oculis cujusque fervidus ac factitabundus occurrerat, conspiciari : at in ipsa spectaculorum serie præculto pollice digesta omnia, viventibusque lineis effigiata, multo lumine coruscabant. Longo examine, spatiosisque marginibus illustria Viri facinora censebantur : & cum admiranda omnia spectatores olim audissent, nunc eadem omnia cominus admirabiliora cernebant ; atque cum singula magni Ducis acta prospicerent, tantoque sudore ac sanguine sordidatos artus intuerentur, captivum protinus & ad Regis pedes stantem *Livianum* suspiciebant ; inconstantisque fortunæ lusus, ictusque volubilis pilæ reciprocos admirabantur. Exinde profugi milites, confusæque bellatorum omnium turmæ, tanti Viri captura, tantoque amisso Duce, ex ipsis picturæ claustris amentes alienique protinus erumpebant. Mira dictu cum stantes effugerent, defixique omnes in avia raperentur. Sic cum diurnis curis anxie mentes hominum dulci statim subrepente fomno stratis suis incubant, præteritæque rerum imagines conquiescentibus advolvuntur, præcipiti saltu nonnunquam exilire, suisque cum sopiti lectulis jaceant, transcendere septa, hostiumque manus insequentium declinare sibi videntur ; seseque imminentibus, cum in ipso otio languentes sint & immoti, trepidanter eripere ; tenues etiam argutasque nonnunquam voces expromunt, inceptus clamor frustratur hiantes. Harum talis rerum species erat, talique adumbratæ artificis ministerio figuræ, coloribus infusus viventes agebant. Illectabat animos voluptate titillantes miraculorum speciosa lectio : sed inter omnes Rex ipse magno singulis spectaculorum plagulis affectu distinebatur. Tum vero lætitiis omnibus incescit, extumuitque pleno dilatatus impetu, cum ad ipsam *Jovis* arcem deventum est. ibi cælo moles educta stabat, arcuque complexa triplici fornicabatur, bipatenti capacissimoque Regem aditu gratanter excipiens. Univerfus terrarum orbis axe commoto, tremefactisque pæne cardinibus adventanti *Ludovico* parebat : imperantique præcelso culminis sui fastigio parere reverenter & obsequi cuncta videbantur. Tum interditos fines peragranti, perque hostiles oras progresso, muros disjicere, claustra dirumpere, portas aperire, uno propensæ voluntatis studio cives invicem & hostes contendebant ; decertabantque cumulatoribus officiis & impensiore obsequio *Gallicanam* amplitudinem promereri : alii civitatum arciumque claves offerebant, propioribusque periculis anxii dedititias mentes, omnique devotione simulatos affectus pollicebantur ; nonnulli victoris opportune conciliandi, aucupandæque ejus benevolentiae gratia, suarum raptim urbium insignia mulctatio ære elata præsentabant, præferabantque civium immatura vota, præcoquam fidem, importunum jusjurandum. Tota *Cenomanorum*, tota *Japidia*, universaque latis finibus effusa *Venetia* regio, *Ludovici* unius edicentis Imperio parebat. Ignari rerum populi, tantique turbinis fra-

fragore pavitantes hærebant; Summates vero tumultuantis impetum fortunæ properanter secuti, vasto profundioreque pelago jactabantur: cumque modo furentibus autris provoluti, nimbosam hyemem pluviasque hyadas penulis centonibusque suis defenderent; e vestigio reflantes Zephyros, ac nubes hyememque propellentes respectabant. Ad eo vecordes delirique mortales, dum perpetuo unoque flamine vela sua distendi semper existimant, reflantibus ventis adobrutum demerguntur. *Venetici* Principes, quique castrensium urbicarumque rerum curam susceperant, subvertentem consilia fortunam digestaque conturbantem omnia, gravabantur: inquieta confusaque foris omnia, atque uno horæ brevis articulo solidioris Imperii molem amplissimam, aliis alias percellentibus clades, alteraque alteram propellente ruina procidisse, salva dignitatis imperiique sui majestate dolebant. Obstupescientes illos invicem, alternoque invicem obtutu in sese conversos videres: miraque præditos constantia Patres, cum fortuna destituerentur, non destitutos ingenio nec consilio mirarentur. Effinxerant laxiores togas, suosque manicas in sinus obliquaverant studiosi artifices: tum & præumentibus infulis astricti crines, nullis ex orbe suo peccantibus summittebantur. Ad hæc elegantes juvenum crepidulæ, nullis rugis concrispatae, sua prænitente politura splendebant. Congruum decentisque more suæ gentis togatæ cultus, censorios viros, publicarumque calamitatum moderatores vestiebant: intractabiles severique senes, quanquam torrentibus curis ambuti, diligentia tamen sollicitudineque sua publici mœroris incendia temperabant, sævique Martis pressuram intercedendo consulendoque sublevabant, provincialium facinora secum omnia bona malaque reputantes, exacturique mox singulorum, & ad numeros prætorum omnium rationem. Hæc variis impressa proscriptaque figuris *Ludovicus* seriatim perlegens, omnemque summa cum voluptate picturam ex alto perlustrans, flaccidis & inanibus oculos nutrimentis pascebat. Hisque gestarum inflatis foliis rerum provectus, sua cum blanda lenocinanteque fortuna, dies aliquot in ipsa *Jovis* arce conquievit: mox omnium rerum statu composito, suisque Proceribus ex cuiusque meritis & virtute donatis, cum magno Rempublicam *Mediolanensem* congiario prius affecisset, *Transalpinam* in *Galliam* profectus est, suisque amœnioribus oppidis commoratus desedit.

His dum fortuna lenimentis *Gallum* fovet, sinuque repenti *Ludovicum* amplectitur, *Venetici* milites nonnullique Ductores eorum, sive iusto metu conterriti, sive *Venetæ* Reipublicæ salutem desperantes, nihil animo præter indecoram ignobilemque fugam suo concipere: quotidie palantes agi; & hac & illac licentius oberrare; non colligendarum reliquiarum disiectique exercitus reparendi curam habere; quin & Ductorum imperia suorum detestari, velutque sacramento soluti, iusu suo contumaciter agere; facinora, quæcunque collibuisse, post omnem exculcatam militarem disciplinam, abjectamque bellicæ laudis gloriam, admittere. Atque ita confusis omnibus, quæ suæ fortis arbitrio versata, fortunæ cardines impulsu rapiebant, in extrema finium, ultimosque ditionis *Venetæ* recessus indociles vagique milites abiire: vociferabundi comminiscensque invicem, *Venetam* Rempublicam omnem exercitum propediem missuram, sublatisque stipendiis liberiolem omnibus commeatum irrogaturam. Quade re castrorum Præsides animo vehementer commoti, Legatos convenere: cohortatique sunt, ut *Venetici* Senatus mentem aperirent, ne dissimulata res, maleque diu silentio velata, majore dispendio militem afficeret; si bellicam operam ipsi milites *Veneto* non præstent, in aliorum verba juraturos, secuturosque

A que diversi vexilla principatus ajebant: proinde commonerent, ut tempestive rebus suis consulere possent, deprecabantur. Quorum exasperati dictis precibusque Legati, ipseque præsertim *Andreas Gritus* confestim omnem exercitum advocavit; omnesque pedestris militiæ Magistros pariter & equestris civiliter allocutus, eam præfixam esse *Veneti* Senatus *Venetæ*que Reipublicæ sententiam disseruit, ut exercitum nullo modo dimittat; sed copias supplemento reparet, cunctisque debita stipendia persolvat; nec enim eam esse Rempublicam, quæ vel majori clade suscepta possit succumbere, sed quanto depressa fuisset, tanto sublimius & excelsius elaturam verticem suum docebat: proinde constantes in fide, navandoque militari opera sese gnavigiter expeditos alacresque præberent, quoniam his instituta moribus esset & informata sua Respublica, ut dignitatibus ac compendiis exornaret cumulareque eos omnes, qui ingenio, sollicitudine, operaque sua communem rem juvissent; agerent ipsi modo viriliter, & quam ingressi fuerant defensionis viam insisterent. His breviter strictimque peroratis, delectum indicit, exercitum lustrat, stipendium solvit. Tunc cathaphratti milites sexcenti, levites quadringenti supra mille, peditum vero sex millia, eo lustrato censa sunt.

C Hi post tantam cladem incolumes, omni ex fuga recepti, superfuere: novissimeque, data pridem *Venetam* in militiam nomina, religione sanxerunt. Quæ dum in castris aguntur, & a Gallo Legati requiem habent, Cæsariana recurante militia, res iterum *Veneta* pulsata est: quippe *Leonardus Dresanus*, qui omnem pro Cæsare in bello operam obibat, *Tarvisium* immigravit; excitatoque tumultu, cum diversarum partium cives alii, alios secuti semper discrepent, *Tarvisianum* dissidentem commisit. Alii quidem Aquilas sufferendas, extollendum alii Leonem censuerunt. Fluctuabant inter sese cives diversorum sententiis animorum, variæque voluntatis æstuario factiones agitabantur, cum eo pergens *Pannoniarum* Regis Orator, dissensas acclamationes populi repugnantis, plebisque seditiosæ tumultum exhausit; favitque partibus *Venetis*, dum altercantibus invicemque repugnantibus oppidanis intercedit; potiolemque *Venetæ* Reipublicæ causam animo propensiolem complectitur. Cujus hortatu, ab ima plebe pannosus homuncio, raptum illico Leonis vexillum sustulit: eumque protinus subsecuti plures, a Cæsare rem omnem ad *Venetos* repente verterunt. Tunc Præfectus urbis, ut dubios ac labantes animos confirmaret, conciliatamque multitudinem efficacius illectaret, pro rostris ad populum concionabundus verba fecit; mutuaque contestatus *Venetæ* benevolentiae suos in *Tarvisianos* officia, ut in fide persisterent, utque suam communemque causam ab impetu barbarico defenderent, hortabatur: *Venetos* multis quanquam accedentibus malis debiles, ac proximis cladibus attenuatos, non eo tamen usque pessum ivisse, ut non tutari suosque protegere cives *Tarvisianos* possent; modo suis ipsi animis invicti infractique consisterent, quamque omnes exciverant obtulerantque benignam Reipublicæ voluntatem, eam *Venetis* addictam inviolatamque servarent. Protinus ut *Venetæ* munificentiae signum daret, expromeretque manifestiora pietatis suos in *Tarvisianos* argumenta, magnam auctore Senatu prærogativam elargitur, præsentique populum immunitate, sub fide publica *Veneto*que testimonio, donat. Quo facto vehementer omnes accensi inflammatique acrius, pro *Veneto* stare, fidem constantiamque sacramenti religione perpetuam consancire concordibus animis cœperunt. His auspiciato feliciterque peractis, cum civitas universa, plebejus juxtaque nobilis in *Venetæ* dignitatis tutelam, ejusque defensionem nominis con-

senfissent, inducti statim in urbem milites, qui suis ex æquo cohortibus dispartiti, portarum, arcisque custodiam, intentionibus excubiis agerent; qui seditiones, si quas popularis rixa concitasset, reprimerent; qui nobilitatem ac plebem in officio ac fide continerent. Mox commeatus cura proximior, invehendorumque poculentorum ac esculentorum Præfectos urbis admonuit. Ex vicis itaque pagisque proximioribus annona largior, & quocunque rerum eventu suffectura militibus & oppidanis omnibus importata est. Præterea delecti cives, qui rapinis ac populationibus intestinis occurrerent: ne servata civitas in bello periret in pace; neve ab externo hoste defensa, periclitaretur interno. *Tarvisiana* omni re composita, domique pacatis omnibus, de Republica sperare melius Patres Conscripti, suisque protinus, quanquam afflictis rebus confidere ceperunt. Jam enim satis superque fortuna *Venetum* imprefferat, cumque diu vagata plus a quo longius pervassisset, contigissetque, quam præfixerat animo suo, metam, extemplo vertit: axeque refracto defiliens, exactaque retro vestigia conniventer observans, pedibus regressu mitiore conversis omnia cunctanter sensimque remensa est. Tunc itaque diligentes sollicitique rerum provisos, quotidie novos militum delectus habere, cathaphrattos munire, pedites conscribere, ferentarios expedire, tormenta conflare, pecuniam stipendiis exsolvendis adgerere. Interea Cæsar *Taurisium* ingraffaturus, suamque collaturus cum hoste manum, ex æstivis movit. Et quanquam digressi festinantisque in dies, incerta forent *Maximiliani* consilia, quemque primo locum impetiturus esset & obsessurus, *Veneti* minus sane compertum haberent, tutiora tamen deligere, potioreque optatu rem suam præmunire statuerunt. Proinde sibi *Tarvisio*que consulentes, in urbem gaudentibus oppidanis omniaque comiter offerentibus, suis cum copiis immigravere. Tum omni pago fossiores acciti; vastatitiaque passim delecta manus, quæ subducendo decavandoque solo, surrigendis aggeribus, inducendis aquis, omnibusque bellorum propugnaculis ex ordine, militarique disciplina validius confirmandis, intenderet. Exinde *Veneti* frequenter erumpere, hoste cum propinquo sæpius congregi, levique passim concire certamina; semper oppidanis agrestibusque defensione promiscua parique tutela suffragari: illi, contra, suam, ut par erat, incunctanter operam *Veneto* præstabant: omnesque sese de proximo paratis suis copiis sublevantes, reciproca manu mutuisque subsidii sibi invicem opitulabantur. *Andreas Gritus*, interea rebus agendis, evestigandisque consiliis hostium semper intentus, præcelerem velutum alam, pernicioresque manipulos præmittit: qui copias hostiles incertaque per viarum indicia secretos tramites scrutentur; quique novos *Germanorum* apparatus conquirant, explorent, ac referant. His obvii pedites equitesque Cæsariani, suis præmixti validioribus turmis occurrere. Quo facto *Veneti* repente regredi, fugaque simulata vel vera, sese paulatim ad suos recipere: donec in patentem latamque planitiem hostes elicit, *Veneti*que rursus ex diverso properantes, instructa acie, paratisque subsidiariis legionibus, in unum coiverunt. Tunc ardentem utrinque conferta manus, & magnis utrinque viribus & animis egregie decertatum. Cumque vulneribus illatis relatisque, reciprocante sanguinei Martis unda permaduisset, hostes, urgente *Veneto*, fortunaque jam lenius aspirante, fusi prostratique sunt: cursuque præcipiti victore pertinacius insequente, in *Axilium* oppidum compulsi tandem profugere. Reverfi *Tarvisium* victores exultantibus animis excepti sunt: omnesque cives, agricolæ, milites, illico solistimis omnibus tripudiis ludicra concelebantes, risu plausuque novo

A congestivere. Dehinc quoniam versis jam fatis prosperiora successerant, recuperandi *Patavi* & antiquæ urbis asserendæ villicis opitulantibus, & agresti suffragante manu, magnam omnes in spem erecti sunt. Quocirca consilium ordiri, maturare, auspicarique feliciter omnia cœpere: *Andreas Gritus*, multo usu rerum sagax, ingeniique sublimis acrimonia præditus, haud temere rem tantam exsequendam putavit: & quanquam tumultuarium præceptusque barbaricum percalleret ingenium, consulto tamen hac in re procedendum ratus, deoptatos militaris rei scientissimos ductores, valido cum veteranorum peditatu longe præmittit. His mandat, ut quieti silentesque eo proficiscantur, ut nocte proxima, nullo itineris labore, de improvviso *Patavium* aggredi possint. Hinc agrestis turbæ collectitiam manum, implexi tramitis callisque sentibus impediti consciam, adjungit: ut per diversa itinerum, nullo viam inturbante, securi tutique rerum, in destinata commigrent. Ipse vero cujus auspiciis nutuque cuncta pendebant, congruam peragendo facinori, quod animo conceperat, levem armaturam adsciscit: eaque stipatus, ut *Patavium* incurset, cunctisque præfixa die Duce[m] expectantibus ut adsit, progreditur. Dehinc ut distracti penitus oppidani, si quis forsitan ignaros rumor excivisset, confunderentur, ex adverso portæ, quam impetiturus erat, obarmatam agrestem turbam, militiæque nonnullos ferentariæ manipulos locat: mandatque, signo dato confestim urbem invadant. Ad hæc *Christophorus Maurus* magno equitatu peditatuque circumdatus, velut oppidum, quod haud multo lapide *Patavio* summotum erat, oppugnaturus, procedit: ut destituti interno externoque præsidio *Germani*, extremis rebus suis diffiderent; ipsaque ab urbe defendenda prorsus averterentur. Omnibus digestis compositisque rebus, statâ die, consilium fraudante nullo, sed & rem ipsam adjuvante fortuna, in locorum præstituta conveniunt. Tulerat casus, ut D onerata scæno plaustra, in urbem paulo ante inducta, portam semiparentem, suisque male claustris ac pessulis obseratam relinquerent: sive illud sorte nutuque Dei cuncta dirigentis, sive de compacto, subnectendæque fraudis gratia, sicuti quidam non absurde conjiciunt, admissum sit. Igitur diluculo pedites acriter humeris innixi, vehementerque invicem obluctati, diffractis clavibus ac seris obicibusque rejectatis, portam aperiunt: factoque aditu limen obsident. Immissi continuo sunt milites expediti, qui uno peragratae urbis excurso, secreta vigilum, interioraque domorum, ut ægre, per transfennamque fieri poterat, referrent. Quibus E secuta tutaque omnia renuntiantibus, agminatim urbem irrumpunt. Signo inde accepto, cæteri omnes, qui diversa regione discreti symbolum expectabant, mandata peragunt: unoque hinc inde omnes impetu, constrictisque cuneis proruentes armati, in urbis penitiora confluxere. Negligenter atque solute, sicuti post adeptam propitio Martis victoriam fieri solet, Cæsariani milites nullis excubantibus, nullisque limen observantibus, oscitantes, dormitabundi, porrectisque supini pedibus agebant. At *Veneti* bello paceque pervigiles, omni- que rerum actu gnaviter attenti, dum præstipidos Ductores, ignavos Centuriones, stertentesque Tribunos offendunt, prævalidas armatarum cohortes in exarmatam urbem, maleque luxuriantibus & incautis creditam, immittunt. Fortuna, quæ prius tanto contumaci spiritu rebellis adversabatur, ocepto labori propitiata, *Veneto* plenius aspirabat: ipsumque velut ancipitem dubiumque porrecta manu comprehendens, ac fati per angusta titubantis deductum, media sospitem in urbe statuit. Mirum plane, *Baselium*, qui toto palpabundus historiae suæ contextu Cæsari favet, & adusque

que perversæ rei vitium importunis plaufibus af-
sentatur, amissum negligentia *Patavium* profiteri.
Ille dictum quidem suum, quibus potest, verbis sus-
pensus attemperat, omnemque culpam Cæsaris in
militem exercitumque refundit. Sed sicuti res fe-
liciter gestæ Ductoribus adscribuntur, sic & minus
prosperè transacta Principes tangunt: quoniam non
pes manusque, sed caput imperat. Proinde quæ-
cunque milites agunt inauspicato, in ipsum geren-
dæ rei auspicem retorquentur: & nisi promptam
diligentiæ factique sui rationem explicet, negli-
gentiæ notam non evadit; illicoque suspectus est.
Porro utcumque, Cæsare nimio plus cessante, ca-
ptum *Patavium* Cælius scribit, qui eo temporis
inibi *Lectionum* suarum *Antiquarum Lucubrationes*
evigilabat; *Baselius* Præfectorum socordia captam
urbem ad *Leoninum* jugum rediisse non inficiatur;
Guadinus rem omnino ejus negligentiam impin-
git, sed gestæ rei linea circumscriptus, rem more
suo circumactus extricat; *Ephemeridarii* vero, ci-
vitatem interceptam dolo, nonnullorumque con-
spiratione civium, ac in eam invehendi straminis
simulatione captam tradiderunt. Et quanquam suis
paulo diversi auctores appendiculis discrepent, in
ipsam tamen gestæ rei summam uno omnes ore con-
sentiunt; præclarique facinoris *Andream Grittum*
auctorem, agrestis versutiae turbæque vulgatoris
instigante solertia, prædicant. Inducti igitur in
dormitantem & sopitam urbem expergefacti mili-
tes *Leonini*, cum civium *Veneto* faventium adjun-
cta manu, tum hinc inde confluentibus agrico-
lis, & in unum per diversa coeuntibus, portas,
obsident; forum occupant, curiam tenent. Im-
provisi hostes conspecti priusquam auditi, repen-
tinæque civium *Leoninis* jubis applaudentium vo-
ces exauditæ, conterritum Cæsaris militem, subi-
taque correptum formidine perculerunt. Actum
ad arma discurretur; subitarioque strepitan-
tium militum fragore, cum doli manifestius pro-
patuissent, *Germani* pendulum ensẽ præcingunt,
turbam adgregant, frameas rapiunt; glomerantur
omnes in unum, variaque per regionum diverti-
cula, præcipientes anxique strictum in agmen con-
fluunt. *Venetorum* insignia spirantes ob zephyros
lascivo motu sibilantia, quæ vexillarii jactabunda
manus efferebat, horridum & pavitantem barba-
rum periculi subinstantis admonebant. Difficilis
ægraque defensio, tam improspecto rerum motu
perturbatis omnibus, nulloque præcognito futu-
ræ cladis argumento, titubantibus cunctis, erat;
disjecta signa, profugi Duces, confusus ordo; tu-
multuabantur invicem, indiscretisque hostium &
sociorum agminibus, suas etiam umbras metue-
bant: quoque major globus ac densior accreverat,
cum tunc magis incerti sub hostium vel sociorum
ambiguo versarentur, eo sese trepidantius & amen-
tius in alia omnia proripiebant. Primo tamen ex-
citi congressu curiam incurrunt; manipulisque te-
nuioribus & rariore corona dum *Venetis* obsistunt,
illisque ferociter repugnantibus obluctantur, ex-
pediti manum conferunt; atrocissimoque certami-
ne sævioreque conflictu depræliantur. Sed *An-
drea* Diis litatis omnibus ingressum urbis auspi-
cantem, remissiorisque militiæ laxamenta mollius
promoventem, subsecutæ validiores pugnatorum
turmae juverunt: confarcitæque majore numero,
parum cauta, minusque disciplinata *Germanicæ*
simplicitatis tyrocinia propulere. Dispositi vica-
tim regionatimque locati milites stationarii, tri-
via quadriviaque peragrantibus cæteris, ac vias vi-
cosque percipientibus obsidebant: observabantque
cum civium tum hostium sine more bacchantium
fugam, quam improvisa repentinisque malis im-
parata omnia præcipitabant. Ergo cum undique
circumsepti, *Leoninis*que surrectis jubis perterriti

A omnes contremiscerent, non urbis defendendæ,
sed suæ incolumitatis præservandæ solliciti, rapido
cursu properantes in arcem provolant. Novarum
rerum studiosi factiosque cives, quique fidem pu-
blicam ac dejecta *Venetorum* insignia parum reve-
renter ac religiose coluerant, eodem percellente
metu quassati, patentes in latebras pari turbine
provolvuntur. Sed debilis & enudatæ arcis infir-
mitas, tum & præsentaneæ opis suggerendæ de-
speratio, cum jam undique circumvallati, ac mi-
litibus & tormentis obsessi premerentur, *Leonar-
dum Dresanum* Cæsaris Legatum agentem, in de-
ditionis placita compulerunt: milites ex fœdere
sospites dimissi; noxiorum civium, quique Ma-
jestatis reatu tenebantur, exactissime severissimeque
B *Venetis* quæstiones peractæ sunt; alique post al-
ios, ut emergentibus per fiducias indicibus, evi-
dentiora criminum argumenta prodibant, in tor-
menta rapti sunt; ac Decemviris & capitalium
quæstionum cognitoribus ex admissi qualitate de-
lictique mensura strangulati. Horum enim talis
est exitus & finis omnium, qui extra trutinam,
testudinemque suam plus nimio sibi placentes a-
gunt; imperium usurpant; publica moderantur;
alienique juris sibi sceptrâ vendicant; mox cum
digito monstrati fuerint, suæque composuisse sar-
cinas arbitrantur, resæviante fortuna titubant, ad-
versique fluctus ingruente procella suffocantur:
C exinde cum suæ præteritæ tranquillitatis serenum
respexerint, ingemunt ac lamentantur; exactæ-
que securitatis pacem suspirant; sed densæ clau-
dunt media omnia sylvæ; fata obstant, tristisque
palus innabilis unda alligat, & novies Styx inter-
fusa coercet. Ergo dum imparatus oppressusque
vi subita, *Patavio* Germanus exigitur, ejusque
per arcis deditionem in fontes animadvertunt ul-
timo supplicio Decemviri, concita turba milita-
ris, & huic agrestium adjuncta manus, eodem in
prædam impetu conversa ruit. Soluti metu, so-
luti legibus, nulloque rigore juris astricti prædo-
nes, pavitantium mulierum, delitescientiumque
civium desolatas domos invadunt, ingrassantur,
irrupunt. Primos impetus excepere *Judei*,
D quorum omnis pretiosa supellex est, translatitiæ-
que opes, omnesque suo facultates in mundo re-
positæ. Mox pulsati perduelles, eorumque sedes
ad imum dilapidatæ. Tum reliqua promiscuis ra-
pinis indiscriminatisque raptoribus multitudo per-
vexata est. Sæviverunt infito genitalique odio
suos in dominos & cives agricolæ: pedariamque
despectæ militiæ colluviem, urbanarum nesciam
latebrarum, ipsamque omnem equestrem armatu-
ram in occultas opes & patrimoniorum abdita per-
ducebant. Digladiabantur invicem, assultuque
mutuo compugnantes, spoliatis spolia detrahe-
bant; ubique jurgia, injuriæque passim, ubique
E suo cum dolore sonantes plagæ contrepebant; ma-
jora in pace interque socios vulnera, quam in bel-
lo ipsosque inter hostes compatrata sunt. Exau-
gebat conclamantium dolorem duplicatique mœ-
roris angustias, quod miseratione dignis nemo mi-
serebatur; quod adversa nimium calamitate pres-
sos nemo levabat; senes, pueri, virgines, tanto
naufragio bellicæ tempestatis adobrutî, reliquæ
confligentium invicem raptorum scopulis, lati-
bularum antraque, sed in cassum, quærebant; frustra
F latebræ miseris, speluncæque præsidio destitutis,
imploratae. Immania ubique truculenta conspican-
tium oculis obversabantur; sed & graviora per hos
ingrassantium piratarum tumultus impios præfigere
conjectarique par erat. Nam & captivitatem, cru-
ciatus, ipsorumque sub ora parentum tormenta li-
beris pendentibus infligenda, nemo non horrebat:
sævituosque supremo in urbem excidio Principes
Venetos, ac jure belli perbacchante victoria, in-
cendio ruinisque daturus omnia miseri cives per-

timeſcebant. Sed temperatum eſt, reſpreſſuſque bellici furoris impetus: decimata quippe rapinis urbe, ſuſcitatas populationis flammæ, inſperata refrigeria protinus extinxere. Principum *Venetorum* clementiam hoc loco *Calius* admiratur; laudatque moderatoris *Andreae* pietatem: nam rapinis furentibus, paſſimque calente furtorum incendio, cum deſolata civitas caſus infandos irreparabilemque jaſturam lamentaretur, obviuſ *Andreas Grittuſ* magna ſingularique prudentia Vir inſignis intercurrit; ac edicendo, cohibendo, plectendo, proruentem turbam, efferataque rapinis latrocinia reſpreſſit; deſixiſque conſeſſim per compita perque areas furciſ, nonnulliſ etiam intorto repente laqueo ſublatis, cum in ipſo populationiſ æſtu præcipitiſque latronum rabie, cunctiſ invadentiſ, opus eſſet exemplo, ululantium luporum famem, ſitimque ipſo amne in medio ſemper arentem, compeſcuit. Quod egregie quidem laudabiliterque factum omnino laudem meretur: verum id ego juſtitiaſ magiſ quam clementiaſ adſcripſerim. Sic etenim publici vigoris diſciplina, juriſque rigor exigebat, ut innocentibuſ parceretur, reiſque caderent; ut tollerentur contumaceſ & turbulentuſ, quietiſ vero miteſque ſecuriſ degerent: ac fortunaiſ ſuiſ nullo interpellante fruenterent. Nam quid Civitaſ ipſa peccavit, aut cujuſ rea criminis facta eſt? ſi Nobilitatiſ forſitan inconfultaſ temeritaſ, reſuſpinique Primatuſ indiligentia, *Venetis* Principibuſ adverſata eſt; ſublataſque Aquilaſ inconfantiuſ indecentiuſque ſecuta, Leonem ſuum obhorruit: anideo boni civeſ neutraruſque partiuſ mediatiſini, qui domi ſedenteſ familiarem rem ſuam curant, aliena negligunt, publica diſſimulant, plectentur? cum non alieniſ æquum ſit, ſed ſuiſ quemque meritiſ expendiſſe. Quod ſi civitaſ univerſa peccaſſet, deſciviſſetque rebellibuſ animiſ ad Cæſarem, adeo quidem *Veneti* lætæ Majeaſtatiſ ſeveri ſunt ultoreſ, indeclinabileſque miniſtri juriſ, ut niſi publica juſtaſque intercedente cauſa, ne quidem catulum ex gente reproba ſuperfuturum judicio eoruſ exiſtimem: tantum abeſt, ut ſontibuſ veniam irrogaturoſ, aut olim criminoliſ remiſſuroſ cenſuram rear. Nemo peccet, nemo Rempublicam lædat, ut veniam conſecuturum ſperet: quippe cum delicto conſumpta ſaluſ, admiſſique criminis, & ad tribunal delati judicium inexorable.

Recepta urbe *Patavio*, ſedatoque populationiſ tumultu, ac armorum togæque ſtatu compoſito, cum jam ante *Tarviſum* *Utinum*que nonnulliſ cum oppidiſ *Veneto* mitior fortuna ſervaviſſet, *Cadubrio* decertatum eſt. Quippe cum ingruentem vim Germanicam *Monſalconium* militibuſ ac propugnaculiſ emunitum ſuſtinuiſſet, exinde regreſſam *Cadubrium* excepiſ. Quo brevi certamine levibuſque præliiſ oppugnato, cum arcem obſeſſi ſtrenuiter acriterque defenderent, ingruente majori deincepſ hoſtium impetu peroppreſſi deſecerunt: ſed redintegrata continuo ſunt omnia; redintegratiſque omnibuſ *Bellunum* cum *Feltro*, quæ *Brunsvigenſiſ* Heroſ exacta clade proxima ceperat, acceſſere. Amiſſorum horum omnium indignatione reaccenſuſ Ductoſ, magna Germanorum manu comparata, ruſſuſ in *Venetos* movit, *Utinum* obſeſſuſruſ. Quod cum illi parum ex voto ſuccederet, quoniam *Utinenſeſ* urbem omni militum propugnaculorumque robore præmuniverant, in *Auſtrianoſ* imperum declinavit. *Auſtrium* ad *Natiſonem* fluvium acclivi loco ſitum *Federicuſ* Contarenuſ valido cum præſidio ſervabat: ipſeque Vir ſtrenuſ impigroſ civeſ, *Venetæ*que Reipublicæ cultoreſ obſequentiſſimoſ tutabatur. Turriſ, anteſque porrecti ad *Dominici* ſuburbanum ſtabant: planiore ſolo, patentioreque arca Germanicam ferocitatem ad pugnam invitanteſ. Hunc igitur locum alacreſ

A expeditique capeſſenteſ barbari, cum nihil opportuniuſ perluſtratiſ omnibuſ obveniſſet, in eam urbiſ regionem tormentariaſ machinaſ impingunt; mox inſuſo pulvere ignique tenuiter inſuſſato, grandeſ foetoiſque canaleſ degravant; pilas informeſ exſpuunt; muroſ demoliuntur. Dum aſſidue mœnia quatiant, urbemque circumſidenteſ fortiter oppugnant, *Joanneſ* *Pauluſ* *Gradonicuſ*, qui *Foro* *Juliam* procurationem Legatuſ agebat, ut laborantibuſ fociiſ ferret opem, furoremque barbaricum ab optimiſ civibuſ procul averteret, ex *Utinio* viciniſque oppidiſ inauſpicato congreſſuſruſ militem educit. Hujuiſ rei edoctuſ hoſtiſ, adventantiſque præſidiuſ *Veneti* conſciuſ, phalangeſ ſuaſ haud oppido procul in inſidiis locat: ac niſi ſigno dato, pugnam & aſſultum interdicit. Alacriſ lætaſque manuſ auxiliaria propinquabat: & iſtum in hoſtem a tergo meditabatur: ſed inſidiaſ conſilia prævenierunt. Ex abdito quippe barbaruſ erumpenſ in hoſtile latuſ impetum facit; repentinouſque clamore vociferabunduſ, inſultanſque, velut præconceptæ fraudiſ & impoſturaſ compoſ, impuſſat, conſternit, exturbat. Inopinata re Ductoſ attonituſ, exterrituſque ſubito pavore *Leonini* militeſ, cum ex improviſo percellerentur, terga dant: atque cum paſſim barbaricæ cohorteſ ingruerent, urgerentque cum vulnere, tum formidine diſjeſtoſ, magna ſtrage fuſi fugatique protinuſ *Utinum*, vicoſque ſuoſ in omneſ relabuntur. elati præturgenteſque victoria ſecundiore barbari, ſævoribuſ animiſ pugnam repetunt; acriuſ inſtant; oppidumque circumquaque violentiuſ imprimunt: circumfuſi, totumque peragranteſ aliſ pernicioſiſ ambituſ, agmine tripartito civitatem oppugnant. Proſtrata turriſ, ejuſque lapſu ruina continente ſubverſa muri parſ magna conciderat: nudaveratque urbem eo lateriſ exarmatam. Hunc præoptanteſ Germani locum agmine conſerto, denſioribuſque cuneiſ protinuſ invadunt: certoque certioreſ ex illata clade proxima victoriã conſcianteſ, ſumma ope totiſque Viribuſ in pugnam per rudera fragmentaque murorum provehuntur. Oppidani nulla ignavia, nulloque algore contorpenſeſ, ſed inflammati, certaminiſ & conſerendæ manuſ ardore, fortiter reſiſtere, violenter obluſtari, ſtrenuiſſime depugnare. Tum reparatiſ ſuccedaneo bellatore viribuſ Germaniſ prorudentiſ impetum ſuſtinere: ac longe rejeſtatuſ, propuſſatuſque penituſ externare. Conſiſgebatur utrinque magna vi, magnoque robore barbaroſ & oppidanoſ hinc inde ſpeſ & metuſ in pugnam agitabant. *Auſtriani*, qua parte prælium aſperiuſ & duriuſ muri ruina turriſque prolapſu futurum opinebantur, ſarmentiſ, concordiſ, ſimoque ſolum miriſ modiſ concinnatuſ, inſtraverant; omnemque ſubſparſerant pulviſculo tenuiore materiã: ut injecta leviter igniculi ſcintilla, repente correptiſ flammis inardelcerent. Ergo cum intrepide viriliterque diu conſerta manuſ utrinque dimicaſſet, obſeſſique validiuſ atque potentiuſ reſiſtiſſent, quam ſtulta barbarorum opinio concepiſſet, *Federicuſ* civeſ militeſque ſuoſ perhortatuſ, ut omni coacta vi, diſtentiqueſ nerviſ omnibuſ in hoſtem ruant, ſi paratam obviãque velint excepiſſe victoriã; illico ſarmenta paleaſque jubet inflammari. Tum fuſoreſ omneſ genuſ, ſagittarioſ, funditoſ, ſcorpiarioſ admoveſ. Hi contortæ grandiniſ ad morem, nimique ſtridentiſ exemplo, creberrima tela jaculanteſ, hoſtem omni latere circumpuſſant. Tum emicanteſ de improviſo flammæ, perque ſuraſ plantaſque ſubjeſto fomite crepitanteſ, ambuſtoſ ignibuſ, miſſilibuſque terebratoſ, in diverſa procul abegere. *Auſtrianorum* obſidione ſoluta, cum ex æquo cladem *Utinenſibuſ* illatã, obſeſſorum ſollicitudo ſtrenuitaſque victorum victiſ repoſuiſſet, diſpalanteſ illico, vagique hoſteſ

hostes, omne flagitii scelerisque genus in omnem ætatem, sexum, ordinem immanitate barbarica perpetrare; impie crudeliterque rapinis, cædibus, flammis cuncta permiscere; nihil intacti, nihil inviolati, nihil sancti habere; omni sacrilegio religionem polluere; omni feritate humanitatem fœdare; exquisitissimæ indagine hominem venari. Quippe verberum tormentorumque metu profugi pererrantesque passim agricolæ, dum insequentium prædonum manus evitant, sylvarum obscura, culmosque segetum densiores petebant: ut sentibus latitantes frutetisque convelati, persequentium rabiem luporum effugerent, quos immanis sævitia barbaricaque feritas canino olfactu disquisitius & exploratius eveſtigabat. Heu, quot infantes cunis ablati, quot teneræ tremantesque puellæ colligentibus aviis singulantibusque miseris parentibus desideratæ! cum præsertim sui affectus sui que sanguinis redimendi nulla facultas, inopia perurgente, suppeteret: omnique re familiari destitutos, affinium cognatorumque præſidia relinquerent. Quæ dum tanta desolatorum agrorum omnium vastitate, tanta strage mortalium agitantur, post *Tulminium, Lauranum, Rasprucium, Tergeste, Castrum novum*, pluraque alia civitatum oppidorumque nomina, quæ in *Venetia*, in *Istria*, in *Foro Julii*, vi capta, mox recuperata, rursus amissa, dehinc asserta, abstractaque iterum, atque iterum recepta, tot alternantibus bellicorum fluctuum procellis diluta sunt pæneque summersa, de pace, deque induciis, anxii sollicitique Patres *Veneti* satagere, facessere, procurare omnia, quæ in rem essent, cœperunt: *Britannicum, Pannonicum*que Regem hortari, ambire, obtestari, ut cum *Maximiliano* de pace tractent, ut fœdera peragant, ut in populorum gentiumque salutem coire velint; ipsum vero Cæsarem epistolis & internuntiis delenire frequenter, & sanctius adhortari, ut compressis tot bellorum incendiis, quæ perpetua calamitatum ultrigine cuncta perurebant, fessis exhaustisque nationibus remedio meliore consularet. Quæ cum in cassum agerentur, *Nurimbergensibus*, quorum olim magna cum *Venetis* fuere commercia, literas dedere, pacem obsecrantes, contestantesque perpetua *Venetorum* in Cæsarem officia; nec ea quidem intermissuros, sed ampliore munificentioreque deinceps obsequio cumulatuſos, si concordiam diligit, si pacem amet, si pietatem colat: non esse boni Principis, nec Religionis *Christiane* devoti cultoris, pacem totiens exoptatam & ab amicis quæſitam respuere; bonos infestare; bellum amplecti; odia simultates, iras, amicitia, benevolentia, fideique præferre. Proinde, ut acriter enixeque contenderent, extorqueantque pacem vel inducias a Cæsare, vehementer insistebant. Sed in irritum de pace tractabatur, & in cassum exposculabant, Cæsare *Patavium* obſtinatius repetente: contra vero pertinacius retrahente *Veneto*; nec tamen ejus consilium deferente fortuna; sed in diem proclivius adjuvante. Siquidem cum jam *Lemniacum, Atteste, Monſilem*, *Veneto* blanda manu resignavisset, axem etiam rotasque multo pingui, ne quo stridulo fragore conſtreperent, illevit: curruſque perunctos agens, ne sopitos & quiescentes excitaret, *Franciscum Gonsagam*, Mantuæ Dominum, insidiarum expertem, *Venetam* in ditionem captivum traxit, ipsumque lenibus blandimentis illectum stupentibus cunctis, ipsisque præsertim grande mancipium admirantibus *Venetis* elargita est. Validas equitum peditumque cohortes ductabat militari scientia præſtans, multoque ducatu Vir famigeratus: arque ut hostes incesſeret, afficeretque novis cladibus *Venetos*, suppullulantibus nondum evulſa radicē malis, *Scalanos* agros peragrabat. *Veneti* nominis studiosa simplicitas rusticana, durique circum omnes agricolæ, ut magno *Venetum* beneficio promererent, Le-

gatos *Patavii* degentes, urbicamque rem ac bellicam procurantes admonent: suadentque, si manum subsidiariam opportunis horis locisque disponendam summiſerint, haud magno discrimine Ductorem egregium capi posse. Nec difficile quid mirerat, ex destinato mentisque conceptu, rem peragi: cum inclusi *Patavio Veneti* milites urbem servarent; ipseque *Gonsaga* liber a metu, suæque cohortes omni penitus exſoluto timore divagarentur. Ergo Legati copiis ex *Patavio* statim eductis, earumque Ductoribus omni re sedulo commendata, *Lemniacum* omnes proficisci jubent: ut exinde *Hieronymianis, Petreis, Vicentianis*que legionibus adjectis, agresti suis cum telis armatura comitante, per calles & diverticula eo pergant, ubi *Mantuanus* suis cum ordinibus defediſſet. Impigri milites omnibusque sarcinis expediti, ac velut divinitus promiſſam manu victoriam tenerent, advesperascente cælo, tenebrisque densioribus noctescente, ex *Lemniaco* in vicum, ubi diversantem *Gonsagam* cognoverant, progrediuntur. Dispersis copiis, cum suspensis gradibus prorepentes, suggestique paulatim, silentibus cunctis, ad præmonstrata perrexissent, domos circumdant, viarum exitus obſident, ipsumque prætorium occupant. Ex improvſo militaris clamor elatus, tum & concurrentium equorum strepitus, expreſſique tormentorum fragores, repentino defixos horrore *Gonsaganos* exſternaverunt. E vestigio ad arma conclamatur, terrificisque conſigentes ſonoribus in agmen concurrunt; certatim tela manu raptant; gladiatorum aciem diſtingunt, nodosque clavarum repente librant; atque ira perciti nulla mora congregiuntur. Oppreſſerat animos *Gonsaganorum* res incognita, nullisque nuntiata viſoribus nec argumentis comperta præſtraverat: erecti tamen omnes, & vigor ingenitus veteranis aſſuetisque bello militibus conſeſſim accenditur & reviviscit, manum conſerunt; ſtatariæque pugna ſtrenuiſſime commiſcuntur. Locorum iniquitas, *Mantuanique* præliatoris, si *Veneto* conſeratur, manus exigua, tum & ſoluti militis otiantisque ſecurius deſidia molliſſesque diſſicilem pugnam deſenſionemque præſtabant. Ergo cum undique circumventi, & hinc & illinc urgentibus *Venetis* premerentur, nec ulla victoriæ ſpes eſſet, terga dant. Effuſos profugitantesque læti victores deſequuntur: & cum a tergo inimica manus inſiſteret, a fronte violentior conſiſtebat. Siquidem obſeſſis liminibus, qui vias itineraque ſervabant, cuſtodiis arctioribus conglomerati, diſſentis ſpiculis, omniſque ferri prærigentis aculeo, diſpalantes fugaſque prolapſos in inſidias excipiebant: ſed & agreſtium conglobata manus, omnium conſcia ſemitarum pro *Veneto* ſtabat; diſtrahebatque per latebras obſcurosque reſceſſus attonitos, & amentes *Mantuanos* milites, alios necando ſpoliandoque, nonnullos etiam captivos trahendo cuſtodiendoque, ut diſverſa aliaque alios fata verſabant. Ipſe ſuorum militum Ductor *Mantuæ* Princeps, ſive per imbrices & tabulata, ſive per criptas poſticasque, ſuffugerat: & ſicuti quidam ſcribunt, interula relatus adultam inter ſegetem culmosque deliteſcebat. Suffragabantur obſcuriores tenebræ, nulloque fugaſque prodente veſtigio, peropacæ noctis ſilentia defendebant. Sed exortæ lucis ſplendor, deſecatique luminis puriora, latitantem agricolis inſipientibus detexere. Manum injiciunt, *Venetæ*que Reipublicæ mancipium declarant. Ille repente grandia, montesque aureos, ſi dimitterent, polliceri: ſed nullis illi largitionibus, nec præmiis, quin militi captivum traderent, evinci potuerunt. Mira fides, miraſque hoc in hominum genere conſtantia: quam *Venetæ* deinceps largitatis munificentia prærogativis ingentibus, immunitatibusque ſuis proſecuta eſt. Transacto præproſpere

feliciterque negotio, commendatum sibi Principem *Gonsagam*, Patavium subsidiarii milites perduxerunt: quem majoribus subinde constipantium catervis prævallatum, ne præda felix opulentæque barbaricis incurfionibus diriperetur, secundoque devectum flumine *Venetias*, summa omnium alacritate moreque triumphantium, intulerunt. Magno præcellsi eximique Ductoris spectaculo recreati omnes Patricii Summateque, non minorem ex prospera nunc fortuna lætitiā, quam prius ex adversa mœrorem concepere: cum præsertim jam mitior aculeos fortuna suos retunderet, innecteretque alios atque alios in dies pari sorte vinculo- rum damnatos hostilis militiæ ductores; ac insuper nova quotidie municipia, novas arces, redintegrato *Venetorum* imperio subigeret. Quæ Principes Viros, sociosque foederum vehementer angebant: sed inter omnia *Patavii* nuper ablaqueati cura gravior Cæsarem distorquebat. Quippe præter augustalis fisci damna, nec leve proprii census detrimentum, nonnullæ denigratam laudem suam maculæ respergebant; emergebatque non dispar, tam sugillatæ dignitatis suæ, quam amissæ civitatis jactura. Nam cum *Aureliensi* manu pæne illi tradita, suisque periclitantibus copiis oblata foret, ejusdemque abscessu, suoque exercitu revocato, injecta paucorum mora dierum amissam, incuriosi parumque diligentis esse videbatur. Itaque magna præcipitique festinatione contractis legionibus, ad urbemque promotis, *Patavium* oppugnaturus obfessurusque, propediem affuit. *Hispani*, *Galli*, *Germani*, *Italique* conspirantibus in eam expeditionem animis, communique rem bellicam impendio juvantibus, coivere. Armatorum centum ac viginti millia, dum Cæsar agro *Veronensi* lustrat exercitum, percensâ fuisse, quidam auctores sunt. Numerosissimum ac pæne imputabilem exercitum nemo negat: miramque diversis ex nationibus in magnitudinem coactum fuisse, constantior ubique fama vulgavit. *Cælius*, qui ea tempestate, ut supra meminimus, *Patavii* scribebat, non in eam quidem summam, sed paulo minorem consentit: notatque distinctius octoginta peditum millia, quod affiliendæ urbi peditaria manus aptior foret & promptior, equitum vero xx. millia, ex cathaphrattis ferentariisque, eo bello convenisse testatur. *Mocenicus* addit, numerosissima manu non contentum Cæsarem, suæque *Germanos*, *Gallos*, *Hispanos*, & *Italos* ad signa concivisse, ut omnino *Veneti* nominis amplitudinem everteret, deleretque funditus excelsæ Reipublicæ magnificentiam, *Turcas* etiam sollicitasse: ut ruinis nutantibus percellendis suas etiam illi manus admoverent: sed hanc causam, ut cætera omnia, sedulo diligenterque procurante *Veneto*, hanc in rem nihil illi suo ex desiderio cessisse. *Aluvisio* quippe *Raimundo* Jussu *Veneti* Principis ac Senatus intercedente, peroranteque magnam ac triumphalem causam obtentum est, ut non solum adversus *Venetos* *Turcæ* bello temperarent, sed omni *Venetum* ope præsidioque juvarent: auxiliaque cum terra marique, si discrimina periclitantium evocassent, dispartirentur. Ergo cum tot copiis, omnique pæne contractis *Europa* legionibus adventare Cæsarem nuntiarent exploratores, ipsique Principibus *Venetis* liquido liquidius constitisset, directo *Patavium* agmine Cæsarem impetiturum oppugnaturumque, de urbe defendenda conservandisque civibus suis, impendio summaque diligentia consultavere. Sæpe die nocteque, quantum importunis horis solliciti frequentesque publica privataque cuncta discutere: quantæ molitionis, quanti periculi rem suis manibus complecterentur, sinuque suo versarent, præ oculis omnes habebant. Et sane munus arduum & operosum erat, post tantas inflictas clades, subito conflato bello constituisse adversus hominum centum

A millia: tot enim coactos edicentis Cæsaris imperio bellatores, eo loci temporisque coivisse, nemo est qui nesciat. Præterea scientissimos bellicarumque rerum peritissimos ductores, in *Venetum* castra movisse, magnique sub unius nominis auspicio vexilla tenuisse, non immerito pertimescendum fuit. Qua propter insumptæ defensionis tutelæque, provincia difficilis & ægra videbatur: quam sane difficiliorem effecerant, attenuatæ proxima clade, recentique ruina prostratæ *Venetorum* opes, quas adeo violenter impressa calamitas adfixerat, ut eluxatum pæneque dispaetum everteret imperium.

B Ad hæc deligendi conscribendique militis sollicitudo, tot maxime priore bello dissipatis florentibus copiis, Patrum animos ingravabat. Accedebat urbis amplitudo, majori custodia majorique munimine prævallanda. Sed & numulariæ frumentariæque rei difficultas, tum & ipsius quotidiani comæatus dispensandi diligentia, mentem assidua cogitatione fatigatam divexabat. His ergo tot impliciti curis ingruentibus *Veneti*, retritas primo suæ Reipublicæ vires expendere, ordinarii extraordinarii que redditus censum supputare; ærarii publici privatorumque civium facultates divitiasque metiri, quot quantaque in medium singuli conferre, quotque ex publico redigi possent, crebriore calculo, repetitaque ratione diligenter exquirere. Sed majore nodo difficultatis Patres attingebantur, quod magnæ splendidæque urbes, pluraque recens hostili jugo municipia subacta fuerant: præcipueque *Brixia*, *Cremona*, *Bergomum*, *Crema*, tum *Verona*, *Vicentia*, aliæque plures in *Appulia*, *Flaminia*que potestatem in hosticam redactæ civitates erant. Quæ cum publicis vectigalibus, privatisque civium fortunis immenso *Venetos* olim sumptu levassent, nunc in alieni juris potestatem translatae additæque alieno imperio, conduplicatis rem *Venetam* dispendiis afficiebant: quæ vero nuper asserta fuerant oppida, urbesque receptæ, tot castrensibus debilitatæ quassatæque ruinis pendebant, ut ne quidem consueta priscaque portoria solverent; & beneficiis promerendi boni cives erant; & immunitatibus sublevandi. Itaque novis indictionibus novisque tributis, ipsi Patriciorum Optimates Primarii que *Venetorum*, cæteraque omnis turba inferior ac mediastina, premebatur; & angustam rem in dies magis ac magis attenuabant intermissa incomparabili dispendio mercatorum commercia, quæ proventu rerum inenarrabili publicum privatumque prius omne ærarium replebant: adeo quidem, ut hæc si robore suo sicut & antea constitissent, cætera omnia facile *Venetus* contempsisset; at his, suis veluti nervis privata Respublica difficultate rerum omnium laborabat; quoniam ex *Cypro*, ex *Græcia*, ex *Peloponneso*, ex *Adriatici*, *Ionii*, *Ægeique* maris tractu, quaque omni nostro mari late diffusa patet *Venetæ* dititionis amplitudo, vix, quod ad sumptus quotidianos sufficeret, contraheretur. Etenim terrestria omnia feliciora maritimis uberius affluunt, opportuniioraque bello largius sumministrant. Ergo cum omni examiniore diligentia Patres *Veneti* cuncta pensitassent, quantumque æris ex publico privatoque rivo communes in usus confluere posset, ad delectum protinus habendum, conscribendosque omni ex provincia milites, convertuntur: edictisque publicis omnem militiam, quæ proximis ruinis disjecta vagabatur, nullisque signis obnoxia vacabat, ad erecta *Marcica* vexilla, præsentī ære prorogato, revocaverunt. Tunc qui *Mantuano*, *Ferrariano*que agro, nec non *Agnidilinis* *Abduanisque* finibus palantes ibant, quique *Flaminia*, *Piceno*, *Umbria*que Pontificiis armis exagitati, aut diversa regione diversis ingrassantibus turmis errabant, auditis *Venetorum* salubrioribus edictis, redivivæque Majestatis consurgente imperio, ad

Leoninas jubas *Venetica*que signa properantes commigravere. Quos benigne quidem exceptos, & ex cuiusque merito virtutis præhonestatos, *Veneti* Principes in militiam admittere: novos præterea delectus ex *Liburnia*, *Illyrico*, *Venetia*, ex *Epiro*, *Græcia*que, ac diversis *Græciæ Italia*que insulis habuerunt. Ad hæc oppida, arces, omnesque finitimas urbes emunire, sed impensiore cura studioque majore *Patavium* propugnaculis omnibus omnique armatura præcingere festinabant: quoniam omnis vis belli, omnesque *Germanorum* & *Gallorum* vires, appendicibus utriusque conjunctis *Hesperiae*, ejus in urbis expugnationem intendebantur. Collectos igitur, repentinoque conscriptos annotatu milites, *Veneti Patavium* transmissere: cohortantes obtestantique *Ductorum* singulos, ut virum agerent, ne vinci paterentur, utque feliciter receptam sibi que concidit urbem pro diligentia fideque sua consecrarent. Scribit *Calvus* peditatum omnem quindecim millibus, equitatum vero ferentarium quatuor absolutum; cum cathaphrattarius, omnisque gravior armatura non amplius octingentis equitibus constaret. Et hi quidem sub ipsam obsidionem incredibili celeritate coacti, non minorem festinationis quam numeri, suspicientibus admirationem dederunt. Sed hæc & alia sane fidem hominum excessere, quæ eo temporis ad belli resurgentis impendia, contraque tantos potentissimorum Regum bellicos apparatus, *Veneto* Imperio, quod paulo ante prostratum irreparabiliter concidisse videbatur, comparata sunt, & in ipsam urbem importata: adeo quidem, ut post eam cladem impressam, quæ pæne ab ingenta libertate dilapsi Principes *Veneti*, ad ignotum servitutis jugum trahente fato compulsi sunt, nec dum integro vertente trimestri, redintegratis viribus, instauratis animis, tantoque sævi Martis naufragio recuperatis militaribus tabulis, adversus Reges potentissimos, eorumque centum millia præliatorum consistere *Patavium*que defendere præsumperint. Quo circa non facile, nec ex aperto jure responderim, an fatalis ille turbo per *Alpinas* fauces barbarico spiritu violenter impulsus, qui *Venetam* Rempublicam tanto fragore perculit, offecisse magis an profecisse, cuncta recte discernentibus, & acriore cerniculo judicantium more singula discutientibus, censendus sit. Occurrit, quod de filo certe Rempublicam pendisse, titubasseque sub alternantis alea fati, nemo negat; universamque totius Imperii molem, tot effulis sæculorum spatiis solidatam, uno momento periclitantem cognovimus; & si fata fuissent, ut ex consilio multorum fortunam *Ludovicus* impelleret, nullo vitæ spatio, nec ad consilium nec ad requiem captandam dato, de summa tunc actum fuisse, nonnulli quandam benigni iudices æstimaverunt. Præterea damnis irreparabilibus inenarrabilique detrimento tot infiniti sumptus exhausti, tot bellica tormenta inestimabili ære conflata, tot excellentes egregique *Ductores*, præter congestos cadaverum cumulos, absumpti, ut arces, urbes, oppida, pagos, villas, tot influentibus ac refluentibus undis bellorum adobrutas, præteream, rem *Venetam* procul dubio graviter affecere. E diverso, si fortuna lenior aspiravisset, fuissetque turgentibus velis & in altum solventibus, nunquam tanta omnium admiratione res sua peritisset: nec extritæ vires suæ tanta luce spectabiles & conspicuæ refulissent. Pulchra quidem omnia speciosaque prius cuncta fuerant, sed & post obductum retusumque lumen objecta fati malignioris caligine, speciosa magis pulchrioraque reluxerunt. Quemadmodum si quis vastum ignem, ingentibus conjectis fascibus, magnaque lignorum congerie superstrata, suffocasse credat, repentino quidem ingestu flammæ præculcantur, atque sub sidunt, ipsique subitario impetu refracti carbones hebet, mox ignis undique vi flammarumque collecta, contractoque focus omnibus calore, resurgens increpitanque rogos genuina virtute sua vigentior & amplior exsplendescit: quam si

A nullo obice colluctatus suis tantum facibus ac scintillis emicuisset: sic allisa fato res *Veneta* majori quidem lampade coruscavit, quam si nullis unquam obscurata tenebris defecisset. Silex quidem rudis & asper riget, obstitusque suo tantum pondere congravescit: verum si altero silice vel chalybe propius admoto collidatur, aut scalp pro malleis impacto cavetur, actutum inflammescit, ignibusque subito splendore scintillantibus conflagrat. Obstrusa tunc quippe venis suis virtus, objecta durior materia, ictuque frequentiore perlicita, depromitur & exardescit. Quid valeret, quid præstaret *Veneta* Respublica, quantum viribus suis assequeretur, quantumque secretioribus venis suis inonderet, nunquam mortale conjectasset ingenium, nec conjecturis veritati proximioribus colligere potuisset, nisi tot adversis exagitata percussaque fortunæ gravioris ictibus, invicta tamen infractaque nervis suis suoque robore constitisset; late quidem *Veneta* potestatis antea gladius effulgebat, longeque diffusum propatebat imperium: sed quid occulere, quid in eo lateret, quod penitioribus fibris aleretur & viveret, ignari Principes *Veneta*que Dominationis æmuli tunc demum sensere percipereque manifestius, cum pæne totius *Europæ* contractis viribus in excidium *Venetum*, *Marcicam*que Rempublicam conjuraverunt; cum effuso fugatoque admirabili florantissimoque omnium exercitu, cum tot una hora deficientibus populis, & ad hostem descendentibus, tot præclaris & inclytis urbibus, omnisque pæne salute desperata, obumbrato publici decoris fulgore Majestas *Veneta* caligavit. Sed & evidentioribus argumentis deprehensam vim Reges Principesque comprobaverunt, cum inexhausto vigore Respublica concurrexit, cum reaccenso lumine resplenduit, cum nativis suis viribus foeta prægnansque, tot præstantissimos Duces, tot ferocissimas gentes, *Patavino* recrudescente bello, inexpugnabilis, invicta, insuperabilisque sustinuit. Olim plane *Ligures*, gens dura & aspera bello, & ut Poëta cecinit, assueta malo, *Venetam* experti sunt, diuque potentiam periclitati: siquidem amplius quam centum annos, ut memoriæ proditum est, acerrimis sese invicem odiis consecrantes asperiore bello conflictati sunt. Et tunc quidem constantiæ firmitatiue *Veneta*, *Ligusticam* fortitudinem diu bello exercitam, ac terræ marisque periculis omnibus obduratam evicisse superasseque, magnæ laudi gloriæque fuit. *Philippico* quoque bello rem nostram attenuasse, constitisseque tot annos adversus Ducem magni nominis Virum, magnisque copiis prævalentem, & ad dubiam sæpe belli fortunam redegissem ac vicissem, non parvi roboris, parvæque virtutis fuisse rear. At illud quidem paulo majoris existimem, cum *Ferrariano* Duce bellicas flammæ excitante, tota prorsus ardens in *Venetum* conflagravit *Italia*: cujus ignem rogiueque succensis & elatis facibus cuncta perurentem, superfusa salutaris aquæ *Venetorum* subito restinxerunt. Sed & hæc tamen unius *Italia* vis erat, quanquam bello conspicuæ, ac viris armisque, doctissimorum omnium testimonio, præpotentis ac famigeratæ. At res illa plane nobis immensior, supraque res omnes stuporis plena, ac nisi laboris infumpti amore nimio fallimur, supremi ingentisque miraculi visa est, & æternis præconiis memorandi, quæ nostris diebus *Abduanis Agnidilinis*que arvis tanto sanguine ferroque transecta est; quo tota ferme *Italia*, ab *Alpibus Rhetiis* ad utrumque *Siculum Ionium*que mare, confluit; quo citerioris ulteriorisque *Galliæ* potentia ferocissimo ductante *Ludovico Aureliensi* commigravit; quo *Germanicæ*, *Alpinæ*que gentes durissimæ, bello infractæ, invictæque armis, millibus hominum infinitis coivere: quos contra, una stare *Veneta* Respublica tantosque contra bellorum apparatus una persistere durareque non obhorruit. At illud certe etiam ingentius, ipsaque omni admiratione admirabilius, quod postquam sic trahente fato, sicque præscripta divini Numinis lege, res *Veneta* concidit, tantoque

toque fragore prolapsa est, rursus tanta vi tantoque iterum robore convalidata surrexit, ut adversus armatorum centum millia concertare, deluctari, repugnare, bellicosissimæque gentis impetum oblidere confringereque, felix invictæque valuerit. Hæc nisi toto obtutu, totoque defixæ mentis stupore suspicienda, demiranda, prædicandaque judicemus, nihil equidem recte judicabimus. Dixerit aliquis, sed hæc recitata sæpius & repetita sunt: esto, recitata sæpius repetitaque sint; at non certe fastidio tædioque lectoris, nec nostro. Nam cum admiratione digna res incidit, nullam certe satietatem admirantibus affert: si modo sint hi, qui possint admirari. Quam etenim cæcus admirationem ex luna, stellis, aut sole capit? Quam surdus ex cithara lyraque voluptatem, si *Linus Orpheus*que plectris suis interstrepant, capiet? Si languore palatus intorpeat, si febre quis intus æstuet, nunquam *Apicius* pransitanti cœnitantique gratus erit; nec ullas unquam apponet escas, quæ condituræ suæ suique popinalis magisterii disciplinam redoleant. Si bilis ulla redundaverit, illico dulcissimi liquores amarescent, non propinantium vitio, nec liquorum, sed palati. Si quis ergo recte judicet, probanda non improbabit; & cum iterum prolata fuerint & recantata, non respuet nec exfannabit; adgestiet, si adgestiverint, & si applauserint, arridebit; si offerantur, subicianturque oculis lectitanda, non illa quidem interlinet nec abrogabit. Gemma sane intuitu speciosa, suoque jucunda splendore, quo sæpius oculis obversetur, sæpiusque delectet, articulis nostris inseritur, ipsaque manu prompta est. Excultæ elegantisque picturæ non abdito delitescent, nec tenebris obconduntur: sed ut conspectæ sæpius voluptatem afferant, immigrantibus ac remigrantibus obviæ sunt. Quis satietate teneatur inspectandi, si *Venerem* *Cous* depingat *Appelle*? Quis declinet oculos, si *Protogenes* lineam ducat? Quis aures obstruat, aut impicet, si crebro *Sirenes* emodulentur? Quæ suapte natura grata sunt & jucunda, quo magis ad manum præstoque fuerint, eo jucundiora fient & gratiora, quod frui perfruique magis optato quis potest. Beatorum animæ beatiores esse censentur, quo magis propinquæ vicinæque beatitudinem sentiunt, quo propius hærent, quoque frequentius & intentius diversantur, eo major & excelsior earum gloria reputatur. Fluxa, fragilis, citoque dilapsa jucunditas magis afficit animumque distorquet, quam blandimentis ullis foveat aut leniat; quoniam amissæ desiderium ingerit, & anhelantis votum nova fruendi expectatione fatigat: at cum obvia & in promptu est, semper amœnitate sua demulcet; si recognoscatur, si cogitationi insideat, eadem suavis est, & per omnia semper amabilis. Ergo cum jucunditatem afferat non mediocrem *Venetæ* potentiæ amplitudinisque ejus benigna contemplatio, quo magis sensibus nostris infunditur, & altius infusa colliquefcit, eo quidem magis animum lectoris tenet, & distantis ingenium oblectat. Illicimur, hilarescimus, solvimur, cum ad excelsam splendidissimæ Reipublicæ speciem recolendam flectimur; cum ad illius domi forisque patrata semper optima ratione facinora toto mentis impetu rapimur; cum tot eximios prudentesque togatos insolentissimorum superbiam armatorum compescere cernimus; cum obduci refringique tela togis, cum furorem cingulo cohiberi, cum lenta cogitationis aqua, tumultuarias ac furentes imprudentiæ flammæ extinguui, magno affectu magnaque lætitia conspiciamur. Sed hæc delirant, extraque narrationis Legem agunt; hæc supra præscriptum historiæ redundant: at longis excubiis, multaque lucubratione fesso, date veniam, ut instauretur; ut hoc brevi margine, brevique consumpti pane voluminis gyro, ea mentem meam recreent, quæ magno cum gaudio recensentur; quæ dulcedine sua condulcescunt; quæ

A nimio lepore suo blandiuntur. Liberius oberrare licet & evagari cum metam attigeris; ac cum primo secundoque peracto spatio te ipsum ad tertium quartumque pari peragrandum excursu præparas, lascivire decentius licet, extritaque paulisper orbita declinare: si ea præsertim inciderit materia, quæ & ipsa deviet, quæ legem excedat, quæ trivialia supergrediatur, qualis ad præsens nobis in manu est; qualemque *Venetæ* Reipublica nobis suggerit ac præministrat. Etenim magnum ingensque proditum est tempestate nostra miraculum, rem novam ætas nostra, B priscisque sæculis inauditam, sempiterna *Venetorum* gloria Principum deprompsit: totius orbis Imperatorem *Maximilianum* Cæsarem, *Ludovicum* Galliarum Regem potentissimum, *Hispaniarum* Principem magna fidei nostræ prærogativa Catholicum, & his adjunctum *Christi* Vicarium in terris, *Julium* Ligurem Pontificem Maximum: præter *Italiæ* Regulos, cæterosque Heroas in solidæ unius compactæque virilis togæ amictum conjuravisse; neque tot innumerabilibus telis ensibusque coniectis proscindere distrahereque potuisse. Atqui discerpta est: sed ita quidem, ut subito refuta coiverit, majorique Reges indignatione rumperentur, ac bellum gravius C instaurarent; nec pugnatorum centum millibus rescindere tamen contextam potuerint. Quæ certe dictantem ac legentem admiratione non suspenderent, si intacta inviolataque toga illis fatalis, limbis suis omnibus integris perstitisset. Illa igitur inauspicata exaugurataque dies, quanquam calamitate omnium maxima rem *Venetam* adfixerit, saniore tamen iudicio magis extulit quam opprefferit; eoque temporis articulo majori laude, quam si vicisset, succubuit: quoniam virtutis noverca felicitas est, viresque denervat magis quam roborat. Si pericula damnaque totiens invicta Quirites non extulissent, amplitudinem gentis invictæ, populique gentium Principis magnificentiam non admiraremur; nec D *Romano* ligone proscissa *Carthago* tanto victoris gloria congemuisset, nisi prius *Romana* virtus tantis cladibus excitata sudasset. Divexamur, exagitamur, excutimur, ut majoris nostræ virtutis splendor eluceat: ac ut sicut aurum igne probatur, sic adversis omnibus exercita vis nostra præpolleat, & illustretur. Ergo cum edomitis hostibus cuncta *Romanis* patuissent, cessissentque illis omnia, quibus ignea virtus obluctata ferbuerat, illico graviore propitiæ quam adversæ sortis poenas luerunt: cumque bello clari & celebres emerfissent, obscurati otio paceque protinus obsoleverunt. Deleta tanto sanguine *Carthago* nullo sudore pulvereque *Romam* delevit. E expugnata victæque gentes fortissimæ, nullis telis nulloque bello *Romam* expugnaverunt: universusque terrarum orbis, æstu, duritia, perpetuoque labore subactus ipsam urbem mollicie, plumis, umbraque subegit; qui si subactus non fuisset, forsitan nobis etiam *Roma* viveret; speciosissimique decoris ejus contemplatione frueremur. Sed cedendum erat surgenti Reipublicæ & cum terra suum jam grande miraculum peperisset, aqua grandius parturiebat: quod magnitudine sua priori tanto præcelleret, quanto terræ præstat oceanus. Igitur quoniam ad gesta rei seriem historiamque revocamur, ac ne plus æquo dispartiti mensura Voluminis excrescat, F concludam paucis in eamque sententiam perorabo, quod quanquam funestus ille dies fuerit & lugubris, ipsisque feralibus lachrymis atratus, quo *Venetum* barbarica manu concussum divulsamque pronutavit Imperium, magis tamen ad vim propriæ virtutis excitandam, prævalidasque potentissimæ Reipublicæ Vires ostentandas, amplificandamque summi culminis fastigiique ejus Majestatem contulisse creditur, quam si perpetuum unumque felicitatis tenorem fortuna nunquam asperior nec imitior interpellasset.

BERNARDINI ARLUNI,

Jureconsulti, Patricii Mediolanensis,

D E

B E L L O V E N E T O

L I B E R T E R T I U S.



*P*atavini belli procuratione suscepta, cum trutinatis pensiculationibus omnibus quæ eam in rem forent, firmiore Principis Patrumque sententia decretum esset, urbem munire, Venetique nominis studiosos Cives defendere, ac jam procincti milites ascriptique stationibus urbicis, pro mœnibus starent, numulariæ quoque frumentariæque rei præsentis in usus dispensatorum diligentia prospectum foret, ne ad susceptam tantam rem perficiendam cæterorum torpentes animi languerent, placuit ad rempubl. cuncta referri: ut propensa Summatum Patriciorumque omnium voluntate, cæteri quoque in tutelam urbis accenderentur: inflammatique vigentius pro patria suisque pro penatibus ac focis starent: neve commeatu deinceps æreque prorogando, retrorsum abeuntes averterentur. Ergo pro more indicta concione, *Leonardus Lauretanus* ætate, consilio, dignitate Princeps, assidentibus ex albo primoribus, cæterisque suo gradu patriciis in ordinem allectis, sic locutus est:

Nunquam Patres Conscripti, vosque cæteri publicorum negotiorum participes, hanc in concionem augustaleque prætorium accersivissem, si me tristitia præloquente, lugubriaque denunciante Lauretano, vos præcepturos quicquam mœroris esse cognoscerem: Quoniam afflictis & communi calamitate gementibus, non est nova calamitas infligenda: sed ea qualiscumque sit, mihi qui beneficio vestro optimo & maximo, nutuque Deorum principem locum teneo, obeunda sustinendaque est: ac labore meo meaque sollicitudine à vobis penitus declinanda. Nec enim excelsa summi culminis fastigia tenemus, ut lautiore accubitu discumbamus: nec nos throni sublimioris eminentia provehit, ut lascivientis Sardanapali spintrius fracti, volutatique libidinum pelago præfocemur: non hæc boni Principis sunt nec Ducis, nec sane circumspæcti qui publica temperet & moderetur gubernatoris: congruit omnibus qui sellam præsidalem occupant, quique gradu celsiore præfulgent, esitantibus aliis esurire, sitire potantibus cæteris, aliisque stertentibus excubare: atque cum intermisso labore humiliores dilaxentur, & conquiescant, hos exagitari, durare, intendique acrius par est: ut quem major dignitas super omnes extulit, eundem major sollicitudo commendet, & efferat, denique ut eleganter *Vespasianus* & *Turbo* prædicarunt, cum cæteri languentes jacentesque vita fungantur, oportet rerum præfectos stantes mori. Igitur ego quanquam publicarum pondere molestiarum prægravatus laborem, nihil vobis infundam, nec vestris auribus instillabo, quod mentem divellat, aut animum excruciet: hæc cum iniquæ sortis impetus invexerit mecum sint: eadem vero cum Deorum benignitas revexerit, in vos largiore manu refundantur. Sim ego letitiæ jucunditatisque vestræ facundissimus prædicator: sed mœroris

A angustiaeque vestræ cautissimus dissimulator atque redemptor, quanquam hæc Deorum clementia levata sit, indulgentiæque cœlestis pietate remissa. Non vos fugit, certe scio, vestraque mente recolitis, & nimium meminisse necesse est, quanta senatus Venetæque reipubl. jactura, per ingentes demortuorum cumulos, effusasque late cadaverum strages, consligentibus sic dicam polis, ipsisque pœne tumultuantibus elementis, proximis mensibus facta sit: quæque jam mille, centumque & amplius annos, senescente mundo invicta stetit, totque per annorum volubiles cursus omni semper ævo potentior & clarior eviguit, respubl. quam subito divulsæ compagis fragore, dissitarumque tabularum nostrarum ruina, quasi subversa pœneque prostrata sit, vobis ædèpol, mihi que plus quam vellem compertum est. Lamentabamur insolitos præcipitesque rei cadentis lapsus, ac dispacta machinæ subbiantis latera formidabamus. Et plane non vanus ille timor erat; & qui merito fortissimos constantesque viros exterrere potuisset: cum uno horæ sublabentis articulo florentissimæ reipubl. moles ingens quassata est, fundoque pœne subruta procidit. Sed hæc nigris inscripta notis exacta sunt, & quæ nobis forsitan olim meminisse juvabit jam excessere: meliora suppullulant, & ex ipso longævæ phœnicis incendio pulchriora splendidioraque omnia renascuntur. Arces, oppida, pagique plures, quos e nostræ gremio reipubl. barbarica manus distractos adsciverat, describere: nationes multæ vestrique juris populi, qui nescio quo violentiore fato rem nostram flagellante, sub hosticam ditionem migraverant, ad nos eodem deleniente, remigraverunt. Patavium antiquum & nobile nostræque reipubl. domicilium, cum barbaricam servitutem serviret, Germanicoque jugo devinctum alligaretur, integro vix interfluente trimestri, Grittea opera solutum est, & prisco jure nobis alligatum. Nostrum nobis cor redditum, nostræque nobis restoruerunt deliciae: extincti pœne reviximus, exanguesque, spiritu cœlitus insufflato vivificati sumus. Fusi fugatique hostes sunt, purgata malis civitas hominibus, sumptumque de noxiis ex delicto cujusque supplicium. Invisæ circumlatrant Gallicanæ canes, oberrant circumque ululant septentrionis lupi, magnisque copiis occidentis hostes prævalidi circumstrepunt: Quos etsi pauciores quam fama ferantur esse non nesciam, extenuare tamen verbis, manifestioreque veritatis argumento convincere falsa non ausim. Sint plane centum, bis etiam si placet centum coeant, terque amplius centum, esto, bellatorum millia Patavium incurserint: his quidem numeris nihil ad victoriam præsternitur, nihil hac incondita multitudo præparatur ad laudem, non roborat nec præfirmat exercitum sed enervat confunditque turba diffusior. Si pugnationum numero victoria constaret nunquam suum militem *Julius Cæsar* à fortitudine viribusque comprobasset: nec tam frequenter innumeras hostium copias suis cum paucis, luculentissimorum testimonio scriptorum superasset. Jubæ regis adventum multitudo copia-

B. Arlunus.

G rum

rum terribilem, cum tyrones juxtaque veterani milites exterriti, fama numerum pervulgante paverent, non minuendo negandoque, sed asserendo amplificandoque confirmasset, si pauciores pluribus cederent, si castra turbæ magis quam exercitui tutius crederentur: magnus ille victorque gentium Alexander, cum ex Macedonia, Illyrico, Græcia, universoque pæne terrarum orbe delectum habere posset innumerablem, nunquam majores quadraginta millibus copias duxisse fertur, præcidendum refecandumque, tanquam inhabile regenti, quicquid excederet, ratus. Infinitis millibus conflixit Darius & pulsus est. Hellespontum constravit Xerxes & fugatus est. Maximus tyrannus solo nominis sui terrore formidabilis, Adragantiufque illi comes admirabili bellico cum apparatu, Theodosiana manu perexigua, fusi sunt. Quotiens populus Romanus, quotiens egregii ductores, quanquam collatione numerorum inferiores, hostem amplioribus copiis exultantem contuderunt, fregerunt, straverunt: Quoniam non numero vincitur, sed virtute; ipsisque depræliantium viribus præponderat causa meritorum; & ad juris orbitam legumque rigorem redacta tandem omnia, non hominum perficiuntur Imperio sed deorum; & qui fidem colit, qui nititur æquitate, qui jus & fas agnoscit, nunquam Deorum auxilio destituitur. Nos, ni fallor, innocentes piique, bello neminem laceffivimus, injuria neminem provocavimus, temeraria nullis arma nec ullam vim oppressis intulimus. Quietique possessorum, cum legitima nostrarum possessione rerum fruere in quietate sumus, nimio livore contabescere invidia. Propulsare injuriam vimque repellere jure gentium licet: nam cum cætera disceptatorum examine præsentiumque judicio trutinentur, sola expers est tribunalis cognitionis defensio. Non ad judicem provocare necesse est cum cederis, sed ne cædaris sine Judice procurare licet. Sera cautio est, si vulneratus appelles, sed ne vulnereris, cautio tempesta. Indignantur, livent, rumpuntur hostes, quod splendide præstolentique reipubl. nostræ copia letamur, cumque ipsi invicem discordiis suis emaciati striatique contabescant, nos pietate nostra concordem abundantiam rerum omnium affluamus. Insurgunt insultantque nobis, & quæ labore nostro parta sunt, majorumque diligentia nostrarum & studio comparata, dilapidare trahereque ea mordicus enituntur: sed ædèpol inique, omnique tam divini quam humani juris refragante disciplina. Et ne longa judicii cognitione vos remorer, causæque nostræ merita repetito longius exordio percenseam, una sufficiat, unaque sit ad satis, adversus omnem infestæ partis allegationem, antiquæ justæque nostræ possessionis defensio: Qua nos exturbare detrudereque violenter & armata manu contendunt insolentes elatique fastu suo rerum Domini: non implorato jure, nec arbitrorum expectata sequestrorumque sententia, sed ipsorummet absoluta Regum voluntate, gubernatoque sola potestate sua armorum judicio. Nos rem nostram conservare, nostramque studiosius causam tueri fas & jura sinunt: nec mehercule coram vobis unquam verba facturus nostra conscenderem, si non elimatus ad purum, extritusque conscientie meæ candor splenderet, si Deo Optimo Maximo teste Diisque omnibus, elibrata suspensaque non starent à nobis incorruptissimi examinatissimi que juris pondera. Non vos hortarer plane nec commoverem, ad vestram rem defendendam, si in tanta juris abundantia doctissimorum scita virorum non assentirent. astipulantur, applaudunt, totoque consensu nobis obsequuntur fixæ refixæque leges, & usu hominum recepta edicta Prætorum Principumque Decreta: sed & Pontificii Divinique Viris Dogmata vos hanc in causam provocant & impellunt. Ergo, quoniam causa jubet melior divos sperare secundos, hac in defensionis æquitate, strictique juris articulo cum fortuna no-

A bis obvia, blandius hilarescat, adesse pariter omnes excipere que sortis revolutæ pilam hæsitabit? Opem ferre laborantibus sociis, vestrisque rebus fessis succurrere cunctabimur? Aut in tanta rerum bene gerendarum opportunitate manum vestram admovece cessabit? Strenui plures, bellicarumque rerum scientissimi ductores excubante Andrea Gritto faceque ejus ingenii prælucente, Patavium nostrum tenent, illudque diligentissime custodiunt & adservant; sed angusta tenuique manu militum eorum, qui Agnidilino naufragio post demersas fractasque puppes nostras superfuerunt. Quocirca novi milites deligendi, reparandus supplemento exercitus, imparianda suffragia, commeatus largiores suppeditandi, cæteraque tantæ feliciter transigende rei opportuna, cautius a nobis & accuratius explicanda sunt, nostrisque præsto sumptibus exhibenda. Vos ergo Summates Patricii que mei, vos publicorum participes & socii negotiorum, si qua vobis unquam illuxit scintilla laudis & gloriæ, si rem vestram tueri defensareque vestras opes aliquando cordi fuit; si tanto studio ac labore propagatos majoribus nostris Veneti fines imperii, turpe vobis & inde eorum amississe animo ducitis: expergiscimini precor, exsurgite ocyus, totoque nixu communem causam totaque mentis & virium intentione vestrarum complectimini.

C Non his ego vos stimulis accendam, nec his angustiarum facibus inflammabo, quibus plerique mortalium ad capeffendas res vehementius commoveri solent: Quoniam scilicet fortunæ vestræ vestrique census magnus in discrimen trahuntur. Familiaris quippe res vestra vestræque opes, algore, æstu, inedia, sudoribus ac vigiliis vestris comparatæ, splendore suo fulgoreque rapacissimos prædones, avarissimosque piratas sollicitant, perliciunt, irritant: Quos si fortuna, quod absit, eventu felice proveberet, nullo non rapinarum genere, nulla non sacrilegiorum injuria, nulla non flagitiorum omnium atrocitate propoliatas manus suas impiarent. Parcæ ceteris, & silentio modestiore supprimam, quæ Barbaricæ temeritatis insania, cum victore gladio debacchatur, admittit. Quo libidinis incestæ volutabro, qua conspurcatæ virginitatis fæditate, quo promiscui pudoris violati sentinario pronatet, quibus pronodata laqueis, quibus accincta facibus, quibus armata tormentis, nullo sacri prophanique capitis discrimine tumultuetur, sæviat, populetur. Has ego vobis miseriarum scenas aperuisse, depinxisse que lugentibus tabulis harum imagines ærumnarum supersedeo: Quoniam lachrymis & ferali gemitu vestras aures funestavisse, conturbavisseque lugubribus animos libitinis refugit & abhorret animus meus. Et vos ita quidem nati, educati, instituti que estis, ut quanquam hæc fortissimis viris terrorem incutiant, non harum tamen proscenio miseriarum terreamini: sed accendimini potius immensa cupiditate miroque laudis & gloriæ studio, quibus præsignes magnoque animo præditi majores nostri nobis hæc admiranda rerumque omnium pulchritudine speciosa moliti sunt. Si igitur macti illi ingenio & prudentia viri qui hæc ex minimis tanta fecere, diligentia sollicitudineque sua non modo a majoribus relicta conservaverunt, sed posteris conservata vobis auxerunt, quanto vos decet studio, quantaque vos ope niti par est, ut amissa pridem nunc recuperata, conservetis. Si solius amplificandæ laudis exornandæque dignitatis vestræ causa verteretur, honestioris famæ præcupidis, ac supra ceteros honoris appetentibus, hæc dissimulasse neglexisseque vobis, per absurdum putarem. At quanto nunc absurdius & iniquius cum dedecoris evitandi diluendæque prorsus infamie remedia tractentur hæc vos præterisse despexisseque judicem. Si periculosum hoc & atrox bellum commoda tantum nostra pertingeret, circumscriptumque damnis nostris, nostræque jacturæ linea coerceretur, nec in filios nepotes-

que

que nostros hujusmodi dispendia redundarent, ignaviam tarditatemque, si qua manus nostras bebetaret, ferrem ædèpol patientius, & hæc æquiore animo tolerarem. Sed quoniam infantes innoxiique nepotes ac liberi, viscida nostri corporis uligine retentandi sunt, nostræque socordiae glutino compicandi, qui sibi debito, sibi que spectante fidei commissio fraudantur, dirumpor & crucior, si quid projectis & oscitantibus nobis imputetur; si non ardentem & strenue, totaque pro virili nostra castrense negotium hoc completamur, quod non tam compendium utilitasque privatorum exigit, quam ipsa publici decoris magnitudo, sanctiorisque Majestas Imperii desiderat. Ergo si suæ Reipub. commodo præceps & furens Curtius ingens barathrum profundamque voraginem obduxit; si ut pertinacior obsidione cinctum solveret Pop. Rom. deceptus Scævola manum exussit; si turbidus & ferox Cocles ita pugnavit, ut per singulos gradus suæ laudis admoneretur; si Fabii, si Decii, si tot illustres & sancti Heroes egregiis præclarisque facinoribus suis patriam ita promeruerunt, ut in hanc diem vivat eorum & celebretur gloria meritorum: Quid nobis agendum esse putatis? qui & nos viros existimamus, quique nullis cedendum arbitramur, qui moderamine gubernaculoque Reip. Lacedæmoniis, Atheniensibus, ipsisque Romanis (pace veniaque fatalis populi ac gentis invictæ dictum sit) præcellimus? Hei mihi quanto afficior dolore, quod animo pectorique meo domesticis peregrinisque documentis informato, defectæ vires & exhaustæ non æquantur, quod vegetæ menti meæ languidi corporis infirmitas non respondet. Ea agerem, meditarer, obirem, quæ Principem & Ducem in tanta re capeffenda perficiendaque fecitasse convenit. At quoniam senii casitantis imbecillitate & annorum cumulo prægravati, consulendo potius quam agendo Reip. vacare possum, ne me quisquam hoc necessitatis discrimine, publicorumque periculorum articulo pigritantem accuset, quicquid meæ opis est, quicquid industriæ vel laboris exhibeo, offero, repræsentō: ut non mihi, non patrimonio, non facultatibus arbitrio vestro in Rempubl. ususque communes dispensandis parcatur; ut charissima mihi vitæque meæ pignora filii mei vobis præsto sint, obituri peracturique omnia, quæ assidentium Patrum judicio conducibilia esse videbuntur. Ite, properate, filii mei, vos mea mihi vita chariores, quanquam egre mutuis astricti complexibus divellamur, ipsaque pietas insuperabilis nostrorum intima tangat atque titillet secreta pectorum, festinate tamen, cumque mea nihil magis expetant desideria senii que mei labentis affectus, quam ut mecum continuo sitis, abscedite tamen, ac gremio cordique meo perpetuis nexibus alligati procul erumpite. Impium sane crudeleque mandatum, ut concordissimos obsequentesque filios, ac ingenio & virtute præstantes, senio debilis fractusque pater ableget. Sed hac impietate (rogo) quid magis pium? Quid hac crudelitate minus crudele? Cum utcunque nobis se fata ferant, vincat amor patriæ, laudumque immensa cupido. Dura sane imperia, durique jussus, ut unicum deficientis ævi solatium ab se pater mitissimus distrabat, eliminet, exigit. Sed hanc quæso duritiem rigiditatemque meam spectent, contemplantur, pro bent, qui me tantis affectibus æstuantem intuentur, ut naturam opprimere, honestissimæ vim affectus elidere, ac repudiare manu quadam rationis enitar: ut quid ipsis agendum sit intelligant; quid exemplo meo deinceps sit ipsis audendum existiment; quid intanta, Patriæ laborantis fortuna sui Principis æmulatu sit consiciendum sibi proponant, qui sese filiis suis optimis abdicet, qui suis visceribus distrabatur, qui majorem melioremque sui partem periculis opponat. Vos tamen o superi, ac divum tu maxime Rector, nostrarum Venetique Ducis miserescite rerum. Et Patrias audite preces: si Nu-

A mina vestra incolumes natos nobis, si fata reservant, si visuras eos vivo, & venturus in unum, vivam oro: patiar quemvis durare laborem. Sin aliquem infandum casum fortuna minaris, nunc nunc o liceat crudelem abrumpere vitam: dum curæ ambigua, dum spes incerta futuri; dum vos o juvenes, mea sola & fera voluptas complexu teneo, gravior ne nuncius aurem verberet, & jaculo mentem præfigat acuto. Vos interea Primores Patriciique omnes mei, qui Lauretanum hunc in locum convenistis audituri, accelerate, præcipitate moras, satagite mecum omnes, uno mecum omnes urbis defendendæ studio certatim effusimque contendite.

B Nullæ noctes, nulli dies, nulla temporum curricula, nos bonorum operum immunes, nos torpentibus membris egelidos, nos frigido pectore desides offendant. Hic pecunia, ille commeatu, alia alius opera, plures ingenio Remp. juvate; rem vestram tutamini; communem causam defendite; iudicent omnes, qui sunt futuri que sunt, quique præterita vel usu vel studio cognoverunt, eos qui nunc in medio versantur Veneti, priscis illis majoribusque nostris non suppositicios, non degencres, non ullis operibus abortivos esse: laborareque vehementer obliterandis delendisque magnæ infamiæ notis, cum & augendæ cumulandæque laudi incentivis ardentibus pariter inurantur: atque Leonardo Principe cohortante, vestroque præsentiore patrocínio suffragante meminerint omnes, Venetam eam esse Remp. quæ quamquam percellente fato deplecti possit, non tamen deplexam casamque judicio Deorum Opt. & Max. posse perire.

Perorantem Lauretanum tanta Patriciorum alacritas excepit, tantoque plaudentium assensu favor declamantem profecutus est, ut optimates summique gerendarum rerum arbitri fortunæ secundioris opinione concepta, de Rep. bene sentirent: fausta que sibi deinceps omnia pollicerentur. Supra ducentos Patriciæ Nobilitatis viros, sicuti quidam historico stilo complexi sunt, uno temporis momento, suis omnes animis opibusque paratos, celeberrimo spectante conventu confurxisse legimus. Mocenicus judicio meo testis locupletior, trecentos fuisse scribit, qui sese tam propenso constantique promiscua beneficiorum collatione laborantibus sociis addixerunt, ut infinitos sumptus, capitique sui periculum, ac prædulcem suorum vitam liberorum disponderent, oppignerarent, voverent: nullis elati fastus ampullis jactabundi, nulla luxuriantis fucatique sermonis ambitione, nullis flosculorum pampinis adumbrari, sed re ipsa, ipsaque fide, ac publici testimonii deorumque religione contenti, persancte nomina dabant. Tunc itaque primum omnium ipse Lauretanus Princeps summæque rerum Magistri, cum inflammatos tanto Patriciorum ardore omnium animos viderent, tamque concordem præfixamque in re sustinenda voluntatem admirarentur, solícite Legatis Imperatorique scribunt ac mandant, ut bono constantique sint animo, cæterosque militiæ procures ac tenuiorem turbam hortentur, ne quid deinceps rebus suis diffidant, quoniam irrevocabili Patriciorum decreto Venetorum omnium Patavina res imminenti discrimine sit vendicanda, millibusque præliatorum innumeris asserenda: proinde mænia, lateque diffusum civitatis orbem solidiore munimento convestiant; propugnaculis arment, aggeribus fossisque percingant; tormenta locent, stationes disponant, excubias excitent; nihil frumentariæ caritati, nihil militum raritati, nihil inopiæ ærarioque diffidant: affatim omnia, largiter omnia, velut ex confertissimo penore deprompturos. Ipsi interea Præsides Præfectique rerum Veneti, terra marique omnia ad castrorum

usus promiscuos, obsidionemque diutius tolerandam opportuna, severissimis ubique locorum edictis imperant; ac ex cujusque oppidi, insulae, pagique copiis ac viribus, domi forisque per agros omnes finitimasque maris oras indicunt. Tum ut statis diebus prompta omnia ad manumque parata sint, jubent: hinc tormenta, pulverem, pilas, agendisque machinis funem, fabros, rotas, illinc equos, phaleras, arma, milites, inde annonam nucem, pomum, esculenta, poculentaque, acetum, oleum, coagulum recens maceratum, fassamenta mollia duracinaque, lucernales sartaginososque liquores, ac omne genus pingue contrahi, congeri, unaque omnium subvehicula & trepidatione videres. Incredibile dictu quantae paucis diebus alimentales copiae cum *Venetico* horreo *Marcininisque* cellariis, tum omnis *Leoninae* ditionis collimitio, in urbem *Patavium* uno impetu comportatae sunt: quantumque praeterea straminis pabuli, caeterorumque omnium tam hominum quam jumentorum usui futurorum, urbanae castrensisque rei Provifores invexerint. Scribunt nonnulli usque adeo alimonia exuberantique cibatu tunc obsessae urbi suppeditatum, ut esurientis *Italiae* dimidium hominum decennio pasceret; tantum abfuit ut inedia, militaris vel oppidana fames, angeretur: quod ex fide nequaquam dictum putem: etenim quid hoc est effusius & intemperantius? Sed ad magnitudinem ubertatemque penoris admirabilius extollendam, vulgari modo, sumptaque de trivio collatione esse prolatum. Haec dum magna omnium diligentia studioque peraguntur, trecenti *Venetae* Nobilitatis Patricii, & his adjuncta decem hominum millia, tanto animorum ardore, tantaque defendendae urbis suae constantia *Patavium* immigraverunt, ut cum numero pugnatorum, tum virtute fideque omnium, nihil amplius de summa rerum dubitaretur. Ipsa vero ex *Venetis* *Patavium* ingressa Nobilitas, ea militum alacritate oppidanorumque laetitia omnium excepta est, ut victoriam certo certiore afferre secum videretur. Mirae jucunditatis res est, miraue voluptate confusa felicitas, cum imminente arduo difficilique negotio procuratores intenti omnes satagunt, trepidant, caventque solliciti curis ingentibus, ne quid adversum intercurrat, ne quid adverso Marte fata turbulenter invehant: at cum ipse, cujus res agitur, advenerit, velut firmitus columen salusque praesentior, laeta magis omnia, majorique jucunditate, soluta perfunduntur; plena tripudiis omnia gaudiisque confervent. Sic adventantibus ipsis *Venetorum* Patriciis, tam illustri praclaroque comitatu, tantaque praevallidum subancillante manu bellatorum, congrui commeatus dispartitque viatici subnexis appendicibus, novo laetitiae redondantis fluctu, novoque voluptatis expumante inuisto, sine vino temulenti omnes bacchabantur, ipsi vero *Venetae* Nobilitatis Magnates sese invicem ex alacri discinctae togae procinctu, affatu mutuo animare, prosperaque sibi omnia reciprocis hortatibus futura polliceri. Interea Legati, Ductores, caeterique omnes, ex cujusque cinguli gradusque sui prerogativa, in concionem advocantur: ibique concordēs, unoque praeservente spiritu pariter animati, *Venetam* Rempubl. sua pro virili, summaque *Patavium* ope defensores, inviolatamque fidem sui capitis periculo praeservandam, custodituros juraverunt. Una quidem est juramenti religio, unusque divini Numinis metus, quo *Judaei Turcaeque*, vel si qua alii alia mortales superstitione tenentur, fidem suam astringunt: quod & *Ulpiano duodecimo Digestorum* referente, *Divus Pius* olim rescripsit: ipsa vero juramenti

A formula numeris omnibus & ad ipsum unguem ut praescribitur, semper & ubique custodienda est. Inde non inutiliter quaeritur à Jureconsulto, si tibi juramentum delatum sit, ut per Deum jures, tuque per salutem tuam aut filiorum tuorum jurasti, an ratum sit: & sane solemniter ex integroque jurandum censet; quoniam tamen si qui per salutem suam jurat, per Deum omnino jurare videatur, attamen quoniam non ita speciatim ei delatum est, judex certe ratum non habebit. Sed & hujuscemodi quidem juramenti formulae variae sunt & multiplices, prout negotiorum species multifidae: etenim aliter Tutores ac minorum Curatores, ipsique litigantes ac judicantes jurant; aliter in ordinem allegendi, rursus aliter Praesides, Magistratus, Defensoresque locorum, quique rerum administrationem suscipiunt: sed & militum juramenta praescripta sunt, quique oppida civitatesque suum in jus recipiunt, quos feudatarios à fide dictos recentia jura testantur; & qui dominantis Imperio juriq. ejus subjiuntur, Deum jurant, ac ut in *Philiberti* Epistola continetur, sex memoriter custodienda semper habebunt: honestum, incolume, tutum, utile, facile, possibile: Quae majore cura & impensiore studio, quam à nobis explicari possint, ab ipsis legum conditoribus & glossematibus enarrata sunt. Sed illud omnium commune juramentorum religione nostra receptum est, *Justiniano* tradente, *Dominicoque Illyrici* praefecto constitutione sua mandante, ut per evangelia jurent, eaque teneant. Nam praeter sacerdotes, qui hoc solemni religione sua, eodem insinuante *Justiniano*, soluti sunt, caeteri quidem omnes tangere debent: ut divinae majestatis reverentia vel ipso tactu dejerantis animo praesentius obversetur: eoque monitu tacito mens incaleat. Hinc illa scribularum notariorumque omnium consuetudo prorepsit, ut palpandos manu libellos porrigant, ipsique protinus rogata stipulentur. Verum & Attende, illa jusjurandi norma, lege conscribitur, idque quod de hujusce vinculi firmitatis solenne est, ut, qui juramento sentiat primatum agit, juramentum exigat, non ut Autor: ab eo exigatur. Proinde mihi mirum fuit, quod in historia legi, *Veneti* exercitus Imperatorem cum de more praelocutus esset, jurasse, mox legatos, dehinc Ductores, caeterosque protinus milites, omnemque praeterea castrensem turbam hujusmodi vinculo fidem suam addixisse. Id enim mihi perperam, praeterque *Venetiae* majestatis decorum factum esse videtur, ac suorum contra dignitatem amplitudinemque Legatorum, qui sibi jurare debuerunt: non quia ullo superioris nexu cogerentur in castris, sed quia, ut summus legislator sanctissime differuit. Digna vox est majestate regnantis se legibus alligatum Principem profiteri. Ergo cum placuisset jurare sibi debuerunt; mox ab ipso exercitus Imperatore jusjurandum exigere; ipseque deinceps ab aliis, atque alii rursus ab aliis: ut immediatum quisque suum superiorem agnosceret; cunctaque discretis omnes cingulis exequerentur. Etenim licet in castris prima sit summaque dignitas Imperatoris, mox Legati, non sic quidem in exercitu *Veneto*, cum ad Legatorum praescriptum Imperator agat, eorumque jussis, sicuti supra tradidimus, parere teneatur. Ergo cum omnes intus forisque milites animi ferriq. duritia obarmati, suis coram ductoribus constitissent, seseque protegendae urbi ac sustinendo bello paratos juramenti religione contestarentur, exploratis omnibus, omni- que cognito periculorum discrimine, rei militaris praepositus ex ipsorum sententia Legatorum copias omnes urbanas atque castrenses ex arbitrio dispartitur, atque aliis alias ductoribus stationes, ut

ut ex militum virtute urbisque periculo, in re esse conjiciebat, adscribit: imbecillioribus firmiora, debiliora robustioribus, ex æquo, omniumque facta compensatione periculorum ac virium assignat. Sed in primis, portarum urbis præfecturas, *Venetorum* Primatibus committit: ut qui periculo cæteris propiores essent, sua etiam in re tuenda cæteris essent promptiores. tum peditibus aliis, alio atque alio distributis, velites adjungit; velitibus cataphractos adglomerat; commutataque frequenti vicissitudine rationes omnium sic alternat, ut insequenti luce quo diversaturi tabernaculo forent, nemo sciret: ne perpetuo incolatu, domicilioque firmiore prodicionis ansa daretur, & concinnarentur insidiæ, quas hospitium cubiculorum reversæ mansiones, assiduoque rotatu confusæ perturbarent. Protinus vastitatem manum ex omni agro, omnibusque finibus evocat: agrestibus armis expediti, promptique fodicularibus telis agricolæ, præsto sunt; alia surrigunt, alia deplanant: excavandis deprimendisque profundius fossis omnes accinguntur; nonnulli divertendis aquis, exsiccandisque lacunis humilioribus defudant; alii pro jactato fabulo contollendis altius & educendis aggeribus insistant; plures eliciendis aquis, perque rivos & incilia deducendis oblectantur: omnis urbis situs, omnisque pomeriorum forma ex veteri in recentem conversa admirationi spectantibus fuit. Interea *Petilianus* opera cuncta revissere, emendare, corrigere, improbare, laudare; milites ac duces hortari, ut egregiam hac in re bellica operam navent, ut de proximo sibi invicem auxilio sint; muros, fossas, aggeres tueantur; omniaque virtuti suæ concredita defendant; non ex equo, signisque collatis esse configendum, sed eminus, jactuque telorum crebriore summovendum hostem ex alto, monebat: fossas pro copiis intercedere; pro militibus aggeres surrigi; mœnia pro ductoribus stare. Exinde tormenta locis omnibus opportuna locat: singulisque propugnaculorum conceptaculis graviora levioraque ut in re esse videbatur, inæquatique discriminis libramenta poscebant, disponit. mox fusorii ministerii peritos artifices advocat: tormentalisque disciplinæ præfecturam his committit, qui acriore ingenio, eminentioreque doctrina pollerent, tum excubias excitat, exploratores accersit, speculatores amandat, cunctaque pro sui ingenii luce, quæ castrensem urbicamque sollicitudinem respicerent, obiter ac diligenter exequitur. Jam suis cuncta munimentis præcincta, suoque omnia pavimento solidata constabant, tum late populabundum, ac pagulis viculisque subjacentibus prædam agentem exercitum, *Vicentino* territorio digressus Cæsar urbi propius admovit. Rem sane factam omnes habebant: omneque commilitium veteritio novitioque permixtum, ante victoriam, quam omni lætiore extispicio lætiorem, omnique certiore oscinio certiorum augurabantur, encomium canebant. Ergo priusquam ferro decerneretur, tormentalesque machinas procul impingerent, mitiore remedio rem præmolliere, lenioreque specillo prætentare *Veneti* doloris vulnera, *Maximilianus* constituit. Itaque tubicini cui jure gentium moribusque nostris ad hostes eundi redeundique facultas datur, mandat, ut Cæsar nomine *Patavium* reposcat, ac ut dedant promptiusque resignent, hortetur: alioquin excidium igni, ferro, populationeque pertimescendum interminatus, abscedat. Quæ cum Legatis, Prætori, Præfectoque, ac cæteris Principibus *Venetis* nunciarentur, admissio in concionem præconi, mandatoque Cæsar coram exposito, cum jam prius

A suo tempore digestam consultationem Patres ipsi maturavissent benignæ salutationis solennia præfati, in hæc verba responderunt.

B *Miramur equidem, & obstupescimus omnes vehementer, quod cum Maximilianus Cæsar consultissimus, æquissimus, mitissimusque sit omnium Imperator, summoque celsitudinis suæ fastigio congruat, illibatum cuique suum jus reddere, ipse primus aliena violenter ingratetur: cumque alios alia appetentes usurpantesque temeritate sua prædones, pro suæ dignitatis sublimitate, suoque augustiore Imperio cohibere reprimereque debeat, cur refractis justitiæ retribus, tantæque claustro Majestatis erumpens, aliena primus ipse turbulenter invadat: dispoliareque tentet eos, quos denudantibus aliis ipse pia manu sua convestire debuisse. Qua rogo censura jus dispensabit, qui ante alios jus dissipat? Quo rigore, quale-gum disciplinâ, petulantem aliorum audaciam comprimet, qui ipse primus infrænæ cupidinis affectu prolapsus aliena dilapidat: impetuque libidinis bona sociorum ingratetur? Insolentis est hominis & temerarii falcem suam alterius in messem adigere: at quanto insolentius & gravius est Cæsari veterem legitimam possessione sua Dominum exigere? Centum abhinc annos & amplius, si prisci fideique gestarum rerum Annales evolvantur, Patavium nobis obtemperat, editis nostris paret, Dominosque suos Principes Venetos agnoscit: ecquid hoc est, quod Cæsar impotuna manu ditione nostra revellitur? Et tanto conflato bello, totque coactis fortissimorum millibus armatorum, nostris inique finibus abjudicatur? Sic jus redditur? sic ipse legibus attemperat? sic nos in sceptrâ reponit? injuria est, diurnæ taciturnitatis silentio rem sopitam, ne centum dixerim annorum curriculis conquiescentem excitare: humano divinoque juri hoc temporis excursu præscribitur. Et si Pontificii juris arcana, cœlestisque doctrinæ scita discutiamus, Romana ipsa Ecclesia privilegio cæteris omnibus majore præfulta, non ampliore quidem spatium fruitur: alioquin quis finis erit? Quis humanarum controversiarum modus? Quem legislator (rogo) finem dabit ipse laborum? An forsitan duriora Leonis, Zenonis, Justinianique decreta sunt? Qui ut aliorum commodis potius quam suis caverent, quadriennii præscriptione possidentes a fisco tutos edixerunt: fiscumque suum magis lite pulsari, quam possessorem inquietare voluerunt. Quid Honorius & Arcadius dum Asclepiadi, quid Anastasius dum Matroniano rescribit? Nam asperius quicquam atque rigidius consultis suis sanxere? Qui omne privatum publicumque jus quadraginta annorum metis absolverunt. Nos sane non quadraginta, sed longe firmiter per secula decurrentis ævi cautionem opponimus: inviolata legum sanctione securi. Quod si quicquam juris in Patavium Cæsar prætendit, cur tanti silentii conticinio rem obliterat? Cur bona fide currentem tanto tempore præscriptionem non interruptit? Cur ipse suique majores non dixerunt diem, non arcessivere, nec ad judicium unquam provocare? Et enim si quam adversus nos hac de re litem instruere, urnamque movere constituit, eligendus arbiter erat, coram quo legitime disceptaretur: qui de partium jure cognosceret, cujusque sententiæ reus actorque parerent. Non armis, non militibus, non tormentis, transfigere rem debuit. Nec enim illi sua manu suaque potestate jus in nos dicere, tam prisco quam recenti legum dogmate permixtum est: qui nihil illi referimus acceptum, qui mille amplius annos Romano Imperio exempti sumus: qui ab ipsa nascentis urbis infantia, sive nutu, sive renutu, Cæsar potestate sequestrati longe discludimur. Si in illum Populus Romanus jus suum olim contulit, certe non nostrum: esto quod habuit, habiturusque erat contulerit, certe non nostrum. Nos liberi nati, nos educati liberi, nos etiam liberi morituri sumus. Serviant aliæ nationes,*

aliæ gentes Cæsaris jugo cervicem subjiciant: nos genuinam libertatem nostram, & a majoribus relictam, pro virili nostra, proque nostræ dignitatis æstimatione tueamur; pretiosissimumque margaritum, inestimabile, incomparabile, inusitatum, cum ipsa sanguinis nostri liberorumque nostrorum effusione, cumque ipsis aris, penatibus, ac focis constantissime, piissime, sanctissimeque defendamus; eorum vim omnium, qui nos impie lacefferint, qui nobis arma violenter intulerint, propulsaturi: quoniam hi plane non æquitate nec justitia prænituntur, sed vesculis humanæ fragilitatis viribus, imbecillitatieque mortalium confidunt. Quocirca cum non legitimo juris tramite progressus Cæsar nos impetat, omnique Patavium injuria oppugnare nitatur, nos contra, omni Civilis, Pontificii, Naturalisque propugnaculo juris securi resistemus, obluetabimur, repugnabimus. Quæ si falso a nobis objecta ducit, allegataque perperam existimat, admirantibus nobis respondere non gravebitur, cur juris gentium violati reus est? cur fœderales Deos læsit? cur inducias consensu, suæque voluntate firmatas ac in triennium prorogatas, importuniore bello dirupit? Non hæc ex turbidis fontibus legum haurimus, non hæc ex obscuris Jureconsultorum responsis elicimus: manifestis manifestiora sunt, omni-que liquido liquidiora perludent, ut a pactis resilire non liceat, ut fidem frangere nefas sit, & quæ semel placuerunt, expungere nemo permittatur. Ipse cur ergo sacratissimus legum Antistes rem sacram execrat? Cur ipse sanctissimus jus sanctum rescindit? Cur piæ voluntatis placitum velinit? Cur honestioris pacti formam invertit? Cur jurisjurandi religionem prophænat, devoret, abtestatur? si genus humanum & mortalia despiciat arma, suspiciat superos memores fandi atque nefandi: quos obsecramus & comprecamur, non ipso etiam desituti mortalium præsidio, ut cum ex præcellsa sublimique sede Majestatis suæ hominum merita respiciant, cunctaque pectorum nostrorum secreta perimentur, his adesse & favere velint, proque suæ in nos pietatis abundantia ab his stare dignentur, nos ex fide præminere, ex bono resistere, ex æquo defensare infallibili judicio suo cognoverint.

Quæ cum Cæsari per internuncium summatim breviterque relata forent, inconcussæque mentis Venetæ sententiam percepisset, exacerbatus admodum iraque præservente graviter stomachatus, oppidanos aggredi, bipartitoque civitatem assultu distringere, statuit. Ac primo locorum acclivia omnia speculatus, quaque regione tormenta validius imprimerent, ad Codilongæ, sic nominine dicunt, recessum, vastas moles, tormentalesque machinas impingit: ingentibus ac latis in urbem orificiis directæ, suisque recutita vaginis, ad visentium horrorem stabat terrifica series organorum: quibus adacta per flammam ignitumque per pulverem retorridi pondera filicis exigentur; ipsaque nimbi saxatilis præfurens grando muros implueret. Aliorū expediti peditatus numeri, velicumque cohortes, suas per acies classesque dispositæ, latius explicabantur: tum cathaphractorum aliæ aliæque turmæ, suas instructis ordinibus phalanges, suumque omne robur solidante militia, communiebant. Impigri cujusque legionis alæque ductores, obambire, lustrare, circumagi: omnia prospectare, ad unius edictum jussuque Cæsaris omnes præsto esse: intendebat foris miles, suoque muneri sollicitus foris quisque vacabat. Nec minori res intus cura, labore, vigiliis agebatur: alacribus animis assultum Barbarique furentis impetum expectantibus cunctis; suam quisque mansionem firmiter insistere; commissamque sibi quisque stationem obiter tueri; mandata strenuiter omnes cuncta facessere. At Proceres Præfectique castrorum obsequitare pomeria, principiis interesse, unoque o-

A culorum ictu cuncta peragrandando pervisere. Constabant omnia, domi forisque cautissime diligentissimeque disposita: cum jussu Cæsaris præstituto die, relaxatæ furentibus flammis pilæ, fuliginisque foraminibus expulsæ, retusa moenia compulsaverunt; orbiculatque filicis ac ferri massæ informes, assiduo jactu, atque alium alio percellente fragorem, compressos urbis muros elisere. Insolitis crebrioribusque tonitruis veluti per abditos occultosque terrarum meatus erumpente vento, submoeniana omnia contremiscebant. Pavidæ matres terrore succutæ; infantes puerique novis insolitisque sonoribus extimescere; pavitare senes, suisque tunc rebus diffidere, cum perquassata tantoque constrata fremitu, circumque tot jacentibus ruinis moenia viderent, seseque tot millibus præliatorum obsessos, tantaque circumfusa barbarie præcinctos intuerentur. Tormentalis interea disciplinæ Magistri diu noctuque terebrare muros, assiduo minas pulsu confringere, vastoque circumquaque hiatu cuncta disjicere: adeo quidem ut non ad ingentis fenestræ modum summotæ longius interlucere, sed multorum spatio stadiorum divulsis obicibus Civitas denudata pateret. actum de re videbatur, & conclamata salus: quoniam prolapsa ruinis ingentibus propugnacula, structuræque murorum, irrumpentibus iter Barbaris late prostraverant. Nec ad reprimendos ingruentium impetus, sparsæ diffusius, totosque per obsessæ Civitatis ambitus locatæ Venetorum copiæ, suppetebant: ne si contracta manus in unum foret, cæteræ regiones exarmatæ promptius hostes in urbem admitterent. Interea Cæsar, sive quoniam castrensis urbicæque stragis futuræ pertæderet, sive ut incolumi salvæque ab rapinis omnibus, omnique populo Repub. frueretur, alligatas sagittis, innexasque missilibus telis literas in Urbem intraque vallum conjici jubet: mandatque majori numero multiplicatas dispargi, ut innotescere cunctis, ac popularibus, infimæque sortis, ac mediæ Nobilitatis civibus perlegi possent. Harum autem literarum talis sensus erat.

De compæcto sane ipsaque de industria laxiores moras cives mei, largioraque temporis spatia vobis indulximus, ut frugiferæ salutarisque pœnitentiæ tandem apud vos locum invenire, ut extremis rebus vestris prospicere, recteque consulere, pro ingenii vestri solertia diligentiaque possitis: ne vos una desolata Urbis ruina perniciem in extremam ultimumque fessos in interitum traheret; ut captivitati vestræ, tormentis, incendioque vestri natalis soli parceretur. Super sedistis, & in hunc usque diem nescio quo retardante fato distulistis. Nunc cum actutum nostra manu Civitas evincenda sit, impetuque Germanico nobis imperioque nostro subjicienda, ne vos miserabilis fœdæque conditio victoribus victos subigat, eaque perferre cogamini, quæ debellatis expugnatique crudeliter implectuntur, pie vos sancteque monemus, hortamurque iterum atque iterum, ut integra re tandem resipiscatis: nostramque potius clementiam & pietatem experiri, quam vim iramque sentire velitis. Non expedit multo nostræ benignitatis abusu vos diutius obdurari: læsa quippe sæpius patientia furore succenditur. Et quanquam, ingenta nobis humanitas obstinatis ac pertinacibus animis obsequi, veniamque dare semper parata sit, ipse certe militaris furor, intemperatus, indocilis, infrenus uti nos misericordia nostra non sinet; quam tempestive plenoque sinu vobis oblatam excipite: ne obstipæ asperiorisque vestræ cervicis rigor, sera nimis pœnitentia, irreparabilique jactura castigetur.

Perlectis cognitisque hujusmodi literis, quamquam nonnulli præcipueque senes effæti, nativique

vique defectu vigoris egelidi, subhærent, & in tanta fati titubantis varietate cunctarentur, fervido tamen sanguine, suoque calore juvenus accensa, præcipueque militaris inconcussa strenuitas, subfannare literas Cæsaris, ejusque monita despuere, ac frigidos monitus detestari cœpit. Et quoniam ab hoste rerum securo, post disjecta mœnia, murorumque ruinam ingentem, dilata lucem in proximam affiliendæ urbis expeditio, moram oppidanis brevem indulserat, edicto Prætorum, vicinæque mortis adurgente metu, confestim omnes, nulloque discrimine plebeji, cives, tyrones, veterani, nullo intermissi operis laxamento, stramine, limo, vasis, fabulo, contis, trabibus, omnique rudera advocata sarmentorumque materia, incredibili celeritate supraque fidem omnium festinatione præcipiti, furrigunt, excitantque tutelæ solidioris aggerem; ac majoris quam antea munimenti propugnaculum extruunt: quippe violenter intorta tormentorum pondera, non ut antea molem duritia sua contusam quassamque sternebant; sed molliore materia glutinoque lentiore retentata, hebeti languidoque ictu commoriebantur. repentinum igitur improvisoque opere delusi hostes, subitariaque fæturar edivivi aggeris admiratione suspensi, sua rursus ad arma recurrunt: suæque ope solita repetitam vim tormentorum experiuntur. Extemplo hinc inde omnia circumsono fragore, magnoque fremitu ponderibus excussis crepitare, stridere, horrere: inaudito plangore cuncta percelli: mugire concava vallium, percussique aëris impulsu montium edita resiliere cœperunt: mox fumo conglomerante nubes collucentibus flammis permixtæ, cœlo evolvi: clamore hominum sonituque bombarum ac impugnantium ac repugnantium ardore confusa omnia agitari. Tum undique circumfusi hostes, speque victoriæ certissima pellecti, nec minori convectandarum cupiditate rapinarum accensi, nullo perennem oppugnationis laborem interpellante otio, tela diu noctuque in urbem intorquere, jaculari, missitare: nullam fessis requiem impartiri: nullum desudantibus spacium dare: deluctari, urgere, totisque viribus suis præniti. E diverso municipes, quanquam ægre propugnatoribus succedaneas operas alternantibus infracti tamen animo, infessique præprosperæ defensionis alacritate, validissime fortissimeque resistebant: atque omnino robore virium contracto suisque omnibus ex æquo militibus distributis ardentem intrepideque castrensem operam, omneque bellicum munus exequabantur: quotque in urbem hostes tela conjecissent, ipsi totidem magna cum expugnantium jactura rejectabant. Sumpserat animum *Patavus*, quique cum eo defensorias operas exhibebant, majore lætitia ferebantur: quoniam non impressione majori, nec effusiori missilium congerie quam hæcenus factum esset, expugnari urbem, posse confidebant. Cumque primos impetus alacriter sustinuisent, secundos ac tertios aliosque deinceps alacrius sustentaturos opinabantur; nec nisi longo diuturnioreque obsidio evinci posse conjiciebant: quoniam innumeros tormentorum ictus tot in cassum per dies noctesque consumptos, sibi parum offecisse colligebat; & quicquid ab hoste dejectabatur id è vestigio *Patavus*, milesque ferventior fartis tectisque omnibus reponebat. Itaque cum prius spes omnis ejecta poeneque pedes ad imos dilapsa suffugisset, nunc revocata sublataque altius erigebatur. Contra vero hostiles minæ tanto fastu militum ac tormentorum prius elatæ, nunc terribilimentis inanibus futilibusque bullis flaccescebant: adeo ut, quod ajunt, contra eorum tonitrua milites oppe-

derent, & inania murmura ludificarentur. Exasperati igitur hostes insultantium explodentiumque liberius obessorum ludibriis, tota virium intentione, totoque concitati animi studio, superandis fossis trajiciendoque aggeri convertuntur. Locus erat pro mœnibus acclivior, humilique pressura sese molliter ad planum demittente jugo subductus. Hunc ad invadendum habiliorem locum speculati cæteris acriores *Hispani*, collectis suæ gentis strenuioribus viris, in urbem impetum facere constituunt: ut egregio manu sua patrato facinore primi, civitatis speciosa diriperent; mox ut cæteri tractim adorti, facto aditu, fusisque trepidantibus oppidanis, persequerentur. Hunc & Principes *Veneti* locum, dum singula perlustrant, circumjacentesque fossas & aggeres commetiuntur, ac omnia solertiore cura & attentiore studio circumeunt, suspectum habuerant; & ne illinc hostis evocaretur diligentior quisque perpenderat. Ergo stratagemate colludentes ita locum concinnant, ut non solum insilientes hostes admitteret, sed & aversos etiam invitaret. Suate natura pressum humilemque locum incilibus rivisque desiccant, omnique aquario humore exsucto, materiam supersternunt aridiorem, quam & tenuiore pulvisculo, ut lumina fallerentur, suffundunt. Pabulum ignis extemplo corripienti pinguiusculum, erat ipsa sarmentorum aridiorisque nutrimenti delicatior alimonia: quam miris ubique modis insufflatus ignis præsentissime contorreat. Prælagax hostis & cautus, cum cæteris depressiorem locum conspicatus esset, arundineti omnique fruteto ficiore prætextum, ac velut accuratiore neglectum incuria, prætimuit insidias: quoniam calliditatem hosticam omnes exploratam habebant, præfectumque militiæ ejus non somniciosum, nec oscitantem agnoverant. Igitur intempesta nocte obscurioreque cœlo properantes, ac elibrato gradu suspensi, ne quo fremitu concitus hostis ad arma conclamaret, vadium contis pilisque prætentant: quod cum solidiore pavimento compactum præsentificerent, affilientisque militiæ impetum, prædurato constipatoque solo perlaturum conjectarentur, stato tempore, symboloque dato confluentes, aggeri sugrediuntur? Interstitio fossæ parvo labore superato, missilibus ac tormentulis præidentem oppidanum summovere prætentant: totoque conatu agiles in superiora nituntur. *Veneti* ne repente præfidiis omnibus accitis, hostem exterrerent, levi primum numero, manuque tenuiori resistere: simulare fugam, delitescereque locis opportunis, donec oppletam omni succedentium sociorum auxilio fossam viderunt. Exinde signo dato, uno omnes impetu præceleres, velut in cassum præda decidisset, advolant, circumfunduntur, vulnerant, sternunt, dum socii superiora tenent, accerrimeque totis viribus coactis depræliantur, ecce per fistulas levesque cuniculos ab imo proflatus ignis, subita jacti fulminis ad morem refulgente flamma, coruscavit: perque furas, talos, calcesque perustos, indiscreta pervagatus uredine, pernecitatem adjuvante materia, tanto complexus hostem ardore corripuit, ut hinc gemitus & lachrymæ stridulis ejulatibus erumperent, inde risus & gaudium plaudentibus cunctis, ac velut ex voto perfecta re præsultantibus, excuteretur. Qui superiora tenebant, audito fragore conspectaque cadentium a tergo sociorum ruina, subito languore torpentes, ignavique metu prociderunt; extremi vero quique præviis inhærebant, ignari quo flammæ loco subscatentes elicerentur, cremantis rogi formidine conterriti, refugere; medii cum supra tum infra cæsi telis, ignibusque perusti, foede crudeliterque consumpti sunt. Hoc faci-

facinore tam dextro Marte prosperaque fortuna confecto, civitas universa, totusque populo gaudente exercitus tanta repente lætitia, tantaque jucunditate perfusus est, ut non solum urbicos intra carceres vallaremque custodiam confidere, sed evadere nonnunquam & ex occasione portis excedere præsumerent. Itaque turmatim manipulatimque dato frequenter exitu, castra hostium irrumpere, congregi, pugnare, agere prædas, captivos trahere, populationibus ac rapinis cuncta miscere: atque sæpius de improvviso, dum hostes epulis ventrique vacant, semesis dapibus interpellatos ferire: nonnunquam oscitantes excubias fallere: & adulta nocte dum relaxantur securi rerum captivos trahere: neque die neque nocte, neque cibo neque somno requiem exagitationis ullam impartiri. *Mocenicus* scribit, sub ipsam obsidii *Patavini* moram, dum Barbari muros circumfident, erumpentesque quotidie *Veneti* milites infinitis cladibus hostem adfligunt, equos singulo die nunquam minus quinquaginta, ab hostilibus castris in urbem avexisse: adeo quidem ut ipsam præter obsidionis molestiam, lenius cum obsessio quam cum obsidente semper ageretur. Moribus receptum est institutoque militari nostra tempestate concrebuit, ut cum obsessi ferociam hostilem, circumcursantiumque militum robur experiri maluerint, summis felem mœnibus aligent, aut summo pilo fiscella, vel conceptaculo leviori suffixo, animal morfu præacutisque unguibus asperum includunt; ipsoque mox vallo, vel obsessæ arcis aut oppidi culmine pilum surrigunt, defiguntque solo, ut hoc excitata venatu virtus hostica periclitetur, contemptuique sunt, ac pœne militaribus probris infames, si non vallum murumque scandere, trahereque prædam sui roboris agilitate hostes præsumpserint. Igitur cum numerosa illa barbarica multitudo despicabilior in dies obsessis esset, oppidanique sumptis in dies animis alacrius atque ferocius insurgerent, felem pilo longissimo subligant; ostentatamque totiens ab hoste magnitudinem suam, egregia pernecitate volucrique saltu tenuem in prædam, discrimenque leve perliciunt: sed & opprobriis interdum, amarioribusque convitiis hostem acerbissime municipes detaxabant; colosiceam illi vasticiem cibo vinoque refertam, ingentique ignaviae fabulo præsepultam objectantes; quin & inanem elatæ mentis fastum, iracundiæque sævioris immanitatem ipsorum sub ora hostium, ipsamque concursantium in faciem execrabantur, exigebant illustria præclaraque facinora superbe magnificeque dictis æquari. Quæ cum nullatenus responderent, eorum contepescentem ignaviam, astrictumque perpetuo rigore torporem omni contumeliarum excremento conspuebant: tanta dicacitate petulantiaque verborum, ut affecti tactique modis omnibus hostes ulciscendæ injuriæ reponendi acidioris dicti, si qua forsitan inter obsidendum occurrisset, occasionem quærirarent. Itaque curis omnibus anxii, examinatissimæque omni diligentia solliciti milites, eorumque ductores quorum in primis lutati foede tituli, sugillatique notis obscurioribus honores livebant, si quid ingenio vel manu possent, ad infensam urbem delendam, perdendosque infensissimos hostes, in medium conferebant: strepitare, minitari, territare, versare dolos, insidias texere, comminisci omnia, quibus hac vel illa feliciore via, susceptæ expeditionis exitus succederet. Quotidie tormenta flammis emicantibus circumsonare, ferventes ignitique passim aures globi circumvolare, quotidie fusoribus, sagittariis, jaculatoribus, laxa pilæ tela, omneque missilium

A genus in urbem spargi, tam assiduo perennique labore, ut fatigati perpetua defensionis molestia propugnaculis ægre milites sufficerent. Sed sponte sua strenuos ferocesque prælecti ductores acuebant, beneque ante actæ rei felicitas adjuvabat. Quicquid ergo corruptum disiectumque vi tormentorum fuit, incredibili satagentis oppidani, præcinctique militis alacritate redintegratum, solidioreque firmamento restitutum est: nullo imperio, nulloque jussu procerum expectato, coactæ manus innumeræ confestim firmiore basi, validioribusque pedamentis reparabant. Laborabatur hinc inde magna vi, summaque ope *Veneti*

B pro dignitate pro republ. proque penatibus ipsis dimicabant. E diverso, barbari pro contumeliis ulciscendis, pro rapina convectanda, pro tollendo diruendoque stirpitis *Patavio*, trucem in pugnam ferebantur. Sæpe Cæsar, ejusque militiæ, ductores, ac castrorum triarii, bellicæ consultationis causa prætorium in augustale coiverunt: multaue dissertatione, magnisque sententiarum concertationibus disceptantes, difficilem arduamque rem sæpius invicem tractavere. Comperit ex his habeo, qui nonnunquam hujusmodi concionibus interfuere, dum Cæsar hac de re conventum agit, ipsum exactissime cuncta disquirentem, cujusque ducis sententiam acri cura percunctatum fuisse: mox tanto ordine tantaque facundia luculentissime differendo rem bellicam disposuisse, ut in ipso perorationis articulo capta civitas omnino videretur: adeo quidem instantis belli simulacro, proscenioque pugnae, miris eloquentiæ modis, repetitoque de scholis rhetorum artificio proludebat. Obsessæ civitatis ambitum, omnemque defensionis internæ militiam, propugnacula, fossas, aggerem, hostiles turmas, hostica tormenta, omnia denique quæ præsto forent, quæque protinus ad manum oppidano suggererentur, suspenso levique sermonis penicillo depingebat. Substernebat admirantium oculis, quæcunque præsidia *Venetus* ab urbe, castrisque suis advocare posset, subitarioque præsentem in rem auxilio promere: contra vero, tormentales machinas, confertissimasque suis cum ductoribus phalanges, in ipsaque capeffenda expeditione præscriptum per ordinem succedentes, tenuissimo perterfæ delimitaque orationis suæ filo connectebat. *Cruciæ*, *Portuli*, *Portiæ*, *Codilongæ*que recessus, discretas mansiones, distinctas suis cum ductoribus turmas, sic explorato & innumerato habebat, ut hos inter milites, hisque diversatum regionibus suæ toto ineuntis vitæ decursu putes.

E Alibi tormenta, alibi peditatum agilitate sua promptiorem collocabat; rursus alio graviolem armaturam, diversoque leviolem destinabat: suas quibusque præfixas stationes, suæque ductoribus munera præsignabat. Tanta dispositi ordinis serie, ut si facta dictis exæquata fuissent, bis terque captum *Patavium* foret; sed inter os & offam multum semper interest: proinde quæ diligenti consilio, accuratioreque solertia diu mente concepta & versata sunt, eadem appensissima maturitate, parique actionis acrimonia peragenda sunt; alioquin si manus eadem celeritati mentis non obtemperet, discrepetque suo præceptore discipulus, in lacinias tela distrahitur; operosissimoque libratore moles altius educta, laxis lateribus, divulsæque compage, ac pronutante basi ruinosa concidit. Sic quanquam omnia solertissime præmeditatus expeditioni suæ Cæsar præstrueret, cuncta tamen vel suorum ignavia pugnatorum, vel obsessorum duritia pertinaciaque defensorum evanida diffluxere. Bellici tamen interea fremitus, bellicique terrores militari ira castrensi- que tumultu permixti, defectum oppressumque quoti-

quotidianis laboribus & ærumnis populum, ipsamque continentibus anxiam urbem miseris agitabant; conflictabantque multiplici districtum civem molestia: intus quippe, quanquam militaris urbanique Prætoris reverentia, militarem petulantiam suo more licentius agentem frænaret, ægre tamen in tanto belli ardore flammis suis æstuante, censuram exercere severiorem magistratus poterant; ac distortos pravosque mores ad publicum vigorem disciplinamque suam revocare. Foris vero cum inculta horridaque omnia tot militum excursionibus, ac interni externique bellatoris populatione devastata squallerent, concitata etiam urbanis odiis indignatio, dum obsessorum contumeliis incessentiumque ludibriis barbaricus furor accenditur, rusticanarum copiarum iacturam, agrorumque calamitatem conduplicabat. Quæ tametsi belli jure, solitaque perniciæ castrorum evenirent, aspera tamen otiosis longa pace civibus belloque jam desitis esse videbantur. Tunc itaque pii sanctique senes, teneræque virgines, quarum innocentia animique candore superi lætantur, obsecrare obtestarique Deos, ut ægris deficientibusque succurrerent, suæque pietatis abundantia præsentius opitulerentur. Ipsi quoque sacerdotes flaminesque, perpetui obsequii devotione sacris mysteriis emancipati, ascriptique Deorum aris, sacra facere, carmen dicere, lætisterniis pulvinaribusque Deorum omnium litare, hostilem impetum, Reique publicæ delugentis pressuram obtestatione multa deprecari: quod impetraverunt piæ castæque mentes, effusioresque rogatu supplices sunt consecutæ. Uno siquidem & altero *Germani Hispanique* assultu civitatem infelicitè adorti, eamque perpetuis missilibus atque tormentis insectantes, cum magna semper accepta clade propulsarentur, ingentique militum amissorum dispendio refugerent, solvendi protinus obsidii causam præbuerunt. Ergo cum suam iterum fortunam experiri Cæsar animo præfixisset, statuissetque vehementiore pressura civitatem distringere, eam in rem cuncta diligenter seduloque præparat, expugnandoque *Patavio* opportunum omne rursus instrumentum admovet, verum profundiore noctis silentio *Gallos* in diversa, cumque his *Italos* emigravisse compertum est: *Veneti* qui barbaricum in horas assultum expectantes pernoctaverant, exegerantque lunam insomnem, visores ipsam sub lucem amandarunt, qui hostilia cuncta specularentur, explorataque diligenter & ex fide referrent: Qui magnas extemplo *Gallorum Italorumque* copias abcessisse retulerunt; *Germanosque* rerum suarum ignaros restitisse. Quod cum ex insidiis doloque factum *Veneti* timerent, omnibus magis accincti viribus promptique copiis incubuerunt: Quia repentini discessus *Italici Gallicique* causam nullam præceperant. Tunc itaque Cæsar sive de composito, sive casu hæc ab *Italici* admissa *Gallique* perpenderet, ut imparatos hostes, quosque negligentia crassioris reos esse putarat adoriretur, copias suas omnes quantis potest collectis viribus ad urbem impingit; omnemque mollioris oppugnationis locum speculatus ingrassatur, ipseque inter primos expeditus suadendo, hortando, urgendo, omnia perlustrat; obambit, circumcursat. *Veneti* fugæ simulacro, repentini discessus simulatione, tum solis *Germanorum* invadentibus copiis, imposturam sibi factam prætimentes, quanquam nocturnis delassati vigiliis, omni tamen alacritate corporum & animorum insurgere, præluctari, depugnare: nullam inutilem nec in cassum plagam, nullos futes nec elanguidos ictus, nulla lacertis excussa torpentibus irrita tela pati; ubique fortissime constantissimeque de-

A certare, ubique vim bellicam, irrumpentemque passim *Germanicum* furorem audacissime sustinere. *Germani* extrema sua prætentantes, cum impensiore Cæsar's hortatu, tum quia transactæ expugnationis laudem in ipsos refluxuram, seque diribitores opulentioris prædæ futuros existimabant, distentis omnibus nervis, totoque nixu suo violenter impacto dimicare, depræliari, concertare; cominus eminusque missilibus telis omnibus consistere; mœnibus suggredi, scalas admove, muros scandere, desilire, digladiari, quo robore suo consolidata mœnia, nullisque deformata ruinis stabant, quaque diductis muris te-rebrati obices, latisque retriti foraminibus expatuerant, omni facili difficilique aditu circumfusi hostes adstrepere, ferro flammis tormento viam *Germani* quærere: ac velut supremis hominum fatis, cum dissolvendi corporei nexus hora lachrymabilis hominem interpellat, ad extremumque deducta Parcæ fila dirumpunt, aut dirumpere præparant, diuturnæ notæque sedis suæ, sui que conscius domicilii gratioris, spiritus, ne dissolvatur, exigaturque tabernaculo suo amœniore, laborat, quantaque vi potest validissime reluctatur; adeoque frequenter natura pugnat, ut conclamata projectaque paulo ante cadavera, nonnunquam vigore nativo propellente rediviva confurgant; nulla saliente vena, nulloque vitali pulsante motu velut incolumitati restituta degant: mox reliquiis omnibus absumptis, omni-que pristini caloris fomite refrigerato, tanquam ex alto dilapsa, resolutaque nervis ac venis omnibus uno impetu procidunt, unoque mirantibus cunctis fragore prosteruntur. Sic barbari capiendæ diripiendæque urbis alienæ desiderio incensi, cum, nisi ex voto confecta re, discedendum emigrandumque turpiter animadverterent, omnibus equis quadrigisque, totaque suarum contentione virium enitebantur, ac uno brevis horæ momento, tota vi totoque desudantes spiritu vehementius anhelabant. Sed in cassum frustra-que, quoniam naturæ legibus parendum erat: recurrentibusque suum in ordinem seriemque suam fatis, *Patavium* antiquis dominis, priscoque juri suo reddendum fuit; quæque prius impetu bellico subruta prostrataque jacebant, ea omnia confarcire, restituereque in integrum oportebat. Ergo cum ipsa sub mœnia durissime ferocissimeque vario Martis eventu pertinaces hinc *Germanorum*, illinc *Venetorum* animi pertinaciores conflisissent, cruentatique multo vulnere ac sanguine lassis Cæsariani viribus laberentur, *Leonini* vero *Germanos* sub cultro relictos, *Italici*, *Gallis*, *Hispanisque* procul abscedentibus, certo scirent, recreata instaurataque omni acie, quanta summa possunt ope impetum faciunt; quaque disjecta mœnia fuerant, congressusque faciliior, ac vallo paulum acclivior patentior erat, hostem impetunt, exculcant, proterunt: nulla-que non nota refugum retroque versum, in castra redigunt. Quo facto consternatus Cæsar, cum sese Diis invitis pugnantem, & averfis equis cum hoste congressum sentiret, sub ipsas dilatatum calendas octobris obsidium solvit; profectusque *Tridentum*, per ipsas nivibus ac glacie levigatas *Alpes* in ulterioris *Germaniæ* declivia penetravit: mirantibus cunctis quod infecta re, nec ulla frigoris urgente sævitia, dimissis copiis in hyberna secederet. Nonnulli persuasissimum habuerunt, de composito prorogatam expugnationem; ipsumque trans *Alpes* de industria Cæsarem dimisso mox exercitu festinavisse: quippe si ejus animo sedisset, ut subigeretur *Patavium*, capi potuisset; sed dehortantibus plurimis, cum non nisi magna cæde, multisque millibus hominum

B. Arlunns.

H

desi-

desiderandis evinci civitas non posset, substituisse Cæsarem putant, veritum maxime, ne pulsus fuisque hostibus cum *Gallo Italoque*, quos maiore potentia suspectos habebat, dimicandum foret. Eorum qui hæc literis complexi sunt, alii nescire se causam de plano profitentur, alii vero quoniam longas inutilesque moras irritum semper conatu detrivisset, castris abscessisse Cæsarem scribunt. Nonnulli etiam, quod absurdus est, pietate motum existimant, cum magnæ foris intusque futuræ stragis tæderet: quod conjectarum in urbem literarum argumento fragiliore conjiciunt. Utcunque tamen hæc hominum iudicio perpendantur, nonnullam certe legentibus juxtaque scribentibus admirationem ingerunt, quod infecta re, nullo cœli rigore, nulla commeatus penuria, nec tunc multo milite desiderato, Cæsar vasa conclamaverit: cum & obsidere diutius, & fortis aleam iterum tentare potuisset. Ego quidem adactum inopia stipendiorum Cæsarem castris emigrasse reor, diversarumque gentium glisciente discordia, suorumque discrepante procerum voluntate lentescentem, ac parum *Italique Gallisque* confisum, quos naturali odio invisos habebat, cum jam inutiliter ipse manu sua provinciam attentasset, bello temperasse, omnemque exercitum dimisisse verius puto.

Relaxato urbe obsidio *Gallorum, Italarum, Hispanorumque* alio atque alio pervadentibus copiis, omnique discussa *Germanicæ* phalangis armatura, *Venetorum* Optimates, qui præter ordinem in bella coiverant, magnaque delecti Patriciatus adjuncta cohors, omni re feliciter transacta, peractisque Diis immortalibus gratiis *Patavio Venetias* solum verterunt. Tum Legati Præfectique castrorum omnes statim ex urbe milites eduxere, liberam eam civibus suis, ac interno externoque commilitio purgatam relinquentes; qui suorum compotes votorum, plenaque voluptate distenti, nullum lætitiæ suæ modum, nullamque conceptæ jucunditati suæ mensuram præscribere poterant: Quippe cum inter ultima versati, supremam pœne lineam contigissent, prægustatis amnis *Lethei* fontibus, sese ad superos instaurato stamine, redintegratisque *Parcarum* beneficio filis, remissos aiebant; reputantesque superatas ærumnarum moles, in ipso tranquillitatis tabernaculo quieti, præterita omnia miro cum stupore miraque cum animi voluptate secum evolvebant. Quemadmodum sæpe pelago jactati, aut arduis prorepentes montium jugis, cum subjecti profundiorisque barathri præcipitium, aut symplegadas circumvecti *Charybdim Scyllamque* propellentibus ventis evaserint, attoniti repente superati discriminis gravitate respiciunt; nec qua reptili per lubricum agilitate, aut nandi arte prætervecti casum evicerint, scire possunt, diis tantum acceptum habent, perpetuasque illis & immortales gratias agentes obstupescunt: sic & *Patavici* cives obsessi, periculorum miraculo præteritorum attoniti defixique suspiciebant, quantoque propius exactæ cladi quisque fuerat, tanto majori prorumpentis impetu lætitiæ ferebatur? commensationes ergo consodalitiaeque, joci, sales, ludicra, quotidie celebrata; agitataque publicæ lætitiæ signa, flammæ, æra, tubæ; tum & superis soluta vota, suisque supplicationes hymnis peractæ sunt; thura data, vina libata, immolata Pontificio ritu nostrisque moribus hostiæ. Atque his dum sacris impensius operatur suis promiscua ceremoniis tonsura, non nulli hostium castra revifere; devastatos alii suos agros lamentari, plures jacturam privatamque lugere: mox quam tantæ calamitatis in vectæ dispendio mœrent, cum sese tamen præterito pondere levatos re-

A miniscerentur, gaudebant. Interea *Veneti* post urbem *Patavium* militari colluvie repurgatum, aperta que dimotis repagulis commeantibus ac remeantibus itinera, patefactoque profluentibus aquis aditu, quem septis & aggeribus objectis ad obsessorum inedium hostes obtruxerant, lustrato exercitu, solutis stipendiis, fidaque rusticorum accersita manu, *Vicentiam* iter parant. Et quoniam barbaricum jugum abhorrentes oppidanos, *Venetique* Reipublicæ studiosos municipales esse cognoverant, equites peditesque ferentarios præmittunt, quorum adventu plebem commotam iri, *Germanosque* receptis præsertim auxiliis ejecturam putabant. Quæ cum parum ex animi sententia procederent, sive præsentaneo metu, quem populus ex stationario milite concipiebat, sive ex illata jam vi, totis eam in expeditionem viribus itum est: ac primo quidem urgeri civitas tormentis cœpit; repetitaque sæpius filicea glande pulsari; facto aditu, postibusque revulsis, tum cuneo violenter impresso milites ingruunt, obnituntur, irrumpunt: acta res erat, seque *Veneti* protinus urbis rerumque potituros existimabant, cum truculenti furentesque barbari suas in phalanges ordinemque restricti, præcipientes in arma ruunt, atrocissimeque depugnantes cædunt, vulnerant, sternunt. An-

C cipiti telorum agitatione, mutuisque crepitantium armorum sibilis, dum invicem allisi relisque milites instringunt, dum verberant ac verberantur, dum plectuntur atque deplectunt, terrifico fragore cuncta percelluntur: adversas immoto nixu *Germanorum* acies constipati robore suo *Leonini* milites adurgebant, ipsique nonnunquam dejecti pulsi que loco rejectabantur; confligentium fluxu refluxuque bellatorum, foede crudeliterque solum omne complangebat. His tantis cædibus intercesserunt salutare obscuræ noctis tenebræ, caliganteque cœlo Duces utrinque receptui cecinerunt: & quanquam nonnullis occupatis continentium ædificiorum sedibus, victoria pro *Veneto* stetit videretur, suburbanique pars magna *Pusterlei, Dionysio* pedariæ militiæ Magistro cecidisset, in ipso tamen titubantis fortunæ lubrico, dubioque Marte constituta res erat. Verum in tempesta nocte, cum jam *Veneto* propentiorum fortunam aspiravisset suo quisque magis animo duceret, oratores *Vicentini* Legatos *Venetos* allocuturi, *Sanseverino* impulsore, qui tunc in urbe ductorem agebat, militumque suorum incolumitatem pacifcente, civitatem dedunt. Qua in fidem recepta, sospiteque dimisso milite, cum ad ulteriora *Venetum* fata provocarent, eodem successu

E *Veronam* capi posse prudentum opinio fuit; sed dum sedandis popularibus procellis, direptionumque seditionibus comprimendis, præsidēs artinentur, recensendoque exercitu, ac stipendiis erogandis Præfecti castrorum vacant, occasione lapsi sunt: exacerbatus siquidem animo *Vicentia* Cæsar amissa, cum *Venetos* propediem *Veronam* oppugnatos arbitraretur, *Tridentum* ocyus advolat, accitisque sociorum undequaque præsidis, *Gallicarumque* præsertim adjuncta manu suppetiarum, civitatem præmunit, obarmat, præcingit, aggere, milite, commeatu: adeo quidem ut *Leonino* paulo post appetente exercitu, multisque pugnantorum millibus urbem debellare paratis, oppidani ipsi collectis viribus, quadratoque agmine obviam ire, consistereque difficili prælio, & asperiore pugna decertare præsumperint. *Lemniaci* Præfectus *Carolus Marinus* audito *Venetorum* motu, ac ex *Vicentia Veronam* properantis exercitus eorum profectio cognita, eductis peditum velitumque suorum ordinibus, tum & agricolæ præduri contracto robore, *Venetas* legiones in eam expeditionem prævenire tentat: huic ho-

F

stes obvii trepidanter alacres facti sunt: acerrimeque collatis signis, omnibusque contractis viribus confligere: dimicatum esse eventu vario, intercurrentesque tenebrae victoriam interceperunt. Tunc itaque legati difficiliorem quam rati prius essent provinciam intuentes, cum praecipue nullos in urbe motus populares audirent, quos excitatos iri propinquantibus ipsis arbitrabantur, neque per exploratores quos secretis callibus in diversa praemiserant, certi quicquam haberent, regressi sunt, asserendae urbis, potiundaeque rei meliorem occasionem expectantes: quam post *Feltrum Cividale*que receptas urbes, expugnatamque praestantis *Aluisi Mocenici* strenuique ductoris opera *Scalanam* arcem, omnibus praeter duces crudeliter & faede caesis, assidui *Gallorum Germanorum*que motus, assiduaeque populares procellae conflictatis omnium animis erumpentes obtulisse videbantur. *Veronam Germani* Jure suo, *Cesarisque* nomine tenebant, quam & *Galli* jure pignoris, cum mutuo *Cesar* a *Ludovico Francorum* rege multa numum millia sumpsisset custodiebant: insolens truculentaque barbaries fervidae praesertim juventutis accensa calore, quem indisereti potus ad insaniam agitabant, frequenti conflictu jurgiorum intemperantia concitato, decertabat, ac sumptis saepius armis velut hostem impetiturae, directae in festaque invicem sociorum acies concurrerunt: discordiosas earum contentiones, irasque debacchantium, miseri cives viscerum suorum nutritis alebant, & cum ebullientes impetus barbarico furore saevivissent, conspumassentque velut objectis invicem obicibus majore contumacia relisi, mox civium in praedam, eorumque dilapidationem bonorum declinabant: rapinae, tumultus, impressiones, omni re familiari dissipata, miseram hinc inde civitatem divexabant. Lugubris omnis & funesta domus, moerentes ubique lachrymosique penates, totaque ferali civitas obsita squallore perhorrebat, cum nonnulli *Veronensium* in castra *Venetorum*, exindeque ad legatos eorum se conferunt, barbaricum jugum, longasque miseriarum suarum *Iliadas* detestantur: mox *Venetam* in Remp. immensos affectus suos, publica fide, immortaliumque Deorum contestatione declarant, *Georgianam* dehinc portam sese noctu tradituros disponent, omnemque pro *Venetis* urbicam castrensemque operam ardentem obituros pollicentur. Accurati diligentesque semper & ubique *Veneti*, post gratias solemnem verborum praefatu civibus suis peractas, nequid temere parumque consulto capeffivisse, neve suarum amore nimio decepti rerum hebecere viderentur, ex omni peditatu delectos quinquaginta viros, acres, expeditos, & ad omne munus exequendum habiles, *Veronam* ire jubent, mandantque ut ad exitum perducere possit, referant. Hi propugnaculorum, fossarum, aggerum, tum & interfluentium aquarum magnitudinem, profundum, latitudinem, aequiore libramento permensi, cum & scalas breves, oblongas, contos, translatiamque omnem ad perficiendum opus materiam praeparassent, legatos ducesque certos faciunt: quibus acceptis legitimi castrorum provisores *Joannem Paulum Gradonicum*, qui *Rhodigianam* procuracionem obibat, emonent, hortanturque ut congrua quintentorum levitum advocata manu susceptam in expeditionem procedat. Omnibus igitur advesperascente caelo compositis & ad rem perficiendam instructis, *Veronam* raptim milites contendunt, ut ad secundas faces exinde ductoribus evocandi, quos ad opus opportuna omnia, ea hora disposuisse symbolis facti certiores erant, pro moenibus starent: ex destinato cuncta processerant,

penetraveratque miles primis transcensis moenibus, ad arcis extrema, cujus muros excessisse laborum meta fuit. Ergo confestim admotae scalae breviores, ad destinata perrecturo militi fraudem fecere, quas dum fune subligant, adnexisque firmioribus nodis jungunt, ac omnem festini moram praecipitant, ecce nescio quod trepidis male numen amicum confusam eripuit mentem; visique per umbram sunt hostes arma succlamare, vociferari, constrepere: & quanquam inani metu stultaque formidine paverent, sic tamen exterriti contremuerunt, ut umbram etiam suam metuerent: horrorem incusserunt unus & alter nescio quo sinistrore fato militibus adversa nuntiantes. Tunc itaque qua fuerant ingressi via eadem regressi sunt, tanto timore metitque praecipites & inconsulti, ut excitati repente vigiles, omnisque commota barbarico furore custodia confremuerit. Itaque denudatis & apertis omnibus, omni que re-texta contextae fraudis & insidiarum tela conscios insciosque corripunt, torquent, laniant, dissectos custodes duos, quos falso reos autumabant, ac minutissimis ictibus excarnificatos conficiunt: nihil immanius immanitate barbarica, nec illius quicquam saevitia saevius, cum praesertim sinistra sceleris admitti suspicione laborat: non indicibus, non argumentis, non quaestionibus ullis, aut legibus locum esse patitur: suo consilio, suo examine iudicium agit, maxime si gentis exterae reos obimplicet, quos infidos, fallaces, sibi que semper infensos arbitrat. Sumpto igitur de nonnullis iuste vel injuste supplicio visoria deinceps excubitoriaque maiore custodia civitatem, concreditaque sibi mansiones observare barbari coeperunt, ac vasto patuloque fossarum ingentium hiatu, duplicatoque latius aggere, tum firmioribus munimentis, eductisque majoribus propugnaculis urbem praecingere, ad hac cives infestare acrius, communem arcem expilare molestius, sollicitantesque privatorum crumenas emungere pressius occipere. Tunc omnis ad vivum erasa discriminatae religionis tonsura, opulentiorumque omnium & inopum angustae largioresque fortunae, plus nimio tributis indictionibusque novis praegravatae congemuerunt. Quae dum *Vicentino Veronensique* agro, publicis privatisque multorum dispendiis agitantur, ne qua diu regio vacaret armis, neve pernicioso exitalique bello diu miles ociosus feriret, *Attestinos* invadere, *Ferranianos* ingrassari, suaeque vetere recepta *Cherroneso*, gentis infestae depopulanda militibus omnia dare, *Veneti* constituerunt. Non parvi quidem levissime momenti res erat: populus siquidem intestino naturalique dissidio patriciis principibusque *Venetis* avertebatur: & prudentis *Alphonso* ducis sui cives imperio non inique parebant. Praeterea foederatorum praecipueque *Gallorum* genuinis odiis *Veneto* repugnantium praesidia timebantur: Quae tametsi longius hybernarent, eaque procul expeditione distraherentur, praevallata tamen civitas *Ferraria*, plebsque sui principis studiosa, donec ex diverso vel hinc vel inde subsidiarii milites coivissent, hostilem impetum bellicamque vim sustentatura erat: ergo navales terrestresque copias eam in provinciam *Veneti* parant, triremes expediunt, sicuti quidam tradidere tres de viginti: *Caelius* ad viginti notat: *Mocenicus* cui plus crediderim, sex ac decem scribit: his aliorum praeterea navigiorum infinitus numerus, utpote qui millibus multis constaret, accessit. *Angelus Trivisianus* Patriciatu vir insignis, praefectum classis agebat, his aquaticis legionibus adverso *Pado* subvectis, *Guardiam*, Suppadanum vicum applicuit, mox ad ulteriorem *Padi* ripam, munimenta quam ocyssime levibus gravibusque

busque tormentis instructa, parat, excitatque cum vastaticia, tum militari manu molem operosam & ingens opus, quo recepti milites & ab hostibus tuti classem statione sua commorantem defenderent, ac cum emissi castris populatum is- sent, brevi suffugio propugnaculoque tutiore, si Martis adversi casus impulisset, conderentur. Stationarium præterea militem non improvidus castrensium negotiorum provisor *Trivisianus* circunquaque locat, omnemque aggeris locum infirmitate suspectum ac debilem validiore militum robore, firmioribusque custodiis obarmat. His dum operibus intenta juvenus detinetur, quaestuariique mancipēs aggeratio labore præfudant, alii pabulatum hostili more, lignatum alii, nonnulli frumentatum longe lateque pervadunt: quotidie populabundi, infestantesque omnia, prædam convectare, pecus abigere, captivos trahere, pagulos, villulas omni ex hostili arvo casus diruere, pervastare, exurere, incitatissimis excursionibus, lateque peragrantibus turmis, agrorum interiora penetrare, unoque perpetuæ calamitatis fragore cuncta perfringere. Jam ad obscurum usque lacum prædatoria cohors descendit, armatique levites equitatu perniciose *Ficariolum* direptionibus ac rapinis infestatum perrexerant, cum hostili audito motu ad *Pilosellam* fluvium, *Venetici* cuncta diligentius percunctabundi subistere, propugnaculumque subitaria molitione validius ad invectæ classis tutelam erexere. Tum quoniam nataticiis legionibus terrestres copię magno præsidio esse putabantur, evocato ex stativis omnibus exercitu, omnibusque terrestribus ac maritimis confluentibus copiis, *Montignanam* itum est, quam admotis tormentalibus machinis, omni ex disposito agmine vehementer impetunt, oppugnantque: conterriti cum improvisa re municipes, tum ingruentium multitudinem turmarum, levi primo certamine commisso, cum sese bellico oneri perferendo impares esse cognoscerent, deditioe cesserunt. Captivi milites civesque, præcipue qui præfecturam agebant, in *Veneta* castra perducti sunt, omni ex cætera militaris turba suis exutis armis cum nota dimittitur. Exultanti propensiore victoria *Leonino* militi vicina cuncta nullo statim pulvere subacta sunt, *Rhodigianique* repente tractus omnes anhelante voto desiderati, incredibili victoriæ properantis successu, mira ex rerum felicitate omnium *Venetarum* in ditionem redacti sunt. Angebatur curis ingentibus, magnis molestiis distorquebatur *Alphonsus*, cum hostis elatior in dies eventu prosperiore tumesceret: cuncta populationibus & incendiis exusta squallebant, omniaque bellico fragore quassata consternebantur: villici profugere, cives lamentari, milites omnia permixta confundere: nihil tutum foris, nihil domi securum, omnia rumoribus ac periculis inquieta turbantur. Ad hæc quamquam agrestium copiarum non levia detrimenta forent, incumbente prævalido tritis retritisque finibus cunctis exercitu, majora tamen urbicarum futura propediem dispendia putabantur, quoniam *Venetici* de quo post tantam cladem acceptam, paulo ante conclamatum existimabant, redivivus, membrisque vigentior omnibus atque valentior insurgebat, suisque reparatis de integro viribus, ne dum adversus potentissimos reges, orbisque pœne terrarum dominos sese tueri suaque defendere, sed intercepta repetere, finibus suis longius egredi, bellumque ferocissimis hostibus ac populis inferre præsumebat. Formidinis ac pavoris omnia plena: omnis terrore concussa civitas: omnes ex propinquo municipes & agricolæ, sua omni suppellectile plaustris imposita, *Fer-*

rariam velut in portum conceptaculumque securius confugere. Contra vero, *Ferrariani* adlambentibus flammis obacti, profundæque fornacis denigrati fuligine, cum exundantes ignitosque vapores non sustinerent, procul effugere, magnis ubique damnis affici, vastoque circumsonante miseriarum pelago naufragari. Quibus princeps omnibus vehementer accensus, cum præsentaneum instantis periculi magnitudo remedium exigeret, tumultuarios legitimosque milites conscribere, peregrina domesticaque arma commovere, proprias subsidiariasque cohortes raptim, expedire: tum socios omnes foederumque participes discriminis admonere, hortari, urgere, ut his ingruentibus malis præsto sint, obserpentique morbo præsentius occurrant, ut repullulantis hydræ capita præficerent, *Anteum*que lapsu suo vigentior, suaque ruina præstrenuum, elidant, suffocent, conterant. Quæ dum *Alphonsus* obiter sollicitate procurat, omniaque pro mentis suæ sui ingeni solertia peragit, universusque *Ferrariensis* ager *Veneta* devastatus impressione laborat, jam ex *Liguribus*, *Insubribus*, *Cenomanis*, omni ex *Cisalpinâ Gallia* contractæ barbarorum copię, *Veronensem* agrum, arvaque lato circum tractu finitima devastabundæ turmatim irruerant, seseque *Vicentiam* atque *Patavium*, ac cætera mox omnia subacturas, elati animi sui insolentia minabantur: & adhuc magno metu, magnoque omnium terrore *Gallicana* res stabat: adeo quidem ut *Ludovici* regis auspicio pugnaturi quamquam pauciores, magis tamen hostibus essent formidolosi, quam cum sub alienis vexillis plures majoreque numero congregarentur. Tota passim *Italia* præcipueque *Cispadana*, tot continentibus victoriis illustrata, *Galicum* nomen extulerat, cum è diverso *Germanicum* nulla re transacta feliciter, obscuratum magis adumbrasset. Igitur crebris adventantium hostilium copiarum rumoribus, cum & victoris *Gallie* fama prosperior etiam in majus rem bellicam attolleret, solliciti Patres de Republ. deque subsidiis municipatim dispartiendis consultare coguntur. Tum *Vicentine Patavine*que rei sparsisque circum oppidis ac subjacentibus vicis prospectandum erat; sed & *Rhodigio*, *Padanæ*que provincię, *Ferrarianis* circumcursantibus armis impensius cavendum: nec deferenda *Verona*, nec *Verone* boni cives despiciendi, quique maxime rebus *Venetis* omni arte studioque favebant, pari gratia, paribusque meritorum officiis fuerant confovendi. Igitur *Andreas Gritus* evocatur, qui cum *Petro Marcello* adscita peditatus ac velitatus armatura, *Montignanam* ac *Coloniam*, mox *Suavium* atque *Leonicum* proficiscerentur, ut *Patavium* tanto labore recuperatum assertumque dispendiis incredibilibus, protegerent, cum adhuc infirma lubricaque possessione subhærentes, tot infestis & aderrantibus *Gallorum* copiis, urbicæ res pronutarent: Quique civitates in quas sese destinato recepissent summa ope suaque pro virili tutarentur: juvarentque de propinquo *Vicentiam*, omniaque mutuis invicem auxiliis, *Venetique* nominis studiosos cives complexarentur. Verum ad obeundam sustentandamque hujuscemodi provinciam, milites desiderati, quoniam ad reprimendos *Gallorum* impetus, barbaricamque vim propulsandam, exiguæ tenuisque *Venetorum* copię putabantur. Itaque pars magna terrestribus exercitus, ex *Ferrariana* expeditione confestim accita in *Patavinos Vicentinos*que fines trajecit. Hic etenim belli moles major insurgebat, defendendarumque urbium & oppidorum sollicitudo majorem exigebat cautionem, quam oppugnandæ *Ferrariæ* cura laborque deposcerent. Ab-

scendentibus illis ergo relaxati *Ferrariae* cives, cum & aliquot *Gallorum Hispanorumque* manipuli, quos ad urbis attonitæ tutelam *Alphonfus* contraxerat, accessissent, spem fortunæ secundioris erexerunt, quam & imminutus hostilis exercitus augebat, & aliorum maioreque periculo conflata diversis finibus bella secundabant. Duplicatis igitur auxiliis, geminatoque præsidio sublevatus Princeps, occasionem bene gerendæ rei mollioremque invadendi exercitus *Veneti* fortunam opperiebatur, & altius quidem animo delendi hostis ulciscendæque injuriæ libido, quam præ se ferret, infederat, acuebatque in dies sui doloris acrimoniam, maceratamque diuturni vulneris saniem recoquebat inflictae magnæ cladis indignatio. Interea tamen ipse leves peditum ordines *Alphonfus* emitte, ferentariosque peragantes interlucentibus alis amandare, castrorum munimentis interdum audacius suggredi, sæpe fugam simulare, hostem petulantius etiam quam par esset, ut concinnato stratagemati proluderetur, incessere. *Venetus* quanquam suorum abscessu sociorum paulo rarior atque restrictior, strenue tamen fortiterque pugnare, valide classem aggeresque tutari, alacriter hostem impetere, ferociter congregi, ardentem consistere. Eo malitiæ provecta res erat, eoque *Ferrarianorum* doli, ductorisque eorum artes processerant, ut non solum ex hostico congressu refugerent, sed majori simulato pavore tormenta nonnunquam milites abjicerent: ac ut invadentibus darent animos, interdum etiam sese de compacto spoliari viliter exuique paterentur. Invaluerat elatis animis ventosa simplicitas, inflataque plus æquo turba vulgaris, perpetua cedentium hostium felicitate, eorum copias omnes despectissimas habebat, & nisi præfecti moderatorisque *Angeli* prudentia inconsultum juventutis calorem, ferocientisque militis animum cohibuisset, erupissent inconditi relictis septis suis ordines: nec levi cum pernicie exercitus in ulteriora penetrassent; sed ductoris *Angeli* circumspicientis omnia, cunctaque sedulo perpendentis edicta vetabant, qui classem, munimenta, suumque militem integrum imminutumque servare, nec ullam ambigui certaminis aleam tentare animo suo præfixerat; sed hostem assiduis excursionibus, populationibusque continuis fatigare, prædas agere, devastare omnia, donec *Patarino*, *Veronensi*, *Vicentinoque* confecto bello, quod in dies barbari majore numero coeuntes augebant, *Veneti* senatus imperio revectæ subsidiales copiae, præsidii suis affuissent: aut querelantium affectus tædio civium *Alphonfus*, suæque rei pereuntis in dies detrimento consumptus foedera pacemque tentasset. Sed & præstuti ducis *Alphonfi* sagacitas acri ingenio cuncta scrutabatur, elicereque suo *Venetum* domicilio modis omnibus prætentabat. Quem cum nulla fraude nec insidiis irretire posset, *Angelo* semper attentius præcavente, data opera hostem aggredi, invadereque facto agmine statuit. Ardua quidem & difficilis si ex æquo pugnaretur res erat; sed longe difficilior & gravior si congressu dispari septa, fortissimoque aggeres adfiliisset: ergo stratagema meditatus hostem dolo circumvenit, infraque *Venetorum* conceptacula, sed è regione classis instructissimæ, prægrandes vastasque tormentales machinas promovet, & ad opus composita statione locat. Tum perforatis aggeribus qui pro fluminis ripa stabant, tantum officii dilaxavit, quantum ad siliceas ferreasque pilas immensi ponderis excutiendas sufficeret: longe quidem extantes aggeres apparebant, sed ab imo fatiscientia dilaxatis orbibus ora sublatentibus organis quibus immanes orbiculatæque moles expuerentur, falle-

bant: nec quicquam ex adverso, frontispicioque hostium quod oboisset perpendi poterat: ipsaque meatus angustioris foramina quanquam classi perpendiculatim opposita, vapore tamen aquarum, crassique aëris interjacente spisso luminis aciem acutissimam retundebant. Præstructis insidiis accedere non parva torrentis *Padi* suffragia: siquidem magnis aquarum incrementis adauctus amnis, extumuerat, suaque restagnantis fluvii vastitate sic classem turgentes undæ sustulerant, ut pœne riparum summa labitantes, adæquatæque superciliis earum, naves velut scopos ad amnis perpendiculum justissimoque aquarum æquilibrio tormentis objicerent. His blandissime lenocinante *Pado*, cœloque non minus aspirante, dispositis, silentium dux imperat, nec quicquam nisi signo dato jubet attentari: mox eductis omnibus copiis, omnique expedito ac celeri præmissis peditatu, nocte intempesta, quo cæca caligantibus tenebris multitudo ignaraque rerum militaris inscitia conficeretur, quanta vi quantaque potest ope munimenta impetit, omnibusque circumquaque strepitantibus turmis armatorum, omnique clamore militari consonantibus, ingrassatur. Exciti repente vigiles, extemploque fuscitatæ stationibus suis excubiæ, geminatis suoque tergemminatis de more vocibus, arma conclamant: prompti, alacres, accinctique milites undique circumfluunt, incurfant, satagunt, equites, pedites, tormentarii, fusores, uno omnes impetu, unoque calore perciti circumstrepunt, ac sua dispositis agminibus sepimenta, claustraque validissime fortissimeque tutantur. Tum primis ictibus, primaque telorum agitatione *Veneti* jocularibus hostem dictis incessere, calumniarique frigidam ejus improbitatem, quod nisi per insidias & noctis obscuræ dolos quicquam ignavus & piger auderet, objectareque illis focordiam suam, torporemque tot præliis inexcitum exprobrare. At contra, *Ferrarianus* intentissimo dimicandi studio percitus, conceptaque probrorum indignatione stomachatus in pugnam ruere, atrociter digladiari, summa scandere, pertinaciter obniti, infra supra, dextrorsum levorsum, & huc & illuc, & hinc & inde perurgere, deluctari, imprimere, hunc acriter cedere, illum loco detrudere, alium solo violenter insternere, simulatum diu languorem, objectatamque frigentibus ignaviam initi certaminis ardore concitisque flammis inurere. Dum hic asperrime sævissimeque depugnatur, ecce signo dato tormentarius magister, vastissimos canales æneos summa contacto scintilla pulvisculo degravat: mox alii, dehinc super alios alii tormentis prægnantibus exsolutos fætus ejiciunt: vi flammaram ignisque perneciter excussæ intortæque prægrandes pilæ, in ipsam directo classem expositam impinguntur, tanto tabulatorum fragore contignationumque ruina, ut coelitus immissæ faces crederentur. Primo statim ictu tota fere conturbata classis intremuit, dumque triremis triremem percellit, aliæque post alias allisæ naves compinguntur, subito correptos metu nautas distrinxerunt, atque dum attoniti magna malorum formidine de remediis cogitant, ecce velut grandinis nimbique furentis instar lapidarius imber compluere, flagellare, disjicereque ruinis omnia coepit: anxia præcepque omnis turba subitique casus horrore conterrita, cum nec de ægritudine, nec de ægritudinis cura liqueret, fremere, cursitare, horrere: elati subito nautarum militumque stridores, tum & subtilis facileque cedentis materiæ crepitus terrifici, deformatam classem exagitataque miserabiliter omnia conturbabant: succussæ naves invicem, fluctuque reciproco invicem adlidi atque relidi: hæc dissitis laxif-

que compagibus demergi, aliæ proris, aliæ puppi-
bus turpiter admutilari: nonnullæ retritis invi-
cem ratibus, mutuisque nexibus invicem adfrictæ
quassari: intus præterea alieni omnes furentesque
bacchari, unam omnes in morte salutem repone-
re: armati alii, nudati alii, alii alio modo ut fata
præcipientes impulerant, in flumen defilire, flammis
torreri, tormento perire: inenarrabilis horror, in-
audita formido, unaque non facies improvise mor-
tis elanguidos nautas ac milites extrema per omnia
versitabat. Qui septa propugnaculaque tenebant,
quique pro munimentis suisque promuralibus ar-
dentissime præliabantur, post acceptos casus, &
amissæ pœne classis fortunam, egelidi metu, subi-
toque pavore cligentes intremuere. Itaque con-
festim expugnata castra & direpta sunt, ac fuga-
ti omnes, profusique alio atque alio casu milites.
Classis ductor, cum in tanta desperatione rerum
incolumitati suæ diffideret, ad primos immissæ
tempestatis fragores quem potest edicto militem
contrahit: lembos, naviculas, phaselos omnes, ut
ad manum fuerant, actutum raptimque conscende-
re jubet & solvere: sed nimia fati properantis
importunitas, præcepsque perpetuo sonore tur-
bo, consilium imperantis oppressit: diffractæ, la-
ceræ, subrutæque naves innumeræ, triremes tre-
decim profundo demersæ, quas inter prætoria
regifico luxu, auratisque omnibus ornamentis ex-
culta subsedit, quam victoris industria protinus
in siccum reduxisse traditur, eamque mox sartam
tectamque cum cæteris, ut voluptati spectantium
esset *Ferrariam* perduxisse. Scriptores sane cla-
dem hanc maximam, omnibusque dispendiis me-
morabilem fuisse referunt, & quamquam utrique
partium damnis intolerabilibus perniciosam exi-
stiment, *Ferrariano* minus tamen ærumnosam
gravemque quam *Veneto* fuisse putant. Quoniam
etsi continuis populationibus incendiisque perusti
cives *Attestini*, devastatique suorum oppidorum
& insularum ruinis ingemerent, has tamen inflictas
clades, magnaue fortunarum suarum interitura
notabiles, illustri victoriæ gloria rependerunt.
Contra, *Veneti* discerptæ classis exercitusque dele-
ti jacturam, refugientis victoriæ quam pœne ma-
nu comprehenderant impostura cumulaverunt, &
ut quidam scriptorum præcipueque *Cælius* notat,
vel ex hoc illatæ cladis magnitudo perpenditur,
quod ipsorum confessione *Venetorum*, tot mariti-
mis confectis præliis adversus *Turcas* & *Ligures*, im-
manesque barbaros, exteræque gentes infinitas,
nunquam infelicius dimicatum est, nec calamito-
sius depugnatum. *Mocenicus* quidem non eam
usque adeo calamitatem attollit, nec adeo gra-
vem exclamat; sed lamentatur, sibi que succen-
set iratus & rigidus: *Hactenus*, inquit, *Veneti* me-
rito suo contenti esse debuerant, non ultra progredi
cum damno & ignominia Reipubl. Existimo virum
sane circumspæctum, doloris impatientia vel amo-
re nimio stomachatum excanduisse, ac ut plerum-
que turbati solent animi, vera non veris permi-
scuisse. Quippe si parum feliciter magnoque cum
Reipubl. damno pugnatum est, non ideo tamen
ignominia notatur. Quid enim præter casum ad-
versamque fortunam admisit Respubl. vel qui vi-
cem illius agebat, ut acriore censura plectatur:
nunquid ignave, negligenter, somniculose, quic-
quam tractavit? Nec ædepol in tanto successu re-
rum, victoriæ cohibenda vis fuit. Quæ quam-
quam illecebris suis ad blanditæ deceperit, non ideo
tamen ignominia Respubl. conspergitur. Alioquin
si quotiens homines sinistro Marte manum conse-
ruerint, notam subeant, infamiaeque Resp. laborer,
quis famigerato Pop. Rom. magis infamis erit?
Quis illaudatus magis ac magis inglorius lauda-
tissima gloriosissimaque illa ac fatali Respubl. judi-

Illustr. Ve-
netæ Reip.
expurga-
tio.

A cabitur? Quæ nonnunquam infelicitèr fœdaque
sæpe cum fuga pugnavit, & quanquam sic exi-
gente æterna rerum serie vinci non posset, sæpe
tamen victa est, & cum nota succubuit. Absit
igitur ut hac tanta impressa calamitate, rem *Ve-
netam* ignominia tactam esse putemus: quin eam
laude potius & gloria dignam semper extulerim,
quæ rebus in omnibus peragendis consultissime
sapientissimeque processit: quæ ferocissime stre-
nuissimeque pugnavit: quæ mari terraque tot con-
tinentibus perculsa ruinis infracta, indomita, in-
victaque stetit, stat, ac stabit gentium ac populo-
rum omnium gloriosissima.

B Insperatis his cladibus acceptis, attenuatisque
terrestribus ac navalibus improvise malo copiis,
non animo menteque *Veneti* Patres confertim; sed
totas roboris sui vires contrahere, violentioris-
que contra fati rabiem velis omnibus remisque
consurgere, ac primo quidem sparsas quassatæ
classis tabulas ex omni naufragio colligere, ex *E-
piro*, *Dalmatia*, *Illyrico*, omnique *Adriatici* ma-
ris tractu, minuta præter navigia, biremes, tri-
remes, quadriremesque subvehere, novum ubi-
que delectum habere, procurare, obire, faceßere
omnia quæ victorem ab inferenda injuria propel-
lerent, victumque ab illata latius tuerentur, &

C affuit ex insperato fortuna proclivior *Gallicana*
temeritate provocata. Parta siquidem recens e-
gregia præsignique victoria, cum insolens & su-
perba natio virtutem *Italicam* omnino despiceret,
sibi que majoribus ampullis victoriæ titulos usur-
paret, exorta confestim seditione commissa est:
tantoque elato spiritu utrinque decertatum est, ut
neque vehementius unquam neque validius in *Ve-
netum* debacchabundi concurrerint. Quæ dum
salubri malo frugiferaque lue commissi inter sese
hostes peragunt, *Veneti* duplicatis exitiis fati-
tis prægravati, cum paulo supra septimestre, ge-
minatæ clades *Abduano* *Ferrariano*que conflictu

D prorupissent, nec una Respubl. tot undique persca-
tentibus malis adversus potentissimos reges omni
copiarum ubertate florentes, qui consistere posse
videretur, *Gallicana* præsertim in dies magis in-
solescente victoria, novoque semper inquieta motu
bellorum, cum *Julio* Pont. Max. fœdera percu-
tere, pacemque sancire nexu firmiore consti-
tuunt, ut sacrorum rege conciliato, cæteri omnes
facile bello vocarent, ipseque maxime Cæsar,
quem magnis conditionibus oblatis, in fœdus
evocare, summo *Veneti* principes studio niteban-
tur, armis abstineret. Consilia *Venetorum* adju-
vabant relaxata omnia quæ sibi deberi *Julius* con-
tendebat; sed & *Ferrariæ* incredibili desiderio

E vendicandæ cupiditas hominem incendebat, ut
hinc *Venetus*, illinc Pontifex, *Alphonsum* alter-
utri imparem vulnere conduplicato conficerent:
ineundæ paci, transigendoque negotio *Julii* ver-
futioris mens insidiosa præludebat. Hic siquidem
acerrimo vir ingenio sublimitateque mentis elatæ
præcellior, nihil antiquius duxit, quam quæ Pon-
tificiæ ditionis essent, asserere: mox barbaris omni-
bus exactis, suoque invicem discordiarum semina-
rio relisis, universam *Italiam* ab invisa natione
penitus expurgare. Itaque *Ludovici* regis poten-
tia ad expugnandam primo *Bononiam*, ejusdem-
que malleo contundendam ad rem *Venetam* usus
est: nunc e diverso *Gallicanas* ad vires conteren-
das, *Alpinum*que robur attenuandum, novo igni,
nova incude, novisque forcipibus opus erat. Er-
go cum *Venetis* quos præfagaces & omnium cau-
tissimos, quibusque *Gallicani* magnitudinem im-
perii detestabilem & invisissimam sentiebat, lege
coit, ipsosque primum omnes quos exacerbat
infensiore odio Pontificiis diris impiaverat, ex-
piavit. Etenim cum indignatione furens, quod

F inique

inique iniusteque possessa, sicut aiebat a *Venetis* non relaxarentur, execrasset, eisdem verso motu post receptas urbes oppidaque reconciliatus consecravit: *Dominico Trivisiano, Leonardo Mocenico, Aluisio Malipetro, Paulo Capella, Hieronymo Donato*, patriciis ornatissimisque viris intercedentibus, ac pacem regumque concordiam, *Maximilianique* praesertim Caesaris quem in gremio sinuque laetaliter haerentem habebant, obsecrantibus. Quibus cum de *Francisco Gonsaga* vinculis absolvendo paciscitur, obtemperatum est illi, dimissusque ea lege *Mantuanus* ne *Venetis* unquam signis adversaretur: *Mocenicus* addit, Imperatorem etiam exercitus *Veneti* declaratum fuisse. Cum jam ingenti omnium desiderio *Petylianus* elatus esset, ipsumque mox *Ferrarianam* expeditionem obivisse: de quo sane miror, cum strenui ductoris improvida ferocitas jampridem *Veneto* suspecta foret: quem & Gallo subblandientem, conniventibusque nonnunquam oculis aridentem circumspectus prudensque *Venetus* deprehenderat: belloque praesertim *Ferrariensi*, quem ad *Gallum* descivisse, cuiusque facinora *Venetum* praetinuisset idem *Mocenicus* autor tertio historiae suae libro testatur: hunc tamen vinculis redemptum suaeque restitutum libertati beneficio promereri *Julius* Pont. Max. voluit: Quoniam ductor armorum egregius, pontificiis iussis nunquam adversatus, Christi rem juverat, & quia fortissimi viri opera usurum sese contra *Gallum* maxime barbarasque gentes opinabatur. Qua in re *Senatus Venetus* quamquam aegre, quod nonnullorum quae *Mantuanus* admisit memoria doleret, *Julio* tamen obsequendum censuit: Quem ut majoribus officiis obsequeretur, Reip. mandato *Hieronymus Donatus* vir eloquentissimus, facundissimaeque orationis atque lenissimae, quadringentos ac mille cataphractos, ferentariorum vero quatuor millia, peditum vero decem, (tot enim *Venetus* post afflictas tot flagellis copias, terrestres constabat exercitus) Pontificiis necessitatibus offerebat. Classem quoque supra cymbas fluviales innumeras minoraque navigia, triremes quadraginta paratas, Apostolicisque usibus addictas exhibebat: adeo quidem ut magnitudine rerum defixus Pontifex admiraretur, immensamque Reipubl. post tantas calamitates infractae potentiam obstupesceret: & haec *Julii* Pont. Max. iussu praesto futura disertissimus orator *Hieronymus* profitebatur: ageret ipse modo diligenter ac sedulo de pace cum *Maximiliano*, concitique furoris iram a *Veneto* procul averteret. De *Gallis* namque reticendum fuit, quos *Italia* summovere Pontifex sponte sua properabat: ut urgere currentem equum, addereque furenti calcaria perindignum esse videretur. His ergo commotus sacrorum Antistes maximus, cum suffragante *Veneto* peroptata consecuturum, votique sui compos fieri posse consideret, ad Caesarem oratori destinato mandat, ut illectum in foedera *Maximilianum* modis omnibus conciliet, mutuoque pactorum nexu *Venetis* adstringat. Igitur cum *Augustae* conventus indiceretur, eoque nobilissimi proceres legatique regum plurimi convenissent, de pace primum omnium cum *Venetis* ineunda tractatum est, cautumque ne ulla belli ratio inter principes haberetur, nisi prius Caesar *Venetique* mutuis ictibus foedera percussissent. Quod gravatim perindigneque ferens Caesar, adeo stomachatus iraque succensus infremuit, ut *Julii* Pontificis oratorem, multa ferociter interminatus concione prorfus extruderet, inflammaretque subditis maioribus incentivis *Gallorum* regem *Ludovicum*, novosque *Pannonia* motus in *Venetos* exciret. Proinde Caesaris *Ludovici*que regis nomine designatus orator *Helianus*, cum in *Pannonias* horum iussu

A principum perrexisset, multa regem oratione circumvenit: bellicosissimam gentem laudando, extollendoque praecclara nationis ejus facinora: tum & regem impensius hortando, suadendoque caeteris ut compendium ex opulentiore provincia facturi, bellum omnes in *Venetum* moliantur: annua centum millia, paratam classem, instructum militem, commeatumque largiorem pollicetur: connubia insuper quibus praevallatae res *Pannonicae* omnem adversus vim humanam perpetuo robore confisterent, si *Dalmatiam* a *Veneto* possessam extorqueat, dispondet. Quod si tantis emunitis praesidiis, tantaque praecinctus auxilii corona rem suam despiciat, malitque turpiter ocio ferari quam bello strenuiter agere, toleret tunc patienter & aequo ferat animo, si regum potentissimi Caesar ac *Ludovicus* eam jugis ablaqueatam *Pannonicis*, gentilicioque sequestratam imperio, *Britanniae* principi cui debeatur, resignent; & enim iniquum aiebat, ut eam *Veneti* tenerent ac possiderent, quos infestos Christianae religionis hostes criminabatur: quosque adeo virulenta peracerbaque oratione detaxavit, ut nostrae religionis *Turcas* ac draco irreverenter incesceret: cui *Petrus Pascalicus* orator *Venetus* in hac fere verba respondisse dicitur.

C Si mihi vestra fides amplissimi Proceres inviolataque regum sanctitas *Pannonicorum* esset incognita, magnis aedepol curis distringere, vehementerque laborarem exquisito praeculta orationis artificio, ut ea vobis persuaderem quae recta iustaeque sunt, quae iuramentum comprobata caelesti quoque Deorum immortalium decreto laudantur; sed cum innata vobis & ingenta probitas ac fides splendore magno cunctis illuceat, egregiaeque heroum ac regum facinora *Pannonicorum* usque adeo semper effulserint, ut pene totius humani generis testimonio comprobata, ipsaeque sub ora Deorum majori lampade claritatis illustrata resplendeant, nihil mihi de rhetorum conditorio querendum est nec excutiendum: neque ex ipsa profluentis eloquentiae picturatique sermonis pyxide colores ulli fucique nobis expetendi sunt, ut elaborato meditatae orationis exordio ea vobis insinuem, & ingeram, quae ex vobis affatim suoque largitatis fluctu redundant: ne vestrum vobis animi candorem, emaculatque mentis vestrae puritatem vobis objiciam: ne ligna sylvis, aut aquam mari, ne soli lumen aut caelo stellas, non minus inepte quam inutiliter videar intulisse. Derideant hercule perorantem *Pascalicum* sancti piique sacerdotes, si eo temeritatis & arrogantiae provebar, ut illis sacra sua prophanus ego commendem; si religionis Antistiti religionem, si ceremoniarum magistro ceremonias edisseram: Quanto petulantique cachinno subsannandus explodari, si vos omnes fidissimos ad fidem, si integerrimos ad integritatem, si piissimos ad pietatem excolendam observandamque cohorter. Si dilemmatis & enthymematis accinctus, si dialecticorum omnibus argumentis instructus promam mutua *Pannonis* in *Venetum*, ac *Veneti* rursus in *Pannonem* officia: si summo studio contenderim, ut quae semper inter nos mutuo nexu coaluit, insitque concrevit benevolentiae vis & amoris, ea nunc confederata reciprocae voluntatis commercio, hisdemque constabilita fulcimentis perduret. Rogo, quis eum audierit? Quis loquentem illum ascultet? qui inani jactantia profusique sermonis ambitione *Herculi* persuadere nitatur, ut fortis sit, ne manibus suis clavam extorqueri finat, ne leonem congressus fugiat, ne *Gerionem* tricipitem, tricipitemque cerberum, ne *Antaeum* *Hydrum*que multiplicatis capitibus formidabilem expavescat. Si declamantem *Achilles* & *Hector* audierint qui suae fortitudinis admoneat, qui genuinam illam magnanimitatem in ipsis excitet, qui summos bellatores ad rem bellicam instruat, aut certe dormitent, aut li-

berint

berius atque solatius irrideant: quoniam ad ea conquirenda, sibi que comparanda quibus abundat, nemo sane prudenter invitatur, & invitatus saepe refriget. Quis me adeo recordem & resupinum ferat, ut vos prudentiae, fidei, constantiae, pietatis ministros atque custodes edoccam, ut quae referto sinu tenetis, colligatis, ut quae fonte vestro in alios uberrime sparguntur, ea vos ex alieno hurgite derivetis: non mihi praedicanda sunt haec, nec ullis verborum flosculis adumbrata, consputo sinu buccinisque mudentibus coram vobis spumofius attollenda: intimanda sunt haec Heliano, ejusque auribus haec ardenti face verborum penitus inurenda, haec ignaris virtutis vestrae principibus instillanda sunt, haec eorum oculis subjicienda qui fidei vestrae fulgoribus hebetantur, qui vestrorum bonorum morum radiis connivent, qui vestri vim amoris Venetam in Rempub. sustinere non possunt. Non ego te Caesar Maximiliane sermone meo petam, quem non audiui: nec tibi Ludovice rex inclyte qui commutescis, succensebo: quos omni modestia praeditos, omnique examinatione trutina exactiores reor; sed quantum fas est, quantumque dicendi libertate licuerit in eum insurgam, qui nimia ne dixerim procaci oratione sua impurus, regum mandata suorum illotis manibus ac pedibus purulentis excessit. Quo tandem Heliane tuo vultu perlito, qua perfrecta fronte tua, quibus obtusis & hallucinantibus oculis, hanc prodire ausus es in concionem? deque bello suscipiendo coram fortissimis bellicosissimisque viris dicere? Quasi potentissimo cuique valentissimoque duci ac populo liceat justum vel injustum bellum indicere, suisque pro viribus experiri: at quotiens asperrimae ferocissimaeque bello gentes ab exigua manu tenuibusque copiis pulsae fugataeque sunt. Quoniam non bello militum vigor, nec imperatoris virtus ulla, sed ipsa causa spectatur, praeponderatque ratio meritorum, & qui bellum injuste movet fortissimus, infirmo debiliue vim juste repellenti subjicitur. Bellicosissimi sunt, nativisque praediti viribus suis Pannoni, non ut injuriam inferant; sed ut illatam propulsent: non ut injusto bello laceessant, sed ut lacessiti protinus ulciscantur. Tu viros fortes ad bellum incitas, tu strenuos ad flagitium promoves? tu praepotentes ad scelus trahis? Et quia robore praepollent & excellunt, ut quietos cedant, ut innocentes vulnerent, ut amicos consternant hortaris? Haec eloquentiae tuae vis, hic facundiae tuae delirantis error, haec orationis tuae luxuriantis ambitio, ut boni quia fortes, mali sint: ut justus quia feroces, injusti fiant: ut pii quia ceteris validiores, impiis adgregentur: sic linguae tuae aciem moderaris? sic aculeos tui sermonis attemperas? sic flammaram incendia tuo hoc oleo restinguis? & tu orator? & tu vir bonus? qui genio suo bonos esse non sinis, qui candidos denigras, qui incorruptos corrumpis, qui integros venenatis verborum tuorum telis saucias, inficis, maceras. At non ego patres amplissimi circumspetissimique heroes, his delibutus unguentis pestilentibus, maloque veneno perfusus hos per insidiarum scopulos enatabo: nec ea vestris auribus infundam quae vitae vestrae sanctitas integritasque morum semper obhorruit; sed veritatis justitiaeque poru consistam, ac recti justique ancora fultus, tranquilla per omnia securus enavigabo: neque quod utile tantum sit respiciam, sed quod honestum iurique congruum fuerit reputabo. Magna inquit Helianus utilitas, mirumque compendium ex suscepto bello refluxurum est in vos Patres, trecentis siquidem insulis Dalmatia praecingitur: quattuor ac x magnis urbibus insignitur: omniumque pulchritudine rerum interlucet: fronde vestitur, fruge letatur, herbido pascitur: metallum oculit, flumine liquet, montibus intumescit: omni denique caeli terraeque benigno rore confortetur & alitur. Ad haec parata classis, prociuncti milites, congestae pecuniae: capeffite Dalmatiam,

A quam nisi capefferitis abutuntur introvertimini: eam quippe Germanus Gallusque regum potentissimi vendicabunt: nec instaurari Venetum patientur, qui Agnidilina clade, Ferrariensique naufragio pene subobrutum, magnitudine periculorum laborant, quos omnino praefocare tollereque penitus licet vestri nominis hostes acerrimos, implacabiles, invissimos. Sic loricator, sic galeatus, sic pilatus in hanc aciem descendis Heliane: Dalmatia potens, dives, formosa, ejusque subactae magna utilitas, ergo vicinus vicinum, frater fratrem, amicus amicum si culta jugera, si secundum pecus, si praetoria, mensas, aera, possederint bello provocabunt, impotent, dirivabunt, & cum ex re proxima compendium facturi fuerint, dominum telis armisque laceffent: quoniam non ratione frænaris sed desiderii improbiorebus aestuas Heliane, infamiae attractus libidine praecipitaris. At quanto melius saniusque fuerit rex sanctissime, vosque ceteri omnes consiliorum participes, intueri, adamussimque perpendere, jure an injuria quae possidentur, alii repetant. Etenim si jure Dalmatia Pannonico jam pridem imperio sequestrata, Veneto subjicitur, emancipataque manu regia Leoninis signis obtemperat, qua tandem actione vendicabitur: Quo de ea judicio cognoscetur? Qua sententia prorsus abjudicabitur? Emptio quidem atque venditio bonae fidei contractus sunt, C jureque gentium introducti, omnique mox jure tam divino quam humano si Pontificum ac Caesarum scita legesque volvantur comprobati, quos nisi fraus ac dolus inciderint rescidisse jura non sinunt. Olim Ladislaus, cujus boni piique, tu quoque bonus piusque rex sedem tenes, cum pecuniis egeret Veneto locupleti, omnique mercimoniorum copia ditissimo, millibus numum infinitis vendidit, quam in hanc diem jure legum, bonaeque fidei vigore, & equitatis suffragio Veneti tenuerunt, ac tenent, atque nulla unquam interposita contestatione sic praescripserunt, ut si quo casu avocetur repeti possit: ac velut, ut ajant, de facto temereque spoliatus omni Caesarum Pontificumque disciplina censura redintegrandus possessor sit. D Cur ergo censet Helianus ea à Venetis esse repetenda, quae si vendicentur restituenda fuerint. Si vos qui ceteris jura ministratis nobis etiam amicis cultoribusque vestris eadem impartiamini: non potest qui sibi justus est, in alium injustus esse; vos qui semper vobis recti justique fuistis, ceterisque omnibus Judices aequissimi, quomodo nobis, dignitatis vestrae, nominisque vestri studiosis, recti justique moderatores non eritis? Helianus delirat, justitiae claustra dirumpit, digesta omnia conturbat, qui Dalmatiam ut repetatis usurpetisque persuadet. E Et enim vestra est, quoniam aliquando vestra fuit; sed absurda sunt haec, & à ministro juris prorsus aliena. Cum nos de contractu, de titulo, deque bona fide doceamus, eae, inquit, tabulas, Helianus, exscribenda nobis instrumenta profer, quem comminisceris contractum ostende; sed tu potius ostende mihi quoniam modo Dalmatia tua fuerit, ut ego subinde quomodo tua esse desierit, ostendam. Instructus esse debet actor cum ad judicium provocat, non arma de domo rei sumere, nec illum imprudenter calumnioseque pulsare. Cogitare debueras, cum in augustale praetorium hoc concionaturus venires, coramque probatissimis viris optimoque rege causam tuam tuorumque clientum disturus postulares, quo stabili juris fundamento, qua inpraescripta actione nitereris: non indecore praevalidas vires tuas ostentare, nec commoda petite rei petulce & jactanter attollere, ne pirata, ne praedo, ne spoliator arguereris, nullaue non infamia causa caderes: etenim quid ego parare debueram, ignarus omnino quae petiturus esses, cum nihil minus quam de Dalmatia controversiam moturum existimarem. Quis enim adeo resupinum & excordem adversarium suum putet,

tet, ut legitime distracta, possessaque diu perpetuo
 bonæ fidei candore, vendicaturum credat: hæc à
 Juris tramite foroque longius abhorrent, ut non præ-
 cogitasse sapientis sit potius quam insipientis non præ-
 vidisse. At dixerit Helianus, ego merus quidem
 orator, concionator purus, non laqueis legum impli-
 citus, nec his tantis confragosæ disciplinæ nodis in-
 volutus: hæc ab oratoria sinceritate, meaque sim-
 plicitate prorsus aliena: captiosa illa Jurisconsulto-
 rum dogmata nimis arguta, cavillisque referta pe-
 stilentibus odiosa sunt. Dii boni, sic improspicte
 prospicis? sic incaute carves? sic insipide sapis He-
 liane? Quomodo persuadebis, quo argumento im-
 primes, qua, precor, arte deflexus obliquabis? si
 ea que tractes, si ea que differis, suadenda dissua-
 dendaque sint nescias: quam impudenter ad illud a-
 gendum hortaberis, quod ut fiat nulla ratione fieri
 potest: hæc non perpendis, hæc non trutinas, hæc
 non metiris Heliane? Parata inquit classis est, pa-
 rati milites, paratæ pecuniæ, non ad justitiam sed
 injustitiam, non ad æquum sed iniquum, non ad ju-
 ris executionem sed ad inversi juris confusionem ero-
 ganda. Expugnate, inquit, patres Dalmatiam,
 eamque capeffite, quam nisi capefferitis alii capeffent:
 hoc est: Vos boni justique iudices scelus admittite:
 quod nisi commiseritis committent alii. Bonus ora-
 tor, simplex orator, sincerus concionator: qui pa-
 trandum flagitium suadet, quia quæ persuadeat non
 intelligit. Servius Sulpicius, qui primum locum in
 agendis causis aut certe post M. T. Ciceronem
 tenuit, cum ea quæ tractaturus erat non caperet,
 enixissimam juri civili operam dedit, & statuam
 emeruit, ne in quam incidit Helianus in eam ipse
 scrobem turpiter incideret. Sed & hæc, scio, ma-
 nifesta sunt Heliano: verum ne gravioris reatus con-
 vincatur, dissimulat, & cum alterutro luisse pœnam
 oporteat, maluit ignorantia censuram quam delicti
 gravioris iudicium subire; sed tam facti quam ju-
 ris imperito facile veniam omnem ignoscamus. Op-
 primendi sunt, ait, Veneti dum Agnidilina Fer-
 rarianaque lue mæcerati contabescunt, ne redire
 protinus instaurentur. O lepidum caput, o mellita
 labia, o prædulcis & suavis Helianus? Quasi mo-
 ræ periculum sentiret, properandum, festinandum,
 ac navibus quadrigisque omnibus consurgendum sua-
 det; sed Venetæ potestatis ignarus, & virium il-
 lius expers, instat, urget, accelerat: nescis ædèpol
 nescis Heliane, crede mihi nescis, quales quantique
 Venetæ Reipubl. nervi distendantur, invalescant,
 roborentur: Quam incomprehensa vi, quam in-
 exhausto vigore Veneta Reipubl. propulset, ala-
 tur, fœtificet: quam foris longe lateque diffusis spa-
 ciis ac finibus propatescat: quam intus ærario cæ-
 teris opulentiore locupletissimoque omnium horreo
 præditetur: Hispaniarum, Galliarum, Germania-
 rumque reges ac pæne totius Europæ dominos, &
 his conspirantes Italiæ regulos, conjurantemque Ju-
 lium Pont. Max. infinitis armatorum millibus, so-
 la viribus suis invicta sustinuit. Mox cum debella-
 ta, capta, excisaque videretur, tanto ferox impe-
 tu, totque suis prævalida viribus insurrexit ut ad-
 versus bellatorum centum millia, nec dum integro
 vertente trimestri, consisteret, defenderetque rece-
 ptas urbes incomparabili manu sua, præcipueque Pa-
 tavium Antenoris antiquum & nobile: protinus
 cum alio bella moveret, insidiis circumventa, suo-
 que de more ludente fortuna, nec dum injurias ulcisci-
 tur, Ferrarianamque jure suo rem vendicat, bar-
 baris undique circumfluentibus naufragium fecit, in-
 fandum irreparabile, miserandum, si ipsam sane
 cladem respicias Heliane, & aliorum opibus princi-
 pum populorumque contuleris; sed leve flaccidumque
 si Venetæ Reipubl. potentiam respiceres. Tribus quip-
 pe diebus instaurato terra marique exercitu, qua-
 draginta supra mille cataphractarios milites, fe-

A rentariorum vero quattuor ac peditum decem millia
 castris suis recensuit: instructissimam vero classem
 post innumerabile navigiorum omne genus quadragin-
 ta triremibus Adriatico mari suspiciendam exhibuit,
 tanta omnium admiratione, ut versutissimus præ-
 sagaxque Julius Pont. Summus cum incognitas im-
 mensæ potentia vires emetiretur, imperiique Veneti
 magnitudinem & amplitudinem obsupefecerit, agen-
 dum pace magis quam bello senserit, tuosque reges
 hortatus fuerit, & impendio hortetur, ut cum Ve-
 neto fœdera percutiant; nec ultra leonem provocent,
 parcantque fumantis belvæ nasum attrahere. Quo-
 niam in hanc diem stetit ac stabit iudicio Deorum
 excelsa invictaque Reipubl. cuius vim atque poten-
 tiam si tu ceterique principes expendissent, non ad bel-
 lum sed pacem omnes hortareris: ac melius salubrius-
 que cum poeta diceres,

— — Cocant in fœdera dextræ

B Qua datur: ast armis concurrant, arma cavete.
 Etenim hoc castæ religionis, hoc Christiani dogma-
 tis, hoc pium sectæ nostræ munus est, quam Cæsar
 Gallusque suis magnificentioribus titulis profitentur:
 hoc honestum, hoc utile, hoc salubre frugiferumque
 est: hic erigilandum, hic omni lucta desudandum
 est, & insistendum: his expandenda vela sunt ven-
 tis: quam hinc opes, divitiæ, facultates honestiore
 C quæstu, lucrisque majoribus cumulantur: hinc bonæ
 artes, hinc disciplinæ, hinc exulta præclaraque in-
 genia poliuntur: hinc perennis gloria, major digni-
 tas, laus illustrior miro rerum proventu omnium at-
 tollitur: hinc blandissima quies, hinc salubre otium,
 hinc securæ perpetuo stabilitatis domicilio nobis tran-
 quillitus comparatur. E diverso funestis exitiali-
 busque bellis quæ tulurido ore, linguaque ferali, ac
 exequialibus verbis ebuccinas Heliane, fraudes ter-
 roresque novis inauditisque fragoribus consreperunt:
 hinc cuncta late dumis ac sentibus obdulta, cæcæque
 passim caligine denigrata persqualent: hinc ruinae,
 D populationes, incendia: hinc cædes, tormenta, stra-
 ges: oppidorum urbiumque subversio: Reipubl. com-
 mutatio: sacrorum exagitatio: civium proscripcio,
 confusio privatorum: hinc gemitus, lachrymæ, de-
 speratio: execrationes, piacula, devotiones: inque-
 ta, infesta, cruentaque omnia, miserabili pallore
 deformata perhorrent. Quæ si tecum reputares,
 tuique secum reges evolverent Heliane, non hor-
 rida bella impius, & multo spumantem sanguine
 Martem laudares; quin potius concordiam & fœ-
 dus admirareris; omnibusque pacem voce tua præ-
 dicares: cuius studiosissima tenacissimaque semper fuit
 Veneta Reipubl. quam rebus omnibus præoptavit:
 E quam belli commodis si qua dici possunt præferendam
 censuit: cuius amore atque intuitu totiens Cæsarem
 obtestata est: Pontificemque summis precibus adam-
 bivit: cuius studio nostræque pariter religionis tuen-
 dæ gratia, totiens maritima bella suscepit: totiens
 sese Turcis objecit: totiens Italia barbaros propul-
 savit: Quæ Thyrræni littora, quæ nostri maris ora,
 Veneta classe Christianorum commodis omnium non
 peragantur? Quæ freti pericula Sicani, quos Io-
 nii Egæique fluctus pio defendendæ religionis officio
 non tentavimus, pertulimus, evicimus: nos Pro-
 pontide, nos Helleponto, nos Cymerio Thracio-
 que Bosphoro, nos Euxino Ponto totiens bello in-
 signes, immanissimas ferissimasque gentes exegimus,
 F profudimus, fugavimus: quotiens in Italiam Tur-
 cæ furentes irrupissent? Quotiens urbem sanctam
 sanctumque senatus Apostolici conclavem penetrassent,
 diripissent, prophanaissent? nisi classe Veneta, Mar-
 cico robore, impetuque Leonino repressi, rejectati,
 conculcati fuissent: nos Italiæ propugnaculum,
 nos quotiens feræ gentes incurfant viciniquæ littori-
 bus consistunt, tutissimum promurale sumus: nos pu-
 blicæ quietis assertores, nos Christianæ religionis de-
 fensores, nos Italiæ quanta patet, quantaque gemi-
 B. Arlunus. I no

no mari concluditur, & intercurrit, fidi custodes, insomnesque perpetuis facibus excubitores sumus: & tu nimis intemperanter ne dicam impudenter, nimisque tabifico viventis linguae veneno religionis nostrae draconem Venetum accusas Heliane? sic gratias agis, sic beneficia compensas, sic immerentibus reponis? Dii boni, quae haec meritorum retaliatio nostrorum? Quae sudoris, quae sanguinis haec nostri remuneratio? pro pane lapidem reddis, pro pace bellum insufflas, pro oliva gladium subicis? At culpa Venetorum Constantinopolis, inquit, Helianus amissa est: scilicet quoniam non improspecte nec temere diripiendam classem hostibus objecerunt, amissam negligentia doloque Venetorum calumniatur. Quid igitur sibi voluit Helianus? ut uno scilicet eodemque naufragio Constantinopolis Venetique perirent, & quoniam sibi prospexerunt, cum sociis cavere non possent, Heliano iudice Veneti culpa rei facti sunt. Mirum cur etiam Rhodum clarissimam eorundem negligentia non dicat amissam: cur non etiam admissum pari censura dolum non infectetur: Quod Modonem, quod Coronem, quod Naupactum barbaram manus olim crudeliter infestavit: male (ni fallor) causam tractasti, nihil intus dispexisti, nihil ad inum scrutatus es; sed perfunctorie signatas tabulas, per transennam attestaciones, oculisque cæcutientibus documenta legisti, non pensulate, non adamussim, non examinatissime singula divestigasti, disquisivisti, nec promensus es: & tam temere de re tanta, tantoque in amplissimorum procerum confesso, iudicas? innocentiae, sedulitatis, diligentiaeque Veneti senatus puncta, apices, articulosque omnes exequerer, si labentis aquae, Helianicaeque mentis angustia pateretur; sed majoris pensi sunt, altiorisque subsellii, quam Heliani capere possit infirmitas; neque lenissima tuarum aurium clementia Rex humanissime, neque perbenigna senatorum tuorum patientia mihi diutius est abutendum; sed paucis brevibusque coram diis immortalibus, ansanetaque dei Optimi Maximi maiestate perorandum est, ac enixissimis precibus obsecrandum, ut quae nobis insident & insederunt, illibata vetustae jura societatis, inviolataeque sanctitatis amicitiae, ac mutua nostrorum indissolubili conjuncta nexu voluntas animorum, quibus insiti benevolentiae nostrae surculi sub amœna salutaris pacis umbra concreverunt, ea aeterna mansionem nobis ac vobis insideant, perpetuoque concordiae nutrimento confota, parique religionis vinculo perligata, nostro totiusque generis humani commodo coalescant, vegetentur, futurumque in omne ævum permanant.

Cum dicendi finem magno omnium assensu Pa-scalicus fecisset, seseque consultores dimissis oratoribus in secretiora recepissent, diuque vario sententiarum æstu res dubia fluctuasset, praelata sicuti plerumque fieri solet iniquiore sententia, decretum est Veneto, nisi praestititis Dalmatiam diebus relaxet, bellum inferri. Ipsi interim reges oblata praesidia statisque suppetias suas diebus expedirent, belloque deinceps opportuna cum armis ageretur, pararent. Et certe graviores resexitum sortita foret, si Germanus Gallusque suis facta dictis exaquassent. Verum ut infida saepe fides humana, lubrico promissorum labitur, fluxaque pollicitationum uligine vacillant, cum Pannonae oblata reposcerent, exigerentque magno ambitu verborum exhibita, praestari, fraudati sunt: ipsique pecuniarum egentes, cum incepta prosequi non valerent, congruis suppetentibus tanto futuro bello copiis, destitit. Sed non iccirco Maximilianus, Hispanus, Gallusque majoribus contractis legionibus Venetum ingrassari belloque perpetuo fatigare cessabant, praecipueque Gallorum rex Ludovicus, cum in Britannia sedato discordiarum turbine sibi regem conciliasset, Ferrarianoque prin-

A cipi quantis suam ad Cherronesum recuperandam copiis poterat, affuisset, Athesim promovit exercitum: inde Lemniacum, Vicentiam, Patavium, ut in re conducibilis futurum existimasset, petiturus. Contra, Veneti pernicioso totiens & exitiali bello pulsati, munire omnia, parare omnia quae suam ad Remp. tuendam protegendamque spectarent. Athesis grandibus saxis saevus & asper, crebrisque vorticibus innabilis & praecipiti quodam impetu ferox, omnem retro tutam regionem, omnesque accolae longo circum tractu securos praestabat. Hic Gallum retardare properantem, seseque furentibus hic Germanis opponere Veneti statuerunt, crebraque per fluminis incilia deductis aquis, tum aggeribus hostem substructis, omni ripa summove parabant. Cherronesus erat, vorticoso paulum amne praefluentibus undis disjuncta, omnique ad cohibendum hostem praejacente materia, citeriorem ripam adventanti oppositam defensabat. Huc sese celeres expeditique milites Veneti contulere, magnamque vim hosticam ingruentem undique ferro telisque propellunt, ac ne ripae Germani Gallicque propius suggrediantur, ullosque aggeres excitent, aut castrenses machinas admoveant, infra supraque, levorsum atque dextrorsum, ope summa nituntur. Barbari vero quos pristinae laudis & gloriae tumor inflabat, concitique furoris ignes accendebant, effusis undique validis cohortibus armatorum, praecipueque tormentariorum ac fusorum omnium, quanquam ægre, multisque cadentibus constitere: Venetumque saxatili pluvia, ferroque imbre propulsare, cadere, prosternereque coeperunt: nullum otium, nullamque substituendis militibus propugnatoribusque reficiendis moram impartiri: pugna, quamquam eminus missilique telo decerneretur, cruenta tamen, & lachrymabilis ipsorum pertinacia bellatorum, obscuram in noctem protraxit. Tum Veneti, multo vulneratorum mortuorumque numero, firmiore praesidio destituti, cum oppositam congressu primo ripam diu tenere non possent, trajecto flumine sese intuitiora propiunt, ibique vallo, aggeribus, munimentisque omnibus eductis, hostem unda longius arcant, omnique intensiore studio ne propius appetat, laborant. Tunc barbari quos jam evictae ripae possessio ad ulteriora provocabat, instrumenta bellica omnia promovendo, vastioraque praesertim tormenta, quorum foetibus ingentibus quassatae moles, contritatae solo repagula militem denudarent, e regione dimicantium producunt. Subsueti connectendique pontis, ad traducendum militem transportandumque exercitum, cura major castrorum praepositos angebat. Quoniam assiduis Venetorum ictibus flagellati, raptique torrentis impetu fluminis, omnes ægre milites haesitabant. Subhaeserunt tamen, lentisque pedibus insistere, donec extracta longius pugna, plurimisque cum fluctu tum vulnere consumptis, victores barbari fluvium tranavere. Tunc tantus ubique pavor, tantaque passim trepidatio profugientibus Venetis, omnique riparum destituto munimine, facta est, ut quo migrarent, quae pervaderent, ubi consisterent, nemo sciret. Ubique locorum metus ingentior, majorque formido bacchantium animos opprimerat, quam cum fuso Agnidilinis arvis exercitu victori Gallo cuncta patuerunt. Ludovici quippe moderatoris pietas & clementia, ne quid in subditum miles victor & insolens admitteret, cum sese ejus fidei municipes credidissent, vetabat: at hic flammis & gladio cruciatumque velut in rebelles infensissimosque hostes agebatur. Itaque alii per montium juga inviaque sylvarum diffugere: frutetis alii dumetisque latitare: nonnulli etiam ferarum magisque barbarorum truculentiam experiri malebant; milites de-

fertis

fertis riparum aggeribus, cum iusto exercitu conferre pedem, tantoque horrore concepto collatis signis conflare non auderent, *Apponium*, *Monsilicem*, *Marchionicum*, profugerunt: oppidisque vallatis omnibus omnique præcinctis armatura refedere: donec legatorum imperio *Brintellis* castra locata sunt: unde & præsentiorum sociis opem præstare, seseque ab hostili impetu validius tueri possent. Omnis interea passim barbaries effusa, trajectoque flumine palabunda, vastare, prædari, diripere: captivos trahere, distortos excruciare, vitamque omnium ære taxare: agrestes civesque gregatim omnes in urbem oppidaque perneciter convolare: aggeres, promuralia, molitiones, subitario opere manuque festina præcipitare: congerere, substruere. *Vicentini* in tanta sævientium rabie victorum, tantaque barbarici furoris immanitate, cum suis armis diffident, quinquaginta numum millia, superurbis, privataeque rei suæ familiaris incolumitate, paciscuntur, urbemque victori dedunt. Verum paulo post, equitatu peditatuque magno, cum ex *Verona* *Germani* sese proriperent, *Vicentiam* irrumpunt, eamque hostili more ingraffati, promiscuo populatu cuncta permiscuere. Horum audito motu fragoreque terrifico, senes, pueri matresque miserrimæ, sua cum ejulante infantia, suoque cum pretiosiore mundo, cum dilaxati milites torrentibus similes, quorum abruptæ impetu sylvæ, provolutaque vado profundiore saxa rotantur, *Vicentiam* provolantes impeterent, vicini montis in excelsa confugere: in his, sicuti quidam scribunt, speluncæ ingentesque cavernæ fuerant, in quas sese turba miserabilis sua cum decimata supellectile trepidanter intulerat, prædones latebrarum admoniti, post direptam urbem violatumque jus gentium, montis editiora conscendunt. Cumque secretioris alterius conceptaculi claustra dirumpere perfringereque non valerent, ad alterius angusti liminis fauces prolaxandas deflexerunt: cumque inibi duriore lucta, propugnatorumque impetu acriore hostes rejectarentur, ad vulcania confestim arma dilapsi sunt, omnique enecta fumo lachrymabili turba, prædones rapinarum foede crudeliterque potiti sunt. Excecrabilis infandique sceleris rumor *Mediolanum* prolatus, ita populum miseratione confecit, ut poene omnium mentes victoribus averterentur. *Carolus Ambrosianum Gallicanæ* militiæ tunc præfectum nefario scelere percepto succensuisse graviter, & indoluiffe vicem eorum accipimus; sed compatrati sera flagitii poenitentia est, & admissi criminis misericordia, quæ quanquam miserationis animum pervellat, affectusque pios discruciet, non oppressos iccirco miseria redimit. *Vicentino* cive omnique turba tam immaniter impieque tractata, victor eodem impetu præceps *Lemniacum* invadit. *Athesinis* oppidum præripiis incumbens, humana magis ope quam natura præmunitum stabat. Excavatae profundioresque fossæ, subductis vadis ad ima descendebant: interfluentesque vasta latitudine magnisque gurgitibus torrentes undæ, mœnia lambitabant: tum solidiori robore ingentibusque structuris educta cœlo propugnacula, circumfusi expugnatoris impetum frustrabantur. Hostes ergo cum in plana descenderent, defigendis tormentis, machinisque muralibus admoventis aptiora specularentur, ingruente magno missilibus turbine summoti sunt, oppressique iactu telorum perpetuo, deserere præoptata coguntur. Mox accita quæstuariorum innumerali turba, vastatitiaque manu omni agro pagoque contracta, cum uno rigore unaque substitutionis serie cadentibus aliis alii sufficerentur, fessitandem atque languentes oppidani, intermisso jaculatu, spatium hostibus emoliendo operi præ-

A stituto dedere. Tunc undique fusili nimbo compluente, omnique saxorum interstridente procella, truculenter in oppidanos agi cœptum est. Atrox crudaque facies oppugnationis erat, ancipiti telorum iactu, reciprocoque pilarum confligente globo volaticarum. Quæ dum asperiore bello, magnisque cladibus apud *Lemniacum* agitantur, *Veneti* qui *Patavium* arctiore custodia tenebant, ut ab obsessis oppugnationem averterent, *Vicentiam* iter dirigunt, quam *Italice Germanicæ*que cohortes, magnis equitum peditumque præfidiis observabant. Harum ductores, cum appetentis exercitus *Veneti* certiores fierent, eductis repente copiis obvii facti sunt, magnoque impetu cum utrinque concurreretur, signo dato manus conferta est, æquata utrinque corporum animorumque robora, difficilem in initio pugnam fecere, dubioque Marte rorarii velitantes agebant: mox intercurrentibus cataphractis, admotaque validiori cohorte armatorum, cum impetus infestis animis acriores *Vicentini* non sustinerent, cedere loco coguntur, nullaque non iactura, multisque cum ferro tum captivitate desideratis, cum maiore dispendio victor insisteret, retrocedentes, à *Veneto* tandem in mœnia compulsi sunt; sed non iccirco *Lemniaci* levata obsidio est: nec obstinati furor oppugnationis rabiesque resedit, profligatis quippe aliis, rursus aliis in diversa migrantibus, alii tamen subigendo oppido milites adscripti validius institere, perforatisque mœnibus, fenestrisque latioribus diductis, tum aqua contis ac pontibus evicta, molliorem assaultum, viamque planiorem in oppidum intravere. Oppidani in tam propinquo vicinæ mortis articulo, trepidare, festinare, parare omnia quæ ad hostis interitum, incolumitatemque suam spectarent, atque tormentis missilibusque telis omnibus *Germanum* impetere, dilaxata constringere: nutantia firmare: disiecta omnia reparare: hostes vero, igni, ferro, ariete, quassata cuncta reterere: portas constringere: scalas admove: jam muros pomœriaque, jam magnam oppidi partem occupare. Quæ cum militiæ magister armorumque præfectus animadverteret, seque barbaris undique præcinctum, effusioque circumdatum turba videret, receptum cecinit, militesque rebus extremis laborantes, ægreque muro fossaque defensos, in arcem consilio faniore deliberaturus contraxit. Tunc defensoribus muro dimotis, exarmatisque propugnatoris suo mœnibus, immissi furentes, anhelique prædones cum ingraffantibus cuncta paterent, vastare, populari, diripereque cuncta cœperunt, mox inflammatis semiustisque penatibus, cum fuligine fumoque cœlum tenebresceret, post municipum ablata & incensa omnia, victores arcem petunt, obsessorumque sententiis invicem discrepantibus, cum salutem alii desperarent, rursus alii suppetias expectandas hortarentur, deditioe transacta res est, *Marinus*que nonnullis cum nobilibus *Venetis* in hostium potestatem dilapsus est. *Lemniaco* capto, arceque ejus deditioe subacta, cum nec multo post eadem belli fortuna *Monsilicem*, *Marosticam*, *Axilium* pluraque alia deinceps oppida pari clade pulsaret, hosticusque omnis impetus *Patavium* irrupturus videretur, *Veneti* qui toto bellico decursu nihil intentius agebant quam eam urbem impressione barbarica, *Germanico*que omni jugo defendere, motis castris illuc sese suis cum legionibus contulerunt: Quo magno metu magnaue formidine trepidanter agrestes conglobati, angusta sua cum re familiari, vilique alimonia properabant. Pari examine finitimi omnes oppidani sedibus suis expulsi, cum direptis facultatibus fortunisque suis omnibus amissis lugerent, confluebant: tunc dispartitis in urbe custodiis,

assignatisque cuique militum ductori stationibus, fossarum, aggerum, propugnaculorumque reparandorum sollicitudo, nec minor commeatus invehendi cura, summæ rerum provisos angebat. Ad hæc novi semper delectus habendi, adventitiique militis conscribendi, conquirendique æris molestia graviore principes castrorumque legati distinebantur. Ipsi præterea militiæ præfecti militumque ductores quotidie levibus præliis, assultuque frequenti dispalantes & vagos hostes infestare: ubique locorum ac regionum attonitos infectari: pabulatores ac frumentarios avertere: commeatum interciperere: hostem ferire: neque die neque nocte fessis & inquietis hostibus ocium impartiri. Quæ dum *Vicentiæ*, *Patavii*, *Veronæ*que finibus, incredibili calamitate, jacturaque omnium miserabili tam rusticorum quam urbanorum aguntur, unaque vis belli barbarico sæviante flagello cuncta permiscet, *Julius* Pontifex Maximus, qui & exigendorum *Italia Gallorum*, & asferendæ *Ferrariæ* semper anxius angebatur, in hanc fere sententiam *Genuensium* optimatibus literas scripsit.

*Si libertatis dulcedo cives mei vobis esset incognita, jugique barbarici servitium intolerabile civitas vestra non sentiret, ea vobis dispendia servitutis, libertatisque compendia stilo meo denarrarem, meisque brevibus ceris exequerer, quibus facile commota civitas Gallicam impressionem retrita cervice depelleret; sed hæc vobis exarasse, vel lucubrationibus ullis insinuasse perabsurdum est: Qui frequenter amæno salutarique libertatis campo versati, nunc dura perangustæ servitutis claustra toleratis. Proinde non hæc vobis explicuisse, nec prædoctos edocuisse, quemadmodum nec delphinum natare docuisse par est; sed vendicandæ potius pristinae libertatis vestrae remedia, præsentisque suppetias exhibuisse præstiterit: fecisseque vos certiores, quam dispositis rebus expediat non distulisse. Equidem cum perindigne molesteque ferrem Gallicana compede constrictos cives meos teneri, Liliisque signis turpiter obnoxios obedire, laboravi vehementer ut vestram hac vel illa libertatem via redimerem. Et quoniam Apostolicas opes huic suscipiendæ perficiendæque rei non satis congruas esse videbam, quanquam maritimo terrestrique exercitu nostra manus obarmata polleret, cum Veneto fœdus percussisset, cujus expositam paratamque commodis vestris classem offerimus. Ad hæc conducticius miles, bellicosissimaque gens Helvetica, nostro ære merens vobis præsto est: adeo quidem ut si conceptam animo libertatis dulcedinem confovetis unaque perligati omnes concordia fasciâ constringimini, eam ætutum asserere, jucundissimamque voluptatem ex ea capere possitis. Hæc cum *Genuensium* auribus insonuissent, sive *Ligustica* levitate qua gens fluxa plerunque labitur, sive magni viri regisque sacrorum reverentia, qua traducti mortales sibi nonnunquam male consulunt, ad moliendas res novas animos excivere. Postque gratias Epistolio secretiore *Julio* peractas, honestissimis desideriis ejus, cum meliori sub occasione, fortuna benignior applausisset, obtemperaturos professi sunt. Ipse interea copiarum suarum Imperatorem delectum *Marcum Antonium Columellam*, ascripticio tumultuarioque omni cum milite, destinatam in expeditionem ire jubet. Qui *Veneta* classe triremium undecim aliis cum navigiis subseque, post *Macram* ac *Spedicem*, aliaque post oppida *Ligustici* littoris amnesque trajectos, *Genuam* applicuit, nullo discrimine bellique periculo rem sibi factam ratus, quoniam supra popularem turbam, *Fregosiacam*que nobilitatem Apostolicæ sedis studiosam, his quoque familiarum insignes antiquissimæque gentis *Adorni Spinule*que Pontificiis votis accedere videbantur. Sed aliter quam ejus ferret opinio res cessit. Quip-*

A pe *Veneta* jam classe propinqua, nec Pontificia procul agente, cum universam commoveri vicino tam præsidio civitatem Apostolici ductores existimarent, *Gallum*que subitario tumultu rebus imparatis omnibus oppressum iri conjectarentur, nulli motus à populo, nullæque seditiones auditæ sunt; sed pacata tranquillaque omnia solito rerum decursu peragi. Nam *Fregosi* quorum in plebe concitanda primæ partes erant, parum *Veneta* classi fidentes, minusque Pontificiæ legionis auxilio sublevati, cum nec procul *Gallicana* classis ageret, in urbeque barbarorum cohortes dispositæ vigilanter & sedulo cuncta prospicerent, excitandis rebus novis temperaverunt. Quæ cum maritimi terrestrique exercitus præfecti graviter & moleste ferrent, quod in irritum tantæ spei molitio cessisset, ad *Serzanum* impetu verso classeque subvecta, conticinio noctis urbem invadere statuerunt. His magna pars civium insidiis suffragabatur, rerumque novarum studiosi plures paratis animis symbolum expectabant, ut ipsorum blandiore lenocinio, cum tempus admonuisset, sine mora negotium absolverent. Delata res est, *Gallorum*que præfectis sublatentes doli protinus innotuerunt, certiores ergo facti, continuo triremibus ac biremibus, opportunioribusque navigiis locum præripientes hostem ante vertere: Quin & *Adorni Spinule*que, qui prius favere stareque pro *Julio* videbantur, sive *Ligustina* mobilitatis inconstantia, sive quoniam ex sententia rem confici posse diffiderent, ne mox proditoris arguerentur desertores facti sunt, expeditoque fusorum agmine, magnisque tormentariorum copiis auxilio *Gallis* fuere. Quocirca parum prospere re tentata cum inauspicato terra marique cuncta succederent, reducere funem, indeque movere castra coguntur. Cumque sese paulatim in tuta reciperent *Veneta* classis periclitata est, non levemque, *Francisco Polano*, dum viriliter & strenue triremem suam ab hoste defendit; amisso, jacturam fecit. Quæ cum *Hieronymus Auria* Pontifici *Julio* summatim exponeret, ipsumque ad aliam comparandam classem, copiasque majores accersendas hortaretur, novi militum delectus habitus sunt, novæque de integro naves triremesque tam *Veneta* quam Pontificales instructæ, *Hieronymus Contarenius* classis *Veneta* præfectus erat, *Ostavianus* vero *Joannes*que *Fregosi*, magno cum peditatu navibus transportando Pontificiam agebant, paratis omnibus solventes, vela faciunt, proximæque littoris undas eradentes, itinere *Genuam* certo petiere. Dum æquatis aura secundiore velis appellunt, *Genuæ*que vicinior propinquant, ecce properantem ex adverso classemque in obvios iter dirigentem longe prospiciunt, omniaque procul hostilia conspicati, pugnae confestim accinguntur: tormenta parant, peditem disponunt, omniaque velut hoste cum acerrimo conflicturi, missilia volaticaque tela locant. Jam haud *Genua* procul adnavigantes oppositis frontibus classes adversæ constiterant, pugnamque, maris ac coeli tranquillitas suadebat, cum exoneratis utrinque tormentis tantum agi eminus cœptum est. Quippe classis *Veneta* moderator *Contarenius*, cum & validiora navigia, & majore numero *Genuensem* munitam classem videret, congressum declinavit, oppositisque tantum jaculatoribus, sagittariis, atque fusoribus, circumflexo cursu debiliorem classem suam prælio subduxit. *Joannes* tamen *Fregosius*, quanquam haud ex æquo classes utrinque concurrerent, belique fortuna, prævalente adversario, claudicaret, triremem in portum adigit, ut hoste circumvento pulsoque dubiam exinde vacillantemque suam in urbe factionem impelleret; sed expediti

diti promptique *Ligures Gallicanæ* factionis studio-
si, præcipueque milites incurfanti *Fregosio* tor-
mentis ac telis omnibus opponuntur, adeo qui-
dem ut sua periclitante triremi, qui subsequeban-
tur classici bellatores subliterint, omnique re ter-
ra pariter ac mari parum feliciter gesta, retrover-
so cursu discedere cogerentur. Sed non ideo mi-
nus interea vir implacabilis & ferox *Julius* perpe-
tuo *Ferrariæ* urbis asserendæ voto anxius, uni-
versæque ditionis ejus vendicandæ desiderio æ-
stuans, exercitum quibus quantisque potest præ-
validum copiis, subsidiaria *Venetorum* adjuncta
manu præparat, ac ne religionis pacisque magi-
ster inconsulto calore gladios & arma tractare, ab
ipsisque delubris ad castra nonnullo cum piaculo
transire videretur, per internuncios oratoresque
suos *Ferrariam* Apostolico juri obnoxiam relaxari,
sibi que dedi, sic exigente juris rigore deflagitat.
Quod cum *Alphonfus* audivisset, intrépide, con-
stanterque pernegare, seque non levem operam da-
turum, ut suis a majoribus relicta diuque posses-
sa tueretur, respondit: neque sibi interna exter-
naque præsidia in tanta æquitate, suoque prote-
gendo jure defutura. Tum blande reverenterque
Pontificem hortari, ut aras templaque Deorum re-
viferet, impensiusque divinis operaretur, non sa-
crorum Antistiti congruere, quique piscatoris ac
Christi pauperis vicem in terris ageret, quieta se-
de sua principem detrudere: quem aliunde detru-
sum exturbatumque violenter ipse pro merito pie-
tatis suæ, sacrorumque decore restituere domici-
lio suo deberet. His & hujusmodi vir inquietæ
mentis, & intractabilis animi, verbis intactus,
irasci graviter ac sævire, succensereque durius &
asperius *Alphonso* coepit: ac primo quidem ad ina-
nes Pontificum censuras, anathematumque ictus
evanidos decurrere, devovereque Principem, ac
populum divinis interdiceret, ut præsentaneo me-
tu Deorum exterrita mortalitas, evictaque Deo-
rum acrioribus flagellis inflecteretur, ipseque Dux
Alphonfus vel hac vel illa castigatione salubriter
emendatus obediret. Sed & Principes & cives ex-
tinctum jam diu terrisque projectum ignem con-
tempere: nec ullis dirarum imprecationumque
piaculis exterrentur: modo cæteris parcant exar-
matæ manus, suisque tantum prægrandibus dicis
accinctæ Pontificales iræ jacto fulmine verborum
insæviant. Igitur suis exertæ severioribus minis
Pontificiæ detestationes cum parum *Julii* voto
proficerent, dirisque concepta votis, excanta-
taque devotionibus carmina, nihil anhelanti suf-
fragarentur, onerarias curarum suarum ingentium
naves, alio detorquet, iraque percitus ac furore
terribilis, profuso militem impendio contrahit,
armatorum duodecim millia sub clavigeri pisco-
toris vexilla coegisse *Julium* Pontificem Max. fe-
runt: præcipueque *Mocenicus* tertio *Cameracensis*
belli libro scribit. Quem super alios, ut in cæ-
teris sic & in hoc integræ fidei autorem sequor.
Qui certiore numerum ab ipsis oratoribus *Vene-
tis*, qui cum Pontifice tunc agebant, ac maxime
Leonardo Mocenico patre suo viro optimo, qui &
hoc legationis munus impleverat, explorare dili-
gentius potuit: & certe potentius haud minorem
sub *Petri* signa tunc coivisse vulgo perlatum est,
cui si relicto reti suo seminudus piscator olim im-
perare potuisset, nunquam servi Pontificis auri-
culam abscidisset; sed majore gladio justum ultus
esset dolorem: quem & inique frementes *Judei*,
reusque judicii *Pontius Pilatus* reformidare merito
potuissent. Ergo si *Petrus* nobiscum degat non
amplius, puto, emendicanti stipem dixerit, au-
rum & argentum non est mihi: sed & illud vereor
ne possit inferre: surge & ambula.

Exercitui Pontificio *Franciscum Mariam Urbini*

A Duce, virum solertem & impigrum, *Julius* præ-
ficit, amplectendamque sedulo provinciam, omni-
que cautela perficiendam mandat. Qui traductis
copiis in *Alphonso*que vetitos fines invecus, quam
longe lateque potest populationibus ac flammis
cuncta pervastat: pecus abigit: pabula dissipat:
armenta trahit, ac latrocinii & excursionibus
omnia circumquaque permiscet & exagitat: a-
greffi cibo fraudati, suæque crassiore alimonia spo-
liati passim agricolæ conqueri, lugere, lamenta-
ri: cives in cassum opem implorare, frustra-
que tantis quotidie suppullulantibus malis remedia
querere: Pontificiam majestatem insectari, *Ju-
lium* incescere, bella detestari: quotidie graves
perniciosisque militum tumultus pervadentium in-
fervescere: quotidie cædes patrari, novæque ci-
vibus detrimenta patrimoniorum fortunarumque
suarum accrescere. Quo metu perterritis omni-
bus, usque adeo Principem timor inceserat, ut
omni collecta suppellectile pretiosa vertere solum,
*Mediolanum*que proficisci cum liberis ejus uxor
cogitaret. Quod cum cives præsentirent, se quo-
que alio perrecturos, derelicturosque suo urbem
militi defendendam professi sunt. Quapropter
Alphonfus ne eo discessu gravior formido cæteris
incuteretur, insolescerentque majore audacia mi-
lites Pontificii, destinata profectione conjugem,
C universosque cives suos interdixit: neque minus
interea *Veneti* quanquam barbaricis adurgentibus
armis domi laborarent, foris bello vacabant; sed
cum opis præstandæ gratia Pontifici, tum recu-
perandæ rei suæ studio, provectam amne *Pado*
classem suam in *Cherronesum* protinus impellunt,
bipartitoque divisam, atque alteram alteri ripæ
alligatam e regione collocant. Tum undique *Ve-
neti* milites effusi, infestisque animis hostile solum
invadentes, cuncta diripere, prædari, exurere: con-
duplicare metus, urbanum rusticumque prædium
impressionem perpetua, assiduaque calamitate per-
fringere: agrestium fuga, civium terror, peren-
nis incurfio, cuncta in ruinam interitumque tra-
hebant. Successum urgebat *Hierosolymitanus* e-
ques *Leonardus*, qui prædatorias cohortes agens,
lateque populabundus, cuncta vastabat: & jam
emollitam Saturni Martisque sævitiam, Jovis *Ve-
neris*que mitiores auræ delenierant, ablatumque
Veneto Rhodigium sua omni cum ditione victori
restituerant. Quanquam hujus sicut & cæterarum
fere omnium *Italiæ* urbium oppidorumque, dum
revolubili diversorum Principum rota contorquen-
tur, sub incerto fluctuantis Imperii jugo, fata
diu pependerit: neque vero tantum *Ferrariano*
E solo circumscripta pestis hæc bellica sævire, sed
egressa finibus, omnibusque collimitis evagata
pervadere. *Mutina* tunc infesto circumfessa mi-
lite, cum resistere nec sustinere vim posset, op-
primitur. *Regium Lepidi* tot irrumpentibus & con-
cursantibus copiis infirmum & debile, cum inte-
ritum rei suæ manifestarium, militaremque fero-
ciam omni crudelitatis genere perbacchantem vi-
deret, asseritur. *Palatini* cum male *Carpinatibus*
res cessisset, & æstuantibus utrinque bellorum flu-
ctibus jactarentur, nec ubi consisterent, tot in
diversa propellentibus undis, liqueret, in caducum
Gallicani domicilii parietem inclinaverunt. Et enim
F cum adventantibus *Venetis* sese *Galli* præcipientes op-
ponerent, suoque præscarum elati tumore victoria-
rum hostem ingrassarentur, conserta manu, præ-
valente *Veneto*, fusi fugatique sunt, tantaque for-
midine pavitantes terga verterunt ut *Parmæ* mo-
enibus inclusi, persequentis hostis umbram time-
rent. *Concordia* quoque, cum discordibus animis
invicem discreparet, vim passa est: eam siquidem
Paulus Capella cum exercitum *Venetum* ducaret,
dispositis copiis, hostiliter invasit, omniaque continen-

inentium ædificiorum suburbana primo congressu depulsis hostibus occupat, mox tormenta mœnibus admovet, gravissimeque filicinis chalybinisque pilis compulsata deplectit: procumbentis magna pars muri *Venetum* in pugnae discrimina provocabat: accurrentesque milites utique magno asperioreque bello commiscebantur: retrocedentibus *Concordianis*, sive vi sive de industria, *Veneti* cum summa ope niterentur, murum scandunt, munimenta superant, ipsamque urbem percingunt. Oppidani qui prius assultum præmeditati fuerant, omnemque suspectum locum insidiis concinnaverant, repente coniecto igni qua *Venetum* invaserat, aggeres inflammaverunt: summoti confestim hostes, cum ambusti alii, alii suffocati, plures retriti periissent, brevem oppidano victoriam peperere: redintegrato quippe statim prælio, cum amissorum impatentia fociorum, tum suoque desiderio diripiendæ urbis incensi, confertissimo agmine prædensatisque cuneis, qua disjectorum ruinæ murorum iter constraverant, irrumpunt, cumque præfurentem indignatione *Venetum* oppidanus sudore multo prælioque debilitatus non sustineret, loco cessit, cedentem victor urget, ilicoque terga vertentem impulsat, pulsatumque graviter in penitiora pilis adigit: urbs capitur: supellex diripitur: captivus trahitur. *Saxolani* paribus rebullentium flammis bellorum correpti sunt, hisque crepitantium armorum incendiis concremati. *Mirandula* parem exitum expectabat: & hinc Pontificis, hinc *Venetorum* urgentibus armis brevi succubitura videbatur; sed Pontificii ductor exercitus, sicuti quidam scribunt & multorum opinio fuit, cauſando, cunctando, prorogando, semper enim agendis plura rebus intercurrunt, requiem dabat: adeo quidem ut nonnulla sinistrae suspicionis umbra tenebresceret, existimarentque nonnulli, *Gallicis* ductoribus *Urbinate* consentire, jam enim iacta discordiarum seminaria Pontificem inter *Gallum*que concreverant: & ex occulto latentibusque dolis velut inter infestos agebatur. Commotæque jam antea sicuti *Cælius* & *Basilus* scribunt *Bentivolorum* factiones, nonnullis excitis in urbe factionibus eruperant. Cum manu collectitia, tumultuarioque milite constipati procures ad interceptandam *Bononiam* properarent; sed præcipiti magnoque *Julii* qui medius intervenerat præfurentis ardore, domi forisque omnes oppressi sunt: fugati hostes, sumptaque de fontibus supplicia cæteris quietem concordiamque peperere. Pontifex igitur qui cuncta percallebat, quique prætendi sibi semper insidias evehebatur, cum ex animi sui voto *Mirandulanæ* res non succederent, majoreque glutino tarditatis quam par esset, expeditio sumpta lentescere videretur, hyeme quamquam asperrima, & intolerabili, valetudineque parum prospera, ac ingravescente senio procinctus in castra provolat. Mira sunt & sane posteris tradenda, quæ nostra tempestate mortalium oculis omnium obversata sunt: Quæque tyrones ac veterani, suis egressi tabernaculis omnes sunt conspicati: Pontifex Max. divinorum mysteriis emancipatus, qui litus inter & altare diversari, qui sacra facere, qui votis ac precibus concitas in nos iras Deorum elenire complacareque debuerat, non retardante senio, non avocante religione, nec ulla præfervidum viri senescentis sanguinem egelidæ hyemis sævitia refrigerante, *Bononia* digreditur, equoque sublimis & expeditus in castra contendit. Si cervicem unam *Mirandulanus* populus habuisset, unoque refracto jugulo deplecti potuisset urbis miles, nunquam cibo somnoque aut ullo secretioris naturæ desiderio distractus Pontifex conquievisset, donec accensum effervescentis iræ suæ calo-

A rem acerbior *Mirandulani* propugnatoris supplicio prorsus extinxisset: adeo violentus & præceps in acceptam expeditionem modis omnibus absolvendam ferebatur: non lætos dies, non placidas noctes, nullum temporis momentum his exemptum molestiis agebat: virum magni spiritus, ingentisæque ferocitatis urgebant, incredibilia potiundæ *Ferrariensis* rei desideria, votumque præcordiis eam in rem semper anhelantibus inextinguibile. Quibus avocari, retardarique, alienis interpellantibus negotiis molestissime ferebat; sed & illa mentem ægram anxiamque distorquebant, quod cum principibus *Venetis*, quanquam occulto foedere coivisset, sese *Gallicanæ* gentis odium, manifestiore conjectura contraxisse sentiebat, omnemque mox *Gallicum* furorē in Apostolici fines imperii refluxurum opinabatur. Ad præsens quoque suscepta *Ferrariensis* expeditio cunctis temporum curculis accelerata premebat: Quoniam in tanto belli motu *Gallorum*, *Helvetiorum*, *Italarum*que affutura Principi *Alphonso* præsidia verebatur; quoniam his percussū cum *Gallo* foedus semper inviolatum servaverat, & Pontificale imperium augeri plus æquo *Ludovicus Aureliensis* gravabatur. Itaque eam in expeditionem absolvendam toto percitus impetu ruebat, cum semper in dies majore dispendio stimuloque, resurgentes curæ virum dispungerent. Igitur cum præter omnium sententiam in castra, præterque ducum ac militum opinionem pervenisset, non prætorio delitescere, non teporario confoveri, non indulgentius somno Genioque vacare; sed celeri prævectus equo, una mentis acie, unoque obtutu cuncta lustrare: propugnacula hostium perimari, vallum, mœnia, fossas, obequitare: milites recensere: comæatum demetiri: omnia strenuissimi militis, magnique munera ductoris implere: tum rudis indoctique tyronis imperitiam corripere: veterani negligentiam accusare: ductorum tarditatem omnium socordiamque detestari: castigare moras, inflammare mentes, centurionum, primipilorum, tribunorum animos accendere: mox cum assultus diem præstitueret magnis præmiis ingentibusque donativis affecturum illum polliceri, qui primus murum scanderet, qui primus fossam tranaret, qui primus hostem incrassaretur. Ad hæc infamiam, vincula, mortem his interminari, qui primi re infecta prælio excederent qui mandata pigrius exequerentur: qui ipsis in periculis terga vertissent. Post lustratos accensosque milites, cum ad arbitrium cuncta disposuisset, aggeres surrigit, tormenta promovet, perpetuoque ferreæ grandinis nimbo muros dissipat: tormentis ac missilibus incussis omnibus, cum disjecta late mœnia ruinis ingentibus procidissent, metum horroremque civibus attonitis ingesserunt, quoniam viri præferocis impetus, unaque subigendæ urbis pertinax obstinatio, formidolosa omnia civibus faciebant. Ad hæc pro *Julio Venetus* stabat, & cum duplicata hostium præsidia civitatem opprimerent, oppidani nulla externa ope sublevabantur. *Galli* quippe quanquam *Julium* insidiis circumvenirent, infensique, *Venetis* pro palam adversarentur, nullis tamen præsentibus subsidiis oppidanos fovebant. Domesticæ vero familiaresque suppetiæ non adeo *Mirandulanis* ubertim affluebant, ut tot contra bellatorum milia consistere diu posse confiderent. Itaque cum frequenti tormentorum pulsu denudata civitas patuisset, assiliendique præfixus dies castris evulgaretur, nec intus reparata validius munimenta pontificios Marcicosque milites repressura forent, ne sero pacis ad importunæ remedia confugisse *Mirandulani* viderentur, albescente cælo, fideque pu-

publica codicillis data, delecti oratores ad Pontificem perrexere. Cumque suam acrius contumaciam expurgassent, diluissentque omnem superbiam notam, una voce mœsta concordēs, tristisque suppliciter veniam petivere, qua non ægre nec difficulter impetrata, cum indictis à *Julio* Pontifice Maximo legibus parituros profiterentur, urbe dedita, resignatoque imperio domum repedarunt. Igitur egelida *Julius* ardens hyeme, mediisque nivibus æstuans, voti sui compos factus, urbem milite multo circumdatam obsessamque diu, Pontificalibus vinculis tandem astrinxit. Non piguerit hoc sane loco *Mirandula* urbis utcumque mentione facta, literatissimo doctissimoque viro, ceris meis brevibus, exequiales nenas deluxisse: parentasseque perducta de more funebri pompa, magni viri manibus, fortunæ, corporis, animique bonis omnibus prædotati: quanquam illustris & præcelsi viri virtutes majore lucubrationum suarum testimonio comprobatae, nostris exilibus angustisque præconiis non indigeant. Nec enim illud illi nostri si qua sunt acumina, nec uberioris eloquentiæ fluctus, si quis forsitan illis felicius redundaverit, præsignem virum ab oblivionis injuria posteritatisque silentio vindicabunt; sed invicta doctrinæ suæ robora, distentique omnium genere disciplinarum & insuperabiles nervi, ab omni suffugiente ævo, futurorumque seculorum taciturnitate liberabunt. *Joannes Picus* vir ingenio magis quam fortuna celebris, *Mirandula* dominus, ita bonis artibus ab ineunte ætate præpolluit, explenditque continenter, ut diis genitus, filiusque Jovis ex ovo prodiisse crederetur: certarentque invicem fortuna geniusque duello acriore committi. Huic siquidem magnos fortunam census contulisse, cumulasque prælargis patrimonium facultatibus in aperto est: contra vero, genius hunc impensius promeruisse, extulisseque decantissima *Virum* forma, declaravit. Hic quippe tanto præflorentis adolescentiæ decoro resplenduit, ut totam illi Venerem, Jovemque auspicio lucis affulxisse nemo neget. Cumque plures majore imperio provecti sint, nullus certe majorem decentioris formæ prærogativam divinitus elargitam emeruit: puberes impuberes, viri foeminaeque, qua iret quaque rediret, quo progrediretur unde regrediretur, magni herois pervasendi studio decurrebant: effundebantque sese omnes publicis privatisque spectaculis incredibili venustatis ejus desiderio contemplandæ: adeo quidem solidata concinnataque a summo ad imum corporis angustii junctura compagoque, veneris ac gratiarum admota manu concreverat; ut majorem omnium judicio genius ex viri forma laudem, quam ex opibus & censu fortuna gloriam retulerit. Sed hæc lubrica fluxaque sunt, & quanquam amœnioribus adumbrata pampinis inflorescant, brevi tamen intercepta curriculo dilabuntur. Quæ dum nobiscum innata convirent, nescio quo modo sublatentis & occulti numinis indolem præbent: magnæque rei speciem cultiore domicilio diversantem indicant: sive non cœlestis ille vigor caducam & fragilem in formam immigraturus, sive postquam ex alto delapsus immigraverit dignum sibi constringit hospitium, ut præsentis vel futuræ virtuti, proque subviventis dignitate numinis congruum exornet habitaculum: etenim augustissima quæque species plurimum creditur trahere de cœlo. Proinde & cum magnæ spei, magnæque expectationis hominem natura parturit, majore foetum præfatio commendat: quod cum in pluribus tum & in hoc viro præmonstrasse non ignoramus. Flamma quippe reflexis ignibus orbiculata, supra parientis cubiculum exarsit: mox cum sese corusco micantique procul lumine spectan-

A dam præbuisse, in tenues auras subito resoluta divanuit. Quid certe mirum effulgens ignis ille, claroque lumine splendidus ignaris rerum enunciat: atque eo quidem perfectius, quod sub imagine perfectioris figuræ expresso circulo conflavit. Etenim quamquam ignis exurat & torreat, quod arcanum cœlestis rimantes ad detrimentum clademque futuram trahunt, frequenter tamen innoxius splendore suo reficit, & claritate delectat. Proinde fausta magis quam infausta, propitiaque potius quam adversa nobis protendi, qui naturæ secretioris abdita scrutantur, conjectare: quibus assentior, ac velut acrius acutiusque B naturales causas edoctis, calculum addimus. Quade re non nihil in panegyrico *Carolo* Cæsari nuncupato longiori quanquam impolita dissertatione sum executus. Magno natus igitur incomparabilique vir ingenio, ab ipsis infantiae crepundiis, bonarum litterarum lacte nutritus, blandaque omnium illectatus dulcedine studiorum, sic humaniores disciplinas excoluit, tantaque cœli faventis alacritate complexus est, ut summos inter oratores clarosque poetas digito præmonstrandus evaderet: omnia propitiante Mercurio, pedestri equestrique præcinctus oratione feliciter attentabat: elegiaco carmine lusit amores elegantissime, voluminibus quinque digestos: quos nimia C mollitie lascivos ac prurientes, cum lycoride sua floraque diffuerent, alienaque religione nostra viderentur, exussit: pari ratione, cum Saturninis metris Hetruscisque rythmis multa variaque scripsisset, cum nobilissimæ mulieres & venusti oris gratia, & elegantia morum tactæ, virum impatienter arderent, nec dum utroque pede conversus ad Christum sancti Spiritus scholas intrasset, ignibus tradidit: ne veluti subantis incentiva libidinis, vitæque venena castioris, teneram ætatem purumque simplicitatis candorem labefactarent atque corrumpere: eo ingenio, eaque vir illustri memoria præditus enituit, quod quidem ab his ipsis qui periclitati fuerant accepi, ut si quem triginta vel quadraginta aut amplius carmina recitantem audivisset, eadem ad numeros ilico recenseret, addunt quidam & ordine eadem retrogrado, quod mihi vix sane credibile fuit; sed & incredibiliora attestazione omnium. In eo viro cœli dona præcelluerunt: omnia siquidem bonarum artium studia, liberalesque disciplinas omnes sic adamavit, atque percoluit, sic Latinas, Græcas, Hebræas, Arabicas, Chaldaicasque litteras non delibavit modo sed ebibit, ut enitentis naturæ magnum ingensque miraculum esse videretur, ergo cum tanta virtutum indole prætextam exuisset, *Bononiam* ad dogmata Pontificii juris ediscenda perrexit, quibus cum indefessam ardentemque biennio navasset operam, eam messem fecit, ut compilatas adamussim omnes pontificales epistolas nulla diminui sensus sed verborum jactura concluderet: elimatum opus, ac veluti censura consummati professoris absolutum: mox doctrinæ vulgatoris protritas semitas respuens, trivialiaque pertæsas, accultioris naturæ tabernacula scientiarumque sacraria sublimium pulsavit: tantoque favore statim admissus est ut dialecticæ, philosophiæ, mathematicarumque omnium honoratissima stipendia faceret, in eoque doctorum omnium studia consonarent: proprias sedes domesticosque penates, literatissimorum disertissimorumque omnium domicilium fecerat & theatrum, in quod velut celebre nobilissimumque doctrinæ nundinantis emporium, bonarum disciplinarum magistri confluebant. Cumque scientiarum bibliothecam pectus suum haberet, quotidie publicis privatisque certaminibus, literarioque conflictu præsignis semper athleta, vires ingenii sui mirabiliter exercebat. Quæ cum in re tantum profecisset ut poena mun-

mundi prodigium haberetur, sese divinis litteris emancipavit, Deique scientiam acutiori lumine perrimatus illius excelsiora promotu gradu conscendit; omniaque mox *Italiae Galliarumque gymnasia Platonis Apollonii*que more perlustrans, nihil quod edisceret reliquit, atque eo quidem doctrinae provectus est, sive profundioris eruditionis suae fiducia, sive inconsulto juventutis calore qua etiam aetate firmiores maturioresque laudum ac gloriae cupidi praecipitantur, ut in luctam palestramque doctrinae scitioris Apostolicum provocare senatum affixis tabulis praesumpserit: non quia male, sic reor, de religione sentiret, etenim a Christo quo potuit dogmate vir pius & integer averti? sed ut ardentis ingenii sui tota ferme *Europa* famigerati periculum coram protostamine purpuratisque patribus cum gloria faceret: qua in re naufragium passus est, ac nisi *Ascanius Sfortia* qui bonis semper ingeniis favit solcite tabulas collegisset, porrexissetque salutarem periclitanti viro manum, furentibus undis demersus esset: adeo summa quidem petit livor, feriuntque summos sidera montes: multa quidem elimatissime luculentissimeque dictavit & scripsit vir ad omnia volucris promptus ingenio. Quae referre longum est laboriosumque lectori: sed inter omnia quae nostras ad manus pervenerunt, circumfertur opus varium & multiplex, omnigenaque doctrina refertissimum, quod adversus astrologos inscribitur: multis sane digestum voluminibus, in quibus quid scientia, quid eruditione, quid eloquentia praestare posset politiore stilo acutissimisque disputationibus, ac tot citatis excussisque diversorum autorum dictis, tam ad sua validius comprobanda quam aliena efficacius refellenda manifestissime declaravit. Hunc unum ego virum puto cui similem multis ab hinc annis natura non ediderit, tantae hujus absolutae perfectionis, nepos ejus *Jo. Fran. Mirandulanus*, qui patrui vitam accuratissime diligentissimeque conscripsit, quinque causas autumat extitisse: exactissimum acerrimumque super omnem aleam ingenium, profundam incredibilemque divinae tenacitatis memoriam, indefessum ac pertinax studium, terrenae saecularisque diligentiae negligentiam: tum fortunas ac facultates amplissimas, quibus ad nostrae, Graecae, Barbaraeque volumina linguae coemenda, non mediocriter adjutus est. Etenim septem aureorum millibus magno admirabili sumptu bibliothecam omni genere disciplinarum, omnisque linguae varietate locupletissimam, composuisse tradunt, eumque *Asia* atque *Europa*, omnique totius orbis angulo, Latinae, Graecae, Barbaraeque linguae libros omni studio ac diligentia conquississe, variosque eam in rem exploratores, conquistoresque sollicitos amandasse: neque sumptibus ullis ad eas merces empsitandas, delicatioraque transmarini venatus escaria, quibus lautissime largissimeque nobilissimam esurientis animi famem depasceret, comparanda, pepercisse in comperto est. Sed his ego praenumeratis causis adjiciendam aliam putem, quae virum nobis admirabilem omnique virtutum ac disciplinarum genere cumulatissimum tanto provexit impetu eoque culminis eduxit, ut in ipsa omnium arce scientiarum merito collocetur, propensam scilicet Dei optimi maximi voluntatem: qui hujuscemodi dona mortalibus arbitrio suo dilargitur, & ex reconditi thesauri sui cellario, nobis incomperta consilii sui ratione ex *Pauli* sententia, dispensat, nec enim mihi persuadere possum, hunc ingenio, memoria, studioque suo impensiore, tantum potuisse viribus efficere, ut ea quibus pollebat assequeretur, nisi divini numinis splendor nimbo suo plenius affulsisset, sublevassetque hominem divinitate potius quam humanitate eximium. De quibus illustris poeta cecinit:

A

— — Pauci quos equus amavit

*Juppiter, aut ardens exivit ad aethera virtus:**Dis geniti potuere:*

B

Duo maximi tempestate nostra sublimesque viri, ac terrenis sordibus emergentes defecatique praenituerunt, *Jo. Picus Mirandulanus*, *Erasmusque Roterodamus*: Venetum ad praesens horreum, illamque virtutum omnium messem ubertate sua uberiores non excutio: Quoniam decerpisse non nullos invidiosum est; cum omnes percensuisse sit perdifficile. Hi summa mihi culmina, scientiarumque omnium fastigia conscendisse videntur, in eosque sese divini numinis gratia plenius infudisse. Quocirca stomachum mihi faciunt scioli quidam doctissimorum theatro penitus excuneati, qui procerum umbras amplissimorum flagellaat, minutiasque leves non dixerim errata scabris dentibus insectantes perrodunt: cum observasse potius ac coluisse felices animas coelique participes, quam illis obtrepassse aut derogasse par sit. Nam vitiis nemo sine nascitur: optimus ille est qui minimis urgetur. Sed eorum vitia non est nostrum insectari, nec carpere, quorum virtutes assequi non valemus. *Joannes* igitur *Picus* cum tanto studiorum literarumque omnium flagraret incendio, praecipueque divinis infatigabilem operam scribendo dictandoque semper infunderet, rei familiaris administrationem dispensatoribus suis negociorumque gestoribus delegavit, ipseque totus disciplinis emancipatus, ac censu pro natalium dignitate, nobilitateque generis sui reservato, quantum ad quotidiana impendia sufficeret, domesticorum procuracione sequestratus est, supergressusque mortales curas sese totum divinis addixit. Eos imitatus qui dolialem vitam agentes, provectique altius quam vulgaris semita praemonstret, feculenta haec & sordida contempserunt. De quibus eleganter poeta scribit:

D

*Felices animae quibus haec cognoscere primis**Inque domos superas scandere cura fuit.**Credibile est illos pariter vitiisque jocisque,**Altius humanis exeruisse caput.**Sic petitur caelum, non ut ferat Ossan Olympus,**Astraque peliacus sidera tangat apex.*

E

Quam insententiam haud multo diversius ad *Paulam Hieronymus* scribens ait: Rogo, quid hoc sacratius sacramento, quid hujus sacramenti voluptate jucundius? Qui cibi, quae mella sunt dulciora? quam Dei scire prudentiam, & in abdita ejus intrare, sermonesque Dei tui qui ab hujusmodi sapientibus deridentur, plenius discere sapientia spiritali: habeant sibi caeteri si velint suas opes, vase gemmato bibant, serico niteant, plausu populi delectentur, & per varias voluptates. Divitias suas vincere nequeant: nostrae divitiae sint in lege domini meditari die ac nocte, pulsare januam non patentem: panes trinitatis accipere, & saeculi fluctus domino praeeunte calcare. Hanc igitur felicem securamque rerum vitam omnium agens *Joannes Picus Mirandulanus*, cum nihil divina praeter eloquia, Deique scientiam expeteret, vix secundum aetatis annum post trigessimum attingens, *Florentiae* cujus amoenitate delectabatur excessit: aegritudine correptum *Galliarum Rex Carolus* moleste ferens, cum *Neapolitanam* expeditionem, impulsore *Mauro* susceptam exsequeretur, ad eum literas humanitatis, benevolentiae, suavitatisque plenas misit: nec literarum contentus officio, medicos suos qui languentem inviserent, & assiderent, destinavit. Aequum enim erat ut augustum tantae doctrinae praetorium, tantamque coelestis scientiae majestatem summissa regalis potentia salutaret. Verum acriore morbo praevalente, cum ardens & inextincta febris medullas depasceret magno luctu omnium elatus est. Increbuerat ut plerumque sit stulta

F

Stulta quidem opinio, veneno petatum, quod alienum à vero prorsus obhorruit, cur enim exteri virum tollerent quem summo, omnes cultu venerabantur? Amici vero cur scientiarum monile pretiosum, electissimamque margaritam scrobibus infoderent? cum magno familiæ gentisque suæ splendori, ac pœne totius orbis ornamento vir ille viveret: sed fatali decreto inexorabilique lege Parcarum, cum optima prima fere manibus rapiantur avaris, vix apparens extinctus est: Dii boni quorum incorrupto indeclinabilique iudicio repurgatæ animæ nostræ cœli puriora transcendunt, emaculatæque prorsus & illimes quanquam terrenis sordibus obnoxia, beneficio vestro super-

A næ civitatis municipatum adipiscuntur, hanc quæso magni herois animam excipite: beatorumque sedibus virum bonis moribus institutum, ingenio illustrem, virtutibus adornatum, vestra benigniore censura collocate: ut qui dum nobiscum ageret divinus pœne fuit, nunc corporeæ molis gravitate deposita, totus nitidus, simplex, æthereus, tot inter candidatorum examina diversetur: hic ad cœnam nuptiarum vocatus est: hic talento recte mercatus, honorificentissime compendium fecit: hic indutus veste nuptiali processit: cum prudentibus oleum virginibus sumpsit: & hic scriba doctus fecit & docuit ut magnus merito vocetur in regno cœlorum.

LIBRI TERTII FINIS.

BERNARDINI ARLUNI,
Jureconsulti, Patricii Mediolanensis,

DE

BELLO VENETO
LIBER QUARTUS.

M *Irindula* urbe capta, circumjacentibusque municipiis pluribus assertis, cum vel fœdere vel prælio *Venetis* Pontificalibusque signis cuncta utcunque subacta cessissent, major in dies metus agitabatur: formidinem ubique locorum augebant insolentes elatæque victoria Pontificiæ legiones. Quas acrioribus stimulis urgebat constantis & in utraque fortuna semper infracti vir animi *Julius* Pontifex Maximus. Qui non otio, non umbra, non balneo ductoribus impartito, acrem durumque militem tractim exercebat, expugnatis itaque *Lugo*, *Cotonio*, *Baliacaballo*, munimentum adiacens *Pado Romanus* miles obsidere cœpit. Tum & *Ferrariæ* novo quidem inusitatoque terrore omnium admotus exercitus, castris ab urbe lapide quarto locatis, ignobiles juxtaque nobiles, ac ipsum præsertim ducem *Alphonsum* majore metu majorique formidine quam unquam antea perculerat. Nam & propinqui hostes pœne moenia cingebant, & infensiores *Veneti* restaurato exercitu, junctique Pontificalibus copiis quotidie perpetuis agros villasque populationibus devastabant. Hi quidem ut amissa recuperarent, conjungerentque disjuncta finibus suis: Pontifex vero ut inani amplificatum cura Christi patrimonium in majus extenderet, concopulatamque fragili nexu Pontificalibus fasciis *Ferrariam* alligaret. Itaque districtus hinc inde populus angi, difficultateque rerum omnium laborare. Dux vero conservandæ magis quam augendæ rei suæ sollicitus, oppida propugnaculis valloque munire: ipsamque præsertim urbem *Ferrariam* militari primum robore, tum vastis circum aggeribus præfirmare: cavereque modis omnibus ne de proximo *Venetis* insultantibus, aut Pontificiis affilientibus copiis, oppidani novis cladibus afficerentur: tum fœderatos præcipueque *Gallorum* regem *Ludovicum* enixius hortari atque orare, ut magno suis in discrimine constitutis rebus auxilium præstare non cunctetur: Quoniam latioribus effusa terminis propagataque finibus propriis ditione *Romana*, nequaquam vir ferox & intractabilis *Julius*, ab reliquis temperaturus sit. Et jam mustitantium voces rumusculique leves eruperant quibus *Parmam* atque *Placentiam* à Gallo Pontificem

B avocaturum ferebatur: sed & præferocis impatientia viri, ipsaque pertinax & inexhausta libido dominandi suspicionem, suspicionisque pernicio-rem exitum maturabat. Itaque *Ludovicus* & *Alphonso* succurrere, & hinc & inde concursantem hostem, implicitumque *Ferrarianâ* obsidione, summis præsidiis avocare distrahereque constituit: & jam supra cladem antiquam, vetustamque conflictus *Agnidilini* stragem, non minoribus *Gallicanæ* phalanges detrimentis *Venetum* impresserant: captoque *Lemniaco* arce fortissima, oppidisque pluribus debellatis, *Vicentino*, *Veronensi*, *Patavino*que solo continenter ingentia damna duplicabant. Intolerabilibusque dispendiis affecta *Vicentia*, *Axilium*, *Marostica*, villæ pagique omnes ingenti horrore, magnaue circum vastitate squalabant. Sæpe novi motus in *Patavium*, nonnumquam in *Tarvisum*, mox in alia dehinc in alia, ut militaris impetus, barbaricæque temeritatis turbo compulerat, concitabantur. Itaque cum suis antiquis finibus protuendis, tum & recuperatis recens militia sua defendendis occupati *Veneti* maximeque *Patavio*, quod omni diligentia studioque servabant, circumfremetibus ubique barbaricis legionibus distrahebantur, ut bellicam foris operam subigendaque *Ferraria* minorem præstarent, quam anhelantis *Julii* desiderium, immoderataque cupiditas appeteret. Nunc vero novis adventantibus auxiliis, *Alphonso*que legionibus *Gallicis* opitulantibus, cum adhuc magna nominis hujus umbra subsisteret, *Veneti* quanquam semper & ubique vigiles & attentis, nunc circumspectius agere: classem tormentis excubiisque tueri: nec nisi magna occasione sumpta, militem in aperta campi patentis educere. *Alphonso* vero quantum rebus angustis omnibus, magnoque labantis rei suæ periculo constitutus, sustentare tamen, hostemque frustrari, ac simulato sæpe conflictu Pontificem eludere: quotidie visores amandare, speculatores percunctari, negligentis hostis ignaviam castigare: quam & oblata propediem occasione deplexuit. Longo siquidem dum soluti hostes otio liberius evagantur, meliorisque fati dulcedine temulenti custodias remissiores illaxant, ecce pervigil & excubans *Alphonso*, quem periculi subinstantis acies acuebat, eductis urbe co-

B. Arlunus. K piis,

piis, Suppadana septa negligentius ab hoste servata, impetu facto truculenter invadit, inopinato perterritus assultu Pontificius *Venetis*que miles trepidare, aberrare, nescire locum, nescire ducem, signa ad quæ se reciperet ignorare: è diverso *Ferrarianus* agmine facto dispalantes hostes & vagos omnes irrumpere: confundere, perturbare: tum perturbatos graviter exagitatosque cedere, dissipare, proterere. Qui septis obsessi à *Veneto* premebantur, audito fragore, circumcursantibusque subsidiariis legionibus, exciti conclamantium alacritate sociorum, uno impetu claustris erumpunt, ardoreque irarum impatienter accensi, violentius hostem ingrassantur: omni loco, tramite, diverticulo, obvii milites civici, dementes metuque conterritos hostes consternunt, præfocant, elidunt. Qui primi arma capere, tollereque signa more castrorum præsumperant, circumfidentibus oppidanis omnique urbana perurgente militia vulnerati, capti, cæsi que sunt: qui vero postremi fessis laborantibusque succurrere festinabant, aliis à tergo, referataque per claustra militibus emissis, intercepti, reculcati, perfractique jacuerunt. Hac insigni strage gravique jactura, à Pontifice *Veneto*que ad *Alphonsum* obliquatis velis retroversisque flatibus victoria dum pœne manu tenetur, regressa est. Adeo quidem difficulter & ægre bellici casus ad exitum prospera cum fortuna perducuntur: has dum per alternas adversæ prosperæque sortis vices fortuna lascivior interludit, ac nunc Pontifici *Veneto*que favet, rursus illis averfa, petulcis pedibus ad *Alphonsum Gallo* suffragante convertitur, *Veneti* qui suæ semper Reipubl. illiusque studiosis omnibus prospectabant, abscedente *Gallo* suppetiarum *Alphonso* terendarum causa, domi paulisper sublevati, nova moliuntur; & primo quidem *Aluysius Moenicus* ex *Tarvisio* copias in *Axilium* movit. Oppidum *Germani* sua prævalidi ferocitate servabant, expeditoque peditatu ac omni præduro milite cuncta strenuissime fortissimeque tutabantur. Ergo de more *Veneti* præmissio tubicine deditionem tentare, foedereque prius quam armis periclitari maluerunt; sed cum internuncio barbarus insolens & contumaciter elatus minus urbane respondisset, suo opteque gens spiritu ventosa *Leoninum* militem incivilius habuisse, despexisseque contemptius cuncta videretur, ad arma repente telaque discursum est, omneque præcinctum ilico tormentis ac militibus oppidum *Venetis* obriguit: confertaque mox pugna, cum *Leoni* municipes, suisque veteribus dominis propensius acclinent, exustis foribus, factoque furentes per flammæ aditu *Marcici* milites immissi sunt: capti, cæsi que *Germanorum* pluribus, cum & oppidanorum præsidio, tum & ingruentium *Venetorum* impetu res laberetur, barbaricæ præfectus armaturæ, paucis cum militibus qui circumstitant, in arcem profugit, extemporalique tutela communiti omnes subitaria propugnatione defenduntur. Oppugnatu difficilis arx erat, natura loci, ægreque tormenta molibus subruendis in eam dirigebantur; sed & affilientes milites labentibus clivo vestigiis pronutabant, infirmisque pedibus in adversos hostes enitebantur: admotæ tamen, summo quanquam discrimine, murales, machinæ, defixaque conatu non irritò tormenta dejiciendis mœnibus propugnaculisque murorum evertendis, locum tandem fecerunt. Exinde cum intentus expugnationi miles arcem perpetuo pilarum jactu retusam discinxisset, magna ex parte penetralia dimotis obicibus denudata patuissent, præpositus cum uxore cumque suis captivis omnibus, cum ad extremam res lineam deducta foret, fortunæ gravius in dies sævienti cessit. Ab *Axilio* in *Marosticam*

A deflexum est: atque cum plura identidem ad *Venetum* oppida desciscerent, aliaque secundiorem fortunam secuta *Venetis* obsequerentur, omnem *Marostica* bellicum furorem excepit: obequitabant circumcursabantque *Leonini* milites omnesque in oppidum aditus, iterque secretiori tramite devium explorabant. Contra barbarus qui defendendo oppido itabat, tela torquere, jaculari, hostem summove: nihil tutum securumque *Veneto* prætentandum relinquere: admotas machinas, affixas scalas, expugnatoremque jam manu mœnia comprehensantem prorsus exturbare: sed nihil armis impenetrabile, nihil bellatoribus nostris inaccessum. Cum valide fortiterque *Germani* municipium defenderent, pœneque victoriam *Venetis* desperaret, barbaris obreptum est, injectusque dolo foribus ignis, cum indiscretæ furentesque flammæ postes exussissent, expugnatoribus aditum dedit. Quo facto trepidantes attonitique defensores *Germani*, corporis robore magis quam ingenii viribus præstantes, cum oppidum prodicione captum existimarent, quod neque ministrum ignis, nec unde contractus irrepsisset animadvertabant, in arcem percito cursu profugiunt, tabulamque post naufragium ultimam tuentur. At circumfusi repente victores, omnemque lustrantes arcis ambitu locum, tormentis, aggeribus, machinisque muros arcis propugnaculaque coronant: atque eo promptius & acrius, quod propinqua *Germanorum Hispanorum*que præsidia jam *Ulmum* applicuisse, haud multo lapide *Marostica* disjunctum ferebatur. Itaque diu noctuque perenni indefessoque labore pertinaces improbique milites *Leonini Germanum* premere, arctissimisque presum custodiis distringere, districtumque supremo nixu festinatam modis omnibus in mortem adigere. Quocirca densioribus circumdati sepimentis, cum extrema omnia barbari non sustinerent, diffidentique sese magno diuturnoque labori suffecturos, cum nullam propinquioris opem auxilii præstructo omni circum aditu compertam haberent, deditionem fecere. Postque suam non difficulter impetratam incolumitatem, cum arma telaque sua prius abjecissent, ex icto sospites foedere dimissi sunt, oppidumque cum arce, multa que cum gloria *Veneto* victori tandem reliquere. Nec minori tamen interea bello *Forum Julii* minusque perniciosus hostibus ea passim provincia divexabatur: dum perpetuis excursionibus ac populationibus infensissimis barbari quotidie prædas convectant, pecus abigunt, incendiis omnia torrent. Quibus *Veneti* semper occurrere, levibusque quotidie certaminibus prædones vagos ingrassari, tum foede crudeliterque conflictatos cives suos sublevare modis omnibus studiosissimeque festinabant. Quapropter *Aluysius Delphinus* ea tempestate legatus, cum utique magni rem momenti fore merito crederet, si *Vipolzanio* oppido Resp. potiretur, copias eo deducit, ut a *Goritia Cromonium* iter hostibus interdicat. Itaque tunc aspera circumsepti prælucentium armatorum segete *Vipolzanii*, cum nulla militum nec tormentorum parilitate *Veneto* conferri possent, nec validiorem illius pressuram sustentare diu posse viderentur, facile nulloque pulvere vel modico concesserunt. Exterriti quoque prædatores apud *Cromacium Aluysio* hostes urgente, prædam pluresque cum præda vitam relinquere coguntur; sed & infensiores diversa regione *Liburni*, dum *Monfalconium*, vicinalque populabundi regiones peragrant, *Constantino Paleologo* ductante vim passi sunt, ac fugati captique, cæsi quoque ad igniferum omnes fuissent, nisi repentinis affluentibus præsidii *Veneti* cum ingruentes copias hostiles suisque longe majores præsentiscerent, *Lisuntio* flumine trajecto sese protinus in tuta receptassent: usque

usque adeo tunc armis inquieta omnia perturbari, omnia militibus & castris occupata, ferro passim & incendiis horrere. In *Venetia*, in *Forojulii*, in *Liburnia*, in *Illyrico*, ut cætera silentio transeam, nihil firmum nec stabile, nihil constans securumque videri: dum hinc inde pulsos agrestes, miserosque cives impactæ violenter castrorum procellæ feriunt, alternoque æstu bellorum arces, urbes, oppida, dum illiduntur ac reliduntur, ac nunc dextris modo sinistris fluctibus impulsantur, adobruta demersaque profundo calamitatum laborant. Per hos dies ad *Pisinium*, *Pedamontem*, *Castrum novum*, incursantium *Venetorum*, ac recurantium barbarorum armis exagitata omnia pronutavere: pestilenti quoque resperfa salsugine *Mugla*, *Ronzium*, *Adignanum* coacuit. *Tergestini* quoque cuncta mari terraque prolutibus undis, obmaduerunt: neque vero *Cervical*, *Albonia*, *Justinopolis*, *Cividale*, his bellicis casibus exempta fuere; sed & graviore *Feltrum* incendio consqualuit. Tum & plura alia, cum nonnulli præ timore conterriti sese ex alto, præruptisque montibus præcipientes darent, eadem fuligine denigrata, parique correpta incendiorum ustrigine caligaverunt. Ubique sæva bellorum tempestas, ubique fremitus & terror armorum, dum semper ardens & anhela militum sitis expositam in prædam ruit, dum villæ, arces, urbesque scriptorum testimonio omnium ac eorum qui passi sunt fide & lachrymis debellatæ asseruntur, ac rursus expugnata recipiuntur. Nullaque militibus, agricolis, civibus sedes præstari aut requies impartiri, tot undique malis ingruentibus, potest. Has ergo dum per oras *Illyricosque* tractus irati Martis violentia furente gladio perbacchatur, longeque gradu provecta nocentior pervadit, *Veneti* suis semper defendendis finibus, amissisque recuperandis omnibus anxii, *Vicentiam* iter dirigunt, ac fusoribus scorpiariis levitibusque præmissis, moenibus insultant, suburbana diripiunt, ac de proximo cum hoste congregiuntur: & jam vis belli portis incumbebat, incursantemque trepidi custodes equitatum ad *Petream* *Felicianamque* portam vix cohibere reprimereque poterant, adurgenteque *Græcanico* velitu trepidi propugnatores in urbis penitiora magno dimicantium *Venetorum* turbine propellebantur. Cumque militaris disciplinæ magistri præfectique castrorum præpotentem *Venetum* magnoque prævalentem exercitu contuerentur, se vero rariore juventutis adarmatæ corona discinctos animadverterent, cum præsertim alieni civium animi dominatus externos omnemque barbariem penitus exhorrerent, de fuga cogitare, deque civitate velis suis ac remis relinquenda, coeperunt. Quod cum speculatoribus *Venetis* innotuisset, *Dominico* ductori mandant, ut congrua cum armatorum cohorte montis celsiora conscendat, ad id semper itineris declinabundus quod tritos per calles *Veronam* perduceret; ut & hosti profugo *Veronamque* properanti commeatum interciperet, & alimonia destitutum facilius ingrassaretur. Hujus e loci regione, *Dresanam* ad convallem *Troilum Sabellum* expeditis cum militibus esse jubent, qui magna rusticorum & convenarum adjuncta manu medium hostem intercludat, elapsumque *Charybdi*, dum aperta omnia liberioreque tractu secuta putat, occultis cassibus irretitum scylla retentet. Interea barbari cum excedere *Vicentia* proficiscique *Veronam* sic urgente fato statuissent, alibique fortunam meliorem tentare placuisset, statim die signa movent, suasque in acies phalangesque coacti præmonstratum iter capefunt. Quod cum attento cunctaque diligentius exploranti *Veneto* perliqueret, abiisseque jam hostem in diversa nunciaretur, ex templo *Vicentiam* ingressus disiecta *Va-*

netæ Reip. signa restituit. Mox *Federicus Contarenus* abeuntem barbarum defecutus, expedito cum equitatu fugientis tergo semper incumbens, infensus erat, hostemque laceffere ac divexare modis omnibus nitebatur, ut confusis ordinibus, barbaricaque temeritate turbatis, a sinistro dextroque cornu *Dominicus Troilusque* decurrentes, qui præmissi locorum opportuna tenebant, reliquo præsertim exercitu subsequente medium hostem includerent. Sed & prudens barbarus nihil exorbitans, certisque tractim vestigiis insistens, nusquam aberrare, elata signa sua, vexillariosque præscripto jugiter examine subsequi, nec quidem transversum unguem declinare, missilibus tantum urgentem a latere tergoque *Venetum* summovere, maturare fugam, impedimentisque passim inutilibus relictis, incolumitatem exercitus suarumque salutem copiarum tueri. Aliquot jam passuum millia processerant æquatæ restrictæque suos in numeros acies barbarorum, cum & *Venetorum* insequentibus turmis, ac dextra levaque *Dominici Troilique* ductorum coeunte manu, levibus agi ceptum est præliis. *Transalpinus* quanquam ingenio ferox ac truculentus pugnam tamen modis omnibus retractabat, satis sibi factum existimans, si militum vitæ consuleretur, destinatoque sospites *Veronæ* conceptaculo resedissent. Itaque fusores, tormentarios, funditores, ingrassantibus *Venetis* opponere, qui invadentes longe repellerent, nec ulla congressum ex parte paterentur. *Veneti* quoque quamquam pro his victoria stare videretur, omnesque, si confligant futuros eos esse victores animo ducebant, ne tamen hamo aureo piscarentur prælio temperabant; sed obequitando, velitando, cursitando, punctim cæsimque *Germanum* impetentes, inani pugna simulacro ludificabantur, cum saniore consilio ducti salutarem victoriam, intercepto properantibus commeatu, nullo dubii Martis periculo consequi posse sperarent: sed opinione sua lapsi sunt. Nam quanquam accelerandæ fugæ studio vinum, frumentum omnemque annonam relinquerent, non tamen ea cibariorum inopia laborabant, ut inedia conficerentur. Jamque post *Tabernulas*, ac *Suavium*, *Arpano* flumine superato, mutuis affecti vulneribus dum simulato certamine dimicatur, *Veneti Germanique Veronam* proficiscentes, *Villanovium* perrexerant, passuumque spatio quingentorum utrinque defixa castris signa conspiciabantur. Cum *Veneti* de conferenda manu, de que prælio feliciter ineundo consilium cepere: paucitas hostium, fugaque, nec levis injectus timor, tum ex adverso sui procincti militis alacritas, ipsaque pœne manibus comprehensa victoria, peragendam dextro Marte pugnam suadebant. Sed lubricum fortunæ, lascivientisque Deæ lusus, consultorum examine versabantur, quibus sæpe victores retro acto curru, rotaque vertente pulsi sunt. Ad hæc quanquam incerti bellorum exitus consilium semper sub alea relinquant, illud quoque dubium pendentemque animum alternabat, quod de via fessi pedites quorum in bello primæ partes erant, ægre pugnam sustentaturi videbantur: ergo mentes illorum explorare noscereque præliatoris voluntatem placuit. Ad quem cum de conflictu referrent arbitri proceresque castrorum, tanto statim favore, tantoque plausu protinus acclamatum est, ut nequaquam cunctandum differendumque putarent. Quod cum hostis rescivisset, in cuneos repente conglobatus, suaque phalange constrictus, præcipiti fuga *Veronam* elabitur. Quem cum æquata peditatus acie *Venetus* assequi non valeret, equitatus ilico prorupit in aciem; verum cataphractario potentiores validioresque barbari, facile consistentis ictum repellebant, donec relictis paucis quos extremos, ho-

B. Arlunus.

K 2 stes



stes infecuti transfixerant, *Veronam* sospites ingressi sunt, firmioribusque fossarum ac murorum propugnaculis obsepti subsequenter *Venetum* eludere. *Mocenicus* qui spe tanta victoriæ suum militem lapsum dolet, existimat si tunc quoque sua pro virili pugnatores egissent, militiæ præfecto congressum non detrectante, haud labore magno *Veronam* capi potuisse, sed consulendo, cavendo, trahendo, dum celeritate præcipitiue festinatione in tanta re peragenda opus est, intercepta delusos occasione prorsus excidisse. Hæc dum in *Venetia*, *Forojulii*, *Illyrico*, collimitiisque omnibus tanta armorum defractis calamitate consternuntur, universumque *Ferrariensem* agrum ac conterminales oras bellorum flammæ furentes exurunt, indiscretisque vaporibus afflatam totam fere contorrent *Italiam*, *Ludovicus Gallorum* Rex adversus pontificem conceptos ignes irarum exitiis nutritis alebat, & quanquam summa præditus potestate, summoque rerum culmine blandiente fortuna collocatus subita *Julium* ruina proturbare, dejicereque sacrorum fastigio potuisset, innata tamen huic genti Deos erga pioque cultus reverentia, circumspicte cunctanterque bella maturabat: nec ad arma quidem temere movenda, pontificioque fines immisso milite devastandos, quicquam per ipsum inconsulto quamquam provocatus esset, agebatur. Sed oliva potius quam gladio rem inter ipsum Antistitemque sacrorum confici malebat. Igitur magnos inter orbis proceres contentione suborta, cum *Placentiam* ac *Parmam* *Julius* velut *Romanæ* ditionis pontificiique juris reposceret, disceptatorem sequestrumque *Ludovicus* ne quid per ipsum injuste perperamque transigi videretur optavit: neve subornandi corruppendique judicis timor ullus irreperet, eximios omni juris doctrina præstantes viros, qui *Romanum* in senatum, vulgo *Rotam* dictum, adlecti fuissent, iudices habiturum sese de plano professus est. Id ad *Ferrariensem* cognitionis examina nonnulli retulerunt, cum sibi vim inferri dux *Alphonfus* quereretur, ediceretque palam, ac testato denunciaret, per ipsum non fieri quo minus *Romano* juri Cæsarisque legibus obtemperaret. Sed hæc cujuscunque quæstio fuerit, admissum esse neminem in confesso est. Cum vir ferox votique sui pertinaciter exequendi præcupidus, tribunalitiam dilationem non pateretur, animique sui præfurentis impetum retardari juris cognitione non sineret. Quod cum *Ludovicus* admiraretur, seque durioris in scopuli cautem incidisse cognosceret, alio vela deflexit, secundioribusque Zephyris per tranquilla pelagi mitioris investus, devitata *Symplegade* *Maleaque*, placidius in portum enavigavit. Ea tempestate purpuratos inter *Romanæ* curiæ proceres, sacrosanctumque senatus Apostolici confessum, agebat vir doctrina non vulgari *Bernardinus Carvasalus* gentis *Hispanæ*. Hic five naturali dissidio quo semper inter egregios summosque prudentum vertices parum convenire solet, five *Gallicana* suggestionem seductus a *Julio* Pont. Max. descivit, culpæ, si qua ea in re fuit, synodica concionis argumenta prætexebat. *Julius* siquidem priusquam ad sacerdotalis fastigii culmen promoveretur, *Galileæ*que pisciculenti retis plaga convolutus esset, secreto cæterisque cum patribus fœdere convenerat, ut cum inauguratus imperio sedisset, per universum terrarum orbem quo diffusa Christi religio spargitur, concilium ediceret, in quod universi præsules qui *Nazarena* fide censentur, convenirent, de summa rerum decreturi. Qua de re, cum interpellaretur, eumque pactorum *Bernardinus* admoneret, plus æquo differentem, nonnunquam etiam contumacius refellentem, non tulit. Proinde rem veluti piam sanctamque procuraturus, & obiturus ea

A quæ ad religionem fidemque spectarent, quoniam ea prosequi *Julius* fide relicta disprevisset, *Carvasalus* solum vertit, accitisque secum nonnullis, qui five religionis, five factionis studio pro *Gallis* stabant, partesque barbaricas prætextu fidei tuebantur, *Pisas* profectus est, cumque inibi diebus aliquot, velut in civitate libera indicti conventus exordia sumpturus sedisset, præsensit insidias, quas felle perfusus exacerbatusque sæviore ira Pontifex innectebat; itaque sarcinas colligere demigrareque alio compulsus est. Et quoniam prævalente *Julii* potentia, Christianæque religionis majestate, quam *Roma* præferbat, omnia tanto facinori perficienda suspecta erant, *Mediolanum* optavit, tutius cæterisque securius ab infensissimi hostis impetu domicilium ratus. Quo suo cum comitatu purpurato divertenti, cum adventare nunciaretur, ab Optimatibus Summatibusque urbis occursum est, proque pileatæ dignitatis decoro, honorificentiorisque sacerdotii reverentia, magnifice luculenterque summi flamines excepti sunt. Quos blande salutatos appellatosque, *Japhredus Caroli* qui tunc *Mediolani* præsidem agebat, brevis splendidæque orationis actione profectus est, opulentia regis munificentia prælargus, multa siquidem illis ubertim vir prudens & cautus offerebat; quos hospitio, comite, *Gallicanæ*que largitatis abundantia complexabatur. Ergo cum præoptatæ sedis incolatus & civium comitate nostrorum, & salubrioris coeli elementia genialis, ab ipsaque sævi hostis impressione securus, piis sacerdotibus complacuisse, promulgato severiore *Ludovici* regis edicto, diversis *Europæ* regionibus præcipueque *Transalpina* *Cisalpina*que *Gallia* summi sacerdotum promiscuæque tonsuræ magistri, qui mandatis irretractabilibus obnoxii *Gallicano* imperio subiciebatur, in concionem acciti sunt. Tunc importunæ hæreses, diversæque repugnantibus invicem Episcopis sectæ protinus erupere. Multi commentitiam hanc synodum abortivamque refugere, & quamquam parere jussi, castigatas prætorii censura voces, prænexo ore reprimerent, introrsum tamen semotisque arbitris concilium detestabantur. Quoniam non summi pontificis auctoritate, sed ipso prorsus adversante *Julio*, cogeretur. Itaque delitescere alii, alii vero suffugere, nonnulli languorem morbumque simulare, ut sese ab imminentis edicti severioribus poenis subducerent, reaccensasque Pontificis iras, si præstitorum rei suffragiorum convincerentur, declinarent. Etenim si *Julii* funesta arma *Veneto* præsertim opitulante qui percussio fœdere coiverat, prævaluissent, eorum continuo qui præsentia vel assensu subditicio conventui favissent, projecta salus erat & conclamata, furentis domini sæviæque victoris exserto passim gladio debacchante, cujus jam tum subirati, & præconcepta indignatione stomachantis animus implacabilis innotuerat. Quippe cum blandiore monitu hortatuque mitiore discrepantes & errabundos senatores Pontificios ad *Romanam* curiam revocare tentasset, illique duritia sua contumaces & proposito pertinaciter inhærentes averterentur, extemplo prophanatos sacris aditis eliminavit, exautoratosque tum Pontificia dignitate ac sacerdotiis opulentioribus spoliatos, acerbissime diris infectatus est. Quin & *Mediolanum* five quoniam *Ludovici* regis averfa jam tum voluntas a *Julio* defecisset, five quoniam Apostolici sacerdotes exilio suo invis, sedem in eo velut explicandis negotiis suis opportunior locavissent, sacris interdixit. Cumque minaces dicæ tabulæque prægrandes templorum foribus affixæ fuissent, repente jussu præsidis manuque prætorii refixæ sunt, ne pontificalis in vulgum censura prodiret, conturbataque sacris Resp. calvitio

calvitio non operante strepitaret, suoque de more tribules inconditi motum facerent. Sed non adeo confestim obliniri prætresses ceræ foribusque revelli acutis unguibus potuere, quin multorum oculis subjicerentur, plurimique sacris abstinere; sed præfidali mox jussu viribusque præturæ compulsi, cum innocentiam suam testato purgavissent, sibi vim inferri conquererentur, paucos quamquam post dies intermissa, pulvinaribus lectisterniisque Deorum sacra fecere, donec sacrificuli regis mitescere sævitia, redintegratis omnibus cuncta pio more rituumque suo decurrerunt: interdicti causam alii aliam ferunt: quippe cum de sacerdotii collatione ageretur, ab ipsoque summi Pontificis obsequio *Gallicani* procuratores abhorrent, utpote læsi foederis, ac simulatam quæ *Ludovicum* ac *Julium* intercesserant non ignari, concitus Pontifex censuram exercuit, quam cum ad ejus votum *Gallicana* sese voluntas effixisset, ilico revocavit. Quod si causam interdicto conciliabulum dedisset, cum illud pileati proceres non intermiserant, nec Pontificis quidem ira refrixisset. Sed hæc utcumque perpensa sint, & judicata, utique nobis illud innotuit, justo metu coercitos sacerdotes plurimos, sacerdotumque præfules ne in concilium venirent, exulumque sententiis astipularentur exterritos fuisse: Quos tamen & indicti ordinis amplitudo, & flagella magistratuum jussu ipsis ab tortoribus impressa, ne voluntati Pontificis obsequerentur, adigebant. Tunc quoque Jureconsulti sed hi maxime qui sacrarum literarum eruditione Pontificaliisque scientiæ doctrina pollebant divexati sunt, & quanquam repugnantes & inviti discrimina subire. Quos inter *Philippus Decius Mediolanensis* magno vir ingenio, ac Pontificia civilique scientia præditus, cujus olim auditorium celebravi, hisce laqueis irretitus inhæsit. Hic etenim cum impetrato ab Illustrissima Excellentissimaque *Venetiarum* Republ. commeatu, *Patavino* gymnasio digressus esset, *Ticini* Pontificium jus honoratissimo stipendio profitebatur: interpellatus ergo cum invisum munus non injuria retractaret, correptus est, modestioreque censura vir insignis emendatus. Nam cum suas *Ludovico* locasset operas, ab eodem requisitus ut eandem impartiretur non satis honeste denegaturum aiebant, quos prudenter vir acutus & sagax refellebat: Quoniam non eum ad modum operas locavisset, sed ut instituendæ informandæque bonis moribus ac disciplinis juventuti jus enarraret. Proinde civilis Pontificiæque noctis tenebras obscuriores suæ interpretationis luce diffusurum aiebat: non etiam concilii quod summus Pontifex *Julius* abhorreret modum & formam executurum: verum si ingenito majoris assequendæ dignitatis studio, quo mortalium mens semper anxia laborat, & quanquam bonis disciplinis accincta, tamen ægre defenditur, si Imperii majoris reverentia quod observare colereque non omnino non poterat, seductus est, & in numerum conscriptus. Qua de re cum nonnulla, vetustioris amicitiae jureque familiaritatis cum eo contulisset, nec opinioni ejus assentire, quoniam quo res bellicæ forent inclinaturæ parum liqueret, & fata principum in obscuro essent, aliter fieri non potuisse salva dignitatis suæ prærogativa respondit. Quæ cum mihi parum arriderent, abstinendumque censuisset, timiditatem mihi meam objectavit, quæ mentis angustæ semper humi repat, humiliumque comes semper in infirmitate versetur. Quem cum postmodum transscensurum *Alpes* salutavisset, quoniam vertente fato victoris ira cuncta penetrabat, & ad viri memoriam multa revocasset, si dii, inquit, effemus non erraremus: Multi sane bonorum morum,

A emendationisque vitæ viri, non quidem præcipientes turbulentique, sed quieti mites neutrarumque partium, pii cultus nostræque religionis excolendæ studio quæsierunt, an indictum hujuscemodi concilium jure subsisteret, & quæ sanciret, quæque decerneret observare tenerentur. Quoniam hi sibi persuadere non poterant quinque septemque *Romani* augustalis sacrarii proceres, cum extorres summaque Pontificis *Julii* potestate sequestrati forent, ipso repugnante legitime quicquam attentaturos: neque Jureconsultis alioquin doctissimis præstantissimisque viris hac de re differentibus fidem ullam adhibebant: quos vel astrictos Imperio, vel officio delenitos, ad alienæ voluntatis obsequium respondere consultationemque suam confingere non ignorarent. Nodosa sane quæstio multisque globis prorsus involuta, quæque senticoso properantem itinere dispungat atque præpediat. Etenim expressam juramenti formam legimus, quod sibi invicem purpurati patres cum in conclavi resedissent, ad solennium altaria ceremoniarum, præstiterunt, caventes ut quicumque *Petri* solio sedisset intra biennium ab assumptæ dignitatis auspicio concilium indiceret, loco omni metu libero, gladioque terrenæ potestatis prorsus absoluto; nisi manifestarium peragenda rei obstitisset impedimentum, quod majore protostaminum consensu justum legitimumque judicaretur. Rursus *Julii* Pontificis electi juramentum publicis conscriptum tabulis circumferretur, quo sese prædicta jurat observaturum omnia. Biennio igitur exacto cum interpellatus cessaret, juramenti reum accusabant; sed objectam impedimenti exceptione Pontifex culpam diluebat, quam cum parum exacte repurgasset, quod impedimento patres non subscripserant, fide lapsus arguebatur: Quam ex adverso *Julius* acriter defendebat, quoniam de manifesto bellorum impedimento perliqueret: quod etsi sacratissimus ordo non comprobasset, at certe non improbaverat. Sed hac de re neminem judicaturum putato, cum hujuscemodi quæstio examinis nostri censuram excefferit. Quanquam si quid in tanta re proferre petita venia licuerit, legitimam hanc Synodum justamque putem, si eam pro religionis ardore fideique studio summi sacerdotes indixerint: contra vero si terrenæ cupiditatis gloria promoti, seductique pompæ mortalis fastu, pampinos umbramque concilii quæsierunt. Id autem præter unum, qui corda scrutatur & renes Deus, discernere dijudicareque nemo potest. Ergo dum ad consultissimi & alioquin sane prudentis viri præscriptum, informis concilii massa digeritur, hujusque ad unius arbitrium amplissimus ordo temperaturam accipit, atque in citando Pontifice *Julio*, cæterisque patribus evocandis, discutiendisque concilii negotiis aurigante *Decio* cuncta gubernantur, *Ludovicus* magnam in perniciem *Julii* Pontificis alia præparat, festinatque præcipitem virum proferendis finibus anhelantem, introvertere prolatis. Jam antea *Carolo Ambasiano* ductante, *Bononiam* infesto cum exercitu *Gallus* impetiverat, & usque adeo propinquæ vicinioresque copiarum nonnunquam suggestæ mœnibus hostem invaserant, ut prætristes mœstique cives longiorem in Pontifice moram detestarentur, dicerentque sese propediem abfuturos. Quoniam *Gallicani* pressuram impetus amplius toleraturi non essent. Quos *Julius* Pontifex mitiore demulcebat eloquio, mellificioque sermonis sui blandius mitigabat. Siquidem *Hispanici*, *Britannici*, *Germanici*, *Pannonici*que oratores qui pontificio lateri fuorum mandato principum assidebant, ut bono animo esset hortabantur? Quoniam *Ambasianum* cæterosque ductores *Gallicos* ab urbis obsidio

quam primum averterent, quos moras innectere longiores, *Hispaniarum*, *Germaniarum*, *Pannoniarum*que reges non paterentur, qui Christianam Remp. tot dispendiis afflictam iri non æquo animo perlaturi fuerant. Igitur injurias expostulantibus illis, præcipueque *Britannico* succensente legato, qui turbidius & gravius in *Gallum* inductus erat, obsidium *Bononiæ* solutum est. Nunc iterum *Gallica* rebulliente ira, novus exercitus, novæque legiones in eam expeditionem conscriptæ sunt. Hyems erat egelida, concretisque nivibus asperata rugebat. Exercitum vero *Carolus Ambasi* militiæ parum prudens, rei que castrensis imperitus ductabat. Hic *Mirandulam* atque *Concordiam*, cæteraque debellata manu Pontificis municipia, quæ piscatoris jure censebantur, asserere *Ludovico*que *Gallorum* Regi vindicare, sua pro virili contendebat; sed hebes ingenium, miles languidus, fractæque vires rem fraudabant, omniaque nonnullo cum dedecore, *Gallicanæ*que rei jactura trahebantur. Eo temporis in ulteriore *Gallia* *Jo. Jac. Trivultius* opulentissimum *Scaramutiae* nepoti suo sacerdotium procurabat, cum ea de re controversiam pateretur, nec frui posset adversario possessionem usurpante: transacto igitur ex sententia negotio, cum jam bonis adversarius cessisset, quoniam regis imperio super ea re decernentis obtemperatum fuerat, in *Italiam* mandata susceptaque cum bellicæ rei ductu suo peragenda cura remigrabat. Quippe cum segnius ac pigrius quam instantis periculi discrimina paterentur *Carolus* arma tractaret, successorem hunc meruit, durissimum Pontificii furoris obicem, ac perfectum indomitæ perbacchantisque iræ ejus moderatorem atque magistrum: uterque senex, uterque ferox, uterque summus. Hic cum in castra venisset, lascivientem exercitum, ac solutius & negligentius quam par esset agentem castigat, ignavos omnes, frigidos omnes, ac supina stoliditate sua projectius oscitantes corripit, emendat, deplectit. Ægro quippe languidoque capite, membra ut condolebant cuncta necesse est. Imperitus ductor *Ambasius*, sive lentescens animi morbo quo rebus exequendis non leviter gens fluxa laborat, sive mala corporis valetudine qua jam tum correptus ægrescebat, parum in castris strenue, parumque prudenter versabatur, quem haud dissimili torpore miles ut sequeretur necesse fuit. Igitur successore dato, ad unius impigri vigorem ardentisque viri flammam excusso membris marcentiore veterano miles omnis accenditur, universusque sub eo duce reformatur exercitus: quotidie in armis esse, quotidie hostem provocare: frequenter assilire: de improvviso congredi: ipse vero ductor eximius ut omni laborum genere militem obduraret, fatigaretque perpetuis diversioribusque negotiis, alia agere, alia simulare, in dies confictum indicere, mutare castra, arma conclamare: ut expediti promptique omnes ad arma provolarent: ut injectum alacres impigrique munus exequerentur. Qua de re milites inviso sæpe seni tetricoque rigidam objectavere duriciem: ac depilatum leveque calvitium probrobus infectati sunt, effectum præterea senem, elumbes nervos, absumptas vires incessere, calumniarique non cessabant, tum & amarioribus dictis omnibus execrare ac detestari, quod unius imperio semper exerciti, omnique laborum pondere præfocati, lunas insomnes, inquietos soles, statarias mensas semper exigent. Quæ severus inexorabilisque *Trivultius* dissimulare contemne-
reque, ac modo jussa capefferent, mandataque dolore vitis diligentius exequerentur subfannare despuereque solebat. Ipse sed interea quid intus ipsoque quid ageretur in oppido disquisitus

A perimari, exploratoribus acerrimis secreta hostium divestigare, illos pollicitationibus illectare, alios auro corrumpere, alio modo subornare: donec ad arbitrii sui modum suæque præscriptum voluntatis cuncta redigeret. Itaque paucos post dies sive interna prævalente factione sua, quam ubique vir sagacissimus excitabat, fovebatque per vanissimos simplicesque viros ad expeditam suscepti muneris executionem, maturatique negotii sui compendium, sive externa ferocius agente militia, quam omni arte studioque bellicosissimus vir acuebat, magna cum ductoris regisque laude *Mirandula* cessit. Qua feliciter asserta, discussoque Pontificali jugo, copias agrum in *Bononiensem* traduxit, ubi Pontifex exercitum auxilioque ejus suas *Veneti* legiones habebant, intentique magis suæ defendendæ quam augendæ rei, mutuis invicem sibi præsidii suffragabantur. Quorum vires omnium cum diligenter & sedulo *Trivultius* expendisset, non minori usus industria in *Bononiensi* quam paulo ante in *Mirandulana Concordiana*que expeditione fuerat, confecto prosperius quam putasset hostis negotio, Pontificalibus conflatum flammis magnum belli compressit incendium, suamque restitutis in sedem regia manu *Bentivolis*, sive civium conspiratione multorum, sive belli secundioris eventum, tam felici fortuna usus est, ut fusæ fugatæque legiones *Venetae*, cum majorem etiam ab insequente *Gallo* cladem reformidarent, sese statim in vicis oppidaque sua trepidanter receperint. Et quoniam impetum facturi *Galli* victores in *Patavium*, ac mox *Tarvisium* digressuri oppugnaturique videbantur, ea primum omnium oppida *Veneti* provisos instaurare, disjecta circum omnia prostrataque restituere, consarcire, subtegere: *Tarvisianam* rem quoque non minori studio procurare: mœnia propugnaculis validioribusque custodiis præmunire: peregrinos domesticosque milites novos conscribere, veteres obarmare, foris intusque cuncta stabilire. Quæ suo dum pro more diligenter à *Veneto* propendentis mali metu, futuræque pestis avertendæ causâ præparantur, fugatus Pontificalis exercitus, nec minori quam *Venetus* detrimento confractus, *Ravennam* compellitur, ubi de reparandis viribus supplendisque copiis suis, deque summa rerum sollicitus Pontifex consultabat: adeo quippe cuncta ex voto & animi sententia eo bello eoque nostrorum barbarorumque congressu successerant, ut creditum sit, idque plurimi persuasissimum habuerint, si *Trivultii* mens fuisset Pontificem capere, magnum nobileque mancipium in vincula non ægre conjici potuisse: conterriti siquidem omnes & attoniti ductores Pontificii premente *Gallo* profugerant. Ipse vero *Julius* hostili pœne manu circumseptus erat, sed religionis piique cultus reverentia, quæ mala ætate jam ingravescenti *Trivultio* subrepebat, victoriæ pepercisse ferunt. Alii vero alia sentientes diversa commenta sunt. Tam illustre scilicet præclarumque facinus prudentem & cautum Imperatorem præterisse, ne præsigni facto *Gallicane* jactantiæ petulantius ac fastuosius arrogaretur. Quippe cum suapte natura insolentes ventosique homines plus æquo superbiant, si hæc quoque laus accessisset, suæque fortunæ vela majore perflantium aurarum spiritu contumuisissent, *Italos* omnes omnemque virtutem despectissime contempturi fuerant: virum insuper præflagacem, præteritæque totius actionis memorem, repetitæ stimulantur injuriæ: quas infensa barbaries nostræque virtutis æmula singulari eximioque ductori semper acerbius inflixerat, quibus facile commoveri potuit ut in victoria temperaret; nec pulsus loco *Julium* persequeretur, quem *Gallica*

cane temeritatis castigatorem habebat. Adhuc etiam nonnulli missas literas tradunt, *Julii* manu subsignatas, quibus blandissime deprecabatur, ac ut sisteret, obsecrabat, cum sibi periclitaretur, superbissimo autem victori vinceret, qui fructum ex aliena messe colligebat, ex alienoque sudore laxabatur. Addunt alii concepta magis ex opinione quam re comperta, muneribus honorificentissime largissimeque donatum, quibus facile *Trivultius* ab instanti bellico successu revocatus armis abstinuit. Igitur omni dissipato exercitu, fuscisque *Venetorum* flaminumque legionibus, ac Pontificio jugo libera civitas ejusque gladii secura, *Bentivolo* cervicem subjecit. Qui primum arcem quam fossis ingentibus ac propugnaculis coelo cura Pontificalis eduxerat, subruit, subrutamque solo penitus æquavit: ad hæc exigendorum deportandorumque civium eorum qui *Gallos Bentivolosque* paribus odiorum aculeis incesseant, ad intensiores curas amarioraque studia conversi sunt: foedisque ministeriis factiosi cives impias manus suas polluere. Quippe fuga, cædes, exilium, rei familiaris direptio, bonorum annotatio, cuncta vexarunt: sicuti novis rebus statuque principum retroverso, repletis ære, pecuniaque miserorum folliculis, semper turgentior fiscus extenditur, exagitanturque diversæ factionis procures & antesignani, confluentium æstuante pelago malorum, alternumque navis exarmatæ latus semper in naufragium percellentibus undis, quibus nec exempti boni cives, quanquam medii neutrarumque partium, obruentibus cuncta procellosis turbini- bus, conquiescere possunt. Hæc itaque dum alterno fortunæ sævientis impetu torquentur ac retorquentur, dimisso exercitu, suæque per hyberna distributo, *Trivultius Mediolanum* magna cum laude gloriaque reversus est. Interea *Carolus* invalescente morbo cum ad vivum penetrans defixa- que pestis medullas ebiberet, exsugeretque perpetuo depascentis febris incendio, contabuit, miraque funebri pompa, exequialibusque spectaculis elatus est, in æde virginis Pontificia, *Mediolani* iusta soluta sunt, magnoque rerum apparatu omnium inferioræ manibus datæ, media delubri vastioris testudine, nigrantibus innixum columnis zenotaphium assurgebat: multosque per gradus educto micantes flammæ suis ardoribus tremulis obumbrabant. Ad hæc jugis linea suffixorum perpetuo rigore cæceorum, fuscis præpendentibus plagulis dextrum levumque templi latus percingebat tam clara multiplicique coruscantium lampade lucernarum, ut ipsum pœne solis jubar repercussum evinceret, suggestis subselliisque suis ex dignitatis ordine propriique muneris magisterio, confidebant heroes, patricii, senatores, cæterique magistratus, vel excellentium professione disciplinarum eximii, Pontifex ad aram sacra faciebat, subcinente choro, suasque lamentabiles nœnias rythmis lugubribusque numeris deplangente: interea longo examine variisque ferculorum insignibus pullata cohors procedebat: arduis sublimes in equis pueri, regio luxu sed mœrente & atrato perobscuri, gentis *Ambasie* vexilla gestitabant: ibi præclara majorum facinora prædecta manus artificis effinxerat; sed tenui perangusta- que nuper defuncti gestarum rerum supellectile. Tum conspicua magnitudine præcelsi & feroces equi auribus dumtaxat extantibus, ac revelatis orbibus oculorum, cætera vellino serico contexti pretiosas lacinias erecto capite, cerviceque torosa, ac duplicibus latisque clunibus demissas, solo trahebant. Equitatum funestiore magnificentia præstantem, domesticumque famulantis servitii peditatum, claudebant infecuta distin-

A ctæ religionis totque per diversas hæreses multiplicatæ, consortia: *Franciscina*, *Dominicina*, *Benedictina*, *Augustininaque* sodalitia, amictu lineo subalbente, nigroque humeros prævestiente pallio. Quos inter alio alioque modo candidi, discolors, subcinericii, liventes, gilvi, tantaque cultus indiscreti mixtura confusi, ut vix quo quisque numine censeatur expedias, agebant, horum extrema premebat agmina cultu tonsuraque dissimili, sacerdotalis turba vetustior, quæque piscatore *Petro* cœlestis ad regni municipatum invitata, solutiore militia, diversioribusque stipendiis meret: sacellarii, parochi, canonici, monachi, nonnulloque sacerdotalis præfecturæ fastigio præminentes, præpositi, Archidiaconi, Archipresbyteri, primicerii, aliisque nominibus quæ jam pridem vulgaris usus recepit insignes, confertissimam singulis prælucente funabulo catervam urgebant: tum vacuum inaneque feretrum, omni circumstrepente mendicitatis inopia, quam pannosis squalentibusque togis prælarga manus hæredis induerat provehebatur. Quæ dum per multum aquæ multasque per horas trahuntur, ac grata visentium oculis tam luxurioso funesta ambitu spectacula, suspicientis vulgi mentem admiratione replent, vix dum natus annos puer duodecim *Antonius Caroli*, *Japhredi* præsidis filius, concionem habuit elegantissimam, orationeque luculentissima proceribus coram amplissimis doctissimisque viris *Ambasium* vita functum, instituto moreque majorum in funere commendavit, compositam ab alio lucubrationem multi crediderunt, elaboratamque maturiore ingenio, atque eo dictante exceptam evidentiori perpolitæ dictionis conjectura arguebant. Et mehercule splendidus ordo, totusque pereleganter dispositæ contextus orationis, difficile pro puero judicium faciebat, & si quicquam ex ætate conjicere licet, ingenii certe vires quantumvis præcoci & acerrimi superabat oratio: mihi tunc quidem ad hujusmodi solennis pompæ comitia pariter invitato atque audienti suspicienda modis omnibus visa est. Nec enim eloquentiam tantum admirabar, aut extersi perlimate fermonis splendorem, sed ipsam miram pronunciantis vim, & exquisitiorem totius actionis modum obstupecebam, erigebatur, deprimebatur, intendebat, remittebat, lamentabatur, gaudet tam decoro gestu, venustaque hypochrissi, tam ad omnia concordii consonaque voce, ut quid plane divinum in puero reluxisse non injuria crederetur. Exhilaratus itaque tantoque perlitus declamantis lenimento, non ita mihi prorsus obtemperare potui, cum inflammatum velut intorta face perorantis ingenium præcaluisset, quin pueri laudes equestri pedestrique oratione prosequer, offerremque patri cui multa debebam, cuique multo benevolentia vinculo, magnitudine suorum in me meritorum astringebar, ut geminato mei præsentis testimonio, tam illustris & præclara virtus cunctis testata maneret, insignesque patris filiique reciprocantibus titulis laudes, commendatione mea posteritati consecrarentur. Quod illi munus gratissimum jucundissimumque fuit, non obsiti rudiorisque stili mei rubigine, sed amplissimo virtutis in filio sitæ præconio: adeo quidem ut enchyridion assidua manu versaret, circumferret, ostentaret: sic benigni mores virtutesque liberorum quocunque tubicinio decantatæ, penitissimis parentum visceribus insident, & condulcescunt. Elato *Caroli* funere, ad arasque parentalibus, lugubri jam dicto carmine, persolutis, protinus de successore tractatum. Qui pie sancteque nobiscum versaretur. Qui modeste casteque provinciam regeret. Quique in tanto bel-
lorum æstu rem castrensem urbicamque moderaretur.

suasque præsepes tu moderator & rector virga, fræno, calcaribusque revoces. Et quoniam hos inter reges qui Christiano stigmatem sunt insigniti, tu eum certe locum tenes, ut vires tuas ære, milite, commeatu, prævalidas cæteri quidem reformident, ejusdemque pii religiosique fidem omnes revereantur, huic altius inserpenti malo præsentius ut occurras necesse est, periclitantique manum piscatori porrigas oportet. Quod tibi nequaquam difficile nec factum durum fuerit, si cum Romano sacrorum antistite *Julio* ferire fœdera non gravearis, ut ille quanto longius a Christo nequitia sua distrahitur, tu illi tanto pietate tua proximior accedas, emaculatæque religioni nostræ pari sinceritatis vinculo præpurus & candidus astringaris: quam & principum potentia *Venetorum* suis armis tuetur, reconciliatisque animis acrius deinceps defensura est, quam & *Hispaniarum Parthenopei* quæ regni Catholicus moderator potentissimus non minori certe patrocinio suscepturus est, suamque pristinam in dignitatem ac libertatem vindicaturus. Hæc cum repurgata barbarus aure, omni-que sensu defecato sobrius accepisset, an sancti patris reverentia, procerumque ejus honestiore cœtu commotus, tum & vicini regis opulentia magis ac magis in dies succrescente compulsus, cum alterius optimis rebus aliorum immacrescant, vicinique fertilitate propinquus ager sterile scat perorantibus annuit, seque vatibus antiquis præmonstratam Christi religionem, alioque velatam albentiore panno fidem utraque manu complexurum, totisque viribus asserturum professus est, eamque sese navaturum operam bello dispondit, ut *Gallicani* propediem tumores proflantis fortunæ spiritu distenti, conflaccescant. Lætatus meliore nuncio Pontifex summus, cum ad retentandam implicandamque latius pervadentem lustris suis feram, magnis cassibus, majoribusque venabulis opus esse cognosceret, alia arma sollicitus advocat, retiaque validiora protinus innectit. Compertum habebat *Hispaniarum* regem, quem augustiore titulo tempestas nostra præsignivit, sanctique nominis sublimitate dignata est, *Ludovico Aureliensi* male facta reconciliatum gratia convenire, eosque inter sese reges occultis odiis ac simulatibus diffidentes agitari: quoniam *Parthenopea* sede ejectum sese, amœnissimique regni deliciis excretum, *Ludovicus* indignissime ferebat: nec alterum hinc jacta malevolentia seminaria regem fallebant, ipsamque coalescentis livoris segetem cum maturuisset, *Aureliensem* adaucta manu, falceque sua permessurum non ignorabat *Hispanus*: & quanquam syncretismo ad tollendum *Venetum* coivissent, soluto tamen fœdere quam primum resilituros, acrioribusque invicem commissos odiis reges graviore bello decertaturos *Julius* opinabatur. Hunc ergo præmeditata ad hunc ferme modum oratione cum præsignes ad hoc legatos deoptasset, alloquitur:

Si Italiae, cæterique Europæ Principes ac rerum domini, quos ad contractanda populorum & gentium gubernacula, cælesti præfixa decreto facta sublimius evocaverunt, eam Christianæ Reip. curam impenderent, quam modestiæ pietatisque tuæ temperamenta præferunt, auspiciatissime regum fortunatissimeque omnium Ferdinande, non adeo successu quassataque Petri ratis quam divino mihi nutu concreditam non inficior, tanto ventorum invicem adversantium conflictu, tanto procelloso maris turbine fluctuaret, ut pæne salutis meæ dubius undis adobruui, naufragioque perire subverear. Piget equidem ac tædet, ea compositæ mentis tuæ oculis subservnere, eaque multiplici globo negotiorum oppressis auribus tuis intimare, quæ nescio quo sinistro numine, fontibusque diris inquietam, mittem ac placidam Christi religionem invehuntur, se-

*dentque reposita in ipso fidei nostræ sanctioris umbilico. Verum quoniam necesse est, ut membra quæ tabidis ulceribus purulentaque sanie computruerunt, displicatis fasciis enudentur, ut his congruam medicus salubremque medelam adhibeat, eaque diligens podalirius suppalpet, illinat, atque deliget, omnem sceleris adumbrati scenam converfis ignorantia tabulis eductisque trabibus revelabo. Amplificata mirum in modum *Ludovici* regis *Transalpini* potentia usque adeo per omnes insolentia gradus evecta processit, eumque summi fastigii locum, summæque celsitudinis apicem tenet, ut æquatam subacta post omnia rerum humanarum potestatem, in sacra Deorum, Christique censum inviolabilem, temeritas sua manum inferre non dubitet; eaque divastare quæ messis alienæ sunt, quæque humanos extra usus commerciaque nostra censentur, ea cuncta prædari diripereque sustineat. Quem omni scelerum contagio fœdati milites, omnibusque flagitiorum maculis inquinati, dilapidandis perdendisque sacerdotibus & absumentis eorum bonis autorem habuerunt, habebuntque semper & habent. Sed esto sacrosanctum piscatoris patrimonium invadat, & furore præceps ingrassetur: præmansas Ecclesiæ facultates deglubat: Apostolicas opes esitabundus devoret: altissimoque gurgite suo cuncta suisque faucibus inexpletis infulciat, strangulet, decoquat: illi cedant arces edomitæ, expugnatae urbes illum reformident, evicta debellataque illi pateant municipia, Concordia Dominum agnoscat, Mirandula revereatur, Bononia serviat, Gallicanoque, si placet, Roma subjiciatur imperio: quod ætutum propediemque futurum existimo, nisi tota rabie concitata lateque vagantem feram durior tuus obex oppræsserit. Sed his impræscripta velim metis tandem præscribantur: his optem ut contenta regnandi finibus obtemperet intemperantia: hactenus confragosi terrarum orbis ruina sternantur: parcatur Hispaniis, Germaniæ sint incolumes, Pannoniæ motus non sentiant, Thraciæ suo Marte lætentur, Britannia procul seposita mundo meliore prægesiant, cæteræque post has Europæ gentes diversissime bello ferientur: sola Petri sedes omnibus augustior & sanctior belli turbinem & ruinam excipiat. At illæ fatantum immaculataque suo candore sit fides: religio vivat: Christus regnet: unus prædicetur. Sed prohi dii immortales! prohi terræ marisque potens & cælorum arbiter! Quo vesana demensque mortalium irrumpit ambitio, Christum eluxare atque diducere, & quod ore divino prohibitum antequam crucifigeretur, ne scilicet os ex eo comminuerent, confringere, deterere, pulverascereque nititur invisissimi nequissimique hostis inaudita præsumptio: unum corpus, unam fidem, unam Christi tunicam inconsutilem contextamque per totum, dissuere, retexere, distrahereque modis omnibus in dies gliscente discordia temeritas inconsulta festinat. Novas inexcogitati conciliabuli machinas Bernardino tuo Carvalalo contabulante, structuris ingentibus, operosisque contignationibus emolitur. Hanc in synagogam asyllumque suis undequaque finibus quam longe lateque patent, evocatos sacerdotes *Ludovicus* cogit, & quoniam sedis Apostolicæ reverentia, piique cultus religio multos sanæ mentis morumque bonorum ne sceleratos interdictosque conventus celebrarent, inbibebat, severis ac pœnalibus editis in nefariam concionem invitos ac repugnantes Episcopos & Præsules adigit. Dii boni in ipsa pietate armatur impietas, in ipsa tranquillitate turbo procellas agitat, ipsoque in medio æquitatis tabernaculo iniquitas diversatur: in ipsa pace diffidium, ipsoque in amoris fomite sublinentis odii carbones inardescunt. An hæc rex piissime Christi tui, imo mei, vel potius nostri præcepta sunt? hæc instituta, hæc dogmata, ab illo veritatis fonte promanaverunt? Quid illimis & perspicua legis Evangelicæ disciplina præter pacem, concordiam, amorem nobis insinuat? In hoc cognoscent omnes quod veri erimus summi illius præceptoris discipuli.*

B. Arlunus.

L

puli

puli, si dilectionem habuerimus ad invicem, si relictam ab illo sanctiore magistro supremis suis pacem coluerimus, si mandatum quod dedit nobis ut diligamus invicem, sicut & ipse nos dilexit, observaverimus. Hei mihi, hæc mutæ dilectionis, hæc reciproce pietatis argumenta sunt? Hæc sunt ab illo nobis relictæ pacis insignia? Si ego Romæ pro fide laboro, alius extorris & exul simulata mente contra fidem laborat; si ego fratres meos unanimes in Christo qua possum pietate complector, ille qua potest impietate persequitur; si ego concordem pro virili mea composuisse, ille discordes sua pro virili commisisse studet, atque ut consilii tibi mei rationem paucis edisseram bone Rex, cum seductos fratres meos subornante Ludovico Aureliensi viderem, cognosceremque cum dolore deliriis multis captos aberrare in via veritatis, Evangelica secutus præcepta pie sancteque monui, ne sese velut oves contagiosas & morbidas ab interjacentibus septis discluderent; sed ut ad ovilia nota, suumque remensis retro vestigiis pastorem regrederentur epistolis & internunciis hortatus sum. Quid enim mihi sane molestius, quam ipsos religionis Antistites dissentire; unamque firmis in Christo solidatam juncturis compagem repangere? Verum cum hortatu monituque meo nihil illi despicabilius nec exculcatus animo suo ducerent, Ludovici suffragio patrocinantis innixi, hos velut ethnicos & publica nos Evangelica præmonstrante doctrina devovi, dirisque (fateor) execratus sum, ac ne reliquum corpus obserpente tractim illuvie corrumpere, marcentes artus & ad vivum intabescerent præsecui. Hos nunc venenato pestilentique medicinio Ludovicus fovet; his blanda mitique crudeliter admota manu lenocinatur, hos letifero mulso amariorique melle circumlinit, & quoniam accomoda Pisis remedia non suppetebant, Mediolanum ad invalescentis morbi sui curationem ubi profusius & largius cuncta suggeruntur perrexere. Ibi falso Christi proscenio adversus Christum coeuntes sedent, pro religione contra religionem decernunt, adsciticiæ fidei pigmento fidem decolorant, dumque via regia meliorem querunt exoritant, & hæc nos admissa patimur rex religiosissime? Et hæc nos religionis præfetti crimina toleramus? Hæc nos delicta non emendamus, corrigimus, castigamus præfides sacrorumque præpositi? Nos inquam, tu Catholicus, & ego Christi Vicarius, cui pascendas oves Evangelico testamento mandavit: pascere, inquit, oves meas: & ego quidem ut possum depascor, ne ve ut sanguinem earum a me requirat exactius, intremisco. Qui pensum exsolvi, qui semper in tanto fluctuantis naviculæ naufragio nixus sum, totisque viribus meis insurrexi, ne quam in charybdi scyllamque devii pererrantesque nautæ defleerent: aut allisi scopulis durissimas in cautes procellis argentibus impingerentur. Vigiliarum laborumque meorum, præter ipsas quos omni molestiarum fasce prægravavi socios foederumque participes. Dii mihi ipsi testes sunt: Quos omnes una simplici voce semper imploravi, effusissimisque precibus & votis ad aras obtestatus sum, ut omnes actiones meas ad suæ voluntatis arbitrium dirigerent. Ad hæc, cujus longinquæ sepositæque gentis ducem & principem verbis meis non obsecravi, non ambivi, non illexi? ferocissimæ durissimæque gentes Helvetiorum impulsore Julio Pont. Max. commotæ sunt, raptisque confestim telis, ac suasim phalanges constipati, magno turbine Mediolanum impetivere, rati plebem vulgumque statim in Gallos quos universis Mediolanensibus invisissimos sentiebant, adventu suo concitari posse. Quos etsi fortuna Gallo tunc obsequentior aspersione sit, irritoque conatu frustrata, non eadem posthac sorte parique deinceps iudicio damnatura est; si concurrentibus aliunde suffragiis externoque pariter adjuti præsidio in aciem descenderint. Veneti mihi quidem paulo ante adversi, nunc reconciliati, seque ad meliora receptantes, nobis consentiunt. Maxi-

A milianus Cæsar introrsum secretisque pactationibus qua potest ope Christianam Rempubl. juvat. Britanniae princeps opulentissimus quanquam prius Gallo jure foederis astringeretur, postquam adoptata scelerum revelantibus nobis, & implexa displicantibus omnia, rerum edoctus est, ac externæ malitiæ turbidiorem summis labiis fontem elibavit, tanto rem communem flagello pulsari delectique non est passus, ac ut suppetias elaborantibus nobis afferret nostra perlibenter in verba juravit: Quid tu igitur Ferdinande Rex omnium catholice, hoc in pronuntantis nostræ religionis ambiguo facturus es? An medius, partiumque neutrarum sedebis? Sed qui pro Christo non est, contra Christum stare creditur, & qui cum illo non colligit, spargit: erigenda tua pro Christo vexilla sunt, ne facto repugnes illi quem verbo profiteris, sub ovis vellem lupum ementitus, hac ut in re nomen tuum manusque consentiant oportet: nisi forsitan Gallo præsidium impartiturus es, ut expulso Romana sede Julio, tu primus irruentem illum excipias, & quem omnes universis suis viribus collectis propulsare propellereque non potuerunt, tu solus Lædæ filius evincas & superes. Sed illi tanta subest initi tecum foederis reverentia, tantusque percussæ tecum pactationis respectus illum tenet, ut qui Julium detruferit, Christum protriverit, religionem opprasset, uni Ferdinando parcat; sed hæc esto vera fuerint, uniusque tibi benignius arrideant, quo tandem defensionis clypeo in hac periclitantis Christianæ rei fortuna conjectum accusationis telum rejectaturus es? Qua penula pileoque compluentes reatus aquas defendes? Qua succinctus face verborum, quibus argumentorum laqueis armatus ingestam cessationis tuæ culpam, negligentiaque labem exures & expurgabis? Divini certe iudicii rigorem, examinatissimæque notionis censuram subiturus es. Filius hominis, inquit Dominus, veniet, præmia cuique suorum ex pondere meritorum retributurus. Qua plane mensura mensi fuerimus remetietur & nobis. Rogo, quid homini conducet, si mundum lucretur, animæ vero suæ detrimenta patiat? Quid inquam tibi profuerit si glisceras regifico luxu dapes epuleris? Si frequenti mutatorio quotidie byssum & purpuram induas? In ipsaque tuarum opum abundantia, latoque voluptatum pelago voluteris? mox extorris cælo, Lazarum suspicias, ac ut linguam refrigeret in cassum exoptes. Optabilior est & admirabilior Hieronymo teste Pauli tunica cum suis meritis quam regum purpura cum suis pœnis. Omnia reliquerunt Apostoli, nudique nudum secuti sunt, ut iudices sederent, ut centuplum acciperent, ut veriore vita perfruerentur. Quid igitur ego tuque facturi sumus qui catholicam fidem tenemus, qui Christum profiteamur, qui cæli municipatum aspiramus? Atque non hæc tibi Ferdinande Rex, oratione mea prolixiore studiosius infinuo, ut cum hæc tibi luculenter & splendide prædicavero reprobus efficiar, meque ipsum ementitus scribarum ac phariseorum more dilatam fimbrias ac phylacteria. Juro testorque Deos, non hæc mihi, non filiis meis non cognatis nec affinibus sicuti majorum plerique meorum concumularunt, adgerere: non bis ducatum, illis provinciam, aliis præfecturam, & Attalicas opes elargiri mente mea concepì, solus in animo mihi Christus est, hunc prædicare solum & extollere, huius unius æternam consæcularemque sancti nominis majestatem exornare, decorare, sublimareque totis viribus meis animique mei contentione desidero. Notæ antea vitæ meæ rationes, actionesque percognitæ, & ab ipso Pontificatu adepto sacri ærarii dispensationes meæ satis omnibus innotuerunt, nihil unquam intentius appetivi, nec exoptavi quicquam ardentius quam ut sedatis fragoribus bellicis, Christianique pace nobis omnibus restituta, perditos illius hostes insequerer, Asiaticasque gentes infidosque omnes populos qui devio tramite delirantes Romana religio-

ne distrabuntur, bello contraherem, universamque pulsatam armis meis Asiam, quam longe à Tanai Niloque ad Oceanum diffusa patet, mea impensiore opera vexillo Christi Petrique clavibus subigerem. Hic impetus, hic ardor animi mei, totus hic meæ mentis affectus, hæc una sola nostræ cogitationis intentio: non tanto quidem labore jugiter æstuemus, non tanto sudore pulvereque sordidamur, ut luxuriamus, epulemur, lavemus: hæc perditæ vota sunt hominis nequitia sua conscripti: ego præclarum egregiumque facinus continenter excogito: ego rem conspicuam & illustrem emolior: ego penitissimis visceribus meis Christum affecto: illius exigere prænitores hostes & tollere; sed priusquam externos insequar internæ mihi delendi sunt, & funditus extirpandi. Tuam igitur si qua rei mortalis & immortalis cura mentem agitat, si qua spes conservandi regni tui tuo defixa corde subvivit, fœdus mecum percute, exercitum præpara, copias instrue, acclinantem mihi tibi que mox sævo Marte ruinam, maturamque Gallo percellente cladem averte. Non hæc ullis tibi literarum figuris depingenda sunt: nec ullo derafi stili mei levioris acumine peraranda, hæc tu dispicias, vides, intueris, tuos hæc ante sita sunt oculos de filo pendentia, tuumque in caput ruitura Gallo victore propellenteque discrimina, proferendorum dilatandorumque finium aviditas & inexplebile votum, quo Ludovicus semper anhelabundus, tuæque rei inhians tangitur & intorquetur, meridiana tibi luce manifestius inclarescent, depulso Romana sede Julio Pontifice Maximo continenti ruina Ferdinandus extruditur. Campania, Appulia, Calabria, ac mox Sicilia atque Sardinia, trepidanter ut excedat necesse est. At cum Hesperiam magnam suam in ditionem provinciamque redegerit, qui fieri posse existimas, ut ab asperrimi victoris impetu tua sit incolumis Hesperia sospesque futura? Quod si te catholicum rei que divinæ vacantem hæc non tangunt, at certe religio, ipsaque divinæ rei titubantis cura promoveat. Tuos ante pedes, si salva Imperii mei majestate liceret, provolverer, obsecrarem, obtestarer, ut prolabantem admota manu tua fidem stabilire, ut revulsa distrahæ nuper Ecclesiæ membra componere, ut nova propullulante heresi disjunctum Christi corpus conjungere non differas nec moreris. Te ipsum excute quæso, tui nominis specimen ac dignitatem expende precor, quid catholici sit hominis, & hac inscriptione præsigniti, tecum reputa: si catholicus es, Ecclesiam catholicam tuam defende: si Christum amas ipsum sequere: si Christum sequeris illum non impugna, impugna autem cum non defendis. Quid si tua pro Christo pignora, tuique sanguinis charitas violanda foret? pro Christo si nescis exculcanda sunt omnia. Non veni, inquit, ponere pacem sed gladium: veni enim separare filium adversus matrem, & nurum adversus socrum suam. Nam qui patrem aut matrem plus Christo diligit non est illo dignus, & qui fortiter affectui non repugnat Christo non fruetur, nec illius in tabernaculo sedebit. Per calcatum inquit Hieronymus ad Heliodorum perge patrem, matris gemitum passis crinibus ejulantis contemne, nutricis ubera quæ puer olim pressaveras & suxeras pro Christo rejice. Non omnis qui dixerit Domine Domine his intrabit in regnum cælorum, sed qui fecerit voluntatem patris qui in cælis est, his intrabit in regnum cælorum. Hæc est autem voluntas patris ut animam tuam propter Christum perdas, ut cum perdidideris eam invenias: si te ipsum plusquam Christum diligis non es Christo dignus: nec uno tantum fine metaque dilectionis contentus est Dominus: nisi cum exegerit factum præstes, præteritaque futuris à te beneficia cumulentur. Quoniam igitur tibi nota sunt omnia, tuæque menti salutifera nostri dogmata præceptoris alius insederunt, ut declamatore Julio non indigeas, Christumque tuum animo vehementiore

A complectaris, ægrum quæso confove, deficientem nobis Christum refice, exhaustum precor instaure, ut qui meritis beneficiisque tuis catholici nomen es in terris consecutus, catholici quoque præmia consequaris in cælo.

B Accensus his dictis & inflammatus oratione Ferdinandus, cum amittendi Parthenopei regni formido mentem incesset, occultæque inter ipsum Gallumque similitates animo recurrerent, honestiorem inferendi belli titulum prætendi, nostræque fidei defendendæ causam, movendis armis prætexi, gavisus est. Itaque quantum viribus posset, quantumque regni sui facultates copiarumque valerent, Julii Pontificis arbitrio dispensandas obtulit, icturumque fœdus perpetuum, astrictamque religione fidem observaturum assensus est. Igitur aversæ disparatæque mentes cum procurante Julio coivissent, consensissentque uno voluntatis flexu connexi principum animi Gallicanam in rem stirpitum evertendam, singuli sua pacta suasque leges in medium contulerunt. Mox cum additis, detractis, inversisque nonnullis, ut perficiendis in rebus arduis, irretractabilique voluntate consancienda fieri solet, tabulis subscripsissent, magna incredibilique voluptate Julii Pontificis multorumque lætitia populorum Romæ, Venetiis, nec non exterarum apud gentes fœdus sanctissimum promulgatum est. Actæque Diis immortalibus gratiæ, mox supplicationes, nostræque de more sacra, igne thureque calentibus aris peracta sunt, accensa delubris editisque turribus micantia splendore suo lumina, conceptam ex fœdere jucunditatem luce perpetua contestabantur. Ad hæc æris campani sonitus assidui, colucentesque triviis ac quadriiviis congesto majore rogo flammæ repentini gaudii novæque hilaritatis nescios admonebant. Hic primus fatalis Gallo dies, hæc Ludovico primum exitialis hora fuit. Et quanquam pristini roboris firmitate constaret, latusque spaciantibus adhuc umbras antiqua ramis densisque frondibus arbor præberet, exinde tamen concuti succidique cœpit, donec crebris & hinc & illinc bipennibus vulnerata, agricolæque durioris insecta ferro, supremum congemit, traxitque jugis avulsa ruinam. Ergo cum initi nuper fœderis copulam, claris evidentibusque lætitiæ signis celebratam, indignabundi fremitantesque Galli percepissent, retroversaque ab ipsis ad Venetos Pontificemque, Britanni Hispanique Regis voluntas manifestioribus argumentis comprobaretur, quanquam dulcioris fortunæ musto temulenti, cæcique perpetua succedentis ex voto rei felicitate, resipiscere tamen & intueri fortunæ vicem instabilis, omniaque stridulo cardine versantis inconstantiam expendere cogebantur. Nam cum eo processissent aridentis fati blanditiæ, jucundique benigno favore plausus usque adeo in discreta felicitate prolusissent, ut jam res magnitudine sua laboraret, magno ingentique casura præcipitio facile omnia conjiciebant, seque haud diu consistere posse tanto rerum culmine verrebantur. Itaque cum effusi prius lateque vagantes pervaderent, universamque Venetiæ regionem incitatissimis excursionibus ac populationibus assiduis devastarent, infestarentque nunc armis Patavium, nunc Vicentiam, alioque digressi Tarvisum impeterent, ac rursus alia aliæ oppida perniciosius ingrassarentur, paulo restricti sese ipsos collegerunt, suasque se statim in mansiones ac latebras recepere. Interea Julius ut conceptam in Gallum ac præparatam expeditionem accuratius atque maturius exequeretur, quanquam Veneto, Hispano, Britannoque multa tribueret, confideretque præsidiis eorum munitus ac Diis faventibus ex voto cuncta perfici posse, Cæsarem tamen

omni diligentia studioque frequenter ambibat, ut illum *Veneto* conciliatum modis omnibus redderet. Nam & si *Maximilianum* adversus Pontificem nequaquam arma sumptum opinaretur, nec illum hostem habiturum existimaret, propiciæ tamen magis quam adversæ suos in socios voluntatis præcipueque *Venetos* esse volebat: ut *Germanicis* armis expedita, *Cæsariano*que bello libera *Respubl.* Pontificalibus armis impensius vacaret. Ipsique Principes *Veneti* dum peregrina vexatione conquiescunt perdendis *Gallis* validius incumberent: quod & ipsi solícite diligenterque procurabant. Hinc quippe *Gallis*, illinc *Germanis* assidue *Rempubl.* adfligentibus distracti patres, cum domi continenter attriti familiaribus armis attinerentur, minorem certe foris operam impendere, peregrinoque bello superesse poterant. Itaque summa ope summoque studio Pontifex & *Venetus* apud *Cæsarem* de pace frequenter agere, hortari, suadere, ut boni Principis animum, bonique mentem moderatoris indueret: ut vicinos quorum opibus frequenter uteretur, & usus esset, quorumque facultates ipsius arbitrio forent expositæ semperque fuissent, non odio sed benevolentia prosequeretur, non bello nec armis infestaret, sed præsidii & auxilio tueretur. Ipsos præterea non ingratos nec immemores *Venetos*, tantis parem beneficiis gratiam aliquando esse relatu-ros, affuturos *Romano* Imperio, cumulatamque omni meritorum genere *Cæsaris* majestatem amplificatu-ros, nihil quod ad illius extollendam exornandamque perpetua laude dignitatem spectaret, prætermittu-ros esse, modo religionis nostræ defensoribus sese ut par erat æquum præstaret. Arduum erat & difficile suadendo hortandoque virum duræ cervicis evincere. Et quanquam magno ære profusissimisque largitionibus quibus ad acceptæ rei consummationem *Veneti* nunquam pepercere, *Cæsarem* illicerent, rem tamen ad exitum finemque suum perducere non poterant. Siquidem opera *Venetorum* sese *Patavio* *Cæsar* introversum stomachabatur, nec ferre poterat æquiore animo nobilem & antiquam urbem *Cæsariano* jugo suppositam, vel militiæ suæ negligentia vel hostilis solertiæ diligentia revulsam in aliena jura transisse. Cumque per oratores Pontificalesque legatos de fædere feriendo, deque pace tenacius consancienda tractaretur, exulceratus semper *Cæsaris* animus ad *Patavium* suspirabat, idque primum omnium restitui, sibi-que relaxari summa contentione & pertinacia flagitabat. E diverso legitimi possessores *Veneti* nullis interpellantibus inquietati, reddere non injuria detrectabant, adjectaque restitutionis conditione mirum in modum gravabantur. Nam præterquam quod ea quæ *Veneto* semel fisco conglutinata cohæserant revelli distrahi-que molestum erat, eam certe nunc urbem tanto labore, tantoque sudore *Veneto* defensam resignari longe molestius longeque indignius esse videbatur: quo circa difficulter & ægre summos inter principes conveniebat. Et quanquam sæpe *Julius* Pontifex, junctique cum eo reguli de pace cum *Maximiliano* suisque cum proceribus agerent, eamque modis omnibus extorquere niterentur, cum in re omnium esset, conducere-que omnibus pace frui, nihil tamen inter *Venetum* & *Cæsarem* averfa discrepantis animi voluntate transigebatur. Itaque frequenter ad arma mutuasque strages *Venetus Germanus*que conversi, regiones finitimas omnes ac vicinales agros colonorum pernicie, magna-que copiarum agrestium interitura divastabantur. Et quidem *Galli* qui stationario præsidio *Veronam* tuebantur, quotidie septis stationibusque suis erum-

A pere, populari, diripere: & qui *Ferrariano* victores agro fuerant, assidue concurrere, depræliari, pervastare, præcinctaque *Padi* ostia navigiis omnibus obsidere. Quibus *Veneti* frequenter occurrere, certaminaque subinde levia committere, digladiari, occidere, & quoniam ad famem, perurgendamque hostilem incediam, expedire videbatur, si ex omni agro *Veronensi* segetem *Veneti* perussissent, ipsique majorem flammis quam ferro cladem hostibus illatu-ros conjiciebant, dispartitis copiis, ac ultra citraque *Athesim* militibus distributis, cum singulas sortiti regiones silentio noctis agros invasisent, incussis facibus, intortoque culmis igni, cuncta crebriore vento incendium adjuvante passim inflammaverunt, magnamque vastitatem attonsis suoque decore spoliatis arvis, ac atra fuligine cineri permixta late squalentibus dedere. Sed non ea clades jacturaque barbaris impunita fuit: flammis quippe collucentibus, aristisque circunquaque crepitantibus conterriti vigiles excubiæque commotæ, militiam omnem tabernaculis mansionibusque suis evocatam, in hostem concitavere: ilico raptis omnes armis, agmineque factò portis erumpentes, attonitos ac dispalantes incendiarios desequuntur, cædunt, vulnerant, sternunt: capti alii, summersi alii, alii alio casu crudeliter absumpti, lachrymis gemitu-que patrati facinoris claritatem funestavere. Ex *Germanico* interea *Ferrariensi*que agro militibus accersitis, cum ex contracto diversa regione præsidio, ad quatuordecim bellatorum millia coivissent, infestare acrius *Venetos*, omnique ex parte instructa acie, dispositisque passim ordinibus propulsare cœperunt: & primo quidem ad *Villanovium* oppidum *Leonini* milites majore animorum quam corporum robore prævalentes substitere, congressique deinceps, numerosa prouente hostium turba facile superati, pulsque loco, cedere coguntur. Ad *Suavium* exinde castra metati, cum non eodem semper vento currere fortunam autumarent, obsistere reluctari-que iterum viriliter ac fortiter præsumpsere; sed animorum vim irritam, fluxosque strenuæ juventutis *Marcicæ* conatus exigui rari-que militum interlucentium ordines faciebant. Itaque capto repente *Suavio*, magnamque de *Venetis* cæde sumpta, cum longe numero dispa- res præfurentium impetus barbarorum non sustinerent, *Leonicum* usque rejectati compulsi-que, trepidanter in castra suffugerunt. Adaucto protinus hostili exercitu, cum *Germanis* in dies, ac *Gallis*, *Italisque* diverso coeuntibus, matura clades in *Patavium Tarvisum*que recasura timeretur, utrum de proximo invasuri hostes essent, ambigentibus *Venetis*, *Patavium* primo digressi sunt, cum ut præmunitam urbem incursione hostica validius tuerentur, tum ut ipsi milites vallo, fossa, muroque securi sese firmius securiusque defenderent: ergo cum *Patavine* satis tutelæ prospectum crederetur, divisis copiis, alias *Tarvisiano* præsidio summisere: in magnam utriusque oppidi prævalidamque defensionem, patriciorum plurimi *Venetorum* quorum animis altius infederat, adversus omnem militarem impetum barbaricamque vim *Patavium Tarvisum*que tueri, in eas urbes alacriter expedito cum equitatu commigravere: jam satis superiore bello proxima-que obsidione castrensibus curis exerciti, bellicarumque rerum difficultatibus ac vigiliis multis obdurati fuerant. Qui ne tantæ rei pondera veteranis novitiisque militibus concederent, ipsi interesse, suam ipsi rem agere, obireque malebant: non absurde rati, ea dispositius & sanctius peragi, quæ dominorum admota manu suorum, ipsisque sub principum oculis quam quæ peregrina sollicitudine conficerentur. Tunc itaque novo belli

belli motu, novaque Martis resurgente sævitia, cuncta passim agitari, omnia ferro crudeſcere, univerſa flammis incendiisque permifceri, agrefteſ fugere, cives trepidare, milites ubique locorum tormentis ac gladiis inhorreſcere: ſed & per *Illyricum* non minora bellorum exardeſcebant incendia: ubique *Venetum* inſectantibus barbaris, ac bellicarum flammarum ſonore rebullientibus, quas & *Aluiſus Muſcatelus Tergeſtiniſ* irritatiſ violentius acendebat. Quo parum in hoſtem proſpere feliciterque congreſſo, cum fortuna *Tergeſtiniſ* propenſior faſſeret, propulſo hoſte *Muglanos* invadere truculentius cœperunt. Quod oppidani gravatim moleſteque ferentes, cum ſeſe laceſſitos externiſque petitoſ armis indignarentur, inſtructa acie, diſpoſitiſque ad rem gerendam ordinibus, oppido protinus erumpunt, collatiſque ſignis, ac quadrato ſtatim agmine concurrentes atrociffime ferociffimeque depugnant. Utrinque acriter conſertæ manus, permixtaque violenter utrinque præliatorum corpora, cum anticipem pugnam dubiumque primo congreſſu Martem feciſſent, *Muglaniciſ* adurgentibus copiis *Tergeſtiniſ* nulla cum laude gloriaque diſſecti, ſed plagis vulneriſque conſictati ſuos in vicos pagosque dilapſi ſunt. *Tergeſtiniſ Liburniæ* cladiſ ſucceſſere. Quas alterno proveſta gradu fortuna, ac nunc dextris nunc ſiniſtris acclinata erectaque depreſſit & ſuſtulit. *Liburniſ*, genſæva & aſpera, municipiis ſuis egreſſi, conveſtandæ prædæ diripiendarumque villarum & prætoriorum dulcedine pelleſti, regionatim equitatu peditatuque pervadente, magno turbine, magniſque fragoribus in *Venetos* proruebant. Quos fuſos fugatoſque maxime propter *Adignani* mœnia, victoreſ *Venetiſ* magnis cadaverum prominentibus cumuliſ, in diverſa propulerunt. Mox in *Tergeſtinoſ* impetu verſo, repetitiſque populationibus & incendiis, terra marique inſenſiores, hoſtili more cuncta pervafare, prædari, diripere, *Andreas Ciuranus* ſua cum cohorte, validoque cum peditatu, hoſtium in intima penetrare, opulentioreque deinceps præda peronufteſ regredi, quem, in inſidiis dilatenteſ improviſque hoſteſ prætereunteſ adorti ſunt, ſubitarioque circumſeptum agmine protinus invaſere; ſed in globum coacti repente *Venetiſ*, cuneiſque denſoſ per hoſteſ in pactiſ, cum jam undique diductoſ ordines proſcidiſſent, ex inſperato ſoſpiteſ erepſerunt. Quos haud multo poſt adauctæ legioneſ barbaricæ, cum retrogrado ſævior fortuna gradu verſiſſent, tanto perturbatoſ impetu, tantaque preſſura reſectatoſ impetiverunt ut proſtigatiſ cæſiſque pœne omnibuſ, ægre tenuique cum comitatu dux incolumiſ evaſerit. Huius ergo victoriæ factique celebrioriſ invaleſcente fama, quæ ſemper in majus variis hominum rumoribuſ efferri ſolet, cædeſ, fuga, deditio, municipiorum omnium, ac eorum maxime quæ palabundi hoſtiſ inſultum fuerant exceptura, agitari cedereque victori cœperunt: donec exultabundum excurrentemque *Germanum* percuſiſ omnibuſ, oppoſiti *Muglenſeſ* attenuatiſ viribuſ contuſiſque repreſſerunt, conſtantiore animo prædabundum, lentaque diutius obſidione perſiſtenteſ toleraturi. Ergo cum hoſtilium ductoreſ copiarum, ſuperbia ſaſtuque victoriæ continentiſ elati, reluctantiſ obduratæque civitatiſ deditiõnem non impeträſſent, ilico furenteſ ad arma, ſubitamque urbiſ expugnationem prorupere, machinaſ educunt, tormenta præparant, mœnia percingunt, tum perpetuiſ, nullaque funditoreſ interpellante mora, diu noctuque tormentorum ictibuſ muros quaſſant, tela conjiciunt, oppidanoſ aſſulta pugnaque fatigant. Contra vero, *Muglenſeſ* in re

A tanta ſolliciti, diligenteſ, impigri, procurare omnia, luſtrare omnia, omnia ſurrectiſ aggeribuſ, mœnibuſque prævallatiſ, obſolidare, conſtipare, firmare: non iter, non aditum, non hiantem in urbiſ ſecretiora rimam hoſtiſ relinquare: denique commutatiſ frequenter excubiis, invicemque ſuffectiſ ad munera diſcreta bellatoriſ, nullum otium, nullamque deſaſſatiſ hoſtiſ moram impartiri. Quæ dum hinc inde magna vi magnoque ſtudio pænitentibuſ animiſ, ac offendendi defendendique perſeverantia pertinaciter obſtinatiſ aguntur, opportuna *Juſtinopoliſ* præſidia *Muglenſibuſ* advenerunt. Quibuſ ilico re-
B creati municipiſ, reſectiſque viribuſ inſtaurati, contra *Germanoſ* validiſ atque potentiſ inſtitere: adeo quidem ut ſoluto perſeverantibuſ in deſenſione ſua *Muglaniſ* obſidio, diſcedenteſ hinc *Germaniſ* *Tergeſteſ* compulſi ſint. Nec interea levio-
C rem *Andreas Ciuranus* armaturæ ferentariæ magiſter operam bello navabat. Huic ſiquidem non impiger copiarum præſectus *Germanicarum* obviuſ, cum patentibuſ ad *Muglam* campis uterque valida manu, multoque milite præcinctuſ reſtiſſet, pedem contulere, ſæviſſimoque prælio commixti, hinc ſtrenuſ egregio ductore *Vene-
tus*, illinc barbaruſ cum ſuoſpte impetu ferox, tum indomiti ſui ductoriſ impatientia præceps, exſer-
to ſtatim ferro manum truculentiffime contule-
runt. Cum utrinque acieſ emicantibuſ gladiiſ magnoque animorum ardore conſiſſent, mutuoque fere mileſ omniſ vulnere debiliſ elanguif-
ſet, traherentque dubiam æquiſ pœne viribuſ & animiſ in diverſa victoriã, conſpicati ſeſe invicem duceſ, admiſſiſ equiſ impactiſque calcaribuſ concurrere, rati cadente altero alterum ſurrigi, ipſamque ab humili deſectoſque victoriã, ad erectum ſublimemque provoluturam. Ergo cum haſtarum ærata cuſpide directarum, uterque cau-
D tuſ & prudentiſ ictum evitaviſſet, clava pugioneque cominuſ agi cœptum eſt. Offendendi deſendendique ſollicituſ uterque viſcera ſpeculabatur, locumque vitalem ferro penetrandum acutiſ diſquirebat & rimabatur: aſſiduſ pulſuſ reliſæ ſugillatæque galeæ propinquæ neciſ & gloriæ decertantem, admonebant. Æquo diu Marte depræ-
E liati cum paribuſ inſractæ viſeſ animiſ, eademque ſoliditate præfirmiſ corporiſ vigor utrique conſtiſtiſſet, *Andreas* barbaro ſuggreſſuſ peranguſta buc-
culæ fathiſcentiſ foramina ſtilum adigit, *Germani-
cæ* ductoriſ faciem vulnerat, ilicoque reſperſum ſanguine pugionem recuperantiſ uno ictu terrorem hoſtiſ, ſociiſ alacritatem intulit. Ita-
que velut ex oculiſ manuque diffugiente victo-
ria, conturbati omneſ extemplo militeſ averſi ſunt: ipſi vero accenſi acriuſ in pugnam *Venetiſ*, cum exultantibuſ fata jucundiuſ arrifiſſent, ferociuſ hoſtem inſectati ſunt, & niſi conveſtandæ prædæ, trahendorumque captivorum ſollicitudo quam par eſſet intentior, victorem diſtiniſſet, illuſtre mancipium, illuſtriſque captivus *Veneta* manu perducipoterat; ſed omnibuſ innata diripiendi diſpoliandique hoſtiſ aviditaſ & dulcedo, præcelereſ in fugam ductoriſ faucio locum fecit. Hac belli ſecundioriſ fortuna victoreſ uſi longe lateque pervadere, alioque protinuſ inferre ſigna
F cœperunt, vicinorumque ſaltuſ montium obſidere, arceſ aſſerere, oppida debellare. *Hoſopina* arcis moleſ inexpugnabiliſ duro ſilice præruptoque monte ſtabat, quam non humana vi nec ope mortalium ulla, ſed ſtratagemate doloque *Venetiſ* ductoreſ evinci poſſe conjiciebant: ſubornatiſ ergo, qui oppidum dederent, illiſ poſſidendi magnam in ſpem erecti ſunt. Sed dum minus ſedulo, miniſque prudenter negotium ductor maturat dilapſuſ eſt, importuniquè ſuiſ *Tergeſtiniſ* ſuppe-
L 3 tiſ

tiis intercedentes, contextam proditiōis telam filis omnibus diruptis retexuerunt: quod cum perinique magister insidiarum tulisset, ex integro novas nexuque validiore constrictas attexit, summisq̃ *Veneto* nomini devotis pluribus qui *Carnos* liberiore comœatu immigrantes ac remigrantes ementirentur, oppido vim intulit. Hi siquidem specie mercatorum quosescariæ merces poculentaque venalitia securos ubique locorum præstabant introgressi, tempestivisque custodes horis adorti, ferro perdunt, suffectisque factionis suæ militibus quos alia simulando agendoque paratos admiserant, ex improvviso subitaque vertigine captam arcem *Veneto* resignaverunt. Quo facto perterriti omnes agricolæ vicinorumque municipiorum decuriones, cum ad prosperam adversamque fortunam sublato signo præcurrentem, cæteri omnes subsignari facile deflectantur, concordi motu conspirantibusque animis in *Veneta* iura transire: multaue tunc circum ab his oppida deditiōe recepta sunt, hostilique jugo dissoluta adglutinataque *Venetis*, eorum imperio cohæserunt. Quod quanquam fere nulla parte bello vacaret, *Liburnis*, *Tridentinis*, *Illyriis*, & ad arma *Ferrariensibus* semper intentis, non etiam æstu minori *Venetia*, *Forumque Julii* confervebat: *Gallis Germanisque Leoninum* militem incitatissimo odio semper & ubique persequentibus, ac sæpe decertantibus ferro, multaue molitione ac labore, munimenta, aggeres, aquas, quibus *Veneti* sese, castraque sua & urbes præsepsissent, evertentibus: quos contra *Marcis* miles pervigil & intentus jugiter excubare, congregi, pugnare: nunc ad *Marosticam*, nonnunquam ad *Suavium*, rursus ad *Urbiculam*, frequenter ad *Baccianum*, ac *Castronovum* ingentibus novisque cladibus hostem afficere, peditem capere, levitem profligare, interceptoque comœatu fame inediaque maciatos omnes conficere. Quibus exagitati divexatique continenter hostes truculenti, infanda crudeliaque omnia perpetrare, templa spoliare, sacra execrare, sancta polluere: non religioni, non sexui, non ætati veniam dare. Stabat pro templo mater attonita, duabusque cincta virginibus intemperatam subantis veterani libidinem, arce, præsidioque Deorum arcebat. Quas petulca infrenisque conspicata militaris licentia, ut duabus macatis lenibus hostiis, sacrum veneris incestaret, abripuit, exsertoque pudibili vagina cultro, obscœni prædones indefloratique pudoris archipiratæ vim trementibus ac pavidis inferre parant: pro templo, pro virginitate, pro pudicitia reluctantes puellas, irritumque materni præsidii suffragium implorantes, cum telo veneris transfigere non possent, Martis gladio jugulaverunt. Insignes animæ suoque sanguine feliciter cruentatæ, quæ ne terrenæ labis macula fœdarentur, incorrupto sanguine suo splendescere voluerunt. Hæ sequuntur agnum quocunque ierit: hæ stolis candidis amictæ, sui que cruoris trophæum præferentes, cæli municipatum promeruerunt. Exinde passim & in omne scelus violenter debacchata barbaries, cum universa ruinis ac stragibus deformata perhorrent, *Tarvisum* digressa est, nec ab urbe procul castra posuit: mox locandis defigendisque vastioribus tormentis intenta, expugnationem parat. *Veneti* futuræ pestis non ignari, expedire omnia, factitare omnia, missilibus telis omnibus hostes longius summovere, frequenter eruptione facta congregi, nullamque delassato requiem oppugnatori dare: atque sic diebus aliquot exactis, cum in urbem aditum hostes frustra tentassent, repugnantibus acriter oppidanis, commissasque sibi stationes audacissime fortissimeque tutanti-

A bus obsidium solverunt. Mira res: dum obsidentur, dum timent, dum pro patria pro sanguine suisque pignoribus anxii cives militesque laborant, victores evadunt. At dum solvuntur, discinctique tripudiant, & abeuntibus barbaris hilarescunt ilico cæduntur, sternuntur, capiuntur. Abscederant hostes, adactisque sarcinalibus jumentis in diversa pergebant: exultantes lætabundique cives, & his admixti milites *Veneti*, temere passimque sese portis effundunt, indiscreti, dispalantes, inconditi, nullo sibi timore metuque præcavescentes, sed prægestiente lætitia, nimioque suffervente gaudio, negligentes atque supini. Id ita futurum hostes rati, sese lætebris obscurioribus abdiderant, adelatque sentibus atque frutetis præterlabentem oppidanum præstolabantur. Quem ut ad dispositas molliter insidias perlicerent, metum fugamque præcipientes simulabant. Cum ad destinata persequentibus *Tarvisianis* pervenissent, ecce signo dato, velut immanes feræ, truculentique leones emissi specubus antrisque suis undique circumfluunt, ingrossantur, invadunt, & hos & illos, & hinc & inde, à fronte, à tergo, à sinistro dextroque latere pulsantes vulnerant, sternunt, flagellant. Attoniti repentinoque terrore dementes oppidani, cum neque duce, neque signo, nec ullo ordine regerentur, retrocedentes versoque tergo inglorii, magna cum clade pluribusque relictis, sese suas in mansiones receperunt. Barbari post illatam cladem susceptum iter peragentes, cum novæ *Tridentinis* saltibus in plana descendentes *Germanorum* copiarum, *Feltrenses* agros irrupturæ viderentur, his sese justum in exercitum qui *Tarvisianos* perculerant, conjunxerunt. Cumque *Ludovicus Bataleus Castrum novum* multa manu teneret, nonnulla *Germanici* nominis formidine corruptus, cum adventantium prælati rumores increbescerent, appetentibus cessit, oppidoque relicto *Sacillum* profectus est, cuius præfectum agebat *Balthasar Scipio*, *Antoniusque Savorgnanus* collectitii tumultuariique militis magister. Hi cum præmissis exploratoribus compertum haberent, magno conjunctas exercitu copias hostiles in ipsos impetum esse facturas, veriti ne frustra consisterent, multaue cæde debiles & attenuati barbarico tandem mucrone ferirentur, relicto ad incolarum arbitrium *Sacillo*, protinus excessere. Eo capto *Spilimbergium Tiliavento* incumbens, *Germanicum* furorem deditiōe fœdereque ruinam impendentem avertit. Quam ne tolerare durius graviusque perferre cogerentur *U-*
E *tinenses* de proximo proruentem hostem excepturi, pretiosa supellectile decimata, noctis conticinio solum vertere. Exarmata urbe omnique præsidio destituta confestim hostes potiti, cum omnia late victori cederent, reliqua nullo pulvere subegerunt. *Savorgnanus* tanto victoriæ impetu percussus, cum instantia magis quam futura prospiceret, descivit. *Balthasar Scipio* fidem magis quam fortunam secutus *Gradiscanos* tutatus est. Quibus & *Aluisus Mocenicus* provinciæ legatus, quantum suæ vires evaluerunt, præsidio fuit: sed ægris pedibus fragilique nexu laborat unius hominis constantia, cum cæteris titubantibus & præ timore conterritis impellitur. In *Gradiscanos* hostiles copiarum deflexerant, quos, deditiōnem retractante *Mocenico*, cum fœderi locus esse non posset, oppugnare subigereque constituunt. Ergo dispositis circumquaque tormentorum ingentium organis, omnique admoto murali machinamento, moenia pertundunt, defensorem affligunt, in urbem missilia omnia impetu magno conjiciunt. Oppidani contra, macerie, fimo, stramine, perforata obstruunt, subhiantes fenestras

fratras obturant, diducta cuncta compingunt, affilientibus reluctantur, occurrentibus occurrant, ferientes referunt, percutientes reperiunt. Mox cum nulla non succedentis ex voto belli felicitate propugnatorum animi mentesque roborarentur, in hostem acriore impetu facto, refugos longe profligant, totisque coacti viribus oppidani vallo moenibusque summovent: sed non ea stabilis gloria, nec firma militum civiumque laus fuit. Adglomerati quippe hostes cum sese rejectatos urbeque summos longius, turpe ducerent, sed & turpius contra gentis suae morem terga vertisse, ideoque sibi graviter invicem irati rigidique sibimet succenserent, instaurare, reintegrareque omnia praeparant. Itaque majori quam antea impetu, contractisque validioribus quam unquam nervis in oppidum praecipites feruntur, summaque vi furentes ingruunt & oppugnant, tela, pilae, gladii, circumvolant, passimque circumstrepunt. Oppidani rariore numero, flaccescentibusque animis adversus vim tantam infirmi, suisque viribus diffidentes deditioem percontant: quam cum non difficulter assentientibus barbaris impetravissent, pacta primum omnium incolumitate militum ac servata, nonnullis resperfi notis excesserunt. Igitur *Spilimbergiis*, *Utinensibus*, *Gradiscanis*, caeterisque urbibus, oppidisque late victorem reverentibus, *Osopini* quoque bellico pulvere fordidiati peragrantibus effusioe spatio *Germanis*, victoriae lora promissere. Mox omni circumquaque devastato perustoque militaribus incendiis agro, *Veronam*, ad ejus urbis praesidium tutelamque remigraverunt: quoniam in *Insubribus* *Flaminia*que Pontifex & *Helvetii* moliri res novas ferebantur. Ea igitur urbe caeterisque municipiis auxilio *Germanico Gallico*que munitis, cum reliqui a praefectis castrorum evocati in *Ligusticas Insubres*que oras properarent, *Venetum* nova arma moverunt, amissisque omnibus recuperandis intenti *Paulum Balionium* qui *Lucio Malvetio* gubernatori demortuo successus, reicaestrensis summam tenebat, in expeditionem ire jubent. Qui magna cum parte copiarum *Vicentiam* iter dirigens, nullis quassatam tormentis, nulloque infesto milite petitam, ultronea deditioe subegit? Mox alia dehinc alia, dextris finistrisque jacentia oppida pari felicitatis excursu *Venetorum* ad signa revocavit. Eodem fortunae secundioris impetu provecti *Laurentius Cerinas*, *Johannes*que *Paulus Gradonicus* reliquis cum legionibus in *Forum Julii* prorupere: utque prius in amittendo gravem molestamque, sic in recuperando benignam facilemque fortunam experti, evulsa diluxataque omnia compegerunt: *Cremonium* pernecibus evolantem alis victoriam remorabatur; quoniam excelsa praeruptoque monte situm, tum valida *Germanorum* custodia praemunum, omnem vim hosticam eludere, sustentareque posse videbatur. Indignati ergo *Veneti* ductores hunc victoriae suae obicem opponi, admoto exercitu, omni-que circumfuso validiore peditatu *Cromonium* invadunt, expugnant, capiunt, incendio, praedae, ferro, omnia data, praefecti militum in vincula conjuncti *Venetias* perducti sunt. Oppidum senatu jubente solo aequatum. Arces praeterea multae, oppidaque, tot influentibus ac refluentibus undis bellorum, demersa sunt. *Venzonium* deditur: *Sclusa* vi capitur, omnibus caesis ad unum custodibus: *Gradiscani* paulo ante saevius armis conflictati, resurgente novo Martis furore repetiti, majoreque bello districti sunt. Omnia denique levorsum atque dextrorsum ac latissimo circumquaque terrarum margine, castrorum flammarum vaporibus afflata denigrataque tenebris obscurioribus caligaverunt. Nec minora tamen *Bononiensibus* arvis incendia,

A vicinisque pagis omnibus ignem scintillasque pestilenti aura perflante, dissipata sparsaque sunt, pervadentibus indiscretis ardoribus, ustrigineque circum omnia contorrente; dum *Julius* Pontifex summus adjuncto *Venetorum* praesidio, magnisque suffragantibus *Hispanorum* copiis castra movet, ac novo instaurato exercitu, legionibus suis, subsidariisque praecinctus, *Bononiam* fati malignioris impostura interceptam, oppugnat. Virum impatientem augebant ingentia recuperandae introversae rei suae desideria, illataeque injuriae pertinacius ulciscendae ferocem animum libido distorquebat. Itaque modis omnibus instare, praesidiarios suosque milites urgere, praepositos multo hortatu praemiisque multis illectare, delenire, evincere. Quibus *Gallicani* proceres exciti, cum jam domestici belli motu soluto, remigrantibus in pagos suos *Helvetiis*, *Mediolanenses* quos in festa acie petiverant liberieffent, in hostem contractis ingentibus copiis, *Nemoriensis*que exercitum ductante, profecti sunt. Fortuna *Gallo* nondum averterat, & quamquam acriore flagello percussura foret, elata tantum manu praeturbida minabatur, suo tempore dolorem vehementius impressura. Igitur cum appropinquante *Gallorum* praesidio, novisque barbarorum adventantibus copiis recreati *Bononienses* essent, redivoque spiritu vegetati, contra *Venetum* Pontificemque truculentiores sumpsisent animos, novis praeliis novoque congressu insultare ingrassarique coeperunt. Conferta saepe manu commissisque frequenter praelioribus quamquam incerto Martis eventu, acclinare tamen *Gallo* victoria videbatur: adeo quidem ut poene contemptui hostes essent, suoque de more turgentius insolentes barbari laxatis plus aequo foliis inflarentur. Atque dum *Bononiensi* bello impliciti pontificalibus armis vacant, extrudendoque ejus agri possessione *Veneto*, praenituntur *Cenomani*, praefertimque gentis ejus caput *Brixia*, *Gallicanum* jugum fastusque barbaricos perosa, de recipiendo in urbem *Veneto*, deque *Lilinis* insignibus erandis cogitaverunt; sed ut quidam adnotant, intempestive: cum impulsore *Aluysio* splendidis natalibus orto, priscaeque gentis advocatorum nobilitate praesigni, commota civium *Brixianorum* conjuratio rem ad exitum perducere non valuerit. Quippe dum *Senatus Venetus Andreas Gritto*, rei summam mandat, delati ad capitalium quaestionum praefectos rei, multis cum conscis intorti sublatique sunt. Quo facto delectis cum copiis in expeditionem *Andreas* properans, cum equitatu levilpraemisso, silentis interiora scrutatus urbis, expergefatos custodes & ad arma promptos rescivisset, represso gradu substitit, indeque discedere infecta re coactus est. Verum dum per multos sparsa conjuratio usque adeo diffunditur, ut & summatibus ac mediastinis pluribus, in dies invalescentibus argumentis, excidium afferret, urgere *Venetos*, effagitareque praesentanea ad dedendam urbem praesidia cives plebeiue omnes coacti sunt. Itaque de ea re frequenter consultatum est, & si salva civium incolumitate suorum *Veneti* prorogare potuissent, nemo quidem ambigat in opportuniore rem tempora fuisse dilaturos. Verum ne oblata occasione culpa sua cecidisse objicerent, hi qui parum prospere futura conjiciunt, ac ne velut civium suorum contemptores, propensam urbis affectae voluntatem despexisse viderentur, in eam celerius quam sua voluntas ferret expeditionem, promoti sunt. Igitur congruo peragendam eam ad rem exercitu comparato, cum dispositis intentisque omnibus *Andreas* haud procul ab urbe stato die resedisset, *Aluysium* suis adhuc cogendis copiis subhaerentem sollicitat, interos exterosque cives matura deditiois admonet, amicos, affeclas,

Veneti-

Venetique nominis studiosos omnes, quam secretissimis notis potest certos facit: ut quod jamdiu parturiebant expediti jam tandem promptique parerent. Ipse copias interea præcipueque peditatum velitatum ac equitatum adulta nocte propius admovet, urbem suis adventitiisque militibus percingit, ac *Aluisio Scipione*que suffragantibus oppugnat, tormenta omnia, missilia omnia, omnia uno temporis articulo tela, ut ad manum fuerant in urbem coniecta sunt: acres impigrique milites fossas tranare, scalas mœnibus adfigere, muros scandere, nullisque remorantibus hostium telis suggredi. Tum *Galli* in tanta pœne desperatæ rei tumultu resistere fortiter ac reluctari, ingentia saxa provolvere, ferventes aquas calcemque dejicere, contos, pilas, trabes, in adversos hostes torquere, jaculari, incutere. Ad alterum urbis latus infeliciter cum *Veneto* suisque cum militibus agebatur, multis ingruente nimbo telorum prostratis, vastisque molaribus solo relis obtritisque pugnatoribus. E diverso qua regione *Scipio* & *Aluisius* ardentissime strenuissimeque confligebant, *Veneto* fortuna propensior aspirabat: multo quippe delassati labore defensores, cum subjecti milites *Veneti* sive viribus roboreque suo, sive ductorum urgente præsentia suorum, nullis obicibus telisque *Gallorum* retardati in superiora niterentur in ardua- que tractim succedentes evaderent, correpti metu sese protinus averterunt, profugientibus illis & his tergo continenter instantibus, cum post alios alii uno perpetuoque rigore succederent, evicta res est, irreparabiliterque prolapsa. Qui victores erant audito fremitu discurrentiumque fragore sociorum, cum adversa præfagientibus animis expavescerent, oblanguerunt, omnique dejecta spe, verso impetu sese turmatim omnes in arcem proripuerunt, attonitos metuque præcipientes urgebant arma vulgaria, quique paulo ante pro *Gallis* stare videbantur, signis ilico conversis animati truculenter in *Gallos* ruebant, eosque maxime quos præpinguis negligentiae pabulum, somnique profundioris altius nutrimentum aluerat: hos intestinis odiis infensa plebs undique persecuta, armorum sonitu pavitantes, militumque passim ingruentium agmine conturbatos exagitabat. Magistratus, lictores, liminarchas, stationarios, uno Martis ictus fulmine, unaque belli ruina prostratos, omni regione diverticuloque viarum insultabundi tribulos desequebantur. Capti, enecti, affectique plagis vulneribusque plures quos arcis conceptaculum non receperat e medio sublatis sunt. Profligato redactoque in arcem violentè hoste, cum ubique *Leonina* signa refulgerent, crebræque permixto plausu civium omnium acclamationes cœlo tollerentur, exultabundus omnique re gesta feliciter hilaris *Andreas* urbem ingressus est. Capta urbe, sedatoque tumultu, qui cum impressantium hostem *Brixianorum*, tum & terga vertentium sonoribus barbarorum exortus erat, omnique placata *Leonini* militis in *Galium* desævientis ira, ad urbicas res disponendas, componendumque perturbatæ civitatis statum *Andreas* convertitur. Ac primo quidem dispartitis optata per hospitia militibus, mansionibusque singulis ex rei cuiusque familiaris angustia copia- que civium assignatis, percingendæ arcis, validioribusque custodiis obsidendæ, animum intendit. Sed eminentes ex altoque penduli hostes, & omnem semper ad ictum parati cuncta perturbabant: neque fossas excavari, aut aggeres circumduci, nec opus ullum ad culmen perfici, continuis jaculis ac missilibus tormentisque sinebant. Ipsi præterea frequenti eruptione, eductisque ex arce die nocteque prævalidis cohortibus armatorum, conterritam urbem pervadere, populari,

A incendere: regiones, vicos, omnemque locum infenso agmine infestisque militibus percingere, peragrarè, diripere. Ad hæc arcem quamquam natura sua suoque præsidio munitam admunire, vallatam convallare aditum in eam ex colle proximo, ex eaque in urbem omni militia promuralique firmare, alacriter pugnare, omnique furoria arte defendi, epistolis insuper ac nunciis socios admonere, hortarique ut suppetias afferant, ne diu circumcinctos obsidione patiantur. Quæ dum in urbe *Brixia* pomceriisque fiunt, atque hinc inde *Gallo Veneto*que faventium vota Deos immortales fatigant, oppressas *Nemoriensis* ductoris aures gravior nuncius consternavit, subitoque concitum furore juvenem ac ingenito contra nos odio, & invisæ prodicionis detestatione accensum vehementius inflammavit. Hic tunc *Felcinius* arvis agebat, ac pulsus inde fufisque Pontificalibus ac *Venetis* legionibus, securos hostium cives, universamque *Bononiæ* Rempubl. otiantem reddiderat. Ergo *Brixianorum* audita defectione, convocatis proceribus, suisque copiis omnibus instructis castra movet, ac primum amne *Pado* ad *Stellacinium* trajecto, in *Veronensium* fines irrumpit, quos *Paulus Balionius* præsidio *Brixiano* deputatus, angusta militari manu tenebat. C Qui cum dimissis exploratoribus à *Brixiana* expeditione in sese directuros aciem *Gallos* cognovisset, ad *Athesim* conversus, cum sese imparem adventantibus *Gallis* animadverteret, superaturus amnem adproperabat. Verum cum diffusi pontis moram consuendi celeritas *Galli* propinquantis non pateretur, nec ad trajiciendum dilationem daret, in tutiora festinantem obviis hostis intercept, factoque utrinque impetu concursus est, & primo quidem de industria *Gallus* extremam ferentariorum aciem pulsabat: quoniam facile celsuram, omnemque repente conturbaturam exercitum, putabat; sed gradatim cedentibus illis, oppositi pedites hostem validum validius exceperet, quibus ex æquo pœne congressis, cum pari animorum corporumque robore decertaretur, bellica paulum res stetit. Mox *Transalpino* densius ingruente, cum furentis impetum, *Veneti* pedites non sustinerent, accersiti firmioris armaturæ milites *Gallicanam* victoriam retardavere, redintegratoque prælio sævius acriusque dimicatum est: promiscua cædes, indiscreta vulnera, cadaverum confusio, exequaliter omnia funestabant. Quibus indignati superbientes animi, majoreque militum numero prævalentes barbari, totis in prælium coactis viribus ruunt: *Marcicos*que milites restrictos, impactis cuneis velutque malleo clavaque violentè adactis proscindunt ac dissecant. E Mox *Brixiam* dirigentes iter *Meleagrum Foroliviensem* adorti, qui *Brixianum* præsidium maturabat, non minori clade quam paulum affecere: ejus siquidem militibus profusis, cum & ipse fugiens equi lapsu procidisset, hostili circumfuso statim agmine captus est, exoptatoque *Brixianos* præsidio, graviore captivitatis intercedente jactura fraudavit. Quæ cum certo tristisque nuncio mœrentibus oppidanis perlata forent, quanquam *Andree* legati solertissimi prudentissimique viri, ac multorum præterea ductorum hortatu confirmarentur, & sicuti quidam scribunt armatorum quindecim millia concreditam, suisque viribus commendatam urbem defenderent, subhærere tamen ancipites, consternarique animo vehementer coeperunt: quoniam omni victoria præpotentem barbarum insignemque fortuna prosperior efferebat, cum geminatis cladibus averfa *Brixiano*, dejectam rem suam pœneque suffocatam, imprimeret. Præterea terrorem augebant jam proximæ, totque conspicuis facinoribus illustratæ

Gallorum phalanges, quas contra *Hispanicæ* pontificalesque copiae, valentissimis quanquam ductoribus bellatoribusque fortissimis instructæ, summa tamen vi resistere nec obniti potuerant. Accedebant *Mediolano* subsidia, si quo importuniore casu *Galli* periclitati forent, aut sub incerto victoriæ res laboretur, propediem affutura. Nonnulli *Jo. Ja. Trivultium* hanc in expeditionem profectum tradunt: sed quem autorem habeant, secuti sint, me certe fugit. Quoniam *Mediolani* tunc feriantem hunc omnium testimonio, certe scimus; sed hos ea ductos arbitror opinione, qua scriptorum plerique moti nonnunquam aberraverunt. Quippe cum exploratum egregii facinoris autorem non habeant, nec speciatim ductoris nomenclatura colligatur, præfecto, cæterisque omnibus præstantiori, cujus fama celebrior evulgetur, factum ascribunt, ne quo ignoto ductore substituto negotii claritas obumbratur, & tenebrescat. His igitur angustiis districti cives castrorumque præfecti, quanquam pleraque dissimulanter obtegerent præterirentque conniventibus oculis, senatum tamen frequenter admonere, supplicat deprecari, subsidium militem implorare, non tam urbis protegendæ gratia, quam avertendi distrahendique hostis desiderio. Sed dum cunctantur, proque rei magnitudine consultant, jam *Brixianis* mœnibus fossisque suggestus *Nemoriensis* ductor omnem procul militiam admovent, oppugnandæque urbis instrumenta omnia machinalque suum in rigorem numerumque dispositas tormentarii defixerant, ipseque locorum opportunitate speculatus in proximum montem, qui plurimus arci imminet, impetum facere animo suo constituit. Igitur rem, dato signo confestim aggressus, uno in hostem ictu telorum millia contorquet: ilico tanta tormentorum projectatarumque pilarum vis instrepuit, totumque procidentium militum fragores, qua saxatili grandine cæsi fractique ruebant, tremente solo perhorruerunt, ut tirones juxtaque veterani non nihil interrerentur, ipsique jam pridem defuerti bello cives graviora quam mens sua concepisset, ac duriora quam prius opinarentur perferentes, deficientibus animis contremiscerent. Incredibile memoratu, quanto animi præfurentis ardore, quantaque victoriæ spe certissima barbaries omnis effusa prorueret, congregaretur, pugnaret. Accendebant esferatas *Gallorum* mentes, coruscasque micantium fulgore gladiatorum acies, agitabant continuata nullo adverso interpellante casu, splendidaque serie victoriarum insignia: tum justus, nulla defectionis expurgatione, ex ipsa rebellionis dolor omnem sævi facinoris acerbiter trulentis & immanibus animis ingerebat. Quapropter cum ulciscendæ injuriæ, tum prædæ opulentioris rapiendæ, pectoribus eorum in horas subgliscente insania, toto effrænes impetu, totaque perciti rabie in ferrum ac tela provolabant. Assensu difficilis mons erat. Nam præter adversam molem, constipati congestique *Venetorum* ac *Brixianorum* cunei, gravidis canalibus ac prægrandibus organis morticinos foetus in subjectos & superiora prænitentes *Gallos* exprimebant, tam effuso passim & stridente nimbo, ut ascensus omnium judicio pugnatorum insuperabilis impenetrabilisque putaretur. Itaque diu *Galli* altiora petentes, humilioraque tractum clivo suggesti, dum cunctanter prorepunt, gradusque suspensos in ardua promovent, semel bisque rejectati propulsique sunt. Et sane rupis evincendæ difficultate, quam robustissimi milites & agrestes præduri, telorum corporumque suorum objectu prænitentibus *Gallicis* injiciebant, impotes votorum hostes, irritoque conatu parum feliciter attentata deferentes abscessissent, nisi juges & importunæ nimbis adversantibus pluviae, repentino subsidio *Gallicis* affuis-

A sent. Quibus ubertim largeque profusis, cum præmadida multaue labilis humus uligine titubantem vestigio militem falleret, omne tormentarium fusoriæ artis magisterium eludebat, assidui imbres infestique *Veneto*, pulverem & ignem hebetantes, graviore detrimento iacturaque militem quam hostes afficiebant. Itaque cum elanguidi ictus, fune lento, viscidoque pulvere, ac viribus pœne relaxatis omnibus conflagrescerent, validiore nisu resurgentes prælucentesque barbari, montem ascensu quanquam ægro superant, aliisque alias subigentibus turmis, cum una perpetuæ successionis linea continenter attraherentur, exturbatis hostibus securi tandem montis edita tenuerunt. Quo capto, liberoque aditu in arcem exinde facto, jam montis undique constabilita possessione, peditum ordines plurimi, maximeque saltu motuque corporum agiles & expediti, sese in arcem patente solo viaque liberiore proripuerunt. Locus in civitate fuit, urbiculam vulgo dixere, sicuti *Mediolani*, *Parmae*, *Ticini*, multisque *Italiae* splendidis urbibus, siue eam conceptaculi tutioris gratia muro conditores intercinerint, siue velut invectæ mercis horreum, aut magnificentiae majoris ostendendæ argumentum esse voluerint, in eam ex arce proxima victores impetu facto protinus irrumpunt, adversantibusque fortiter oppidanis, ac multa manu viriliter & strenue consistentibus utrinque magna vi & summa ope dimicabatur, confluebant agminatim undique conglobati hostes, velutque dissipantes & terribiliter furiosi, prærigentem in ipsam telorum segetem uno omnes mortis contemptu ferebantur. *Gallum* incitabat ingenua temeritas, pactaque, velut ab ipso Marte constituto pignore, victoria truculenter in hostem impingebat. Oppidanum e diverso, propria suæque patriæ cadentis salus, tum sui sanguinis charitas ac conjugum liberorumque suorum dulcedo, reaccensis in *Gallum* animis repingebat: urgebant, urgebantur, perculsi percellebant, ac magno casorum cadentiumque fragore, magnisque laevientium utrinque bellatorum procellis, æstuantia Martis agmina fluctuabant. Cum asperrime conferta manu collatisque pedibus utrinque conflixissent, incertoque Marte pares conflingerent, hinc acres *Veneti*, illinc alacres, totaque victoriæ præsumptione contumaces barbari, novis cohortibus accersitis recentique vires novas auxilio suggerente, inclinata acie pulsi- que loco *Brixiani* cessere. Jam pœne *Galli* tuta tenebant, ipsaque rei pœne conclamat desperatio fringentes opprefferat, cum magno fremitu circumstrepente, magnoque concussas aures diverberante armorum horrore, *Veneti* ductores exasperati, accitique trepidantibus undique nunciis, collecto mentis inflammata spiritu medias acies intercurrent, eximiaeque virtutis adurgente stimulo promoti, densissimos in hostes provehuntur, ibi præferoces ac strenui totaque animi exardescantis impatientia anhelantes, vociferando, hortando, terrendo, socios a fuga revocant, agmen impellunt, *Gallum* proturbant. Eerecti cum horum impetu, tum accurrentium præsidio sociorum, omniumque robore confirmati *Brixianorum* animi confestim sistere, restauratisque viribus *Gallum* imprimere, captoque loco violenter hostem extrudere coeperunt, tanto impetu tantaque virium & animorum contentione, ut quem prius usurpaverant *Galli* locum, exinde propulsati fusique relinquerent, retrocedentes, a tergo acie disposita socius imprimebat, acuminataque stilis ferreis tela omnes distringebant, tum desequentium alacritas, elatusque victoriæ studio plausus, & profugum & profugantem utrinque militem in prælium agebat. Quod cum *Gallorum* principes animadverterent, dolerentque ab hostibus pœne oppressis extortam *Gallicana* felicitate victoriam, acerrimos delecti peditatus cuneos, explicita

B. Arlunus.

M tota

tormentariorum ala præsentaneo fociis auxilio mittunt, obarmatosque fere ducentos equites qui validius instarent & premerent delectu statim habito superaddunt. Hi suis omnibus integri viribus atque recentes, abscedentibus fociis, in tela proruentes oppidanos excipiunt, ac cum corporum vastitate suorum, tum omnium quos sui circumquaque præfecti distenderant adminiculo nervorum securi, constanter intrepideque conatus omnes hosticamque vim sustinent. Mox gradatim sensimque progressi, quoniam surrectis torosa cervice jubeis *Leoninus* miles obnixissime repugnabat, invalidum nimioque sudore diffluentem impellunt: resistere non poterat infirma *Brixianorum* acies & quamquam vi summa decertaret, omnibusque suarum refusus virium conditoriis depræliaretur, tot tamen circumfusus *Gallorum* agminibus oppressa deficiebat, paulatimque regradata furentibus barbaris & numero copiarum & robore virium invalescentibus, aditum dabat. Itaque profligati tandem cæsique loco cedunt, introgressique prorumpentibus turmis *Transalpini* milites, urbiculæ libera possessione fruuntur. Exinde facilior aditus viaque planior in urbem compatuit. Itaque tunc per vicos regionesque gregatim diffusi, lateque per trivium quadriviumque summo horrore pervadentes *Galli* sparguntur, ac novis semper accedentibus turmis, prosperioremque Martis successum adjuvantibus in patentiora fori curiæque spatia conglobatim concurrunt. Inibi redintegrato fœde crudeliterque prælio, cum *Andree*, tum *Contareni*, *Aluisi*que ac cæterorum ductorum omnium ope extrema, supremoque præsidio laboratum est vehementer, pertinaciorque lucta depugnatum. *Aluisus* in ipso cum urbis umbilico mediisque digladiantem penetrantibus hostem videret, seseque medio tollendum, ultore gladio vereretur, *Gallo* propensius indulgente fortuna, ut infamem capitis cum periculo reatum effugeret, adacto calcaribus & frænis equo sese medium injecit periturus in agmen. Dumque ibi pro gloria magisque salute, ferro decernit, omnibusque modis ab hoste mortem tentat gloriosam accipere, vitam infamem, salutemque mortiferam accepit: arduo quippe sublimis equo dum interritus & ferox, ac vultu spirituque sævissimos inter hostes formidabilis dimicando versatur equo proriente collapsus est: tum derelictus omnique laterone suo destitutus, prægravante armorum pondere capitur, modicoque post tempore more reorum ad *Gemonias* tractus, barbaricoque sæviente gladio dilaniatus excessit. Hic dum tanta præliatoris rabie, tantaque rebullentium animorum sævitia, spumantes sanguine mucrones intepefcunt, ferentarii equites ducenti fere qui dejectis insignibus, ex ipsa strage cruenta que *Venetorum* congerie mortuorum supererant, cum extrema conclamataque cuncta viderent, ex urbe fugam emoluntur; nactique locum quo tutius evaderent, sive per obfessos portarum exitus duosque obices terebratos, sive aditu per hostes medios & tela facto, restricto agmine profilientes erupere. Dux eorum omnium *Federicus Contarenius* ex patriciis *Venetis* insigniter animatus, dum eximiam & singularem sua pro Rep. suisque pro fociis, ac *Brixianis* civibus operam ardentem obit, existimatque pugnando posse miseris ac periclitantibus subvenire, volatico telo transfixus interiit. Egregii præterea ductores plurimi, multa que bellica arte præstantes, dum afflictis rebus insudant suoque cruore Remp. *Venetam*que Majestatem promereri student, ac lapsitantibus cunctis succurrere posse confidunt, sauciati, capti retritique periere. Siquidem jam libero patenteque aditu quem barbarus ubique manu sua violentus effregerat, profluebant undique, circumcursabantque sonoribus terrificis hostilia agmina, tam denso pugnatorum turbine, imbreque telorum, ut nec pugnae nec fuga

locus esset. His accedebat, quod qui celsam arcem tenebant, cum dissonis clamoribus & ejulatu cuncta passim infremerent, inclinatatque rem prostratis civibus pugnatoribusque disjectis intuerentur, macerata indignatione lividi furentesque ruebant, in ipsosque municipes & adversos & aversos immanissime tormentis ferroque debacchabantur: nullius virtutis umbo, latebræque nullius antrum, nulla que auxilio porrecta manus præcinctos undique constipatosque juvabat. *Andreas* magno vir ingenio, & in utraque fortuna semper insigni, hac rerum omnium desperatione, prolapsæque civitatis ruina, cum nec ulla medentis ope, nec ullis mortaliū consiliis suffragari posse videret, reliquias fragmentaque militum qui ex clade supererant contrahere, seque vel hoc vel illo tramite in tutiora recipere cogitabat. Cum asperiore hostium sepimento, limboque rigentiore ferri circumdatus districtusque capitur. Fortunam haud dissimilem *Antonius Justinianus*, *Joannes Paulus Manfronus*, *Balthasar Scipio*, pluresque alii sic trahente fato sortiti, victoriam barbaro suis omnibus votis æquam ac redundantem fecere. Magnorum quippe procerum insignis captura, consternatam urbem, omnique spiritu vigentiore exhausto deficientem adeo perfodit ac jugulavit, ut fletu multo gemituque miserabili lachrymabunda sese ad hostis pietatem misericordiamque conferret. Provoluti omnes viri fœminæque passis crinibus ac *Thyadum* more furentes, sese concito gradu in curiam proripuerunt, jactaque superbi victoris ad pedes arma detestati, suppliciter tristes & tonsi pectora palmis veniam comprecabantur: inermes, atrati, lamentabiles, funesta impiaque arma sumpsisse fatebantur errore lapsos humano, uniusque & alterius culpa seductos. Itaque victorum genibus advoluti prostratique solo, ut humanitatis memores insitæque nobis naturali jure mansuetudinis non obliti, pietatem exercerent, irrogarentque supplicibus veniam expurgatorum jam satis tot cladibus delictorum, obsecrabant: tum ut infontem infantiam, imbellem senium, innoxium languorem, infirmamque fœminei sexus turbam, sinu gremioque pietatis suæ reciperent ac confoverent, squalentes pallidique omnes obtestabantur: parcerent sanguini, bonis moribus obtemperarent, seque ut homines recordarentur orabant. Sed incalescentium ira barbarorum reacensus ferri mortisque furor atrocius insæviebat, promiscuisque cædes indiscreta vulneribus, effusum madente solo cruorem largissime dispergebat: tum rapinis, extorsionibus, tormentis exagitata conturbataque deformiter omnia perhorruerunt. *Allienses* per hos dies, hæque per exequiales horas, infanda crudeliaque omnia, prægravatam ærumnis ingentibus urbem, omniumque miseriarum acervo consulptam, funestavere: donec opulentior præda saturatis canibus ac feris, omnique sæviore carnificio confœdata Rep. ut extinctis parceretur, neve mortuos amplius jugularent, edicto cautum est. Opulentissima urbe capta direptaque, cum & ingens occisorum strages, reique familiaris profusa dissipatio, ac magnus præstantium numerus captivorum, exauguratæ urbis angustias conduplicasset, *Ludovicum* regem indoluisse, conflictatæque urbis casum graviter tulisse ferunt. Nam & si permodica levisque suarum jactura copiarum facta fuisset, eversam tamen pœne Remp. ac tot amissis civibus orbatam spoliataque fortunis omnibus, atque redintegrato in ipsum tanta suscepta clade odio infestior, acerbissime ferebat. Cum præsertim fisco suo, præter inexpiabilem tanti flagitii, tantique manu sua perpetrati facinoris invidiam, nihil accessisset. In captivorum redemptionem quos *Gallus* innumeros ceperat, argentarii mensulariique pœne omnes, præcipueque foro nostro divexati sunt, eorumque folles præturgidi, dum mutuo

qui-

quibuscunque sub usuris pecuniæ quæritantur excussi sunt. Inter omnes delecti primatus captivos, præcellensque vir ingenio *Andreas Grittus Mediolanum* venit. Qui quanquam Gallorum hostis esset acerrimus, quoniam tamen ut par erat, strenuam pro Republ. ejusque Imperii jure diligentem operam in acie castrisque navaverat, magno à nobis in honore habitus est, proque nominis sui decore ac celebritate à nonnullis *Mediolanensium* primariis, ab ipsoque præsertim *Jo. Ja. Trivultio*, *Mediolani* tunc agente, salutus est & appellatus. Hunc jure vetustioris amicitiae, raræque virtutis prærogativa, quæ nonnuncquam bonorum paritate ingeniorum, æterni fœderis nexu perligata copulatur, amplexatus est, ac jucunda mutui sermonis vicissitudine, benignique horratu lenimento, gravissimi casus pressuram quam vir summus constantissime perferebat, solando lenivit. *Cispadanis Transpadanis*que gentibus universis, ac totius *Italiae* nationibus & populis, ea lachrymabili clade vulgata, tantus terror incussus est, ut præter *Gallicanum* nomen nihil his diebus in *Italia* formidabile reverendumque videretur. Et mehercule, si quis unquam infanda crudelique suscepta strage populum metus incessit, perculitque districti gladii timor hostilis, non immerito prætimescere perhorrescere debuerunt cæteri omnes *Gallicani* nominis infensi, perosique *Liliani* elatis signis populi majestatem: adeo luctuosa, miserabilis, omnibusque elegis deploranda illa clades fuit. In muliebrem sexum infantiamque crudeliter sævitum *Mocenicus* scribit: miserabiliter direptam urbem, indiscretamque per cædem sacra prophanaque victoris ingrassante ira oppressam *Cælius* notat: *Guadinus* ut sceleris impietatem gladio suæ gentis admissam excusaret: quanquam humanæ sævitiae impetum non eos usque conscendisse gradus existimaverit, iram Dei commentus est, Deorumque censura crimen hominis adlevavit: *Baselius* ut cætera frigide pertractat, sic & hac in re ignavus languidusque toto torpore compigrescit: sed & una quidem nostra brevior schedam grandis ingenisque malorum *Ilias* concluditur. Quam si adamussum *Tucydides* omnesque ad impietatis numeros *Livius* exequi velit, spatiosis voluminibus stiloque ferreo ad articulatim hanc rem exarandam opus esse non dubitem: & vereor ne summo digito præmonstrata nobis hæc, minus sane posteris credenda, scriptores insinuent, quæ tam angusto deductis lineis spatio, brevique versu consumpta sint; sed & uno momento turris icta fulmine concidit: uno terræ hiatu civitas absorbetur: uno subito aquarum æstu, repentinisque fluctuum incrementis, urbes, insulæ, multaque terrarum millia diebus nostris adobruta sunt. Quoniam non magno dierum numero, nec multa scriptitantium dictione, aut prælongis linearum spiris, sed suo intus malo damna constant. *Bergomates* eadem Imperii *Gallicani* pressura districti, quos veteris domini memoria jugo mitiore, levioribusque servitutis suæ compedibus ad pristinum obsequium revocabat, *Brixianorum* exempla secuti, confestim à *Gallis* ad *Venetos* desciverant, receptoque præsidio, omnique *Gallicanæ* jurisdictionis magistratu turbulenter ejecto molliore toga confovebantur, suamque velut in patriam postliminio reverfi, congestiebant: gaudium, plausus, acclamatio, liberam urbem prisicisque jurgiorum hospitiorumque molestiis exemptam, relaxabat: ubique risus jocique passim exultantis populi corda titillabant. Cum his omnia lætitiis tripudiisque plena forent, prælargaque torrente fluctu jucunditatis abundantia redundaret, extemplo conversi latices amaritudinis refluxere, superfusque veneno succi dolorum suos in fontes recurrerunt. Quippe cum urbis captæ fragores *Brixianæ*que molis

A ruinæ celeri prævolante fama pulverem sub ipsorum oculis *Bergomatum* provolverent, ejulantiumque stridores cœlo procul elati, pertusas civium aures acriori telo penetrarent, confestim elingues, attoniti, semianimesque repentino malo conternati sunt, ingentique velut jacto pondere suffocati procidere. Ilico gemitus ac lachrymæ dimidentibus genis profluentes eruperunt: mœror tristitiaque tam subito cardine rerum inverso compressos omnium animos occupavit, majoresque ex mora angustiae, quam ex ipsa re conturbatis animis ingerebantur. Jam adesse, populari, cunctaque dira præfingente metu jam inflammare perhorrescebant. Itaque alii confestim ad aras templaque converti: orare alii, supplicare, vota concipere: & quos prius hilares lætique despexerant, nunc miseriis ingruentibus obsecrare revererique coguntur. Alii vero sarcinulis brevique viatico paratis vertere solum: rursus alii secretioribus latebris angustioreque gurgustio latitare: sola vero nonnulli paupertate inopiaque securi pallium egestatis trepidantibus accommodare. Mirum, ut sereni poli tranquillitate cunctis paupertas invisa sit; ejusdem vero tenebrosa caligantis tempestate sit amabilis & per jucunda: o munera nondum intellecta Deum. Igitur graviore nuncio perquassata Republ. cum per vicos oppidaque captam *Brixiam* ebuccinantibus cunctis dissimulari res gesta non posset, ad præfectum prætoremque *Venetum* adstrictæ urbis primates accedere, suæ gentis excidium, populique sui *Venetis* semper insignibus addicti vasticiem deprecantes, orantesque ne promiscuam communemque *Brixiani Bergomatis*que soli vellent esse jacturam, unamque suis ærumnis illustrem ac memorandam urbem, secum alteram in interitum & ruinam trahere, non posse *Bergomatem* infirmo fragilique oppido illi resistere, quem *Brixianus* urbe munitissima, tot strenuis propugnatoribus tot ductoribus valentissimis reprimere non potuisset. Scirent *Veneto* devotam urbem imperio, mandatoque ejus semper obnoxiam: præstare, integram aliquando suam esse, quam funditus everfam, nullius. Quo circa benigno animo, bonaque suos in cives mente forent, ac ut cum hoste transigi paterentur, orabant. Illi primum omnium *Brixiam* tanta civium internicione strageque vastatam pernegare, neque sibi hac de re quicquam nuncii certioris allatum; sed ea vulgo commentitiis nugis inanibusque fabulamentis jactari: Quæ cum evidentibus argumentis refellerentur, & in confesso succrescentibus in horas nunciis, essent, tunc non posse nisi consulto Principe *Veneto*que Senatu quicquam decernere responderunt. Quod cum parum æquis auribus municipales admitterent, subirasce in vicem ac succensere cœperunt. Quoniam intempestiva consultatio foret, cum ab hoste mœnia quaterentur: nec oportere gladiatorem in arena consilium capere. Quapropter non iniquo animo nec mala mente, sed invitos extremisque perurgentibus astrictos fatis testari, sese civibus suis suæque reipubl. quocunque modo prospecturos: *Venetique* majestatem Imperii, quantum per hosticos impetus liceret, ad aras observaturos, quam alto pectore defixam, imisque semper repositam medullis certo scirent. Hæc dum alternis *Venetorum Bergomatum*que consiliis agitantur, militaris fremitus passim exortus instrepuit: tum & ipsorum querimoniarum ductorum quos incendii propinquois fumidæ nubes afflabant, ad urbis præfectos communiumque rerum provisores delatæ sunt. Perabsurdum aiebant exarmatum & modis omnibus debile municipium violenti rabidique victoris impetum excipere: nec expedire depopulandam urbem captivumque militem ingruentibus barbaris trucidandum obicere. Proinde aut tempestivum militibus com meatum da-

B. Arlanus. M 2 rent,

rent, aut urbem validiore præsidio si fieri posset tuerentur. Ad extremam redacta lineam reserat, quoniam de proximo *Gallicani* furores infremebant, omnique pœne fugato exercitu *Veneto* sociorum auxilia desperabantur. Ergo de pace foedereque cum *Gallis* actutum feriendo tractatum est, extemploque sancitum. Sunt qui primo feciales in urbem admissos ferant, accitisque primorum nonnullis, hos repente totius Reipubl. mandato transegisse. E diverso asserunt alii municipes publicam fidem secutos, quam à victoribus impetraverant, ad *Gallorum* sese Principes contulisse. Cumque haud ægre delicti veniam exoravissent, multis millium millibus aureorum, ab extremo patriam interitu, fatisque supremis eripuisse. Enormi grandique pecunia mulctati cives universi pullati *Atheniensis* atratique *Phrygis* exemplo, sapere sero didicerunt. Hæc dum in *Cenomanis* *Cenomanorum*que finibus ubique Martis ira sæviens, tot populorum civiumque detrimentis aguntur, *Veneti* qui damna præ ceteris intolerabilia sentiebant, coram *Julio* Pontifice Maximo confederatisque regibus *Britanniam* urbem captam, amissum *Bergomum*, immenso ære civibus oppressis extorto, multa que subinde oppida bellico consternata fragore conquerebantur. Cumque fati durioris pressuram ingentem expostularent, amissarumque pœne uno ictu civitatum jacturam, totque probatissimorum ductorum interitum, ac maxime patriciorum mortem captivitatemque suorum gravarentur, succurri sibi novis adversus *Gallos* suppetiis, opemque subsidialibus sibi novam copiis præstari deflagitabant. Tunc itaque de pace iterum, atque iterum de percutiendo cum *Maximiliano* foedere enixissime tractatum. Magno sita res erat in discrimine, magnoque Pontifex & *Venetus* in periculo constituti, rerum omnium difficultate laborabant. *Veneti* quidem oppidis acurbibus magna ex parte legionibus amissis, in tanta militum necessitate vehementer angebantur. Cum hinc *Germanorum*, illinc *Gallorum* perpetua victoria felices copiae, *Venetæ* opes attererent: neque ullo regis ad gratiam utriusque pertinacis & obstipi conciliandam remedio succurreretur, minusque ad alterius denervandas vires, insolentisque vim potentiae comprimendam facultas suppeteret. Pontifex quoque quanquam magni vir spiritus, nec adversis fatibus facile succumbens, assidua tamen fortis impressione perurgentis angebatur. Nam & in dies supposititii concilii foetus ingravescibat, proleque nova *Julio* semper infesta pestilentique propagabatur. Eoque tendebant frequentes Pontificum confessus, ut exautoratum tandem Pontificem Maximum aditis & templis omnibus eliminarent. Ad hæc insidias & dolos per *Columellas* & *Ursicinos* ubique connectebat *Gallicana* potentia, virumque veneno vel ferro perdere sicuti quidam scripserunt enitebatur. Quæ versutus prælagaxque *Julius* & his & illis artibus imposturisque vitabat. His graviora malis accedebant, quod *Hispania* *Britannia*que reges quos recens in foedus attraxerat, nihil adversus Cæsarem aufuros, nihilque *Germanicam* in societatem attentaturos profitebantur. Nam & si *Lilina* vires omnibus invisæ forent, Cæsari tamen consentire malebant. Qui tamen minus cum Gallo conveniret, intensiore tamen odio contra *Venetos* inductus, *Aureliensibus* vexillis subhærere cogebatur. His itaque difficilibus rerum articulis cum Barbarico validiore præsidio destituti Pontifex & *Venetus* auxilium quærent, reconcilianda modis omnibus gratia Cæsaris erat, quæ à *Venetis* in dies aversior atque distractior quam longissime summovebatur. Nam præter amissi *Patarvi* veterem iram quam nullo temporis intervallo mitigare nec oblivione delere poterat, indignissime quoque recenti *Vicentie* damno stoma-

A chatus, asperrime distorquebatur, quam primum omnium relaxari in ipsoque contractus limine restitui sibi Cæsar volebat: & Pontifex assentiri videbatur: & nonnulla æquitas invitabat. Ipsi quoque reges majore gerendarum vinculo rerum obligati Pontificem ac *Venetos* impensius adurgebant. Ad Senatum itaque de ea re perlata quaestio, disceptantibusque invicem patrum sententiis sæpe consultatum est. Cumque maturata diu prudentiæ suæ consilia libravissent, Senatusconsulto cautum est, ne *Vicentia* redderetur. Itaque quoniam aliter transigi non poterat, ad inducias decursus est intercedenteque *Francisco Foscaro* oratore *Veneto*, quinquaginta millibus aureorum *Rhenensium* *Veneti* bellicas ferias in decimum mensem extractas pacti sunt. Quæ dum in *Italia* Pontifex *Venetus*que pacis ineundæ diligentia, magna que reconciliandi Cæsaris sollicitudine peragunt, in *Hispania* *Britannia*que novi motus armorum agitari, contraque gentem *Gallicam*, ejusque regem *Ludovicum* nova conflari bella cœperunt. Nam & Pontifex *Julio* impulsore, nec minus instante *Veneto*, *Britannus* ad *Giennam*, *Hispanus* ad *Perpignanum*, asperrima finibus superatis arma *Gallis* inferebant. Tum & *Helvetii* semper insecti, divisisque suas per hæreses suffragiis ancipites, nunc ad *Britannum* *Hispanum*que, rursus ad Pontificem *Venetum*que spectare videbantur, dimissisque *Gallorum* legatis honorificentissimis amplissimisque viris, cum dictis ac pollicitis eorum ingentibus parum auscultantes, non obtemperassent, irrupturos in *Galliam*, contraque regem belia moturos interminati sunt. Quibus acriter districtus *Aureliensis*, cum undique difficultates, nova que bellorum ductim emergentium discrimina confurgerent, procurare pacem, ambireque *Julium*, & adblandiri lenius cogebatur; sed multi doloris amaritudine, diuturna que molestiarum anxietate confectus Pontifex, nec audire nec obsequi ullo modo poterat. Itaque tunc passim omnique robore militari contracto, comparatoque ad alendum exercitum commeatu, placuit *Attestinos*, *Bononienses*, omnesque *Gallicanarum* partium studiosos ingrassari, repetitisque præliis atrocioribus omnium fines invadere, populari vastare, cunctaque perpetuis excursionibus & ardoribus incendiis delere. Ergo nova classe *Venetorum* impendiis instructa, attunsisque subvecta *Pado* remigiis, tum & pontificalibus *Hispanicis*que legionibus explicitis, expositisque machinis cunctis bellorum, in *Ferrarianum* ac *Bononiensem* agrum impetus factus, tanta civium, agricolarum, circumjacentiumque pagorum omnium strage ac ruina ut bellicis adlambentibus flammis, ustrigo nulla major unquam eam gentem universam inuisset. *Argentinum* tunc oppidum expugnatum & captum est, repetitaque tunc bello sæviore *Mirandula*, postquam reciprocos pugnae furentis æstus alternamque fato reluctante victoriam cum sustinere non posset, evicta succubuit. Ad hæc *Crispini* aggeres, extructaque molibus operosissimis ab *Alphonso* duce septa, castrensibus tormentis machinisque muralibus advallata sunt, effusioresque militum numero circumdata. Inibi quotidie graves assultus, pugnaeque terribiles, ac cadaverum ingentes acervi conspecti sunt. Dum expugnandorum illorum foris, intus vero defendendorum obstinatissima militem obarmat pertinacia. Ergo post irritos labores multos, cum in casum, diu fata sævivissent, staretque pro *Ferrariensi*, relicto militum furore, constabilito fortuna gradu prosperior, conversis stridore subito procellis, horrescoque sonitu pertonante caelo, *Bononiam* militaris turbo pulsavit, atque missilium undique profuso telorum nimbo, sparsaque præduri filicis grandine divexavit. Tunc adflictæ detritæque nationes & populi, eorumque principes & duces, a *Gallis* auxilium

xilium frequenter implorare. Quotidie nunciis & epistolis *Gallicanam* præfecturam interpellare; urgereque lentescens & pigra gentis segnitiam. Cum præsertim afflicta vulneribus corpora quæ *Brixiana* manus incusserat, curarent, elatique victoria licentius otiantur. Sola in unius egregii magnique victoris patrocinio spes reposita, una in *Ludovico* fortunæ filio, alumnoque *Veneris* recondita salus erat. Ergo post *Bergomates* ac *Brixianos* rigidiorē censurā, quanquam aliter & aliter multatos deplexosque cives, cum suis pacata dispendiis cuncta jacerent, maloque otio feriarentur, *Gallicæ* legiones alio traductæ sunt. Certoque susceptæ profectionis itinere, cum in alias ex aliis victorias promoverentur, in *Felcinios Ferrarios*que fines, ac regionum earum collimitia perrexere. Incredibilis expectatio, magnique nominis adventus erat. Cum & scelera gregarii militis infanda, crudeli victos in omnes carnificio perpetrata, ipsorumque ductorum secundi præprospera felicitate successus, formidabilem hostibus adventum omnibus suum facerent. Itaque cum elati spiritu suæque ventosi gloria *Galli* processissent, intulissentque *Bononiensibus* arvis vexilla terrore omnium suspicienda, suorum exemplo sociorum astricta metu pectora relaxari mirisque modis hilarescere cœperunt, ac tunc primum *Bononienses*, *Ferrarienses*, vicinorumque municipiorum omnes incolæ, cunctique procinctu subito milites in expeditionem exire. *Alphonsus* eductas repente copias, suosque confligendi desiderio cives accensos in aciem producit; sed & obsidio molestiorē *Bononiensis* oppressus, subitariaque socialis adventus hilaritate resectus, instructo agmine, cum jam recincta civitas obsidiali zona, soluta foret, profiluit. His permixtū omnibus inuncti, suisque pariter obarmati telis agricolæ, quos indiscretis populationibus excursions hostium assiduæ fregerant, quosque repetendum ad pecus abactum, recuperandamque omni ablatam injuria prædam acrioribus incentivis iræ vehementiores inurebant processere. Retrocedentes igitur *Hispani* sensim ad *Centum* oppidum castra posuere, quid attentaturus hostis esset, tantoque successu rerum emoliturus, explorabundi. *Galli* sicuti frequenter propinquis copiis exercituque de proximo pedem conferente fieri solet, perlustrare locos, hosticas vires percunctari, levibusque nonnunquam præliis decertare, mox insidiis doloque cum *Hispanis* agere, versarique diligentia sed indiligentiorē cœperunt, eorum cum excubiis conveniunt, intempestaque nocte factō aditu paciscuntur in castra hostium proficisci, ut conturbato omni exercitu captivitate, ferroque, victoriam nullo *Gallico* sanguine cruentatam, pararent; sed ingenio dispari, longeque dissimiles, disciplinæ castrensium eruditione, discordabant: *Galli* siquidem aperti, simplices, inconditi, sed atrociter feroces agunt: contra, duplices, attenti, præflagaces *Hispani* simulando dissimulandoque circumveniunt, nec quid mente concipiant, aut versitent animo, nisi cum perfecerint, aperiunt. Ergo fraudibus invicem armatis, & succinctis utrinque dolo, dum *Gallus* decipere tentat deceptus est. Initam *Hispano* cum vigile prodicionis legem ratam *Gallus* habuerat, illæsam quam sibi præservari demens opinabatur, quod illibatam alteri sincerus ipse servaret; sed *Hispanicis* imposturis refixa est, doloque cum dolo quanquam impari proceribus cum *Hispanis* communicato quippe proceribus cum *Hispanis* consilio, principiique tantam in consultationem adhibitis, placuit, hora noctis concubæ præstituta, silentibus cunctis, extinctis facibus, dormitantibusque vigiliis, adventantem *Gallum* præstolari, ut ex lege dato aditu cum interiora castrorum penetravisset, opprimeretur. Consilium non fraudante fortuna, cum ad transigendum facinus *Gal-*

lica tarditate maturatum, *Lilinos* hora duces interpellasset, expediti equites ac pedites, pugnatorum quatuor millia fuisse traduntur, trajecto *Rbeno*, sese ad hostium castra nullo equorum fremitu nec tubarum sono, sed lenissime suspenso gradu contulerunt. Mox præmissis exploratoribus qui hostium consilia scrutarentur, qui longo circumambitu castra perlustrarent, postquam infida constare fide singula cognoverunt, superatis custodibus ad interiora pervasere; ubique projecti dormitantesque passim milites, negligentia somnique profundioris speciem dabant, sed animo mentequē pervigiles, ac connictantibus oculis excubantes, ad omen levis auræ motum surrigebantur, armaque contexto ferro subobscura promptius omnes ad manum habuere. *Galli* cum hostilitium sese castrorum potituros existimarent, omnemque militiam *Hispanicam*que prædam arbitrio suo dispartiendam opinarentur, clamore, impetu, ferro, turmatim invadunt, catervatimque diffusi per hostium & tabernacula prosparguntur. E diverso, *Hispani* qui concinnatas ad insidias omnia disposuerant, de improvviso prodeuntibus armatis, ac velut acie quadrata conflicturis agminibus, ictum subito terrore militem aggrediuntur, consternatumque distringunt, egelidos omnes metu subitaque formidine dilanguentes capiunt, trucidant, perdunt: ad igniferum sublatis omnibus ne quidem nuncius qui tristem casum gravemque fortunam referret, superfuit: adeo plenis obsequiis lenocinante fato, fors *Hispano* melior adblandita fuerat. Sed non ideo tamen ignavius aut negligentius victores in castris agere, non insolescere, non gloriari, sed sollicitius cavere, singula diligentius præmetiri, cunctaque longius & acutius disquirere: ne sibi quod aliis imposuerant pari clade parique jactura reponeretur. Tum *Galli* præcis victoriarum insignibus suarum superbientes, sed & recenti suorum cæde sociorum exacerbati, collatis signis conflicturi castra movent, amneque trajecto, cum hostem omnino petitori, agmine certo progredierentur, adversis signis appropinquabant. Tunc itaque *Veneticarum*, *Hispanicarum*, Pontificiarumque legionum egregii summique ductores, quanquam & militari robore, omni que tormentali instrumento, ac uberiore com meatu, pœne legionibus hosticis compares essent, tum vero industria judicioque longe præstantiores, non nihil tamen adversi prætimecebant. Proinde funem reducere, seque paulatim in tutiora receptare, statuerunt. Etenim futuris omnibus prospicientes addubitare subvererique non injuria cogeantur, ne hinc *Ferrariensis* illinc *Bononiensis*bus, tum ex adverso confluentibus *Gallis* obsepti cinctique undique vel improvisa rerum inopia, vel imminente mortis discrimine laborarent. Quocirca refixis signis in *Cornelianum Forum* commigrare, mox alio provocante fato, cum vix intermissa viæ continentis profectione, desequentibus *Gallis*, urgerentur, haud procul *Ravenna*, cum opportuniora locorum & legionibus commodiora suis præoptassent, castra locaverunt. Eam urbem delecto peditatu, ac ferentario cathaphractarioque munitam equitatu, sed & ductoribus eximiis, reique militaris scientia peritissimis, qui suo pro studio diligentiaque Rempubl. tuerentur, firmaverant *Hispanorum* Principes, & exercitus Pontificalis arbitri. *Galli* vero, cum auxiliaribus copiis, suoque cum omni bellico apparatu instructi præcinctique convenissent, manumque cum hoste subito conferere, suoque de more confestim ancipitem fortunam experiri niterentur, ut ex castris hostem elicerent, quoniam eo locorum aggredi durum erat, expeditas alas levesque manipulos *Ravennam* mittunt, qui obe-

quintent, circumagant, velitentur, ut his hostes escariis insidiarum illecti promotique, vallo proutinus erumpant, moxque suggesti *Lilini* milites a latere, a tergo, a fronte medios interciperent: sed eorum consilia fefellit hostilis prudentia, omni quippe bellico usu frequenter exercitus hostis, omnique militari disciplina praeclitus, nihil omnino praetentandum, existimabat. Cumque suo praemunitam urbem praesidio non ignoraret, seque castris sui divelli non oportere, firmis omnibus tutisque rebus suis opinaretur, armis obtemperavit. Tunc *Galli* cum elusa consilia sua cognoscerent, nec ex insidiis cum hoste decertandum, sed aut aegre dique sustentandum, aut manu iniquiore loco conferendam esse viderent, hostem aggredi, & ex aequo vel iniquo pugnare constituunt. Hos praeter ingentem temeritatem, naturaeque castrensis rei citius absolvendae desiderium, cum laboris improbitate victi, castrisque duritia soluti penitus intabescant, urgebat *Britannicus* apparatus, & in *Hispania* ad *Perpignanum* ingens expeditio. Quarum *Aureliensis* districtus rerum curis, in *Italia* vel pace, vel repentina hominum internicione, res bellicas componere summo studio properabat. Contra vero Pontifex & *Venetis*, *Hispanique* ductores *Gallicanorum* non expertes consiliorum, modis omnibus sustentare, cavillari, prorogareque nitebantur: neve castris egredierentur armis hostilibus provocati, signisque collatis manum conferent, omni solertia & cautione procurabant. Quae cum *Galli* graviter & moleste ferrent, toto *Ravennam* exercitu circumfidunt, in eamque totis viribus feruntur. Extremo constitutam in discrimine, summoque laborantem urbem excidio sublevare defendereque Pontificales ac *Venetae* legiones, & his adiuncti milites *Hispani* coguntur. Itaque castra repente movent, Galloque propinquant, rati castris urbisque legionibus conduplicatis illum facile posse propelli. Ergo cum ad mille passuum spatia, hinc propriis praesidialibusque copiis omnibus *Galli* constitissent, illinc vero castris omnifariam aggere vallatis *Hispani* signa sua defixissent, pridie quam concurreretur, velut hostem aut urbem impeturi, transfacturi ferro, extrema sua cuncta disponere, animarumque suarum & corporum, quibus ultimus esset ille dies, curam obire, & quoniam mystica Christiano ritu dies instabat, sanctaeque paschalibus solemnibus ceremoniis invertebantur, religioni cultuique Deorum gens deditissima piis moribus & institutis sacra facere, confessione purgari, poenitentia dolore: tum macata edulii coelestis hostia, sanctoque libamine lustrari: ad haec suprema sua passim obsignare, testari, legare: mox equorum, armorum, telorumque suorum quae propediem ad manum futura forent, spectaculis oblectari: clavum stilumque tractare: aciem explorare futura neci praeludere. Imperator interea *Gallorum* exercitus *Nemoriensis* Princeps, cum suffervente juvenili calore, tum praesultante propinquantis victoriae laetitia, morae longioris impatiens, singulos quosque proceres, tribunos, centurionesque suos accersere, appellare, hortari, ut hoc ultimo praeliorum conflictu, supremamque laborum omnium linca, sese tales exhiberent, quales viros semper omni saevientis belli discrimine praestiterant. Militares dehinc animos praeritarum memoria victoriarum accendere, exactique nuper praelii tanta cum gloria recordatione, singulos vehementius inflammare, prudenter suadere, multa largius polliceri. Denique cunctos admonere, hunc eum esse diem qui *Gallica* celebratus illustratusque victoria, *Ludovicum Aureliensem* terrarum orbis dominum, diversarumque gentium ac potentissimorum populorum brevi principem, ipsorum opera declararet. Qui *Hispanias* subigeret, *Britannias* percelleret, *Germanias* excinderet, qui *Romam*, *Campaniam*, *Appuliam*, *Calabriam*, qui totam denique suis pedibus proterendam ab imo ad summum prosterneret *Italiam*: consisterent firmiter, viriliter agerent, acriter depugnarent: expositam, obviamque ad ipsos planiore clivo properare victoriam, quam nisi ipso praecurrente & antesignano laetanter exciperent, magna reos infamiae magnique criminis fontes esse futuros. Haec & huiusmodi dum insomnes & anxii milites ducesque tota nocte peragunt, futuraeque morti aut victoriae expeditus accinguntur, funestam lugubremque praevius lucifer auroram agebat, quae pallentem refugumque solem, suae curram quae orbita retorquentem, ne tantae hominum internecioni futurae, luctificum exequialeque lumen praerberet, impulit. Mihi quidem haec fideli memoria repetenti, admiratione digna videntur: nullae solem nubes obduxerant, tranquilloque polus aethere, ac perspicua claraque tempesta fulgebat: & tamen nescio qua caligine subobscurus & hebes retusi luminis splendor illanguescebat: & scio multos stupore defixos, vitiumque lucis suspicientes, id adnotasse. Qui quanquam ignari rerum & quid eo temporis ageretur

A nescirent, funesta tamen & calamitosa eo solis defectu portendi non immerito praedicabant. Sed & *Ravennatibus* paucos ante menses quam *Hispanus Gallus* que tanta caede, tantaque effusa strage concurrerent, monstrum horrendum, informe, ingens, enatum, formidinem ac terrorem omnibus incusserat. Monstri hujus effigies, publicis olim typis impressa, triviis ac quadri-
B viis omnique foro promercalis, circumferebatur, modicoque aere vulgo divendita, ad manus poene omnium nostrasque pervenit. Hominis speciem, tota corporis dispositio compageque membrorum, sed ad visentium horrorem informium, praeferebat, caput humana quidem effigie, sed assurgentibus geminis cornibus ac levigatis perhorridum, brachia more finiarum, manusque, sed in teretes digitos praecutitosque ungues asperatae, latum media pectoris crate lumen, *Argolici* clypei aut phaebeae lampadis instar, illucere videbatur, naturae secreta sed incerti sexus squammæ multiplices advellabant, ab ipsa alvo pubeque ad genu, velut hamis confectum pluribus corium propendebat: hirsuti poplites, hirsuta crura, hirsutique tali: pedes geminos, non ad hominis sed anseris modum, tribus interstincta cartilago nervis distendebat. Totum vero corpus obscurissimae caliginis, intritque carbonis instar color teterrimus offuscabat. *Brixianam* cladem, sicuti quidam meminerunt, immensus caeli confligentis fragor auditus, quo poene ruentem machinam discindere poli videbantur, praemonstravit. *Bergomensi Cremonensi*que territorio magni caelo lapides lapsi, complutique plures aspera duraque omnia protendebant. *Patavii* quoque, priusquam tanta belli moles incumberet, me etiam inibi degente, soles gemini vulgo conspecti sunt. Nec leviora quam toleraverint passuros cives praemonebant. Sed praesenti nullum hoc monstro terribilius stygiis sese extulit undis; nec graviora quidem vel ad eos usque dies admirabiliora portenta, tam manifesto conturbata naturae argumento, mortalibus immingere maturas iras Deorum ostenderunt, ut non immerito una futuri clades excidii, unaque proximae calamitatis ruina ceteris omnibus major & informior praesignaretur. Ergo cum moesta lugubrique sublucente aurora infandum exterritus sol diem ostenderet, appetentemque *Gallum Hispanus* & ex aequo signa conferentem intueretur, ut cominus ferro decerneret, extremique fati duces aleam praetarent, cum ipse praerogativa locorum ac militum praecelleret, prodeundum ratus, praesidium ex urbe citat, exercitum castris educit, instructam paratamque aciem e regione locat. Ephemeridarii, quique pugnam hanc humiliore stilo prosecuti sunt, annalibus suis meminere, *Petrum Navarrum* omni re bellica celebratissimum, ac tunc militiae pedestris magistrum, mira arte, miroque ingenio currus compegnisse, tanta praeceleris mobilitate, tantoque in hostes impetu violentos, ut quoscunque militum globos, suisque phalanges telis arctissime restrictas ac constipatas irrumperent atque disjicerent. His insidentes septeni octonique milites, sagittarii, fusores, tormentarii, missilibus telis omnibus accincti, tanta volucrum pernicitate rotarum invehantur, ut vix aegreque durissimi fortissimique milites proruentium vim, toto suo robore coacto repellerent, aut sustinerent. Igitur cum in aciem *Galli* descenderent, suis ordinibus suoque agminatim milite disposito, confestim ex adverso velut laxata carceribus furentes bigae quadrigaeque bellatoribus onusta in obvios emittuntur, tanto terrore, spectaculoque novae rei, ut poene omnes primi agminis ordines conturbati, retusaeque frontispicio cornua, tumultuantibus fereque confusis omnibus profcinderentur atque deficerent. Certamen impar erat longeque dissimilis telorum agitatio. Cum *Hispanus* velut ex alto, superioreque loco saxa, pilas, ferrum missitaret atque dejiceret: contra *Gallus* ex imo nitetur atque subigeret. Ergo cum non levi *Gallorum* detrimento, magnaue suarum clade copiarum agitati vagique currus longis spatiis pererrassent, ac feriendo percellendoque conternatas fere primas acies retrivissent, succedere & corporum agilitate strenui, & ingenii viribus aciores *Hispani*, tanta animorum alacritate, victoriaeque sibi jam acclinantis fiducia, ut quasi eam manu tenerent ferocissime congredierentur, eaque furentes atrocitate pugnant, ut quanquam collecti restituti que suis ducibus ac redintegratis viribus *Galli* fixo pede constitissent, acerrimeque depraeliantur, tirubante tamen belli fortuna saepius cederent, & urgente ferro reculerentur. Assiduos conjectorum telorum nimbos, vehementemque pertinaciter incumbentis *Hispani* bellatoris pressuram, jam paulo ante attoniti pulvisque loco *Lilini* milites sustinere non poterant. Et quanquam fuga parcerent, pristinaeque victoriae memoria non averterentur, inclinabant tamen, detrusique sensim, quanquam corporibus ac telis omnibus praedirectis obsisterent, in posteriora rejectabantur. Utrunque pugna crudelis erat,

rat, multaque passim cadentium occisione præliatorum asperissima. Attentissimus & solers ubique rerum *Hispanus*, numero militum potens, valentissimorumque ductorum prudentia suorum, ad inferendos ictus ac propellendos, omniaque declinanda pericula semper habilior erat & promptior. *Gallus* pugnae studio fervebat, totoque mentis ardore concitus in hostem vasta corporis mole ferebatur, *Andabatarum* more percutiens, ictuque plagarum indiscriminato diverberans, cuius tamen si non irrita tela forent, nec in cassum ejacularetur, nativa tamen agilitas *Hispano* confisa, tum versuti calliditate ductoris artes omni Martis casu paratae, periclitantem *Hispanum* juvabant. Igitur aspirantis primo fortunæ præsidio, tum & propriis ductorum militumque suffragiis, cum lata virtus *Hispanica Gallum* loco propulerat, ipsumque fere prævium agmen, omnesque rotarios longe propullos usque profuderat; sed integri triarii, mediæque acies atque postremæ salvæ fuerant & incolumes, nulla confusione metuque turbata, sed integris viribus, & tranquillis animis, signum ducis imperiumque, surrectis auribus expectabant. Igitur experitus imperator dux *Nemoriensis*, suis accitis proceribus, quorum ingenio virtutisque maximis semper in rebus fidebat, pauca pro tempore locoque præfatus, cum ille dies esset & hora quæ cœlo *Gallicam* virtutem attolleret, quaque suis gradibus in altum hostilis provecta felicitas prosterneretur, & ad *Gallorum* dejecta pedes concitæ jaceret, si ducem ipsum hoc temporis articulo præclara molientem subsequerentur, adacto violenter equo, suarumque distentis omnibus virium nervis, hostium in densissimas acies, confertissimisque telis conglobatas, incurrit. Hunc *Pellicianus*, hunc *Odetus*, hunc cæteri heroes, & duces eximii delectissimo cum peditatu, equitatuque strenuissimo profecuti sunt, tanto impetu tantoque conflammati cordis incendio, ut cum equorum vasta mole concurrentium, tum armati corporis obice præduro collisi refractique hostes terrerentur & cederent. Et jam regredati suæque vestigia remetientes victoribus *Gallis* locum dabant. Cum hoc factor accensis graviter *Petrus Navarrus*, Marchioque *Piscariensis*, ac nonnulli ductorum *Hispanorum* primarii rebullientibus iris, animisque præserventibus incensi, congestos armatorum valentissimorum cuneos, seque in primis & virium & mentis asperitate terribiles incurstantibus objecere, laborantemque aciem poeneque disjectam instauratis animis, suorumque præsentia sociorum reparatis restituerunt. Inhorrescebant utrinque acies atrocissimo bello commissæ, ipsæque confertæ pugnantium manus immanitate barbarica moreque ferino digladiabantur. Stabat truculentus truculentum contra militem miles, contraque aciem insensam insensior acies resurgebat, quas promiscua cæde fœdatas, multoque cruore dimadentes, non tam adipiscendæ victoriæ cupido, quam effusi sanguinis ulciscendi, infixusque vindictæ dolor inurebat. Ergo veluti leones aprique lustris suis venatorum retibus atque venabilis undique circumsepti, cum nullos ad incolumitatem exitus circumspiciant, omnesque præstructas salutis vias perimentur, ne pecora velut inertia damæque degeneres, icta solo procumbant, rugitu terrifico concitati, totaque perfusa rabie spumantes, qua maxime ferri districta riget acies, & acuminatis formidolosa cuspidibus exstat, perferuntur & ruunt, sævisque dentibus ac jubis, totaque corporis sui mole inter tela diversati, hæc & illa venatorum manu discutiant, reculant, confringunt. Sic dissipantes magnæque belli debacchantis infania milites alieni, gregarius egregius, tiro veteranus, omnesque ordinum ductores & primipili, præcipientes pugnam ferrumque trahuntur. Nulla consequenda melioris vitæ dulcedo pugnantem adigit: nullus inferni dei metus periclitantem advocat, non laudis amor, non ipsa convectandæ prædæ libido decertantem accendit; sed solo gliscientis amentia spiritui, solaque infræna pugnandi cupiditate cæci omnes aguntur. Dumque invicem fortissimi concurrunt, tantoque invicem fragore commiscuntur, neque pugna consistere, neque reciprocum villatam pugnando sufferre valent, ac velut rapido proflantes aquilone venti, austrique violenter ex adverso consurgentes, cum in floccos ac filiquas incumbunt, repentino aeris impulsu spiritui, sublata cœlo omnia volvunt atque revolvunt; intorquent atque retorquent: sic depræliantem vertigines assidua crebrique rotatus vexant atque divexant, insectant atque reflectunt, dum hac & illac impinguntur: dum hinc & inde perurguntur: dum his & illis adversa diversa regione ruentibus diverberantur ac verberant, rursusque feriuntur atque diverberantur: utrinque miserabilis & luctuosa cædes, utrinque lamentabili deplangentium cruciatu strages infandæ, vulnerati vulneratis adjacebant, semivivique semivivis adsternebantur, cadavera cadaveribus intermixta terribiliter insquallescebant. Cumque magnis acervis equi viros pressarent, majoribus tamen cumulis

A equi viris compressabantur. Horis pœne quinque, tamen atroci confligentium lucta, tamque impio dimicantium certamine, debacchata belli vis fuerat, cum levibus incerta vestigiis dubioque gradu titubans ab *Hispano* victoria stare videbatur: & quamquam in tanta præliatorum confusione, disceptisque pœne cunctis agminibus ægre victus a victore discerneretur, ea tamen sive falsio sive ex re castris invaluerat opinio, ut in acie superior *Hispanus* fuisse putaretur. Cum *Ferraria* Princeps *Alphonsus*, qui semper a *Gallo* steterat, cum de re sua conclamatum esse videret, si *Lilina* phalanges consternatæ penitus disiectæque fuissent, magnum ingentemque tormentorum ordinem, non ex adverso sed e latere obliquoque reflexum collocatum, suum in rigorem numerumque disposuit, inflatoque confestim igne prægravatos canales exonerat, ea lapidarie grandinis tempestas fumo flammaque torrente ruens, cum non a fronte sed a latere pulsaret, *Gallus Hispanosque* prælio confertos indiscriminatis ictibus percellerat. Verum *Hispanus* inopinato Martis fragore perterritus, cum jam adfectus multoque bello deficientes copias, novi ferroque duriores ictus flagellarent, referre pedem coactus est. In eum casum, præter vulgarem militum jacturam, *Hispanum* impulerant intercepti ferro vel captivitate summi ipsius ductores, magnoque ingenio præstantes viri, quos præter cæteros egregie dimicantes magna vi strenuos bellicosus turbo, diesque fatalis abstulerat. Tunc itaque quamquam fessis tristisque laceris legionibus suis *Galli*, spe tamen ex integro fuscitata victoriæ, redivi subitocoeunt, & in ordinem componuntur, desecutique pertinaciter hostem jam aversum & trepidantem fugant. Omnibus igitur *Hispanum* prægravantibus fatis, magnoque fasce *Gallicum* allevantibus, longe pulsi profligatique dispalantes aguntur. Insistens a tergo victor, pertinacior cursu profugum hostem ad *Ravennæ* moenia compulit, unoque omnes concursu in attonitam miseramque urbem permixtis agminibus provolvuntur. Non satis fuit confratos late cadaveribus agros, sanguineis ubique restagnantibus rivis profluxisse: volatilia cœli miserando hominum carnificio pavisse: terræque feras latrantem stomacho lustris suis exactas, pinguiore demortuorum edulio confaginasse: in cives etiam murorum septis inclusos, in omnem ordinem, sexum, ætatem, indiscriminatis plagarum & tormentorum ictibus immaniter & peracerbe sævitum est: jacturam militum, clademque depræliantium immensam, ipsiata ferat æquo animo natura. Non illachryment agnati, atratique parentes non dolcant, quando nullo coacti magistratus imperio, nullaue militaris disciplina censura compulsi, sed prædæ potius convectandæ desiderio, suæque jactantia ac temeritate promoti viles animas profundunt, stultaque laudum ambitione, non ulla præclari facinoris perpetrandi gloria sese ferro devolvunt, & addicunt. At quieti, mites tranquillique cives, qui sua militibus arma reliquere, suæque Principibus gubernacula non extorserunt, quo insontes jure plectuntur, qua sententia alieni reatus poenas luunt: *Ravennæ* quælo quid peccaverunt, ut tanto lachrymarum lavacro diffunderent? Quid pueri, quid infantes, quid valitudinarii, egelidique senes deliquerunt, ut unapercussi omnes fortunæ procella ferirentur? non hæc quidem *Brixiana* clade qua millia hominum quindecim cæsa feruntur, levior fuit. Nam præter occisorum turbam militum innumerabilem, qua trecentis & amplius ab hinc annis nulla detestabilior nec ærumnosior cædes traditur, ipsa plane civitas omnibus terroribus calamitatis exagitata quassataque congemit: atque eo perniciosius & exitiusius præfocata, quod securi hostium cives, nec ullam populationem præveriti, cum ab urbe procul dimicaretur, oppressi sunt, inopinataque fati prolabantis molitione retri. Ad hæc extincti ductores exercitus, aut certe adverso Marte captivi, rabidas hosticæ feritatis spumas latissime diffuentes laxaverant. *Gallorum* imperator ferocissime pugnans confossus est, elatusque civium calamitatem miserrimum conduplicavit. Cum *Odetus*, quique cum eo superstitum fuerant, gravissime consauciati suis potius curandis vulneribus, quam Reipub. salutique *Ravennatum* intenderent. Sed & qui in *Hispanico* exercitu vicariam regis potestatem agebat, ubique sævi Martis pertonante flagello, cum desperata rei præsidio esse non posset, profugit. Multi præterea militum ductores præstantissimi vel absumpti ferro, vel gravioribus vinculis præpediti, sicuti *Columella*, *Navarri*, *Piscarienses*, *Leræ*, cæterique pœne omnes ingenio usque rerum præclari, dum custodiis coercentur, suarum colligere fragmenta copiarum, suasque reliquias ad signa revocare non valuerunt. Ergo prærabidæ veluti canes, infernisque sedibus erumpentes diræ, discordiosi prædones, semivivis enectis profugisque relictis hostibus, sese turbam in despicabilem, exarmatamque multitudinem perniciosissimis

mis gradibus proripuerē, per inconditas urbis ruinasque jacentes murorum, patentiaque per omnia catervatim immixti, stricto ferro strictisque mucronibus per trivia, per vicos, compitaque per omnia late sparguntur. Hærebant incerti, elingues, defixique cives, improvisique tumultus militiæque prorupentis ignari, sua limina domosque tenebant. Ipsa urbis facies omni cultu suo deformata, cunctisque pallore novo cultuque squalentibus miserabiliter inhorrebat. Attoniti Summates infimisque natalibus humiles, primo violentium raptorum ingressu præstupidi novam inusitatæ rei speciem, armaturæque pervadentis vim insolitam admirabantur: nec quod albæ rubentibus cruce permixtæ tot ingruentibus globis diversarum partium inveherent, comperit habebant. Sed dubios & ancipites, ad cujusque miseri penates, ilico provolutus turbo militaris oppressit, evaginataque sanguinea manu gladii, tum & tela vibrantibus lacertis micantia, imminere civibus extrema omnia præmonebant. At postquam privatas ædes & publicas imperante nullo, nulloque præjubente magistro, sed indociles incompotitque certatim omnes ut proxima quemque diripienda trahebant, invasere, non jam amplius conjecturis argumentoque, sed excidium re ipsa manifestarium deprehenderunt. Tunc itaque singulus & lachrymæ, gemitusque clamitantium & ejulantium omnium, elisas auras reperculere. Prostratæ solo matres pavidæque virgines, ipsisque permixti matrum nutricumque gremiis infantes, stillantibus madida per ora guttis veniam orabant. Passi crines, scissæ tunicae, duplicesque cælo manus elatæ, foetas ab impetu tigrides, Pœnosque leones reprimere potuissent, mitigassentque truculentas & implacabiles inedia feras, tot planctus precesque profusis ac torrentibus lachrymis præcipitæ; sed ipsa barbari sæviores sævitia, non ullo fletu precibusque moti, rupto statim aditu, per atria, per cellas, perque cubiculorum conclaviumque secreta feruntur, scrinia, cophinos, arcasque confringunt, gemmas, monilia, margaritas exportant, aurum, argentum pretiosaque omnia congerunt, vestem, mundum, supellectilem, vel si quid exornatum auro cultius enituisset, avectant. Quod si dignitas, hominisque species, aut domicilii majoris amplitudo, ditiora & opulentiora quam offendissent, promississet, aut priori direpta prædona domus sedem omni ablato pretiosiore instrumento vacuum reliquisset, extemplo liberis conjugibus ac servis violentas manus injiciebant, ipsique sævissime plagas ictusque per omnes divexatis intortisque recondita omnia disquirebant. Africti tormentorum impietate parentes quibus immaniter dissecti filii lamentabantur, tum & ipsi diro carnifice sævisque fidiculis crudeliter affecti, si qua latebris secretioribus commendassent, eruta protinus præsentabant, & majora sæpe quam res familiaris & angustæ facultates præstare possent, offerre cogebantur. Aspera quidem erat omnium captivorum & peracerba conditio, cum diros per cruciatus ignitasque sartagine ac laminas obusti depromere cogebantur ea quæ promi fuerat impossibile. Itaque nonnulli sese puteis cisternisque recipere, plures sentinaria foetentesque cloacas implorare, præsepulsi scrobibus alii cuniculisque delitescere: præcipites nonnulli saltu furentis impetum barbari declinare: multi fame, dum latebris obscurioribus convelantur, protractaque rapinæ licentia, dum nullo naturam obsequio juvant, extabuerunt: alii tormentis, alii ferro, alii alio casu præfocati consumptique miserabiliter interierunt: nullos religionis propugnaculum, nullos delubra statuarumque Deorum, nullos sacra divinaque, eo tempestatis infandæ diluvio protexerunt: primos ingraffantium assultus Basilicæ phanaque Deorum exceperunt, direptaque passim omnibus prophanatis altaria: tum & ipsi tru-

A culenter arrepti sacerdotes, excussique funibus, ac crudelem admodum appensi cœnobiorum latibulas arcanaque suorum referavere: mox consecratæ virginitatis pudicitiaque suæ diligens omnis & pervigil custos exaceratus profcissusque est. Tanta impuritatis colluvie, tantoque reciprocae fœditatis commercio, ut cum ipsarum quæ passæ sunt personarum, tum quorum officii devotus uterque sexus fuit reverentia, magis hæc expunxisse stilo quam exarasse sanctius putem. Lamentabilia, detestabilia, miserabiliaque omnia tot sacrilegiis, cædibus, rapinis propolluta, omniaque nefario scelere conspurcata, unam insignem toto terrarum orbe calamitatem, unamque sæcula per omnia memorabilem ruinam fecerunt, quæ paschalem sacro sanctum diem, millesimi quingentesimi undecimique anni, tot cœli terræque prodigiis damnatum, totque cumulatis hominum cædibus ac miseriis notabilem, infamibusque portentis inauspicatissimum, futuro omni ævo perpetuæque hominum memoriæ consecraverunt. Hæc igitur tam varia facinorum specie, multiplicique flagitiorum omnium farragine congesta, ac in ipsas Deorum aras ministrosque templorum immaniter admissa, cœlestes (arbitror) iras excivere, avertereque Dei Optimi Maximi benignitatem, qua cum *Gallo* distentis prius velis aspiraret, subito conversis disjecit & obruit. Divini sane mira vis numinis, cœlestisque potentia virtus incognita. *Gallicana* fastigia, *Lilina*que magnificentia fatus, usque adeo processerant, eumque conscenderant & rerum apicem & admirationis locum, ut *Italia* pœne omnis concussa consternataque, famæ celebrioris, & illustrium gestarum rerum magnitudine contremisceret, omnesque fere *Europa* nationes & populi ad quos *Ludovicus Gallorum* rex potentissimus facinorum claritate competratorum penetrabat ejus signa vexillaque summissi revererentur. Nihil majus nec excelsius, nihil ea tempestate sublimius in terris aut dici poterat vel excogitari, parta maxime apud *Brixiam Ravennam*que tanto sanguine, tantaque de plangentium omnium strage, victoria. Quæ eo felicitatis successu, eaque hominum internicione *Romam* perlata *Julium* pontificem maximum, purpuratosque *Romani* senatus proceres usque adeo distinxit & perculit, ut oborta justis metus formidine trepidantes omnes, de fuga cogitare venteretque solum omnino cogerentur, & ipsi summi consiliorum antistites, prudentiaque magistris principes *Veneti*, quorum explorata notæque vires erant imperii subhærere, molirique alia, aliaque versare, tam sævo importunoque communis jacturæ naufragio, compellerentur. *Mediolani* tranquilla securaque omnia, nihil ab hoste patriis plebeisque timentibus, erant. Qui *Gallicanum* imperium *Transalpinæ*que potentia majestatem averfi & rebelles oderant, quique coito cum Pontifice *Veneto*que ac regibus fœdere, meliora deinceps & prosperiora conjiciebant, audita clade desperaverunt, omniaque pro *Gallo* conjurasse fata, quanquam indignissime molestissimeque ferrent, vociferabantur. Sed tunc demum divini numinis exercentur ira cum placatas illas delenitasque ac maxime summitescentes putamus: cum nobis plenius indulgent, laxatisque velis propensius obsequuntur, tunc majoris concitati furoris flagella nobis attentissime præcavenda sunt, latioresque vulnerum plagæ validioribus telis ac viribus incussæ, proculdubio prudentibus sunt viris expectandæ. Quod ut re ipsi *Ludovicus Aureliensis Francorum* rex impotens, ac felix infelixque præsenferit, ipsique communi malo publicisque cladibus experti *Galli* fuerint, exinde quam verissime potero brevibus absolvam: si prius tamen exacti voluminis lectione multa fatigatum lectorem, impolitique stili mei tædio captum, intermisso spatio laxiore, moraue benignius irrogata refecero.

LIBRI QUARTI FINIS.

BERNARDINI ARLUNI,

Jureconsulti, Patricii Mediolanensis,

DE

BELLO VENETO

LIBER QUINTUS.



Lariorem cæteris præsignemque victoriam, quam victor Gallus execrabili populatu lugubrem promiscuique sanguinis confusione cruentam foedaverat, fuga, cædes & terror exceperunt. Conflictati quippe vulneribus multis Ductores, antesignanique pæne omnes suis curandis corporibus occupati, sublato præsertim exercitus Imperatore, sic mortalia convolventibus Parcis, illustrem victoriam, qua pæne subactus orbis *Gallicana* manu putabatur, fraudaverunt. Nec enim cuiquam in dubium venit, si *Nemoriensis* Ductor bello superfuisset, cum magni perficiendi facinoris alacritate, tum ipsius ingenii præferentis impatientia, raptis quam ocysime signis *Romam* profecturum fuisse: mox in *Campania*, dehinc cæteris in regionibus dextro Marte castra metaturum. Sed hanc rerum sciriem dispositam, expeditionemque propitiante fato perficiendam intercurrentis unius mors viri non illaudata discussit: interturbavitque *Normandini* Quæstoris importunior avaritia. Hic siquidem post adeptam tanto sanguine tantaque cæde victoriam, cum adurgendi successus forent, periculoque felicitatis gradu milites in ulteriora promovendi, omnem fere peditatum æris inopiam causatus expunxit: cuius facti reus, cum apud Regem postuletur, ægre purgatus evasit. Milites ergo qui *Lilinis* antea signis gloriose meruerant, improbiore quæstoris facto stomachati, ne stipendio vacarent, in *Julii* Pontificis, omnilenocinio militem illectantis, verba juraverunt: suaque ejus in militiam nomina dedere. Qui suis alienisque omnibus collectis ex tanta strage militibus, reparatisque tumultuario supplemento copiis, ut in tam præcipiti ac pæne desperata re fieri potuit, *Mattheo Sedunensi* Episcopo dat in mandatis, ut festinantissime trans *Alpes* emigrans, peditatum ære profusius erogato conscribat: *Helveticos*que numeros majore stipendio, ac largitionibus amplissimis evictos, ad religionem *Romanam*que rem defendendam cis *Alpes* traducat. Qui magnis continuo confectis itineribus, omni-que viarum anfractu superato, cum subitarios milites repentinoque procinctu semper in bellum pugnamque paratos expeditisset, in *Italiam* iter molitur: mox saltuum *Tridentinorum* angustos per tramites militem deducens, in *Veronensium* fines, ut explorato dehinc itinere contenderet ad Pontificem, ejusque fragmentis jungeretur, perrexit. Hæc dum in *Italia* tot castrensibus quassata ruinis agitantur, potentissimus Rex *Britannorum*, *Julio Veneto*que, sicuti supra memoravimus, impullore, *Gallo* bellum intulerat; magnisque quotidie Regem cladibus apud *Balionam*, collimantemque regiones adfligebat: adeo quidem ut

A instaurare exercitum, revocareque suas ex *Italia* legiones, ac ex peregrino ad domesticum bellum regredi cogeretur. *Pellicianum* itaque ductorem, qui tunc in demortui *Nemoriensis* locum tumultuario militum consensu suffectus erat, literis emonet, ut incolumi præservato exercitu, suaque pro virili sospitibus alaudis, *Galliam* modis omnibus repetat: quoniam domi peragenda res sit; vicinoque cum hoste dimicandum. Literæ dum ad Ducem perferuntur, sive casu, sive destinato interceptæ sunt: earumque contextus omnis ab hoste recognitus. Equitatus siquidem magister ferentarii, *Mercurius*, dum *Veneticos* quotidie fines magnis excursionibus peragrat, *Marcici*que imperii limites sua pro diligentia studioque tuetur, tabellarium cum literis incitatissimo cursu properantem cepit. Quem cum excussisset, apparuerunt e vestigio literæ: quibus ad Senatum *Venetum* transmissis, cum omnia palam facta forent, magno gaudio confestim omnes affecti sunt; deque recipienda *Italia*, barbarisque hostibus exigendis consilium iniere. Igitur *Julius* ante, sua de re defendenda sollicitus, quique prius rem *Romanam* stirpis everfam opinabatur, nunc ad inferendum bellum ulciscendasque injurias animatus, arma movere suamque fortunam remis velisque propellere cœpit: ac primo quidem *Matthæum Sedunensem*, virum solertissimum, *Helveticique* peditatus ductorem, de his omnibus, quæ nuper innotuerant, certum facit; suadetque ut armato milite *Veronam* impetat; simulque *Gallo* vim illaturum: quoniam sedato *Lilini* Martis æstu, refrigeratoque *Gallicana* felicitatis calore, nullo jam amplius metu prematur; armaque magis illaturum quam suscepturum, verso jam cardine rerum, existimet. Quibus ad numerum cognitis perpensisque omnibus, *Sedunensis*, qui super incolumi traducendo milite nuperangebatur, & ad declinandum hostem securos tramites quaritabat, nunc se totum in eum contulit: ad *Gal-*
D *lum*que nostris finibus extrudendum conversus est. Alacriter itaque promoti exercitu fortunam tentare, petereque hostem, velut collatis signis contesturus, audebat. *Galli*, quibus jam fortunæ præsidio destitutis in sinistram cuncta vertebant, quod illius indulgentia nimis intemperanter abusi fuissent, cum exili permodicoque peditatu suo, sese longe dispares *Helvetiis*, quorum a pedibus fortissimum robur erat, intuerentur, & quia propediem emigrandum esse cognoverant, nullo prælio nulloque congressu cessere: retrogressique sensim, cum *Veronam Brixiam*que pro tempore, legitimisque militum custodiis munivissent, non ante fuga destitire quam commissis tantum levibus præliis, sese citra *Mincium*, conceptaculo tutiore recipere. *Valegio* subsistentes, indeclinabili vestigio persequentibus *Venetis*, *Helvetiisque*

B. Arlunus.

N

fu-

fugam urgentibus, *Galli* defederant, *Brixianorum* finium oppido conterminali, libera omnia dispalantibus vagisque hostibus ultra fluvium relinquentes, cum excitis *Flaminia* pontificalibus copiis, omnique *Hispanico* exercitu contracto, tota in *Gallum* vis bellica confluit; maturamque ejus in perniciem congesta est: donec ad *Abduæ* fluminis ripam, cum jam perfugum & in ulteriora dilabentem *Gallum* adegissent, hostilium consiliorum exploratores, percunctabundique Pontificis & *Veneti* milites subhæsere. Qua rerum difficultate dum *Gallica* res laborat, eliminatæque fortunæ domicilio *Lilinae* phalanges excultæque pedibus atteruntur, *Jo. Jacobus Trivultius* barbaricam temeritatem insolentiamque perosus, cum & a *Gallis* illata patriæ suæ dispendia compendiaque reputaret, & ingravescente jam senio malæ pariter ætatis admoneretur, cuperetque naturali desiderio, cum excelsa dignitatum attigisset, compositis in patria rebus conquiescere, nobilitatem adversam, sibi que magna ex parte repugnantem, conciliare studebat; alteriusque factionis summates, quos præcipue læsos, exindeque rebelles præsenferat, & his & illis artibus demulcere nitabatur: ut contritis simultatum antiquarum seminibus, omnique revulso itirpitis iræ succrescentis odio, benignæ pacis tranquillitate, amicitiaque mollioris lenimento mitescerent. Itaque *Vicecomitum* familiæ ejusque Primati *Baptistæ* viro insigni, salutandi appellandique hominis occasione perfunctus, sese primum insinuat. Cumque magnis sese damnis affectum vir ille conquereretur, emendata jactura benevolentia locum fecit: dehinc *Jo. Franciscum Marlianum*, acutissimum Jureconsultum, totoque ex Senatu ingenii perspicacis, acrimonia præligendum, cumque eo *Galeacium*, *Vicecomitem* vulgo dictum, donis ac meritis ingentibus delenitos in foedus attraxit. Adscita mox *Ambrosii Maini* filia, quam *Camillo* filio suo desponsaverat, nuptialibus tædis amicitia vincula consancivit: quam & alterius adjunctione nodi constrictam protinus adcopulavit. *Lauram* quippe vultu moribusque speciosam, *Theodori Trivultii* filiam, *Antonio Mariæ Cribello* in matrimonium collocat: alteramque deinceps justis nuptiis procreatam, magna constituta dote, *Francisco* nepoti suo nuptui dedit. Atque ita omni ex parte interna externaque recens cognatione munitus, multaque subnixus remoti sanguinis propinquitate, senectuti suæ otium requiemque parabat: civicamque concordiam dissidentibus bello superiore animis discordem, publicis privatisque commodis emoliebatur. Igitur fato vertente, cum res *Gallica* summum in discrimen incidisset, abscedendumque *Mediolano*, transmigrandumque bello sæviente, *Gallorum Mediolanensium*que Viri Principes esse cognoscerent, diversæ factionis Optimates, & quos præcipue beneficiis promeruerat, convenit: qui rerum status domi forisque sit, edocet; quid in *Italia*, quid in *Britannia*, quid in ultimis *Hispaniæ Gallicæ*que finibus agatur, edisserit. Et quanquam *Ludovici Gallorum Regis* potentiam attolleret, *Transalpinae*que rei majestatem tanta bene gestarum claritate rerum conspicuam admiraretur, urbis tamen nostræ libertatem peregrinis vinculis absolutam præferebat: quam amplectendam, totisque viribus ac sinu toto confovendam hortabatur. Atque ut eam facilius assererent, vel ut oblatam potius retinerent, *Helvetios Reipublicæ Mediolanensis* in tutelam accituros pollicetur: daturumque, si placeret, operam, ut annuo ære, quod congrueret, erogato, paratum semper ad Reipublicæ vota peditatum exhiberent. Neque dubitare se, ajebat, quin illi jure foederis a-

A stricti nobis obtemperarent: cum præsertim defensionem eorum, taxato semper intercurrente stipendio, sese civitas nostra dedidisset: tum equitum ferentarium cathaphrattariumque ex urbe *Mediolano*, cæterisque propinquis urbibus & oppidis delecturum, ut expeditam promptamque, si civitas armis provocaretur, defensionem haberet; & si contumeliis afficeretur, justum posset hosti lacessita bellum inferre; se eum interea militiæ locum eamque in urbe prærogativam habiturum, quam ipsi suo arbitrio decernendam illi esse putavissent. Ac ne quid usurpaturum eum ex publico vereretur, dolerentque suos eum in privatos usus converfurum, quæ fisci fuissent, jam tum quæ tenebat oppida, ipsumque *Viglevanum Mediolanensi* resignabat imperio: modo frui tantum his per ipsos perque Rempublicam liceret, quæ aut ipse privato ære suo cõmpsitasset, aut quæ antiquitus patrimonii sui forent. Eaque præservaturum & exactissime custoditurum omnia persancte jurabat: modo exteri quoque cives pari jurego subjicerentur; quamque aliis legem fixissent, eam ipsi sibi non refrigerent. Qui concioni præsentis interfuerant, assensere, quique cunctationis ingenii maturitate cuncta ponderabant, non abhorruerunt: cum eximie laudis facinus attentaretur; idque nulla cum labe, notaque fugillatæ dignitatis nostræ, ad exitum perduciposse omnes existimarent. Cujus etenim culpæ rea civitas convinci poterat, si *Gallorum* abscedente exercitu, præsidio destituta succubuisset? rursus quam *Gallis* inferebat injuriam, si vexillis exempta barbaricis, externoque soluta iugo, suis legibus suoque jure viveret? sanxissetque pro commodo Reipublicæ salutare atque frugiferas cum hoste leges? Ergo cum hæc nonnullis inita Summatibus consilia placuissent, nulli prorsus de repellendis hostibus, deque præmunienda urbe tractatus agitati sunt: sed a barbaris ad barbaros transmigrandum fuit; depulsoque advena cum advena peregrinandum. *Galli* quippe cum adversantibus fati agerentur, incerti quo pergerent, ubi sisterent, quem sequerentur, præfixum animo non habebant; sed ab unius *Trivultii* voluntate nutuque pendere; ab eo consilium & opem, quoniam fortuna verterat, exquirere: qui quanquam incolumitati studeret eorum, ne quam Regis indignationem incurreret, improbiorebus tamen omnium dictis factisque jugiter exacerbatus, marcescentem stomachum illibata fide sua repurgare quærebat. Itaque fati adversantibus occurrere, reluctarique fortunæ sævienti cunctabatur; ventisque suis circumflecti, ac contorqueri vela sinebat. Proinde *Galli*, qui ex *Ravenna*, *Verona*, *Brixia*, cæterisque relictis urbibus & oppidis *Mediolanum* confugerant, trepidare, timereque plebem, nec minus ab internis quam externis hostibus formidare cœperunt: quoniam cum sese jam fortunæ præsidio destitutos viderent, insolentia temeritateque sua detestabiles & omnibus invisos esse sentiebant; præcipue qui acriore ingenio perspicaces altiora metiebantur; sicuti *Normandini* Quæstor *Ærarii*, qui cum privatis ædibus parum fideret, insanæque plebis impetum vereretur, a *Trivultio* comiter invitatus apud ipsum sededit. Quo cum postea diligenter summoque studio *Trivultius* egit, ut irrogata per ipsum Quæstorem populo venia Regis nomine deditio nobis indulgeretur: ne qua nos unquam defectionis macula labesque rebellionis inpergeret. Atque ita factum est, publicisque cautum documentis, ut abscedente Gallo, *Mediolanenses* illius imperio liberati, propinquis cum hostibus, ut vellent possentque, paciscerentur. Omnes interea milites, & qui eorum sectati partes erant, Nobiles

atque Patricii fugæ intenti viaticum parare; rei suæ familiari disponere; omnes in *Trivultii* basilicam confluere; motaque ductoris unius auspicio castra sequi. Hæc magno dum per urbem tumultu permiscerentur, omnesque periclitanti vitæ suæ consulunt, Primates communiumque rerum arbitri delectos ad *Trivultium* Oratores destinant, enixissime comprecantes, ut dimisso exercitu, copiisque procul amandatis, ipse domi cum civibus, cum propinquis, omnique suo cum affectu maneret; non expedire *Mediolanensi* Reipublicæ in tanto gentium motu, barbarorumque fragore, *Trivultium* abesse: cum uno ejus nutu sedari componique possent quam plurima, quæ, ipso absente, non nisi magno cum tumultu quietis locum invenirent. Quibus ille, quanquam intrinsecus lætaretur, quod perbenigna salutatione, mollique affatu, civilis discordia, quæ intestinis odiis exarserat, sedata foret & complacata, respondit, se gratias omnibus immortales agere, quod eam socii civisque sui rationem haberent, rantique facerent, ut ingenitæ suæ humanitatis abundantia, cui imperare poterant, rogare dignarentur: verum non nisi magna cum infamia magnoque Reipublicæ detrimento, eorum precibus obsecutum; succensurum sibi non injuria *Ludovicum Aureliensem*, si tam in evidenti manifestoque sui periclitantis exercitus discrimine domi resedisset; nec profugos & aberrantes *Gallos* gubernaculo regimineque suo in tuta reduxisset. Proinde modis omnibus emigrandum aiebat, ac primo quidem *Gallicas* phalanges, regio sibi nomine commendatas, tutis sedibus sua pro diligentia constitutum; mox cum ad Regem perrexisset, explicaturum omnia; seseque etiam, si alicujus culpæ aut delicti nomine *Gallis* accersentibus teneretur, expurgaturum: quoniam æquum non esset alieno admissio deplexum iri, seque negligentiae alterius expensum ferre, quod præsentia mutique sermonis collatione meliusque literis discuteretur. Quibus ex sententia, sicut sperabat, absolutis, impetraturum a Rege comæatum, protinusque cives ac patriam revisurum pollicebatur: ut in ea, quam semper amaverat, imisque defixam medullis habuerat, consensceret & immoreretur. His & hujusmodi, concionibus frequentatis, emergentibusque aliis atque aliis tam a plebe quam *Gallo* sermonibus, suspectatum est vehementer, & stulta vulgi quadam opinione concrebuit, cum hoste *Trivultium* convenisse. Ea plebem rerum ignaram, ac rudem crassamque barbariem argumenta fallebant: quod celebres assiduæque conciones secretaque colloquia *Trivultio* auctore frequentabantur: cumque cætera omnia in tanto tamque atroci bello languida frigidaque torperent, suisque tantum fatis emancipata relinquerentur, sola Procerum conciliabula fervebant, eaque sola magno Primatum studio cogebantur. Nec enim sibi tribules mediastinique cives persuadere poterant, virum sagacissimum, omnique bellica civicaque arte instructum, si de reprimendo hoste propellendoque cogitasset, tumultuario peditatu conscripto, aut aggeribus præcipiti festinatione reparatis, vel *Mincio*, vel *Abdua*, aut *Mediolani*, dubium & hæsitantem *Mattheum*, cum *Gallis* pæne cuncta, præter inanem peditatum, integra permanerent, non exclusurum, aut omnino non retardaturum fuisse: donec æstu Martis defervente, nova præsidia vel *Gallis*, vel *Liguribus*, aut *Helvetiis* advenissent. Sed ipsa re factoque leviores sunt hominum cogitatus; præconceptaque frequenter male respondent operi consilia nostra. Quod facile promptumque vulgus existimabat, id arduum atque difficile Præfecti rerum animo suo ducebant: cum Regis imperio præsertim evocati ad dome-

A stica bella properarent. Sed & cum hoste *Trivultium* convenisse super omnia perabsurdum est: cum aut literis, aut nuntiis, aut coram hac de re, foedereque percutiendo tractandum fuisset; quæ tametsi multis advelata tenebrarum umbraculis delituisse, illa tamen aliquando rerum omnium index tempestas revelasset, retexissetque vel his vel illis indiculis, quæ prudentes & cauti suo taciturnitatis obruta conditorio pro tempore sepe-
B livissent; quorum nihil unquam in lucem emer-
sit, nec ulla hujusce rei hanc in diem argumen-
ta, quanquam omnia solertissimis investigantibus inimicis, & secreta discutientibus, apparuerunt.
C Hostilis præterea ductor exercitus *Sedunensis* Præ-
sul, infensissimo *Trivultium* odio exitialeque livo-
re, persequabatur: ut circumspectissimum & præ-
diligentem virum in tanta re perficienda illius se-
se fidei commisisse, nequaquam credendum sit.
Ad hæc quis vel mediocri præditus ingenio pu-
tet, si quo vel levi crimine subnotari potuisset ad
Regem unquam profecturum fuisse: cum tamen
ille nihil intentius ageret, nec anhelantius exopta-
ret, quam coram Rege de Republica differere;
omnesque *Gallicanas* actiones, quarum omnino *Ludovicus* expers erat, ad numerum explicare: ut
non ipsius *Trivultii* culpa dolove, sed ipsorum
D protervia *Gallorum*, nimique sui fastus arrogan-
tia rem universam pessum esse cognosceret. Eo
insuper *Gallicani* tumoris insolentia proruperat,
ut omnem *Italicam* virtutem despectissimam ha-
beret; ipsumque beneficiorum magnitudine col-
latorum, recolendum senem & virtutis excellen-
tia suspiciendum omnes ut emeritum rudiarium-
que contemnerent atque despicerent; nihilque
minus efficere niterentur, quam quod ipse perfici-
endum esse suaderet. Quibus indignissime sto-
machatus vir singularis & eximia virtute præstans
cum nihil non iniquo Marte capeffiturum, se-
que pugnaturum averis equis animadverteret,
abstinuit. Etenim si reparato exercitu redinte-
gratissime supplemento copiis restitisset, cessissetque
E res in sinistram, ut incerti semper bellorum exi-
tus fluctuant, censuram subiturum certo sciebat.
Rursus si bene vertentibus fati, & obliquos cur-
sus ad orbitam reducentibus, prospera gestis for-
tuna rebus arrisisset, se eo facto despicabiliorem
futurum conjiciebat, quod non *Trivultiaco* inge-
nio suæque sollicitudinis opera, sed ipsorum im-
pendio ac labore *Gallorum* feliciter cuncta cessis-
sent; quæ non nisi permolestè gravatimque vir
insignis perlaturus erat: cum nihil homines quan-
quam lenes & suoapte ingenio mansueti difficilius
ferant, quam cum parta labore suo gloria frau-
dantur; & quod prudentia sua contexuerunt, id
F aliena usurpatum temeritate retexitur. His igitur
intactus stimulis ductor egregius, multisque
præterea cum privatis tum publicis laceffitus in-
juriis, ut sibi consuleret, ac ut patriæ laboranti
parceretur, fato cessit: & quæ sui muneris suæ-
que sollicitudinis esse videbantur, exsecutus est;
omnemque ex insidiis exercitum recepit. Hostis
interea *Mattheus*, qui versutissimi senis astutissi-
mique Ducis judicium expertus, insidias dolo-
que timebat, ne fugæ scilicet velamento specie-
que timoris imparatum *Sedunensem* opprimat, ad
ripam *Abduæ* cunctabundus subhæserat; acerrimeque cuncta speculabatur: quid hostis strueret,
quid in urbe, quid in castris ageretur; quæ *Gallorum*
consilia forent, explorabat. Postquam multis
compertum argumentis habuit, fugæ sese om-
nes mandare, nulla domi munimenta parari,
nullos aggeres surrigi, disjecta cuncta jacere,
subfutus illico consertisque pontibus flumen traji-
cit. His Junii dies erat undecimus, quo divi *Bar-
nabæ* solennia celebrantur: qui primus operari,

Christianoque ritu sacra facere *Mediolani* cives edocuit. Intolerabilis æstus ferventissimique calores terram ac cœlum adurebant. Postquam in citeriora fluminis iter hostem moliri nuntiatum est, incredibili vertigine civitas contorqueri, agitarique immenso motu cuncta cœperunt: atque eo quidem vehementius, quod postquam ad fluvium *Abduam* *Helvetium* subhæsisse fama vulgaverat, de pace tractari, fœderisque transactione rem confici posse quidam æstimaverunt; alii fraudem *Trivultii* senis artificio concinnari, confingique dolos exquisitiore magni libratoris & structoris architectura putabant; alii alia, suo quisque pro ingenio, suæque mentis captu, conjectabantur, cum pauci admodum fugam, præter hos, qui publicis intererant, quique secretiora scrutabantur, timerent. Ergo cum dormitabundos & oscitantes ac stulta quadam opinione sua deceptos, improvisi casus acerbitas oppressisset, trepidare, fatigari, cursitare; multi in arcem velut tutissimum conceptaculum dilabi; alii cœnobiis hospitalibusque cubiculis delitescere; plures abeuntem exercitum, profugasque *Gallorum* copias subsequi; *Trivultio* ductori *Gallorum* *Italarumque* magna pars adhærere, ac velut in eo tota belli pacisque moles incumberet, unoque in viro reposita vitæ salutisque spes foret, adesse, comitari, stipare. Vix portas egressi Magistratus Principesque *Gallorum* erant, eosque Nobilitas omnis subsecuta vix pomeriis excefferat, cum barbarico soluta metu Civitas, ac Judiciorum legumque secura prædari, invadere, populari, suo malo pro more cœpit; & qui *Gallicas* secuti partes erant, velut majestatis, inexpressibilisque delicti fontes arcebantur, commutareque latebras ac sese e medio proripere, sanguinemque suum pecunia redimere cogebantur. Iplorum vero *Gallorum*, qui emigrantis exercitus velut appendices & reliquæ fuerant, conditio durior asperiorque fortuna fuit: quippe qui & ab arce cibariorum inopia summovebantur, & in urbe nonnullis ingraftantibus diversari non poterant; adeo quidem ut eorum vices multi civium dolerent & misererentur, seque pios esse non posse admodum pœniteret. Nam & plures humanitatis jure, naturæque commercio devincti, cum obsecrantibus incolumitatis fidem astrinxissent, violentæ plebis & ingraftantium impetu proturbati, latebris extractos prodere cogebantur: miserando crudelique supplicio divexatos, laceratosque per omnes tormentorum gradus, scelerati carnifices absumebant. Quorum facinoribus exacerbati Magnates & hi maxime, qui tacitas cum *Trivultio* leges iniverant, immitem effera tumque truculentæ plebis furorem compescere, moderarique suo cuncta temperamento nitebantur; sed eorum pietati sanguinariæ plebis impietas occurabat omni magisterio crudelitatis armata; ipsorumque sub ora Patriciorum exangues, mortisque metu præmortuos, victimarum more mactabant: donec perbacchantium immanitate ferarum impulsu Summates, suppliciorum comminatione censuræque gravioris sævitia, insanam vulgi despumantis rabiem armatorum manu retulerunt; suæque pro virili, ne *Gallus* juxtaque civis afficerentur injuria, providere. Tum ut in arcem liberi aditus, liberi ex arce in urbem reditus paterent, ac ut omnis sub area promercalis alimonia, venalitæque merces exponerentur, ne *Galli* nos hostium loco vel haberent, aut a nobis haberentur, sollicitudinem ac curam impensio- rem adhibuerunt: donec introgressus hostis augustos penates sedisque regiæ domicilium occupavit. Tunc inversa jura, abrogatæ leges, distracta conventio: hostiumque loco publicati sunt, qui aut *Gallum* hospitio reciperent, aut

A delitescentem non proderent; rursus qui hostium spoliis repositæque suppellectilis conscii fuerant, gravissimis pœnis astricti cuncta deferre cogebantur. Arx insuper *Jovis* sepimento densiore valloque circumdata ac arctissimis militibus custodiis obsessa est. Quin & in mortuos sævitum, ipsæque defunctorum umbræ jugulatæ sunt: *Nemoriensis* quippe Ducis cadaver, qui proximo bello apud *Ravennam* decubuerat, Ducum nostrorum mausoleo, suis cum insignibus vexillisque repositum magnificentissime pendebat. Eo prorupit insolentis ira victoris, ut revulsa statim projectaque omnia divanescerent: administrationis civiæ curam, *Octavianus Sfortia* Laudensium sacrorum Præsul obibat, acri vir ingenio & eloquentia præditus; rem bellicam procurante *Matthæo Sedunensi*, totisque victoriam remis præcipitante. Hoc auctore suis promotos pagis *Helvetios* nostras in oras finesque transisse, hoc impulsore repentinis *Gallos* terroribus exagitatos emigravisse, hoc duce *Julium* castra movisse, & hoc auspice restitutam, sive vero sive falso rem *Romanam* accipimus. Asperrimo præferocique vir ingenio fuit: literatura mediocri, sed usu rerum omnium exercitissimus: vigiliarum, æstus, aloris, inedia, patientissimus: diligentia, calliditate, solertia nullo pretio prorsus æstimanda: unus denique ad excitanda conturbandaque omnia, eademque componenda digerendaque natus: *Trivultiacæ* familiæ, ipsiusque præsertim *Jo. Jacobi* hostis infensissimus: civitati nostræ parum amicus, quod illius prægravata rapinis & extorsionibus mortem nonnunquam interminata fuerit. Uno hoc igitur hostem persequente, ac *Ticinum* ultra, dehinc *Padum*, mox in ulteriora, tot ex illustribus victoriis propellente, *Mediolani* Gubernator *Octavianus Sfortia* desedit. Ac tunc primum numulariæ frequentatæ sunt indictiones: & quanquam populo submuffitante, dissimulantibusque pro tempore Patriciis, oneratæ sunt cervices nostræ sarcinis tributorum. Sed & his detestabilior execrabiliorque nova latrocinii rapinæque species, post sedatam plebem placatosque tumultus urbicos, incubuit: quam in urbe nonnulli, quoniam foris bello vacabant, deformiter exercuerunt. Collegerant sese quidam non infimis natalibus nec humili loco nati, facinoroso stipati satellitio, gladiatorisque præcincti cohortibus armatorum. Hi sub intempestæ noctis conticinio, silentibus cunctis, eorum, quos egregie numatos, quorumque culminibus succubitare noctuas exploratum habebant, sive ab ima plebe deplorati, sive splendidis natalibus orti, sive mediocrem nacti locum forent, armatis latronibus prædonibusque nefariis domos circumdabant. Tum per imbrices & impluvia demissi, cubiculis stratisque suis quiescentes somnoque sopitos opprimebant: ac ne crepidantibus illis noscitantur, adscititiam promissio- remque barbam, peregrinos cultus ac larvas sumebant. Atque ita personati ementitique famosos latrones, indiscriminatæ nobilitatis opulentiorisque plebeculæ penates ingrassabantur, taxatique auri argentique summam extorquebant. Quod si miser ille detectasset, excussis omnibus repente latibulis, scriniisque refractis numi promebantur. Verum si patrisfamilias cura diligentior speculatorem inquisitoremque sacrilegum frustrata foret, tunc sæva per tormenta districtos excruciatosque diris quæstionibus confiteri præsentareque pecuniam cogebant. Ac ne clamore stridoreque dentium excitati familiares & convicini repente concurrentes ad arma laborantibus præsidio forent, tormento palatum infulciebant; aut tanto hiatus faucibus & ora distrahebant, ut nulli meatus nullaque

ad

ad vocem organa paterent. Post magnam affectorum turbam, unum & alterum his miseriis pervexatum retulisse sufficiat. Nostra vir in urbe degebat olim, *Andreas* nomine, natione *Græcus*, disciplinis omnibus, præcipueque sacris Literis ac Medicinæ studio vacans, octuagenarius, emendatissimis inculpatisque moribus, ac pæne vitam dolialem agens. Hic ut aliquo senectuti suæ jam ingravescenti viariculo succurreret, aureos quatuor centum suos in proprios usus sepofuerat. Explorantibus & evestigantibus cuncta latrunculis delatus est: sed longe majori quam re, præconditarum opinione pecuniarum. Ergo præstituta noctis hora latrones cœnaculum ingressi decumbentis lecticulæ circumfunduntur; ac præstupentis miserique senis aurem divellunt cachinnantes archipyratæ: ut si memoria locus repositæ pecuniæ forsitan excidisset, auris intactæ vellicatu subito revocaretur. Pernegantem ac nescientem, quid dicerent, flagellis cædunt; mox asperiora veritatis eruendæ remedia cum admoverent, dira capularis senex conterritus facie tormentorum, omnique subsidio destitutus amicorum, de plano cuncta professus est. Debilis & elanguens cum plagarum dolore, tum incussi timoris sævitia, dies multos decubuit: ab amicis identidem salutatus, nonnullosque deinceps ære prorogato miseria sublevatus. Quem certe scio patienter indoluisse, modesteque tulisse casum, quanquam sane gravem & ærumnosum: cum honestiore quæsticulo, nec ullo reprobo more lucellum contraxisset, atque id solitum quotannis decimare, dispensareque mendicantibus & egenis, ex ipsa divinæ lectionis sententia, vir bonus aiebat. Nec ulla tamen animi sic afflictus incandescentis impatientia vir mitissimus rumpebatur: tametsi subtractum senectuti suæ refrigerium, malæque ætatis interceptum sibi levamen non inique doleret. Haud dissimili fato jactatus est, & confictus alter, *Franciscus Gallus*, nonnulla mihi familiaritate notissimus: qui cum margaritas, lapillos, gemmas, pretiosaque monilia divendicaret summis principibusque viris, execranda infamique pyratum censura notatus est. Ad hunc, adulta nocte, suis præcincti gladiis, suisque pugionibus ac stilis obarmati prædones, per tabulata secretaque domorum, perque posticas & pseudotyra perrexere; levique incessu, ac sublibratis gradibus in dormitoriam cellam ingressi, stragula cubileque nullo tumultu, nullaque elata voce circumfident. Expergefactus illico non strepitu aut illata vi, sed emicantis splendore luminis, invisam exitialemque turbam admiratur; seque nocturnas & sepulchrales umbras videre existimans, nescire se aiebat, vigilaret utique vel dormitaret, an insomniis ageretur: adeo res inopinata suspensum & exanimem oppresserat. Extemplo ficcariorum infelix turba risus immodestos laxatis rictibus excutit, unoque omnes ore confrementes, ut lapillos, gemmas, omniaque pretiosa depromat, imperant. Illatam sibi vim miser subito præsensit; & cum nulla sibi paterent effugia, nullique diverticulorum exitus auxilio forent, ne conceptum animo mœrorem intorti corporis dolore cumlaret, adversantibus fatis concessit; reconditaque secretioribus armariolis, deflagitantibus exhibet. Indiscriminatis rapinis, furtoque promiscuo debacchata diu pestis atrox infandaque totam urbem incesserat; infestabatque quotidie majori formidinis metusque flagello quam ipsa re: siquidem omnes boni mali que, divites egenique timebant, cum ramen suo tantum ære suspecti vexarentur. Ergo frequentes postulantium cœtus in publicum prodire; affiduæque permixtis querelis preces, coram Senatu

A coramque Proceribus jactatæ sunt. Sed irritæ supplicantium voces, cassaque detestantium scelus & exprobrantium desideria fuere: quoniam arctissimo sanguinis jure, propinquioreque vinculo cognationis, Reipublicæ moderatoribus obligabantur, qui facinorosorum detestabiles hominum cœtus, execrabilemque turbam flagitiis exercebant. Proinde cum in sanguinem sævire non liceret, sæculi nostri moribus improbis, ipsaque districti juris acies magno Nobilitatis umbone retunderetur, famosa conjurationis triarios, summosque scelerum Proceres obtestari, orareque, ut asylum clauderent; summi rerum moderatores non desinebant; sed gustatis semel intestinis, unctoque corio canes illecti, temperare non poterant. Itaque magis ac magis in dies criminorum hominum proterviente malitia, cum ingrassantibus latrunculis cuncta paterent, nec opportuna tantis malis adhiberi posse remedia viderentur, ad vim & arma deventum est. Delecti sunt pedites trecenti suis ensibus ac pilis, organisque tormentalibus expediti, iustique ad *Octaviani Sfortiæ* Producis prætorium statim horis adesse: Quo *Baptista Vicecomes*, *Jo. Franciscus Marlianus*, arbitri rerum, diebus singulis conveniebant. Cum præstituta conficiendæ rei dies advenisset, post senatusconsulta, postque peractam ex urna causarum cognitionem, cum jam inverso sole serior ad epulas hora interpellaret, consurrexere: præmissis ex ordine militibus, ipsi medii destinatas ad ædes processere. Suspiciabant omnes, ignarique facinoris, quod militari manu Principes maturabant, cives plebejique omnes admirabantur. Ergo cum ad prætorium delitescens domini perventum esset, extemplo centurionum imperio iussuque ductorum antico posticoque, ac omni latere domum dispositæ cohortes percingunt: tanta diligentia atque silentio, ut nunquam majore disciplina rem bellicam *Romana* juvenus Martialeque commilitum exercuerit; nec ulla major ullis unquam sacris taciturnitas, vel ab ipso *Pythagora* symmystis suis indicta sit. Patefactis virginali modestia foribus, factoque summa cum tranquillitate per ipsos milites aditu, Gubernator *Octavianus* adhærentibus Patriciis, satellitioque præmissis domum ingreditur: illico familiares vernæque latrunculi, cum tutelæ cautionisque suæ, tum defendendi principis sui studio, raptim tela capiunt; passimque ad arma discurrent; ac primo levi quidem impetu consternata manus, mox ingruente densiori militia cum sese pugionibus undique circumseptos viderent, impressione victi cessere. Domestico tumultu sedato, familiarique composita seditione, in triclinium Viri principes militari stipante præfectura processere: salutatoque comiter Archiflamine, quem indulgentem epulis ventrique vacantem oppresserat, assistentibus Tribunis ac Centurionibus, interlocuti secretis multa sermonibus esse feruntur. Vix raræque viri subquerentis, multoque animi angore congementis voces exceptæ sunt. Dolere se vehementer, aiebat, nec unquam ulla perlaturum se modestia, quod tanto dedecore cognatum, tantaque proprium infamia sanguinem affecissent; quod summi Patricius summi que Sacerdotii prærogativa fultum; ac tam egregia nobilitate munitum despectissimi vilissimique mancipis ad morem tractavissent. Pro tempore locoque prudenter & accurate responsum est illi: relinquitque sapienter omnia, quæ vir præceps & inconsultus ingesserat. Tum rapinis facinoribusque suis quantum per ipsos liceret, modo sese statim urbe proriperet, venia data. Quod cum ille metu, vel ignominia tactus exsequeretur, urbici motus compressi sunt: ipsaque suam civi-

tas ad quietem pristinamque salutem redacta est. Hæc nonnulli forsitan moleste ferent; & quod vitia nobilitatis paulo severius & acrius, quam velint, stilo meo sim exsecutus, dolebunt: sed cum ego modestiore silentio nomen cognomenque suppresserim, qui primi contra me latrabant aut procacius insurgent, suo se ipsos indicio prodent, seque proprio, me non accusante, iudicio damnabunt. Ulcerati Medicum igne ferroque præcinctum timent: & cum integri latentur, læsi papulas resecantem purulentiamque repurgantem insectantur & lapidant. Utinam civium nostrorum egregiæ virtutes magis quam vitia stilum meum acuerent. Nam cum utraque literis ex fide mandanda sint, maluerim illa cum animi voluptate lætitiæque referre, quam ista cum stomacho & dolore prosequi. Ergo dum ab urbe pestis hæc & lues nocentissima procul exigitur, Gallumque *Matthæus Sedunensis* trans *Alpes* fugat, *Mediolani* de summa rerum deque ejus imperio tractatum est. Qui *Trivultii* ductoris sententiæ propensius auscultaverant, ex præscripto formulaque iudicii ejus, evocandos *Helvetiorum* Proceres, constitutisque stipendiis, ne deinceps nobis adversarentur, cum his paciscendum esse censebant: quoniam hoc facto nulli læderentur; illibataque cum *Gallo* fœdera permanerent. Contra vero, quibus invisum illius nomen erat, quique semper extorres infectati virum fuerant, omnino dissentire: neque a cive factioso elatique spiritus, & ingentis animi viro, passuros sibi legem ullam, aut servitutis jugum imponi; neque plane credendum, aut verisimile videri, cum hic *Mediolanum* advenisset, assuetus imperio privatum agere posse, qui semper affectatæ tyrannidis reus fuisset; qui *Galeacium Sfortiam* non tulisset; qui *Maurum* desprevisset; qui *Gallum* etiam insensius persequeretur: proinde deceptos Primates ipsos, astuti senis blandiloquio, perlitisque melle gladii jugulatos iri, si virum publicæ quietis perturbatorem unquam in urbem receptassent; neque fieri posse, ut alliger quis in sinu ignem & non comburatur; aut domi serpentem alat, & non periclitetur. Itaque gentilitias in opes sedemque paratam evocandos eos enixissime contendebant, qui ejus opera ministerioque depulsi forent: ut quam aliis inique legem intulerat, ipse eandem æquissime pateretur. Horum dicta refellebant maturi consulti que senes; virique ferocitatem edomitam discrimine rerum omnium, longævæque ætatis accessu mitigatum ingenium, diserebant: neque satis compertum illis esse, quales pueri Principis futuri mores essent, qui etiam in tenera ætate placuissent. Omnem certe pueritiam in Principe suspectam *Caligula Neroque* fecerunt: & cum plerumque viri voluptatum turbine jactentur, ipsa sane frequenter ætas infirmior, indiscreti sensus naufragio perit. Ad hæc in medium viri prudentes multa conferebant, quæ liberum hominem iudicii que sanioris evincere potuissent, si communem potius quam propriam, publicamque magis quam privatam rem complexatus fuisset. Sed aberrant frequenter homines imbecillitate iudicii; suorumque nimio desideriorum affectu prolabantur; dumque sibi excelsa vendicant, humilia vix pertingunt: non amore quidem ullo Reipublicæ nec ulla libertatis asserendæ causa permoti, sed intestino implacabilique odio in civem animati, quem sive fortuna sive virtus sua provexisset, perferre non poterant, aliorum sententiis adversabantur; & quia novi Principis ingenium ad mores suos suamque sententiam reformaturos putabant, in diversa omnia protinus abiere. Accedebat *Matthæi Sedunensis* in exsequenda voluntate sua violentum & modis omni-

A bus pertinax ingenium, qui majus a Principe, quem se in regnum restituisse jactabat, quam a Republica, quam male promeruisset, consequi posse præmium opinabatur. Sed omnes capti sunt suorum malitia consiliorum, suæque perverissima voluntate delusi: Rempublicam alio provolventibus fati, cunctaque more suo diverfante fortuna. Discrepantibus ergo Patriciis, horumque sententiis Procerum invicem repugnantibus, medii, neutrarumque partium, & qui magis præconceptæ libertatis studio, vel *Gallicanæ* factionis amore tenebantur, rem ad populum rejiciebant: superque ardua atque difficili re Rempublicam more majorum, ex ipsaque municipali lege consulendam censuere: ut indictis comitiis accersitisque in septa viris noningenta, & puncto atque suffragiis de re dubia liqueret: quod ægre, reluctantibus plurimis obtinuit. A foro mercatorio, ad portam urbis nostræ Novam progredienti, late patens, & amplioris area spatii diffunditur, *Franciscano* sodalitis possessa, cui educta cœlo Diisque dicata, ac interjecto frequenti arcu deflexa, moles ingens incumbit. Viretum vulgo dixerunt; sive quoniam herbida perpetuo gramine viret humus; sive quoniam amœnioris cœli clementia privatorum ædibus longe summo-
C tis propateat. Hac in æde campoque comitia nostra civibus noningenta viritum suffragia præferentibus celebrata sunt; omnesque rogati sententiam dicere: & quoniam laxius quam par esset, negotium extrahebatur, rogatio punctis decisa est; sed cum alio vota plurium inclinarent, suffragiorum confusione conturbata res est, & ex paucorum arbitrio pronuntiatum. Quapropter cum placuisset *Ludovici Sfortiæ* filios ex Germania, remotioreque domicilio barbarorum ad nos accire, imperiumque *Maximiliano*, qui prius *Hercules* dictus est, procurante *Matthæo*, suadente *Julio* Pontifice, plurimoque Patriciorum nostrorum conatu, decerni Jure legitimo sancitum esset, ad Cæsarem e vestigio, sub cujus tutela ditioneque *Maximilianus Sfortia Franciscusque* debebant, oratores deliguntur: quibus Patrum consensu mandatum erat, ut cum solennia de more prælocuti fuissent, impetrassentque a Cæsare, quæ Respublica *Mediolanensis* injunxisset, ad *Maximilianum Sfortiam* iter dirigerent; suamque illi felicitatem congratularentur; mox votis omnibus exoptatum, ac intensiore plebis juxtaque nobilitatis affectu desideratum in paternam sedem avitumque solum reducerent. Mira sane adolescentis expectatio fuit; & inenarrabilis excitata per
E *Insabres* nostramque per omnem *Galliam* Principis opinio: adeo perspicacis ingenii celeritas sua maturitate temperata, sobrietas, religio, castitas, fides, omnes denique nexu mutuo virtutes alligatæ, omnesque benignæ mentis mores emunctissimi in eo omnium admiratione splenduerant. Ingressus ejus in urbem per portam triumphalem, sive magna virtutis indole, sive revocatæ desideratissimi patris ejus memoria, cum exinde felicia nobis omnia adauguramur, tanto plausu, tantaque omnium hilaritate exceptus est, ut pullus *Jovis* de cœlo datus nobis esse crederetur: & mehercule vulgo conceptam opinionem
F sustentaturum illum fuisse arbitrer, si quales assidere Principi debent, infirmumque latus an sancta probitatis incorruptæ custodia munire, præsto illi fuissent. Sed amara ingenia, pravisque moribus distortissima, expugnatam solidæ mentis constantiam obliquaverunt: inviolatumque puri animi candorem tetra labe, maculisque viventibus respersere. Hoc imperante, supra omnem numerum jus dicentes electi; ordinarii extraordinarii que magistratus magno infinitoque litiga-

litigatorum sumptu atque dispendio; tum multiplicati Senatores, ordinesque Senatorum distincti; Justitiæ Secretique, & qui Conservatores vocabantur: adeo quidem ut nullus terminus, nullus causarum cognitioni finis esset. Nam quæ Senatus justitiæ perpendisset, secreti Patres recognoscebant; rursus ab his recognita Conservatorum ad examen majus devolvebantur: accumulatis scribularum sportulis, novoque semper accedente sollicitatorum salario, ac multiplicatis constrepitantium advocatorum honorariis. Cumque stabilita tandem omnia, summaque confecta manu viderentur, protinus *Joannis Gonsagæ, Andree Burgii, Matthæi Sedunensis* interfonabant judicia: tanto æstu clientumque sudore, ut his allisi scopulis multi litigantium perirent. Ad hæc relaxata delictorum impunitas tam effusis spatiis vagabatur, ut *Matthæus Buxetus* urbis Præfectus, in fontes ac facinorosos sanguinarius, & ad veniam cum peccaretur inexorabilis, sibi vim inferri, comprimique justitiam exclamaret; & a Patribus nonnumquam corripere: cum circumscriptis eorum interdicitis ad sumendum de scelere supplicium properaret. Villicum olim lictores trahebant in carcerem, ingredientiæ illos curiam egrediens *Matthæus* novis conservatorum jussis exacerbatus, obvios percunctatur: ecquid sceleris ille miser admisset. In re vicini male verlatum, aiebant, abegisse pecus, rem furto subtraxisse conquerebantur. Illico dissolvi, dimitti reum imperat: obstupente custodia, cur in noxium ex lege non statueret: *Domesticos*, inquit, & familiares coercere non possum, & vos extraneum & qui foris agit emendandum adducitis: æque sint omnibus leges, unoque tenore præscripta *Matthæo* jura: cum urbem purgare licuerit, adjacentia repurgabo. Hunc scio, cum tanta scelerum ubique pestis erumperet, ad Principem accessisse, rogasseque eum, ut suo jure uti liceret: ipsumque benigne Ducem respondisse, nunquam per ipsum fieri quominus in facinorosos ex disciplina juris adinadvertatur; sed legum laqueos interciderere distrahereque nonnullos, quibus imperare fas non esset. His accedebant aliæ super alias perpetuæ pecuniarum exactiones: vellicatuque perenni civium marsupia nostrorum inquietantes. Nam præter vectigalium publicorumque portorum impendia, quibus domi forisque cives assuetis sumptibus vexabantur, primo quidem, ut sæculi nostri vocabulis abutar, Feudatarii Donatarii omnes in tributum vocati, integrumque anni redditum, Annaticum vocitant, impræstare coacti sunt: tam se vero promiscuæ incivilisque censuræ judicio, ut quæ longo diuturnioreque silentio sopita conquieverant, ea disquirentibus exactissime cuncta scelerum magistris excitarentur. Omnis obnoxia fitco nomenclatura discussa est: ipsaque cariosa exoletaque rationum tabularia, *Philippo* quondam Duce conscripta, quo imperante cum fiscus alieno pingui nitesceret, ad lienis modum cives macescebant, quæstorum manu revocata sunt: & ad illorum formulam atque rigorem sævis indictæ diribitoribus præstationes. Immunitates itaque, diplomata, prærogativæ, quotidie possessoribus anxiis, obsoletaque vetustate documenta quaeritantibus, proferebantur: tribunalia, fellæque magistræ, clamitosis raucorum patrociniis advocatorum ubique conservebant. Et me tunc quidem his merere castris oportuit; forensisque militiæ vexilla, intempestivo commota prælio subsequi: siquidem cum amplius sexaginta annos *Melignani* Præfectura Præturaque fitco sequestrata, semperque nullo interpellante possessa, tranquillissime fruerer, satellitia manu, dum obsequia pecuniaria cessant, inturbatus sum: &

A cum apud delegatum Judicem *Franciscum Persicum*, censusque Magistros conquerer, & insignem injuriam exoptularem, contractus tabulas multis sæculis antiquatas, ac pæne oblitæ exhibere, inspiciendas, perlegendas, pensitandasque coactus sum; multoque fiscalium advocatorum examine, molestissimaque delicati nimium judicis cognitione fatigatus, dum picata lingua, viscidisque dentibus ægre difficulterque contra fiscum pronuntiatur, tandem resedi. Præterea salinarum, molarum, incilium, tum pratorum, tabernarum, stillicidiorum, exquisitissimorumque vectigalium omne genus pondera languidis infirmisque cervicibus nostris ingerebantur: anhelabundo sitibundoque *Matthæo Sedunensi* crumenis nostris semper inhiant, dum simulata Ducis *Maximiliani* defensione, susceptaque tutela nostræ urbis abutitur: adeo quidem ut plebi, civibus, omnibusque Patriciis, ipsi etiam Principi quanquam indulgentissimo odiosus, stomachum fecerit. Hæc dum apud nos magnis quotidie querelis agitantur, ac eradendo deglubendoque pecori periniqua manus diri pastoris incumbit, *Ludovicus* ex omni *Gallia*, omnibusque suæ sociæque ditionis gentibus *Alpinis*, contracto peditatu recuperandæ rei *Mediolanensis* amissæ sollicitus in nos iter molitur. Exercitum ducit *Gallicus* Imperator, *Jo. Jacobo Trivultio* Legatum agente, sed barbaris ejus semper mandata retractantibus & despectantibus, inviso. Qui quanquam eos parum gratos collatorumque beneficiorum immemores futuros esse cognosceret, cum tamen immenso repetendæ patriæ desiderio teneretur, atque eo magis quod elusa Patriciati *Mediolanensi* consilia ejus effluerant, diligentia solitudineque sua cuncta procurabat: & primum quidem id in castris agebat, ut circumspicere omni modestia compositi milites essent; ut omnibus viculis agroque, omnibusque oppidis ac urbibus non hostili nec impio, sed amico socialique more versarentur; neminem concuterent; nulli vim inferrent; nullas prædas agerent; in tabernaculis mites, in hospitibus modesti, in foro civiles essent. Et hæc adeo quidem observata sunt, tantoque rigore militum ac ductorum omnium executioni data, ut exoptatus, ac supra, quam credibile sit, perjucundus *Cisalpinis* omnibus *Transalpinorum* adventus esset: ac non hostilia neque barbarica, sed nostra cognataque agmina esse putarentur. *Mediolani* vero, cum haud procul *Novaria*, *Gallicana* motu suo quietissimæ legiones abessent, procurante *Trivultio*, ac sive pactionibus secretis, sive induciis mutuo consensu Procerum intercedentibus factum est, ut obsessi relaxarentur; ut in *Jovis* arcem immigrarent ac remigrarent; utilia importarent, exportarent inutilia; viserent ac inviserentur; salutarerentur, appellarentur; invicemque salutarerent & appellarent: tanto mutuae dilectionis commercio, ut quodam affinitatis jure, vinculoque consanguinitatis concopulati esse viderentur: plebeji gaudebant; mercatores lætabantur; patricii gestiebant; sub paucorum exceptione, quos intrinsecus acrior cura distorquebat, quique repetentibus *Gallis*, sive factionis adversæ diffidio, sive scelerum conscientia suorum, quietæ mentis vitæque tranquillitatem desperaverant. Ipse etiam *Maximilianus Sfortia*, magnis regiæ largitionis conditionibus præhonestandus erat: ac non mediocrem ex personæ rei quæ suæ prærogativa locum habiturus. Sed interstrepuit rebellis *Gallo* fortuna: complicatamque benevolentiam fasciam, qua *Cisalpinum* *Transalpinum* constrinxerat, intermedia dirupit. *Helvetii*, qui ære nostro merebant, præcipueque Ductor eorum *Matthæus Sedunensis*, qui *Vigleva-*

no municipio lætissimisque prædiis fruebatur, possessione detrudi pactoque stipendio defraudari molestissime ferebant. Accedebant nonnullorum obliquæ voluntates, eorumque maxime, qui cum *Gallo* beneficiis affecti fuissent, excedentem & profugum defecuti fuerant; quorum nomina, cum edicto publico Regis beneficio venia cunctis irrogaretur, salutaribus tabulis expuncta sunt. Igitur post primos bellorum motus contemptos, postquam in plana descendisse *Gallum* Helvetii compertum habuerunt, delecto peditatu, ac paucis adjunctis equitibus occurrere. Dictu quidem incredibile, tam parva manu *Helvetica*, eaque permodicis equitibus restricta, profligatas, priusquam configerent, universas *Gallorum* copias fuisse, telisque priusquam ferirentur intortis, præmortuas. Subsistendum *Trivultius*, ac moratoria cunctatione deludendum hostem admonebat: fatigandumque otio potius quam labore; mitigandamque rabiem, ac retundendum furentis impetum mitiore lenimento potius quam scopulis durioribus hortabatur. Sed pristino fortunæ secundioris afflatu prætumentes barbari, iussisque melioribus obtemperare semper indociles, in aciem elati frementesque descendunt, tumultuanter ordines explicant; discincteque procincti congregiuntur. *Helvetii* Gallicanæ temeritatis castigatores, qui jam pæne refugam ab hoste sublabentem ad sese victoriam præsenferant, repente suum in robur coacti, tumidas ventosasque cohortes irrumpunt: vixque levi collata manu, primoque telorum jactu permixti, cum adactas & vehementius imprimentes frameas gæsa non sustinerent, retrocessere. Armis, clamore, victoria, *Gallum* elumbem emasculatumque perurgentes *Helvetii*, confestim in fugam vertunt, tamque præcipiti fragore ac ruina perculere, ut celerius quam scripserim omnes fusi fugatique trans *Alpes*, magna cum clade, nec minore cum infamia fuerint. Divisa sane omnis militia, discrepantiumque inter sese ductorum animi cladem maturavere: sed & locorum offudit iniquitas, cum & senticosi vepres lentæque paludes equestribus pedestribusque *Gallorum* copiis intercederent. Et quanquam nonnulla hominum occisione victores *Helvetii* fuerint, mirum tamen fuit, ingentes copias, eximios ductores, omnique munitum instrumento exercitum, exili permodicaque *Germanorum* manu configente, amissis impedimentis, desideratis militibus, extinctisque prisæ laudis & gloriæ titulis, magno cum dedecore, notaque profugisse. Sed & mirabilius illud certe fuit, tanta volucris est famæ celeritas, incerto quodam præscioque futuri eventus Numine semper agitata, ut priusquam *Galli* vincerentur, victos esse *Mediolani* nuntiatum sit. Quod mihi cum narraretur, deque tempore modoque disquirerem, deque ipsius auctoris fide sollicitus percunctarer, commentitium intercessisse, fictitiæque murmura subrepisse conjiciebam. Et plane ita erat: hora quippe vix secunda dici, de victoria *Mediolani* submuffitatum est, cum apud *Novariam*, ut postmodum innotuit, commissæ acies nondum transegissent. Mira sane nobis hujuscemodi commenta nescio quibus aëre cæloque pennis volitantia semper fuere: ut ipsum fama plerumque factum, plenioris veritatis spiritu præcurrat: nuntiique certioris vocem auræ celeriores antevertant. Id usu rerum nonnunquam evenit, & a me sæpius animadversum: nam ut cætera, quæ tempestate nostra contigerunt, præteream, certe *Bicoquinis* campis, quibus contra *Gallum*, superciliosumque ejus exercitus Imperatorem *Odetum*, jam sua victoriam manu prehensantem a nobis felicissime pugnatum est, priusquam collatis signis concurreretur, *Mediolani* de victoria

A succlamatum est. Tanta quidem inconstantis famæ constantia, incertique nuntii certitudine, ut priusquam a castris in urbem, ab ipsa urbe in castra lætæ exultantium voces pervenerint: exclamatumque sit: *Credo tibi, verum dicere, fama, soles*. Ergo cum rumusculis coalescentibus, frequentioreque mox fama concrebescente, de victoria *Maximiliani* Ducis *Helvetico* robore comparata colliquisset, tam repentina vertigine subitoque motu conversa sunt omnia, ut prædulcia prius cuncta, velut infusa aceti acrioris aspergine coacuerint: omnisque felicitis agri lætitia propagante lolio, ac lappis tribulisque sulcos obsidentibus sterilefceret. Horror, formido, lachrymæ, trepidantem *Gallum*, mortisque præsentis imagine conturbatum exagitabant: & qui partes illorum sequebantur, alternante navi, fortunæque reciprocantibus undis, in naufragium fluctuavere. Quo circa mœrentes alii sedere domi; alii dissimulato metu, fronteque perfrecta, ridentibus arridere, gratulantibus adgratulari, plaudentibus applaudere, exercere togam, conventibus interesse, in curia monstrari, consulere, hortari; disponere, tanquam ex sententia votoque suo cuncta processissent. Sed hæc omnis in *Gallum* faba decussa est: ipseque manu sua omne intritum exedit. C Siquidem repente tanta formido, mortisque metus exanguem opprefferunt, ut multis asperior vitæ quam necis conditio putaretur: cumque terribilium omnium mors sit, vitæ tamen spiritum excruciatæ multi terribiliorem crederent. Ergo in arcem alii confugere; in delubra fanaque deorum alii; multi sese ad Primores honoratioresque Patricios tanquam ad statuas arasque recipere. Egrediebantur curia, dimisso Senatu, Patriciorum plurimi nostrorum; ad quos *Galli* sceleratam crudelis vulgi manum diffugientes, erepserant. Cumque circumfuso famulatu venerabiliumque reverentia personarum protegerentur, D irrumpere tamen medios, ac reclamantibus cunctis miseros ingrassari despectæ plebis impietas non obhorruit: & quoniam tenuiore cibatu alimoniaque parciore plures ab arce disclusi, tutum a vulgari impetu diverforium non habebant, e regione arcis flebiles, omnique præsidio destituti, veniam pietatemque comprecabantur, ac ut illis succurreremus, orabant. Sed in eos jacula velut in feras contorta sunt; excussisque missilibus crudeliter appetiti: alii protinus ut illos infensissimis hostibus iniquæ sortes objecerant, discruciat, excarnificati, diversissimoque genere mortis absumpti sunt. Sed non hi quidem inulto sanguine, quem nefaria manus nostra profudit, occubuerunt. E Siquidem insecutæ calamitates, quibus tot annos divexati sumus, eo sævitia & immanitatis proruperunt, ut quos implacato inexpressibili odio vulgaris insania plebejaque crudelitas persequeretur, eos suarum refrigerio miserrimarum exoptaret; sed in cassum: quoniam atrocissimi sceleris admissi luere pœnas oportebat; & quem innoxium propollutæ manus nostræ sanguinem elicuerant, expiare nocentissimo feralique cruore fas fuit. Atque utinam hi tantum scelerum suorum suppliciis ingemuisent, quos suis gravioribus delictis pendere pœnas par fuit: tracti sunt ad *Gemonias* boni malique omnes: indiscretisque laqueis omnes pariter strangulati. Hæc ergo dum apud nos aguntur, profligatique rursus *Italia* barbari cedunt, ac necdum integro vertente anno, reparatis viribus, *Insabres* oras repententes, *Helvetica* manu propulsantur, *Cispadana* *Transpadana*que omnia novo motu, novisque coeuntium militum excursionibus, inquietata sunt, bellicoque tumultu passim exagitata. *Gallo* siquidem primum nostris finibus abscedente,

Joannes Maria, Fregosiorum præsigni familia natus, qui regnante *Gallo*, patria procul extorris agebat, equitum peditumque levi manu *Venetis* ex castris comparata, tum majori suæ factionis hominum adjutus auxilio, *Genuam* lætitia mixtoque metu trepidantem ingressus est: obortoque diversarum factionum tumultu, more gentis ejus conturbavit. Tunc quoque *Feracis Montis Dominus*, velut carceribus claustrisque solutus, ac liber, subitario milite, repentinisque præsiidiis finitimas urbes oppidaque *Gallicano* imperio vacantia, violentius ingrassabatur; perpetuisque tormentorum ictibus infestabat: ac, si qua ejus jussa faceßere, promulgatisque edictis obtemperare recusarent, excidium interminabatur: ruinæque minas exæquabant. Admoto siquidem omni protinus exercitu, *Gallicanis* procul agentibus copiis, nulloque viciniore præsidio suppetente, suæ voluntatis ad obsequium redigebat. Diversa quoque regione *Julius* Pontifex Maximus, cujus voto fortuna mitior aspirabat, *Ravennam* atque *Bononiam*, omnemque *Flaminiam*, *Francisco* Urbinate collectitios milites ductante, suam in ditionem præscriptumque trahebat. Tum *Placentia* Parmaque suis cum oppidis ac subjacentibus vicis, quibus anhelantis *Julii* desideria jam pridem inhæverant, *Romanum* jugum Protoflaminisque potestatem subiere. Per hos quoque dies *Romæ* concilium & indictum & celebratum est; cum jam alterum ex *Pisis* Mediolanum, ac ex *Mediolano*, sicuti supra meminimus, in *Galliam* ulteriorem translatum, inauspicato parumque feliciter ageretur: Principibus ac rerum dominis invicem discrepantibus; ipsisque Pontificibus, ac divinorum magistris, eluxata solidi corporis membra distrahentibus. Itaque nec quieti tunc quies erat, nec religioni religio, nec securis ulla rebus securitas fuit: ipso Antistite sacrorumque Præposito suum ad arbitrium cuncta vertente. Sub idem quoque tempus *Ferrariæ* Princeps *Alphon-sus*, Apostolica fide suscepta, velutique foedera cum *Julio* percussurus, obsecuturusque mandatis ejus *Romam* perrexit: verum cum utrinque repugnantes animos dominandi libido commisisset, nec convenire possent in foedera, magno disparatæ dissidio voluntates, exinde fugam Dux emolitur; commutatisque frequenter latebris, extemplo sese *Roma* proripiens, emendicatoque comitatu, cum Pontificales *Venetæ*que cohortes incitato cursu fugitantem persequerentur, ægre dispositas insidias evasit.

Post exactos Italia *Gallos*, cum jam *Hispani*, *Veneti*, *Helvetii*, Summusque Pontifex eorum in perniciem coivissent, ac semel bisque communi hoste Italia depulso sanctissimum foedus resanxissent, armis sese invicem odiisque laceßivere: *Hispano* pactorum leges, sicuti traditur, primum conturbante; *Helvetiis* autem ad emungendas exsugendasque pecunias nostras semper intentis; *Venetis* vero tanquam inter malleum & incudem, ac sacrum inter & saxum positis, infida maleque sancita conquerentibus omnia. Et prima quidem *Helvetiorum* odia adversus *Venetos* concitavere *Florentini* milites, qui cum *Gallicam* in militiam nomina dedissent, *Aureliensia*que primo signa sequerentur, illis trans *Alpes* emigrantibus, in castra *Venetorum*, accepta Legati *Sedunensis* fide, profecti sunt. Quos cum *Leoninus* miles pedaria colluvie præsertim ingrassante læsisset, idque *Matthæus* indigne ferens stomacharetur, cæterique omnes *Helvetii* direptionem importunam in adventitium militem gravissime perferrent, scelerationis facti poenas ipsa *Venetorum* Respublica luere, crimenque purgare coacta est. Culpam quippe sex millibus numum, sicut *Andreas* Mo-

cenicus in *Historia* testatur, redemit: sive quoniam *Helvetius* non observatam militi fidem doleret, quod mihi persuadere vix possum; sive, quod vero proximius est, quoniam alii nimia celeritate prævenissent, & quam ipsi capere prædam sperabant, intercipientibus illam *Venetis* amisissent. Nec enim verisimile fuit, succensuisse barbarum, invisi militis populatu, quem ipse prius diripiendum mandaverat, quod a *Gallis* sero descivisset; tardioreque suscepto comœatu in diversa proficisceretur. Quapropter cum in *Suppadanum* oppidum (*Castellatio* nomen est) *Veneti* commigravissent, multaque disquisitione de contrahendis erogandisque pecuniis ageretur, *Paulum* *Capellam*, *Christorum*que *Maurum*, Legatos insignesque viros, cumque his *Andream* *Mocenium* Protonotarium, sua nimis insolentia petulantibus *Helvetii* traduxerunt. Et hos primo quidem ante ora *Jacobi* *Stepharis* militum Ductoris, dehinc ad *Matthæi* *Sedunensis* Pontificalis Legati conspectum statuere; quo etiam incoenante, stantes, aliter quam Patriciatus summæque dignitatis, quam obibant, excellentia pateretur, acerbioribusque dictis contaxatos, incivilius & immodestius habuere: donec ad aureorum sex millia, in exactæ prædæ compensationem, exsolvenda, *Veneti* fidem suam astrinxerunt. Quibus ea sub conditione dimissis, cum in castra sua rediissent, postridie *Vincentius* *Cavatius*, *Matthæi* *Sedunensis* nomine, prætaxatam importuna contentione summam deflagitabat: dehinc ad absolutum exacti mensis stipendium, quatuordecim millia, & quæ præsentem in mensem debita super excurrerent, septuaginta millia reposcebat. His oneratos Principes *Venetos* indictionibus, prægravabat durior mandato: subsidiarium militem *Venetum* in expeditionem, quam *Helvetius* de proximo moliebatur, trahebat. Siquidem *Salucianum* Marchionem, Ducemque *Sabaudianum*, quod a *Gallis* starent, aut constantius stetisse crederentur oppugnare subigereque *Matthæus* properabat: quod adjuncta *Venetorum* manu, illorumque suffragantibus copiis perfici posse celerius opinabatur. Itaque ne castris excederent, ac ut proficiscentem sequerentur, mandabat. Eo autem insolentiæ temeritatisque provehebatur *Helvetica* fortuna, ut profligatis hostibus, deletisque *Gallorum* copiis, quas semel iterumque profuderant, *Helvetii* duriores & gnaviter armis exerciti, ad imperandum omnibus ac superbius & arrogantius edicendum insurgerent. Quæ circumspecti prudentesque *Venetorum* Legati, permolestè graviterque ferebant. Cum inter ipsos præsertim, & quos bello laceßere *Matthæus* præfixerat, nihil læsi foederis intercessisset; cuperentque magis sua defendere *Veneti*, quam medios partiumque neutrarum armis provocare. Sed & illud iratis *Venetorum* animis indignius, longeque durius perferendum fuit, quod cum amplius, quam ex initi foederis lege tenerentur, impendissent, adhuc tamen *Helveticus* plus æquo tumor inflatus exigeret; supraque legem extorquere peteretur. Accedebat, quod cum adhuc *Brixiam* *Cremam*que *Lilinum* jugum imprimeret, *Gallicis*que mandatis *Cenomani* parerent, eos asserere subigereque *Veneti* festinabant. Igitur quoniam prævalente barbaro, manu nequaquam audendum erat, cum super erogando stipendio refundendisque pecuniis dissimulanter, oculisque conniventibus transegerent, fugam parant: cumque alia factitando tractandoque, prudenter alia meditarentur & struerent, intempesta nocte, signo clandestine ductoribus militum dato castra movere: magnisque secundum *Padi* fluminis ripam itineribus confectis, *Placentiam* applicuerunt. Inibi terror & metus,

novæque rerum difficultates exortæ sunt: quippe cum nescio repugnanteque *Matthæo*, Venetæ procul legiones abcessissent, seseque novis delusum imposturis barbarus prædoleret, hostem *Venetum* pronuntiavit; perque urbes & oppida pagosque omnes hostili odio fugientem infecutus, adversa infestaque omnia concitabat. Tulerat asperrime vir callidus & ferox, quod præsentaneo subsidio destitueretur; nec oceptam consummare posset ex sententia sua provinciam: sed & perturbato animo longe altius illud infederat, angebatque acrius ægram hominis mentem, quod, qui alios elusisset, eluderetur; decipereturque unus, qui sæpe multos ipse decepisset. Sic etenim consiliorum magister *Venetus* agebat, ut versutus sagaxque barbarus nihil suo minus animo quam dolum fugamque conciperet. Quibus sese cum ex inopinato sensisset irretitum, vehementer excanduit: omnemque vim contractam in *Venetum* ira concitus & indignatione terribilis barbarus exercebat. Quocirca festinatione matura, consultaque celeritate lembos fluvialesque naviculas in pontem *Veneti* milites subligant: commissisque tabulis, & ut ad manum fuerant, consertis trabibus iter futile compactumque præsternunt. Mox vasto amne superato, omnique traducto exercitu, cum securi hostium citra amnem agerent, pontem celerius quam consuissent resuunt. Partitis mox copiis, alii *Cremam*, *Brixiam* alii directis itineribus contendere: bellicis ubi cuncta fragoribus, castrensibusque ruinis agitabantur: obstrepebantque circumquaque omnia perpetuis irumpentium erumpentiumque militum excursionibus. Oppidis præsepi hostes inclusique urbibus, devastando populandoque turmatim palantes ibant: & hos hodie pagulos illosque postriedie viculos, omnesque circum late tractus rapinis ac prædis infestare; demoliri insulas, inflammare prætoria, unoque cuncta perdendi studio subruere: e diverso extorres, agricolæque, quique *Marcica* signa gestabant, obsistere, reluctari, pugnare; frequenter hostem cedere, nonnunquam & cædi; capi capereque, mutuisque vulneribus invicem confici. Igitur novo militum adventu, recentibusque sociorum adventantium copiis, alacres accinctique omnes *Veneti* milites, validius insistere, ferocius oppugnare, pertinacius obsidere. Excesserant muris hostes, suoque de more populatum *Brixiam* exierant; omniaque *Paderni* rapinis & incendiis permiscentes, nihil sacrilegi nefarii que sceleris, quod excogitari posset, impietate sævitiaeque sua prætermiserant: adeo sexum in omnem ætatemque debacchatus ensis hosticus, crassoque retulus sanguine permaduerat. Quod *Leonardus Hemus* admissum impune non tulit: cæterique *Venetorum* militum Ductores, qui truculentis & immanibus barbaris obvii, conferre pedem in tanta occasione atrocissimi sceleris ulciscendi, manumque conferere non refugerunt. Itaque primo omnes concursu, illi quidem victoria prædaque feroces, hi vero indignatione iusta succensi exasperatique, sævissime conflixerunt. Æquo pæne militum numero, parique virium mensura, tum nec minore pugnandi ardore inflammatus uterque diu Marte dubio constiterat ac dimicaverat, cum ab hoste relapsa ad *Venetum* *Divo* pro *Marco* victoria stetit. Cæsi, capti, fugatique sunt omnes: ipsis etiam agrestibus, qui duriora perpeffi fuerant, foede crudeliterque barbaricum in sanguinem desævientibus. Interea Civitas arctius obsidione premi, omnique discrimine atque periculo laborare cœpit. Jam omnes aquas moenibus adlabentes, incilibus hostes averterant; perductisque longius euripis aquatico destituta subsidio *Brixia* perarebat; nisi quatenus interni

A vernaculique fontes, humore perexiguo subscatente, parcius irrigarent. Ad hæc suggestæ moenibus armatorum copiae, portasque missilibus assiduis impulsantes, inclusum hostem omnique validiore præcinctum armatura, oppugnatione perpetua fatigabant. Mons arcis, confurgente paulo altius colle editior, imminabat: totamque e regione molem promuralibus ac fossis circumvallatam, prospectu liberiore possidebat. Huc præceleres expeditique milites *Leonini*, rotis funibusque tormenta provolventes ingentia, magno nisu, magna vi subigunt. Tum vastis ad perpendicularum foraminibus prolocatis, ignique ex arte conjecto, saxatili foetu prægnantem alvum degravant; arcemque contortis prægrandibus pilis, asperaque ferri grandine perquassatam, effringunt. Oppidani vero cuncta munire; aperta præcludere; cominus eminusque telis omnibus injectis, hostem *Venetum* summovere. Summa ope, totoque conatu *Veneti* vel deditioe vel armis urbem subigere, potiri que rerum properabant: veriti ne propediem appetentibus *Hispanis*, vel ingruentibus aliorum *Helvetiis*, retardata expeditione sua prorsus avocarentur; aut ipsi coeuntes in unum barbari, ut similes facile similibus adhærescunt, & insito quodam naturæ vinculo copulantur, *Venetos* omni spe sua captos eluderent. Proinde quoniam nec prætentata deditio, nec pertinax obsidium, aut validior oppugnatio felicem cœptis exitum dabat, prudentiæ telis armisque consiliorum Urbem expugnare prænituntur. Magna pars muri frequentibus revulsa tormentis procubuerat; aditumque molliorem, magno prostrata tractu moenia, quamquam aggere subita celeritate reposito, turmis assultantibus impræstabant. Hic impetum facere, hic hostem adoriri Ductores animo præfixerunt. Sed & diversa urbis regione, toto delectam exercitu juventutem immittere, nocteque concubia, & hinc & inde, palam & clanculum, ancipites aggredi oppugnareque constituunt: ut in directas oppositasque acies, aperto Marte frontispicioque concurrentibus oppidanis, occipitio destituta moenia silentem & tacitum, alioque bellatoribus intentis, *Venetum* militem in civitatis secreta reciperent. Ergo portæ ad id opus habilioris custodem præfectumque conciliant; muneribus donisque corrumpunt: paciscuntur, inque præstitutam noctis horam symbolum præbent. Dispositis ac in pugnam paratis omnibus, dum exitus præconceptæ rei maturatur, consilia discussa sunt: emergentibus siquidem insidiarum indiculis, revelataque sensim, dum male contexta detegitur, conjuratio, quæstioni locum fecit; delatique repente conspiratores, ac subito deprehenso, dum evidentibus argumentis urgentur, calenti suspendio strangulati conatus omnes irritos fecerunt. Dissimilares exitus disparemque fortunam *Cremense* negotium, prætentataque non infirmioris oppidi deditio fortita est. *Gallicanorum* Procerum, nomine reque non ultimus heros *Durasius*, mihi familiæque meæ sua quondam iniquitate, suæque protervia molestissimus, arcem tenebat: cum præfecturam urbis *Benedictus Cribellus* Mediolanensis, eam in provinciam *Gallicano* iudicio promotus ageret. Hunc multo hortatu magnisque muneribus illectum, *Veneti* circumveniunt & opprimunt; extrema *Gallorum* fata, destitutamque suppetiis omnibus eorum fortunam, tum sociorum, foederatorumque secreta, quibus merito prolapsam rem barbaricam redintegrari posse diffideret, repetito longius exordio denudant; hortantur, ut conclamatis rebus *Gallicis* postquam auxiliorum nulla spes subsit, sibi suæque Reipublicæ consulat;

lat; cumque vel oppugnatu multo vel obsidione cedendum sit, satius esse civium incolumitati, suæque sospitati prospicere, quam geminatis claudibus in perniciem cuncta dari; tot ingruentibus *Venetorum*, *Helveticorum*, *Hispanorum*que copiis, quas in dies adventare compertum erat, urbem diu non posse defendi, nec mole sua posse diu subsistere, præmonebant; ac cum omnino succumbendum foret, expedire veterem dominum promereri, quam inutilis cassæque virtutis exercitio perire: cum præsertim ea sit inclyta *Venetorum* Respublica, quæ collatorum memoriam officiorum, ac tam benigni erga se animi magnitudinem nunquam sit obliteratura. Ad hæc ut præsentis meriti gratiam munere cumularent, ingentia dona pollicentur: in civem suum adiscunt, *Veneto*que Patriciatu donant. Oppidi competitor erat *Octavianus Sfortia* Laudensium Antistes sacrorum, qui *Maximiliani* Ducis rei que *Mediolanensis* nomine, sicut a nonnullis traditum est, quamvis id mihi parum liquido compertum sit, oppidum enixius asserere conabatur: subornabatque virum summo studio, quem largitionibus ac donativis ingentibus expugnare pervincereque cupiebat. Sed *Laurentio Cerinate* blandius, efficaciusque perorante Veneto, *Cribellus* Leoni cessit: firmissimam exterorum potius quam dubiam interorum fidem secutus. Urbis deditio, barbarus qui arcem tenebat conterritus, in eam haud difficulter sententiam perductus est, ut arcem Veneto, cautione incolumitatis præstita, resignaret. Urbe recepta, cum aggeribus & armis omnia *Veneti* præmunivissent, *Cerinatem*, *Helvetiis* properantibus, congruo cum ferentariorum comitatu obvium emiservunt. Hi concito gradu in eam expeditionem festinabant, ut oppido *Venetum* introverterent: & effectum sane fortitura res erat, nisi volucris provolantem *Helvetium* pernicitate præcoqua *Venetorum* maturitas consiliorum prævenisset. Qua de re cum Urbem ingressi potititæque rerum pronuntiantia cuncta stabilissent, pacatæque res urbicæ moderatiore vetustioris domini gubernaculo regerentur, *Helvetii* pedem represere: cumque se in cassum oppugnatos oblesurosque municipium existimarent, omnibus suum ad rigorem formamque redactis, unde discesserant, conversis signis regressi sunt. Hæc dum in *Cenomanis* aguntur, sparlaque inter *Venetos* *Helvetios*que discordiarum seminaria, parum quietas pacatasque res habent, ac dum Pontifex & Cæsar, & his adjuncti *Britannorum* *Hispanorum*que Reges, publicæ tranquillitatis otia perturbant, *Hispani* jam ex strage proxima præteritisque claudibus instaurati, in *Flaminiam* iter parant: Pontifex voti sui magna jam ex parte compos exacto *Francorum* Rege *Ludovico*, cum *Hispano* milite non esset opus, id sua pro virili tractabat, ut honestiore causa missum faceret. Itaque devastatæ provinciæ sterilitatem causabatur; ac commearus inopiam excusabat: verum cum *Hispanus* vim facturus esse videretur, ne bella Pontifex ex bellis sereret, & armis arma suo majore dispendio conflarentur, incolatum ea lege permisit, ut stipendiis suis contenti provincialibus parcerent; suoque impendio, non indigenarum, alerentur. In interiora *Italiæ* dilapsus acer *Hispanus*, nihil intentius agebat, quam exagitata cuncta perturbare, suo improbo more populari, cives agrestesque molestissimis fascibus tributorum prægravare. Placuerat *Helvetiis*, eaque *Venetorum* ac Pontificis mens erat, ut *Helvetio Telina* vallis *Domo-sula*que cederet, cum jam suo jure *Clavenam* atque *Lecarnum* usurparent; tum ut Pontifex *Par-mam* atque *Placentiam*, quas ut Pontificali jugo jam pridem obnoxias occuparat, teneret; ipsi

A vero interruptam oppidorum urbiumque suarum *Veneti* possessionem redintegrarent; *Maximilianus* autem *Sfortia* Dux *Mediolani* publico communi-que consensu declaratus, re sua quanquam paulo restricta frueretur. Contra vero *Hispani*, qui suo alia animo conceperant, intercedere; transacta recognoscere, suoque arbitrari jure cuncta volebant: ac primo quidem ut *Brixiana* Venetus expugnatione desisteret, aut in sequestro ea urbe deposita, ut ad Pontificem iretur, donec omnes unius viri judicio consopitæ lites controversiæque diremptæ forent, summo studio nitebantur; nonnunquam etiam *Rome*, *Tridenti*, *Mantua*, per internuntios oratoresque suos agere, ut *Gur-gensis* Episcopus, qui Cæsaris nomine causam ejus tractabat, *Mediolani* Rempubicam moderaretur, eaque *Germanicam* in administrationem procuratio cederet; tum ut urbes, quæ prisco jure *Venetis* addictæ forent, ipse suo regeret ac temperaret arbitrio. Quapropter & Summi Pontificis odium, & *Venetorum* iras, & ipsam *Helvetii* stomachantis indignationem incurrerunt: adeo quidem ut truculentus præcepitque barbarus sese manum cum *Hispano* conferturum jactaret; illiusque propediem insolentiam ferro repressurum vociferaretur. Quotidie pacis & hic & illic fœdera tractari; quotidie pactiones novæque leges cum Cæsare *Venetisque*, rursus cum *Helvetiis* atque Pontifice alio atque alio modo conscribi, dispungi, reformari. *Hispanis* nunquam una certaque præfixæ voluntatis sententia fuit: cum tamen omnibus exploratum & compertum esset, eam illi mentem fuisse, ut omnium attritis opibus Regulorum, eorumque præsertim, quæ cæteris viribus prævalerent, ad unius Cæsaris potestatem *Italia* redigeretur. Itaque nunquam uno eodemque præscriptæ legis rigore contineri; antiqua discutere, alia atque alia, suo ut ex usu foret, inducere, subrogare, invertere, delere; sæpe diversa Pontifici fœdera suadere; nonnunquam etiam præscribere; *Veneto* novas leges indicare; veteribusque semper antiquatis cum parum ex re sua cederent, alias ac rursus alias substituere; tum *Maximiliani Sfortiæ* cæterorumque *Italiæ* Regulorum rationes diligentius, quam par esset, & exactius disquirere: tanta omnium indignatione & stomacho, ut *Hispani* ipsis pæne jam *Gallis* omnibus invisiores Principibus essent. Interea ne nihil agerent, suæque nihil intactum manu relictum foret, diversarum maxime factionum civibus, vota Principum pestilentibus nutrimentis alentibus, *Florentiam* deflexere: & primo quidem apud *Pratum* *Fesulanæ* ditionis oppidum, collatis signis hostes obvii concurrerunt. Non modica cæde patrata, fufisque hostibus, ac oppido vi capto direptoque victores *Hispani* rerum potiuntur. Mox excitatis in urbe *Florentia* seditionibus, factiosisque civibus, in dies gliscen-te discordia, semper altercantibus, cum jam *Lucas Sabellus* Ductor, magna cum cohorte in hostium potestatem venisset, *Petrus Sodorinus* gubernaculis vertente fato dejectus excessit; *Julianus*que *Medices* suffectus est. His angusto brevique confectis tempore rebus, in *Venetos* *Brixiana*que totis contractis viribus expeditionem, *Hispani* contenderunt; e diverso *Veneti*, concurrentibus, ut fieri potuit, *Helvetiis*, in deditioem urbis intenti festinabant: *Veneti* quidem præter æquitatis jurisque rigorem, consiliorum & æris ope civitatem asserebant; *Helvetii* vero contra jus fasque telis ac tormentis armati nitebantur. Haud procul urbe, castra posuerant *Hispani*: & cum hinc inde oratores irent atque redirent, hique *Venetorum*, illi *Helvetiorum*, alii vero causam *Hispanorum* perorarent, intra paucos dies *Gal-*

lus obsidione pressus, cum oblatas cæterorum conditiones sprevisset, *Hispanum* prætulit: pactaque rerum militumque suorum incolumitate, *Brixiam* Hispano magna cum *Venetorum* indignatione resignat ac dedit. *Andreas Mocenicus*, qui hac stilo exactiore complexus est, subiratus conqueritur, quod fatigati diuturniore bello *Veneti*, magnoque labore ac sudore diffuentes, Hispano corrivale victi sint: doloque malo factum contendit, ut *Venetis* Hispano commissus succumberet. Non abnuerim quidem exquisitis artibus & insidiis *Gallum* extortam a *Veneto* *Brixiam* Hispano relaxasse; sive intestino livore, quo perfusus in *Venetum* Gallus ferebatur; sive quoniam inter extraneos ad internorum perniciem facile conveniat; coherentesque invicem tenaciore glutino barbari, nostras ad perdendas opes facile barbaris conjungantur: verum hac in re compertum hoc habeo, *Ludovicum* Gallorum Regem, cum in ipsum asperior vultum fortuna retorisset, urbium arciumque præfectos literis emouisse, ut cum urgentibus fatis succumbendum esset, Hispano potius quam Veneto cederent: sive quoniam ab illo possessa facilius recuperaturum putaret; sive quod esset æquiore animo perlaturus, ut a barbaris ad barbaros ablata transirent; *Transalpino*que semper jugo retrita cervix nostra ruberet. Addunt *Ephemeridarii*, *Venetos* cum præfidente Gallo *Brixiam* adepturos diffident, cum Hispano, quem urbis potiturum animadvertabant, convenisse, ut receptam eam cum prisco jure, tum recenti foedere Veneto debitam, redderet; *Hispanum*que perlibenter, ne dispositæ jam rei *Venetus* intercurreret, durioresque deinceps ab illo controversiam pateretur, assensisse; mox ut fidem agnosceret ac nomen exsolveret, cum interpellaretur, multa causantem distulisse; ac tandem pernegasse: qua de re periratos Principes *Venetos* excanduisse, renuntiasque foederi; quoniam & prisca & recens inita pactorum lege omnique jure gentium violato, fraudarentur. Etenim quanquam parum firmis antea vinculis copulati, sese invicem tenui fragilioris amicitiae fascia colligassent, nunc vero refractis penitus disruptisque nexibus, in diversa prorsus omnes abiire. Affectus igitur non levi Princeps Senatusque *Venetus* injuria, cum nullam foederum pactorumque suorum rationem habitam viderent, propriæque rei studiosos omnes, parumque communi in re defendenda sollicitos ac constantes intuerentur, vela verterunt: & quos in *Italiam* prius evocaverant, moxque demeritis ipsorum expulerant, iterum revocare, Diis foederum læsis, fideque refracta coacti sunt. Quapropter ne majores bellorum motus insurgerent, conversaque violenter arma sociorum in *Venetos* retorquerentur, si ad communis hostis auxilium regressi palam confugissent, clandestino foedere secretisque pactionibus cum *Ludovico* Gallorum Rege coeunt; *Jo. Jacobo Trivultio* procurante, suaque pro virili semper adnitente, ut horum præfulta suffragio *Lilina* manus *Insubriam* *Liguriam*que repeteret: quippe cum sese a nonnullis Patriciorum *Mediolanensem* Summatibus delusum gravaretur, nec *Maximiliano Sfortia* regnante tuti regressus in patriam, cujus perfrundæ desiderio tenebatur, paterent, impendio Regem cohortatus est, ut si quam recuperandæ *Italiae* spem suo corde sitam haberet, eam æctius *Venetæ* potestatis adminiculo complexaretur. Etenim ductor insignis, rerumque præsertim *Italicarum* omnium experimento præclarus, conjiciebat, ægre fieri posse, ut *Ludovicus* in *Italiam* quanquam magnis prævalidisque legionibus comparatis descenderet, si non aliquo Principum nostrorum præsidio juvaretur:

A cum & Pontifex Summus ab *Hispano* Cæsareque, magis quam a Gallo stare; & rem *Helvetii* *Mediolanensem* ope summa tuerentur; cæteri vero Principes *Italiae* populique Summatibus facile consensuri forent. Itaque suam communemque causam apud Regem sapius dicere, perhortari, suadereque, ne *Venetorum* oblatam reconciliandorum occasionem contemneret: pendere *Venetos*, præsignique læsos injuria fluctuare, dum incerto nutarent ac labarent animo, huc & illuc facile posse propelli; cum vero alterutri partium adhæsisset, nunquam lentescente glutino revelli posse; dictamque semel foedere legem non expuncturos ajebat. Mansuescere flectique non poterant *Gallicani* fastus, ut his alligarentur, quibus antea rescissis ingentibus nodis ablaqueati fuerant; & hos in capeffenda re tanta suffragatores haberent, quos invisissimos antea supraque omnes odiosos habuerant: & tamen acclinare, frænumque mordere, sic urgente fato, cogebantur. Ergo cum omnium incommodis commodisque recte pensatis, placuisset togæ sagulum subjicere, barbaricamque strenuitatem cunctatione *Veneta* moderari suam in rem fore omnes arbitrarentur, coiverunt. Inter cætera *Andreae Gritti*, *Liviani*que libertatem, quorum alterum *Brixiana*, alterum *Agnidilina* clade *Galli* captivos fecerant, paciscuntur; dehinc libera urbium suarum imperia, territoriique præsertim *Brixiani* recuperationem *Gallico* impendio, manuque regia præstandam, suorum in formulam pactorum rede gere. Cum foederalibus tabulis subscripsissent, dissimulata res est, nubeque taciturnitatis obumbrata: donec omnia suo tempore promulgata cunctis admirantibus innotuerunt. Quibus ex sententia confectis, ad *Helvetios* pari foederum nexu constringendos itum est. Horum etenim adjuncto peditatu fortissimo, rem haud dubie sibi factam pollicebantur, qui *Gallicam* expeditionem procurabant. Et id sane factu promptum erat, si ad *Venetorum* Gallorumque societatem conservandam supererogatis majoribus stipendiis, novisque largitionibus perlici gens dura potuisset. Proinde summi Procerum *Gallicanorum*, Oratores delecti, *Ludovicus Tremellius*, *Massiliensis* Præsul, *Jo. Jacobus Trivultius*, *Britanniæ*que insuper, ut ajunt, Admiratus. Hi profusissimis ingentibusque donativis *Helvetiorum* Primates circumvenere, suamque in sententiam attraxere devictas auro mentes eorum: cæteram facile subactam iri multitudinem horum assensu ductuque Procerum rati. Sic etenim actu rerum frequenter agi palam est; & hos per gradus summa difficultatum fastigia semper evinci nemo nescit: cum ardua duraque tentantur, concionis præfides atque triarios pollicitationibus ac congiariis evitent; ut ipsi mox reliquos hortando suadendoque vincant & cogant. Sed plerique nonnunquam opinione sua labuntur: concitæque interdum humiliores coacto globo suos adversus Principes consistunt, intercedentesque violentius suorum placita Procerum rescindunt & lacerant. Quod & præsentibus *Helvetiorum* conciliis factitatum accipimus: quippe cum obsessi Magnates, expugnatique muneribus facile cessissent, turba subinde crassior atque pannosior conquesta est; suosque in Principes acrius animata sævit; exautoratisque pluribus, cum alios Senatu movisset, rursus alios suffecisset, *Gallos* nequaquam voti sui compotes demisit. Interea senio morboque prægravante, *Julius* Pontifex Maximus extremis suis fungitur: cui *Leo Medices* *Gallicanis* nuper vinculis exsolutus, duraque redemptus captivitate suffectus est. Hic magis consilio nutuque nepotis quam suo rem gerebat: & uterque summo nisu contendebant, ut *Hispanis* *Germanisque* *Vene-*

ti consentirent. Quod arduum erat omnino, factuque difficile: summa siquidem ope *Veneti* magnoque conatu suis recuperandis urbibus (ut par erat) intendebant; cum alii potius, ut renuntiarent abdicarentque sese, pro virili sua niterentur. Intercedebat *Leo* Pontifex Summus, & quantum illi fas fuit, suæque dignitatis sanctitas & amplitudo patiebatur, instaurandæ amicitiae, reconciliandorumque animorum omnium non levem operam obibat, ut longe *Gallum* ab *Italia*, nostrisque procul finibus arceret: sive quoniam illius potentia suis consiliis suspecta videretur; sive quod ab *Hispano Germanoque* majora quam a *Gallo* consecuturum speraret; aut quod *Gallicano* imperio detentus in vinculis, contra personæ dignitatisque suæ decorum, *Gallicam* factionem penitus abhorreret. Sed omnes longe fœderis percussione distrahebantur; nec æquis coire Principes animis poterant: *Venetis* ex lege sua repetentibus; cæteris vero pertinacioris duritia, insuperabilique proposito retractantibus. Colluctabatur itaque *Leo Leoni*: & cum uterque suis iustam meritum causam prætenderet, constantissime repugnabant. Pontifex quidem *Venetum* & suadendo & hortando, quantoque poterat lepore verborum demulcebat, sed in casum; irritique conatus omnes erant: cum jam *Leonina* Lilinis vexilla nexibus alligata cohæssissent. Quod cum certiore exploratu Pontifici Maximo perliquisset, Oratori Veneto *Francisco Foscaro*, qui tunc *Romæ* Legatum agebat, *Leonem* graviter succensuisse ferunt: quoniam eo facto, *Veneti* publicæ quietis perturbatores arguebantur. Sed prudenter matureque *Venetus* Orator, ut objecta cætera omnia sic & præsentia diluebat: quoniam olim inter *Julium* decessorem suum *Venetumque* convenisset, ut omni repurgata sordibus externis *Italia*, singuli Principes sua vendicarent & possiderent; proinde *Venetam* Rempublicam ære, milite, commeatu, semper præsto fuisse; rem communem juvisse; præcipuaque ipsius opera, finibus *Gallum* Italicis exactum asserebat. Sed interlitam a fociis violatamque fidem querebatur; pollutumque jus gentium perfidia fociorum dolebat: cum per ipsos possidere non liceret, quæ *Venetis* omni jure debebantur: itaque quos abegerant, tantoque trans *Alpes* fragore protruderant, appellare, revocareque coactos fuisse; ut quando familiaris domesticæque fidei nulla spes esset, peregrina firmior & sanctior aliunde quæreretur. Expedit enim foris religionem experiri, magis quam domi scelus & flagitum tolerare. Sed & identidem *Foscarus* Orator amplificando commendandoque *Gallicas* copias efferebat: *Leonemque* Protostaminem impensius hortabatur, ut *Aurelienses* magis quam *Germanicas Hispanicasque* partes confoveret. Sic etenim propediem futurum aiebat, ut omnis juri suo reddatur *Italia*, firmioreque basi consolidata diuturniore pacis otio perfruatur. Sed ex antiquæ voluntati suæ mentes hominum obnoxiae, suisque rebellibus desideriis expugnatae, plerumque consilia respuunt; atque illis ægre semper obtemperant: quæ quamquam ex fide candoreque animi proposita sint, cæcis tamen affectibus nostris adversantur. Quapropter cum neque Pontificem *Foscarum*, neque *Foscarum* Pontifex deicere sententia potuisset, suas quisque partes largiore sinu complectebatur: suæque concordie voluntate, discordes invicem affectus omnes alebant. Solutus interea vinculis *Livianus*, Venetiasque postliminio reversus, gaudente Patricio, lætoque Principe, ac plenius exultandæ Reipublicæ votis, exceptus est: quoniam nullus in eo viro dolus, aut castra metando, aut exercitum ducendo, aut fortiter pugnando repertus erat. Quod & sta-

tim collatae dignitatis prærogativa, suisque cum fascibus honores adscripti declaraverunt: quippe Principis Patrumque decreto, castrensium rerum arbiter, Ductorque militum creatus, præsigni cum potestate *Veronam* profectus est. Affecti tandem *Veronenses*, exoticique jugi pressura suffocati, laxiores habenas, lenioremque domini mitioris virgam deposcebant. Hinc nonnullorum conspiratione civium *Veneti* Principes evocati, his adesse suffragarique desideriis honestioribus nitebantur: quorum ut consilia maturaret, hisque præsto foret, militari manu *Livianus* occurrebat. Sed detecta priusquam ad exitum perduceretur, (ut plerumque fit) conjuratio Ductorem avertit: compulitque alio paratas copias, expeditione *Veronensi* parum feliciter attentata, traducere. Dejectus ergo tanta præconcepta spei ansa *Livianus*, *Cremonam* iter parat: inter eundemque *Pischeriam* atque *Vallegium* parvo negotio subigit. Vix emigraverat, cum *Verona* moventes barbari persecutique *Livianum* abeuntem, confligere. Cum utrinque jacta primo tela subrorassent, levique præludio vix imbuta prima acies irrubuisse, interlucens rariore numero *Veneti*, Coloniam usque fugati sunt: obtentoque deditione oppido, cum & anceps fortuna vicibus interluffisset, *Sigismundus*, *Joannesque* ductores, hosticam sub ditionem iere. Tunc & *Vicentie* trepidatum est magno metu: cum *Paulo* militaris rei Præfecto, velites, cathaphratti, pedites, angustiore omnes numero restricti, civitatem tuerentur. Itaque subsidiis alienis innitendum fuit; adventitiæque opis imploranda remedia: proinde repentina celeritate, suisque telis obarmati certatim agricolæ, præsidio fuere. Quorum auxilio repressa vis hostilis urbem urbicosque defensores omni statim metu liberos absolvit. Exinde quoniam res novas *Cremonenses* moliebantur, novique bellorum motus ad *Venetos* spectabant, *Livianus Gambara* movit: sed vota *Cremonensium* anteverterunt *Pallavicini*, prævia celeritate tumultuanter urbem ingressi. Quos haud multo post *Livianus* adveniens auxilio validiore profudit: urbemque confestim ingrassatus hostili more populatus est; promiscuaque direptione turbulentè affecit. Diversa regione, *Laurentio* ductante, *Venetæ* legiones *Brixiam* deflexere: conflictatamque urbem multisque miseriis oppressam, modico pulvere *Venetis* asseruerunt. Militibus militumque ductoribus difficultatem ingerebat arcis oppugnatio: quam & perexigua *Leonina* manus, prævallataque munitis omnibus moles ingens augebat. Itaque cum & urbem & arcem pari virium nexu completi non possent, majoraque ex arcis obsidio detrimenta vererentur, quam ex urbis possessione consequi posse sperarent, relicta *Brixia*, *Cremonam* cum utrique impares essent, ope summa tutati sunt. Per hos quoque dies *Genue* tumultuantibus civibus non levis exorta seditio: cum *Fliscum* Comitem *Ducalis* satellites cohorsque prætorii ferro sustulisset. Quo facto sua cum manu *Flisci* protinus in montem secessere, adversus Ducem asseclasque Ducis vires reparaturi. Quod cum non levi conjectura futurum Dux suspicaretur, ne ipsum imparatum hostes opprimerent, ab *Hispano* suppetias implorabat. Quibus laxiore mora lentiscentibus, ipsoque tardius appetente præsidio, *Flisci* collectitia manu statim advocata, improvisi violenter urbem armorum fragore conterritam invadunt: cum aliunde *Adorni* *Fliscis* adhærentes impetu facto pariter irrumperent: diversos igitur per tramites, angustaque viarum diverticula confluentes armati in forum coiere: ubi factionis adversa cohors, armisque præcincta multitudo stabat. Extemplo conferta manus, omnique telorum ingruente

nimbo, sævissime fortissimeque decertatum. Ægre Dux parvo comitatu, periculoque subducti fratres ejus vim hosticam evasere: navimque præcipiti festinatione conscendentes solverunt. Igitur adversantium civium propulso metu, *Adorni Elisci*que Gallicana signa secuti rerum potiuntur: sed haud diuturno rerum statu conquievit. Quippe paulo post audita clade fugaque Gallorum, *Hispanicis* adjuti subsidii, extorres profugique cives urbem ingrassantur: suamque pristinam in sedem *Hispano* suffragante reilituti, diversæque factionis civibus eliminatis, ac *Octaviano Fregosio* in Ducem promoti tranquillius desedere. Ergo dum *Ligures*, *Cenomanos*, *Insubres*, perpetua bellorum tempestas adfligit, unoque communis hostis abscessu propagati plures, enatique multiplicato discordiarum semine, unius in *Leonini* militis perniciem exitiumque laborant, extemplo *Venetæ* militiæ ductores omnibus contractis legionibus sese in tutiora recepere. *Athesim*que profecti super agendis exsequendisque rebus bellicis consultant: & primo quidem e Republica visum fuit, *Veronensem* agrum omnem devastare; præfectasque segetes maturas immaturas omnes *Tarvisum* atque *Patavium* importare: præformidatæ famis & impendentis inedia futura solatia. Tum si *Lemniacum* oblata de improviso fortuna expugnare potuissent, id subegisse non ab re futurum existimabant. Ergo vastatitia manu per universos *Veronensium* fines, collimitaneasque regiones dimissa, messore multo segetes ablatae sunt; prædatoriisque manipulis statim omnis divastatus ager; abactum pecus; incensum stramen, avecta pabula; lignorum utensiliumque omnium, quæ castrensem in rem forent, conficti sunt & translati fasces, aut immixtis ignibus inflammati. Interea *Lemniacum*, cum suggestæ propius *Venetæ* legiones appulissent, *Leoninis* signis parvo motu cecidit: & quoniam infirmiore custodia tenebatur, levisque propugnaculorum obices municipium defendebant, brevi mora pæneque ultronea deditione subactum est. Sed operæ majoris erat, provinciæque difficilioris arcem ipsam evincere: quoniam *Hispanici Germanici*que peditatus robur validiore munimento pro muris stabat. Proinde circumfusi milites *Veneti*, vastamque molem densiore limbo militiæ circumfidentes, expugnationi protinus accinguntur; eaque primum oppidi parte deoptata, quæ majore detrimento murales machinas fuerat exceptura, ipsius e regione militaria tormenta locant; latamque congeminatis ictibus fenestram, ac collabentibus ruinis ingentibus dispartentem aperiunt. Mox expediti præcinctique gladiis ac pugionibus *Leonini* milites stataria pugna congregiuntur; ancipitique telorum jactu strenuissime ferocissimeque rem gerunt: & hinc & illinc omnes summa vi magnaque milites ope decertabant. *Veneti* tormentis, impetu, ferro, viam in arcem aditumque moliebantur: contra vero corporum vastitate *Germanus*, omnique levis agilitate corporis *Hispanus* obsistebat, reluctabatur, propugnabat. Emissitia jaculatitiaque omnia cominus eminuseque frequenti crebroque vulnere jactitata sunt: sulphure medicatas piceque perlitas ubique tædas *Hispanus* spargebat; e diverso tenacem infixumque *Venetis* ignem excutiebat, sensimque progrediebatur: mox cum utrinque cadentibus fortissimis pugnatoribus asperiore diu prælio dimicatum foret, indignati validioris armaturæ *Veneti* Proceres victoriam retardari, collectis, omnibusque contractis in cuneos viribus, impetum faciunt: telorum bellatorumque suffragiis confestim omnibus advocatis, adversam toto turbine violenter aciem impin-

gunt, exculcant, proterunt. Elanguidi debilesque longo certamine *Germani* loco cessere: hinc aliis super alias ingruentibus *Venetorum* copiis, cum duplicatam vim non sustinerent, in fugam compelluntur. Alacritate promoti victores fugitantem exagitant; arcem capiunt; rerum potiuntur. Capto *Lemniaco*, arceque ejus fortiter expugnata, cum majoribus capeflendis rebus fortuna melior aspiraret, *Livianus* asserendæ urbis *Veronæ* sollicitus, cum Mars Herculesque felicius acceptis assensissent, eductas copias, moenibus admovet. Non magno nec valido munita præsidio civitas, tum ingentia affectorum civium desideria, *Venetis Liviano*que spem magnam obtinendæ urbis erexerant. Sed ea omnes dilapsi sunt: dum exsequendæ rei perficiendoque negotio *Livianus* promptique milites ejus omnes accinguntur. Trecenti quippe equites *Germani*, pedites vero duo mille sic oppressam urbem obsederant, ut nihil intus civis attentare, foris vero non nisi difficulter & ægre milites auderent. Ergo quoniam irrita spes omnis erat, votaue tantæ consequendæ rei reposita in armis erant, tormenta *Livianus* ad urbem impingit: opportunaque cuncta diligentius explicat; tum assidua perennique saxatilis ferreique imbris tempestate moenia quassat & disjicit. Magna prostrata muri parte, retritaque, cum ruderibus coctiliumque laterculorum ruinis, præruptus inæqualisque aditus in pugnam ægre militem admitteret, circumquaque tamen conglobati præstipatique manipulis densioribus *Veneti* Germanum fortissime repugnantem summovent; propellunt ac propelluntur; rursus cæduntur ac cædunt. Mutuæ plagæ, mutua vulnera, reciproque depæliantium vices incertam rem diu fecerant. Verum postquam exacerbati perfuso cruore animi, conduplicatisque cædibus crudeliter hinc & illinc acies confligere, melior ab oppidano fors stare visa est: extinctisque *Germanorum* paucis, vulnerati cæsi que super alios alii milites *Leonini*, fossas aggereque replebant. Quæ cum *Liviani* oculis substernerentur, ipseque non nisi magna suarum strage copiarum obtineri posse rem animadvertet, e vestigio receptui cecinit; *Athesim*que suum, unde dimoverat, reversus est. Quæ cum majore etiam quam gesta forent ad *Hispanos* fama perferrentur, suo vetustiore odio concitati, stimulisque pontificalibus accensi, *Bergomum* petunt: parvoque subactum prælio tenent. Dehinc regressi *Pischeriam*, eodem iniquæ fortis flagello percussam, confestim expugnant: subrutaque tormentis mole murorum, cum fossa famentis concædibusque repleta, bellatori viam quanquam inæqualem & salebrosam aperiret, atrocissimo tamen prælio digladiatæ sunt, sævissimisque vulneribus utrinque acies conflictatæ. Implacabilibus odiis incitatissimoque furore debacchantes *Hispani*, *Venetique* invicem concurrabant: tantaque ferri rabie mortisque contemptu præliabantur, ut bis terque rejectati rejectarent; nunc ingressi, modo regressi; nunc oppidum tenentes, rursus oppido dejecti, magno varioque rebullientis æstu victoriæ conservebant. Mirum sane, tam vicinæ mortis impendentisque fati securos pugnatores, in ipsam ferri districtam aciem ruere: acuminatoque telorum rigori suorum corporum objectu, confractisque pectoribus pertinaciter involvi. Barbarus cum *Italicam* virtutem obduratam labore multo, multisque periculis infractam, sui roboris obice non inflecti nec retundi posse videret, ad subterranea remedia secretæque fraudem expugnationis convertitur. Defossis ergo profundiore fastigio scrobibus, occultisque cuniculis ad ima penetrantes, moenia succutiant, fodiculant, eruunt. Illico tanta consternatio timor-

morque militem incescit, ut hebetes languidæque manus omnes frigore subito correptæ prorsus intorpescerent. Flaccescentibus ac præ timore pigris offecere secreta sociorum colloquia, quæ diversa municipii regione, cum hostibus Præfecti militum contulerant. Hi desperatis pæne rebus super defensorum sospitate paciscebantur: sed importuni metus inconsultiorisque fugæ præcipitia, suorum consilia ductorum anteverterunt. Itaque dubios oborto per ordines tumultu, novoque pavore propugnatoria trepidante militia, derelictum, captum, direptumque est ipsa cum arce oppidum: tantaque subinde formido protinus irrepsit, ut qui *Veronam* prius expugnare præsumpserant, nunc & *Pischeriam* & *Lemniacum* atque *Rhodigium* uno conclamata desperationis fato desererent; ac ne bellici huius incendii provolutæ longius flammæ, suisque sequaces vaporibus insufflante vento profugos corripere, *Athefi* perniciosissima celeritate trajecto, sese *Montignanam* contulerunt. Quo cum *Hispani* victoriæ secundioris aura provecti contendissent, tunc *Veneti* nihil animo suo melius nec sanctius esse duxerunt, quam *Tarvisium* atque *Patavium* ab imminentibus bellorum procellis defendere. Quo circa magnam copiarum partem alio destinant, rursus ipsum alio reliquis cum legionibus proficiscuntur: & quidem *Tarvisium* cataphratti equites ducunt, trecenti levites, duoque peditum millia, congruo præsidio tutabantur; cum *Patavium* reliqua supplemento redintegrati exercitus fortitudo defenderet, quam & multa Patriciatus *Veneti* Nobilitas, & ad protegendam urbem conjurata præfixæ mentis intentio, constantiumque stabilitas animorum augebat. Adminiculum quoque præstabant, obsidione pristina periculis omnibus artes exercitæ: sed & olim jacta propugnaculorum interjacentibus fossis, promuraliumque suorum fundamenta, quæstuariam ministri durioris operam allevabant. Quæ cum intentis alio Principibus *Venetis* interrupta fuissent, nunc improbo labore restituta surgebant. Ad hæc excitati vigiles, dispositæque passim excubiæ: disposita pabula, divisi commeatus: stationarii milites suis cum Ductoribus per infirma suspecta omnia distributi. Tum grandia levique omne genus tormenta, longius propiusque, ut in re fuerat, prolocata sunt: & e regione transversoque detorquenda, suis lineis constitere. Evocatæ præterea, *Vincentio Capella* procurante, ex omni maritimo tractu, militibus onustæ naves innumeræ: quæ periclitantibus fessisque rebus cunctis succurrerent; juvarentque, cum opus esset, *Patavinas* terrestresque omnes copias, quas ad suarum tutelam urbium civica castrensisque sollicitudo conciverat. Jam *Hispanicus Germanicus*que omnis exercitus, ut *Patavium* obsideret, assideretque Cæsari desideratam votis omnibus urbem, coiverat: castraque non procul urbe posuerant summi Procerum militumque Ductores: cum & præsidaria manu *Gurgensis* Episcopus, auxiliaresque Pontificis copię præsto fuerunt. *Patavium* omnino debellare capereque, si fortuna desideriis obsidentium aspirasset, hostes animo conceperant. Quod si voto contumax fortuna non respondisset, illud identidem agebatur, ut bellicis conflictati dispendiis *Veneti*, exhaustique perpetuo sumptu castrorum pacem quærerent: ac Pontificalibus Cæsareisque foederibus propensiores, vellent, nollent, assentirentur. Sed in diversum utrumque cessit: nam *Veneti* neque contracto cum *Gallis* foedere resiliuerunt, & ipsi milites cum magno damno *Patavium* obsiderent, majoreque cum jactura debellaturi esse viderentur, obsidium solverunt. Quippe frequenter, erumpentes oppido *Veneti* Ger-

A manos oscitantes & ad arma nonnunquam imparatos percellebant: sæpius etiam dispalantes & vagos commissis levibus præliis adoriebantur. Præterea commeatum per *Athefim* perque devios sylvarum calles, & invia montium lustra, rapinis intentus utique *Leoninus* miles interciperet: adeo quidem ut nec intus nec foris tuti quicquam hostibus fieret. Itaque castra movere, seque intra *Bacchilionis* amnis divortia recipere, coacti sunt; ac mox quadrato agmine *Vicentiam* petere compulsi: ubi dies aliquot commorantes licentius desedere. Nec minus interea *Bergomi* quietæ res erant: *Laurentio Cerinate*, cui demandata *Cremensis* erat custodia, de proximo semper hostem infestante; dum rapit, vastat, populatur; omnique profuso militari præsidio, post intercepta decem nummum millia, quæ barbarico stipendio debebantur, urbem capit; mox ablato reconditoque auro, ne quid intercideret, *Cremam* profectus est. Incustoditam ergo vacantemque milite civitatem *Hispani Germanique* continuo repetentes subigunt: colligendisque viritim pecuniis, omnibusque miseris civibus expilandis vacant. Quod cum acriore studio diligentiaque facefferent, ecce de improvviso *Leonini* milites, velut harpiæ, alia atque alia cæli regione devolantes adfunt; incurfant; populantur. *Hispanus* demuncti auri, sui que congesti æris conscius, ne male ablata cito laberentur, in arcem concito gradu profugit: omnique translato numismate, statim in tuta dilapsus est. Contra *Venetis* ex jam præteritis meliora sperans, instare, persequi, arcem circumfidere, scandere muros, in hostem desilire. *Hispani* sua pro virili trepidanter adesse: ac tela jaculando, saxa torquendo, cominus pugnando, cunctis occurrere. Verum arcis infirmitas exarmatæ, ipsaque defensorum corona rarior, ardentem consequendique auri dulcedine captum militem *Venetum*, in possessionem arcis induxit. Igitur arce oppidoque captis, ac cum cædetum captura dissipatis militibus, qui præsidio fuerant, præmunire oppidum, majoribusque circumvallare custodiis, e Republica futurum, castrensis urbicæque procurationis Præsides æstima-

B hostem infestante; dum rapit, vastat, populatur; omnique profuso militari præsidio, post intercepta decem nummum millia, quæ barbarico stipendio debebantur, urbem capit; mox ablato reconditoque auro, ne quid intercideret, *Cremam* profectus est. Incustoditam ergo vacantemque milite civitatem *Hispani Germanique* continuo repetentes subigunt: colligendisque viritim pecuniis, omnibusque miseris civibus expilandis vacant. Quod cum acriore studio diligentiaque facefferent, ecce de improvviso *Leonini* milites, velut harpiæ, alia atque alia cæli regione devolantes adfunt; incurfant; populantur. *Hispanus* demuncti auri, sui que congesti æris conscius, ne male ablata cito laberentur, in arcem concito gradu profugit: omnique translato numismate, statim in tuta dilapsus est. Contra *Venetis* ex jam præteritis meliora sperans, instare, persequi, arcem circumfidere, scandere muros, in hostem desilire. *Hispani* sua pro virili trepidanter adesse: ac tela jaculando, saxa torquendo, cominus pugnando, cunctis occurrere. Verum arcis infirmitas exarmatæ, ipsaque defensorum corona rarior, ardentem consequendique auri dulcedine captum militem *Venetum*, in possessionem arcis induxit. Igitur arce oppidoque captis, ac cum cædetum captura dissipatis militibus, qui præsidio fuerant, præmunire oppidum, majoribusque circumvallare custodiis, e Republica futurum, castrensis urbicæque procurationis Præsides æstima-

C verunt. Itaque peditatu velitatuque majore in urbem immisso, tum quibus potuerunt exstructis admotisque propugnaculorum ac tormentorum machinis, eluxatum dispaetumque membris omnibus oppidum compingunt & solidant. Hæc inibi dum aguntur, *Mediolano* digrediens *Sylvius Sabellus*, equitum peditumque copiis instructus, in ipsam *Bergomensem* expeditionem proficiscitur. Exciti novo belli motu *Cremenses*, trepidantibus, magnæque adventantium copiarum formidine correptis *Bergomatibus* adjuncti, protinus occurrere: obvixque invicem armatæ acies collatis signis commissæ sunt; peditatu peditatus & equitatus equitatu, consertis utrinque globis armatorum permixtus, per exertos enses telaque districta pertrahitur. Atrox utrinque prælium, & utrinque sæva cædes exorta: horror fremitus plangorque cadentium, tum accensiferocientium militum animi, bellicoque æstu præstruentes, omnia circumquaque pavoribus ac formidine replebant. Cum sauciati cæsi que plures *Veneti* Rempublicam dubiam mox inclinantem facerent, eorum Ductor impiger collectis fragmentorum reliquiis, sese in arcem *Capellam* paulo monti acclivem tuto cum præsidio recepit. Quam cum expugnare debellareque victor frustra tentasset, quod omni robore munimentoque præcincta, difficilis obsessu, sed expugnatu difficilior erat, ab armis belloque militibus requiem dedit. At non iccirco *Germanæ Hispanæ*que phalanges, quæ relicto *Patavio*, quod inutiliter

versarentur; *Vicentiam* abscesserant, bello temperaverunt. Quippe cum aliquot *Vicentie* dies feriantibus armis otiosi, mentes animosque sceleribus compatrands omnibus effinxissent, *Alboretum* emigrantes, dehinc *Coloniam* transgressi, protinus *Montignanam*, exinde *Messtrum*, cætera deinceps oppida pagosque omnes miserabiliter depopulati, ad usque supremos *Adriæ* margines, æstuariæque *Veneta* cæde semper & incendio, rapinisque furentes, pervaserunt: tanta flagitiorum omnium impietate, tantaque immanis execratione facinoris audacia, ut, sicuti quidam scripserunt, qui hæc adamussim literis exsequuntur, *Livianus* edicto proclamaverit, ne quis hostem captivum faceret; sed quotquot in manus incidissent, morti darentur. Etenim tam ardens facinorum omnium sitis, tamque effera nefarii cuiusque criminis invadendi rabies hosticum agmen incessebat, ut non rapinis modo prædæque studeret, sed discruciantis perdendisque captivis, unaque ruina crudeli sacrilegoque conatu subvertendis omnibus niteretur. Non ætas, non sexus, non religio, propollutas impurasque debacchantes ac igni ferroque sævientes manus, ab ipsa omnium compatrandorum atrocitate delictorum, coercerant. Qua proficiscerentur, quaque palantes irent hostium invisissimi, non hominem pergere vel *Cyclopem* putares, sed velut ruptis æterna lege dispositi orbis carceribus, indignatum *Plutonium*, dirasque scelerum ultrices nostram in lucem erumpere: pestilentique afflatu corruptis omnibus, mundi ruentis in perniciem terram mari, & mare cælo permiscere. Ubique luctus, fuga, terror; ubique flammæ, cruor, ruinæ; ubique gemitus, mors, desperatio. Hinc protinus agrestes miseri vagique cives, & quibus nulla de proximo tutæ sedis conceptacula patebant, sarcinas colligere, pecus cogere, *Venetias* confugere; tum quibus rusticari pascereque in animo erat, ex omni agro, omnibusque desertis mapalibus ac tuguriis emigrare; municipia, si qua propinquis finibus feritatis hosticæ secura viderentur, infugere: quod si barbaricæ suspecta forent immanitatis, tum nulla mora raptim *Venetias*, *Veneticasque* paludes confluere: ibi diligentiores custodiæ, magnaue parata classis, instructa viris armisque, ac ex omni numero trecenta navigia trepidantes tantoque metu contreritos advenas, velutque meticulosas oves ab irruentium incurfu luporum defendebant. Itaque foris inculta deformataque omnia, tum perusta circumquaque prolapsisque contignationibus ac tabulatis ruinosa cuncta squallebant; ubique terribilis & aspera rerum omnium facies, sed ipsorum hominum miserabilior longeque lachrymabilior inhorrebat; amissas fortunas suas municipales, ipsique moerentes agricolæ, tum primarii secundariique cives plus æquo digladiantis fortunæ telis omnibus appetiti, vulneratique lætaliter, lamentabantur; & magis ipsa quidem *Germanorum Hispanorumque* cæde flammisque cuncta divastantium detrimenta, quam concursantium armis *Gallorum* dispendia prægravabant. Tumultuaria, præceps, insolensque *Gallicana* manus violentissimo turbine perstrepebat: ipsique cæteris præferoces velitando decimandoque terrificis omnia sonoribus inquietabant: verum cum crassa stoliditate sua deferbuissent eorum infrænes impetus, irarumque subducto fomite flamma resedisset, reluctante nullo ferocitas retusa mitescebat. At *Hispanorum* sagacitas acerrima, divestigandisque rebus cunctis exactior cæteris inquisitio, cum sese placidam ac mitem ostendisset, reflexa violentius insæviebat: crocodilique lachrymas imitata cum miseretur pietatem, crudelius impia-

bat. Huic accedebat *Germanicæ* fecis colluvies, pedariiue contagii purulentia, omni quidem barbarie barbarior. Diversissimas inter se gentes, intemperantiaque cæli discrepantis, longe rebellibus inter se studiis abhorrentes, exitiali *Venetorum* damno natura conjunxerat. Siquidem obtusus stupore mentis, egelida septentrionis plaga *Germanus*, frigoreque nativum duri corporis calorem constipante, lati pectoris robur hostibus objectabat: contra pusilli homunciones, exustique cadentis ardore solis *Hispani*, sed ingenii capax omnium, acrimonia solertes & vegeti, *Germanicam* fortitudinem indoctasque vires, sua in omne scelus disciplina flagitiorum erudiebant. Et quanquam ipsa barbarica feritas exercendæ sævitie magistro non egeret, nec instruendus esset in prædam lupus, præoptando tamen tempori, deligendoque loco, cunctisque majore cautela suis artibus exercendis, eruditi præceptoris, artificisque prædocti magisterio, egens erat; *Hispanus* vero quanquam nulla debilium infirmitate membrorum ægresceret, nec ulla morbi contabescantis lue rumperetur, *Germanico* tamen umbone prævallatus, nodosoque prænixus scipioni potentius in hostem atque validius consistebat. Itaque crudeles suapteque natura feræ nationes, aculeis sævitie conduplicatis asperatæ, tam longe lateque provinciam omnem immaniter affligebant, ut omnis ante actæ fortunæ gravitas huic collata levior esse videretur. Et sane nisi magna, pæneque sic dicam insuperabilis *Veneta* potentie amplitudo fuisset, tum divina tum humana manu gubernata, totque prudentum consiliis defensata, actum erat. Adeo præpotentes validæque nationes, devastatis finibus, omnibusque sæde miserabiliterque direptis, unius in interitum Reipublicæ persanctique Senatus *Veneti* perniciem ultimam incubuerant: & ipsi Reges quanquam invicem aversi, uno tamen consensu perniciosæ voluntatis suæ conspirantes, nihil animo moliebantur intentius, quam a stirpe *Venetam* Rempublicam evertere. Itaque non hostili sed ferino passim omnes more versari; supraque irati hominis speciem in *Venetum* truculentius debacchari; ac tormentis, ferro, flammis omnia perdere. *Livianus* ergo, cui præcipua castrensium cura rerum incumberebat, in tanta desolati orbis ruina, tantoque bellicæ tempestatis diluvio, pensitare, metiri, factitareque omnia; quæ *Veneta* Reipublicæ salutem & hostis interitum respicerent: ac primo quidem ex omni agro, urbe, oppido, militem contrahere; vastatitiam ubique manum cogere; duos agricolas & in militiam habiliores conscribere; lustrare exercitum; iter explorare; copias dispartiri; tum ex *Veneto* locupletissimo omnium horreo, supplementum, com meatum, stipendium adgerere; exindeque *Tarvisio Patavioque* legionibus accersitis, earumque ductoribus atque Legatis *Andrea Gritto*, *Christophoro Mauro*, *Hieronymo Contareno*, *Joanneque Paulo Balionio*, prædabundis hostibus occurrere statuit. Jam etenim ex omni dissipato retritoque solo ad usque *Venetas* paludes, suis accincti facibus hostes in interiora terræ repedabant; *Brintamque* amnem ad urbiculæ vadum trajecturi esse videbantur; eaque sese fluvium regione superaturos, progressum spectantibus connivebant: cum quia eo loci tenuior exiliorque vado fluctus erat; tum quia illo ductores aciem, omni ex tramite clivoque prædatorios ordines dirigeant. *Livianus* igitur militum numero parique in pugnam exultantium ardore animorum, barbaro non inferior, suas omnes citra amnem copias disponit, funditoria tormenta, fusoriasque cohortes, ex transverso directoque, ut discriminatis pericula vicibus præpositum ad-

monebant, locat; tum praesidium, subsidium, omnemque praevalidam medii roboris armaturam suis regionibus locisque praescribit. Ad haec urbiculum, quoniam id in re esse videbatur, firmiore custodia, suis cum machinis, instrumentisque omnibus emunit. Lembos praeterea naviculasque, omni ex parte fluminis subvectas ripae suae proximiori subigit: ne quam confuendi confertandique pontis materiam transitoris hostibus relinqueret. Reliquos enim pontes, ne contabulato solo militem trajicere properantem invitarent, resciderat atque confregerat. Stabant animis omnes armisque milites intenti, unoque confligendi desiderio pariter incensi *Germanum Hispanumque* sibi obvium dari perardenter optabant: sed illi ductante *Hispano* prudentes & cauti, cum illis omnia visoribus suis explorata forent, impostura *Livianum* eludere. Quippe cum ad inferiora transitum simularent, controverso itinere, triumque spatio milliarium interjacente, ad superiora fluminis properantes, intempesta nocte transgressi, protinus evasere; tum praecipiti celeritate, fido tenebrarum silentio securi, *Vicentiam* agmine facto contendunt. Quod *Liviano* cum innotuisset, e vestigio praevenit: seseque diverso *Bacchilionis* amnis objectu tutatus est. Quod enim *Brintinis* vadis acerrimi hostis praecavente solertia praestare non potuerat, ad *Bacchilionis* ripam id exsecutorum opinabatur. Itaque parare instruereque trepidanter omnia, quae eam in rem essent, festinat: nihil sibi quietis & otii, nihil suis laxamenti militibus impartitur. Et primo quidem *Vicentinae* sedis domicilium a barbaris frustra praetentatum est: validis *Venetorum* copiis urstra praecingentibus; aliisque de proximo, si discrimen incidisset, auxilio futuris; cum & *Andreas Gritius*, Gubernatorque *Balionius* in castra suis cum legionibus subsidiariis advenissent. Ad haec si directum *Germanus* iter, quod *Montichium* perducebat, insisteret, *Paulus Manfronus*, cui ejus loci sedes commendabatur, interrupturus erat; si vero transverso obliquoque pergerent, *Patavini* aggeres, fossaeque profundius excavatae hostilem impetum repressurae erant: cum & utrobique *Livianus* justo suo cum exercitu peragrabundus, opem cunctis derepente laturus esset. Una igitur fuga semita callisque restrictior, vergenti terga barbaro relinquebatur: quam *Liviani* Ductoris imperio exciti monticolae, turbaque suis agrestibus armis instructa passim obsederat. Quippe cum montipaulo suggestus hostis, illo sese facturum iter ostenderet, edictis omnes admoniti sunt, jussique praesto suis armis adesse: ut per ardua progressurum hostem, omni calle circumfusa cohors obseperet. *Livianus* ergo cum iter a fronte, ancipitique bivio dispositis copiis interclusisset, tum a dextra laevaue omnes intenti, descedentes *Hispanos Germanosque* distentis telis tormentisque praegnantibus excepturi forent, exultabundus victoriae securus expedito cum equitatu a tergo hostem insequitur: caeteris ex ordine gradatimque subsequenteribus turmis. Barbari velut desperatione rerum attoniti, cum sese circumdatos, ac infra supraque praecinctos armis viderent, nec spes opis ulla daretur, congressuros simulant, seque per gladios & infesta tela concito gradu *Vicentiam* prorupturos ostendunt. Tunc *Livianus* *Vicentinos* milites eorumque Ductores hosticae profectionis & incursionis admonet. Extemplo certiores facti Duces promptam omnem urbe militiam educunt; ad secundumque lapidem, (*Crematio* nomen est) castra locant. Editiores colliculi, pauloque sese sublimius attollentes, depressam convallem intersperoque gramine subvirentem convestiebant; via secundum montem angustior, cum hinc educta

A moles assurgeret, hinc latius effusa palus displicaretur, in umbrosam vallem perducebat. *Livianus* regiones situsque locorum speculatus montem tormentis militaribus praetexit: ut in declivia devoluti ictus ex alto, facilius hostem, si illo pergeret, excussa grandine flagellarent. Convallis aditum peropacae, vestibulumque tenebat antesignanus ordo: cum subsignanus, intermediique robore suo praestantes triarii, vallis exitum clauderent. His accedebat *Balionius* Gubernator, qui *Tarvisiano* cum subsidio *Vicentina* suburbana provincinus observabat: adeo quidem, ut ingressus difficilis, egressus vero difficilior hosti progressuro redderetur; asperrimaque omnia, tot circumquaque dispositis & obsidentibus iter armatis apparent. Descendere tum in aciem pedemque conferre, quanquam armis tormentis paludeque circumdati non immerito timerent, praesumpserunt hostiles animi: ac primo dissimulanter antea agmen aggressi, mox irrorando velitandoque leviam praetentati Martis discrimina subeuntes, circumductis valle copiis, in *Vicentina* suburbana, *Venetumque* militem promoti sunt. His ferentarius eques obvius occurrit: manuque conferta depraedantes invicem atrocissime conflixerunt. Et cedere primo quidem barbari videbantur: protinus vero restituti collectique ferocius impetum fecere. Praefurente barbarorum impetu rejecti milites *Leonini*, pulsiue loco succubitori fuerant; nisi repente degravata ventriculis suis organa chalybinos filicinosque foetus innumeros expressissent, quibus allisi consternatique hostes, longe retrusi sunt. Haec dum telis manibusque confertis aguntur, inflammatae Martis ardore militares in pugnam aestuant animi, per exploratores hostiliumque rerum conscios *Liviano* Legatisque nuntiat, temperandum, belloque parcendum esse: quoniam non cum barbaro, sed cum *Prospero Columella* viro accuratissimo bellicaeque artis scientificimo res ageretur, qui cunctando, prorogando, dissimulandoque semper vinceret; praeterea desperatione victos hostes, astrictosque invicem sacramento religione, toto passim exercitu vociferari, sese quam ocysime generosam mortem obituros, aut gloriosam manu sua victoriam paraturos. Itaque non laceffendos, neque sua satis irritatos rabie canes provocandos admonebant; sed differentium sustentandumque diem unum: cum inopia commeatus omnique alimonia destitutus hostis, aut mortem inedia, aut deditone vitam appetiturus esset. Bene consulentium beneque monentium salubres hortatus contempere juveniles animi: victoriaeque properantis alacritate studioque commoti, toto in hostem impetu feruntur; hos caeteri omnes subsecuti, velut habenis excurrenti promissis equo medias in hostium acies provolant; magnoque pavore conturbatas feriunt atque percellunt. Barbari velut amentes atque contritissimi simulare fugam: quam ut fide veri confirmatam testarentur, impedimenta reliquerunt. Illico credita res: captique dolis omnes; nullo ordine, nullis signis, incompositi dispalantesque persequuntur. Tunc *Hispani* atque *Germani*, quibus ex voto praemeditata successerant, eo usque posthabitis fugam impedimentis intendere, donec simulati metus illecebris pellectos hostes ad iniqua locorum *Crematiamque* paludem attraxere. Tunc subito conversi omnes, signoque dato suos in cuneos suasque phalanges consipati violenter irrucere, consternatosque vertigine repentina *Venetos* milites adoriri coeperunt. Illi metu alieni, signisque longe relictis aberrantes & vagi, cum lubrica victoriae nutantis ansa, tantaeque spei domicilio laberentur, fusi fugatique omnes in diversa sese proripuerunt; multi fluminis rapidi

vorticibus absumpti; capti alii, alii cæsi, plures in paludem devoluti sunt; nonnulli sentibus dumisque coniecti, per inculta sylvarum & avia locorum delituere. Pauci Ductorum egregii, viribus ingenioque præstantes, quibus in prælio mori vita fuit, coactis de improvise, quos poterant in tanta confusione rerum, militibus, concitis in barbaros equis irruerunt: ingrassatique ferociter obvios & reluctantes mirum in modum imprefere. Tum summa ope studioque sparsos ordines componere, reparare aciem, promovere gradum, adnixi sunt: sed ægre virtus omnis adversante fato splendescit; spectatissimique mortalium, obfistente fortuna, vix in ipso refulgentis lumine virtutis inclarescunt; egregiique labores eorum ipso met nonnunquam labore nimio diluti prolantur & pereunt. Dabant in cassum operam valentissimi Ductores, adversoque Marte probatas ingenii corporisque sui vires inutiliter exercebant. *Paulus Santangelus*, *Julius Manfronus*, *Gubernator Balignius*, multique præterea fortissimi magnoque ingenio Viri, cum bello strenuissime totisque viribus incubuissent, aut in ipso conflictu miserabiliter ceciderunt, aut miserabilis in nervum ierunt. *Andreas Lauretanus*, qui Legatum agebat, cum in manus hostium incidisset, oborta seditiosos inter milites de ejus captivitate rixa, transfixus interiit. Impedimenta tormentaque omnia dissipati profusique exercitus, dum pro sua quisque sollicitus incolumitate laborat, victoribus barbaris lucro cessere. *Andreas Gritus*, *Livianusque*, collectis, quæ superfuerant ex tanta strage, militaribus reliquiis, *Tarvisum* atque *Patavium* contenderunt. Et quoniam incerta hostium consilia ferebantur, cum in hyberna profecturos alii, rursus alii *Patavium* oppugnatos affererent, ne cladi clades accederet, ruinæque ruinis advolverentur, eas urbes de integro præmunire, novaque *Venetis* auxilia contrahere, solliciti rerum Provisores omni celeritate studioque parabant. Igitur quanquam hac de re tristes mœstique Patres, tot investis ex diverso malorum navibus, tantaque de improvise profligati exercitus calamitate, ut præteritis mederentur, futurisque gravioribus malis occurrerent, ex omni maritimo terrestrique ditionis suæ tractu, militem accersere, novum militiæ delectum habere; esculenta poculentaque ex omni propinquo remotioreque cellario, largioremque commeatum exercitui præparare; stipendiorum præterea sumptus infinitos conflato ære, mensisque numulariorum omnium excussis, adæquare; ubique locorum, ubique temporum, domi foris, die nocteque, publicis intendere semperque navare negotiis. Hostes interea *Veronæ*, post adeptam ex insperato victoriam, excisasque tanto bellico fragore res *Venetas*, elati suoque de more tumentes in quæstionem verterunt, num bello vacare, commeatumque militibus dare, an legionibus instauratis, expugnare obsidereque *Patavium* expediret: unaque *Tarvisum* armatis copiis impetere, admoveereque victorem exercitum in re foret. Et quidem *Episcopi Gurgensis*, ac *Proregis Hispanici* mens erat, afflictam, necdum ab impressa clade restitutam rem de integro *Venetam* adfligere: ut undique plagis accisa, geminatique confecta vulneribus irreparabiliter consterneretur. Tunc *Prosperum Columellam* juvisse rem *Venetam* consulendo ferunt: tantumque lingua profecisse, quantum manu prius officisset. Hic siquidem & ingenio pollens, & bellica virtute clarus, tum & recens partis honoribus insignis, suam facile cæteros in sententiam deduxit. Suadebat enim accurate prudenterque bellici concursus pulverem excutiendum, abstergendumque la-

boris exhausti sudorem, quem atrocissimo superiori certamine milites summa cum laude & gloria contraxissent: ne, si perpetua castrorum molestia fatigarentur, aut attenuati fractique deficerent, aut indignatione iusta stomachati ab ipsa re gerenda suorum magna cum perniciæ ductorum averterentur; adventante præsertim autumnii pluvialis, hyemisque nimbosæ malitia, quam tempestate sua permolestam, continuis exercitiis bellorum difficultatibus, & discrimine præliorum, ægrius milites perlaturi forent, quando tot præjacentibus aggerum molibus, fossarumque voraginibus interjacentium, expugnatio periculosa redderetur; ipsum vero perenniores moras obsidium, magno militum cum tadio fastidioque Ductorum, propugnantibus & semper in obsidentium jacturam erumpentibus oppidanis, in cassum extraheret. Itaque ut hyematum dimitterent, darentque militibus per municipia distribuendis commeatum, hortabatur: sic enim instauratis refectionisque viribus, sub ipsam verni temporis opportuniorem horam in bella consurgerent. Aquis animis audita admissaque Ductoris eximii sententia: soluta concio, soluti milites, solutus labor; dataque *Veneto* consarciendæ, reparandæque rei suæ, ac urbium oppidorumque validius communiendorum mora diffusior & laxior. Sed non iccirco placida civem quies agrestemque fovebat; nec ipsum sub pellibus agentem otiosumque sub bruma militem complexabatur: quippe quotidie *Verona*, *Patavio*, *Vicentia*, *Tarvisio*, cæterisque circumjacentibus oppidis erumpentes, hinc *Hispani Germanique*, illinc *Veneti*, militaresque copiarum eorum assiduo popularu diuturnisque direptionibus omnia pervastabant. Ubique cædes, præda, captivitas, ubique fuga, terror, incendium; obvi nonnunquam ipsi turmatim invicem milites dum hostili more pervagati late fines peragrant, afflicti, cæsi, captique sunt. Et quanquam levi prælio tenuique manu committerentur, insensit tamen animis inexpressibilique odio confligentes, sui frequenter desiderium reliquere. Agrestes vero casis tuguriisque suis jugiter exagitati, neque cælitentis clementia, neque rigentis asperitate, requiem habebant; amissas opes, ruralesque copias everfis omnibus ablatas, urbici juxtaque rustici conquerebantur. Exacta præteritæ pacis otia, amœnamque sæculi melioris umbram, dum nunc bellico terrentur incendio, summis, sed in cassum, votis exoptabant: adeo carendo quisque potius quam fruendo, quæ commoda sua sint, melius æstimat atque perpendit. Hæc dum in *Venetia*, *Japidia*, totoque *Julii foro* turbulentè exagitantur, non minora *Cenomanos Insubresque* dispendia conflabant: *Hispanis Hispanicarumque* partium assclis *Cremam* obsidentibus; *Helvetiis vero Sabelianisque*, *Bergomates*, oraque convicinales cædibus ac latrociniiis infestantibus. Inexpugnabile oppidum, si dici fas est, *Cremam*, *Laurentius Cerinas* castrorum Præfectus, tenebat: vir impendio sagax & impiger. Hic quanquam barbarico premeretur obsidio, *Hispanicaque* circumvallatus custodia cingeretur, frequenti tamen eruptione, tempestivoque semper assultu, magnis hostem cladibus afficiebat. Nunc diluculo, modo vesperi, sæpius intempesta nocte, solutos, nihilque minus quam *Laurentium Cerinatem* timentes hostes, improvisus interturbabat: ingrassabaturque vehementer vir strenuus, dum ex desiderii naturalis otio cœnitantem, pransitantem, cubitantemque eum hostes existimant. Sed improbo Dux labore semper exercitus, curisque perpetuis acer & infractus, *Calcinio*, *Quinzanio*, *Pandino*, *Umbriano*, circumque sparsis & interjacentibus oppidis hostem incessabat, desequabatur, omni-

omnique certaminis specie fatigabat: sæpe dum illi negligentius excubant, aut curando corpori licentius indulgent, infessi militis duritiem, præstrenuque Ductoris acrimoniam, magno damno suo sentire: horumque vim ac robur ferocientium, *Philippinus*, *Sylvius*, *Marcus Antonius*, nonnullique præterea Centuriones ac Primipili præpotentes ac validi dum fugantur, cæduntur, capiuntur, propriis ingentibusque suorum ordinum detrimentis experti sunt. Laborabatur penuria commeatus, correptaque populari morbo, tetraque lue Civitas intus illanguescibat, dum obli-
 A dente *Hispano* Veneti *Cremensibus* difficulter opitulantur: nec nisi magno cum discrimine deficientibus & exhaustis suppetias ferunt. Præterea milites stipendia deflagitare, ac si paulo tardius erogarentur, prætorio obstrepere, militiam detestari, signis inspuere, Ductoribus interminari non desinebant. Igitur procurante *Bartholomeo Contareno*, pro cuiusque municipis censu lucroque omnes contaxati sunt: excussisque privatorum marsupiiis, sub publicæ fidei cautela pecuniæ mutuo sumptæ: donec vel obsidii solutione, vel fœderis percussione quiescentibus armis, ærario *Veneto* refusa omnia suis syngraphis redderentur. Ipse ductor interea *Cerinas* populationibus ac rapinis quotidie victum quærere: parareque militari-
 B bus jejuniis escas & inediæ castrensi cibaria. Et quoniam tam internis quam externis desertis raptoribus omnia consqualebant, evagari latius ferentarios equites, excurrereque longius oportebat. Igitur ab oppido *Cremensi*, *Laudem* usque *Pompejam*, perniciosissimo concita levis armatura cursu, perque latiores agros transgressa, prædam agendo penetrabat. Sed magno ambitu præcincta, magnisque circumvallata castra hostium aggeribus interjacebant, quæ ferro modis omnibus aggredi, plaudentemque nonnunquam sibi votisque suis obsequentem fortunam tentare statuit. Protinus ergo visoribus amandatis, qui castrorum hostilium munimenta diligentius explorarent, ac firmiora debilioraque valli latera scrutarentur, tum examinatissime diligentissimeque comperta omnia referrent, edoctus est, qua parte *Laudem* Hispanica castra respiciebant, ea leviori solidata compage, *Cerinitis* assultum facilius exceptura fore: quod
 C & ipse congrua ratione metitus comprobabat. Quippe cum *Venetis* a fronte castris obvis obiceretur, obarmanda superciliorum promontoria fuerant: occipitiique posthabita segniore cura, sincipitio major impendenda fuit. Ergo ut imposturis imposturas attexeret, pervigilique *Cerinitis* diligentia, alius præsepita *Germanicæ* custodiæ negligentia plecteretur, adulta nocte, multoque solutis languore corporibus, quanta fieri poterat silentii tranquillitate oppido militem educit: obliquoque circumductum itinere, ac conferendæ opis specie properantem, a tergo posticis admovet. Decepti symbolo vigiles, cum & obliquo tramite viæ socialis cluderentur, ipseque *Laurentianus* miles lenocinio noctis amicum ementitus acclamaret & plauderet, appositissime concinnatos dolos, imprudentia sua sopitis & quiescentibus sociis adnexerunt. Nec enim umbraculo noctis advelatas & sublatentes insidias præfensere, donec appetentibus valloque suggestis hostibus, trepidanter ad arma discursum est. Tunc erecti consternatique uno omnes impetu, unoque suborti metus stupore defixi, strepitare, minitari, fremitare: offensos hospitaes Deos, læsam fidem, violata jura, vociferari, objectare, conqueri; nec minus tamen arma capere; proque valli castrorumque suorum tutela congregari, ferociterque pugnare: *Cerinitæ* autem acies suis ordinibus signisque dispositæ, quibus ex voto cuncta quadrabant, assilire hostes,

ingrassarique vehementer, ac suum illis stuporem ignaviamque vino somnoque gravatis exprobrare. Itaque provocati dictis invicem amarioribus ac injuriis laceffiti, omni genere telorum acerrime violentissimeque decertabant: & quanquam hinc inde demorientium, lætalibusque plagis cadentium acervi grandibus cumulis increverent, majori tamen intus numero cæsi prostratique ruebant. *Venetos* adjuvabat animorum alacritas, perductæque feliciter ad exitum insidiæ, quibus prosperiora omnia suo animo futura ducebant: *Hispanum* vero quanquam alioquin acrem & cautum, improvisæ rei metus, sub adversa præsertim obscuræ noctis caligine, perturbabat. Igitur cum magno discrimine magnaue diu militum jactura utrinque acies sævissime conflifixissent, inflammatus animo vehementer, præstrenuaque collecta manu, densissimum agmen *Venetis* irrumpit: alique post alios examine longo castra tenentes lapsitantes *Sabellum* protrudunt, exculant, fodiunt. Equitum alæ ferentariorum, cataphrattorumque cohortes, cum intra vallum hostes viderent, ac conflictatis omnibus, pæneque desperatis, victores esse futuros, castris excessere. Audito fremitu cum viriliter & acriter ferro dimicantes pedarii milites, abscedente equitatu, nullam opem nec subsidium expectarent, terga verterunt. Insistentes *Veneti* defecutique profugos urgente ferro vestigia sublegunt: palantes exagitant; mox indefensa castra diripiunt. Egregio facinore competrato, tamque præsigni parta ex hoste victoria, cum *Laurentius* alia moliretur, novamque in *Prosperum Columellam* expeditionem vel hoc vel simili itratagemate præstrueret, ut invehendi commeatus in oppidum summoto longius hoste liberiores aditus paterent, benigniore fato præventus est: & quiescente gladio victoriam permittem adeptus. Quippe *Sabelliana* clade, fugaque majore cum infamia, perceptis, sive quoniam diuturnæ Ducem obsidionis tæderet, sive quod pari filio pendentia castris fata suis imminerent, obsidium solvit: eaque castrorum molestia *Cerinas* nullo congressu pugnaque levatus est. Interea *Leo Pontifex Maximus*, omni diligentia studioque pacem procurare: Cæsarem hortari; *Venetum* ambire; & hos & illos Principes omni verborum lenimento demulcere suadereque, ut induciarum vel pacis vinculo meliore coirent. Sed his ægre nodis astringi poterant averfi & discordes animi, cum sua repetente *Veneto*, *Maximiliano* autem modis omnibus pernegante, distraherentur. Cum multa diu hac de re prolixioreque tractatu invicem prælocuti forent, diversisque res agitata sententiis fluctuaret, convenit, ut sequester *Leo Pontifex Summus* adiretur, ipseque disceptator inter partes assumptus, earum controversiam ex arbitrio suo dirimeret. Semotis autem testibus, subsignataque secretiore syngrapha, divinæ rei Magister seorsum pollicebatur, se nihil omnino iudicaturum, nisi quod prius astipulantibus ipsis partibus collibisset: dum tamen interim omnes bello discederent, reconditoque vagina gladio feriarentur. Id autem attentissime supraque omnium opinionem sollicitus Pontifex agebat; ut divexatis retri-
 F tisque diuturniore bello Principibus, pax tandem redderetur; ipse interim dissimulando causandoque protraheret: donec affecti tædio pressique molestiis diuturnioribus animi deflexissent; aut ex insperato Deus fortunaque melior rem transigisset. Igitur cum hac de re frequenter, atque iterum multa tractassent, ne pacis ineundæ legem expungere, detestarique fœdera viderentur, quorum ipsi præ cæteris appetentes erant, acclinavere *Veneti*, in eamque sententiam coivere, ut urbe *Verona* prorsus abstinerent. Sed horum avertit ani-

mos importuna Germanorum efflagitatio, dum & Vicentiam reposcunt, eamque sibi vendicant: quorum improba petitione stomachati Principes Veneti, resiliere pacto conventaque rescindere coacti sunt. Tunc itaque quoniam pacis desperata salus erat, ad inducias deflexere: quæ pacis obliquo nexu subligatæ, hunc in modum longo post tempore promulgatæ sunt.

Pax inter Cæsarem Venetamque Rempublicam edito perpetuo declaratur: intra annum Leone Pontifice Maximo de litibus eorum ac controversiis arbitrante.

Interim Verona, Brixia, Bergomum Cæsari; Patavium autem atque Tarvisium Veneto cedant; Vicentia, Cremaque apud Leonem Romanum Protostaminem in sequestrum depositis; tum cætera omnia, ut ea quisque possidet, ita possideat.

Ad deliberandum ratificandumque utrique partium mensis præscribitur: si non assenserint abrogata sint omnia; si ratum habeant, proximum in mensem quindecim aureorum millia Cæsari Venetus impendito; exactoque trimestri totidem superexsolvito.

Ea Venetus Orator Petrus Landus permolestè tulit: quoniam his legibus plus æquo Respublica gravabatur; & insinuatæ possessionis legitimæ speciem Cæsari præferebant. Contra vero jure suo fecisse satis sibi Pontifex videbatur: quoniam eo facto nec enormiter Rempublicam lædebat; cum non assensurum his legibus Venetum putaret; & interim Marte suspenso Cæsari gratificaretur, cum illi potiora collata forent. Quibus a Cæsare, dum meliora sperat, dispretis, redempturum eum diruptæ pacis invidiam, solumque sinistra famam opinionis subiturum arbitrabatur. Nec quidem eventu præcogitato res caruit: quippe dum Venetus interpellante nullo cessat, Maximilianus vero ratum non habet, dum sibi præjudicium putat inferri, cassæ sunt & interlita Leonis edicta. Atque ita circumactò præfixi temporis spatio, spe rei melioris potiundæ, Cæsar dilapsus est: Gurgensisque Præsul, qui Romæ Germanicas partes obibat, dum nimis accurate, ne dicam negligenter, rem suam & Cæsaris agit, oblati exclusus est; periratusque vehementer, dum nimia sapientiam sapientia, nimiaque sedulitate diligentiam eludere sperat, Roma stomachatus excessit. Protinus ergo recrudesce bellum, exacerbatisque Principum animis, sævire acrius invicem milites infensusque consistere ferro cœperunt. Maranium est ad mare situm haud longe Aquileja, palustri loco, glebisque cunctantibus uliginoso: proinde obsessu expugnatuque cæteris longe difficilior. Barbari sive dolo, sive casu, ne resupinis & oscitantibus oppidanis obvia sibi periret occasio, cum jam exarmatum discinctumque militaris zona municipium relaxasset, levique Venetæ manus præsidio teneretur, validis cohortibus invadentes, introgressique præcinxerunt: ablaqueatumque jugo Venetorum barbaricis præsepibus alligavere. Mox cum depascendis custodibus, oppidanisque militibus alendis, barbari commeatum eduliaque largiora in oppidum inferrent, Muzanici subagrestis paguli plebucula Venetum antiqua possessione sua detrusum moleste ferens, intercessit: avertitque fercularios equifones, ac impedimenta farcinalia ipsis cum agafonibus interceptit. Cujus facto prægravatus insolens victor, rusticam simplicitatem vilemque turbelam blandiloquio pellectam, ac barbaricæ fidei pignore seductam, decepit. Has quippe per insidias cum suum in jus potestatemque redegisset, nec enim aliter evinci poterat nec subigi, singulos præciso pollice mutilos, evulsisque crudeliter oculis eluscatos omni Jure violato Gentium atque Deorum, innoxios & insontes affecit: atque

A ut infandi facinoris atrocitatem, superaddito non levio flagitio cumlaret, illorum omnia viculi gurgustiola, tuguriaque miserorum, ne, quo reciperentur, haberentur, correptis flammis, ignique tectis agrestibus imposito, repente concremavit. Evulgata funesti dirique facinoris impietate, cum Veneti Senatus aures hostilis perfidia, agglutinata tanti criminis immanitate penetravisset, commoti sunt omnes vehementer, & ad fumendas pœnas, infligendumque ex piaculo supplicium accensis animis exarsere. Sunt enim incitatissima, sed & justa, in deplectendis criminibus ulciscendisque injuriis supra quam credibile fit, supraque omnium opinionem ingenia. Igitur extemplo terra marique copiis omnibus accersitis, ac bellicis muralibusque machinis, instrumentisque omnibus apparatis, expugnationi, perdendisque infidis hostibus accinguntur. Confestim magna mari classis advecta: buccinatoriæ, triremes, biremes, lembi, cymbæ, & id genus navigia omnia, viris, armis, tormentis instructa; tum magnæ terrestresque copię subituario undique congressu promotæ, circumfidentesque trepidantem ac tanta conflati belli magnitudine perterritum hostem adfligebant. Etenim alieni delicti pœnam subituros, repensurosque tergo suo nefarii Ductoris crudelitatem non injuria præclusi milites verebantur: & plerumque ita fit, ut aliena temeritate castigetur aliorum prudentia; alienique flagitii pœnas innocentia luat. Itaque quoniam non de amittendo dedendoque oppido, sed redimendo sanguine suo, deque carnificinis ac devitandis lanionibus agebatur, sua omnes pro virili, summoque conatu municipium vallare, propugnaculis, aggeribus, fossis percingere: militaribus tormentis, validioribusque custodiis emunire. Tum de proximo, omnique sociorum convicinio subsidium implorare: majores copias accersere, commeatum uberiores congerere, satagere, factitareque omnia, quæ ruinam impendentem declinare ab oppido ejusque defensoribus avertere possent. Contra vero Leonini milites, eorumque Ductores atro felle perfusi, quos & introversi oppidi dolor, & afflictorum injuriæ sociorum exacerbabant, prompta omnia habere: expedire arma, tormenta locare, terra marique infensiores esse. Verum humida circumjacentiaque omnia, lubricis labentibusque vestigiis infida, mobilibus subruendis, disjiciendisque mœnibus officiebant: itaque summa ope divertendis aquis, exsiccandisque stagnis Lacunisque, tum paviendo solidandoque solo, milites enixissime præluçtari; euripos circumducere, incilibus attenuare, sabulum adgerere. Mox cum defixa firmataque pefulis ac pedamentis omnibus tormenta forent, quantum soli malignioris iniquitas admisisset, incredibili tonitru sonoque, ac magno terræ cælique plangore degravata congemuunt: allisæque mœnibus summos murorum apices minasque dejecere. Tum alio alioque pulsu silicinarum grandis pilularum multiplicata, refractis murorum obicibus, latas prætentantibus aditum ingentesque fenestras dabat. Illico contractis utrinque cornibus, unumque in cuneum asperatis, ancipiti ferro districtisque mucronibus atrocior & fœdior pugna recrudit. Sæviebant ardentes animi, magnisque utrinque flammis accensi crudelem in modum asperrimeque dimicabant. Veneticos impetus valide firmiterque sustentabant compacta restrictaque pectora barbarorum: quibus relisæ Marcicorum telorum acies resultabat. Instare tamen ardentè & acriter Leoninus furor, in ipsamque ferri segetem densissimam omnibus incentivis exagitatus ruebat. Sordidati magnoque sudore diffuentes utrinque bellatores ferociter arma con-

tulerant: constiterantque pugnae fluctibus alternis æstuant, æquo diu Marte, paribusque lineis phalanges statariæ, cum appetentis præsidii voces elatae, siue quia jam præsto forent, siue quia propediem affuturæ putarentur, molestiore nuntio de præliantem *Venetum* contreruerunt; oppidanos vero tanta prorsus affecere lætitia, ut collectis animis, totaque cohorte confestim advocata turbulenter erumperent, maioreque impetu quam unquam antea *Venetum* ingrassarentur. Omnis extemplo debilitata manus, emasculatique viriles animi, languore multo refrigere: versique in fugam omnes instantibus a tergo barbaris, ne requiem haberent, *Utinum* usque magno metu profugerunt. Diversa *Maranii* regione, quæ maritimis obnoxia fluctibus, advecta classe, multisque circumfessa militibus oppugnabatur, fortuna melior belloque secundiore prosperior agebat. Quippe cum tormentis castrensibus omnique missilium genere perquassata, disiectaque ruinis ingentibus moenia procidissent, exceperintque vasto dilataxis foraminibus hostem hiatu, e vestigio alacres erectique fortunæ adridentis plausu pugnatores *Veneti* magno agmine confluxere: rejectatosque barbaros tanta vi tantaque præferentium animorum strenuitate perculerunt, ut jam oppidum ingressi victoriæ spem magnam attollerent, sanctioreque omnium iudicio potiti rerum fuissent, si subsidio miles, ut par erat, instauratus, properantia fata compulisset. Sed hinc auxilio destitutus oppugnator, illinc adventitia propugnator opere restitutus, inhærentem conclusamque *Venetorum* manu victoriam excusserunt. Uno quippe impetu conglobati municipes, cum jam subsidiariæ legiones adventassent, in *Venetum* proruerunt: tantoque prosilientes inveci sunt ardore, ut quanquam multo Marte, magnisque invicem præliis confictati detritique fuissent, post tamen intercepta *Venetis* tormenta, fugatam classem, absumptosque magna clade paludum fluminumque vorticibus hostes, oppidani victores evaserunt. Insuperata tunc itaque *Germani* milites præsignique victoria potiti, cum eorum supra spem, opinionemque omnium, suis indulgentior fortuna votis aspiravisset, elati animo dulcioreque felicitatis musto temulenti, gradum promovere: *Monfalconium*que petentes infestis animis cum omnia celsura sibi, nulloque obice retardatura properantes existimarent, eo temeritatis & arrogantiae processerunt, ut nisi deditione cives expugnationem præverterent, repentinum illis excidium interminarentur. Quocirca municipes multa causari, excusareque spatium honestioris moræ: quam cum non impetrassent, illico terrificos ululantium luporum fremitus, exceperunt; circumcinctique famelico rabidarum examine ferarum oppressi sunt; discerptique crudeliter, ac miserabilem in modum dilaniati. Tunc rapinis, cædibus, incendiis, divastata circumquaque, dissipataque sunt omnia. Intumuerant ventosæ nationis insolentes spiritus, cum nihil desiderii eorum officeret: excisique manu sua cuncta paterent. Itaque cum auctis tam suo quam superaddito peditum equitumque subsidio copiis, iustum *Germanicæ* phalanges exercitum supplevissent, *Vicentiam* commigrantes, exinde *Forum Julii* una clade, iisdemque bellorum facibus subruendo contorrendoque omnia protinus irrupere. Quæ cum *Veneti* Ductores animadverterent, scirentque copias eorum amplioribus perexigua tenuique manu sua resisti non posse, collectis militibus, & his præsertim, quos *Maranio* Germanus *Utinum* compulerat, *Liquentiam* traiecerunt: munitisque præsentiore auxilio municipiis omnibus, tutelæ defensionique sociorum oppidanorumque suorum accuratissime sollicitissimeque providebant. Hostes interea *Cadubrium*, *Fel-*

trum evertereque *Sirpitum* magnis collabentium ruinis cœperunt: cumque parvo tempore repulsis hostibus, magna sub incussa formidine prostratis *Fel-*
trum subegissent, prædabundi dispalantesque contemptim ibant; tum longe signis abstracti, pervadentesque diversa per omnia vagabantur. Itaque tunc *Venetis* occasione sumpta, cum ad *Bassianum* coactum agmen suum impegisset, hostem vagum & oberrantem adortus, indisciplinata libertatis suæ, sui que petulci commeatus admonuit: quippe non parva clade coercitum, castigatumque censura gladii severioris, dum pauciores pluribus opprimuntur, deplexuit; exinde castra reverti, suasque stationes repetere, diversarique suis cum frequentioribus sociis coacti sunt. Sed hac cæde truculentior hostis concitatus, accensusque maiore rebullientium irarum incendio post exusta flammis omnia protinus *Osopium* deflexit. Excelso præruptoque monte situm, ac omni militia bellicisque munitum instrumentis erat: cui cum propius appropinquassent hostiles turmæ, *Germanorum*que phalanges invasæ inunicipium obsepsissent, confestim tormenta machinasque murales opportunis locis disposuere. Tunc arcem primum oppugnare, grandibusque pilarum intortis ponderibus, disjicere, confringereque cœperunt. Cum assiduis ictibus retrita muri pars magna jacuisset, ingentique fauces hiatu patefactæ, prorumpentibus aditum cuneis armatorum dedissent, *Germani* per rudera, perque maceriem ægre suggesti, frameis tormentulisque suis protinus affuere. *Osopini*, contra, paribus telis congruoque pectorum robore fortissimorum oppositi circumstiterunt, contulereque pedem, reciprocoque telorum ictu confertas invicem manus suas permiscuere. Post excussam hinc inde fistulis æneis ferream grandinem, cædemque passim, igni ferroque per militum ora decertantium circumvolante, patratam, propius omnes congressi sunt. Pugna quidem atrox & cruenta fuit, omnique sævitatis specie truculenta; sed & virium parilitate & animorum immanitate crudelis. Salebrofi ac subnutantis inconstantia pavimenti, tum & fragmenta murorum crustis rudioribus asperata, vacillantium lubrica *Germanorum* vestigia deludebant: sed prænitentem suæque mole defixum præliatorem retentabat genuina ferocitas, ipsaque sinu fortuna laxiore, toto bellico decursu complexata victorem sistebat. Sed & vicinæ mortis instantia, patriique soli charitas insuperabilis, tum nativa propinqui sanguinis tenaxque dulcedo totis municipem viribus armatum in bella provocabat: confirmabatque dimicandi studio præferentem oppidanum. Itaque stimulis acrioribus & hic & ille ferociter animatus in pugnam accendebatur. Sæpe propulsi disiectique municipes ingruente nimbo telorum loco cessere. Sæpe Martis ira mitescente revocati restituti, rursus amissa recuperare. Nutabat anceps & varia belli fortuna: reciprocoque fluctu confligentium exagitata fervebat. Nunc *Germanis* applaudere, nonnunquam & oppidanis arridere videbatur, cum susceptæ Princeps expeditionis, *Hieronymus* impiger & strenuus intercurrit; excitatisque omnibus jam multo labore fessis militibus, tum præsentia, hortatu, voceque Ductoris sui recreatis in pugnam concito gradu provectus est; tantaque vi subsequentium militum alacritate *Germanicam* duritiem impressit, ut oppido longe propelleret; obsepsitque militem civemque, cum metu tum alimonia defectum, redivivo spiritu vegetaret, suæque confotum libertate complecteretur. In vesperam certamen protraxerant, hinc singularis & egregia pertinacissimi defensoris obstinatio, illinc contumacis elatique victoris odiosa intractabilisque su-

perbia: adeo quidem ut jam finis esse putaretur, cum redintegrato Marte saevius & asperius dimicandum fuit. Indignata siquidem rabies barbarica, quod frustra consumpserat, omnem vim subito contractam, viresque suas omnes distentis nervis productas, inopinato assultu, dextra laeva-que, infra supraque violenter impexit. Actutum omnes erecti, revocatique in pugnam *Leonini* milites, circumfusique muris, ac suis e vestigio dispositi stationibus emicere: ardentes, infracti, recentes, tanta benigni Martis praesumptione, certiorisque victoriae prerogativa, ut quasi pal-
mam tenerent congregarentur. Oppugnatores non absurde conjiciebant, oppidanos priore bello fatigatos, cum totam paene diem depugnassent, parvo temporis spatio cessuros; & quoniam com-
mutare custodias alternareque vigiles numero ra-
riore non poterant obsessi milites, eos facile suc-
cubituros opinabantur. Itaque summa ope, sum-
maque vi civem adorti, omni regione latereque
montis arcisque perfusi, municipem telis infestis,
sed infestioribus animis impetivere; tormentisque
praesertim missilique Vulcano, quem sulphure
piceque perlutum, tanta arte condiderant, ut ge-
minatam duplicato vulnere mortem afferret: *Oso-
pini* vero paratis omnibus lymphis adesse; aqui-
minario largiore purgari; suffragari invicem, si-
bique mutuis invicem praesidiis opitulari. Ductor
milium acerrimus, omnibusque caeteris attentior
& promptior, semper & ubique locorum, ibique
praesertim adesse, ubi praeteris angustia rerum-
que difficultate laboraretur; socios commilitones-
que suos omnes, quibus obvis obsequitando fuisset,
interpellare, hortari, animare; saepe de im-
proviso militem affectum reficere, cadentem eri-
gere, pugnantem adjuvare. Jam diu decertando
constiterant oppidani, multaque saevi Martis dis-
crimina ferociter, ardentemque pertulerant, cum
desperatione victus oppugnator, civica perurgente
Germanum armatura, repulsus est & in castra
fugatus. Extemplo victoris caelo clamor elatus,
exultantiumque omnium hilares jucundique so-
nores, tanta civem voluptate juxtaque militem
affecere, ut omnem bellici pulveris sudorem,
omnesque castrensiu ærumnarum angustias per-
luros, eximiaque virtute sua deinceps evictu-
ros confiderent. Et mehercule in tanto belli præ-
ferventis æstuario, non minorem animi quam
corporis vim inesse præliatoribus oportebat. Præ-
terita siquidem exegisse cum laude, praesentia
quoque cum gloria devicisse parvi ponderis pen-
sique fuit, nisi & futuris superesse periculis pro-
pugnatores, parique corporum & animorum ro-
bore caeteris omnibus sufficere potuissent. Ea est
quippe bellorum Martisque conditio, ut præteri-
to praesentique discrimine superato, nisi futuros
quoque casus perpetui vigoris igne succensa vir-
tus excoquat, contemptui sit: præclareque facta,
nisi praesentia quoque futuris illustrentur, suborta
dedecoris caligine contenebescant. Ergo cum
ab hostibus non levi propulsis infamia, quietem
otiumque sibi municipales usurpavissent, & ad cu-
randa obsequio naturali corpora milites castris avo-
carentur, improviso iterum assultu laceffiti sunt,
obstinacioraque barbarici furoris pertinacia pro-
vocati: nec manipulis quidem levibus, tenuique
militia; sed toto agmine, totisque cohortibus ad-
motis atrocissime violentissimeque competiti. At
non oscitantes neque supini propugnatores, æ-
quatis tot præteritis casibus, totque superatis for-
tunæ periculis expergefacti, actutum inclamare,
prosilire, concurrere: arma, ignem, aquam,
faxa, omneque missile telorum genus expedire,
intorquere, profundere; tota vi, totoque suarum
ardore virium incitari, configere, depræliari;

A hos & illos acriter ferire, alios & alios turbulen-
ter extrudere, reculcare, proterere. Hostes e re-
gione pilas ignesque subnexo sulphuris picisque
nutrimento jaculari spargereque; infra supraque
montem, & his & illis antibus, alio atque alio
latere circumfundi, pererrare, circumagi: ire re-
dire, progredi regredi, assilire resilire; nihil in-
expertum, nihil inausum, nihil his tantis pericu-
lis intentatum relinquere. Longo diuturnoque
certamine debilitati omnes, crassoque retusis san-
guine gladiis cruentati, cum majori strage bar-
baries in necem provoluta jaceret, majorique ca-
dentium jactura militum oppugnatores quam pro-
pugnatores deplecterentur, inglorii, multoque
cum dedecore *Germani* tandem abscedere coacti
sunt. Tunc itaque de foedere cœptum agi, ipsa-
que molliter, sed in cassum praetentata deditio.
Felici quippe plurimoque successu recreati muni-
cipes, instauratique fortunæ pinguioris edulio
pugnatores *Veneti*, majora capeffere, deditio-
nis foederumque lege contempta praesumpserunt.
Nam cum sese extra muros efferre non auderent,
quod rariore numero corona militaris interlucet-
ret, in suppositas humilesque paguli subja-centis
calas, sparsaque copiarum hostilium tabernacula,
ignem subitario volucrem insufflatu jaculati sunt;
C aridisque tuguriorum culmis ardentes rapidasque
faces intorsere. Illico perniciosissima proflantis ven-
ti celeritate, cum in incendium cuncta raperen-
tur, indociles summaque tectorum lambitantes
flammae, tanto rogo tantaque militum clade con-
flagraverunt, ut de relinquendo oppido consi-
lium obsessores inierint: sed obsidionis sententia
velut tutior, remediique celerioris ad excidium,
certioremque municipum internecionem, præva-
luit. Tunc itaque difficultate rerum inter obsessos
cives militesque, commeatus inopia laborantes,
disceptatum est: cum ardentissima praesertim siti
perararent omnia, magnoque pugnatorum dis-
pendio generosi & praestantes equi demorerentur.
D Discrepabant invicem Proceres, variaeque dedi-
tionis inter plebem militemque sententiae fluctua-
bant: cum alii cedendum esse censerent, alii rur-
sus majore dissidio, majoribusque suffragiorum
calculis sustentandum & evincendum esse con-
tenderent. Horum igitur intempestivos alter-
cantium tumultus peropportuna *Veneti* Senatus
ad cives conscriptae in hanc fere sententiam lite-
rae sedaverunt:

*Magna fidei, vestraeque virtutis exempla, proximi-
mis diebus, Osopini, nobis praeluxere: quibus ab-
unde vestra Respublica quanta Principi Senatuque
E Veneto benevolentia ac pietate prorsus astringatur,
quantoque animi robore praedita castrensis bellicaeque
tempestatis procellas tulerit ac perferat, illustri do-
cumento magnificentissime declaravit. Ea plane no-
bis omnia grata sunt & jucunda: sed longe quidem
gratiora jucundioraque futura sunt, si peroptati exitus
bellorum vestrique certaminis supremi conatus, his,
quae feliciter & auspiciato coepistis, exaequati fuerint;
si pari animorum tenore, parique virtutis constantia
non dissimilis principio finis, eademque facinorum
claritate perspicuus, respondeat. At hoc grande, ar-
duum, difficile: sed & magna sunt praemia. Prin-
ceps Senatusque Venetus, his ingratus adeo nun-
quam futurus, qui suae sanctioris Reipublicae sacro-
sanctamque augustioris Imperii maiestatem promerue-
runt. Quanta vos omnes, quaeso, in tanta difficultate
discrimineque rerum laborantes & invictos, bene-
volentia complectetur? Quibus officiis singulos cives,
quibus prerogativis universam Rempublicam affectu-
rus est & prosecuturus? si modo vos eos hac in re
praestetis, ut conferendorum in vos beneficiorum oc-
casione non fraudetur. Etenim quibus vos poterit
vestramque Rempublicam meritis provenisse, si qui-
bus*

bus conferat non habebit? inanis est gratæ mentis futura benignitas, quam qui suscepturi fuerant, dum moriuntur, extinxerint. Elaborandum est igitur summa ope totaque pro virili vobis enitendum, ne tanta suscepti felicitate labores irriti fluxique labantur; ut ærumnis curisque vestris condigna manus nostræ præmia quam cumulatissime proferant: ut nos gratos horumque non oblitos officiorum vos liberique vestri sempiterna memoria recolatis. Quod si tanta fortitan ditioris fortunæ vestræ largitas est & opulentia, ac felicitatis humanæ divitiarumque contemptus, ut ea prorsus refutetis & aspernamini, quæ vobis virtutis jure debentur, eaque manu quadam constantiæ repudietis, quæ superatis diligentia studioque vestro tot difficultatibus Herculeisque laboribus, sudores vestri promeruerunt: at patriam, liberos, parentes, fortunaque vestras omnes, quæ sub incerta Martis alea jactantur, respicite. Ea omnia nitido labilique pavimento, gloriæ vestræ, vestræque laudis invida belli fortuna reposuit. Circumstant avarissimi prædones, harpiæque rapaces circumvolant; ingrossantur archipyratæ; Spartaci sævique latrones invadunt. Vestram solitam præstate virtutem: non nobis, qui vestræ magnanimitatis spectatores propensissimique fautores sumus, sed vobis, liberisque vestris, quorum res agitur, quorum periculo luditur, quorumque de filo omnia pendent, exhibete. Neque vero barbaricæ vos fidei dedendos, aut illorum sacramento religionique concredendos vos esse putetis: illa quidem inter domesticos rara est; inter peregrinos vero rarior; at inter hostes rarissima. Vidistis Maranianæ perfidiæ ac plus quam Punicæ detestabilis, infandum & execrabile proximis diebus exemplum; ne vos iisdem laqueis, quibus illos insontes & credulos strangulaverunt, præpediant, cavete. Semper exoticæ gentis nequitia, contexendo sceleri prœior habiliorque, vitio magis quam virtuti prænititur; poeticumque illud perlibenter usurpat: Dolus an virtus quis in hoste requirat? Senatus certe Venetus eximia fidei vestræque præsignis constantiæ laudator eximius & prædicator, cum præclara virtutis animorumque vestrorum facinora, congiariis, si non paribus, at plane debitis, commendaverit, parem gratiam vobis vestræque Reipublicæ, quocunque dabunt se tempore vires, omnino relaturus est: egregiamque semper ac singularem tanto diffusi nominis vestri candore laudem, partamque manu vestra, tam sublimi devictæ gentis indomitæ triumpho, gloriam, æternis præconiis, inextinctæque celebritatis fama promulgaturus. Vos illud tantum efficit, ut excitatum decoris vestri vestræque virtutis splendorem, ingenitus vigor, nativæque faces, perpetua suarum claritate flammarum illustrent.

Allatis atque perlectis *Oso pinatum* consensu publico literis, quas *Veneti* stili temperatura ceris suis exaraverat, confestim exundante lætitia, fluctuque restagnante gaudiorum, reaccensi omnes, tantoque ardore vehementer inflammati sunt, ut deditionis legem, foederumque sagmina despicerent, tolerarentque difficilem obsidionis pressuram, ac oppugnari iterum atque iterum non gravarentur. Aquarum penuria sitientes equos adeo contorrebant, ut cum fontanus humor & pluvius exsiccatas fibras, destitutaque genitali madido viscera defereret, vinum, sicut *Andreas Mocenicus* scribit, arentibus equis milites propinarent. Hostis interea cum motam sinistris avibus inundi foederis mentionem præsentisceret, oppido rursus agmen infensissimum admovet: & quoniam superno debilitata militaris virtus oppugnatu delanguerat, eam inferno clandestinoque secessu prætentare molitur. Igitur immani saxo prægrandique, fossoribus assiduus excavato, cuniculos callesque secretos in superiora perducit: sed præ-

A rigentis & infestæ rupis asperitas, impacta ferri acie vix exscalpenda, violenter impressos ictus excluderat; acuminatique stylum cæli retundebant impenetrabili malitia multo ævo cautes obduratæ. Proinde cum irritò conatu multas diu sudor effluxisset, lapidicinæque multis agitata malleolis, retuso frustra diu saxo concrepuissent, alio deflexerunt improba delendi municipii barbarorum desideria. Advocatis itaque majoribus præliatorum turmis, ac omni fusorum agmine concitato, quanto possunt impetu rabieque furentes oppidum hostes invadunt. Turris erat, multo fornice concamerata: convexæque testudinis umbone cælo altius educta, stabat. In eam se te milites receptabant: quoniam indiscriminato belli pacisque tempore semper usui fuit: & ut inde specularentur, & ut in hostem acrius inde missilia contorquerent. Hanc incussis exscindere solo tormentis, subruereque radicitus hostici jaculatores prænitebantur. Itaque dilaxato saxatili nimbo, cum undique filicis ferrique tempestas crudiori grandine perfusa complueret, turrim tot imparem ictibus sufferendis evertit. Illa immenso fragore procidens, sua propugnaculum ruina præstruxit: subitariosque aggeres, magna rudium cæmentorumque congerie suorum excitavit. C Extemplo milites utrinque perniciosissimi concurrere, tormentis, ignibus, omnibusque telis obarmati: seseque invicem atrocissimo conflictu pugnaque terribili, *Venetæ* Barbaræque acies impresferunt. Nunquam subigendis civibus delendoque oppido *Germani* propius accessere, nec *Oso pini* defendendo longius abscesserunt. In ipso mors limine vitæ pendeat. Ergo pertinacissimis animis totisque viribus utrinque decertatur: igni, ferro, omnique missilium genere barbari municipem loco summovebant; ille contra defensaculis, propugnaculisque omnibus ardentè insistere, audacter colluctari, fortiter pugnare. Dabant animos præteritarum insignia victoriarum: conscriptaque recens ab Senatu *Veneto* literæ civium militumque mentes in pugnam vehementius accendebant: ubique præterea *Hieronymus* Ductor erat, & hos hortando, & illos adurgendo, hostemque terrendo, miris omnibus modis succurrebat: ferire, minitari, percellere; vesculos gracilesque summovere, robustos prævalentesque sufficere; aliis alios, ut in re fuerat, substituere. Cum indomitas vires suas omnes, in idque discrimen coactas *Germani* deprompsissent, contraque ferociter & strenue constitissent oppidani, nec propelli loco, stationeque sua dejici, tot coniectis in ipso telis potuissent, certaminis pugnaque tædio durioris affecti, tum vulneratorum ac necatorum jacturam sociorum suorum pertæsi, tandem hostes cessere. Mox cum resolutæ cælo nubes affatim aquas infudissent, exsuccaque jumentorum viscera pluvius ubertim humor irrigasset, indeque etiam abnegante victoriam elemento desperavissent, obscurioris famæ, rerumque suarum detrimenta perpepsi, molestissimum obsidium degeneres illaudatque solverunt. Tunc illico recreati milites, ipsoque ab interitu cives omnes restituti, promiscuis gaudiis tripudiisque solistimis lætari, exultare, gloriari; hilarem jucundamque ludicris jocisque omnibus vitam agere; præteritarum molestiarum oblivisci; futuraque omnia prosperiora conjicere. *Hieronymus* partæ laudis ostentator, gloriosus, cum *Venetias* appulisset, hilariter exceptus est; appellatusque perbenigne; tum donativis ingentibus ac prærogativis amplissime cumulatus: ut cognoscerent omnes, si quis Senatum *Venetam*que Rempublicam promeruisset, hunc æqua virtuti suæ præmia percepturum esse.

Hæc dum *Hieronymo* ductante feliciter, Diisque

que faventibus ad *Osopium* aguntur, Principi Senatuque *Veneto* placuit, *Forum Julii* recipere: devastatamque *Germanica* luc provinciam, ac infandis tot cladibus affectam recuperare. Ergo quoniam celebre famigeratumque *Liviani* nomen ubique percrebuerat, in eoque reposita salus & praelidia sociorum erant, velitibus, cataphrattis, peditibus adscitis in eam expeditionem ire iubent: cui ad *Narvonis* portum occursum primo *Ricianus* militum Praefectus hostilium, validis cum copiis obvius fuit. Utrunque magno impetu collatis signis concursum est: manuque conferta saevissime dimicatum. Arctiore pressura rejectati primo levites *Leonini* cessere; nec *Germanicam* vim perlaturi esse videbantur: donec *Liviani* Ducis imperio suffectae cataphrattorum cohortes validioribus munimentis intercesserunt. Tum æquo diu Marte depugnatum est; incertaeque fortis fluxu refluxuque bellica navis jactata pendit; sustentataque fortiter utrinque colludentis fortunae vicissitudo. Solertes impigrique Ductores *Livianus* *Ricianus*que, sollicitis hinc & illinc animis cuncta peragrabant; suoque pro exercitu suisque pro copiis uterque paribus victoriae stimulis inflammatus accendebatur. Dum concurrant, obeunt, factitant, *Ricianus* in ora telo penetrante faucibus plectitur: circumseptusque repente magno pugnantium globo capitur. Illico tumultus, fuga, trepidatio: conturbatique circum omnes mox fusi fugatique cesserunt. Cumque sese in oppidum ex fuga receptassent, insequente *Veneto*, vibratumque cervicibus gladium incutiente, cuncta rapinis, caedibus, flammisque dedere. Profugitantium metus repentinosque terrores, *Christophorus* ex barbaris ductoribus insignis, excepit: nec quidem demorandum ratus, eductis copiis, adactisque sarcinalibus jumentis sese in abdita montium secretisque latibulas concito cursu proripuit. Insecuti victores hac & illac vagos & dispalantes exagitant: alii vinculis praepediti, plures injectis telis praeventi, nonnulli celeriore fuga praecipites, relictis impedimentis in ulteriora *Germaniae* profecti sunt. Quibus brevi fortuna peractis, *Livianus* *Goritiam*, ne quid non ageretur, oppugnare constituit. Quam cum obsidio praecinxisset, eamque omni munimine tormentorum, aggerum, militumque numero praeditam intueretur, nec nisi magna cum jactura militum suorum obsideri oppugnarique posse prospiceret, alio vertit. Indeque *Tarvisum* atque *Patavium* suis integris cum legionibus, incolumique cum exercitu profectus est: non inutilem *Venetæ* Reipublicae operam navasse ratus, quod fuso fugatoque longius hoste, ac *Foro Julii* manu sua recepto, omnem fere provinciam juri suo reddidisset. Illo igitur abscedente, circumque diversos fines peragrante, ecce velut diversa regione caeli consurgente procella, restridentibusque majori turbine nimbis, *Germani* protinus hostes irrumpunt: celeberrimisque omnium oppidis *Monfalconio*, *Cromonio*que captis, sive casu, sive negligentis militis incuria, quo properante fato amiserant, eodem etiam festinante recuperaverunt. Mira sane tam repentina tamque horum improvisa municipiorum deditio fuit: siquidem cum ferentarii equites peditumque numeri praeter eos, qui secundum amnem *Liquentiam* castra posuerant, supra mille subsidio provinciae starent, quadraginta tamen equites peditesque ducenti, perexigua quidem & angusta manus, totam fere provinciam, hinc primum dilabente malo, hisque protidente ruina municipiis, constraverunt. Et enim his captis duobus oppidis, sive hoc ex fide veri descenderet, sive, majora, conturbatis praesertim animis, praeferebat fama, jactaretur, innu-

meras *Germanorum* phalanges adventare nuntiatum est: tanto omnium terrore, ut majore tunc metu trepidaretur, quam cum in ipso provinciae umbilico, penitissimisque regionum visceribus hostes soluti licentius agerent. Itaque de integro magni, ingentesque bellorum apparatus, majoresque in diem aucti rumores, novas copias novaeque praelidia desiderabant. Tunc itaque finibus universis, omnique provincia *Venetæ* ditionis habitum militum delectus; equitum peditumque novae cohortes conscriptae sunt; utensilia, commectus, opportunaque ad exercitum omnia suggerente *Veneto* largiter invecta. Mox quoniam suis Ducibus, ordinibusque suis, jam iusto consistente exercitu, res novas aggredi castrorum Principes posse videbantur, in *Maranianam* expeditionem itum est: dumque eo loci instructae acies diriguntur, ex itinere hostes invicem obvii commisso duriori praelio confligere. *Hieronymus* pristinae laudis suae, perpetratique nuper egregii facinoris non immemor, ut specimen virtutis suae cæteris omnibus spectandum exhiberet, admissio violenter equo medium intrepidus agmen intercurrit. Hunc subsecuti ordines cæteri, vehementiore pressura, confertissimam hostium aciem, velut adactis in intima cuneis ferocissime proscindunt. Tum pugnando, feriendo, percellendoque, cum hostiles impetum turmae non sustinerent, referre pedem coactae sunt: *Hieronymiana*que constantius adurgente ferocia, propulsata fugataque longius sese confestim in oppidum receperunt. Tunc quoniam hoc feliciori tyrocinio *Hieronymus* pugnam auspiciatus erat, ut prosequeretur, dextroque rem Marte perficeret, *Veneti* Senatus imperia mandaverunt. Ille ergo quaestuarios omnes agricolas, omnemque vastatitiam manum, excavandis furrigendisque sensim aggeribus, edicto severiore cogit: cumque fabulosam ingenti diuturnioreque opera molem oppido paulatim suggrediens admovisset, tormenta, machinasque murales immensas prolocat; omnemque suam circum militiam disponit. Tum innumero pilarum jactu die nocteque municipium municipiique defensorem flagellat: quantoque potest imbre telorum summovet, ingratat, disjicit. Propugnatores acriter ubique consistere, viriliter obluctari, fathiscentia committere, lapsantia firmare: mox cum semper & ubique vigilantibus & attentis sese melior inter agendum obtulisset occasio, conticinio noctis eruptione facta, aggeres septaque *Hieronymianis* consolidata trabibus & pedamentis agminatim invadunt ac superant. Improviso affultu conterriti milites *Veneti* arma conclamant; tela capiunt; hosti obviam properant: nullo otio, nulla mora, impigri omnes provolare, digladiari, consistere. Praelium atrox, pugnamque difficilem faciebat barbarorum praiceps indignatio: ipsiusque noctis intempestae caligo peropaca. Vix siquidem socius ab hoste discerni, vixque decertantium ictus inferri declinarique eo tenebrarum sub obscuro poterant. Itaque singulas per mansiones singulosque per gradus efferata dimicantium agmina praeliabantur: Andabatarumque more plagis utrinque personantibus ac magna pugnatorum cum perniciæ cruentis conflegebant. Distringebat exculcabatque *Venetum* infensissime truculenta barbaries, paeneque superior adversa *Germanorum* cohors lassitantem *Marcicum* agmen extruserat: cum percitæ mentis correptus furore *Hieronymus*, acrioribusque subditis gloriae stimulis exagitatus intervenit; tantaque invicti animi sublimitate strenuitateque corporis multa per praelia condurati, hortando, terrendo, pugnando, socios inter & hostes versatus est, ut inclinatam aciem fereque consternatam erexit ac restituerit.

Eo temporis articulo mentis animique faces tanto Martis indomiti concussæ studio reluxerunt, ut cum debilitata retusaque dimicantis unius viri furore, vim acies adversa non sustineret, terga verterit: relictisque *Venetorum* munimentis, quæ sua jam manu tenebant, in oppidum præcipientes attonitique omnes profugerint. Nec tamen interea *Venetis Germanisque* ulla quies erat, aliis atque aliis in dies adventantibus copiis, auxiliisque sibi, mutuasque suppetias invicem afferentibus. Præferoces *Veneti* Ductores, eorumque prævalidi pugnatores, in hostem continenter agi, laceßere, ingrassari: e diverso, ille *Venetum*, ubi consisteret, quaque diverteret, exagitare, insequi, perdere. Mox, qua dispalantes errabundique omnes pervaderent, quaque restricti, iustoque agmine compositi progredierentur, rapinæ, cædes, & fletus erant; squallida desolataque omnia terroribus ac lachrymis funestabantur. Ubique locorum gemitus, ubique regionum pavores, ubique temporum ejulatus sæva per tormenta cruciatorum expressi, cuncta miserabiliter atque crudeliter inceßabant. Dum inconsulto temereque *Venetum* vaga *Germanorum* agmina persequuntur, seseque in *Jo. Victorii* cohortem improspecte negligenterque præcipitant, intercepti sunt, levique prælio defracti Ducem amittere: siquidem *Christophorus*, qui barbaricos ordines ducebat, insigni vir perfidia non ignotus, cum parum caute sibi militibusque suis prospexisset, circumcinctus, captus, magnaque exultantium alacritate omnium *Venetias* perductus est. Interea tamen *Maraniana* oppugnatio terra marique fervere; continuis tormentorum missiliumque telis implecti; nullam requiem, nullum otium, oppidano *Hieronymus* dare. Jam propugnaculum assiduo funditorum jactu perquassatum conciderat; patebantque aditus in municipium quanquam perdifficiles & angusti. Ergo cum pedarias *Hieronymus* turmas impegisset, impetuque facto præmissa cohors in ulteriora proveheretur, dum subsidium expectat, in ipsaque pæne capti oppidi possessione coheret, defraudata est: & dissidentibus invicem militiæ Præfectis, dum procedere sperat, occulto similitatis & invidiæ seminario, retrocedere cogitur; quodque prius ardentem & gnaviter acquisiverat, id algenter & frigide protinus amittit. Quippe cum loco rejectata foret, paulo post accersitis *Germanorum* auxiliariis copiis, cum jam fere paribus æquisque viribus constitissent, eruptione facta conglobatim in *Venetum* profiluerunt: tantaque secundi Martis alea usi sunt, ut fusos illico fugatosque omnes *Venetos* in diversa propulerint. Alii alio commigrare; magna pars *Utinum*, nonnulli propinquas urbes perrexere: rati satis esse, si eas ab imminente hostium periculo civitates defendere potuissent. Expulsis igitur *Marano* longeque fugatis militibus Leoninis, *Germani* obsidionis metu soluti, licentius interim agere: longe lateque prædari; nihil in victos sceleris intentati relinquere; obscena fœdaque omnia, indiscriminato sexus & ætatis usu, crudeliter & impure propollutis omnibus exsequi. Tunc Principes *Veneti* conservandæ Reipublicæ studiosissimi, sua rem communem pro diligentia solertiaque juvare; ubique sociis, ubique provincialibus suis cavere; hostes insequi; vagosque dispositis ubique cassibus intercludere: sed dum parum sedulo per exploratores, perque castrorum hostilium conscios de viribus eorum, deque omni militia disquiritur, & nuntiatur, *Joannes Victorius*, qui Legatum foris agebat, in hostem improvide dilapsus est. Etenim dum parva superaturum manu *Germanum* adventantem infida speculatorum relatione sperat, magna ex parte

A velitatu peditatuque dimisso, fufis primo cæsisque copiis suis, oppressus est: & hostilibus vinculis irretitus. Quo capto reliqui mox omnes, qui *Utinum* confugiebant, profligati captique, non levem exercitui *Veneto* jacturam attulerunt. Victorio *Petrus Marcellus* succedens est: Duceque cum *Vulpenſi* castra *Veneta Forumque Julii* procuravit; suaque quantum industria, bellicisque suis artibus poterat, ab incurſione prædaque, vicos, oppida, pagosque tutabatur. *Prædomanum, Latifanum*, omneque circa tractus finitimos, infestissima quotidie prædatorum agmina pererrabant; lateque per omnes oras hac & illac indiscretis excursionibus pervagata, rapinis plus quam hostilibus populabantur; universumque *Forum Julii*, coactis agminibus, totisque condensatis viribus circumcursabant: facturaque propius impetum videbantur, nisi dispositæ passim *Venetorum* custodiæ coercuissent; quin & *Aries* debellatura fuerant, ingruentibusque violentissimi penetrantibus jam cuneis ingrassatores. Sed oppositi *Venetorum* manipuli, dum obnixius reluctantur, hostilemque præfuram validius elidunt, proſcidere acies, in diverſaque dispalantes protinus adegere. Quæ dum magnis ubique cladibus omnium peraguntur, tantoque bellorum æstu terræ mariæque confervent, *Hispani*, qui *Coloniam, Atteſe, Montignanam*, æſtivorum hybernorumque perpetuo incolatu detriverant, egressi sunt, ut exinde *Germanicis* adjuncti copiis ruinas ingentes, nec sine luctu spectandas conduplicarent. Et jam celebris magnique nominis Ductor Hispanus *Alarcon*, ex *Montignana Bibaquiâ*, mox *Vicentiam*, dehinc *Forum Julii* trajecturus perrexerat: permixtæque acies barbarorum, quantis poterant dispendiis quantoque populatu, infra supraque, dextrorsum atque lævorsum, omni latissimo *Venetiæ* ditioris ambitu cuncta pervaltabant. Quæ cum militaris Præfectura cognoviſſet, armaturæque caſtrenſis *Venetiæ* Magiſtri præſentirent, legionibus illico præmiſſis, præcinctisque *Vicentia, Marosticaque*, præſidio quamprimum opportuniore diſpoſito, ſaltus omnes occupant: interceptoque properantem hoſtem tramite diſcludunt. Quod *Hispani* cum præſenſiſſent majores copias expectandas rati, Proregem ipſorum Ductorem præſtolantur. Qui cum validiore propinquaviſſet exercitu, ſeſeque præventum hoſtili pernecitate cognoviſſet, *Vicentiæ* ſubſedit: conſultabundus ac ſolicite diſquirens, quæ promptior & melior occupanda foret ad perdendum hoſtem occaſio; multisque conſultantium more ſententias in diverſa trahentibus, eorum animo ſedit, inter *Bellumnum* Montem atque *Tarviſum* ad *Palvinas* ripas ſubſiſtere. Quod cum ex ſententia parum cederet, legionibus diſpartitis, *Montignanam* regiſſi ſunt. *Livianus* ergo tam *Venetiæ* rei defendendæ, quam hoſtilis exercitus evertendi ſolicitus, *Montignanam* inter *Atteſe*que diverſantes *Hispanos*, proſaxato largiore fluctu demergere, reſtagnantibusque circum undis obruere tentabat: ſed quoniam id opus magnitudine ſua, multoque labore quæſtuario diſpatuit, nec celari poterant, ad rei conſummationem opusque perficiendum diſpoſiti circum apparatus, cum id hoſtes reſciviſſent, ſuperſedit.

F Illi igitur, quibus excidium impendebat, ſignis repente ſublatis, caſtra movent: meretricioque omni præmiſſo examine, ſuis cum muliebribus mundis, equiſonibus, impedimentisque omnibus, *Veronam* contendunt; ad *Vicentiæ*que turres caſtra locant; mox hoſtem eruptione frequentiori laceſſunt; tumultuariisque præliis aſultuque perpetuo defatigant. *Bernardinus Antignolius, Annibalque Lentius* id temporis *Marcicos* ordines ductabant: agebantque ſolutius *Cividalis* custo-

dias. Ea occasione protinus utentes *Hispani* locum invadunt: totisque viribus ingraffantur. Magna cæde cruentatos, multisque confectos vulneribus barbaros, oppidani primo felicibus auspiciis dimicantes propulerunt. Exinde grandioribus admotis tormentorum organis, cum iter ingentium disiectæ moles murorum aperuissent, tota vi derepente coacta, validisque defensorem impingentibus cuneis, immissi hostes proruunt, intrant, invadunt: fauciat, capti, enecti alii atque alii; nonnulli etiam fuga perniciose redempti sunt. Potiti hostes oppido, ignibus, ferro, vinculis, nullo ætatis, meriti, religionis discrimine cuncta dedere. Tunc itaque magno ubique metu trepidatum: omnes effugio mansiones inquietatæ; conscensæ naves; superati montes; antra, sylvæ, inviaque omnia profugos & errantes hospitio miserabili conceptaverunt. Ea igitur deserta regione, omnique destituta latis finibus provincia, cum nullum pabulo prædæque locum victor victusque reliquissent, mutare castra *Venetis* cogitur: interque *Montigaldam* ac *Bacchilionem*, tutissima cum aprici montis, tum amnis irrigui statione confedit. *Livianus* oppido diligens & jugiter intentus, hæc & illa quotidie perlustrare, huc & illuc suis cum legionibus circumferri, hac & illac expeditis cum agminibus oberrare; ad *Medoacum* ipse tunc fluvium, vallo, fossis aggeribusque præmunitum contineri; cunctando velitandoque semper hostem eludere; ac suis expeditioribus cum turmis semper & ubique præsto esse. *Hispani* cum *Livianorum* inexpugnabiles castrorum aggeres animadverterent, nec nisi suo cum majore detrimento superari & evinci posse conjectarentur, assiduisque provinciam excursionibus, continuoque prædonum ac latrunculorum populatu devastatam, non posse commeatum alimoniamque militi suppeditare, refixis iterum aquilis, *Coloniæ*, *Atteste*, *Montignanamque* regressi sunt: loca cibariorum largitate, copiaque rerum opulentissima; *Rhodigio* præsertim omne cellarium horreumque replente. Tunc ad rapinas ac populationes hostico more conversi, terra flumineque cuncta turbare; quosque de improviso hostes offendissent, ingraffari: & quidem ad Caput Aggeris durior tunc prælio decertatum est; commixtæque acriter hostiles manus, cum defensorum alacritate, studioque vincendi propulsati longius hostes forent. Qui tunc, ne quid inviolatum manu sua maneret, in *Candiana* septa digressi sunt; ibique Deorum atque Dearum religione pessundata, conspurcatoque vitæ sanctioris candore, foedissime cuncta propolluerunt. Quapropter, ut ex æquo parique mensura prophasanti cuncta dilapidantique barbaro reponeretur, *Mercurius Nicolausque* Venetorum militum Præfecti, diversis finibus, disparatasque per regiones infestare omnia; expeditisque copiis ac ferentariorum excursionibus incitatissimis, cuncta infande atque crudeliter agitare: donec longis ac spatiosis evictis itineribus, per ardua montium valliumque *Tridentum* usque penetraverunt. Mox ex *Corythia* insula provecta classis, instrumentisque bellicis omnibus instructa, *Frangipanorum* oras, longeque summos tractus omnes percingeret: quaque iret atque rediret, quove progrediretur atque regrederetur, flamma, cæde, vinculis omnia miserabilem ad modum involvere. Contra vero accolæ omnes deformiter ac diriter conflicti, tantaque miseriarum effusa tempestate mœrentes, quibus possent, illata damna viribus retaliabant: susceptasque crudeliter injurias crudelius & immanius ulciscabantur. Atque ita invicem mutuis vulneribus, alternaque reciproci Martis fustigatione deplecti: donec per inducias maleque con-

stricta pactorum vincula feriatum est, & ab exitiali parumper bello temperatum. Nec minori tamen interea discrimine armorum apud *Patavium* agebatur: anxiiis hostibus, & ad *Venetam* Rempublicam evertendam semper intentis; contra, *Liviano* Ductore omnium valentissimo, diligenti custodia curaque solertiore, obiter & strenue cuncta procurante. Hic siquidem ex aperto nonnunquam, sæpius ex insidiis, *Germanum* circumvenire, stratagematisque suis *Hispanicam* calliditatem eludere, ac ex tempore locoque captis hostibus imposturas facere. Dumque hic peragrando cunctaque revisendo suos per exploratores hostium consilia perferutatur, onustas commeatu mercimoniisque naves, *Attestinis* stationibus commorantes repperit; indisciplinatumque militem, ac languentibus excubiis oscitabundum, oppidi custodiam negligenter agere. Quapropter, ne, oblata bene feliciterque gerendæ rei occasione, successus obvios fraudaret, *Antonio* mandat, ut congrua peditatus & equitatus accersita manu proficiscatur *Atteste*: eamque bello navet operam, quam & hostilis temeritas, & resupina custodiarum negligentia deposceret. Ille Imperatoris edicto ocyus audiens, *Atteste* præscriptis cum copiis appulit: adultaque nocte, præmissis expeditiore peditatu, cunctisque silentibus oppidum invadit. Circumsusa cohors armata, suggestaque gradatim muris, quanta fieri poterat mustantium taciturnitate, ac lenitate trepidantium, scalas admovet, saltuque præcipiti confestim ex alto in subjecta desilit; mox portarum vigiles, inopinatæ rei formidine pressos necat; referatisque foribus, cum silentes & taciti circumstant, equites admittit. Illico vociferantium dissoni clamores, effusique strepitantium crepitus, somno vinoque sepultos hostes exterruerunt. Expergefacti subitoque consurgentes arma conclamant; tela capiunt, suasque statim in phalanges conglomerantur. Sed dum expediti præcinctique omnes in aciem provolant, obsistentibus *Leoninis* militibus repressi sunt: nonnulli quoque dum innata ferocitate repugnant, stilis pugionibusque suffossi cecidere; alii laqueis innexi implexique vinculis hostilibus inhæserunt; pauci sese posticis efferentes, post latebras abditaque diverticula vitam ægre suffugio redemerunt. Exultantes igitur prædabundique victores cuncta flammis ferroque dabant; abactum pecus; ablata merces; naves incensæ; quod exportari non poterat, vel corruptum igni vel profusione consumptum est; tracti captivi; inutiles confecti; & arente solo pretiosissimi liquores ebibiti. Hac ex luctuosa lachrymabilique victoria digressi milites *Veneti* protinus in alia deflexere: dispartitisque in obeundas provincias copiis, aliæ *Fraxinum*, aliæ *Bovolenum*, nonnullæ *Saletum*, plures *Bibaquiam*, suis cum ductoribus commigraverunt. Et mehercule sententia omnium ea die parta foret insignis *Veneto* pugnatori laus & gloria, si dispositas insidias ad exitum castrensis armatura perduxisset: verum dum incauti parumque viæ conscii speculatores aberrant, destinatoque itinere vel commearum fremitu, vel umbra peropacæ noctis avertuntur, insidiæ manifestius inclaruerunt; refutisque dolis, quos appositissime conferto filo prætexuerant, accepta expeditione revocati sunt. *Livianus* tamen ad *Bibaquiam*, *Moriliono* Ductore, propugnaculoque validiore captis, ac cum cæso tum captivo reliquo milite, ea expeditione non inglorius evasit: auxitque gloriæ suæ magnitudinem bellica opera cumulatam, dum præpropere *Montignanam* immigrans *Hispanum* Proregem suis cum copiis in certamen provocat; nec ille dictis jocularibus ullis aut convitiis amariori-

rioribus, ut pedem castris efferret, perlici potuit. Explorata quippe viri ferocitas erat, omnibusque Ductoris eximii comperti spiritus ingentes erant: ut *Hispanus* non immerito laceffentem eum, suoque cum exercitu spectatas vires ostentantem iusta formidine prætimeret. Igitur *Hispani Germanique*, cum his parum tutis regionibus diffiderent, sese *Rhodigium* cæteris opulentius domicilium contulerunt. Verum cum in urbe *Verona*, *Balione Mercurioque* nova cæde cladeque barbarum adfligentibus, tumultuaretur, *Alarcon* *Hispanicus* Ductor insignis, pauloque post eum *Carolus*, qui vicariam Regis potestatem in castris agebat, ex *Rhodigio Veronam* suis cum cohortibus profecti sunt: relictisque trecentis equitibus, ac mille peditibus ad *Rhodigianam* custodiam securi rerum abiere. At non eam occasionem *Livianus* omittendam ratus, fretusque suarum robore copiarum, exemplo *Rhodigium* petit; tantaque proficiscentium alacritate, faventiumque silentio cunctorum usus est, ut priusquam resupini militis aurem fama penetraret, hostis oppidum armatus tenuerit. Confernati omnes e vestigio, cum sese circumventos insidiis opinarentur, coactis globis constipati sese patentem in aream fori proripuerunt: ibique distentis ubique ferro prærigentibus telis in cuneos compacti *Livianum* hostem omni regione vicoque confluentem expectant. Ille protinus instantis victoriæ lætitia exultabundus, proprioque impetu ferox barbarum aggreditur. Commissi pedes; commixtæ manus; conferta tela: tantoque utrinque depugnantium ardore coitum est, ut validissime fortissimeque congressu primo sisteretur; dimicationeque stataria proruentium impetus *Venetorum Hispani Germanique* sustinerent. At postquam undique circumfusa agmina *Livianorum* ingruerunt, a fronte, a tergo, omnique ab angulo, latereque *Leonina* signa circumfulsere, profusi, cæsi, retritique sunt: paucique superstites captivi facti. Devicto fractoque milite, violenter in prædam rapinamque de more conversa manus: oppidanorum ejulatu gemituque singulantium cuncta plangere; horrificis omnia sonoribus ac lachrymis exterreri; deformati pallore vultus captivorum, ipsaque vulneratorum exanguis & tetra facies, tum & ingrassantis pyratæ furor implacabilis, miserabilem attonitis omnibus mortis speciem ingerebant. *Cælius* patriæ quidem suæ casum merito deplorat; acerbiorumque fortunam justis lachrymis lamentatur: nam cum satis superque sit semel capi, iterum atque iterum capi exscindique *Rhodigio* parum fuit. Quicquid *Hispanorum*, quicquid manus horrida *Germanorum* reliquerat, id asperrima stridentibus procellis *Liviana* tempestas depopulata est: & congeminationis ictibus impressa calamitate prostravit. Sed illi merito conquerenti veniam demus: quoniam viro bono patriæ suæ magis quam alterius meminisse par est. Sed existimo querelas ejus modestiores futuras, doloremque suum patientius perlaturum, si, cunctas *Italiae* regiones, quanto æstu pelagoque malorum adobrutæ fuerint, miserabiliterque jactatæ, secum pensitaverit. Quod si forsitan ad ea omnia singulatim disquirenda latior campus effunditur, lutulentaque majores hæc in tractus area patescit, quam ægri pedes uligine miseriarum retentati peragrarare possint, confinia, quæso, *Venetorum*, *Cenomanorum*, *Insubrium*, *Ligurumque* cogitatu mentis intensiore convolvat, pensculatimque reputet, & suas tunc, credo, querelas mitigabit. Quod si majoris hæc luctus lamentique flebilioris fuerint, quam ut delugentium lachrymis exæquentur, *Veneti*, quæso, tantum fines imperii circumspeciat, & leviori,

A credo, pondere *Rhodigium* quam cætera congravatam animadvertet. Quid enim non cladis, ruinæ, miseriarum, *Verona*, *Patavium*, *Vicentia* sustinuit? Quibus non fluctibus undisque malorum *Brixia*, *Bergomum*, *Crema* summerfæ sunt? Qua tempestate *Tarvisium*, qua grandine *Messurum*, quibus procellis *Utinum*, quo nimbo *Tergeste*, quo æstu *Marostica*, quibus undis *Cividale*, qua saluginosa aspergine *Osopium*, aliaque circum oppida perfusa perlitaque non promaduerunt? Ut *Lemniaci*, *Piscariae*, *Maranii*, nobilissimorumque præterea tot municipiorum damna casusque diffimulem. Externa sane internaque militum manu, ac perpetua fociorum hostiumque concursatione perquassata, confRACTA relisae sunt omnia: ut si quis suos hæc ad numeros revocet, adamussimque singula perscrutetur, non urbem, non oppidum, non arcem, non prætorium, villam, pagum, hoc Martiali torridum afflatu, bellicoque vapore perustum non admiretur? Ut cum Poëta merito sit exclamandum:

Tantæne animis cælestibus iræ?

B Una quidem militari strage subducta Civitas insignis: urbs una tumultus castrensis expers, inarata ligone, mœnibus discincta, propugnaculis exarmata tot inter fragores, bellicosque turbines nusquam inquietata resedit. Hæc terra marique potens: decore suo decentissima; specie sua speciosissima, supraque mortalem omnem formam formosissima: venerabilis, elegantissima. Hæc *Adriæ* regina; hæc miseris solatium; hæc defudantibus refrigerium; oberrantibus Pharos, naufragis portus, profugii conceptaculum, domicilium spei, tabernaculum quietis. Hæc *Venetia* sunt: deliciarum omnium cælestia Tempe, *Hesperidum* fulgentes horti, omniumque rerum pleno copia cornu. Dii boni, quodque dixisse fas est, plus quam boni, quæ hæc vestra benignitas? quæ clementia? quæ lenitas? quis hic vester mollissime Principibus *Venetis* aspirans favor? D qualis hæc vestra *Marcicis* irrogata Patribus indulgentia? Una sterilitate sua Civitas fecundissima: Urbs inopia sua rerum omnium abundantissima, unaque sola omnium sua infelicitate felicissima. Nullus hic arvus ager, non confitus, non floridus, non ulla tellus hic pascua est: & tamen hic pingues gravidæque fruges; hic arbores biferæ, hic florulenta parataque humanis usibus omnia convirescunt; hic esculenta, hic poculenta, hic indiscreto usu promiscua confertissimis velut horreis deprompta cuncta funduntur; ac velut secreto quodam naturæ sublatentis ministerio uberius largiusque suppeditata redundant. E Hæc una tranquillo sita mari maris incommoda nescit: & cum tempestuoso cætera turbine jactata divexentur, hæc ipsa sinu suo quieta, placidisque labentibus secura conquiescit. Longe distat continenti, multoque lapide terra disjungitur: cumque dispendia terrarum ignoret, illarum sentit compendia, illarumque bonis opulenta perfruitur. Hæc, quæso, quæ loci species? quæ rerum pulchritudo? quæ cæli terræque temperies hæc temperatissima? Terra quidem arbutum, olus, frutetum gignit; armenta, lanigerumque pecus nutrit: sed & leonem, tigrim, lupum, draconem, reptiliaque venenorum suorum telis morsuque nocentia prodit ac fovet; rosæ spinis commiscuntur; urtica sæpe legentem decipit; & olentibus herbis aconita coalescunt; cumque genialis platanus salubriter inumbret, funestiores tamen taxi perniciosius virent. Proxima sunt virtutibus vitia, breviorque confinio bona malis conjuncta sunt: quin & quæ pulchritudine sua delectant, nonnulla etiam intrinsecus labe notantur. Virgo formosa, nativoque candore

Venetiarum
Compendio.

dore suo venustissima, vel obliquis oculis, aut distortis labiis, vel inflexo pede deformatur: sparsique per ora nævi splendidam sæpe frontem obturpant. Vir ingenio pollens & virtute clarus non nullo tum intus aliquando secretiore vitio laborat; & cum plura genius homini feliciter elargitus bona contulerit, adversa quoque malorum confusione permiscet: quoniam non uni omnia Dii dedere. At huic urbi, reor, infallibili Deorum immortalium decreto, nullo malorum participatu, nullaque nocentium communione, bona copiosius & abundantius dispensata sunt, ac benignius impartita: cumque Parcarum malignæ manus aliis pensa durius intorserint, huic aurea pollice *Phryxæ* vellera mollius deduxerunt. Eximius poëta *Mantuanus* cum sua illustri tuba laudes *Italiæ* decantaret, nihil, quod diceret, antiquius duxit, quam cæterarum provinciarum *Italiæ* carere malis: & cum *Cerere*, *Baccho*, olea, armento, pecudeque fecundam cecinisset *Italiæ*, statim intulit:

At rabide tigres absunt, & sæva leonum

Semina, nec miseros fallunt aconita legentes:

Nec rapit immensos orbes per humum, neque tanto

Squameus in spiram tractu se colligit anguis.

Bone *Juppiter*, quam magnum mirumque est, tanti vatis testimonio, tot bonis præditatam insignemque nostram *Hesperiam* abundare; tauros edere triumphales, niveos greges enutrire, arduos ac pernices equos alere: quales *Cyllarus*, *Baliarcus*, *Xantus*, & quorum *Graji* meminere Poëtæ. Ad hæc per abditas dilatentesque venas metalla fluere: splendidos illimesque rivos argento promanare, pretiosissimoque ac cæteris puriore auro scatere, tum genus acre virum, durissimæque hominum corpora, ac rebus gerendis omnibus habilia propagare. Hæc adeo magna tantique æstimata sunt, ut Dei præsentis afflatus Numine Vates sublimis hanc in vocem caste & reverenter irruerit:

Salve magna parens frugum Saturnia tellus,

Magna virum: tibi res antiquæ laudis & artis

Ingredior sanctos ausus recludere fontes:

Ascræumque cano Romana per oppida carmen:

Hæc certe quanquam laudabilia sunt, mortali-que præconio commendata, laudabiliora tamen sunt, & si fieri possit, ampliore laudum tubicinio prædicanda, quæ nobis rem *Venetam* admirantibus & suspectantibus obversantur. Etenim quid mirum est, diffusos late fines *Italiæ*, magnosque terræ tractus infero superoque mari perlutos his tot bonis, quot *Romanus* percenset *Homerus*, suoque carmine Musis elucubrato commemorat, ubertim affluere? cum diversis regionibus atque alio alioque situ, una terræ latioris vastitas, unaque diffusa finium propagatorum ambitio, rerum feliciore proventu omnium repleatur. At urbem unam humani generis domicilium, totoque orbe terrarum illustriorem, non terra sed mari sitam, non insula sed fluctu pendentem, non solido sed instabili consolidatam elemento, pulchritudine rerum omnium, opulentia, varietate præsignem, admiratione tota sane recolendam observandamque reor: unamque tota defectæ mentis puritate, ac defixi animi obtutu præ cæteris omnibus contemplandam existimus. Alii suarum primordia civitatum ad quæstuarios opificesque deos retulerunt; inanibusque fabulamentis inanem sunt gloriam aucupati: *Apollinem* *Neptunum*que suos *Pergamæ* conditores jactant, cum ipsi tamen evertisse cuperent ab imo, structa suis manibus perjuræ moenia *Trojæ*: *Romani* tantæ urbis auspicia, ne meretricio semine togatam gentem dominamque rerum pro-

A | derent, *Marti* consecraverunt: suosque calicolas, adulteros ac constupratores patientius tulerunt, quam ut sese humili loco natos humanique generis more procreatos, profiterentur; eaque mira omnia posteris tradiderunt, quæ tot ambagibus tantoque ludibrio sacrati partus involverentur. Hujuscemodi sane ridenda deliria commentitiasque nugas viri prudentes, usuque rerum exerciti subsannant exploduntque. Quæ tametsi turbellæ simplicioris auribus instillentur, eorumque sensibus illapsa leves animos capiant, acriori tamen ingenio refutata, sanis quidem mentibus repudiantur: quoniam humana divinis non commiscuntur, longeque discreta sunt hominum Deorumque commercia. Verum quoniam hæc vulgo recepta sunt, omniumque fere conscripta literis, ac linguis decantata sic increbuerunt, ut pæne gesta rei fidem confaxerint, & nos hæc dissimulanter secuti, ne sanctæ vetustatis sacra profanentur, admittamus. Quid igitur, quæso, præstantes illi matricem ingenio viri, qui hæc confixerunt; aut confacta promulgaverunt, verastrarum miracula rerum intuentes meditaturi sunt? quid rogo concepturi? quid tandem elocuturi? Non conductitios mercenariosque Deos, ad exstruenda ædificandaque tantæ urbis fundamenta persuasuros credam; non *Amphionem*, non *Orpheum*, arguto crepitantisque lyre cantu saxa movisse, non *Martem* urbis auctorem ferent, sed ipsum *Jovem*, qui totum nutu tremefacit Olympum admovisse manum prædicabunt; ipsamque *Cybelem* atque *Minervam*, opificio cælesti plenum divino Numine domicilium absolvisse dicent: & mehercule non injuria, si modo hujus urbis imaginem ac speciem admirandam conspicati fuerint. Adagio percrebuit: *Venetia, nisi videantur, non æstimantur*. Quid hoc est, rogo, quod voce nobis omnium insonuit, nisi qui viderint *Venetias* non æstimaturos? Deos certe sedemque Deorum non inspicimus, nec intuemur: & tamen cogitatione nostra magna ea omnia & mira esse concipimus. Cur non igitur & hæc meditatione nostra, nostræque coactæ mentis intentione tam nova & admirabilia reputamus? nostrique erecti sensus sublimitate, molis operosæ magnificentiam, qualis ea est, quantaque patet, assequimur? Proh *Juppiter*, ea parcemæ vis est, eoque tendit vulgare proverbium, ut hæc tam ardua & excelsa esse fateamur, ut humana mente comprehendi certe non possint: nec hujus Urbis amplitudo, nisi visentium oculis subjiaciatur, possit unquam integro suo decore ad liquidum perducere. Non ulla quidem extriti perterfisque stili politura, non torrentis effusique sermonis facundia, non sublimium ingeniorum ad-admiranda felicitas, hæc effingere, paribusque lineis adæquare potuerit. Etenim, cui tanta dicendi vis est, tantaque redundantis eloquii superbia, ut orationis facultate ea usurpet, dixisseque præsumat, quæ dici non possunt: & si quoquo modo recensæ sint, non credantur? quis *Demosthenes*, rogo, *Pericles*que, quis *Cato* *Crassus*ve, quis *Homerus* noster *Græcus*ve, suis adeo cithurnis grandibus elati consurgent, suæque inflata majore tuba personabuntur, ut effigiare depingereque ea possit, quæ, cum coloribus adumbrata, ipsaque dicendi arte nobis auscultantibus insinuata fuerint, impossibilia videantur? veluti duo diversæque elementa unum & idem esse; uno eodemque elemento labi & sistere; ambulare, natæ; currere, navigare: quod hoc ingens rei spectaculum? hæc quæ nova rerum species? quæ sunt hæc Deorum suspicienda miracula? quis *Vertumnus*, quis *Protheus*, quis hanc histrio scenam agit? nisi qui viderint & senserint, nisi qui periclitentur, in ipsaque re versati fuerint, non credent:

dent : & , cum viderint , hærebunt . Ac ne velut somniantes falsa sub imagine rerum eludantur , captique præstigiis cæcutiant , addubitabunt : quoniam tam disparata conjungi , unoque complicata nexu coire , quamquam oculis ingerantur , fidem tamen hominum excedunt ; ipsamque naturæ cuncta moderantis disciplinam supergressa videntur . *Andreas Mocenicus* Patriæ suæ *Situm* stilo complexus , cum pondera magnitudinemque rei præsentiret , & scrutaretur : *Supra omnia* , inquit , *mira res est , quod aquosa super tellure hujusce urbis fundamenta jacta sint* . Rei miraculum exprimere non potuit : quis enim explicet inexplicabile ? sed rei speciem summo velut digito præmonstravit . *Aquosa* , inquit , *tellure* : id est , neque aqua neque tellure . Quam hoc ingens & magnum est , ut nullo elemento , aut certe invicem duro liquidoque confligentibus , erecta Civitas totoque terrarum orbe spectanda promineat . Et quæ natura separavit , certoque limite suo disclussit , hæc indissolubili nodo concopulet & innectat . Non hæc hominum sunt opera , sed Deorum ; non hæc humana manu , sed , si dixisse fas est , divina , confurrexere miracula . Errantem *Orthygiam* , *Egeoque* jactatam pelago *Delon* , cum turbinibus & ventis obnoxia fluctuaret , non sunt passa duo Numina diu pererrare ; sed divinitus ope contracta , Dii infantes natalem terram *Mycone* *Gyaroque* revinxerunt , immotamque coli rapidosque contemnere ventos dedere ; atqui mirabilius est non insula , sed fluxu ac liquente , præfirmatam elemento , suisque defixam pedamentis urbem educere , magnitudineque sua ponto confidentem , ponti furorem rabiemque ventorum contemnere . Si non uno Numine sed duobus , *Delos* stetit , si non unius ope sed duorum terra firmata est , omnes ausim dicere , *Cælicolas* , indiscretæque Deorum examina , quibus antiquitas & vana superstitio cælum oneravit , vasto mari , magnæ Urbis fundamenta , sumptibus infinitis , artificioque mirabili , divinitus posuisse . Majores nostri contabulatum *Hellepontum* , nescio quo modo , jactaverunt ; *Caligula* mare , quod jactantia ambitioneque sua constraverat , equis rotisque percurrisse gavisus est ; dictator *Julius* immenso opere perductis brachiis *Averno* *Lucrinoque* lacu pontum exclusit ; sed & jactas moles infesto & profundo pelago legimus : & si quis in mari ædificet , posse eum contemnere novi operis nuntiationem , *Ulpianus* scribit ; nisi , ut sibi de damno infecto caveatur , agat . Sed hæc perlegenti mihi ridicula , ac vesiculis fragilibusque pampinis bracteata esse videntur : cum urbis magnum magnæ situm obambio ; cum molem lateritiæ , amplitudinemque contignationis ædituæ , pelago diffusam , emetior ; cum suis distinctas interstitiis regiones , medioque mari solidatas ingentes eraso marmore plagas sublego ; cum editissimas cælo turres , excelsa nitidaque *Pario* candore prætoria , ac ipsum augustale sacrarium , tranquillo horrore , sanctique Numinis majestate plenum contemplor ; cum cœnobia , aras , delubra , percenseo ; ipsiusque maxime Dei tutelaris *Marci* Templum admiror , ærea cui gradibus præfurgunt limina , nexæque are trabes , foribus cardo constriidet ahenis ; cum *Attalicas* opes , & *Orientis* & *Occidentis* , totoque devectas orbe terrarum merces executio ; cum pretiosissima metallorum , gemmarum , lapillorum , margaritarum , cæteraque omnia conspicio , quæ tanta visentium oculis admiratione subvolvuntur , ut ea defixus silentio magis complectar , quam voce vel oratione percurram . Hic etenim omnium , quæ terra , oceano , marique nostro vexantur , conditorium est ; hic nobilissimum speciosissimumque mercis omni-

A genæ promercalis emporium ; hic thesaurus incomprehensibilis , ingens , immensus , cui nunquam exhausti satis est . Promulgatum est & in triviis decantatum commune verbum , cum admirabilis insignitique rem pretii designamus : *Num hic divi Marci thesaurus est ?* merito dici posse nihil amplius existimantes : cum in hanc usque diem , quod *Veneto* , non dixerim præferri , sed conferri possit ærario , nihil nobis natura comonstraverit . Inde bellorum nervi distenduntur ; inde Reipublicæ viscera compinguescunt ; inde privatorum medullæ succulentiores fiunt . Numularia res , cum in communes usus dispensatur , addictæque publicis commodis temperanter observit , aspera mitigat ; dura præmolliit ; adversa secundat . Quoricens res *Veneta* concidisset , si lapsitantem extremis rebus suis publicæ privatæque facultates non præfulsissent ; si matura suoque decocta tempore Patrum consilia publicæ domesticæque opes non juvissent ? Nullius sane pensæ prudentia est , si , quæ diligenter pensitata sunt , inopia rerum destituat : verum tunc nostra nobis cautio prodest , & solertia proficit , cum suppetente copia non fraudatur ; & mentem pondere curarum anxiam abundans res familiaris allevat . *Veneti* Principes suoapte ingenio sagaces , & rebus obeundis omnibus accurati cum prospexerint , emetitique singula fuerint , affluente rerum copia consiliis suis opitulantur ; & cum domi nihil desit , foris omnia præsto sunt ; cumque in gremio sinuque suo congesta cumulativè omnia comportent , facile , quæ volunt , quæque imperant & edicunt , assequuntur . Felices igitur *Venetia* , felicibus auspiciis posita , quas affatim omni bono prædotatas , omnique laudum genere præstantes , olim cælo summum vatem extulisse , si per rerum naturam licuisset , dignius fuerat & æquius , quam ita cecinisse :

*Scilicet & rerum facta est pulcherrima Roma
Septemque una sibi muro circumdedit arces.*

D Quid enim admirationis habet , urbem septicollem montibus opprimi ? imisque convallibus subopacam , egelida nube semper obduci ? tum restagnante superfusoque *Tybri* , præurgentibus undis natate , oblimari , casitare , nonnunquam & obrui ? ad hæc armis , belloque jugiter divexatam incendi sæpius ac diripi ; manuque barbarica frequenter perire ; tum quod bonis civibus molestissimum est , commutato servitutis iugo , novis utique successoribus angi : novi Principis nova servitia ; novi Regis novum famulitium : collata priori beneficia successoribus abrogantur ; & dum novos promereri dominos student , mors importuna medios intercipit . Hic unus Principatus , una Dictatura , unum Imperium , una Reipublica , hic sanctissimus Senatus , delectus Patriciatus , hic prædocta bonisque artibus instituta Nobilitas ; hic prudentes Viri , bonos præmiis , malos pœnis afficientes : inexorabiles & invicti criminum quæstores Decemviri ; Reipublicæ moderatores emunctissimi ; integri Magistratus , emaculatissimi juris Administratores , publicorumque Dispensatores candidissimi . Non hic pulso ambitu laudatus *Pompejus* ; non hic pecunia dum oppugnatur , *Cicero* conquestus ; non hanc urbem venalem *Jugurtha* , non *Hieronymus* Babylonem , non multorum beluam capitum poëta dixisset ; nec *Venetum* sublimis Vates respexit imperium , cum in eam vocem dilapsus est :

Non res Romana , perituraque regna.

Hic justitiæ æquilibrium , æquitatis temperatura , juris Asylum ; hic amœna omnia ; blanda quies , molle otium , salubres umbræ : hic humani generis diversorium , mundi delicia , fo-



lium *Jovis*, sedesque Deorum. Quid nobis igitur mirum fuerit, si hoc tali tantoque bellorum fragore, quo tota succussa est, pæneque contrata succubuit *Italia*, adflicta *Gallia*, percussa *Germania*, commota *Hispania*, cæteræque *Europæ* & *Asia* nationes pestilenti vapore suffumigatæ sunt, solis *Venetis* Dii sua pietate & clementia pepererunt; si hæc insignis inter tot splendidas *Italiae* civitates captas, direptas, incensas, sola quievit, eviguit, præfloruit; si non incurfione barbarica, nostraque violentiore militia divexata est; si non itu redituque, insiliendo, resiliendo, oppugnando, propugnando, exagitata percussaque est. Quæ *Italiae* civitas illustris hoc bellico terrore non intremuit? non horruit? non procidit? quotiens singultatio gemitu lachrymabunda *Neapolis* lamentata est: cum *Caroli Ludovici*que jugo deglabrata recutitaque cervice prærubuit? Quotiens irumpentibus & erumpentibus hinc inde diversorum Principum copiis, *Hispanica*, *Gallica*, *Germanica*que vastitate persqualuit? Quotiens suarum oblita deliciarum esurivit, sitivit, defecit? ut innumeras *Apulie*, *Calabrie*, *Campanie*, totque arces oppidaque suis cum ruinis collapsa præteream. Quid ipsa omnium Princeps olim urbs *Roma*, ceremoniarum mater, fidei columen, religionis magistra? quam exaugurata, execrata, prophanataque jacuit? ut supergressum ripas majoribus quam unquam incrementis *Tibrim*, ut terræ cælique ruinas, ut elementorum pæne omnium in eam conjurantium furorem præteream; eaque silentio dissimulem, quæ tametsi prænexore reticeam, singultu tamen gemituque suo produntur: & in apertum erumpunt. Quid *Florentina* Respublica tot menses obsessa, totiensque militari manu crudeliter impieque tractata? quid *Bononia*, *Ferraria*, *Genua*, castrensibus flagellis sæpius impulsatæ, bellicis fragoribus consternatæ, populationibus ac rapinis intestinisque cædibus conflictatæ. Hei mihi! quo me stilus meus provexit? quo me res gestæ abhinc annos triginta succedaneo turbine propulerunt? ire iterum in lachrymas, iterum flevisse querendo cogimur, & duros patriæ meminisse labores. Quos dum tota mente repeto, priscaque in angustias sollicita cogitatione retrudor, vox faucibus hæret: & quicquid aridum sterileque defudat ingenium, id obliterant & delent turgidis oculis erumpentes lachrymæ meæ. Quid igitur parcam *Lachrymis*, *Mediolanice*que tragoediam *Cæsaris Anticatone* grandiolem, necdum finitam reticebo? atqui satius fuerit longas malorum nostrorum *Iliadas* angusto margine brevique linea circumscripsisse; nullo veritatis sed magnitudinis præjudicio; æmulatione eorum, qui breviori tabula mundi terminos finesque perscribunt; situmque ejus uno, sic dicam, puncto complectuntur: ut nostræ infelicitatis collatione peregrina magis elucescat. Quid igitur ab ipso *Aureliensis* Principatus auspicio, quo *Gallicano* jubentibus fati inauguratus imperio *Ludovicus*, summa rerum fastigia solumque conscendit, irati Dii nobis tutum reliquerunt? profugus Princeps mox restitutus, dehinc captivus, tanta Reipublicæ summique Patriciatus ruina procidit, ut præceps unius viri casus, uniusque Domus augustæ lapsus, universionem pæne Rempublicam in interitum attraxerit. Tum quietem nostram interpellantibus *Helvetiis*, cum *Gallicanos* tumores abhorreret *Italia* exacto Rege, *Regulus Hercules Sfortia*, nobis accitus est: ac paulo post cum *Italiam* repententes *Gallos* manus *Helvetica* profudisset, haud diuturniore otio vernaculus nobiscum Princeps defecit. Siquidem magnis iterum instructis copiis *Gallo* nostras in oras repedante, gentilitia se-

A de detrusus non parva Nobilitatis jactura a barbaris ad barbaros translatus excessit. *Odetinum* protinus odium, insolentissimique Gubernatoris superbia, *Gallicanas* opes, nostrasque res omnes funditus evertit: cumque durior fortuna virum detestata procul exegisset, comparato majore rursus exercitu revocavit; ac e vestigio revocatum expulit; deinceps Admiratum majori fragore concursantem complexata tamdiu fovit, quamdiu *Germani Hispanique*, *Francisco II. Sfortia* restituto, *Mediolanum* obsidione solverunt. Interea fremente, & amissam rem *Cisalpinam* indignius perferente *Gallo*, cum ferro, cæde, incendio, peste, vinculis, exilio, desolata jam exitialiter civitas jacuisset, repercussus fumus, abscedenteque *Francisco Sfortia*, Rex Gallorum *Franciscus* successit. Novo sane tumultu, novaque circumactæ molis vertigine: donec ipsius captivitate Regis, *Mediolanum*, *Insubres*, *Ligures*, omnisque *Cisalпина Transalpina*que *Gallia*, velut suis emota cardinibus tremefacta est; secumque graves ruinas attraxit, tunc cum otium & quietem ex tanto sudore & pulvere speraremus, inedia macerati morbo pallentes, tabeque consumpti fumus; tantoque miseriarum angustiarumque omnium revolubili saxo detriti iterum atque detriti, ut cupientibus mori non permetteretur occidi; ut ejulare, exclamare, ut ingemere non liceret. Est aliquod doloris lenimentum lamentari posse; cruciatæque mentis nonnulla refrigeria sunt suspiriis relaxari; & exclamando misericordiam provocare: at in ipsa doloris angustia cohiberi, & cum tormenta gemitum & lachrymas extorqueant, gaudere ac lætari, speciemque ridentis præbere, hæc nova & inaudita sunt, ut, feritatem omnem & sævitiam excessisse, nemo neget. Exigi domo, fortunis spoliari, vinculis astringi, flagellari, cædi, necari, dura plane sunt & aspera; sed asperiora quidem & duriora ea præstare, quæ, ne præstari possint, natura pernegavit. *Lachrymabundus*, *singultabundus*, *gembundus*, quo vultu, quæso, tortori carnificique suo tandem arridebit, applaudet, acclamabit? quo modo fidiculis dissecatus, cum omnia condolecant, tripudiabit? qui gestus, qui saltus, qui pyrrichii motus erunt eorum, qui tumidis pedibus, defraetis furis, eluxatisque membris omnibus prolanguerint? rogo, qua arte ingenioque fieri potest, ut acetum dulcescat, saccharum inacescat, mel inamarefcat? quæ dulcia sunt, dulcescere, quæ amara sunt, amarescere, quæ vero acida, jure suo accescere omnino oportet. Non possunt acuta acumine suo lenire; nec stimulis suis aculei dispunxisse non possunt. Quæ torrent, certe non refrigerant: ac rursus, quæ refrigerant, non contorrebunt. Heu nos miserorum omnium miserimos! supraque omnem infelicitatis modum infelices, qui hæc effingere, comminisci, præstareque nonnunquam coacti sumus: tanto vitæ nostræ diuturnioris tædio, ut posse mori vita crederetur; amœnioremque cum inferis, ipsisque cum manibus præoptandam consuetudinem omnes existimarent. Permolesum est & grave, vicinum hostem tolerare: sed longe molestius quidem & gravius, eodem sub tecto, eadem in sede, eodemque cubiculo perpeti; semperque velut canem in puteo rixari, pugnare, digladiari. Actutum præsentanea venena necant; cito gladius interficit; nec prolixiore mora laqueus strangulat: at diebus noctibusque, mensibus & annis exuri nec perire, venenum potare nec efferri, visceribus, medullisque gladium sentire nec tolli posse peracerbum est, & sane modis omnibus asperrimum. Quocirca minime mirum, si his torminibus discruciatas vita supplicium, mors

mors vero non poena, sed poenae finis esse putabatur. Majores nostri cum hujusce urbis adversa deplangerent, illatam *Federico Aenobarbo* cladem velut omnium extremam ac miserabilem pulpito sublimiore majoreque theatro percensabant: at nos quotiens *Federicum* optavimus! quotiens *Conradum* desideravimus! quotiens *Attilam*, *Vitigem*, ceterosque nostrae urbis hostes infensissimos & eversores deflagitavimus, expetivimus, anhelavimus! Mira sunt aedepol, ut quorum victoriae nobis insolentes intolerandaeque fuerunt, ac late nostrorum effusa strage civium exitiales, horum collatione malorum mites ac placidae viderentur; cumque haec nos acerbissima distringerent, illorum fraena mordere, eorumque vinculis implicari summis votis optaremus; atque ut crudelissimos sectores evitarem, exoptabamus habere carnifices. Quid igitur *Rhodigine Caeli* succenses, & tecum obstrepis, si una tantum & altera civis tuus ustrigine bellorum afflatus, unoque repentino militari subustus est incendio? praestitisset multorum judicio, fortunaque nobiscum mitius egisset, si uno tantum populo, unaque brevi clade afflictus fuisset, quam tot annos expilantibus, eradentibus, decorianibusque nos feris hostibus exiugi, dema-

A ciari, concoqui: quanquam nunc benigni Caesaris *Caroli* Clementia, sanctoque *Francisci Sfortiae II.* moderamine restituti, paeneque redintegrati sumus. His igitur miseris angustiisque dilapsos omnes melius contemplari licuerit, amoenissimam *Venetiarum* amoenitatem, quietem quietissimam, ac tranquillissimam tranquillitatem, bellici fragoris expertem, castrensis tumultus ignaram, Martialis fremitus & sonoris immunem: cujus urbis incolumitas & salus tot inter excidia bellorumque ruinas, caelesti decreto praeservata est; cujus sanctitas, amplitudo, majestas beneficio Deorum illustrata, quotidie magis ac magis omnium aemulatione gentium ac populorum inclarescit; cujus mores, virtus, disciplina, meam tanta voluptate mentem ceperunt, vel potius rapuerunt, ac rapiunt, ut calle paulisper digressus assueto liberius evagari, lascivireque licentius non temeritate sed amore praesumpserim; veniam, si quomodo fuerit erratum, benigno lectore, consecuturum sperans: cum ardua sublimaque tentantem periculosa omnia circumstant; in eumque censura mitior omnium esse debeat, qui, si non tenuit, magnis tamen excidit ausis.

LIBRI QUINTI FINIS.



BERNARDINI ARLUNI,

Jureconsulti, Patricii Mediolanensis,

DE

BELLO VENETO

LIBER SEXTUS.



Is dum *Germanorum Hispano-*rumque mutuis impressionibus exagitata magno tractu *Venetia* laborat, & huic adjuncti cæterarum fines provinciarum, pari æstu, parique ægritudinis bellicæ morbo conflictantur, Rex Gallorum *Ludovicus* non minori in ulteriore *Gallia* bello distractus, quam sua *Veneti* Principes in provincia forent, militari negotio finem imponere peroptabat: nec tamen *Cisalpinæ Gallie*, amissæque rei *Mediolanensis* obliviscebatur; quibus asserendis, revocato sæpius animi dolore, magnisque vehementer incensus stimulis, inhiabat. Quem suis anxium curis, suæque sponte factis incitatum, *Veneti* semper acrioribus incentivis inurebant: quoniam illius ope rei suæ prospectum iri certum erat; gentemque *Lilina* adventu suo sibi magno futuram præsidio non ignorabant. Et quanquam *Leo* Pontifex Maximus intercederet, enixissimamque daret operam, ut *Hispano* *Venetis* *Germanoque* conjungeretur, quoniam, his consentientibus, ad arbitrium redigi posse cuncta sperabat, *Gallum*que finibus nostris extorrem, omnique prorsus *Italia* sequestratum, propriis circumscribere finibus opinabatur, rem tamen ad exitum perducere, nec ex voto quicquam conficere poterat: cum abjudicari in alienaque jura transire *Veronam* *Patavium*que *Veneti* nullo modo paterentur; a se vero distrahi *Maximilianus* in animum suum inducere non posset. Senatus itaque *Venetus* percussus cum *Ludovico* fœderis tenax erat; ipsumque frequenter hortari suadereque, ut rem e vestigio capefferet, expeditionique celerius accingeretur. Quod quam suopte desiderio perfecisse Rex *Ludovicus* maxime cuperet, propensam tamen acclivis animi voluntatem avocabant *Helvetii*, procurante *Matthæo* *Mediolanensibus* alligati: quos præter ordinem supererogata stipendia emunctæque pressando marsupiiis nostris pecuniæ, blandioribus vinculis attinebant; sed & præter cætera montanæ plebis animos emovebat, quod exiles & angustas vicinorum opes, eorumque confinia Principum esse malebant, quos ipsi laceßere liberior & bello conterere, quam ab his provocari possent & adfligi. Ad hæc præferoces animi *Britannorum*, ab ipsa *Cisalpinæ Gallie* suscipienda expeditione perpetuis *Gallum* jacturis atterentes prorsus avertabant. Fragilis præterea nec constans *Maximiliani* Cæsaris amicitia, tum & instabilis *Hispaniarum* Regis voluntas, nec minus incerta Pontificis, lubricaque cæterorum *Italiæ* Regulorum intentio, sua semper commoda, suasque proprias opes respectantium *Aureliensem* in tanto futuro æitu bellorum ancipitem & du-

Abium distinebant. His ergo fluctuantem curis ingentibus *Ludovicum*, curisque majoribus in dies æstuantem, benignior fortuna sublevavit. Ejus etenim uxore de medio sublata, cum funeris tædas accendisset, protinus extulit nuptiarum: *Britannici* quippe Regis soror viro matura, *Galliarum* Regi *Ludovico* nuptui traditur, quæ nuptialibus vinculis *Britannum* inde *Gallum*que constringens, maritum fratremque tenaciori fœdere concopulavit. Celebratis igitur suo de more nuptiis, cum *Britannicorum* incendia bellorum, novis extincta connubiorum aquis subsedissent, duoque Reges *Europæ* potentissimi, mutuis astricti nexibus tenerentur, *Ludovicus* in *Italiam* iter parat: suis opibus, conjunctique jure sanguinis auxilio Regis maxime fretus, quem tanti fecisse tradunt, tantique pensi semper habuisse, ut hujus unius benevolentia contentus, cætera omnia facile contemneret. Tunc ergo per universam *Galliam*, lateque diffusos per omnes regni sui fines, novos militum delectus habere: velitem, cataphrattum, peditem conscribere; militaria tormenta, murales machinas, com meatum, cæteraque castrensia destinatoque operi necessaria protinus expedire. *Leonem* interea Pontificem Summum, ut in *Italiam* adventanti suffragaretur, eamque ut in rem nomen suum daret, suadere, hortari, ambireque sollicitus: non quia magni suppetias ejus momenti futuro bello duceret, sed quoniam præter cæteras gentes obnoxiam devotamque religioni *Galliam* nationem callebat, ne rem tantam contra Summi Pontificis Sacrorumque Præfecti mentem aggressus, vel injussu ejus movisse bellum argueretur, ventosas tonsilis patrocinii bullas, inanemque scenæ Pontificalis umbram ambiciosius affectabat. Ille tamen ingenio maturiore perspicacique subhærere, cunctari, verba dare; tum pro tempore locoque rem in opportuniora differre: donec vario tractatu, multisque hinc inde seorsum agitis, dum moras importuniores *Gallus* Pontifexque disposito paratoque negotio subinnectunt, repentino corruptus morbo *Ludovicus* intermoritur. Hic quippe jam adulta ætate provectus, dum matrimonio licentius indulget, moreque nubentium operam *Veneri* plus æquo navat, omnibus debilitatis spiritalibus membris, humoreque vitali exhausto defecit, planctu sane multorum & lachrymis; magnoque præsertim mœnore eorum, qui voto intensiore, semperque præcordiis conceptam in spem anhelantibus anxii, Regis adventum in *Italiam* expectabant, sublatus est. Cujus quidem obitus eo plurimis molestior fuit & gravior, quod in ipsa media capeßendi negotii expeditione, digestis jam

jam rebus, omnibusque compositis decessit. Ergo *Mediolani* Patriciorum plurimi subtristes esse; hique potissimum, qui se novo Principi *Maximiliano Sfortiae* vel defuncti magistratu, vel factione, vel procuratas olim ob res *Gallicas* invisos non ignorabant, acrioribus curis intorqueri angique nimia doloris impatientia coeperunt: quod desiderio suo fraudatis, omnem fortuna violentior spem surripuisset. Contra vero *Sfortiacarum* partium studiosi, quos beneficiis ac largitionibus sibi Princeps devinxerat, gaudere, latari, insultareque dolori eorum, quos *Gallici* Regis excessu confectos ardentior cura macerabat. Quin & ingentis templi pro foribus, ubi de more parentalia jussu Principis exsoluta sunt, ampliore literarum figura proscriptum legebatur: QUI INGREDIMINI CIVES SPEM VESTRO CUM REGE DEMORTUAM ELUGETE. Hæc adeo invidiosa proscriptio fuit, plenaque livoris, ut exasperati graviter plurimi, cum sese manifestiore indicio male dissimulatus affectus proderet, abscederent. Ita luctus & gaudium dissidentes inter Patricios discordiososque cives agitabatur: sed neutri partium suus diuturnior affectus fuit; neque diu cuiquam lætitia mœrorque suus infedere. *Ludovico* siquidem extincto, *Franciscus* illi jam pridem gener adscitus, *Gallicanorum* consensu Procerum, exultanteque aula suffectus est: qui post editos celebratosque novo genere spectaculorum ludos, cum affecti heroum aulicorumque Primores regia munificentia, magnaue donativorum ac congiariorum largitate fuissent, animum ad arma curamque castrorum convertit; ac vix oceptam a focero subigendæ ceterioris *Gallie* provinciam absolvere, totoque conatu ac studio perficere nitebatur; *Venetis* præfertim adurgentibus, ac propriam communemque causam diligentia sollicitudineque sua procurantibus. Verum male fidam *Gallorum* ac *Venetorum Romanæ* libertati imperioque ejus societatem *Leo* Pontifex Maximus prætimebat: cum usurpatas hinc inde, assertasque *Julio* decessore provincias, averfis maleque consentientibus *Venetorum* & *Gallorum* animis possideret. Itaque sub obscuro versatilique ingenio suo Pontifex nihil expeditum nec apertum habere: & quanquam sponte sua *Gallo* infestior adversaretur, odissetque gentis ambitiosæ tumorem, animi tamen sui motum suæque mentis implexæ sententiam ambage multa, multoque rerum involucro convelabat: donec perfectis omnibus, siquæ ex animi destinatione transactis, cum differre amplius non oporteret, dato *Venetis* *Gallis*que repudio cum *Hispanis*, *Germanis*, *Helvetiis*, *Florentinis*que, ac cum *Mediolani* Duce *Maximiliano Sfortia* convenit. Tunc itaque *Germani*, *Hispanique* Pontificalibus jussis obsequentes, ubique *Veneto* terrori esse; vastare, populari, incendere: ille, contra, *Liviano* ductante, integris copiis, omnique suppleto exercitu, Rempublicam defendere, cives tutari, omnibus cavere, atque illud inter cætera præcipuum habere, ne læsi fœderis rei fierent, sed ut initam fixamque cum *Gallo* legem sanctam inviolatamque modis omnibus observarent; ac ut mutua pactione conventa cautius exsequerentur. Rex interea *Gallorum Franciscus* in *Italiam* iter molitur, paratisque omnibus *Petrum Navarra* pedarii ordinis Magistrum, qui omni explorato itinere viarum opportunitiora capefferet, præmittit: qui suarum magna cum parte copiarum, leviora speculatus, quanquam dura omnia & aspera, præruptisque montibus confragosa essent, *Susum* applicuit, *Helveticas* phalanges, quæ proximos *Alpium* saltus radicesque tenebant, propulsaturus. Obsederant angustas montium fauces ad numerorum viginti millia: descendentemque *Gallum*, duris pectoribus ac præacutis telis excepturi omnes alacriter

A præstolabantur. Hac etenim iter facturos hostes opinio frequens erat: quod & præmissi pedites suis cum appendicibus, tum & velites, ac mox cæteri, dehinc invia hac & illac omnia facile arguebant. Sed itinere diverso properantes *Galli*, perque intentatos antea calles ad *Genue* confinia five *Petro Navarro*, five, quod alii magis autumant, *Jo. Jacobo Trivultio* præmonstrante, dilapsi, dumetis obsitisque cautibus superatis, imposturam, assuetum protritumque servantibus iter *Helvetiis*, fecere, nullo quippe penitus obsidente, cum his nihil ab locorum angustis timeretur, in aperta planaue demissi, conglomeratique repentina manus *Ligusticos* omnes tractus, patentioraque omnia subito replevere. Harum inculti tramites confragosique viarum, progressu molliore summotum hostem, *Villafrancum* perducebant; ubi *Columella* trecentis cum equitibus custodiam agebat, si quid opus esset *Helvetio*, laboranti præsidium allaturus. Sed circumfuso statim equitaru peditatuque *Gallicano*, priusquam sese præcinctum hostilibus armis sciret, oppressus est; barbaricæque custodiæ, ductor alioquin non indiligens, emancipatus. Ea gravis *Helvetio* jactura fuit: nam præter amissum equitem, hostemque jam in plana dilapsum, cum alia obsidentibus *Helvetiis* aliorum hostes erepsissent, illud accedebat, quod com meatu fraudabantur; nec expediti equites, sarcinalibus jumentis utensiliaque præferentibus, præstare tutelam de more poterant, intercurrentemque *Gallum* avertere. Itaque male sibi creditos fines, maleque sibi commendatas oras deserere coacti sunt *Helvetii*: agrorumque patientia proruentibus *Gallis*, & majore numero succrescentibus in dies, relinquere. *Transpadanas* interea regiones *Ostavianus Fregosius* ex *Genua* proficiscens, magno cum equitatu peditatuque peragrabat; *Cispadanas* vero *Laurentius Cerrinas* ex *Crema* relegens, magnisque ferentiarum cataphrattorumque copiis occurrebat barbaro, jam summotis & abscedentibus *Helvetiis* tutiora tenenti; *Livianus* autem integro cum exercitu *Veneto*, & Regi obviam ire, ac *Hispanicis* Pontificalibusque turmis, ne jungerentur, in diversaque properantem *Helvetium* revocarent, festinabat; sed & hostilium copiarum Ductores, ac *Marcicorum Gallicorum*que consiliorum non ignari, quos & *Leonis* Pontificis mandata fatigabant, & ingenitus propagandorum finium suorum ardor accendebat, præcipiti festinatione militem impellebant: ut & proximis hostibus terrore, ac remigrantibus *Helvetiis* subsidio forent. itaque cum *Gallorum* alaudis, tum *Venetorum* legionibus, ac *Ligurum* copiis, dehinc effusis *Helvetiorum* numeris, ac ex diverso properantibus *Hispanis*, omnique coeunte Pontificali armatura, *Insubrium Ligurum*que regiones, omnisque *Cispadani Transpadanice* tractus oræ, militari castrensiisque fragore confremebant. Dissidentium præterea intestinis odiis civium erectæ factiones, incerto tanti conflati belli exitu, domesticis armis concursabant; intentæque rebus novis hominum reproborum montes insidiosæ, deperdendi boni civis, ejusque fortunarum dilapidandarum, desideriis angebantur; & jam *Helvetii* a *Gallo* longe distracti, suosque in vicos repedantes, *Varsium* usque regressi fuerant, percutiendi cum hoste fœderis potius quam conferendæ manus studiosi. Eo temporis incredibili rumorum varietate, sermocinantium ora constrepebant; ambiguae voces, alterni mussitantium susurri, sub ipso belli pacisque lubrico miris modis jactabantur: jam *Helvetios Gallos*que invicem pactos centena aureorum millia, jam coivisse, jam sanxisse fœdera vociferabantur; rursus alii fluctuante pelago nuntiorum, refixas pactorum leges, confractasque

tabulas, ac omnia sævi Martis discrimine peragenda contendebant. Sua quisque rem ex sententia futuram esse conjiciebat: eamque suæ voluntatis indiscretæ desiderio metiebatur. Fuere ea tempestate, qui de Matthesi sua responderent, cum nonnulli sollicitius arcana cæli scrutarentur, non nisi magno conflictu, magnaue patrata cæde, horum turbines bellorum posse sedari: & multi quidem anxii rerum, futurisque plus æquo semper inhiantes, obscura fatorum per omnem religionis cortinam, Mathematicorumque numeros disquisitius evestigabant; certissimisque vatum prædictionibus persuasissimum habuerunt, priusquam instructi ordines Martis in aciem descenderent, quanquam ab *Helvetiis* cuncta stare viderentur, *Gallos* propediem victores esse futuros. Hoc sub alterno versilique Martis torno, & civium & populorum, & Principum fata multorum contorquebantur: & aliis excidium, rursus aliis incolumitatem hoc sub ancipiti, fortuna portendebat. Quocirca inquieti, instabiles, incertique omnes titubante solo, diversaue semper huc & illuc animum percellente aura convolvebantur: & mordaces curæ stimulis mentem acrioribus suburentes animum trahendo distrahendoque divellebant. Igitur *Galli* velut rerum securi, quos liberiore ambitu pervadentes, retrusa longius *Helvetiorum* agmina suis infrænes habenis reliquerant, collibus ac multis terræ jugeribus superatis ultra progressi fuerant: & jam *Trivultius* cujus nutu ductuque cuncta regebantur, haud longe *Mediolano* castra posuerat: extremisque pomerii finibus ad Divi fana *Christophori*, secundoque a mœnibus lapide morabatur. Ibi tunc primum de urbe dedenda, deque recipiendo in urbem *Gallo* tractatum: quoniam propulsatis & abeuntibus *Helvetiis*, quorum in bello spes magna spectataque virtus erat, & hoste jam mœnibus propinquo, ipsisque pæne portis imminente, transigendum meliore consilio videbatur. *Mediolani* tunc rerum summam agitabat *Hieronymus Moronus*, ardenti vir ingenio, animique prævigentis acrimonia sublimis. Hic *Gallicanas* cum primo partes teneret, plenoque Regem amplecteretur obsequio, declinante viri fortuna, ut dignitatem æstimationemque suam externo præsidio comparatam, domesticis suffragiis tueretur, *Gallo* ad *Sfortiam* desciverat; infensusque barbaricæ factioni *Gallo* vehementer adversabatur; omniumque suarum conscius actionum, nec ignarus, si rerum hostis potiretur, de capite fortunisque suis omnibus actum esse, non tam sui pro Principis sospitate, quam propria laborabat. Vir igitur consiliis suis violentus & ferox, cum non parvo metu trepidaret *Respublica*, omniaque vicinis hostibus, & ipso procul absente præsidio, fluctuarent, plebem in arma concitavit: illiusque perleves animos, ut in docili mobilitate deflectitur, in *Gallum* Regemque *Franciscum* odiosius irritavit. Jam armis assuescere, tela tractare, obequitare, congregi, pulchrum videbatur. Interdictus quoque *Gallicana* censura spatium olim pugionumque deferendum usus, sub occasione belli præsentis, adolescentiæ juvenili calore præserventi concessus, mirum in modum arridebat: adeoque sibi præcingendorum hac indulgentia telorum juvenes fori, legumque metu relaxati jactanter applaudebant, ut *Gallicanæ* servitutis jugum detestati, perosique ventosæ nationis superbiam, nimia sua hilaritate lætitiaque conferendæ manus exultarent: utroque prævalidum hostem incescere provocareque *Liliani* terocitatem infræna juvenus nostra, vulgarisque simplicitas præsumeret. Quæ grandior ætas atque maturior permolestie ferebat: quippe quo res verterent, recasuraque militaris tempestas foret, tot confligentibus invicem bellorum procel-

A lis, ambigebatur. Nam & victorem *Gallum* cohibuisse, ejusque præsertim pedariæ fecis colluviem ab insolentis impetu victoriæ repressisse durum existimabant. *Helvetium* vero magis indomitum, *Germanica*que sævitia furem, si eo bello victor evasisset, coercuisse durius erat: quoniam eorum ductor *Matthæus Sedunensis* Præsul, junctique cum eo aliquot Proceres infensissimi nobis; execrabilique in nos odio perciti, ferebantur. Nam cum paulo ante conflato jam præsentis bello, post mille millium exsoluta, aureorum, insuper trecenta millia *Matthæus Sedunensis* efflagitaret a nobis, concussi sumus; raptoque confestim B Dei nostri tutelaris vexillo, in arentis barbari sitim inexpectam, intolerabilemque avaritiam, cum Nobilis juxtaque plebejus indiscretæ factionis glutino cohæsisset, exarsimus incredibili tumultu sævientis in barbarum populi: adeo quidem ut se in arcem recipere, domesticisque penatibus relictis ad Principem confugere coactus sit; nec inde regredi præfurente vulgo, justamque plebis indignationem adjuvantibus Patriciis & Summatibus nostris, auderet. Quod illi adeo sane permolestum fuit, ut post abrogatam indictionem; sedatosque tumultus urbicos, excidium nobis interminaretur: & si victorem eum fata nobis ostendissent, aspere crudeliterque nullo plebis ac Nobilitatis discrimine, ulturum dolorem suum certo scimus. Quocirca consulti prudentesque Viri, illatarum non immemores injuriarum, adversus *Gallos*, quos victores futuros existimabant, commoveri furrigique plebem impatienter ægerimeque tulerunt; nec his opportuna malis remedia nobis offerebantur: cum non minus ab *Helvetiis* quam *Gallis* prætimendum esset; nec quicquam incolumitatis bonæque spei nobis armati tribulis afferrent, uno ad arbitrium suum *Hieronymo Morono* cuncta volvente, qui nostra sub cervice Reique publicæ periculo, ut gemma biberet, proludebat. Feciales interea, missique *Mediolanum* ab Rege Legati, summos ad Proceres Ducemque pergunt: admissique protinus in Senatum, cum fandi copia daretur, ipsique *Mediolanum* ex lege reposcerent, quoniam abscedente *Gallo* publicis cautum documentis erat, ut elato *Gallicæ* gentis vexillo cederemus, responsum insolentius & arrogantius acceperunt.

Maximilianum Sfortiam Mediolani Ducem gentilitiæ sedi suæ præsidem, nequaquam dicto Francisci Regis obtemperaturum esse: cum jure possideat, & sua jure tueatur; ipsumque Gallis inique provocari; neque legitime justoque bello laceßeri. Verum modico tempore, diversarum gentium coacta manu, ferocissimas nationes auxilio futuras, quæ Ducem populumque tueantur, strenuissimeque defendant: neque Gallicas erigi cristas in Principem oportere, quod Helvetii Mediolano longius abscessissent, cum Hispanicæ Pontificalesque præsto legiones affuturæ sint: quæ sibi mutuis invicem præsidii suffragantes, invicta virtute sua, suoque robore Gallum imbellem suisque cum nivibus resolutum, profligaturæ sint & extemplo dissipaturæ. Mirari sese insuper, ajebant, quo jure Mediolanum reposceret, cum interjacentes asperrimæ Cisalpinum rupes a Transalpino determinarent: & quod natura jure suo discrevisset, id humana manu non posse neque debere confundi. Ad hæc evocatum a populo Maximilianum Mediolani Ducem, permissuque Cæsaris ac voluntate solio suo restitutum esse: proinde redintegrata consolidataque omnia, quæ patre captivo superioribus annis intervulsa postliminio pendebant. Neque potuisse Patricios Gallicanæque factioni quosdam addictos Nobiles universo Mediolanensi populo præjudicare: ac nec ipsum rursus populum, acquisito jam pridem Sfortiacæ gentis juri derogare ullo modo potuisse. Qua de re pactum, dictasque leges olim inter populi Regisque Pro-

Procuratores, ab ipsis Procuratoribus exigerent, non a Duce: qui nec assensit quidem, nec assentiri potuit, aliena devinctus ascriptusque potestate. Neque vero Cæsarem, si in vacantis aulae solium Aureliensem admisit, iccirco Sfortiadas, si quo casu sedis in sua domicilium reponerentur, aut ad paternas opes fortuna benignior promovisset, excludere voluisse. Quod si etiam exclusisset, nunc demum inclusisse; neque de causa, voluntateque Cæsaris esse disceptandum, si qua liberiore iudicio suae potestatis arbitretur: laxas ejus potestatis habenas, & cum velit, omnibus legum vinculis absolutas. Proinde Francisco Regi soceroque ejus imputandum, si negligens & somniculosus gubernaculis excidit; maleque defenso solio detrusus est: cum alius successerit, qui paterno jureque suo legitimi sceptrum tenet imperii. Non oportere rem Romanam tantæ jurisdictionis amplitudine fraudari; nec antiquas domino vacare sedes, qui pensum exigenti Cæsari solvat; & cum oportuerit, armetur. Si concessa præstitaque Ludovicus Aureliensis tenuisset, & ipsum certe Cæsarem suffragaturum fuisse, si lapsus est defuncti patris vices agentem suffectumque protegi defendique optimo jure oportere: quapropter abirent & excederent. Mediolani Ducem Maximilianum Sfortiam, populumque ejus præferocem & in arma dispositum, neque Gallicanos impetus, neque vanas futilesque minas Regis formidaturos: conferre pedem, commiscere manus, conferre tela oportere: medioque Martis campo non ambitione nec jactantia, sed armis, viribus ac virtute periclitandum: atque horum, qui in acie percelluissent, quorumque magis spectata virtus esset, Insubres Lambranasque gentes ocus mandata capeffituras.

Hæc cum in castra Legati retulissent, Sfortiaque Ducis mentem Procerumque ejus animum Francisco Rex perpendisset, exacerbatus est vehementer, nulloque non mœrore subtritis obriguit: quoniam pæne desperata foederum ac pacis remedia forent, cum armorum alperiora, majorique discrimine prætentarentur; irritato maxime populo, cujus infinitam multitudinem, si strenuo præsertim ductore regatur, formidabilem Gallis semper habuerunt. Ergo cum rogati Gallorum Proceres sententiam dicerent, omnes hostiliter agendum esse contra nos censebant; omniaque cædibus, incendio ac rapinis agitata, permiscenda, foedanda; tum obsidendam urbem arctius, & undequaque commeatus intercludendos, ut inedia penetrabili telo transfixi suffocatique nullo discrimine perirent; ad hæc molitorios fluctus avertendos, obstruendaque fluminum atque rivorum incilia, omnesque sub urbis ambitum triticeos molares sistendos, disjiciendos, frangendos; in diversa mox dimittendam levem armaturam, quæ dispensandam civibus alimoniam in castra Regis averteret. Tunc itaque turmatim agminatimque ferentarius omnis exercitus excurrere, populari, diripere: quæ urbi subfluunt & adlabuntur flumina præcidere, aliorumque deductis aquis exficcare. Quibus stomachati cives acriterque plebes indignata, Gallico præsertim in dies gliscente odio, arma raptim induunt; tela parant; enses accingunt. Tum conglobati gregatim Lino Airollo Gallicæ Trivultiacæque factionis infensissimo ductante, Ticinensi porta erumpentes, in hostem turbulenti præcipitesque feruntur. Elati pulveris atra nubes, exauditusque concursantium fragor equorum, hostilis adventus Trivultium admonuerunt. Hic spe certissima transigendi foederis illatus, cum a castris abscessisset, suburbano desiderat: dederatque sacris operam matutinis, Eustorgiano delubro, cum hostis adesse nuntiatur. Itaque derepente circumflexis adversam in aciem militariis tormentis, omni que statim opposito validiore peditatu, incondito proruentem ordine vulgum summovet: civemque validiori prænitentem

A tem agmine, subsidio præsentiore admoto repellit. Mox stataria pugna congressi, tela miscunt; cædunt, vulnerant. Ac sicuti plures eorum, qui interfuerunt, testati sunt, feliciore depræliantis populi successu, terga daturus hostis erat: victorque civis sperabatur: quoniam numerosæ plebis & infrenæ Trivultius certe non ignarus, majores etiam copias auxiliares mox affuturas præsidio civum existimans, cum de propinquo, & ad manum cuncta suppeterent, agmen contraxerat: recessuque maturiore, sese paulatim in castra suis cum cohortibus recipiebat. Sed his incidit vilissimus omnemque per aulam notissimus scurra Martinus, qui sive sponte sua, sive alieno suggestu, diversæque factionis impulsore subornatus, elata voce sistendum, belloque temperandum Sfortia jussu proclamavit. Ea voce audita, quanquam intempestiva, statum est: medioque pugnae ferventis æstu, sudore pulvereque sordidati milites revocati. Hostis eo prælio turbatus, cum majori quam arbitraretur discrimine vexatus esset, difficiliore casus gravioraque pericula non expectanda ratus, illico revocatos a pugna milites, haud Melignano procul Regis in castra reduxit. Cives in urbem redire, vocem morionis importunam conquesti, quod falso jussu Principis interpellati victoria recessissent. Quod cum Hieronymus Moronus rescivisset, injecta statim manu captum, calentique suspendio strangulatum Martinum, sustulit. Linus, qui prospere feliciterque pugnaverant, vertente fato, cum jam Gallus rerum potitus esset, in carcerem detrusus est, ultimoque supplicio damnatus. Cum capitis sententiam exceperet, affines cognatique ejus supplicium a Rege deprecabantur; & veniam daturus erat Rex ingenio mitiore Francisco: sed assidentes lateri ejus honestissimi Proceres atque Legati, sive delatorum improba voce corrupti, sive quod ingenium audacis, turbulentique viri mores exploratos haberent, hunc seditiosum plebisque concitatorem, ac regiarum partium hostem infensissimum conquesti sunt; dubiumque Regem a mitiori ad severiorem sententiam reflexere. Quod cum Francisco animadvertisset, tolli jussit. Itaque more reorum ad Gemonias traductus, securique spectante populo percussus est: mox impetrante propinquo sanguine, post dictas lugubres nœnias, justaque soluta, Virginali Gratiarum delubro sepultus est; & ad templi dextram, cum ingressus verteris, hac inscriptione, conditorio humiliore repositus:

D. M.

E LINO AIROLDO PATRIÆ PROPUGNATORI STRENUISSIMO, IMPIA NECE SUBLATO, BALTHASAR FILIUS SIBIQUE, AC POSTERIS, PISSIME POSUIT UNDECIMO CAL. JANUAR. M D XV.

F Interea quoniam penes Helvetios summa rerum esse videbatur, magna ex his futuri belli momenta pendebant, toto Rex conatu summos Proceres, horumque principia studiosissime conciliabat: ac missis libera cum potestate Legatis, qui foedus Alpina cum gente ferirent, indomiti bellatoris pacem enixissime suæque pro virili procurabat. Illi quanquam pulsi fugatique longius essent, barbarico tamen more magis inflati, ac pertinaciter arrogantes inolescere, & primum quidem omnium, octingenta aureorum millia, quorum se Ludovici Regis, socerique sui creditores esse jactabant, depolcere. Ea cum incretaret plus æquo, lineam omnem obligationis exactionisque modum summa, prorsus excedere visa est. Itaque cunctabantur, & Legati consulendum Regem ajebant: quoniam potestas quanquam libera, ad hujuscemodi stipendiorum enormitatem, nequaquam extendi posse videbatur; & innexi fuerant

E. Arlunus.

R 2

per-

perplexiores nodi, quam concessa sibi potestate displicari possent. Ergo iterum atque iterum cum versa vice reversaque, ac pensatis hinc inde discussisque omnibus, cum ardua difficiliaque cuncta revolverentur, placuit Regi summisque Proceribus ex ea summa centum ac sexaginta millia praesentari, caetera deinceps in annum semestrequae spatium prorogari, ac mox congrua praestatione exsolvi. Tum pacta pro fide obsides *Helvetici* Gallo dabantur: pedariaque militia, qua semper hi super omnes caeteros excelluerunt, a *Maximiliano Sfortia* ad Regem conversa, certo numero certisque stipendiis praetaxata, merebat. Dictae leges erant, foedusque percussum, ac confancita omnia; & sicuti quidam opinati sunt, jam numularias mensas, sordidis aere marsupiiis oneratas, Regii quaestores agitabant, cum *Hieronymus Moronus*, horum conscius omnium & particeps, *Matthaeum Sedunensem* Episcopum, qui Pontificias *Hispaniensesque* copias, ex *Transpadanis* in citeriora, contra *Gallum* advehebat, *Helvetici* contractus admonuit; virumque praecipitem vir praiceps impulit, ut prolabentem rem propriam communemque defenderet, suoque praesultam robore tueretur. Igitur accepto molestiore nuntio, vir ira concitus & furore terribilis, *Mediolanum* advolat: *Helvetiorumque* Primatibus advocatis, ignaviam illis suam exprobravit; inque stuporem eorum ac stoliditatem iis ardentissime verbis invehit.

*Quae vestra isthaec est diligentia, diligentes? Quae haec, Viri prudentes, prudentia? Vos robore fortitudineque vestra imbecilles, vos impotentes potentia vestra, vos omnium pene domini rerum, ignave turpiterque cervicem vestram infirmiori iugo subicitis? Et cum nullam Galli praeter Helveticam gentem timeant, vos illos vobis praetimentos facitis: vos illis obsequium praestatis, qui vobis obsecuturi sunt? Quae vestra haec inscitia est? Quae haec alienae & oppressae mentis aegritudo? Quis hic vester animi torpentis languor? An non satis ingens vobis, opulenta praedivesque *Mediolanensis* tractus patet ambitio? Num universa *Cisalpinæ Galliae* Regio vobis angusta est, quam manu vestra tenetis, quam uno (dixerim) digito temperatis? Num vobis omnes fere *Ligurum*, *Insubrium*, *Cenomanorumque* regiones patent? Quis *Italiae* populus, quis *Europæ* Princeps, quis orbis terrarum dominus signa vestra non horret, veretur, expavescit? *Hispanarum* arbiter *Catholicus*, mundi *Cæsar* Moderator, *Leoque* Religionis Antistes ac Pontifex *Maximus*, despectam *Gallorum* potentiam ac contemptam habuere: sublataque praefereocis ac strenui Regis *Francisci* vexilla despexere: quoniam non inique suarum vos partium sectatores futuros opinabantur; illos certo certius existimantes bello declarandos esse victores, quos *Helvetici* roboris fortitudo tutata foret, quosque praeduris confotos pectoribus ala vestrae complecterentur. Cur igitur horum iudicio Principum fraudem facitis? Cur vincendo victoriam excluditis? Cur hostem terrendo, cadendo, fundendo, vos gladiis vestris terremini, cedimini, fundimini? Si vos aliquando Galli profligavissent, si gæsis framae cessissent, ferrem aedepol equiore animo, si deinceps periculosi Martis discrimen *Helvetius* perhorreret: at cum semper in gremio manuque vestra vestrorum sita mors hostium vitaeque fuerit, quae tanta vestrae mentis oculos potest obduxisse caligo, quae potest oculorum aciem vestrorum cotis aspera retudisse, ut summo lapsi culmine, summoque dejecti gloriae fastigio, nullo vos in barathrum propellente ruatis? nullo profugante fugiatis? nulloque dorsum flagellante cedamini? At magnum sane pulchrumque est octingenta *Flavorum* millia condidisse, tantamque refulcentis metalli puritatem nulla cruoris macula respersisse. Heu hominum ignaræ mentes! heu cæca futuri pectora! Num putatis, ut, cum avarissima gens *Gallorum* potita rerum fuerit, fidem agnoscat, promissum*

eroget, nomen exsolvat? His vos bellariis, hoc lito melle gladio, hac suavi permixtaque veneno portione circumventos vos praefocant. Sed esto, cautionis illitas tabulas relinant; oppigneratamque fidem refulso mox auro repignerent: quanto locupletius est octingentis aureorum millibus, refertissimum *Mediolani* horreum, exuberanti omnium largitate redundans? Cum viceritis, vincetis autem, quod & vos scitis, & nos certo scimus, illa multiplicatis tot fulgentibus stragulis mutatoria, ille *Patriciorum* abundantes divitiæ, illæ civium opes infinitis sumptibus comparatae, quas vexant atque revexant, quas fundunt atque profundunt, quibusque per omnem luxum atque libidinem abutitur matronalis nequitia, civiumque iactantia perditorum, illa, inquam, omnia vestra sunt, vobis addicta, vestrisque semper usibus obnoxia. Nescitis, quia ego ipse sum, cui *Marte* peracto, quæ populus civisque tenet, donare licebit. Ergo nunc vestris torpentibus membris veterum excutite; expergiscimini: & qui semper aliena fortiter & strenue defendistis, nunc alacriter & impigre vestra defendite.

Hæc cum paucis *Matthæus* perorasset, tanto conferendæ manus desiderio vehementer omnes accensi sunt & inflammati, ut non percussa foedera, non praefixæ leges, non ipsum inviolabile *Jus Gentium*, ab impia certaminis injusti temeritate coerceret. Avaram gentem illectaverant, in medium adducta declamatore *Matthæo* quam plurima; sed nostræ praesertim supellectilis desideria, cujus diripiendæ spem certissimam concionator erexerat, incredibili cupiditate barbarum accendebant. Gentis hujus mentem tunc nobis aversam, perniciosaque machinantium consilia pugnatorum, nonnulli subauscultantes exceperant; communicatque invicem foedi rumores multorum per ora civium irrepere, quorum, præ metu, familiae suæ disponentes quam plurimi pretiosa condiderant; alii sese privatis aedibus extulerant; nonnulli meliora sperantes victorem *Gallum* comprecabantur: quoniam etsi bello laceffitum temere, non ignorarent, ab illo tamen magis quam ab *Helvetio* posse veniam impetrare sperabant; hic quoniam rem alienam ingrassabatur; ille suam defendebat; & mitior est semper in servum dominus, quam in fontem & noxium praedo. Igitur *Helvetii* tota certaminis aviditate, ac velut in pugnam irritata rabie conspuentes, accersita, *Serono*, *Gallerate*, *Variso*, circumjacentibusque pagis omnibus, sua omni militia, quæ a *Verbano* ad *Larium* interjacentes oras obsederat, *Mediolanum* tanto agmine confluxerunt, ut infinita multitudi-
ne barbarorum nostra pæne civitas oppressa laboraret. Praeter calones, lixas, equifones, quæque pugnatores ex sæculi nostri licentia, mulier sequitur, ad septem & viginti millia, qui arma ferrent, fuisse traduntur. Et hunc sane numerum apud nonnullos, qui sic in historiae contextum retulerunt, legi; de quo mihi parum liquido constat; & ægre quidem taxari potuit: cum ex improvise accersiti, omnibusque pagis suis spe certissima victoriæ coeuntes, die praestituto *Mediolanum* immigraverint. Sed hunc quidem numerum aut paulo minorem fuisse multa declarant: nam & triginta armatorum millia, praeter omnem equitatum, in castris Regis peditatum hostilem explevisse certe scimus; nec verisimile fuit, *Helvetios* longe dispari numero conflixisse: cum equitatu permodico tenuique, *Gallorum* alis nequaquam conferri possent. Ad hæc, cum *Mediolano* excederent agminatim dispositi, multis ex fide numerum praescire cupientibus, cum infinita multitudine terremur, dinumerati sunt: & quantum in eam summam non excurrerent, haud magno tamen illam numero fraudabant. Fama quidem effusissimos suo de more numeros amplia-

vit:

vit: adeo majoribus ut nunquam copiis *Helvetios* in aciem descendisse vulgaret. Igitur cum sumptu nostro, omniumque dispendio civium saturati dissentientique epulis barathrum explevisent, inverso jam sole, per *Tonſam*, *Ticinensem*, *Romanamque* portam, alia deinceps perque alia in unum diverticula coituri, sese *Mediolano* turmatim effundentes proripuerunt: tanta alacritate gaudioque promoti, ut non majore lætitia, quam si *Gallum* delevisſent agerentur. Regii milites omnium securi, cum nihil minus quam hujuscemodi congressum timerent, composito fœdere, rebusque pacatis otiantes, vacabant: verum cum, infestis appetentem telis *Helvetium*, nuntiaretur, ipsumque prætectum oliva gladium retexisse certum esset, quamquam innexam sibi fraudem impatientius ferrent, arma tamen confestim expediunt; tormenta locant, acies disponunt. Non præfandi, non concionandi, non cohortandi tempus fuit; arma vix induere, vix tela capere, ipsumque vix ensē succingere valuerunt. Incredibili tumultu atque fragore, cum armorum tum equorum, ipsorumque Ductorum asperrime cunctos increpantium omnia late perstrepebant. Indignati milites, turbati Centuriones, accensi graviter justoque dolore Tribuni succensuerunt; multos metus, injuria multos adflixerat, & omnem pæne *Lilinae* gentis exercitum non leves irritique pavores inceſſerant. Tanto siquidem dimicandi studio tantaque decertandi libidine percitos pugnatores *Helvetios* inardescere fama ferebat, ut consistere sustentareque vix posse prævalida corpora *Germanorum*, quos ex ulteriore *Germania* Rex secum advexerat, crederentur: & ipsi Ductores valentissimi bellicis semper rebus exerciti, ab optata placidaque securæ pacis tranquillitate, ad subitariam importuni Martis tempestatem jactati, perhorrebant. Ergo cum explicatæ vix primæ acies posterioresque medium agmen, exercitusque robur, quo *Germanicae* cohortes, cataphrattique equites omnibus duplicatis ordinibus densissime Regem præcinxerant, circumvallassent, elato clamore, impetuque statim atrociori facto, *Gallum Helvetii* violenter invadunt; adactique totis viribus ac telis in hærentem soloque defixum hostem provehuntur. Sederat animo Ductoribus Regiis, quoniam *Helveticam* vim, gentisque ferocitatem exploratam habebant, consistere, neque loco moveri: ut constipati prædensatique invicem, *Helvetium* proruentem, spumosaque velut rabie debacchantem, validius exciperent. *Helvetii*, contra, nihil impensius agebant, quam aut dextrum aut sinistrum cornu propellere, ipsosque vel antesignanos aut subsignanos, aut triarios irrumpere: ut uno cedente vel quassato ordine, totus disjiceretur & conficeretur exercitus. Proinde cum suis in phalangem coactis ordinibus *Helvetii* congregarentur, emissâ repente tormentario tonitru lapidaria tempeſtas, conglobatum agmen patentiore fenestra discindebat: sed assiduis hiantia foraminibus ora, restrictis illico labiis coibant; at illi tunc demum in hostem concitatus ferebantur. Utrunque magna vis, & animorum & corporum, utrinque pertinax fortitudo terribilem pugnam, immaniumque furore barbarorum crudelem, utrinque datis acceptisque totam per noctem vulneribus, in tertiam exorti solis horam protraxit. Elati perpetua felicitate præliorum *Helvetii*, nativæque ferocitate truculenter immanes, obiter circumque sævorum de more luporum exululabant: acuminataque dentalia ferreosque pectines obviis omnibus, nullo mortis vinculorumque discrimine, profundius & ad vivum defigebant. E diverso, inflammati justo furore *Galli*, spumisque fluentibus returgentes, obſistere; deluctari, rejectare; obarmatum durissimumque peditem *Germanicum* opponere; as-

A fultu resultuque circumagi; cominus eminusque ferire. Quo præduri *Gallorum* obices, adversaque corpora *Germanorum* validius ac fortius enitebantur, eo violentior & acrior impatientium *Helvetiorum* furor impressione relisus ebulliebat. Utrunque conciti magni militum ardores, magnæque commissis pectoribus confligentium flammæ, implacabilibus odiis ac plagis cruore promanantibus conſervebant. Ter sese in numerum *Helveticæ* phalanges collegerant; ter suum in agmen suosque ter in cuneos impactæ acies a fronte, a tergo, a latere suprema omnia periclitantes, impetum fecerant; ter repulsæ, detrusæ, rejectæque sunt; & persistente *Gallo*, ictusque prævalidos, quamquam titubante gradu, propellente, conclamata victoriam, victoriæque spem extinctam, moerore magno prætristes congemuerunt *Helvetii*. Circumduxerant *Gallorum* Ductores fossam ingentem, præacutæque clavorum cuspide suffixam asperaverant: quam putri gleba superjectoque stramine magister insidiarum occuluerat; concinnatisque dolis hostem suoſte ingenio simplicem & incautum in pugnam molliter invitabat. Ignari sublatentis & obscuræ fraudis *Helvetii*, nihilque tale prætimentes, dum huc & illuc ora circumferunt, cunctaque de more feram subodorantis molossi perlustrant, hiant solo præcipientes irrue-
B re: multi transfixi, plures adobruti, nonnulli suffocati. Stabant utrinque acies truculentæ, & atroces utrinque milites erant: ac omnibus ex æquo confligentibus utrinque ferali cum internecione cædes patrata. Desiderati *Gallorum* Proceres plurimi, dum fulcire sustentareque nativo robore, suisque viribus extrema prænituntur: ingenio magnaue virtute pollentes, magnisque natalibus orti Principes Viri, indiscriminatis hostilium telorum ictibus ceciderunt; quo quisque acrior pugnaque ferocior, eo morti suæ propior fuerat & promptior. Ipsum bis terque petitum telis *Gallorum* Regem multi prodiderunt: sed in cassum labente ictu, thoracis impenetrabili munimento, resiliisse. Ad pedes ejus circumque prostrati, vulnerati, reſtrictique plures, quos ingrassantis *Helvetii* furor impetusque dispulerat. *Trivultius* bello pæceque clarus, omnique castrenſi disciplina præsignis, qui pro gloria, mox pro salute hoc prælio dimicavit, cum facti seriem exigentibus amicis recenseret, obſtupeſcebat; hærebatque defixus, adeo quidem, ut majori nunquam discrimine concursum decertatumque contenderet; mirumque magis fuisse quod vicerit, quam si victus fuisset, ajebat; non fortissimorum hominum audaciam & vim, sed immanium beluarum feritatem & robur admirabatur. Nihil enim inausum nec intentatum, *Helvetici* ferri rabies debacchabunda, ut victoria potiretur, omiserat: adeo cum languidi debilesque pugnando defecisse omnes crederentur, eo acrius instaurati, Antæique more vigentiores, ardentius in tela ferebantur. Solidam noctem dieique præcedentis & inſecutæ multas horas, depræliando, concurrento, cædendo pertinax & asperrimus in ferrum *Helvetius* insumpserat; & jam exhausta viribus longoque certamine defatigata *Gallorum* corpora sudoris ac pulveris illuvie diſſuebant; flacceſcebantque cum vulneribus, tum armorum æſtusque labore Regii milites; & pæne desperata ſalus erat: cum *Livianus* Venetæ militiæ Ductor egregius confectum ac lassitantem, & ut multi tradiderunt, jam de fuga cogitantem *Gallum*, velut ex improvſo Deus refovit. Tunc recenti milite ſubortoſque feſſis animis vigore recreatas *Gallorum* acies, *Helvetii* quamquam repugnantibus & invitis manibus ac pedibus deſeruere: omnique potiundæ rei noſtræ pedes ad imos ſpe deſecta, asperrimo omnique ſævitia ſæ-
C
D
E
F
viori bello, cruentum finem fecere. Obſtinatiſſi-

mos magnoque contemptu mortis in victoriam anhelantes eorum animos, *Bartholomæi Liviani* salutaris adventus fefellit: siquidem cum *Leonina* signa spirante vento concrispata proluderent, subitoque plausu *Liviani* nomen ac magnis acclamationibus cœlo tolleretur, existimantes omnem suo cum Imperatore exercitum, integrasque omnes copias præsto esse, fracti sunt animo; novisque viribus impares dare terga coacti sunt. Tunc sparsas ex omni campo contrahentes reliquias, afflictamque fatalibus ex arvis armaturam colligentes, non qua fuerant hilaritate *Mediolanum* egressi, regressi sunt: sed discerpti, moerentes, infirmi, pulvere ac sudore squalientes & sordidi. Staturosa vastaque corpora tunc nobis obvia passim occurrebant; eorumque, velut tumentibus retentata podagris, nonnulla conspici licuit, quæ nos ignari plagarum ac vulnerum, quæ suffixis pedibus *Helvetii* condolentes, stridulo gemitu lamentabantur, suspectabamus. Magna pars remeantium nudi pedes, intecto vertice, saucii, titubantes, queribundi; adeoque fusci, nigrantes, & obsiti, ut *Tartareis* emissæ barathris larvæ *Stygiique* manes putarentur. Afflicti plures, elati alii, publico nonnulli valetudinario commendati; pauci solido corpore, vegetisque membris integri, *Matthæum* cædis auctorem reliquosque Duces de summa rerum ambigentes, secuti sunt. Hæc consensu omnium clades cæteris gravior ac perniciosior fuit, quæ ducentos abhinc annos *Helvetiis* inflictæ sint: cum prærepto strenuæ juventutis flore, tum *Primariis Helvetici* roboris Ductoribus extinctis, quos & ingenta ferocitas, & enormium stipendiorum, prædæque nostræ magna spes in bellum attraxerat. *Trivultius* cujus ductu, pæneque dicam auspicio, confecta res est, maximus illatæ cladis auctor fuisse creditur: cum & frater ejus minor natu *Renatus* bellicæ reiscientia præditus, castrensisque vir gloria non incelebris, eandem multos ante annos gentem, si non pari, at certe paulo minori clade rexit. Sed hic juvenis, ille senex; hic propriis, ille communibus auspiciis; hic pro *Mediolani* Duce, ille contra Ducem: nescio, an & uterque pro patria. Præstantissimi valentissimique ductores, qui hoc in bello acieque versati sunt, si quando hujus certaminis mentio, ut inter loquendum plerumque fit, incidisset, rei novitate magnitudineque facinoris attoniti perhorrescebant: cum tanta efferatorum animorum truculentia, tantoque mentis indomitæ spiritu dimicatum vtrique reminiscerentur. Sævissimo peratroci que certamine confecto, quod sanguine multo, multaque cadaverum strage confusum obhorruit, *Matthæus Sedunensis*, qui suo male perusus lituo, malis avibus sinistrisque pugnaverat, suam adhuc immanitatem ferociamque spirans *Mediolanum* obscurus revenit; pluresque cum eo Procures *Helvetiorum*, quos adversa belli tempestas perculerat: ingressique arcem, *Hieronymo Morono*, Ducique *Maximiliano Sfortiæ*, parum feliciter infaustoque rem Marte gestam edisserunt. *Hieronymus*, qui *Gallicæ* gentis imperitatum ægerrime ferebat, concitati gens populi plebisque victoriam *Liliani* detestantis, multitudine fretus, sistendum aiebat; muniendamque propugnaculis & aggeribus urbem, donec *Hispanica* Pontificalesque copias, quas mora brevior *Mediolanum* advexisset, præsto fuissent; atque interim vulneratorum curanda corpora, refocillandasque militum afflictorum vires, quos turbo gravioris pugnae disjecerat; ac hærendum sustentandumque donec vel importunæ hyemis asperitas, aut eroganda sumptu infinito stipendia, *Gallum* urbis obsidione procul avertissent. Contra *Matthæus* in re tam dubia, victoriaque Regi prorsus

A acclinante, nihil attentandum esse censebat: sed vela ventis indisciplina libertate spirantibus, expandenda. Virum movebant propria magis quam *Sfortiæ* commoda. Nam etsi certo sciret, adventantes *Hispanicas* Pontificalesque copias, commota præsertim *Mediolani* plebe, debilitatis longoque defractis itinere, belloque duriore languentibus *Gallis* posse resistere, alieno tamen iusto, alienoque imperio gubernacula contractari oportere callebat; ipsumque, substitutis potentioribus dominis exauctoratum iri: cum proprio præsertim exarmatus præsidio sub alienis signis mereret. Sed & Vir consultissimus maximeque prudens illud everebatur, si se procurationem in urbem *Hispanus* ingessisset, haud ita facile derrudi posse, quemadmodum omnis trepidabunda Cæsaris adventu *Gallia* cecidisset. Itaque pro tempore cedendum, molliterque fati obtemperandum esse suadebat, ipsamque *Jovis* arcem omni munimento præfirmandam, defendendamque custodiis omnibus, donec viribus reparatis, imperante Cæsare, iustoque cum exercitu *Mediolanum* advenisset. Id autem intra semestre futurum pollicebatur, seque magnis præfixa die cum copiis affuturum jure jurando omnique religione firmabat. *Matthæi* sententiæ *Hieronymus* assensit: nec *Maximiliani* Ducis voluntas, quanquam introrsum alia præstrueret, adversabatur. Itaque collectis e vestigio farcinis, impedimentisque repente transvectis omnibus, *Sedunensis* cum *Francisco Sfortia II.* superatis *Alpibus* in *Germaniam* profectus est: ea diligenter ac sedulo procurans, quæ sese facturum, executurumque modis omnibus promiserat. Rex interea *Gallorum* *Franciscus* donativis ingentibus, conduplicatisque stipendiis peditatum omnem maximeque *Germanicum*, quem multo plebs abusu *Lancigesum* vocitavit, cujusque præcipua virtus in bello prænituerat, affecit. Increbuerat opinio, totamque fere per urbem vulgabatur, *Gallos*, *Germanosque* pedites, qui pro Rege steterant, pollicitationibus ac præmiis ægre retentos, quin incursum subito depopulaturi *Mediolanum* invaderent: sed enormibus stipendiis magnisque largitionibus repressos subhæsisse. Quod nequaquam prudentum iudicio receptum est: cum asperrimo prælio conflictati pæne omnes, ac *Hispanico* Pontificali de proximo circumstrepente exercitu, salutis suæ dubii, quietem ac pacem a nobis, potius quam bellum & arma deposcerent. Neque ambigitur, quin suis integra viribus Civitas, suppletis adventitio vel centuriato milite copiis, sustentatura Galloque bellum illatura fuerit. Sed hujusmodi voces in vulgum projectas invaluisse plures existimant, ut exinde justior & æquior a nobis extorquendæ pecuniæ demanaret occasio. Honestam quippe suis causam rapinis prætendebant regii quæstores, supererogata militibus beneficio commodoque nostro stipendia, eadem, manu nostra nostroque aeri refunderentur. Qua de re popularibus inter nos studiis sæpe fluctuatum est, variisque decertatum inter ipsos civium ordines sententiis: cum Optimates nonnullo priorum potentius quam Republicæ commodorum studiosi, majorem ut Regis gratiam aucuparentur, eamque sinu pleniore reconderent, indictam fisco summam inferri, majore quam par esset & enixiore studio contenderent; contra vero boni cives Patriæque suæ defensores æquissimi, ne tributorum fascibus civitas gravaretur, summa ope ac diligentia procurarent. Verum hæc quidem pecuniarum exactio, cum prope iusto jure nobis indiceretur, quod Respublica *Gallum* in urbem ex lege non receperat, quod ipsum armatis infesta telis petiverat, quodque bello victa succubuerat, æquiore animo tolerata est. Illa vero gravior atque molestior, omnibusque contumeliosior fuit, quæ

quæ triennio nondum vertente protinus indicta est: & adversæ Nobilitatis factione violenter extorta. Etenim Galli quamquam insolentes & tumidi, victoriæque proximioris accessione superbi, viciniore tamen olim commotæ plebis exemplo, quo *Mattheum Sedunensem* armis infectata est, nihil temere nec insolenter attentare præsumperant: sed nostrorum præsidio Summarum effulti, sese nostras in crumenas blandius ac mollius compressandas insinuaverunt. Tunc nostro quidem in ordine, quia locus & tempus exigebant, ipsaque res paulo durior silentium interpellabat, scio nonnulla dixisse, pauloque liberius, quam infirmitas mea pateretur, esse locutum: cumque alii alia vel odio vel metu aut spe magistratus consequendi confingerent, injuncta mihi communi decreto provincia quamquam invito ac repugnanti ad Regem scripsisse: & quamquam haud integram immunitatem, plenumque beneficii fructum non sim assecutus, Regiæ tamen mansuetudinis, clementiæque ejus abundantia nonnihil a nobis est impetratum. Cujus exemplum Epistolæ candido lectori perlegendum subjecimus.

MEDIOLANENSIIUM

Jureconsultorum Ordo Conscriptus

Inviçtissimo Galliarum Regi,

FRANCISCO,
Salutem.

Excepimus jucundissimo animo Oratores tuos, Potentissime Regum, & Fortunatissime omnium Franciscæ Dux inclyte, qui prædulcem exoptatamque sacratissimi nominis tui memoriam nostris mentibus impressam, una tui numinis mentione, nobis altius defixerunt: qui exactas continentesque victorias, qui celebres triumphos tuos, qui tuo ductu tot exhausta felicissime bella, uno nobis affatu benignius insinuarunt. Audivimus atque percepimus exposita mandata tua, quibus & partiam nobis Gallicano sanguine tranquillitatem, & atrocissimis præliis tuoque conflictu comparatam nobis pacem, & tueri & augere, pacatis omnibus finitimis, appense prudenterque significarunt: si modo tibi molliter obsequentes, contractas ad tanta peragenda munera pecunias deprompserimus; si nos exemplo nostro reliquos invitemus, si voce nostra cohortemur, ut corrogando æri jussis tuis in communem causam obtemperent. Laudamus, Rex Felicissime, sanctissimum inviçti animi tui propositum, exactissimamque perfecti judicii tui censuram, concordi mentis assensu comprobamus: qua bella propulsare, pacem tueri, popularemque concordiam fovere summa ope studioque desideras. Verum perpetuis nos sic impendiis oberatos & inopes, sic comminutas attritasque tot continentibus bellis fortunas nostras, ipsamque tot ingruentium bellorum incendiis exustam Rempublicam ut honestissimo desiderio tuo obsequi non possit, nec nos expetitam opem agendo hortandoque præstare valeamus, discruciamur vehementer & angimur, Franciscæ, Regum Piissime: adeo quidem, ut ægre nostra manus ad hæc breviter exaranda stilum promoverit. Propensi quidem sumus, ac votis tuis obsequio pleniore complectendis, omnibus certe reliquis promiores: sed tot ingesti prægrandesque malorum cumuli benignam voluntatem nostram distringunt & præfocant, ut gravissimum illud & molestissimum Ulpiani Marcellique dictum repetisse cogamur: Impossibilium nulla obligatio est. Etenim quæ ad dandum impossibilia sunt, pro non adjectis habentur: neque ulla stipulatione vel pacto, ut præsentur, comprehendendi possunt. Cujus rei quidem miseriæ cladesque nostræ majorem certe tibi fidem, quam impolitus rudisque stilus noster, facere possunt. An nescis, Rex Clementissime, sub ipsis Augustissimi soceri tui auspiciis, ipsoque Gallicani Imperii exordio, ut ab inde præteritas ærumnas conticeamus, nos trecentis aureo-

A rum millibus prægravatos? Quorum cum exactionis difficultate, tum sua in nos omnes pietate incredibili, Rex Mitissimus, cujus tu merito locum tenes, partem remisit; ad hæc specie donationis in Regem, non illius edicto, sed reproborum nonnullorum impostura, nos alio nec minori quidem pecuniario munere divexatos; ipso mox interregno, Octaviano Sfortia moderante, primo centum, dehinc Maximiliano incubante, bis centum millibus aureorum oboneratos; subinde novis exactionibus, novisque tributis, salinarum, agrorum, molarum, incilium, exquisitissimoque omni vectigalium genere conturbatos, exagitatos, oppressos; nec tamen ideo requiem nobis datam: cum post tot

B & tanta privatorum publicorumque damnorum dispendia, Principis edicto, trecentorum aureorum millium superindicta sit civibus nostris collatio. Qua paululum commoti, cum hæc intolerabilia viderentur, cervice jugum excussimus; mox ipso cum Principe contractu inito, ut aliquo compensationis solatio levaremur, partem erogavimus. An ignoras, Rex Optime, tuo exercitu appetente, Helvetiis obviam occurrentibus, mox retrolapsis, dehinc remigrantibus, atrocissimoque tecum protinus prælio dimicantibus, neque domi neque foris quicquam reliqui fortunam nobis fecisse; familiarem nostram rem consumptam; devastatos agros; dissipataque omnia? his tamen angustis & extrema rerum penuria omnium, ut ad dictam tibi grati animi voluntatem ostenderemus, & sponte nostra satis incitati, ejusque persuasionibus illecti, quibus perpetuam crumenis nostris tranquillitatem pollicebaris, prætaxata aureorum centena millia a nobis ipsis extorsimus. Ecquid iterum divexamur, Regum Christianorum omnium Christianissime? Quid post effusam tempestate Germanica calamitatem, post tantam exercitus tui pressuram, quem intra urbem, intra domesticos parietes nostros ægre sustentavimus, aluimus, confovimus, iterum tangimur? Quid post exustas domos nostras, quod patienter & æquo animo tulimus, post disjecta & confracta omnia, denique post datam fidem tuam, qua nihil illustrius nec splendidius unquam in Principe reluxit, quid iterum expilamur, eradimur, decoriamur? Cum Tiberio Cæsari vectigalibus onerandas provincias mali consultores male consularent, Boni pastoris esse pecus tondere, non deglubere, rescripsit. Julianum Cæsarem Marcellinus commendat, quod enixissime caverit, ne quos provincialium prægravaret sarcina tributorum. Et mehercule præstat aliquando repullulantia præsecare, quam stirpitis semel evellere. Elegans, certo scimus, dictum non ignoras: Qui nimis emungit, elicit sanguinem. Sed & ille medius fidius lieni fiscum consimilesce non injuria commentus est: quo turgidius pinguescente, cætera omnia commacescunt. Neque tamen hæc eo pertinent, ut ordini nostro, sed civitati tuæque Reipublicæ consulas. Nam etsi nostrorum prærogativa privilegiorum, quæ tu liberaliter & ingenue, sicut cætera omnia, concessisti, nos tutos præmunitionisque confidimus, civium tamen nostrorum angustias, extremamque lachrymabilis populi jacturam ac sortem deprecamur: ingemiscimus ac deploramus afflictam miseriis totque calamitatibus oppressam civitatem tuam, quæ piissimis genibus tuis provoluta, si poetico spiritu exclamare possit, hanc in vocem Lachrymabunda prorumpat:

Jam te per Superos & conscia Numina veri,

F Per, si qua est, quæ restat adhuc mortalibus usquam

Intemerata fides, oro, miserere laborum

Tan torum: miserere urbis non digna ferentis.

Hæc pietatem fidemque tuam implorat, hæc tuam singultabunda clementiam obtestatur, ut post tantas exagitati maris procellas, sævissimosque consilgentium ventorum turbines, tuo sub moderamine, tuoque recepta portu tutissime conquiescat. Quod haud quidem ægre consecuturam speramus, si quassas naufragasque res nostras, si fiebiles casus nostros extremo

cum

cum fortunarum nostrarum discrimine, memoria repetas; si liberalitatem tuam, quam congiariis, ac donativis honorificentissime cumulasti, paululum conspiceris; si potentiam tuam, qua nihil majus, si genium tuum, quo nihil melius, si fidem tuam, qua nihil excelsus in Principe nec sublimius inclaruit, evolvas, pensites, remetiariis. Princeps quidem legibus solutus est; sed & illud scitissime scriptum legimus: Digna vox est Majestate regnantis, se legibus alligatum Principem profiteri. Vale: ex sacrario nostro pridie Calend. Decemb. & a partu Virginis 1517.

Igitur ut leniore tonsura numarios folles nostros Galli deraderent, expilarentque blandiore caudam vellicatu, creditum est, vulgoque receptum, Germanos Gallosque pedites, nisi suo Regia manus impendio repulisset, urbem ingrassaturos fuisse: cum non minus a nobis illi quam ab Helvetiis, quos nuper profuderant, prætimesterent. Et sane cum jam a Gallo distracta civitas, ejusque nonnihil amore dilapsa, Liliun victorem abhorreret, magnoque Maximiliani Ducis sui studio teneretur, prudentum judicio redintegratura bellum erat, si Principis ipsius deditio non intercessisset. Hic enim Imperium suum pertæsus, cum multis belli pacisque fluctibus jactaretur, secretis cum Rege pactionibus convenerat. Proinde foederis initi conscia Civitas, cum jam evaporantia tenui nube suffumigia confectæ transactionis odoraretur, ne caducum in parietem inclinaret, aut invitis, quod ajunt, canibus venaretur, Hieronymo præsertim Morono refrigercente, tempori dominoque cessit. Hic etenim cum summam rerum arcemque teneret, tutelarem causam constanter & fortiter obibat: ipsumque Principem commendataque simul omnia, sua pro sollicitudine diligentiaque tutabatur. Verum postquam animadvertit, nimiam sibi solertiam objectari, alienatumque Ducem animo, defensoriasque omnes procuraciones avertentem Gallo consentire, ne alieno foedere percuteretur, alienique vulneris dolorem ipse sentiret, manum junxit, Maximilianumque Sfortiam deditio secutus est. Quæ tamen nondum explorata, nec omnibus ad liquidum comperta forent, quoniam tamen nonnullorum frequenti sermocinio mustitantium rumoribus alebantur, incolumitate procurata, qua potuit medela conclamata ægritudini Respublica prospexit. Atque tunc primum omnium cum transmittendos ad Regem Oratores delegisset, in mandatis speciatim dedit, ut pensiculatim accuratissimeque Majestatis crimen expurgarent atque diluerent: quoniam non publico communique consensu nec præfixa consultantium voluntate, Civitas arma sumpsisset, sed audaces, temerarii, vecordesque nonnulli Principis sui gratiam queritantes, Gallicamque gentem improbitate sua suoque rebelliori studio detestati tela rapuissent; ipso præsertim impulsore Hieronymo, cujus violentum & præceps ingenium popularis simplicitas secuta deliraverat; cui dominatum acerbius exercenti, multoque protervius, quam par esset, obsisti non potuit; nec nisi cum fortunarum omnium, periculoque capitis obsequium non præstari. Quocirca non unius improvida temeritate, aut paucorum unius factionem adfectantium delicto, plecti Rempublicam oportere; sed omni reatu forique vinculis exemptam, absolvi; sed & alieno etiam impulsu coactos venia dignos esse. Quapropter luculentissime disertissimeque publicam privatamque causam ex ipso juris rigore disciplinaque legum perorarent, & cum pro Republica veniam impetravissent, singulorum etiam crimina deprecarentur: quoniam alieno subditos imperio facile fuit in adversa dilabi, dominoque suo proclivius obtemperare, quibus tum peractis urbem Decurionum Pa-

A trumque mandato Conscriptorum offerrent ac dederent; imperioque Regis obnoxiam profiterentur. Sed & illud præ cæteris speciali nota rerum Moderatores Legatis injunxerant, ut hospitaturæ militaris immunitatem exorarent; beneficioque Regis ab hospite recipiendo secura Civitas lætaretur. Admissi exceptique sunt Oratores perbenigne, ac super omnia patienter auditi: cum pro Republica facile veniam impetravissent, quod juris esset, in reliquos statuendum esse, censuerunt; tum & multa ad Ludovici soceri sui præscriptum redigenda, & ex Senatusconsulto cum delecti Patres Mediolani sedissent, temperanda esse, responderunt. Multis sane, qui Regis consilia mentemque participabant, innotuit, cum ingenita benigni animi lenitate, tum miro Mediolanensem in Rempublicam affectu, Franciscum omnia privatorum crimina, omnemque reatum una misericordiae spongia deleturum fuisse: nisi quorundam amaræ voces intersonuissent; viventibusque maculis odiorum, sinceri animi candorem infecissent ac polluissent, qui popularibus armis offensi summo conatu prænixi sunt, ut illatas injurias ulciscerentur, quorum importuno malignoque hortatu dilata res est, & cavillatione suspensa; cumque mox lecti Magistratus optatu Regis jus dicerent, capitalium Præfecti severissimas Majestatis quæstiones exercuerunt. Igitur cum Gallo cedere, Transalpinoque imperio subjici collibuisse, placuissetque Mediolanensibus Francisco victori, venia prius impetrata, civitatem dedi, Procuratores extraque ordinem Regii Magistratus in foro curiaque referre: publicoque confestim edicto promulgatum est, omnibus ignosci, veniam omnibus dari. Securus quisque domi suæ, sua quisque tutus sede maneret; nihil a milite timerent, nihil ab exule proscripitoque cive formidarent; tranquilla, placida, quietaque jussu Regis omnia esse futura. Hoc mulso felle permixto decepti plures, qui fugam paraverant, resistere; multi latebris, quibus delituerant, prodire: omnes hac sub pergula platanoque, solis ardorem, improvique sudoris æstum impatientius pertulerunt. Quippe plures exinde cum in carcerem detrusi vinculis tenerentur, deceptos se voce publica, regioque præcone delusos ægerrime ferebant: obstrepebantque reorum advocati legumque scientes indignatione justa succensi: quos prolatis illico tabulis Quæstiones parricidæ refellere nitebantur. Etenim publicum rebellionis crimen, quo civitas astringebatur, quod Regem telo petivisset, remissum agebant: non etiam privatis atrocem injuriam graveque delictum indulgisse. Replicabatur non deliquisse Rempublicam, cum nihil publico consensu nec citatis de more civibus, in Regem exercitumque ejus admisisset: proinde vacuas & inanes ceras non innoxios & infontes complecti, sed qui aliqua culpa erroris arcefferentur, tenere; nec oportere Principis veniam interpretatione maligna, nec obliquo sensu circumvenire: cum præsertim non iniqua mente cives animati, sed Maximiliani Ducis obsequio, arma sumpsisset, cui obtemperandum fuit, cum jus & potestatem in caput eorum haberet. Tunc Præfectus fisci Procurores instrumenta, testes, rerumque probationes omnium exigebant, quæ reorum patroni non indiligentes accuratque declinabant: quod notorium manifestumque probare non expediret, sed allegare; cum indubitata fide luceque sua, cuncta clarescerent. Hos itaque per legum anfractus, acutæque senticosi juris spineta plurimi trahebantur: quorum elati alii, rursus alii mitiore fato tractati, flaccescentibus marsupii evasere. Interea delecti pedites Regii, eorumque Ductator non impiger Petrus Navarrus circumfusi distributique vicatim, arcem circumfident; arctioreque distri-

etiam obsidio premunt: quoniam *Hieronymus Moronus*, qui semestrem abscedente *Matthæo* moram sustentaturus convenerat, omnem primo deditio- nis legem, juraque foederis detestabatur, cum ni- hil, quod dignitati suæ congrueret, pristinaque dignum amplitudine sua videretur, sciret posse præstari. Itaque ad Arcis obsidium expugnatio- nemque deflexerunt pedariæ cohortis Magistri: quæ convicinio, propinquisque omnibus mole- stissima fuit. Siquidem pedestris turbo, lutulen- tæque fecis illuvies, convicinales domos, perpetuo sentinario proliebat. Ad hæc molis operosæ magnitudo, editæque propatentibus fossis cælo turres, expugnationem ægram difficilemque cun- cta scrutantibus præmonstrabant: adeo quidem, ut nullis muralibus machinis, grandioribusque tor- mentis subigi posse crederetur. Quapropter ex- pugnatio subterranea, impenetrabilique aditu viam inviam fossoribus ac cuniculariis prætentan- dam esse censebant: quanquam multi sane tormen- talis disciplinæ non expertes, hisque murorum ministeriis subruendorum exerciti, conatus irri- tos omnes futuros, prædicarent: quoniam & sub- hiantis fossæ profundum, omnisque propugnaculi basis profundior, vim nullam pulveris igne per- mixti validam & ad ima penetrantem admitteret. E diverso alii hujusce artis scientia præditi, quan- quam ingentes, imoque demissos barathro muros, subverti posse molitionibus occultis opinabantur. Itaque dum quæstuarii mancipēs opificesque con- ductitii, magnum opus præcipitant, *Petroque* ju- bente susceptam omnes provinciam expediunt, *Maximilianus Sfortia*, cujus animo nihil altius in- federat, quam his ocyus molestiis liberari, Regis nuntios perlibenter admittere; longeque libentius audire; applaudere, assentiri, arridere: contra vero *Hieronymus Moronus*, adversari, perstreperere, dissentiri; sine discriminatas interterminali servitutis imperiique vices ignaro Duci proponere; liberta- tis speciem omnibus admirandam, servitutis ju- gum omnibus detestabile; *Maximilianum* nunc Principem, mox futurum Regis vile mancipium admonere; hortari, suadere, ut compedes aureas evitet, ut laneos mollesque deditiois laqueos ef- fugiat; ut *Matthæum* brevi cum Cæsare suisque cum copiis affuturum expectet: ab ipso *Gallorum* Rege Procuratoribusque suis nihil posse tam am- plum magnificumque proponi, quod *Mediolanensi* collatum imperio non evilescat. His & hujusce- modi frequenter in medium sermonibus adductis, cum discrepantes invicem, accensique rebellibus animis nonnunquam acrius committerentur, præ- fixamque Ducis sententiam, qua dejici non pote- rat, *Hieronymus* perpenderet, deflexit; suamque cum Principe causam qua potuit sedulitate studio- que tutatus est; suamque primo sospitatem cum fortunis omnibus, pristinaque cum dignitate, qua Regios inter Senatores Latoclaro conspicuus rese- derat, paciscitur; tum *Maximiliano Sfortiæ* annua sex & triginta aureorum millia præstari in ulterio- re *Gallia* convenit. Addidere nonnulli duntaxat viginti millia, post adeptam Apostolici Senatus Purpuram, quam procurante *Gallo* consecuturum pollicebantur: verum cum exinde suboriri novan- darum rerum occasionem non injuria prætime- rent, abrogata flaminis mentione, pactam majorem summam in extremos usque dies prorogavisse. Cum in album redactæ leges foederum pla- cuissent, mutuoque consancita stipulatu religionis vinculum astrinxisset, subingressus egrediente *Maximiliano* barbarus, arcem capit: armaturaque validiore, firmioribusque custodiis præmunitam circumcingit; ac *Cisalpinæ* veluti *Galliæ* tutissi- mum pignus tenet, inexpugnabilis munimenti æ- ternique roboris mole securus. *Maximilianus* ar- ce relicta, privati civis in domum, ipseque pri-

A vatus, a boveque velut ad asinum dilapsus, seces- sit. Hic *Jo. Angelus Salvaticus* Hieronymi Mo- roni consobrinus fuit, quem *Gallicana* solertia, quo facilius voti sui compos fieret, Oratorem ad *Maximilianum Sfortiam*, *Moronumque* delegerat: corrueratque virum, *Morono* jure sanguinis, vin- culoque familiaritatis obnoxium; atque huic in- ter cætera locum in orchestra dederat; humilem- que media nobilitate virum eo provexit, ut cum feliciter transactæ rei gloria, tum propriæ virtu- tutis ornamento, primatum inter Laticlavios ob- tineret. Rudis erat impolitique sermonis; nec ullius elegantiae studiosus: verum adeo Juris Civi- lis scientia præditus, tantoque ardore prævigen- tis ingenii sublimis, ut *Classicos* omnes Jure Con- sultos, qui tempestate nostra præfloruerunt, si longe non excessit, ita tamen præterit, ut pro- spicerent illum magis quam conspicerent. Et ego quidem cum eo nonnunquam collaturus, cum non temere nec imparatus congrededer, præ ful- mine tamen exardescens illius ingenii sollicitus esse cogebat: videbarque mihi nonnihil effecisse, si æquo Marte exinde divellerer. Acerrimum & præcallens ingenium, avaritiæ libidinisque notæ indelebili macula propolluerunt: siquidem, & fœ- nus exercuisse, vulgo jactatum est; plurimasque spe nuptiarum matronas delusisse, ut potiretur, per- crebuit; atque cum frigescentis affectæque juven- tutis, remissi jam calore suo impetus deferbuisset, nobilissimæ mulieris *Corneliæ* forma cap- tus est, quam & in matrimonium postea duxisse compertum est. Cumque ex difficili vix ægritu- dine restitutus convalesceret, prænitentis lubri- cæque mulieris visco, nondum pristino membro- rum robore confirmatus, inhæsit: brevique re- lapsus in morbum, quem intempestivo coitu con- traxerat, elatus est. Hic mihi professionis, & ordinis jure conjunctus, fratrique meo natu ma- jori, affinitatis vinculo, quod ex *Cornelianis* nu- ptiis nactus erat, alligatus, sed naturali quodam distorti perversiorisque ingenii ejus dissidio longe distractus a me fuit, & semper averfus. Hujus ergo viri cum in domesticas ædes *Maximilianus* divertisset, hospitisque *Salvatici* penates ex arce modicos præoptasset, ad eum plurimi civium re- visendi salutandique gratia perrexere; multi quo- que petulantius insultantes, deflagitantesque pe- cuniam, quam viribus quæsturæ compulsus coacti- que deprompserant, refundi sibi, damnaque re- sarciri cuncta depostulabant. Quos cum ad nu- mulariæ rei Præfectos ipse remitteret, replicare- turque, soluta ejus imperio, non a ministris ejus, sed ab ipso repeti & exigi oportere, divexabatur animo vehementer; quantumque interesset, eum, qui Principem locum oberit, nunc privatum agere, molestioribus curis præsentiebat: atque adeo ex præcelsi culminis fastigio summaque rerum opulentia, despectam ad humilitatem egenamque dejectus est, ut cum ad exuendam interulam quo- tidianæ sordes interpellarent, quam subindueret emaculatam & puram emendicare cogeretur. A- mici ejus, *Sfortiæ*que factionis studiosi, & pro- priam & Principis vicem doluerunt, quod arcem intempestive resignasset; nec enim tam repente deponendum admonebant imperium; cum præ- fertim *Matthæus Sedunensis* brevi *Mediolanum* mag- nis cum copiis ipsoque cum Cæsare reversurus esset: proinde & sibi, & amicis, atque clientibus offecisse conquerebantur; gravatimque fere- bant. Ille suam communemque causam defende- bat, appensissimeque transacta cuncta tutabatur; cum prævalidus ingensque *Gallorum* exercitus, ab urbe summo- veri nonnisi magna cum hominum internecione, manifestoque civium multorum in- teritu potuisset: itaque Reipublicæ magis quam sibi prospectum voluisse, cum & acriore in dies

odio, magnaue populi fremitantis & invidia viventis, Ararii Quæstores, Censulque Magistri, pecuniam conflarent; neque hoc tanto imminente bello, nostrisque cervicibus incumbente, Patriciis plebique mos geri potuisse: proinde viverent, valerent, sibi que haberent. Arce Jovis, ut instructa parataque tunc maxime fuerat, asserta, Rex Galliarum *Franciscus* armatorum majore pompa quam ferculorum quinto Idus Octobris, cum Idibus Septembris felicissime pugnasset, *Mediolanum* gloriosus ingreditur. Spectaculum tranquillæ horrore pavorisque securi plenum, dispositæ suis ordinibus cohortes bellatorum, resurgentibus passim armis emicantes effecerant. Phalaratus omnis equitatus, crebro hinnitu, crebrioreque rotatu, dum læva dextraque præmanlo ac spumante freno sessor ferocem circumagit, auram anhelitu resultantem rumpebat. Præsignem triumphum mirabilia cuncta ducebant: sed insignius illud & pulchrius, quod bello sub atroci peramœna pax erat; quod in ipso castrensi fragore, magnorumque tumultu Procerum otiosi fas fuit. Lætum pavorem tutamque formidinem insinuabant terrificæ confligentium species, simulatque certaminis præfecta dimicatio. Sed præcellebant admiratione omnium & majore pompa phalanges pedariæ *Germanorum*, elatis nigrantibusque vexillis conspicuæ: vasta corpora, suas late prætenta manu relucens frameas gestantia, popliteque tenuis insigniter obarmata, multiplici pugnatorum examine versuque Regem constipabant. Ipse sublimis & arduus, omnique venustiore forma augustior, invehebatur. A fronte, a tergo, dextra lævaque miraculorum omnia plena. Hac spectaculorum molitione fastuque nobis sese *Franciscus* ostentans, cum triumphali porta Civitatem ingressus, vetere religionis instituto, Deos immortales venerabundus delubro Virginis Pontificali salutavisset, non in arcem foci moreque majorum, sed in *Cecilianam* Basilicam, nunc *Forum Novum*, se recepit: five, quod Regium Arcis Conclave muro promuralique præcinctum, superatisque mille liminibus evincendum, despiceret; five, ut majori magisque obvia comitate, Regio fastu deposito, Cives, Patricios omnemque salutationis ordinem exciperet. Interea Primarios Summateque Viros, qui apud Regem Oratorum vice fungerentur, Senatus *Venetus* delegit: *Antonium Grimanum*, *Dominicum Trivisanum*, *Andream Gritum*, provectioris ævi maturitate, bonorum morum sanctitate, disciplinarum ornamento, omnique peracto sua in Republica Magistratu conspicuos & insignes. Quorum *Dominicus Trivisanus*, cuius in dicendo primæ partes erant, cum Augustale Prætorium omnes introgressi fuissent, *Gallianæ*que Majestatis amplitudo silentibus cunctis fandi copiam impartivisset, in hæc verba locutus est.

Ven-
torum
Orato-
rum
coram
Fran-
cisco,
Galli-
arum
Rege,
Con-
cio.

Ea summi quidem amoris singularisque benevolentia certiora sunt argumenta, fortunatorum omnium Fortunatissime Regum, Franciscæ, cum immortalium consensu, ipsiusque Dei Optimi Maximi iudicio, felix aliquid faustumque contigerit, gratulari, exultare, letari: tantumque jucunditatis ex amici præ-prospere secundioreque fortuna, quantum ipsemet ex propria voluptatis capiat, percepisse. Id nostræ profecto Reipublicæ Sanctissimoque Senatui Veneto, ex præcellsa illustrique victoria, quam Donatianis arvis tuo pectore manuque tua consecutus es, quam amplissime cumulativissimeque contigit. Omnes siquidem ita gestimus, ita letamur, sic hilarescimus, ut exuberantis letitiæ nostræ plenitudo, tuæ collata, non minori certe quam tua impetu supergressa, redundet. Nec mehercule præstantius quicquam aut excelsius, quod universæ Reipublicæ nostræ mentes animosque repletet, majoreque gaudio distenderet, aggredi con-

A ficereque potuit invicti animi tui sublimitas. Adeo hac ex conspicua incomparabilique victoria, quam proximis diebus gloriosissime Gallicano sanguine peperisti, omnis ætas, sexus, ordo, tripudiat, salit, totoque resolutus affectu delinquatur: acclamatione, plausu, triumphoque tuo, quem aurea Parcarum fila tibi niveo pollice deduxerunt, erigitur, commovetur, excutitur. Ex lætitia voluptateque tua, quam tanto sudore ac studio consecuvisti, nutriti, messuisti, velut ipsa nostra Respublica consecuisset, aluisset, decerpisset, prælargum uberemque fructum capit: quod nos jubentis illius mandato tibi primum, mox cæteris omnibus, qui nos vident, & audiunt, liquidum apertumque vultu, gestu, voce, testamur, declaramus, profitemur. Tua quippe felicitas nostra est. Felicissime Regum, paribus auspiciis sacras formidabileque Jani portas reſeramur & claudimus; paribus telis parique vexillo congregimur; eodem æſtivamus sub sole, iisdemque sub pellibus hyemamus. Fortitudo tua, gloria tua, tua omnis laus nostra est: quoniam iidem omnia nostra tua sunt. Quocunque modo foris intusque titillent, tibi omnes nostri sensus obsequuntur. Tu mentem nostram sentis & nos tuam: omnia consiliorum arcana nostrorum percipis, quoniam & nos tuorum secreta percipimus; omniaque invicem communicata pari luce veritatis innotescunt. Omnes in te refluunt exultantium gaudiorum undæ nostrorum, nam & restagnantes lætitiæ tuæ fluctus in nos reciproco fluxu refunduntur. Eodem etenim remigio, iisdem velis, parique sereno per insecta & tranquilla navigamus; eodem sidere dirigimur; eodemque tuto portu confidimus. Nec adversata propitiataque fortuna quicquam nobiscum agit, quod pari sorte parique tecum alea non conferat: cum tuus in Italiam adventus tanto belli apparatu, quanto nec ipse prior socer tuus Aureliensis, nec ante eum Carolus sese nobis olim admirabiles exhibuerunt, sermone omnium, crebrisque rumoribus invalesceret, idque literis & nuntiis nos certum haberemus, recreabamur, confovebamur, dilaxabamur, rerum omnium miseriis angustisque conflitti, districti, oppressi: quas eo firmitus constantiusque Respublica nostra perferebat, quod præsentaneum tuæ manus auxilium, opisque tuæ medelam salubriorem speravit. Nec eam sane præconcepta fefellit opinio: rediit quippe tuo ex adventu facta est; ex congressu tuo spiritum, animam, vigoremque recepit. Venisti, vidisti, viciisti; sed citius plane quam veneris & videris: nec imbelles Medos, aut molles Persas Asiatico luxu peregrinisque deliciis diffuentes; sed præduram gentem & asperam, suaque feritate crudelem profudisti, stravisti, trivisti. Superbiebat gens immanis, suisque adeo truculenta natio confisa viribus insolecebat, ut universos, non dixerim Italiam, sed Europæ Principes & populos, uno suo disſento digitulo confosſuram, unoque sublato calce suo proturbaturam sedibus, arroganter inflata diſtaret. Compressa est, tuo reluctantæ exercitu, tuisque confligentibus copiis præfocata relisæque, prorsus interiit. Admirabatur illa quidem Galliarum Regem Franciscum, quanquam præpotentem & validum, hanc in aciem velle descendere; tantumque facinus audentem Gallum Principem obstupeſcebat; nec caſtrorum sudorem & pulverem, indomitæque vim gentis, ac ferro debacchantis ferociam perlaturum opinabatur: sed opinione lapsa est; & cum acriter ipse confisteres, nec jam ex æquo, sed superiori Marte pugnares, incalſcentis ſufferveſcentisque animi tui magnitudine rumpebatur. Itaque frequenter aſſiduoque certamine repetito, propulſata, rejectata, diſſectaque coibat; & cum urgente fato proſtigata reſtritaque funditus putaretur, reſumpto tunc demum præferoci ſpiritu, exagitatique more leonis aut ſpumantis apri, per exertos enſes diſſectaque per media tela pronebat; tanto quidem impetu tantaque rabie, ut bello ſem-

semper asperiore & atrociorē recruderet: donec integra nocte, multoque præcedentis insequentisque diei consumpto spatio, nonnihil & Veneta suffragante manu, cum iam Deos Deasque omnes execrata destitutaque devovisset, fractis animis, exhaustis viribus, desperata victoria, omnique pedibus excusso pulvere, tandem excessit; hastamque concreto sanguine pulverulentam & sordidam ingloria perlitis honoribus, lutatisque titulis abiecit. Illa igitur albente nota tibi nobisque dies enumeranda feliciter illuxit: tuus ille dextro Marte congressus augustior omnes pari gradu gaudiorum extulit, pari jucunditatis nectare perfudit, parique lætitiæ largioris Ambrosia pavit. Tantum etenim tua nos hac ex parta fatali victoria, quantum tu gaudes, lætamur; imo non quantum gaudes, sed quantum potes, gaudemus; neque vero nos, quantum possumus, aut quantum volumus, sed longe quidem plus quam possumus & volumus. Certi quippe sunt fines jucunditatis lætitiæque nobis, ab ipsa præfixi circumscriptique prudentia, quos præterire transgredique limitatus censuræ rigor vetat. Hos nos gaudii tui gaudio propollente supergressi quidem excessimus: nec indociles affectus nostros ulla potest hac in re disciplina docere; nec ulla cobibendo temperatura moderari; profiliunt, expromuntur, erumpunt; & infraeno procursu, latisque sensuum nostrorum omnium spatiis pervadentes, bacchantur; neque reclamantem sessorem audiunt; neque præturibidi frænum equitis sentiunt; aut ulla costis impressa calcaria timent; sui juris hoc in campo lætitiæ esse volunt; suasque sibi leges hoc in pelago gaudiorum usurpant: cæteris rebus nobis omnibus obsequentes; sed hac in re tantum exsoluti liberique, quoniam & hæc tua laus tuæque gloria, metis omnibus gloriæ, finibusque soluta est. Proinde nobis Tibique plus gaudere licet, quam liceat; plus quam par sit exultare par est; acclamare, non quantum antehac alii, sed quantum nemo; plaudere, non quantum posthac cæteri, sed quantum nulli deinceps plaudent, aut plaudere valebunt; ac neque, quantum expressisse lingua licuerit, sed quantum vix animo cogitasse, vel concepisse fas est. Quæ ut eo gradu atque tenore, quo cœperunt, procedant, ac ut pectoribus nostris subscatentes hilaritatis undæ perpetuis fluctibus evolvantur, tui juris est, tuæque fortitudinis, Potentissime Regum, providere. Quod attutum efficies, si quassatam disiectamque bellorum tempestate nostram Rempublicam restituere, si eluxata distitque tanto fati repugnantis turbine membra componere, si defecta cuncta rescire, depleta replere, exhaustaque omnia instaurare digneris; si te tua fides ad hoc semper inviolata promoverit; si te percussa hac de re fœdera stimulaverint; si mutui amoris, mutuæque pietatis individui nexus, constrictaque multiplici nodo vincula collatorum invicem officiorum impulerint. Sed nec quidem hæc auribus infundo tuis, angustaque hæc voce mea repeto, quoniam fidei religionisque tuæ candori diffidam, Rex Regum Integerrime & Optime, sed ne tuis adeo lætitiis oppressos, cæteri nos Principes existiment, ut nostrarum domesticarumque lachrymarum nos oblitos imprudenter redarguant. Quas ut aliquando clementioris auræ tuæ lenitas abstergat, tuique tepentes Zephyri salubris deficiant, rogamus, obtestamur, & obsecramus:

Hæc cum Dominicus Trivisanus magna auscultantium tranquillitate, summoque faventium omnium studio luculentissime perorasset, quoniam sæculi nostri pravitatem, nostræque tempestatis malitia, eo bonarum artium satietas, literaturæque contemptus processit, ut alienæ facundia Summi Principes egeant, paucis, præfidentium Præses, qui lateri Regio tunc affidebat, respondit: Hac Principis Senatusque Veneti legatione, bisque benignis Oratorum officiis Franciscum Regem non mediocriter esse lætatum: cum inter ami-

A cos omnes & socios, qui Gallicas partes vel benevolentia vel fœdere sequerentur, Venetos omnium fidissimos experiretur atque sentiret; ipsosque regiarum curarum participes suffragatoresque præcipuos certo certius agnosceret: proinde merito gratulatos, meritoque gaudentes, cum Regio pectori nihil aliud infedisset, quam beneficiorum pari relatione, collata ab Senatu Veneto merita rependere: ideoque brevi enixissimam daturum operam, effecturumque pro virili sua, ut non ipsi solum Veneti, sed omnes Italiæ & Europæ Reges perciperent, eum esse Galliarum Regem Franciscum, qui gratos amicorum affectus, præstitaque liberaliter officia nunquam abrogaturus sit; sed quam cumulatissime repositurus. Plures interea Reguli Ducesque salutationis obsequia præferentes in aulam iere; multique Procerum recolendam ad victoris Majestatem, ac reverentius observandam in atrium admissi sunt; & his adjuncti Civium Patriciorumque nostrorum quam plurimi, qui Gallicanæ devotionis affectu tenebantur, ad terreni fastigii culmen adorandum Regiam subiere. Quibus ex ordine salutationis officio perfunctis, ac mox forensibus urbicisque rebus compositis, postque Senatum cæterosque de more Magistratus delectos, Rex Bononiam iter parat, Leone cum Pontifice Maximo de summa rerum collaturus: Laurentio Medices apud Regem, Bonivetoque coram Pontifice studiosius id procurante. Et sane quanquam Gallorum Heroës plurimi nonnihil addubitarent, nec Pontificiæ fidei concedendum esse Regem arbitrarentur, cum in ipsa delinquendi opportunitate nihil unquam importunum fuerit, in ipsoque sceleris admittendi lubrico fides omnis ægra laboret, omni tamen resoluta subhalantis nube suspicionis, magno Ductorum militumque comitatu (ad viginti equitum & amplius millia traduntur) Bononiam, Oratoribus Venetis susceptum iter prosequentibus, perrexit. Transalpinæ religionis modestia sacrorum Præsidem reverenter persanctæque coluit; semperque suis observatum piamentibus, quantum Imperii sui tunc quoque permisit ambitio, venerata est. Etenim omni tunc Rex studio diligentiaque Franciscus egit, ut Archifflaminem observasse videretur; nec ejus unquam mandata despexisse: ita tamen, ut a focero relicta tueretur, suisque rem partam a majoribus defensaret. Itaque Placentiam Parmamque, Julio quondam Pontifice manu nostra distractas, revocare nitebatur: nec id tamen aperto Marte nec armata manu, religionis obsistente cultu reverentiaque, sustinuit. Sed nec ipse ceremoniarum Antistes Præfectusque sacrorum, in tanta victoris felicitate, ventosæque gentis gloria, quicquam attentare, quod exagitati Gallorum folles repente proflorent, audebat. Ergo leniter ac benigne mansuetique sermonis temperamento prætentata res est: cumque Mediolani priscam in ditionem, ablaqueata Pontificio jure, civitates recidissent, refarciri sibi damna, substituique alia deficientium loco Pontifex postulabat; & ipsi Principes Veneti, quorum non parva victoriæ momenta præsidiales copiae Gallis attulerant, Brixiam atque Veronam asserere, suisque finibus concopulare magis oliva quam gladio nitebantur. Ad hæc infensissimi Cæsaris odia lenire, placareque Virum obtentæ pacis remedio peroptabant: quam Pontifice, Galloque, victoriæ præsentis accessione elato, si obiter intercessissent, assequi posse sperabant. Et quidem Francisco perhortante, nec abnuente Leone, facile Veneti Legatos ad Cæsarem impetraverunt: qui reconciliandis dissidentium animis enixissime studerent; qui mutuæ pacis ad fœdera partes hortarentur; quique Brixiam atque Veronam grandi pacto ære manu Cæsaris avocarent. Eam Egidius Anachorita legationem obivit, suæque pro viri-

li mandata Pontificis ac Regis executus est. Mox secretiore tractatu, multisque Regem inter Pontificemque rebus agitatis, placuit cum piscatoris retibus ablaqueatae civitates *Mediolanensium* finibus accessissent, *Ferrariam* Pontificiis insignibus obnoxiam, cui *Julius* ardentissime semper inhia-
verat, ab *Alphonso* Duce revelli; Protoflaminisque potestatem exercitu Regio suffragante subire: cum in eas Leges foederaque *Romanus* ac barbarus consensissent, magnoque donatum munere *Leo* Pontifex Regem promeruisset, ac ut pleniore devotionis affectu Virum complexatus videretur, nonnullos *Gallorum* Primates in Apostolici Senatus tabulas conscripserat. Post divinam *Romano* ritu rem peractam, supremosque solennibus verbis affatus in diversa quisque protinus, hic *Mediolanum*, ille *Romanam*, abiit. Nonnulli secretorum conscii subdidere, Regem, cum *Mediolanum* apulisset, *Ferrariae* Ducem internuntiis ac literis initae cum Sacrificulo pactionis admonuisse, ac ut rei suae disponderet perhortatum: ipsum certe, quantum per Pontificem fieri licuisset, praesidio futurum. Omni re cognita perceptaque, sagax & prudens *Alphonfus*, urbem emunit; militibus obarmat; auxilia contrahit: omniaque velut bellum excepturus praeparat. Quae cum Pontifici relata forent, imposturis circumventum sese, delusumque manifestiore argumento conjectatus est & moleste tulit: indeque iacta simultatis & odiorum seminaria nonnulli iustissime meritoque crediderunt; quae diuturno mox livore commaceratis animis imputruere; confectaue sanie sic extabuerunt, ut ad vivum praecidenda fuerint, & asperiore ferro reseccanda. *Franciscus* interea superatis *Alpibus*, cum citerioris *Galliae* procuratorem, vicesque suas agentem *Borboniorum* Principem *Carolus* reliquisset, ipse protinus in ulteriorem emigravit: *Cisalpinam*que rei statu composito, congruisque relictis ad *Mediolani* tutelam legionibus, in diversa profectus est. Tunc *Veneti Brixiae Veronae*que recuperandarum solliciti, *Bartholomaeum Livianum*, qui *Donatiano* nuper conflictu tantum gloriae meruerat, ut paene solus ipse fugientem victoriam revocasse crederetur, *Brixianos* fines irrumpere jubent: adjunctisque *Gallorum* auxiliaribus copiis, quas *Theodorus Trivultius*, *Allobrogum*que Ductor insignis traduxerat, obsidere urbem mandant. Sed obsidio pugnaque difficilis erat: nam profligato *Helvetio*, cum Regi *Placentia Parma*que cessisset, omniaque paene victoris ad arbitrium redacta forent, *Hispani Germanique* futurae pestis *Gallicae* non ignari, *Brixiam*, exactis omnibus diversae factionis civibus, maiore praesidio, maioribusque copiis emuniverant; sed & intempestivus *Gallicarum* adventus suppetiarum, laxiorem hosti moram effususque spatium, quam perdiligens & solers *Hispanus* exigeret, prorogaverat. Qua de re *Livianus* intermissa *Brixia*, quoniam ea durior expeditio videbatur, & quia, si *Veronam* cepisset, facile *Brixiam* subacturus erat, *Athesim* deflexit. Sed inauspicatus ille motus armorum *Liviano* fuit: ardua quippe dum animo suo molitur, apud *Gaudum* difficili correptus aegritudine sublatum est; sui-
que non parvum militibus praesertim desiderium reliquit. Nec tamen interea bello cessatum; *Venetique* milites non eo minus armis feriabantur: sed *Pischeriam* adorti, magno praevallatam *Hispanorum* praesidio, ferociter oppugnare coeperunt; nec prius quidem destitire, quam, trecentis *Hispanicae* militiae peditibus trucidatis, vi caperent. Tum *Leonatum*, *Asula*, *Sermonium*, cum jam *Gallicanae* victoriae rumor increbuisse, *Transalpinam*que suffragia, quae *Gallus* auxilio *Venetorum* transcripserat, in castra expectatione magna, magna-
que compatriati facinoris gloria, properarent, ad *Ve-*

netum desciverant. Coniunctis ergo *Venetorum Gallorum*que viribus in *Brixianam* expeditionem itum est. *Cisalpinarum Transalpinarum*que legionum *Jo. Jacobus Trivultius* jam antea declaratus Imperator in castra venerat: dispositisque copiis, omnibusque ex bellica disciplina dispartitis ordinibus, ad urbem exercitum promoverat; solidamque murorum compagem, grandium impacti tormentorum molares, ingenti retusis ambitu foraminibus, terebrabant. Assiduo pulsu, perennique flagellantis arietis impressione, quasiatum murale propugnaculum gemebat: & intenti duro operi cives, oppidanique tot per repetita semper ictu graviore verbera, distinebantur. Tum acres *Hispani* nec minus expediti, cuncta gnaviter obire: saepe de improvviso congregi; semperque missilibus hostem summovere; interdum speculari, saepius explorare, quid hostis agat, quid *Gallus* cunctetur, quid *Venetus* maturet; atque cum negligenter aliquando supineque custodias hostes agerent, excubiisque remissioribus otiantur, ex urbe confestim eruptione facta, tormentarias stationes, septaque earum celeriter insiliunt. Ea peditum sex millia, aquitum vero congruentiores ala, suis praescriptis stationibus asservabant. Interturbati tamen sexcentis peditibus *Hispanis*, cum ex improvviso sternerentur, foedam omnes in fugam conversi sunt: praeter unum *Jo. Paulum Manphronum*, qui pristinae virtutis suae non immemor, cum hosticae acies agminatim ingruerent, triginta militibus impetum repressit; verum omni cum praesidio destitutus urgeretur, & instantes acrius *Hispani* Virum undequaque circumventum opprimerent, cessit. Quo factum est, ut nonnullis caesis, turpiter vero fugatis pluribus, cum nulla *Gallorum Venetorum*que subsidia laborantibus succurrerent, tormenta ab *Hispanis* in urbem aucta sint: omnisque perustus pulvis tormentarius, nec levi milites ignominia, sicuti quidam scripserunt, affecti. Hanc cladem infamia magis quam militum detrimento perniciosam, *Veneti* juxtaque *Galli* Ductores gravissime pertulerunt: sed inter omnes *Trivultius*, cujus eo tunc in bello praecipua cura fuit. Qui siue casu, siue militum negligentia suorum, cum male rem vertisse videret, ipsique sub bellorum auspiciis adeo gravem saevivisse fortunam, ut & propriis & adventitiis *Gallorum*, copiis paene civitatis expugnatio desperaretur, mutanda castra suadebat: quod & infestae hyemis intemperies hortabatur; & ablatae *Hispanis* tormentales machinae magis admonebant. Sed diversa constantioreque sententia statum est: novisque tormentis in castra *Venetorum* revedtis, novoque ad opus pulvere comparato, duriori Civitatem oppugnata, arctioreque pressura distringere statuerunt. Sed *Germanicus* difficultatem peditatus innectebat: quoniam adversus *Caesarem* militiam detrectabat. Etenim quanquam a *Gallo* stetit, *Caesari* tamen non adversabatur. Aiebat, se in aciem contra *Sfortiam*, *Sfortiae*que propugnatorem *Helvetium* descendisse, non contra *Caesarem*: quem nullo jure laceffere, nec legitimo quidem bello provocare posset. Ergo cum in tanto munere capeffundo frigida manus *Germanorum* hebesceret, dimissi sunt: substitutique dissimili quanquam robore corporum & animorum *Vascones*, auxiliares copias supplevere. Alacres igitur omnesque praecincti, bipartito statim oppugnata civitatem aggrediuntur: alterum latus *Veneti*, *Galli* latus alterum invadunt. Disposita stationibus opportunis praelonga tormentorum organa, magnam muri partem disjecerant: ingentique hiatu fathiscentes aditus, pugnatore ad statarii congressus discrimen invitare videbantur. Sed praepes & repentina defensionis *Hispanicae* celeritas, omni de proximo praejacente materia, sabuli-

bulique congestis prægrandibus cumulis, ac omnibus fragmentis atque ruderibus intermissione nulla provolutis, aggerem substruxerat: eduxeratque cælo munimen altius, quod propugnaculi tutioris vicem oppidano præstaret. Quapropter cum disjciendis in cassum diu muris laboraretur, irritique conatus tormentorum, aggeribus semper firmiori tutela reparatis, effluerent, ad cuniculos subterraneaque remedia militaris sollicitudo dilapsa est. Id perdifficile quidem opus erat & arduum, plenumque laboris, atque discriminis. Primum quippe omnium magno profundioreque fastigio decavanda tellus erat, mox longo per cæcas ductu latebras, ad urbis usque mœnia propendendum; dehinc revulsis muri solidioris radicibus, terebrataque saxatili fundamentorum compage, denudanda Civitas, omnique munimine penitus fuerat exarmanda. Quod ægre quæstuarii fossores, operarii que manicipes acitabant, tignis, asserculis, tabulisque latioribus superjectis, fluentem terram, soloque subducto casitantem, fulcientes: donec ad extremas pomœrii metas, longosque summoti barathri recessus perventum esset; scalpendique lapides, molesque saxorum ingentium cælis suis exedendæ, mercenariam labore novo manum attrivissent. Omnem igitur hujus operam ignavamque magisterii negligentioris oscitationem anxia diligensque *Trivultii* *Petri*que *Navarri* procuratio castigabat: nec ullam improbo labore exemptam diem, nullaque momenta molestiore opificio vacua Duces esse sinebant. Sed & attenta propugnatoris investigatio cura que sollicitior, omni intus ingenio arte que cuncta prospicere: igne, flammis, sulphure mercenarios deludantes & exhaustos afflare, novis obicibus, novisque repagulis urbem emunire, vallo fossaque citeriorem præcingere. Interea militares custodiæ *Verona* tutelam agentes, pertæsæque laborem commilitii sui perpetuo sudore diffluentis, suos ut aliquo socios lenimento levarent, interpellatamque *Brixianæ* obsidionis expugnationem adventu suo prorsus averterent, instructa acie in castra *Venetæ* proficiscuntur: his obvix fuerunt equitatus peditatusque *Leonini* suis ordinibus cohortes dispositæ, *Paulo Manphrono*, *Mercurio*que ductantibus, *Vallegiano* quondam præsidio destinatæ. Verum cum *Verona* promoventes turmæ, paulo validiores obarmatæque potentius apparerent, *Veneti* confestim abjectis hastis abiire retrorsum: liberumque properantibus alis hostilibus iter dedere. Quod perindige *Manphronus* graviterque ferens, ut infamem turpique resperfam nota militis fugam, acriori virtute sua dilueret, collectis, qui circum erant, militibus, in hostem impetum facit; ardentemque congressus, reliquos durum in certamen provocat. Sed dum strenuissime bello strenuus incumbit, navatque operam armis acriorem, confertissimis hostium globis insepitus, & his & illis violenter impetitus, suffosso tandem equo prolabitur. Verum nec minus pedes fortiter instare, pugnare ferociter, atrociter ferire, nullam sociis hostibusque suis requiem impartiri: donec majori peditum equitumque turba passim ingruente, circumdatus, oppressus, & captus est. His parum prospere levibus confectis, nec ex voto succedentibus præliis, metus ingens majorque formido *Venetæ* Ductores incessit. Novæ siquidem ex *Germania* copix, novæque in dies subsidia *Brixianis* adventare ferebantur. Cumque prius ægre civitatem oppugnarent, duplicatis nunc demum auxiliis capere posse desperabant. Sed nec intus secuta rerum civitas erat: & quanquam agiles acerrimique milites urbem validissime defenderent, haud tamen expertes terroris erant: quoniam ad dilaxandam disjciendamque muralem zonam fodicularis & operosa

A molitio procedebat in dies; omnesque operi pertinacius incumbabant; nec subterraneo congressu sicut aperto cælo liberiorique Marte resisti poterat. Itaque foris intusque molestiarum ac laborum omnia plena: & cum *Veneti*, ne damno graviore *Germanicis* properantibus turmis afficerentur, obsidium solvere cuperent: *Hispani* quoque difficultate rerum omnium anhelantes, quam auxiliaries copias opperirentur, otium quærebant. Igitur utrinque data fide publica, peroptatæ fœdera deditiois interloquutores contractare cœperunt, quam intra præfixos quindecim dierum curriculos *Veneti* paciscuntur; non quia ullo firmiore argumento consecuturos illam sperarent; sed ut honestiore velamento securoque discessu, gravibus avectis tormentorum machinis, in hyberna secederent: *Hispani* vero, ut dum differunt, interloquuntur, prolatant, occultum expugnationis opus intermittatur; & ex *Germania* demigrantes oppidanum prætristem festumque perennibus curis armorum auxilio & com meatu ope sublevarent. Quod utrique partium ex sententia cessit. Quippe *Gaidum* sospites *Veneti* majora tormenta, quibus periculum ex *Germanicis* militibus imminabat, devexerunt; mox obsidione soluta, cum omnia cælum asperius brumæ rigentior astringeret, in hyberna nullo hostium fragore perrexerunt: *Hispani* vero cum jam *Amphum* oppidum ex *Germania* profectæ sociales turmæ cepissent, rejectisque *Venetorum* auxiliis, cum demigrantium barbarorum late rumor cum terrore pervasisset, in vecto com meatu, novoque milite recreati, firmius urbem (tantum abfuit, ut dederent) vallaverunt. Exinde quoniam paulo durior fortuna, *Venetorum* desideriis male responderat, & confirmatis hostium animis præsentis suffragio *Brixianorum* spiritus invaluerant, de novo militum delectu habendo, deque novis conscribendis copiis, ac mox *Brixiana* obsidione repetenda consultabatur. Et id jam placuerat; consenserantque communi eam in rem Proceres decreto, cum barbaricarum ductor legionum *Odetus*, nostrarum vero *Theodorus Trivulcius* (etenim urgente mala ætate *Jo. Jacobus* facile com meatum impetraverat) in castra profecti sunt. Tunc infestare acrius omnia, & agitare turbidius *Cenomanorum* cuncta cœperunt; ac passim tumultuariis excursionibus quotidianisque populationibus inquietare, prædari, exurere, vastare agros, pabulatores avertere, com meatum interceptare; dehinc propinquos omnes saltus occupare; hostem de improvviso aggredi; nonnunquam & ex insidiis invadere. Sub hos dies *Venetæ* Ductor armaturæ *Mercurius*, *Hispanum*, qui defendendi pabulatoris sui causa, sese confestim ex urbe *Brixia* proripuerat, non parva clade congressus affecit: nec minori quidem jactura *Joannes Fregosius*, *Joannes*que *Conradus*, ex *Germania* cum pecuniis stipendiorum gratia solvendorum barbaros descendentes, ad *Amphum* male tractatos profligatosque repulerunt. Proficiscebantur in castra *Cæsarei* Quæstores: oneratique auro argentoque *Brixiam* itinere certo contendebant. Quod cum *Fregosio* *Conrado*que per exploratores innotuisset, ad *Amphum* progressi venientes gladiis & pilis exceperunt: collatisque pedibus ac ferociter conferta manu strenuissime conflixerunt. Diverso itinere, ut argentariis succurreretur, ex *Verona* præcipites aliquot manipuli properabant. Intercesse-
re *Pischarienses*, obvixque *Gallorum* cohortes crudiore bello divexatos affecerunt: adeo quidem, ut vix tutus in urbem illis regressus pateret. Pugna sane brevis & repentina, sed atrox & utrinque sanguinaria: quæ neutri partium opitulata, nullos voti sui compotes affecit. Quippe *Veneti*, qui ex *Verona* digressos hostes, & ex *Germania* pecu-
nias

nias afferentes, magna cæde turbatos, multoque perfusos sanguine disjecerant, nequaquam auro potiti sunt: ipsi vero pecuniarii portitores, intersonantibus classicis avvocati, protinus alio perrexere. Nam cum acriter duroque certamine dimicaretur, ipsaque res in ancipitis aleæ meditullio posita prolabaret, consensis navibus in tuta dilapsi sunt: sed tanta cæde gemituque cum suo tum oppidanorum permixto, ut leviora pecuniæ quam extinctorum detrimenta virorum fuisse putarentur. His dum alternis cladibus bellicis, magnaque cum civium tum militum perniciæ varia ancepsque fortuna ludit, *Matthæo*, Sedunensi Episcopo, præstitutum tempus appetebat. Qui quamquam arcis deditioe sese magna spe dilapsum sentiret, seque juvenilibus circumventum imposturis gravaretur, nullam tamen peragendæ conficiendæque rei operam prætermittebat. Sed & magno Cæsaris favore contractis *Helvetiorum Germanorumque* copiis in bella provehebatur: spe quidem certissima *Lilinae* gentis folio deturbandæ. Virum urgebant *Britannorum Hispanorumque* Reges *Gallicanis* signis contumaciter adversi: quos parta recens tanta cum laude victoria, *Franciscum* in Regem acrioribus stimulis agitabat. Sed & extorres *Mediolano* cives plurimi *Gallicanos* fastus potentiamque perosi ad arma celerius capeffenda Cæsarem vehementer hortabantur, ac ut ocyus in *Italiam* descenderet, omni precum cumulo fatigatum ambibant. Sed unus omnium *Trivultiacæ Gallicæque* factionis infensissimus hostis *Matthæus* Sedunensis Præsul, remis velisque præceps impellebat: Virumque perorando, suadendo, hortando, ut *Italicae* expeditioni promptius accingeretur, stimulis omnibus accendebat. Etenim adeo favorable Cæsaris nomen illita omnium ora melle dulciori perfudisse, demulsisque prurientes civium aures suavi quadam scabie præmonebat, ut nullo sudore nec pulvere rem assecuturum polliceretur. Et certe parum abfuit, quin ex consiliorum præscripto suorum cuncta succederent: potitusque rerum Cæsar sine controversia tunc fuisset, si *Jo. Jacobus Trivultius*, qui suo ex arbitrio cuncta regebat, attonitos & trepidantes *Gallorum* animos non confirmasset: receptassetque intra urbem faniore consilio profugos ac pavitantes. Hic etenim quamquam insolentiæ barbaricæ tædio gravaretur, virumque virtute sua præsignem *Transalpina* fastidia cepissent; diversæ tamen factionis mores, aversa nonnullorum civitatis nostræ Primorum studia, quos superiore bello male sarta gratia conciliare, nec ad ullum benevolentiae obsequium redigere potuerat, ab urbe deferenda prorsus avertabant. Quippe familiæ suæ præsentior interitus, exacerbatis occulto livore multorum animis, imminebat. Ipse quoque reditum in patriam, quem paulo ante tanto discrimine paraverat, amissum recuperare & consequi posse nonnisi difficulter ægerrimeque conjectabatur. Quo circa sustinendam belli fortunam, nec vela fugæ dispendenda ratus, quamquam magno civitatis, exercitus, amicorumque periculo suorum, in urbem sese protinus recepit. Inauspicata dies, omnibusque diris fontibus execranda: quæ futuris deinceps bellis, nos semper hostibus objecit; quæque miseram urbem enormibus damnis configendam, militibus concepraculum tabernaculumque paravit. Igitur cum instructæ paratæque *Germanorum* copiae, & his adjunctæ phalanges *Helveticae* Cæsaris arbitrio coivissent, primum omnium *Maximilianus* Tridentum profectus est; mox *Veronam*, ad nos quam raptissime commigraturus perrexit: sua diligenter omnia procurante *Veneto*; ac *Vicentiam*, *Patawium*, *Pischeriam*, cæteraque simul oppida, quibus Cæsar iter cum exercitu facturus erat, commeatu, tormento, omnique militia

A præmuniente. Ille proprio *Matthæique Sedunensis* consilio nullibi morandum arbitratus, sed certo *Mediolanum* itinere contendendum, *Olio Minicioque* superatis, ac *Cremona* cæterisque relictis urbibus & oppidis *Abduam* petit: *Mediolanum* trajecto statim flumine, spectatissimum *Galliae Cisalpinæ* verticem, nullo Marte nulloque conflictu possessurus. Omnes quippe Cæsaris affectatores ejusque partium studiosi, persuasissimum habuerant, si post atrocissimam *Ravennæ* pugnam, tanta clade gloriosi victores *Galli*, *Helvetiorum* parva turbante manu foede turpiterque cessissent, nunc vel sola sub ipsius adventantis Cæsaris umbra, paulo quidem honestius solum esse versuros; cum præsertim hanc in expeditionem Cæsar magna manu properaret; ex adversoque non leves metus *Gallorum* animos perstrinxissent: quippe nobiscum inciviler superbeque versati, cum sese nobis invisos præsentirent, ne hinc infensiore populo, illinc numeroso exercitu, velut inter novaculam cotemque deprehenso, confringerentur, non immerito prætimebant. Quapropter hostiles impetus declinaturi, daturique terga facile putabantur: cum maxime Civitas exarmata, atque aggere valloque discincta pateret; nec congruam jumentis aut militibus alimoniam in urbem Præfecti castrorum invexissent. Verum in bello sæpe prudentiam temeritas superat: præcepsque fortuna consilium elidit. *Galli* igitur, cum *Maximiliani* Cæsaris adventum fama crebrior evulgasset, ipsique cum primis obvii substitissent, quoniam, etsi *Germanis* equitatu præcellerent, pediatu tamen inferiores erant, mox retrogressi semperque præcipitem hostem declinantes, cum perniciores cursu superatis omnibus Cæsar advolaret, opportuno *Cremonæ*, cæterisque relictis municipiis præsidio, sese citeriorem ad ripam *Abduæ* sospites receperunt: ibique tormentis ac militibus ex castrensi disciplina dispositis, omnique robore cum hominum tum jumentorum advocato, repressuros hostem, & ejus impetum elusuros arbitrabantur: verum cum sese trajiciendo flumini protinus accingentem viderent, nulloque obice retardatum iri, cum festina celeritate per obviam inviaque Cæsar proveheretur, incitatissimos celerissimosque Viri cursus anteverterunt; omnemque ferentariam ac graviolem armaturam, omnesque *Venetorum* auxiliares copias, intra *Mediolanum*, intraque fossam propiorem contraxere; gravi quidem ærumnosoque, continentium ædificiorum suburbanorumque omnium, si Cæsarem ulterior audacia promovisset, exurendorum consilio. Quod eventus mox tristior comprobavit: illo quippe propius appetente, suggredienteque pomæriis nostris Cæsariano exercitu, *Romanæ* Tonsæque portarum interjacentes domos *Galli* correptis statim facibus inflammaverunt; tanto vulgarium ejulatu gemituque popularium, ut cum tumultuantium militum fragore, tum conflagrantium ardore domorum, manifestarias in ruinas prolapsura cuncta esse viderentur. Gravis illa quidem & permolesta clades, exactique proximioris autumnii calamitate molestior & gravior; cum foris hostes formidolosi, suaque barbarie truculenter immanes, nec sane mitiores adversæ factionis indigenæ fossas humiles semirutasque domos nostras oberrarent, qui, si belli vis major in urbem eos propulisset, perniciem nobis interitumque cum fortunis nostris fuerant allaturi: cum præsertim spe certissima demungendi æris nostri, consequendorum stipendiorum suorum, quibus *Germanico* non suppetente ærario fraudabantur, ex *Alpibus* impulsore *Matthæo* promovissent. Ad hæc facinorosi plures & scelerum suorum conscii, quos deformis vitæ turpitudine flagitiorum omnium sentinariis oblimabat, populationibus ac rapinis inextincta siti aridisque fau-

faucibus inhiabant. Qui, si fortuna vertisset, ut multorum opinio ferebat, cum inultis debacchari sceleribus licuisset, asperiores forsitan & acerbiores quam barbari poenas a nobis exegissent. Intus vero socii molestiores omni nos injuriarum genere prægravatos indignissime conflictabant: dum cubiculis ædibusque suis civem violenter extrudunt; dum turbulentius imperant; imperataque truculentius exigunt. Non ille quidem tumultus nec pavor erat, qualem expugnatae captæque urbes in ipso ætus bellici furore rebullientis edere solent, cum refractis portis, subrutis mœnibus, vel admoto scalarum gradu superatis, demissi circumquaque furentibus animis & districto gladio milites ingrassantur; ac terribiles horrifoni-que discursus armatorum captivitate, cæde, incendio, cuncta permiscunt: sed ingenti tamen metu trepidabunda, quassataque terrore magno Respublica speciem urbis captæ præbebat. Hinc quippe de improvviso irrupentes in urbem armati, eamque vicatim ediculatimque percingentes, nullo hospitaturæ militaris diribitore neque magistro, illinc subito correptis ædibus torrentes flammæ, gemitu lachrymisque cuncta replebant; tantoque defixæ tunc hominum mentes horrore præstupuerunt, ut quo pergerent, ubi morarentur, quid secum tollerent, quidve relinquerent, incerti penitus agitantur. Ambibant alii torridos penates, alii sæva per jurgia suis domibus eliminati deslebant: nonnulli liminibus suis inhaerentes miseriarum levamen in cassum quæssivere; multi vicinorum amicorumque suorum occursum, cum diu male dissimulatum mœrorem celare non possent, in mutuas imprecationes sævasque gentis in *Gallicæ* detestationes erumpebant; aversi multorum antea civium a *Gallis* animi, plebejæque simplicitatis ignaræ mentes, hoc demum facto aversiores reaccensæque, maceratum intabescens veneni livorem decoquere conficereque justius visæ sunt. Itaque ne erumperent faces dolorum, gliscentique populari tumultu, uno desperationis excidio *Gallicæ* nostræque opes confunderentur, publici moderaminis temperamento prospectum est. Quinquaginta pugnatorum millia plus minusve paschalibus solenniis, quæ decimus sextus Consul supra millesimum ac quingentesimum nobis invertebat, in urbem attonitam, discordiosique civis seditione repugnantem, convenisse certo scimus: eamque tot millibus numerorum conturbatam, ac pænè cum *Gallorum* tum *Venetorum* copiis ingentibus oppressam conspicati sumus. Quam demum exerta civica castrensisque disciplinæ censura gubernare, moderatius appensusque regere par fuit: ut ea nobis imminente tempestate, circumsonantiumque periculo procellarum *Gallicus* omnis status, omnisque *Cisalpina Transalpina*que res salva foret. Parochiatim itaque tunc delecti sunt & *Gallorum* Proceres & civium Primates nostrorum, qui regionatim ostiatimque cuncta lustrantes, popularium querelas, quas indiscreta militaris hospitatura conciverat, de plano summamque cognoscerent; cognitaque, manu Regia statim exsequerentur: quoniam forensium more judiciorum agi non oportebat; cum & ipsa militaris urbanique Prætoris jurisdictio conquiesceret. Horum autem præcipuum munus erat, condolefcentium civium plebeculæque lamentantis ægra omnia revivere; saniatorumque cunctis ulceribus animorum solando blandius atque tractando, medela blandiore præsentius opitulari; tum infranem perditumque militem castigare coercereque metu legum; ac discinctos omnes ad emendationis vitæ rigorem sanosque mores revocare. Ad hæc insularum fiscali sumptu reparandarum, instaurandæque perustæ cujusque domus cura delegata est; lectique Nobiles, qui libratoribus ad-

A hibitis, repetitoque calculo damna reputarent. Existimaverunt quippe publicarum rerum Provisores, averse plebis animum mitiore lenimento promulsiuros, si largiore *Francisci* Regis erogatu flammaram dispendia singulis emendarentur. Sed hæc parum nobis utiliter procuratio cessit; eoque parum malis nostris remedio consultum est: cum in hanc usque diem eo rogo conflagratae domus, ac deinceps aliis erumpentibus incendiis prostratae super alias aliæ, continentibus bellorum flammis, unaque perpetui Martis ustigine consqualuerint. Placatis hoc lenimine civium mentibus, & hac ope mitigato populi sævioris parumper odio, provida subinde militibus cautione prospectum est, ne repentino furore concita plebes in *Gallum* impetum faceret. Itaque sellulariorum opificumque omnium conventus interdicti sunt; tum prohibita disciplinatorum, cæterorumque honestiorum ordinum conciliabula, ne nostræ collatae invicem amariiores querelæ, nostræque mutuis communicata jacturis dispendia, plebem juxtaque civem in arma commoverent, quem placare modis omnibus, omni-que studio delenire *Gallicana* sollicitudo rei-que castrensis anxietas properabat. Quocirca sonoris templorum omnium turribus præligata campani æris veretra; muta-que nullo tintinnabulorum pulsu sacrificia, magno religionis nostræ piaculo, magna-que nostrorum ira sacerdotum consiluisse; præterea faces excubiarum intentissimis oculis observatae; dispositique per urbem vigiles, artificumque militibus conduplicatis custodiæ; visores insuper assidui, omni-que *Argo* oculatiores, cujusque secreta domus exquisitissimis artibus explorabant. *Gallicana* factionis affectu, quos non minor quam ipsos Proceres cura torquebat, nihil ad communem propriamque salutem improspectum relinquere. Præfectus urbis numerofo ingentique semper obseptus satellitio, die nocteque pervigil, trivia, quadrvia, vicos, ædes privatas publicasque peragrarè, adambire, revivere, si quem indignatio vel doloris impetus in crimen impulisset, indicta causa, calentique suspendio strangulaturus. *Galli* denique non minus ab urbe quam ab hoste timebant: ac nisi mirum & efficax *Borboniorum* Principis studium in conciliandis retinendisque militibus evigisset, expediti protinus in fugam omnes vincula dirupissent. Sed *Caroli* Ducis sui reverentia, magnique Herois respectu, qui tunc *Mediolani* Vicariam Regis potestatem agebat, repressi destiterunt. Mirum quidem omnibus ea tempestate fuit, præcipueque rerum cognitione, usque militiæ multo verlati, cum intus forisque tanto Civitas conturbata terrore, tantisque cum barbarorum tum nostrorum militum copiis exagitata contremisset; ingensque necessitatis & inediae telum, tot in unum coeuntibus hominum millibus timeretur, nihil tamen a nobis in ipso mediæ egestatis pelago nedum ad naturalem allevandam necessitatem, sed ne quidem ad delicias voluptatemque desideratum: adeo nobis affatim ubertimque circumjacentes viculi, oppida, urbesque suavissimos pretiosissimosque poculentorum liquores, *Apicianas*que nepotantibus ganeas profusissime suppeditabant; majori semper lucris desiderio, quam mortis metu; incluta civitas & perbeata, si agrorum solique lætitiæ, ipsa concors hominum benignitas confoveret. Jam otio recreati, confortique nostrarum teporariis voluptatum, novos *Galli* spiritus & animos sumpserant: quos adjecta recens *Helvetic* peditatus octo millia, more suo turgidius inflaverunt. Itaque statim educturos omnem ex urbe militiam, conflicturosque propediem vociferabantur: sed *Helvetiorum* mentes invicem averse *Gallicis* consiliis repugnabant. Urbem quippe defensores, intraque fossas nobis auxilio futuros polliceban-

cebantur: sed adversas cognati sanguinis acies, nefariosque polluto pietatis jure congressus, foris avertabant. Etenim cum magna pars eorum Cæsarem secuta foret, nonnulli etiam *Gallum* protinus fuerant subsecuti. Quapropter ad novas artes mitioraque fomenta devenit, ut quod ferri sævientis asperitas præsecare non poterat, admota propius unguenta maturarent. Proinde *Galli* magnis ingentibusque promissis *Helvetios* attrahere, perlicereque sensim illecebris occeperunt: eorum Ductores molliter affari, atque invicem arcana communicare consilia; tum hostilium nullo discrimine tabernaculorum, commeare, remeare, castra ingredi, regredi, ac velut inter affines & socios omnia inviolatæ hospitalitatis jure comiter exsequi. Quæ vulgo propalamque factitata, nonnullas occultæ conspirationis tenebras, fumumque decoctæ proditiōis, mentibus hominum insufflavere. Incerta siquidem & varia maligniore judicio vulgus semper invertit; & quæ neutram in partem declinant, in obliquam distortamque præcipitat; quanquam hic assidua cum hoste conversatio, nimiaque diei ac noctis indiscriminatæ familiaritas, frequentataque diu commercia, nonnullam opinionis sinistrae suspicionem enutrire potuerunt. Sed & flagitio scelerique maturato, si quod fuit, eam *Helvetii* causam prætexebant, quod decepti forent; suisque stipendiis fraudati. Siquidem cum *Mediolanum* appulissent, pactam illis omnem summam præsentaturos Cæsar & *Mattheus* edixerant: quoniam, ut supra meminimus, persuasissimum omnes habuerunt, rejectatis illico fugatisque trans Alpes *Gallis*, tributo nobis enormiore superindicto pecuniam omnem exacturos. Quæ cum aliter, quam cogitarant, cessissent, nec eorum opinionem eventus exæquasset, bonam fidem non agnoscere, nec nomen exsolvere potuerunt: imposturas hinc sibi factas *Helvetii* conquerebantur; proinde unius hominis deditiōne, sese alieno ære redimendos ajebant. His infidiis, quas sive falso, sive ex re plures commenti sunt, nonnulli civitatis nostræ Primates suspensa manu mollique cubito lenocinabantur: hi contra Cæsarem apud Cæsarem causam agebant; & cum pro *Gallo* starent, contra *Gallum* luculentissime perorabant. Quod ut omni concinnatum arte texeretur, ambiguisque perobscurum notis prudentibus & attentis errorem involveret, lares proprios amplæque domus suæ penetralia dirui, æquarique solo passi sunt. Quæ cum Urbis Præfecto jubente sternerentur, multa subruente manu satellitia, sub ipsius vulgi spectantis ora prociderent, illico *Jo. Jacobus Trivultius*, sive conscius, sive, quod plures existimant, sceleris ignarus, intercurrit: suaque pro virili demolitionem, domesticæque sedis ruinam deprecabatur. Sed nullis auscultabundus, simulataque præservens ira *Gallus*, ruinoso deformique opere non abstinuit, donec summa eductæ cælo domus culmina confrata sunt: magnaue ruderum intercedentiumque tignorum congerie subversa sedes, commentitiæ fraudis suspicionem, confictosque tradendi Cæsaris dolos, qui levibus hominum susurris invaluerant, argumento manifestiore dilueret. Reprobi sceleratorisque facti suspicionem confirmavit auxitque repentinus, & præceps ab urbe, Cæsaris abscessus. Siquidem cum flagitium conjurati parturirent, pæneque res ad exitum perducta foret, tumultuante *Helvetio*, exortaque, flagitandorum specie stipendiorum, seditione, expedito comitatu suaque cohorte præcinctus Imperator equum conscendit; exindeque perniciter ac sumptis veluti talaribus, cum *Mediolanum* dies aliquot obsedisset, festinus ac celer evolavit: reclamante *Mattheo*, suisque retentantibus principis, ac, ut sisteret, enixissime suadentibus. Sed

A nullo hortatu revocari, nullisque precibus, ut flecteret, evinci potuit: donec omnem *Helveticam* manum, & qui procul adnectebantur, dispositos infidiarum castes evasisse sibi visus est; sive ipse viciniore argumento dolos, quos artifice barbaro filisque nostris *Gallus* prætexebat, conjectaretur; sive monentibus amicis, ut caveret, aut exploratore aliquo fraudis indicem deferente, manifestius cuncta percepisset. Itaque directo raptim itinere, flumen *Abduam*, mox *Bergomum*, dehinc montium ardua transgressus, in ulteriora *Germanie*, comitantibus velutum suorum turmis effugit: insperatamque salutem impartitus est. Atque hæc mihi quidem omnia magno cum dolore, magnaue turbatæ mentis cum angustia repetenti, ea tunc urbis facies nostræ videbatur, quæ irato mari, ac cælo nigra caligine, jactisque fulminibus suo cum tonitru perhorrenti esse solet: cum venti velut agmine facto, tota rabie, totoque furentis impetu diversis cæli regionibus effunduntur, configuntque ruptis invicem turbinibus agitati. Tunc in ætum jactata omnia, omnia vastis succussa fluctibus, pæneque superantibus undis adobruta, præsentis naufragio laborant, & omnino peritura videntur: verum si Dii immortales vectorum infandos casus miserati, supplicibus votis adverterint, benignoque Numine suo periclitantibus affuissent, extemplo pelagi spumantis feritas mansuescit; ponunt venti, subsidunt undæ; omniaque fugatis repente sereno cælo nubibus, tranquillissime silent. Sic cum nobis eo motu & ardore bellorum cuncta vicinam mortem intenderent, sævique stridentes Martis procellæ tormentis ignibusque nobis extrema minarentur, nulla hominum cæde, nullis vinculis, nullaue fortunarum direptione nostrarum in quietem ac pacem unius viri discessu mitissime conquievimus. Quapropter illorum improvidam sum semper hominum temeritatem admiratus, qui bellici pulveris, castrensiumque negotiorum expertes, ac fortunæ lufitantis imperiti, si qua levis aliquando aura sufflaverit, si quem paulisper commotæ frondes sonum dederint, suam extra testudinem distenduntur; extraque calceum pedem suum proferunt: cum non horæ momentaque sint nobis perpendenda, nec ipse quidem dies ab ortu, sed ab occasu sit enotandus. Matutinos flores suo rore conspersos ac summardentes, vespertinus imber, pluviaeque serotinæ frequenter prosternunt, & suffocant. Quocirca hi mihi demum sapere videntur, diesque suos congrua ratione disponere, qui disciplinis bonisque artibus emancipati, melioribus studiis detinentur, sua bella militibus, suaque Regibus sceptra relinquentes: ne, dum incerta fluxaque male subaocupantur, certo jure possessa desiderent, in cassumque præterita respiciant.

Emigratu Cæsaris peropportuno, qui nos velut ex insperato Deus affecit, contracta hostium discussaque sunt omnia; omnesque castrorum & obfidionis obices revulsi detritique sunt; ipsiusque *Matthæi Sedunensis* magna cum animi sui molestia fuitiles conatus omnes effluxere. Tum congestis equorum jumentorumque sordibus, quibus expleta Civitas, pestilentissimisque vaporibus adafflata putrescebat, repurgata tandem suum in nitorem lucemque resplenduit; sed & hæc ipsa lachrymarum gaudiorumque confusione, miris intus modis exagitata est; distractaque repugnantium inter se civium studiis, uno eodemque odii & amoris affectu, contrarias inter sese dissimilesque res conjunxit: ut insperato unius hominis abscessu, qui bella manu lætumque ferret, riderent omnes atque lugerent. Qui *Gallum* secuti, displicitisque sub alis ejus otiantes cantabant, sereno cælo, improvillæque tempestatibus subita claritate

ritate gessientes, exultabant: ac plausibus, tripudiis, omnibusque lætitiæ signis exhilarati, solutius gaudio ferebantur. Contra vero *Dracarii Sfortiacis*que signis obsequentes, tantæ in cassum cadentis spei ansa dilapsi, reculantibus animum curis ingentibus distringebantur; transfixique doloris jaculo, cum medelam exulcerato vulnere desperarent, nec ulla salutaris curationis remedia præstarentur, suo singultantes in sinu gemebant; sibi quoque præ dolore succensentes acrius & introrsum conquerebantur, quod prævalidus suapteque natura furens populus, *Gallicane* jam gentis vexilla detestatus, cum intramurana plus æquo militia premeretur, omnique laceffitus injuria mœreret, tam propinquo Cæsarianorum incendio, vel una contracta propinqui Martis scintilla, subitas in flammam non exarsit; obstas fudes non incusserit; arma non raperit; genuinoque barbariem invisam odio, per exortos repentina seditione tumultus, confertis utrinque manibus ac gladiis extremo exitu non sustulerit. Sed hæc erant ardua; nec ipso minus consilio quam re difficilia: quippe frequenter inanes & evanidæ, quanquam indomiti suisque viribus præpotentis populi vires elunduntur, cum nullo duce coeunt, cum nullis edictis obtemperant, cum nulla signa sequuntur; sed palantes vagique omnes, aut incondite stipati, conglobatim excurrunt; aut ignari quid omittant, quid capiant, quid declinent, quid capestant, incertis motibus auferuntur. Atque tunc populo gratiosi cives, prædilectæque vulgo factionis Primarii, vel eo percussi bellorum terrore, vel relegationis exilioque fugati, longius abfuerunt: ut quem reliqui sequerentur, vel extremæ mediæque classis tribules, omnino non haberent. Ad hæc alterius odiosæ populo factionis Summates arbitrio suo cuncta regere; suis omnia consiliis moderari; figere, refigere; inducere, reducere; edicere, interdiceret; quin ne mediastini, aut ab ima plebe humiles, quicquam in medium auderent, vetiti sunt consortium omnium sodalitii cœtus; omniumque dignitatum & ordinum concilia feverioribus poenis interdicta sunt. Præterea frequentes custodiæ, perpetui vigiles, assidui visores, exploratores attentissimi, suspensæque tinnientis æris funalia, perpetuo silentis mysterii conticinio, motus omnes plebejos compressere: adeo quidem, ut nec alterum domestico limine proferre pedem, nec manum quisquam vertere sine magistro vel monitore posset. Sagacissimus namque & horum arbiter omnium *Trivultius*, ita sibi *Gallisque* prospexerat, cum non amplius peregrinari statuisset, ut nulli populares tumultus nullæque popularibus armis seditiones per quam occasionem oriri possent. Adventitio præterea milite Civitas prægravata, violentioreque militia singulæ civium domus onerata, refertaque lictoriis fascibus, alieni imperii frena mordebant. Quapropter miror equidem, si modo fide constant, quæ nobis nonnullis veritatis argumento relata tunc fuere, Cæsarem cum mœnibus nostris appropinquaret, hostiliaque procul signa contueretur, ac conflagrantium flammam tectorum elatas cælo prospiceret, nos rebelles & imperio Cæsaris aversos dixisse: quoniam non occurrimus, non excepimus, testisque superbis non de more locavimus. Sic etenim scita Legum mandant; Edictique perpetui jubet auctoritas: quæm Cæsaris *Maximiliani* sententia nos læsisse perperam falsoque convincebamur. Etenim si liberi nostrique juris advenientem Cæsarem contempsissemus, ipsaque omni civitas exempta iugo, temeritate Cæsarem vel perfidia sua repulisset, introvertissetque dominum possessione sua, Majestatis certe rea teneretur; & nos hujuscemodi criminum spiribus involu-

A ti, nefarii censuram sceleris merito subiissemus: sed obstricti consulti que alterius incumbens domini pressura, quam excutere nemo poterat, quo jure, quæso, rebelles facti sumus? cujus delicti fontes accersimus? cujus reatum culpæ sustinemus? Neque tua, Cæsar, neque Majorum edicta tuorum imperant, ut ea populus domino præstet officia, quæ aliena vis intercipit; & ne præstare possit, impressione tyrannica, dominique potentioris gladio, vetatur. Cur generoso succensens equo, latoque calcaribus armos fodiculas, si profundiore barathro cœnoque provolutus inhæret, si prænexis arctiore retinaculo pedibus, capitroque præligatus firmiore, cunctatur? Solve eum, & campi liberioris spatio statue: tunc mollia crura reponet; collectumque vomens volvet sub naribus ignem; tunc trement artus; micabunt nullo erectaque cervice sublimis & arduus nullo stimulos, nullaque calcaria patietur. Proinde nobis hac de re diem nemo dicat; neque tu, Cæsar *Maximiliane*, populum tuum *Mediolanensem* hujus delicti reum insimules, quem, si ad iudicium accersas, certe non condemnabis: sed potius ut simplicem & incautum absolvas. Mira sunt ædipol, semperque fuerunt, tui in te populi declinantis studia, Cæsar: magna que nostræ in te pietatis & fidei argumenta, tam nostra quam majorum tempestate, præluxerunt. Urbis nostræ primordia sic, ut in initio summæ professi sumus, *Transalpino Gallo* debentur; sive enascentis ipsius urbis infantiam respiciamus, sive vigentioris ætatis adolescentiam contemplemur: quoniam etsi luculentissimi scriptores tempore discrepant, in ipsius tamen gentis *Gallicæ* conditores uno omnes ore consentiunt. At innumeras certe clades asperigensque Septentrio nobis semper intulit; tuique Majores nostræ urbis eversores sæpe leguntur. Quod quanquam Annalium testimonio multorum perliquidum constet, idque civitas ipsa nimium experta præferat, tibi tamen, gentique tuæ sic semper addicta est, ut *Germanum* urbis eversores, *Gallo* conditori prætulit: credo equidem omnino non expers iudicii: quippe petulantia lasciviæque suæ nimium redundantis correctorem castigatoremque nullum *Germanico* magistro seduliorum & acriorum offendit; & quanquam flagellata doleat, in ipsoque doloris fervore lamentetur, cum tamen verbera tempore delenta refrixerint, detumuerintque vibices uentibus virgis inflati, novo suum in censorem amore reaccenditur; ipsumque perlibenter moderatorem suum agnoscit, filiorum exemplo bonorum, qui quanquam severis parentibus vapulent, pietatis tamen argumenta præsentunt; & cum perditus & nequam filius emendatorem obhorreat, frugi quidem bonæque spei filius observat & colit. Verum cum ad purum liquidumque veritatis omnia perscripsisse libeat, hoc interest, quod præceptores seduli sanctique parentes, indociles & noxios flagris exercent; disciplinatis & infontibus parcunt; vitia detestantur, virtutes commendant: sed hæc indiscreta censura tua bonos juxtaque malos uno parique vulnere cædit; neque fontes ab infontibus flagellis tuis discernuntur; neque seorsum ab emendatis flagitiosi poenas luunt. Quare obsecro te, Imperator Optime, ut in cognoscendis delectandisque criminibus nostris, tuæ congrua Celsitudini temperamenta adhibeas, eumque præstes modum & formam, ut bonos præmiis, suis vero malos meritis afficias; ut cum omnium sis Imperator, idem sis omnium æquissimus moderator.

Soluti Cæsaris exercitu, solutoque urbis obfidio, soluti omnes præcipueque barbari milites in diversa perrexere; alii *Laudem*, nonnulli *Bergomum*, plures per implicitas angustoque calle vias,

B. Arlunus.

T in

in pagos vicosque suos repedavere; stomachati omnes iraque præfervidi, quod re consilioque destitutos, omnino fortuna defereret. Sed unus omnium accensus indignatione, bileque terribilis implacata, *Matthæus Sedunensis* disrumpebatur: nec animo satis æquo perferre poterat, quod, qui prius *Gallum* exigua manu profudisset, præpotentemque Regum Mediolano *Ludovicum* exegisset, nunc iterum iterumque congressus, adversante fato, Diisque repugnantibus, vinceretur. Itaque tentare omnia, factitare omnia, experiri omnia, sollicitare, instare, ambireque milites, si vagos & emigrantes ad signa revocare posset: suaque sub signa dispalantem exercitum cogere. Atque primo *Bergomi* cunctatus, quo *Brandeburgensis* heros stipendia soluturus advenerat, & ipse summam attulisse majorem professus defectas vires reparabat. Sed cum dictis facta male responderent, fidemque fallerent inanes flaccidique marsupiorum folliculi, ac diu milites demorati frustra viaticum expectavissent, prætristes subirati que retrorsum abiere. Plures etiam pollicitis grandibus illectati, tractique stipendiorum spe certissima consequendorum, *Brixiam* contenderunt: quoniam magno peditatu ad *Gallos Venetos* que desciscente, sua omnis præsidio Civitas destituta vacabat. Verum infecuti continenter *Galli Venetique*, properantes manipulatimque per invia dispersos, ac intercepto sæpe commeatu, præclusoque frequenter itinere districtos & ancipites, confragosa per montium cacumina sæpius agitabant: tam prospero felicitique semper eventu, ut si conjunctus uterque *Gallorum* ac *Venetorum* exercitus, interpellatam nulla mora victoriam profecutus esset, nullaque profugum hostem intermissione *Veneti* delassassent, illis sane *Brixia Veronae* nullo Martis discrimine, nulloque confligentium periculo cessissent. Verum dum consultant, pecunias exigunt, iussa Regis expectant, redivivus hostis, redintegratis labente mora viribus, refocillatur: adeo ut iusto mox exercitu majoribusque copiis oppugnandæ urbes obsidendæque forent. *Odetanis* igitur auspiciis commotâ castra *Gallorum*, cum *Venetis* urbes suas restitutum iri placuisset, haud procul ab urbe *Brixia* locata sunt: expugnationique ejus omnes protinus accincti. Milites tamen *Leonini*, quorum causa potior erat, omnem *Gallorum* inertiam ignavæque torpore suo semper alaudas, præcoci dimicatione sua præveniunt: scalas moenibus admovent; consistentem tormentulis oppidanum rejectant, scandunt, pugnant, feriunt. *Hispani Germanique*, quanquam pauciores, quam tanti ingruentis exercitus, susceptæque pericula defensionis exigent, obsistere tamen, vehementerque depræliari: proturbatos expugnatores longe prosternere; concreditas sibi stationes fortissime detutari; nusquam loco cedere; aut hostem vincere, aut vita fungi. Quæ cum tanta militum acerbitate digladiantium utrinque conficerentur, paucique multos plerumque superarent, *Veneti* retrocedere deferereque muros coacti sunt. Tunc *Galli*, eorumque præcipue Ductor *Odetus*, cui expugnanda *Brixia* debebatur, oppugnatu quadrisido civitatem aggressi, quo facile perrari defensores undique distracti, fatigatique labore multo deficerent, tormentis omnibus admotis, relisâ contritaque moenia gravissime compulsi: diuque missilibus telis injectis omnibus persistunt. Qua de re propugnatores delassati, cum cadentibus integros sufficere, substituereque recentes non possent, cum hoste paciscuntur: ut biduum bello temperent, urbem arcemque, si præsidia non affuerint, possessuri. Eas oppidani *Veneto Galloque* leges percupide dixerunt, quoniam adventantes de proximo subsidiales copias, appeten-

A temque *Germanicum Hispaniensemque* peditatum compertum habebant. Sed & indictas bello conditiones *Veneti* non illibentius admiserunt: quoniam saltus omnes obsederant; obsessurosque deinceps validioribus custodiis, omnemque viam, qua progressurus hostis erat, arctius obstructuros certum habebant, ut præcluso undique aditu, præsepti milites ferendis oppidano suppetiis averterentur. Ex sententia *Veneto* res cessit: quippe cum pactis omnes assensissent, extemplo *Gallorum Venetorumque* dimissæ legiones, ex præscripta jam lege, vacante *Brixia* militibus, tramites devios angustaque viarum diverticula densius occupant. Tum *Gallo* cum appendice suggesta propius omnis *Venetorum* armatura, translatitiis tormentulis, omnibusque telis missilibus accincta, properantes *Hispanorum Germanorumque* cohortes, ab ipsis ferendis auxiliis avertit. Quocirca cum ex lege dies elaberetur, in casumque sperata, procul abessent subsidia, ne suo majore detrimento, gravioreque perfractæ fidei jactura, *Venetis* oppidani non obtemperarent, urbem arcemque dedunt: diuque possessa violenter acriterque defensa moenia relaxant. Ipsi interea jumentis carpentisque omnibus, pretiosa suppellectile sua oneratis, quam omni direptione omni-

B que populatu foedissime congesserant, urbem egressi magno examine, longisque carrorum lineis per *Tridentinos* saltus, in *Germaniam* abiere. Diverso itinere suis cum copiis excedentes *Hispani* vacua cuncta reliquerunt. Protinus *Odeto* ductante *Galli*, validis suorum præfidiis armatorum elati, nec non & *Andreas Gritus*, *Venetis* cohortibus, omni *Marcica* constipante militia, longas veluti post moras, diuturna que pericula, tandem hoste devicto, triumphantes urbem ingressi sunt: magna populo exultante lætitia, magnisque gaudiorum hac & illac proscatentibus undis, quibus omnis ætas, ordo, sexus, inarentes diuturno mœrore fibras, exustasque perenni dolore venas, uberius ac redundantius irrigaverunt.

Brixia urbe recepta, *Veronam* contendere, eamque *Veneto* subigere decretum erat. Sed quoniam milites stipendia desiderabant, aureorumque triginta millia, quæ *Gallis* ex lege debebantur, ea sibi præstari oportere, ajebant, dilata res est, & expeditio prorogata: donec *Brixianis Bergomatibusque* nova tributorum exactione vexatis, a *Francisco* Galliarum Rege, datæ sunt *Odeto* literæ, quibus capeffenda quam celerrime *Veronensis* expeditio mandabatur. Eam ergo totis in provinciam viribus itum est: cumque *Pischeriam* Gallicanæ primum phalanges appulissent, trajecto *Mincio* contis trabibusque contextis *Athesim* vincere, ut exinde *Veronam*, quam armatorum novem millia defensabant, obsiderent, barbari nitebantur. Verum cum diversi bellorum rumores obreperent, quæ *Britannum*, commotis in *Gallum* Helvetiis, parare fama crebrior promulgabat, inde recessum est; & quanquam invitis ac repugnantibus *Venetis*, cum asserendæ urbis desiderio incredibili tenerentur, ultra citraque *Mincium* militares dispositi sunt ordines, inibique stativa locata; eo plane consilio, ut hostem perpetuis quanquam levibus præliis infestarent; commeatum interciperent; auxiliareque procul copias averterent: quippe de proximo cum *Gallum* fortuna prosperior extulisset, assertaque *Brixia*, *Veronam* eodem fati pondere laborantem subacturus timeretur, ne prævalidæ defensionis ope destituta procideret, *Helvetiorum* quinque millia ferendis suppetiis festinabant. Sed cum ære alieno prægravati militum Ductores, *Veronensibus* custodiis stipendia deflagitantibus non erogarent, nec illis, unde alerentur, suppeteret, exterriti sunt: eaque vero verior fama, non solum recentem pedit-

ditatum eo contendente retentavit, sed & ex urbe veterem evocavit. Etenim cum hac de causa seditione commota rixosi milites tumultuarentur, nec Caesaris Quaestores inopia perurgente quicquam extollerent, ad *Venetos* duo pugnatorum millia desciverunt. Qua de re lætati admodum Principes *Veneti*, cum in dies magis ac magis obstreperent militares querelæ, magnam in spem sine ulla dimicatione prælioque potiundæ urbis erecti sunt: quam mox fefellerunt propinquum subsidia *Germanorum*, quæ magnis subinde copiis *Veronensium* auxilio saltibus *Tridentinis* eruperant; quæ suis adeo viribus suoque præfirmata robore convalescerunt, ut non solum ab hostili *Veronam* impetu defenderent, sed longe lateque pervadentia popularentur; ac continuis excursionibus *Vicentiam* atque *Patavium*, circumjacentiaque passim oppida gravius infestarent, atque diriperent. Nec his, solo milite *Veneto* resisti poterat, cum longe numerosior hostis præcelleret; *Gallicæ*que copię longius abessent; & ipse Princeps *Odetus* omnino pugnam detrectaret, nec ut militem educeret, ac socios tueretur, quantum ex fœdere subsidium implorantes, evinci poterat, causatus suum zonam militem perdidisse; nec solvendo Regios esse Quaestores. Itaque vagis & oberrantibus *Germanis* militibus, magnisque rem *Venetam* dispendiis semper adfluctantibus, *Pischeriæ* demoratum est: numulariæque rei, contrahendisque omni studio pecuniis impensius advigilatum. Quas cum *Galliæ Venetiæ*que repletis fœculis copiosius exprompsissent, movere castra, hostemque violentius ingrassari, communi decreto sancitum est. Expeditionem accelerabant assidue tumultuantes oppidani, quos onera tributorum alimentorumque tot in dies extracta prægravabant: adeo quidem, ut exhausta Civitas, omnique pæne nutrimento defecta, ad deditionem spectare videretur; & ipsi milites cum perpetua stipendiorum exigendorum molestia, tum civicarum tædio querelarum affecti, quotidie turmatim manipulatimque ad *Venetos* desciscabant, incomparabilibus sustinendæque militiæ sumptibus infinitis. Ergo cum obsidendæ expugnandæque urbi disposita cuncta & parata forent, *Gusolenum* omnes profecti sunt: cumque profluentem *Athesim* *Veneti* trajecissent, *Galli* cum jam *Sclusa* potiti forent in citeriore ripa confederunt, continuis hostem incursionibus divexaturi. Mox omnibus admotis ordinibus, cum ope summa Civitas oppugnaretur, omnemque vim tormentariam sutoria porta sustineret, sive casu sive dolo, dum fervidius & properantius æquo com meat, excitatus ignis tanta clade continenter exarsit, ut jumenta, currus, agalones, omnemque funditus pulverem exuret. Tunc itaque tormentalis ministerii cura Provisorum animos distinuit: ipsique castrorum Præfecti reparandis bellicis instrumentis, ac fune, curru, pulvere, omnique tormentario appendice comparando studiosius incubuere. Sollicitudinem ac diligentiam præcipitabat cura molestior, mentemque districtam intorquebat, moræ diuturnioris impatientia. His siquidem diebus Caesarem, ac *Gallum*, *Hispaniæ*que Regem designatum, percussis fœderis sanctitas æterna lege consentientes devinxerat; quorum alligari vinctis accesserant *Veneti*: quos inter omnes cautum erat, ut, si *Veneto* bimestri *Verona* subigeretur, illi sine controversia nutuque omnium cederet; quod si præstituto tempore *Venetis* eam debellare non potuisset, tunc sponte sua Caesar illam *Veneto* resignaret, si ducenta tamen prius aureorum millia *Venetis* ac *Gallus* ex æquo Caesari deprompsissent. Ut his ergo communibus sociorum damnis parceretur,

A declinarentque gravissimi sumptus impendia, totis viribus totaque vi laborantem extremis urbem fatis oppugnare statuunt. Paratis itaque dispositisque omnibus *Leone Lilio*que refixis castra movent; & ad *Sutoriam* Episcopalemque portam tormenta totis viribus impingunt: ut expugnatorum agmine bipartito tenues modicæque propugnatorum copię, dum hinc & inde distrahuntur, facilius evictæ succumberent. Verum dum cuncta præceleres expediunt, ardentemque omnes accinguntur, nodus incidit, quem de composito prudentes injectum æstimaverunt: quippe castrorum ordinumque Magistri perexiguam levemque pedarii roboris armaturam conquæsti, novos pedites, qui tantæ exsequendæ rei sufficerent, conscribendos ac deligendos ajebant. Quibus *Veneti* dum obtemperant, rem suo compositam ordine distulerunt; quam & laxius hostis prolatare tentaverat, subornatis, qui tormentariam stationem furtim ingressi, subiecto igne cuncta protinus inflammarent. Quod tentantibus male vertit: nam dum nova suisque majora viribus audent, incauti duo milites ex urbe obsessa sese clam ad hostes proripuerunt; ac dum *Gallorum Venetorum*que permixti numeris inter hostilia castra diversantur, deprehensi sunt; intortique continuo præconceptæ suæ fraudis indicem dedere; tum quas aliis flammis suis artibus instructi male paraverant, eodem ipsi supplicio crudeliter affecti pertulerunt. Interea ex *Patavio*, *Vicentia*, omnique circum tractu pedaria collecta manus coibat: ipseque conductitium militem advocans *Federicus Bozulanus*, quem *Andreas Gritus*, summæque rerum Provisores, ne quid *Gallorum* Præfecti causarentur, numerumque rariorem excusarent, ex stativis evocaverant, in castra profectus est; militarique exceptus alacritate, trajecto confestim *Athesi* portam Episcopalem, cum *Sutoriam* *Galli* tenerent, obsedit. Tum e regione urbis silice ferroque pulsandæ, tormenta suum in rigorem disposita, vastas moles evomere, expuereque grandiora saxa incredibili fragore cœperunt. Infecutæ muri prolantis ruinæ, contritæque solo mœnium apices horrifico sonore cuncta territabant. Quæ dum hinc & illinc obiter aguntur, ac ultra citraque profluentis ripas intenti omnes urbem expugnant, alio rursus casu pulveris incensi, res interpellata est: quippe dum temere *Gallica* barbaries improspectæque simplicitatis ministerium ignem defert, magnique discriminis scintillam tractat, hæc pulvisculo dilapsa, tanto coruscantes ardore flammæ excivit, ut ambusti alii, alii pedes manusque retri, nonnulli semianimes, dum erumpentis impetu *Vulcani*, radiis rotisque contorti currus agitantur, elanguerint; ipsique *Gallorum* Principes atque inter alios *Odetus*, cum indiscretæ furentesque flammæ perbaccharentur, in tutiora sese concito gradu proriperent; magno hostili risu, magnaque cachinnantium oppidanorum omnium procacitate, ac ultores Deos elata voce contestantium; usque adeo, ut hoc insultu, nimiaque soluti risus intemperantia tacti milites exacerbati præcipue barbari, contumeliarum ac conviciorum impatientes, vim omnem diruendis æquandisque solo mœnibus admoverent. Itaque magno tunc verberis geminatis tergeminatissimisque ictibus, omnium obices, quæ *Veneti Gallicæ* saxa pilasque torquebant, foraminibus magnis dispatuere: divulsaque compactæ molis jactum, referat deformiter aditus, in secreta recessus urbi penetrantia bellatorem evocabant. Oppidani e diverso propugnacula munimenta que omnia festini celereque præcipitare: celsos arduosque conjecta omni materia aggeres surrigere; profundiores fossas de-

cavato egestoque fabulo circumducere; pugnare fortiter, audacter consistere, viribusque contractis omnibus reluctari; tum organis levibusque tormentis, omnique telorum emissio genere proruentem hostem longius summovere. Assultu subito civitatem invalerat paulo laxius suis ordinibus abstracta cohors; perque rudera murorumque ruinas excedens ingrassabatur: ecce de improvviso facibus armati, accinctique medicatis ignibus *Hispani*, coacto agmine profilientes, attonitum hostem, ac undique pervolitantibus ignium globis afflatum rejectavere; ardoreque torrentis elementi consumptis pluribus, nigrantes alii, fumoque tenebrosæ caliginis obsiti, repedare statim in castra coacti sunt. Tunc omnibus iterum dispositis ordinibus quadrato agmine, de urbe expugnanda, assultuque majore vehementius impetenda distringendaque consultatum est. Placuerat *Venetorum Gallorumque* Principibus, albescente luce proxima, cælo matutinisque sudoribus irrorante, cunctis viribus adactis omnique admota validiore armatura, qua disiectis civitas mœnibus per ingentes denudata ruinas patebat, affilire: totoque circumventum hostem ambitu, varioque certamine conturbatum distrahere. Firma constansque fuit omnium opinio, si modo præmeditata consiliis Viri Principes executi forent, urbem expugnatore multo circumdatam, oppressamque multis armatorum millibus, perlevi modicoque *Venetorum* periculo pessum ituram: quoniam assiduis præliis delassati custodes, vigilesque continentibus excubiis fatigati, tum confecti pæne omnes egestate; rerumque cunctarum inopia, cum suo etiam stipendio fraudarentur, languentibus animis facile succubuissent. Sed rem factam interverterunt Legati Cæsaris, *Hispaniarumque* Regis Oratores: qui cum *Gallorum* in castra pervenissent, admissi propere, secretis *Odetum* colloquiis ab incundo prælio revocavere. Hic etenim simulato metu, magnoque repente commentitio terrore pervulgato, qui crebrioribus adventantium ex *Germania* militum rumoribus invaluerat, sublatis signis castra movit: & cum urbem invadere spe certissima victoriæ potuisset, nonnulla sinistrae suspicionis umbra perfusus *Villafranchum* abiit; *Andrea Gritto*, *Theodoroque Trivultio* comitante. *Jo. etenim Paulus Gradonicus*, *Andreae* Legati comes, *Manphrono* copias ductante, *Alboretum* tenuit: ut, agente longius *Gallo*, ipsi propius hostem infestarent; interciperentque, si quos penuria commeatus frumentatum, pabulatum, aut lignatum adigeret. Barbarus enim vano futili-que metus oborti velamento, legiones retraxerat: vociferabundus, sese *Mediolanum*, si res paulo durior impressisset, repetiturum. Quæ res *Veneto* gravis admodum omnibusque modis permolesta fuit: cum intolerabilibus dispendiis divexati, unius viri pugnam retractantis inconstantia, urbis potiendæ spe certissima laberentur. Itaque barbari contumaciam insolentis elatique superbiam molli-ter demulcere lenireque cœperunt: tum hortari, rogareque impensius, ne rem factam infectam vellent; ne conclamata desertaque desereret, neve suis sese manibus ingentem victoriam regereret; omnia suos ante pedes prostrata jacere; ne parata differret, ne rem frustraretur; non unam eandemque semper esse fortunam, quæ si obvio deprehensa capillamento non hæserit, inverso repente calvitio delusis insultat. Meminisse vellet, quanto fuerit olim laborantibus Gallis *Veneta* Respublica subsidio: cum præsentanea ope defectum & pæne fugientem exercitum *Venetæ* legiones revocaverunt, refecerunt, promoverunt; sociorum communia omnia communibus impensis promiscuisque sumptibus instauranda esse atque fovenda. Sciret *Venetam* Rempublicam, quanquam

A nunc attenuatam & debilem, nunquam tamen beneficiorum immemorem esse futuram: eoque semper animo præditam fuisse, ut in ipsam collata, pari manu, parique meritorum relatione compen-set officia. Ille quanquam *Venetis* parum afficeretur, gentilitioque sagulorum odio togam despiceret, quoniam tamen Regis mentem exploratam habebat, ne postulante *Veneto* prævaricator, regiæque contemptor voluntatis argueretur, uno assultu, unoque certamine, successum Martis experiri statuit: & quanquam alieno animo discreparet, ab ipsaque gerenda re prorsus averteretur, omnem tamen sese lapidem moturum extremaque pertentaturum omnia de plano professus est. Noctis igitur intempestæ conticinio suorum alas velitum præceleres, delecto cum peditatu per latas dispatentesque muri projacentis ruinas in urbem ire jubet; imparatumque hostem ac repentini casus horrore alienum, opprimere; tum disiecto suasque per latebras fugato milite, omnibusque subitario terrore perculsis, urbem custodia firmiore nudatam capere, parvoque negotio rerum potiri. Sed opinione sua suæque mentis conceptu vir alioquin non imprudens deceptus est; inquietæque urbis silentio, somnoque jugiter excubantis delusus. Pervigil quippe semper & attentus hostis, cum adventantem *Gallum* propiusque vallo suggredientem conspicaretur, signo repente dato socios excitat; arma capit; opem implorat; illico commotis omnibus, unaque conclamantibus voce, statim ad arma stationesque murorum discursum est: ac priusquam aggeres *Galli* tenerent, oppidani concito cursu provolantes, uno dissentis rigore telis, agminibusque confertissimis instipati fortissime resistunt. Tunc cum nihil ex sententia successisset, nec successurum ex voto quicquam barbarus arbitraretur, cum excitati omnes, ac ferro, tormentis, & facibus armati vehementer insisterent, receptui cecinit. Subinde tamen urbis capiendæ spes non modica *Veneto* alebat: quod bellorum nervi, quibus maxime res militaris intenditur & invalescit, *Hispanum Germanumque* sua semper in casum stipendia flagitantem, emolliverant ac delassaverant; nec præsentis pecuniæ numerabantur, nec spes ulla numerandarum firmior subrepebat; cum jam pridem effoetum & inane Cæsaris ærarium deflaccuisset. Interea tamen ferro flammisque truculenter agebatur: levibusque præliis, si quos obvios fortuna contulisset, ardentem invicem sævissimeque decertabant; alternoque reciproci Martis fluxu refluxuque, nonnullæ arces oppidæque, municipum incomparabili jactura, nunc ad Cæsarem, rursus ad *Venetum*, ut asperior in diversa bellicus turbo propulerat, desciscebant. Et quidem *Veneti* cum antea *Sclusam Crovariamque* recepissent, iterum consurgente, dubiique Martis resæviante procella, nuper amiserunt: sed arces inter omnes pulsata jactataque majore bellorum æstuario *Crovaria* gemebat: quoniam importando commeatu omnibusque *Veronæ* suppeditandis utensilibus, idonea præ cæteris habebatur. Ergo cum *Aquilini* milites *Leoninis* illam faucibus extorssissent, *Veneti* rursus eandem omni studio recuperare nituntur. Itaque *Mercurius* omni suo cum levi equitatu, *Theodorus Manaseus* Epiroticis cum cohortibus pileatis, totoque cum peditatu suo *Babonius*, trajecto amne dispositas hostiles turmas, suis viribus contractis omnibus invadunt: invicemque stataria pugna congressi decertantesque, manum ferocissime confertant. Hostes animorum corporumque strenuitate præpotentes & validi sustinere impetum, consistere fortiter, acriterque depræliari. Ardentes utrinque valentissimique Ductores, utrinque impigri durique milites, ac omnium experti gnarique rerum, cunctis

cunctis admirandam memorabilemque per sæcula pugnam fecere. Ergo cum utrinque viri præfereces æquo diu Marte dubioque certamine dimicavissent, exacerbati *Venetæ* militiæ Proceres, omni sua coacta vi, acrioreque in adversa agmina impetu facto, tandem rejectatum hostem percellunt & fugant. *Crovaria* capitur, hostis cæditur, rebellis trahitur. Mox cum palantes vagique per ardua montium, amissaque *Crovaria* moesti subtristesque Cæsariani milites, sua sese diversis ex saltibus ad signa recepissent, redintegrato agmine, reparatisque copiis validiore *Venetum* incursum militem impetunt: truculentius ingrossantur, ac pulsatum impressumque vehementius exagitant; *Crovaria* recuperatur, classis advehitur, commeatus importatur. Tunc ira perciti, omnique rabie præfurentes *Leonini* milites, quos & amissæ tam celeri fato *Crovaria* dolor accenderat, inflammaratque diripiendi commeatus libido, qui præpropera victoris felicitate subvehebatur, instauratis viribus, omnique instructa acie, turmas in hostiles, acuminatumque ferri præminentis rigorem provehuntur: præcipueque *Mercurius* cum amnem vado trajecisset, illumque sui levites secuti forent, Cæsarianos irrumpit, exculcat, proterit; onustam commeatu classem avehit, dissipat, mergit. Parte alia *Babonius*, tam strenue bellicam operam navante *Mercurio*, *Crovariam* ingruit, hostem fugat, oppidum capit. Assertam, amissam, recuperatam, tanta cæde periculoque *Crovariam*, ne rursus hosticam in ditionem recideret, jugoque *Germanico* subigeretur, *Veneta* sollicitudo diligentiaque providit: cum maxime Cæsarem ex *Tridento* novos commeatus, novaque *Veronæ* præsidia sumministrare certior fama vulgasset. Proinde *Veneti* peditatu, equitatu, bellicoque omni instrumento *Crovariam* emunivere. Quo factum est, ut novis adventantibus subinde copiis auxiliaribus, non resistere modo, sed occurrere, omnemque *Germanicam* manum avertere, præstantes *Veneti* pugnatōres Ductoresque fortissimi præsumpserint: succedenteque mox in dies prosperiore fortuna, commissum oppidum concreditamque arcem alacriter tuerentur, atque defenderent. Sed non iccirco Principes *Veneti* minus curis, ingentibusque molestiis affligebantur: quoniam afferendæ urbis *Veronæ* magna *Gallicis* in legionibus barbarorumque præsidiis sita spes erat. Quorum mentis elatæ distortique ingenii Ductor erat *Odetus*, quem sive naturali *Cisalpinos* inter *Transalpinos*que dissidio, sive propter insitam viro superbiam, blandimentis evincere, nec ad ullum pactæ fidei percussique foederis obsequium trahere poterant. Hic, ut pecuniam opulento *Venetorum* ærario decederet, adroderetque pertinaci dentifricio marsupia eorum, vel ut suo orbem digito vertere, temperareque suis rem bellicam edictis videretur, in obeunda expeditione, experiundaque Martis fortuna semper importunum aliquid excusabat; *Mediolanum*que de proximo suis cum copiis recessurum minabatur: quoniam ægre sui milites sustentarent, refugerentque castrorum incommoda, quæ diuturniore bello fatigatis ingerebantur. Itaque quæcunque vir insolens mandaret, ediceret, exigeret, sive militem stipendiaque, sive commeatum atque tormenta, nulla dilatione moraque ea omnia præsentare statim oportebat; omnibusque modis ejus insolentissimæ morem gerere voluntati: adeo quidem ut Princeps Senatusque nonnunquam stomacharetur, maleque dissimulatam indignationem multo livore decoqueret. Sed & cliunde divexati gravius *Veneti*, majore curarum impressione distortuebantur: nam cum nihil impensius agerent, quam æterna Cæsarem pace, reliquosque discordes bello Reges, coire, perpetuisque foederum vin-

A culis alligari, longe alieno, dissimilique votis suis eventu, rem succedere sentiebant. Unus siquidem ad interturbanda confundendaque omnia natus, quæ maturandæ confovendæque paci remedia proponebantur, ea *Venetorum Gallorumque* perpetuus hostis *Matthæus Sedunensis Brittaniam, Burgundiam, Hispaniam, Germaniam*, inquietissimis incitatissimisque cursibus peragrandō semper avertebat; & si quando Cæsarem Gallo propensorem, *Hispanumque* pariter illis acclinantem animadvertisset, repente medius intercedebat; & hos & illos commentis suis & exquisitissimis artibus suadendo, dissuadendo, hortando, dehortando, cum averfa repugnantique voluntate commisisset, longius distrahebat. Ergo cum nonnullam pacis ineundæ spem cum Cæsare *Venetis* concepisset, eam interfonante bellorum tonitruo *Matthæus* abortivam excussit, omnique vir ope ferox, & industria diligens, opportuna advocavit: ut diruptis foederum vinculis, omnique salutiferæ pacis mentione repressa, *Venetorum* præjudicio bellum Cæsar extraheret. Hoc impulsore tunc ex *Germania Tridento*que, duplicata militibus stipendia perferri, concrebescētes sermone omnium voces evulgabantur: evidenti manifestarioque differendi belli discludendæque pacis argumento. Et ipsi quidem Cæsaris Legati, qui prius acquiescere dictis legibus, assentiriq̃ue foederibus inter *Venetum Maximilianum*que feriendis videbantur, discrepabant; resiliabantque scrupulis ac sentibus semper injectis, & ipsimet quoque vociferari frequenterque jactare, Cæsaris averfam esse voluntatem; nec ullam Senatui *Veneto* resignandæ spem urbis subesse: quoniam ducentis aureorum millibus ex Cæsaris proposito redempturus eam *Franciscus Rex Gallorum* foret. Quæ *Veneti* molestissime gravatimque ferebant: cum bellum extrahi, prolatarique laxius, ac infinitos sumptus, augeri, suorum inæstimabili jactura populorum, viderent.

D Quapropter literis internuntiisque Regem sæpius hortari, frequenter orare, nonnunquam obtestari, ut quorum auxiliis ex periculossimo bello sospes evasisset, quorumque præsidio quondam rem suam strenuissime defendisset, eorum dignitatem fortunasque propitius tueretur; durum Cæsarem obstipæque cervicis, quem evincere ipsi nullo modo poterant, nec ad ullam redigere pacis tranquillitatem ad id temporis evaluerant, illiceret, emolliret, inflecteret: æquum esse violenter ablata primum omnium restitui, *Veronam* suos veteres ad dominos redire; suis omnia juribus subjici; tum reddita suarum cuique rerum possessione, redintegratisque omnibus pacem asserere, assertam sancire, sancitam tueri oportere. Rex *Franciscus* egregie pro *Venetis* animatus, proque Republica eorum fide præditus inclyta, literis monere, hortari, ne bene jacto pacis fundamento diffiderent; melioraque deinceps omnia, Diis faventibus, augurarentur esse futura: jam siquidem Rex *Hispaniarum* Gallicano devotus obsequio *Lilinae* voluntati propensius indulgeret, quem Rex ipse *Franciscus* more majorum *Divi Michaëlis* exornasset insignibus; cujus opera ministerioque Cæsarem *Veneto* conciliatum iri propediem sperabat. Alia præterea multa significare Rex bonus piusque, percussu foederis tenax, ac fidei candidus observator in medium asserre. Quibus reffecti *Venetæ* Reipublicæ Procuratores, prægravatque *Ærarii* dispensatores, emergentia bellicorum quotidie damnorum impendia patientius tolerabant: non absurde conjicientes, actutum hujusce rei finem esse futurum. Proinde cum fatigati omnes molestiore bello Duces Principesque boni consularent, nonnullique summo studio niterentur, ut excusso tandem ferro, quo præduratæ bellatorum manus occalluerant, olivam prætenderent,

rent, plurimique Regum Oratores eam ob rem contractandam in unum coivissent, placuit *Maximiliani* Legatis, qui prius nomen *Venetum* abhorrebant, quique foedus cum ea Republica percussu gravabantur, dictis a *Gallo* legibus obtemperare, quibus cautum erat: *Ut Cæsar Gallusque pacem percuterent; induciæ Veneto, duo de viginti menses irrogarentur; Veronam suis cum finibus Francisco Gallorum Regi Cæsar traderet, illo vicissim Cæsari ducenta aureorum millia refundente; tum Ripam, Roveretum, & quæ in Foro Julii Cæsar occuparat, teneret; Venetus pariter, quæ Regis Romanorum essent, possideret: donec Hispaniarum Galliarumque Reges electi iudices, appensiori cognitæ examine controversias eorum dirimerent.* Quibus cum assensu mutuo fideque reciproca Regum Oratores astipularentur, ne per ipsos comprobata, discordibus animis invicem domini repugnantes rescinderent, æquam dilationem, qua suis gesta nominibus & jure & religione rata haberent, duodecim suspendia dierum pacti sunt. Interea, qui Cæsarem sequebantur, *Helvetii*, quique *Matthæo* impulsore promoti fuerant, cum alienatum distracta voluntate Cæsaris animum, Galloque contentientem animadverterent, ipsosque pactas per inducias *Venetos* in foedus sensim insinuari, itidem & ipsi cum *Gallo* pertentant; multisque postea susceptis aureorum millibus in ejus verba juraverunt. Igitur præfixorum exacto duodecim curriculo dierum, cum interim Cæsar *Hispaniæ* Regem emouisset, ut pacem, inducias, cæteraque in stipulationem suo nomine deducta, confirmaret; idque suos etiam per Legatos Rex *Franciscus* exsequeretur; nec ipse Summus *Hispaniarum* Arbitrator & Disceptator, ab optimo communis otii publicæque tranquillitatis contractu dissentiret: exquisita, desiderataque diu, votisque omnium exoptata, pax tandem solidata consancitataque est; & ubique locorum frequenti tubicinio, cunctisque gaudentibus & exultantibus promulgata. Tum more nostro supplicationes decretæ, actæque Diis immortalibus ad aras & pulvinaria gratiæ. Ad hæc perpetuo lumine summis turribus excitatæ faces: triviis, quadriviis, omnibusque compitis, ardentissimo conflagrante rogo, flammæ tanta claritate præluxerunt, ut nox diem vinceret, & quæ prius obsita curarum tenebris fuligineque molestiarum insqualuerant, nunc coruscis emicantium gaudiorum splendoribus illustrata fulgerent. *Venetis* omnia, quæ summo apparatu, summaque ferculorum pompa, per sacerdotes perque Pontificem in tanto lætitiæ restagnantis fluctu delubris lætisterniisque Deorum exsequenda fuerant, accuratissime, piissime, religiosissimeque factitata sunt: dicta carmina, dictæ laudes, rhythmisque suis preces decantatæ; intentæ, remissæ, suisque modulis intersonante organo voces inflexæ, divina pæne cælestis concertus harmonia, novam inusitatamque mortalium animis hilaritatem contestabantur. Ad hæc æris exagitati perpetuo pulsu crepitus substreptentes, quid sane mirum ac perjucundum inesse mentibus hominum emonebant. Imperio præterea *Veneto* urbes adscriptæ, devotæ arces, addicta oppida, quæque *Divi Marci* reverenter suppliciterque Majestatem gentes adorant, pari mentis exhilaratæ lætitiæ, parique feriarum obsequio *Venetos* affectus prosecutæ sunt; abundeque festivæ mentis adgestientisque animi sui jucunditatem omnibus ludicrorum ac tripudiorum argumentis declarare. Ipsa mox præcandente nota dies, alboque suo præsignata est, & in fastis redacta, quæ post exactas tot clades, tamque sævi Martis pestilentissimam luem, exortæ pacis lætitiæ amœnitatemque futuris gentibus ac populis omnibus intimaret. Hæc cum latius atque diffusius ebuccinante fama, *Ve-*

ronæ castrorumque Præfectis innotuissent, *Maximilianique* literis Cæsarianæ militiæ Ductores singulorum admonerentur, nec dissimili nuntio *Gallicanæ* Magister armaturæ fociis Regibus constabilita calleret, bello temperavit; exindeque populationibus ac flammis, vinculisque captivorum, ac cædibus requies data: donec, Legato Cæsaris adventante *Tridentino* Episcopo, propriumque ad arbitrium cuncta disponente, suam res veterem formam accepit. Hic siquidem *Veronam* Hispani Regis nomine susceptam, cum appulisset, eam *Odeto*, regias vices agenti, tradidit: quem prius ipse Præsul arbitris semotis omnibus prævertere seducereque multo sermonis mellificio tentaverat. Et enim quanquam exterorum placita Regum eo tenderent, ut manu Cæsaris avocata civitas *Francisco* Regi *Galliarum* emanciparetur, secretiore tamen inter *Venetum* *Gallumque* tractatu convenerat, ut *Verona* protinus in antiqua *Venetæ* ditionis jura recideret: priscisque dominis suis addiceretur. Quod perindigne Cæsar ferebat: & cum illam ipse nimis obaratus relaxare cogeretur, quod ærarii sui tenuitas bellicis sumptibus non sufficeret, *Francorum* Regem magis quam *Venetum* potiri rerum malebat; siue quod *Lilinum* potentiam barbaricamque temeritatem minus suspectam, quam *Venetæ* sagacitatis cunctationem haberet; siue quod cum apprehensa *Leoninis* unguibus inhæsisset, revelli posse eam omnino desperabat. *Tridentino* igitur Episcopo domini sui causam perorante, seducitur *Odetus*, plurimoque circumventus hortatu sensim in eam sententiam illectatur, ut tradendam sibi statim jussu Cæsaris *Veronam* retineat; neque alienam in manum devolutum iri patiatur: cum ea validum promurale, firmissimumque defendendæ citerioris *Galliæ*, protegendique latioris imperii sui propugnaculum esset; male perperamque *Gallicis* cum rebus agi, si eam extorqueri de manu sua patiatur; regiæ fidei satisfactum esse, si ejus opera ministerioque *Brixiam* *Venetus* recepisset; non etiam malum cumulari; si *Veronam* aliquando *Veneti* possedissent, possessuros actutum omnia, ultroque Regem laceffituros & illaturos arma minabatur; suisque vulneris dolorem alienæ cicatricis medicamento fovebat; proinde omnes, ut in commune consularent, sibi perferenda in re tanta caverent, quoniam sera ea esset pœnitentia, quam irrevocabilis jactura castigaret, hortabatur. Hæc & hujuscemodi cum auscultabundo arridentique *Odeto* Præsul contulisset, obtemperaturum se dictis ejus non esse magna animi sui cum molestia professus est: præfixamque Regis voluntatem, inviolabileque fidei *Gallicanæ* propositum excusabat; integritatemque suam plane non integram, integritate Regis ejus, *Gallicanæ* fide perfidus commendabat. Neque enim ambigitur, si liber, nec obstrictus alienæ voluntati, cuncta ad animi sui arbitrium agere potuisset *Odetus*, neque *Brixiam*, neque *Veronam*, aut oppidum vel arcem ullam *Veneto* relaxaturum fuisse, cum ipse perniciosa dominandi libidine, tum nimia animi sui elatioris arrogantia, qua cæteros omnes semper contempsit: verum cum iusta declinare non posset imperio Regis obnoxius, qui neque fidei sacramentique religionem, neque suscepti beneficii memoriam interleverat, oblectus est. Ergo cum neque Regis voluntatem frustrari, neque rem differre longius, æris inopia perurgente, Cæsarem oporteret, appeteretque dies transigendo negotio destinata, Cæsaris Legatus *Veronam* *Odeto*, *Odetus* *Veneto*, quanquam invitis dentibus invitisque manibus, clavium oblatione resignat; desideratamque votis omnium possessionem, totque per ærumnas ac partis utriusque calamitates, ac civium populorumque ruinas expetitam, *Andrea Gritto*, *Pauloque Gradonico*

Legatis *Venetis*, suæque Reipublicæ nomine suscipientibus, tradit: excedentibusque propediem *Gallis*, ac omni barbarica protinus evadente militia, quam per tot annos debilitati manique cives foede miserabiliterque sustinuerant, domesticæ familiaresque custodiæ successerunt; refulgentibusque passim *Venetis* insignibus, multisque dimissis in hyberna militibus, aliis impetrato com meatu religione solutis, militum vernaculorum prætaxata civitatem observavere præsidia. Tum civicis rebus componendis, reprimendis seditionibus, jurgiis militaribus compescendis, summæ rerum provisores mentem adverterunt; dehinc licitandis vectigalibus, exigendis portoriis, censuque publico in ærarium redigendo, cura successit; mox deligendo Prætor, Præfecto, Quæstore, omnique ex ordine Magistratu creando, suam Patres operam navaverunt; protinus Curiam, Foro, suisque de more Litibus exercendis vacatum. Exinde, qui res novas moliti fuerant, quique pernicioso reatu perduellionis arcessébantur, sive quia Cæsarem secuti forent, sive quia *Gallum* diversiore studio complexarentur, edicto publico veniam acceperunt: ne tanta dies illustri lætitia, tantaque Nobilium & vulgi plaudentis hilaritate conspicuus, tetra noxiorum caligine suffusus obscuraretur; neve præpurum enitentis animi candorem, reprobi sanguinis notæ respergerent & macularent. Unum etenim paremque omnibus tantæ jucunditatis affectum Augustissimus Princeps, *Venetique* Patres Conscripti, esse voluerunt, qui, redintegrata sua ex Republica, recompactaque dissolutæ molis compage, bonorum civium benignis mentibus emicuisset: ut hoc omnes tanto communique bono fruerentur; ut eadem perspicui solis claritate, eadem alimentorum alimonia, eodemque cæli feliciter irrorantis sereno æque omnes viverent, æque omnes lætarentur ac gauderent; & si quos atrox & impia suorum intorsisset conscientia scelerum, largiore Senatus indulgentia victi oppressique cumlatiore beneficio sanctius purgarentur; seseque deinceps emendati lenius ac mitius meliorem ad frugem sponte sua reciperent. Nec enim satis liquet, an plus bonis moribus conferat Princeps, qui bonos patitur, quam qui cogit. Amara est omnis violenta correctio, quæ sæpius, dum lege sua concutitur, frangit; & quæquam justis incussa flagellis non rumpat, certe dolet: at ultronea, quæque suorum reputatione delictorum expenditur, salubris est; collatorumque provecta vehiculo meritorum longius excurrit, acrius penetrat, firmiter promanet. Sunt quos nulla terrere possunt supplicia; nec ullus infligendarum metus poenarum flagitio cohibere potest; quos interrogata venia tanto confusionis rubore profundit, ut majori conscientia suæ, quam carnificis fustuario molliter emendati cæteris deinceps præstiterint, quos nulla viti-
 Reipublicæ, invictæ, inexorabilisque censuræ est, fuitque semper *Veneta* Respublica, quam vel ipsis splendidibus ac nitidis auri sordibus corrumpere inficereque posse, lymphati animi, deliræ mentis, extremæque vanitatis & dementiæ est: vigit, vigeatque semper æternis justitiæ viventis accensa luminibus; nec pervigilem sempiternumque sui juris ignem extinguunt superfusi pestilentium fluctus aquarum, laxatæque nocentium viti-
 omenda-
 tiorum undæ. Sic enim instituto moreque majorum informata coaluit *Veneta* Respublica, ut publicæ disciplinæ vigorem nulla tempestas unquam inflecteret; nulla sævior procella conturbaret; nullus violentior turbo propelleret: verum cum utilitas publica, bonique majoris ratio suadet, exigitque legum nexus contrictos emolliri, dilaxantur, exasperataque rigentiori contractæ frontis supercilio

A dirium quæstionum crudelitas, permittit. Tunc ferales carnificum mensæ, pendentiaque suppliciorum flagella, quæ reorum turbam circumsonant, ad lenitatem clementiamque flectuntur: ne præscripto legum exactæ severiores poenæ, jus iniquum ex æquo faciant; & quæ sedari componique oporteat, magis exagitata turbentur. Et tunc sane præstitit, conduxitque Reipublicæ nocentibus & noxiis parcere, quam delicta severius exsequendo publicam lætitiā impiorum cruore funestare, ne illimes purique fontes, qui tanto gaudiorum melle dulcescebant, aconito dolorum amarescerent; indeque gemitus & lachrymæ promanarent, unde ludi, risus, jocique sperabantur. Magnæ censuræ est aliquando censuram cohibere; magnæque severitatis aliquando non esse severum. Venenum, quod ægro propinant docti præstantesque scientia Medici, si non emendetur, manumque solertiore corrigatur, interficit. Expedit furentis æstus febris lenire, molliterque subblandiri, quam acriori medicamentorum antidoto præfocare: illic quidem sensim opportuneque mitigatus ardor subsidet & conflagrescit, sed ægro bonam valitudinem præparat; hic dum importune subitarioque remedio curatur, enecat & extinguit. Vidi ego sæpe intractabiles severosque parentes, & in suorum errata filiorum asperissimos, aliquando dissimulare, dormireque nonnunquam suorum in persecutanda vita filiorum: ne singulorum severius exacta ratio magis officiat, quam proficiat; ac dum adamussim omnesque numeros sollicitus pater cuncta disquirat, commotus juvenis & inconsulto calore præceps, conculcata despectaque paternæ disciplinæ reverentia licentius divagetur, & penitus oberret; patrique plus æquo molestiori, dum nimium succenset, graviora molitur, ac perditorum illecebris irretitus seductusque paulatim in omne scelus flagitiumque prorumpat. Igitur ex causa locoque temperandum est, atque alio alioque tempore aliter & aliter animadvertendum; præmonente Poëta:

Temporibus medicina valet; data tempore profunt,

Et data non apto tempore vina nocent.

Cum præsertim Pontificum legumque monitu variatis actibus statuta quoque variantur humana; & ex sæculi cujusque licentia aliud & aliud prudentia juris indulgeat. Itaque non immerito sed optima ratione inflexibilis *Veneta* severitatis rigor inflexus est; immobilisque censuræ suæ constantia dimota est: & ipsa ferri ultoris acies, qua feriendus alias reatus fuerat, publicorum impetu gaudiorum contusa relisæque collanguit. Talis tantæque jucunditatis nectar veneno mœroris inficere, hilarescentiumque animorum serenitatem pallio lugentium obumbrare obnubilareque, par non erat; nec quidem æquum fuit damnatorum suppliciiis, præsentis lætitiæ pietatem impiare. Ille cum rebellium admoneretur, ut tolleretur: *Ergo plures*, inquit, *habebimus ex victoria nostra inimicos quam amicos*: Antoninus Philosophiæ sacrarium, a Senatu, ne quis ex adversariis graviter puniretur, impetravit, ne suum pollueretur Imperium; caputque defectionis humari iussit, cum ipso non jubente esset allatum; qui etiam confisos puniri requirique vetuit; qui deportatos revocavit; proscriptos restituit; *Antiochensibus* ignovit; qui *Alexandrinis* pepercit; qui non posse ab inferis occisos revocare, ut ignosceret, conquestus est. Cujus mira sunt clementiæ & pietatis exempla: qua nihil quicquam est, ut ipse, *Volcatio* referente, scripsit, quod Imperatorem *Romanum* magis gentibus commender; quæ *Cæsarem* Deum fecit; quæ *Augustum* consecravit; quæ *Trajanum* nobilitavit; quæ *Pium* tanto nomine decoravit; quæ hunc ipsum *Marcum Antoninum Philosophum* ita popularem & amabilem omnibus fe-

fecit, ut lugendum illum non esse censerent: existimantes, quod a superis demissus, humanoque generi commodatus, ad Deos rediisset; cui etiam templum erexerunt; sacerdotes instituerunt, sodales dicaverunt; ac omnia, quæ de sacratis olim decrevit antiquitas, constituerunt; cuius adeo favorable nomen & omnibus admirandum fuit, ut illius imaginem in domo non habere, si per fortunam licuisset, sacrilegium judicaretur, cuius apud Deos immortales tanta fuit auctoritas, & ingenitæ pietatis reverentia, ut, *Capitolino* teste, cum siti laboraret exercitus, nec flumina fontefque suppeterent, illo pluviam deflagitante cælo laxarent; & adversus hostica machinamenta, cum opis humanæ suffragia non prodesse, ipso deprecante fulmen intorserint; atque hic, qui se talem vivendo semper exhibuit, qualem vix ægreque potuerunt exprimere miranda ingenia, tot divinitus, quæ vera sunt, bonis insignitus, & in primis clementia, alioquin tamen in fontes & reos inexorabilis fuit. Rogo? quid Dei Optimi Maximi Iustitia iustius? rursus, quid ejusdem clementia clementius? quid illius pietate majus? quid misericordia excelsius? *Annuntiaverunt celi iustitiam ejus*; sed & illud scriptum est: *Misericordia Domini plena est terra*; connexa sunt & indissolubili vinculo copulata. Quibus ipse Dominus misericors & miserator & iustus, arbitrio suo suoque judicio, non nostro, decernit & judicat; quæ puniendæ sunt, punit; quæ temperandæ sunt, temperat; quæ rursus absolvendæ sunt, absolvit: sic, qui vicem in terris illius gerunt, boni Principes, sanctæque Respublicæ, quas non auri nec argenti colluvies inquinat; quas pravi distortique affectus non trahunt, nec retrahunt; quas in cognoscendis criminibus similtas avaritiæque non tangit; quæque ex publica utilitate, non privata, ex communi bono, non proprio, ex re, loco, tempore, moderantur, regunt, gubernant; quæque non præcipiti nec indiscreta voluntate tumultuantes, sed quiete, prudenter, mature, ex vigore juris, ex præscripto legum, ex indelebili tabularum albo suarum intendunt, remittunt; astringunt, illaxant; absolvunt, atque condemnant; quorum rationem exigere, disquirereque talium per singulos actus varietatem judiciorum, supremæ temeritatis est, & inscitæ vulgatoris. Quis vecors & nequam servus dixerit Domino, redde mihi hujus & hujus facti tui rationem, ut hoc & illud approbem vel improbem? quis litigatorum judici suo legem imponit, ut ex rei vel actoris arbitrio judicet, non suo? perabsurda sunt hæc, & insani furoris impetu, proVectis longe quadrigis delirantia. Alienum est, ut civis suæ Reipublicæ sui que Principis addictus imperio, divino concreditorum nutu gubernaculorum moderamen extorqueat; aut solio eodem cum Principe sedeat jura dicturus. Distincta sunt omnia: distinctæ potestates; jurisdictiones certo limite disparatæ; Principes regant; imperent Respublicæ; regnentque Reges: obsequantur alii, alii pareant, patientiusque regantur; & si quid non ex voti sui sententia factum animadverterint, quieto tamen placidoque animo perferant; idque sanctiore judicio, quam suæ mentis infirmitas assequi possit, factum existiment: quanquam humanæ quis adeo societatis expers est, omnique mortalium cognatione remotus? qui *Venetæ* Reipublicæ salubre factum impugnet? qui veniam a sanctissimo Senatu *Veneto* cunctis irrogatam detestetur? qui memorandum illustreque pietatis exemplum ceris expungat? quis ille Diis invisus, quis, inquam, est ille humano generi detestabilis, qui publicam hilaritatem, communemque lætitiæ hoc tanto beneficio cumulatam non laudet, attollat, ac prædicet? Lamentabantur atque gemebant, prostra-

A ti, conculcati, reliisque omnes, magna ingenti-
que diuturnioris belli pressura; nec, qui tantæ cladis expers esset, quique harum non gravaretur ponderibus ærumnarum, monstrari poterat. Excussi, jactatique bellicis procellis omnes, his undique fluctibus armorum ingruentibus omnes adobrutifuerant. Reddita tandem est omnibus saluberrimæ pacis tranquillitas; & exoptati portus induciarum, adaperiti tandem omnibus patuerunt; defecato atra nube polo, omnique conglomerata caligine cælo deterfa, perspicuus clarusque sedato turbine dies omnibus tandem subluxit; solemque suum sua sidera norunt. His gaudiis interstrepabant formidabiles terrore suo Gemoniæ, tantamque lætitiæ interpellabant matura criminosis suæque Republica descendens supplicia. Veritum est deferri; veritum inquiri; nullam defensor aquam metitus est; nullum patronus pulverem excussit: quoniam exclusus accusator delatorque summotus est; impii tortores sævique carnifices fiduculas *Æaco* feriente solverunt; mitigata est publicæ disciplinæ severitas: & ne luctus mœrorque delicti ex lege deplectendi, publicæ voluptatis gratiam adimeret, Senatus *Venetus* irrogata cunctis venia providit; uno omnes edicto pariter absolvit; diem nulli Quæstores acerbius dixerunt, nullum in jus vocaverunt; nihil omnino districtius cognoverunt: viverent omnes, gauderent omnes, omnium securi; suas sibi fortunas omnes partas ac relictas haberent; omnes una parique lætitiæ, una omnes jucunditate fruerentur. Beata dies, omnique beata luce beatior; auspicata dies, omnique auspicio auspiciatior: felix, inquam, & fausta dies, ipsaque felicitate felicior & faustior, quæ post tantas strages, tantasque post incendiorum faces, quibus pæne tota *Venetæ* Regio, collimitiis cum adjacentibus, omnique pæne Sinus *Adriatici* tractu perusta est, omnibus serena, mitis, clementique reluxit; quæ Principem Rempublicam civibus suis, suæque Reipublicæ cives suos reddidit; quæ post emissos bellicastrorumque fragores, post ingruentia rebullientium præliorum æstuarium, quibus pæne omnes præfocati sunt, securiore pacis domicilio collocavit; tutiore gremio veniæ confovit; confotosque deliciarum blandimento delinxit. Obstupuerant defixi prærigentesque mortalium animi, consternatique terrifico tubarum horribilium sono delanguerant: instaurati, resecti, recreatique degustatæ pacis alimonia roborantur; coalescunt, confirmantur; mellitis illius cibis enutriti omnes hilarescunt, exultant, pinguescunt. Pacem quidem omnes amant, amplectuntur & diligunt: sed non minori tamen affectu veniam omnibus impartitam *Venetæ* Reipublicæ beneficio prosequuntur. Omnia laudant, omnia extollunt, omnia Principis Augustissimi Sanctissimique Senatus *Veneti* dicta factaque suis laudibus commendant: sed expleri nequeunt, nec tam illustris inclytique facinoris contemplatione satiari, quo pii impiique omnes fontes infontesque lætantur, ne quem districtus juris gladius caderet, quem hostilis mucro non percussisset; neve forensi vindicta, ferroque legum tollerentur, qui divinitus conservati tanto bello superfuerant; ac non solum præsentis, sed & deinceps omnique ævo nascituri, nec solum, quos propinqui sanguinis sui conjunctio, aut amicitia sanctioris affectus, vel soli genitalis charitas astringit, sed & peregrini, extorres, alienigenæ, pari succo voluptatis illecti, parique gestitantium choro tripudiantes, solverentur, mollescerent, eliquarentur. Et ego quidem, qui forensibus subfelliis sequestratus, abstractusque tribunalitia cognitione, stilo nonnullos annos historico transegi, tot *Venetæ* Reipublicæ calamitatibus, universæque nationis hujus atrocissimo bello, lectitando, scriptitando-

que fatigatus, pæne retrita jugum cervice pro-
traxi, salutarem exitum & hospitalem finem,
ubi merito conquiescerem, ac velut ex naufragio
in portum receptus coronatusque celestis can-
tarem, quærebam. Datus est locus, quo merito
supremum actum clauderem; ac post ardentissi-
mas exitialis calamitosique belli faces extinctas,
compressosque delugentium fletus, ac retrover-
sa flumina lachrymarum, quas hostilis rabies in-
sanusque furor præcipitavit, ipsis cum omnibus
exultarem atque lætarer; amœnaque Genialis sub
umbra platani contemplabundus, toto collectæ
mentis intuitu, præcellam *Venetæ* Majestatis spe-
ciem recolens, otiarer, lusitarem, oblectarer:
ageremque Diis immortalibus immortales gratias,
quod Illustrissimæ Inviçtissimæque Reipublicæ
beneficio & indulgentia largiore vivere liceret;
quod bonis lætari, præmiaque sperare; quod
deterioribus emendari, malisque corrigi fas es-
set; quod Summi Optimique Principis *Andree*
Gritti, quod Sanctissimi Senatus *Veneti* gratia
dignitatibus, fortunis, honoribus, omnes frue-
rentur; tum devota supplicique voce comprecan-
dus contestarer & obsecrarem, ut quando piam
hanc ansanctamque Rempublicam ab imminente
periculosissimoque bello sospitem exemptamque
cladibus ac ruinis, quas per tot annos barbarica
manus invexit, esse voluissent, sic etiam perpe-
tua ejus imperii gubernacula, quantum Divini
Pontificiique Dogmatis ratio patitur, esse vel-
lent; duplicatosque magnos annos, quos primus
orbis majore circumactus gyro, pigriorique in
se ipsum recurrens torpore convolvit, supra

A suas cæli stellas, supraque maris harenam in o-
mne ævum extenderent: ut hæc una sit inclyta
felixque Respublica, quæ, cæterarum pace ve-
niaque omnium dixerim, & morum sanctitate,
& moderaminis integritate, ac ævi prolixioris la-
xitate merito præcellere præcelluisseque cæteris
omnibus, quæ sunt, fuerunt, futuræque sunt,
glorietur. Quod præstaturos Deos Immortales,
amplioraque beneficia deinceps elargituros spe-
ramus: & si quid veri mens augurat, opto. Per-
gite modo, Patres Conscripti, vestrisque totis
viribus intendite, ut a majoribus vestris tradita
gubernandæ Reipublicæ tanto moderamine di-
sciplina, susceptaque a vobis, & in hanc diem
religiosissime sanctissimeque custodita, modis o-
mnibus inviolata servetur; ut exactissimus absolu-
tissimusque justitiæ vestræ rigor, (justitiam cum
dico omnia dico) tanta semper a vobis ratione
perpensus, ut indiscreta Nobilitatis ac sanguinis,
summique Patriciatus ac Principatus prærogati-
va cunctos tenuerit, incorruptus, indeclinabilis,
intemeratusque permaneat. Bonum enim impe-
perium nulla vis lædit; nec Deo Optimo
Maximo quicquam altius infidet, quam eam
Rempublicam excipere, conservare, & utique
bonis augere quam plurimis, ubi ipse, id est justitia,
perennius & impensius diversatur, regnat,
dominatur: quæ semper a vobis, vestrisque ma-
joribus impolluta manu sublevata crectaque, ab
independentibus tot humanis casibus, fortunæque
violentioris impotentia, *Venetum* eripuit & eri-
piet, ac Diis propitiantibus custodivit, & custo-
dit, semperque custodiet Imperium.

F I N I S.

I N D E X

NOMINUM ET RERUM

NOTABILIORUM.



A.

Dorni *Genue* rerum, se haud diu,
potiuntur. 218. F. 219. AAgricola torpens castigatur &
corripitur. 45. FAiroldus (Linus) contra Gallos
ad Mediolanum fortiter pugnat.
261. E. F. 262. Acum Gallus rerum potitus esset, ultimo
supplicio afficitur. 262. C. D

ejus epitaphium. 262. D. E

Alarcon, magni nominis Duxor Hispanus. 242. C
245. AAlexander Pontifex auxilia ab Aureliensi poscit.
14. Amulta per Cæsarem Borgiam subigit. 14. B
19. C. D. 20. A. B. C. D

ejus obitus. 20. D. 21. A

M. nunquam majores quadraginta millibus
copias duxisse fertur. 99. AAlphonfus, Federici Regis Neapolitanorum filius,
cum patre in Galliam abit, & ibi extinguitur. 18. CFerrariæ Dux, cujus filiam, uxorem duxe-
rit. 20. F

paternum redintegrat imperium. 75. C. F

ei cives non inique parent. 118. E

Alphonfus, Ferrariæ Dux, ob prosperiorem Veneto-
rum eventum curis angitur. 119. DVenetum domicilio suo elicere pertentat.
121. E

dolo Venetum circumvenit. 121. E. F

Venetos noctu in castris suis, eorundemque
classem aggreditur. 122. Bnavem prætoriam a Venetis captam Ferra-
riam perducit. 123. Cob admotum urbi Pontificis exercitum magno
metu percellitur. 145. CLudovicum Gallorum Regem de auxilio im-
plorat. 145. D

semper a Gallo stetit. 190. A

cum Pontifice fœdera percussurus Ro-
mam pergit, verum, utrinque disparatis animis,
fugam molitur, & insidias ægre evadit. 209. Dde Ferrara Pontifici subjicienda admonitus
urbem munit, & omnia velut bellum excepturus
parat. 279. A. BAluifius in ipso Brixie umbilico sevientem gladio di-
laniatur. 179. DAmbasianus (Carolus) Georgii vel nepos, vel fi-
lius. 8. Cin eum Mediolani transfertur domina-
tio. 11. E

B. Arlunus, V Am-

Ambasianus (Carolus) Pontificiarum copiarum
Ductor, Bononiensem agrum invadit. 24. D
— — Mediolani Regias vices agit. 56. D
— — temere in Venetorum limites irruit, &
Trivillum oppidum capit. 56. D. E
— — cum ignominia repellitur. 57. A
— — militiæ Gallicanæ Præfectus, Vicentina
deprædatione percepta, succenset. 133. D
— — Bononiam impetit. 154. E
— — fuit militiæ parum prudens. 155. A
— — mortuus Mediolani in æde virginis se-
pelitur. 157. D
— — exequiæ ipsius describuntur. 157. D
— — in eum Oratio funebris fuit habita ab
Antonio Caroli filio, puero duodecim annos
nato. 158. B. C
— — (Georgius) Rothomagensis Præsul, Trivultia-
cæ factioni infensus, ei insidias fruit. 8. C. D
— — ejus adversus Trivultium ad Regem li-
tere. 9. B. C
— — Pontificatum Maximum ambit. 21. C
— — Venetam rem consilio juvisse visus. 76.
D. E
Amor patriæ quid non vincat. 101. E
Andreas, natione Græcus, a latronibus personatis
Mediolani spoliatur. 201. A. B
Angelus, copiarum Venetarum contra Alphonsum
Ferrariensem ductor. 121. C
Anna, Britannicæ Regina, Ludovico XII. Regi Gal-
liæ nubit. 16. A
Antignolius (Bernardinus) Marcicorum ordinum
Ductor. 242. F
Antoninus Philosophus, a Senatu, nequis ex adver-
sariis graviter puniretur, impetravit. 302. E
Antonius Caroli, Japhredi Præsidis filius, ora-
tionem funebrem habuit in Ambasianum vita fun-
ctum. 158. B. C
— — hujus oratio ingenii vires quantumvis
præcociæ & acerrimæ superabat. 158. C
Apuliæ Civitates, Venetis obnoxia, a Rege Hi-
spaniarum occupantur. 75. A. F
Aquæ ingens penuria apud Osopinos obsessos. 237.
E. F
Aquilarius, ob res gestas Magnus dictus, Calabriam
invadit. 18. D
Archiflumen prædonibus asylum præbens urbe exigi-
tur. 202. D. F
Argentinum à Venetis expugnatur. 184. E
Ariminum a Pontifice occupatur. 75. F
Arlunus (Bernardinus) Patavii Jus Civile edi-
scit. 4. F. 5. A
— — Nicolaum Baseliū perstringit, & Ve-
netos ab injuria expurgat. 45. B. D. 47. A.
48. A
— — panegyricum Carolo Cæsari nuncupa-
vit. 142. B
— — addit eruditionis Joan. Pici quinque
causis a nepote datis, sextam. 143. E
— — refutat, Picum veneno petiit. 145. A
— — fert sententiam de Concilio Mediolani
indicto. 154. D
— — possessione Malignani interturbatur.
205. F
— — communi omnium decreto ad Franci-
scum Galliæ Regem pro deprecanda pecuniarum
indictione scribit. 269. B
Arpanus fluvius. 150. D
Asula ad Venetos desciscit. 279. F
Athesis fluvius sævus & asper. 132. A
— crebris vorticibus innabilis. 132. A
Atteste a Venetis capitur. 244. A. B. C
Augustæ conventus indicitur. 125. E
— quo conventu Maximilianus Julii Pontif. O-
ratorem extrudit. 125. F
Auria (Hieronymus) jacturam classis Pontifici nun-
tiat. 136. D

Austrium a Germanis frustra oppugnatur. 87. F.
88. CF
Axilium oppidum a fœderatis occupatur. 134. F
B.
Babonius peditum Ductor ad recuperandam Cro-
variā mittitur. 296. F 297. C
Balionius (Paulus) Lucio Malvetio Gubernatori
sufficitur. 173. D. 224. E. 225. C. 227. D
— — Vicentiam ultronea deditione subigit.
173. D
— — fines Veronensium tenens a Gallis in-
vaditur. 176. C
— — hostes clade affligit. 245. A
Barba inexploto luctu prolixius enutrita. 3. D
D. Barnabæ Solennia quando celebrentur. 198. F
Basilius (Nicolaus) rerum Germanicarum scriptor.
44. D
— — quæ de Bello Veneto referat. 44. E
— — ab Auctore perstringitur. 45. B. C.
47. A. 48. A
Bataleus (Ludovicus) Castrum novum tenet. 172. C
Belli hujus gravitas brevissime exponitur. 245. E. F.
246. A. 251. B. C. D
Bentivolus (Alexander) fortune indulgentis aura
admodum provebitur. 26. D
— — (Annibal) Bononiam Pontifici eripere frustra
conatur. 25. F 62. B. C
— — (Joannes) a Julio Pontifice infestatur. 24. D
— — fœdera cum Gallo pertentat, & urbem
tradit. 24. F
— — Mediolanum abit. 25. A
— — in arcem Jovis perductus mox libera-
tur. 25. A
— — perpetuo mentis cruciatu & vitæ tædio
prægravatus obit. 25. B
— — ejus cladem futuram multa prædixere.
25. B
Benzonus (Soncinus) sub D. Marco stipendia fa-
ciens, Ascanium Sfortiam per insidias capit. 12. C
— — a Venetis ideo acriter corripitur. 12.
D
— — admittæ perfidiæ poenas suspendio luit.
12. E
Bergomates a Gallis ad Venetos desciscunt. 181. E
— — de expugnatione Brixie valde consternantur.
182. A
— — Legatos ad Venetos auxilii implorandi gratia
mittunt. 182. C
— — multis millium millibus aureorum ab extremo
patriam interitu eripiunt. 183. A
— — (Lactantius) Piscariæ rem Venetam tutatur.
76. F. 77. A
Bergomum a Gallis occupatur. 76. B
— — ab Hispanis expugnatur. 220. D
— — a Venetis captum & relictum, ab Hispanis
& Germanis expilatur. 222. A. B
— — ejus arx a Venetis expugnatur. 222. C
— — a Venetis munitur. 222. D
— — per inducias, quæ vero spernuntur, Cæsari
cedit. 231. A
Bisignanus Princeps ob prodicionem in carcerem
conjectus. 18. A. B
— — pro Columella commutatus restituitur
libertati. 18. C
Boni pastoris esse pecus tondere non deglubere,
Tiberius malis consultoribus rescripsit. 270. D
Bononia a Julio Pontifice infestatur. 24. D
— — Gallis traditur. 24. F
— — in Pontificis pervenit ditionem. 25. E
— — a Pontifice desciscit, sed statim recipitur.
25. E. F. 26. A
— — a Federico Sanseverino petitur, & variis re-
ciprocantibusque belli fluctibus turbatur. 26. B. C
— — a Bentivolis frustra tentatur. 62. B. C
— — à Gallis infestatur. 154. E
Bo-

Bononia obsidione iterum solvitur. 155. A
 — Gallo servit. 162. C
 — a Pontifice oppugnatur. 184. F
 — a Gallis auxilium implorat. 184. F. 185. A
 — in potestatem Pontificis pervenit. 209. B
 Bonus (Antonius) copiarum Legatus, Piscariam
 contra Gallos defendit, sed superatur. 77. A. E
 Borgia (Cæsar) Pontificiæ militiæ Ductor, Imolam
 & Forlivium capit. 14. A. B. C
 — — omnibus finitimis formidabilis. 14. C
 — — Imola & Forolivio expugnatis, Fa-
 ventiam aggreditur, & vi capit. 19. C. D. 20.
 A
 — — Flaminiam, Umbriam, Tuscos, Plum-
 binum, Senogalliam, Perusium, Typhernum &
 plura alia loca subigit. 20. B. C
 — — omnibus pene terribilis. 20. C. D
 — — Sabellos, Columellas, Urfinos e medio
 tollit. 20. C. D
 — — satis vertentibus, in Hispanias ab-
 20. D. 21. B
 Bozulanus (Federicus) cum militibus conductitiis
 in expeditionem Veronensem proficiscitur. 294. C
 Brandeburgensis Heros Bergomum stipendia solutu-
 rus advenit. 291. B
 Britanni Gallis bellum inferunt. 184. B. 193. E
 Brixia a Gallis occupatur. 76. B
 — Gallicanum jugum perosa de recipiendo in ur-
 bem Veneto cogitat. 174. D
 — a Gallis oppugnatur. 177. C. seqq.
 — capitur & diripitur. 179. B. seqq.
 — Gallis Italia expulsis adhuc paret. 210. E
 — a Venetis frustra tentatur. 211. C. 212. D. E
 — in sequestro ponenda ab Hispanis poscitur.
 214. A
 — de ea inter Venetos & Helvetios contentio.
 214. F
 — Hispanis traditur. 215. A
 — de ea inter Venetos & Hispanos conventio,
 ab his negata, fœderis rupti causa. 215. C
 — a Venetis frustra tentatur. 218. D. 279. D
 — per inducias, quæ vero spernuntur, Cæsari ce-
 dit. 231. A
 — a Venetis & Gallis oppugnatur. 280. A
 — obsidione solvitur. 282. B
 — a Gallis & Venetis iterum tentatur, & de-
 ditur. 291. D. 292. B
 Brixigella, oppidum, a Pontificiis copiis dolo capi-
 tur. 61. A. C
 Brunsvigensis Heros quæ contra Venetos egerit.
 87. E
 — Austriam obsidet, sed frustra. 87. F. 88. F
 — Joannem Paulum Gradonicum fugat. 88.
 A. B
 — Utinum frustra obsidet. 87. E. 88. F
 Burgius (Andreas) severus Judex. 205. A
 Buxetus (Matthæus) Urbis Præfæctus, ad ve-
 niam inexorabilis. 205. B
 — — villicum in carcerem tractum dissolvi
 jubet. 205. B. C
 C.
 Cadabrium a Germanis tentatur, expugnatur, &
 diripitur. 41. E
 — a Venetis recipitur. 42. D
 — a Germanis occupatum a Venetis recipitur.
 87. E
 — a Germanis subigitur. 233. F. 234. A
 Cælius Rhodiginus acerbior patriæ casum ac
 iteratam ejus expugnationem excidiumque lamen-
 tatur. 245. D. E. 253. B
 Cagnola (Joannes Andreas) Senatus Præses, in
 carcerem conjicitur, & animi molestia perurgente
 conficitur. 4. D. E
 Calabria ab Hispanis invaditur. 18. D
 Calamitas nova afflictis non est infligenda. 97. C
 Capella (Paulus) Legatus Venetus. 125. A

Capella (Paulus) exercitus Veneti ductor Concordiam
 invadit, 138. F
 — — urbem capit ac diripit. 139. B
 — — Venetorum ad Helvetios Legatus pe-
 tulantius traducitur. 210. B
 — (Vincentius) undique milites in Patavii ob-
 fessi subsidium evocat. 221. D. E
 Capua a Gallis proditione tentatur & occupatur.
 17. A. B. C
 Caravafalus (Bernardinus) Hispanus, Regem
 Franciæ contra Pontificem instigat. 26. B
 — — gentis Hispanæ Cardinalis. 151. E
 — — a Julio Pontifice descivit, quod Pon-
 tificex concilium, ut promiserat, non indiceret.
 151. E. F
 — — accitis secum nonnullis Pisas profici-
 scitur. 152. A
 — — Pisis se tutum non ratus, Mediola-
 num secessit. 152. A
 — — ab Optimatibus Mediolanensibus ma-
 gnifice excipitur. 152. B
 Caroli Cæsaris clementia Mediolanum restituit.
 254. A
 Carolus, Borboniorum Princeps, citerioris Galliæ
 Procurator. 279. C
 — — ejus in conciliandis militibus
 mirum & efficax studium. 286. D
 — Rex Gallorum, ad ægotantem Picum non
 solum literas sed & Medicos suos mittit. 144. E
 — — impulsore Mauro, Neapolita-
 nam expeditionem suscipit. 144. E
 Castellatio, Suppadanum oppidum. 210. A
 Castellioneus (Hieronymus) Reipublicæ causam
 agit. 8. E
 — (Jo. Stephanus) Mediolanensium ad Gallos,
 Mediolanum petentes, Legatus. 6. C
 Cavatius (Vincentius) a Venetis pecunias impor-
 tuna contentione deslagitat. 210. C
 Cenomani Gallis Italia expulsis adhuc parent.
 210. E
 Centum oppidum. 185. D
 Cerinas (Laurentius) in Forum Julii prorupit.
 173. D
 — — blandius & efficacius perorans, Cri-
 bellum, Eremæ Præfæctum, ad urbis deditio-
 nem movet. 213. B
 — — Helvetiis congruo cum ferentariorum
 comitatu obviam mittitur. 213. C
 — — Cremæ custodiæ Præfæctus hostem
 infestat, decem millia nummum intercipit, &
 Bergomum capit. 222. A. B
 — — Castrorum Præfæctus Cremam egre-
 gie tuetur, & hostes frequentissime infestat. 228. F.
 229. A. C
 — — hostes improvise aggreditur, eorumque
 castra diripit. 229. C. E. 230. A. B. C
 — — Cispadanas regiones relegit, & Gallis
 in Italiam cum multis copiis adventantibus oc-
 currit. 258. C. D
 Cervia a Pontifice occupatur. 75. F
 Christophorus Germanicorum ordinum ductor, in-
 cautus capitur. 241. C
 Cividale ab Hispanis invaditur, capitur, & igne ac
 ferro deletur. 243. A
 Ciuranus (Andreas) præda peronustus regrediens
 ab hostibus in insidiis latentibus impetitur. 169. D
 — — ægre cum tenui comitatu evasit.
 169. D
 — — armaturæ ferentariæ Magister. 170. B
 — — Germanico ductore vulnerato, copias
 fudit. 170. D
 — — nisi milites prædæ convectandæ in-
 tensiores fuissent, ductorem captivum perducere
 potuisset. 170. E
 Claverna ab Helvetiis usurpatur. 214. F
 B. Arlunus. V 2 Co-

Columella, copiarum Neapolitanorum Ductor. 17. A
 — in manum hosticam devolutus. 18. A
 — pro Bisignano Principe commutatus libertati restituitur. 18. C
 — (Marcus Antonius) copiarum Pontificiarum Imperator. 135. E
 — — — — cum classe Genuam applicat. 135. F
 — (Prosper) vir accuratissimus, bellicæque artis scientissimus, Livianum astu vincit. 226. C. D. E
 — — — — juvisse rem Venetam consulendo fertur. 227. F
 — — — — a Gallis oppressus, eorumque custodiæ emancipatus. 258. B
Columellæ a Borgia e medio sublata. 20. D
Comitia Mediolanensium, egressis Gallis de summa rerum deliberantium. 204. A. B
Commendatio Venetæ Urbis. 246. B. C
 — Venetæ Reipublicæ. 47. A. 93. D. 300. E
Concilium Pisis indictum, Mediolanum revocatum. 26. B
 — Mediolani Ludovici Regis edicto indicitur. 152. C
 — hoc tanquam commentitium plurimi Episcopi refugiunt. 152. C
 — Romæ celebratum. 209. C
Concordia vi occupatur a Paulo Capella. 138. F
 — Gallum Dominum agnoscit. 162. C
Conradus (Joannes) Germanos ad Amphum profligat. 282. E
Constantiæ Concilium ab Imperatore Maximiliano indictum, ubi de bello contra Gallos & Venetos agitur. 35. F
Contarenus (Bartholomæus) Cremæ militibus stipendia insolentius efflagitantibus, ea persolverat. 229. B
 — (Federicus) Austriam contra Germanos defendit. 87. F. 88. E
 — — — — hostem abeuntem persequitur. 150. A
 — — — — Brixianis civibus operam obiens, te-
 — — — — vo transfigitur. 179. E
 — (Hieronymus) classis Venetæ præfectus. 136. D
 — — — — debiliorem classem suam prælio subdu-
 — — — — cit. 136. F
 — — — — copiarum Ductor. 224. E
 — (Zacharias) Legatus in exercitu Venetorum. 42. F. 44. C
Cornelius (Georgius) Senator Optimus, Legatus in exercitu Venetorum. 42. A. 55. B
 — — — — Pontevico castra metatur. 56. C. D
 — — — — Livianum, Ambasiani temeritatem re-
 — — — — taliare cupientem, retinet. 57. E. 58. A. B
 — — — — ideo ab Auctore expurgatur. 58. B. C
 — — — — omni diligentia pugnam cum Gallis vi-
 — — — — tat, & cunctando hosti illudere vult. 68. C. D. 69. C
Crema a Gallis occupatur. 76. B
 — Gallis Italia expulsis adhuc paret. 210. E
 — a Venetis, Urbis Præfecto muneribus & promissis circumvento, occupatur. 211. C. 212. F. 213. B
 — — — — ab Hispanis frustra obsidetur. 228. E. 230. C. D
 — — — — per inducias, quæ vero spernuntur, apud Leonem Pontificem in sequestrum deponitur. 231. B
Cremona a Gallis occupatur. 76. B
 — a Pallavicinis, post a Liviano, occupatur. 218. D
Cremonium prærupto monte situm victoriam Venetorum remoratur. 173. E
 — a Venetis expugnatum solo æquatur. 173. E
Cribellus (Antonius Maria) Lauriam Trivultiam in matrimonium ducit. 195. D

Cribellus (Benedictus) Mediolanensis, Urbis Cremæ Præfectus, a Venetis multo hortatu & magnis muneribus illectus urbem tradit. 212. E. F. 213. B
Crovaria a Venetis mox capitur, mox iterum amittitur. 296. E. 297. A. B. C
 — a Venetis omni bellico instrumento munitur. 279. C
 D.
Dalmatia trecentis insulis præcingitur. 127. F
 — quatuordecim magnis urbibus insignitur. 127. F
**Darius Rex licet infinitis millibus conflixerit, at-
 tamen pulsus est**. 99. A
**Decius (Philippus) Mediolanensis Pontificia Ci-
 vilique scientia præditus**. 153. C
 — fuit præceptor Bernardini Arluni. 153. C
 — Patavino Gymnasio digressus Ticini Pontifi-
 cium Jus professus est. 153. D
 — in gratiam Ludovici Regis, Concilium
 Mediolani indictum defendere conatur. 153. E
**Delphinus (Aluisius) Legatus exercitus Veneti ad
 oppidum Vipolzanum copias ducit**. 148. E
 — — — — hostem apud Cromacium prædam re-
 — — — — linquere cogit. 148. F
Dionysius pædariæ militiæ magister. 116. D
Dominicus Illyrico a Justiniano præscitur. 104. C
 — ductor exercitus, hosti Veronam properanti
 — — — — commeatum intercipit. 149. E
Donatus (Hieronymus) Legatus Venetus. 125. A
 — — — — copias Venetas Julio Pontif. offere-
 — — — — bat. 125. D
Dresana convallis. 149. E
**Dresanus (Leonardus) Germanicarum copiarum
 ductor, Tarvisum invadit**. 82. C
 — — — — Cæsaris Legatum agens in arcis Pa-
 — — — — tavini deditionem compellitur. 86. A
**Dunofius a Ludovico Gallorum Rege tractui Me-
 diolanensi præscitur**. 159. A
 — corruptos Mediolanensium mores abhorret. 159. A
 — Regem rogat, ut alium sufficiat. 159. B
**Durasius Gallus, nomine reque non ultimus heros,
 Cremensem arcem tenet**. 212. E
 — urbe Venetis dedita, conterritus, arcem quo-
 — — — — que resignat. 213. C
 E.
Emtio & Venditio bonæ fidei contractus sunt. 128. B
**Epistola Georgii Ambasiani ad Regem contra Tri-
 vultium**. 9. B. C
 — a Maximiliano in urbem Patavium telis mis-
 — — — — silibus alligata mittitur. 108. D
 — — — — quæ a Venetis fuit delusa. 109. A
 — Senatus Veneti ad Osopinos a Germanis ob-
 — — — — sessos, & commeatus inopia laborantes. 236. D. E
 — Mediolanensium ad Regem Galliæ pro depre-
 — — — — canda pecuniarum indictione. 269. B. C
Equis, aqua deficiente, vinum propinatum. 237. E. F
**Erasmus Roterodamus ab auctore in uno gradu cum
 Pico ponitur**. 144. A
 F.
Factiosi Mediolano proscripti. 7. E
**Faventia a Cæsare Borgia tentatur, & vi capi-
 tur**. 19. C. D. 20. A
 — a Pontifice occupatur. 75. F
**Faventinus Princeps captus, & impuber devirgi-
 natus, Romam mittitur**. 20. A
**Federicus, gentis Aragonum stemmate insignis, Rex
 Neapolitanus**. 14. C. D. F
 — tum Galliarum, tum Hispaniarum Re-
 — — — — gum amicitiam ambit, sed frustra. 16. C. D. E
 — Gallis ingruentibus, defensionem parat. 17. A
 — — — — copiis fuis, fuga se Neapolim recipit. 18. A
 Fedec-

Federicus, Rex Neapolitanus, fœdus cum Gallis percussit, regno cedit, & in Galliam abit. 15. C. 16. B. 18. C
 — varia variorum de eo judicia. 15. A. B
 Peltrum a Germanis captum, a Venetis statim recipitur. 87. E.
 — incendio deletur. 149. B
 — a Germanis subigitur. 233. F. 234. A
 Feracis Montis Dominus, digressis ex Italia Gallis, vicinas urbes Gallicano Imperio vacantes ingrassatur, & ad suum obsequium redigit. 209. A. B
 Ferdinandus, Federici Regis Neapolitani filius, Apulie & Calabriae Dux, delusus, & captivus in Hispaniam abducitur. 18. D. E
 — Hispaniæ Rex, oratione Julii Pontificis inflammatus Gallo belli inferendi titulum querit. 166. A
 — — fœdus cum Pontifice contra Gallum icit. 166. B
 — Neapolis Rex, Venetis varia loca pignori cedit. 52. F. 53. A
 Ferraria a Julio Pontifice Maximo, obsidione cingitur. 145. C
 Ferrariani naturali dissidio Venetis avertebantur. 118. E
 — a Pontifice & Veneto excursionibus & incendiis delentur. 184. D
 — censuras Pontificis & ictus anathematum contemnunt. 137. D
 Ferrarianus Regulus Rhodigium efflammum ardet. 50. D
 — Venetis bellum infert. 62. C
 Flaminia in potestatem Pontificis pervenit. 209. B
 — ab Hispanis gravatur. 213. E. F
 Flischi Genuæ rerum, sed haud diu, potiuntur. 218. E. 219. A
 Florentia seditionibus turbatur. 214. E
 Florentini suæ ipsorum cladis causæ taxantur. 46. C
 — milites Aureliensis primo signa sequentes, post in Venetorum castra profecti, læduntur, unde Helvetiorum in Venetos odium. 209. E. F.
 Fœdus a Pontifice cum Ferdinando Hispaniarum Rege ictum Gallo fuit exitiale. 166. C
 — Hispanorum, Venetorum, Helvetiorum & Summi Pontificis contra Gallos turbatur. 209. E
 — inter Venetos & Gallos. 215. E. 216. B
 — inter Helvetios & prædictos frustra tentatur. 216. D. E
 Forolivium a Cesare Borgia capitur. 14. B
 Forum Julii ab Imperatore invaditur. 53. C
 — — excepto Utino, ab Imperatore occupatur. 75. E
 — — magno bello divexatur. 148. D
 — — a Germanis subruitur. 233. E
 — — a Venetis recipitur. 239. A. E
 Foscarus (Franciscus) orator Venetus. 184. A
 — — quinquaginta millibus aureorum bellicas ferias pacificatur. 184. B
 — — Venetorum Legatus, Romæ rem suam egregiè & prudenter agit. 217. C. D. E
 Frænum Genuæ exstructum. 28. D
 Franciscus, Galliæ Rex. 257. B
 — animum ad arma & ad citeriorem Galliam subigendam convertit, ac iter in Italiam molitur. 257. C. E. F
 — quo consilio in Italiam descenderit. 15. E
 — Donatiani arvis victor strenue pugnavit. 15. E
 — ejus Legati Mediolanum reposcunt. 260. D
 — responsione negativa accepta exacerbat. 261. C. D
 — fœdus cum Helvetiis inire frustra tentat. 262. E. 263. A. B
 — cum Helvetiis haud longe Mediolano configit. 265. A. D
 — in prælio bis terque telis petitus dicitur, sed in cassum labente ictu. 266. C
 — Helvetios repellit. 267. A

Franciscus, Galliæ Rex, peditatum omnem maximeque Germanicum donativis ingentibus & stipendiis duplicatis afficit. 268. C
 — ad eum Mediolanensem Epistolam pro deprecanda indictione. 269. C
 — Mediolano deditione Principis Sfortiæ potitur. 271. B. 273. F
 — omnia Mediolanensem crimina, quod arma in eum sumpserant, delevisset, nisi quorundam amaræ voces intersonuissent. 272. A. B
 — Mediolanum gloriosus ingreditur. 275. A
 — Legatos Venetorum gratulantes audit, ipsisque respondit. 275. E. 277. F
 — plures Regulos, Duces, ac Mediolanensem quam plurimos ad salutationem admittit. 278. B
 — Bononiam iter parat cum Pontifice collaturus. 278. B
 — Parma & Placentia potitur. 278. D. 279. D.
 — Pacem cum Imperatore init. 299. A
 Franciscus Gallus a latronibus personatis Mediolani spoliatus. 201. D
 — Maria, Dux Urbini, vir solers & impiger. 138. A
 — — exercitui Pontificio præficitur. 138. A
 — — Ferrariensem tractum misere pervasat. 138. A
 — — exercitus Pontificii Dux in suspicionem prodicionis venit. 139. C
 Fregosius (Joannes) exercitus Pontificii Dux. 136. D
 — — Germanos ad Amphum profligat. 282. E
 — (Joannes Maria) qui, regnante in Cisalpinis Gallo, exulem egerat, a Venetis & suæ factionis hominibus adjutus, Genuam ingreditur. 209. A
 — (Octavianus) exercitus Pontificii Dux. 136. D
 — in Genuæ Ducem, suffragantibus Hispanis restituitur. 219. A
 — — ex Genua proficiscens, Transpadanas regiones magnis copiis peragrat. 258. C
 Furti reus in vincula tractus a Præfecto urbis dissolvitur. 205. B. C

G.

Galleratus (Aluysius) veneno, ut creditur, obit. 4. E
 Galli, Novaria capta, Mediolanum petunt. 5. C. D
 — Mediolano potiuntur. 6. E. 16. A
 — quietis ibi servandæ studiosissimi. 6. E. F. 7. A
 — post Insubres & Ligures subactos ulterius progrediuntur. 13. D. E. F
 — eorum arma Neapolitanis finibus illata. 14. C
 — Neapoli potiuntur. 15. A. C. F. 16. B
 — Capuam prodicione capiunt. 17. A. D
 — Ligustinis motibus ad arma excitantur. 27. A
 — in Ligustinis motibus pro iis elementa astraque conjurasse ferme visa sunt. 28. B
 — Maximiliano Imperatore iter in Italiam parante, turbantur. 34. D
 — cum Venetis fœdera redintegrant. 34. F
 — defensionem parant. 34. F. 35. D
 — induciis inter Imperatorem & Venetos initis, exacerbantur. 47. C. D. E
 — Venetos ad Pandinum vinct. 70. F. 72. E. F
 — eis Venetorum fines irrumpentibus, vix visis, à Præfectis urbium portæ aperiantur. 76. B
 — eorum victoriosum iter interscinditur. 76. F
 — Piscariam oppugnant & capiunt. 77. B. E
 — Caesarem in obsidione Patavii derelinquunt. 113. D
 — jure pignoris Veronam custodiebant. 117. B
 — tota Italia multis victoriis erant illustres. 120. C
 — sunt superba natio. 124. C
 — virtutem Italicam despiciunt. 124. C
 — Mirandulanis auxilio non succurrerunt. 140. E
 — stationario præsidio Veronam tutabantur. 167. F

Galli Meleagrum Foroliviensem Brixianum praesidium maturantem adoriuntur. 167. E
 — **equi lapsu procidentem capiunt.** 167. E
 — **Brixiam oppugnant & capiunt.** 177. C. seqq.
 — **eorum nomen in Italia erat formidabile.** 181. B
 — **crudeliter in muliebrem sexum infantiamque saeviunt.** 181. C
 — **pontificem Julium veneno vel ferro perdere enitebantur.** 183. E
 — **ad procurandam pacem Julium Pontif. ambiunt.** 184. C
 — **dum decipere tentant, decipiuntur.** 185. E
 — **sunt aperti & simplices, sed feroces.** 185. E
 — **Hispanos apud Ravennam pellunt ac profligant.** 190. C
 — **eorum multi in Pontificis militiam dant nomina.** 193. C
 — **ob bellum Britannicum ex Italia revocari coguntur.** 193. E. 194. A
 — **fortune praesidio destituti retrogressi se citra Mincium recipiunt.** 194. D. E
 — **eorum res summum in discrimen prolapsa.** 195. E. 196. D
 — **Ravenna, Verona, Brixia aliisque urbibus relictis, Mediolanum confugiunt.** 196. D. E
 — **Mediolanum relinquunt.** 198. E. 199. A. B
 — **Mediolani remanentes crudeliter habiti.** 199. C. D
 — **rursus versus Mediolanum iter moliantur.** 206. B. C
 — **eorum adventus Cisalpinis per jucundus.** 206. D
 — **eis fortuna interstrepit.** 206. F
 — **apud Novariam ab Helvetiis Mediolanensium ere merentibus funduntur, & cum ignominia fugantur.** 207. C. D
 — **Mediolani antea relictis, eorum adventante exercitu, mitius habentur.** 206. D. E
 — **Mediolani relictis iterum crudelius habentur.** 208. C. D
 — **in eorum perniciem Hispani, Veneti, Helvetii, & Summus Pontifex coiverunt.** 209. E
 — **ipsis Italia pulsus quae adhuc ibi paruerint.** 210. E
 — **a Venetis ad Padernum caesi.** 211. D. E. F
 — **cum eis Veneti denuo foedus ineunt.** 215. E. 216. B
 — **Italiam iterum ingrediuntur.** 257. F. 258. A
 — **haud longe Mediolano castra ponunt.** 259. C
 — **urbem reposcunt.** 260. D
 — **responsione negativa accepta, hostiliter agunt.** 261. E
 — **cum Helvetiis foedera percutere frustra tentant.** 262. E. 263. A. B
 — **omnium securi, infestis advenientibus Helvetiis, arma confestim expediunt.** 265. A
 — **ab Helvetiis invaduntur.** 265. D
 — **jam de fuga cogitantes, adveniente Liviano, recreantur.** 266. F
 — **Helvetios repellunt.** 267. A
 — **Mediolano, deditione Principis Sfortiae, potiuntur.** 271. B
 — **eorum & Venetorum viribus conjunctis, in Brixianam expeditionem itur.** 280. A
 — **clade infami magis quam detrimento perniciofa afficiuntur.** 280. B. C
 — **cum Mediolanensibus inciviliter superbeque versati, adveniente Imperatore, non levi metu perstringuntur.** 284. B
 — **omnem armaturam intra Mediolanum contrahunt.** 284. D
 — **Romanae Tonsaeque portarum interjacentes domos correptis facibus inflammant.** 284. E
 — **non minus ab urbe quam ab hoste timent.** 286. D
 — **Helvetios versus Germanos urbe se egressuros negantes magnis promissis attractare occipiunt.** 287. A

Galli Brixiam iterum aggrediuntur, & ad deditionem compellunt. 291. D. 292. B.
 — **Veronam aggrediuntur, sed mox inde recedunt.** 292. D. E
 — **ad expeditionem Veronensem accinguntur.** 293. C. D
 — **ignem inconsultius tractantes, magno damno afficiuntur, & ingenti hostili risui exponuntur.** 294. D. E
 — **pacem ineunt.** 299. A
Genua, Gallis trans Alpes fugatis, & Joanne Maria Fregosio iterum ingresso, diversarum factionum tumultu turbatur. 209. A
 — **tumultuantibus civibus turbatur.** 218. E
Genueses libertatem provocant, Lilina signa manibus impressa eradunt. 27. D
 — **a Gallis ad obsequium rediguntur.** 28. D
 — **per literas a Julio Pontif. in Gallos inflammantur.** 135. B
 — **sunt gens fluxa.** 135. E
 — **Pontificem & Venetum frustrati sunt.** 136. A
Germani Maximiliano Imperatori contra Gallos & Venetos auxilia conferunt. 41. B
 — **Cadubrium tentant, expugnant, & diripiunt.** 41. E
 — **a Venetis, Liviano ductore, crudeliter caesi Cadubrium amittunt.** 42. B. C. D
 — **inducias paciscuntur.** 44. A. C
 — **a Venetis ad Tarvisium fugantur.** 83. E
 — **Patavium amittunt.** 84. A. B. F. 86. A. C
 — **Austrium & Utinum frustra obsident.** 87. F. 88. F
 — **nullam rem feliciter transigentes Italici erant despectui.** 120. C
 — **Vicentiam contra jus gentium diripiunt.** 133. B. C
 — **Vicentiam relinquentes Veronam praecipiti fuga petunt.** 150. F
 — **Muglam oppugnant.** 169. F
 — **re infecta Mugla discedunt.** 170. B
 — **Tarvisium obsidione cingunt.** 171. F
 — **frustra aditum tentantes obsidionem solvunt.** 172. A
 — **Patavium frustra obsident.** 221. E. F
 — **plura loca populantur.** 223. A. B. C
 — **quid ipsis in hoc bello Hispani foederati profuerint.** 224. A. B. C
 — **Venetos fundunt.** 226. C. 227. C
 — **ad Laudem Pompejam Venetis improviso invaduntur & fugantur.** 229. C. E. 230. C
 — **eorum importuna efflagitatio pacem, quo minus fiat, interruptit.** 230. F. 231. A
 — **Maranium occupant, ac Muzanici paguli plebeculam blandiloquio in potestatem redigunt, & postea crudelissime tractant.** 231. E. F
 — **Monfalconium capiunt, & crudelissime diripiunt.** 233. D
 — **Vicentiam summigrant, & Forum Julii subruunt.** 233. E
 — **Cadubrium & Feltrum evertunt.** 233. F. 234. A
 — **ad Bassianum a Venetis non parva clade castigantur.** 234. A
 — **Osopium oppugnant.** 234. B
 — **obsidionem solvunt.** 238. E
 — **ad Navonis portum a Venetis superantur & fugantur.** 239. A. B. D
 — **Monfalconium & Cromonium capiunt.** 239. E
 — **sub Gallis militantes, Caesari tamen adversari nolunt, & dimittuntur.** 280. E
 — **ad Amphum a Fregosio & Conrado profligantur.** 282. E
 — **Imperatore ductante Italiam ingrediuntur.** 283. B. C
 — **ad Mediolanum castra locant, sed praecipites in Germaniam aufugiant.** 284. E. 287. F. 288. A
 Ger-

Germani pacem ineunt. 299. A
 Gonsaga (Franciscus) Mantuæ Dux, Cassale Majus circumsonat. 62. C.
 — a Venetis capitur. 89. E. F. 90. F
 — Venetias perducitur. 91. F
 — vinculis absolvitur. 125. A
 — Imperator exercitus Veneti declaratur. 125. A
 — (Joannes) severus judex. 205. A
 Goritia a Venetis expugnatur. 42. E
 — ab Imperatore occupatur. 75. E
 — a Liviano frustra tentatur. 239. D
 Gradonicus (Joannes Paulus) Legatus, Fori Julii procuracionem agens, Austrianiis obsessis subsidio venit, sed fugatur. 88. A. B. C
 — Procurator Rhodigianus. 117. E
 — in expeditionem Veronensem procedit. 117. F
 — in Forum Julii prorupit. 173. D
 — Legatus Veronam per pacis leges & conventiones Reipublicæ nomine recipit. 300. F. 301. A
 Gradus a Germanis oppugnatur. 172. F
 Grimanus (Antonius) Venetorum ad Franciscum Regem Galliæ Legatus. 275. D
 Grittus (Andreas) Senator optimus, Veneti exercitus Legatus. 55. B
 — Pontivico castra metatur. 56. C. D
 — Livianum Ambasiani temeritatem retaliare cupientem retinet. 57. E. 58. A. B
 — ideo ab Austro expurgatur. 58. B. C
 — omni diligentia pugnam cum Gallis vitat, & cunctando hosti illudere vult. 68. C. D
 — rem in exercitu ad summam confusionem prolabantem restituit. 81. D. E. F. 82. A. B
 — rebus agendis, & hostium consiliis eveſtigandis semper intentus. 83. D. E
 — Patavium recuperat. 84. A. B. F. 85. B. E
 — ejus in populatione Patavii cobibenda pietas. 87. A. B.
 — Patavium Germanico jugo solvit. 98. C
 — ad Patavium protegendum proficiscitur. 120. E
 — ad Brixiam occupandam mittitur. 174. D
 — urbem suis adventitiis militibus percipit. 175. A
 — re feliciter gesta, urbem ingreditur. 175. E
 — in occupatione Brixie capitur. 180. B
 — Mediolanum captivus ducitur. 181. A
 — quanquam Gallorum hostis acerrimus, tamen ab hostibus in honore habitus. 181. A
 — libertatem obtinet. 216. B. C
 — iterum in castra missus. 224. E. 225. C
 — Venetorum ad Franciscum, Regem Gallie, Legatus. 275. D
 — ex omni tractu copias in expeditionem Veronensem evocat. 294. C
 — Veronam per Leges & conventiones Reipublicæ nomine recipit. 300. F. 301. A
 Guardia vicus suppadanus. 118. F
 Gurgensis Præsul Patavium obsidentes juvat. 221. D
 — Romæ Germanicas partes nimis accurate aut negligenter agens, oblatiis excluditur, & Roma stomachatus excedit. 231. D
 H.
 Helianus Cæsaris Ludovicique Regis Orator in Pannoniam designatur. 125. F
 — Venetos Christianæ Religionis hostes criminatur. 126. B
 Helvetii divisis suffragiis ancipites, tandem in Galliam irrumpere interminantur. 184. C

Helvetii in Pontificis militiam dant nomina. 193. C. D
 — Mediolanensium ære merentes, Gallis Mediolanum iterum petentibus occurrunt. 206. F. 207. A
 — cum aliis in Gallorum perniciem coiverunt. 209. E
 — ad Mediolanensium pecunias emungendas semper intenti. 209. E
 — Gallos apud Novariam fundunt, & in fugam vertunt. 207. C
 — eorum odia adversus Venetos concitantur. 209. E. F
 — Venetorum Legatos petulanter traducunt. 210. B
 — proſtigatis hostibus, armis exerciti ad omnibus imperandum arrogantius insurgunt. 210. D
 — ut eis Telina vallis cedat, aliis placet. 213. F
 — Clavenam & Lecarnum usurpant. 213. F
 — insolentioribus Hispanorum postulationibus moti, eos ferro se repressuros vociferantur. 214. B
 — eorum fœdera Veneti ambiunt, sed frustra. 216. C. D. E
 — viarum angustias obsidentes, & adventantes in Italiam Gallos propulsaturi imposturam patiuntur. 257. F. 258. A. B
 — cum Gallis percutiendi fœderis studioſi. 258. E. F
 — cum eis Galli fœdus inire frustra tentant. 262. E. 263. A. B
 — a Matthæo Sedunensi in certaminis aviditatem concitati infinita multitudine Mediolanum contra Gallos confluunt. 264. C. D
 — Gallos aggressuri Mediolano sese proripiunt. 265. A
 — Gallos invadunt. 265. D.
 — repulsi, mœrentes Mediolanum regrediuntur. 267. A
 — hanc cladem graviolem cæteris existimant, quæ ducentis abhinc annis ipsis inflictæ sunt. 267. C
 — sub Gallis militantes Mediolanum quidem defensores se pollicentur, verum adversus Germanos egredi negant. 287. A. C
 Hemus (Leonardus) Venetorum militum Ductor, hostes Padernum populates cedit. 211. D. E. F.
 Hieronymus militum Ductor, Osopium egregie defendit. 234. E. 238. D. E. F.
 — ejus in Maraniana expeditione egregium facinus. 204. B. C.
 Hispani Calabriam invadunt. 18. D
 — cæteris acriores in urbem Patavinam impetum primum spe prædæ faciunt. 110. A
 — ad Perpignanum Gallis bellum inferunt. 184. B
 — Bononiam relinquentes ad Centum oppidum castra ponunt. 185. D
 — sunt duplices & præſagaces. 185. E
 — Ravennatibus in auxilium veniunt. 187. C
 — a Gallis apud Ravennam pelluntur proſtiganturque. 190. C
 — cum aliis in Gallorum perniciem coiverunt, sed pactorum leges primum turbant. 209. E
 — in Flaminiam iter parant. 213. E. F
 — alia atque alia, suo ut ex usu foret, indicunt, invertunt, subrogant, delent. 214. A. B. C. D
 — Helvetiorum, Venetorum, Pontificis & omnium fere Principum, odium incurrunt. 214. B. D
 — Pratum, Fesulanæ ditionis oppidum, capiunt & diripiunt. 214. E
 — in Venetos Brixianamque expeditionem contendunt. 214. E. F
 — Brixia potiuntur. 215. A
 — eos Ludovicus Rex Gallie, Venetis præfert, si fatis urgentibus cedendum. 215. B
 — eorum fœderi Veneti renuntiant. 215. C
 — Bergomum occupant. 220. D
 — Patavium frustra obsident. 221. E. F
 — Bergomum expilantes, Venetis supervenientibus, in arcem se recipiunt, sed expugnantur. 222. B. C
 Hispani

Hispani plura loca populantur. 223. A. B. C
 --- quid ipsis Germani fœderati in hoc bello profue-
 rint. 223. F. 224. A. B. C
 --- Livianum ipsis prædabundis occurrere statuentem
 eludunt. 224. E. F. 225. B
 --- Venetos fundunt. 226. C. 227. C
 --- Creman frustra obsident. 228. E. 230. C. D
 --- a Venetis ad Laudem Pompejam improvise in-
 vaduntur, & fugantur. 229. E. 230. C
 --- æstivorum hybernorumque incolatu exeunt, se
 Germanis conjuncturi. 242. C
 --- Cividale invadunt, capiunt, & igne ac ferro de-
 lent. 243. A
 --- Brixia a Venetis & Gallis obsessi, in hostium
 stationes eruptionem faciunt, nonnullos cadunt ac
 fugant, & tormenta in urbem avehunt. 280. B. C
 Hispaniarum Rex Appuliæ portus & urbes, quæ in
 Venetam ditionem transferant, repetit. 50. C. 52. F
 --- loca, in regno Parthenopeo Venetis obnoxia
 capit. 75. A
 Hospina arx inexpugnabilis. 170. F
 --- Venetis stratagemate occupata traditur. 171. A
 Hospitatura militaris quibus Mediolani non injun-
 cta. 7. B. C
 I.
 Japhredus Caroli Mediolani præsidem agit. 152. B. 158. C
 --- ejus filius Antonius orationem in Ambasianum,
 exercitus Gallici ductorem, vita functum habuit.
 158. C
 Jason celeberrimus Jureconsultus. 5. A
 Imola a Cæsare Borgio capitur. 14. B
 Imperator Veneti exercitus, quantæ sit potestatis.
 35. B. C
 Impossibile nulla obligatio est, Ulpiani & Mar-
 celli dictum. 269. F
 Indictiones graves Mediolani frequentatæ. 200. C. 205. D
 Induciæ inter Imperatorem ac Venetos. 44. A. C. D
 --- atrocissimo bello rescinduntur. 47. C
 --- inter Cæsarem & Venetos a Pontifice frustra
 tentantur. 231. A
 Ingressus Ludovici, Regis Gallia, Mediolani. 28. E. F. 29. A
 --- Francisci, Regis Gallia, Mediolani. 275. A
 Invidia taxatur. 45. F. 46. A
 Joannes Græcus, armorum gloria præsignis, equo
 suffosso, diffracto crure, prolabitur, & a Pontifi-
 ciis copiis fugatur. 61. F
 Jovia arx arctissimis militaribus custodiis obfessa.
 200. A
 --- ejus obsessi relaxantur, visunt & invisun-
 tur. 206. D. E
 --- a Gallis obsidetur. 272. F. 273. A
 --- Gallis deditur. 271. C. D. 273. D. E
 Istria ab Imperatore invaditur. 53. C
 Italia Gallorum sepultura. 65. F
 --- pene omnis rerum a Gallis gestarum magnitu-
 dine contremiscebat. 192. B
 --- quantum hoc bello passa, brevissime recensetur.
 245. E. F. 246. A. 251. B. C. D
 --- ejus laudes quomodo Virgilius optime decantari
 posse duxerit. 247. B
 Julianus Ligur, Borgianæ factioni insensus, Am-
 basiano Pontificatum ambienti suffragatur. 21. D. E
 --- Protostamen declaratur. 22. D
 Julius, Pontifex Maximus. 22. D
 --- Pontificios fines proferre & latius extendere ani-
 mo præsumit. 24. C. D
 --- Joannem Bentivolum modis omnibus insectatur.
 24. D. 25. A
 --- Bononia potitur. 25. E
 --- inter ipsum & Regem Gallia implacabiles iræ.
 26. A

Julius, Pontifex Maximus, Placentiam & Pisam
 postulat. 26. A
 --- in Concilio exauktoratus. 26. B. C
 --- a Venetis, ut Gallorum Regem placet, roga-
 tur, sed frustra. 49. D
 --- nonnisi pluribus locis subactis, quietem impar-
 titur. 50. C
 --- incitatissimo odio truculenter in Venetos agita-
 tur, & Venetos aqua & igni interdicat. 52. B
 --- Venetorum fines irrumpit. 60. E
 --- cuncta, quæ sui juris esse contendit, recipit.
 75. D. F
 --- Ferraria vendicandæ cupiditate ardebat. 124. E
 --- vir ingenio acerrimo nihil antiquius duxit,
 quam, quæ Pontificiæ ditionis erant, asserere. 124. E
 --- Ludovici Regis Gallia potentia ad Venetos
 debilitandos usus est. 124. F
 --- ad Gallicanas iterum vires conterendas Ve-
 netos adhibet. 124. F
 --- propterea eos diris Pontificiis impiatos, ex-
 piavit. 124. F
 --- immensam Reipubl. Venetæ, multis calami-
 tatibus affectæ, potentiam obsuipescebat. 125. D
 --- ut de pace cum Maximiliano agat, Veneti
 rogant. 125. D
 --- Gallos Italia summovere conatur. 125. D
 --- Genuensium optimatibus literas scribit. 135. B
 --- Ferrariam sibi dari flagitat. 137. B
 --- ob debortationes a bello, Alphonso asperius
 succenset. 137. C
 --- quanquam hieme ac ingravescente senio pro-
 cinctus in castra provolat. 139. E
 --- Mirandulanum populum ita oderat, ut, si
 unam cervicem habuisset, uno ictu abscidisset.
 139. F
 --- fuit vir infracti animi. 145. B
 --- Placentiam ac Parmam velut Pontificii ju-
 ris a Ludovico reposcit. 151. C
 --- Mediolanum sacris interdixit. 152. F
 --- juramenti reus accusatur. 154. C
 --- a Trivultio victus Ravennam fugit. 156. E
 --- Trivultium literis admonet, ut armis absti-
 neat. 157. A
 --- asperiori fortuna distortus cum Principibus
 pactum inire festinat. 160. A
 --- Britannum a Gallis ad sese convertere sta-
 tuit. 160. A
 --- recitat mala, quæ Gallus sibi intulit. 160. B. seqq.
 --- orationem habet ad Regem Hispaniarum. 161. E
 --- Cæsarem Veneto conciliare operam dabat. 167. A
 --- Bononiam oppugnat. 174. A
 --- Gallos pacem petentes audire noluit. 184. C
 --- Gallicanarum partium studiosos ingrassari
 studet. 184. D
 --- in Helvetia milites conscribit. 193. C. D
 --- ejus in militiam multi Gallorum milites ab-
 eunt. 193. C
 --- sua ante de re defendenda sollicitus, nunc ad
 bellum inferendum animatur. 194. B
 --- Ravenna, Bononia, Flaminia, Placentia
 Parmæque potitur. 209. B
 --- cum aliis in Gallorum perniciem coirvit. 209. E
 --- Hispanis Flaminiam ingredientibus, turba-
 tur. 214. E
 --- ejus obitus. 216. F
 Juramentum est id, quo quis fidem suam adstrin-
 git. 103. F
 --- ejus formula semper & ubique custodienda.
 104. A
 --- formule ejus sunt variae. 104. A
 Jura-

Juramentum a quo sit exigendum. 104. D
 Jus Civile quibus scriptum 45. E. F
 Justinianus Illyrici Præfetto, ut per Evangelia sub-
 fiditi jurent, mandat. 104. C
 ----- (Antonius) a Gallis in urbe Brixia capitur. 180. B
 Justinopolitani Muglensibus opportune succurrunt. 170. A
 Justitia & Misericordia Dei indissolubili nexu le-
 guntur. 303. B
 Justus qui sibi est, in alium injustus esse non potest.
 L. 128. D
Lactantius Bergomates rem Venetam Piscarie
 tutatur. 76. F. 77. A
 Lactuanus Præsul in custodia reponitur. 4. C. D
 Ladislaus, Pannoniæ Rex, Dalmatiam Veneto ven-
 didit. 128. C
 Landus (Petrus) Venetus Orator, induciarum in-
 ter Venetos & Cæsarem leges, Rempubicam suam
 nimis gravantes, permoleste fert. 231. B
 Latrones intestini Mediolani. 200. D
 Lauretanus (Andreas) Legatus, capitur, & de ejus
 captivitate inter milites oborta rixa, transfixus
 interit. 227. B. C
 ----- (Leonardus) ætate, consilio, & dignitate
 Princeps Venetus. 97. B
 ----- ejus de Patavini belli procuratione suscipien-
 da Oratio. 97. B
 ----- (Zacharias) Venetorum classis Præfectus. 51. C
 Lecarnum ab Helvetiis usurpatur. 214. F
 Legati in exercitu Venetorum quantæ sint auctori-
 tatis. 35. C. 55. B. C. D
 ----- quo sensu ita dicantur. 55. E
 Lemniacum a federatis invaditur. 133. E
 ----- occupatur & diripitur. 134. D
 ----- ejus arx a Gallis capitur. 146. B
 ----- Venetis parvo motu cedit. 219. C. D
 ----- ejus arx difficiliter expugnatur. 219. D. 220. A
 Lentinaria a Ferrariæ Duce occupatur. 75. D. F
 Lentius (Annibal) Marcicorum ordinum Ductor. 242. F
 Leo Pontifex Maximus. 15. E. 216. F
 ----- omni studio pacem procurat. 217. A
 ----- ut sequester aditur, & disceptator in-
 ter partes assumitur. 230. E. 231. A. B
 ----- eum Rex Galliæ in Italiam iter pa-
 rans, sollicitus ambit, ut ipsi adventanti suffra-
 garetur. 256. B. C
 ----- Gallorum ac Venetorum amicitiam
 prætimet. 257. C. D
 ----- cum Hispanis, Germanis, Helvetiis,
 Florentinis, ac Mediolanensibus convenit. 257. D
 ----- cum Francisco Galliæ Rege confert. 278. B. C. D
 Leonatum ad Venetos desciscit. 279. F
 Liburni gens sæva & aspera. 169. C
 ----- prædæ dulcedine pellecti in Venetos prorue-
 bant. 169. C
 ----- a Venetis propelluntur. 169. C
 Ligures Romanos bellis maxime feruntur exercuisse
 27. A. B
 Ligustini motus & seditiones Gallum ad arma exci-
 tant. 27. A
 Livianus (Bartholomæus) Venetarum copiarum Du-
 ctor. 41. F. 42. A
 ----- strenuissime pugnans Germanos crude-
 liter cædit, & Cadubrium recipit. 42. B. C. D
 ----- in ulteriora promovens magnis dispen-
 diis Germanos affligit. 42. E
 ----- Venetorum legionibus nonnullis con-
 tra Gallos missis præficitur. 55. B
 ----- improvidam Ambasiani temeritatem
 prudentia Italica retaliare cupit, sed a Legatis
 retinetur. 57. B. D. E

Livianus (Bartholomæus) oppida, quæ ad Gallos
 desciverant, recuperat. 58. D
 ----- Trivulium & alia loca, quæ ad hostes
 desciverant, expugnat. 58. F. 60. A
 ----- ejus ad milites, Ludovici Regis Galliæ,
 in castra hostilia adventu percussos, oratio. 64.
 B. C
 ----- num discordi exercitu Gallis ad Pan-
 dinum obviam iverit. 69. E. F. 70. A
 ----- aciem instruit & rem strenue gerit. 70.
 B. C. D
 ----- eum hostes inopinato aggrediuntur. 70.
 D. E. F
 ----- strenue pugnans & graviter vulnera-
 tus capitur. 72. E
 ----- captivus licet, indocilis tamen & co-
 ram Rege mansuete loqui. 74. A. B
 ----- Mediolanum, post in Galliam, perve-
 hitur. 74. C. E
 ----- libertatem per fœdus inter Gallos &
 Venetos obtinet. 216. B. C
 ----- Venetias, exultantibus omnibus, rever-
 titur. 217. F
 ----- Castrensiarum rerum arbiter & Ductor
 militum creatus præsigni cum potestate, Veronam
 frustra tentat. 218. A
 ----- Coloniam usque fugatur. 218. B
 ----- Pischeriam & Vallegium subigit. 218.
 B.
 ----- Pallavicinos, profundit & Cremonam
 occupat. 218. D
 ----- Germanis & Hispanis loca plura mi-
 serabiliter populantibus, edicit, ne quis hostem ca-
 ptivum faciat, sed omnes morti det. 223. A. B
 ----- in tanto belli diluvio omnia facit, ut
 quæ Venetæ Reipublicæ salutem respiciunt. 224. D
 ----- hostibus prædabundis occurrere statuit.
 224. E. F
 ----- ab hostibus eluditur. 225. B
 ----- hostes excipere conatur. 225. D. E
 ----- cum hostibus confligit, sed astu supera-
 tur. 226. C. D. E
 ----- ad recipiendum Forum Julii mittitur.
 239. A. E
 ----- ad Navonis portum cum hostibus con-
 fligit, eosque fugat. 239. A. B. D
 ----- Morilionem Ductorem capit. 244. F
 ----- Hispanum Proregem ad certamen pro-
 vocat. 244. F
 ----- Rhodigium capit. 245. B.
 ----- integro cum exercitu Gallis in Italiam
 venientibus it obviam. 258. D
 ----- Gallos cum Helvetiis haud procul Me-
 diolano pugnantes, jamque de fugâ cogitantes, ad-
 ventu suo recreat. 266. F. 267. A
 ----- Brixianorum fines irrumpere jubetur.
 279. D
 ----- ejus obitus. 279. E
 Lucretia, Alphonsi Ferrariensis Reguli uxor. 20. F
 Ludovicus XII. Rex Galliæ, Mediolano positus, ci-
 ves blandiloquio solari jubet. 6. C. D. E
 ----- Trivultium, impulsore Georgio Amba-
 siano, Mediolani Vicariatu movet, & Marescalcum
 constituit. 11. B. E
 ----- a Venetis captivum Ascanium Sfor-
 tiam sibi tradi efflagitat, eumque obtinet. 12. F.
 13. C
 ----- cum Federico Aragonio, Rege Neapo-
 litano, fœdus percutit. 15. A. C
 ----- regno Neapolitano per fœdus potitur.
 15. C
 ----- num hoc regno absque conflictu poti-
 tus. 15. F
 ----- Annam, Britannicæ Reginæ, ducit
 uxorem. 16. A
 ----- Neapolitano regno inhiat. 16. C. 17. A
 B. Arlunus. X Lu-

Ludovicus XII. Rex Galliae, Julio Pontifici foederatus. 24. D
 — — inter ipsum & Pontificem implacabiles irae. 26. A
 — — Ligustinis motibus & Genuensium defectione ad arma excitatus, in Italiam pergit. 27. A. D. E
 — — Mediolanensium Legatis salutatur. 28. A
 — — ejus gratiam multi aucupantur. 28. B. C
 — — edomito Ligure, Mediolanum iter dirigit, ibique triumphans ingreditur. 28. E. F. 29. A
 — — Oratores Venetos audit. 29. D
 — — miraculorum Mediolanensium confusione attonitus. 30. C. 33. B
 — — a Jo. Jacobo Trivultio magnifice excipitur. 30. E. F. 31. A
 — — a Trivultio monitus, in Magistratuum ac juris administrationem inquiri. 33. C. E. F
 — — in eo perditorum insidiis fallitur. 34. B
 — — Maximiliano Imperatore iter in Italiam parante, turbatus, foedus cum Venetis redintegrat, & defensionem parat. 34. D. E. F. 35. D
 — — quibus beneficiis ab Imperatore Maximiliano affectus. 37. A
 — — induciis inter Imperatorem & Venetos initis exacerbatur. 47. C. D. E
 — — Venetis bellum minatur. 47. E
 — — quanta molitur, cogitat. 51. E. 52. A
 — — Britannorum gratiam init, Helvetiorum multa millia conducit. 52. A
 — — Venetis inter omnes hostes maxime formidabilis. 54. A. 56. B. C
 — — exercitum non per Legatos, sed per se ipsum in Venetos duci voluit. 56. C
 — — magnis itineribus in Italiam tendit. 62. D
 — — Mediolanum appellit. 62. F
 — — in castra properat, ibique advenit. 63. A. B. F
 — — ut Venetos ex abdito in aperta pelliceret, Pandinum iter fingit. 69. D
 — — flumen Abduam trajicit. 67. D. E
 — — occasionem pugnandi ardens quaerit. 68. D.
 — — Deos Deasque pro felici successu precatur. 68. E. F
 — — hostes ad Pandinum aggreditur, & vincit. 70. D. E. 71. D. 72. E. F
 — — Diis pro victoria gratias agit. 73. B
 — — Livianum captivum, sed adhuc indocilem mansuete loqui, alloquitur & audit. 73. F. 74. A
 — — post Venetam stragem Italiae Regulos & finitimos Principes ad sua repetenda provocat. 74. E. F
 — — ei Venetorum fines irrumpenti, vix viso, ab urbium Praefectis portae aperiuntur. 76. B
 — — ejus victoriosum iter interseinditur. 76. F
 — — Piscariam oppugnat & capit. 77. B. E.
 — — Brixiam ingreditur. 78. C
 — — Mediolanum regreditur, & ibi festivitates ob victoriam obtentam celebrat. 78. D. E. 79. A.
 — — 80. A. 81. A
 — — Transalpinam in Galliam abit. 81. D
 — — Maximiliano multa numerorum millia mutuo dedit. 117. B
 — — Ferrariano Principi ad sua recuperanda copiis affuit. 132. A
 — — Pontificale imperium plus aequo augeri, gravabatur. 140. B
 — — praeter ducum ac militum opinionem in castra venit. 140. C
 — — Lemniacum arcem Venetorum capit. 146. B
 — — Mediolani Concilium indicit. 152. C
 — — casum urbis Brixiae graviter tulit. 180. E
 — — fortune filius dicitur. 185. A
 — — a Britannis bello petitus, copias ex Italia revocare cogitur. 193. E. 194. A
 — — rei Mediolanensis amissae sollicitus, exercitum contrahit, & iter eo molitur. 206. B

Ludovicus XII. Rex Galliae, fortuna adversante, urbium praefectos admonuit, ut, cum fatis succumbendum esset, Hispano potius quam Veneto cederent. 215. B
 — — cum eo Veneti denuo foedus ineunt. 215. E.
 — — 216. B
 — — militari negotio finem imponere peroptat. 255. A
 — — plura in continuando bello offendit impedimenta. 255. C. D. E
 — — Britannici Regis sororem ducit. 256. A
 — — in Italiam iter parat. 256. B
 — — Leonem Pontificem, ut in Italiam adventanti suffragaretur, sollicitus ambit. 256. B. C
 — — ejus obitus. 256. D

M.

Macra Ligustici littoris oppidum. 135. F
 Magistratuum Mediolani infinitus numerus. 204. F. 205. A
 Mainus (Ambrosius) Mauritani praecipitii strepitante aura, effugit. 4. F
 — — Patavii ab Auctore salutatur. 5. A
 — — Regem Galliae salutabundus accedens Trivultium detestatur. 11. B. C
 — — ejus filia Camillo Trivultio nubit. 195. C. D
 — — (Jason) Jureconsultus, Ducis Mediolanensis ad Pontificem Legatus. 23. C
 Malipetrus (Aluisius) Legatus Venetus. 125. A
 Malvetius (Lucius) rei castrensis Gubernator. 173. D
 Manaseus (Theodorus) ad Crovariam recuperandam mittitur. 296. E
 Manfronus (Joannes Paulus) a Gallis in urbe Brixia capitur. 180. B
 — — Montichii Praefectus. 225. D.
 — — in obsidione Brixiana triginta militibus hostium impetum reprimi, sed praesidio omni destitutus tandem cedere cogitur. 280. C
 — — copiarum Vallegiano praesidio destinatarum Ductor, cum hostibus acriter configit, & capitur. 281. D. E
 Manphredus (Galeotus) strenuus miles, & ordinum Ductor valentissimus. 26. D. E
 — — ab uxore & complicibus interficitur. 26. E. F
 — — praedictionibus Mathematicis de periculo admonitus fuit. 26. F
 Mantuae Princeps, quod inconsultis Legatis conflixerit, Venetias accitus. 35. C
 — — motu Gallorum exultabundus in aliena irrumpit, sed a Venetis rejicitur. 58. D
 Maraniana Venetorum expeditio. 240. B. 241. D. E
 Maranium, oppidum obsessu difficile, a Germanis sive dolo, sive casu capitur. 231. D. E
 Marcellus (Petrus) ad Patavium protegendum mittitur. 120. E
 — — Victorio capto, Legatus substituitur. 242. A
 D. Marci Templum Venetiis. 249. E. F
 — — Thesaurus, proverbio, cum admirabilis pretii rem admiramur, occasionem dedit. 250. A
 Marinus (Carolus) Lemniaci Praefectus, Venetas legiones in expeditionem Vicentinam praevent. 116. F
 — — cum Nobilibus Venetis in hostium potestatem venit. 134. E
 Marlianus (Jo. Franciscus) acutissimus Jureconsultus. 195. C
 — — rerum Arbiter. 202. B
 Marostica, oppidum, a foederatis occupatur. 134. F
 — — obsidione a Venetis cingitur. 148. A
 — — una cum arce iisdem deditione traditur. 148. D
 Mar-

Martinus, vilissimus scurra, Mediolanensium victoriam interpellat, & suspendio strangulatur. 262. A. C

Matthæus, Sedunensis Episcopus, milites Pontificis jussu conscribit. 193. C. D

— Helvetici peditatus Ductor, ad Gallum Italia extrudendum convertitur. 194. C. D

— rem bellicam procurat. 200. B

— ejus ingenium & mores. 200. B. C

— Trivultiacæ factioni inensus. 200. C

— ejus, Mediolanensibus de summa rerum ejusque Imperio tractantibus, violentum & partinax ingenium. 203. F. 204. A

— ejus judicia intersonant. 205. A

— Gallis Mediolanum iterum pctentibus, turbatur. 206. F. 207. A

— Pontificalis Legatus Venetorum Legatos petulantius traducit. 210. B

— Salucianum Marchionem, Ducemque Sabaudie oppugnare properat. 210. C. D

— Venetos hostes pronuntiat. 211. A

— fœdus inter Gallos & Helvetios jamjam in-eundum oratione ardentissimisque verbis interrumpit. 263. C

— magnæ cladis Helvetiis a Gallis illatæ auctor, suam adhuc immanitatem & ferociam spirans Mediolanum obscurus revenit. 267. C. E

— nihil attentandum esse censet, molliterque factis obtemperandum. 267. F. 268. A

— in Germaniam proficiscitur ab Imperatore auxilia petiturus. 268. C

— voti sui compos redditur. 283. A. B

— Imperatorem ad celerius in Italiam descendendum vehementer impellit. 283. C

— ejus conatus omnes futes effluunt. 287. F. 288. E

— omnia facit, si dispalantem exercitum sub sua signa revocare possit. 291. A. B

— potentissimarum Regionum pacem interturbat. 298. A

Maurus Dux captivus. 12. A

— (Christophorus) copiarum Ductor, per insidias Germanos a Patavio defendendo avertit. 84. C

— Venetorum ad Helvetios Legatus, petulantius traducitur. 210. B

— (Philippus) præcipui nominis Chirurgus Mediolani, captivi & graviter vulnerati Liviani curam suscipit. 74. D

Maximilianus, Imperator, Mediolanensibus auxilia mittit, quæ intercepta. 4. A

— ut instituto Majorum insigniretur, in Italiam iter parat, quo Galli & Veneti turbantur. 34. C. D. E

— ob formulam itineris & armatorum sibi a Venetis præscriptam vehementer commotus, Constantiæ Proceres Germaniæ in Concilium evocat. 34. E. 35. F

— ejus ad Proceres in frequenti confesso Oratio. 36. A

— quibus Gallorum Regem Ludovicum beneficiis affecerit. 37. A

— Oratoris Veneti orationem discutit. 39. B

— a Proceribus Germanis auxilia adversus Gallos & Venetos obtinet. 41. B

— exercitum in hostem promovet. 41. E

— justo cum exercitu iter in Italiam pertentat. 42. E

— quem finem expeditionis ejus Mediolanenses existimaverint. 43. B. C

— Inducias cum Venetis paciscitur. 44. A. C

— abjudicatis inhiat, & ea sociorum manu Venetis eripi posse sperat. 50. B

— arma in Venetos movens Istriam & Forum Julii invadit. 53. C. F

— cuncta quæ sui juris esse censet, ad manum revocat. 75. E. 76. A

Maximilianus, Imperator, Taurisum ingraffaturus ex æstivis movet. 83. C

— eum Veneti delenire tentant, sed frustra. 89. C. D

— Patavii nuper ablaqueati cura distorquetur. 91. B

— Turcas contra Venetos sollicitat, sed frustra. 91. D

— Patavium oppugnare statuit. 91. C. F

— priusquam ferro decerneretur, mitiore remedio rem præmolire constituit. 105. E

— tubicinem Patavium, ut nomine suo reposcat, mittit. 105. F

— Patavium summa vi aggredi statuit. 107. D

— literas sagittis alligatas in urbem Patavium conjici jubet. 108. C

— obsidium urbis Patavii solvit. 114. E

— Gallos Italosque majore potentia suspectos habuit. 115. A

— quas causas habuerit, castris abscedendi. 115. A

— Gallos Italosque naturali odio invisos habebat. 115. B

— Veronam contra invasionem Venetorum præmunit. 116. E

— multa numerorum millia a Ludovico Gallorum Rege jussit. 117. B

— conventu Augustæ indicto Julii Pontif. Oratorem extrudit. 125. F

— Ludovicum Gallorum Regem in Venetos inflammat. 125. F

— novos in Venetos motus in Pannonia excire satagit. 125. F

— Patavium suo jugo revulsum ægre fert. 169. D

— Patavium & Vicentiam sibi vult restitui. 184. A

— ei per inducias, quæ vero spernuntur, Verona Brixia, Bergomum cedunt. 231. A. B

— dum meliora sperat, inducias spernit. 231. C

— inter eum & Venetos bellum recrudescit. 231. D

— hortantibus Matthæo Sedunensi & Mediolanensibus extorribus, magnas copias contrahit, spe Gallos Mediolano deturbandi. 283. B. C

— in Italiam proficiscitur. 283. F

— certissimo itinere Mediolanum contendit. 284. A

— Mediolano exercitum admovet. 284. E

— præceptis ac repentinus ab urbe abscedit, & in ulteriorem Germaniam effugit. 287. F. 288. A

— Mediolanenses, quod advenientem non exceperint, rebelles dixisse fertur. 289. E

— pacem cum Gallis & inducias cum Venetis init. 299. A

Medices (Julianus) Florentiæ Gubernaculis præficitur. 214. E

— (Leo) Pontifex Maximus. 216. F

— reconciliandis animis non levem operam obit. 217. A. 230. D

Mediolanenses ob captum Ducem & dissipatum exercitum magna trepidatione turbantur. 1. B. 2. A. B. 3. A. B. F. 4. A

— eorum multi, incolumitatis spe abjecta, aufugiunt. 4. B

— sub potestatem Gallorum rediguntur. 5. C. 6. E

— gravi indictione a Gallis onerantur. 5. C. F. 6. A. B

— aliqua ex parte levantur, & verbis lenioribus reficiuntur. 6. B. C. D

— arma in publicum efferri jussu, falso metu turbantur. 6. E

— eorum Legati Ludovicum Regem Galliæ salutant. 28. A

— Ludovicum, edomito Ligure, triumphantem excipiunt. 28. E. F. 29. A

— inanibus letitiis capiuntur, sperantes Sfortias restitutum iri. 43. B. C

— vicem Vicentinorum indoluerunt. 133. D

- Mediolanenses, Gallorum vertente fortuna, de rebus suis consultant. 195. E. 196. B. C
- Trivultium rogant, ut, dimisso exercitu, in patriam redeat. 197. A
- a quo Christiano ritu sacra facere edocti. 199. A
- a prædonibus intestinis turbati, iustitia frustra petita, vim vi repellunt. 201. F. 202. A. B
- hac peste exacta, Gallisque fugatis, de summa rerum, deque ejus imperio tractant. 203. B. C
- Ludovici Sfortiæ filios revocandos censent, & Maximiliano imperium decernunt. 204. C
- infinito fere Magistratuum numero gravantur. 204. F. 205. A. D
- ad eorum pecunias emungendas Helvetii semper intenti. 209. E
- Gallorum Rege defuncto alii mœrent, alii lætantur. 257. A. B
- de urbe Gallis iterum adventantibus dedenda tractant, plebs vero ad arma incitatur. 259. C. E
- in Gallos erumpentes repelluntur. 261. E. 262. A
- Matthæi Sedunensis & Helvetiorum diripiendi urbem cupiditate cognita, turbati, Gallum victorem comprecantur. 264. C
- pecuniarum indictione a Gallis gravantur. 268. E. F
- eorum ad Regem Galliæ pro deprecanda pecuniarum indictione Epistola. 269. B. C
- Gallos victores abhorrent, & redintegraturi bellum erant, nisi Maximiliani Ducis deditio intercessisset. 271. B
- Francisco victori se subjiciunt, & venia licet impetrata, rebellionis tamen questionibus turbantur. 271. D. E. 272. A. D. E. F
- Regem Franciscum gloriose ingredientem excipiunt. 275. A. D
- eorum quam plurimi ad salutandum Regem admittuntur. 278. B
- eorum extorres, Gallorum potentiam perosi, Cæsarem ad arma celerius capeffenda hortantur. 283. B. C
- adveniente Cæsare, foris hostibus truculenter immanibus, intus Gallis nec mitioribus premuntur. 284. E
- ne uno desperationis excidio ipsorum & Galliæ opes confundantur, prospicitur. 285. D
- ne in Gallos impetum faciant, prospicitur. 286. A. B. C
- Cæsare abscedente, alii lætantur, alii curis ingentibus distringuntur. 288. F. 289. A. B
- quod Cæsarem advenientem non exceperint, a rebellionis nota ab Auctore vindicantur. 289. F. 290. A. B
- Mediolanum a Gallis occupatur. 6. E. 16. A
- ejus miraculorum confusione Ludovicus XII. ingrediens attonitus. 30. C. 33. B
- a Ludovico XII. orbis terrarum specimen & flos proclamatur. 33. C
- ob negligentiore instantiam amplissimo Regis beneficio fraudatur. 33. C. D. E
- ibi a Gallis ob res feliciter gestas celebrata festivitas. 78. D. E. 79. A. 80. A. 81. A
- a Gallis relictum, tumultu turbatur. 199. C
- intestinis latrociniis turbatur. 200. D
- quantum hoc bello perpeffum. 251. D. E. F. 252. A
- benigni Cæsaris Caroli Clementia, sanctoque Francisci Sfortiæ moderamine restitutum. 254. A
- Gallis iterum deditur. 271. B. C
- foris Germanis, intus Gallis licet turbata, nulla tamen commeatus inopia, ne ad delicias quidem, laborat. 286. D. E
- ejus demolitiones, ruina & misera facies. 287. D. E. 288. B
- ejus conditores Galli, eversores Germani sæpe leguntur. 290. C
- Meleager Forolivienfis Brixianum præsidium maturans a Gallis funditur capiturque. 176. E
- Mens humana studio majoris assequendæ dignitatis anxie semper laborat. 153. E
- Mercurius Venetorum militum Præfectus usque Tridendum penetrat. 243. E
- barbaros clade affligit. 245. A
- copiarum Vallegiano præsidio destinatarum Ductor, hostibus obviis cedit. 281. D
- Venetæ Ductor armaturæ Hispanos non parva clade afficit. 282. E
- ad recuperandam Crovariam mittitur. 296. E
- Mestrum a Germanis & Hispanis populatur. 223. A
- Mirandula urbs a Venetis capitur. 145. B
- a Jo. Jac. Trivultio capitur. 156. A
- Gallum Dominum agnoscit. 162. C
- a Pontificiis & Venetis capitur. 184. E
- Mirandulani ad extrema redacti Oratores ad Pontificem mittunt. 141. A
- Misericordia miscentis animum quidem pervellit, sed oppressos non redimit. 133. D
- Mocenicus (Aluifius) Scalanam arcem oppugnat. 117. B
- — copias ex Tarvisio in Auxilium movit. 147. C
- — Gradiscanis præsidio fuit. 172. E
- (Andreas) Patricius Venetus, omni genere disciplinarum eruditus. 16. B
- — Venetos audaciæ insinulat. 123. E
- — Protonotarius a Venetis ad Helvetios missus petulantius traducitur. 210. B
- — Patriæ situm stilo suo admiratur. 249. A
- (Leonardus) Legatus Venetus. 125. A
- — Venetus Legatus ad Pontificem. 137. E
- Monfalconium a Germanis capitur, & crudelissime diripitur. 233. D. 239. E
- Monfalex oppidum a federatis occupatur. 134. E
- Monstrum nascitur. 188. A
- Montignana a Venetis oppugnatur. 119. C
- sese bellico oneri perferendo imparem cognoscens, deditit. 119. C
- a Germanis & Hispanis populatur. 223. A
- Moronus (Hieronymus) Mediolani summam rerum agitat. 259. D. 260. C
- — Mediolanensem plebem in arma contra Gallos incitat. 259. E
- — fœdus inter Gallos & Helvetios jam ineundum interrumpit. 263. B
- — Helvetiis auxiliariis licet fœde cæsis, sistendum tamen ait. 267. E
- — arcem Joviam tenens Maximilianum Sfortiam a deditioe Gallis facienda detertere conatur. 271. C. 273. A. C
- — arcem Joviam Gallis dedit. 271. C. D. 273. D. E
- — suam sospitatem cum fortunis omnibus, pristinamque dignitatem paciscitur. 273. E
- Muglanici Tergestinos invadunt, sed disjiciuntur. 169. B
- Muglenses Germanum reprimunt. 169. E
- Mulcatelus (Aluifius) flammæ bellicas violentius accendit. 169. A
- Mutina a Pontifice & Venetis opprimitur. 138. E
- Muzanici paguli plebecula a Germanis blandiloquio in potestatem redacta crudelissime habetur. 231. E. F
- N
- Navarrus (Petrus) omni re bellica celebratissimus. 188. D
- — pedarii ordinis Magister a Rege Galliæ in Italiam præmittitur. 257. F
- — Helvetiis vias obsidentibus imposturam facit. 257. F. 258. A
- — arcem Joviam circumfidel, & obsidione premit. 272. F
- — ejus in Brixiana obsidione diligens procuratio. 281. C
- Nea-

Neapolis a Gallis invaditur, & in eorum pervenit potestatem. 14. C. 15. A. C. F. 16. B
 Nemorienſis Dux, alias Namurſius Dunosio in praſidatu Mediolanenſi ſuccedit. 159. C
 — huius Dominium aſtronomi infelix praedixe-
 re. 159. C
 — Ductor in Veronenſium fines irrupit. 176. B
 — fortiter pugnans confoditur. 190. E
 — ejus cadaver a tumultuantibus inhumane
 habitum. 200. A
 Normandini Quaſtoris avaritia. 193. B
 Novaria a Gallis capta. 5. C

O.

Odetus Gallorum heros & Dux eximius. 189. B
 — 282. D
 — Brixiam aggreditur & ad deditiorem compellit. 291. D. 292. B
 — Veronam aggreditur, ſed mox inde recedit. 292. D. E
 — pugnam detrectat, cauſatus, Regios Quaſtores non ſolvendo eſſe. 293. B
 — ſtipendiis ſolutis iterum in hoſtem & Veronenſem expeditionem movet. 293. C. D
 — cum Legati Caſaris & Hispaniarum Regis ab ineundo praelio avocant. 295. C
 — Villafranchum abit. 295. D
 — impenſius rogatus redit. 295. E. 296. A. B
 Oratio Maximiliani ad Proceres Germaniae in Concilio Conſtantiae. 36. A
 — Oratoris Veneti ad Imperatorem Maximilianum. 38. C
 — Liviani ad milites, adventu Ludovici Regis in caſtra hoſtilia percuſos. 64. B. C
 — Leonardi Lauretani de belli Patavini procuratione ſuſcipienda. 97. B
 — Summatum Patavii ad nuntium, a Maximiliano miſſum, habita 106. A
 — Petri Paſcalici ad Regem Pannoniae. 126. C
 — funebriſ in Ambaſanum vita functum ab Antonio Caroli habita. 158. C
 — Julii Pontificis ad Regem Hispaniarum. 161. E
 — Maximiliani Sfortiae nomine ad Gallorum Legatos Mediolanum repoſcentes. 260. D
 — Matthaei Sedunenſis ad Helvetiorum Primates, faedus cum Gallis inire volentibus. 263. C
 — Venetorum Legatorum ad Franciſcum Galliae Regem Mediolano potitum. 275. E
 — Regis nomine ad Legatos. 277. F. 278. A
 Orator ſimplex, bonus orator. 129. B
 Oratores Veneti Ludovicum XII. Mediolanum ingradientem excipiunt. 29. D
 Oſopium a Germanis oppugnatur. 234. B
 — commeatus inopia laborans Veneti Senatus literis erigitur. 236. C. D. 237. E
 — obſidione ſolvitur. 238. E

P.

Padernum a Gallis populatur. 211. D
 Palavicinus (Antonius Maria) Ludovici XII. Mediolanum ingredientis ſatellitium agit. 29. B
 Paleologus (Conſtantineus) ductor exercitus, Liburnis vim infert. 148. F
 Pannonες bellum Venetis inferre decernunt. 13. E
 — magno verborum ambitu a Maximiliano Ludovicoque fraudati ſunt. 131. F
 Pannoniarum Regis Orator Tarviſinos fluctuantes in fide Venetis ſervanda ſſimat. 82. C. D
 Parma in potestatem Pontificis pervenit. 209. B
 — eam ut Pontifex teneat, aliis placet. 214. F
 — Gallis cedit. 278. D. 279. D
 Paſcalicus (Petrus) Orator Venetus apud Pannonες. 126. B
 Patavini Venetorum inſignia parum reverenter colentes in penas rapti. 86. A. B

Patavini obſeſſi munimenta quaſſata magis quam antea ſurrigunt. 109. B
 — hoſtes, a quibus obſidebantur, ſtratagemate colludunt. 110. B
 — opprobriis amarioribusque convitiis hoſtem acerbiffime detaxant. 111. D
 — Reipubl. delugentis preſſuram obteſtatione multa deprecantur. 113. B. C
 Patavium ab Imperatore occupatur. 75. E. 76. A
 — de hac ejus captione variae variorum ſententiae. 84. F. 85. B
 — a Venetis, opera Andreae Gritti, recuperatur. 84. A. B. F. 85. B. E. 86. A. 95. C. 100. A
 — populationis periculo expoſitum, Andreae Gritti pietate ſervatur. 86. D. E. F. 87. A. B
 — ab Imperatore iterum tentatur recipi 91. C. F
 — id contra foederatos defendere Veneti decernunt. 97. A
 — antiquum & nobile eſt Venetae Reipubl. domicilium. 98. C
 — omni conatu a Caſare oppugnatur. 109. B. ſeqq.
 — ab Hispanis & Germanis fruſtra obſidetur. 221. E. F
 — per inducias quae vero ſpernuntur Venetis cedit. 231. B
 Patientia ſapius laesa furore ſuccenditur. 108. F
 Paulus Genuenſium Dux electus. 27. D
 — capitur & vulgari ſupplicio afficitur. 28. C. D
 Pax inter Caſarem & Venetos a Pontifice fruſtra tentatur. 231. A
 — inter Venetos & foederatos. 299. A
 Pellicianus Gallorum Dux eximius. 189. B
 — ex Italia in Galliam revocatur. 194. A
 Perduellionis rei a Venetis venia donati. 300. B
 Perſicus (Franciſcus) delegatus Judex. 206. A
 Petilianus (Nicolaus) Venetorum caſtrorum Imperator conſtituitur. 35. D
 — Tridentinos fines occupat Germanorum impetus excepturus. 35. E. F
 — ſepe levibus praeliis & ancipiti Marte cum hoſte decertat. 42. F. 43. A
 — Venetorum exercitus Imperator contra Gallos declaratur. 55. A. B
 — milites ac Duces ut operam navent, hortatur. 105. C
 — uſque Tridentum penetrat. 243. E
 Picus (Joannes) Mirandulanus, doctrina ſcitiaris columnen, coram Patribus Conſcriptis Romae inconſultius loquens in periculum incidit. 23. A. B
 — Mirandulae dominus, vir ingenio magis quam fortuna celebris. 141. C
 — quoad corpus & animum deſcribitur. 141. C. ſeqq.
 — libros quinque de amore conſcripſit. 142. B
 — Bononiam ad dogmata Pontificii juris ediscenda perrexit. 142. E
 — peſtus ipſi ſuſerat quaſi bibliotheca ſcientiarum. 142. F
 — omnia Italiae Galliarumque Gymnaſia perlustraſcit. 143. A
 — Apoſtolicum Senatum in luctam provocare praſumpſit. 143. A
 — opus adverſus Aſtologos edidit. 143. C
 — Franciſcus nepos Joannis Pici. 143. C
 — vitam patri conſcripſit. 143. C
 — dat quinque cauſas, tantae patri abſolute perfectionis. 143. D
 — 32. annum attingens, Florentiae moritur. 144. E
 Piſofella fluvius. 119. C
 Piſcaria municipium ſe victorioſis Gallis opponit. 76. F
 — expugnatur. 77. B. E
 Piſcheria a Venetis capitur. 218. B

Pischeria ab Hispanis expugnatur & diripitur. 220. D
 — a Venetis recipitur. 221. A
 Pius Senensis, Summus Pontifex. 279. E. F
 Placentia in potestatem Pontificis pervenit. 22. B
 — eam ut Pontifex teneat, aliis placet. 209. B
 — Gallis cedit. 214. F
 — 278. D. 279. D
 Polanus (Franciscus) Dux Venetus, pugna navali inter-
 terficitur. 136. C
 Prælium ad Capuam inter Gallos & Neapolitanos. 17. A. B. E
 — in aëre visum. 25. B. C
 — inter Germanos & Venetos. 42. A. B. C. D
 — inter Gallos & Venetos ad Trivilium. 59. E. F
 — inter Venetos & Pontificios ad Brixigellam. 61. B
 — inter Venetos, & Gallos ad Pandinum. 70. F
 — 71. B. E
 — ad Austrium inter Venetos & Germanos. 88. A. B
 — ad Lemniacum inter Venetos & Mantuanos. 90. B. C. E
 — inter Venetos Germanos, Gallosque apud Cher-
 ronesum. 132. C
 — inter Venetos & Gallos apud Parmam. 138. F
 — ad Balionam inter Gallos & Britannos. 193. F
 — ad Padernum inter Venetos & Gallos. 211. D. E. F
 — ad Vicentiam inter Venetos, & Hispanos at-
 que Germanos. 226. C. 227. C
 — ad Laudem Pompejam inter Venetos & Hi-
 spanos atque Germanos. 229. C. F. 230. A. B
 — ad Bassianum inter Germanos & Venetos. 234. A
 — ad Navonis portum inter Venetos & Germa-
 nos. 239. A. B. D
 — haud longe Mediolano inter Gallos & Helve-
 tios. 265. D
 — ad Veronam inter Venetos & militares Vero-
 næ custodias. 281. C. D. E
 — ad Amphum inter Venetos & Germanos. 281. E
 Pratum, Fesulanæ ditionis oppidum, ab Hispanis ca-
 pitur & diripitur. 214. E
 Princeps voluptatibus non debet immergi, sed esitan-
 tibus potantibusque aliis, esurire ac sitire. 97. D
 — cum cæteri languent jacentque, stans mori de-
 bet. 97. D
 Provisores Venetis qui dicantur. 35. B. C
 Q
 Qui nimis emungit, elicit sanguinem, prover-
 bium. 270. D
 R
 Raimundus (Aluisius) Venetorum Orator, obti-
 net, ne Turcæ a Maximiliano sollicitati ar-
 ma contra Venetos moveant. 91. E
 Ravenna a Pontifice occupatur. 75. F
 — a Gallis obsidetur. 187. B
 — a Gallis occupata diripitur. 191. A. seqq.
 — in potestatem Pontificis pervenit. 209. B
 Ravennates militaribus molestiis inquietantur. 159. D
 Regium Lepidi a Venetis recuperatur. 138. E
 Rhodigium a Ferrariæ Duce occupatur. 75. D. F
 — cum omni ditione Veneto restituitur. 138. D
 — a Venetis deseritur. 221. B
 Ricianus solers & impiger militum ductor. 239. B. C
 Ripalta exilium crudele perpeffa. 58. E
 Ripanus (Andreas) Piscariam contra Gallos defen-
 dit, sed superatur. 77. A. E
 Roma felicitate Venetiis cedit. 250. C. D
 Romæ Concilium celebratur. 209. C
 Romani a Liguribus frequenter bellis exerciti. 27. A. B. C
 Rufium a copiis Pontificiis tentatur. 61. D
 — ei Venetorum copiarum subsidio veniunt. 61. E
 — transactione deditur. 62. A

S.

Sabaudia Ducem Matthæus Sedunensis oppugnare
 properat. 210. D
 Sabelli a Borgia e medio sublati. 20. D
 Sabelliana clades. 229. C. 230. C
 Sabellus (Lucas) magna cum cohorte in hostium po-
 testatem pervenit. 214. E
 — (Sylvius) Mediolano in Bergomensem expedi-
 tionem proficiscitur. 222. D
 — (Troilus) insidias hosti in itinere struit. 149. E
 Sacillum a Venetis relictum à Germanis occupatur. 172. D
 Salvaticus (Jo. Angelus) Juris Civilis summa scien-
 tia præditus, Gallorum ad Maximilianum Sfor-
 tiam & Moronum pro deditioe promovenda Ora-
 tor. 274. A. B
 — — intempestivo coitu morbum contrahit,
 & obit. 274. C
 Salucianum Marchionem Matthæus Sedunensis op-
 pugnare properat. 210. C. D
 Sanseverinus (Federicus) Concilium Mediolanense Re-
 gia Gallica manu protegens, Bononiam proficisci-
 tur, eam a Julio Pontifice asserturus. 26. B. C
 — in urbe Vicentia ductor. 116. D
 — militum suorum incolumitatem paciscens, ci-
 vilitatem Vincentiam dedit. 116. D
 Santangelus (Paulus) Vir bello strenuus. 227. B
 Savorgnanus (Antonius) tumultuarii militis Magi-
 ster. 172. D
 — instantia magis quam futura prospiciens desci-
 vit. 172. E
 Saxolani crepitantium armorum incendiis concremati
 sunt. 139. C
 Scævola manum exurendo Pop. Rom. obsidione cin-
 ctum solvit. 101. B
 Scalana arx ab Aluisio Mocenico oppugnatur. 117. B
 Scalani agri a Mantuano Duce peragratur, qui
 vero capitur. 89. F. 90. E
 Scaramutio Judex. 8. A
 Scipio (Balihasar) collectitii militis Magister. 172. D
 — — fidem magis quam fortunam secutus
 Gradiscanos tutatus est. 172. E
 — — a Gallis in urbe Brixia capitur. 180. B
 Sclufa a Venetis capitur. 173. F
 Senogallia a Borgia expugnata diripitur. 20. B
 Sermonium ad Venetos desciscit. 279. F
 Sfortia (Ascanius) capitur. 1. A. 2. A. 11. F. 12. A.
 — — 16. B
 — — a quo captus. 12. C
 — — Venetias perducitur. 12. C
 — — ejus captivitate Veneti gravius exacer-
 bantur. 12. C
 — — liberiori custodia observatur. 12. E
 — — Gallis captivus traditur, & in Galliam
 perducitur. 13. C. D
 — — vinculis exsolvitur. 13. D
 — — cujus auxilio libertatem obtinuerit. 21. E
 — — ejus in eligendo Pontifice virtus & ju-
 dicium. 22. C
 — — Joanni Pico periclitanti salutare ma-
 nus porrexit. 143. B
 — — publicis rebus gerendis se subducit, &
 ut multi credidere, ebibito veneno interiit. 22. D.
 — — 23. E. F
 — — ejus vitæ compendiosa historia. 22. E.
 — — 23. A
 — — post funera Florentiæ degere, stulta per-
 suasione creditus. 43. E. F
 — (Catharina) gentis suæ inclita virago. 14. B
 — — velut in triumphum ducta. 15. B
 — (Franciscus) in horoscopo stellam fixam habuisse
 se traditur. 24. C
 — — Ludovici filius, sub Imperatoris tutela
 degit. 204. D
 — — ejus sanctum moderamen Mediolanenses
 restituit. 254. A
 Sfor-

Sfortia (Franciscus II.) cæsis ad Mediolanum Helvetiis, in Germaniam abit. 268. C
 — (Ludovicus) captus in Gallia obit. 16. A
 — — ejus filii Mediolanum revocantur. 204. C
 — (Maurus) captus; & quorum fraudibus interceptus. 2. A. 12. D
 — (Maximilianus) prius Hercules dictus, Ludovici filius, ex Germania Mediolanum revocatur, ipsique Imperium decernitur. 204. C
 — — ejus virtutes. 204. D. E
 — — ejus in Urbem Mediolani ingressus. 204. E
 — — ejus regimen ob infinitum Magistratum numerum Mediolanensibus durum. 204. F.
 — — — 205. A. 206. A
 — — — ejus Gallorum Legatis, Mediolanum reposcentibus, data responsio. 260. D
 — — — Imperii sui pertasus secretis cum Gallorum Rege pactionibus convenit. 271. B
 — — — quantum ei in alteriori Gallia quotannis præstari convenerit. 273. E
 — — — arce relicta, in privati civis domum & ipse privatus secedit. 273. F. 274. A
 — — — ad despectam & egenam humilitatem pervenit. 274. D. E
 — — (Octavianus) Laudensium sacrarum Præsul, Mediolani administrationem civilem obit. 200. B. C
 — — — Mediolanum, rapinis intestinis vexatum, liberat. 202. B. C
 — — — Cremam Maximiliani Ducis, reique Mediolanensis nomine asserere conatur, sed frustra. 213. B
 Sfortiaca gens prolapsa. 6. B
 — — eam per Imperatorem restitutum iri, vana Mediolanensium persuasio. 43. B
 Sodorinus (Petrus) Florentiæ gubernaculis dejicitur. 214. E
 Soles gemini Patavii conspecti. 188. B
 Spetia, Ligustici littoris oppidum. 135. F
 Spilimbergii Germanis se dedunt. 173. B
 Stepharius (Jacobus) Helvetiarum copiarum Ductor, Legatos Venetos petulantius traducit. 210. B
 Suavium a Germanis Gallisque capitur. 168. D
 Sulpicius (Severus) post Ciceronem primum locum in agendis causis tenuit. 129. C

T.

Tarvisium a Germanis tentatum diversis civium sententiis fluctuat. 82. C
 — — ei a Venetis omni re prospicitur. 83. A. C
 — — a Germanis obsidione cingitur. 171. E
 — — per inducias, quæ verò spernuntur, Venetis cedit. 231. B
 Telina Vallis ut Helvetio adjudicetur, aliis placet. 214. F
 Templum in victoriæ memoriam edificatum. 73. C
 Tergeste a Venetis domatur. 42. E
 — — ab Imperatore occupatur. 75. E
 Tergestini a Muglanicis vincuntur. 169. B
 Terra utilia quidem, sed & nocentia producit. 246. E
 Tremellius (Ludovicus) Massiliensis Præsul, Helvetios ad fœdera cum Gallis & Venetis trahere conatur, sed frustra. 216. D. E
 Trivilium, oppidum non incelebre, a Carolo Ambasiano captum. 56. E
 — — atroci fato a Liviano, Venetarum copiarum Ductore, recuperatur. 58. F. 60. A
 Trivisanus (Angelus) Classis Præfectus in expeditione Ferrariana. 118. F
 — (Dominicus) Venetus Legatus ad pacem obtinendam missus. 125. A

Trivisanus (Dominicus) Venetorum ad Franciscum, Gallie Regem, Legatus. 275. D
 — — — ejus Oratio. 275. E. F
 Trivultia (Laura) Antonio Maria Cribello nubit. 195. D
 Trivultius (Camillus) Ambrosii Maini filiam ducit. 195. C. D
 — (Jo. Jacobus) Mediolani Gubernator, Mediolanenses ipsi gratulantes audit. 6. C
 — — — Mediolanensium in eum conspiratio. 7. E
 — — — domiforisque regias vices agit. 8. C
 — — — ipsi a Georgio Ambasiano insidie texuntur. 8. D
 — — — ex regia in arcem se recipiens, a Francisco Bernardo Vicecomite incolumis servatus. 9. A. B
 — — — Rothomagensis Præsul contra ipsum ad Regem literæ. 9. B. C
 — — — Mediolani vicariatu motus Marscalcus constituitur. 11. E
 — — — Ludovicum XII. Mediolani excipit. 30. E. F. 31. A
 — — — Regem de Republica bene instituenda monet. 33. C
 — — — a Rege delectui militum habendo præficitur. 35. D. E
 — — — copias in Venetiam & Tridentinos fines ducit, Germanorum impetus excepturus. 35. E. F
 — — — sæpe levibus præliis & ancipiti Marte cum hostibus decertat. 42. F. 43. A
 — — — Gallicanæ militiæ præficitur. 62. E
 — — — Mediolanum regreditur, Regem de exercitus statu edociturus. 63. A
 — — — nisi hostes insidiis circumvenit, victoriam desperat. 70. D
 — — — hostem aggreditur, cedit & fugat. 70. E. 71. A. 72. F
 — — — in locum Caroli Ambasiani succedit. 156. A
 — — — Venetas legiones fundit ac fugat. 156. C
 — — — muneribus a Julio Pontifice donatus a bellico successu revocatur. 157. A
 — — — Mediolanum magna cum gloria revertitur. 157. C
 — — — occupationi Brixie non interfuit. 177. A
 — — — barbaricam temeritatem & insolentiam perosus, in patria conquirere cupit, & Nobilitatem sibi adversam conciliare studet. 195. B. C. D
 — — — diversæ factionis optimates convenit, quis rerum status sit, & quid in eo agendum, edocet. 195. E. F. 196. A
 — — — quæ possidet oppida, ipsumque Viglevanum Mediolanensi resignat imperio. 196. B
 — — — a Mediolanensibus rogatur, ut, exercitu dimisso, in patriam redeat. 197. A
 — — — eum convenisse cum hoste opinio increbrescit. 197. D
 — — — ab ea suspicione defenditur. 198. A
 — — — Gallos Mediolano educit. 198. E
 — — — diversa Mediolanensium de eo judicia. 203. B. C. D
 — — — Gallorum exercitum denuo versus Mediolanum ducit. 206. C
 — — — patriæ perfruendæ desiderio, fœdus inter Gallos & Venetos procurat. 215. E. 216. B
 — — — Helvetios ad idem fœdus trahere conatur, sed frustra. 216. D. E
 — — — haud longe Mediolano castra ponit, & de recipiendo in urbem Gallo tractat. 259. C
 — — — pro gloria, mox pro salute pugnat, & insignem victoriam obtinet. 265. A.
 — — — 266. D. 267. C
 Tri-

Trivultius (Jo. Jacobus) Cisalpinarum Transalpinarumque legionum Imperator declaratus, Brixiam aggreditur. 280. A. 281. C
 ————— urgente mala etate, commeatum impetrat. 282. D
 ————— consilium Imperatoris Gallos Mediolano deturbandi intervertit. 283. D
 ————— domesticæ sedis ruinam & demolitionem deprecatur, sed frustra. 287. E
 ————— ita sibi & Gallis prospexit, ut nulli seditiones per quam occasionem oriri possint. 289. D
 ————— (Renatus) vir bellicæ rei scientia præditus, Helvetios magna clade afficit. 267. C. D
 ————— (Theodorus) Ludovici XII. Mediolanum ingredientis satellitium agit. 29. B
 ————— Allobrogum Ductor insignis. 279. D
 Turcæ contra Venetos ab Imperatore Maximiliano sollicitantur, sed bello temperant, imo auxilia promittunt. 91. D. E
 Tusci plurimi Borgiano sceptro cedunt. 20. B

V.

Vallegium a Venetis subigitur. 218. B
 ————— ab ipsis deseritur. 221. B
 Vascones sub Gallis militant. 280. F
 Veneta Respublica commendatur. 47. A
 ————— ejus potentia omnium odia contraxit. 50. B
 ————— in ejus potentiam & magnitudinem mira subnotantur. 93. B. C. D. F. 94. A. B. F. 95. A. 96. B
 ————— quamdiu invicta steterit. 98. A
 ————— aliis præfertur. 101. B
 ————— ejus Commendatio. 129. D. 300. E
 ————— pene totius Europæ Dominos sola viribus suis invicta sustinuit. 129. E
 ————— multa hujus Reipubl. facta enarrantur. 130. D. seqq.
 Veneti Ascanii & Mauri Sfortiarum captivitate graviter exacerbantur. 12. C. F
 ————— eorum Oratores Ludovicum XII. Mediolanum ingredientem excipiunt. 29. D
 ————— Maximiliano Imperatore iter in Italiam parante, turbantur. 34. D
 ————— cum Gallis fœdera redintegrant. 34. F
 ————— defensionem parant. 35. A
 ————— eorum Oratoris ad Maximilianum Oratio. 38. C
 ————— inducias paciscuntur. 44. A. C
 ————— ab injuria expurgantur. 45. D
 ————— induciis cum Imperatore initis, Gallum experiuntur exacerbatum. 47. C
 ————— quare in ineundis induciis festinaverint. 47. D
 ————— Gallum lenire contendunt. 48. C
 ————— videntes, se a Gallis bello petitem iri, defensionem parant. 49. C. D. 50. D
 ————— Pontificem, ut Gallorum Regem placet, rogant. 49. D
 ————— coram Britannorum Rege agunt, ut in Gallias irrumpat. 50. A
 ————— Hispanorum & Germanorum amicitiam ambiunt. 50. A
 ————— externæ gentis auxilia & barbarorum manus cogunt. 51. A
 ————— quantus ipsorum fuerit exercitus. 51. A. B
 ————— Gallorum Regi formidabiles. 51. E. 52. A
 ————— Galliam, Germaniam, Hispaniam, Italiam, sed maxime Julium Pontificem habent infensum. 52. B
 ————— Pontificis inanes & frigidas iras despectant. 52. C
 ————— eorum diligentia & sollicitudo conjuratorum arma refringit. 52. E
 ————— quo jure varia in Appulia loca possederint. 52. F. 53. A

Veneti copias suas contra omnes hostes confederatos partiuntur. 54. C
 ————— primo in Gallos exercitum expedit. 55. A
 ————— eorum in exercitu Legati quantæ sint auctoritatis. 55. B. C. D
 ————— Viris ad exercitum contra Gallos missis Veneti Nominis Majestatem etiam atque etiam commendant. 55. C. F. 56. A
 ————— eorum fines a Pontifice invaduntur. 60. E
 ————— a Ferrariano Principe bello petuntur. 62. C
 ————— ab omnibus finitimis invaduntur. 74. E. F. 75. A. B. D. E. F
 ————— loca ipsis in Parthenopeo regno obnoxia amittunt. 75. A
 ————— eorum urbium præfecti, profligato ad Pandinum exercitu & capto Liviano, vix hostibus prospectis, portas aperiunt. 76. B
 ————— eorum Res a Cæsariana militia pulsata. 82. C
 ————— fortunam experiuntur mitiorem. 83. B. 84. A. 91. A. B
 ————— de pace solliciti Britannicum Pannonicumque Regem hortantur, ut cum Imperatore de pace tractent. 89. C
 ————— Imperatorem delenire tentant, sed frustra. 89. C. E
 ————— Nuringenses rogant, ut Imperatorem ad pacem moveant. 89. D
 ————— de Patavio contra adventantem Imperatorem defendendo solliciti. 91. E. F. 92. A. B. E. F
 ————— multis difficultatum nodis astringuntur. 92. C. D. E
 ————— novis indictionibus & tributis premuntur. 92. D
 ————— plurimos ab hostibus exactos in militiam recipiunt, & externos adsciscunt. 92. F. 93. A
 ————— Patavium defendere decernunt. 97. A
 ————— eorum justitia commendatur. 99. B
 ————— rem Patavinam imminenti discrimine vindicare decernunt. 102. E
 ————— Patavium omni modo muniunt. 102. F
 ————— eorum Imperatores quoque jurant. 104. D
 ————— delectam manum ad Veronam occupandam mittunt. 117. D. E
 ————— navales terrestresque copias in provinciam Ferrarianam parant. 118. E
 ————— non solum sua adversus potentissimos Reges tueri, sed intercepta repetere audent. 119. F
 ————— contra Mocenicum ab Auctore defenduntur. 123. E
 ————— cum Julio Pontifice fœdera percutere constituunt. 124. D
 ————— Maximilianum conditionibus oblatis in fœdus evocare nituntur. 124. D
 ————— Principes doctissimi ab Auctore prædicantur. 144. A
 ————— apud Maximilianum de pace frequenter agebant. 167. B
 ————— cum aliis in Gallorum perniciem coiverunt. 209. F
 ————— Helvetiorum odia incurrunt. 209. E. F
 ————— ab Helvetiis nimia pecuniarum & copiarum exactione gravantur. 210. A. C. D. E
 ————— eorum Legati ab Helvetiis petulanter traduntur. 210. B
 ————— Matthæo Sedunense Hostes pronuntiantur. 211. A
 ————— cum Hispano de urbe Brixia sibi tradenda conveniunt, quo postea pernegante, fœderi renuntiant. 215. C
 ————— cum Ludovico, Gallorum Rege, fœdera ineunt. 215. E. 216. B
 ————— Helvetios fœderum nexu sibi constringere conantur, sed frustra. 216. C. E
 ————— Livianum, ex captivitate Gallica reversum, Castrensium rerum arbitrum & militum Ductorem creant. 216. C. E. 218. A
 Veneti

Veneti publicæ quietis turbatores a Pontifice arguuntur. 217. C
 — in eorum perniciem exitiumque omnes laborant. 219. B
 — pacis præ cæteris appetentes, Verona abstinent. 230. E
 — eis per Inducias, quæ vero spernuntur, Patavium & Tarvisum cedunt. 231. B
 — inter eos & Germanos bellum recrudescit. 231. D
 — in Germanos crudelissime grassantes vindictam parant. 231. E. F. 232. A. B
 — tutelæ defensionique sociorum sollicitissime provident. 233. F
 — Osoquinos obsessos, & commeatus inopia laborantes, literis erigunt. 236. D. 237. E
 — Regem Gallie ad continuandum bellum, & rem e vestigio capeffendam hortantur. 255. B. C
 — ad Franciscum Gallorum Regem, Mediolano potitum, Oratores mittunt. 275. D
 — Brixie, Veroneque recuperandarum solliciti. 279. D
 — ad eos Leonatum, Asula, Sermonium desciscunt. 279. F
 — pacis cupidissimi, Matthæo Sedunensi omnia turbante, rem longe aliter succedere sentiunt. 297. F. 298. A
 — Pacem cum Imperatore incunt. 299. A
 — perduellionis reis edito publico veniam irrogant. 301. B. 304. B
 Venetiæ, unica urbs hoc bello strage militari subducta. 246. B
 — earum Commendatio. 246. B. C. 247. A. B
 — nisi videantur, non æstimantur, adagium. 248. C
 Venetorum Copiæ loca, quæ ad Gallos desciverant recuperant. 58. D. E. F. 60. A
 — Carolum Ambasianum fugant. 56. F. 57. A
 — a Gallis ad Pandinum victæ. 70. F. 72. E. F
 — summa in eorum exercitu confusio. 81. D. E. F
 — Casarianos ad Tarvisum fugant. 83. E
 — Patavium recuperant. 84. A. F
 — Cadubrium & Feltrum recipiunt. 87. E
 — Franciscum Gonsagam capiunt. 89. E. 90. F. 91. A
 — obsidione Patavii soluta, Venetias remigrant. 115. C
 — urbem liberam Civibus suis relinquunt. 115. C
 — post Patavium militari colluvie repurgatum, Vicentiam oppugnant. 116. A
 — Vicentiam recipiunt. 116. D
 — Veronam capere satagunt. 116. E
 — expeditionem Veronensem frustra suscipiunt. 118. B
 — magnam cladem ad Ferrariam perpeffæ sunt. 122. E. seqq.
 — nunquam infelicius pugnarunt, quam contra Ferrarianos. 123. D
 — Vicentiam iter dirigunt. 134. A
 — cum Germanis Italisque manus conferunt. 134. B
 — Axilium oppidum, quod Germani servabant, obsident. 147. C
 — oppidum & arcem obtinent. 147. C
 — Vicentiam ingressæ Reipubl. Venetæ signa disiecta restituunt. 150. A
 — segetem in agro Veronensi perurunt. 168. A
 — a Germanis Gallisque ad Villanovium oppidum superantur. 168. E
 — Cromonium capiunt. 173. E

Venetorum Copiæ præfectos militum in vincula coniectos Venetias perducunt. 173. E
 — Brixiam, Cremam, Cenomanos, Gal-
 lis adhuc parentes, subigere parant, & Placentiam applicant. 210. E. F
 — Brixiam frustra tentant. 211. C. 212. D. E
 — Gallos ad Padernum cedunt. 211. D. E. F
 — Cremam tentant. 211. C. 212. E
 — urbis præfecto muneribus & promissis circumvento, urbe, & postea arce, potiuntur. 212. F. 213. B. C
 — Helvetiis eunt obviam. 213. C
 — Verona frustra tentata, Pischeriam & Vallegium occupant. 218. A. B
 — Coloniam usque fugantur. 218. B
 — Pallavicinos fundunt & Cremonam occupant. 218. B. D
 — Brixiam frustra tentant. 218. D. E
 — Veronensem agrum vastant. 219. B. C
 — Lemniacum subigunt. 219. B. D. 220. A
 — Veronam iterum frustra tentant. 220. A. B. C. D
 — Pischeriam, Lemniacum & Rhodigium deferunt. 221. B
 — Bergomum capiunt & muniunt. 222. B. C. D
 — a Germanis & Hispanis funduntur. 226. C. 227. C
 — Hispanos & Germanos ad Laudem Pompejam improvise aggrediuntur & profligant. 229. C. E. 230. B. C
 — Germanos ad Bassianum non parva clade castigant. 234. A
 — Forum-Julii recipiunt. 239. A. E
 — ad Navonis portum Germanos superant & fugant. 239. A. B. D
 — in Maranianam expeditionem eunt, sed frustra. 240. B. 241. D. E
 — usque Tridentum penetrant. 243. E
 — Ateste capiunt. 244. A. B. C
 — Gallos cum Helvetiis haud longe Mediolano pugnantes, jamque de fuga cogitantes, adventu suo recreant. 266. F. 267. A
 — Brixianorum fines irrumpunt. 279. D
 — Pischeriam capiunt. 279. E. F
 — clade infami magis quam detrimento perniciofa afficiuntur. 280. B. C
 — eorum & Gallorum viribus conjunctis in Brixianam expeditionem itur. 280. A
 — obsidionem solvunt. 282. B
 — Germanos ad Amphum profligant. 282. E
 — Brixiam iterum aggrediuntur, & ad deditionem compellunt. 291. D. 292. B
 — Veronam aggrediuntur, sed mox inde recedunt. 292. D. E
 — ad expeditionem Veronensem iterum accinguntur. 293. C. D
 Venia reis concessa laudatur. 301. B. 302. E. F
 Venzonium Venetis se dedit. 173. F
 Verona ab Imperatore occupatur. 75. E. 76. A
 — a Gallis jure pignoris custodiebatur. 117. B
 — a Venetis frustra tentatur. 218. A. B. 220. A. B. C. D
 — ea Veneti, pacis appetentes, abstinent. 230. F
 — per inducias, quæ vero spernuntur, Cæsari cedit. 231. A
 — tumultibus turbatur. 245. A
 — ejus militares custodiæ Brixiam obsessam adjuturæ abeunt, & Venetos obvios fugant. 281. C. D
 — a Gallis & Venetis tentatur. 292. D
 — ex ea duo pugnatorum millia, ob stipendia non erogata, ad Venetos transeunt. 293. A
 — tributorum alimentorumque oneribus gravata tumultu agitur. 293. C


Verona omni vi oppugnatur. 293. D. 294. A
 — quæ de illa inter Cæsarem, Gallum, Hispaniæque Regem & Venetos pacta. 293. E. F
 — ab Hispano Gallis, ab his vero Venetis per pacis leges & conventiones traditur. 300. A. B. F
 Veronenses legatos de deditione suæ urbis ad Venetos mittunt. 117. D
 — rebus Venetis omni arte & studio favebant. 120. D
 Veronensis ager a Venetis vastatur. 219. B. C
 Vicecomes (Baptista) familiæ suæ Primas. 195. C
 — rerum Arbiter. 202. B
 — (Blancha) absolutæ probitatis fœmina. 24. B
 — (Franciscus Bernardus) Trivultium sui corporis objectu tuetur. 9. A. B
 — (Galeacius) donis a Jo. Jacobo Trivultio delinitur. 195. C
 — (Gaspar Ambrosius) miserabiliter ac fœde convolutus interiit. 3. B
 Vicecomites Jo. Jacobo Trivultio conciliantur. 195. C
 Vicentia ab Imperatore occupatur. 75. E. 76. A
 — a Venetis oppugnatur. 116. B
 — a Venetis fuit recepta. 116. D
 — a Germanis contra jus Gentium diripitur. 133. B. C
 — a Venetis obsidetur. 149. D
 — Paulo Balionio se dedit. 173. D
 — magno metu turbatur. 218. C
 — per inducias, quæ vero spernuntur, apud Leonem Pontificem in sequestrum deponitur. 231. B
 Vicentini barbaricum jugum abhorrent. 116. A
 — Venetæ Reipubl. erant studiosi. 116. A
 — urbem hosti, cum suis armis diffiderent, dedunt. 133. B

Victoria pugnatorum numero non constat. 98. D.
 — non numero sed virtute obtinetur. 99. B
 Victorius (Joannes) cohortis ductor, hostes intercipit. 241. B
 — Legatum foris agens, in hostem improvide dilabatur. 241. F
 Vigilantibus Jus Civile scriptum. 45. E. F
 Villanovium oppidum. 168. C
 Villicus furti reus dissolvitur. 205. B. C
 Vinum, aqua deficiente, equis propinatum. 237. E. F
 Vipolzanum oppidum Aluiso Delphino se dedit. 148. E
 Vir bonus semper tyro est, poetæ dictum. 36. F
 — virtute clarus & ingenio pollens aliquo tamen vitio laborat. 247. A
 Viretum Mediolani, late patens & amplum spatium. 204. B
 Virgilius quibus Italiæ laudes optime decantari posse existimaverit. 247. B
 Virgo venustissima, aliquo tamen deformatur. 246. F. 247. A
 Vitia virtutibus sunt proxima. 246. F
 Urbinas, copiarum Pontificiarum ductor. 60. E
 — Brizigellam capit. 61. A. C
 — Rusium tentat. 61. D
 — Venetorum copias oppido auxilio venientes fundit. 61. E. F
 — Oppidum transactione capit. 62. A
 — Ravennam, Bononiam, omnemque Flaminiam in Pontificis potestatem redigit. 209. B
 Urfini a Borgia e medio sublatis. 20. D
 Utinenses præ metu hostium oppidum relinquunt. 172. E
 Utinum a Germanis frustra tentatur. 88. F


F I N I S.














209




ANTIQ

ITALI

TOM V

P. 13



99